

《續修四庫全書》編纂委員會編

續修四庫全書



上海古籍出版社

五三八・史部・傳記類

國朝先正事略六十卷（卷一至卷三十三）

〔清〕李元度輯

2670/08

同治丙寅冬月
循陔州堂開雕

國朝先正事略序

余嘗以

夫清達人傑士超越古初而紀述闕如用為嘆憾道光之末聞
嘉興錢衍石給事儀吉仿明焦竑獻徵錄為 國朝徵獻錄因
屬給事從子應溥寫其目錄得將 札大臣循良忠節儒林文苑
等凡八百餘人積二三百卷借名人之神傳存名人之事蹟自
別京師久從征役而此目錄册者不可復視同治初又得鄧陵
蘇源生文集具述其師錢給事於徵獻錄之外復節錄名臣為
先正事略於是知錢氏頗有造述不惟鈔錄諸家之文矣又二
年而得吾鄉李元度扶藎所著先正事略命名乃適與錢氏相
同

國朝先正事略

卷一

合前此二百餘年未有成書近三十年中錢氏編摩於汴水次
青成業於湖湘斯足徵通儒意趣之同抑地下達人傑士其密
爽不可終闕也自古英哲非常之君往往得人鼎盛若漢之武
帝唐之文皇宋之仁宗元之世祖其時皆異材勃起俊彥雲屯
焜耀簡編然考其流風所被率不過數十年而止惟周之文十
暨我

聖祖仁皇帝乃閱數百載而風流未沫周自后稷十五世集大
成於文王而成康以泊東周多士濟濟皆若秉文王之德

朝

六祖

一宗集大成於康熙而雍乾以後英賢輩出皆若沐

聖祖之教此在愚氓亦似知之其所以然者雖大智莫能名也

聖祖嘗自言年十七八時讀書過勞至於咯血而不肯少休七

毫而手不釋卷臨摹名家手卷多至萬餘寫寺廟扁榜多至十

餘蓋雖寒峻不能方其專北征度漠南巡沿河雖卒役不罷

其勞祈雨禱疾步行天壇并醮醮齋醮而不御年逾六十猶扶

病而力行之凡前聖所稱至德純行殆無一而不備上而人象

地輿秣算音樂考禮行師刑律農政下至射御醫藥奇門卜筮

滿蒙西域外洋之文書字母殆無一而不通且無一不創立新

法別啟津途後來高才絕藝終莫能出其範圍然則雍乾諸道

國朝先王事畧 卷一 一

累葉之才雖謂皆

聖祖教育而成誰曰不然

今上皇帝嗣位大統中興雖去康熙時益遠矣而將帥之乘運

會立勳名者多出一時章句之儒則亦未始非

聖祖餘澤陶冶於無窮也如次青者蓋亦章句之儒從事戎行

咸豐甲寅乙卯之際與國藩患難相依備嘗艱險厥後自領一

隊轉戰數年軍每失利輒以公義糾劾罷職論者或咎國藩執

法過當亦頗咎次青在軍偏好文學奪治兵之日力有如莊生

所譏挾策而亡羊者久之中外大臣數薦次青緩急可倚國藩

亦草疏密陳李元度下筆千言兼人之才臣昔彈劾太嚴至今

內疚惟

朝廷量子衰省當時雖為吏議所格

天子終右之起家復任黔南軍事師比有功超拜雲南按察使

而是書亦於黔南告成

聖祖有言曰學貴初有決定不移之志中有勇猛精進之心末

有堅貞永固之力次青提兵四省屢歷仍振所謂貞固者非耶

發憤著書鴻編立就亦云勇猛矣願益以貞固之道持之可助

錢氏遺書參訂修補矜鍊歲年慎衰貶於錙銖酌羣言而取衷

終成

聖清鉅典上躋周家雅頌誓諾之林其尤足壯矣哉同治八年

國朝先王事畧 卷一 一

三月會國藩

李習之嘗歎魏晉以後文字黝昧雖有殊功偉德非常之蹟
閱嘗而不章而昌黎韓子則嘗欲作唐一經垂之於無窮
諛於既死發潛德之幽光論者謂其書若成當不在龍門扶風
下惜乎其未就也宋朱子撰言行錄取並世名臣事蹟件系而
條綴之爲後世法文雖不迨昌黎而扶翼世教厥功殊矣嗣是
杜大珪有名臣碑傳錄蘇天爵有元名臣事略徐鉉有明名臣
琬炎錄項篤壽有今獻備遺皆祖述朱子之意以成書者也我
國家

列聖相承重熙累洽炳焉與三代同風二百餘年名卿鉅儒鴻
達魁壘之士應運而起者不可殫數其計謀政績具在

國朝先正事略序

國史類非草野之士所能窺而其遺聞佚事嘉言懿行往往散
見於諸家文集中特未有查萃成書以備掌故而爲徵又考獻
之助者耳元度山居多暇徧閱

本朝人文集遇偉人事跡輒手錄之積久成先正事略六十五卷
分名臣名儒經學文苑遺逸循良孝義七門人爲一傳計五百
人附見者六百有八人亦當世得失之林也每空山月上一燈
熒然披吟斗室中如與諸鉅公才人節士聯襟倚袂親承其馨
款而上下其議論也如臨秦華嵩衡黃河瀚海之高深莫測其
顛委也如羅列的舞周鼎天球宏駁古光出几案莫敢逼視也
昔歸震川自恨足跡不出里閭所見無奇節偉行以發其文

章之氣今元度放廢歸田得網羅散失以成此編可謂極尙友
之樂矣桑甫履適奉于役黔東之

命以兩年心力所萃不忍微帚棄之也爰付諸剞劂氏客有議
其去取失當且息促成書慮挂一而漏萬者應之曰是固然然
以朱子之賢手訂言行錄如進王荆公黜劉忠定之類呂東萊
汪玉山皆不謂然即朱子亦自謂尙多謬誤况下此乎太史公
作列傳三千年中僅七十篇循吏儒林則皆止數人耳未有議
其疏漏者也惟是

本朝治跡磊磊軒天地遠邁唐宋元明世苟有昌黎習之考亭
其人者出其文章以潤色鴻業斯不負千載一時之盛若蒙者
國朝先正事略序

所述雖皆奇節偉行文字不足以張之然爲震川所竊笑耳抑又
聞蘇文定公曰古之君子不用於世必寄於物以自遺然則是
編亦寄焉耳矣何庸深校其得失哉客既退遂筆之簡端用以
就正海內君子焉同治五年三月既望平江李元度自序

國朝先正事略凡例

一我

朝治蹟隆古

主聖臣賢一時名公鉅卿鴻生碩儒後先輩出立德立功立言皆足傳之不朽惟國史藏

皇成草野無從徵考承學之士語及國家掌故先正典型往往知其名而莫能詳其事實良由文獻所徵無專書以資考證

也是編就昭伐先正分名臣名儒經學文苑遺逸循良孝義七閱采其勳績議論嘉言懿行各著於篇用以備遺忘而資觀感

而

國朝先正事略 凡例

列聖深仁厚澤稽古右文亦隨事可以想見使讀者油然而生忠

孝之心焉

一各事蹟皆采自私家傳誌郡邑志乘聞及說部仍正以

國史列傳有合十數篇為一篇者其間穿穴聯綴頗費匠心用

此亦不免稍失之繁律以史法及金石文字例幾可省其半以

事實所關甯詳毋略甯密毋疏昔全謝山表章前哲動輒數千

言意在使後之秉筆者據為底本區區之私竊附於此云爾

一敘述當代事蹟與史例不同史無論賢奸但有關繫者皆列

之是編仿名臣言行錄例專主揚善故所錄皆粹然純詣惟附

見者其例稍寬

一我 朝肇興東土開國佐命之英皆天潢貴胄位列親藩未敢授人先正之列即翊運勳臣之侑饗

太廟者若信勇公費英東宏毅公額亦都武勳王揚古利等皆立功天命天聰崇德開在

世祖統壹區夏之先故論入關後宣力文臣以范文肅公為始武臣以圖昭勳公為始而信勇公宏毅公武勳王各事蹟又皆詳列於其子若孫之傳首俾閱者備悉源流

一名臣一門內而閣部外而封圻其勢不能徧錄是編所述大約曾祀賢良名宦祠及有殊績異政列入一統志者然終以圖於見聞不免挂漏為憾嘗有偉烈鴻名夙所欽慕因未得其事

狀無從登入擬撰續編以臻詳備

國朝先正事略 凡例

一滿漢名臣有祖孫父子兄弟羣從並躋九列者略仿史記世家例彙列之以彰喬木世臣之盛

一 本朝名儒約分二派其恪守程朱家法者陸清獻陸桴亭張楊園諸先生也其兼宗陸王而不倍於程朱者孫夏峯湯文

正李二曲諸先生也清獻之學洵屬正宗其修正王學末流之功甚大近儒何丹畦續理學正宗唐鏡海著學案小識皆推二

陸為直紹洛閩之統然彭尺木程魚門嘗議清獻攻擊陸王太過未脫講學家習氣宗之者蓋彌甚焉唐氏學案既損夏峯不

錄復深致鄙夷其亦門戶之見而已矣夫一貫之旨曾子自行

入子貢自知入其有得於聖道一也伯夷之清柳下惠之和並子皆推爲聖未嘗是此而非彼也是編不分門戶淵源所在各以類從其議論之相反而適可以相救者均詳列之以俟後之君子論定焉

一 本朝經學亦分二派其專宗漢學以抵程朱之隙者毛西河惠定宇戴東原諸先生也其義理宗程朱仍博稽漢唐注疏者李安溪方望溪姚姬傳諸先生也自前明中葉士皆傲精力於帖括而根柢之學闕焉 本朝興樸學始輩出顧亭林閻百詩開風氣之先自後鉅儒接踵長洲惠氏高郵王氏嘉定錢氏三世皆以經術鳴漢學於是極盛然江子屏作漢學師承記凡

國朝先正事略 凡例

三

稍近宋學者皆損之阮文達刻 皇清經解千四百餘卷而安溪望溪之著述一字不收蓋幾於分茅設絕一時風氣所趨遂專以校殘舉碎爲功詆宋儒爲空疏拮擊不遺餘力抑又過矣夫漢儒之訓詁宋儒之義理相須而行闕一不可其激而互相勝負者皆末流之失也編惟

列聖作君作師

御纂諸經主宋儒之說而兼采漢唐注疏可謂折衷至當矣是編無論漢學宋學家皆詳錄其議論著述凡以屏除門戶之見而已

一 國初文章家以宋牧仲所撰侯魏汪三家稱最其後作者

國朝先正事略 凡例

代興無美弗備自望溪出而古文之義法特嚴劉海峯姚姬傳繼之遂有桐城派之目然姚氏古文辭類纂於八家及震川後繼錄望溪是矣又專錄海峯一若桐城外舉無足與於斯道者似亦未離門戶之見是編凡卓然成家者皆列之昔吾有先正其言明且清正復不拘一格耳

一 國初詩家推漁洋爲大宗荔裳愚山秋谷竹垞初白諸家聯鑣接軫前後兩韻科作者林立近人張南山輯詩人徵略採摭綦詳茲就其尤著者登之然疏漏實尙多也

一 國初遺老如徐侯齋沈眉生李盩園諸先生蟬蛻鴻冥鶴然不滓孔子所謂逸民幾無愧焉錄之以見天爵自尊百世下

國朝先正事略 凡例

四

猶可廉頑而立懦也至熊魚山方密之諸公事蹟已附見明史故不復登

一 循吏必詳著其政事風節使閱者知所效法可以坐言起行

一 孝義一門僅就最著者錄之以闡幽光維世教雖所錄無多然一代正史均不過數十人或十數人固無庸見少也

一 天文歷算之學亦莫精於 本朝蓋由 聖祖天直聰明穆參造化而梅定九陳泗源諸君又足以闢發之遂成龜詁阮文達作時人傳采錄至二百餘人茲僅錄定九

國朝先正事略 凡例

一照史志例尚須立忠義列女二門然忠義之遠著者多已列入名臣中近歲軍興以來死事者眾因未有成書無從采輯至列女不在先正之例故從闕如

一所分門類不過舉重而言如湯文正陸清獻張清恪楊文定沈端恪蔡文勤諸公應入名儒王文肅秦文恭胡文良阮文達諸公應入經學王文簡韓文懿錢文端沈文懿王爾泉諸公應入文苑惟以官蹟九列有勳業可紀故皆列名臣他若黎洲亭林而農亦名儒亦經學愚山剛主亦名儒亦文苑謝山西莊竹汀淵如雅存亦經學亦文苑竹垞姬傳亦文苑亦經學叔子躬菴亦文苑亦遺逸青主茶村亦遺逸亦文苑名雖區分實則無

國朝先正事略 凡例

五

容拘泥况經學本在儒林中尤屬分而不分也
一非史官不應為人作傳古人有言之者矣歸震川謂古作攷南先賢傳襄陽者舊傳者皆非蘭臺石室之臣也此論出而紀事之例始寬而憚子居則謂大傳非文集體目黎傳陸贄陽城俱不入本集中爰變其名曰遺事述其實仍傳體也是編曰事略亦猶憚氏之意爾
一湯文正徐文定陳恪勤事略中所述時相及當事構陷狀皆本望溪集外文在當時不無忌諱故未入集近始有按刻之者然彭尺木湯陳二公行狀即已采之蓋尺木曾見未刻稟耳此外若張清恪等傳皆有所本用此益見我

聖祖至聖至明百世後猶令人欽服焉
一公私著述儘挾恩怨於其間即其書可燒也是編自信無此弊閱者辨之

一鄧書燕說最足失真如袁簡齋所作陳恪勤等傳中多舛誤彭尺木嘗遺書評之邵青門所作閩典史傳魏默深亦嘗辨之蓋文人習氣多不暇覈實也是編博觀而慎取之不敢沿訛以誤後人

一古人如班之於馬多全襲其辭以後不可毛舉緣事蹟未可憑虛而構非故襲舊文也衛正叔纂禮記集說其言曰他人著書惟恐不出於己某此書惟恐不出於人可謂先得我心矣

國朝先正事略 凡例

六

一阮文達揚 國史儒林傳皆就各家述集句成篇仍分注所出於下彭尺木名臣儒行吏蹟述亦注明所據之本於篇末示非肌造也是編采書較多未暇一一注明所出然實無一字無來憑

一各家著述有可考者均詳列其書目卷數以備志藝文者之接討

一地名官名均據 本朝書之不從古稱其 詔諭奏劄亦多存其真所謂當時語也至滿洲蒙古姓名與春秋時人同其首一字非姓也故標題處皆先諡後名申之曰姓某某氏而文中則仍俗稱曰某公不復舉其姓以免累贅京江望溪集中皆有

此例

一元立行中書省於各路明改為布政使司 國朝因之而猶沿其稱曰省非其實矣洪稚存集中於此蓋斷斷焉是編以公私相沿既久姑仍其稱

一是編經始於甲子正月脫稟於丙寅正月藏書不多采摭未備又以荷載出山息促付梓難辭固陋之譏所望海內同志君子時惠郵筒匡其不逮則幸甚

國朝先正事略

凡例

七

平江 孔廣心澄齋

湘陰 蔣恭錄東觀校訂

平江 楊存蔚珩生

國朝先正事略目錄

平江李元度次青集

卷一名臣

范文肅公文程子忠貞公承謨 承勳 孫時崇 時輝

昭勳公圖賴

忠義公圖爾格

襄毅公津塔兄薩穆什哈 弟雅賴

文簡公希福子帥顏保

忠直公伊爾登

忠襄公陳泰

國朝先正事略目錄

襄敏公伊爾德

卷一名臣

敏壯公李國翰子海爾圖 桑額

敏壯公珠瑪喇

甯文毅公完我文恪公額色黑 襄壯公根特

文襄公圖海

勤惠公佟養性養甲 養量 養信 忠恪公國瑞 國瑞 國器 國棟 國印 世德 勤信公鳳

襄勤公佟圖賴子忠勇公國綱 端純公國維 孫法梅 會孫溫信公補熙 介福等

忠勇公石廷柱子華善 石琳 孫石文炳 石文晟

敬康公愛星阿 子恭懿公富善

卷三名臣

文忠公索尼

恪信公邊必隆 子恪敬公尹德

魏文毅公裔界

魏敏果公象樞

李文勤公爵 杜文端公立德

馮文毅公溥

姚端恪公文然

朱尙書之錫

國朝先正事略 目錄

二

卷四名臣

趙清獻公廷臣

李忠襄公率泰

吳文僖公正治

楊侍郎雍建 子若訥 孫守知

王文靖公熙

李文襄公之芳

敏果公米思翰 子貞襄公馬斯略 文穆公馬齊 勤恪

忠勇公白爾赫圖 蘇克薩哈 蘇納梅 朱勤愍公昌祚

卷五 名臣

襄壯公費揚古

襄毅公賚塔

施清惠公維翰

郝中丞浴 楊素蘊

湯文正公斌

靳文襄公輔

文端公伊桑阿

宋文恪公德宜

卷六 名臣

王文簡公士禎 兄士祿 士祐

國朝先正事略 目錄

三

熊文端公賜履

文端公顧八代 孫顧琮

恭勤公瑪爾漢 桓信公馮國相

李文定公天馥

陳文貞公廷敬

徐相國元文 弟秉義

葉文敏公方藹 沈文恪公荃 吳文恪公士玉

卷七 名臣

吳文端公瑛

張文貞公玉書

于清端公成龍

彭中丞鵬 郭秀

張文端公英 子廷瓊 廷璣 廷濬

李文貞公光地 子鍾倫

清端公傅臧塔

文清公阿蘭泰 子文恭公富爾安

卷八 名臣

高忠烈公天爵 子其猷 文恪公共位 猶子文良公共

甘忠果公文焜 李興元

傅忠毅公宏烈

國朝先正事略 目錄

四

馬文毅公雄鎮 子世濟

陳忠毅公丹赤 葉忠節公映樞

襄壯公莽依圖

恭靖公佛尼勒 子忠勇公特楞額

楊清端公宗仁 子文乾

卷九 名臣

姚尚書啟聖

朱尚書學 子至

陸清獻公隴其

趙恭毅公申喬 弟申季 子能紹

張文端公鵬翮

徐尚書乾學

文定公徐元夢

文清公格爾古德

卷十 名臣

韓文懿公蒞 子孝基

徐文敬公潮 子文穆公本

陳清端公詵 子文勤公世倌 從弟文簡公元龍

王文恭公項齡 弟九齡 鴻緒

劉中丞蔭樞

國朝先正事略 目錄

五

張清恪公伯行

田文端公從典

黃侍郎叔琳 弟叔璣

卷十一 名臣

趙襄忠公良棟 子宏燦 宏燮

王忠勇公進寶 子川亨

孫襄武公思克

梁敏壯公化鳳 子豫

楊敏壯公捷

施襄壯公琅 子世綸 世驥

續修四庫全書 史部 傳記類

藍軍門理

許少傳貞

卷十二名臣

陳恪勤公鵬年 子樹芝 樹著

楊文定公名時

朱文端公軾

陳清端公瑣

勤恪公齊蘇勒

潘襄勇公育龍 孫紹周 從孫之善

殷軍門化行

國朝先正事略 目錄

本

藍襄毅公廷珍 孫襄毅公元枚

卷十三名臣

文端公鄂爾泰

張文和公廷玉 子若靄 若淑 勤恪公若淳

文端公福敏

文襄公兆惠

勵文恪公杜訥 子文恭公廷儀 孫宗蜀

史文靖公貽直

沈端恪公近思

蔣文肅公廷錫 子文恪公溥

卷十四名臣

岳襄勤公鍾琪 弟莊恪公鍾璜 子濬

嵇文敏公會筠 子文恭公璜

方侍郎苞 兄舟

余府丞甸

李侍郎紱 孫友棠

蔡文勤公世遠

張文敏公照

甘莊恪公汝來

卷十五名臣

國朝先正事略 目錄

七

孫文定公嘉淦

胡文良公煦 子莊敏公季堂

徐中丞士林

謝觀察濟世

楊文敏公超曾

錢文端公陳羣 子汝誠 錢維城 錢載

沈光祿起元

尹侍郎會一

卷十六名臣

陳文恭公宏謀 元孫繼昌

文端公尹繼善 子文恪公慶柱

劉文正公統勳 子文清公壻

王文肅公安國 子念孫 孫文簡公引之

汪文端公由敦 子承霽

潘敏惠公思傑

彭尚書啟豐

楊勤愨公錫教

卷十七 名臣

梁文莊公詩正 子同書

雷副憲鉉

國朝先正事略 目錄

陳文肅公大受

文襄公舒赫德

劉文定公綸 子躍雲

秦文恭公蕙田

蔡文恭公新

曹文恪公秀先 李恭毅公湖 彭文勤公元瑞

卷十八 名臣

文忠公傅恆 子福靈安 福隆安 福長安

文成公阿桂

胡恪靖公寶琮

方敏恪公觀承 子勤襄公維鈞

莊尚書有恭

沈文愨公德潛

裘文達公日修 子恭勤公行簡

梁文定公國治

卷十九 名臣

朱文正公珪

襄烈公傅清

壯果公拉布敦

義烈公班第

國朝先正事略 目錄

剛烈公鄂容安

果烈公明瑞 弟奎林

襄壯公阿里衮 子赫武公豐仲額

陸中丞燿

卷二十 名臣

王侍郎昶

紀文達公昀

畢尚書沅

劉文恪公權之

王文端公杰

孫文靖公士毅

董文恭公誥

王文僖公懿修 子宗誠

卷二十一 名臣

吳宮保熊光

錢通副禮 曹錫寶 謝振定 武億

文敏公百齡

孫相國玉庭 蔣汝錡

戴文端公衢亨

金尚書光悌 戴簡恪 公敦元

國朝先正事略 目錄

十

董文恪公教增

阮文達公元

卷二十二 名臣

文襄公福康安

文清公松筠

李忠毅公長庚

王壯節公文雄 子珩

朱勇烈公紉斗

忠毅公額勒登保

壯果公德榜泰

文襄公長齡

卷二十三 名臣

楊忠武公遇春

文毅公那彥成

汪文端公廷珍

楊勳勇公芳

嚴廉訪如燈

劉方伯清

傅廉訪勳

潘文恭公世恩

國朝先正事略 目錄

十一

卷二十四 名臣

趙文恪公慎軫

湯文端公金釗

姚文僖公文田

盧敏肅公坤

朱莊恪公桂楨

鄧制軍廷楨

陶文毅公澍

何文安公凌漢

卷二十五 名臣

林文忠公則徐

栗恭勤公毓美

陳忠愍公化成

王剛節公錫朋
節公國鴻

葛壯節公雲飛

鄭忠

吳文節公文鎔

杜文正公受田

翁文端公心存

李文恭公星沅

呂文節公賢基

卷二十六名臣

江忠烈公忠源

弟壯節公忠濟

國朝先正事略

目錄

主

忠武公塔齊布

羅忠節公澤南

李忠武公績賓

鄧忠武公紹良

胡文忠公林翼

何文貞公桂珍

畢剛毅公金科

趙忠節公景賢

卷二十七名儒

孫先生奇逢

子博雅
魏一龍

黃先生宗義

弟宗炎
宗會

李先生隨

李柏

王心敬

孫景烈

馮雲程

惠思誠

顧先生炎武

張昭

吳任臣

王先生夫之

兄介之

子敬

陸先生世儀

葉敦良

盛敬

汪士韶

張先生履祥

何汝霖

凌克貞

沈磊

吳嘉玲

陳柱

張先生爾岐

孫若葦

卷二十八名儒

陳先生瑚

高先生世泰

高愈

顧樞

劉灼

吳慎

施璜

汪燧

沈先生國模

史孝咸

管宗聖

韓當

邵曾可

邵廷

國朝先正事略

目錄

主

刁先生包

子再廉

王餘佑

張潛

謝先生文海

宋之盛

甘京

章燧

黃采

黃熙

沈先生昀

姚宏任

應先生搗謙

凌嘉印

沈士則

秦雲爽

胡先生承諾

陳大章

劉夢龍

卷二十九名儒

李先生生光

黨成

陶世徵

朱先生用純

顧培

潘天成

湯之琦

金猷

王誥生

劉先生原淥

姜國霖

法坤宏

白先生奐彩

寬湛

王化泰

張承烈

馬嗣煜

續修四庫全書 史部 傳記類

施先生閔章

曹先生本榮 張貞生

耿先生介 張沐

汪先生佑

卷三十名儒

范先生錡鼎 王端

張先生烈 陳法

黃先生克勤

勞先生史 桑調元 汪鑒

李先生來章 冉觀祖

國朝先正事略 目錄

彭先生定求 弟需求 孫紹升

李先生球 顏元 王源 劉齊 張自超 劉捷

張先生鵬翼 童能靈 李圖南 李成文

卷三十一名儒

朱先生澤溟 潘恬如 錢良 任德成

徐先生世沐

向先生璿 黃良輔 程登泰

李先生文昭 唐繼

王先生懋竑

孟先生超然 謝金鑾

鄭先生文炳

伊先生朝棟 子象

閔先生循觀 韓夢周 滕綱 任瑛

鄧先生元昌 宋昌圖

姚先生學埃 潘詒 劉傳奎

卷三十二 經學

閻先生若璩 李鎰 楊開沅 吳玉搢 宋鑑

萬先生斯大 子經 猶子言

萬先生斯同

錢先生秉鈺 方中通 方中履

國朝先正事略 目錄

馬先生騶 王爾恭

毛先生奇齡 陸邦烈

朱先生鶴齡 陳淑源

劉先生獻廷

卷三十三 經學

梅先生文鼎 孫文穆 公穀成

薛先生鳳祚 唐夢賢

王先生錫闢 談泰

陳先生厚耀

胡先生渭 葉佩蓀 黃儀 顧祖禹

何先生焯 沈彤 陳景雲 陳黃中

惠先生士奇

陳先生祖 蔡德晉

臧先生璠 臧庸 臧理堂

卷三十四 經學

顧先生棟 高 吳鼎 梁錫瑛

徐先生文靖

江先生永 汪紱 金榜

任先生啟運

全先生祖望 盛世佐

國朝先正事略 目錄

本

焦先生循

惠先生棟

王先生鳴 盛 鳴 金日追 費士璣

錢先生大所 弟大昭 猶子塘 玷 伺

卷三十五 經學

朱先生筠 李威

盧先生文韶 孫志祖 丁杰

邵先生晉涵

戴先生震 段王教 龔雁正

孫先生星衍

洪先生亮吉 趙懷玉 莊炳 劉逢祿

洪先生榜 洪 程瑤田 汪龍 汪萊 羅永符 洪

任先生天椿 任兆麟 李博 宋綿初 秦恩復 黃水

孔先生廣森 孔繼圖 郝懿行 鄭鶴翁 趙會

卷三十六 經學

周先生永年 桂馥

程先生冠祚

崔先生述 陳履和

張先生惠言 董士錫

汪先生中 賈田祖 江德量 顧九苞 顧鳳毛 鍾異

國朝先正事略 目錄

本

凌先生廷堪

余先生蕭客 江籊 汪元亮 袁廷樞 鈕樹玉

江先生聲 顧廣圻 徐頤 稽寅亮

鄒先生漢勛

卷三十七 文苑

侯先生方域

魏先生禧 兄際瑞 弟禮 彭士望 林時益 李騰蛟

宋先生琬 田雯 曹貞吉 顏光敏 王萃 徐夜 謝

熊先生伯龍 劉子壯 金德嘉 顧景星 張仁熙 謝

江先生琬 褚篆

王先生猷定 陳宏緒 徐世溥 歐陽城元

梅先生清 梅庚 高詠 袁啟旭

丁先生澎 陸圻 柴紹炳 毛先舒 毛際可 孫治

卷三十八 文苑

計先生東 潘未 徐鈞 吳光騫

黃先生與堅 周肇 顧湄 許旭 王撰 王應 王昊

王撰 王林 王曜升 吳璟 崔華 郁

馬先生世俊 鄭忠倚 孫承恩 廖彤 陸肯堂 汪鐸

葉先生燮 顧有孝 鈕琇 李重華 顧我筠

陳先生元孝 屈大均 梁佩蘭 程可則

國朝先正事略 目錄

六

趙先生執信 吳雯 馮廷樞 馮班

孫先生枝蔚 王又旦 李念慈 張恂 王宏撰 李楷

邵先生長衡 董以甯 鄒祇謨 陳玉璫

卷三十九 文苑

彭先生孫適 倪燦 汪霽 徐嘉炎 沈珩 沈錫 方

尤先生侗 馮勛 范必英 錢中諧 曹禾

朱先生彝尊 嚴繩孫

陳先生維崧 吳綺 章藻功

李先生因篤

汪先生楫 汪懋麟

李先生澄中 龐璫 米漢雯 袁佑 崔如岳

喬先生萊 邱象隨 李鎰 張鴻烈 鄧漢儀 吳嘉紀

卷四十 文苑

陸先生業 兄子奎勳

杜先生詔 潘高 許廷鏐 李果 盛錦 翁照 黃之

湯先生石曾 嚴沆 徐倬 李鄰嗣 汪文柏 沈用濟

姜先生宸英 嚴虞惇

查先生慎行 查昇 查嗣璫

汪先生份 吳廷楨 張大受 顧嗣立 黃越 王步青

周先生質 王翊 范路 朱一足 沈進 李麟友 李

國朝先正事略 目錄

七

藍先生鼎元 朱仕秀 黃任

王先生文清 郭煥 羅典 余廷燦 唐仲冕

卷四十一 文苑

鄒先生一桂 黃勤敏 公鉞

張先生鵬 曹仁虎

諸先生錦 楊度 汪 沈廷芳 夏之蓉 徐士璠 周長

杭先生世駿 厲鶚 符曾 汪沅

齊先生召南 陳兆崙

劉先生大櫨 方世舉 方貞觀

胡先生天游 周大樞 萬光泰 金農 陳撰 丁敬

沈先生炳震 弟炳謙

馬先生日瑄 馬日瑄 趙昱 趙信

卷四十二 文苑

趙先生青黎 汪越

黃先生永年 陳道 魯九皋 陳用光 吳嘉賓

袁先生枚 王文治

寶先生光胤 趙佑

邵先生齊燾 王太岳 劉星燁 吳錫麟 曾煥 吳重

翁先生方綱

蔣先生士銓 子知康 樂鈞 知讓 楊屋 汪朝 吳嵩梁

國朝先正事略 目錄

陸先生錫熊 嚴長明 吳泰來 趙文哲 程晉芳

卷四十三 文苑

趙先生翼 鄭夔

姚先生翦 吳定 姚學 劉開 吳德旋 梅曾亮 管

張先生九鉞 張九錡 張九錫 張九錫 張九錫

鐵先生保 麥麟 李錯

秦先生瀛 管世銘

法先生式善 王芭孫 何道生

惲先生敬 李兆洛 湯貽汾

舒先生位 王翼 孫源湘

卷四十四 文苑

張先生問陶 彭端淑 李調元

黃先生景仁 楊芳燦 楊揆

黎先生簡 張錦芳 馮敏昌 溫爾适 趙希璜 胡亦

宋先生湘 張維屏

鮑先生桂星 程恩澤

許先生宗彥

鄧先生顯鶴 歐陽輅 魏源 湯鵬

陳先生洪綬 崔子忠 羅聘

王先生翬 黃鼎

國朝先正事略 目錄

鄧先生石如

卷四十五 遺逸

徐先生枋 戴易 巢鳴盛 沈慶生

沈先生壽民

汪先生風

郭先生都賢 陶汝鼎 郭金臺

何先生宏仁

李先生天植 鄭嬰垣 劉永錫 陸元泓

邵先生以貫 張廷賓

余先生增遠

卷四十六 遺逸

惟先生日初 子壽平

祁先生班孫 魏耕

沈先生光文 張士柳

陸先生宇燦

周先生元懋

傅先生山

張先生怡

李先生權 甯宏

卷四十七 遺逸

國朝先正事略 目錄

夏先生汝弼 郭履躡

唐先生訪 瞿龍躍

張先生蓋 申涵光 殷岳

李先生世熊

董先生說

芮先生城 湯泰亨 戴笠 徐白

李先生魁春

陳先生南箕 弟觀

卷四十八 遺逸

鄧先生大臨

張先生若化 弟若仲

夏先生道一 李孔昭 張翼星 杜慈

杜先生濬 弟芥

王先生大經

吳先生光

陳先生五簋 李之宣 李嘗之

八大山人

一壺先生

卷四十九 循良

路太守鍾麟 崔宗泰

國朝先正事略 目錄

白刺史登明

宋刺史必達

趙給諫吉士

李明府麟

任寺丞辰旦

楊太守朝正

陸明府在新

卷五十 循良

張通守壘

董都憲宏毅

劉明府繼聖
衛太守立鼎
遲明府維坤
張太守克疑
王廉訪縉
劉方伯榮
陶刺史元淳
卷五十一 循良
莊副使亨陽
陳少卿汝成
國朝先正事略 目錄
佟刺史國瓏
夏明府熙澤
沈明府光榮
陸觀察師
張明府士琦
陳方伯德榮
周太守中鉉
卷五十二 循良
施明府昭庭
葉太守新

葉觀察士寬
翁刺史運標
蔣郡丞祝
朱明府宏仁
龔明府鑑
童太守華
卷五十三 循良
王太守時翔
牛明府運震
李太守大本
國朝先正事略 目錄
周觀察克開
鄧太守夢琴
李明府炯
朱明府休度
汪明府燠祖
劉明府大紳
李方伯磨芸
卷五十四 循良
張明府吉安
史刺史紹登

蓋太守方泌

劉觀察衡

李胡府毓昌

彭戶部永思

俞都轉德淵

石郡丞家紹

張明府琦

白協戎雲上

卷五十五 孝義

趙孝子希乾 閔孝子

國朝先正事略 目錄

美

黃孝子向堅 顧廷琦 劉龍光

錢孝子美恭 劉獻煜 劉德燮

顏孝子伯璟

陳孝子嘉謨 賀上林 何士閔

曹孝子超 張維德 張振祚 薛文 薛化禮

王孝子原

耿孝子耀 耿極 耿光 耿於彝 耿輔

卷五十六 孝義

劉孝子恩膺 子青藜 王珽 李恂 劉星 郭培墉

顏孝子中和 顧鼇

吳孝子紹宗

朱孝子壽命 蕭日瑛

楊孝子文蔚 蕭日瑛

張孝子燾 郭居鼎 江大賓

鄭孝子江 吳國肇 何履旭 李盛山 林開登

謝孝子獻恂 陳開運 賴用賢 李人鳳 李人彪 余

沈孝子萬育

卷五十七 孝義

王孝子恩榮

謝孝子萬程 王全

國朝先正事略 目錄

美

蕭孝子啟聖 弟鳳騰

王孝子麟瑞 劉必泰 邱永敬 胡士宏

黃孝子農 子商衡

胡孝子隆

林孝子長貴 弟長廣 黃學朱

李孝子維煌

卷五十八 孝義

黃孝子洪元

盧孝子必陞

周孝子士晉 潘德馨

施孝子聖揆 楊嘉植

劉孝子炳

任孝子遇亨 任裕德

劉孝子鑑

曹孝子起鳳

卷五十九 孝義

汪孝子一元 汪一崧 王品璋

張孝子大觀 蔡應素 楊瑛 劉芳

常孝子裕綸 史印曾

范孝子仲光 朱有合

國朝先正事略 目錄

天

奚孝子緝營

鄧孝子觀瀾

潘孝子瑯

龐孝子佑

卷六十 孝義

湯孝子淵

黃孝子有則

胡孝子其爰 潘周岱

高孝子啟燮

朱孝子修來

吳孝義紹先 蘇良昌

李孝義長茂 黃成富 陳福 譚衿

吳孝義鶴錫

國朝先正事略 目錄

天

平江 孔廣心澄齋

湘陰 蔣恭鑑東菴校訂

平江 楊存蔚玠生

國朝先正事略 目錄終

國朝先正事略卷之一 名臣

平江李元度次青纂

范文肅公事畧 子忠貞公承謨 承勳 孫時崇時鐸等

國家肇興東土光宅方夏開國佐命之英皆天潢貴胄位列親藩勲在冊府未敢援入先正之列即翊運動臣之侑饗

太廟者若信勇公費英東宏毅公額亦都武勳王揚古利等又皆立功天命天聰崇德間在

世祖章皇帝統壹區宇之先故論入關後宣力文臣必以范文肅公稱首公歷事

太祖

國朝先正事畧 卷一名臣

太宗當 王師入關時首定大計勸進兵 詔勅檄諭皆出其

手終

世祖朝位元輔經營草昧用弼成我 國家丕丕基業於

聖祖康熙五年躬閱 四朝登上壽子孫繼武為國宗臣視漢之鄼侯留侯唐之房杜宋之趙中令元之耶律文正明之誠意

伯有過之無不及已公諱文程字憲斗瀋陽人本宋文正公仲淹後少穎敏沈毅讀書通大義為諸生天命三年杖策謁

太祖高皇帝於撫順俾其貌詢其家世謂諸貝勒曰此名臣後也厚遇之 命直文館參預帷幄天聰三年我軍解大安圍克

遵化五年招降大凌河城六年陳進取秘計七年援明將孔有

德來歸皆公策也會初收固山額真廷議首推公

太宗曰此一軍職耳范章京朕之心膂其別議之時宏文館尙

未有大學士而公所領皆樞密重事每 召對夜漏逾數十刻

始出或未及食息復奉 召幸以為常崇德二年改六館為內

三院授公秘書院大學士加世職二等甲喇章京每議大政輒

資籌畫八年撥隸漢軍鑲黃旗是歲

世祖嗣服明年為順治元年四月流賊李自成陷明北京明將

吳三桂來乞師

上召公於湯泉決策進兵公力疾趨朝建議曰自闖賊猖狂中

原塗炭近且傾覆京師戕厥君后此必討之賊也雖擁眾百萬

國朝先正事畧 卷一名臣

橫行無忌然揆其敗道有三逼殞其主天怒矣刑辱搢紳拷劫

財貨士憤矣掠民貨淫人婦女火人廬舍民恨矣備此三敗行

之以驕可一戰破也我 國家上下同心兵甲選鍊誠聲罪以

討之恤其士大夫拯厥黎庶兵以義動何功不成又言好生者

天地之德也兵者聖人不得已而用之自古未有嗜殺而得天

下者今誠欲統一區夏非又安百姓不可於是大軍遂發公扶

病隨征申嚴紀律秋毫無犯妄殺者罪之二十二日入關大戰

敗賊兵二十萬我軍長驅而西民多逃匿公草檄宣諭言義兵

之來為爾等復君父仇非敵百姓也今所誅者惟闖賊官來歸

者復其官民來歸者復其業必不爾害民心遂大安五月朔攝

政者親王多爾袞帥師入燕京公建議首先為明帝發喪易梓宮備儀衛議號為文紀其事十月朔

世祖定鼎公疏請撫遺黎起廢斥定冊籍減賦額盡除明季加派稅餉厥後諸弊政皆晝夜在闕下事無巨細應機立辨開國

規制公手定者為多中原既定請再行鄉會試以致人材國用不足請與屯田又上保舉連坐法 詔皆立予施行累加一等

梅勒章京及一等男世爵 賜號巴克什六年任議政大臣纂修實錄加世爵至一等子晉少保兼太子太保以疾乞休 優

詔許暫解職調理病痊即 召用特加太傅兼太子太師世祖親調藥餌賜十四年 詔遣畫工就第圖公象藏於

內府康熙元年 國朝先正事畧 卷一 名臣 三

上諭閣部曰原任大學士范文程希福甫完我額色黑皆太宗文皇帝股肱之臣勲勞最著其子宜擢用越四年公薨

聖祖震悼輟朝二日再遣大臣致奠 賜祭葬加等 子詮文肅 御製碑文勒墓上五十二年 御書元輔高風額其祠公嘗言天下治安惟在得賢庶官中有一管不掩者悉為奏請漸擢後皆稱職於直臣善類尤力保全性廉慎好施與器量宏深人莫測其喜怒焉雍正中 詔入祀賢良祠長子承斌襲一等子爵四子承烈字彥公累官戶部侍郎

次子承謨字觀公順治九年進士由編修累遷國史院學士康

熙七年巡撫浙江故事督撫受事必劾不法吏兩司列狀請公閱而晒曰是欲吾舍豺狼而問狐狸也還之一日出片紙盡列

兩浙豪惡姓名及墾吏之尤者劾盡真之法聞者皆悚息會杭嘉湖水災奏貸庫銀八萬兩買米平糶并請蠲緩又許最貧者

得附老弱例肩鹽自給全活者多先是甯台溫處金衢諸府屬荒田經前總督趙廷臣請除額賦有 旨命承謨履勘至是遍

歷其地奏豁荒田地二十九萬四千六百畝有奇水衝田地二萬一千九百畝有奇十年因疾解任浙江總督劉兆麒提督塞

白理各據民詞顯畱給事中姜希轍柯聳御史何元英等亦言其愛民如子劾貪除猾杜加耗私派陋規單騎勘荒悉心賑恤

國朝先正事畧 卷一 名臣 四

浙人愛戴請 特勅勉畱有 旨俯順民情畱原任在浙四載民安其治每出巡山農進瓜果脫粟飯受食之日與父老童稚

接以故悉民疾苦得設施拯恤十一年擢福建總督以疾辭不允請 陛見許之明年入覲 上遣御醫診視 賜葠藥趣赴新任解 御衣冠及鞍馬 賜之初福建總督駐漳州至是將撤靖南王耿精忠藩屬回京 特命移駐福州抵閩疏陳軍屯之利請令士卒墾荒地六年始 裁其餉又言閩人生計非耕即漁自海禁嚴徙沿海民居內地 廢民田二萬餘頃虧賦額二十餘萬請聽民沿邊捕採取魚課 以益軍餉十二年吳三桂反雲南承謨密疏言功令考成過重

盜案處分過嚴致有司專務催科且諱盜請以寬大繫民心會
精忠陰附三桂公察其有異志計督撫標兵少又與精忠所部
習不足恃乃疏請增兵復舊額又請巡海嶠起漳泉閱鎮兵以
通制之疏上未及行客謂公曰滇氛已及楚矣盍以備鄰封為
辭出據其上流乎公曰彼逆猶未發也我動彼且得閒謂我據
地陰圖之因以怒其下是我失守而激變不可為也乃密檄諸
道將以調新總督為名各率健兒赴行省用折逆謀事未集而
精忠叛是年三月精忠詭言海寇至邀與計事巡撫劉秉政附
精忠促之行公知有變左右請環甲以從曰眾寡不敵備無益
也乃坦然按轡至則逆眾露刃相脅公挺身前罵賊精忠素憚

國朝先正事畧 卷一 名臣

五

其威望恐殺之重民怒乃閉諸土室置守者三十二人絕粒八
日不死精忠遣秉政說降秉政且進且揖公奮足蹴之仆地罵
曰逆臣不日當就誅我先禡其魄在械所三載冠 御賜冠衣
辭母時衣每朔望奉時憲書一帙北面再拜聞為詩文以桴炭
畫壁上被繫時部曲有張福建者手雙刀奮呼奪門連斃賊力
竭而死蒙古人嘛尼守者三十二人之一也感公忠義謀令出
走事泄精忠將磔之大言曰吾甯與忠臣同死不願與爾逆賊
同生十五年九月 王師入仙霞關精忠將降冀飾辭免死恐
公暴其罪遣逆黨逼令就縊以滅口時賊以夜至公起索冠賊
奪而擲之乃以械扶擲冠者頭尋整衣望 闕九頓首就縊

答無錫積永仁會稽王龍光華亭沈天成從弟承譜及親屬家
丁隸卒五十三人並遇害舊役王道隆以奉使還至延平聞變
自刎死賊焚公尸棄之野秦甯騎兵許鼎預伏宿莽中乘夜收
得殮體明年潛負至京師

天子震悼遣內大臣奠爵 贈兵部尚書加太子少保廢一子
入監 賜祭葬諡忠貞 御書碑文 賜其家十九年精忠赴
市朝日公子時崇手斫其肉以祭墓福建士民立專祠於道山
御書祠額曰忠貞炳日所著有吾廬存稿蒙谷白序百苦吟及
書壁遺稿時崇以稿進呈
聖祖親製序雍正中 詔入祀昭忠祠

國朝先正事畧 卷一 名臣

六

三子承勳字蘇公由員外郎授御史論事侃侃疏言八法以貪
為首貪吏僅羅薄譴何憚不為請按律嚴擬毋徇庇下部議行
尋改吏部郎中康熙二十年川東賊譚洪復叛 詔領禁兵會
勦且督滇餉承勳以赤水地少米勸諭土司輸粟麥給軍預遣
官赴滇 截陷黔餉師以不匱二十三年九卿題 旨舉廉吏承
勳與焉擢內閣學士明年巡撫廣西容鬱等州縣先陷賊奏免
追通賦又明年擢雲貴總督至即整飭營伍捐俸建學宮置禮
樂器聘名士纂修通志所規畫動中機宜威惠大著夷中有魯
魁山跨連數郡諸裸窟穴其中時出劫掠馳檄曉以利害渠魁
楊宗周等遂籍土以獻時窮搜吳三桂舊部解送京師承勳奏

請已入伍者許仍歸伍。其來歸者分別發營。願歸農者聽於農。軍民貽然。二十七年雲貴左協兵變。縱火殺掠。省城兵與通約。七月二十日夜分舉事。公偵知之。是夜擒首惡唐金等。令終夕擊二鼓。賊驚聞曉鐘。始知事泄。皆就縛。誅十有三人。而定左協叛兵潰走。黔欲入楚。公謀知所向。先檄諸路勒兵。賊方攻交水。各路兵至夾擊。賊窮蹙乞降。斬首惡二十餘人。亂遂靖。魯魁降賊李尚義。普為善等復出掠。遣兵攻入其營。尚義死。為善面縛投誠。自是諸夷揚息。官斥藩莊核其價。省民間溢費二十餘萬。金在滇九年。所積毒弊甚多。而清鹽筴不得按戶却派。酌道甲遠近定支撥軍餉條例。吏不得巧法賤民。至今賴之。茲六衛五

國朝先正事略 卷一 名臣

七

所併歸州縣。逃亡皆復故土。三十二年入覲。聖祖曰。爾係盛京舊人。爾父累朝效力。爾兄又為國捐軀。朕因見爾思及爾兄心為慘切。不見爾。八九年矣。爾鬢髮遂皓。白如此。耶解。御用貂冠貂褂狐白裘。賜之弁。賜御書世濟其美。額明年內遷左都御史。尋督兩江。初公在滇。黔發奸糾暴。無所貸。至是專務清靜。以與民休息。奏免民賦者五。豁陷賊州縣所失資備無算。駁正漕督誤題入額賦者一歲。大祿奏發米穀九十三萬石。有奇。賊帑先發後聞。議有格而復奏。至再三者均蒙特允。鹽城令某貪橫。以與要人有連。大府不敢呵。公下車有寡婦某訟之。立斥罷。三十八年授兵部尚書。四十三年請老。允

之加太子太保。晉五級。五十二年薨。遺疏入。諭稱其敬慎自持。勤勞久著。賜祭葬如例。

承謨子時崇。由廕生。授知州。累遷府道。貴州福建按察使。山東布政使。康熙四十四年巡撫廣東。命兼理鹽政。

上發函章。諭以兩廣鹽政積弊甚多。朕已察得數條。特命查辦。時崇疏陳鹽政七則。一鹽政衙門。歲有羨餘十萬兩。宜盡充公用。有一種盡得者。日發收於鹽政初蒞時。任意播弄。導以急

羨餘而緩正課。宜革除。一鹽政遺內差坐守場口。名為緝私。止知勒索。宜禁革。而以緝私責成地方官。一知事大使及潮州運同廣惠分司。均屬冗員。宜裁汰。一運司向得羨餘六萬兩。應解

國朝先正事略 卷一 名臣

八

河工銀萬兩。銅斤水脚銀二萬兩。以外均應充公。一行鹽地方文武官皆有陋規。名曰茶果。宜禁革。再犯以贓論。一請借運庫銀三萬收買私鹽。俾化私為官。一革除總商名色。部議均如所請。又疏言。前耿逆之變。隨臣父殉難者五十三人。內生員積承仁王龍光等。俱被幽囚。三載死難。甚烈。經前撫臣題請。贈銜部以生員無追贈例。議擬乞。特勅追贈。祀臣父祠堂。乃贈承仁龍光及沈天成。范承譜等。國子監助教。學正有差。並入祠陪祀。四十九年擢閩浙總督。獲海賊鄭盡心。解京伏法。五十二年陞見。賜御製詩。有棟樑祖德家聲重。蘭桂孫枝令譽清之句。序云。閩浙總督范時崇。既見來京。朕每念伊祖為開創。率輔伊

父乃忠義名臣所以待之優重今因回任特賦詩餞送其受
恩眷如此明年授左都御史遷兵部尚書五十九年薨 賜祭
葬如典禮前官福建按察時明允哀矜慈而善斷士民並祀之
道山

承勳子時繹由參領授副將擢總兵雍正四年 詔署兩江總
督遷都統仍署總督疏請將江蘇安徽所屬丁銀勾入地畝內
征填以雍正六年為始從之尋擢戶部尚書權總督如苜條上
兩淮鹽政七則下部議行會 詔發帑銀交督撫提督管運以
濟兵丁江南督標應領銀六千時繹慮標員有侵擾弊奏請將
銀承買入官變價房產納租備用

國朝先正事畧 卷一 名臣

九

上嘉其妥協七年坐事免 命協理河務為總督田文鏡所劾
部議論死得 旨寬釋授副都統十年遷工部尚書兼管兵部
十二年罷又有時紀時綬時捷者皆文肅公孫也時紀由廕生
累官郎中授廣東糧道遷鹽運使乾隆二十五年入覲 諭曰
范時紀為漢軍世族見在伊家並無大員著畱京以副都統用
尋擢工部侍郎調倉場侍郎未幾調戶部四十二年調禮部侍
郎尋卒時綬字緩齋由主事累遷郎中授山東濟東道遷安徽
按察使湖北布政使乾隆十六年擢湖南巡撫疏言湘陰益陽
續墾田千餘頃係瀕湖隙地請暫免升科又洞庭為受水之區
私垸日增則上流受害已勸諭毀垸並嚴禁添築水得暢流十

八年調撫江西以病歸二十七年起戶部侍郎請赴西路屯田
効力 賞孔雀翎 命馳驛前往坐事免 賞頭等侍衛尋授
副都統三十年除吏部侍郎明年晉左都御史又明年授湖北
巡撫三十三年入為都統再授左都御史遷工部尚書尋調刑
部四十七年薨於位時捷字子上一字敬存襲子爵累官陝西
巡撫古北口提督入為都統時綬子宜恆由雲麾使授參將游
陞福建總兵憂歸尋授副都統乾隆五十七年奉 特旨原任
大學士范文程在國初時勲庸懋著其子承謨又靖節捐軀今
其裔孫內無文職大員殊堪軫念范宜恆著加恩補授工部右
侍郎仍兼副都統嘉慶元年擢戶部尚書尋卒

國朝先正事畧 卷一 名臣

十

圖昭勳公事畧

自古貞元肇造必有能罷之士不二心之臣世篤忠貞贊成王業我朝異姓勳臣侑饗

清廟以直義公為首而昭勳公則其第七子也昭勳公諱圖賴

姓瓜爾佳氏滿洲正黃旗人父直義公諱費英東驍果善射引

強弓十餘石天命初從其父索爾果率所部來歸

太祖嘉之授一等大臣尚主自少從

太祖征討諸國三十餘年每戰身先將士突堅陣當其鋒者輒

糜碎以功授三等子世襲命與何和哩額亦都扈爾漢安費

揚古為五大臣佐理國事天命四年明兵四路來侵一軍據薩

國朝先正事畧

卷一名臣

十一

爾游山巔直義公率本旗兵進擊大破之

太祖之取撫順也明兵來援投石飛火直義公馬驚逸諸軍欲

退乃迴馬大呼揮諸軍猛進卒破之

太祖拊髀歎曰萬人敵也從攻葉赫城上矢石雨下直義公及

諸將皆被創

太祖命之退對曰我兵已薄城下矣何退為再命退對曰勢

已垂克請勿疑竟拔其城性忠直敢強諫獎善黜惡宣力殫心

以佐成 大業五年三月薨年五十有七

太祖親臨其喪痛哭復臨其墓

太宗卽位追封直義公配饗

大廟以其長子察哈尼襲爵 賜勅免死二次順治十六年追

論佐命功第一晉世爵為一等公康熙九年

聖祖御製碑文勒石紀勳績 大駕東巡 親酌其墓雍正九

年

世祖皇帝加封號曰信勇公而昭勳公能繼其武其公號亦錫

名雄勇云昭勳公少襲三等總兵世職坐事罷隨征董鄂及甯

遠並有功天聰三年從

太宗伐明進薄燕京明總兵滿桂以師赴援公直前衝擊斬馘

甚眾授騎都尉世職四年隨大貝勒阿敏等鎮永平敗明兵於

灤州師還大貝勒棄永平出邊明兵百餘來追公率十六人還

國朝先正事畧

卷一名臣

十二

戰盡殲其眾尋授三等輕車都尉五年從征大凌河圍其城明

兵四萬來戰公躍馬衝陣敵兵潰走遂擒監軍道張春旋征大

同拔靈邱縣及小石城敘功晉世職二等九年任護軍統領隨

貝勒多鐸入廣甯率兵先趨錦州明總兵祖大壽以兵三千來

禦未及戰明兵驚潰俘馘無算崇德二年授議政大臣明年隨

貝勒岳託伐明率師先驅踰牆子嶺攻克十一臺進兵山東明

兵八千來禦蒙古兵少卻公奮力鏖擊敵以百騎突至公搏戰

陷堅陣大敗之旋敗明閣部劉宇亮等兵於通州河上拔四城

晉爵三等男六年圍錦州明兵自松山赴援擊敗之先是蒙古

有降明者曰諾木齊在圍城中遣人約獻東關以降至是事泄

明兵圍諸木齊家公登城力戰殺敵出諸木齊以歸復破松山
 長塔山杏山二城晉一等男八年改授中後所及前屯衛
 晉三等子順治元年大軍抵山海關流賊李自成遣兵拒戰公
 率前鋒破賊將唐通於一片石既入關破自成兵復會大軍追
 敗之於望都超授三等公是年十月豫親王多鐸帥師下河南
 自成走陝西公至孟津率精兵先渡河明守將黃士欣等各遁
 去瀕河十五寨堡兵民皆望風納款睢州總兵許定國等率眾
 降進薄潼關賊遣偽侯劉宗敏沿山列陣以拒公率騎兵百四
 十人進戰皆一以當百設伏掩擊盡殲之明年賊將劉方亮整
 眾來窺公與護軍統領阿濟格尼堪等率五旗將領迎擊賊懼

國朝先正事畧 卷一 名臣

三

而奔馳之俘敵甚眾自成聞敗集兵固拒公合三旗兵力戰殲
 其步卒餘騎奔竄賊糾眾又至連戰敗之遂破潼關賊大潰自
 成遁陝西既定移兵下江南攻克揚州追明福王朱由崧於蕪
 湖敗靖南伯黃得功兵得功中流矢死遂獲福王餘眾悉降師
 旋晉爵一等公公性伉直嘗謂攝政睿親王曰圖賴自誓於天
 効忠
 主上不避諸王貝勒大臣嫌怨久矣圖賴有過王若不言恐終
 不免於罪戾今欲改過自新王幸毋姑息不教教誡也會睿親
 王於午門集議大學士譚泰擅隱 諭旨罪三日未定公面詰
 之曰胡遲久不決耶聲色俱厲王怒拂衣起諸王執公將罪之

王曰雖然此非退有後言比且為國効勤矢忠無他意也解其
 縛而貸之三年任都統隨端重親王博洛進師浙閩軍次杭州
 初我軍下杭州時營於江岸杭人見之謂潮至必沒既而潮二
 日不至咸駭為神遂開門降至是魯王朱以海據紹興其總兵
 方國安等營於錢塘江東岸艤舟以拒我軍江廣十餘里其下
 莫測波濤凶惡舟楫不得停泊謂廣陵濤也公躍馬從上游徑
 渡僅沒馬腹諸軍隨之大濟呼聲震天遂分兵縱擊國安益驚
 以為神盡棄戰艦挾魯王遁保台州公奮力追勦遂克台州并
 拔金華衢州等城浙東平會端重親王令與都統漢岱分兵下
 福建公自衢州統所部兵擊敗明閣部黃鳴駿於仙霞關攻克

國朝先正事畧 卷一 名臣

四

浦城漢岱亦自廣信破分水關入崇安十五賊皆大捷下十城
 明唐王朱聿鍵走汀州諸將乘勝追擊斬唐王及馬士英等盡
 降其眾闖海悉定回次金華薨年四十有七子輝塞襲爵公天
 性忠鯁勇而善謀能以寡覆眾無能禦者結髮事戎行屢立功
 功未嘗一挫賜薨後二年貝子屯齊等誣以黨徇睿親王追論
 之奪輝塞爵籍其家
 世祖皇帝親政知公無罪且念舊功追諡昭勳配饗
 太廟 御製碑文旌焉復輝塞一等公還所籍雍正九年 詔
 加號雄勇公

國忠義公事畧

本朝異姓勳臣配饗位次首信勇公費英東次宏毅公額亦都
二公皆兩世配食

清廟信勇公子以雄勇公圖賴為最著宏毅公有子十六人其
尤首構者則國忠義公也公諱圖爾格姓鈕祜祿氏滿洲鑲黃

旗人父宏毅公額亦都世居長白山父母為仇家所害年十三
手刃其仇避依其姑家

太祖高皇帝過其地諱為真主辭姑從行生而驍果善戰能挽
十石弓初令討尼堪外蘭於圖倫城先登又攻色克濟城掩其

不備取之尋命取巴爾達城至渾河河漲不能涉以繩聯軍
國朝先正事畧 卷一 名臣 五

士魚貫而渡夜薄其城先登城上飛矢貫其股著於雉堞揮刃
斷矢戰益厲被五十餘創不退卒拔之

太祖郊迎燕勞悉賜所俘獲遂賜號巴圖魯薩克察之入
寇也宏毅公率數人敗之夜入其城連克數城寨戰功冠一軍

師旋上迎勞如初界藩有科什者以勇聞盜九馬遁宏毅公單騎追
斬之盡返所盜馬會葉赫九國合師來侵

太祖命以百騎挑戰敵悉眾來犯奮擊殪九人敵卻大兵繼之
遂斬葉赫貝勒布齊九國兵皆潰我軍有齊法罕者戰歿宏毅

公直入敵陣奪其尸而還訥廢路者九國之一也既敗歸復聚

七塞軍來犯據佛多和山宏毅公帥師攻下之

上賜所乘馬以旌其勞自後征東海各部所向克捷取雅摠路
俘至萬人天命四年明經畧楊錫統兵二十餘萬分四路來侵

大貝勒代善出禦明總兵杜松王宣趙夢麟兵於撫順過扎喀
關議駐師僻地以俟

太祖時太宗文皇帝方為四貝勒謂界藩山有築城夫役宜耀兵向敵
以壯兵役之氣不當駐僻地示弱眾議未決宏毅公進曰貝勒

言是也遂進師界藩會太祖大兵亦至大破明兵於薩爾濱山明三總兵皆陣歿又破

國朝先正事畧 卷一 名臣 六

明總兵馬林於尙間崖劉綎於阿布達里岡公皆在事有功每
戰輒為軍鋒自弱冠從征討歷四十餘年攻城野戰未嘗挫衄

每克敵受賜皆分給有功將士纖毫不以自私
太祖初娶以宗女復以和碩公主降焉與信勇公費英東等同

為五大臣佐理國政累官至一等內大臣爵一等子天命六年
薨年六十

太祖親臨哭之慟太宗即位追封宏毅公特命配饗

世祖命建碑隧道表勳烈後聖祖東巡盛京復親詣其墓圖忠義公其第八子也自幼從

行高舉功至輕車都尉世職任都統與十六大臣之列又以父
勳晉子爵天聰三年從

太宗伐明克遵化城有功

上命貝勒阿敏等守永平而以公及都統納穆泰守灤州四年
五月明合兵攻灤州公與納穆泰分汛固守出奇兵殺敵敵轉
攻納穆泰汛地公急遣阿王什分兵往援會火及城樓有執纛
者乘雲梯登阿王什揮刀斬之奪其纛敵卻時貝勒聞灤州被
圍不急救及遣將率兵數百來援夜三鼓突圍入城而城已垂
破翼日明兵發巨礮攻城城樓焚公度力不能支率眾潰
圍奔貝勒軍貝勒大驚棄永平遁公諫之不聽乃殿後全師而

國朝先正事畧 卷一 名臣

七

還坐不能力諫削世職解都統任五年從征錦州率護軍駐松
山間夜截明兵之赴松山者斬級二十有星訥者我軍統將也
方戰墜馬敵還取星訥公從三十騎馳救翼之出會明人將城
大凌河率兵往探俘其人畜以歸起吏部承政從

太宗攻大凌河分圍城東北面敵兵突出犯我南礮臺公不及
騎徒步擊走之畧松山及錦州並有功八年五月

太宗伐明入大同 命帥兵駐張古臺河以扼敵師九年春從
貝勒多爾袞往招察哈爾降其長額哲遂畧山西自平魯衛入
毀甯武關瀾代州乘勝至忻口遇伏敗之迨至崞縣殲其眾還
經平魯衛明兵邀我師於途公親陷陣殺敵百人敵敗入城不

敢出公策敵且復至設伏以待而身爲之殿明錦州總兵祖大
壽等合大同鎮兵三千來追公返兵用步戰衝其中堅伏起夾
擊大敗之授一等男爵復任都統崇德元年隨武英郡王阿濟
格攻克明昌平雄縣並先登二年坐事免先是公尙和碩公主
公主所生女爲貝勒尼堪福晉福晉無子許取僕女爲女至是
事敗公應論死得 旨寬免罷其任尋攝都統事三年隨貝勒
多爾袞破明總兵侯世祿等兵復敗敵於董家口毀邊牆入奪
青山關下四城五年秋隨貝勒圍錦州取其禾連破錦州松山
兵又偕都統葉克舒帥兵三千伏隘口伺敵敵眾千餘來戰葉
克舒馬中箭踰敵入將兵之公射敵敵殪救之上馬併力衝殺

國朝先正事畧 卷一 名臣

六

敵敗復合凡六戰六勝身被二十餘矢馬亦重創猶殿後力戰
悉保所俘而還晉子爵擢內大臣六年秋明經畧洪承疇率兵
十三萬援錦州

太宗親征明既敗承疇兵 命隨阿濟格邀擊明敗兵於塔山
時明總兵曹變蛟吳三桂王璞等各引本部兵遁而變蛟兵夜
突鑲黃正黃兩旗沃地犯 御營甚急軍中侍衛及守營大臣
方大驚不得前公奮呼發矢應弦殪二人率諸將併力攢射敵
始敗去又隨豫親王多鐸設伏敗吳三桂王璞兵於高橋七年
冬隨饒餘貝勒阿巴泰帥師伐明直抵山東兗州俘明魯王及
樂陵陽信東原安邱滋陽諸王并各王府宗室官屬幾千人下

府三州十八縣六十七八年夏班師。賜白金千五百兩。晉爵二等公。順治二年二月薨。年五十。公忠勇有父風。才畧過人。屢受文武重寄。勳伐最著。九年。追諡忠義配饗太廟。立碑墓道。雍正九年。賜公號曰果毅子科布梭襲。

國朝先正事畧

卷一名臣

九

準我毅公事畧 兄薩穆什哈 弟雅賴

公諱準塔。姓佟佳氏。滿洲正白旗人。父扈爾漢。國初從其父扈喇虎來歸。

太祖養以為子。賜姓覺羅。授一等大臣。居五大臣之列。嘗奉命遷蜚悠城之眾。以兵三百護之。先行烏喇。遣萬人選諸路。乃結寨山嶺。分百人衛之。身帥二百人拒敵。敵不能犯。次日諸將至。遂大破其眾。從征東海。烏濟部降。呼葉路收二千戶以歸。太祖嘉之。賞甲胄名馬。賜號達爾漢。尋征虎爾哈。圍扎庫塔城。三日攻克之。又從征烏喇。乘勢奪門。遂克其城。進征東海。薩哈連部。收海南北三十六寨。及黑龍江北十一寨。又招降使

國朝先正事畧

卷一名臣

十

犬使鹿諸部長。天命四年。明兵四道來侵。從擊撫順。開原二路。大敗敵眾。明總兵劉綎。宿將也。出寬奠口。進董鄂路。上命率兵千人。伏山隘。以待。及至。眾貝勒帥勁旅。攻綎。倉卒不及陣。殲其眾五萬人。綎死。其率兵往禦董鄂路也。道遇明游擊喬一琦。擊敗之一。琦奔朝鮮。營自縊。死。明年從上伐明。敗總兵賀世賢等軍於瀋陽。每戰輒為軍鋒。奮不顧身。歷加世職。至三等總兵官。薨年四十有八。大祖親臨哭之。長子渾塔。襲職。公其第四子也。天聰八年。任參領。授騎都尉。世職。崇德二年。隨武英郡王阿濟格。征明皮島。王以敵兵堅守。屢月不能克。集諸將問策。公與參領鼇拜抗聲曰。

志不強力不果氣不銳者不下此城塔拜丈夫也請詰且先登誓必克之否則不復見王遂連舟越眾渡海舉火為號以待後軍時敵兵據保列陣公與鼂拜冒矢石奮擊肉薄而登遂克其島敘功超授三等男 賜巴圖魯號擢都統隨貝勒岳託趨密雲攻精子嶺八旗並進公先據嶺以導諸軍遂毀邊城入敗明總兵侯世祿等軍會三屯營守將以步騎三千截我輜重公及都統武賴擊敗之連敗敵兵二千於董家口遂往界地克二城晉爵二等男六年秋隨安平貝勒杜度等圍錦州有功明年復帥將士圍錦州又明年隨征山東坐調度失宜奪巴圖魯號降輕車都尉順治元年從睿親王多爾袞入山海關擊流賊李自

國朝先正事畧 卷一 名臣 三

成與都統譚泰等追至正定大破之賊燔輜重倉皇遁於是燕京迤北居庸關內外各城及天津正定皆降冊勲復爵三等男二年春帥右翼兵隨饒餘郡王阿巴泰平定山東趨江南時明福王遣兵渡河圍徐州沛縣李家樓公督兵馳擊敗之擒斬其將六人明兵赴河死者無算遂下徐州 命屯兵鎮守五月自徐州進兵南下收明副將高雅軍於宿遷師次清河總兵劉澤清率步兵四萬船千餘艘據黃淮清三河口以拒連營十里公遣將渡清河列營相拒以礮擊敗敵舟別遣將率步兵六百入拒黃河北岸鳴礮相應隨分兵兩路一自清河上游進擊一攻對岸敵兵皆敗之合軍追至淮安斬其副將二參將一有偽新

昌王者潛遁海島雲臺山聚眾陷興化公遣兵進剿破其巢穴擒斬之通州如皋泰興等城皆下遂平定淮安其鳳陽廬州皆望風納款職官降者百餘人獲戰艦馬駝器械七十萬以功晉三等子仍 賜巴圖魯號三年 命隨肅親王豪格勦張獻忠於四川賊悉銳迎戰公麾其奮擊俘虜不可數計復回貝勒尼堪等分兵攻克遵義夔州茂州榮昌富順內江資陽諸郡縣川寇悉平尋隨肅親王勦陝西賊黨武大定等四年凱旋未幾薨五年論前後功晉爵一等子追諡曰襄毅 詔立碑墓道旌其功公無子以弟阿拉密襲 薩穆什喀者公之第三兄也少事

國朝先正事畧 卷一 名臣 三

太祖積功至輕車都尉世職征董夔率十二人追敵至山下斬百人獲礮五十有三馬牛羊千計 太宗即位與十六大臣之列嘗從征旅順口由陸地運舟入水時眾皆乘馬獨建議曰兵既潛進何騎為乃率眾步行及水次各旗所運舟俱未至獨與步軍統領巴奇蘭連舟先進誓必得城不空返身被百創戰益厲大軍繼之遂破旅順口師旋 太宗郊勞 親酌金卮以賜尋征黑龍江虎爾哈部降其眾盡取其地晉三等男授步軍統領列議政大臣隨武英郡王等伐明入長城攻容城縣先登克之及攻皮島督前鋒兵渡江先抵岸與都統阿山葉臣等攻克之斬其守將沈士奎晉二等子旋

征索倫部設伏敗敵克之班師。

上郊勞錫宴如初後坐事奪爵以征錦州功復騎都尉世職崇

德八年薨

公之七弟曰雅賴亦以忠勇聞有父兄風烈幼從

太祖征馬喇畧地朝鮮數被創復隨大兵攻遼東破蒙古兵俱

有功又征察哈爾先登俘馘無算天聰三年率兵千人畧明新

城路遇其故將毛文龍部眾採獲者斬六十人毀其船九月同

額駙揚古利等躡捕逃人於雅爾古復遇文龍部眾殺九千六

百餘人生擒其千總十數人以歸是年冬從

太宗伐明薄北京巡撫袁崇煥來援圍我護軍營城內兵出夾

國朝先正事畧 卷一 名臣

攻雅賴奮勇力戰卻之五年從圍大凌河城累戰皆捷正白旗

士卒有歿於陣者軍騎入取尸而還七年征旅順口與其兄薩

穆什喀同舟進敵據岸列陣以拒時各旗兵皆有難色獨超躍

登岸大呼曰雅賴先登矣遂衝入敵陣黎明與敵兵大戰入城

門身被數創督戰愈厲我兵或少退輒手刃之犬敗敵兵取其

地投騎都尉世職尋授議政大臣加一雲騎尉順治元年隨睿

親王入關定燕京二年復隨豫親王破流賊於潼關平定河南

江南冊勲累晉一等男兼一雲騎尉八年任戶部尚書坐同官

給餉不均不行奏聞論罰贖罷尙書任康熙三年薨 賜祭葬

如例子花色襲爵

希文簡公事畧 子帥顏保

公諱希福姓赫舍里氏滿洲正黃旗人先世居哈達

太祖滅哈達時公從其兄碩色率所屬來歸以通滿漢蒙古文

字 召直文館屢奉使詣蒙古部 賜號巴克什文字之任一

以委之天聰二年

太宗親征察哈爾 命往徵科爾沁兵助戰將還土謝圖額駙

奧巴止之曰寇騎塞路行將安之即有罪譴誰執其咎公曰

君命安得辭死則死耳事不可悞也遂行再宿達大營復命曰

科爾沁兵不赴調土謝圖額駙奧巴已率兵他往侵掠掠畢然

後來會

國朝先正事畧 卷一 名臣

上怒復遣將士八人隨公往趣其速赴調行四晝夜至小屯遇

敵擊殺三十餘人卒達科爾沁部以其兵來會明年奧巴至

上命公等責讓之奧巴服罪獻駝馬以謝敘功授騎都尉世職

尋從征燕京敗明兵北門外大凌河之役與都統譚泰等奮擊

錦州援兵師旋敵兵襲我後又擊敗之晉輕車都尉崇德元年

改文館爲內三院公爲國史院承政尋授宏文院大學士疏請

定察治說言惑眾之律復與大學士范文程請更定部院官

制 詔並可其奏當是時公雖居內院筦機務猶閒奉使察哈

爾喀爾喀科爾沁諸部編戶口設佐領頒法律於蒙古平其獄

訟或往來軍中傳示機宜核功賞相度形勢宣

上從意於詳降人遺奏未嘗不稱 旨也順治元年繙譯遼金元三史奏進

世祖展閱再四 賜蟒衣鞍馬時都統譚泰阿附攝政睿親王公素譏譚泰衰備又以所得分撥第宅二區相距甚遠屬譚泰更易之不從公使人讓之譚泰銜公會其弟副都統譚布訥公曰日者大學士范文程以堂餐華侈語我我對曰吾儕儒臣也非功勳大臣比安得盛饌若此遂偕往啟王王以子言為然且自咎曰吾過矣譚布訥以告譚泰泰許之法司坐偽傳王言詆謾大臣欲搆釁亂政應論死讞成啟王王令免死奪職籍其家八年二月

國朝先正事畧 卷一名臣 三

世祖親政雪其冤再授宏文院大學士復世職並還所籍命充實錄纂修官是年譚泰以黨附睿親王伏誅九年二月公充會試主考官晉爵三等男又奉 特旨以公係

太祖

太宗舊臣銜 命馳驅克盡心力嘉其功晉男爵為一等又遇恩詔加一雲騎尉復以定鼎燕京時公方罷任未獲加世秩至是特晉三等子世襲罔替九月授議政大臣十一月薨年六十有四 贈太保 賜諡文簡長子奇塔特襲爵次子帥顏保康熙元年以父勲授國史院學士教習庶吉士八年擢吏部右侍郎尋授漕運總督疏言淮安為水陸孔道乃十五里內連設三

關戶部工部各遣官征稅胥役過繁商人耗費多端且稽時日請併三關為一關疏下所司戶部議許歸併工部言清江廠稅為修造漕艘經費宜分征如舊 命九卿科道再議如所請九年疏言淮揚二府水災分別蠲免額賦其漕糧例不蠲免而高郵宿遷桃源鹽城贛榆等州縣連歲歉收所有新漕及帶征舊欠萬難併征請 勅部妥議部議令改折帶征 特旨蠲免計漕米三萬一千石有奇十二年與河督王光裕合疏言故事每年漕運全完河工歲修告成舉劾所屬文武吏示勸懲嗣經部議停止伏思河漕重務全在任事各官殫心盡職若勤惰罔分必至因循貽誤請仍舊例每年分別舉劾疏下部議行於是疏

國朝先正事畧 卷一名臣 三

薦糧道范周遲日毀知縣吳興祚等又劾罷其不職者十七年以逆藩吳三桂窺犯江西安親王岳樂已由江西進征湖南詔率所部駐守南昌備勦禦九月移鎮吉安時吉屬各山險多為寇盜盤踞出沒乃遣將分堵要隘斷賊糧道別令知府蔣維藩等入賊巢宣布 勅諭招降偽總兵副將以下五十餘人兵萬餘十九年回漕督任二十年遷工部尚書尋調禮部二十三年薨年四十有四 賜祭葬如典禮其子赫奕由侍衛累官工部尚書

伊忠直公事畧

公諱伊爾登。姓鈕祜祿氏。滿洲鑲白旗人。宏毅公額亦都第十子也。幼蒙

太祖撫之。宮中及長。任侍衛。屢從大軍征討。天命初。築界藩及薩爾滸諸城。有勞績。賜蟒服。授世職。輕車都尉。晉爵三等男。

太宗嗣統。與十六大臣之列。尋奉命駐防邊界。天聰三年。九月。帥兵剿獐子島。獲船四。沈之。俘其人以歸。十月。從

上征明。隨貝勒阿巴泰等攻克龍井關。墮其水門入。斬明將易愛王。遵臣盡殲其眾。復攻遵化。敗山海關援兵。斬其將趙率教。

十一月。隨大軍薄燕京。克永平。灤州。遷安等城。師旋。晉一等男。

國朝先正事畧

卷一名臣

一

會其兄圖爾格公鎮灤州。以失守罷。都統任命以公代之。五年

年。攻大凌河城。公與各旗都統分受方畧。即率所部圍其東面之南深溝高壘。環守之。卒拔其城。明年

上親征察哈爾。命與貝勒阿巴泰等。雷守瀋陽。謀報林丹汗。遠遁。遂畧歸化城。而還。七年夏

上以征明及朝鮮。察哈爾三者何先。諭諸貝勒大臣。各抒所見。時方雷諸軍。與屯山海關外。地於是。諸貝勒大臣奏曰。明君

警也。用兵宜先。今雷重兵以稽時。日彼必有備矣。公曰。與其頓兵關外。不若徑入內地。視其城有可取。則取之。況蓄銳已久。人

有戚心。何城不克。及是時。而用之。所謂事半功倍也。明日

上命公隨貝勒岳託等取明旅順口。大獲旋與都統葉臣率兵

二千五百駐守之。八年。上征明。分兵入上方堡。復奉詔與貝勒阿巴泰都統阿山率

師入龍門。約會於宣府。收明兵。獲馬百餘。進攻靈邱。及保安。皆

有功。尋坐事削爵。解都統任。崇德三年。復任護軍統領。四年。隨

武英郡王阿濟格攻明燕京。以三十人敗敵千人。獲其馬。上親統大軍攻松山。杏山城。我前鋒軍偵知明總兵祖大壽等

以兵二千迎戰。我軍既設伏。公率壯士四十人誘敵。追襲。伏發。還擊之。大敗敵眾。投參政大臣。尋兼內大臣。六年。隨鄭親王濟爾哈朗圍錦州。明總督洪承疇以師赴援。屯松山西北。鄭親王

國朝先正事畧

卷一名臣

一

命右翼兵擊之。失利。我四旗駐營地為敵所奪。火石飛。光著人

糜爛。都統葉臣等斂兵不敢進。獨公所領侍衛及四旗護軍。恭順王孔有德與蒙古。敖漢。奈曼。察哈爾等兵力。戰公先右翼軍

突入敵陣。陷重圍。身被十餘矢。轉戰若無所見。所乘馬死。易馬復負傷。再戰。益奮。凡三易馬。四戰皆捷。

太宗歎其勇絕。復三等男爵。襲八次。賜白金四百兩。八月。上陳師松山。杏山間。命偕超品公塔瞻率八旗護軍參領先

赴高橋設伏。方出營。遇明步卒之自杏山潰遁者。凡千人。擊斬之。抵高橋。復遇杏山騎兵六百有奇。南奔塔山。伏發。盡殲其眾。

上移營近松山。夜有松山敗軍突犯。御營。公與內大臣錫翰

等嚴兵拒戰敵敗遁。詔侍衛大臣之疏防及不能力戰卻敵者各輸罰錢資軍士。於是公得優賞。順治元年

世祖皇帝既定鼎冊功晉一等男三遇。恩詔累晉二等伯世襲罔替。十三年以老致仕。

上念公為宣力老臣。命上駟院給乘騎入朝。每至必召對賜食。又詔圖其像一藏內府。一賜其家。康熙二年薨。賜

祭葬如典禮。子諡忠直。孫噶都襲爵。官至領侍衛內大臣。三十七年。詔遣官祭其墓。

國朝先正事畧

卷一名臣

五

陳忠襄公事畧

公諱陳泰。姓鈕祜祿氏。滿洲鑲黃旗人。宏毅公額亦都之孫也。父車爾格為宏毅公第三子。幼從

太祖征伐。屢立功。授騎都尉。世職。晉輕車都尉。常奉命征東海。瓦爾喀部。凱旋

上親出郊勞。又念其父勲。晉爵三等子。太宗即位。設入大臣與其列。奉命招明廣鹿島。副將尚可喜

以其眾三千來歸。世祖定鼎燕京。恩詔加一雲騎尉。順治二年薨。忠襄公初以參領從征明錦州。功最。天聰三年從

國朝先正事畧

卷一名臣

三

太宗伐明。薄北京。分兵攻巡撫袁崇煥營。遇伏奮擊。斬獲多。五年圍大凌河城。明監軍道張春率眾赴援。公設伏擒其偵卒。復以步戰殲敵眾。崇德三年。隨睿親王多爾袞敗明兵於豐潤。攻總兵侯世祿等營。皆拔之。又以護軍三十敗總兵祖大壽騎卒百餘人。五年。隨征明錦州。進攻杏山。敗敵兵。獲牲畜無算。六年。圍錦州。敗松山兵。我撫探者為敵兵所困。公率壯士六人援之。出又敗敵兵之來襲。後隊者連戰皆捷。克其郭。由騎都尉晉三等輕車都尉。七年。從圍錦州。掘濠困松山。援軍明兵夜犯。正黃旗蒙古營公往援。敗之。八年。敗明總兵馬科於渾河。築浮梁濟師。明總督范志完以兵來拒。復擊走之。尋畧地山東。攻克東阿。

汝上甯陽二城晉世職為二等順治元年從入山海關破走流賊李自成 詔敘勲臣晉一等四年授禮部侍郎從征湖廣敗流賊一隻虎於荊州尋奉 命為靖南將軍進征福建敗賊渠曹大錫及張耀星步兵四千克同安平和五年破海寇鄭彩兵彩遁入海復連江長樂擒偽總督顧世臣等十一人於興化斬之全閩以次底定得 旨嘉獎七年授護軍統領晉爵三等男擢刑部尚書八年遷吏部尚書拜國史院大學士坐事罷九年起禮部尚書典會試兼任都統晉二等子十年授南靖寇大將軍征湖廣十一年調吏部尚書兼都統大將軍如故十二年張獻忠餘黨偽南安王孫可望遣賊帥劉文秀盧明臣馮雙禮

國朝先正事畧 卷一 名臣 手

等帥眾六萬分犯岳州武昌樓船千餘蔽江下而文秀復以精兵攻常德公遣將設伏以待自帥精兵橫衝其陣大破之復出奇計以舟師迎擊三戰三捷窮追千餘里尸骸相撐籍賊復列艦拒戰公揮伏兵擊之火其舟別遣將破賊德山下師抵龍陽賊又集眾二千來犯我軍奮勦賊潰奔明臣赴水死雙禮被創遁文秀走黔中獲偽敕印降副將以下偽官五十餘人兵三千敘功晉世襲一等子兼一雲騎尉未幾以疾薨於軍明年正月班師 世祖皇帝命酒以勞諸將 諭曰大將軍陳泰為朕蕩除逆寇卒於戎行朕甚傷悼因揮淚不止復 諭學士麻勒吉等曰朕

大將軍班師生入國門朕將親酌以酒不意中道棄捐不復相見其命爾持此一觴奠大將軍靈次少抒朕追悼之懷於是從征諸臣及左右侍從皆感涕伏地泣尋 遣官 賜祭 賜葬 子諡曰忠襄子尼滿襲爵

國朝先正事畧 卷一 名臣 聖

伊襄傲公事畧

公諱伊爾德。姓舒穆祿氏。滿洲正黃旗人。武勳王揚古利從子也。天聰三年。從武勳王畧明錦州甯遠。皆有功。復從大軍攻明北京。斬敵甚眾。又敗山海關援兵於灤州。師還。先抵木城。斬明兵之守隘者。五年。從征大凌河。城中兵突出。公衝鋒入陣。斬二人。追奔及濠。還。又擊明監軍道張春。兵有敵騎。拔弓矢直犯。御營。公馳斬之。是秋。往畧前屯衛。會我軍將領噶思哈。為敵兵所困。公率十五人奮擊。援出之。授騎都尉。世職。擢護軍統領。崇德五年。大軍圍錦州。明兵出戰。敗之。尋隨王貝勒等至松山。屯田。明人縱牧於野。公設伏。烏欣河。驅其牲畜。以歸。敵兵潛襲我。國朝先正事畧 卷一名臣

後公還擊。俘斬無算。晉爵三等男。七年。復從圍錦州。敗松山兵之奪我巨礮者。晉一等男。加一雲騎尉。順治元年。隨豫親王多鐸南征。公統蒙古兵。由南陽趨歸德。招撫甚眾。至揚州。城北獲戰艦百餘。渡江。先入旗。進破南京。明福王遁。走蕪湖。追擊之。敗明靖南伯黃得功軍。總兵田雄等。以福王出降。晉二等子。六年。與都統譚泰征江西。叛鎮金聲桓。平之。進勦廣東。叛鎮李成棟。於信豐。拔其城。成棟。夜遁。馬蹶。溺水。死。隨分兵。定撫州。建昌。被僞總兵楊奇盛等軍。江西。平。復奉命。往勦保定。土寇。敘功。晉一等子。八年。秋。護軍統領。龍拜。許公罪狀。以

上幸南苑時。公擅令內直員役更番。及私減守門護軍額數。論

死。詔貸之。尋擢都統。晉一等伯。兼一雲騎尉。隨敬謹親王尼堪征湖南。失利。王輕騎逐北。遇伏。斃於陣。公論罪奪職。籍沒。是時。明魯王朱以海。殞於臺灣。其餘黨據舟山。抗拒。王師。舟山在甯波海中。一日。翁洲。綿亘百餘里。越王勾踐。欲徙。夫差於甯東。即其地也。魯王兩次居此。官軍攻陷之。屠其城。至是。復為其黨所據。十二年。

上命公為甯海大將軍。統師往勦。至則。故總兵王長樹。毛光。沈爾序等。糾眾登岸。肆掠。大嵐山。入道。將趨下關。抵斗門。連擊敗之。斬長樹等三人。覆其眾。而自率師攻甯波。乘舟趨定海。分三路進發。渠魁陳六。御阮思等。於海島。望江山。下列。巖。船拒。

國朝先正事畧 卷一名臣

敵公揮兵進擊。敗之。追至衡水。洋。斬六御等。遂取舟山。十四年。凱旋。命貝勒杜蘭等。郊勞。晉一等侯。兼一雲騎尉。十五年。隨信郡王多尼。征明桂王朱由榔。自貴陽至盤江。斬其將領。進克雲南省城。十八年。薨於軍。年五十有六。

世祖震悼。賜卹如制。諡襄敏。孫巴澤岱襲爵。

國朝先正事畧卷之二名臣

平江李元度次青纂



李敏壯公事畧

子海爾圖

桑額

李公國翰字伯藩漢軍鑲藍旗人父繼學初以商人隨明經畧楊錦軍通使我朝天命中大兵取遼陽繼學來歸授都司累官副將錫爵三等男尋以老致仕公襲父爵任侍衛生而明敏勇銳

大祖嘉之賜號墨爾根天聰三年從征明北京還攻永平先眾步戰斬獲多五年圍大凌河城內兵突出公力戰卻之旋攻克其臺又擊敗明兵之自錦州赴援者九年晉二等男崇德三

國朝先正事畧卷二名臣

一

年隨貝勒岳託伐明於邊外發敵所藏火藥數處比入邊遇敵兵據山列陣公奮擊敗之獲馬四十逸克牆子嶺轉戰至山東克濟南府師還拔望都獲鹿二城尋授副都統五年隨睿親王多爾袞圍錦州攻克呂洪山臺擊敗山口步兵敵兵自松山遁入高橋迤南三臺公偕眾攻克之斬級百餘生擒副將王希賢等七年明總督洪承疇就擒總兵祖大壽以錦州降移師攻克塔山杏山並在事有功晉一等男加一雲騎尉擢都統八年隨鄭親王濟爾哈朗取明前屯衛中後所二城晉三等子順治元年

世祖章皇帝定鼎燕京公同都統劉之源等帥兵勦滅饒陽土

賊與賊帥掃地王遇一戰斬之進征山西時流賊李自成遁西其黨猶分踞太原平陽等府公與都統葉臣等合兵攻克太原復分兵勦賊於汾西山西既平隨英親王阿濟格征陝西屢敗賊眾自成遁湖廣移師追勦之攻賊應山進征武昌與都統金彌等奪賊艘數百二年冬命偕都統巴顏征四川甫至西

國朝先正事畧卷二名臣

二

臣和洛輝約期兩路夾攻斬級無算三年春肅親王豪格統師至西安遣公及巴顏搜勦延安餘賊追至張果老崖掘壕困之乘夜攻克其寨殲賊首獲馬二百有奇遂隨肅王征四川滅流賊張獻忠於西克復帥師渡涪江擊敗偽總兵袁韜等五年

命為定西將軍同平西王吳三桂鎮漢中六年偽王朱森釜僞侯趙榮貴糾眾萬餘犯階州公先眾趨擊陣斬森釜榮貴尋敗偽將軍王永強斬級數千獲駝馬數百復宜君同官蒲城宜川安塞清澗等縣上深嘉其勇畧竝諭以自後但發縱指示不必身先士卒時叛鎮姜瓖踞大同其黨劉登樓張鳳翼等分踞城邑公遣兵會勦殲賊甚眾招撫河東諸處攻復府谷縣擒斬偽經畧高有才及偽官三百有奇招降偽總兵郝自德等先是張獻忠既滅其黨孫可望劉文秀白文選李定國等竄遁既而降附明桂王朱由榔與其所設官屬並據川東川南九年公同三桂督兵克復

成都嘉定擒斬偽總兵李明廷林時泰龍名揚等文秀文選皆
敗走別遣將分徇重慶敘州皆下之偽將軍王復臣等糾謀
列象陣合眾五萬犯保甯薄城下公自綿州聞警趨援率兵奮
擊斬復臣及賊萬餘捷聞

上放賜紫貂冠服及金甲紫鞵鞍馬等物初公以戰功游晉一
等伯至是晉三等侯可望懲保甯之敗與定國併力犯湖廣不
復窺川公奉 詔同三桂還鎮漢中而偽侯譚文譚宏譚詣與
自成遺黨劉三虎等聯結為寇尋復陷重慶使偽都督杜子香
據之十五年三月公同三桂進征山南郡西充至合州子香迎
戰敗遁遂復重慶以總兵嚴自明留鎮而自與三桂進兵桐梓

國朝先正事畧 卷二 各臣

三

偽總兵王友臣降遂趨遵義偽將軍劉正國據險拒戰我師
擊之潰由水西遁入雲南遂取遵義及所屬州縣五月進擊偽
將軍楊武等於開州斬級千餘盡獲其象馬器械開州及附近
城邑俱降水西土司安坤等並歸順當是時甯南大將軍治託
與經畧洪承疇已取貴陽公與三桂奉 詔俟信郡王多尼征
南將軍卓卜特兩路兵並進雲南乃還駐遵義七月薨於軍喪
至京

世祖命內大臣致奠贈太子太保 賜祭葬如典禮諡敏壯雍
正十年 詔入祀賢良祠其侯爵既襲三次例改三等伯乾隆
十五年加伯號曰懋烈長子海爾圖順治三年隨征西安進征

四川並有功授副都統予騎都尉世職十一年擢戶部侍郎隨
征南將軍珠瑪喇勦李定國於廣東之新會晉輕車都尉兼一
雲騎尉十六年任都統康熙元年襲爵十四年定西將軍洞鄂
征叛鎮王輔臣 命海爾圖參贊軍務十八年大軍征四川撫
遠大將軍圖海疏請令駐守鳳翔尋隨征雲貴二十年夏薨於
軍中 賜祭葬如例第三子桑額由護衛遷參領擢總兵康熙
十二年晉雲南提督未抵任值吳三桂反留駐荊州改湖廣提
督十三年春賊將吳應麒陷岳州順承郡王勒爾錦統師駐荆
州令桑額移守武昌尋隨貝勒察尼規復岳州由城陵磯進勦
以破沈賊船大敗賊於七里山下加右節督十七年秋賊由洞

國朝先正事畧 卷二 各臣

四

庭湖乘風出犯率將領奮擊敗之殪賊百餘獲船四明年正月
岳州賊遁桑額收復華容石首安鄉等縣晉左都督 詔越大
兵滅賊收疆仍授雲南提督十九年春攻克辰龍關復辰沅進
征鎮遠平越貴陽安順及永甯州屢敗賊眾遂趨雞公背鐵索
橋賊聞風震懼焚橋遁隨督土司何起龍等造浮梁濟師二十
年隨大將軍貝子彭泰圍雲貴省城逆孽吳世璠窮蹙賊帥馬
寶胡國柱俱自四川還救桑額率兵勦賊楚雄馬寶踞烏木山
列陣桑額與副都統託岱等分三路進擊賊潰遁窮追五十里
馬寶赴大將軍賴塔庫前降尋磔死桑額與都統希福搜勦胡
國柱於永昌截守潞江諸要隘國柱度不能脫自縊死其黨皆

降雲南平二十五年三月卒於官子李楠官至副都統

國朝先正事畧

卷二 名臣

五

珠襲敏公事畧

公諱珠瑪喇姓畢魯氏世居葉赫

太祖時率所部虎爾哈人來歸隸滿洲鑲白旗任佐領天聰三年隨大兵入明邊抵遵化州擊敗敵兵閱三日

太宗親臨遵化明兵赴援將入城公率哨卒十人至擊斬甚眾

抵燕京遇明總兵滿桂黑雲龍麻登雲孫祖壽等軍入大紅門

公與額駙揚古利等擊敗之旋克永平復攻昌黎奮勇先登身

被六創授騎都尉世職尋坐事免五年圍大凌河城明監軍道

張春赴援公連戰破其前後隊六年從征察哈爾獲其合吉殲

從者百餘人俘其妻子以歸七年從攻旅順口率護軍十人乘

國朝先正事畧

卷二 名臣

六

船登岸攻襄城步軍統領巴奇蘭曰誰能用命先登者公與佐領雍舜超躍而上向敵大呼曰我珠瑪喇登城矣連被三創不少卻卒拔之

太宗嘉歎親酌金卮以賜復騎都尉世職九年隨貝勒多鐸攻

錦州夜設雲梯薄城受創甚劇崇德元年征朝鮮自山嶺力攻

奪其寨門大兵繼之遂不戰而入又率師入明邊助總兵海某

軍取四邑師還擊敗開平兩營兵三年授兵部理事官從圍錦

州率甲士四十人攻襲廣甯城北山寨收降駱駝山兵眾又與

都統石廷柱招降大凌河北山四寨復坐事奪世職六年隨鄭

親王濟爾哈朗圍錦州敵騎之來奪我紅衣者敵復悉銳

犯我軍公注矢射之皆應弦仆敵駭退七年征松阿里江虎爾哈部招降十屯俘丁壯千餘及牲畜輜重以歸 命禮部官迎勞宴賚之順治元年以參領從睿親王入山海關擊敗流賊李自成授副都統遷兵部侍郎復世職明年冬 命以副都統駐防杭州時明福王之大學士馬士英竄嚴州與其總兵方國安糾眾犯餘杭公帥師擊走之遷距杭城三十里突遇土賊復大破其眾國安等仍聚眾數萬屯江東諸山及杭州之朱橋范村所在肆掠公遣將分勦悉平之三年從征福建與護軍統領耿拜擊敗偽總兵黃某等軍敘功加一雲騎尉五年隨征南大將軍譚泰勦江西叛鎮金聲桓敗賊兵七萬又與都統和洛輝等

國朝先正事畧 卷二 洛臣 七

連敗賊兵燔其戰艦千三百有奇招撫九江計府一縣七晉輕車都尉八年擢都統遷吏部尚書遇 恩詔晉爵三等男逾年坐銓選外誤罷尚書任專管都統事十一年張獻忠餘黨孫可望李定國自雲貴寇廣西分兵犯廣東連陷郡邑公奉 命為靖南將軍借敦拜往征之 賜敕諭以安民為首務令嚴飭兵將恪遵紀律時定國寇新會平南王尚可喜靖南王耿繼茂等先率兵往援至三水分布沿江隘口以待大軍比公至遂合兵進擊敗賊於珊洲斬偽副將一擒賊將十餘人斬首百五十餘級既抵新會定國糾步騎四萬分據山嶺列礮象拒戰我索倫勁騎馳突貫其陣賊大敗定國復出兵四千自山嶺馳下迎截

我師又敗之奪其山定國遁走捷聞得 旨嘉獎定國尋竄高州公遣副都統畢力克圖等分兵追躡敗定國於興業再敗之橫州定國渡江焚橋走官兵躡之三戰皆捷定國率殘兵走賓州入南甯竄安隆公與尚可喜等遂復高雷廉等屬計府三州四縣八及粵西州二縣四獲象十六馬二百有奇器械無算賜敕獎諭勉以益勵忠勤垂名永久九月班師世祖召見於南苑 諭閣臣曰珠瑪喇以元戎統領大兵出征廣東捷歸今五旬矣如此年商建立大功真福人也 賜茶獎勞部臣敘功擬晉一等男

國朝先正事畧 卷二 名臣 八

五十有八 賜祭葬如例諡襄敏次子博通鄂襲爵

甯文毅公事畧 文恪公額色赫 襄壯公裕庫

甯公諱完我字公甫遼陽人天命初來歸事貝勒哈廉隸漢軍正紅旗

太宗文皇帝召直文館尋授參將天聰四年大軍破永平命同館臣達海等執黃旗登城諭士民安業尋隨貝勒阿巴泰等守永平又從征大凌河及察哈爾並招撫有功授騎都尉世職先是公會疏請立六部設言官至五年冬復疏言六部已立未設言官者意以為國人皆得進言耶又或謂南朝多設言官竟至敗壞耶臣請明辨之我國未立六部以前臣不具論六部既立後曾見有疏劾人罪者否今日秉政者豈盡循良方正在

國朝先正事畧

卷二

名臣

九

屬下者既不敢非其長官旁人孰敢輕議權貴古云兼聽則聰偏聽則蔽一設言官人必自斂君身尚許諫諍他人安有忌諱此古帝王明目達聰之大用也南朝言官之弊由伊主之鑑別不明非其祖制之不善也尋與范公文程馬公國柱疏陳伐明之策又言頃奉 聖諭各舉薦賢能以供任用甚盛舉也孰意無知之輩即假此為倖進之階臣思古者薦人功罪必連坐所以杜弊端而防冒濫伏願再頒 明詔自後所舉之人或效能收功或值事獲罪皆令舉者同之若其砥行於厥初改節於末路許舉者隨時檢舉乃免連坐如此庶人知畏法而所得皆真才矣

太宗並嘉納之十年春罷職先是公畱守永平以好博為人所訐奉 諭詣戒至是復與參領劉士英博事發奪世職遂閉居數年

世祖皇帝定鼎後起學士順治二年授宏文院大學士充明史總裁官二年至六年三充會試主考官又充實錄總裁官并繙繹三國志洪武寶訓諸書告成 賜資優渥授輕車都尉世職八年改國史院大學士十年授議政大臣十一年疏劾大學士陳名夏奸亂日甚黨局日成列其罪狀請 敕大臣鞫訊論如律尋加太子太保十三年加少傅兼太子太傅十五年以老乞休奉 諭大學士甯完我効力多年勤勞素著今因年邁有疾

國朝先正事畧

卷二

名臣

十

可原銜致仕以遂頤養康熙元年 聖祖念其贊理機務年久 命以一子補用學士四年四月蒙 賜祭立碑諡文毅後入祀賢良祠其時與公同祀賢良者凡三人曰額色赫曰裕庫曰根特 額色赫公姓富察氏滿洲鑲白旗人世居納殷祖莽吉圖 太祖時來歸公初事 太宗授兵部理事官天聰九年隨副都統巴奇蘭征黑龍江先還奏捷崇德三年擢秘書院學士五年賚 敕赴錦州 諭睿親王多爾袞駐兵機宜會都統圖爾格敗明兵於木輪河公以捷還奏六年秋明總督洪承疇率眾十三萬援錦州至松山公

受

上方畧往諭統軍王貝勒等尋還奏敵勢甚眾宜益兵

上遂統師親征擊敗之七月鄭親王濟爾哈朗克錦州祖大壽

降公至軍營宣諭慰撫降眾八年隨貝勒阿巴泰伐明至山

東下克州順治元年隨大軍入關定燕京授騎都尉加一雲騎

尉五年遷刑部啟心郎八年擢國史院大學士九年總裁實錄

充會試正考官列議政大臣復主武會試晉一等輕車都尉十

二年加少保兼太子太保再充會試正考官方纂輯

太祖

太宗聖訓又奉諭取經史中忠臣孝子賢人廉吏之事蹟語

國朝先正事畧 卷二 名五

言分類採輯成書名曰資政要覽以公為總裁十三年奉

使朝鮮鞠獄晉少傅兼太子太傅廕一子入監十五年改保和

殿大學士十六年詔獎奉職勤勞諸臣晉少師兼太子太師

十八年十月薨賜諡文恪

褚庫公姓薩爾圖氏滿洲鑲黃旗人先世居札魯特遷居葉赫

天聰五年大兵圍明大凌河公年十七從征有蒙古驍將徹濟

格突陣公迎擊之搏鬪竟日生擒以歸尋征大同攻萬全衛公

首先登城頸被創仍力戰卒破其城子騎都尉世職賜號巴

圖魯投佐領兼參領崇德三年任吏部理事官順治元年隨英

親王阿濟格追勦流賊李自成由廣西至湖廣賊將吳伯益率

黨三千拒戰公奮擊敗之三年隨肅親王豪格征流賊張獻忠

敗賊將高汝勵等於陝西進師四川復屢敗賊兵六年隨大軍

征叛鎮姜瓖圍大同偽總兵楊振威糾賊犯正紅旗汛地並授

土默特營公連擊卻之又犯鑲藍旗汛地公與參領瑚葉赴援

以步戰敗賊騎兵賊平還京尋以值宿失印鑰解理事官任仍

管佐領兼參領九年隨都統噶達璋征鄂爾都斯部叛酋多爾

濟於賀蘭山俘獲甚眾晉輕車都尉十三年海寇鄭成功犯福

州時鄭親王世子濟度統師至漳州遣公及副都統阿克善赴

援賊以戰艦二百自烏龍江來犯公率本營兵登舟奮擊大敗

之追至大江口獲船十二賊又以千餘眾迎戰江岸公督兵奮

國朝先正事畧 卷二 名五

擊斬級二百有奇康熙二年擢副都統七年以老告歸十四年

卒賜祭葬如典禮諡襄壯子海存襲世職

根特公姓瓜爾佳氏世居尼馬察父尼努當

太祖時率眾來歸任佐領隸滿洲鑲藍旗授騎都尉世職天聰

八年隨副都統巴奇爾征黑龍江虎爾哈部有功加一雲騎尉

旋軍時有蒙古兵弗戒於火尼努被焚死公襲職尋任刑部理

事官順治元年睿親王統師入山海關討流賊公署前鋒參領

敗賊將唐通於一片石追勦李自成至望都復勦撫馬騰口七

賊晉輕車都尉四年授協領駐防西安時叛賊王光泰據鄠陽

詔侍郎喀喀木率禁旅自河南進征並調西安駐防兵會勦公

率兵敗賊黨。以鍾等於房縣。旋師復敗。賊方國成於谷。日六年。叛鎮姜瓖。踞大同。其黨虞允白。璋張萬全等。陷平陽。蒲州。及臨晉。猗氏。河津。諸邑。公隨總督孟喬芳。統兵渡河。勦賊。復蒲州。破之。斬三千餘級。後。賊至黃河。賊未及濟。我師薄之。溺水死者無算。遂斬白璋。餘賊竄入吉鎮。悉殲焉。移師趨猗氏。偽監軍。為登。芳依山結寨。與張萬全為犄角。以抗公。分兵擊斬萬全。殲。眾移兵轉戰。生擒登。芳陣斬偽將王國興等三十人。復敗偽。都督郭中傑兵於聞喜。追奔三十里。斬獲無算。仍還駐西安。九年。還京。授參領。十年。偽秦王孫可望。與其黨馮雙禮。白文選。馬。

國朝先正事畧

卷二 名臣

三

進忠等。踞武岡。寶慶。公隨貝勒屯齊。征之。自永州趨寶慶。賊眾十餘萬。扼險抗拒。公鼓勵將士。分路截擊。以驍騎衝陣。賊眾遂亂。時正黃。正紅二旗兵。方與賊戰。公復躍馬往夾擊之。賊大敗。進征武岡。有牧馬賊千餘來犯。又敗之。十一年九月。從甯海。大將軍伊爾德往浙江。進攻舟山。以右翼兵擊敗偽伯阮思及陳六御兵。獲其戰艦及紅衣。礮。復舟山。晉爵一等男。授副都統。康熙十六年。擢都統。列議政大臣。二十三年。以老病乞休。三十二年薨。賜祭葬如典禮。謚襄壯子裕。圖肯。襲爵。

圖文襄公事畧

公諱圖海。姓馬佳氏。字麟洲。滿洲正黃旗人。初出筆帖式。加員外郎銜。順治二年。改國史院侍讀。八年。

世祖幸南苑。公負寶以從。

上見其舉趾嚴重。立授秘書院學士。九年。恩詔。子騎都尉世職。越歲。授宏文院大學士。列議政大臣。十二年。加太子太保。攝刑部尚書事。明年。考滿。加少保。十五年。命同大學士。巴哈納等。校訂律例。旋以承審江南考試。作弊事。遲延。削加銜。明年。坐

讞事失實。上詰問。不以實對。下廷臣察議。論死。得旨。寬免。仍奪職。十八年正月。

國朝先正事畧

卷二 名臣

四

世祖龍馭。上賓。遺命起用。

聖祖御極。即授滿洲都統。康熙二年秋。流賊郝搖旗。劉體純。李來亨等。自四川嘯聚湖廣。鄖襄山中。命為定西將軍。副靖西將軍都統穆里瑪。率禁旅。會楚蜀之師討之。至則與總督李國英。提督鄭蛟麟等。連營困之。賊以兵三千來犯。公率兵邀擊。敗之。賊又連犯諸營。各分兵夾擊。咸潰敗。未幾。郝搖旗為副都統杜敏所擒。劉體純相繼破滅。惟李來亨。擁眾據茅麓山。負固。公率兵圍之。絕其聲援。搜勦外寇。畧盡。賊窮。蹙來。亨闔門自經。死。偽公偽將軍以下。偽官五百八十餘人。以兵八千八百降。執斬。

偽新樂王及偽官七人俘其家口三千餘眾還六年拜宏文院大學士晉輕車都尉世職充實錄總裁官七年命測儀象八年命錄刑部重囚並刑九年奏乞解機務專力戎行

上慰問之十一年命清理刑獄會吳三桂耿精忠叛

上以籌餉需才命攝戶部尚書十四年疏請通飭外省勿私

派軍需勿先期拘集夫役勿徵外科斂錢糧詞訟重者速審結

小者勿濫準滋累衙蠹土豪勿令魚肉良善奉旨允行時察

哈爾蒙古布爾尼劫其父阿布奈以叛公奉命為副將軍同

撫遠大將軍信郡王鄂札率師往討四月師次達祿布爾尼設

伏山谷別以兵三千來拒我師我師進攻伏發我士默特兵當

國朝先正事畧卷二名臣 五

之敗公分兵擊賊以四百騎繼至力戰殲之布爾尼乃悉眾

出用兵器拒戰公令嚴陣以待賊敗復聚連擊大破之招撫人

戶千三百有奇布爾尼僅以三十騎遁追斬之察哈爾平班師

上御南苑大紅門迎勞之敘功晉一等男十五年二月

上以貝勒洞鄂攻叛將王輔臣於平涼未克命公為撫遠大

將軍總轄陝西全省貝勒以下咸聽節制三月至平涼明賞罰

申約束軍威大振賊眾聞之懼諸將請乘勢攻城公曰仁義之

師先招懷而後征伐吾奉天威討凶豎無慮不克顧念城中

數十萬生靈皆朝廷赤子遭賊劫掠至此覆巢之下殺戮必

多俟其向化歸誠乃可體

聖主好生之德城中軍民聞者皆感泣咸思自拔以出賊勢由

是日蹙五月奪虎山墩虎山墩者在平涼城北高數十仞賊守

以精兵通西北餉道者也公曰此平涼咽喉得此則餉道絕城

不攻自下矣即率兵仰攻賊萬餘列火器以死拒戰公令番休

迭進自巳至午戰益厲斬偽總兵二人賊被殺及墜崖死者無

算遂奪其墩據之俯視城中如在掌握矣因發巨礮擊之城中

恟懼輔臣乃乞降疏聞詔赦輔臣罪撫慰之六月公劄授七

品官周昌為參議道賫詔入城翼日輔臣遣黨獻軍民冊又

遣其子繼正等繳所受偽枚印然猶疑懼觀望公復令周昌同

其兄子侍衛保定往諭輔臣乃薙髮降公令副都統吳丹入城

國朝先正事畧卷二名臣 六

撫定秋毫無所犯平涼被圍日久城中食盡死亡過半因令地

方官賑窮乏掩骼骸其老弱之轉徙不能歸者遣將士分送安

插遠近帖然初周昌往招輔臣時言昌母孫氏殉節死願以身

報國為母請旌因請往至是奏旌其母又奏蜀秦省被兵及轉

餉各州縣賦皆從之是月遣振武將軍佛尼勒敗賊將吳之茂

於牡丹園又敗之於西和縣北山將軍穆占進攻樂門敗賊於

紅崖復禮縣於是偽巡撫陳彭偽總兵周養民等共率偽官九

百餘人兵四萬八千相繼降關隴悉平八月

上諭閣臣曰圖海器識老成才猷練達以文武之長才兼忠愛

之至性勞績懋著朕甚嘉焉其晉封三等公世襲罔替時漢中

興安猶爲賊據。平涼慶陽初定。人心尙動。搖公奏請分兵防守。諸隘。緩攻漢興。別遣一旅赴湖廣。會勦吳逆。有旨命公親率精銳行。公以陝西反側未安。慮有變。疏陳其狀。

聖祖因授都統穆占爲征南將軍。率師赴楚。雷公鎮陝西。議取漢中。興安奏調綠旗兵。檄提督孫思克等赴秦州。趙良棟赴鳳翔。以將軍張勇王進寶各引兵助之。期以明年正月二十日如約。至下。張勇等會議以。聞勇等謂宜視夏秋收穫豐歉。再圖進取。公以漢興山路險峻。夏秋多霖潦。賊守益堅。應如前議。奏十六年正月議上。

上慮克復漢興後。宜設重兵。轉餉不易。若俟夏秋。則頓兵糜餉。國朝先正事畧 卷二 名臣 七

亦非計。諭令嚴守要隘。而分兵赴荊州。會勦吳逆。議遂寢。三月。招撫韓城等縣。僞官百餘人。四月。遣兵進逼禮縣。益門。先後敗賊於五盤山。喬家山。諸處。復塔什堡。九月。賜服物。並御製詩二章。十七年二月。奏請分兵兩路。進取漢中。興安旋奉密諭止之。閏三月。將軍佛尼勒等敗賊於牛頭山。四川總督周有德等敗賊於秦嶺。復潼關。堡五寨。四月。慶陽賊袁本秀受吳逆僞劄。作亂。公發兵會王進寶討之。斬本秀。餘眾潰散。十二月。疏請輕騎赴京。而奏事宜。許之。十八年二月。還陝。五月。賊犯棧道。益門鎖各口。奏請提督趙良棟進臨武寨。相機而行。俟擊破賊壘。分道進征。時湖廣西平。

上諭。亟殲寶雞之賊。恢復漢興。以平蜀地。七月。破益門鎖。賊毀偏橋。兵不能進。有旨。詔嚴督。九月。進取漢中。興安分兵四路。公親率將軍佛尼勒等。由興安進。命總兵官程福亮爲後。撥駐守舊縣。關諸路。將軍畢力克圖。提督孫思克等。由畧陽進。總兵官朱衣谷爲後。按駐守西河。諸路。將軍王進寶。總兵官費雅達等。由棧道進。總兵官高孟爲後。按駐守寶雞。提督趙良棟。由徽縣進。剋日。並發十月。公師次鎮安。分兵爲二隊。進攻僞總兵王遇隆。敗之。渡乾玉河。奪梁河關。僞將軍韓晉卿遁入四川。是月。進寶復漢中。良棟復徽縣。畧陽。畢力克圖復成縣。又復階州。降僞官十九人。兵三百有奇。十一月。復興安。降僞官三百八十二人。

國朝先正事畧 卷二 名臣 六

兵萬四千三百有奇。平利。紫陽。石泉。漢陰。旬陽。白河。及湖廣竹山。竹溪。上津等縣。皆下之。是月。畢力克圖遣參將康調元。復文縣。先是。進寶。良棟。捷音先至。聖祖以公及畢力克圖等。遲緩切責之。至是。捷聞。得旨。嘉獎。下部。敘功。壽。命。率大軍之半。駐守鳳翔。十九年正月。命赴漢中。轉餉。以濟蜀師。九月。陝督哈占。由保甯江。直上。擊賊帥譚宏。命發兵爲聲援。以分賊勢。是月。獲奸民楊起隆。初。起隆於康熙十二年。詐稱朱三太子。謀作亂於京師。正黃旗周公直家。奴陳益聚眾。將應之。公直首其事。公即率兵圍之。陳益等悉就縛。至是。并獲起隆。送京師。二十年。賊犯四川之敘州。副都

統翁愛。率所部往援。復奏請親行。諭仍駐漢中。防守秦嶺。以疾還京。十二月薨。累官至太子太傅。中和殿大學士。兼吏部尚書。世襲三等公。諡文襄。賜祭葬如典禮。明年贈少保。仍兼太子太傅。二十二年。御製碑文立石墓道。雍正二年。加贈一等忠達公配饗。

太廟復。命建專祠。御製文刻石以旌之。並崇祀陝西名宦。公器識沈毅。好讀書。羽微。旁午時披覽不輟。將畧由天授。不居。故常察哈爾之役。時禁旅方南。征宿衛盡空。詔選八旗家奴之驍健者付公。北征。公較閱畢。即起行。不許信宿。所過州縣村堡。騷掠者悉不問。至賊境。下令曰。察哈爾元之後裔。數百年珍。

國朝先正事畧

卷二 名臣

九

寶山積。我軍能破之。富且百倍於此。眾踴躍無不以當百。遂大破之。尋請。所過宣府等處。田賦以蠲。邊氓蓋驅鳥合。以禦。方張之寇。非此無以得其死力。淮陰所謂驅市人而使戰。用不測之威。施不測之賞也。公之隨機應變。多類此。子諾敏襲爵。

佟勤惠公事畧

佟勤惠公事畧 國印 世德 勤惠公事畧

公諱佟養性。遼東人。先世為滿洲。居佟佳。以地為氏。遷居撫順。為商販。以貨雄一方。有識量。能役服其鄉人。天命初。見太祖功德日盛。傾心輸款。為明所覺。置之獄。潛出來歸。賜尚宗室女。號曰西屋裏額駙。授三等男。後隸漢軍。正藍旗。六年。從克遼陽。晉二等子。天聰五年。

太宗命督造紅衣。礮初軍營未備。火器至是。礮成。鑄曰天。祐助威。大將軍征行。則載以從。公掌焉。時漢軍未分旗。勅公為總兵。統之。官民俱受節制。八月。從圍大凌河城。公乘上方畧。率漢軍。載紅衣礮。立營於錦州通衢。以礮克城。西隅臺。

國朝先正事畧

卷二 名臣

三

降守臺兵。又擊敵城南隅。壞樓堞。翼日。擊東一臺。臺圯。守者宵遁。盡殲之。九月。明兵援錦州。上遣親軍擊敵。公率漢軍五百。從敵。望風遁。明監軍道張春。總兵吳襄等。赴援大凌河。乘夜向城。

上督騎兵破之。方追奔敵。兵復陣。公舉礮攻。燬敵營。十月。攻克子章臺。臺內兵死者無算。十一月。祖大壽以大凌河城降。詔城中所得鎗礮。悉以付公。尋攻克馬家湖臺。自大凌河至廣甯。明所置烽墩。悉毀之。六年春。

上幸演武場。閱兵。公率所轄漢軍。試礮。擐甲列陣。上嘉其軍容整肅。且有克敵功。賜雕鞍良馬一。白金百兩。宴。

勞之七月奉 敕宣諭大凌河投誠各官察哈爾之役參領顏布祿等坐調遣遲悞罪當死眾皆言法不當宥公請懲責而全其生允之順治四年薨於位子普漢襲爵普漢卒弟六十襲遇恩詔晉三等伯授都統六十卒子國瑤襲十三年

世祖追錄舊勳 賜諡曰勤惠佟氏本以滿洲隸籍漢軍一門羣從號多才勤惠公之從兄弟曰養甲曰養量曰岱其從孫行日國勳日國器日國楨日國印日鳳彩皆有聲於時

佟養甲字陸海順治二年以內閣學士隨貝勒博洛帥師南征越明年下杭州平福建 詔著兩廣總督事與提督李成棟率兵定廣東當是時明唐王朱聿鍵之弟聿鎮據廣州建號紹武

國朝先正事畧 卷二 名臣

王

養甲與成棟既克惠潮二府急趨廣州令前鋒軍悉用紅帕裹頭偽為廣州援兵狀以惠潮道印為公文給守者奪門入擄聿鎮及周益遼諸王宗室世子等二十餘人復與成棟議以南雄韶州兩郡連控江楚肇慶為粵西咽喉梧州為粵西門戶宜先撫南部以通江右之援定肇慶以扼兩粵之吭取梧州以固肇慶之藩乃檄總兵葉承恩等進兵南部成棟進兵肇慶皆投策勦撫三郡悉平會明閣部丁魁楚擁明桂王朱由榔自肇慶竄梧州養甲復令成棟移兵進擊魁楚等皆遁去遂下梧州別遣將取雷瓊高廉四府養甲自駐廣州招降海上四姓賊首鄭昌四年加兵部尚書實授總督兼廣東巡撫時標營將士講道四

出廣州僅存兵百餘人海賊馬元生及白旗賊黃信林芳等窺省垣兵單集眾數萬突犯廣州養甲督官兵守陴躬冒矢石扼太平門關外橋梁激勵鄉勇殺賊陣斬數百級生擒百餘人餘賊遁入海尋偕成棟增城順德東莞三水新甯諸邑皆下之明總兵李成志等以平樂潯州二郡來降即令收左江右江諸路六月招降明趙王裔朱由棧及其將李自璉七月明閣部陳子壯尚書張家玉給事中陳邦彥率眾萬餘攻廣州指揮楊可觀將翻城為內應養甲破其謀擒斬之親督兵守禦成棟亦以兵赴援焚敵舟敵敗遁越六日復來犯又敗之時廣州初定監司守令未及銓授養甲疏請以廣東布政使耿獻忠為巡撫復

國朝先正事畧 卷二 名臣

王

簡廉吏請 旨酌用又請移大同兵五千至兩廣資防勦其頻年隨征士卒增給資糧示體卹凡新降將卒才勇者畱營訓練或分駐要隘餘令歸農又請蠲積年逋賦並允行先是雷廉二郡珠池每歲例遣官開採養甲以地險費繁奏罷其役時明桂王據桂林兩廣人心觀望有潛附為應者乃策遣將士進攻之疏請造弓矢火器分道禁旅進勦黔滇 上以廣西未定而恭順王孔有德已奉 詔進軍湖南防勦孫可望 特諭悉心安輯兩廣所請俟有德疏報再議養甲之署兩廣總督也成棟以總兵署兩廣提督帥師偕往既而養甲奏平定粵嶠成棟功多請實授廣東提督成棟自負功績以所授

官職未兼兩廣意殊不平又素與養甲部將郝尙久爭功有隙遷怒養甲五年夏成棟據南雄叛受桂王封爵與江西叛鎮金聲桓為聲應養甲遺書贛州守將令策應書為成棟所獲益恨之乃以兵劫養甲擁至肇慶大罵不屈遂被害事 聞贈太子少保廕一子入監 賜祭葬入祀昭忠祠公在粵多惠政卒之年歲大饑人相食設法賑卹通糶所全活者甚眾粵人德之祀名宦

佟養量初與弟佟岱俱為牛象章京養量兼理義州屯事勤於課督獲糧獨多崇德八年與弟岱從克明中後所及前屯衛順治元年復與岱從克太原府二年養量從定江南克揚州及江

國朝先正事畧

卷二

各臣

三

陰二城皆以紅衣礮有功蓋即勤惠公舊所掌者也而岱亦從征陝西敗賊於延安奪十五艘養量累官至宣大總督侍郎薨岱累官至湖廣總督召還順治四年從恭順王孔有德征湖南敗賊渠黃朝選於瀘口北岸追斬之衡州進克寶慶敗明桂王於武岡拔其城追至廣西全州走明總督何騰蛟六年從征大同與都統左夢庚敗賊於傅家嶺又以紅衣礮攻克渾源州及朔州汾州大谷等城遷吏部侍郎十一年授浙閩總督坐事免康熙初薨岱之從英親王征江西也歷下九江南康南昌袁州等府以所俘獲疏聞且言故明鍾祥王朱慈若等皆衰殘廢棄僅存餘喘請收卹以彰我朝浩蕩之仁得旨故明諸王流

落直省者均令督撫資送來京分別恩養其鎮國將軍以下編籍輸稅自是假故明為號者皆無所藉既杜亂源而所保全尤多云

佟國瑤者勤惠公孫也順治十七年襲三等伯授副都統康熙十二年吳三桂反

上以湖廣鄖陽地界三省山谷扼塞易藪奸且慮賊乘間奪踞特授國瑤鄖陽提督往駐防明年三月襄陽總兵楊來嘉據穀城叛鄖陽副將洪福應之劫所部兵千餘反攻國瑤署國瑤率游擊佟大年等以健丁三百人奮擊賊退復來連日格鬥十餘陣斬首二百餘級賊遁走得旨獎敘加左都督十四年夏洪

國朝先正事畧

卷二

各臣

三

福等分五路犯鄖西復大敗之追勦數十里陣斬偽將軍林羅等七人殺賊兵數百十五年春四川叛鎮譚洪犯鄖江北岸福等出兵應之國瑤分兵勦禦敗賊於坪溝黃畝九里岡又渡江敗賊於南岸焚其舟械擒斬無算九月福遣眾伏鄖江兩岸以數十艘順流下泊琵琶灘進逼鄖陽運道塞國瑤與將軍噶爾漢等率水陸兵大破之習一等伯加太子少保十七年進勦來嘉福於房縣擒偽副將以下五十二人獲偽印十二牌劄二十有四房縣保康相繼復二十一年授福建將軍諭以恪遵國憲安輯兵民無忘恭敬疏請增協領以下驍騎校以上等官從之二十八年薨於位賜祭葬如制子諡忠愍子海福襲伯

爵又有佟國鼎者忠愍公兄弟行也順治間官福建巡撫招徠百姓禁防兵倚勢厲民時巡按周世科專用嚴刑國鼎濟以寬仁多所全活闕人歸心焉卒祀名宦

佟國器字滙山順治二年授浙江嘉湖兵備道偕副將張國興擒馬士英朱大定弁招降白腰賊陸汧等再遷福建巡撫獲鄭芝龍父子交通私書進於朝調撫南贛兵燹之後田多汙萊前撫臣請將十二年額賦一律科徵民情惶懼國器奏請以未墾之田交屯道屯廳開墾民心遂定山賊曾拱辰據興國之梅窩剽掠吉贛二郡黃鄉賊楊興受撫復叛皆遣將討平之福建甯化等處土寇出沒次第剪除所部及鄰境羣盜畧盡調撫浙江

國朝先正事畧

卷二 名臣

美

時海氛尙熾既擊敗鄭成功於定關又招降寇黨廣明旗勦平阮六等浙東初定叛獄繁多國器平情讞鞫全活者多以勞疾卒官浙人追思祀之

佟國楨順治初由拔貢知無為州瀕江田廬恃三壩為捍蔽國楨增築隄四千丈有奇名四壩後三壩圯而田廬卒無恙州人賴之累遷大名府廣東陝西江南巡道康熙十三年由安徽按察使遷江西布政使時吳三桂耿精忠相繼叛賊兵分犯江西會巡撫白色純卒大將軍安親王岳樂奏國楨甚得民心遂特擢巡撫十五年大將軍簡親王喇布以贛州為江西門戶投誠將士雜處彈壓需人奏 詔國楨暫駐贛州會廣東從逆提

督嚴自明總兵張星耀等糾眾偏南康乃遣將迎勦於庫鎮城破其營十七追奔七十餘里斬馘不可數計賊遁南安逆黨王割耳等擁眾犯信豐遣將分三路擊之斬二千餘級賊潰竄南雄尋遣將勦上猶賊復其城敗偽將郭應輔於黃土關斬賊五千有奇復龍泉是年閩大兵克復汀州恐海賊竄入贛境遣將山開道相機板勦十六年春大破賊於五里排復會昌尋復瑞金先後招撫偽總兵等百五十二人兵萬有六千五月復崇義招降偽總兵等十七人兵萬餘逆渠韓大任素驍悍賊中號小淮陰者也自甯都敗竄萬安國楨慮逸入楚境密調兵赴良口大王廟等處截賊歸路別遣將繞出興國之田村大江口斷賊

國朝先正事畧

卷二 名臣

美

糧道賊窘甚竄突復遣將四路追勦十二月擊賊於鷓鴣寨十七年正月追至老虎洞大破之大任走汀州詣康親王軍門降江西平國楨回南昌加兵部尚書銜明年京察自陳降二級調用四十七年薨於家

佟國印父恆年以驍騎校隨其從父佟養正守朝鮮界之鎮江城殉難贈騎都尉國印襲世職崇德六年隨征錦州擊敗明將李洪步兵

上親統大兵圍明總督洪承疇於松山敵兵有逸入高橋南三臺者國印與都統劉之源用巨礮攻克之殲其眾七年春鄭親王等圍杏山塔山國印皆用礮擊其城下之效功加一雲騎尉

遷工部理事官。命赴錦州督鑄神威礮。十一月隨饒餘貝勒由黃崖口入明邊時沿邊設臺分防甚固而國印同都統李國翰屢擊敗敵眾克邊臺七又擊敗牆子嶺守兵八年鄭親王克明中後所進敗前屯兵國印以紅衣礮攻其城風迴礮火傷額下創甚攻益力卒拔之順治元年晉輕車都尉尋擢工部右侍郎累晉三等男康熙十一年薨賜祭葬如例子佟世德襲爵康熙十三年授副都統十四年隨貝洞鄂征叛鎮王輔臣於平涼賊眾迎拒世德等帥兵擊卻之賊復據山列陣世德搗戈直前搏戰貫其陣追斬甚眾十五年同前鋒統領穆占設伏平涼之南山擒賊偵卒敗其騎兵五戰皆捷復以紅衣礮擊毀賊壘

國朝先正事畧 卷二 名臣 手

覆其軍尋招降輔臣等並在事有功十七年命隨撫遠大將軍圖海規復漢中興安十九年卒於軍賜祭葬如禮

佟鳳彩字高岡起家香河知縣擢御史出為武昌道歷河南督糧道禁通弁苛索諸弊超遷廣西右布政時雲南未定粵西屢更兵燹人民流離鳳彩悉心籌畫轉餉不墮遷江西左布政巡撫四川省自張獻忠蹂躪後夔東餘孽及涼州番回劫掠常及川境鳳彩疏請修築成都府城并修江都堰核茶園鹽井製戰船火器事集而民不知役屢歸尋授貴州巡撫手定賦役全書以絕濫征蘇積困依民俗用銀暫停鼓鑄罷添設之道員專責土司以除劫殺之弊又疏禁私征增置驛站黔困大蘇內艱

歸復起撫河南兼理河道兩河為患歲用銀三四十萬舊皆按畝以徵至是疏請發帑又請罷協濟輓豆之役從之吳三桂反大兵絡繹過境鳳彩調變有方民不苦擾康熙十三年以疾乞休許之總兵周邦甯以士民籲留入告左都御史姚文然言鳳彩老成練達謹慎和平民愛而信之聞其乞病皇皇如失所倚宜令力疾視事以順輿情有旨令甯任十六年秋薨於位賜祭葬如典禮予諡勤儉祀河南四川貴州名宦祠所著曰柄友堂集

國朝先正事畧 卷二 名臣 手

（此處為空白欄位，僅含標題及頁碼）

佟襄勤公事畧

子忠勇公國綱 端純公國維 孫法海 曾孫溫信公補熙 介福等

襄勤公諱佟圖賴初名盛年後改今名遼東人其先為滿洲世居佟佳以地為氏後以貿易居開原繼遷撫順遂家焉父忠烈公佟養正天命初因從弟佟養性輸款於

太祖導大軍克明撫順忠烈公遂挈家并族歸來歸隸漢軍正藍旗後忠烈之孫曰國綱於康熙二十七年疏言臣先世本係滿洲會蒙

太祖皇帝諭令與佟佳氏之巴都哩蒙阿圖諸大臣考訂支派敘族譜今請仍歸滿洲事下部議以佟姓官職甚多應仍隸漢軍惟國綱本支許改入滿洲遂為鑲黃旗人天命六年忠烈公

國朝先正事畧

卷二 名臣

三

從征遼陽以功授輕車都尉世職奉命駐守朝鮮界之鎮江城時城守中軍陳萬帶濟通明將毛文龍詐令謀者稱兵至各堡皆呼譟城中大驚萬策乘亂據城叛忠烈公被執不屈死之長子佟豐年并從者六十人皆被害詔以次子佟圖賴襲世職即襄勤公也天聰五年從征大凌河破明監軍道張春援兵有功授兵部右參政崇德五年隨睿親王圍錦州取白官屯六年隨鄭親王復圍錦州取金塔口三台七年攻松山城明人突出騎兵奪我紅衣墩公擊敗之又敗山口步兵攻塔山杏山下其城晉世職為一等擢都統是時各軍多奉命分畧明邊公以謂不若深入明境直取燕京乃與都統李國翰等奏言

天意歸於

聖主大統攸屬明國人心搖動宜因天時順人事攻拔燕京控扼山海則萬世之基由此而定

隨鄭親王收前屯衛中後所二城加一雲騎尉順治元年與都統巴哈納石廷柱招降山東府四州七縣三十有二擒偽濟王七月師圍太原公獨率數騎東西繞城相形勢城中兵突出且邀擊之來若風雨從騎皆失色公控馬大呼目光如電敵兵當之盡靡引北將入城大軍一麾乘之遂破寶奇捷也遂招降府九州二十七縣百四十有一師還賜白金四百兩尋隨豫

國朝先正事畧

卷二 名臣

三

親王勦流賊李自成屢破賊於黃河岸毀其柵獲戰艦十五遂平河南二年五月軍次江南敗明舟師於揚子江先後攻揚州及嘉興諸城皆下之晉爵二等男賜蟒服黃金三十兩白金千五百兩五年授定南將軍與都統劉之源帥左翼漢軍駐寶慶時湖南賊梁馬進忠等寇衡湘辰永開陷寶慶公至擊破賊眾拔其城六年鄭親王帥師征湖廣公分兵趨衡州所向皆捷陣斬偽總兵陶養用破偽伯胡一清等七營兵於城南乘勝疾擊連敗之一清窮竄集潰眾萬餘距廣西全州三十里立六營以自保又破之遂下全州還師駐衡州賊犯常甯遣佐領陳天讓等馳勦之戰於石鼓洞賊大敗斬其渠二人八年凱旋賜

宴得 優賞授禮部侍郎晉爵三等子世襲罔替十三年請老
世祖篤念前勞 命加太子太保許致仕十五年薨年五十有
三

上聞之輟朝震悼 子祭葬贈少保兼太子太師諡襄勤康熙
十六年

聖祖仁皇帝以

孝康皇太后推 恩所生 特贈一等公令其子佟國綱襲雍

正元年 詔追封佟養正一等公 賜諡忠烈入祀昭忠祠與

襄勤公並加贈太師明年 勅建襄勤公專祠 賜額曰功崇

元祀子二曰國綱國統

國朝先正事畧

卷二 名臣

三

佟國綱初任一等侍衛康熙元年襲一等子尋任內大臣十四
年察喀爾布爾尼作亂

上命撫遠大將軍信郡王鄂扎討之授國綱安北將軍鎮宣府

賊平乃還十六年襲一等公爵授都統明年疏請改隸滿洲會

俄羅斯遣使費羅多羅等至尼布楚請定邊界 命國綱偕內

大臣索額圖等往議既抵色校額圖適噶爾丹侵掠喀爾喀部

召還令遣人曉諭費羅多羅等緩期得其復書奏 聞明年四

月同索額圖等往尼布楚定議以額爾圖納河及格爾必齊河

為界立碑垂久遠二十九年秋 命撫遠大將軍裕親王福全

征噶爾丹以國綱參贊軍務八月朔師次烏蘭布通賊騎數萬

軍山下依林阻水以萬駝縛足臥地背加箱塚蒙以溼氈環列
如柵士卒於塚隙發矢銃備鈎距號曰駝城公率兵奮擊方破
賊賊突發烏鎗中公遂歿於陣嶼至京 命皇子及內大臣侍
衛迎奠茶酒及將葬

上諭近臣曰佟國綱為國效力忽爾陣亡每念之痛不能已必

須一視其喪朕心庶幾少慰弟國維暨諸臣叩阻再三乃命

諸皇子及上三旗大臣侍衛部院大臣皆往送 賜祭葬如典

禮諡忠勇以長子鄂倫岱襲一等公其騎都尉兼一雲騎尉世

職以第三子夸岱襲

世宗朝 特贈太傅入祀昭忠祠並 敕立家廟鄂倫岱累官

國朝先正事畧

卷二 名臣

三

都統領侍衛內大臣康熙四十二年與侍郎接敘等倡議舉皇

太子允禩為皇太子 嚴旨詰責雍正三年坐法死其長子補

熙由詹生補員外郎遷副都統署天津總兵擢江南提督乾隆

元年授漕運總督憂歸補都統五年授綏遠城建威將軍十八

年薨 賜諡溫僖次子介福字受茲雍正癸丑進士選庶吉士

由檢討累官吏部侍郎嘗五典會試著有西清載筆錄等書

法海字淵若忠勇公次子也於羣從中最賢康熙甲戌進士由

檢討擢侍講學士入直上書房

上時巡齊魯素習吳越朝夕扈從侍 皇子講誦十年直詞正

色蒙

聖祖嘉與謂獨能不欺。徐文定公嘗語方侍郎苞。同官及勳戚。中志在君國而氣足以舉之。學足以濟之者。首推法公。且曰。上為諸王擇傳。吾對法某雖以侍。皇子得過。然臣愚竊謂舍某無堪此者。乙未夏。公遂復侍。皇子學。與方侍郎共事。蒙養。齋時。中貴人有氣。後者朝夕傳。旨至。公視之。蔑如。辭色閒。無幾。微假借。逾年。巡撫廣東。特參大吏。更鹽政。粵人久而思之。旋奉命。巡察海疆。歷閩粵兩浙。為忌者所中。廷議以公患噎膈。不勝封疆任。詔落職。赴西甯軍營效力。雍正元年。召還。命督江南學政。二年。投浙江巡撫。召投左都御史。四年。遷兵部尚書。協理禮部事。兼內務府總管。坐事免。詔發西陲。在水

國朝先正事略 卷二 名臣

新處效力。九年。召還。乾隆元年。賞副都統銜。管理咸安宮事務。明年卒。年六十有七。無子。以兄子介祿嗣。公嘗謂方公曰。吾與子未面而心傾久矣。子亦知並世有法某否。及督學江南。叩方公廬。出所為詩。以心腑相示。始知公忠孝發於至誠。嘗恨未得同志合道之人。相與輔成治教。而深惡時人之以虛偽比周。自便其身圖者。然權要畏公。仇直亦多。深嫉公。知公賢者。惟徐公方。公耳。公寓古寺。終歲不還。私室布衣蔬食。老僕一人。從意。儉然自得。在西陲。偃臥土室。枯寂如老僧。及見王公大帥。動以大義相責。皆人所不敢言云。

佟國維初任一等侍衛。康熙九年。授內大臣。十二年冬。逆藩吳

三桂反。其子應熊居京師。明年春。逆黨謀不軌。以紅帽為號。國維發其事。奉命率侍衛三十人。至大佛寺。擒獲十數人。械送刑部。鞠實。伏法。二十一年。授領侍衛內大臣。尋列議政大臣。二十八年。因係。孝懿仁皇后之父。封一等公。明年七月。大軍征噶爾丹。命參贊軍務。八月。師次烏蘭布通。與其兄都統國綱。並率左翼兵進擊。時賊以駝城抗拒。國綱循河岸戰。及國維由山腰遶賊。後橫擊之。步騎爭先陷陣。遂破其壘。賊潰遁。師還。坐不窮追。鑄四級。留任罷議政。後

國朝先正事略 卷二 名臣

聖祖兩征噶爾丹。國維皆從。敘功。復所降秩。四十三年。命督賑山東。尋以年老解任。四十八年正月。上召國維與諸大臣並集。傳旨詰問曰。前因有人為皇太子條奏。朕降殊諭。示諸大臣。爾會奏稱。皇上辦事精明。天下人無不知曉。斷無錯誤之處。此事關係聖躬甚大。若日後易於措處。祈速賜睿斷。總之將原定主見。熟慮施行。為善。爾係解任之人。此事與爾無涉。乃身先眾人啟奏。是何心哉。國維引罪。他日又論曰。皇太子允礽前染瘋疾。朕為國家而拘禁之。後詳察被入鎮壓之處。將鎮壓物俱令發去。其事乃明。今調理痊愈。始行釋放。朕曾將此情由。用殊書詳諭諸大臣。朕拘禁皇太子時。並無他意。殊不知爾之肆出大言。激烈陳奏者。係何心也。諸大臣情

狀朕已知之。不過碌碌素餐。全無知識。一聞爾所奏之言。眾皆
 恐懼。欲立允禩為皇太子。而列名保奏矣。朕臨御既久。安享太
 平。並無難處之事。臣庶託賴朕躬。亦得安逸得所。今因爾所奏
 之言。羣下小人。就中捏造言詞。各大臣侍衛等。俱終日憂慮。若
 無生路。此事關係甚重。觀眾人情狀。果符爾所奏。日後難於措
 處之言矣。爾聞外間匪類妄言。理應禁止。乃倡造大言。驚駭眾
 心。有是理乎。國維伏罪請死。諭曰。朕特為安撫羣下。降旨申
 明。非欲有所誅戮也。爾其坦懷勿懼。五十八年薨。賜祭葬如
 例。雍正元年。贈太傅。子諡端純。第三子隆科多。襲一等公
 爵。任吏部尚書兼步軍統領。命總理事務。與川陝總督年羹
 蔚。先正事。卷二 名臣 三

堯並加米保。賜雙眼孔雀翎。四團龍補服。黃帶紫韁。雍正五
 年。坐黨附尚書阿靈阿。授敘年羹堯等。及貪婪不法罪。論死。公
 上召議政大臣等。諭曰。隆科多所犯四十一款罪。不容誅。但念
 皇考升遐之日。大臣承旨者。惟隆科多一人。朕不忍誅戮。其
 永遠禁錮。尋卒。賜白金千兩治喪。弟慶福。襲一等公。官都統。
 兼議政大臣。歷工部。戶部。尚書。授領侍衛內大臣。雍正十三年
 冬。

高宗命代平郡王福彭為定邊大將軍。赴北路軍營。還授刑部
 尚書。出為兩江總督。調督雲貴。晉太子少保。奏開金沙江。以通
 川運。調兩廣總督。入覲。尋調川陝。乾隆十年。以四川打箭爐口

外土司瞻對。抗逆不法。疏請調兵。剿之。屢克其寨。疏報。逆會班
 滾等乞降。

上以為未可深信。尋授文華殿大學士。仍留總督任。十一年夏。
 疏報班滾遁走。尋報攻克泥日寨。班滾等焚斃。十二年春。召還。
 命兼管兵部事。以張廣泗代之。廣泗尋奏。班滾實未死。慶福將
 其子改名德昌喇嘛。仍居班滾大礪。冒稱經堂坐欺飾奪職。逾
 年。賜自盡。

疏報先正事 卷二 名臣 三

石忠勇公事畧 子華善 石琳 孫石文炳 石文晟

公諱石廷柱遼東人先世居蘇完姓瓜爾佳氏父石翰始家遼東遂以石為氏有子三長國柱次天柱次即公也生有智畧遇事明敏善用兵初為明廣甯千總天命七年

太祖親征攻廣甯城天柱時亦為千總出迎

上見而大喜曰我國之人仍歸我國 賜金印鞍馬令撫慰城中士民公遂以城降投輜車都尉後隸漢軍正白旗十一年從

上討蒙古巴林部有功晉爵三等男天聰三年

太宗命帥師授勳明故將毛文龍所屬諸島會石城島以兵來犯擊斬二百人俘十九人以歸尋從

國朝先正事畧 卷二 名臣 三

上攻明北京班師至沙河驛與文臣達海殞 諭城中軍民降之及收復漢兒庄率城中將士來謁五年明總兵祖大壽築城

大凌河

上親統軍圍之敵騎出戰公擒斬甚多大壽窮蹙將乞降其從

子澤潤以書繫矢射出城一以與公一奏

上乞令公往與大壽議公遂同達海等至城南臺下先遣陣獲

千總入城大壽令游擊韓棟桂偕出迎公并以其義子可法為

質公乃踰濠與語大壽言決計歸順惟乞大軍速取錦州俾得

妻子相見公還奏

上復遣公往諭之大壽遂出降七月隨貝勒岳託等入明旅順

自凱旋

上親酌金厄以勞晉爵三等子九年貝勒多鐸統師伐明次廣

甯令公及都統阿山率四百人先趨錦州至大凌河西遇明兵

馳告貝勒大軍急赴之敵大驚潰公率所部掩擊陣斬副將劉

應選獲其軍五百擒游擊曹得功及守備三人翼日復攻克一

崇德元年春

上幸漢武場以公軍容整肅獎賚之十二月 命統所部漢軍

同恭順王孔有德懷順王耿仲明智順王尚可喜護紅衣礮隨

大軍征朝鮮明年大軍既克朝鮮其國王李倬降遂征明皮島

公從北隅督戰有功是年七月始分漢軍為左右翼以公為左

國朝先正事畧 卷二 名臣 三

翼都統 太宗嘗與諸臣論兵事 諭為將者當以呂尚為法公奏言呂

尚能專制闔外生殺故所向有功今臣等若有過下所司逮訊

雖佐領以下亦當與之比肩對簿其何以堪諸大臣以其言過

懇請下部論罪

上特宥之尋從征錦州攻克諸屯堡獲人戶及牲畜甚多四年

春

上統軍駐松山 命公攻南城樓毀其堞臺兵不能支降其守

將王昌功等四十餘人

上登松山南岡相度城垣形勢 命公隨尚可喜用礮攻城南

門之左公與都統馬光遠先取城西南隅一臺諸將繼進合攻城盡墮其堞會以日暮罷黎旦復進攻則敵守禦已固我雲梯兵不能入死者二十餘人公兄子達與漢亦中創

上召詢諸將有德仲明可喜光遠議繫地道攻城公以地中有水石必不可穿且不能越濠而過持不可諸將不聽穴城卒無功遂罷攻城議是歲分漢軍兩翼為四旗以公為鑲白旗都統初祖大壽之降也請歸錦州為內應後竟背約屢抗我師六年秋公上言錦州為遼左首鎮我師繫濠築壘誓剪滅此以圖進取誠至計也第明以祖大壽為保障我兵圍之急彼必益發接兵併力一戰宜及此時簡精銳分布各旗屯田處遇警即並進

國朝先正事畧

卷二

各臣

完

何其軍動我軍突入轉戰過錦州至松山杏山閉敵必敗通錦州可破矣錦州破則關外入城聞風震動是即當年瀋陽失而遼陽隨下沙嶺失而廣甯隨順之明效也明援兵從甯遠至松山所賚行糧不過六七日若少挫其鋒勢必速退宜設伏於高橋險狹處掘濠截擊仍以銳師尾其後俾進退無路則彼之援兵盡折而降於我矣洪承疇書生耳所統援遼兵皆烏合雖張聲勢心實怯如祖大壽一失則承疇與諸將縱得遁去亦東市就誅而已彼見我皇上恩養降將最為優渥或慕義歸誠亦未可料今明國災異迭見流寇披猖

聖主乘時應運定鼎中原機不可失疏入

上嘉納之後皆如公言大軍之圍松山也敵乘夜犯漢軍營公率所部禦擊斬首十餘級獲刀甲鎗礮無算晉爵二等子七年分漢軍為八旗以公為鑲紅旗都統順治元年隨大軍入山海關敗流賊偕都統巴顏等勦滅昌平土寇尋帥師勦撫山東郡邑復會都統葉臣攻克太原其山西河南賊寇悉平之師還賜白金五百兩晉一等子六年從征大同叛鎮姜瓖復渾源太谷朔州汾州等城十二年授鎮海將軍駐防京口能戢兵安民民閒稱為石佛十四年請老

國朝先正事畧

卷二

各臣

罕

十八年薨年六十有三賜祭葬贈少傅兼太子太傅諡忠勇詔立碑紀功第三子華善幼時豫親王多鐸以女妻之投和碩額駙尋任內大臣康熙六年以上元節赴宴時譏誚莊親王博果鐸奪內大臣仍留額駙十三年春吳三桂反命為安南將軍帥師防守鎮江鎮海將軍王之鼎奏耿精忠結連海賊窺伺內地應調右路官兵集天甯洲訓練詔華善督所部兵習水戰九月命簡親王喇布為揚威大將軍統兵駐江甯華善與王之鼎等參贊軍務十五年改授平寇將軍統轄江南滿洲蒙古兵十六年簡親王駐江西疏請增兵詔華善率所部赴簡親王軍前聽調遣十七年改授定南將軍命進湖南駐守茶

陵尋命進守永興會三桂病死永興賊解去華善坐運通
 嚴旨切責令隨將軍穆占營領隊效力明年擊敗偽將軍吳國
 貴范齋於永州華善並有功二十四年薨賜祭葬如例其子
 石文炳順治中襲其祖忠勇公伯爵由參領擢總兵累遷都統
 康熙二十八年授福建將軍三十九年秋因其父年老召還
 仍授都統十一月薨於途賜祭葬如例以其子富達禮襲
 石琳忠勇公第四子也由佐領兼郎中康熙元年授察山東左
 遷湖廣下荆南道十三年襄陽總兵楊來嘉副將洪福叛應吳
 三桂踞房縣保康竹山煽誘醜徒嘯聚南漳之天門關山雞公
 等寨琳及總兵劉成龍率師討平之累遷河南按察及浙江布
 政使其在湖南值禁旅南征駐牧於沅時當麥秋琳與統軍
 約令次於野不得入壘市琳坐其帳中凡四十餘日民賴以安
 在浙江時耿逆初平衢郡被兵尤甚戶口多逃亡而丁賦猶責
 之里甲琳核實請免之軍興既久供億浩繁通欠叢積琳悉為
 釐定除一切陋規尤禁加耗嘗曰革一分火耗便可增一分正
 供時以為名言二十三年擢湖廣巡撫會工部以建造太和
 殿檄各省採運楠木杉木琳以楠木產自萬山中挽運維艱疏
 請展限部議不許特詔允之二十五年調撫雲南疏言賦役
 全書中有應行更改增刪者八事一滇省自明初置鎮設衛以
 田養軍曰屯田又有給指揮等官為俸聽其招佃者曰官田其

國朝先正事畧

卷二 各臣

聖

租入較民賦十數倍猶佃民之納租於田主我朝開滇之始
 吳三桂留鎮以租額為正供相沿至今積逋愈多官民交困宜
 改照民賦上則起科一滇省鹽井有九以各井行鹽之多寡為
 每年征課之重輕琅井每斤征課六釐白井八釐至黑井則倍
 之此明末額外橫征較明初原額不啻數倍今請減黑白二井
 之課照琅井例征收一開化府民田每畝科糧二斗六升三合
 較在昔未設府以前加賦至十倍應照河陽縣上則起科一元
 江府由土改流三桂於額糧之外別立名色凡四端以元江之
 山僻加賦倍征民不堪命應請各減其半一通海縣六寨地糧
 較民賦重幾三倍當改照新定民賦科則碼嘉縣每糧一石征
 條編銀四兩有奇亦為偏重今既歸南安州附征即應與州賦
 一律每石征銀六兩四分一麗江界連土番古稱荒服三桂叛
 後割金沙江之喇普地以與蒙番地去而糧存宜刪除一建水
 州自明時設參將歲派村寨陋規銀三百餘兩糧八十餘石三
 桂遂編入正額宜裁革一新平縣之銀場易門縣之銅廠礦斷
 山空宜盡豁課稅疏下所司知之擢兩廣總督四十一年薨於
 位年六十有四賜祭葬如典禮祀各省名宦祠
 石文晟忠勇公長子一等侍衛綽爾們之子也性豁達多才畧
 為政務舉大綱由蘇州府同知改平陽府知府康熙三十三年
 諭嘉其居官有聲超擢貴州布政使未幾擢撫雲南疏言滇省

國朝先正事畧

卷二 各臣

聖

屯田。被民田賦重數倍。積逋纍纍。非軍戶敢頑抗。亦非有司不善催科也。通省民賦最重者莫如河陽。上則田每畝糧入升一合有奇。若屯田則五倍之。且有八九倍者。臣叔石琳撫滇時。曾具疏。歷陳未經部覆。請將屯賦悉照河陽縣上則例起科。以甦貧困。持詔允之。舊額十減其六。又請增鄉試解額以振起人文。三十六年冬。入覲。會安南國王黎維正疏言。臣國牛羊蠅蝶。普爾三處。為鄰界土司侵佔。請 敕歸還。

上諭及其事。文展奏牛羊蠅蝶普爾三處。自明時即內屬。我朝開闢雲南。即在蒙自縣。征糧至康熙五年。改歸開化府。并非安南地。彼輕聽妄言。擅具奏復遣兵伺邊。臣與督臣仰體

國朝先正事畧 卷二 銘 聖

身。生柔遠至意。令防衛者勿輕動。臣愚以此地久入版圖。所請不宜允。下。詔切責。老回滇疏。改兆勝州為永北府。下部議。行四十二年。調廣東巡撫。明年擢湖廣總督。尋罷任。五十九年。薨。年七十有八。

愛敬康公事畧 子恭懿公富善

公諱愛星阿。姓舒穆祿氏。滿洲正黃旗人。祖武勳。王揚古利。世居渾春。其父郎柱。為庫爾喀部長。率所部來歸。

太祖厚遇之。命其子揚古利入侍。郎柱為部人所害。圍其家。其妻負幼子納穆泰於背。屬韃佩刀突圍出。以其族來歸。未幾。庫爾喀舉部內附。武勳王察知部人之殺其父者。手刃之。啖其耳鼻。時年甫十四。

上深異之。日見信任。且尚主焉。始令守汎江上。警備嚴密。無敢犯者。從征輝發。阻大水。眾難之。武勳王率先逕渡。大獲而還。取訥殷部及朱舍里等路。皆有功。從征哈達。擒其貝勒。以歸。奉

國朝先正事畧 卷二 名臣 聖

命收蜚悠城戶口。侍衛扈爾漢以兵二百禦烏喇兵萬人。方據山谷。結營相持。武勳王勵眾曰。吾儕平居相謂。與其死於疾。無甯死於敵。此非臨敵時乎。乃持矛突入。斬烏喇兵七人。敵稍卻。諸貝勒兵踵至。併擊大破之。征赫席黑木倫等路。越重柵而進。衝鋒奪險。常為眾先。及再征烏喇。攻青玉河。敵勢甚銳。

太祖遣使持信矢。召諸將退。武勳王獨麾眾薄城。疾攻拔之。從擊明兵於界藩。先馳敵。被傷。襲創。奮擊大破之。進擊尙閒崖。有旨。令被創者勿行。武勳王獨率佐領兵。憑高馳擊。大破明兵。天命六年。大兵取瀋陽。乘勢取遼陽。皆先登陷陣。又敗明兵於沙嶺。

上嘉其績且閱其傷痍。命位次八貝勒。下統左翼兵。授一等子。世襲罔替。兼諭勿更臨戰陣。十年。明總兵毛文龍以兵三百人夜入耀州。復帥師殲其眾。天聰元年。從征朝鮮有功。三年。秋。及副都統阿山躡緝逃人至雅爾古。遇文龍所遣採漢者。斬九十六人。擒千總三人以歸。尋隨。

太宗親征。敗明總兵滿桂軍於燕京之北。師旋。畧通州。火其船。遂取張家灣。明兵來援。薊州。我兩紅旗護軍兵少。卻武勳王鼓勇直前。敗敵兵。命以兩紅旗罰錢予之。即以分賜將士。六年。上親征察哈爾。命同貝勒阿巴泰等留守。七年夏。

上以征明及朝鮮。察哈爾三者何先。諭詢諸大臣。武勳王奏。

國朝先正事畧

卷二 名臣

聖

宜深入明境。朝鮮。察哈爾。自當歸順。且極言用兵不可緩。

上於是決計攻明。命帥師往畧山海關。明年。晉超品一等公。仍管六佐領事。世襲罔替。賜救免死罪三次。從攻大同。宣府。拔靈邱。墮王家庄。斬其知縣守備官。崇德九年。與武英郡王阿濟格等帥師直入明境。攻克關隘。至安州。下昌平。等十二城。五十八戰。皆捷。俘獲億萬計。二年。

太宗親征朝鮮。其全羅清忠兩道兵來援。營於南漢城。會天大雨。雪晝晦。從豫親王多鐸進擊敵兵。追及山嶺。有朝鮮敗卒鼠伏崖側。竊舉礮。重傷而薨。年六十。有六王。自結髮。從軍大小數百戰。被創滿身。不少挫。而持身敬慎。歷事兩朝。恩遇殊絕。

太宗嘗命護軍為之守門。賜豹尾槍。二令親軍佩之。甲卒二十人。為之衛。其卒於軍也。

太宗解御衣。衣之哭之。慟親視。舍殮。比葬。復親臨奠。置守冢八戶。追封武勳王建碑。墓道。順治中。配饗太廟。

聖祖復御製碑文。紀其功。雍正九年。加封號曰武誠。次子塔瞻襲爵。敬康公之父也。順治八年。

世祖皇帝追念武勳王功績。加給敬康公輕車都尉。俸尋授領侍衛內大臣。十六年。大軍征雲南。明桂王朱由榔與其黔國公沐天波等奔緬甸。偽晉王李定國奔孟良。偽鞏昌王白文選奔

國朝先正事畧

卷二 名臣

吳

木邦

世祖命吳三桂移平西藩屬鎮雲南。十七年。三桂疏請發兵入緬。滅由榔以除邊患。詔加公定西將軍。與都統卓羅果爾欽。遜塔護軍統領畢力克圖。費雅雅思哈。前鋒統領白爾赫圖等。率禁旅會同三桂進征。十八年九月。師次大理。秣馬逾月。出騰越州。取道南甸。隴川。猛卯。十一月。至木邦。擒偽副將馮國恩。訊知定國走景線。文選與定國不睦。屯兵錫箔江。公令費雅雅思哈等先簡精銳。疾馳三百餘里。至江濱。文選已毀橋道。走茶山。大軍至。結筏以濟。別遣總兵馬甯等追勦。文選公及三桂領兵趨緬。先是三桂屢檄諭緬人。令擒獻桂王。緬酋莽猛白。盡殺桂王從

官沐天波王維恭馬吉翔等數十人密使人守桂王謀生擒以獻十二月大軍次舊挽波距緬城六十里緬會使人詣軍門請遣兵百人薄城公遣白爾赫圖率前鋒百人進次蘭鳩江復令畢力克圖等率護軍二百自後策應緬人聞大兵將薄城以船載桂王與其親屬及故從官妻女獻軍前時文選為馬甯等追及於猛養度不能脫率眾數千降定國竄死猛獵康熙元年奏捷 優詔嘉獎 命振旅還京師仍為內大臣加少保兼太子太保子世襲一等公 敕書三年二月薨 賜白金三千兩治喪 賜祭 賜葬 諡敬康子富善襲一等公爵十九年授領侍衛內大臣三十五年春

國朝先正事畧 卷二 名臣

聖

聖祖以噶爾丹背約肆擾分路進討 命撫遠大將軍費揚古出西路

親統大軍出中路富善領鑲紅旗兵隨征 駕駐沙河 諭之曰古北口一路兵眾以爾統之所過城池村舍其悉遵朕法令勿絲毫擾民其有以捕獸馳騁竭馬力者並飭禁之四月 駕駐西巴爾臺遊噶爾丹所居之克魯倫河計程五日議者謂宜俟西路兵會剿富善奏言西路兵至尚須時日慮賊聞風竄即以中路兵剿賊未為不足宜乘其不備速遣精兵擊之奏入稱旨即 命進征克魯倫河會噶爾丹知 上親征盡棄其廬帳牲畜器械潰竄

上已密諭費揚古等絕其歸路先整兵特勒爾濟口以待陣斬二千餘級噶爾丹僅以身免降厄魯特部眾千餘人

上命班師每行營閱選駝馬徵輸芻粟富善承 旨以行咸當上意冊功加太子太保管扈 蹕至會岐口有疾

聖祖親臨視 賜醫藥四十七年薨 賚白金二千兩 詔遣官經紀其喪 子祭葬如典以子海金襲雍正八年 敕建賢良祠敬康公及富善並入祀乾隆元年追諡富善曰恭懿

國朝先正事畧 卷二 略班

笑

先正事畧卷三名臣

平江李元度次青纂

索文忠公事畧

公諱索尼姓赫舍哩氏滿洲正黃旗人父碩色大學士希福兄也

太祖高皇帝時碩色自哈達部挈家來歸

太祖以其兄弟父子並通國書及蒙古漢人文字咸擢至文

館理事賜碩色希福巴克什號授公一等侍衛使出入扈從

隨軍征討時哈達兵犯界藩城公身先士卒擊敗之復隨征棟

接蒙古援兵雲集立二寨互相犄角公與諸將合兵攻勦拔其

國朝先正事畧卷三名臣

一寨餘眾悉降天聰元年從

太宗攻錦州遇明兵千餘徙大凌河戶口公以二十騎襲擊之

多斬獲旋偵敵甯遠城內兵突出公奮戰追敵兵至壕而返二

年

上親征喀爾喀徵兵外藩科爾沁不至既遣希福率健士八人

往趣之復詔公與侍衛阿珠祐賁諭飭責士謝圖額駙奧

巴初奧巴為台吉入朝

太祖以貝勒舒爾哈齊孫女妻焉既而奧巴屢違約私與明通

時復徵兵不至公於是稟承方畧以行既入科爾沁其部人

饋以牲公麾之去日爾汗有異心爾物安可食耶部人以告奧

巴

巴奧巴病足居別室公與阿珠祐詣見公主以諭旨告奧巴

奧巴聞之扶掖至伴問曰此為誰公曰吾儕天使也爾有罪

義當絕今特以公主故來憫問耳奧巴語左右具饌公與阿珠

祐不顧而出奧巴恐使台吉塞冷等請其事公出璽書示之即

令從者先行奧巴得書大驚令所屬大臣環跪請曰汗獲重罪

甚惶懼今寇騎塞路恐使者即歸遭侵掠益滋汗咎請少畱公

曰銜君命而來死何足辭與阿珠祐拂衣起整轡欲行眾皆

泣且曰汗欲引罪自謝叩馬首力挽之乃止翼日奧巴辭以足

疾欲令其台吉拜思噶爾等偕公入謝公曰汝欲解己罪而使

他人行吾豈為取拜思噶爾等來耶奧巴乃使人請曰

國朝先正事畧卷三名臣

上怒我我固應肉袒謝懼不我容而逐我耳公曰

皇上覆載如天地汝果引罪入朝雖有罪必蒙矜宥與巴叩

首決計入朝公見其悔罪輸誠與阿珠祐偕其大臣黨阿賴先

歸奏狀俱稱旨三年從征至燕京明甯遠巡撫袁崇煥赴援

列營城東南公奉諭傳令左翼迎擊貝勒豪格先馳入陣敵

兵感之矢石如雨公躍馬突入東西衝擊當者無不糜碎遂拔

貝勒於重圍明年正月大軍至榛子鎮城內無官守公同文臣

達海頌漢字詔諭降其民復招撫沙河驛越日拔永平與達

海奉命執黃旗於城上以漢語徧諭軍民皆歸順二月班師

隨貝勒阿巴泰等率將士守永平五年正月朝鮮使臣樸蘭英

來朝。詔以人獲賜其王。樸蘭英以賞薄辭。公與參領英俄爾岱等斥責之。蘭英懼拜。命七月擢啓心郎。圍大凌河城。明兵自錦州赴援。公持短兵步戰。敗之。九月奉命往瀋陽。宣布德音。踰月偕參將祝世昌率漢軍千六百人及朝鮮使臣至軍營。十二月與達海等奏定元旦朝賀儀制。明年從征察哈爾。由大同入明邊。取阜臺寨。會六部官署工竣。上召公及諸啓心郎。諭以啓迪諸員勤俾勤事。改過毋曠厥官。八年授騎都尉。世職仍與學士羅什等日直內院。凡宣示諭旨及察審功罪咸當。上意會有旨以郡王禮祭員勒岳託尚書阿拜誤以岳託子

國朝先王事畧

卷三 名臣

三

襲封郡王傳語都統葉臣事。聞下廷臣議誤傳。詔旨罪以公任郎官應連坐。上曰索尼未奉旨何至妄言。命免議。會考績超授三等男。順治元年都統和洛輝訐告肅親王豪格言詞悖妄。王坐廢為庶人。詔王大臣集眾宣示以公忠貞戮力不附肅王與都統譚泰護軍統領圖賴並賜鞍馬。二年晉一等子。是時睿忠親王攝政。以公既授子爵不宜復列郎官。令解啓心郎任。仍理部事。先是公叔父希福以不附睿親王為譚泰構罪劾罷。未幾公發譚泰隱匿。諭旨事譚泰亦坐削公爵。有求古琴於公者。公於庫內取漆琴與之。公又嘗令僕從於禁門橋下捕魚。見庫院

草長使牧者秣馬院中。譚泰遂臚狀劾公。下法司勘訊。論死。睿親王奏從輕典。削世職。遂罷廢。三年正月圖賴劾譚泰事涉公。逮問圖賴曰譚泰有罪吾於途次作書致索尼使啓睿親王。索尼以不啟聞及訊齋書者塞爾特曰書達索尼索尼囑我勿言也。諸大臣論公罪當斬。王親鞫之。公曰吾發譚泰隱旨罪。願匿圖賴書以庇之乎。復訊塞爾特因得佐領希思漢慮譚泰得罪投書於河狀公遂昭雪。尋復二等子。公終不附睿親王於政事。多以理爭。王由是惡之。五年以貝子屯齊等訐告公嘗與圖賴等私結盟誓謀立肅親王。議罪應死。有旨免死。祿職輸贖。錢遣守。

國朝先王事畧

卷三 名臣

四

昭陵追奪賞賜八年。上既躬親大政以前罪不寬。特召還朝復其爵。恩詔晉世襲一等伯。賜敕免死。立榮。擢內大臣總管內務府事。十七年應詔上言十一事。一。小民冤抑有司不為詳審者宜別為嚴察。使無壅於上聞。一。凡犯罪發覺問官以奉有嚴旨往往不察其情輒加重罪。乞敕法司量情詳慎。一。前議福建將士罪在大將軍者止削一不世襲之騎都尉。而所屬將領其子男爵乃盡革。輕重不均。有乖懲勸。請敕更正。一。凡開國之臣自騎都尉以上皆有功行閒及贊成大業者所授之職宜予世襲。其後非有戰功但恩詔所加者不宜給世襲。敕書一在外諸

藩風俗不齊。若必嚴以內定之例。恐反滋擾。宜格外寬容。一近聞大臣勢豪。奪據行市。奸徒投託。指引以攘貨財。請嚴禁。一四方商賈。擔負捆載來京者。多為旗下大臣。短價強買。人將畏而不敢請察。禁一諸王貝勒及各官。私引玉泉山水為灌漑。致竭泉流。當禁一。邊外木植。皆商人僱民採伐。今聞大臣於採木之地。私行強佔。致商不聊生。請禁止。一大臣不殫力公事。惟飾宅第。請懲禁。一五城審事諸官。遇世族富家。與窮民構訟。必罪窮民。曲意徇私。不思執法。請嚴飭。毋得枉屈。賄庇疏入。

上以所奏皆實事。宜申禁。飭部議行。十八年正月。

世祖升遐。遺詔以公與內大臣蘇克薩哈。遏必隆。薩拜四人

國朝先正事畧 卷三 各臣 五

輔政。於是公及諸臣盟誓受事。未幾蘇克薩哈與薩拜爭事成

隙。公惡之年。己老矣。且有疾。康熙六年正月。與輔臣等奏請

聖祖親政。四月。上諭吏部曰。輔政大臣伯索尼。

太祖時。匪勉効力。

太宗任以內外大事。悉能果斷。殫厥忠誠。

世祖皇帝以其勲舊忠貞。堪受重託。遺詔俾令輔政。恪遵

顧命。夙夜靖共。厥績茂焉。宜特加恩。示酬庸之典。遂晉一等

公。前所授一等伯。並世襲。公以寵榮逾分。悚仄難安。陳情辭一

等公爵。優旨不允。是年七月薨。賜祭葬。有加禮。諡文忠。以

第五子心裕襲一等伯。第六子法保襲一等公。授內大臣。長子

噶布喇次子噶布拉。俱任領侍衛內大臣。十三年十二月。

聖祖因 冊諡

孝誠仁皇后。推恩所生。授公及噶布拉。俱為一等公。第三子

索額圖。官至保和殿大學士。太子太傅。領侍衛內大臣。坐家人

許告罪狀。交宗人府拘禁。尋卒。

國朝先正事畧 卷三 各臣 六

六

邊格傳公事畧 子慈敬公尹德

公諱邊必隆。姓鈕祜祿氏。額駙宏毅公額亦都第十六子。和碩公土所出也。天聰八年。

太宗賜敕。命公襲其父一等子爵。任侍衛。九年。詔免功臣徭

役。公與焉。尋授一等總兵官。貝勒尼堪之福晉。公兄都統圖爾

格女也。無子。謀取僕婦女。詐為己生。事發。公坐徇庇奪職。崇德

六年。從

上伐明。移營松山。築長圍環守之。明總兵曹變蛟率乳峯山步

騎欲棄寨突圍走。屢犯兩黃旗營。公奮擊連敗之。夜三鼓變蛟

集敗兵突犯。御營時諸將未及赴軍中。驚擾。公與侍衛巴什

國朝先王事畧 卷三 名臣 七

塔及內大臣錫麟等堅守。後營閉力戰。獲者餘人。變蛟負劍走

詔守衛不嚴。諸臣輸罰。緩分資。禦敵將士公得。優賞七年。隨

饒餘貝勒阿巴泰等入明長城。克薊州。進兵山東。抵克州。攻夏

津。先登克其城。授騎都尉。世職。順治二年。流賊李自成遣孽李

錦郝搖旗等。竄聚湖廣為亂。荆襄武漢閉道。路多梗。公隨順承

郡王勒克德渾往討之。師次武昌。賊據守要隘。公先率攻入。大

軍繼之。斬馘無算。遂拔鐵關。晉輕車都尉。五年。兄子侍衛科普

索許公與白旗諸王有隙。設兵護門事。論死。得。旨寬免。奪世

職及佐領籍家產之半。八年。

世祖親政。公訟寃。詔復職。明年。科普索獲罪。以所襲圖爾格

之二等公爵。令公併襲為一等公。有護軍擺思哈喇者。當

太宗上賓時。託疾不守門。至是授騎都尉。公舉劾其前罪。下那

論如律籍其家。以與公。旋任議政大臣。領侍衛內大臣。加少保

兼太子太保。尋加少傅。兼太子太傅。十八年。受

世祖遺詔。與索尼。蘇克薩哈。鼐拜。同為輔政大臣。康熙六年。三

月。御史張維赤疏請

聖祖皇帝親政。於是索尼等以歸政。請公亦懇請再三。是年七

月

上躬親大政。諭部加恩輔臣。加公一等公爵。復以其長子法

喀襲原授之一等公。公奏辭不允。賜戴雙眼孔雀翎。明年加

國朝先王事畧 卷三 名臣 八

太師。尋乞罷輔政。溫諭慰留。又明年再請。乃許之。先是輔政

時。索尼老病。鼐拜獨專恣。與蘇克薩哈不相能。公不能自異。及

鼐拜倡圖易旗地之令。中外大臣皆以為不便。公擬停止。而鼐

拜意在必行。弗能阻。既而鼐拜矯旨殺大學士蘇納海等。復

族誅蘇克薩哈。公皆不能正其罪。八年。鼐拜獲罪。公坐緘默。不

言。逮問。論死。

上以其結黨無實。宥之。削太師銜。及後。賜之一等公。九年

諭兵部曰。前以遏必隆知鼐拜樹黨亂政。不預行糾劾。故坐之

罪。今念其為

皇考顧命大臣。且勲臣子。其咎止於因循。瞻顧未嘗躬負重愆。

著仍以公爵宿衛內廷十二年冬疾篤

上親臨慰問及薨 賜祭葬 賜諡恪僖勒石墓道碑文稱其

賦性敬慎制行端方 懇誠報國著有勤勞云 尋以 冊立

孝昭仁皇后推恩所生 特旨令立家廟 賜

御製碑文復 御書策名金石四字額其祠五十一年

上念公會龔父爵綠事革除 特命以其第四子尹德襲一等

子尹德初由佐領授侍衛嘗從

聖祖親征噶爾丹復扈 蹕宿夏於承襲子爵後復襲其伯父

圖爾格二等公其一等子即以圖爾格之孫豐阿達襲尋由都

統擢領侍衛內大臣兼議政大臣雍正五年以病乞休 特遣

國朝先正事畧 卷三 名臣 九

內大臣慰問允致仕未幾薨 賜祭葬如例諡愨敬生平恭謹

誠樸宿衛十餘年未嘗有過其以病罷歸第也期望必攝衣冠

北向叩首歲入祿米必均諸宗族之貧者十年十月

詔以公居心謹厚行己端方可入祀賢良祠乾隆元年 詔晉

一等公愨敬公有子五人次子訥親四子阿里袞官皆至大學

士乾隆中訥親以首輔經畧金川軍務失機 詔以過必隆之

刀斬訥親於軍前

魏文毅公事畧

魏公裔介字石生號貞庵一號崑林直隸柏鄉人祖純粹明萬

曆中進士官御史公生而穎悟沈默寡言笑明季兵亂讀書邑

西山之桃源洞講求經術時務或終日危坐究心於明體達用

之學順治三年成進士選庶吉士明年改工科給事中五年典

試山西尋轉吏科母憂歸九年補故官十一年遷兵科給事中

明年遷太常少卿擢左副都御史十四年擢左都御史坐言事

附和應奪職 特旨畱任尋遇 恩詔復原職十六年 諭獎

公建言多裨國是加太子太保十七年春

世祖皇帝下罪己之詔并令羣臣各自陳公疏上奪宮保後未

國朝先正事畧 卷三 名臣 十

幾疏劾大學士劉正宗成克鞏欺罔附會諸罪 詔正宗克鞏

回奏未得實下法司勘鞫并罷公職與贊訊正宗獲罪籍沒入

旗克鞏奪職畱任公復原官蓋終

世祖之世三十四年開公歷官臺諫及

聖祖嗣服復長御史臺康熙元年考績復宮保二年晉吏部尚

書三年擢保和殿大學士充實錄總裁嘗請告遷葬事竣越還

朝九年典會試十年以疾乞歸 優詔許之十一年加太子太

傅公在言路最久先後二百餘疏或立見施行或始訕於眾議

後卒以公言為然或 天子排眾議而獨伸公言用著為律令

疏草具在可考而知也在工垣時

世祖已在五載公言少而勤學古人比之日出之光竊恐年
 歲既盛嗜欲日開宜及時舉經筵日講以隆治本又言燕趙
 之民惟牛裹糧首先歸命此漢高之關中光武之河內也屢奉
 詔書蠲賦獨畿輔未沾實惠宜切責奉行之吏彰信兆民又言
 各州縣遇灾荒既經報部其例得獨緩錢糧宜即停征以杜胥
 吏欺隱并就各州縣所有積穀及存留銀先行賑貸會應 詔
 陳言謂時事孔亟民不聊生日甚山左萑苻未靖畿輔因以燎
 原江右叛將甫擒雲中忽而豕突巴蜀湖湘游魂遺孽所以屢
 九重之宵旰者舉不足慮惟上下之情未通滿漢之氣中開大
 臣關首以保富貴小臣鉅結而借功名紀綱日弛法度日壞貪
 鄙肆行正事各名臣卷三 十一
 曾舉更轉相吞噬以鳴得意臣實憂之宜改設易職盡反乎日
 之所為請時御正殿召對羣臣虛心咨訪冷部院科道諸臣
 面奏政事仍令吏官記注以求救時之實肅制下立行其說時
 體逃寇律甚峻因羣臣入對陳言特寬其禁中外大悅先是江
 南既定明尚書張縉彥赴大學士洪承疇軍前投誠至是河南
 巡撫吳景道援 恩詔薦舉部議許之公疏言縉彥在明朝任
 中樞養寇誤國有虛杞賈似道之奸而庸劣過之宜擯棄以協
 公論疏下部察議以事在 赦前予外用公在吏垣
 世祖已親政公言督撫封疆重臣宜慎擇不宜專用遊左舊人
 又言攝政王時匿逃法太嚴犯者家長坐斬時天下籍然畏其

樂生之心後寬其禁責成州縣法至善也若舍此別有峻法竊
 恐下拂人心上干天和非尋常政治小小得失而已
 皇上愛民如子各旗亦宜仰體 聖意遇下以恩彼雖奴隸豈
 無戀主心而紛紛烏獸竄胡為也時朝儀未定公又言深居高
 拱不如詢訪臣都批答詳明不若親承顏色故事有朔望之朝
 有三六九之朝有早晚朝有內朝外朝今縱不能如舊例當一
 承宣朝以副勵精圖治至意自是始定月逢五視朝之制直隸
 河南山東水灾公言勘報移覆尙需時日議蠲議賑稍緩須臾
 即無救死徙言尤悚切有 旨出帑金二十四萬兩分遣大臣
 求六火督賑全活數十萬人皆有公發之也會有 詔訪明季
 國朝正事各名臣卷三 十二
 京城殉難諸臣公疏舉大學士范梈等五拾人乞宣付史館
 詔褒錄於是諸臣先後得旌錄與祭諡在兵垣縉嚴軍政所議
 拔後皆為大將疏劾將軍續順公沈承忠當流賊孫可望猖獗
 州時擁兵不救致總兵徐勇等力竭殉城議罷縉又劾縉提
 督楊名高怠玩致漳州郡邑為海寇鯨成成功所陷承忠名高均
 坐奪職會有 詔令內外臣工精思職守公陳用兵大勢言往
 事議無及矣今者劉文秀復起於川南孫可望竊據於貴竹李
 定國伺隙於西粵張名振流氛於海島連年征討尙遠天誅為
 目前進取計蜀為滇黔門戶蜀既守而滇黔之勢盛故蜀不可
 不先取此西南之情形也粵西稍瘳昨歲桂林之役未之大創

必圖再犯以牽制我湖南之師宜令灌鎮更番迭出相機戰守此三方者攻瑕宜先粵西粵西濟則可望騰落滇黔亦當瓦解恐若鯨波未息則宜嚴斥埃絕其窺伺大修戰艦諸路并力合勦勿使事久變生其後諸路進兵卒如公言又請錄用建言得罪諸臣請倣唐李吉甫元和國計簿令度支歲計出入盈縮呈御覽請增官吏祿俸請禁金玉錦繡浮屠塔廟一切侈靡蠹蠹之事請立勸農官請自今罪人勿發甯古塔請遣大臣督視河王言皆剴至及為副憲疏劾大學士陳之遴心術不端營私植黨請解任發遼陽閒住戶部議開吏員納銀事例公言此衰世苟且之政也今縱不能加小吏工食奈何著為令甲以資得

國朝先正事略 卷三 各臣

三

官使錢政由此而壞又請定教官每年考察例令學政刊布明儒薛瑄守使等請學諸書以培真才並下部議行其領御史臺也時在五月日月交食公疏請廣言路停工作寬州縣催科考成速清恩詔應釋滯獄酌復五品以下官俸減調移之兵節供應之費聖嘉其奏立允行嘗春月侍經筵講漢文帝春和之詔因舉仁政所先四事即日以聞京師人生女多棄不舉公請嚴禁惡俗世祖宣示講筵命閣臣紀其事正陽門外菜園居民稠密為前朝嘉蔬圃地所司撤歸之官公過其地百姓遮道訴公入言

於上立以予民公嘗言天下未平皆由徵求太急刑罰太繁以致良法美意不能遍及窮簷今宜獎進直言激發忠義尚寬大平易之治勿為刻薄瑣碎之計有旨令對狀終以其言直不問也

世祖嘗召至中和殿諭之曰朕擢用卿非有人薦達也公稽首謝曰敢不竭孤忠以報知遇南苑閱武每賜行宮應制賦詩天顏輒喜甚一日侍坐問民間收穫公曰內百姓困苦豐年僅供官稅

國朝先正事略 卷三 各臣

十四

梅公因事納忠屢稱旨疊拜名馬豐貂金幣之賜世祖幸南苑別殿夜半閱明孝宗實錄有召對兵部尚書劉大夏都御史戴珊事大喜曰朕所用何遽不若大夏珊明日宣梁尚書清標及公詣行幄備顧問其蒙恩眷若此聖祖冲齡踐阼輔政大臣議加練餉五百萬公疏爭之力中旨停罷雲南初定請捐無名賦稅以慰新附之氓薦地方人才以收巖穴之士恤投誠文武以來膚敏之彥寬一切禁網以安溪尚之鑿又言雲南既有吳三桂藩兵及督提兩標兵則滿洲兵可撤但滇黔川楚之間不以滿兵鎮守要地儻戎寇生心恐贛長莫及荆襄乃天下腹心宜擇大將領滿洲兵數千常駐其

地無事則控扼形勢可以銷奸宄之萌有事則提兵應援可以據水陸之勝疏入格於議公復請移舊駐武昌之湖廣總督於荊州從之其後滇南變亂人乃服公先見云公在政府張弛寬猛調劑異同單辭片語解紛決策及

仁皇帝親政公感 兩朝恩遇益奮發有為終以直道忌者眾初陝撫張自德以贖款被劾給事中孫光祀因劾公贖徇公疏辨及康熙庚戌夏內院承 旨會同吏禮部選新進士六十人試以文藝

上親定二十七人為庶吉士御史李之芳疏劾公先以閱擬上卷之三十四人私令家人通信并劾公前遇 恩詔時候缺未

國朝先正事略 卷三 名臣

十五

補其子嘉慶混得廢交款公與班布爾善比匪用私人為實錄館纂修提調官越格優敘班布爾善者以黨黨拜伏誅老大學士也有 詔命公回奏公言閱卷非臣一人通信有何左驗廢子由吏部題明 恩尤有案可稽至謂臣與班布爾善比匪則前此同在內院遇事輒相爭論以龍拜之勢後臣足跡不登其門况班布爾善平因請 賜罷斥歸田疏入下吏部會質部議魏嘉慶生雖非朦混但候補官無得廢之例法宜革明年公疾

政以其懇切不強固也公服官日夕讀書與中輒攜一卷及致

省獨得而不輕以語人其見於所著書有約言錄內外篇聖學知統錄二卷知統翼錄二卷致知格物解二卷論性書二卷所纂書有重訂周程張朱正脈薛文清讀書錄纂要其經學則有易經大全纂要四書精義彙解惺心篇捷解孝經注義史學則有經世編七十二卷詩有嶼舫集文曰兼濟堂集共五十餘卷又著希賢錄一書分五門二十五目以括格致誠正修齊治平之要生平篤孝友與人交質直無城府久要不忘尤喜獎掖後進急人之難不啻飲食嗜欲懸車十六年課督農桑混迹田夫野老閒人不知為舊相也康熙三十五年薨年七十有一 賜祭葬如例雍正十年 詔入祀賢良祠乾隆元年

國朝先正事略 卷三 名臣

十六

崇愆公與湯尚書斌等未邀賜賀之典 諱詔進證文毅弟裔慈官平涼府知府有孝行著述亦多公有子四其三日恭彤字念庭官至按察副使能繼公業者有懷舫集 贈晉典 田夫

魏敏果公事畧

公諱象樞字環溪一字庸齋山西蔚州人順治三年進士選庶
吉士明年改刑科給事中公性骨鯁敢言事尤注意於當世人
才賢不肖治術得失民生休戚是是非非必盡意乃止疏言
督撫按聽用之官太雜道府州縣胥隸太濫請清理報可尋劾
安徽巡撫王懷賄庇從逆之縣令鄧繼球罷之五年轉工科右
給事中疏劾平陰知縣王國柱違禁擅磔人又請更定會典以
明職掌七年轉刑科左給事中疏言督撫屢有訪糾道府全無
開報請嚴徇縱律八年

世祖章皇帝初親政 詔免天下額賦罷城工除加派其時有
國朝先正事畧 卷三 名臣 十七

以祇征侵帝坐異者因世疏極陳其弊且請定藩司會計奏報
之法以杜欺隱亦內外各官治事之限以清稽滯從之又請嚴
考績大典禁反噬劾江蘇左布政劉漢祚候賦五十餘萬請
嚴部察究論如律最後請

聖躬慎起居一疏辭通輔臣畧言

聖政維新中外想望治平匪同昔日如

皇上近巡京畿輔臣當陪侍法從以效啓沃之忠儻遠有所幸

尤當諫止 變與以盡保傅之職疏上人謂公禍且不測有人

旨嘉之又因災變陳言謂天地之變乃人事反常所致歷舉近

日顛倒 旨意輕重 綸言等事語侵權貴尤亟疏下九卿科

道議左給事例不與議公補陳願末 特命公會議公與諸大

臣抗爭是非在廷為爪目獨大學士范公文程心識之曰此我

國家任事之臣也其後有構公者輒於眾中剖晰之卒得白九

年遷吏科都給事中十年大計鎮廳閱冊令兵馬司周廬巡徽

綱紀肅然上四疏皆言計典其一謂糾拾之舊制宜復言官不

宜反坐下所司議著為令因奏白給事中劉捷糾拾被譴寃得

旨復職言官吳拜吳達坐言事論死公謂言官進言不實第宜

治以考功法惟坐焚職執法報怨挾仇乃可下刑部又言會推

督撫宜核事實勿徇虛名又詳陳民命民情民食民困四端以

佐勤民大政皆報可十一年大學士陳名夏得罪言官坐不先

國朝先正事畧 卷三 名臣 十八

事糾發六科長皆被議公降補詹事府左庶子陳言欲

奏定薦舉各官格式稍遷光祿寺丞十六年告養歸家居十三

年講求理學以躬行實踐為宗丁母憂喪葬悉準古禮康熙十

一年服除大學士馮公溥特疏薦

聖祖即召公以疾辭再 召乃趨朝補御史疏言欲明賞罰斷

在獎廉黜貪請甄別考察並以操守清廉為上等又請增俸以

養廉改罰俸為記過又請永不許正月開征以昭萬世法守又

言畿輔盜案過多請設總督兼轄滿漢兵民尋劾湖廣藩司劉

顯貴虧帑九萬七千有奇撫臣徐化成巧為出脫又劾給事中

余司仁罔上行私曲庇劉顯貴並下所司察治滿歲晉四品卿

銜仍掌御史事。疏言崇教化則宜勵臣僚之家教。重河工則宜蓄任使之人才。正人心則宜戒淫巧。定民志則宜輯禮書。

聖祖皆聽其言。擢左僉都御史。明年二月遷順天府尹。原任巡按御史郝浴為吳三桂誣陷流徙尚陽堡。凡二十年。公屢疏薦之。且曰。臣才守學識皆愧不如。願以職讓。其後浴卒起用為名臣。轉大理卿。七月擢戶部侍郎。承旨保舉人才。舉原任布政使李士楨。慶陽道王天鑑。候補道鄭端。常熟知縣魏允升。皆報可。會西南用兵。上籌餉三疏。曰。確估價值以清浮冒。嚴覈關稅以杜侵漁。慎簡藩司以清賦稅。從之。

上命公與侍郎班迪清理部庫。八閱月而歲事。十七年授左都

國朝先正事略

卷三 名臣

九

御史首疏申明憲綱十事。謂國家根本在百姓。百姓安危在督撫。督撫廉則物阜民安。督撫貪則民窮財盡。願諸臣為百姓。留膏血為國家培元氣。臣不敢不為朝廷正紀綱。

聖祖嘉其切中時弊。立子施行。會徵博學鴻儒。公舉原任布政使畢振姬。嶺北道湯斌。糧道王紫綬。員外郎馮雲驥。評事白夢

熊。應詔時。嘉定知縣陸隴其。以盜案落職。公以清操飲休愛民。如子薦之。鎮江知府劉鼎。溺職無狀。而報擢糧道。徐州知州

曹廷俞。貪酷厲民。大吏庇縱不劾。公特疏糾之。又因磨勘順天鄉試卷。陳科場八弊。請設內簾監試。御史陳學政十弊。請據為

三年考覈之資。廷議並著為令。舉學臣之賢者曰邵嘉勞之辨

劾其劣者曰盧元培。程汝璣。會汝璣已經浙江督撫保擢京堂。公遂臚陳汝璣罪狀。並劾督撫欺罔。下九卿科道議。尋論罪如律。明年春公奏事畢。

上命近臣捧御書詩卷一。清慎勤大字三。格物大字二。以賜公。且傳諭以爾居官克稱此三言。故有此賜。他日復賜紫貂披領。

上面諭今年暫著明年。且別製為卿換之。會京察自陳。優旨命供職。未幾有刑部尚書之命。公疏言。當貪風日長。吏治未清。夫吏因循。小民困苦之際。仰見

國朝先正事略

卷三 名臣

三

海內臣工其相砥礪。內而科道。外而督撫。參劾之疏屢上。已有澄清之機。而道府以上。貪墨之官。尚多漏網。臣職司風紀。夙夜兢兢。不敢自安。昔汲黯自請為中郎。補過拾遺。臣亦妄欲竭愚悃。請辭司寇。爾御史臺激濁揚清為

皇上振肅綱紀。

上嘉其奏。遂加刑部尚書銜。原任於是方疏劾權稅蕪湖之主事劉源。駭恣貪污。及山西巡撫士克善。賄庇學道盧元培。諸弊。朕是日地震。

上晝夜坐武帳中。公直入奏曰。地臣道也。臣失職則地反。常臣不能肅風紀。以修職業。請免罪。臣以回天變。

上召公入公伏地涕泣請屏左右語移時極言天變若此乃
額圖明珠二相植黨市權排忠良引用僉壬以剝蒸黎之應及
出副都御史施公維翰迎於後左門見公淚流頰未乾也是日
公宿帳中語施云今百姓困苦已極而大臣家益富地方吏剝
民媚上督撫司道又轉餽政府小民愁苦之氣上干天和致召
水旱日食星變地震之異又會推動輒徇私將帥無復紀律罰
免錢糧災黎不沾實惠刑官竊獄豪右為姦皆可憂可危之事
施曰公何不極言之公曰 聖明洞燭何待吾言吾憤負 國
萬死不足贖矣明日

上以六條宣廷臣集議大畧如公指於是朝士咸知公造膝所
國朝先正事畧 卷三 各臣

請而用事大臣皆為之股栗明年額圖罷二十七年明珠為
郭總憲琇劾罷至四十五年春
聖祖始以公面對語諫羣臣二相之黜公最先有以發之也會
詔舉廉吏公疏薦原任侍郎高珩達哈塔雷虎班迪大理卿瑚
密色侍讀蕭維豫郎中宋文選布政使畢振姬知縣陸隴其張
沐皆得 旨錄用十九年任刑部尚書明年扈從謁
孝陵一勸幾絕賦詩至哀讀者皆感動尋 命與少宰科爾坤
巡察畿輔公單騎按行墨吏豪家皆斂跡為除泰甚者若而人
還報稱 旨時積勞得疾 賜人葭二斤葭膏一器公感
上恩欲引退而不忍言二十三年春奏事 乾清門並踏於地

乃疏乞骸骨 溫旨慰西仍力疾視事或勸少休公曰吾儉安
一日罪人待讞者增一日苦矣八月再請
上惜其去以詞甚迫切 許馳驛歸並 諭三觀乃行始入

賜御膳再 賜茶三 賜御書寒松堂額寵其行公遂自號寒
松老人出 國門公卿祖帳盈道皆嘆息以謂公清勁之節至
老不衰固不媿斯稱而
天子之知公則可謂至矣公門庭蕭寂圖書數千卷無異秀才
時所增惟 綸詰 宸章及諫草一囊而已二十五年薨於家

年七十有一 賜祭葬如例謚敏果著有儒宗錄知言錄寒松
堂集公為 本朝直臣之冠彈劾必匪人薦引必正人嘗言大
國朝先正事畧 卷三 各臣

臣之誼在以人事君故於君子小人進退消長之際爭之尤力
其講學篤實醇正與孫夏峯李二曲及湯陸諸公遺書往復文
章樸直如其為人其以薦起也度俸精不足自給不欲出有李
恆岳者妻兄弟也謂曰子在京師日費幾何曰得一金足矣恆
岳曰子果出而有濟於世吾能任之公遂行終公在官無內顧
憂者恆岳力也雍正八年 詔入祀賢良祠

李文勤公事畧 杜文端公立德

李公諱爵字景喬直隸高陽人父國楷明大學士諡文敏明史列傳公七歲而孤自幼苦志讀書言行不苟順治三年進士選庶吉士授檢討 恩詔習編修十年

世祖親試習國書翰林公與侍講胡兆龍檢討莊同生並列上等擢中允再遷侍講學士教習庶吉士時始設日講官公與庶吉士胡兆龍王熙曹本榮等充之十四年充經筵講官十五年充會試副總裁遷秘書院大學士尋改東閣大學士疏言內三院既改為內閣別設翰林院宜分職掌以專責成上允所請十六年加太子太保 命校定律例十八年

國朝先正事畧 卷三 名臣

三

聖祖御宇復設內三院公改宏文院大學士康熙三年典會武九年仍以內三院為內閣公改保和殿大學士十一年纂修世祖實錄成 賜銀幣鞍馬加太子太傅十三年 詔舉素有清操堪任繁劇者公舉前布政使王舜年參議道俞之炎十五年再典會試十七年 詔舉博學鴻儒公與大學士杜公立德馮公溥合疏薦副使曹溶布政使法若真參議道施閔章中書曹禾陳玉璣知縣米漢燮進士沈珩葉舒崇及 召試三相國皆為閱卷大臣所取皆名宿愿充方畧 聖訓 實錄會典及明史總裁官晉太子太師會臺灣初定提督施琅請設官鎮守廷議未決有謂宜遷其人棄其地者

上召問閣臣公奏棄其地恐為外夷所據遷其人慮奸宄生事應如瑣議

坐遷之二十三年六月薨於位年六十公弱冠登第大拜時年裁三十有四老成持重風度端凝內介外和朝野倚以為重聖祖冲齡時輔政諸臣多事決票擬或失當公每於談笑閒婉言曲喻徐使改易調燮之力居多三藩變作察哈爾部亦叛朝廷命將討不庭一應軍機方畧 諭旨皆口授公起草每入直或夜分始出或留宿閣中有問者輒默不應其慎密如此居相位久爛享故凡 朝廷大典禮必以屬公出則扈從入則侍講帷所得 賜資輒分給宗戚恪恭忠謹三十餘年如一日遺

國朝先正事畧 卷三 名臣

三

疏聞 優詔賜卹命大學士明珠借學士一人往奠爵 賜祭葬如禮諡文勤四十九年 諭曰李蔚任大學士時始終恪慎懋著勤勞其孫工部主事李敏啟可超擢太常寺少卿以示優禮舊臣至意是歲公第三子其旋以教習授知縣 特旨以主事即用晉員外郎公尋入祀鄉賢同鄉中與公偕登揆席者曰賣地杜文端公 杜公諱立德字統一明崇禎癸未進士 本朝順治二年以薦授中書考選給事中疏言治平之道有三口敬天曰法古曰愛人 上深嘉納六年疏陳漕弊言漕臣庫禮披獲運官使費冊三十

本送部其中所費皆東南數百萬赤子脂膏供貪墨者之魚肉請按款察究從之八年疏請舉經筵擇經明行修之士為講官又請定朝期柱加派肅禁地均蒙嘉納初睿親王攝政給事中許作梅御史吳達李森先等交章劾大學士馮銓貪狀疏上已旬日未下廷議公疏請令滿漢大臣集議以伸公論故直言之氣尋以事在赦前寢其議及

聖祖親政黜馮銓公因言許作梅吳達李森先等前因劾銓為所切齒又劾都御史趙開心素為銓所忌相繼構陷斥去之茲逢聖政方新乞務察開心等皆得旨起用公由太常少卿遷工吏兵刑四部侍郎加太子少保擢刑部尚書每謙重辟必

國朝先正事畧 卷三 名臣

三五

周詳密慎反覆為永生路得則退有喜色不得則日中不出署抵暮歸或竟忘食嘗入對既出世祖顧左右曰爾等識此人乎此新授刑部尚書杜立德也不貪一錢亦不妄殺一人其被殊眷若此康熙元年調戶部尚書二年加太子太保三年典會試轉吏部八年拜國史院大學士其明年改內三院為內閣授保和殿大學士兼禮部尚書晉太子太傅公殫心獻納遇事持大體聖祖嘗論左右閣臣如杜立德真不愧古大臣十二年再典會試居相位十餘年恩禮優渥嘗賜宴內廷特命列坐殿內漢大學士入殿坐自公始也其後以疾未預宴

上特遣中使資酒饌賜之諭曰卿弱亮老臣久任機密茲海宇蕩平時當令序賜宴羣臣念卿卧病故遣使慰問且賜醴餼卿其加餐珍攝副朕惓惓至意二十一年夏乞休得旨旨御製五言律一章御書二軸及怡情洛社篆章以賜會實錄告成晉太子太師三十年六月薨於里第年八十有一諭稱其稟性厚重行事正大從不肯苟隨同列可謂賢臣矣賜祭葬予諡文端子恭俊官廣信知府三十九年迎駕三河上詢知為故相子甚喜并問公葬所賜御書永言惟舊四字揭諸阡恭俊好義喜濟人急邑人陳某欠官糧三百金將鬻其女恭俊捐金代償而并嫁其女父子並祀鄉賢

國朝先正事畧 卷三 名臣

三五

馮文毅公事略

國初諸大臣宏獎人才以益都相國馮文毅公稱首公嘗薦原任光祿寺丞蔚州魏象樞兵部主事成性各以科道用後皆為名臣康熙己未詔舉博學鴻詞科公薦原任布政使法若真副使道曹溶參議道施閏章進士沈珩葉舒中書曹永陳玉璣知縣米漢雯皆海內者宿其餘應召至者公皆領心延選貧者為授館病饋以藥喪者贈以金聞人有其才學大書名姓揭座隅汲引如不及天下士歸之如百川之赴巨海焉及試上命公與高陽李相國蔚質杜相國立德崑山葉學憲方為並為閱卷官中選者五十人皆入史館於是開章授侍講瑛禾

國朝先正事畧 卷三 名臣

毛

漢雯皆授編修餘高年如杜越傅山孫枝蔚等七人皆授中書銜遣歸天下頌

聖祖得人之盛而公好賢下士出天性為足仰贊開門之盛

治云公諱溥字孔博一字易齋山東益都人順治三年丙戌進士丁亥補廷試選庶吉士尋授編修壬辰分校禮部試累遷秘書院侍讀學士

世祖幸內閣指公謂閣臣曰朕視馮溥乃真翰林也未幾擢吏部侍郎會各省學道缺部郎不副以知府補之經吏禮部共議

奏而給事中張惟赤以徇私劾公有旨令回奏公疏辨

世祖曰吾固知馮溥不為也置不問次年京堂三品以上官自

陳忽嚴旨黜滿尚書科爾坤暨兩侍郎而獨留漢官在部公與尚書孫公廷銓疏言部事滿漢同治今滿臣得罪漢臣安得免臣等無狀乞并黜有旨命供職會考績公疏請補滿堂官得旨命公等考察滿員公以素與滿員不習無從定優劣辭特旨命會同五部尚書及都察院考察其逾格見重多類此

聖祖沖齡御極內大臣索尼蘇克薩哈過必隆鼉拜並受顧命同輔政號曰四大臣御史李秀初以考績黜至是翁緣復官勅公為故相劉正宗黨人主銓時破例徇私公疏辨嚴旨

飭秀誣訐康熙四年停各省巡按議遣大臣廉察督撫每行省各二人吏部尚書阿思哈侍郎太必免遂議設公廨頌 敕印

國朝先正事畧 卷三 名臣 奏

公執不可謂國家設立督撫皆重臣今謂不可信復遣兩大臣監之甚無謂也夫權重則勢相軋難保屬吏不仰承左右啟隕端太必免性暴伉聞公言大志曠目起立奮拳將毆公公徐曰

會議也獨不容吾兩議耶且可否自有上裁豈爾我敢專主時曹屬環跪公前使稍貶損從滿議公堅持不可疏入

止慰公言事遂寢其後太必免反修好禮下於公然終以罪誅先是公假滿入都時諸翰林官以新例五部員外郎得與翰林

較俸遷侍讀母論翰林俸不能較且論俸不論資則前後皆倒置爭乞公釐正至是始改循舊例丁未會試充主考官奏設育

嬰堂於崇文門外厥後宛平王相國照繼之其式遂徧於天下

又就其旁買隙地種柳萬株名萬柳堂暇則與賓客觴詠其中
文采風流照耀一世戊申遷左都御史時有紅本已發科鈔
拜取回改批公奏言本章既經批發不便更改釐拜欲罪公
上特旨嘉公言命輔政大臣此後當詳慎批發會盛京工部
侍郎缺規避者多已會推奉旨矣不旬日三易其人公疏稱
王言不宜反汗當慎重於未有旨之先不當更移於已奉
旨之後又疏言廣東盜賊充斥總兵官宜嚴加處分首相班布
爾善惡公言直開其奏

聖祖取公疏覽之稱善命飭部施行時薩拜晉太師於二等
公爵外加賜一等公專恣益甚日與班布爾善等比黨構陷

國朝先正事略 卷三 名臣

无

既族誅輔政大臣蘇克薩哈復矯詔殺大學士蘇納海內大
臣飛揚古侍衛倭赫西住折克圖覺羅塞爾弼及直隸總督朱
昌祚巡撫王登聯等滿漢內外大臣莫敢攖其鋒其敢訟言其
失者惟公及侍讀熊公賜履二人而已公又請寬逃人之禁分
別新舊定讞又疏稱閩粵重兵皆攜家口約計十萬之師卽不
下百萬一切途費及養育之資皆取諸朝廷且家累重則緩
急難於徵調宜申禁又疏稱吏部選官俱論年分進士則歷於
應科揀選之餘舉人則待之五科不中之後豈無昏耄不堪民
牧者乎如其有之則請選赴任路費不費及履任而大吏以昏
曠去之爲累不淺卽姑語嘗試事敗聽劾而地方已被其害且

有老死他鄉妻孥代累者矣廢生應得州縣者例准十八歲選
授豈無童心尙在操刀使割者乎如其有之則幕友丁役得攬
其權而吏治不可問矣應請敕部當截取之日畧試以身言
書判可者錄之否則以原銜休致其幼稚未通者停其授官俟
學成再補或改授佐領等官待練習世務後照例遷除又嘗逾
旨陳言請寬刑稅謂古者罪人不孥今一事牽連數人或數十
人雖事終省釋生死已不可知且問官貪懦不卽審結遲或一
二年或七八年株累何堪請敕部嚴禁有逾定限者卽治督
撫以才力不及罪又正月開征追呼太急請夏稅定於六月秋
稅定於十月上培國脈下寬民命疏入

國朝先正事略 卷三 名臣

三

上皆嘉納焉又言平南王尙可喜靖南王耿繼茂續順公沈永
忠均牒戶部請免所買馬匹稅恐匪人借端滋弊請照例徵稅
以昭畫一從之庚戌遷刑部尙書甫泄任卽疏言愚民犯法日
衆朝廷教化宜先
上聽其言未幾引年請告不許辛亥授文華殿大學士疏請於
豐歲廣行積貯從之明年復乞骸骨
聖祖云六十四歲未衰也俟卿七十乃休耳癸丑典會試冬十
一月吳三桂反公不敢言去戊午福建平公疏言
皇上會許臣七十乃休息壞在彼敢申請仍不許明年已未典
會試尋命閣召試博學鴻儒卷所取五十人皆北面稱弟子

是年夏公得熱疾乞歸

上遣學士就家問疾傳 諭調理稍痊即出視事辛酉雲南平

公請告

上還其疏仍弗許壬戌上元

上賜宴諸大臣及詞臣講官於 乾清宮許羣臣至

御座旁觀麓山燈

上親賜公巨觥命酌公不能飲遂大醉尋捧觴稽首登臺獻及

出 命內侍扶掖歸是日

上賦柏梁體詩 首唱云麗日和風被萬方羣臣各續成之

聖祖親書命曰昇平嘉宴詩既加

國朝先正事略

卷三 名臣

三

上東謁

三陵返蹕公乞休得

旨卿輔弼重臣端敏練達覽奏以年老請休情詞懇切可原官

致仕馳驛回籍仍遣官護送以示眷懷及 陛辭

上賜食傳 旨云卿自今無職掌可常至瀛臺一看越數日至

瀛臺 賜飯訖 命遍遊西苑

上遣侍臣攜酒果隨公令每至一處坐飲三爵力倦且稍憩勿

遽出及歸仍以酒果即家 賜之公疏言伏見

皇上掃除逆孽廓清四海無念不思安全百姓日未出而求衣

臣下章奏無不披覽其勞自倍於臣工尚望靜以宜民寬以敷

政凡事非萬不得已者勿為勞費外省許告事非督撫所能審

者則遣官其餘弗遣以省騷擾臺灣小醜不數年必自戕滅不

宜輕勦關稅鹽課借諸商賈出諸民不宜增額并請停止部差

以休養閭閻培植元氣 溫旨報聞尋 賜 御製詩一首印

章一其文曰適志東山次日辭謝

上遣中書羅映臺護送到家京朝官數百人同修彰義門外父

老有牽車泣下者會

太宗文皇帝實錄成 賜銀幣鞍馬加太子太傅三十年十二

月薨於家年八十有三 賜祭葬 予諡文毅所著有佳山堂

集公愛才若命立朝屢忤權貴嶽嶽無所回風節尤高天下當

國朝先正事略

卷三 名臣

三

鄉舉時報至公方熟睡呼之不省太夫人大驚以水噴其面亦

不省時公夢應召遊泰山乘雲而上至則張樂設宴將退聞雞

鳴海中紅日如車輪既寤口鼻間猶餘酒氣焉其應鄉試也寓

省會藥王庵僧璽文有道行公方禮佛驚起曰老僧甫入定見

東方紅光熊然悸而寤不知為公至也寺門古松數株中有

磐石流水環之公盤桓其間璽文忽告曰願公毋坐此也旁有

土地神祠夢以不安告公笑謝之數日後復來言如是者三公

日果爾可壘牆障之祠前至今蔽一牆以公故也事雖誕亦可

想見公之生有自來云

姚端恪公事畧 弟文熊

姚公諱文然字弱侯安徽桐城人明崇禎十六年進士 本朝
順治三年以安慶巡撫李猶龍薦授國史院庶吉士五年三月
改禮科給事中七月典山東鄉試六年疏請嚴敷撫按邊 恩
詔清理刑獄勿任有司稽玩或條赦外有可矜疑原宥者許專
疏上陳又請重定選用下第舉人之例以廣任使又言直隸與
山東河北接壤每遇盜賊竊發東西竄匿難於越境追捕請改
保定巡撫為總督統轄直隸山東及河南懷慶衛輝彰德三府
庶盜患可弭又請嚴敷各省督撫勿濫委私人署州縣官疏皆
下部議行尋轉工科八年請令都察院甄別各省巡撫疏下所

國朝先正事畧 卷三名臣

三

司議分六等考核陞調有差昇年秋江浙水災公言災地漕米
宜改折以災之重輕定改折多寡又言折漕規則新立民不能
周知官吏因緣為奸或改折外重征耗銀或先已征米又收折
價或私折重價而以輕價報解弊端不一請 敷漕臣密查嚴
劾

上嘉納之十年疏言大臣負罪宜免鎖禁城門以存國體從之
遷兵科都給事中尋乞養歸康熙五年補戶科六年疏言川楚
諸省官吏借採木為名或搜取民閒屋材墓樹宜飭禁又言採
買官物其出官發價者駁減之銀應如舊扣存司庫若價出自
民餘銀宜還之民閒又言一部可結之事即應一部經結一疏

可結之事即應一疏通結如各省錢糧考成已報完者部臣於
議覆時宜即予開復以省奏牘均如所請行九年 命以四品
服俸仍任給事中十年夏兩江總督麻勒吉以京口將軍李顯
貴鎮江守劉元輔侵帑事覺逮繫至京公疏言麻勒吉情罪輕
重尙待質問宜釋鎖繫

刑部侍郎十二年調兵部督捕侍郎充會試副考官尋以京口
將軍柯永葵為副都統張所養奏劾奉 命往鞫得實永葵罷
任是年遷左都御史十三年疏言耿精忠與孫延齡俱受吳三
桂指揮背 恩反叛中阻阻隔者賴有廣東將士久駐其地熟

國朝先正事畧 卷三名臣

三

悉山川地利以遏賊鋒儻與孫逆合謀互相掎角則廣東勢危
江西毗連閩粵若逆賊侵踞贛州南安餉道中斷郵遞有梗亦
屬可慮宜進駐重兵以通聲援
上從其議會陝西提督王輔臣叛所在駭動河南巡撫佟鳳彩
乞休已得 旨解任矣公疏言河南密邇陝西恐流言煽惑風
彩任巡撫數載甚得民心宜令力疾視事

上即命畱任如公言十五年擢刑部尙書十七年六月薨於位
賜祭葬如典諡端恪公自入仕任言實沔為正卿所歷皆法官
於 國家利害吏治得失民生休戚知無不言言無不當尤矜
恤民命惟恐一物不得其所纖毫出入之疑必折而歸之於中

前後所建白皆天下大計而尤推本於君身故倦倦以調護聖躬節慎起居為言時韓侍郎莢等侍講屢見公叩首丹陛言發涕零言人所不敢言而

上亦受之不哂也在刑部推廣上恩所全活甚眾先是公為科臣已屢上慎刑之書至是益自發抒不顧法不市恩一酌乎人心之安而猶恐失之校閱刑書常至夜午年衰成疾諸子諫之則曰勿殺人於一時例殺人於萬世其可忽乎哉嘗刺一人於法為不應爭之不得公退而炷香長跪自責者久之其刻已恕物類此所著白雲語錄參酌例律鉅細必貫名法家可長據而守也公嘗自書座右曰常覺留中生意滿須知世上苦人多

國朝先正事畧 卷三 名臣

五

又曰憂人之憂樂己之樂又曰病之起由於不誠誠則中和百病不生所著奏疏及詩文集皆質實醇厚有古風平居一話一言罔不可為法亦其生意之充滿者然也雍正八年詔入祀賢良祠弟文熊字望侯康熙丁未進士令蕭山地當衝繁又聞亂未定芻糧取給於邑調度有方民以不困遷階州州與著地鄰亂後益凋敝到任悉除無名之征上官按舊例發吏督催文熊縛其驕橫者扶而遣之大計遂以不及例降調蕭山人祀之名宦祠

朱梅麓尚書事畧

康熙五年二月兵部尚書河道總督朱公之錫薨於位十二年河督王光裕疏言公生而盡瘁歿為河神江淮兩河商民追思惠政弗設邳州宿遷中牟陽武曹單等縣皆建廟塑像尸祝漕艘運丁每涉險有禱輒驗謹據輿情籲請錫封疏下禮部議以河臣封神無成例寢其議乾隆四十五年

高宗巡視河工始允大學士阿桂請以公殉為河神屢著靈應諭禮部賜封助順永甯侯春秋致祭後又敕加封號曰佑安謹按生英死靈理本不易而幽渺附會之說儒者或以為無稽然古聖人以神道設教王者受命進退百神之祀凡以為民

國朝先正事畧 卷三 名臣

五

而已其應乎天地祗人鬼之典法者固為秩宗所掌錄其能禦災捍患合乎以死勤事之義而又能見靈爽為徵驗以奔走天下者王者亦秩而祀之所以從民望也國家之制歲以春秋二仲命所在守土官致祭英衛公伍員於錢塘數澤與濟通祐王李冰父子於灌顯佑安瀾甯漕助順之神張巡於浮梁丹徒清河誠應武肅王錢鏐於臨安顯佑通濟昭靈效順廣利安民金龍四大王謝緒於宿遷及濱河各邑靜安公張夏於蕭山甯江伯湯紹恩於紹興甯漕公宋禮及永濟之神白英於汶上威顯靈佑王許遠於山陽之高堰彰靈衛漕神張襄於清河佑民衍澤太湖神王天英於湖州及蘇州靈威普濟神許遜於

南昌廣濟孚順侯蔣崇仁利濟孚順侯蔣崇義靈應孚侯蔣崇信於仁和保濟顯佑侯戴繼元於德清孚惠善政靈德侯王元暉於鄞孚惠佑民天井潭神劉揚祖於慈谿誠孚利濟之神陳道興於義烏宣威助順靖遠侯楊瀚於承綏靈佑宏濟顯惠王黃守才於陳留閩鄉及濱河各邑張桓侯飛趙將軍雲於曹諸葛武鄉侯亮於成都宣威布德康濟雷神陳文王於雷州英佑驍騎將軍江起龍襄靖普佑神張瑜於徐開顯佑英濟廣福王武當於義甯敷佑康澤靈應侯耿裕德於運河揚糧慶靈應鎮海威遠金華將軍曹杲於錢塘敬義侯尙義侯秉義侯詹姓三神於翁源孚惠侯晃說之於鄞顯佑宣靈王周雄於新城

國朝先正事畧 卷三 名臣

三

昭應伯王光鼎於建德靈佑伯周文燭於黔陽猛將軍劉承忠於各直省府州縣及助順永甯佑安侯朱之錫於濱河各邑皆載在祀典歷加封號紀在大清通禮其人其地皆確鑿可稽用此見我

聖朝懷柔百神昭明肝靈能知萬物之情狀而後能知鬼神之情狀誠非一孔目論之士所能仰窺而臆測也然考所祀諸神其事蹟或不盡顯著惟朱公治河十載功德在人而其始終為國為民之精誠復能昭揭於身後則其功為明神也何疑焉公字孟九號梅麓浙江義烏人順治三年進士選庶吉士授編修六年大學士范公文程等請簡翰林官十二人編緝六科奏章


備 國史之用公與焉十年遷宏文院侍讀學士尋遷詹事時方纂修明史疏請 敕部宣示中外有以明末邸報來上者量加賞賚并責成各直省學臣購進遺書任滿時課多寡為殿最下所司議行十三年晉宏文院學士明年擢吏部右侍郎世祖章皇帝嘗幸館中給筆札賦詩有 禁內盤孟皆敬勝猶懷筆諫效前賢之句

上覽之大喜 命坐 賜茶 諡嘉公氣度端臨才品勤敏令以兵部尚書銜總督河道駐濟甯州十五年河決山陽公馳赴清江浦築鐵堤以衛之決口遂塞宿遷董家口為淤沙所閼別開新河四百丈於舊渠迤東以通運道十六年疏言黃河泛溢

國朝先正事畧 卷三 名臣

三

之害無代無之前明二百餘年數興大役治水名臣如徐有貞劉大夏潘季馴等塞決口疏河身役夫俱八九萬至十餘萬糜帑不貲我 朝數百萬京儲仰給東南凡籌河者必兼籌濟運黃河自築澤至山陽運河自惠通至清口前明規制十存其五欲一一修復工繁帑絀謹酌盈虛權緩急條上十事一曰歲修夫後宜存舊額一曰淮工宜酌行民修舊例一曰隄閘宜擇最要者先治一曰柳料宜預為籌備一曰誤工病民弊端宜嚴剔一曰曠盡銀兩宜釐核一曰河工職守宜慎重一曰河官既有專責不應別膺差委一曰歲終宜察核所屬賢否分別舉劾以示勸懲一曰黃運二河毗連數省宜 敕各巡撫共襄河務疏



下部皆如所請行。八月疏薦同知佟養鉅、魏裔魯、孫裔昌、知縣余綰、崔維雅等。得旨敘錄。十月以兵船繚夫有守候越站、擄奪奔追諸苦累，請自今兵船分別征勦，駐防酌定夫額，設官巡察從之。先是公丁母憂，命在任守制。至是疏請扶柩歸葬，優詔給假治喪，事竣仍即赴任。十七年冬復任，借僚屬捐銀賑濟淮揚徐三府災民。康熙元年加太子少保。九月河決原武，祥符蘭陽等縣公力籌堵塞，自為短歌俾道，鐸徇行夫役，皆踴躍趨事。以是屢有成功。是年河南巡撫劉源濟條奏南陽汝甯二府開墾荒地，請免河工差徭。十年部議令公覈覆。公言差徭貴均勞逸，新墾者偏逸，則舊業之民偏勞，請自今領墾地畝者五年後起派雜差。又工部以江南瓜洲剝船通欠河庫銀，令公察追。公言近年商船通行，剝船無從覓利，兼又撥應兵差，其新舊額稅均宜豁免。又疏請造船撈淺，高郵四十五艘，寶應江都各十八艘，共支帑千七十餘兩。並從之。前後疏薦河工分司主事壽以仁、高恆、豫郎中吳煒、河南驛傳道萬承祚、揚州推官王士禎等，俱敘錄。四年疏言南旺為運河之脊，北至臨清，南至台莊，全賴四十餘閘，啓閉節宣，以資輓運。若差船兵船不時駛至，應開者強之使開，洩水下注，則重運之在上游者阻矣。應開者強之使閉，兩水待船，則重運之在下游者又阻矣。夫公差既由水程，即隨漕而進，未致誤期。如慮河路迂避，自應從陸。乞天語

國朝先正事略 卷三 名臣

三

申飭俾各遵例禁得。旨嗣後非奉極要勅旨，差遣擅行啟閉閘口者，即指名題參。公治河殫竭心力，每當各工並急，則南北交馳，寢食俱廢。盛暑介馬暴烈，日中隆冬犯霜雪，首尾十年先。是壬寅秋歲大祲，山左中州淮南道殲相望。公設法倡賑，全活甚眾。至是督催空勝，揚臨濬程步成，及身於舟，身年春復閱視大挑，奔馳邵宿，病日臻。因繕疏請告未拜發而薨。年四十有二，無子。優詔議卹，賜祭葬如例。著有寒香館河防疏略行世。初河庫貯銀十餘萬兩，頻年撙節，得四十六萬有奇。後公為河督者，若斯文襄、陳恪、勤、恪、嵇文敏諸公皆有名績，且皆勅建專祠。而公特開其先路，其神異乃尤著云。

國朝先正事略 卷三 名臣

四

國朝先正事畧卷四 名臣

平江李元度次青纂

趙清獻公事畧

趙公廷臣字君鄰漢軍鑲黃旗人順治二年由貢生知山陽縣遷江甯府同知兼瓊運務能其職尤加意生儒優其家屬不以僉運嘗攝知府事時值編審以精核著稱亡何坐催征逾限免十年大學士洪承疇經畧湖廣疏薦公清幹有為授下湖南兵備道嘗秉燭治官書至丙夜曉起百函並發左右不得行其私平反冤獄剖決無留帶加意恤民行路為之感泣尤嚴絕苞苴歲時饋獻不敢至其門十五年隨大兵定貴州遂投巡撫明年

國朝先正事畧卷四 名臣

擢雲貴總督時兵燹之餘繼以荒歉公調劑兵民不遑食息性不喜繁侈每行部不過數騎甚有不知其至者先是土寇馮天裕等踞山寨屢出攻劫公調兵擊破賊營斬天裕及偽總兵冉宗孝等疏言貴州古稱鬼方自城市外四顧皆苗專事鬪殺故馭之為難臣以為教化無不可施之地請自今應襲士官年十三以上者皆令入學習禮由儒學起送承襲其族屬子弟願入學讀書者許其仕進則儒教興而悍俗可變又每歲終士官各上其世次之籍於布政司報部乃許承襲斯爭端可預杜尋奏改馬乃詣土司為流官又言滇省田土荒蕪當急招民開墾請以順治十七年本省秋糧貸為春種之資會吳三桂以五象進

獻

上命停止送京公因請槩停邊貢以省解送之勞並從之以勦平土酋龍吉兆功加兵部尚書康熙元年調浙江總督加太子少保疏言浙中逋賦不清由征解繁雜請以一條鞭法征收即以一條鞭法起解令各屬隨征隨解由布政司察明注冊至為簡便又請移海島投降官兵安插內地以杜賊煽誘定水師提鎮各營兵制以練水戰杭嘉湖三府昆連太湖御湖最易藪奸請增造快船撥兵巡哨部議俱從其請時海寇鄭成功死公招其黨偽將軍阮美都督鄭殷侍郎蔡昌登等相繼降獨明魯王之兵部張煌言率眾盤踞浙島多年最稱狡脆公親赴定海與

國朝先正事畧卷四 名臣

提督哈爾庫張杰等定議檄水師由甯台溫三府出洋搜剿斬敵兵六百有奇降其副將陳棟知煌言披緇竄伏海島乃遣騎將徐元等詐為僧人服率健丁潛伏普陀山朱家尖蘆花巖三路以伺遇聞謀船急擊之獲其故校誘使言煌言竄處即駕所獲船以夜半至懸壘出山之背攀藤上潛入其帳擒煌言獲其敕印疏聞得旨嘉獎煌言死之煌言者明鄞縣舉人也大軍下江南時浙東拒命煌言迎監國魯王於天台累官兵部尚書嘗航海至翁洲屢魯王再入閩尋招軍於天台與故將張名振合軍入長江趨丹陽掠丹徒登金山望石頭城遙祭孝陵逾年與鄭成功陷鎮江下蕪湖及徽甯池太等屬為我總兵梁化

鳳等所敗遁入臺灣成功沒於臺魯王亦殂煌言遂散軍居南田之懸巖懸巖在海中荒瘠無人惟山南有汶港通舟楫北則峭壁乃結茅其間蓄雙猿伺動靜敵舟在十里外則猿鳴樹杪得準備至是軍以夜至始為公所擒初煌言之航海也公係累其家屬以入告

世祖命無庸籍沒即令其父以書諭煌言煌言復書曰願大人有兒如李通勿為徐庶兒他日不憚作趙苞以自贖其父亦潛寄語曰勿以我為慮也公與江督邱廷佐提督張杰累書招煌言皆不屈公仍厚待其家及煌言被執公命寄獄中而供帳甚盛許其舊部曲得來慰問官吏願見者弗禁杭人爭賂守者求

國朝先正事畧 卷四 名臣

三

入見或求書煌言亦應之既就義遺民萬斯大等請葬煌言於南屏山在岳忠武于忠肅二墓之間公亦許之嗚呼煌言之忠固不愧文信國而公之賢實遠出張洪範上而

仁祖如天之大度益可想見矣軍興以來度支苦不給公疏請復二十四監鼓鑄泉貨遂通四年疏請崇節儉以維風俗又言用人宜寬小管請 敕部分別鑒誤降革人員量才錄用以收得人之效又言駐防滿洲收買民人宜令地方吏給印契并曉諭諸鄰俾知某人鬻身旗下後或逃歸有容留者乃可坐以窩逃罪事並下部議行會部檄各省流寓人責令回籍公疏言落職罷任之員應即回籍其身故而子孫願留及流寓已有了賦

大版圖者聽自便得 旨漢軍速催回旂餘如所請五年招降鄭錦之偽都督李順等六年夏以疾乞休 溫詔慰留八年二月薨於位公治浙八年多惠政而折獄尤敏有替者入屠者室呼無人竊其簪中錢而走屠者追之則搏膺而語曰天乎彼欺吾替而奪之錢也公令投錢盎水中見浮胎以錢還屠者有殺人名者既誣服矣公曰傷不及寸而刃盈尺必冤也戒吏更求之得真殺人者夏大旱山中人皆言魃至丹頰赤袴絳衣冠入門輒失財物公笑曰非魃也令邏者伺之遂獲盜營中將士多駭忿公嚴抑之告許不得逞時浙東初平叛獄屢起公平情讞物全活者多遇忠義士之各為其主者誠有司不得驕坐其家屬

國朝先正事畧 卷四 名臣

四

人以爲尤難遺疏上 賜祭葬如典予諡清獻廕一子入監讀書論者謂公一生清節誠足與宋趙清獻公先後媲美云

李忠襄公事畧

李公率泰字叔達漢軍正藍旗人父永芳明撫順游擊歸命官至總兵公其次子也初名延齡年十二即入侍禁廷

太祖皇帝賜今名以宗室女妻之弱冠從征察哈爾天聰間從

征朝鮮崇德間從征明錦州又從征山東並有功游擢副都統

順治元年授刑部參政兼副都統帥師駐防錦州四月隨睿忠

親王入關破流賊李自成尋同都統金礦招撫天津又帥甯遠

駐防兵平定山東河南擒斬滿家洞賊將趙應元降其眾萬人

二年隨豫親王破流賊於潼關移師南征克揚州下江甯分領

精兵三百徇蘇州松江所過城邑悉撫定惟江陰典史閻應元

國朝先正事畧 卷四 名臣

五

陳明遇等閉城抗拒逾月督兵攻破之豫王命公駐防蘇州會

明將吳志葵黃蜚來犯時城中驍騎僅千餘公與巡撫土國寶

登盤門塔以望外兵使百餘騎遠城外各張幟為援兵志葵前

鋒數百斬西門入長驅四五里不見一敵忽勁騎突起截擊截

之城外軍轟退公急令閉城嚴督葺髮違者斬髮既薙即驅之

登陣內應既絕外攻遂潰蘇州獲全三年隨端重親王博洛下

杭州定福建冊功授輕車都尉兼一雲騎尉五年海寇犯福州

漳泉諸郡詔公與清南將軍陳泰同心協勦至則擒斬賊渠

曾慶等及餘黨數萬人時鄭彩連踪數千踞長樂連江諸城邑

公會陳公分兵夾擊盡驅以出海復二縣又統師直入興化生

擒偽總督顧世臣等十一人斬之興化平先是福州為賊困十

有四月城中人相食江西賊郭天才偽稱援兵自杉關長驅至

福州駐兵洪塘載米麥江上誘郡民出就食會公提師抵建甯

聞之即開道飛檄巡撫使偵備賊乃夜焚洪山橋掠就食者千

人以遁公至命有司收賊餘粟以甦遺民巡按御史周世科大

治椿杵釘絞之刑考掠士民恣取財賄巨萬巡撫不敢問公疏

劾之世科伏誅百姓皆感泣六年從征大同叛鎮姜瓖下保德

州擒斬賊黨牛化麟等叙功加一雲騎尉先是順治元年更定

官制名參政曰侍郎公仍以刑部侍郎兼副都統事八年調吏

部擢宏文院大學士條上三事一懲貪酷吏二給滿洲兵丁馬

國朝先正事畧 卷四 名臣

六

匹草料一酌量營造工程次第

上從之尋坐誤增 恩詔赦款免降世職為騎都尉是年冬奉

特旨晉爵三等男十年以大學士洪承疇薦授兩廣總督時明

桂王朱由榔居安隆其帥李定國擁兵粵西十一年土賊廖篤

增等結定國為寇公遣將分道進剿陣斬篤增於玉版巢十二

年定國犯粵東公領兵禦之敗其將高文貴會靖南將軍珠瑪

喇率禁旅至合兵夾擊大破之於新會城下乘勝逐北遂復高

雷二郡所至賑恤民賴以安方新會之被圍也城中糧盡且食

人守者掠取婦女千餘口待斃公言於諸將盡釋之十三年加

太子太保調閩浙總督 命兼程赴任駐衢州當是時海寇鄭

成功。招集亡命。為江浙閩三省邊患。公既蒞任。相度形勢。以賊船來往無常。非急整舟師。不足資戰守。特疏增設水軍三千。復增造哨船百餘艘。為剿禦計。十四年。招降海盜陳德容。並疏言。欲剿鄭逆。當散其黨羽。以撫佐之。又言成功父芝龍。不宜徙甯古塔。其地近海。恐由此遁。患更大。

上悉耀其言。是歲晉二等男。加少保兼太子太保。明年。招降偽都督唐邦杰。副將林仲等。鄭成功犯溫郡。陷平陽瑞安。浙東告警。公調江南滿兵助剿。賊敗去。會詔分閩浙總督為二。以都統趙國祚督浙江。而以公專督福建。駐福州。賊黨陳斌既降。復叛。率千餘人據羅星塔。公馳檄會師。燔其巨艦千餘。賊遁。因以

國朝先正事畧

卷四

名臣

七

舟師圍之。斌降。公奏斌屢叛狀。誅之。康熙元年。公以漳州為全閩門戶。奏增設水師二千。及副將游擊等官。時賊踞定海之小埕。公密會靖南王耿繼茂。遣兵擊走之。又萬安所。先經遷毀。偽總兵楊宣等復於其地築新壘。公會師夾剿。賊不能支。揚帆遁。未幾。招降偽總兵林俊奇等六十一人。兵千餘人。二年。降偽忠靖伯陳輝等偽官百三十餘人。兵千六百人。家屬八百餘人。復統建甯延平邵武將弁三路進剿山賊。獲逆渠王鐵佛。斬之。居亡何。海賊五百餘人。由梁山突犯內地。公遣將夾擊。大破之。俘賊過半。復與靖南王統帥大兵航海。攻克廈門。乘勝取浯嶼金門二島。鄭錦等勢窮宵遁。三年四月。擒斬甯化山賊錢禾。招降

偽總兵林國棟。五月。大兵至八尺門。偽將軍翁求多。率兵六萬餘人納款。公夜半渡海。進拔銅山。焚賊巢。斬級三千三百有奇。偽永安侯黃廷等率家屬及兵民三萬餘人降。獲船艦軍械無算。鄭錦僅以數十艘遁入臺灣。

聖祖優詔獎敘。六月。以病乞休。手敕報曰。覽奏知卿病。當即允所請。但閩省投誠官員兵民。最為繁眾。其親行安插務使得所。事竣然後來京。閏六月。遣將出洋剿賊。擒偽總兵張賢。時閩海金廈各島悉蕩平。惟南山鎮海佛潭橋。猶為餘孽盤踞。九月。公遣將剿之。斬賊黨七千有奇。招撫男婦萬餘口。十月。別遣兵會剿茶子山寇生擒賊首余角。四年。再以病乞休。

國朝先正事畧

卷四

名臣

八

上慰留之士。民亦固請留任。五年正月。薨於位。遺疏言。海賊遠竄臺灣。奉旨撤兵。與民休息。洵為至計。第將眾兵繁。若撤之。太驟。則易致驚疑。太遲。又恐貽患。目下當安反側之心。日久須防難制之勢。至數年以來。令濱海居民遷移內地。咸苦失其故業。宜畧寬界限。俾獲耕漁。庶稍甦殘喘。疏上。得旨。李率泰自任總督以來。忠清卓著。勦撫賊寇。厥功懋焉。今以久任。嚴疆積勞病殞。深堪憫惻。下所司議卹。加兵部尚書。予祭葬。賜諡忠襄。明年。敕功。追贈一等男。子正宗襲。

吳文僖公事畧

國朝二百餘年來。大湖南北登揆席者。前後不及十人。其科目最先特膺爰立之選者。則江夏吳文僖公也。公名正治。字當世。號廣庵。湖廣漢陽人。父崑。有孝行。公登順治五年進士。選庶吉士。授國史院編修。十一年。充順天副考官。母憂歸。服闋。起原官。十五年。遷右庶子。是歲。特簡翰林官十五人。外轉。公與湯文正公並與焉。授江西南昌道。歲暮。單騎拔獄。其非法淹繫者。悉釋之。十六年。遷陝西按察使。誅巨猾。人皆稱快。所至。以清廉執法著稱。十七年。詔內陞。超遷工部左侍郎。調刑部。釋江南無辜諸生二百餘人。議奉。行。赦。款。宜。速。丈。量。宜。停。止。禁。狀。外。指。振。

國朝先正事畧

卷四 各臣

九

嚴婦。女。私。嫁。皆。著。為。令。七。年。補。原。官。八。年。丁。父。憂。十。年。補。兵。部。督。捕。左。侍。郎。充。經。筵。講。官。明。年。擢。左。都。御。史。疏。言。緝。逃。事。例。首。嚴。窩。隱。一。有。容。留。雖。親。如。父。子。但。經。隔。宿。即。照。例。治。罪。使。小。民。父。子。視。若。仇。讐。一。經。投。止。立。時。拏。解。若。係。三。次。在。逃。之。犯。解。到。必。當。擬。絞。是。甘。心。置。之。死。地。而。不。恤。也。伏。思。律。有。親。屬。容。隱。之。條。惟。叛。逆。不。用。此。律。夫。逃。人。乃。旂。下。家。人。之。事。視。叛。逆。輕。重。懸。殊。在。律。原。無。父。子。不。許。容。隱。之。語。今。縱。不。便。從。寬。亦。當。稍。為。區。別。繼。自。今。遇。父。子。窩。逃。被。旁。人。舉。發。者。逃。犯。請。照。常。治。罪。免。坐。窩。隱。若。容。留。逾。旬。父。子。首。報。解。部。者。逃。犯。照。自。首。例。減。罪。則。首。報。者。多。逃。人。易。獲。朝。廷。之。法。與。天。性。之。恩。兩。不。相。悖。矣。又。疏。

信今歲雨澤愆期

皇。上。恤。民。念。切。方。事。祈。禱。卽。沛。甘。霖。小。民。正。可。服。勤。農。桑。不。宜。以。得。已。之。役。致。奪。農。時。近。因。酌。添。玉。田。灤。州。霸。州。雄。縣。駐。防。旗。兵。因。議。蓋。造。營。房。伏。思。鼠。竊。剽。掠。有。地。方。文。武。官。捕。治。不。煩。添。徵。旗。兵。考。成。羣。大。盜。又。非。備。添。數。十。旗。兵。遂。可。撲。滅。雖。設。兵。原。以。安。民。而。愚。民。無。知。一。旦。驟。聞。添。設。未。免。心。生。疑。畏。至。蓋。造。營。房。縱。不。至。攫。取。民。房。而。工。作。方。興。未。免。勞。民。動。眾。暫。停。止。俟。農。隙。時。酌。量。舉。行。疏。下。部。並。如。所。請。先。是。睿。親。王。當。國。嚴。旗。下。逃。人。之。禁。嚴。拜。等。繼。之。禁。益。嚴。株。連。窮。治。天。下。嚮。然。喪。其。樂。生。之。心。至。因。地。建。營。房。凡。關。涉。旗。務。者。漢。官。皆。莫。敢。置。喙。自。

國朝先正事畧

卷四 各臣

十

天子。俞。公。議。逃。人。禁。稍。寬。居。民。若。脫。湯。火。而。營。房。亦。罷。議。添。建。疏。出。天。下。誦。之。是。年。遷。工。部。尚。書。調。禮。部。於。典。禮。多。所。考。正。十。三。年。應。詔。舉。廉。能。吏。公。疏。薦。前。給。事。中。周。體。觀。前。知。州。侯。紹。岐。均。下。所。司。起。用。十。五。年。典。會。試。所。得。多。知。名。士。若。彭。侍。講。定。求。胡。尚。書。會。恩。翁。尚。書。叔。元。王。相。國。項。齡。王。御。史。奐。會。詐。給。事。承。宣。其。尤。著。者。也。十。八。年。自。陳。乞。休。詔。嘉。其。端。誠。勤。慎。慰。留。之。二。十。年。冬。拜。武。英。殿。大。學。士。時。重。修。太。祖。高。皇。帝。實。錄。編。輯。三。朝。聖。訓。大。清。會。典。一。統。志。平。定。三。逆。方。畧。公。皆。為。總。裁。官。二。十。五。年。實。錄。成。加。太。子。太。傅。二。十。六。年。乞。休。優。詔。許。原。官。致。仕。三。十。年。閏。七。月。薨。於。里。第。年。七。

十有四遺疏入

上震悼。命部臣議卹典閣臣議設法。詞臣撰代言之文。諭祭葬碑其墓道。親定謚曰文僖。公在政府守成法持大體。竭忠勤盡言無隱。

聖祖閱朝審冊有以刃刺人股致死而抵法者。

聖祖曰刺股尚非致命傷此可寬也。公對曰當念死者之無辜。

聖祖曰朕非欲赦之當可議緩決耳。他日又閱冊有囚當死。

聖祖問此囚尚可活否。眾皆以情實對。公對曰。

皇上好生之德。臣等敢不奉行。退而細檢果得可矜狀。遂從末。

減嗚呼。此可見。

國朝先正事畧 卷四 名臣

十一

聖祖哀矜惻怛之仁。而公所對均不愧大臣之言矣。公崛起草

茅以學行受。

兩朝特達之知。其大拜後。熊文端公五年。然文端逾年即罷相。其人閣在公沒之後。十八年。公實為先達居揆席五載。以功名終所薦引多。一時賢俊論楚材者。當首屈一指云。

楊以齋侍郎事畧

子忠誦 孫守知

國初。臺省諸臣以仇直著聲者。推海甯楊公。雍正。即臺郭公。瑋。郭公長御史時。疏劾大學士明珠。余國柱。結黨營私。納賄兼及。尚書佛倫等。並降黜。有差。又劾河督靳輔。詹事高士奇。都御史。王鴻緒。編修陳元龍。王頊齡。給事中何楷。皆罷免。直聲震一時。然如斯文。襄高文。恪陳文。飭王文。恭皆號稱名人。郭公痛詆之。論者或謂少過。惟楊公事。

世祖。歷三垣。三載。疏前後三十。上嘗一日而上九。疏於天下。事獨能見其大。新城王文簡公稱公為本朝諫官第一。公給事兵科時。駕數幸南海子。首上疏請慎起居。畧言郊原陟歷。雖

國朝先正事畧 卷四 名臣

十二

非敗遊可比。然獸起於前。馬逸於後。驚屬車之清塵。不能無萬有一危之慮。

世祖震怒。宣公跪苑廷。諭以閱兵習武之義。公神色不變。上徐為霽容。當是時。平南王尚可喜。靖南王耿繼茂。並鎮廣東。公疏言。粵民困苦。由兩藩並鎮。每牧令缺員。市井無賴。輒用重

賄營委署。取償民間。凡土木工作。役民無限制。又增立鹽埠。權私稅。縱悍卒。鑿山刊木。奪商賈利。正賦外復以藩令採買。曰王

毅。王席。皆責民供億。民困不支。今川貴底定。請移一藩往鎮。俾粵民甦息。此則盈廷所不敢置議者。公以新進小臣。獨奮舌及之。既而靖南移鎮。福建實公之謫論最先有以發之也。海寇鄭

成功陷鎮江。犯江甯。公劾本兵梁清標等。不經書於幾先。又不圖維於事後。請嚴旨申飭。各鑄級券俸有差。又疏劾銓政舛錯。下宗人府都察院會議吏部諸臣。並坐降罰。又疏言明季仕途分門立戶。意見橫生。國事遂不可問。由社盟標榜。排擠報復所致。請飭學臣禁士子立社結盟。以杜朋黨之漸。又奏定鄉會試絕營競防弊實之例。皆下部議行。及

聖祖御極。方在諒闇。輔政大臣索尼。鼂拜等。頗張威福。奏事者見之皆長跪。公入獨立。而語輔臣曰。送公曰。此南苑上書。諫獵者也。自是奏事者皆得不跪。康熙三年十二月。有星孛於翼軫。抵降婁。公時掌刑科印。同官或言此為含譽星。非彗也。公獨疏

國朝先正事畧 卷四 名臣

三

皇上法宮齋戒。下詔罪已。求直言。詳詢利病。有可惠民者。立賜舉行。疏入。得旨。楊雍建直言可嘉。今星象示異。皆政教失宜所致。宜力圖修省。以答

天心。尋詔內外臣工各抒所見。勿瞻顧。因循。公又言。治本未登。由於臣職未盡。今部臣議事。不肯直辭決斷。或請下督撫。或請移他部。一案之處分。經年未結。一事之行止。重複諮詢。民間利病所關。憚於益正。輒以往例為詞。是惟知推諉卸責。而無任事之實心也。督撫知百姓苦於私派浮征。而不為建長策以除積困。見有司貪暴措克。罔有特糾者。又復摘微罪。引輕條。是惟

以蒙蔽養奸。而無澄清之實政也。請嚴敕內外臣工。力圖稱職。仍前玩世者罪之。

上。聽其言。遂赦天下。公於天安門聽宣讀赦書。是日御前發下紅本二獄。囚當決。吏籍紙尾進。請鈔發。公曰。昨頒赦。而今日行刑。是詔令不信於天下也。紅本當封還。同官皆變色。爭言不可。公曰。六科以封駁為職。古制也。吾封之。咎吾任之。不以累公等。有旨。三法司再議。二囚得不死。用是直聲益震。朝野焉公字自西。一字以齋。杭州海甯人。補嘉興府學生。貢太學。順治十二年進士。除高要縣知縣。擢兵科給事中。轉禮科。分校己亥會試。再轉吏科。晉刑科。掌印給事中。以疾去。召授戶科給事。

國朝先正事畧 卷四 名臣

四

中食四品俸。轉掌禮科。遷兵部督捕理事官。晉通政使。歷太僕卿。擢副都御史。充己未會試副總裁。授貴州巡撫。入為兵部左侍郎。乞養歸。奉母四載。既免喪。詔舊任巡撫學政諸臣分修河工。公奉命修高家堰。以勞成疾。引還。四十三年五月卒於家。年七十有四。賜祭葬如禮。公之令高要也。地當廣右之衝。制府駐節於是。軍行絡繹。供億甚煩。羽檄至。徵民夫動累千百。有逃者。胥吏輒繫之。若牽羊豕。納諸廨舍隙地。凍餒不堪。歲除飲椒酒。公慶然曰。民夫亦人子也。忍使露宿耶。命徙廨廡下。徹酒饌給之。皆感泣。縣境矜羊峽。產硯。平南靖南兩藩遣掾吏采石。役夫匠無算。篝火入巖穴。有失氣死者。公力請罷役。掾以硯

遺公堅卻之人。以比包孝肅。云軍中素榕樹條為緇繩。以然噉火耐風雨。有百夫長持軍符。下縣徵解。語不遜。公撻之。歸告其帥。帥愬之。制府王公國光。王公曰。此廉吏不可犯也。乃杖百夫長而薦公於朝。遂得行取。入京。考選授給事中。故事。守令。歷再莽始。預薦。廣三年。方報。殿公治高要。甫一載。就徵。徇異數矣。其任副憲也。疏劾江西巡撫佟國楨庸碌無能。國楨為元舅。國綱國維之從弟。家門鼎貴。以公疏鑄二秩調用。其出撫貴州也。道次銅仁。無亡卒之衛。時吳世璠尙據雲南。賊烽猝迫。城下官屬請避去。公曰。銅仁黔地。巡撫任封疆。去安之。因命燔其後山。開南門以待。偵者賊疑有伏。不敢前。既至貴陽。疏立營制。禁侵

國朝先正事畧

卷四 各臣

五

掠獨賦稅。省力役。安集流。毗師旋。有矢約束者。輒上章劾奏。軍中號為楊一本。舊例。土司謁巡撫。必鳴鼓角。交戟支於門。俾拜其下。公曰。無庸也。引至座前。問疾苦。賜以飲膳。土苗咸輸服。始至。斗米值五千錢。公連章請餉。輒運相繼。披榛剪棘。教以耕。糗比三年成樂土焉。

天子嘉公成績。召佐中樞。公在行間。久西南。徵將弁多公所拔。擢遇事得其要。領措置咸宜。公早以文學受知。

世祖。每上章奏。輒稱善。迨巡撫。命下。賜宴瀛臺。例止于鞍。

馬甲。曾公獨拜。命騎入東華門。如賜白金五百兩。表衷各。

十端。

聖祖南巡。迎鑾三百里外。賜御書額曰松喬堂。生平一話一言必準於古。和而介。剛而無虐。故風節獨高一時。所著有黃門疏稿二卷。撫黔奏疏八卷。政學編一卷。景疏樓文集十卷。子四長中訥。字崑木。康熙辛未進士。由編修官中允。督江南學政。罷官後築園曰拙宜。與許尙書汝霖查編修慎行。陳侍御勳修香山洛社。故事。少學詩於竹垞。檢討能得其傳。著有叢桂集。孫守知。字次也。庚辰進士。官平涼知府。工詩。與歸安沈樹本平湖陸奎勳嘉善柯煜稱浙西四才子。所著曰致軒集。

國朝先正事畧

卷四 各臣

十六

王文靖公事畧

公諱熙字子雍一字晉庭號慕齋順天宛平人父崇簡明崇禎癸未進士國朝順治三年以薦補選庶吉士授檢討累官禮部尚書加太子太保嘗疏請賜卹明季殉難諸臣范景文蔡懋德等二十八人又議定帝王祀典罷宋臣潘美張浚從祀皆從之卒諡文貞公由順治四年進士選庶吉士授檢討十年春世祖親試習國書翰林公列優等召見以滿語奏對大蒙褒賞累遷司業中允洗馬諭德召入南苑校譯大學衍義及勸善書遂命長直南苑常隨獵賜乘御馬十二年初設日講官以公及學士麻勒吉胡兆龍等充之公直講稱旨

國朝先正事畧

卷四 名臣

七

諡嗣後講官不必立講遂侍坐尋奉有駕出卽隨不必請旨之諡明年遷侍講學士又明年晉宏文院學士時文貞公方任國史院學士

世祖諭曰父子同官古今所少以爾誠恪特加此恩尋充經筵講官教習庶吉士典武會試擢禮部右侍郎兼掌院學士十七年

上命造直房景運門內公與諸翰林分班直宿考滿加禮部尚書銜文貞公適長禮部父子同部尚書海內榮之十八年元日上不豫公日請安於御榻前初六日漏三下召入養心殿諡曰朕勢將不起可詳聽朕命撰詔書公匍伏飲泣筆不能下

上命抑悲痛卽榻前起草公拭涕書第一條進恐聖躬過勞

奏移乾清門下撰擬凡三次進呈皆報爾初七日薄暮繕畢世祖卽以是夕上賓公偕顧命諸大臣入哭同擬尊諡及聖祖卽位年號又爲輔政大臣索尼等撰誓文至於面奉憑几之清有事關國家大計與諸大臣再三密議而後決者公終身不以語人雖子弟莫得而傳也康熙元年以禮部尚書管左侍郎事三年坐失察欠糧舉人入場奪尚書銜五年除左都御史疏請嚴督撫狗庇司道處分又高近例招民百家送至盛京得授知縣不肖奸人往往借資爲市宜改給散秩又言江楚閩粵諸路汪公將軍督撫提鎮多自置官商奪民利又奸商多指稱

國朝先正事畧

卷四 名臣

六

藩下挾勢橫行宜嚴飭申禁又言官吏捐輸博議敘名出私橐實取自民間宜一切報罷均從之當是時平西王吳三桂駐雲南平南王尚可喜駐廣東靖南王耿精忠駐福建擁兵踰制三桂尤驕縱公疏言一歲賦入大半耗於兵餉就雲貴言歲需餉銀三百餘萬兩急宜減汰綠旗額兵其藩下餘丁亦宜遣散屯種庶勢分而餉亦裕詔下所司議省額餉百餘萬七年夏旱金星晝見詔求直言公疏陳法祖所以敬天請飭部院諸司詳察見行事例有因變法而滋弊者悉遵舊例更正詔下所司確議於是鄉會試仍用八股文又前此各官儀衛踰制河工不立限期刑部獄囚霜降後不卽朝審至是皆改遵舊例其

繁例就刪者復數十事中外稱便又疏言逃人詭稱寄頓財物不必遽行句取致累無辜至窩逃之人物故其妻子請免流徙從之遷工部尚書調兵部十二年三桂反明年公疏言大兵已抵荆南元惡且夕授首逆子應熊素憑勢位黨羽眾多大寇在外大慙在內請速正法傳首湖南四川以寒老賊之膽以絕羣姦之望以激厲三軍之心疏入應熊旋伏法方慎黔之初告變也都城內外一夕火四起尋有偽朱三太子之獄捕繫數百人掠治不得主名皆應熊及其黨為之三桂自侍角距已成又以其子方尙主朝廷必不殺以為之招及應熊誅三桂驚悸發病竟以死人皆避公之能聲大義云十五年奉 諭專管密本前

國朝先正事畧

卷四 名臣

九

此漢官不與聞軍機異數也會 詔舉賢能官公疏薦原任御史郝浴候補司道鄭端周體觀 詔徵博學鴻儒薦原任推官尤侗中書汪懋麟皆次第錄用十七年丁父憂二十一年即家授保和殿大學士兼禮部尚書公在政府務以和平寬大宣上德意罷權宜之計停加征之額不沽名不市恩不植黨援於四方利病及國家典制沿革無不周知遇事直陳無隱而亦不以己與也二十五年加太子太傅二十七年典會試三十一年以疾請告 溫旨報曰先帝舊臣俱已凋謝惟卿獨在班列雖精力就衰而老成常侍左右殊有裨益其勉自調攝不必求罷嗣屢疏乞休四十年入

月 優旨允致仕晉少傅 賜寶露禁藥帑幣上珍明年上元節 賜宴於家四月遣侍衛齎 手敕於榻前 賜公曰卿者年舊德自去歲告病在家朕無日不注念老臣也近日九卿皆求匾額字對想卿身雖在告心未嘗不在朝中故特書匾一聯一賜卿卿其勉強餐食輔以醫藥慰朕不忘舊臣之至意復傳諭如病少愈朕尙欲一見四十二年上元節復 賜宴於家越旬有二日薨年七十有六時 車駕方南巡聞訃震悼 命直郡王允禔大學士馬齊率侍衛往奠且傳 諭直郡王曰大學士王熙係世祖章皇帝舊臣宜行拜奠之禮舉哀酌酒於是王行三叩禮

國朝先正事畧

卷四 名臣

三

大學士九卿等合詞具劄謝恩 尋 賜祭葬如例諡文靖公立朝五十餘年盡力抒忠完全名節以恩禮始終性篤孝十二歲母梁夫人病革禱於天願減算益母壽文貞公晚歲好遊常徧歷西山諸勝公恐其勞於登陟乃構怡園於宅西偏時芍藥數百畦於豐臺別墅文貞公顧而樂之比捐館舍公年踰五十矣如孺子顏書屋曰慕齋待兄弟友愛布政使然巡撫燕金照皆以公推蔭起家者也生平選於經史工詩文尤好施與京師義學育嬰堂月有仗助凡大典禮如耕藉田冊立東宮陪祀闕里大制作如總裁寶錄玉牒典訓方畧國史明史一統志公皆膺其任前後 賜宸翰十餘幅堂額三曰席寵堂曰曲

江風度曰。耆年碩德。他珍物不可勝紀。公遇事持大體。在上前。或危論。或微言。率能動聽。平定三逆後。撰方畧。

聖祖忽諭閣臣曰。當三柱反時。漢官有言不必發兵。七旬有苗格者。又其時漢官多移妻子回家何也。顧學士韓奕曰。爾為朕載之。奕退而皇恐。公昌言閣中曰。有苗格。乃會議時魏蔚州語告者。截去首尾。遂失其本意。然如其言。豈非誤。國移家。偶然耳。日久何從分別。其移者。豈非背。主漢官負此兩大罪。何顏立。朝翼曰。公執奏懇懇。如閣中語。

上微笑曰。固知此二事不可載也。事遂寢。公嘗語諸學士曰。吾昔從 駕椒園。

國朝先正事畧 卷四 名臣

王

世祖問有子幾人。以二子對。蒙 賜名。克善。克勤。克善。實能文。吾不使與試。不然者。當丁酉時。吾不免作高郵公矣。時上痛懲漢人師生交通之弊。公遇鄉會試。輒辭免開列。戊辰典禮部試。蓋 特命也。雍正八年 詔入祀賢良祠。

李文襄公事畧

李公之芳。字鄴園。山東武定人。順治四年進士。任金華府推官。居五年。郡無滯獄。入為刑部主事。累遷郎中。會六部。啓心郎。屬公總理十四司。覆奏事宜。聲績大起。十五年擢御史。疏陳各省錢糧私斂民解之害。又言州縣路當孔道。迎送往來。有曠官守。請嚴飭禁止。皆從之。十六年疏劾廣督李棲鳳。以失守城池之郭光祖。委署左江道。以私罪奪職之推官季奔聲。復原任。救部議處如例。十七年。出按山西。甫半載。墨吏皆解綬去。康熙五年。巡視兩浙鹽政。八年內大臣鼐拜獲罪拘禁。大學士班布爾善。以結黨行私。任意票擬伏誅。公疏請飭大學士等均內直。

國朝先正事畧 卷四 名臣

王

票擬。公同候 旨。杜任意更改之弊。從之。又言自順治十八年以後。督撫多夤緣而得。有所恃。以無恐。勒索屬員。賂剝百姓。根深蒂固。惟其意所欲為。自與受同罪之法。嚴無敢糾督撫之貪者。與者不認。則言者涉虛。即確然有據。亦不能執其人而問之矣。有貪之利。無貪之害。彼何憚而不為耶。乞 賜親裁。罷斥溺職督撫。吏治庶有起色。於是直省督撫降黜休致者數人。九年八月內陞 命支四品俸。仍任御史。十一年超拜左副都御史。疏言吏治之敝。在文法太密。方面有司。嘗有在任三兩年而劾。俸至二三十年者。夫俸薄。尚恐不足養廉。况積年無俸。能責其潔己愛民乎。且例之所在。不問賢不肖。但繩之以法。雖廉能卓。

著遇細故亦多望誤以去賢者不可多得來者不必盡賢徒病民而使權歸胥吏焉用之請除去繁苛求實效疏並下所司議行會巡鹽御史杭奇常錫允以詐賊為商人控告命公赴浙察審得實並論絞擢吏部右侍郎十二年夏命以兵部侍郎總督浙江軍務洩事甫兩月吳三桂反雲南公檄總兵李榮副將王廷梅卒大寅陳世凱鮑虎等分道禦賊又請調江南滿漢官兵駐閩浙交界處並發江西重兵守鉛山玉山以壯聲援當是時賊由常山陷開化壽昌淳安由處州犯義烏浦江東陽湯溪龍游叛鎮祖宏勳陷平陽踞溫州尋陷黃巖犯台州及紹興集悍卒數萬窺衢州公偕平南將軍賴塔率滿兵千餘旗兵二

國朝先正事畧 卷四 名臣 五

千鄉勇五百以五月自杭趨衢時自巡撫以下僉謂會城根本地不當移鎮公曰今日事勢所爭在衢上游失則全浙動搖江淮以南皆不能安枕矣遂行七月閩賊大舉攻衢眾寡不敵公大閱將士於水亭門宣布朝廷厚恩陳說大義眾感泣願決死戰兵既接礮聲震地流丸如雨左右請少避公不可曰今日之事以兵勝敗為吾生死可稍怯耶守備程龍怯戰斬以徇於是將士殊死戰一可當百遂敗賊於阮西斬賊數千陳世凱等乘勝復義烏湯溪卒大寅破賊常山游擊王世萬破賊龍游鮑虎復壽昌王廷梅敗賊於金華李榮復東陽尋大敗賊於金華之壽溪斬偽總兵張元兆等毀寨十八參將洪起元敗賊於紹

興復嵯縣先後得旨嘉獎時大將軍康親王統禁旅出金華遣貝子傅拉塔等剿賊溫台賊之在處州者逼衢州東南在江山者逼衢州西南公分飭守禦勿遽迎擊乃奏增本標為五營得兵五千十一月賊眾五萬自常山逼衢州結寨數十冀聯南路賊巢公與賴塔督兵進戰斬賊萬餘追奔二十里十四年冬疏言被賊之地一望蕭條啼號載路即如衢州近城難民九千七百有奇散處各鄉者不可數計請發庫金賑從之時賊帥馬九玉朱懷德等屯踞江山常山開化其溪口清湖大溪灘茅村前嶺皆列賊營且散布處州金華山谷四出窺犯公命榮世凱廷梅等分路攻剿皆大捷五月公與賴公乘連旬水漲由南塘

國朝先正事畧 卷四 名臣 五

搗賊前嶺陣斬七百餘級墜崖落水死者無算十五年春遣將由遂安截賊後路連破賊寨復開化公遂建議直搗仙霞關為摧堅制勝之策有詔命公條上進取機宜公言進取之路不在溫處在三衢今悍賊悉萃於此此賊破諸賊必駭散雖偽將馬九玉朱懷德等抗拒河西而江常之間有開道可襲我軍進擊使賊首尾不相顧從此入閩可奏蕩平矣疏入從之時康親王白金華至衢州八月合軍進克大溪灘復江山縣將戰王問公公策以必勝明日捷書至王大喜曰岳忠武之策揚么不是過也時馬九玉猶冀繞道奪仙霞而諸將已受公密檄急據關口夾擊賊將金應虎等窮蹙乞降於是康親王大軍遂入閩臨

行。公啓曰。王但飭諸軍勿擄掠。卽長驅入福州。兵不血刃矣。未幾精忠降。檻送京師。時溫處賊悉解散。而僞總兵馬鵬汪文生陳山。僞將軍程鳳等。猶分踞江西之鉛山玉山弋陽德興。公疏請會剿。而江西兵方禦三桂逆黨於袁州。不遑東顧。公遂遣將克玉山。破賊木城六。又自白沙關趨德興。破賊寨十有三。擒馬鵬。死之。別將復鉛山興安弋陽貴溪等城。捷聞。加兵部尙書。十六年夏。遣參將蔣懋勛等。剿玉山之巖。椒洞。陳山率眾降。程鳳死。其妻王氏以所屬六萬七千餘人。就撫。而僞總兵林爾瞻尙擁眾數萬。以鉛山上饒與福建光澤錯壤之石壠爲巢穴。公命懋勛等由鉛山進剿。分扼要隘。率數騎入寨。招撫。乃以眾二萬

國朝先正事畧

卷四 名臣

三

出降。又僞都督李日生僞提督洪成龍分踞玉山之八仙洞老鼠洞。十七年公遣懋勛及參將閻進等討平之。各斬賊千餘。毀其寨。時海寇鄭錦窺伺瓊海郡邑。公遣將敗賊於象山。又敗之於溫州。賊將詹天樞遂赴總兵陳世凱軍前降。十八年檄定海總兵牟大寅巡海遇賊。戰於孝順洋。斬僞將童耀等。及賊兵三千有奇。毀船十九。獲船十五。賊奪氣遁。公念賊平後最急者無如蠲免及賑卹。疏請豁金衢嚴溫處五郡十六年以前額賦部議不可。公上言恤民以固邦本。裕賦以資國用。兩者並重。然必使有可生之民。而後有可征之賦。浙東被賊蹂躪。民不聊生。不急蠲免。則舊逋既缺。新逋愈積。卽日黜一官於事。無濟且獨

此不可復征之賦。俾民得休養生息。以供將來之稅。正所以爲國家財賦計也。特詔從公言。貧民陷賊中來歸者。公悉給衣廩。又設淖糜於通衢。賑往來饑民百二十二萬有奇。流移盡復。故土方事之殷。羽檄日數至。人情洶懼。東南數千里。惟視公一人爲安危。孤軍扼險。播柱三載。卒使浙水以西無匹馬。輪擡及境上。則皆公守三衢力也。公以文臣躬擐甲冑。冒矢石。大小百四十餘戰。所向克捷。雖宿將皆謝不如。而部議敘功僅及十一二。前後招降文武僞官六千二百有奇。賊兵十六萬五千五百有奇。中樞敘武職。加至二十九等。銓曹敘有司。亦如之。獨以督臣轄全省不敘。再奉諭旨。乃酌加三級。久之。授雲騎尉

國朝先正事畧

卷四 名臣

三

世職。或有言賞不酬庸者。公瞿然曰。凡此敘錄皆山。特恩雖旂土之榮。不是過也。二十一年秋。還杭州。冬。召爲兵部尙書。入朝。口不言功。有問及者。則曰。天子廟謨。將帥用命。吾何有焉。二十三年調吏部。飭諸吏坐曹。聽行文書。無得與銓事。宿弊一清。明年夏。患癰。詔遣御醫診視。頒上方珍藥。旣愈。以老疾請。溫旨慰留。二十五年復請。尋授文華殿大學士。辦理機務。明年春。致政歸。二十七年。乘輿南巡。過德州。公迎謁道左。聖祖垂詢曰。卿尙能乘騎至此邪。賜上尊玉粒。慰勞倍至。里居。凡七年。薨時三十三。年十一月也。年七十有三。是日天鼓鳴

大星夜隕計聞。

上軫悼。賜祭葬。特諡文義公。初在言路。以謇諤聞。彈劾貴要。無所避。既督兩浙。沈毅持大體。不輕言笑。而批禽案牘。能曲盡物情。在軍堅守賊衝。有進無退。與諸將軍約。有犯令者必按法治罪。使知吾輩不縱兵以毒民。則民心固。而軍法亦立。將軍然之。未幾。滿兵有犯法者。公升堂發令。箭詣將軍。縛兵至斬之。百姓皆歡躍。舟次富陽。一卒與賣菜備競。立鞭之。嗣是滿漢兵莫敢不奉法。以能有成功。入筦部。務嶽嶽無所詭。隨國家有大議。片言擘畫。確不可易。敷歷中外四十年。以精勤奉職。以恪誠事主。以天下善人君子得行其志為愉快。嘗言士大夫立名節。易

國朝先正事畧

卷四 各臣

毛

全名節。難每聞。中朝錄一正人。輒喜形於色。曰。天下蒼生福也。雍正十年。詔入祀賢良祠。乾隆三十二年。

高宗追念公功。所得世職。命世襲罔替。

米敏果公事畧

子貞。襄公馬斯喀。文穆公馬齊。勤恪公馬武。莊愨公李榮保。

公諱米思翰。姓富察氏。滿洲鑲黃旗人。父恪僖公。哈什屯。天聰中授侍衛。擢禮部參政。從征瓦爾哈部有功。崇德三年。禮親王代善聞明總兵沈志祥欲率石城島兵眾歸附。遣恪僖公招之。志祥遂來歸。六年。大軍圍明錦州。明總督洪承疇率兵十三萬赴援。據松山。總兵曹變蛟夜犯御營。恪僖公先眾捍禦。手腕中鎗。仍裹劍力戰。卻敵得優。賚白金及蒙古二戶。順治元年。擢內大臣。予騎都尉世職。晉輕車都尉。加一雲騎尉。列議政大臣。七年。秋。攝政睿親王有疾。恪僖公同貝子錫翰等往視。睿親王曰。予有疾。

國朝先正事畧

卷四 各臣

毛

上宜臨視。又曰。勿以予言奏請。既而車駕幸視之。王以大臣等違令擅請也。罪之。降世職為騎都尉。明年。

世祖親政。鑿其無罪。復所降職。尋晉一等男。初。冷僧機與恪僖公同為內大臣。冷僧機諂附攝政王。及王薨。冷僧機揄揚其功。績因誣奏。昔日兩黃旗大臣謀立肅親王事。詔下法司鞫問。

集恪僖公及議政大臣巴哈等質之。盡得其阿諛誣陷罪狀。肅

親王之為睿親王害也。尚書鞏阿岱與都統和洛輝等議。殺肅

親王子富。殺恪僖公。言王無滅嗣之罪。與巴哈力持。不可事。乃

已至是。

世祖封富。殺為顯親王。和洛輝以黨附睿王。為議政大臣。蘇克

世祖封富。殺為顯親王。和洛輝以黨附睿王。為議政大臣。蘇克

薩哈所劾。孫死。鞏阿岱與冷僧機朋比為奸。事覺。詔逮勒恪。僖公亦質之。遂皆伏法。時鄭芝龍歸誠。授子爵。隸正黃旗。其子鄭成功仍踞海島。寇掠福建。恪僖公奉命偕內大臣遏必隆。暨拜大學士范文程。宣諭芝龍令其招降成功。芝龍因遣人往福建。取其妻妾及幼子至京。十二年。加太子太保。兼一雲騎尉。奉命往朝鮮。勘獄。還奏稱旨。尋致仕。康熙二年。薨。年六十有六。賜祭葬。諡恪僖。乾隆元年。詔入祀賢良祠。十三年。冊諡。

孝賢純皇后。推恩先世。追封一等公。長子米思翰。襲一等男。兼六雲騎尉。即敏果公也。康熙六年。由侍衛總管內務府。時輔

國朝先正事略 卷四 各臣

无

政大臣。有欲假用尙方器具者。公曰。惟名與器。不可以假人。嚴拒之。或怵以危言。不為動。

聖祖皇帝既親政。知其守正不阿。授禮部侍郎。八年。擢戶部尙書。列議政大臣。先是各直省歲賦。聽布政使存留司庫。時有挪移虧缺之弊。公疏請通飭各省。自俸餉諸經費。所餘悉解部。由是句稽出納。瞭如指掌。當是時。天下一統。邊境又安。而尙可喜。鎮廣東。耿精忠鎮福建。藩屬將弁咸情遊驕。縱吳三桂鎮雲南。尤自恣。要請無已。俸餉多浮糜。輓輸勞費。十二年。可喜請撤藩。歸老遼東。三桂精忠亦陽請以覘廷議。疏下戶兵二部。公與兵部尙書明珠等議。令俱撤。藩移山海關外。時廷臣有言三桂不

可撤者。以兩議入奏。公堅持宜撤。得旨。允行。既而三桂叛。

聖祖命王貝勒大臣帥八旗兵征討。議者以軍需浩繁。謂宜就近調兵禦守。公言。賊勢大非綠旗兵所能制。宜用八旗禁旅會。勤至。軍需內外協濟。足支十年。可無慮。乃請以內府所儲。分年發給。復綜核各省庫金倉粟。以時撥運。皆稱旨。十三年。疏言。大兵剿賊。屢奉明詔。以正賦給軍需。恐有司或借端私派。請。敕各督撫嚴察所屬。凡供應糧餉薪芻一切。動用官帑。毋許苛。派其購自民間者。務視時價給值。勿纖毫累民。奉諭如議。速。行。公長戶部清操。嚼然竭力治軍需。以勞成疾。是年十二月。薨。於位。年四十有三。

國朝先正事略 卷四 各臣

三

聖祖軫恤備至。賜祭葬如典禮。諡敏果。方三桂精忠之相繼。叛也。滇黔楚蜀閩粵悉為賊。踞人謂撤藩實速之變。為持議者。危。

聖祖諭廷臣曰。朕自少時。即以三藩勢。日熾。不可不撤。豈因其叛。遂議過於人耶。及逆黨平。

上追憶持議諸臣。猶論稱公不置。乾隆元年。詔入祀賢良祠。十三年。推。

孝賢皇后恩。追封一等公子。四曰馬斯喀。馬齊。馬武。李榮保。馬斯喀。初任侍衛。兼佐領。洊擢副都統。領侍衛內大臣。康熙三十五年三月。

上親統大軍由中路進征噶爾丹 命領鑲黃旗馬鎗兵以從
先期奉 命同內大臣等議定出征營陣隊伍序次四月 駕
駐什巴爾台距克魯倫河不遠而西路軍尚未至圖拉 諭王
大臣集議機宜信郡王鄂札等請駐師稍待馬斯喀與內大臣
明珠等議即進薄敵營

上從其議五月師抵克魯倫河噶爾丹望見 御營大驚奔竄
上親統師追至拖諾山 命馬斯喀為平北太將軍率師追剿
至巴顏烏爾噶爾丹已先遇西路軍轉戰至昭莫多大敗竄遁
馬斯喀迎會西路軍收集降人千餘乃班師尋列議政大臣九
月 駕出邊經理軍務十一月 命帥師駐大同三十六年

國朝先正事畧 卷四 各臣

三

春授昭武將軍移師甯夏 救參贊撫遠大將軍費揚古軍務
先是伊拉古克三胡土克圖自內地盜馬逃歸噶爾丹大將軍
令以降人導引率兵追之坐追勦遲緩論革任 詔留內務府
及佐領任尋授都統四十三年六月薨 賜白金千兩 遣內
大臣領侍衛十人奠茶酒 命皇子於發引時往 賜祭葬
予諡貞襄

馬齊由廕生授員外郎累遷郎中內閣侍讀學士康熙二十四
年授山西布政使就遷巡撫二十六年夏
上嘉直隸巡撫于成龍清廉 命九卿各舉廉吏大學士等以
馬齊及范承勳姚締虞對會御史陳紫芝疏劾湖廣巡撫張汧

貪黷 詔馬齊及于成龍往鞫得實論如律二十七年遷左
都御史 命籌議遣官與俄羅斯定界事疏言俄羅斯侵踞疆
土我守邊官兵困之於雅克薩城本可即行剿滅 聖慈寬宥
不忍加誅釋歸故土今悔罪乞和已蒙 俞允 特遣大臣往
議垂之史冊所關甚鉅其檔案宜兼書漢字漢官一體差往事
下部議行五月 命同尚書張玉書等在閱罷任總河靳輔所
修中河諸工善否暫署河道總督二十九年列議政大臣故事
都御史不預議政異數也尋擢兵部尚書明年春 詔安輯喀
爾喀於沿邊內外避噶爾丹劫掠 命偕侍郎布圖等先往調
集左右翼部長至上都河等處候

國朝先正事畧 卷四 各臣

三

上親行撫綏四月 駕臨閱視 命詳議喀爾喀諸王貝子公
等坐次儀節宴賚之又明年調戶部尚書三十三年奉 命往
盛京督賑尋奉 命往賑山西平陽等屬地震被災戶口動帑
金十有二萬并停征洪洞浮山等處額賦三十五年春
上親征噶爾丹先期 命往調喀喇沁翁牛特兵還朝兼理藩
院尚書 命與大學士阿爾泰等分班直宿禁城是年噶爾丹
敗遁 詔以來春駐蹕邊外調度搜勦機宜 命先往甯夏安
設驛站並察勘行途宿次三十七年 命偕副都統烏達禪等
往泄喀爾喀諸部會盟宣 諭禁約三十八年奉 命勘漕河
并往山西獄獄還授武英殿大學士 御書永世翼戴匾額

賜之。四十七年冬，內大臣佟國維等以建儲事密奏。上諭滿漢大臣會議保奏。特諭馬齊勿預其事。四十八年正月。

上問廷臣曰：去年冬朕躬違和，命爾等保奏可為儲貳者，何以獨保允禩？其日先舉允禩者為誰？諸臣奏：公同保舉，並無倡議者。

上曰：朕知此事必係佟國維、馬齊授意於眾，眾乃依阿立議耳。馬齊奏諸臣所議，臣實不知。

上復問大學士張玉書等，玉書奏曰：會議日，大學士馬齊、溫達、憲臣、列班、臣問議舉者為誰，馬齊答以眾議欲舉。皇八子允

禩，臣等同行保奏。國朝先正事略 卷四 各臣 聖

上曰：此明係馬齊暗中喻眾，如此大事，尚懷私意，豈非欲廢於允禩為日後專恣計耶？下王大臣等議立新弟副都統馬武等坐罪有差，盡奪其族人官，得旨免死拘禁。是年十二月，俄羅斯貿易人至。

上以馬齊舊管俄羅斯事，復令管理馬武等尋亦起用。五十年，署內務府總管五十五年，復授武英殿大學士。六十一年十一月。

世宗御極，賞輕車都尉。命襲其祖恪僖公一等男爵，合新給世職，晉一等伯。加太子太保。雍正元年改保和殿大學士。晉太

保三年秋，以總理事務竭盡忠誠，一賜騎都尉，以其第十一子富良襲。十三年九月，乞致仕。允之。乾隆四年五月，高宗諭曰：原任大學士二等伯馬齊在

皇祖時，即簡任機務，倚毗甚殷。及皇考即位，特命總理事務，藉其勞績，賞伯爵。世襲罔替。朕即位之初，以年老力求解退，重違其意，允致仕，俾頤養高年。以示優禮。耆舊之意，念其歷相三朝，年逾太耄，扞忠宣力，領袖聯

舉朝大臣，未有若此之久者。茲聞患病甚重，本欲親臨看視，因北郊在節，時值齋戒，不獲親往。特命和親王及皇長子永璜、永

訥親、代朕看視，望其痊可，庶果不起，可賞帑金五千兩。經理後事。是月薨，年八十有八。諭部優卹，賜祭葬，贈太傅，諡文穆。仍命富良襲爵。合前襲之騎都尉，晉一等伯，兼一雲騎尉。

十五年，詔加伯號曰敦惠，并命入賢良祠。馬武由侍衛兼管佐領，擢副都統。康熙二十七年奉命閱視中河。三十五年春。

上親征噶爾丹，命從征。五月，凱旋。十月，從上駐蹕歸化城。命迎犒右衛兵，還奏兵丁步行者多，食用未裕。詔兵部按籍賞銀，人各三兩。四十八年，因兄大學士馬齊與內大臣阿靈阿等議奏保，皇太子事獲罪，馬武亦褫職。五

十年，起內務府總管。六十年，遷都統。明年。

國朝先正事略 卷四 各臣 聖

世宗御極授領侍衛內大臣四年冬冊封怡親王以大學士馬齊為正使馬武副之特旨皆晉一秩十二月疾遣大醫

診視論曰馬武事

皇考五十餘年不離左右恪恭謹慎當盛暑嚴冬無幾微倦怠之色其平生胸懷坦白情性和平朕念係先朝侍從之人聞其病重屢降旨往視諸大臣合詞勸止遣親王皇子前往代朕看視尚望其痊可儻至不起著照伯爵賜卹賞銀千兩并給世職以示朕優眷老臣至意尋薨賜祭葬如典禮諡勤恪子輕車都尉世職子薩喇襲

李榮保襲襲二等男兼一雲騎尉由侍衛遷前鋒參領終察哈

國朝先正事畧

卷四 各臣

三

爾總管乾隆二年以冊立

皇后彝典追封一等公子其第四子富文一等侯爵十三年追封米思翰一等公爵之命下仍以富文襲十四年李榮保第十子大學士忠勇公傳恒經畧金川功成凱旋詔視勳臣額亦都佟國維之列賜建宗祠春秋致祭自恪信公始敏果公及李榮保並入祀追諡榮保曰莊嚴

白忠勇公事畧

蘇克薩哈 蘇納海 朱勤愍公昌祚 王愨愨公登聯

公諱白爾赫圖姓納喇氏滿洲正白旗人初授兵部副理事官崇德五年從圍明錦州敵出城犯我左翼力戰御之復擊敗杏山敵騎六年同前鋒統領吳拜等屢敗明總督洪承疇兵於松山杏山間擢前鋒參領順治元年大兵入山海關討流賊公擊敗偽總兵唐通於一片石既定燕京追賊安肅及慶都大獲其眾復隨豫親王西剿李自成連破賊營克潼關二年移師江南徇蘇州擊走明巡撫楊文驄獲船二十有奇進征杭州敗馬士英之眾分兵徇湖州用雲梯克其城三年隨端重親王博洛征金華敗賊眾於八步嶺進定福建五年隨鄭親王濟爾哈朗征

國朝先正事畧

卷四 各臣

三

湖南時自成餘黨王進才馬進忠袁宗第等分踞寶慶武岡六年公帥本旗前鋒數百人至湘潭遇敵兵萬餘奮擊大破之進征寶慶敗迎戰賊眾克其東門賊於城外結九營將復來犯公擊之潰賊跳河走溺死者無算尋由武岡征沅州過洪山屢敗進才進忠宗第等賊據烏撒堅守偕前鋒科爾坤奪其門擊走之進定全州凱還得優賚八年從征山東土寇戰於涼青山又戰於鳳凰山寨皆斬其將累晉一等輕車都尉十三年擢前鋒統領十五年從信郡王多尼征貴州時明桂王據雲南遣李定國白文選劉正國竇名望等扼踞貴州要隘大兵至安莊衛正國逆戰公先諸將陷陣敗其眾斬正國於響水橋導大兵渡

盤江進克雲南城十六年公率所部進攻玉龍關文選遁躡擊之獲金印一象三馬百有四十擒偽總兵呂三貴等大兵取永昌府渡潞江定國設伏磨盤山在潞江南二十里亦名高黎貢山西南第一穹嶺也鳥道窳曲通一騎定國度大軍累勝窮追必不戒設柵數重為三伏以待約俟我師至三伏山巔號礮起首尾夾攻我前鋒既深入伏處覺其謀諸帥急退傳令舍騎而步以礮發其伏公下馬據石立連發三矢殪三人敵大駭潰我後軍繼進合擊之敵兵死林箐中者三之一虜鬪死者三之一我軍殺傷亦畧相當定國坐山巔聞信礮失序驚駭忽飛礮落其前擊土滿面乃奔竄名望據柵拒守公率眾拔柵斬名

國朝先正事略 卷四 名臣

望遂取騰越州桂王及定國文選皆遁窮追踰南甸而還降明閣部大臣侯伯將軍總兵以下百餘人獲士馬象駝數萬詔信郡王班師公及都統卓羅留駐雲南定國之竄孟良也未幾復圖入犯約降將高應鳳內應以桂王印劄誘元江土司那嵩叛公與卓羅進討敗賊於磨籠口進圍元江掘壕困之越月城陷那嵩自焚死擒應鳳斬於軍賜白金鞍馬十八年隨定西將軍愛星阿取桂王於緬甸十一月會師木邦聞白文選遁錫箔江公與都統遜塔等飭精銳先發至則文選已毀橋遁乃結後以濟師次舊挽坡將軍令公率前鋒百人往蘭鳩江取緬人所獻明桂王及其親屬至軍中康熙元年詔班師晉爵一等

男公在雲南戰功最著為輔政大臣鼇拜所抑未得優敘六年遂與於蘇克薩哈之難蘇克薩哈者額駙蘇納長子公之族人也少隨征明錦州及松山杏山並著戰功襲父爵三等男順治八年任議政大臣晉一等男初隸睿親王屬下既睿親王薨於獵所蘇克薩哈與王府護衛詹岱等舉首其殯殮服色違制及謀遷永平諸逆狀命諸大臣質訊皆實遂論睿親王如謀逆律十年以護軍統領同都統陳泰等率禁旅出鎮湖南十二年賊帥劉文秀遣偽將盧明臣馮雙禮等犯岳州武昌蘇克薩哈伏兵邀擊大破之文秀引兵寇常德戰艦千餘蔽江下蘇克薩哈哈揮諸軍奮擊六戰皆捷縱火盡焚其船明臣赴水死雙禮負

國朝先正事略 卷四 名臣

創遁降偽將四十餘人文秀走貴州敘功晉一等子任領侍衛內大臣加太子太保十八年正月與索尼及遏必隆鼇拜同受顧命為輔政大臣奉聖祖皇帝嗣統是時索尼為四朝舊臣遏必隆鼇拜皆以公爵先蘇克薩哈為內大臣鼇拜尤功多意氣凌轍人多憚之而蘇克薩哈以額駙子入侍禁廷承恩眷奉遺詔輔政名亞索尼與鼇拜稱姻婭而論事多與之迂積以成讐會鼇拜欲令鑲黃旗與正白旗互易屯莊索尼遏必隆皆弗能止遂行圈換之令旗民皆不便康熙五年大學士蘇納海坐撥地遲悞總督朱昌祚巡撫王登聯等坐紛更阻撓罪皆論死

上覽部議。召詢輔臣。咸曰。應如議。獨蘇克薩哈不對。

上因不允所請。釐拜卒矯。詔並予棄市。未幾。索尼死。釐拜益驕恣。蘇克薩哈慮其逼己也。居常怏怏。六年。

聖祖親政。諭部加恩輔臣。越日。蘇克薩哈奏請往守。

先帝陵寢。庶如綏餘息。得以生全有。旨詰問釐拜與其黨大。

學士班布爾善等。遂文致之。誣以怨望。不欲歸政。構罪二十四。

款。坐奸詐欺飾。蓄異心。論如大逆。應與其長子內大臣查克旦。

皆磔死。餘子六人。孫一人。兄弟之子二人。皆斬決。族人前鋒統領。

白爾赫圖。侍衛額爾德等。皆斬決。獄具入奏。上知釐拜素與蘇克薩哈有隙。搆成罪狀。諭以核議。未嘗不。

國朝先正事畧

卷四

各臣

三十九

許所請。而釐拜接臂。

上。前強奏。累日。卒坐蘇克薩哈處絞。餘悉如議。八年五月。釐拜

既敗。奉。特旨。蘇克薩哈。即有罪。不至誅滅。子孫。此皆釐拜挾

仇所致。深為可憫。白爾赫圖等。無罪。誅戮。尤為冤屈。其蘇克薩

哈。及白爾赫圖等。均復原官。於是公得還官。復一等男爵。仍晉

三等子。子白爾肯。襲爵。尋。賜祭葬。如典禮。諡公曰忠勇。而蘇

克薩哈。亦復原官。及世爵三等子。命其幼子蘇常壽襲。

蘇納海。公。姓他塔喇氏。滿洲正白旗人。性慈祥。才識尤明。敏於

順治三年。由王府護衛。擢內宏文院學士。歷吏部侍郎。緣事罷。

尋起國史院學士。充經筵講官。遷禮部侍郎。加太子少保。再遷。

工部尚書。十八年。

聖祖即作。擢國史院大學士。兼管戶部尚書事。時釐拜等擅權。

蘇納海。不肯阿附。康熙五年。釐拜因已隸鑲黃旗。蘇克薩哈隸

正白旗。遂欲以正白旗屯莊。改撥鑲黃旗。而別圍民地。以與正

白旗。使旗人訴請。以牒戶部。公力持不可。謂旗人安業已久。民

地。曾奉。旨不許再圍。宜罷議。釐拜銜之。矯。旨遣貝子溫齊

等。履勘。旋以鑲黃旗地。不堪耕種。聞。遂遣公會同直隸總

督朱昌祚。巡撫王登聯。經理其事。昌祚。登聯。交章言。兩旗人較

量。肥瘠。相持不決。而旗地待換。民地待圍。所在荒廢。不耕。農人

環訴。失業。請停止。圍換之令。公亦以屯地難於丈量。候。明詔。

國朝先正事畧

卷四

各臣

四十一

進止。釐拜遂坐以藐視。

上命械付刑部議罪。部議律無正條。擬鞭百。籍沒家產。

上覽疏。召四輔臣詢問。釐拜極言。情罪重大。索尼。遇必隆。附

和之。獨蘇克薩哈不對。

上仍以部議。不按律文。弗允。釐拜出矯。旨即予處絞。八年。

上親政。以釐拜罪惡。顯著。命速治。既伏辜。特旨為蘇納海。

昭雪。敕部予恩。賜祭葬。子諡襄愍。以其子五爾達為

三等侍衛。朱公昌祚。字懋功。號雲門。高唐人。隸漢軍鑲白旗。順治初。任宗

人府啟心。卅八年。以工部侍郎。巡撫浙江。會旱災。捐金倡首。

煮粥以活飢民復疏請賑卹時海寇未靖有旨令瀕海居民
遷移內地公疏請酌撥荒田令開墾爲生俟三年成熟照例起
科其舊所棄之田畝請蠲其賦均下部議行巡按御史既徹重
案悉歸巡撫逮繫者數千人公盡數月之力判結之得釋者甚
眾復多設方畧以歸順之利導賊黨聞者多解散大軍征海寇
公厚犒諸將約以秋毫無犯并嚴飭有司不得藉軍興苛斂於
民浙人德之康熙三年擢福建總督以丁憂未之任四年特
詔起直隸山東河南三省總督請終制不允五年抵任正己率
屬遇事執法無少媿宴會整齊圍地議起遣部臣會同督撫經
理旗民囂然咸泣訴失業公上疏極陳其不便釐拜怒革職逮

國朝先正事畧

卷四

名臣

聖

問部議律無正條擬鞭責籍沒釐拜入奏應置重典

上未允出矯旨竟予立絞八年釐拜伏罪特諭昭雪復原

官賜祭葬如典禮諡勤愍祀直隸浙江名宦祠子紱以廕入
監官至大理卿

王愨愨公諱登聯奉天人隸漢軍鑲紅旗順治初由貢生授鄭
州知州巡撫吳景道薦其有德有才遂擢濟南道累遷通政司
參議順天府丞大理卿順治十七年擢保定巡撫時海宇初定
伏莽尚多官吏艱於緝捕互相容隱公請嚴縱盜之法重竊主
之律厚捕首之賞由是盜賊屏息康熙元年裁順天巡撫以公
兼理其事加工部尚書銜河間大名所屬災先後奏請發粟賑

濟全活者多五年冬以撥圍旗地擾民密疏請令各安舊業言
甚痛切忤釐拜意與總督朱公同論死旗民哀之八年特旨
復原官諭賜祭葬諡愨愍祀直隸名宦祠子盛唐以廕入監
授督捕理事官

國朝先正事畧

卷四

名臣

聖

國朝先正事畧卷之五 名臣

平江李元度次青集

費襄壯公事畧

公諱費揚古。姓棟鄂氏。滿洲正白旗人。父剛毅。公諱鄂碩。剛毅之祖曰掄布。

太祖時。率四百人來歸。賜名魯克素。授其長子錫罕。騎都尉。世職。即剛毅父也。錫罕隨大貝勒阿敏征朝鮮。帥八十人先驅。遇敵戰歿。

太宗軫悼。晉輕車都尉。以剛毅公襲。尋授佐領。隨大軍入明境。至崞縣。遇敵。斬哨卒二。獲馬四。由平魯衛出邊。敵兵邀戰。剛毅

國朝先正事畧 卷五 名臣

十一

公與都統圖爾格擊卻之。擢前鋒參領。崇德元年。率兵百人偵明邊事。至冷口。斬哨卒三。獲馬十。有五年。隨睿親王伐明。由青山口入。擊敗太監高起潛兵。六月。隨大軍圍錦州。別將兵畧甯遠。遇明兵六百騎。引軍薄之。大破敵。獲馬六十。有奇。七年。隨饒餘貝勒阿巴泰。從界嶺口。毀明邊牆。入敗總督范志完兵於豐潤。敵自密雲出。劫我輜重。奮擊卻之。遂越燕京趨山東。所嚮克捷。師旋。出邊。明總兵吳三桂遣步騎邀戰。復擊走之。我軍乘夜掩襲。獲三斬級。數十擒哨卒二十九。獲馬二百。有奇。順治元年。從大兵入山海關。敗流賊李自成。追至望都。十一月。追自成至陝州。距潼關立營。賊據山為寨。重關夾峙。伏火器。

國朝先正事畧 卷五 名臣

十二

倚糗糧。以拒王師。剛毅公與前鋒統領努山。率兵奪其寨。二年。陝西既定。大兵由河南下江南。帥前鋒兵先行。至睢甯。敗敵兵千餘人。復隨端重親王博洛。分兵征蘇州。擊明巡撫楊文驄。舟師獲戰艦二十。有五。趨杭州。敗明魯王朱以海兵。擒其總兵一。尋搗湖州。克其城。累進二等男。擢副都統。時明桂王朱由榔據湖南廣西。剛毅公隨鄭親王濟爾哈朗往征。有功。授前鋒統領。擢內大臣。晉三等子。復以其為。皇貴妃父。晉三等伯。十四年。九月薨。贈侯。賜祭葬。子諡剛毅。明年。襄壯公襲伯爵。康熙十三年。隨安親王岳樂。帥師赴江西。討逆藩吳三桂。時賊將黃乃忠。糾眾萬餘。自長沙犯袁州。公與總兵趙應奎等擊敗之。擒偽官童聖功。復萬載。十五年。走賊將夏國相於萍鄉。毀寨。十二。進圍長沙。戰屢捷。十八年。敗賊將吳國貴於武岡。凱旋。擢領侍衛內大臣。列議政大臣。二十九年。聖祖以噶爾丹劫掠喀爾喀。又數擾我邊境。命裕親王福公。為撫遠大將軍。而以公參贊軍務。往科爾沁調兵。隨征。是年八月。大敗噶爾丹於烏蘭布通。破其駝城。三十二年。命公為安北將軍。駐歸化城。明年五月。噶爾丹使人至歸化城。言將入貢。公偵其踵至者。男婦幾二千人。遣兵迎詰。且遏之。馳疏請。旨上知噶爾丹陽修好。實潛蓄窺伺意。命侍郎滿丕諭責其使。遣之還。七月。謀報噶爾丹將逼圖拉。詔公及右衛將軍希福。

帥師往禦。尋以圖拉無警。慮噶爾丹趨歸化城。有詔命旋師。三十四年。噶爾丹至哈密。公帥師往禦。尋竄去。授公右衛將軍。兼管歸化城將軍事。疏言。噶爾丹見歸化城。距歸化城二千里。宜預徵士馬。勿糧於來年二月進剿。上授公撫遠大將軍。召入覲。面授方略。三十五年二月。詔黑龍江將軍薩卜素帥師出東路。命公及振武將軍孫思克。西安將軍博壽帥陝甘兵出西路。上禡牙親征。躬統大軍。由獨石口出中路。約期夾攻。四月。公帥師抵察罕和碩。噶爾丹悉驅賊眾趨克魯倫河。當是時。東路兵尚未至。科圖而。

國朝先正事畧 卷五 各臣

三

上已由科圖進逼賊境。五月。公帥師抵圖拉。疏言。賊盡焚草地。我軍迂道秣馬。又遇雨。糧運遲滯。師行七十餘日。士馬飢疲。乞上緩軍以待。會噶爾丹登克魯倫河之納蘭山望見。御營黃帳龍叢環以幔城。又外為網城。軍容山立。大驚。拔營宵遁。翼日。大軍至河。則北岸已無一帳。克魯倫河者。起車臣汗西界。東北入黑龍江。橫亘瀚海。東北二千里。乃內外蒙古之界也。上初意賊必扼河拒戰。故兩路出師。攻其腹背。及是。知賊已畏。膽乃密諭公等邀擊而親帥大軍追之。三日至拖諾山。不見虜而還。命盡運中路之糧以濟西師。公聞噶爾丹遁。即遣前鋒統領碩岱副都統阿南達等率兵先往挑戰。且戰且卻。誘

賊至昭莫多。蒙古語大樹林也。在肯特嶺之南。土臘嶺之北。汗山之東。平曠饒水草。為自古漠北戰場。時敵軍至者。近萬。皆百戰之賊。我軍飢疲。馬僵其半。公以馬力不能馳擊。非反客為主。以佚待勞。不可距敵三十里。即止營。其地有小山。三面皆距河。林木蒼蔚。可設伏。公率左右翼步騎先據小山。陣於東。餘沿土臘河陣於西。邊。上所授方略。各軍皆下馬步戰。約聞角聲。始上馬。將軍孫思克。總兵殷化行。以綠旗步兵居中。據山頂。臨之賊爭山。鋒銳甚。我軍據險俯擊。礮矢疊發。每進輒以拒馬列前。自固賊言。矢石盛。戰自未至。酉不退。日暮。賊騎相離二十步。公吹角者三。左右俱

國朝先正事畧 卷五 各臣

四

鳴角沿河伏騎盡起。一橫貫其陣。一襲其後。隊輜重賊始崩潰。乘夜追北三十餘里。詰旦收軍。斬級數千。降二千。獲馬駝牛羊。廬帳器械無算。并獲其可敦。阿奴可敦者。準部稱其汗之妃也。願督敵戰。披銅甲。腰弓矢。騎異獸。臨陣精銳。悉隸麾下。是亦斃於噶爾丹。以數十騎遁。捷奏至。御營詔班師。畱公駐守科圖。上親撰銘勒石。拖諾山及昭莫多山。還次歸化城。親勞西路凱旋之師。輟膳大饗士。獻厄魯特之俘。彈箏箏歌者畢集。有老胡工箏口。辯有膽氣。兼能漢語。上賜之酒。使奏伎音調。悲壯歌曰。雪花如血撲戰袍。奪取黃

河為馬槽滅我名王兮虜我使歌我欲走兮無駱駝嗚呼黃河以北奈若何嗚呼北斗以南奈若何遂伏地謝

上大笑手書以告 皇太子六月 駕還京師七月 詔公由

科圖移駐喀爾喀遊牧地甫至噶爾丹潛使其黨來肆掠公遣

副都統祖良璧擊走之追勦至翁錦賊敗遁公尋以馬疲移軍

喀喇穆倫會噶爾丹使其宰桑等來請納款

上再幸塞外 駐蹕棟斯拉 命公馳赴行在入對 諭獎昭

莫多戰功公奏曰軍中機務皆遵

上密諭以底成功臣不能生擒噶爾丹以獻臣之罪也

上曰噶爾丹窮蹙實甚朕不忍悉誅欲招降其眾撫而治之公

國朝先正事畧 卷五 各臣 五

頓首曰 聖意非臣等愚昧所能測真天地好生之仁也翼日 賜御佩

褰韃弓矢遣還軍三十六年正月阿南達奏報哈密回人擒獻

噶爾丹之子塞卜騰巴珠等

上以其疏錄示公 賜胙肉鹿尾等物 諭曰時當上元令節

眾蒙古及投誠厄魯特齊集暢春園適阿南達疏至眾皆喜躍

卿獨居邊塞不得在朕左右殊深軫念故以疏示知並賜物問

卿無恙即如與卿相見也二月

上幸甯夏 命公及內大臣馬思喀兩路進兵 駕由黃河西

岸 駐蹕達拉布隆 頒賜上駟院馬五十駱駝十公進次薩

奇爾巴勒哈遜時噶爾丹窮蹙甚左右親信數臺吉多面懇聞

大兵將至先後望風款附其兄子策妄那布坦復擁勁兵伏阿

爾泰山將擒以獻功噶爾丹進退無地每夕或數驚遂仰藥死

厄魯特部眾降者相繼 車駕方自甯夏循賀蘭山出邊公以

噶爾丹自伏天誅奏其下丹濟拉以其屍及子女來獻中途為

策妄那布坦奪而獻諸朝所部悉降於是自阿爾泰山以東皆

隸版圖拓喀爾喀西境千餘里朔漠平四月

上復勒銘狼居胥山而還回鑾 御撰碑銘告成太學六月公

駐師察罕諾爾有疾 詔還京以昭武將軍馬思喀代領其眾

晉封一等公領侍衛內大臣如故公以噶爾丹未經生擒疏辭

國朝先正事畧 卷五 各臣 六

封爵 優旨令勿辭 諭閣臣曰塞外情形不可肌度必身歷

其境乃有確見朕親征噶爾丹眾皆不欲惟費揚古密扞謀畧

與朕意合卒能大敗積寇累年以來統兵諸將未有能過之者

也四十年六月

上幸索約勒濟公扈從中途疾作

聖祖停蹕一日 親往視疾 賜白金五千兩及 御帳蟒緞

鞍馬等物 遣內大臣侍衛等護送還家尋薨 賜祭葬 予

諡襄壯子辰泰襲一等侯兼一雲騎尉雍正十年 詔入祀賢

良祠公性樸直貌奇偉待人以和無疾言遽色好在

上前自言所短人多笑之在軍中與士卒同甘苦事無大小皆

親決有求見者立召入好讀左氏春秋手不釋卷尤工詩雖專門家自以弗逮

聖祖嘗御箭亭命諸大臣校射公奏臣臂痛不可以弓許之出語人曰我曾為大將軍儻一矢不中有損國威且為外藩所笑故不與諸將軍角伎也人服其雅量

國朝先正事畧

卷五

各臣

七

賚囊毅公事畧

公諱賚塔姓那穆都魯氏滿洲正白旗人和碩額駙康古里第四子也年十四授三等侍衛崇德六年隨大軍圍明錦州擊松山杏山敵兵屢有斬獲明年隨貝勒阿巴泰入明邊越燕京趨山東攻新城高陽霸州壽光博興等城皆先登身中五鎗賜人獲牲畜銀幣授前鋒侍衛順治元年隨大軍討李自成敗賊將唐通於一片石追擊自成至安肅望都授護軍參領隨豫親王多鐸由河南征陝西連敗自成賊眾於潼關明年隨豫親王征江南攻克揚州取江甯追敗明福王朱由崧於蕪湖予雲騎尉世職三年隨端重親王博洛征福建明唐王朱聿鍵遁汀

國朝先正事畧

卷五

各臣

八

州率兵破其城晉騎都尉五年明桂王朱由榔據湖南公隨鄭親王濟爾哈朗往征六年夏師至衡州敗偽總兵陶養用於青草橋又敗偽伯胡一清萬餘眾於府南山進攻祁陽偽總兵周進唐於大忠橋拒敵擊敗之又敗之於王公嶺一清旋與偽總兵王進才各率馬步數千人拒河岸亦敗潰公進擊偽總督譚宏於道州又擊一清及偽伯焦璉等於全州皆聞風竄遁七年晉輕車都尉初公叔父哈克都哩獲罪額駙公之世管佐領亦坐革

太宗諭以後有功仍給還至是公請於部得賜復即子公承管十一年張獻忠餘黨李定國犯廣東公隨都統珠瑪喇等往

征屢敗賊兵解新會圍定國遁走追敗之興業及橫州晉爵三等男十三年擢護軍統領十六年海寇鄭成功犯江甯命安南將軍達素同公率師往征至則賊已敗遁遂移師福建明年同都統索渾勦賊廈門官軍不習水戰失利坐罷任革世職康熙二年署前鋒統領隨靖西將軍穆哩瑪征流賊李來亨等於茅麓山屢戰皆捷凱旋復授護軍統領兼佐領八年擢都統十三年逆藩耿精忠叛命公為平南將軍統兵赴浙江勦禦賊黨犯金華公遣副都統瑪哈達等擊走之復義烏諸暨公進駐衢州偽都督周列率賊二萬由常山來犯公遣將邀擊擒斬過半偽總兵桑明旋率五萬眾犯衢州公與總督李之芳帥兵迎

國朝先正事畧 卷五 各臣 九

擊復敗之斬級萬餘十四年擊敗偽將軍馬九玉等於黃潭口等處偽副將李廷魁屯衢州城北元山口公督兵乘夜攻圍破走之焚其木城九玉同賊將林福等退據大溪灘時康親王傑書為大將軍駐金華公奉命參贊軍務并分駐衢州仍佩平南將軍印屢擊卻來犯賊眾十五年秋康親王進衢州公循例歸將軍印以都統任參贊先率兵馳擊大溪灘斷賊糧道復江山縣馬九玉遁尋同瑪哈達等率兵破仙霞關進拔浦城又與副都統吉勒塔布等敗賊於建陽克其城進復建甯府十月隨康親王抵延平精忠窮蹙乞降時漳泉興化俱為海賊鄭錦所踞十六年同甯海將軍拉哈達勦賊興化連破三十六營陣斬

偽總督趙得勝等復興化偽總兵郭維藩以仙遊降三月同拉哈達討叛鎮劉進忠於潮州進忠降康親王奏復授公平南將軍印守湖州十七年四月鄭錦遣偽總統劉國軒陷平和犯海澄

上命公赴援賊斷江東橋及長泰同安諸小徑師弗克進六月賊陷海澄漳平同安惠安犯全州九月公與總督姚啓聖合兵進討大敗賊兵於蜈蚣山破其七營斬四千餘級復長泰十月復敗賊於漳州萬松關十八年偽將軍吳淑何佑等犯長泰公與提督楊捷等分道進擊斬二千餘級生擒偽總兵副將三人國軒復犯江東橋公迎擊敗之賊走太平寨追斬千餘級十九

國朝先正事畧 卷五 各臣 十

年二月同啟聖捷勦賊海澄招降偽總兵蘇堪復其城聞水師提督萬正色取海壇公由松嶼進征偽將軍陳昌率眾降鄭錦遁臺灣廈門金門相繼定四月命移駐廣州會尚之信獲罪逮繫其藩下長史李天植等怨都統王國棟發難誘殺之藩兵咸畏罪思亂公密承詔旨以罪不株連撫慰藩兵自率兵圍之信第收捕天植及同謀者繫獄候旨餘釋勿問時逆孽吳世璠尚擁重兵據雲南定遠大將軍貝子彰泰自湖南進征貴州上以公在福建廣東勞績素著授平南大將軍赴廣西調遣滿漢兵由甯甯直進雲南公率兵由田州泗城進西隆州偽總兵

周應龍迎降。偽將軍何繼祖等擁賊數萬。拒於石門坎。石門坎者。距安籠所三十里。地峻隘。稱天險。公令都統貝勒希福瑪奇等率師直前。自與副都統宏世祿總督金光祖分兵爲二。由間道躡其後。二十年正月。度賊無備。飭前軍進攻。賊倉猝出禦。後軍履險上。前後夾攻。大敗賊眾。奪其隘口。復進安籠所。城降。偽總兵陳義魁繼祖復糾偽將軍詹養王有功等率二萬人據黃草壩。列眾拒戰。二月二日。公督兵奮擊。自卯至未。奪賊營二十有二。生擒詹養王有功及賊眾千餘。獲其象馬無算。

上以公自廣西深入雲南。獨先諸路大破賊。溫旨嘉獎。師抵曲靖。降偽總兵尹士元。偽道劉世忠等。隨遣兵取霑益州。勦賊。

國朝先正事略 卷五 名臣 七

中路偽將軍線絨等皆遁歸。分遣希福瑪奇等復雲龍州。易龍所及楊林城。營總碩塔等克嵩明州。餘賊望風解散。遂會合彰泰軍。壁歸化寺。偽將軍胡國柄等離城拒戰。公與彰泰分兵進擊。自卯至酉。賊大潰。斬國柄及偽總兵九生。擒賊六百有奇。逆孽吳世璠嬰城守。陰調賊將馬寶。胡國柱。夏國相等。遣救大軍併力環攻。賊內亂。欲擒世璠出獻。世璠自殺。線絨等開城降。遂磔偽大學士方光琛等於軍前。戮世璠屍。傳首京師。國相竄廣南。公與彰泰檄土官儂朋總兵李國樑率師追勦。擒之。西板橋又遣希福等追勦國柱於雲龍州。國柱縊死。其黨王敘李匡自焚。餘眾悉降。雲南平。二十一年十月。大軍凱旋。

聖祖親率諸王大臣郊勞於蘆溝橋西二十里外。御黃幄。詔彰泰及公行抱見禮。二十二年。以隱匿尙之信藩。下應入宮婦女事覺。當勘問。

上曰。賚塔自福建廣東雲南。宜力勤勞。樹立大功。勿因細事。遂加以非禮。致失朝廷眷顧。功臣之意。下所司集質擬奪職治罪。詔從寬。鑄級。罰俸。明年十二月薨。賜祭葬。如典禮。加祭二次。謚襄毅。二十四年。

上諭王大臣曰。平定雲南。賚塔功最大。縱有他過。爲人訐告。朕死不加罪也。諸臣同聲感戴。未幾。冊勳。子一等男子費葉楞襲。雍正五年。

國朝先正事略 卷五 名臣 七

世宗諭曰。原任都統賚塔。當三逆變亂時。統兵征勦。克復雲南。功最著。彼時因坐事功過相抵。是以未封公爵。在當日之不優封賚塔者。欲使立功之人。或知儆惕。不敢驕肆。妄爲耳。今事歷多年。後人已知鑒戒。奉法其追封一等公。俾其孫博爾屯承襲。八年。建賢良祠。詔公與大學士圖文襄公並入祀。九年。加公號曰褒績。

施清惠公事略

公諱維翰字及甫一字研山江蘇上海人順治八年進士授臨江府推官有異政以卓異徵擢兵部主事明年選授御史公體貌秀偉在班行中顧然俛視諸同列

世祖見而異之出巡按陝西未訖事以裁缺還京康熙二年請

告其明年復補江南道公在臺嘗劾偏沅巡撫周召南曲庇貪

吏又劾福建總督劉斗徇情題建故靖南王耿繼茂祠皆奉

旨嚴議一時僂然潛伏六年巡鹽河東十一年有 詔內陞仍

以四品服俸管江南道事疏言登聞鼓之設原以伸士民冤抑

請令滿漢科道司之如所請明年遷鴻臚少卿再轉光祿少卿

國朝先正事畧 卷五 名臣

三

大理丞累遷太僕卿宗人府丞十八年晉左副都御史協理院

事公性穎敏通古今尤諳前代典故章數十上所言皆關大計

未嘗毛舉人細過以沽名塞責素嫉貪吏以謂禁貪之法甚備

而州縣多以賄聞者監司為之囊橐也監司取諸州縣州縣不

得不取諸吏民惟懲大貪則小貪自止又言士民各有定業今

文武各官或兼事商賈質庫連肆估舶彌江既奪閭閻之利復

脫關市之算不可不加禁止又言考察糾舉之法密於文臣疏

於鎮帥悠忽養癰此由國家令甲無督撫甄別鎮帥之責故也

請自今有婪賕肆虐者督撫不入告則事發同罪庶幾軍肅而

民安矣是歲方奉新例凡言官所糾不實準反坐論公力爭之

且言督撫不能覺察州縣致為科道所糾已有隱徇之咎矣今仍發與審鞠彼欲卸前責安得不益庇私人乎况乎陰肆營求陽騁狡辯彌縫掩飾何所不至言官身在中朝復非兩造又何從而折證之臣恐言路從此結舌矣岡督劉斗復題補總兵官公言總兵一方重鎮非

上命即廷推從未有地方官題補之例以 朝廷推轂授鉞之

權倒付大吏其弊豈可長乎時海上諸降卒日至無可安插公

言投誠之眾不能計日而給食也一遇水旱恐為隱憂臣思各

提鎮官歲有汰兵簡其丁壯以補缺額使降者不以遊手長奸

缺者不以召募滋擾亦杜漸防微之策也東南賦役煩重民力

國朝先正事畧 卷五 名臣

古

不支公言民間大役五年一僉小役十年一僉此定式也此來

官吏好貪每役止編一年僉審頻繁用邀賄賂且復舊制俾小

民得盡力耕桑以安南畝又請減蘇松重賦又言江南租入必

俟九十月是以舊制十月開徵今民未東作而催科已迫何以

給之又勸

天子親耕籍田以重農事又八旗犯罪者例先墩鎖各城門公

言民人重罪監禁莫不居有囚室食有囚糧而旗下墩門之害

未易枚數暴露寒暑莫之飲食請得與民人一體羈監至於罪

婦亦先墩門男女洵雜貞淫無辨宜另行羈候以別嫌疑崇風

化公前後所言其善持大體悉類此雖下部議或從或否又有

始格於議其後卒見施行者以故章每上京師士大夫率傳錄其諫草以相稱說而

天子亦甚器之既長御史臺適浙撫陳秉直薦舉學道程汝璞為魏敏果公所劾例應降調而竟以所加級抵銷公首劾之曰秉直與汝璞見聞最近乃徇情妄舉顛倒是非非尋常誣誤可比請勅部定議凡保舉非人坐降調者不許抵銷

上善其言著為例已而巡撫山東之命下公既荷上殊遇甫至官則勸懲彰瘡一奉憲綱以行屬歲大穰賴公賑恤有方境內遂得無事又請截留漕米五萬石以活贏絀又因青萊距臨清倉遠辦解維艱請永行改折以息轉輸又因米豆

國朝先正事畧

卷五

各臣

五

翔踊請一應兵馬支應悉照價值估辦以甦賠累由是士民悅服三年政成遷浙江總督其為政一如山東前督劾軍士鼓謀一案繫累二百餘人 陛辭

上諭曰兵丁鼓謀乃惡習宜嚴禁公奏曰祇因督撫提鎮不和遂致兵丁生變臣當同心協力調劑軍民

上曰文武協和地方自安戢矣及抵任即日會讞多所平反不數月

聖祖以兩浙內地易治惟福建險遠其民甫脫湯火且地濱海奸人易生心非具幹略有文武威風識大體者不能制臨而緩馭之會總督闕乃度廷臣而調公往焉公時已病會方遣滿大

臣巡視海上公力疾偕行二十二年春始逾嶺病革未抵會城而薨年六十有三事聞

天子驚歎下 詔稱公操履清慎懋著勤勞 命所司賻卹有加 賜諡曰清惠公為人孝友肫至與人交坦易不設城府撫幼弟及諸甥有恩其殤也弟甥皆喪之如父仕宦三十餘年慎於取子無攀援散散之習朝野重之祀鄉賢

國朝先正事畧

卷五

各臣

六

郝雪海中丞事畧 楊素莊

郝公諱浴字泳滌號雪海直隸定州人生平負氣節棘棘不阿順治六年進士授刑部主事八年遷御史奉命巡按四川時流賊張獻忠餘黨孫可望李定國劉文秀等降附明桂王朱由榔踞川南寇掠九年平西王吳三桂與都統李國翰分兵復成都嘉定敘州重慶駐師綿州公在保甯監臨鄉試可望文秀等合眾數萬薄城公遣使告急綿州逾月三桂乃發援兵危城得全公因陳善後策畧言大兵勦賊借陝西運餉道遠餉繁宜移陝西駐防屯田成都並招流民開墾借給土司牛種屯耕一年可抵輸運三年之利又言賊寇善騰山越嶺蜀中土官土兵習

國朝先正事畧 卷五 各臣

十七

尙相近宜簡精銳爲前茅以滿洲驍騎繼其後疾雷迅霆之下寇必鳥獸散

上嘉其奏可採下部議部臣以戰守機宜應由三桂酌籌寢其議公又言土賊投誠給劄授官恣行劫掠爲民害請嗣後願歸伍者聽其願爲民者卽令有司造冊編丁以資生聚又請免牛租除雜派惟就熟地開征俾民賦有定額疏皆下部議行又劾奏永甯總兵柏永福臨陣畏縮廣元副將胡一鵬驕悍不法狀並奪職逮訊方保甯之奏捷也詔頒賞將士三桂因以冠服與公公不受疏言募平賊寇平西王責耳臣司風憲不預軍事而以臣預賞非黨臣則忌臣也因疏劾三桂擁兵觀望狀

上命三桂以賞物別賞有功將士大學士成公克鞏呂公宮等疏奏公固守保甯出入營伍奮不顧身卒轉敗爲功宜擢用三桂因摘公保甯奏捷疏中有親冒矢石語劾公欺罔旨功吏議革職逮訊尋論死命免死流徙奉天之尙陽堡當是時三桂開邸滇黔海內財賦輦輸軍前者歲亡慮數百萬計守令得自辟署珍貝犀象明珠南金之寶悉歸私室羣失職之士及亡賴多歸之疆吏搜其鋒者竊立至公以一御史首發其奸直聲震天下康熙十年駕幸奉天公迎謁道左

上親垂問焉十二年三桂反明年尙書王公熙劉公沛先後交章薦公爲部議所格十四年魏公象樞兩疏薦公才學識兼優國朝先正事畧 卷五 各臣

十八

不宜終棄且曰臣自愧不如願以職讓遂得旨召用復原官時陝西提督王輔臣叛應三桂公疏言大兵進剿平涼宜於西安潼關用重兵屯駐以待策應調鄭陽兵攻興安調河南兵入武關直取漢中則逆賊計日可擒疏下統兵大臣相機施行又言民間納糧多額外征求致正額反缺至招買軍需名爲市易實則攤派里民比及發價官役互相侵扣又於解餉時多索收餉之費任意遲延請敕督撫嚴察又言京通各倉積貯已多請留山東河南額征耗米折銀濟軍需疏並如所請十六年巡視兩淮鹽課明年兩遷至左副都御史十九年部更新例凡死罪減等及軍流人犯俱發黑龍江公以天旱民飢恐遺犯道毀

者多。疏陳新例未便。下所司議。惟願吏照新例行。餘仍舊。又疏言。出身非正途者。雖經保薦。不得選科道。又言。部院長官。歲終宜舉。屬吏賢否各一人。以示懲勸。均從之。尋命巡撫廣西。賜御廩良馬一。疏言。粵西錢糧改折。乃一時權宜計。今軍餉既停。請仍舊。又請。御書清慎勤字額。頒發各疆吏。俾官民咸得瞻仰。得。旨。俞行。又言。粵西外控土司。內制猛獁。撫標兵不宜裁減。部議許留其半。又為故死事撫臣馬公雄。鎮傅公宏烈。請祠。為故知府劉浩。知縣周岱生。請卹。又請復賑濟貧生銀米。均從之。二十二年卒於位。年六十一。士民奔走巷哭。凡三日。喪歸。燕香送者數千里。不絕。語及公。皆置涕云。初。傅公宏烈以軍需

國朝先正事略 卷五 名臣

先

移取庫金七萬有奇。米七千餘石。公泄任。擬以庫項扣抵。及卒。護印者劾公侵欺。詔遣部郎察審。坐侵銀九萬有奇。吏議奪職。追補。特旨以公清廉。免追。用示優卹。廉吏至意。二十五年。子林為父訟冤。請還職。部議不可。特旨許。追復林旋請卹。賜祭葬如例。林以進士累官禮部左侍郎。加尚書銜。致仕。烏虜聖祖之於公。既簡諸生前。又卹請身後。曰。潔。衰。許。再。四。儼。然。家。人。父。子。其。知。公。深。矣。然。三。桂。兇。饑。方。張。公。以。一。書。生。不。揣。而。與。之。抗。微。世祖保全則公之元已喪而骨已朽矣。迺謫公於遠。示薄。謫以稍殺三桂之怒。而緩其反。留公以為異日股肱之用。其。恩。謹。

為何如哉。同時以御史劾三桂得罪。後且大用者。為楊公。案。德。與。公。齊。名。

楊公字筠湄。一字退菴。陝西宜君人。順治九年進士。除東明知縣。地當河決。後敗城郭。民廬且盡。居民依邱阜。僅數十家。公設法灑濬。完聚。三年。間復業。至萬餘戶。山東盜發。眾數千。剽掠旁郡。制府密以屬公。設計招降之。餘黨解散。十六年。以治績預行取人。為四川道御史。公亢直敢言。前後上章以十數。皆切中時弊。而尤著者在直。糾逆藩一疏。時三桂以分巡上湖南。道胡允等十人題補雲南各道。并及奉差部員。無復顧忌。公疏略言。爵祿者天下之大柄。綱紀者國家之大防。前此經略用人。奉有吏

國朝先正事略 卷五 名臣

先

兵二部不得掣肘之。旨亦惟以軍前效用及所轄五省各官酌量題請耳。從未聞敢以他省不相干涉之處。及見任京朝官公然坐缺。定銜者也。且疏稱求諸滇省。既若索駭之無良。求諸遠方。又恐此馭之不速。則湖南四川去滇猶近。若京師山東江南。距滇不下萬里。不知其所謂遠者。將更在何方。皇上特假便宜。不過許其就近調補耳。若盡天下之官。不分內外。不論遠近。皆可擇而取之。則何如歸其權於吏部。銓授為名。正而言順乎。縱或雲貴新經開闢。料理乏人。諸臣才品為藩臣所素知。亦宜請旨令吏部籤補。乃徑行擬用。不亦輕名器而褻國體乎。自來

人臣忠邪之分莫不起於一念之敬肆在藩臣數歷有年自應熟諳大體此舉即從封疆起見未必別有深心然防微杜漸當慎於幾先祈 申飭藩臣嗣後惟力圖進兵加意緩輯一切威福大權俱宜稟自 朝廷則 君恩臣誼兩盡其善矣疏入閣臣咋舌持其章不敢下 詔下部知之會

世祖皇帝晏駕輔臣出公為川北道以前疏也而三桂猶銜公不置且疏辨其意含影射語伏危機有 旨令回奏公奏防微杜漸古今通義臣但期藩臣每事盡善為 聖世純臣非有他也故事外吏拜疏必先具揭巡撫佟公見疏語直懼且得罪強公竄易二語奏上坐合樹巧飾應降調公拂衣歸閉門不出

國朝先正事畧 卷五

各臣

三十一

者十年論者謂古今事變所伏每患深謀之士知之而不敢言或言矣而不用語曰熒熒不救炎炎奈何嚮使公與郝公言獲用曲突徙薪之功可勝道哉三桂既反人始服公及郝公先識於是尙書郝公惟訥冀公如錫侍郎楊公永甯交章薦公可大用以外艱辭服闋赴湖廣軍前題補鄖襄道當是時賊軍據川東襄陽總兵楊來嘉副將洪福相繼以城叛肆掠房保開與賊相犬牙而王師饑饉自襄至房保路險隘舟車不通歲調安襄德三郡丁夫擔負率餽十致一夏秋霖潦溪水漲冬雨雪徑滑顛溺死者相望丁夫缺仍檄郡勾補三郡大困而餉苦不繼公訪知穀城有小溪可通舟乃親按行川谷燒石剪木數十里開

漕船道於是水運通利省三郡丁夫十九而軍興無乏遷山西提學道以公明尤著列薦章內陞通政司參議遷奉天承晉順天尹康熙二十六年巡撫安徽會歲饑甫拜疏請賑即檄州縣開倉發粟吏難之公曰若待報則需時日是棄民也且

皇上仁聖必得請尋報可所全活無算明年夏叛卒夏逢龍據武昌全楚震動而安慶當三省衝訛言屢驚婦女爭出城走避有司呵之不止公大書榜四門曰顯出城者聽而徐以塘報殺賊狀曉示遠近數日人情安堵出城者復歸十月移撫湖北時逢龍雖誅脅從者尙眾人情惶擾或一夕數驚公至首嚴告訖之禁以安反側會上元節許民間張燈火陳魚龍百戲元夜坐

國朝先正事畧 卷五

各臣

三十一

堂皇朝門洞開令士民出入縱觀明日市井熙然矣公定變大畧多類此是歲早疏請緩徵漕糧又請兵餉免搭放制錢先後得報可二十八年十月薨年六十先是湖北郡縣疾苦最甚者若沔陽衛之沈塌田地江陵之沙壓空壓漢陽嘉魚之崩塌咸甯黃陂景陵之穀折江夏武昌崇陽通城漢陽漢川雲夢孝感應城之穀田科重監利之一年兩賦凡六事而受害者十七州縣蓋積數十年矣公廉得其實條為兩疏未及上會病甚遂口授於遺疏中切陳之就枕上作叩首狀曰此疏行臣目瞑矣嗚乎孳孳為國知無不為公殆無媿宜與郝公並磊磊軒天地歟

湯文正公事略

湯公諱斌字孔伯一字荆峴號潛庵河南睢州人父祖契州學生母趙氏明末流寇陷州城罵賊死被旌建專祠公少避兵流寓衢州順治九年成進士授國史院檢討十三年應詔陳言請廣搜遺書修明史且言宋史修於元至正特傳文天祥之忠元史修於明洪武亦著巴顏布哈之義我朝順治元二年開前明諸臣亦有抗節不屈臨危致命者宜令纂修諸臣勿事瞻顧大學士馮銓金之後誦公誇獎抗逆之人擬旨嚴飭世祖特詔公至南苑溫諭移時是年詔選翰林出為監司公授潼關道大兵下滇蜀關中當孔道總兵陳德以師過檄車

國朝先正事略

卷五 名臣

三

五千兩實需二千餘冀以金代公密具車二千自坐關上揮士卒升車盈十兩即出之夜漏四鼓盡出關總兵不得已亦出至洛陽留市月軍變而關城以公故得晏然於是嚴保伍行鄉約建義倉立社學流民復業數千戶會歲旱無麥兵餉例給麥價浮於穀公請以倉穀代主兵者不可曰如是兵且變公曰民且飢死獨不能變乎兵有變吾自任之即與兵約以穀餉明年補餉以麥而令還穀於官兵皆帖然公泣事精敏訟無留獄環禁五十里聽質者不齋宿糧常出勘荒遇雨止大樹下民朱欄其樹時以比甘棠云十六年調江西嶺北道甫三日清積獄八百有奇李玉庭者明舊將也有眾萬人踞雩都山寨詐約降會海

寇鄭成功犯江甯遣謀來贛公獲謀斬之策玉庭且中變急移兵守南安玉庭果至擊走之復遣兵扼其歸路卒就擒平南軍過南安殺人有司以鬪殺論公曰力侔者謂之鬪今軍無寸傷而民以兵死與律不應卒抵軍於法尋乞病歸里丁父憂服除聞容城孫徵君講學夏峯往受業歸與同人為志學會杜門將母有同年生來為方伯見郡守問公近狀守對言實未聞有此人方伯嗟歎康熙十七年召試博學鴻儒授侍講與修明史復疏請順治元二年前抗拒本朝臨危致命諸臣皆據事直書毋瞻顧

國朝先正事略

卷五 名臣

三

聖祖嘉與頒之史館為成命由是明季諸義烈皆得表章二十一年典試浙江轉侍讀明年充明史總裁官直經筵遷左庶子公為講官每進講先一日齋肅潛思經義嘗言君心正則天下治如天樞之運眾星故務積誠以動上二十二年擢內閣學士河南災閣臣議遣官往勘公曰無益也使者所至苛擾州縣一聞遣使輒輟耕以待勘是再荒也不加令有司自勘便已而河南果畏勘災諱者半給事中任辰旦議阻巡狩封禪事閣臣擬旨切責公曰給事言是李沆云邊患既息恐人主漸生侈心相公當以為慮或議改法令公曰官之失德寵賂章也不此之懲而恃區區之法乎時江甯巡撫余國柱內召廷推代者

聖祖曰朕聞學士湯斌會與孫奇逢講明道學身體力行可特授巡撫瀕行諭曰朕非忍出卿於外顧吳俗奢靡以卿耐清苦冀有所變革賜御書三鞍馬一表裏十白金五百兩并撤御饌賜之十月

上南巡至蘇州蘇城道狹總督將毀民居廣馳道公曰此非聖主勤民意也止之再賜御書及蟒服時滯獄山積公就舟中判決不假寐者六晝夜初國柱疏言淮陽二屬水淹涸出者令次年輸額賦至是公遣官履勘水如故疏入部議令再勘公仍以實奏事乃寢於是除耗羨禁私派清漕政汰蠹役行保伍革鹽商匣費自總督以下皆相戒不得受所屬一錢京朝官奉

國朝先正事畧 卷五 各臣

五

使過者不敢有所搜索所部肅然蘇松常苦賦重積逋相仍而江北諸州縣又屢被水旱公以為民氣未蘇教化未易行也乃奏緩蘇松積欠請分年帶徵從之又請蠲十八十九兩年災欠請除邳州版荒田賦又請蠲明萬曆時所加九釐餉又極陳蘇松浮糧之困先後奏免額賦數十萬兩二十年淮揚徐水災條上蠲賑事宜請發帑銀五萬告糴江西湖廣先借所屬州縣倉穀散放不俟詔下遣官遽行又言饑民流亡者多請飭漕臣徐旭齡河臣靳輔分督淮安賑務臣即至清河桃源諸州縣察賑上命侍郎素赫往助災民咸就撫輯乃興學以善民俗令城內

外及鄉鎮二百家以上皆立社學就學者廩之擇諸生中賢者為之師月會明倫堂講孝經小學朔望集士民講

上諭十六條皆身泣之重修泰伯祠及范文正周忠介二祠朔望往謁禁婦女遊觀胥吏倡優母得衣裘帛燬坊刻淫詞小說諸無賴為民害者悉痛除之禁火葬及淹柩者令下一歲報葬三萬餘棺奏劾知府趙祿星知縣張協濬等常州守祖進朝有異政以失察屬吏降調公疏留吳縣令劉滋吳江令郭瑋皆廉能稱最以積欠未徵不得與行取公疏薦皆格於部議一特旨允行監生王某有奴竊貨逃數年突引弓刀二十騎稱鬻身王府詬詈索金公立擒付獄論如律常熟奴某持其主父國初所

國朝先正事畧 卷五 各臣

五

得隆武劄迫主遠逃將據其主婦公追劄燔之立斃奴杖下蘇州府城上方山有祠曰五通禱賽甚盛凡少年婦女感寒熱巫覡輒謂五通將娶為婦往往羸瘵死歲常數十家前有大吏擬撤其祠遇崇死民益神之公收妖像投水火盡燬所屬淫祠請旨勒石永禁公夜治文書常至四鼓日中始一食或勸以少休慨然曰君命即天命也日監在茲敢自暇逸乎居二年吏治蒸蒸日上民俗丕變時執政明珠方樹黨招權利引國柱長戶部先後蠲漕及緩征以部費為名索金四十萬布政使累以為言公弗許及大計兩司治行有所需憚公不敢發遂徒手入都以其諸要人皆不便公所為明珠有家隸言事多效所至大府常郊迎

過蘇畏公威聲弗敢謁自監司以下朝夕候其門公問使召之將命者用故事以容禮請從騎數十至轅門公辟大門傳呼隸大倉脫廝輿服被之入至階下見公南面坐乃跽而聽命公搞以酒食命門卒爲主人隸大慚沮去歸訴之珠謀致難於公而公聲績甚偉

上方嚮公念公在外無從得事端會東宮出閣讀書乃薦公輔導皇太子

上然之授禮部尚書管詹事府事將行百姓號呼如兒失母罷市三日各繪像以祀去之日窮鄉下邑士女童叟手瓣香來會送共閤城門且以農器塞水陸道不可行公揭示吾在外不能

國朝先正事畧

卷五

各臣

美

爲父老德往者屢請核減浮糧並爲廷議阻今入見

天子當面陳之民皆羅拜泣良久乃得行徹籠數肩不增一物於舊入朝 溫諫褒其廉問路所由及地方利病公以鳳陽災對

上遠遣近臣往賑時國柱已爲大學士兼管戶部得公所出示以告明珠曰曩議皆

上所可也今市恩推過號於眾以爲名使

上知此立廢矣比公至語已 上聞而公未之知也進講東宮

首陳大學財聚民散之義畢講東宮入侍

上問所肄具以聞

上曰此列國分疆時語也若海內一統民散將安之試詢之公具陳秦隋土崩狀且言一統而民散禍更烈於分國時上聞猶諒其忠先是淮泗水溢山陽鹽城寶應高郵泰興化如泉七州縣蕩析離居

上南巡命濬海口洩積水 敕按察使于成龍主工植尋以廷臣議使受河督靳輔節制成龍議工費八十餘萬輔議海口淤淤非起高郵車邏鎮築高隄東內水高丈餘不能出海估費二百七十八萬

上召輔及成龍而詢成龍力排輔議淮南士大夫懼傷廬墓亦廷爭之乃命尚書薩穆哈學士穆成格會公及總漕徐旭齡合

國朝先正事畧

卷五

各臣

毛

勘兼問七州縣耆老云何輔議本執政主之

上心頗是成龍廷臣知輔議勢不可行欲并罷成龍工役公力

爭使者曰公言吾當口奏既而匿不以聞至是公內召

上語及海口公對開一丈有一丈之利一尺有一尺之利

上愕然曰爾時胡不言公具陳前事詰旦 召二人與質對二人

人強辨公徐曰某固知有此也汝行後卽彙士民呈牒並某議具文書印冊存漕臣所漕臣亦具牘存巡撫所可覆視也二人

語塞

上怒立黜之遣工部侍郎孫在豐往濬下河如公議時始設太

子講官以公及詹事尹泰鄂榮少詹事舒淑中允閣世繩贊善

黃與堅任之公疏薦候補道耿介剛方篤實學有淵源

上遂授介少詹事命公與耿公輔導太子二十六年夏不雨

聖祖下詔求言公言民間春稅力弗能堪宜復夏秋兩稅又言

蘆課徵銅銅不常有仍聽輸銀便國柱遽起拉公曰公欲變此

法俟國柱去戶部未晚也會靈臺郎董漢臣上書請諭教元良

慎簡宰執語多指斥時事御史陶式玉劾漢臣摠存詞欺世盜

名請逮治下內閣九卿議執政惶悚議與同列囚服待罪王相

國熙繼至貌甚暇徐曰市兒妄語立斬之則事畢矣執政曰

上閱奏至再三親點次類嘉與之何君言若是王笑曰第以吾

言人視何如時公最後至國柱述兩議以決於公公曰彼言雖

國朝先正事畧 卷五 各臣 天

妄無死法且所言早諭教崇節儉宜施行大臣不言故小臣言

之吾輩當自省國柱曰此語可上聞乎公曰

上見問固當以此對於是大學士勒德洪吏部尚書達哈塔皆

如公議明珠入奏國柱尾其後而與之語命下漢臣免議旋

以公當會議時有慚對董漢臣之語傳旨詰問公奏漢臣以

諭教為言臣忝長宮僚動違典禮負疚實多

上以詞涉含糊令再回奏公具疏引罪旨仍切責之於是左

都御史瑯丹王鴻緒副都御史徐元珙鄭重等劾公奉諭申

飭不痛自引咎並追論其去任時巧飾文告沽名會耿公以疾

乞休尹泰舒淑及少詹事開音布翁叔元劾介實無疾並劾公

妄薦舉朝多為不平而達哈塔獨上疏請與斌介同罷並下部

察議當奪職詔公與達公仍留任許介去公適聞繼母疾乞

歸省

聖祖手詔慰留而忌者意未已國柱宣言

上將籍公內府或勸公委曲諸公閒以自解公曰六十老翁尚

何求吾安之矣或又勸發忌者陰事以紓禍公曰吾不屑為也

九月改工部尚書九卿會議公以入講不至坐降二級留任尋

得疾敕御醫就視十月疾少闕度材於通州某日月下晡忽

返招鄉人某官與語容退獨坐一室嚮晦語家人吾腹不甯夜

半遂薨年六十有一臨終戒其子鴻曰孟子言乍見孺子皆有

國朝先正事畧 卷五 各臣 堯

怵惕惻隱之心爾等當養此真心時時發見久之可達天德若

襲取於外終為鄉愿無益也又曰吾數月來心無一錢放逸得

力深於平時遺疏入

上遣大臣奠茶酒詔由驛歸櫬下所司議卹部臣以曾降七

級奏特旨仍視尚書例子祭葬踰月

上與諸大臣語曰吾遇湯某特厚而怨訕不休何也眾曰無之

上曰廷議董漢臣彼昌言朝無善政君多失德大臣不言故小

臣言之尚不為怨訕乎眾乃知公為執政所傾也非

上寬仁夙重公必無倖矣公之為巡撫也其夫人及諸公子衣

皆布行李蕭然夏從質肆中易琴帳自蔽春野薺生日采取和

豆羹民閒至以諺語呼為豆腐湯偶閱簿見某日市隻雞公愕曰吾至吳未嘗食雞誰市者乎僕叩頭曰公子公怒立召公子跪庭下責之曰汝謂蘇州雞賤如河南耶汝思啖雞便歸去惡有士不嚼菜根而能作百事者哉并笞其僕遣之公生日搢紳知公絕餽遺惟製屏為壽公辭焉啓曰汪琬撰文在上命錄以入而返其屏公見屬吏必霽顏告以君恩不可負民命不可殘懇懇如家人語又以州縣為親民官愛民必恤吏立意培護故皆畏而愛之爭自勉於為善所發公移皆手定數月後屬吏參謁必面詢始末辨論以求至當有門下士以給事中奉使過蘇力言東南鹽政大病於商民因條舉數事每發公詰難正言其

國朝先正事畧

卷五

名臣

三

非其人快快出比使歸踰月次第禁革壹如所言給事語人曰吾師至誠而或以術馭人賢者固不可測也蘇之巨室有優伶恃姿容結黨行強有司不敢問公迹而得之痛予杖戒無傷筋骨故瘡將合更薄笞朔望縛載以徇於市逾年膚剝見骨始瘳死由是奇衰浮淫者心悸相勸改前行公又嘗上言歲祲免租民困少蘇而已必屢舉於豐年富乃可藏於民又凡免當年田租皆中飽於官吏故每遇國有大慶或水旱形見不肖者轉急徵以待賜除必豫免次年田租然後民不可欺吏難巧法聖祖深嘉與之遂定為經法凡免地丁編折銀必於前一年頒諭康熙三十年特諭戶部自今以往海內農田正賦編折銀

通三年輪免一年週而復始直省均以徧皆豫免不問豐凶其後雖以西邊事起中輟而大訓炳然籍藏於故府

世宗

高宗當重熙累洽之餘繼志述事屢蠲天下全租皆先一年降旨以次輪免是公之訂謨實受其福者非一世也公薨都城士民奔走長號其歸也哀音過車相屬初吳民有妄傳公訃者輒相驚巷哭有司曉之乃已母何訃果至則益哭曰官給我共建祠祀公水旱有祈輒應瞻拜者無不淚下陝西江西江南皆祀名宦雍正十年詔入祀賢良祠乾隆元年賜諡文正道光三年詔從祀孔子廟庭公與陸清獻公俱號清獻清獻之學

國朝先正事畧

卷五

名臣

三

篤守程朱攻陸王不遺餘力公之學源出夏峯而能持新安金谿之平大指主於刻勵實行以講求實用無王學杳冥放蕩之弊故為異趣而同歸官侍讀時聖祖命進所著詩文中有王守仁論上闕之問爾意云何公曰守仁致良知之說與朱子不相刺謬且稱其直節豐功不獨埋學上首肯曰朕意亦如此公所著有洛學編雖州志潛庵語錄詩文集孫之旭字孟升康熙丙戌進士甲午以編修典試浙江初文正公主浙試力疾衡校不爽銖兩孟升克繼之改御史出為喬昌道內遷左通政在官不尚威猛而風采懔然憂歸以毀卒

靳文襄公事畧 子治豫

靳公諱輔字紫垣遼陽人隸漢軍鑲黃旗順治九年由官學生考授國史院編修改中書累遷郎中右通政康熙二年擢國史院學士改內閣學士十年巡撫安徽皖屬頻旱民多流亡公撫卹招徠復業數千戶奏臨淮靈璧二縣虛報開墾田四千六百餘頃請免其賦從之又言為政首在足民足民有道在因民之力而教以生財之方大江以北如鳳陽等屬盡失溝洫之舊一遇水旱即成石田今欲足民莫如力行溝田之法溝田者古井田遺意也然井田法制繁重溝田但鑿一溝修浚甚易其法以十畝為一畦二十畦為一溝以地三畝有奇為二十畦中之經界

國朝先正事畧 卷五 各臣

三

二十畝之外畱以深溝溝道廣丈八尺溝廣丈二尺深七尺五寸開溝之土即累溝道上使溝道高於田五尺溝低於田七尺五寸視溝道深一丈二尺五寸澇則以田內之水車入溝中旱則以溝中之水車灌田內溝田一行其利有四水旱不虞一也溝洫通而水有所洩下流不憂驟漲二也財賦有所出三也經界既正無隱占包賂之弊四也疏方下部議行而滇閩變作十三年吳耿二逆寇江西公練標兵募鄉勇嚴斥埃遠偵探武備大振巨寇宋鏞踞歙郡山中為亂公遣兵躡剿以計擒之於巢湖上游以安部議省驛遞費以佐軍餉事下各巡撫議公以謂省費莫先省事今督撫提鎮每事必專弁馳奏糜費實多計惟

事關軍機必專騎馳奏餘悉彙奏以三事為率是一騎足供三事之役矣議上著為令歲省驛遞金錢百餘萬加兵部尚書十六年授河道總督時黃水四潰不復歸海清口運道盡塞公上下千里泥行相度喟然曰河之壞極矣是未可以尺寸治之也審全局於胸中徹首尾而治之庶有瘳乎遂條上河工事宜分列入疏大畧謂事有當帥古者有當酌今者有當分別先後者有當一時並舉者而大指以因勢利導為主廷議以軍興餉絀難之姑合量修要害公又疏言清江口以下不濬築則黃淮無歸清口以上不鑿引河則淮流不暢高堰之決口不盡封塞則淮分而刷河不力黃必內灌而下流清水潭亦危且黃河南岸

國朝先正事畧 卷五 各臣

三

不隄則高堰仍有隱憂北岸不隄山以東必遭衝潰故築隄岸疏下流塞決口但有先後無緩急今不為一勞永逸之計屢築屢圯勢將何所底止疏上廷議如前聖祖以河道關係重大下前後廷議令再具奏公堅持前議上特如所請蓋上深知公忠勇沈毅可任大事故排羣議用之也公感激知遇昕夕不遑開通清口爛泥淺引河四道濬清江浦至雲梯關外隄外加築縷隄及格隄於徐州宿遷築減水壩十三座清水潭舊隄潰最號險工公用棄深就淺計築西隄九百二十餘丈東

隄六百餘丈。更挑新河八百四十丈。奏改名永安河。又後甘羅城西運河凡十里。請裁冗員。專責成。嚴賞罰。改河夫爲兵。領以武弁。畫地分疆。日稽月考。著爲令甲。而諉御中飽之弊。絕凡公所爲。懲因循。謀經久。皆此類也。方功之未竟也。公以時閱三年。自請議處。部議奪職。詔遣尚書伊彖阿等來閩。工弁命布政使崔維雅隨往。維雅奏上河防芻議。兩河治畧二書。并條列二十四事。欲更改公所行減水壩諸法。公疏陳海口大關。腹心之患已除。蕭家渡決口亦易塞。不宜有所更張。因詳辯維雅所上二十四事不可行。章並下廷議。工部尚書薩穆哈欲令賠修決口。

國朝先正事畧 卷五

各臣

三

上不允。且曰。維雅所條奏。朕初以爲可取。及覽靳輔回奏。知所陳一無可行。因召公入覲。公至力言維雅所言之謬。

上聽之。特旨免賠修。仍發帑堵築。二十二年四月。疏報蕭家渡工成。河歸故道。

上嘉悅。優詔。此谷還。公職二十三年。車駕南巡。閱河。

天顏甚喜。御書閱河詩。賜之。并賜公佳哈御舟。上用帷。

幙。異數也。明年。疏請添建黃河南岸毛城埔減水閘一。王家山。

減水閘三。北岸大谷山減水閘二。以保徐州上流。隄工並於歸。

仁隄添建石壩二。攔馬河及清河運口。各添建石閘一。又請添。

築考成儀。封陽武三縣河隄七千八百丈。有奇。封邱縣荆隆口。

月隄三百三十丈。榮澤縣埽工二百一十丈。以防上流。異漲。又請增設蘭陽儀封榮澤河員。免開歸二府民採辦青柳。均從之。

會。聖祖垂念高寶諸州。湖水泛溢爲災。命安徽按察使于成龍經理海口。及下河事宜。仍聽公節制。公疏言下河低於海潮五尺。疏海口則引潮內侵。大不便。請自高郵城東車邏鎮築長隄二。歷興化白駒場至海口。束所洩之水入海。隄內湖出田畝。丈量還民。其餘田招民屯墾。以抵經費。廷議如所奏。召公及于公入都。于公力主開濟海口故道。公持議築長隄高丈五尺。束水敵海湖大學士九卿俱從公議。通政司參議成其範給事。

國朝先正事畧 卷五

各臣

三

中王又且。御史錢珏從于公議。侍讀喬萊寶應人也。極言公議非是。乃命尚書薩穆哈等往勘。尋以開海口無益。奏會湯公斌入爲尚書。奏下河宜疏濬。

上命孫侍郎在豐往董其事。公議遂寢。二十六年。詔詢下河。

出疇何策。可紓水患。公疏言杜患於流。不若杜患於源。高家堰。

隄外正東爲下河。東北爲清口。當自翟家壩起。歷唐埂。古溝。周。

橋。開高良瀾。高家堰。築重隄一道。長一萬六千丈。需費七十九。

萬兩。有奇。此工一成。束堰隄減下之水。使北出清口。則洪澤湖。

水不復東滄下河。其下河十餘萬頃之地。可變成沃產。而高寶。

諸湖俱可涸出。田畝數千頃。招人屯墾。可裕河庫。且高堰原爲。

最險之工增此則永資保固洪澤湖廣濶非常舟行遭風多覆溺行此隄內之河避險就夷有便於商民者甚大先是公過邯鄲見題壁詩異之蹤跡其人則布衣陳潢也潢字天裔秀水人饒學識公禮之入幕深資贊助

上聞工時嘗從容問曰爾必有通今博古之人為之佐公遂以潢對至是言此議若行非陳潢協力區畫不可疏下廷議如所請並賜陳潢僉事道銜當是時于公成龍巡撫直隸

上以公疏示詢成龍成龍言下河宜開重隄不宜築詔遣尙書佛倫侍郎熊一瀾與總督董納漕督慕天顏會勘募公及孫侍郎議與公左佛公等以應從公議還奏仍下九卿議二十七

國朝先正事畧

卷五

各臣

三

年御史郭琇疏劾公并及潢給事中劉楷御史陸祖修繼之天顏在豐亦疏論屯田累民及公阻撓下河開濬事詔俟于成龍至會議嚴察公尋得請入覲先疏論成龍天顏在豐朋謀傾陷狀又自辯受命治河之日正當兩河極敝之時自碭山抵海口兩岸決口七十八處高家堰決口三十四處翟家壩成河四道清水潭久潰下河七州縣一望汪洋清口運河變為陸地臣晝夜奔馳盡復其故又創開阜河俾漕艘無阻久在聖鑒之中至濬築經費初蒙特遣部臣勘估計需六百萬兩臣苦心節省自徐州起直抵海口兩岸隄工并高家堰清水潭及前所未估之阜河暨堵塞楊家莊修築歸仁隄改移運口止用帑二

百五十一萬不及部臣估計之半而諸臣詆為糜帑營私奪田屯墾必欲陷臣殺臣而後已倘蒙聖駕再巡親閱隄工更命重臣清丈隱佔地畝則是非功罪可以立明

上覽疏謂閣臣曰近因靳輔被劾議論其過者甚多輔若不陳辯朕前復何所控告耶其並下九卿察議三月

上御乾清門命公與于成龍郭琇各陳所見成龍言海口必應開濬琇言屯田奪民產業

上曰屯田之事因取民餘田致民嗟怨靳輔當無可置辯公奏河旁田畝向被水淹臣任事後將決口堵塞其田盡皆涸出臣將原納租稅之民田給與木主其餘丈出之田作為屯田抵補

國朝先正事畧

卷五

各臣

三

河工錢糧因屬吏奉行不善致招民怨臣無可辯乞賜處分上曰各省民田未有不溢於糧額者以餘田作屯誠擾民無庸復議至下河作何開濬重隄應否停築其令九卿公同詳酌尋允九卿議停築重隄奪公職並奪陳潢職銜初漕艘出清口入黃河行二百里始抵張莊運口公奏開中河一道俾漕艘既出清口截流徑渡北岸避黃河百八十里之險由仲家莊閘內進中河歷阜河泲河北上及工竣學士開音布等往勘稱善上諭廷臣曰前于成龍奏靳輔開中河無益反為民累今開音布等則云河漕兩利謂靳輔治河無功微獨輔不服朕亦不愜於心矣乃命尙書張公玉書等確勘還奏應如輔所定章程無

庸改二十八年。

上再南巡公迎 駕淮安 顧問河工善後事宜甚悉 特詔

復公官以原品致仕有實心任事之喪公家居三載

上念公不忘凡三 命閱河一賜 召對三十一年

上諭閣臣曰朕聽政以來以三藩及河務漕運為三大事夙夜

靡念曾書之宮中柱上至今尚存河務倘不得人漕運亦必貽

誤關繫匪輕其令靳輔仍為河道總督公以老病辭不許會陝

西西鳳二郡災有 旨截南漕二十萬石沂河而上貯蒲州以

賑秦民仍 命公董其役公不敢復辭力疾就道再 賜佳哈

御舟以旌異之公至即經畫西運自清河至滎澤達三門砥柱

國朝先正事畧 卷五 各臣 美

安流無恙事竣以病狀聞 詔公長子治豫馳驛省視公抵淮

疏陳兩河善後策及河工守成事宜幾及萬言又請豁開河築

隄諸廢田之糧并清淤出成熟地畝之賦均從之再疏乞解任

命內大臣明珠往視十一月薨於位年六十八遺疏至

上臨軒太息櫛歸 特命入都城治喪漢大臣前此所未有也

尋 命大臣侍衛奠茶酒 命禮部議賜祭葬 命內閣議易

名 賜諡文襄公所著有治河書十二卷奏疏若干卷嘗論古

今治河成敗之效畧曰經生家論河莫不侈賈讓三策其實不

然讓上策欲徙冀州之民自宋時河徙已非漢之故道中策多

張水門旱則開東方下水門以溉冀州水則開西方高門以分

河流不知黃河所經卑即於高數年之後水從何放且禹貢言

九澤既陂所謂陂即今之隄也蓋水流甚平而地勢有高下使

非約之以隄水經由卑地能不漫潰乎讓以繕完故隄增卑培

薄為下策是故與禹貢相反矣故公治河盡矯讓言專主築隄

求水績用告成其詳具載治河書實千古河防龜鑑也公性孝

友九歲喪母執禮如成人居家整肅言笑不苟而其精力獨瘁

於河工中河之役尤國家百世之利論者謂功不在宋禮開會

通陳瑄鑿清江浦下云三十五年河督董國安以江南士民籲

建專祠入告允之四十六年

上三巡江南還 諭獎公功績且云靳輔經理之法雖後任河

國朝先正事畧 卷五 各臣 美

臣互有損益而規模措置不能易也至開創中河有功運道民

生尤大且遠朕每蒞河干徧加諮訪沿淮居民皆感頌治績久

而不衰其加贈太子太保子騎都尉世職用彰朝廷追念勲臣

之典為矢忠宣力者勸雍正三年

世宗以治豫向隨父任明晰河務由副參領加工部侍郎協理

江南河務五年

上覽治河方畧嘉公勞績追贈工部尚書子祭一次七年 詔

江撫尹繼善擇地建祠祀公及齊蘇勤公有司春秋致祭八年

詔建賢良祠京師以公入祀

伊文端公事畧

公諱伊桑阿。姓伊爾根覺羅氏。滿洲正黃旗人。順治九年進士。授禮部主事。康熙三年。遷員外郎。尋由刑部郎中。遷內閣侍讀。學士。擢內閣學士。充經筵講官。十四年。擢禮部右侍郎。調戶部。十五年冬。命同工部尚書。冀如錫。往視淮揚等處河工。十六年。擢工部尚書。調戶部。時逆藩吳三桂踞湖南。廷議製烏船沙船。由岳州入洞庭。橫巨湖中。以斷賊糧道。因。敕公赴江南督造。明年。復偕刑部侍郎禪塔海。赴茶陵。督造戰艦。二十一年。黃河決。敕公往勘。兼籌海運事宜。公疏言黃河運道。非獨輸挽天庾。卽商賈百貨。賴以通達。國家在所必治。若海運先需。造國朝先正事畧卷五 名臣 罕

船所費不貲。且膠萊諸河久淤塞。開通匪易。似屬難行。上是其言。是年冬。俄羅斯犯邊。公奉。命往甯古塔督修戰艦。明年。調吏部尚書。二十三年四月。旱。命同大學士王熙等。清理刑部繫囚。九月。扈。蹕南巡。奉。諭閱視海口。公疏言車路串場諸河。及白駒草堰。丁溪諸口。宜。敕河臣靳輔。詳閱地勢。挑濬深濶。引流入海。上以靳輔督理黃河隄岸。勢難兼顧海口。命按察使于成龍。分董其事。二十四年。調兵部尚書。明年。轉禮部。二十七年。拜文華殿大學士。兼吏部尚書。充。三朝國史總裁。兼管兵部。三十五年。以臺站馬匹多斃。部臣不預嚴飭。又不劾奏。部議公應奪

職得 旨降三級。畱任明年。

聖祖親征噶爾丹。命公往甯夏。安設驛站。事平。充平定朔漠方畧總裁官。三十七年。以老乞休。

上諭大學士阿蘭泰曰。伊桑阿厚重老成。宣力年久。爾二人自任閣務以來。凡事推誠。布公不惟朕知之。天下無不知之者。伊桑阿雖以年老求罷。朕不忍令去也。四十一年。復以疾請告。得旨。卿品行端凝。才識敏練。勤勞歲久。倚畀正殷。今以老病乞休。情詞懇切。可原官致仕。仍加意調攝。以副朕篤念老成至意。四十二年七月。薨。年六十有六。遺疏上。優旨下。所司議卹。賜祭葬如典禮。諡文端公。在政府十五年。鎮靜和平。實心任職。尤留心刑獄。每待直。旬本

國朝先正事畧卷五 名臣 罕

國朝先正事畧卷五 名臣 罕

罕

上有所問。輒能舉其詞。不待按冊而得。同列服其精詳。

上嘗御批本房。公與大學士王公熙。吳公瑛。及學士韓公爰等。以折本請 旨。

上曰。人命至重。今當句決命。在須臾。尤不可不詳慎。爾等於各。讞詞。既經閱過。苟有所見。皆當盡言。公乃舉可矜疑者十餘人。以對。遂皆得緩死。每。垂問。奏對悉稱 旨。

上徐曰。此等所犯。皆當死。朕猶於當死之中。曲求其可生之路。不忍輕斃一人。因念淮揚百姓。頻被水災。死亡不知凡幾。何罪何辜。罹此慘酷。朕怒然傷之。河患不除。夙興夜寐。不能暫釋於

懷也。公隨陳災民困苦狀。

上曰：百姓既被水災，存者必至流離轉徙，田多不耕，賦安從出？今當預免明年田賦，俾災黎於水退時思歸故鄉，粗安生業。上又曰：天下黎元皆朕赤子，其中朕最憫念者有三等人：一讀書寒士，一飢寒窮民，一無知犯法之人。於是公等稽首奏曰：聖心與天地同德，卽今斷獄之時，念淮揚百萬生靈之苦，而預籌蠲恤，又普念天下士民之不得其所者，仰見 仁心惻怛，無所不用其極也。既出，卽擬 旨預免淮揚田租，聞者莫不感頌。此雖一端可想見 明良一德之盛矣。乾隆十二年 詔以公及大學士馬齊並入祀賢良祠。

國朝先正事畧

卷五

各臣

聖

宋文恪公事畧

宋公德宜，字右之，江蘇長洲人。父學朱，明進士官御史。公登順治十二年進士，選庶吉士，授編修，遷司業，侍讀祭酒，晉侍讀學士。充日講起居注官。康熙十年，擢內閣學士，充經筵講官。尋擢戶部右侍郎，龍江關大使，李九宮解銅赴京，圖給門票，以銀四十兩，貧夜餽公私宅，公劾之。

聖祖嘉公舉首，餽遺不負簡任，議九宮罪，褫其職。未幾，調公吏部十五年，充會試副考官。十六年，擢左都御史，疏言逆賊吳三桂勢窮計蹙，已如釜底游魂，而尚敢逆我師行者，所持不過鎗礮而已。夫鎗礮專藉硝磺，而礮乃河南山西所產，必奸民圖利。

國朝先正事畧

卷五

各臣

聖

私販賊營，請 嚴敕督撫提鎮於附近賊境之隘口，閒道遣將弁巡緝，奸販庶窮寇之接濟可杜得。 旨下兵刑二部詳議飭禁。又言捐例係萬不得已而開，然開例三載所入止二百萬，有奇而捐納最多者莫如知縣，至五百餘人，始因缺多易得，踴躍爭趨。今見非數年不得選授，亦觀望徘徊，請 敕部限期停止，以示慎重名器之意。又言從前海禁甚嚴，特慮內地奸民勾引島寇，貽誤邊疆耳。近者 天威遐布，薄海蕩平，宜及此時撫卹流移，令沿海商民願採捕及通販海島者，許造船官給印票，照舊例輸稅，其人口貨物往來出入咸稽核之，則弛禁仍可防奸，裕民生兼資軍計矣。疏並下所司議行。又言各路統兵大將軍

王貝勒以下多玩寇殃民或越省購買婦女或擾奪民間財物稍不如意即指為叛逆請嚴飭禁絕從之又疏言遐方未靖宵旰憂勤天顏視昔清減神理之閒蘊結未舒尤宜珍惜保護昔唐太宗銳意勤學其臣劉洎諫以多記損心宋儒程頤亦曰帝王之學與儒生異伏願皇上於細繹羣書時畧方名象數之繁祛月露風雲之豔擇其有關政治裨益身心者乃講習而討論之稍節耳目之勞用保中和之德

上嘉納焉時山東提督柯永秦縱兵鼓譟刃傷知縣吳閻啟復隱匿不報公疏劾之詔罷永秦任公尋擢刑部尚書調兵部

國朝先正事畧 卷五 各臣

密

十八年典會試先是詔舉博學鴻儒公薦主事任琬生員陳維崧及廷試並列一等琬維崧授編修檢討有差會廷推江西按察使議論未決公以異議為憲臣所劾當奪級詔免其處分當是時大兵方攻滇黔秦蜀之餉彼此互推侍郎趙璟等言四川過於苦累公奏陝西四川互相推諉皆由總督分設之故若併川陝總督為一人則痛癢相關隨地可以調撥上從之會靖逆將軍張勇以甘肅邊防緊要請緩裁所添兵額部議如所請公別為一議言前因河東賊亂添設馬步戰兵原議事平裁汰者應即裁汰其將軍麾下前以步兵二千改為馬兵宜仍復馬六步四舊制惟因防邊添設之兵可無庸議裁

上遣尚書哲爾肯往會將軍督撫提督閣核酌留河州甯夏所添防兵餘仍復原定經制如公議二十一年調吏部尚書二十三年拜文華殿大學士充政治訓典一統志總裁先是重修太祖實錄公亦為總裁官及告成加太子太傅二十六年六月薨於位年六十有二優詔悼卹遣官護送由驛歸櫬禮臣議卹典翰林院撰代言之文以祭以葬內閣以易名請得旨諭文恪公河目海口風度端凝學殖尤淵博訥於言然每議國家大事必侃侃獨據所見常邀特允大軍之平黔滇粵也所俘獲婦女無數皆隸旗下驅之北行公疏言婦女何辜宜聽收贖一時得贖者約數千人如脫湯火民尤德之性孝友年十七

國朝先正事畧 卷五 各臣

密

以父學朱巡按山東死事狀伏闕上書明莊烈帝尤加贈卹見德宸字御之弟德宏字疇三早著文譽時有三宋之目子駿業由副貢授待詔官至兵部侍郎大業官至內閣學士

國朝先正事畧卷之六 名臣

平江李元度次清集

王文簡公事畧 兄士祿 士祜

國家文治。軌前古。屹雅揚。風鉅公。接踵出。而一代正宗。必以新城王公稱首。公以詩鳴。海內五十餘年。士大夫識與不識。皆尊之為泰山北斗。當開國時。人皆厭明代。王李之庸廓。鍾譚之纖仄。公以大雅之材。起而振之。獨標神韻。籠蓋百家。其聲望足以奔走天下。雖身後詆譏者不少。然論者謂本朝有公如宋之東坡。元之道園。明之青邱。屹然為一代大宗。未有能易之者也。公官郎中時遭遇。

國朝先正事畧卷六 名臣

聖祖畱意古學。嘗召對閣臣。從容問在廷中博學能詩文者孰為最。於是李公霽。馮公溥。陳公廷敬。張公英。交口薦公。特詔公賦詩稱旨。次日傳諭。王士禎詩文兼優。著以翰林官。用遂改侍講。尋轉侍讀。入直南書房。嘗徵其詩錄進三百篇。曰御覽集。國朝漢人由部曹改詞臣。自公始。公薨後五十餘載。當乾隆之三十年。高宗特旨。以公績學工詩。在本朝諸家中流派。從前未邀易名之典。宜示褒榮。以為稽古者勸。遂賜諡。又簡可謂不世之遭。久益論定矣。然公歷官諸政蹟及生。未盡節實。與其文章足並垂天壤。未可軒輊論也。公之司理也。朝命侍郎。

國朝先正事畧 卷六

葉成格駐江甯。治通海寇。獄羅織甚眾。公力保全良。善嚴反坐。

以息誣陷。揚故有欽賊。積逋二萬餘金。前任以考成。故重督之。逮繫者眾。公至。惻然曰。此溝中瘠耳。雖日敲朴。何益。悉縱遣之。而手疏募諸當事。自監司郡守及屬邑。悉割俸代輸。不足則募諸商人。諸商故以海寇。獄德公。傾貲恐後。又不足。則言於巡撫。具疏請豁免。於是積逋一清。在揚五年。完大案八十有三。雪高郵。居烈婦向氏冤。人稱神君。公既由司理起家。復以大司寇致政。與刑官相終始。每讞獄。必多方以求其生。嘗會議閔煥。郭振羽。竇子章。獄三人。皆以教父故。持金刃殺傷人。論重辟。公曰。此當論其救父與否。不當以挺刃論輕重也。遂得改緩決。任副憲。

國朝先正事畧卷六 名臣

時又嘗爭楊成獄。貳戶部時。復爭聊城于相。元太平王訓。齊河房得亮。獄俱減等。而衡陽左道蕭儒英。則又爭而必致之法。徐起龍為曹氏所誣。則釋徐而罪曹。案其所與私者。皆伏法。其慎於用刑多類此。公為政能持大體。以和平養士氣。清不戾俗。和而有執。故長成均。則整飭教條。杜請託。所獎拔如金居敬。湯右曾。查昇。陶元淳。惠周。楊輩。皆時名人。又疏請定文廟祀典。舞用八佾。籩豆十二。并增從祀先儒。一時皆聽其論。及掌邦憲。則絜持綱維。戒言者不得毛舉細故。會廷議。裁御史員額。公力爭以謂天子耳目官。可增不可減。奏上。卒從公議。在計部時。秦中方大饑。開入粟例。公預戒所司。不得以一呈一稿。至前先後。

七年。嚮然無所與其筦理錢法也。例故有樣錢公立禁革之。其
權關清江浦也。船廠有陋例。言於漕帥。盡罷之。公與睢州湯文
正公。初未識。面會。徵博學鴻儒。公言於魏公。象樞曰。公以學行
聞天下。薦士不當以文藝。必如湯君者。乃可應。詔人知湯公
之薦。由魏公而不知自公發之也。生平自重其詩。不輕為人作
內大臣明珠稱壽。有大僚某手金箋。請得一詩以侑觴。公曰。曲
筆以媚權貴。君子不為也。力辭之。公之幹濟風節。若此。而世不
盡知。為詩名所掩耳。公諱士禎。字貽上。號阮亭。別自號漁洋山
人。世為新城右族。年十八。中順治八年鄉試。祖方伯公象晉。年
九十有一。猶及見之。以家藏邢太僕書白鸚鵡賦賜公。十五年。

國朝先正事畧 卷六 各臣

三

舉會試。越三年。選授揚州推官。康熙三年。總督郎公廷佐。總河
朱公之錫。先後疏薦。公擢禮部主事。累遷郎中。權清江關。十一
年。典四川鄉試。母憂歸。旋補戶部郎中。十七年。特擢侍讀。尋遷
祭酒。二十三年。晉少詹事。奉命祭告南海。明年丁父憂。二十
九年。出原官。遷左副都御史。充經筵講官。晉兵部督捕侍郎。三
十年。充會試副考官。調戶部侍郎。三十五年。命祭告西嶽。西
鎮江瀆。三十七年。擢左都御史。復命直南書房編御製文
集。明年。遷刑部尚書。前後賜御書帶經堂信古齋匾額各一。
四十三年。坐讞獄失出。罷官。時公年七十一矣。四十九年。
上眷念在籍諸老臣。命復職。五十年五月。薨於里第。年七十

有八。公八歲能詩。頻夢五色小鳥如鳳凰。飛遶左右。又屢夢人
贈古墨。嗅之有異香。人以爲文字之祥。少游歷下。集諸名士於
明湖。賦秋柳詩。和者數百人在京師。與汪茗文程周量劉公猷
梁曰緝葉子吉彭羨門李聖一董文驥等。以詩相倡和。在揚州
與林茂之杜于皇孫豹人方爾止等。修禊紅橋。又與陳其年邵
潛夫等。修禊如皋。冒氏之水繪園。每公暇。輒召賓客泛舟。載酒
平山堂。吳梅村云。貽上在廣陵。晝了公事。夜接詞人。蓋實錄也。
迄官禮部。復與李湘北陳午亭宋牧仲及汪程劉梁等。爲文社。
時宋荔裳施愚山曹顧庵沈懋堂皆在京師。與公兄弟酬唱無
虛日。又嘗奉使南海。西嶽。徧游秦晉洛蜀。閩越。江楚。開所至訪

國朝先正事畧 卷六 各臣

四

其賢豪。考其風土。遇佳山水。必登臨。融懌薈萃。一發之於詩。故
其詩能盡古今之奇變。蔚然爲一代風氣。所歸。公典順天試。與
韓文懿共事。典辛未會試。與張文貞陳文貞李文貞共事。所得
士。爲楊文定名時。陳怡勤。鵬年。黃侍郎。叔琳。惠研。溪。周揚等。晚
直南書房。與張文端。陳文貞共事。皆極九等人表之最。可想見
一時之盛云。公所著有帶經堂集九十二卷。漁洋詩話三卷。蜀
道驛程記二卷。皇華紀聞四卷。粵行三志三卷。池北偶談二十
六卷。隴蜀餘聞二卷。秦蜀驛程後記二卷。古懽錄八卷。居易錄
三十四卷。浯溪考二卷。感舊集。香祖筆記。分甘餘話。北征日記。
各如干卷。又有唐賢三昧集。唐人萬首絕句。唐詩十選。諸書皆

行世兄士祿字子底號西樵順治十六年進士官考功員外郎
康熙癸卯典試河南坐磨勘罷官以母憂哀毀卒嘗病二十一
史允駁乖舛三國志並列為非謂宜廢陳氏而用謝陞季漢書
倣晉書例列魏吳為世家去宋齊梁陳魏北齊周七書而用李
延壽南北二史其宋遼金則用柯維騏宋史新編合為十二史
既正史體復省繁複擬上書不果又謂坊本子貢詩傳申公詩
說皆偽書李維禎序行津逮秘書收之皆誤也所著有司勳五
種集士祐字子測號東亭康熙九年進士並能詩有古鉢集

國朝先正事略

卷六

各臣

五

熊文端公事畧

公諱賜履字青岳湖北孝感人順治十五年進士選庶吉士授
檢討十七年充順天鄉試副考官康熙二年遷司業晉宏文院
侍讀六年夏詔臣工極言得失時內大臣鼐拜輔政自專公
應詔上書畧言民生困苦已極私派倍於官征雜項浮於正
額一旦水旱頻仍蠲豁則吏收其贖而民受其名賑濟則官增
其肥而民重其瘠民情實大可憫矣雖然此非獨守令之過也
上之有監司又上之有督撫朝廷方責守令以廉而上官實
教之以貪方授守令以養民之職而上官實課以厲民之行故
督撫廉則監司廉守令亦不得不廉督撫貪則監司貪守令亦

國朝先正事略

卷六

各臣

六

不得不貪此又理勢之必然者也伏乞將督撫大加甄別以民
生之苦樂為守令之賢否以守令之貪廉為督撫之優劣督撫
得人則監司自得其人守令亦得其人矣雖然內臣者外臣之
表也京師者四方之倡也本原之地在乎朝廷而其大者則在
立綱陳紀用人行政之閒今政事極其紛更而國體因之日傷
職業極其惰窳而士氣因之日靡學校極其廢弛而文教因之
日衰風俗極其奢僭而禮制因之日壞宜急思所以補救之乞
皇上申飭滿漢諸臣虛衷酌理實心任事化情而為肝膽轉推
諉為擔當漢官勿阿附滿官堂官勿偏任司官宰執盡心獻納
勿以唯諾為休容臺諫極力糾繩勿以鉗結為將順庶職業修

舉官箴日肅。雖然猶非本計也。根本切要之地。則端在我。皇上之一身矣。蓋皇躬者。萬幾所受。裁萬化所從出也。我皇上聖明天縱。豈常情所能窺。然生長深宮。春秋方富。正宜慎選左右輔導。聖躬薰陶。德性優以保衡之任。隆以師傅之禮。又妙選天下英俊。使之陪侍法從。朝夕獻納。毋徒事講幄之虛。父母徒應經筵之故事。毋以寒暑有輟。毋以晨夕有閒。於是考諸六經之文。監於歷代之迹。實體諸身心。以為敷政出治之本。若夫左右近習。必端其選。綴衣虎賁。亦擇其人。佞倖不置於前。聲色不御於側。非聖之書不讀。無益之事不為。內而深宮燕閑之間。外而大廷廣眾之際。微而起居言動之恆。凡所以維持此

國朝先正事畧

卷六

名臣

七

身者無不備。防閑此心者無不周。主德清明。君身強固。舉立政敷教。知人安民。無非天德所流行。天則所昭著。由是直接二帝三王之心法。自足措斯世於唐虞三代之盛。又何吏治之不清。民生之不遂哉。疏入。龍拜惡其侵己。曰是劾我也。遂請治公安言罪。凡請中禁言官。不得上書陳奏。

聖祖弗許。曰彼自陳國家事。何預汝等。耶。七年。遷秘書院侍讀學士。復上言。朝政積習未除。國計隱憂可慮。年來災異頻仍。饑荒疊見。正宵旰憂勤。徹縣減膳之日。講學勤政在今日。最為切要。乞時御便殿。接見羣臣。講論政治。設誠而致行之。庶可轉咎徵為休徵。疏入。龍拜傳旨詰問。積習隱憂實事。以所陳無據。

妄奏沾名議降二級用。聖祖原之。八年。龍拜敗。聖祖手書前事付廷臣。命康親王等勘鞫。龍拜罪狀。謝詞。有龍拜銜賜履。劾己意圖傾害。一款。論如律。方龍拜枋用時。黜陟生殺。惟其意或在。上前忿爭。或呵叱部臣。張威。龍劫眾大臣。稍異同。其間立致死。惟公以一詞。臣論事。侃侃無所避。用此直聲。浩氣震天下。公又

上即位後。尚未舉經筵大典。儲諸儒。選儒臣。資啟沃。並請設起居注。官備記言記動之職。會

國朝先正事畧

卷六

八

上欲巡幸邊外。公疏言。水旱頻仍。聖駕不宜輕出。詔罷前命。並嘉其直。俾繼今以後。事有未當。其悉陳所見。朕不憚改焉。九年四月。擢國史院學士。召入內廷。命作楷書。大書敬天法祖。知人安民八字。以進。復承命講大學中庸。

聖祖首肯者數。四月。改內三院為內閣。設翰林院。以公為掌院學士。會復設日講起居注。官以公充之。遂以明年二月。舉經筵大典。於保和殿。以公為講官。知經筵事。頃之。聖祖以春秋兩講。為期濶疏。遂命公日進講。宏德殿。聖祖有疑。必問公。上陳道德。下達民隱。引伸觸類。竭盡衷衷。蓋公自初應詔。上書即力言聖學為第一要務。其後屢以為言。

會

聖祖日益勤學既開經筵益盡心於堯舜孔之道暨周程張
朱五子之學咨諏討論達於政事仁浹而義炳其端緒自公發
之及公去位後

聖祖每諭侍學諸臣未嘗不稱公之忠益也十年夏乞省母疾
歸 命勿開缺十一 命教習庶吉士十二年充會試副考
官時有 詔撤三藩

聖祖舉以問之公奏吳三桂年已老俟其身後撤之其勢易宜
緩圖

聖祖以語諸大臣惟明珠米思翰力言三桂僅一子質於朝可

國朝先正事略 卷六

九

勿慮其又安能為 三桂反明年耿精忠反十四年春授
公武英殿大學士兼刑部尚書公疏辭不許既受 命參畫軍
機及諸道糧餉並請嚴飭行所過不得踐踐禾稼使兵不病
民民不失業十五年陝督哈占有開復疏防官一疏內閣議
三法司核議既檢舉大學士索額圖索初擬稟稿不得謂公有
改寫情弊請察議免歸家於金陵二十三年

聖祖南巡 召對行在賞賚有加尋書經義齋三字題其居二
十七年夏起禮部尚書冬丁母憂歸先是公因進見言西夷噶
爾丹且有變宜為備至二十九年邊人告警

聖祖念公言趣起前官三十年充經筵講官典武會試明年春

命往江南鞠獄冬調吏部尚書會河督靳輔請豁近河所占民
田額賦 詔公會督撫察勘還奏免高郵山陽等州縣額賦三
千七百二十八頃有奇三十三年典會試屬九卿會推兩江總
督以侍郎布彥圖等十二人列奏

上詰問保布彥圖者何人閣臣以公對

上察知尚書庫勒納與布彥圖有私 特諭切責之而置公弗
問三十五年春

聖祖親征噶爾丹公言內大臣費揚古可重任

聖祖命為撫遠大將軍御史費爾丹劾吏部選補不公謂公竊
道學虛名負恩瀕職疏下都察院察議以四奏含糊矛盾公與

國朝先正事略 卷六

十

庫勒納等並應降三級用

上命從寬階任三十六年復典會試三十八年拜東閣大學士
知經筵如故嘗進言海內久安休養化導正在此時宜益崇學
校廣教化豫積貳戒者法則萬世太平之業也每入見輒陳四
方水旱官方得失推古聖人所以憂民保治之意竭慮無隱

聖祖輒改容稱善三十九年典會試四十一年復典會試明年
春以老乞休 優詔許解機務開京師食俸備顧問四十五年

疏辭食俸乞歸金陵 陛辭 御書壽考二字賜之 召入講
論累日公因言 巡幸所至官民供辦不無煩費唯

上留意

聖祖額之 命馳驛歸官為護送明年

聖祖視河工幸金陵 賜御用冠服會纂朱子全書 詔李文貞與公移書往復商定公平生論學以默識為真修以篤行為至教由程朱之途而上溯孔孟其言曰聖賢之道不外乎庸庸乃所以為神也所著書有學統學辨學規學餘經義齋諸集四十八年十月薨於家年七十有五 命禮部遣官視其喪 賜賻金千兩祭葬如制贈太子太保諡文端當公之薨也遺疏至京其同姓編修熊本直入薦已語

上察其僿 命江督取其疏草以進果無是語罪本如律五十年 諭吏部曰朕初立講官原任大學士熊賜履日以內聖

國朝先正事畧 卷六 名臣

十一

外王之道正心修身之本直言讜論務得至理而後已且品行清正學問優長身後屢加賜恤至今猶軫於懷可錄用其子以示不忘者舊之意其後侍郎方苞疏請以公祀賢良祠初格於吏議後卒從之

顧文端公事畧 孫願琮

公諱願八代字文起姓伊爾根覺羅氏滿洲鑲黃旗人父願納禪天聰九年隨征明大同攻小石城先登 賜號巴圖魯子騎都尉世職任參領順治初從征流城平定陝楚江浙皆在事有功嘗以十人夜遇賊騎數萬大呼馳之眾矢齊發賊不測多寡驚潰晉輕車都尉世襲罔替公其次子也好讀書兼資文武能引十二石弓順治十六年以廕生充護軍隨征雲南凱旋授筆帖式累擢文選司郎中銓次守法賄不得行康熙十四年

聖祖御試旗員列第一改翰林院侍讀學士異數也會逆藩吳三桂踞湖南遣賊將掠兩廣鎮南將軍莽依圖由江西進廣東

國朝先正事畧 卷六 名臣

十二

駐韶州十六年

上命公傳 諭莽依圖規復廣西并授方畧即 命畱營隨征軍中多用其謀嘗與傅宏烈等議軍事策其必敗未幾吳世琮兵至諸將皆敗鎮南兵援之賊乃敗退公料賊且復至除夕益戒嚴世琮果以三萬人夜犯我軍公奮擊大敗之進勦雲南莽公疾公代治軍與賊再戰皆敗之世琮窮蹙自殺莽公疾愈具奏其功公以讓諸將馬承蔭再反與吳逆合軍十萬諸軍屢卻公直前突陣或挽之公怒曰諸將軍不併命戰安得勝我雖文臣當率先赴敵死諸將愧憤合擊遂大敗賊眾十八年京察公為首輔索額圖所忌改注浮躁例降調莽公疏言公襄辦軍務

竭誠奮勉三年中運籌決勝動合

請開軍營以副都統參

贊軍務得旨以原銜隨征十九年

廣西定莽公卒於軍公隨

平南大將軍賚塔進征二十年師至雲南公與勇畧將軍趙良

棟等定攻取策賚公從之遂殄滅逆孽吳世璠雲南平諸將多

以匿財貨及婦女獲罪公獨以廉慎免凱旋補侍讀學士入直

上書房二十四年擢內閣學士充經筵講官二十六年授禮部

侍郎二十八年擢尚書

聖祖親征噶爾丹公侍帷幄平生所敷奏皆本仁義而性沈密

雖妻子不令知尤以守正為權要所忌三十二年秋坐事免以

世職隨旗行走仍直內廷三十七年以疾休四十七年薨家貧

不能殮身後子孫不免飢寒雍正四年

世宗特諭曰原任禮部尚書顧八代品行端方學術醇正當征

勦吳逆時以學士協贊軍務克復粵西滇南勞績茂著

皇考因其品學優長足為模範特命為朕兄弟之師朕自幼

與共朝夕講論忠孝大義研究經書肫誠周至獲益良多嗣以

註誤罷職仍在內廷課讀數載戊子冬物故朕親臨其喪本欲

陳情

皇考之前求加恩賜卹值

聖體違和不敢瀆奏迄今回憶當年誦讀情景宛然如昨應優

加贈卹以展朕篤念師資至意遂復禮部尚書加贈太傅子

祭葬如典禮諡文端立碑墓道

上復念其子孫貧賞白金萬兩八年七月命建賢良祠京

師特諭應入祀滿洲大臣凡五人大學士圖海都統賚塔次

則公及尚書瑪爾漢總河齊蘇勒也公乞休後子願儼襲輕車

都尉由參領擢任副都統

願琮字用方願儼之子也少習兵農書算不屑章句之學

聖祖開算學館公與焉議敘得吏部員外郎

世宗登極稽核財賦開會考館以公領職有書吏行賄某官某

官首之於總理局務怡親王王命公訊吏狡抵公咎之忌者誣

公欲殺吏以滅口王疑公亦受賂遂奏劾公交刑部并訊吏證

國朝先正事畧卷六 各臣 十三

公無纖毫染公得無罪特旨授戶部郎中遷御史出為河南

觀風正俗使巡視長蘆鹽政疏言州縣於私鹽案每監斃人命

請定議處之例從之旋授坐糧廳遷太僕卿充霸州營田觀察

使協理直隸總河晉太常卿署直隸總督雍正十一年授直隸

總河明年四月奏報永定河口久淤正議挑濬仰蒙天賜引

河二十餘里顯著嘉祥諭虔誠展祀以答靈貺尋疏言直隸

向無額設囚糧多致飢饉請併給以廣

皇仁得旨俞允又言直隸河道紛歧廳員應改撥就近管轄

并於要處增河官八缺以專責成至天津清河二道向無搶修

物料請照通定通永二道例酌工程險易預為採辦大名道無

歲修銀亦請於清河道庫撥用均下部議行乾隆元年署江蘇
巡撫條奏海塘善後事宜六則並請增海防道一駐松泰適中
地專管下九卿議行十月父憂回旗二年協辦吏部尚書事七
月永定河隄決命公偕總督李衛等搶修遂署河道總督明
年代者至仍協同辦理十月授河督五年疏陳青縣之興濟滄
州之捷地兩減河善後事宜六則皆議行六年秋以題銷永定
河修築銀被議命回京候旨十二月授漕運總督七年疏陳
漕務十則
上可其奏尋奏獲匪徒劫盜船並於安東山陽各增浮汛撥兵
防察

國朝先正事畧 卷六 名臣

十五

上嘉其留心經理十一年春署南河總督九月回本任十二年
浙閩總督喀爾吉善劾浙撫常安貪婪各款命同大學士高
斌往訊即授公浙江巡撫嗣又命大學士訥親往會審論如
律公坐不能案款窮究部擬奪職詔留任尋調東河總督十
七年疏言運隄尚無堡房兵夫遊巡雨夜難以棲止請照黃河
例每二里建堡房一其四百所撥司庫耗羨銀興造每年酌給
歲修銀十九年因河南任內浮費部議再奪職諭來京候旨
十一月薨年七十公剛正孤寡百折不回有願鐵牛之稱嘗上
書曰培本根持大體不屑承順風旨奏開捐非善政永宜傳
止泮數千言又嘗入朝天旱多風

上有夏勤之旨公徐曰洪範云蒙恒風若今風色過厲慮朝臣
有蒙蔽君父者

上為之動容嘗持議欲行限田法以均貧富與用事大臣動色
爭於

上前素以不欺待人而不虞人欺恤下犒勞必厚而自奉極儉
敵在京師小車做帷至不能做屋以居其為觀風正俗使也有
密奏豫省歲荒者

世宗命山東運米十萬石賑之總督田文鏡諱災以謂歲熟民
無需米仍令運官帶回公爭曰此時民未必不需米就使不需
然既運以來存之亦有備無患之義若仍令運回則運費不能

國朝先正事畧 卷六 名臣

十六

動官項仍取諸民民何以堪且王者有分土無分民豫省官民
即山東官民也為臣子者當同心共濟不宜自分區域粉飾太
平以希恩寵田滋不悅密奏公倨傲氣凌其上意滅其下

上以問公公曰觀察為欽差官與督撫平交無所為上也地
方吏皆隸督撫非觀察屬吏無所為下也既無上下臣何凌滅
之有

世宗笑曰奏卿者田文鏡也母乃為爭米事汝乎公於友朋
風義尤篤督東河時前任完顏偉病劇將出署調治公止之曰
我與公比肩事主即兄弟也公之眷屬雖先行然弟在兄何憂
一切湯藥事躬為料理完顏公氣息纔屬猶戀戀呼公公應聲

卽至身後事皆公任之後巡漕御史伊靈阿亦病垂死歎曰有顧公在死何憂公亦典衣物治喪如送完顏公時與朱文端徐文定及方侍郎苞交甚篤以道義相切劘嘗言人如高安乃真無近名之念當

聖祖崩時守官者各次其守方侍郎次於佛寺將歸語同官曰事君猶事父在禮公等居倚廬宜再期今旬未三終歸至家止於外不入室焉可也聞者皆變色易容公時方喪耦十一載既得仕納徵於李氏以國賦故踰年弗親迎或詫焉其官適罷曰吾貧未能也既而起家爲部郎遷御史出筦鹽政詔者多日吾迫公事未暇也其娶以雍正三年冬十一月蓋謂三年中

國朝先正事畧 卷六 各臣

七

不宜有空日也問焉而不自襮不以人之所不能者愧人也公督漕時與前任魏公交代有文覺禪師者方自都門出騎從如雲勢烜赫大吏率屬郊迎恐後公與魏公若弗聞也者此雖小節亦可見二公之所守云魏公名廷珍字君璧直隸景州人以清德重於時亦與方侍郎善

瑪恭勤公事畧 桓僖公馮國相

公諱瑪爾漢姓兆佳氏滿洲正白旗人順治十一年由繙譯舉人授筆帖式累遷內閣侍讀刑部員外郎康熙十三年陝西提督王輔臣叛應吳三桂

上命揚威將軍阿密達自江甯移師往討公隨征署驍騎參領十四年同副都統鄂克濟哈穆等由涇州進剿連破賊寨斬級數百復甯州城十五年夏撫遠大將軍圖海統兵圍平涼輔臣降公還京十二月圖公請調涼州甯夏固原諸鎮兵進定興安漢中

上命副都統烏丹赴諸鎮經理征調事並詢緩急機宜甘肅提督張勇言興安漢中山峻路險糧運維艱宜暫緩進征

國朝先正事畧 卷六 各臣

六

上是其言令圖海駐守鳳翔秦州諸要隘分兵助湖廣大軍命公隨征南將軍穆占規復湖南十七年授御史仍留軍營十九年穆占征貴州二十年進征雲南公俱隨征有功是年命巡視河東鹽務會御史許承宣羅秉倫先後劾奏前山西巡撫圖克善勒令平陽所屬十三州縣增報鹽丁加課累民狀下巡撫穆爾賽同公確核復奏虛報餘丁萬有七千應豁免課銀萬五百四十餘兩得旨允行二十五年以審理歸化城都統固穆德罪案不實降三秩調用二十六年補理藩院司務尋遷戶部郎中擢侍講學士晉兵部侍郎三十五年

上親帥大軍由中路征噶爾丹。命公經理驛站。駐劄土木。遇西路軍營奏報。遞送御營。以解送軍營馬匹多斃。吏議奪職。詔從寬。畱任。三十八年。擢左都御史。尋遷兵部尚書。充經筵講官。兼議政大臣。四十三年三月。

上諭八旗都統曰。聞京城就食災民。近自河間。遠自山東。來者日眾。已於五城給食。恐尚未遍及。著八旗各分三處煮粥。派家計殷實。家人眾多之大臣。監散。凡就賑之民。病則醫治。斃則棺殮。於給粥時。察明務令周徧。於是公同內大臣。佟國維。明珠。阿密達等。並奉命。監賑。四十六年。調吏部尚書。逾年。以老乞休。許之。五十七年冬。薨。年八十有五。遺疏入。優旨下。所司議卹。

國朝先正事畧 卷六 各臣 九

遣內大臣往奠。賜祭葬如制。雍正八年。

世宗諭閣臣曰。原任吏部尚書瑪爾漢。謹慎小心。老成忠厚。在聖祖時。宣力多年。完名引退。中外皆稱為善人。可加贈太子太傅。賜祭一次。以示眷念。耆舊之意。是年。詔建賢良祠。以大學士。圖海。都統。賚塔。尚書。順。八代等。與公並入祀。乾隆元年。詔九卿核議。已祀賢良諸臣。應予追諡。特賜公諡曰恭勤。其後滿大臣。續祀賢良者。曰桓。僖。公。馮。國。相。

馮公諱國相。漢軍鑲白旗人。父有功。崇德八年。從征明中後所。前屯衛。凱旋授佐領。順治元年。隨征山西。以紅衣礮攻克太原。城二年。隨征湖廣。擊敗偽總兵馬進忠於武昌。獲賊船十有三。

子雲騎尉世職。授杭州協領。晉三等輕車都尉。十八年卒。公襲職。康熙十三年。逆潘吳三桂踞湖南。公隨順承郡王勒爾錦往征。賊將陶繼智等犯宜昌。公領隊發礮擊卻。賊眾尋隨貝勒密尼敗。賊於岳州。十八年。隨都統根特。敗賊於虎渡口。遂進征澧州。常德。屢立戰功。十九年。授參領。擢副都統。三十四年。噶爾丹侵擾邊境。公率兵至阿爾丹蘇台。偵賊聲息。明年。

聖祖親征。駐蹕克魯倫河。公運礮至軍前。隨撫遠大將軍費揚古等。由西路督兵。敗賊眾於昭莫多。俘獲無算。晉二等輕車都尉。四十一年。擢都統。五十七年薨。賜祭葬。子毅襲職。由參領授副都統。六十一年。擢廣東提督。雍正元年。薨於位。諭賜祭。

國朝先正事畧 卷六 各臣 三

葬如初三年。

憲皇帝以八旗公庫事務。惟國相辦理時。綜計明晰。下部議。卹。加一雲騎尉。十年。上諭九卿曰。原任都統馮國相。謹慎小心。樸誠自矢。服官辦事。從無過愆。向來各旗公庫。俱有虧空。惟國相所管正藍旗。全無欠缺。此卽其出納謹嚴。操守潔清之明驗。伊係朕藩邸中人。知之有素。可入祀賢良祠。乾隆元年。賜諡曰桓。僖。

李文定公事畧

康熙三十八年十月大學士合肥李公薨於位遺疏聞

聖祖軫悼命大臣侍衛至邸第奠茶酒禮臣舉卹典閣臣議
諡法翰林院撰文以祭且最其生平立朝行已之大者著之碑
先是公寢疾

上自塞外聞之曰胡不早奏即遣學士特默德就問所苦賜

禁方上藥諭御醫調理日視朝畢輒問病勢增減狀蓋

上臨御久嘗屢易執政大臣深惟政本之地為治化樞恆難其
選試公者歷有年所益信其可大任而公入閣未期月即以憂
去

國朝先正事畧

卷六 各臣

三

上特虛席以遲其來公益慎乃位屬海內又安持大體不求赫
赫名惟清靜和平化百僚紛更異同之迹歸於無事以仰稱
聖天子休養元元含宏廣大之意指在位五年善始善終而天
下猶以年未篤老不獲竟其施為惜云公諱天稔字湘北號容
齋先世自黃岡遷合肥公自少穎異七歲即能詩稱神童始公
家有別子占衛籍永城公即以其籍登順治十四年鄉薦明年
成進士選庶吉士在館益閱覽四庫書淳洽迤演蓋經世之學
基此矣尋授檢討父憂歸服闋補故官康熙十一年遷司業晉
侍講充日講起居注官歷講讀學士少詹事十六年擢內閣學
士充經筵講官典武會試在

上前有所見必直陳無隱多見從會兩澤愆期特命偕大學

士明珠等會同三法司詳鞫已成諸獄皆減等發落二十年擢

戶部左侍郎部故利藪有以苞苴謁者公拒之曰吾一日在部
爾曹無望茲事之行也皆動色縮手相戒明年充會試副考官
二十三年調吏部尤以揚清激濁為已任前後在戶部四年吏
部五年而壹無所私

上自是器公深矣二十七年擢工部尚書當是時

上召總河靳輔巡撫于成龍面詢河工事宜靳公以高家堰外

宜築重隄截水使出清口不令歸下河庶淮揚七州縣之田可
出若開濬下河恐有海水倒灌之患于公以修下河開海口係

國朝先正事畧

卷六 各臣

三

遵特旨行今高家堰築重隄停開海口縱上流水不至而秋
霖暴漲天長六合等處水無所洩海口仍應開二人各堅執一
說
上下九卿詳議公建議下河海口宜開高家堰重隄宜停
上從之尋調刑兵二部三十年遷長吏部曹司吏素不便於公
者畏公復來而選人稔聞公名則喜甚公逐吏之尤黠者以便
選人曹部為一清時當補大學士已逾年一日
上諭閣臣曰機務重任必不可用喜事之人李天馥老成清慎
學行俱優朕知其決不生事遂拜武英殿大學士時三十一年
十月也明年丁母憂諭曰李天馥入閣未久倚毗方殷未及

展施遂以憂去深軫朕懷遂 賜御書貞松二大字兼 賜書
一幅曰儒者當學探本原行迪醇茂循序進德守已冲虛一言
一動罔有不謹嘉謀嘉猷必以入告斯廣譽翕然為周行之士
蓋因公之所已能而益屬其加勉也出都後一日
上曰李天馥侍朕三十餘年未嘗有失三年易過此官不必補
人三十四年 召入閣視事公感

上知之深益退然若不自勝威福歸之於朝毀譽不出於口凡
宰物應機悉以虛公處之不以已與也

上三征朔漠還偃兵息民公尤以簡易為主謂欲變法不如守
法欲救弊未必無弊奉行成憲不敢失尺寸此乃所以報也昔

國朝先正事畧 卷六 各臣

三

宋李文靖公為相真宗問治道何先對曰不用浮薄喜事之人
此最為先公之深慮遠識絕類文靖

上之器公亦以此公既薨 特旨賜諡文定按諡法安民大慮

曰定公之不喜事所以安民也人咸以受大名為當云公性至
孝執親喪毀甚杖而後起扶母櫬歸當取道巢湖西口時冬月

水涸及舟至水驟涌數尺如送喪者舟過即落如故既葬廬於
墓側手植松楸淚血沾漬墓門忽有白燕雙飛掠水至久之不

去人以為孝感遂名公所居為白燕廬遠近歌而和之友愛二
弟白首無閒尤好為德於鄉廬墓後窮民歸之遂成村落當歲

旱苗將槁公為增墓前齋三日禱於天方滂伏雨大作及秋忽

飛蝗蔽天公禱如前未幾蝗盡去鄉民德之公在位尤留意人
才 詔徵博學鴻儒公舉李檢討因篤超參政進美秦檢討松

齡及吏部行取知縣為科道 詔大臣各舉所知公舉陸御史
隴其邵參議嗣亮彭巡撫鵬世稱其有人倫鑒下至單門寒賤

聞聲相思惟恐其不登用蓋汲汲於以人事君其心好之誠而
非有強也公所活人尤眾為學士時冬月慮囚嘗請生其死者

知縣李方廣坐法當死公曰其人素有才名得緩決尋以赦免
又有殺人抵罪者公獨言乃仇人先折其父足為父報仇可赦

也遂得減等兵興民多被俘贖而歸之者凡數百人在刑部有
縣令負官錢數萬產盡應赦而吏持之急公至即與寬免其子

國朝先正事畧 卷六 各臣

三

之係累者皆釋之念囚多瘐死庀屋材多為之所別罪之輕重
以居囚有大獄下部議者皆曰應死公察其冤獨議曰不當死

上竟從公議貶吏部時韓學士葵同與廷議遇事有不平者輒
厲詞色公微笑曰君何至是凡事平其氣可耳僕初亦爾後漸

熟漸平也韓深佩其言始在翰林名籍甚雅以文章為已任與
葉文敏陳文貞王文簡諸公倡復古學刊偽體每朝罷譙集僚

然如林下人既登相位乃不復狎主齊盟而望其風神局度皆
書卷之氣所積也著有容齋集年六十有五子孚青字丹壑康

熙已未進士官編修孚蒼已卯舉人

陳文貞公事畧

陳公廷敬字子端號悅巖山西澤州人順治十五年進士選庶吉士公初名敬以是科有同姓名者

世祖加廷字別之遂改今名十八年分枝會試授秘書院侍講累遷司業侍講學士充日講起居注官康熙十二年典武會試尋擢詹事晉內閣學士充經筵講官改翰林院掌院學士教習庶吉士十七年命與學士葉方藹同直南書房母憂歸服闋補原官二十一年充會試副考官歷禮吏二部侍郎管理戶部錢法擢左都御史二十五年遷工部尚書明年調戶部尋調吏部二十七年法司遠問湖廣巡撫張汧汧嘗遣人齎銀赴京詰

國朝先正事畧 卷六 名臣

三

其行賄何人初以分餽甚眾不能悉數對既而牽引公及徐尚書乾學高詹事士奇

上察其誣不問公以父年八十有一疏乞歸養得旨覽卿奏情詞懇切許原官解任仍管理修書總裁二十九年赴左都御史遷工部尚書三十一年丁父憂服除授戶部尚書調吏部四十二年典會試拜文淵閣大學士兼吏部尚書四十九年冬以耳疾乞休許之五十年夏大學士丹徒張公卒安溪李公疾未愈詔公入直視事五十一年四月薨此公歷官階級也任講官時

聖祖稱其啟迪朕心甚有裨益以天氣漸寒與學士張英等各

賜貂皮五十張表裏綴各一丁母憂

上遣學士二人慰問賜奠茶酒特旨照學士階賜卹洎

遭父喪溫旨慰卹如例滇南平定命撰朝會宴饗樂章下

所司肄習嘗與徐公乾學纂鑑古輯覽諭嘉其勸戒昭然有

裨治化此外若三朝聖訓政治典訓平定三藩方畧皇輿表

一統志明史公皆為總裁官故事大臣入閣不復侍經筵兼之

者惟張公英及公二人耳

聖祖南巡召試江浙諸生公與大學士張公玉書等三次皆

奉命閱卷公初以賜石橋詩受知

仁皇帝後進所著詩集

國朝先正事畧 卷六 名臣

三

上賜以詩且題云大學士陳廷敬作各體詩清雅醇厚非積字累句者所能窺也爰作五言近體一律以表風度其處也命

皇三子允祉率大臣侍衛奠爵賚白金千兩治喪令各部院滿

漢大臣俱往弔御製詩挽之諡稱公夙侍講學游擢編修

學問淹洽文采優長恪慎清勤始終一節下所司優卹賜祭

葬如例加祭一次予諡日文貞此公前後所承恩遇也

聖祖臨意古學嘗召對羣臣從容問在廷中誰最能詩公以

王公士禎對詔舉博學鴻儒公疏薦汪公琬之二公者一為

詩伯一為古文家而皆由公言以達天聽後十餘年

聖祖復以後進詩人垂詢公公以史給諫申義周官詹起涓對

皆一時之傑也。公尤夙知靈壽令陸公清苑令邵公賢。袖疏草將列薦會。

上御宮門。亟召九卿舉廉吏。既進。升階。未盡一級。

上獨目公。班定。又數目若。詔使言者。蓋是時。公方掌御史臺。以進言為職。又嘗數薦人以故。數目公。使言公自念。班六卿。下既未承明詔。當以次對已。而六卿有言他守令賢者。語未竟。

上特問公。廉者果為誰。公奏言。知縣陸隴其。邵嗣堯。皆天下清官。雖治狀不同。其廉則一也。於是兩公皆擢御史。始公嘗亟稱兩公廉。或謂曰。兩人者。廉而剛。剛者易折。且多怨。恐及公。公曰。果賢。歟。雖折。且怨。庸何傷。是可謂能以人事君者矣。公在官所。

國朝先正事略 卷六 名臣 三

建白皆得大體。嘗疏言。貪廉者。治理之大綱。奢儉者。貪廉之根。抵欲教以廉。先使之儉。古者衣服與馬器用之具。婚喪之禮。賤不得踰貴。小不得加大。今或等威未辨。侈靡相高。轉相慕效。富者贖貨無已。貧者恥其不如。因而冒利觸禁。其始由於不儉。其究至於不廉。如水之失隄防而莫知所止。請嚴申定制。以挽頽風。又言。去年九月。山東巡撫題報濟甯等屬水災。部議令委官履勘。十一月。以勘定成災分數具題。部議令分贖地畝。高下今年四月。題覆部議。始許蠲免。德音下逮。近者已逾半年。遠者將不止一載。如此其遲迴者。所行之例。則然耳。臣愚謂既有被災分數。即可知地畝高下。拘文牽義。何救死亡。請破例以求實。

濟。又言。督撫之職在察吏。吏果廉能。毋敢加派火耗。毋敢欺貨。於詞訟。毋敢賂削富民。然後能一意行上之教化。而民不罹於刑。今吏或不能誠有罪焉。然非盡吏之罪也。上官廉則吏自不敢貪。上官貪則吏雖欲為廉而不可得。方今要務首在督撫得人。為督撫者。不以利欲動其心。然後能正身以董吏。吏不以曲事上官。為心。然後能加意於民。民可徐得其養。養立而後教可行。請自今。督撫保薦州縣吏。必具列其無加派火耗。無贖貨詞。訟無賂削富民。及月吉宣講。

上諭諸實蹟。俾知功令所重在此。而

皇上之考察督撫。則以潔已教吏。吏得一心養民。教民為稱職。

國朝先正事略 卷六 名臣 三

庶幾大法而小廉。又言。臣再領臺垣。每誠科道官。凡有建白。不許預聞於堂。官僚友。以滋指使屬託之弊。如中外臣僚。果有奸貪不法。及灼知時事。因革所宜先者。則當切實指陳。否則與其生事以塞責。不若省事而擇言。蓋毛舉細故。剔摘成例。易至刻薄煩碎。誠能持重。善銳言。不輕發。發而必當。使不肖者有所警戒。顧忌而不敢恣意為非。所謂省事而擇言也。公所陳切中時弊。棘棘不苟。同多此類。此前後薦拔。敷奏之大端也。生平內行篤修。尤好學。未嘗一日去書。少與汪公以文章切劘。與王公以詩相唱和。皆能得其深處。而面目各不相假。回翔館閣。出入禁闥。凡五十年。值文運昌隆之日。從容載筆。人望攸歸。燕許大手。

筆海內無異詞馮所著曰尊聞堂集午亭文編

國朝先正事略

卷六

名臣

完

徐立齋相國事畧

公諱元文字公肅號立齋江蘇崑山人父開洪恩貢生明季兵亂嘗救難婦數十人有隱德生四子公其叔也母願大夫入夢神授玉尺而生公年十四補諸生順治十六年賜進士第一世祖召見乾清門還啟

皇太后曰今歲得一佳狀元賜冠帶服物視舊典有加除翰林院修撰嘗從幸南苑賜乘御馬命學士折納庫為執鞋館師也公遜謝乃改使侍衛又嘗晚對便殿夜分賜饌

世祖問從者得無飢乎即命賜以食一日同諸詞臣入見命撰孚齋說孚齋

國朝先正事畧

卷六

名臣

三

上讀書處也文成

世祖稱善命刻行之偶問以釋氏書公謝不習

上亦不之強十八年

世廟晏駕公號慟若私喪歲以國諱日齋居蔬食慘戚終其身

康熙初元江南奏銷案起坐罌誤謫鑿儀衛經歷閱四年事白

復原官丁外艱與兩兄日居喪次酌古禮行之從父官汀州推

官卒公往迎其喪靖南王耿繼茂慕公名餽金二千願一見公

曰是貨取也卻其金卒不往見八年補國史院修撰遷秘書院

侍讀典試陝西明年遷祭酒充經筵講官自是每御經筵必

命公講至登政府猶然公之在成均也毅然以師道自任疏請

準順治間例令直省學臣選拔文行兼優之士復鄉試副榜額並送監肄業得旨下部著為令復請廣監生中式之額並請永停納粟一途言其不可者有十四章下所司納例自河工外得一切停止治學四年端士習正文體條教大飭後公在西臺上語閣臣曰徐某為祭酒規條嚴肅滿洲子弟不幸教者輒加捷責至今猶畏之後來那得如此人其為上見思如此十三年進內閣學士兼禮部侍郎充實錄副總裁明年改掌院學士兼官如故尋充日講起居注官教習庶吉士時公弟秉義方與館選公疏辭不許惟特免秉義教習而已先是能文端在講筵累稱說孔孟程朱之道及是

國朝先正事畧

卷六

各臣

三

聖祖益欲博覽前世興亡得失之所由詔公用歷代通鑑與四書參講公與桐城張文端取通鑑綱目擇其事之關主德裨治理者逐一進講博採先儒之論以己意附之考推交通一以仁義為本及歲終彙進講義公具疏尤以心法為諳諳其責難陳善多此類也尋充孝經衍義總裁典武鄉試是科武闈考官改用二人值車駕方出封旨畱閣中曰朕自與一好主考及發視乃公也十五年母憂歸十八年特召監修明史學士充監修非故事也秋赴闕辭新命不許因請購遺書徵遺獻薦故給事中李清主事黃宗羲及原任副使曹溶主事汪懋麟布衣黃虞稷諸生姜宸英萬言部議不允特旨從之有詔

召清等宗羲溶並以老不至而各上所著書詔並付史館尋補內閣學士吏部題補給事中

上擬分省均用科道官公言地均矣如才不均何乃止九卿會推江西按察使有舉張仲舉者御史唐朝彝力言仲舉在閩無善狀科道公疏劾朝彝副都御史李仙根給事中李宗孔不願署名遂并劾之部議當二李降級朝彝奪官

聖祖曰此處分太過公奏會推本欲公之廷論何嫌異同今科道公疏必不許一人不列名恐啟脅持之漸流弊無窮上曰當免處分公曰凡言免者謂有罪而寬之也臣愚謂諸臣實無罪但降旨云不必處分則所全多矣從之御史有言宜

國朝先正事畧

卷六

各臣

三

遣大臣巡方者公曰巡方向遣御史以有憲長彈壓也若遣大臣或妄作威福誰能禁之上是其言罷不遣公感激知遇益思自披瀝每隨閣臣於上前陳奏取進止上每問必具言本末務達己意乃止尤畱意刑獄當秋決抱贖具陳所宜決宜畱者及他所條對甚悉上多從焉十九年超拜左都御史入謝賜御書又傳諭曰朕久不作書頃試筆得鸞飛鳥躍四大字并以賜卿時滇南將定諸逆黨多率眾歸附耗餉不訾公請量行散遣安插以寬民力又請除三逆虐政在粵東者五日鹽埠日渡稅日總店日市

船日魚課在閩中者四日鹽稅日報船日官擾驛夫日牙行渡稅在滇南者四日勳莊日園田日礦賦日穴兵疏上俱下所司議行初御史劉安國請察隱占田畝州縣吏利其升敘多捏報累民公力陳其弊謂名為加糧實耗糧戶名為清弊實長弊源請飭督撫各自檢舉若始終掩覆者科罪有加部議從之又言督撫之優劣當以民生愉戚戶口增耗為斷其小事註誤宜寬免至於敘養有方治效顯著方予加銜增秩若督催捐助察逃墾荒諸政績但予紀錄如此則賞不借罰不濫矣又言藩臬貪污督撫不問者宜以徇庇罪之時部例捐納官到任三年後稱職者具題升轉不稱職者罷之已復令捐銀者免其具題公言

國朝先正事畧

卷六

名臣

三

國家大體所關惟賢不肖之辨而已今吏途甚雜所以令三年具題者欲使賢者勸不肖者懼若輸銀可免具題是金多者與稱職同科也臣謂稱職非可捐納而得此曹以見任之官營輸入之計何所不至所宜急停止者也歲貢本屬正途自開捐納生員之例遂得并捐歲貢冒濫正途臣謂正途非可捐納而得其由捐納歲貢得官者仍須保舉方可一體升轉所宜急更正者也總之捐納係一時權宜願於收復滇南之日即賜明詔概止不行則聖政一新而人心可大快矣公自為祭酒時屢言捐納非便至是益切云雲南平告廟肆赦羣臣稱頌功德公獨言聖人作易於泰豐既濟諸卦垂戒尤切願

皇上於景運方新之會倍切堯咨舜做之心兼諭大小臣工乘此治定功成相與洗心滌慮毗贊大業如政體宜講也不妨詳考舊章國用急節也不宜過加綜核行一事必謀久遠勿徇目前之淺圖為百姓必留餘務培國家之元氣至於振紀綱以崇大體核名實以課吏才崇清議以定國是厲廉恥以正人心端教化以固治本抑營競以儆官邪敦節儉以厚風俗正名分以絕奸萌並當今急務望存震動恪恭之意力去因循苟且之習天下幸甚疏將上有以太直為言者不顧也二十一年天子有事春蒐鹵簿已集闕下公率御史三十人進諫上溫言諭公方春省耕不出旬日回非遊暇也明年大計公滿

國朝先正事畧

卷六

名臣

三

令潘臬得面陳章奏上親加咨訪以觀其才上題公言至日御乾清門科道官侍班通政司引潘臬官以次而奏著為令明年詔潘臬勿舉卓異自公掌計典門不通謁語人曰當考察時直省大吏皆長跪堂下自陳履歷其嚴重如此使少有所私不內愧耶舊例入旗漢軍文職官任漢缺者丁憂任旗缺者不得丁憂又滿洲任督撫潘臬者守制而京朝官三月後即出供職公謂宜一體丁憂以崇孝治且言外官聞赴者宜即日奔喪毋得治事候代並申士庶居喪釋服從吉之禁皆報可先後疏劾閩督姚啟聖巡鹽御史堪泰杭州副都統

高國相御史蕭鳴鳳姚上疏引罪高交部察審兩御史俱罷斥
是年冬湖北按察使缺廷推副使王垓胡悉甯皆山東人

上疑之問舉者為誰或以公對公不與辨遂降三秩用明年春
詔留公專領史局故事監修官不與編纂公以書久未成手自
排纂既而纂修一統志

上曰此事須徐家兄弟為之於是公又為副總裁其年秋公子
樹聲及兒子樹屏同舉順天鄉試九卿磨勘當黜并請下注司
質訊 詔除二人名餘弗問二十五年考選科道掌中書科者

以舍人王緝植咨送吏部緝植公外兄女婿也言者誤以為公
婿劾公實陰主之部議奪職 詔鑄四秩置史局如故二十七
國朝先正事畧 卷六 各臣 三五

年二月公兄乾學自總憲遷大司寇
上難其代久之不補七月復還公故官兄弟相代為亞相海內
榮之入臺一月四上疏請禁科道官勿交關督撫並結納諸外

吏仍設建言牌俾輪班奏事又請停臺灣官販嚴海防又言知
府缺多吏部延不補又劾巡鹽御史陶式玉貪贖狀事多施行
而式玉竟抵罪前御史李時謙裘充美以仇直罷官公論薦之

時謙得復用十二月遷刑部尚書甫旬日調戶部故事銷算錢
穀悉假手書吏事關外省索賄動千萬公銳意釐剔旬稽出納
吏敏手奉法時江南福建藩司庫缺銀四五十萬公請 赦督

撫歲一盤查禁有司毋得私派部費旋奉 詔清理刑獄言減

死諸囚發黑龍江者多不得有活宜復舊例發內地從之二十
八年拜文華殿大學士辭不允 命掌翰林院事充政治訓典

方畧一統志總裁明年春李時謙條奏失 旨公自引咎降二
級留任時謙得不坐尋充國史總裁官公與兄健庵俱好士延
攬獎借如不及累散千金赴人之急然健庵性豪放食客滿門

下頗招權利致彈劾而公介然謹禮法門庭闕如有沈生者中
表兄弟也一日從容言某總兵得罪出重寶求減死公能一援
手乎公變色曰是何言速去毋污我遂擯沈生公既以廷議數

與滿大臣忤而郭象都瑒之劾明珠也健庵實陰風之明珠既
罷相其黨徧布中外欲殺公兄弟以洩憤於是江督傅臘塔劾
國朝先正事畧 卷六 各臣 三五

公子姪交結巡撫洪之傑招搖競利公具疏力辨求去
上許原官致仕即日辭朝舟過臨清關吏大索雖醬瓶之屬皆
發視僅得圖書數千卷光祿饌金三百而已皆嘖嘖歎清官不

置公自領史局積勞氣逆上及歸家復發三十年七月薨於里
第年五十有八公少受知
世祖即以天下自任及遭

孽祖委任之重誓竭忠不為利害禍福毫髮計兩總內臺凡事
涉公旗同僚多咋舌公持之甚力時方重窩逃之律將軍馬哈
達請令奴亡者得自勾攝勿闕有司公不可曰是重擾民也滿

大臣曰當令將軍會同督撫行之公曰如此則仍將軍為政當

令督撫會同將軍

上以公言為是京師奸人多掠平民賣旗下故逃者日眾公請由地方正印官驗問給印契為憑否者坐之八旗家人以投水自經報部者歲至千人公請凡驗有傷痕及一家中前後死三人者酌予處分從之府部寺院筆帖式近三千人求開例捐納典州縣公不可滿大臣好言勸公公口諸公既不謂然某嘗別為一議不以相累也卒從公議而罷其以京察大計罷者謀入貨復官公亦持不可既罷議侍郎項景襄留揖公曰微公正途無入仕望矣晚年官逾貴常戚戚如有憂者嘗言吾在樞密未得稍展布反不能發舒如戶部時每聞進一正人或行一善政

國朝先正事畧

卷六 名臣

三七

則喜形於色內行修潔苞苴之使不及門御家人嚴整退食之暇匡坐讀書而已待兄弟極友愛然恆以道義相規切著含經堂集若干卷明史稿未成嘗疏請準宋史益衛二王例以福唐桂三王事蹟載附傳其明末諸臣盡忠所事者直書無隱詔曰可至乾隆初明史告成頗用其例云

葉文敏公事畧

沈文恪公荃 吳文恪公士玉 高文恪公士奇

葉公方藹字子吉號詡菴江蘇崑山人父重華明進士官太常少卿有才望公胚胎前光厲學行舉順治十六年一甲三名進士授編修康熙十二年充日講起居注官屢被顧問應對敏陳忠樸無飾語嘗賜宴瀛臺從官皆進詩賦公獨撰八箴以獻

聖祖善之命撰太極圖說稱旨賜貂裘文綺遷左庶子侍讀學士十七年晉掌院學士兼禮部侍郎入直南書房充鑑古輯覽皇輿表總裁會召試博學鴻儒命與馮杜李三相國同閱試卷所拔皆名宿人服其公明年充會試副考官教

國朝先正事畧

卷六 名臣

三七

習庶吉士總裁明史又明年尚書講義成公奏請頒發得旨尚書紀載帝王道法關切治理講幄諸臣疏解明晰深於典學有神其即刊行並予優敘遂加公禮部尚書銜十月上親講易噬嗑卦辭公與同官進所撰乾坤二卦總論上覽畢曰卦爻義各不同即如噬嗑一卦中四爻主用刑者言初上二爻主受刑者言必得總論發揮庶全卦之義可了諸卦可照此撰進又嘗進通鑑講義上問諸葛亮何如伊尹公對曰伊尹聖人諸葛亮大賢大約伊尹可比孔子諸葛亮可比顏淵上首肯一日講中庸

上問知行孰重公對曰宋臣朱熹之說以次序言則知先而行後以功夫言則知輕而行重

上曰畢竟行重若不能行則知亦空知耳尋遷禮部右侍郎二十一年卒

優詔議卹 特遣侍郎庫勒納侍衛常保往 賜奠知公貧不能殮 賜金營其喪尋議加祭一次 特諡文敏

公釋褐後即以文章受知

世祖其授學士紀 恩詩有云敢道齊賢留異日屢稱蘇軾是奇才記是事也後蒙

聖祖召入內廷矢音廣和歌詠昇平詩格亦進而益上所著日讀書齋偶存稿同時有三文恪曰華亭沈公吳縣吳公錢塘高

國朝先正事畧 卷六 名臣 三

公皆以儒臣被 恩眷與公埒

沈公名荃字貞蕤一字釋堂順治壬辰一甲三名進士授編修出為大梁道以憂去服闋補通薊道左遷甯波同知未行 特

旨召見復四品冠服仍入翰林補侍讀康熙十一年典試浙江充日講官知起居注遷祭酒再遷詹事直南書房晉禮部右侍郎二十三年卒於官 賜祭葬如典禮 子諡文恪著有充齋

集公學行醇潔好獎進士類書法尤有名

聖祖嘗召入內殿 賜坐論古今書法凡 御製碑版及殿廷屏障輒 命公書之每侍

聖祖書下筆即指其弊兼析其由

上深嘉其忠益其後公子宗敬以編修入直

上命作大小行楷猶憶及前事使內侍傳 諭安溪李公曰朕初學書宗敬之父荃實侍屢指陳得失至今每作書未嘗不思

荃之勤也其身後見思若此然公之風節不第以能書重也分

巡大梁時劇賊董天祿等聚眾千餘剽掠許潁間公督兵殲其魁餘悉解散禹州盜以竹園為窟穴公收捕按誅之學宮圯捐

俸鼎新并修復聖賢祠墓頻年河夫柳束及軍需供億過繁民困甚公為申請禹鄭十二州縣得減三之一去之日士民為建

碑立祠順治十八年早 詔求直言時新例罪當流者皆徙烏喇極北公謂烏喇距蒙古三四千里地不毛極寒人畜凍斃

國朝先正事畧 卷六 名臣 罕

罪不應死者不應驅之死地乃獨為疏上之有 詔令畫一公

持前議益堅且曰此議行三日不雨者臣願伏欺罔罪

聖祖改容納之越二日大雨盈尺例竟罷

吳公士玉字荆山吳縣人為諸生即以文名天下康熙丙辰進士選庶吉士授編修充宋金元明四朝詩集纂修再擢侍講督

順天學政

上巡幸畿甸公扈 駕至玻璃口 召試律詩十二韻獎賚有加雍正癸卯遷內閣學士經筵講官入直南書房甲辰典試江

西稱得士由侍郎左都御史累遷禮部尚書癸丑二月薨於位

優詔賜卹 諭祭葬 予諡法公學無涯淡閱通儒雅好扶植

人倫與徐健庵韓慕廬均以宏獎為己任。方百川望溪嘗贊以文公與慕廬擊節不去口。由是二方之名震天下。詩宗韓蘇所著有映劍集。

高公士奇字澹人號江村。世居錢塘。以國學生就試京闈不利。賣文自給。新歲為人作春帖子。自為句書之。偶為聖祖所見。立召對。旬日中三試皆第一。遂命供奉內廷。授詹事府錄事。遷中書。賜居西安門內。康熙十七年。賜救曰。

爾侍直有年。凡密諭及講章詩文等類。纂輯書寫甚多。特賜表裏十疋。白金五百兩。以旌其勞。十九年。特擢翰林院侍講。二十二年。充日講起居注官。尋遷右庶子。晉侍講學士。少詹事。公。

則朝先正事略 卷六 名臣 聖
以布衣膺殊遇。屬車豹尾。閉廣和不可勝數。每奏一篇。上未嘗不稱善。公素敬慎。口不言溫室樹。徒以不由科目。驟繼華要。朝士多仄目。二十六年。以蜚語疏乞骸骨。許原官解任。仍充一統志副總裁。二十八年。從。

上南巡至杭州。駕幸公所居之西溪山莊。賜御書竹窗額。九月。都御史郭琇疏劾之。命休致。回籍。三十三年。詔閣臣舉長於文學者。大學士王文靖張文貞薦公。及徐公乾學王公鴻緒並。召來京修書。仍直南書房。三十六年。以養母乞歸。

特擢詹事。允其請。四十一年。授禮部侍郎。以母老未赴。四十二年。大駕復南巡。公迎謁淮安。及回。鑾隨扈至京。優賚以。

歸。是年六月卒。詔給全葬。子輿。時為庶吉士。特旨授編修。越三年。特旨照侍郎沈荃勵杜訥例。賜諡文恪。所著有經進文稿。天祿識餘。讀書筆記。扈從日錄。隨筆集。城北苑西等集。春秋地名考畧。左國輯註諸書。

國朝先正事略 卷六 名臣 聖

一四七

國朝先正事畧卷之七 名臣

平江李元度次青纂

吳文端公事畧

吳公諱璵字伯美山西沁州人也順治十六年進士知河南確山縣邑遭明季流寇殘破公招徠戶口墾田歲日益以方畧捕獲盜魁戴騰宇杖殺之大軍征雲南邑當孔道輿馬糧餉先事嚴辦而民不煩康熙十三年以卓異入為吏部主事歷遷郎中十六年遷鴻臚少卿尋轉光祿少卿通政司右參議魏敏果公象樞亟稱其賢二十年特擢右通政二十一年任太僕卿越三月擢左副都御史請復 敕督撫巡方疏曰令甲督撫于

國朝先正事畧卷之七 名臣

命下之日即杜門謝客蒞任守令不得參謁上官凡有舉劾不過據道府揭報及胥吏訪聞愛憎毀譽真偽相亂督撫無由知革火耗而火耗愈甚禁私派而私派愈增請 敕直省督撫親歷各屬以知守令賢否或謂巡方恐勞擾百姓夫督撫賢則必能禁送迎卻供應如其不肖雖端坐會城而暮夜之饋踵至矣豈獨巡行足以勞民哉又疏曰巡撫及巡守道無一旅之衛而提鎮各建高牙前日撫臣如馬雄鎮道臣如啟泰雖懷忠秉義空拳莫施向使各有兵馬奚至束手宜及時復舊制使巡撫巡守道仍各管兵馬減提督增總兵分一鎮為數鎮以聽督撫節制則無尾大不掉之患矣二十八年除兵部右侍郎尋命

巡撫湖北湖北自裁兵之變黠猾率指仇人為賊黨株連不已公極不究訊懲其妄許者人心大定涿屬所屬郡縣俾為良吏怙終則糾繩無少貸陝西饑流民入湖北令有司分賑全活數萬人三十一年

上念陝西西安雨水不調襄陽地近西安命截留湖北漕米十萬石貯荊州備賑既而命以荊州兵船載運至襄陽公與糧道王道熙議以兵船灣泊大江必由漢口溯流西上方抵襄陽計程二千餘里今原運漕船將次撤回莫若乘夏水令原船順道運赴襄陽僅七百餘里即以便宜行具奏

上嘉之八月以內憂去任贈謚一無所受曰非吾母志也三十三年

國朝先正事畧卷之七 名臣

上以公有守有才特用為湖廣總督三十四年奉 旨酌裁湖廣額兵公區畫得宜人情帖然武岡州牧任三益激民變立捕其為首者置之法而劾罷州牧故事土司見州縣吏不敢抗禮後大吏稍稍優遇之漸以陵夷公至絕饋遺飭謁見長吏如故事無敢肆者奏增湖廣鄉試解額

上命並增各省解額三十五年陞左都御史既視事自戒曰昔賢有言司風紀者當養人廉恥不專以彈劾為能吾謬掌臺端要在正已率屬其可見事風生以褻憲體乎三十六年典會試是歲五月

上北征。同鑾顧迎。駕諸臣。褒左都御史吳瑛。及河道總督張鵬。副居官之廉。翼日。又諭諸臣曰。吳瑛居官。即為所參。劾之人。亦以清官。好官。稱之。百姓尤深感服。閱數日。以公為刑部尚書。而以張公為左都御史。三十七年。進保和殿大學士。兼刑部尚書。公熟於朝廷故事。中外章奏。可否見輒洞然。其有往事可援據者。雖久而不忘。奏對皆竭忱悃。

上每稱善。所薦引皆廉能吏。三十九年。會試。公以右臂偏枯。引疾。特命為總裁官。六月。御書風度端凝。額賜之。四十一年。具疏乞休。同官代奏請。

上曰。吳瑛為人誠實。豈可聽之去。嘗以

御臨米芾千字文賜

國朝先正事畧

卷七

名臣

三

公題其後曰。吳瑛寬厚和平。持己清廉。先任封疆。軍民受其實惠。朝中之事。面折廷爭。必得其正。朕甚重之。故書於後。以紀其能。得大臣之體。四十四年。薨於位。公居政府。室無妾媵。口不言清。每語任外吏者曰。地有遠邇。俗有良澆。然愛財惜命。民情則一。也能體此念。自為良吏矣。遺疏入。

上遣重臣奠茶酒。予祭葬。如典禮。諡文端。所司奏大學士缺。上以公喪未歸。縣缺弗補。諭曰。朕心殊不忍也。翰林院進所

撰祭文。諭曰。大學士吳瑛。賢行甚多。敕改撰。其文有曰。潔已奉公。正身率屬。總憲綱而丰裁。卓立掌邦。禁而讞獄。持平慎以居躬。清能容物。其知公也深矣。初。沁州薦饑。公糴米賑之。全活

甚眾。有司議增沁糧一千三百兩。公力爭。改正沁人德之。立祠以祀。雍正十年。詔入祀賢良祠。子四。長時謙。康熙三十三年進士。

國朝先正事畧

卷七

名臣

四

張文貞公事畧

公諱王書字素存江南丹徒人父九徵字湘曉順治二年舉鄉試第一九年成進士博學礪名節歷官文選郎出為河南提學僉事以公清著兄玉裁字禮存九歲通五經康熙丁未廷對直刺部院督撫陋弊讀卷者歎曰此長沙痛哭書也遂以一甲第二人授編修有名於時弟仕可恕可皆進士公以順治十八年進士選庶吉士授編修康熙十五年擢司業遷庶子充日講起居注官十九年進講乾清宮上問理學之名始於宋否公奏道理具在人心宋儒講辨加詳耳

國朝先正事畧 卷七 名臣

五

上曰日用常行無非此理自有理學名目彼此辨論而言行不符者甚多若不居講學名而行事允合此即真理學也公以講學對稱旨加詹事銜陞侍講學士二十年擢內閣學士充經筵講官教習庶吉士二十二年遷禮部侍郎兼掌翰林院二十三年丁父憂特遣學士王鴻緒奠爵服闋擢刑部尚書二十七年開音布監督高郵州石工奏請閉塞支河口為中河蓄水仁皇帝命公偕圖納往勘並徧閱毛城鋪高家堰及海口情形詳加審度瀕行上謂公曰此行是非可否當秉公陳奏不可效熊一瀟託故推

諉也公叩頭領訓先是開音布疏劾高郵州河員擅開減水三壩請議處比公至即馳奏河員開壩乃循舊例無罪開音布廣奏應議處八月還京疏言奉命勘閱河形黃河西岸出水頗高年來大水未曾溢岸則河身淤塞之說非也海口岸寬二三里河流入海絕無阻滯諸減水壩應如舊閉塞惟中河一道利濟舟楫得此免涉黃河百八十里之險殊關緊要但形勢逼近黃河既不可挑寬而太狹又不能容納運河及駱馬湖之水謹按蕭家渡楊家庄新庄口有衝決舊河之處請飭河臣增建減水壩相時宣洩則中河舟楫可以長通其支河口應如開音布所奏永行閉塞奏入均如所議是年冬奉特旨往浙江按

國朝先正事畧 卷七 名臣

六

事調禮部尚書明年二月上南巡駐蹕蘇州公自浙江還復命又明年拜文華殿大學士兼戶部尚書三十年冬命閱河工還朝繪圖以進時河臣靳輔請於高家堰增築小隄上問公另築小隄有益否公奏曩者黃漲時淮流被逼故洪澤湖水視昔為高今擬築小隄之處去高家堰不遠河湖水漲即高家堰之大隄且不可保築小隄何益不如其已又言高家堰一帶河工惟史家刮至周橋最為衝要不急於此處重設隄防雖多築隄數重無益臣度史家刮至周橋約一萬四百餘丈請飭河臣迅速加築此今日河工急務也

上深以爲然二十五年

聖祖親征厄魯特 駕臨克魯倫河賊聞風奔竄 敕大將軍

費揚古扼要路邀戰斬殺幾盡時公從征沙漠預幃幄之議

上曰朕愛養元元以率土乂安爲念噶爾丹既受重創從此邊

境甯謐必永享昇平之福公奉王公以下文武百僚賀表以進

行慶賀禮尋充方畧正總裁先是公聞母疾請假三月得歸省

御書金剛經五部賜其母并 賜天厨鹿尾供甘旨至是丁母

艱復蒙 賜奠 御書松蔭堂額賜之爲其母何太夫人身後

光也三十八年

聖祖南巡公跪迎道左 賜賚有加時

國朝先正事畧

卷七 名臣

七

上親酌明太祖陵大書治隆唐宋四字卽 命公從兩郡王捧

安陵廟三十九年服未闋奉 召入閣視事時河臣張鵬副奏

河工事宜

上問公奏對甚悉乃降 旨諭河臣曰昨問大學士張玉書據

稱河水尙大高家堰俱爲湖水所侵如是則泗州盱眙安得不

被水災河身之淺深以洪澤湖水之高下爲驗今聞洪澤湖之

水比甲子年尙高數尺可見河身未曾刷深恐高家堰之隄過

此以往未可知也四十年扈 駕南巡 賜銀千兩並 皇輿

表等物四月 駐蹕蘇州 命偕學士揆敘閣召試諸生卷得

汪泰來等五十三人尋 駐蹕江南又偕揆敘等閱卷得錢榮

世等五人及 御舟次高資港公奏曰前去京江不遠臣之敝

廬在焉若城中無駐蹕之地輿情雖切未敢恭迎 御輦入城

請 行幸江天寺畱駐數日與 親臨鐵甕城無異也得 旨

張玉書懇求諳切姑畱一日 賜御書恭儉爲德匾額一楹

聯一尋 賜金山月夜詩一幅又頒 御用東珠涼帽及各種

服物四十六年張公鵬請開濶淮套河恭懇 聖駕親臨相

度二月 聖駕自京起蹕及 御舟泊清河口

上親往武家墩周視良久見所樹標竿多爲民塚非掘塚不能

開濶

上惻然乃召河臣極斥其非河臣語塞叩頭請罪公奏曰向者

國朝先正事畧

卷七 名臣

八

老人白英曾有引汶水分南北之議策之善也不若別作壩引

汶水通漕其下流專以淮水敵黃水趨海此萬世之利也

上善其言四十九年以疾乞休 溫旨慰畱五十年五月從

上幸熱河甫至疾作數 遣御醫調治不能起未及繕遺疏而

薨壽七十薨之日 賜帑金千兩庀喪具又 命內務府監製

帳幔沿途護送至京 諭稱公耆舊老臣久任機務直亮清勤

下所司優卹 御賜挽章 親書頌發加贈太子太保諡文貞

五十二年奉 旨大學士張玉書久任機務小心恪慎懋著勤

勞朕追念難忘伊惟一子張逸少可從優陞侍讀學士以示篤

眷舊臣之意公學問淵雅風度巖然年二十登仕籍受

聖祖知遇凡五十年為太平宰相二十年朝夕啟沃得大臣體
在講幄每據經義納忠莫由得其獻替之迹詞臣曹禾疏請封
禪公謂非古禮建議駁之事遂寢公退清齋讀書盥匱無妄廢
友愛之篤比於蘇氏性淡薄不肉食夜臥未嘗解衣辨色即起
每食粥一甌麤糲一盂或山藥少許封公貽書戒之曰此非養
生之道也食不厭精汝未讀鄉黨耶公悚然為加餐封公研精
三傳於明代人物能縷舉其世系與其門生姻戚公總裁明史
多稟承家學焉所作古文辭及制舉業皆春容典雅灑灑乎盛
世之音文集巾拖諾山狼居胥山二碑敘述

聖武神功最為詳贍足以昭示萬世紀平定江南滅闖獻二賊
國朝先正事畧 卷七 名臣 九

及三路進師下雲南平水西賊等事皆得諸耳聞目見足以彰
開國之鴻猷其餘碑誌亦多 國初將相事跡可備考核燕許
大手筆蓋無愧云雍正中 詔入祀賢良祠

于清端公事畧 孫準

公諱成龍字北溟山西永甯人順治十三年以副貢知羅城縣
年四十有五矣臨行與友書曰某此行絕不以溫飽為念所自
信者天理良心四字而已羅城烟瘴地官廨在叢箐間插棘為
門虎白晝行庭中公累土為几案旁置囊釜一盂一召吏民從
容問疾苦皆感公至誠益樂就爭輸田賦初鄰獠歲率三四至
殺掠人畜公嚴保伍勒鄉兵將搗其巢獠懼自投不敢復犯界
救遣子女問安每春時命兩僮舁竹舉行田野中見力耕者輒
呼與語相勞苦民率婦子羅拜或坐樹下與飲食笑語歡如家
人公獎勤扶惰民大勸始至從僕皆死亡羅人憐公開斂金錢

國朝先正事畧 卷七 名臣 十

跪進云知阿耶苦聊供鹽米資公笑謝曰我一人何須此可持
歸市甘旨奉若父母一如我受也居數年家人來羅人則大喜
又進金錢如初公仍卻之眾泣公亦泣在羅城七年招流亡修
學校增俾浚隍定昏喪之制以卓異遷知合州羅人遮道呼號
追送數百里一眇者獨留不去公問故曰民習星卜度公橐中
裝不能及千里民技猶可資以行也公竟賴其力達合州州領
縣三遺黎才數百人正賦十五兩而供役繁重府帖下取魚公
曰民窮極矣安所得魚卒不與且極陳民困狀盡裁革之一僕
一羸馬自隨賃牛種招集流亡旬月聞得戶千計再遷黃州同
知駐岐亭地多幽壑汭湖為盜窟公捕得九人大集諸父老曰

能保後不為盜者賞之保二人其七人即諸父老前取大索駟
繫悉坑之眾股粟又獲巨盜彭百鈴賞其罪令捕盜自贖無脫
者巡撫張公朝珍器之舉卓異吳三桂反檄攝武昌府事問禦
亂策公言安人心莫先下令停徵張公已草奏與公意合遂盡
以兵事屬公時大軍雲集供億皆此嗟辦惡少愚禁旅為姦公
立置之法白大將軍申軍令甲士擁公諱公不為動徐敏去謀
指武昌大姓通賊以藏兵器為徵公言巨室多避兵梁子湖藏
械備他盜無足怪跡之果無他遷知建甯府奏改武昌大兵征
岳州檄造浮橋於蒲圻賊聚至公入城守橋以山水暴漲圯坐
罷職會東山寇作張公命討賊公請得便宜從事許之問需兵

國朝先正事略

卷七 各臣

十一

幾何曰前守蒲圻數人足矣先是大治賊黃金龍亡匿劉君子
家君孚素黠猾收召亡命亦間為官吏擒盜賊嘗隸公岐亭役
至是得三桂偽劄與金龍潛結周鐵爪等期七日起事事泄君
孚恐遂以五月反於曹家河官兵為所敗公行次陽邏偵知君
孚雖反眾未合遂直趨賊寨未至十里止宿榜示脅從者許自
首免罪過三日以從逆論投首日千人賦勢孤欲即降懼誅公
遣一人持檄往諭而自騎一馬一人張蓋一人鳴鉦前導命行
呼太守來救爾山中人君孚後山夾道伏鎗弩數百公疾驅
抵賊舍坐聽事賊眾環列公問老奴安在君孚舊隸麾下故呵
以暱易之又問山中雨水禾稼若何若良民何為作賊取屠戮

時方酷熱若父母妻子匿何所得毋苦耶賊皆羅拜泣公曰熱
甚須少憩遂熟睡鼾聲如雷移時寤又謾罵君孚老奴何為久
不至客至乃不設酒脯君孚初懼見給及是出叩頭受撫即日
降其眾數千問金龍安在曰在望花山即令導行掩其不備擒
斬之捷聞張公持露布語僚屬曰人謂我不當用醉漢今定何
如公常襄事秋闈大吏鵬公抵掌論時事飲數十巨觥吏人竊
笑公酒狂故張公及之也八月復職調黃州甫抵任湖北大亂
何士榮反永甯鄉陳鼎業反陽邏周鐵爪鮑世庸反白水販劉
啟業反石陂各擁眾數千號十萬逼趨黃州時援軍皆赴湖南
黃州吏民才數百至不能備關析或議退保麻城公曰黃州七

國朝先正事略

卷七 各臣

十二

郡咽喉也棄之則荆岳瓦解矣吾誓死不去然坐困亦非策當
勦之賊雖眾皆取士榮進止先破士榮餘可不戰下遂集鄉兵
得二千人別遣黃岡知縣李繼政擒鼎業士榮已據黃土坳遣
把總羅登雲武舉張尚聖迎擊前鋒戰少卻公疾馳抵尚聖營
日午鄉兵大集有眾五千屯箔金寨與賊對壘詰旦士榮率賊
數萬分東西路來攻東路賊少登雲領千人禦之而公率千總
李茂昇當其西尚聖攻右把總吳之蘭攻左戰始合之蘭中敵
死賊闕益急火燎公鬢或勸少避公叱之曰今吾死日也敢言
退者斬遂鞭馬直前顧茂昇曰我死可歸報張公茂昇恐失
公急發矢殪其大旗軍隨進茂昇馬被鎗棄馬射殺二人易馬

進戰復手刃數人而尚聖自右山繞出賊後夾擊賊大敗斬賊數千士榮左臂斷就擒登雲擊東路亦追奔數十里公得賊名籍立焚之乘勝至呂王城賊欲少憩公曰破竹之勢不可失也方炊覆釜以進公據鞍草檄馳諭有能擒賊獻者重賞投誠者待以不死脅從歸者但閉門坐家無軍器即從賊概不追問藏兵仗者即良民亦誅死於是賊眾聞士榮擒名籍已燬各解散至白水販鐵爪世榮等欲趨保石子寨公已遣人守隘不得上悉擒之又分眾平石陂賊乃勒石陂亭班師自誓師至此二十有四日公以鄉民數千破賊數萬不費公家絲粟黃川平時康熙十有三年十一月也次年秋大饑發廩賑卹全活數萬人十

國朝先正事畧 卷七 各臣

三

五年水旱災詔言復起公故示暇豫修赤壁亭樹日與寮吏歌詠飲射其閒民皆曰我公如此復何憂會丁繼母艱士民乞罷者數萬有 詔奪情視事十六年總督蔡公毓榮等奏復江防道以公任之明年遷福建按察使民遮送至九江凡數萬人哭聲與江湖相亂十八年春抵閩時耿精忠亂後康親王駐軍省會閩民多以通海獲罪公力白王言諸案所牽引多平民宜省釋覆錄時大吏有難色公指庭前婦孺曰此曹豈能反皇天在上獨不為方寸地耶王久聞公名至是益重公悉從其請巡撫吳公興祚薦公廉能第一遷布政使禁軍月徵莖夫數萬公爭於王前罷之滿兵掠浙東子女役為奴者數萬公贖歸之各屬

納賦皆應時收不增銖黍署中薪米不給至無衣可典日或不食隨征滿漢大臣朝使者有時來過徑入臥內或繞署周行几案閒蛛絲鼠跡文卷書冊外無長物咸歎曰子公清苦天下一人而已外番貢物有所獻悉屏之或呈樣香一嗅即持去貢使齧指作禮曰 天朝有此清官吾儕所未聞見也十九年遷直隸巡撫知縣某經道府揭報具贖許告公疏請嚴定反噬律制律著為令又疏請豁免宣府所屬東西二縣及懷安蔚州二衛水衝沙壓荒糧三千餘石銀千餘兩從之又因災疏請緩征並平糶 詔即以平糶之米作賑會旱步禱兩立沛黍黍重歧三穗民號曰于公穗尋劾青縣令趙履謙貪贖狀論如律二十

國朝先正事畧 卷七 各臣

四

年春 陞見 賜坐 賜茶 面諭曰爾為今時清官第一朕所深知因問勦撫黃州土賊時事又問屬吏中亦有清廉者否公以知縣謝錫衮同知何如玉羅京對 上曰爾所劾趙履謙甚當公奏履謙過而不改臣不得已劾之上曰為政當知大體小聰小察不足為且人貴始終一節其勉旃旄 賜食 御書房又 賜帑金千良馬一馬上所乘也越數日 御製詩手書賜之尋遣官助公賑宣府各屬餒 詔蠲免本年額征及積年帶征秋公請緩真定府屬房稅銀又請破格全蠲霸州本年田賦均報可冬乞假歸葬 優詔許之未幾調兩江總督瀕行舉直隸守道董秉忠通州知州

于成龍南路通判陳大棟柏鄉知縣邵嗣堯阜城知縣王燮高陽知縣孫宏業霸州州判衛濟賢並堪大用得旨俞行抵江甯官吏皆望風改操知公好微行遇白鬚偉貌者羣相指目攝檄郡縣條上便宜皆為興舉會江甯知府闕詔即以通州牧于成龍擢補成龍漢軍人由廕生起家後官河道總督諡襄勤者也南中風俗侈麗公至人爭衣布褐布價驟騰士民有歡笑無管絃游惰不空手權坊無鎖公自治官書夜中且不寐性喜飲至是累月不一醉嘗中夜苦飢索少米作糜不得笑而止時苞苴盡絕午日遣視察吏無敢以角黍相遺者建虹橋書院擇高才生講習其中親往訓課副都御史馬世濟還自江南劾公

國朝先正事略

卷七 各臣

五

年衰為中軍田萬侯所欺蔽部議奪萬侯職公休致特詔公留任二十三年春巡海還兼攝江蘇安徽兩巡撫事四月十八日疾作召屬吏與訣端坐逝至夜漏盡坐不歇顏色如生年六十有八公自服官後未嘗攜家屬入署至是將軍都統暨察吏入其寢室見周身布被袍一襲鞋帶各一堂後瓦甕米數斛鹽豉數盞而已訃聞賜祭葬子諡清端七月學士錫住勘海疆還上詢公在官時聲績錫住奏其清廉但因輕信或為屬僚欺罔上曰此與成龍不合者造為此言耳居官如成龍者有幾十一月南巡至江甯諭知府于成龍曰爾劾法前總督于成龍

正直潔清乃為不負又諭問臣曰原任總督于成龍朕博採真評咸稱為古今第一廉吏可加贈太子太保廕一子入監會御試詞臣作理學真偽論納卷時

上特諭曰理學無取空言如于成龍不言理學而服官至廉斯即理學之真者也自

天子廣厲風節恩禮始終由是士皆慕效公吏治蒸蒸日上變矣公薨後軍民爭繪像祀江甯蘇州及黃州皆有祠御書高行清粹四字為祠額并書楹聯賜之公軀幹修偉紅顏隆準美髯精神炯炯四映與人交不擇貴賤談燕終日一語涉私即正色斥詰每稱曰上帝臨汝又曰日監在茲屬吏畏公威若負霜

國朝先正事略

卷七 各臣

六

雪及論事輒齟齬商推用此雖嚴憚愈益親樂之年饑公屑糶糶米為粥與僮僕共之屬吏至亦以是進曰如法行之可得留餘以賑也性強毅而臨事應變無方當黃金龍就擒公亟賞劉君孚百金眾疑其過公曰金龍之擒實由君孚密計君等不知耳於是其黨疑君孚賣金龍各散去又以聞離其親屬君孚遂鬱鬱以死公狀如鄉里學究而用兵如神尤善治盜所用游徼及降盜恒撫以恩威輒先來報知武昌時營弁某弟素無賴適遠歸是夜餉被劫弁告弟所為已誣服獄具公破械縱之巡撫驚問曰盜寘真盜何在公指堂下一坡曰是真盜也餘黨進香木蘭山今晚獲矣尋獲盜賊尚在狡家封識宛然江甯盜號魚

壳者拳捷。倚駐防都統為解。有司莫能擒。公抵任。官吏遠迎。日
肝不至。方驚疑。而公已單車入府矣。羣吏飾厨傳。饋餼。幸皆不
受。按察使某年家子也。請具一餐為雅壽。公笑曰。以他物壽我。
不如以魚壳壽我。按察使險意出。乃以千金購名捕。縛置獄。是
夕。公秉燭坐。一男子持匕首。自屋梁下。公叱。何人。曰。魚壳也。公
解冠几上。指其頭曰。取壳長跪笑曰。取公頭不待公命也。方下
梁時。如有物擊我手。不得舉。乃知公神人。某惡貫盈矣。自反接
銜。匕首以獻。公曰。國法有市曹。在遲明獄。吏報失盜。人情洶洶。
而公已命。中軍將魚壳斬決西市。孫準。康熙二十五年。由廕生。
授臨清州知州。累官至江蘇巡撫。有賢聲。

國朝先正事畧

卷七

名臣

七

彭古愚中丞事畧 郭 秀

彭公名鳴字奮斯號無山一號古愚福建古田人順治十七年
舉人康熙十三年逆藩耿精忠叛逼公受偽職乃卻粒飲水推
齒出血堅臥三年不起逆平授三河知縣邑地瘠當要衝旗民
雜處公拊循釐剔不畏強禦有中夜矯傳內旨者公察其詐
延與語陰遣人發其囊具得奸狀真之法每治獄發摘如神吏
民不敢欺鄰邑疑獄不能決憲司檄公往輒白其冤二十七年
冬

聖祖東巡駐蹕三河 召問公不從取逆及在籍在官狀 賜
帑金三百兩 諭曰爾居官清正不受民錢以此養爾廉勝民

國朝先正事畧

卷七

名臣

六

開銀數萬兩多矣明年順天尹許三禮劾公讞獄遲玩 詔巡
撫于公成龍察核白其枉部議落職 詔降二級留任尋以盜
案積降十三級皆得 旨留任又明年 詔舉天下廉能官李
尚書天禮首以公薦與嘉定令陸公隴其並行取請假歸葬即
家投給事中會關中旱蝗赤地千里公一日上三疏言秦晉豫
三省有司不恤民狀先是西安鳳翔及平陽等郡饑 詔發帑
賑又 命河南運米十萬濟陝西至是以公疏下所司確議令
指實再奏公復指涇陽令劉桂剋扣籽粒聞喜夏縣匿災不報
猗氏令李樹敲斃災黎磁州牧陳成郊濫派進價夏邑令尚崇
震派銀包運南陽守朱璘曖昧分肥狀 詔各巡撫察審不皆

實議處如例得 旨寬免三十三年劾順天學政李光地聞

命在任守制不哀痛力請終喪僅乞假九月悖理乖情應罰令

離任留京終制疏下九卿議從之初公劾癸酉順天鄉試舉人

楊文鐸等文理荒謬磨勘官馬士芳有通賄情弊乞

上親訊下九卿察議以文鐸卷有疵應罰停一科別無情弊公

奏涉虛應奪職有 旨令回奏公奏會議諸臣聽考官徐倬彭

殿元節說故入言官罪

上特免公處分俸殿元休致至是公猶以論文鐸文與廷臣忿

爭 詔解任以原品頂戴効力南河三十六年 召補原官明

年授貴州按察使又明年擢廣西巡撫墨吏望風解綬夫既抵

國朝先正事畧

卷七

九

任効免貪酷令喻兆紳葉之莘粵西舊未設武科公始奏行之

會湖廣總督郭公琇請除學政積弊臺臣鄭惟孜等條陳順天

鄉試事宜九卿未盡議行 諭直撫李光地河督張鵬翮與郭

琇彭鵬並著清廉 命各抒所見勿瞻徇公條覆多見施行時

豫撫徐公潮之任

上諭之曰爾能如張鵬翮李光地郭琇彭鵬則不但為當今名

臣即後世亦足取重矣三十九年調撫廣東下車日收民詞五

千紙公愀然曰堂上一點硃民間千點血健訟何為民咸感悔

值歲旱步禱烈日中親詣獄慮囚發倉穀平糶甘霖立沛奏免

粵西解京銅鐵七萬斤歡聲載道又言粵西州縣私派巧立名

色日均平大半費於饋送如臣未入境之先購備器器物皆

出諸此臣當堂發還俾自悔艾其不派均平者又取盈於火耗

有明加暗加等弊疏下部嚴察時肅公永藻代為廣西巡撫

上諭以效彭鵬所行又 諭閣臣曰彭鵬前任三河時但聞有

賊即帶刀乘馬往擒治毫無畏懼朕深知之御史王度昭劾公

撫粵西時受藩司欺蒙及掩覆浮銷狀 詔下公回奏公疏辨

諭責其忿激粗戾且曰凡被劾回奏止應辨晰是非不應支離

牽引彭鵬為言官時亦會劾人今為王度昭所劾乃許奏度昭

曲庇親戚又未指出實據雖操守清廉殊失大臣之體其嚴飭

行四十一年奏免追積欠兵米價銀從之四十二年冬病篤

國朝先正事畧

卷七

三

特詔遣中書往視明年正月薨年六十有八遺疏聞

天子軫惻有實心供職克盡勤勞之憂 賜祭葬粵人肖像祀

之尋入名宦祠著有古愚心言八卷當是時公與郭公道聲震

海內天下並稱曰彭郭

郭公名琇字華野山東即墨人少時勵志清苦讀書深山絕壑

中四無人跡公藎火中宵讀弗輟齋鹽糶汲皆手任之康熙九

年成進士越十年授吳江知縣賦煩俗悍號難治公治事七年

弊絕風清循聲為東南冠二十五年巡撫湯文正公薦其居心

恬淡澁事精銳宜與行取部以催征未完議格 特旨允行授

御史時河督靳輔請別築高家堰重隄行屯田法與按察使于

成龍議不合。詔尙書佛倫等往勘。從靳議。公劾靳治河無功。詔九卿察議。未上。會靳入覲。命與廷臣會議河工事宜。公復劾靳派累擾民。靳坐罷任。江淮人誦公。疏皆額手稱善。擢僉都御史。先是公劾大學士明珠。余國柱結黨私行。背公納賄。及尙書佛倫等會議。會推附和要索。狀請加嚴。譴於是明珠等降黜。有差。尋遷太常卿。晉內閣學士。充經筵講官。吏部左侍郎。二十八年。擢左都御史。疏劾少詹高士奇。都御史王鴻緒。編修陳元龍。王項齡等。招搖依附。狀皆罷之一時。輦下栗然。居無何。御史張星法劾山東巡撫錢珪貪贖。珪奏辨所劾皆誣。由公會致書於珪。屬薦卽遷高令。未允。遂挾嫌使星法誣劾。事下法司察治。

國朝先正事畧

卷七 名臣

三

獄未具。公奏都御史馬齊於會訊時。多方煅鍊。必欲坐公指使誣劾罪。上責公疑揣法司。尋法司以星法誣珪。公致書屬實。奏並應黜。詔星法降二級留任。公降五級調用。尋休致。公自是踈伏。荒鄉足不入城市。見者不知其爲。掌憲大僚也。明年以牽連吳江漕項虧空事。應赴質時。佛倫巡撫山東。誣劾公父景昌原名爾標。會入賊黨。伏法。公私改父名。濫請封典。部議追奪。并奪公冠帶。逮赴江甯勘治。議遣戍。得旨寬免。三十八年春。聖祖南巡。公迎駕德州。諭閣臣曰。郭琇前令吳江。百姓至今感頌。其人有膽量。無朋比。可授湖南總督。一時貪墨吏皆投

劾去。而公益以鎮靜爲先。滌除煩苛。務持大體。疏陳黃州武昌二郡兵米二萬七千有奇。請改折色。運荆卽以利輸挽。又江夏等十三縣。有故明藩產。賦過重。請照民糧起征。並請豁免江夏漢陽嘉魚瀨江水埝地租三百餘頃。皆俞行。三十九年入覲。具疏訟冤。言臣父郭景昌係縣庠生。邑匪郭爾標合邑皆知伊無妻室。安得有子。不知佛倫何所聞而誣。蟻若此。佛倫時官大學士。上親詰問。以候疑舛錯對。命仍給誥軸。及陛辭。奏請清丈地畝。且云。湖南地廣民稀。恐清查後賦額較前少減。上曰。果於民有益。所減雖多。亦所不惜。若不清丈。而以荒田派

國朝先正事畧

卷七 名臣

三

征。有累窮黎。斷不可也。命公具疏以請。公復條上三事。一修築隄塍。嚴定處分。一無用糧。修宜停修。一苗疆官吏。宜通融調補。又疏言。錢糧攤費包收之弊。宜除。雜派之陋。規宜去。征糧之滾單。宜行。訟棍宜治。濫刑宜革。捕役誣盜宜懲。屍親抄掠宜禁。強族阻葬宜責飭。諭嘉其實心除弊。四十一年。給事中宋駿業劾公衰廢不職。詔侍郎傅繼祖。甘國樞。浙撫趙申喬。前往察治。坐徇隱諱飾。罷歸。抵里門。盡出俸金。周族黨。歲饑。竭貲倡賑。鄉閭德之。五十四年卒。年七十有八。入祀鄉賢。並祀吳江名宦。當康熙朝。公與彭公由縣令起家。並以抗直聞。趨死不顧利害。賴

聖祖寬容屢排羣議。特簡用彭公所劾之李文貞公所劾之。斬文襄陳文簡王文恭諸公皆號稱賢者。二公以春秋法責備之。上既不以爲非。用作敢言之氣。而爲所劾者亦未嘗以一肯掩大德。盤空衡平。悉付諸公論。大哉。聖人執兩用中之盛軌。誠超出前古萬萬云。

國朝先正事畧

卷七

名臣

三

張文端公事畧 子廷瓚 廷璠 廷瑑

公諱英字敦復號樂圃安徽桐城人父秉彝字孩之明季諸生。爲文一本經術以兄秉文官山東左布政二親年老遂絕意仕進。家居侍養能爲孺子歡。秉文殉難山東泣走數千里攜孤扶櫬歸及親喪廬於墓上墓樹交花人以爲孝感云。公以康熙六年進士入館選丁父憂歸十二年以編修充日講起居注官累遷侍讀學士十六年九月。

上以公及掌院學士陳公廷敬每日進講甚有裨益。天漸寒特賜貂皮各五十張表裏綴各二十疋。十月諭閣臣曰朕不時觀書習字欲得文學之臣朝夕置左右講究文義給內廬居之。不令與外事遂設南書房。命公入直。賜第西安門內。詞臣賜居內城自公始。當是時逆藩播亂三方征討凡出師運餉發謀制勝無一不斷自。

國朝先正事畧

卷七

名臣

三

聖心而。上益孜孜於經史之學。公首供奉南書房故事。經筵有常期。而上日御乾清門聽政。後卽適懋勤殿召公入講。長而進。終酉而退。暫退輒復宣召。或當食吐哺趨宮門。漏下十許刻。迺歸。公小心慎密久之。

上益器重。每幸南苑及巡行四方。未嘗不以公從。公立朝數十年。未嘗一日去。

上左右一時典誥之文多出其手十九年晉翰林學士兼禮部侍郎銜明年以葬父乞假 優詔許之 特賜白金五百兩表裏二十疋資墓田之用又 特予公父秉彝卹典如公階二十五年教習庶吉士遷兵部右侍郎明年調禮部充經筵講官二十七年給事中陳世安劾公遇

孝莊章皇后大喪一切典禮不詳慎參稽不與滿堂官面商疏稿部議鑄五級調用 特旨畱任明年擢工部尚書又明年調禮部公自躋卿貳至典秩宗皆兼掌院學士並管詹事府蓋二職

上所甚重難其人以爲非公莫屬也尋以編修楊瑄撰擬 諭

國朝先正事畧 卷七

名臣

三

祭都統佟國綱文引用悖謬公坐不詳審更正議降調得 旨罷禮部尚書仍管翰林院詹事府三十年教習庶吉士明年復禮部尚書兼管翰詹如故先後充 國史方畧一統志淵鑿類函政治典訓總裁官三十六年與熊尚書賜履同爲會試正考官尋乞休 溫旨慰畱疏辭兼管翰詹 允之三十八年拜文華殿大學士兼禮部尚書公少清貧癸丑分校禮闈家人猶經旬乏食姚夫人撈得麪數斗遂舉家食麪湯將一月其泄官隨地自盡不務表襮不列密事不許人過失汲引人才如不及然有所薦舉終不使其人知以是所居無赫赫名及觀南書房記注然後知公在講筵凡生民利病四方水旱知無不言造膝前

席多社稷大計

聖祖嘗語執政張英老成敬慎終始不渝有古大臣風然則公之立身與所以自結於

上者居可知矣公爲人忠實無畦畛外和內剛一私不染白同官及後進之士皆傾心相嚮公退惟手一編蒔花鼓琴自娛雜寶不敢至其家居族黨鄰鄰下逮穢獲皆得其和雖好僉小人無所寄怨惡用此知與不知皆推爲鉅德長者然性實介特義所不可雖威重不能奪與物無忤而黑白較然自壯盛卽有田園之思作芙蓉雙溪圖記屢見諸詩歌往往流連不已

上亦曲鑒焉四十年冬請告 優詔許致仕瀕行 賜宴暢春

國朝先正事畧 卷七

名臣

三

園 諭部令沿途馳驛毋限常額公致政後嘯詠於林泉者凡七年自言生平無他嗜好惟酷好看山及種樹著恆產瑣言聰訓齋語諄諄以務本力田隨分知足爲誠先是 御書篤素堂額 賜公名所著曰篤素堂文集又著易書衷論二十卷四十四年

聖祖南巡迎 駕淮安疊拜 御書謙益堂葆靜齋額并聯幅

畫卷白金之 賜隨 駕至江甯

上將返蹕以在籍臣庶攀轡 命畱一日公復奏請得 旨念老臣懇求諄切許再畱一日啟行四十六年迎 駕清江浦仍扈蹕江甯 賜御書對聯世恩堂額及書藉人菴亦允公奏請

留一日四十七年九月薨年七十有二遺疏至
上震悼。優詔議卹。賜祭葬加等。諡曰文端。

世宗御極有甘盤舊學之思。贈太子太傅。賜額曰師模如
在。又曰忠純貽範。雍正八年。詔入祀賢良祠。子廷瓚字占臣。

康熙十八年己未進士。累官少詹事。文行為館閣推重。己卯與
試山東。與同事先矢於神所拔皆宿學士。乙亥六月廷瓚任侍
讀學士。

上召翰詹八人至暢春園。賜宴。賜扇。文端及廷瓚皆與焉。

又兩。賜御書額曰玉堂。曰傳恭堂。先文端公卒。廷玉官太保。

大學士自有傳。廷瓚字藥齋。康熙五十七年一甲二名。賜進

國朝先正事略 卷七 各臣

三

士及第。授編修。雍正元年典福建鄉試。累遷侍講學士。督河南
學政。以封邱生員罷考。事落職。尋授侍講。擢祭酒。疏請。救將
軍提鎮。轉飭所屬將弁。每朔望集兵丁。宣講。

聖諭廣訓。從之。遷詹事。七年督江蘇學政。十年典浙江鄉試。十
一年擢禮部侍郎。再督江蘇學政。會文端公入祀賢良祠。諭

祭於家。命廷瓚就任。所回籍舉。襄典禮。乾隆元年開博學鴻
詞科。拔劉文定公綸為第一人。廷瓚所薦也。六年典浙江鄉試。

九年自陳年老。予告歸。明年卒。廷瓚字桓臣。雍正元年進士。
由編修累遷侍講學士。晉詹事。乾隆元年遷工部右侍郎。充會

試副考官。初在翰林。嘗充日講起居注官。起居注向無條例。所

司繁簡。任意允漏。不稱史體。廷瓚精思為之。在館十餘年。編
詳贍稱。旨雖擢侍郎。仍兼起居注官。事本朝官。不為翰林。而

仍職記注者。獨廷瓚為然。五年提督江蘇學政。九年調補內閣
學士。兼禮部侍郎。典試江西。十一年乞病歸。性誠篤。細微必慎。

每當入朝。自書職名。讀之曰某官。張某又屈指計之曰幾字。視
紙上三四而後敢出。督學試士日。公服竟日。雖燕處不脫人間

之曰取士國典也。敢忘共乎。既告歸。則益以舊德篤行。自守。其
自奉甚陋。或人所不堪。雖其家人皆竊笑之。然至族黨有緩急

出千百金不吝也。未嘗私受人一錢。門生某巡撫江西。過桐城。
奉數百金為壽。曰吾幸足衣食。安用金為。又有餽履者。曰吾生

國朝先正事略 卷七 各臣

三

平無病焉。用此其乞歸也。兩兄皆先後請告。而廷瓚最後歿。

上聞顧謂左右曰張廷瓚兄弟皆舊臣賢者。今盡矣。安可得也。
因歎息久之。其卒以乾隆二十有九年。年八十有四。廷瓚子若

需官翰林院侍講。若需子曾做官。至少詹事。桐城張氏四世皆
為日講起居注官。而曾做尤講正體例。能繼桓臣侍郎之業。掌

院劉文正公嘗歎異之。俾獨任一館之事。云廷瓚子若需康熙
戊子舉人。任嚴州同知。攝義烏篆。捐金造東門。迤橋。邑人名張

公橋。建祠橋側。祀之。遷梧州知府。有異政。擢鹽驛副使。卒官。
特贈按察使銜。雍正九年祀廣西名宦。

李文貞公事略 弟光坡 鼎發 光型 子鍾倫 鍾佐 孫子天寵 鏡橋等

公諱光地字晉卿福建安縣人祖先春字克建年十二父以非辜陷縲絏詣郡哀訴守奇之立出其父山寇肆掠傾囊贖難民全活甚眾南安洪氏女陷賊以重賂贖回復以計脫其父歲大饑設法賑濟賊圍其寨力戰得全義俠聞鄉里父兆慶字賴甫明諸生性至孝究心程朱之學順治十二年避難山岩中全家十二人被賊虜獨兆慶得脫其兄日燦自遠歸慷慨詣賊乞釋此十二人賊義之具飲食慰遺然故弗釋也明年夏日燦募壯卒合家童百人夜緣山背上路峭險登者才二十八人吹螺劫賊帳會天大霧不辨眾寡賊大驚奔竄出其季弟弟子二人餘

國朝先正事略 卷七 名臣

三

紫他山不能得賊徵其黨萬餘來日燦用百人守險日與戰自夏至秋大小百餘合賊散走盡十人者先後歸而公與其弟實殿公以康熙三年試策論舉於鄉九年成進士選庶吉士授編修十二年分校會試尋乞假歸十三年耿精忠反海賊鄭錦踞泉州公奉親匿山谷間錦精忠並遣人招之以死固拒十四年夏密疏陳破賊機宜言閩疆編小自二賊割據以來誅求鞭朴民力已盡賊勢亦窮南來大兵宜急攻不可假以歲月恐生它變方今耿逆悉力於仙霞杉關鄭賊并命於漳潮之界惟汀州小路與贛州接壤賊所置守禦不過千百疲卒竊聞大兵南來皆於賊兵多處塵戰而不知出奇以搆其虛非計也宜因賊防

之疎選精兵萬人或五六千人詐為入廣之兵由贛達汀為程七八日耳二賊聞急趨救非月餘不至則我軍入閩久矣大軍果從小路橫貫其腹則三路之賊不戰自潰乞 密勅令兵官偵謀虛實隨機進取仍恐小路崎嶇更使鄉兵在大兵之前步兵又在馬兵之前庶幾萬全可必勝置疏蠟丸中遣使聞道赴京因內閣學士富鴻基上之奏入

聖祖嘉公忠下兵部錄其疏令領兵王大臣知之時廣東叛亂大兵防守贛州南安未能入閩會康親王傑書自衢州克仙霞關復建甯延平精忠降康親王駐師福州台都統拉哈達賴塔等進剿海賊並訪問公十六年正月拉哈達復泉州遣人往宣

國朝先正事略 卷七 名臣

三

諭公就見拉哈達於漳州康親王疏言光地矢志為 國顯沛不渝宜 予褒揚下部議敘授侍講學士行至福州丁父憂歸十七年閏三月同安賊蔡寅結眾萬餘掠安縣公募鄉兵百餘人扼守城諸鄉毋資賊糧賊飢解去六月鄭錦遣偽總統劉國軒等陷海澄漳平同安惠安諸縣犯泉州斷萬安江東二橋南北援絕泉人恟懼公道善泗者從水關入令堅守待援時拉哈達駐漳州公道使告急值江水漲道阻乃導之由漳平安縣小路公叔父日煜率鄉兵百餘度石珠嶺開州棘架木橋以濟公出迎十里外具糧饌牲牛犒軍又使弟光垵光垠以鄉兵千度白鶴嶺迎巡撫吳興祚軍於永春大兵達泉州大破賊賊走人

海拉哈達上其功。再下部議敘。遷翰林學士。公上疏推功將帥。辭。新命不允。日焜後積功官至永州鎮總兵。御書方重醜。深額。賜之。十九年。公至京。授內閣學士。因面對言。鄭錦已死。子克塽幼弱。部下爭權。宜急取之。又言內大臣施琅習海上形勢。知兵可重任。

聖祖用公言。卒平臺灣。復疏言。編修陳夢雷當耿逆之變。有七旬。父母不能脫逃。致被逼脅。夢雷雖陷賊中。托病支吾。受臣密約。圖反正。請賞其從逆之辜。既法司坐夢雷斬。詔從寬免死。閏八月。

聖祖命公奏進家居所著文字。公彙其讀書筆錄及論學文字。國朝先正事略 卷七 各臣 三

為一卷。敘而進之。畧言道之與治。古者出於一。後世出於二。孟子敘堯舜以來。至於文王。率五百年而統一。續此道與治之出於一者也。自孔子後。五百年而至建武。建武五百年而至貞觀。貞觀五百年而至南渡。夫東漢風俗一變。至道貞觀治效。幾於成康。然律以純王。不能無愧。孔子之生。東遷。朱子之在南渡。天蓋付以斯道。而時不逢此道。與治之出於二者也。自朱子以來。至我。

皇上又五百歲。應王者之期。躬聖賢之學。天其殆將復啓堯舜之運。而道與治之統。復合乎臣。雖無知。或者得依附。末光而聞大道之要。蓋隱然以見。知自任矣。二十一年。乞假送母歸里。二

十五年至京。補前官。尋授掌院學士。直經筵。二十六年。以母病。乞歸省。命應缺以待。二十七年夏。至京。時值。

孝莊文皇后喪。禮部劾公在涂。遷延。弗及叩梓宮。請下吏部議。議降五級。得旨。勿問。初。公嘗奏侍讀學士。德格勒有學行。善占易。而德格勒亦稱公有文武才。宜膺封疆。重壽會天早。

聖祖命德格勒撰著。因面諭大學士明珠。過失。珠聞而大惡之。尋有言德格勒與同官誹議朝政者。

聖祖召試諸廷臣。德格勒以文劣。削五級。畱任。尋又以私抹起。居注為掌院。庫呼納所劾。下刑部議罪。有旨以前奏詰公。公

國朝先正事略 卷七 各臣 三

引罪乞處分。得旨。從寬免罪。九月。典武會試。二十八年。改通政使。擢兵部右侍郎。三十年。充會試副考官。九月。偕侍郎博爾。徐廷璽。河道總督靳輔。往江南視河工。二十三年。提督順天學政。四月。聞母喪。有旨。令在任守制。公請給假九月。回籍治喪。不允。給事中彭鵬劾公志親貪位。請令解任。俾在京守制。下九卿議。如鵬請。服闋。仍督順天學政。二十六年。遷工部左侍郎。督學如故。二十七年。授直隸巡撫。公在官。以清勤自勵。郵民隱。尤盡心於農田水利。二十八年。詔以漳水與滹沱合。易泛濫。其導漳河。由運達海。以分滹沱之勢。公疏言。漳河現分為二。一支自大名經魏元城。至山東館陶。入衛。歸運。一支名老漳河。自山

東邱縣經南宮及青縣與完固口合至鮑家嘴歸運一支名小
濟河自邱縣經廣宗鉅鹿合於滏。又經東鹿冀州合於滹沱。田
衡水出完固口復分為兩支。小支與老漳河合流而歸運。大支
經河間大城靜海入子牙河而歸淀。今入衛之河與老漳河流
淺而弱。宜疏濬其完固小支。應築隄逼水入河以達於運。更於
靜海閘閘二莊挑土築隄。東水歸淀。俾無汎濫。報可。次第訖工。
因奏霸州永清宛平良鄉固安高陽獻縣濬新河。占民田百三
十九頃。請豁其賦額。從之。三十九年。疏定清釐虧空之法。又應
詔條上科場事宜三則。學政事宜四則。均下部議行時。

國朝先正事畧 卷七 各臣

各臣

三

臨相視發帑金。命公於獻河兩岸築長隄。西接大城。東接靜
海。亘二百餘里。又於廣福樓之焦家口開新河。引水入淀。由是
下流益暢。無水災。公以隄工既成。請開諸州縣水田。引漳滏漳
沱。大陸諸水。資灌溉。薦同知許天馥為河間知府。司其役。從之。
畿屬固有八旗牧地。與民田相錯。歲久。民多占牧為田。方奉部
牒按驗。公令民自首者。按則輸糧。而免其隱漏罪。其隙地願耕
者。聽民便之。明年。修永定河工。自郭家務至柳全口。開河築隄。
四十一年。飭所屬州縣。廣興水利。近山者。導泉通溝。近河者。引
流。釀渠去水。遠者鑿井。溉田。其水道應修濬者。俱借帑興工。四
十二年。聖書褒美。擢吏部尚書。巡撫如故。是年冬。以畿輔被

水。請發倉賑貸。命富人出粟平糶。明年。給事中黃鼎稱湯右曾
許志進。宋駿業。王原等合疏劾公。撫綏無術。致河間饑民散入
京城。又匿甯津縣災。疏下。公回奏。公言。知縣陳大經報災不時。
已劾罷。至民有流離。臣不敢辭咎。請從重處分。詔原之。再疏
辭尚書。不許。四十四年。疏劾前任雲南布政使張霖。假稱。詔
旨。鬻私鹽。得銀百六十萬兩。得旨。即令公審擬。霖論斬。籍沒。
十一月。授文淵閣大學士。時
聖祖臨御久日。潛心六藝之文。河圖象數之學。下逮濂洛關閩。
書旁及歷算聲音之道。反覆研索。由源達流。公故篤信程朱。因
以上窺義文之秘。所奏進文字發舒心得。

國朝先正事畧 卷七 各臣

各臣

三

聖祖未嘗不稱善。凡御纂朱子全書。及羣經性理諸編。多
命公參訂。中有滄賸。往復陳請。不倦。親承指授。所造益深。
聖祖嘗詔廷臣。知光地者。莫若朕。知朕者。亦莫若光。地嗚呼。豈
偶然哉。然公自初入朝。即中立畏遠。權勢其後。位益高。忌者益
眾。凡公所稱薦。多見排擠。因以憾公。撫直隸時。御史呂履恆劾
公。任意斷獄。
上察其誣。還其奏。給事中王原。劾文選郎陳汝弼受贓。法司論
絞。汝弼公所薦也。
上察知供證非實。下廷臣確核。得刑訊。選人逼供。行賄。狀汝弼
免罪。承讞官降黜。有差。原以囑託私書為汝弼舉首。削職。公恐

啟門戶之禍益慎重寡言其有獻納罕見於章奏獨與公共事內廷者時能道之

聖祖嘗召編修沈宗敬命作行楷書因傳諭公曰朕初學書宗敬之父荃實侍每下筆即指其病兼析所由至今每作書未嘗不思荃之勤也公因奏對曰此即成湯改過不吝之心也苟自是而惡直言則無由自鏡矣四十七年冬

上以廢皇太子狂疾漸愈欲復立之命諸大臣集議保奏時尚書王鴻緒附和內大臣阿靈阿等保奏皇八子允禩上切責之諭公曰爾今何無一言公奏前者

皇上問臣廢太子病宜如何醫治臣曾奏徐徐調理天下之福國朝先正事畧 卷七 名臣 奏

臣未嘗告諸人也每內閣奏事畢獨留公南書房暇則召入便殿語移時

上嘗問近臣民情若何公對曰方三藩播亂民心搖搖未知所歸今

上恩德顯信於天下矣往歲閩中旱荒羣吏不能體

上意所發帑粟多乾沒民饑且死獨歸怨於有司而鮮不信

上之志在矜恤者嗣問礦事公請著令止土著貧民無產業者許人持一鈔以往而越境者有誅則姦民不致聚徒山澤以生事端矣議遂定一時大豪輩金謀首事者皆齧指自悔先是江甯知府陳鵬年為總督阿山所劾問重辟無何

上問及江督公言阿山勤敏其犯清議獨劾陳鵬年一事耳於是鵬年遂內召兩江總督噶禮與巡撫張伯行互糾遣大臣往訊獄久不決

上忽罷噶禮復伯行官公實贊之語秘世莫能詳戴名世以南山集下獄

上震怒吏議身礫族夷集中掛名者皆死他日上言汪霽死無能古文者公曰惟戴名世案內方苞能叩其次即以此名世對左右聞者無不代公股栗而

上亦不以此罪公已而苞得釋且召入南書房公之護持善類因事設辭以迪 聖聰皆此類也公柄用時所夕入對

國朝先正事畧 卷七 名臣 奏

上所誦度惟尚書周易及朱子之書而一時海內所號為廉吏無論公所習與否皆得安其位焉四十八年典會試五十年以疾乞休辭甚切 報曰覽卿所奏朕心慘然當時舊臣如卿等

者不過一二人今朕亦老矣實不忍言也五十四年六月再疏乞休且以母喪未葬為言 優詔許假二年 賜詩寵其行明年三月 詔促公以是冬赴京且云南方暑溼善自保荔枝性

極熱母多喫也五十六年四月還朝明年三月摺以老病乞休聖祖以大學士王揆在告俟其還具疏請五月薨於位年七十有七 駕在熱河降 詔憫悼遣恆親王率內大臣奠茶酒

賜銀千兩令工部尚書徐元夢護其喪 櫬歸復遣 皇子臨送

子祭葬。諡曰文貞。雍正元年。追贈太子太傅。十年。入祀賢良祠。公平生釋經之書。甚具其言。曰。茂訓。誥者。無師。滯章句者。無得。故學。以能擇為先。其於程朱之說。篤信之。而時有異同論。大學。宜還古本。而以知本為格物第一義。易兼綜象數。禮兼采大戴。記。論。子雲。仲淹。書有格言。節取焉可也。康節象山。所造高明。慎。師焉可也。知言者以為然。公門下士。揚名時。李紱。陳鵬年。趙申。喬。冉。觀。祖。蔡。世。遠。並以德望重於時。它若張昺。張瑗。惠士奇。秦。道然。王蘭生。何焯。莊亨陽之徒。類有清節。通經能文章。故本。朝諸鉅公。稱善青材者。必以公為首焉。所著有周易通論。周易。觀象大指。尚書解義。洪範說。詩所孝經全註。古樂經大學古本。

國朝先正事畧 卷七 名臣

三

說中庸章段中庸餘論論語孟子劄記離騷經註參同契註握。奇經註陰符經註歷象本要二程遺書朱子語類四纂韓子粹。言古文精藻榕村語錄榕村講授榕村制藝榕村全集行於世。長子鍾倫字世得康熙癸酉舉人性至孝治經史性理旁及諸。子百家熟貫而析其義志氣卓然復從其叔父相卿治三禮於。周官戴禮尤精卒年四十有四著周禮訓纂二十一卷皆標舉。要義簡明質實不以考辨為長其家學然也世得子清藻字信。侯少遊徐壇長何此瞻之門學博而醇康熙丁酉舉人已未舉。鴻博尋知興國縣決獄平允以勞卒官為文踴厲風發於歷代。典章制度沿革莫不切究尤精於音學書法著有經史新記壁。

經梅書辨贗及文集次子清馥質厚安雅其氣度於文貞為近。由任子官郎中出為大名知府以廉正著稱。次子鍾佐字世諧年十三張文貞公見其文大奇之曰吾畏友。也尋補諸生精中西歷算法指陳根裔千支萬湊不可胚胎皆。能冥悟其子清植字穆亭雍正甲辰進士由編修官至禮部侍。郎清植子宗文字郁齋乾隆戊辰進士亦由編修官禮部侍郎。典試廣東陝西江南督學河南順天皆稱職能傳其家學。弟光坡字和卿性至孝父病篤炷香熟掌禱於天果愈家居不。仕潛心經學著二禮述注六十九卷光垣以軍功授通判光垣。官左都督。

國朝先正事畧 卷七 名臣

三

季弟鼎徵康熙庚申舉人戶部主事鼎徵子天寵字世來號鑑。堂康熙乙未進士官編修生平勵節操邃於經學在史館二十。年與弟鍾僑鍾旺相依以注經講道為業皆不取室人自隨子。清時乾隆壬戌進士由編修官山東運河道鍾僑字世邠號抑。亭康熙壬辰進士官編修天性孝友嗜學能文章閉戶窮經術。嘗兩校順天鄉試典試雲南視學江西以實行課士高安朱文。端每日百年中無或並也左遷國子監丞著有論語孟子講蒙。十卷詩經測義十卷易解八卷尚書周官皆有說子清載清江。清芳清愷能世其家學清載雍正庚戌進士兵部主事官知府。清江雍正癸卯舉人為文援筆自書頃刻千百言奇趣天溢莫。

一第... 續修四庫全書 第 2 版 亥內

能窮其巧。清芳乾隆丙辰進士。由編修歷官兵部侍郎。清愷雍正乙卯舉人。均以文名。鍾旺字世黃。鼎徵三子也。康熙戊子舉人。考授中書潛心洛閩之學。以薦充性理精義纂修官。著有憶訓錄。重申錄。周官劄記。諸經雜解等書。

同堂弟光型字儀卿。少問學於公。研究有心得。雍正丙午舉人。癸丑詔舉理學朝臣。以儀卿薦。特賜進士。官彰德同知。有循聲。改刑部主事。充律呂館三禮館纂修。著有崇雅堂文集。臺灣私議。趨庭錄。光北字上卿。康熙戊午舉人。官教諭。精春秋內外傳。著有春王正月辨及伏函文集。

國朝先正事畧

卷七 名臣

完

傅清端公事畧

公諱傅臘塔。姓伊爾根覺羅氏。滿洲鑲黃旗人。康熙九年由筆帖式授內閣中書。遷內閣侍讀。擢御史。時海寇未平。福建提督萬正色以總兵吳定方等攻奪賊船。擒賊十二人。疏請議敘。部議以所獲有本汛好人出境貿易者不允所請。公疏言不議敘官弁。恐巡緝懈怠。且有受賄隱縱諸弊。非所以安民弭盜。請救部酌定章程。得旨。奸民山海貿易。情罪重。其本汛擊獲者亦應議敘。著為令。二十五年授陝西布政使。明年內擢副都御史。遷工部侍郎。尋以商人採輸柁木工部監收遲延。議降調。上念公在部未久。寬免之。二十七年二月。命同侍郎多奇往

國朝先正事畧

卷七 名臣

罕

雲南按提督萬正色與總兵王珍互訐事。既啟行。調吏部侍郎。四月授兩江總督。公至滇。鞠訊得實。正色珍均論罪。有差八月。公陞辭。諭曰。爾此行當潔己奉公。前任兩江總督無如于成龍者。爾效其所行可矣。公抵任。薦賢能。斥貪墨。獄獄明慎。摘伏如神。請免江甯號房蓬塔地租銀八千兩。先是贛縣民控告知縣劉瀚芳私征銀米十餘萬。並蠶役不法事。總督董納發司道集勘。公至。劾布政使多宏安。按察使吳延貴。贛南道鍾有德於吏役婪贓事。不即勘鞫。復從輕定擬。曲為庇護。請敕部嚴擬多宏安及延貴。有德並罷任。二十八日。上南巡。諭江浙為人文之地。學額應加增。下督撫詳議。公議

就大中小各學取入原額。每二名加增一名。二十九年春。淮徐所屬饑。公先發常平倉積穀賑恤。入奏稱。旨。五月疏劾大學士徐元文原任尚書徐乾學。縱子弟爭利害民。巡撫洪之傑徇私袒庇事。得旨免究劾款。令元文休致。回籍。沅陽縣民周廷鑑叩關。訟降職侍郎胡簡敬佔產誣良。及巡撫洪之傑賄徇狀。公奉命勘鞫得實。簡敬及其子弟治罪有差。之傑免。先是給事中何楷奏定科舉額數。部議每中額一名。準生員六十名。應試。是年八月。公署巡撫。監臨鄉試。入場時。諸生千百成羣。以未得預試。環訴而泣。公以定額未敢私增。慰諭散去。明年。疏言江南士子。每科應試者萬餘人。今限以額數。驟減三分之二。多

國朝先正事畧

卷七

名臣

聖

士擔囊負笈而來。不獲一展所長。殊深憫惜。請廣增科舉額。俾益加砥礪。以副作人之化。疏下部議。增六十名為百名。三十二年。廣東巡撫江有良與巡鹽太常少卿沙拜互訐。命公往察勘。得受贓不法各狀。有良沙拜俱削籍。三十三年。疏言淮揚所屬多版荒田。撫臣宋犖曾疏請緩征。格於議。臣履畝詳勘。鹽城高郵等州縣。因遇水災。業戶逋逃者眾。今田有涸出之名。人無耕種之實。小民積困之餘。熟田額糧尚多。懸欠何能代賠。盈萬之荒賦。倘拘責地保里鄰。逃亡益多。是使熟田盡變荒田。於國課毫無裨益。請恩賜蠲除。則逃戶聞風。懷歸安居樂業矣。部議不許。

上特諭曰。糧從地出。地為水浸。若征錢糧。則於民甚苦。其令免征。閏五月薨於位。遺疏上。詔稱其廉潔自持。實心奉職。懋著勤勞。命從優議卹。復諭閣臣曰。兩江總督。若官善者。自于成龍以來。惟傅臘塔一人。能和而不流。不畏權勢。愛恤軍民。深副朝廷委任之意。特遣太僕卿楊舒赴江甯。致祭。傳諭江南官民曰。爾等悲感傷痛。朕亦聞知。向來外官。濫逝從來。未有此遣祭之例也。部議賜祭葬。復命加祭一次。贈太子太保。謚清端。子騎都尉世職。子雙喜襲。兩江士民為建祠。江甯四十四年。駕幸江甯。經雨花臺。上指其祠曰。傅臘塔居官甚優。大有氣節。人雖被劾。無怨者。

國朝先正事畧

卷七

名臣

聖

特賜額曰。兩江遺愛。雍正十年入祀賢良祠。

阿文清公事畧 子文恭公富甯安

公諱阿蘭泰。姓富察氏。滿洲鑲藍旗人。由筆帖式累遷郎中。康熙十九年。議政王大臣等。疏薦公。練習部務。自吳三桂叛後。專司軍機。文檄日夕。勤勞詳慎。無誤得旨。以三品卿用。明年擢光祿卿。遷內閣學士。又明年。充方畧館副總裁。兼明史總裁。教習庶吉士。二十二年。擢兵部侍郎。兼管佐領。

上欲釐定戶部。致鑄章程。察除積弊。特命公及侍郎陳廷敬。副都御史馬世濟。管理錢法。二十五年夏。擢左都御史。十一月。上閱平定三逆。方畧論贊多舛錯。諭閣臣曰。平逆始末。阿蘭泰知之甚詳。可令酌改。務期紀事得實。二十六年。遷工部尚書。

國朝先正事畧 卷七 名臣

四三

以商人採輸柁木。監收遲延。部臣並坐降調。

上念公任事未久。貸之。二十七年。調兵部尚書。尋調吏部。二十八年閏三月。

上以雨澤愆期。命公同尚書徐元文。慮囚奏減罪。可矜疑者四十五人。甘霖即沛。四月。充三朝國史總裁。五月。擢武英殿大學士。三十一年。陝西饑。公遵諭。同河道總督靳輔。議運江淮糧米。自黃河派西安。以備積儲。明年。噶爾丹侵擾哈密。上飭令預備。公與內大臣索額圖等。議增撥京兵一千。及陝西兵三千。付提督孫思克。相機勦禦。三十三年。復議噶爾丹逼近圖拉。請遣右衛駐守大臣費揚古。郎坦等。往勦。尋以逆酋遠遁。

奏撤塞外新增驛站。詔費揚古還軍歸化。郎坦兵亦罷。明年。上出古北口。巡歷塞外。命公司留鑰。綜理章奏。三十五年二月。

上親征噶爾丹於克魯倫河。公仍留京。與尚書馬齊。佛倫。直宿禁城。特諭公曰。朕巡行後。蒙古事情。及一切章奏。爾可閱視。奏聞。九月。隨駕出歸化城。駐蹕黃河西界。經理軍務。十月。以扈從勞。賜內廐馬。奉命赴右衛。郵賞隨征官兵。奏免各軍借支銀兩。俱稱旨。三十六年。充平定朔漠方畧總裁。官八月。噶爾丹之合吉丹濟拉來降。上駐蹕翰特穆爾嶺。御帳幄屏左右。召丹濟拉入見。公引

國朝先正事畧 卷七 名臣

四四

郎中阿爾法。隨入侍。

上命之出。及丹濟拉退。召公諭曰。爾偕降人入。以防不測。此意甚善。朕令爾出。欲推誠以示不疑耳。二十七年。公與人學士伊桑阿。均以年老善忘。奏辭閣務。

上曰。大學士最為重任。必公正和平。任事謹慎者。方稱職。至於記事。學士可分任之。三十八年夏。因伊公乞休。諭公曰。爾與伊桑阿。自任閣務以來。凡事推誠。布公不惟朕知之。天下無不知者。雖以年老罷。朕不忍令去也。九月。病劇。上欲臨視。遣皇子先往。而公已薨矣。

上報朝一日。賜銀二千兩。皇子及內人臣奠爵。諭曰。

阿蘭泰存心端誠。持守廉潔。宜力年久。懋著勤勞。可贈少保兼太子太保。子祭葬如典禮。諡文清。四十六年冬。上與大學士馬齊。評論內閣舊臣。稱公能強記。且善於辦事。云。雍正十年。詔祀賢良祠。

子富甯安。初襲騎都尉。由副都統遷倉場侍郎。晉左都御史。吏禮二部尚書。兼八旗公庫事務。清聲著聞。康熙五十四年。策妄阿喇布坦。侵我哈密。命馳驛赴西甯視師。總統調度。五十六年。授靖逆將軍。駐巴里坤。命同振武將軍傅爾丹。副將軍那里德。分界覘賊情形。即親率兵襲擊。準噶爾邊界。屢敗賊眾。於皮禪城。俘斬甚眾。阿克薩爾坦等。俱率眾迎降。進屯烏魯木齊。

國朝先正事畧 卷七 各臣 聖

賊避不敢犯。五十九年。進兵烏爾烏蘇。遣將分道襲擊。擒賊哈卒。奪馬百餘。破其所踞山隘。獲其台吉。俘斬百餘人。別遣將諭降。闕展城。回人進擊。吐魯番降。其酋長獲馬駝甚多。疏請率所部萬七千人。各持三月糧。分兩路進剿。詔傅爾丹濟師三千。併其軍。明年有旨。暫停進剿。時策妄阿喇布坦。遷其所屬吐魯番回人而行。回人多不願往。中道遁回。且擊敗賊所遣宰桑。赴我軍乞降。富甯安以聞。命率兵二千。赴吐魯番收撫。安插未幾。賊眾來犯。乃遣將率兵四千往援。而自率兵四千進駐伊勒布爾和碩。調遣策應。會官軍屢敗賊眾。賊遠遁。乃還駐巴里坤。疏言嘉峪關外。布隆吉爾之西。為古瓜沙燉煌地。濱河土。

沃。若駐兵屯牧。設總兵官一人。統之。可扼黨色爾騰之路。又疏請。專遣大臣領屯田諸處儲糧事宜。又請以巴里坤牧駝運糧。乘炎熱草盛時。分起領運。免至臨事張皇。上並可其奏。

世宗御極。授武英殿大學士。仍駐巴里坤。管理軍務。雍正三年。賜勅獎諭。并賜帑銀二萬兩。四年冬。還朝。賜御用冠服。並雙眼孔雀翎。黃轡鞍馬。及朝珠銀幣。諭王大臣曰。富甯安任將軍時。一心肅諸務。井井有條。且行止端方。廉潔年來。領兵將軍聲名無出其右者。益彰皇考用人之明。朕實嘉賴焉。其錫世襲侯爵。以示殊異。於是由

國朝先正事畧 卷七 各臣 聖

騎都尉晉一等侯。五月。夏。諭獎其公勤忠實。加太子太傅。管鑲白正紅二旗都統事。是歲。命往西安。署駐防將軍。六年五月。坐苟且推卸。奪世爵。仍留大學士。六月。薨於西安。諭稱其人品端方。操守廉潔。勤慎小心。始終一致。下所司優卹。親歸令陝西督撫料理。所過地方官。均於櫬前奠醴。及抵京。遣郡王及內大臣侍衛奠茶酒。諭賜祭葬。子諡文恭。十年秋。與文清公同入祀賢良祠。

國朝先正事畧卷之八 名臣

平江李元度次青纂

高忠烈公事畧 子其佩 文恪公其位 猶子文良公其

高公諱天爵字君寵漢軍鑲白旗人後以子其位任大學士時改隸鑲黃旗先世居鐵嶺父尚義隨征松山杏山及太原有功子輕車都尉世職公少讀書善騎射慷慨重義順治四年由貢生除知高苑縣躬擐甲捕巨盜謝千等博興縣為賊所陷公夜率眾馳救之賊皆遁走遷知信陽州以經畧洪承疇薦擢長沙知府大兵進攻明桂王公奉檄理軍餉聞父病力請去官十六年再授江西建昌府先是廣昌山賊王昂傅勝等聚眾數千踞

國朝先正事畧 卷八 名臣

羊石滴水二砦為老巢時出劫掠砦勢險峻官軍仰攻輒不利因罷攻招之降王昂傅勝佯就撫仍伺隙煽亂官軍擒之斃於獄餘賊益負固抗拒乃依山立柵困之十八年夏公與巡道張永祺等定計乘風雨交作時分布官軍直搗滴水砦破之進攻羊石砦並截賊去路斬馘千餘傷斃及墮崖死者無算因藉山鑿險以絕後患生擒賊渠幸連升周由義等及王昂之父王尚智所掠丁口悉還其家事聞得優敘在建昌最久多善政康熙十三年遷兩淮鹽運使未行耿精忠據福建叛出兵攻建昌或謂可亟去公慨然曰吾守此土十六年雖受代豈可遽去當殉此城耳時城中將吏多陰從賊公知事不可為乃命其子奉母

從閒道出自跨馬率家僮數十人禦賊萬年橋賊不能越守將

趙印已降賊乘公力戰時從後縛之遂執以入閩累誘降皆不屈繫獄中越歲餘公與副將王進等謀遣千總徐得功出仙霞關請大兵入閩陰結死士為內應謀洩被害時十五年九月四日也 詔贈太僕卿廕一子三十五年福建巡撫卞永譽請以公及福甯總兵吳萬福福州知府王之儀邵武知府張瑞午建甯同知喻三畏邵武同知高舉侯官知縣劉嘉猷尤溪知縣李璵福州城守廖有功等合祀省城西門外得 旨允行四十六年子其佩官浙江溫處道為父請闕額 御書蓋臣義烈額其家祠復請諡 特賜諡曰忠烈雍正四年長子其位官大學士

國朝先正事畧 卷八 名臣

其佩官都統同奏請 諭祭得 旨高天爵捐軀殉難大節可嘉高其位高其佩乃現大學士都統大臣為父請卹甚是可加贈禮部尚書銜追賜卹典七年入祀昭忠祠 其佩字韋之一字且園公第五子也由宿州知州內遷員外郎出為溫處道坐署運使虧鹽課奪官尋開復五十四年補四川永甯道就遷按察使雍正元年內遷光祿卿擢刑部侍郎首都統仍兼刑部侍郎三年夏 命同侍郎史貽直往西川審理年羹堯誣罰茶商私佔鹽窩各款又陝西郃陽縣因私鹽致死無辜八百餘人事皆得實五年坐獄獄失入奪侍郎仍留都統任尋罷其佩天資超逸工詩兼善指頭畫海內珍之

其位字宜之一字體圖初由筆帖式管佐領康熙十三年吳三桂陷湖南順承郡王勒爾錦統師征之其位從征至襄陽會總兵楊來嘉叛命其位率二十騎覘虛實猝遇賊眾二萬人於土地嶺其位出其不意衝突之賊驚潰且斫且馳至南漳入城守禦衣上血模糊刀刃盡缺叛賊譚洪率舟師三萬向鄖陽其位以百人扼楊溪埔賊蜂擁至其位據崖射賊矢無虛發相持七十日糧盡煮馬鞍以食誓必死會副都統李麟擊破賊乃全師歸由是每戰必先登前後給功牌十有二薦擢襄陽總兵五十二年擢湖廣提督賜孔雀翎及橐鞬鞍馬五十六年自陳乞罷諭嘉其和輯兵民聲望素著令供職如故六十年調江

國朝先正事畧卷八 名臣

三

南提督明年特命署兩江總督雍正元年入覲命仍回提督任四月疏請保護

聖躬得旨此奏字句之外實有一片愛君之心發乎至誠非泛泛虛文可比尋疏言松江之泖湖澱湖澄湖港汊紛歧與浙江錯壤與太湖毘連經兩省督撫與臣委官勘議防奸法計松江所屬通船要口百十有三處釘椿立柵以時啟閉官捐工料百姓樂趨事已將次告成手勅報曰權宜措置必無礙商民乃善尋賜御製詩有裨益軍民資偉畧詞調文武在和衷之句二年奏進黃浦漁人所網得雙夔龍紐未刻玉印諭曰此事若出自他人朕不信也卿乃忠實老臣斷不至有捏造虛誕

之舉今賜卿四圍龍補服等物以示嘉悅三年夏世宗諭廷臣曰高其位前署總督時年羹堯奏其年老衰憊兩耳重聽恐貽誤地方及朕即位猶記羹堯之言特召來京陛見觀其入老成忠厚善氣迎人雖已老而精力尚可用即此可見羹堯之險詐也九月拜文淵閣大學士兼禮部尚書加太子少傅公以衰老不勝機務辭弗許四年五月至京改隸鑲黃旗尋乞休諭以跪拜艱難高年常有之事不必遽求退十月公八寸生辰賜匾聯及服食等物白金一千兩十一月復乞休得旨卿宣力年久老成練達及著賢聲是以簡任機務用昭優眷前次乞休朕未忍允今復奏請情詞懇切可原官致仕五年

國朝先正事畧卷八 名臣

四

正月薨命王大臣侍衛奠茶酒賜祭葬如例諡文恪十二年詔入祀賢良祠次子續勳襲世職長子起由任子授茂州知州遷漢中知府荆南道內遷光祿少卿康熙三十一年擢副都統晉兵部右侍郎雍正十三年擢兵部尚書尋以都統銜在雍和宮行走未幾卒

其倬字章之號芙蓉烈公猶子也父廕爵任口北道其倬由康熙三十三年進士選庶吉士乞假歸閉戶讀書數年始就職授檢討

聖祖奇其貌欲試以外事會四川有獄未決命往訊歸上問打箭爐形勢口陳手畫沈詳不煩

上器之。命典試四川。遷中允。侍講。督山西學政。再遷侍講學士。擢內閣學士。五十九年。巡撫廣西。會鄧橫苗叛。單騎入寨。諭以朝廷威德。眾棄刃。羅拜受約束。而還。逾年。擢雲貴總督。土司承襲。向有陋規。吏胥每因文結舛錯。藉端需索。公嚴行禁革。先是。青海。台吉。羅卜藏丹津。肆逆。謀進西藏。公以雲南中甸為進藏咽喉。地請調鶴麗劍川兵。鎮之。聖田。陸涼州。積穀備運。改哀牢土司為流官。苗民蠢動。遣兵迎勦。大小三十二戰。平魯魁。茅洞諸寨。逆渠先後就俘。二年春。青海平。中甸諸番。日攜三千五百戶。繳偽劄。納土歸誠。公疏聞。并條奏中甸善後事宜五則。魯魁山善後事宜九則。

國朝先正事畧 卷八 名臣

五

上嘉其妥協。璽書褒美。賞騎都尉世職。尋勦平貴州狝家苗叛。會阿近等。諭部優敘。復條奏貴州苗疆事宜八則。下部議行。三年。加兵部尚書。太子少傅。十月。調閩浙總督。瀕行。奏請豁除雲南鶴慶府。鄧州。嵩明。騰越。三州。六和浪。寄二縣。重輸軍賦。允之。行抵浙東。聞福建饑。即請撥溫台倉穀七萬石。運閩平糶。四年。疏陳福興。漳泉等府。地狹人稠。自平定臺灣以來。生齒日繁。無田可耕。勢且流為盜賊。從前海禁過嚴。請弛禁以廣謀生之路。詔下怡親王。會同大學士九卿議行。五年。擒勦臺灣兇番骨宗等二十名。各社相繼歸誠。十年。詔以李衛為浙江總督。命其倬專督福建。六年。條奏福建鹽政事宜四則。部議

從之。又以原任御史蕭震當取逆叛時。與邵武守張瑞午等合謀討賊。事洩被害。妻妾媳婢皆死之。瑞午業蒙卹典。而震獨遺疏請入鄉賢祠致祭。旌其門。詔如所請。七年秋。入覲。賜御製詩。有操懷冰霜功帶礪。匡時重鎖眷良臣之句。八年。晉太子太保。調督兩江。先是。

上以其倬通曉堪輿術。命詣

福陵恭視形勢。工程至是復。命來京。隨怡賢親王相度。萬年吉地於易州之太平峪。諭嘉其悉心籌度。實出於忠愛。至誠。特授輕車都尉。并前所得騎都尉。為三等男。尋署雲貴廣西總督。九年。疏言雲南昭通府四面環山。請委官專辦墾務。定

國朝先正事畧 卷八 名臣

六

為水旱生熟四項。分給兵民。課土各戶墾種。按年收數。還本後。起科輸米。以省兵米運費。下部議行。十一年。命仍回兩江任。會普洱府屬思茅土目刀國興等煽亂。遣將討平之。擒其酋。并賊屬五百餘人。九月。詔以總督銜管江蘇巡撫事。尋坐瞻徇左遷。巡撫十三年。疏劾淮關監督年希堯庇縱玷職黜之。乾隆元年。以疾。召還京。未幾。授湖北巡撫。調湖南。二年。湖南城步綏甯。猺糾黨焚劫。遣將分勦之。賊黨平。命優敘。三年。擢工部尚書。調戶部。十月。薨於寶應舟次。年六十三。遺疏入。優詔悼惜。沿途遣官弁護送回旗。尋。賜祭葬。子諡文良。公揚休玉色。進止嚴重。目不能遠視。無事輒挾。開則精光射人。為人淵深。

凝靜每奏事。天譴褒嘉。或忤旨。且夕禍不測。而公施施如平時。人欲窺公顏。卜主眷盛衰。不可得也。

世宗知公寬不能掖之。使奮代人匿瑕。藏疾至累。及終不悔。然於國憲民瘼。大綱必舉。中外推鍾人長德。無異詞。故雖詔書追責。而封疆重任。十三年如一日。西師大事。必密與謀。青海降會和羅爾邁逃。

上以問公。公奏有之不為多。無不為少。宜撫其不逃者。愧其逃者。

上嘉納焉。孫文定嘉淦。少時殺人報仇。公督學時脫其罪。終身執弟子禮甚恭。李敏達衛任滇藩時。與安南爭鉛厥河。有旨

國朝先正事畧 卷八 名臣

七

切責。公引為已咎。李慚感。次骨。松江提督補熙將之任。

上慮公在江久。不無稗政。命補察劾。旨甚嚴。及抵江。聞眾稱公賢。以實奏。

上曰。補熙不迎合。樸誠可嘉。即擢總漕。嗚呼。公與補皆不可及而。

世宗之神聖。為何如也。所著奏疏十卷。味和堂詩集八卷。公少以詩名。稱一代作手。繼配蔡夫人。綏遠大將軍毓榮女。亦能詩。

甘忠果公事畧 先國治 李典元

甘公文燧。字仲明。其先江西豐城人。後徙遼東。父應魁。從

世祖入關。隸正藍旗漢軍。官至副將。公幼事母至孝。稍長。好讀書。精騎射。負志節。以父廕。讓其弟。由筆帖式擢啟心。郎改大理少卿。康熙二年。遷順天府尹。以法繩下。貴幸家皆斂迹。崇文門稅苛。露章奏之。六年。巡撫直隸。先是郝都憲。惟訥。以督撫親巡屬邑。官吏因緣派累民間。奏罷巡歷例。公疏言。巡撫不巡視所屬。則吏治民隱。無由悉知。如其不賢。則雖坐守會城。而苛屬擾民之事。不一若果賢。必自愛名節。輕騎滅從。纖毫不以累民。而年歲豐歉。民間利病。有司貪廉。悉無遁情。請仍 敕令巡視。但

國朝先正事畧 卷八 名臣

八

申嚴苛擾例。禁疏下部。寢其議。

聖祖特詔。允行。著為令。公單騎巡所部。禁暴郵郵。緝姦除盜。知無不為。疏報。保定。真定。等屬。秋雨為災。請全蠲歲賦。其已征夏稅。流抵來年。部議止。按例減免。特旨全蠲。其已征者。許抵來年之數。公復劾。昌平。順義。懷柔。密雲。文河。各州縣。遲報水災。論如律。七年。擢雲貴總督。奏禁各驛。站於額。役夫。役外。派民協助。時吳三桂。駐雲南。總督駐貴陽。三桂蓄異志。久僭侈。踰法。公持大體。多所裁抑。又以時訓練部兵。申嚴紀律。思制其孽。芽三桂頗憚。公威名。未即發。乃詭報土番。康東入寇。又陰嗾凱里。諸苗煽亂。羽檄交馳。以覘公措置。公料康東無能為。凱里近在肘腋。

先督兵進勦。陣斬賊酋。破其巢。餘黨悉平。旋以進勦康東。師期移檄雲南。而三桂果以康東遠。通告公。以滇疆遼闊。疏請巡視。因徧歷所屬。疏言黔滇山路崎嶇。且多瘴癘。凡官吏卒於任者。請給勘合。由驛歸其櫬。下部議行。十年秋。以疾求罷。溫旨慰。命在任守制。逆苗阿福倡亂。遣兵搗其寨。擒斬之。再疏乞假歸葬。許之。三桂請以總督印交雲南巡撫。署理因假訓練。為名。盡調督標兵赴滇。厚結之。十二年十月。公還貴陽。任事。標兵被煽誘。莫聽調遣。當是時。朝廷方允三桂撤藩之請。三桂期以十一月二十四日起行。陰結黨羽。謀反。先期三日。戕雲南巡撫朱國治。分遣逆黨逼貴陽。公聞變。即遣族弟文燭。貴

國朝先正事略

卷八 名臣

九

疏入告中有云。城存臣存。城亡臣亡。急牒提督李本深。使領兵扼盤江上流。拒賊。適本深以書來。覘公意。中多遁辭。公手書答之。曰。吾輩忠孝自矢。建樹正在今日。倘其同心協力。手足相依。萬一不濟。惟有效張巡。南霽雲。以身殉國。若稍二三。其德遺馨。遺臭千里。臺釐也。而本深與滇撫曹申吉。已從賊。公見諸將吏。無一可與謀者。度貴陽不能守。惟鎮遠地勢險阻。外可號召。荆楚之兵。內可抗拒。黔滇之隘。力過兇鋒。事猶可為。是日。妾盛氏率婦女等七人自經死。公即馳赴鎮遠。至則守將江義已反。戈相待。公揮鞭渡河。抵吉祥寺。義以兵環之。公下馬歎曰。封疆之臣。義死封疆。過此則非黔地矣。整衣冠望闕。再拜。遂自刎死。

年四十有二。子國城。及筆帖式和善雅圖。從死焉。公殉節後。賢聲蜚張。雙目猶視。生氣懷懷。士民見者皆隕涕。遂共殮瘞於寺側。後數年。吳逆既平。黔撫楊公雍建疏。陳公政績及死事狀。得旨優恤。弁允直隸巡撫于公成龍。請遣其長子宣化。同知國均。迎櫬至京。至之日。

上遣大臣迎奠。盧溝橋。贈兵部尚書。賜祭葬如禮。予諡忠果。詔立碑表其墓。廕子國璧。入監。貴州士民請建專祠於貴陽。御書勁節二字額其祠。雍正初。詔祀昭忠祠。國壁官至雲南巡撫。

朱公國治。漢軍正黃旗人。世居撫順。國初入包衣籍。順治中。

國朝先正事略

卷八 名臣

十

由拔貢。除知固安縣。以政最。再遷霸昌道。入為大理卿。擢江甯巡撫。亡何以憂歸。服闋。起雲南巡撫。康熙十二年。為三桂所執。罵賊不屈。死事。聞。贈戶部侍郎。優詔議卹。命由驛歸櫬。尋賜祭葬。雍正七年。入祀昭忠祠。卹其子孫。令出包衣籍。同時死難者。為雲南按察使李公興元。字若始。直隸遵化人也。以康熙十年。蒞雲南方。正執法。嚴抑藩兵。毋許違禁。取利。及準折民間子女。部民德之。吳逆之變。脅授偽職。不從。杖之下獄。尋安置家化府。拘禁六年。終不屈。與雲南知府高顯辰。同知劉崑。先後遇害。子廕秀。奇秀。從死。卹贈太常卿。廕一子。入監讀書。

傅忠毅公事畧

公姓傅氏諱宏烈字仲謀號竹君江西進賢人父應期明季令廣西鼎革後阻寇不能歸公少負大畧王師定兩廣以人材應募順治十四年總督王國光薦授韶州同知康熙二年遷慶陽知府七年疏陳平西王吳三桂陰謀不軌狀請早為之所部議坐公離間王大臣逮繫論斬

聖祖特旨減辟成梧州十二年冬三桂反廣西將軍孫延齡提督馬雄叛應之遣提督郭懋禛捕公甚急公投水求死懋禛出之送延齡所公以忠孝說延齡且言三桂必敗母與其禍延齡有悔心其妻孔四貞定南王有德女也亦與公言感

國朝先正事畧 卷八 名臣

十一

太皇太后恩不願從賊時吳逆偽黨四布延齡令公往南甯聯絡交趾接應大兵圖反正公因陽附三桂受偽將軍職得出入賊黨中且密約平南王尚可喜共圖恢復十六年春遣人至贛州致書鎮南將軍舒恕言孔四貞不忘國恩孫延齡可招撫狀先是廣西巡撫馬公維鎮為延齡所害朝命麻爾吉督辦廣西軍務公復致書麻公言大兵若速進南安宏烈從韶州策應則兩粵可計日定舒公麻公先後陳奏得旨傳宏烈圖報國恩忠誠懋著可即授廣西巡撫會將軍莽依圖復南安進克南雄抵韶州公迎見拜巡撫之命疏言逆賊吳三桂蓄謀不軌臣首發其奸廷臣惟恐激變凡俱詞涉三桂一字不錄臣憤

激願死自引罪蒙特恩免死安置梧州嗣三桂反廣西布政使李迎春等苦勸臣從臣憤不欲生自投江水誓為厲鬼殺賊

漂流十里遇救不死因思不入虎穴焉得虎子乃投身賊地從中反閒又假他事赴南甯入思州泗城廣南富川諸土司及交趾界聯絡義勇助平南王尚可喜軍可喜病篤猶執手相勸令速復肇慶遂與其子之信合謀討賊擊敗偽將軍楊鎮邦偽總兵古元隆等乃得由龍南達贛州歸命朝廷以展夙志三桂自聞肇慶規復百計欲殺臣而終不得遂計者隨臣義勇五千人實賴其力請雷為援勦營量給糧餉馬匹並請勅尚之信遣兵合勦得旨覽奏詞意忠懇可加授撫蠻滅寇將軍廣西

國朝先正事畧 卷八 名臣

十二

巡撫如故尚之信速遣所屬官兵與傅宏烈同定廣西並命總督金光祖給銀十萬兩俟秋涼再發馬匹尋命戶部加撥銀十萬解赴軍前公率兵敗賊於韶州擒斬偽總兵王雲龍等遂進征廣西擊走偽將軍趙天元復梧州分遣總兵曾大熾等攻克昭平賀縣又招降鬱林州博白北流陸川興業等縣賊眾會逆黨復犯梧州公遣總兵楊國泰等水陸夾擊陣斬偽總兵張元乘勝復潯州尋遣知府劉曉寰疏縷陳進勦機宜諭獎公謀畧優長忠貞夙篤恢復梧潯等處屢奏膚功覽所奏進勦檄宜矢志滅賊深堪嘉尚可加太子太保所屬將吏同心報國其各加敘一級初馬雄之叛也公家屬百餘人盡陷賊中叛逆

李迎春執送吳三桂與總兵楊國泰及諸將士家屬並遇害至是公疏聞。諭獎其爲國忘家。下所司優恤。時馬雄方踞柳州。三桂逆黨分踞平樂南甯橫州。勢張甚。公欲借尙之信兵力。共取平樂。乘孫延齡已謀歸順。赴桂林駐守。請勅之信遣兵繼進。之信以防守廣東爲辭。公向借大礮及營馬皆不應。三桂知延齡不附己。遣其從孫世琮及賊將馬寶等掠桂林。給延齡出城殺之。旋陷平樂。伺公方赴南甯。招撫土司遂襲梧州。公移師擊斬賊乃遁。十七年。與將軍莽依圖進圍平樂。賊水陸抗拒。我兵失利。退保中山鎮。莽奏公所部先卸江水泛漲。孤軍難久。畱公奏莽公所部不相應。援仍自請議罪。

國朝先正事畧 卷八 名臣

三

上諭王大臣曰。傅宏烈所領官兵。從未支領。奉餉奮勇收復諸路。嗣以規取黔滇。請發大軍並進。因令莽依圖協力進取。不意莽依圖抵平樂。藉口綠旗兵失陷。退至賀縣。又稱糧乏。退保梧州。致傅宏烈所復城池盡棄。與賊其嚴飭痛改前非。以圖後効。公尋奏戰守事宜。諭曰。覽所奏安人心。固內地。勦賊之策。悉備其勉爲之。尋疏報勦賊容縣之西山大捷。復北流縣。五月。疏報借都統貝勒等率兵自北流陸川博白進勦。斬偽總兵梁子玉等。復鬱林州。及興業陸博白等縣。又疏報招降偽總兵何興及所部萬餘人。均下部議敘。六月。賊兵數萬渡左江。我兵與戰。失利。退守藤縣。十月。賊併力來犯。藤縣失守。遂逼梧州。十八年。

五月。吳世琮犯梧州。公分佈水陸官兵奮力夾擊。殲賊二千。有奇。世琮棄營遁。遂遣總兵譚昇等復藤縣。進定平樂。桂林並招諭偽總兵王定邦等五人。各率所部降。時賊將范齊韓等尙踞粵西。公遣游擊鄧林材會合馬承應兵進勦。遂復柳城融縣馬承應者。故提督雄子也。雄叛降三桂。踞柳州。病死。承應領父眾封偽懷甯公。見公擊敗吳世琮。乃請降。公以所部驕悍。奏請仍以承應統轄。詔授承應伯爵。給昭義將軍印。是年冬。公疏辭巡撫任。願統兵進剿黔滇。疏言。進征雲貴。多山險。騎兵未可專恃。必用綠旗前驅。而進兵之路。廣西爲要。湖南次之。今兩廣綠旗肯爲。朝廷捨命殺賊者。惟臣標兵。逆賊未滅。臣不敢偷安。

國朝先正事畧 卷八 名臣

四

見遣參將溫紹賢等。選精兵三千五百。從小路進取貴州之黎平。湖南之靖州。斷賊楓木嶺餉道。又調馬承應兵四千。駐慶遠。以分賊勢。臣侯命下。卽率兵進發。會合湖南兵努力前驅。詔如所請。行十九年二月。公至柳州。疏言。柳州兵不下三萬。逆賊百端煽誘。人心不一。近以乏餉鼓譟。臣欲擒誅首惡。恐激變。是以暫示姑容。此軍積成驕悍。必俟賊平後陸續解散。見在馬承應所部乞勅盡給糧餉。先收七千人心。鼓勵從征。庶不爲內地變患。疏上未及報聞。而承應請公往申號令。眾謂承應反覆不可信。公曰。人已降。奈何疑之。率數十騎往。諸將慮有變。率兵尾行。公不知也。承應見兵踵至。疑執已遂激眾再叛。執公送。

貴陽時三桂已死其孫世璠僭號居貴陽也世璠夙重公成名誘以偽職公罵曰爾祖未反時吾即劾奏知爾家必作賊恨不早滅爾家肯從賊耶旋復百計說之罵益厲遂遇害十一月將軍穆占攻復貴陽收骸骨以聞

上曰傅宏烈宜力廣西陷賊不屈殉難捐軀忠節可憫下所司優卹令由驛歸櫬贈太子太師兵部尚書 賜祭葬 予諡忠毅廢二子七品官公前後請留中密疏如預陳尚之信反狀及安置投誠官兵籌畫勦撫鎮守機宜皆中肯綮沒後奉

聖祖特旨盡出其前後密奏宣布中外昭示忠悃焉其論劾尚之信也言之信歸正後怙惡不悛在廣東賣官虐民抄家充餉

國朝先正事畧 卷八 名臣

五

進敘橫征時而疏請出兵湖南時而疏請平定廣西及 命下則一兵不發目中竟不知有 君命臣前此隱忍調停欲導其為 朝廷出力既而知其反覆變詐故厚集兵力以為東西未雨之防今三桂已死餘孽蕩平在即之信必無能為請於肇慶設滿洲將軍或易滿洲總督帶旗兵駐守彈壓削之信藩封遣散所屬設水師提督以分其權庶兩廣得以久安其論安置降軍也言臣甫至桂林孫延齡舊部請糧請餉呼告盈門野性難馴養之必無益然又未可猝散宜仍立藩旗照額支餉以滿洲將軍駐省署理藩旗俟賊平後撤回京師至投誠賊將各帶兵馬若不用則必生心且無以勸來者用之則名器太濫不成體

制宜各照偽銜給劄令偽將軍赴部補用其總兵副參游及文職等官或願赴部或願在督撫將軍軍前補用者聽庶各偽官可以解散其論鎮守事宜也謂長治久安之策凡衝要地均宜照江南陝西例設滿洲將軍駐防以制反側文臣事權不宜太輕藩臣兵權不宜太重趁此軍威大振之日宜善為布置密為解散以固億萬年不拔之基奏入

上並慰其言以密疏示議政王大臣後皆如公策當廢盛初三藩分鎮勢傾朝野吳逆尤鳩張擁兵數十萬分十鎮運七布政使司錢糧協濟之將吏遷除號曰西選 詔吏兵二部不得掣肘在廷皆知其有異謀然無敢明言者公以一知府抗疏發其

國朝先正事畧 卷八 名臣

六

好瀕九死不悔斯已奇矣及三桂反黔滇川楚閩粵並為賊有江浙陝西湖北亦被兵失陷郡縣察哈爾布爾尼復反於漠北山西駐防蒙古兵叛應之其安靖者京師及山東河南而已當是時天下震動藩王如尚之信耿精忠將軍如孫延齡總督如鄭蛟麟金光祖巡撫如劉秉政羅森曹申吉提督如王輔臣李本深馬雄線國安嚴自明等並從賊此外若吳之茂譚洪楊來嘉祖澤清劉進忠祖宏勳阿爾泰郭義張星耀苗之秀佟國卿等並降於賊巡撫盧震華善等則棄城走督撫死節者范公承謨甘公文焜馬公雄鎮朱公國治數人耳然殉難而未能擊賊也總督如蔡公毓榮李公之芳能擊賊矣又皆與 王師並進

禁旅之功。為多。獨公以戍卒。倡義以賊。攻賊未費。公家斗粟。可
刃。恢復桂林。梧。潯。地。千餘里。厥功尤為奇偉。亂之初。生閩門。死
難。至百四十餘人。功在垂成。誤被賊給大罵。不屈。以死。公可謂
義烈奇男子也矣。二十一年。勅建雙忠祠於廣西。以公與馬
公雄鎮並祀。從巡撫郝浴請也。雍正中。詔入祀昭忠祠。子明
垣。由廕生官知州。

國朝先正事畧 卷八 名臣

七

馬文毅公事畧 子世濟等

馬公雄鎮字錫蕃號坦公漢軍鑲紅旗人世居遼陽祖與進官
訓導明天啟辛酉遼有兵禍訓導公率鄉民捍城甚力妻趙氏
聞訛言城破遽驅女孫入井領家人四十餘口同日死父嗚佩
字潤甫從龍入關順治元年由部郎出為汾潞道數立戰功流
賊一隻虎犯奇嵐州設伏擒之尋逸去授計郡將馳騎捕歸羣
盜駭散超擢戶部侍郎 王師征江南督餉不乏總督宣大開
屯地二千六百餘頃加兵部尚書任兩江總督拔梁化鳳於偏
裨中薦其有大將才使破賊於崇明使南贛兵敗偽伯陳其倫
於瑞金威名既著招降海寇甚眾以疾乞休薨子一即公也順

國朝先正事畧 卷八 名臣

六

治十三年由任子授工部副理事官累遷左僉都御史國史院
學士康熙八年授山西巡撫未之任改廣西巡撫時左江奸民
楊其清等妖言煽眾謀不軌右江妖僧假明宗室為亂羣盜莫
扶化等結崗蠻掠梧平二郡公悉討平之疏請定邊俸陞遷之
例除兵糧運費去採買之累皆得 旨允行十二年吳三桂反
雲南明年二月廣西將軍孫延齡叛應之殺都統王永年孟一
茂等圍巡撫署以為命遣公衣冠脅降時巡撫無標兵公督家
丁拒戰移檄梧州趣提督馬雄赴援雄不至公朝服自經為家
人救免乃以蠟丸馳請遣僕賀微遁入京告變尋遣承差楊啟
祥引長子世濟遁又許募客李于變朱昉挾次子世永孫國楨

遁。先後由閒道歸京師。且疏言人心不甘從逆。若大軍速至。恢復廣西。則三桂腹背受敵矣。延齡。暇知之。繫公及家屬四十餘人於土室。公絕粒數日不死。拔刀自刎。守卒奪刀。落卒四指。又不得死。遂闔室被幽。歷四載。三桂遣使招之。公應其使。誓不屈。先是慶陽知府傅公宏烈。以豫發三桂逆謀。坐誣謫戍梧州。至是勸延齡反正。延齡猶豫不決。十六年十月。三桂遣從孫世琮收兩粵。斬延齡。擁公至賊壘。百計誘降。且肆盛筵。示禮敬。公大罵曰。吾奉命巡撫廣西。義守封疆。恨不能寸斬汝。以報國。今討賊不遂。死吾分也。賊不能堪。十月十二日。押公至烏金埔。戕公幼子世洪。世泰。以懼之。公罵益厲。且曰。吳三桂能舍其父。我獨不能舍其子。耶。手奪兩兒頭。擊賊。遂被害。時年四十有四。從者馬雲。唐進寶。諸應兆等。九人見公死。交口躍罵賊。駢戮之。咸引頸受刃。時眷屬尚羈土室。聞變。世濟妻董氏先就縊。繩絕。仆地觸首。面俱碎。復投縶。死。公妾顧氏。劉氏。女二人。世濟妾苗氏。以次繼。夫人李氏坐觀之。使各就衾。殮。然後北向再拜。自縊。時年三十有九。僕婢十有八人。皆殉焉。守卒感其義。私記各尸。焚瘞廣福寺後。公尸暴露四十餘日。賊將趙天元過之。見公展兩臂枕兩兒尸。下馬再拜。亦殮葬寺側。傅公宏烈時為撫。蠻滅寇將軍。駐梧州。幕客孫成。陳文煥乘間脫走。由平樂達蒼梧。具公死事狀。丐傅公入告。並以公所著劄牘遺稿。及藁草辨疑。

國朝先正事畧 卷八 名臣 九

歸之世濟。傅公疏聞。聖祖嘉公忠烈。下所司議卹。贈太子太保兵部尚書。賜祭葬。諡文毅。李氏董氏各子。誥贈公之。在土室也。家屬以飢寒死者。凡十九人。公若弗聞也。者日以賦詩臨池。自遣姬。願氏本吳中女士。精小學。說文。公撰彙草辨疑十二卷。姬皆手為。旁訓其遺。世濟行也。全州人易友亮。實導之出。及世永國楨之行。年俱幼。賊伺之甚密。友亮復與州人唐守道。唐正發。謀穴垣出之。初公陞辭。上解御衣以賜。及聞延齡被殺。度必死。乃以衣授友亮。使先遁。懼汚君賜也。世濟至粵。西友亮獻衣。述遺命。世濟歸奏。

國朝先正事畧 卷八 名臣 十

上仍以衣賜世濟。世濟授大理少卿。友亮守道。正發及楊啟祥。授游擊守備。孫成。陳文煥。授同知。知縣有差。十八年。世濟請赴廣西收父母骸骨。命馳驛往。明年喪至京師。上遣大臣奠醊。並賜御書碑文。立墓道。又允巡撫郝浴請。建雙忠祠於桂林。祀公及傅公宏烈。二十一年正月。宴羣臣於乾清宮。以世濟為殉難撫臣子。特命至御座前。賜酒。世濟時官光祿卿。累遷吏部侍郎。貴州巡撫。漕運總督。世永官至鹽運使。國楨官江南常鎮道。雍正中。詔祀公昭忠祠。乾隆十六年。上念公為國効忠。特予雲騎尉世襲罔替。

陳忠毅公事畧 葉忠節公映樞

陳公丹赤字獻之號真亭福建侯官人順治十七年由舉人授重慶推官。歷權重慶夔州二府。有能名。康熙元年舉卓異。遷刑部主事。再晉郎中。時有冤獄宜末減者。公與同官議不協。主者以兩議上。

上卒從公議。十二年授浙江溫處道。寬海禁。民慶更生。旋權按察使事。十三年四月入覲。還至東昌。聞逆藩耿精忠叛。瞿然曰。溫州與閩接壤。為浙東門戶。脫有失。如封疆何。乃舍舟登陸。兼程至維揚。乘舫。三晝夜至杭州。入白大吏。馳還治所。繕城。堡。練丁壯。為固守計。人心以安。五月平陽逆弁司定猷倡亂。執

國朝先正事畧 卷八 名臣

三

總兵蔡朝佐攻瑞安海寇。乘閒肆掠。鄉民爭入城。總兵祖宏勳欲禁之。公曰。城所以衛民也。有民不衛。安用城。命納之。日馳牒乞援。已而賊大至。攻南門甚急。公擐甲登陴。用礮矢殺賊無算。會宏勳有異志。擁兵坐視。與公城守者。惟麾下及鄉丁各數百人而已。越二日。援師至。營於江岸。公趨使濟師。宏勳恐。六月初一日。集在城文武官。至大官亭。要公計事。左右或沮之。公不顧策。馬竟去。至則慷慨陳說。大義聞者皆感動。一時將弁有自懷中出帛書者。耿逆招宏勳獻城檄也。公大聲曰。吾輩受國厚恩。誓死不貳此物。奚宜至哉。宏勳執公手。好言慰之。曰。彼眾我寡。獨不為閩城生靈計乎。且公閩人也。骨肉墳墓皆在閩。宜熟思

公神色愈峻。麾宏勳手曰。吾知以死報國耳。不知其他。起裂之。宏勳目干總高魁。持斧擁公出。罵曰。逆賊汝殺我。朝廷必寸磔汝魁。以斧斷公右臂。遂遇害。永嘉知縣馬瑛抗聲曰。擅殺道臣。竟反矣。亦被戕。役林義者。聞變馳而上。持槊大呼。擊傷數人。力竭死。十六年。浙撫上其事。詔下所司議卹。尋議贈光祿少卿。

上少之。語大臣曰。漢官盡節。惟陳丹赤一人。宜優卹。議贈光祿卿。仍命再議。乃議贈通政使。廕子一夔入監讀書。賜祭葬。三十三年。特賜諡曰忠毅。逾年。勅建雙忠祠於溫州。祀公及馬瑛等三十八人。

國朝先正事畧 卷八 名臣

三

聖祖南巡。駐蹕杭州。一夔時為湖州守。迎駕。諭曰。爾父為國殉難。朕至今憫之。賜御書名垂青史。額一夔守湖州有善政。人方之陳幼學。以註誤免官。特旨收甯波守。會湖州饑。大吏以一夔舊得民心。遣督賑百姓。遮道諱曰。還我太守事。聞詔從之。尋擢參政。卒。喪歸。湖人士奔號泣。奠數百里。外立祠祀之。方耿逆之初變也。浙督李文襄屢使人調閩。虛實皆不返。以忠殺閩人。遂屬遺家僕羅世安往。公殉節後。世安歸於軍前。悉以其實告。文襄得所向有功。後十四年。上海葉忠節公有殉難湖北之事。

葉公映樞字炳霞。號蒼巖。江蘇上海人。順治十八年進士。選庶

吉士以江南奏銷案註誤降補國子博士遷戶部主事康熙十一年充陝西副考官晉郎中十七年擢陝西提學僉事以公明登薦曠二十四年授湖廣糧儲道二十七年五月督標裁兵夏逢龍作亂巡撫柯永昇禦賊被創自縊按察使丁焯棄家奔安慶時公署布政使賊迫受偽職公給以無殺掠百姓三日後當如所言乃令其妻奉母自水竄出避難以司道等五印付其僕葉華林令付所向衙門呈繳遂繕遺疏朝服望闕謝恩訖升公座罵賊拔佩刀自刎疏畧曰臣一介迂儒幸中進士叨受皇上高厚深恩游擢今職嘗以潔己奉公自矢但愧才具庸劣未効寸長茲值裁兵夏逢龍倡亂劫奪撫臣勅令并分兵圍

國朝先正事畧 卷八 名臣

三

臣衙門露刃逼脅臣幼讀詩書粗知節義雖斧鑕在前豈肯喪恥偷生彼時即欲率同妻女闔門殉節第念臣母七十有六在臣任所臣長子葉勇逸在原籍其餘二子尚未成童焚燬孤弱死將安歸因遣妻女奉母潛逃臣如後服匿影或可倖免以圖後効伏念臣守土之官也城存與存城亡與亡義所應爾今勉盡一死以報國恩所恨事起倉猝既不能先事綢繆歎銷反側復不能臨時捍禦獨守孤城上孤三十載之皇恩下棄七旬餘之老母君親兩負死有餘慚雖么麼小醜指日掃滅不能忍死須臾以觀蕩平也

上覽疏畢諭曰城存與存城亡與亡人臣之義也朕覽葉映

樞遺奏五內傷悼王大臣等其共聽之因命展讀奏疏聞者皆感泣遂諭吏禮二部曰葉映樞捐生殉難遺疏情詞慘烈朕心惻然不忍披覽其從優賜卹以表忠貞部議贈通政使歷一子入監讀書蓋援陳忠毅公例也特旨贈工部侍郎賜祭葬如典禮次年二月

聖祖南巡葉勇迎駕謝恩特命子諡以彰異數御書忠節二字賜之四十二年湖北巡撫年遐齡請建專祠於武昌賜御書丹心炳冊額學政胡潤請許公後裔建祠本籍有司春秋致祭從之雍正二年入祀昭忠祠子勇官廣州知府公所著曰葉忠節集

國朝先正事畧 卷八 名臣

二

莽襄壯公事畧

公諱莽依圖。姓兆。住氏。滿洲。鑲白旗人。父武達禪。崇德三年。隨睿忠親王伐明。攻直隸任邱。山東濟陽。並先登。賜號巴圖魯。子騎都尉加一雲騎尉。順治七年冬。公襲職。兩遇恩詔。晉輕車都尉。十五年。隨征南將軍卓卜特。征明桂王。至貴州。明年。自都勻進師盤江。偽晉王李定國據雙河口。悉眾為三十營。列象陣拒戰。公率步兵衝擊破之。隨大軍定雲南。康熙二年。隨靖西將軍穆哩瑪。征湖南流賊李來亨等。賊據茅麓山。列寨拒守。公冒矢石進攻。毀寨二。賊大敗。來亨自經死。凱旋。授協領。十三年。吳三桂陷湖南。公隨征南將軍尼雅翰。率師進勦岳州。用紅夷

國朝先正事畧 卷八 名臣

三

礮擊沈賊舟。敗賊七里橋。多斬賊。十四年。三桂遣賊將董重民。結廣西叛鎮馬雄。犯廣東。平南王尚可喜。上疏請兵。詔尼雅翰率師至廣東。公時署副都統。駐守肇慶。十五年。可喜子之信。叛降三桂。受偽爵。三桂遣將范齊韓等逼肇慶。總督金光祖降賊。公率步兵突圍出。且戰且走。還駐江西。偽將軍黃士標等。糾眾犯信豐。公率兵往援。與城內兵奮勇夾擊。大破之。賊遁走入山。復追敗之。圍遂解。十六年。授江南副都統。時廣東尚為賊將董重民所踞。

上命公為鎮南將軍。率師恢復。以副都統額赫訥。穆成額。參贊軍務。四月。自南康至南安。偽將軍嚴自明。以城降。遂偕額赫訥

等進征南雄。偽將軍朱思政等迎降。尚之信亦擒重民。率藩屬歸順。公進韶州。疏言南。安南雄韶州所屬文武官弁。昔雖迫於賊勢。致汚偽職。今既望風。款附。請令暫留原任。緩撫殘黎。以安反仄。

上特允所請。且嘉其進兵迅速。尋命侍讀學士顧入代。赴軍前傳諭。擇便而行。時賊將胡國柱。馬寶糾賊眾萬餘犯韶州。公擊卻之。九月。賊復據河西。斷我水運餉道。列營蓮花山。以瞰城中。會將軍額楚率江甯兵至。與城內軍夾攻。破其四營。斬獲甚眾。賊敗竄帽峯山。我軍乘夜追擊。大敗之。河西賊亦遁。水運遂通。十月。追擊至樂昌。賊據風門澳拒守。我軍三路仰攻。別令

國朝先正事畧 卷八 名臣

美

猛兵由間道奮擊。擒斬二千有奇。乃撫定仁化。仍回駐韶州。疏言將軍傅宏烈。以五千兵獨當西路。恐力不支。已遣額赫訥赴梧州協勦。諭獎其智勇兼優。應機適變。十七年春。三桂遣其孫世琮陷桂林。馬寶亦由宜章陷平樂。

上命公赴廣西。與傅公會師勦賊。二月。疏言臣抵平樂。圍其城。賊水陸抗拒。宏烈所率綠旗兵與戰不勝。臣孤軍難久。留因退駐中山鎮。宏烈亦以公所率滿洲兵不相應。援入奏。上念擊賊失利。因江水泛漲。故並免其罪。諭令利衷協濟。公尋以賊逼賀縣。回梧州。乞罷將軍任。

上切責之。仍留任。圖功贖罪。明年三月。吳世琮犯梧州。公同傅

公率師拒戰。賊大敗。棄營遁。先是偽將軍馬承蔭以南甯降。至是賊由梧州敗竄。糾眾犯南甯。六月城中食盡。旦夕且陷。公方臥病。聞之。督師倍道進。賊悉銳聚新村。列鹿角。西山拒戰。額赫訥等引前鋒軍擊之。賊稍卻。公與將軍舒恕麾大軍進。而預遣左翼兵潛出山後。截賊歸路。盡殲之。世琮負重創。以數十騎越山遁。南甯圍解。

上以廣西底定。命進取雲貴。九月公以馬承蔭雖降。心懷叵測。恐為肘腋患。上言。湖南大兵在武岡禦賊。臣等一軍先向雲南。志諸路軍不相應援。且廣西新定。若無兵駐守。恐有他虞。請暫駐南甯相機進剿。

國朝先正事畧

卷八 名臣

七

上命簡親王喇布鎮桂林。公侯都統希福兵至。取道恢復疆土。十九年授護軍統領。五月馬承蔭叛於柳州。公帥師進剿。次來賓。承蔭驅象陣迎戰。我軍以勁弩射之。象回奔。賊陣亂。麾軍奮擊。賊大敗。棄甲狂奔。公自率輕騎追擊。獲象三。斬賊無算。會簡親王遣將分路勦賊。皆大捷。承蔭復降。柳州平。八月公薨於軍。年四十有七。二十二年議政王大臣等。追論公征廣西時。自平樂失機。退梧州。應籍家產之半奪。恩詔所得騎都尉。上曰。莽依圖在行。開甚著勞績。且屬下兵民俱稱其善。凡所過地方。亦不擾害百姓。可免籍家產。奪恩詔所加世職。其原襲之騎都尉。加一雲騎尉。以其弟博和哩襲。五十九年入祀廣西名

宣統元年 詔入祀京師賢良祠 乾隆元年 追諡襄壯

國朝先正事畧

卷八 名臣

夫

佛恭靖公事畧 子忠勇公額稜特

公諱佛尼勒。姓科奇哩氏。滿洲鑲紅旗人。世居瓦爾喀。父索勒和諾。少孤。其兄瑚里納撫之。成立。瑚里納為仇所害。索勒和諾手刃其仇。祭兄墓。崇德三年來歸。任驍騎校。七年。隨饒餘貝勒阿巴泰攻明河開府。首緣雲梯登城。戰歿。子世職騎都尉。公襲職。順治五年。授佐領。時流賊李自成餘黨竄踞陝西湖北。錯壤山峪。公隨大軍征勦。擢協領。晉輕車都尉。康熙八年。擢西安副都統。十三年春。命同西安將軍瓦爾喀。由四川進討逆藩吳三桂。師行至棧道。聞四川郡邑皆附賊。叛鎮譚洪據陽平關。公同瓦爾喀及前鋒統領穆占等率兵自野狐嶺進征。斬賊三千。

國朝先正事畧 卷八 名臣

三

餘賊棄關遁。繼敗賊將吳存禮於朝天關。迨至沙河驛。偽總兵彭時亨以舟師逆戰。擊敗之。奪其戰艦四。遂進征保甯。叛鎮吳之茂糾賊抗拒。我軍鑿壕壘與相持。尋以糧艘為賊所劫。饑不繼。移師還駐漢中。賊中途邀阻。公同典安總兵王懷忠擊走之。又敗賊於槐樹驛。小郿嶺。十二月。提督王輔臣叛於甯羌。據平涼秦州。十四年。公擢西安將軍。加振武將軍銜。隨貝勒洞鄂進征。賊將高鼎聚賊四千於關山河岸。立寨拒守。公同穆占等整軍接戰。自巳至午。斬獲甚眾。遂大破賊寨。乘勢追擊。復敗賊於渭河橋。進薄秦州。賊伺我師壁壘未定。猝從城內衝出。冀掩我不備。公率軍遮擊。賊不能犯。旋攻克東西二關。有夜犯正黃旗。

者奮擊殲之。賊以眾數千掠仙遊。關公分兵赴援。賊聞我軍至。即踰山遁。公追蹙之。搜勦畧盡。因令參領嵩祝。雷守仙遊。關而自率兵趨隴州。賊縱火山澤。鷓公曰。賊謀欲燒絕我軍進路耳。若不增兵策應。則軍食難以輓運。因駐兵隴州。防賊窺伺。時大兵攻秦州。數月不下。賊在四川平涼者。挾眾萬餘來。援城中。賊出應者亦八千餘。公還自隴州。與大兵合擊。擒斬偽總兵李國棟。胡茂。白光。王永元等。殲賊三千餘。遂復秦州。下禮縣。西河。清水。伏羌。諸邑。

國朝先正事畧 卷八 名臣

三

上命公領兵開棧道。援將軍錫卜臣於漢中。賊於長甯驛。滴水崖及插屏嶺屢抗我師。擊之皆潰。竄招撫陷賊村寨。居民二千餘人。十五年二月。吳之茂糾賊萬餘犯秦州。公同提督王進寶督兵禦戰。斬級二千餘。生擒偽總兵徐大仁。獲輜重器械無算。三月。偵賊由禮縣運糧。因遣兵邀擊於鹽關及羅家堡。牡丹園。擒斬護糧賊眾。獲馬贏盡。焚其糧。尋擊敗偽總兵李國良等於清水縣。復靜甯州。六月。復擊敗吳之茂於牡丹園。進勦至西河。北山之茂僅以十餘騎遁。十六年。追論前此自保甯退歸漢中。諸將罪。降世職為騎都尉。削振武將軍銜。仍署西安將軍事。十七年。同副都統吳丹等。連敗賊眾於牛頭山。香泉等處。引兵駐守寶雞。防棧道諸險要。賊窺棧道之益門鎮。擊卻之。十八年。隨撫遠大將軍圖海進征。與安偵賊在梁河關。公領隊先驅。至火。

神崖擊走偽總兵王遇隆遂渡乾玉河拔梁河關復興安城尋會王進寶軍於保甯十九年同總兵王朝海招降潼川府城及鹽亭中江射洪諸縣又敗賊於豹子山諸處賊渡江遁遂復瀘州冬逆賊吳世璠使胡國柱等糾賊踞敘州陷永甯詔授公建威將軍調遣永甯兵一路勦賊二十年春賊眾二萬餘犯寶壩大溪口諸處公率兵進擊敗之賊將宋國輔詣軍門獻永甯府降國柱亦棄敘州遁公奉命駐守敘州八月命統西安滿兵征四川者還鎮漢中二十一年九月薨於位雍正十年入祀賢良祠乾隆元年追諡恭靖第三子托琉襲世職官至黑龍江將軍

國朝先正事畧 卷八 名臣

三

次子額稜特當公卒時特旨留西安補用二十三年補佐領三十年厄魯特巴圖爾額爾克濟農劫掠喀爾喀扎薩克丹津部眾上遣將軍尼雅翰率師往宣詔旨令還所掠人畜率部眾徙居察哈爾地巴圖爾額爾克濟農不從以其眾奔竄額稜特隨大軍追之不及擒獲蒙古二人復隨將軍郎坦出嘉峪關追獲蒙古七人三十五年

上親征噶爾丹額稜特隨大將軍費揚古由西路進大敗賊眾於昭莫多子雲騎尉世職擢協領四十二年駕幸西安閱武設宴特召額稜特近御座前親賜之酒尋遷副都統

四十九年授湖廣提督

上復念其奉職清貧詔總督巡撫等量為資助五十二年擢湖廣總督宣布德威紅苗歸化

上諭閣臣曰額稜特殷泰皆朕特用之人也初用時人不知其善後乃稱朕有知人之明時江蘇巡撫張伯行亦以廉潔著諭廷臣曰天下督撫惟額稜特張伯行操守最優耳旋奉命與戶部郎中幹琿泰履勘湖南諸州縣廢壞共四萬六千餘頃疏請聽民墾闢俟六年後科以下則下部議行五十四年山西太原知府趙鳳詔貪墨不職公奉詔往勘得實疏言枉法受賄例應縲首鳳詔為左都御史趙申喬之子受恩深重法應加

國朝先正事畧 卷八 名臣

三

等擬監候斬九卿擬改立決鳳詔遂伏誅時厄魯特策妄阿拉布坦率賊眾犯哈密上遣尙書富甯安等調兵進剿擊敗賊眾策妄阿拉布坦遁走於是領兵大臣等定議先取烏梁海土魯番諸部而後進征厄魯特五十五年命署西安將軍事同總督鄂海協理軍餉十月策妄阿拉布坦驅賊眾過沙拉執青海臺吉羅卜藏丹濟布而遠遁

上慮賊會由噶斯口復犯青海乃詔公統重兵移駐西甯為青海諸部應援五十六年奉諭往巴里坤與將軍富甯安會議集驍準噶爾邊界及留後接應事宜十月策妄阿拉布坦令

萃桑領賊眾。阿哩克路潛去。公奉 敕回駐西甯。
 上遣侍衛諾爾布等至青海。令諸臺吉協力勦禦。且 諭曰。將
 軍額稜特。方畧過人。其同心會議。既而青海親王羅卜藏丹津。
 疏言策妄阿拉布坦。遣其屬策凌敦多布。往掠西藏。欲滅拉藏。
 汗公奉 旨。與內大臣策妄諾爾布。統兵駐守青海。防歸途擄
 掠。
 上復敕西甯松潘各路備兵。為拉藏救援。 詔額稜特青海王
 臺吉等。會議屯軍形勝之地。公疏言西甯抵藏之路有三。惟庫
 庫賽爾嶺。及拜都嶺。二路較殊爾肯一路寬廣易行。請與侍衛
 色稜分道進剿。若賊眾一路拒敵。則我師別有間道。可以直入
 國朝先正事畧 卷八 名臣 三
 藏地。攻其後。若賊分路拒我。其勢既分。亦無難於翦滅。
 上命與諸將定議。以行。五十七年夏。偵知賊眾殺拉藏汗於
 布喇城。執汗子蘇爾咱而踞其地。西藏人來歸者。公妥為安撫。
 六月。與侍衛色稜分路進師。親帥大軍。自穆魯斯烏蘇啟行。至
 圖勒哈。以皮船濟。因取道庫庫賽爾嶺。七月。抵齊諾郭勒。賊乘
 夜侵我軍壘。遣將擊敗之。次日。賊復從東路來犯。公親率弁兵
 緣山接戰。自寅至巳。賊潰遁。追擊十餘里。多所斬獲。得 旨優
 敘。未幾。賊首托布齊等。以眾數千。潛由喀喇烏蘇來拒我師。公
 率所部疾趨。欽先渡河。扼狼拉嶺之險。以禦賊。比至喀喇烏蘇。
 侍衛色稜等。亦以兵來會。併力進擊。屢敗賊眾。賊復聚眾數萬。

環集來攻。公領兵奮擊。身被重創。戰益力。與賊相持。月餘。至九
 月。自知眾寡不敵。仍厲兵進戰。射殪賊眾無算。矢盡。持刀奮呼。
 斫賊。賊益兵圍之。公中傷。猶力戰。遂歿於陣。五十八年。櫬還京。
 命親王及貝子公等。迎至城外。復 遣內大臣侍衛至其家奠
 茶酒。雍正元年。特予三等輕車都尉。 賜祭葬如典禮。諡忠
 勇。入祀昭忠祠。子愛山。襲職。
 國朝先正事畧 卷八 名臣 三
 一八七

楊清端公事畧 于文乾

楊公宗仁字天爵漢軍正白旗人父朝正語在循良傳康熙三十
十五年公由監生授慈利知縣調藍山巡撫趙申喬疏薦卓異
累遷階州知州蘭州同知總督殷泰巡撫鄂奇復疏薦五十年
夏遷臨洮知府五十二年巡撫岳拜薦公老成練達有守有才
擢西甯道累遷浙江廣西按察使署廣西巡撫五十七年擢廣
東巡撫

上以直省錢糧虧空多令各督撫立法清理公疏請令督撫司
道府廳交相砥礪無論正雜錢糧知府不時盤查庫銀隨征隨
解米穀實貯在倉若州縣自行挪用知府豈肯代為彌縫甘蹈

國朝先正事畧 卷八 名臣

美

分貽之咎州縣既無由挪移掩飾卽虧缺諒必無多補足亦易
若地方有不得已之公務難責諸州縣獨賠又難使倉庫虧缺
應以督撫等公項銀抵補如不敷仍設法公捐總不使庫帑有
虛懸之弊下部議行六十一年十一月

世宗御極授湖廣總督雍正元年丁母憂 命在任守制公疏
請停給 恩詔應得封廕為父母求 諭祭得 旨俞允仍給

封廕尋 賜孔雀翎四月疏言湖廣素稱俗薄民刁兵驕吏玩
細究其故皆由文武各官向所屬官弁索取陋規節禮州縣必
致私派橫征武弁必致虛兵冒餉兵民挾此逞奸員弁遂不敢
過問臣今擬行禁革庶兵民不得藉詞逞私驕悍之習可杜又

言兩湖鹽價逐漸增長窮民怨嗟揆厥所由各官多貪鹽規漸
次加至四萬從前一錢一包之鹽今則昂至一錢五六分不等
臣今盡革鹽規令商人減價出售以惠窮民地方漸有起色
手詔曰覽所奏朕深嘉悅在他人猶聽其言而觀其行至於爾
則信而不疑矣斯乃全楚地方否極而泰之機也五月疏薦南
海知縣宋瑋陞寶慶府左衛知縣范宗堯改補漢陽縣得 旨
姑允其請後勿踵行又疏言俸工一項乃朝廷祿養官役之恩
豈可任意飾捐以填貪壑湖廣州縣以上俸工報捐已經十有
餘年致官役枵腹從事焉能禁其需索閭閻今自雍正元年起
凡官役應支俸工俱各照額編支領俾均沾實惠從前凡有公

國朝先正事畧 卷八 名臣

美

事無一不令州縣分捐實皆派累百姓臣通盤核算但令州縣
於所得加一耗羨內節省二分解交藩司以充一切公事費此
外絲毫不許派捐至節禮陋規已概行禁革則州縣從前虧空
亦易於補苴矣得 旨所言全是一無瑕疵勉之尋因病請以
子榆林道文乾隨任終養 詔加文乾按察使銜馳驛赴楚並
遣御醫診視七月疏言湖北糧道掌全省漕運兵精一歲中計
有半年公出舊設驛鹽道管驛遞應付勘合火牌及淮鹽到楚
盤驗察私督運額銷引日職守甚繁前督臣滿丕奏以驛鹽道
歸併糧道似未妥協請復設以專責成下部議行九月疏言襄
陽府屬樊城鎮五方雜處商賈輻輳奸宄易潛蹤請移襄陽同

知駐樊城彈壓。從之又言清盜源。察高賭窩。逃法莫善於力行。保甲。臣通飭所屬。鱗次挨編。聯絡守望。并專委本管道員稽察。如州縣奉行不得法。即令指示照式編次。擇其善者予優獎。手敕報曰。此論甚當。凡舉行一法。必示以勸懲。方期有效。耳。二年。疏言社倉實係美政。臣與各官加意講求。先擇地建倉。然後勸捐穀本。出納聽民自主。不許官吏會計侵肥。并立獎掖。尚義之典。士民咸踴躍爭先。江夏武昌蒲圻等二十州縣各建倉三五十所不等。共捐納穀本將三十萬石。效驗已著。臣又飭湖南如法施行。得旨。社倉先成。創始之功殊可嘉尚。三年。諭獎督撫中居官行己。可風有位者。加公太子少傅。七月薨於位。年

國朝先正事畧 卷八 名臣

六十有五。遺疏入得。旨。楊宗仁敬慎持躬。廉能供職。自簡任總督以來。潔己奉公。孤介端方。始終一節。忽聞溘逝。朕追念良臣深為悽惻。難釋於懷。應沛特恩。以示優眷。其加贈少保。並給騎都尉世職。仍察例子卹。賜祭葬。諡清端。御製像贊。有廉潔如冰。耿介如石之句。八年。詔祀賢良祠。公在湖廣久。廉潔勤敏。鹽商歲餽數萬金。及諸饋遺。概屏絕。每春。輕騎出郊。勸農出私財充賞。諄諄教以孝弟。忠信。瀕水隄防。歲時巡行。修築年復屢豐。鄰境偶有饑民。入楚先賑。以粥繼。即按名給米。寒子衣歸給糧。所全活無算。馭屬吏嚴而不殘。尤加意武備。考校精核。標兵按斯。親閱賞罰。公而明。士卒競奮。疾革前數日。猶閱兵不

少怠。士民立祠祀之。仍入祀湖廣名宦。子文乾。由監生効力永定河工。康熙五十三年。授曹州知州。遷東昌知府。旋擢榆林道。雍正元年。隨父任侍疾。三年。授河南布政使。擢廣東巡撫。賜孔雀翎。及冠帶鞍馬。尋丁父憂。命在任守制。十二月。奏言。臣自楚赴粵。途中聞告。休布政使朱絳。倚總督孔毓珣。姻親虧帑三萬餘兩。交代未清。即嚴飭作速賠補。上諭。此項挪用。曾經孔毓珣奏明。爾等宜以和為主。勿聽離間之言。又奏言。盜案塵積。已飭屬概為速結。諭以秉公嚴催。詳情度理。為之四年。疏陳舉保甲以弭盜風。奉旨嘉獎。又疏劾將軍李枚。囑令縱釋鼓眾搶穀之旗兵。乞

國朝先正事畧 卷八 名臣

上遣大臣來粵定讞。詔侍郎塞楞額等往訊。得實。枚等論如律。又疏請將廣東丁銀盡歸地糧。以免無糧徵銀之累。上允之。十二月。疏言。廣東地狹人眾。米不敷食。宜預先積儲。應酌量要地。加貯穀石。以便撥運。疏下九卿議。以濱海地不宜收貯。恐致滲爛。惟惠潮瓊三府。僻處海隅。難於挽運。可酌貯。五年。乞假葬父。允之。福建巡撫常賚。疏劾文乾貪婪各劣蹟。上以所奏銀數未晰。著將楊文乾見小漁利之處。據實入告。常賚復將例外求索處具奏。疏入。上切責之。八月。命文乾同浙江觀風整俗使許容等往

國朝先正事畧卷九 名臣

平江李元度次青纂

姚熙之向書事畧

姚公啟聖字熙之一字憂庵浙江會稽人生而倜儻以豪聞少
客松江趙太守所午睡大鼾僮僕竊窺之則雕虎也甫冠以諸
生遊通州得權知州事杖土豪殺之尋棄官去遊蕭山遇健兒
掠二女子行其父隨之哭牽持洵公怒奪佩刀殺二健兒縱
翁與女子去亡命隸漢軍鏤紅旗

聖祖登極公以布衣上疏請八旗開科遂舉康熙二年鄉試第
一知香山縣事歲比不登前令坐負課繫獄者七人公嘆曰明

國朝先正事畧

卷九 名臣

年增吾為八矣乃張樂置酒出七人於獄痛飲之為治裝遣歸
而通牒大府曰七令名下應追金十七萬已於某月日收庫訖
大吏疑公巨富代償帑行善不知公故寒士實未辦作何償也
時澳門賊霍侶成猖獗督撫不能制公以計擒之論功當上賞
督撫忌之反誣公通海將置之死公夜見平南王尚可喜訴之
可喜疏陳其枉督撫皆以是自殺而公亦削官時年五十矣居
亡何吳三桂反尚之信取精忠應之而精忠且約鄭錦同反錦
者成功之子據臺灣者也臺灣自古不通中國明末鄭芝龍居
之順治丙戌降於朝其子成功不從率所部據廈門金門二
島己亥大舉窺江甯敗去始定臺灣為巢穴壬寅成功死其將

施琅黃梧等來降錦遁臺灣二島平及精忠反乞師於鄭氏錦
亟渡海而西精忠部將劉國軒等皆附錦遂取泉州及潮州次
年取漳州精忠大懼明年三桂令之信割惠州賂錦錦復取汀
州勢大振當是時

天子命康親王傑書南征公以家財募兵率長子儀赴軍前效
力先命其友吳興祚說王王與語大悅命攻諸暨進擊紫狼山
賊破之又敗賊於楓橋遂以公權知諸暨縣又斬賊渠朱得福
招撫數千人超擢溫處道僉事精忠以重兵踞石塘阻我入閩
之隘公偕諸將攻拔之奪楊梅岡乘勝取雲和縣又擒賊將曾
養性於溫州時精忠已為浙督李公之芳所困且震於鄭氏汀

國朝先正事畧

卷九 名臣

州之逼會大兵已奪仙霞關公為前鋒乃遣使說之降精忠猶
豫公單騎入其營說之精忠饗公公劇飲健啖指畫仇爽精忠
曰此李抱真之流也必不欺我遂降論功擢福建布政使精忠
之降也諸將多畏罪歸錦錦乘虛盡取興化邵武而三桂驍將
韓大任號小孤陰自吉安突圍出由贛入汀將與錦合公復單
騎說之降簡其兵得死士三千養為親卒汀州平十六年公復
使大任說潮州守將劉進忠亦降賊棄惠州走於是邵武
興化漳泉皆復公曰二島未平未能高枕臥也十七年錦大舉
入犯公以所部敗之於壁壚亡何嗣海澄公黃芳世都督伯穆
黑林遇賊灣腰敗副都統胡克邀賊鎮北山又敗提督段應舉

自祖山敗奔海澄劉國軒取平和遂乘勝圍海澄於是

天子震怒將逮督臣郎廷相 諭康親王求可代者王及將軍

以下合辭薦公遂總督福建且 命節制諸軍急援海澄而以

按察使吳公與祚為巡撫助公會海澄以食盡陷失官兵三萬

有奇國軒取漳平長泰同安及南安惠安溪永春德化諸縣

圍泉州號稱十萬公分兵救泉密疏陳方畧

上降書褒勞且 諭閣臣曰閩督今得人賊且平矣公令平

南將三鎮兵抄其懷道復漳平總兵林賢等敗賊水軍於

定遠國軒乃解泉州圍併力攻漳州大會二十八鎮兵為十九

萬與大軍決戰於龍虎蜈蚣二山間時漳城兵止八千公五

國朝先王事畧 卷九 名臣 三

檄泉州兵不至諸將欲棄城走精忠悔其降大勳公曰賊恃勝

而驕謂我不能軍也請不戰以懈之而出奇以破之平海在此

役矣命閉城門韜弓臥鼓一日天大霧公吹筆策者三壯士鏗

寶張黑子等突出持長矛先登前軍接戰不利公自率精兵繼

之賴塔以後軍夾擊國軒敗前軍還攻之自辰至酉連破十六

營斬其將鄭英劉正璽吳潛等生擒千二百有奇斬首數萬溺

死者萬計國軒泗水奔海澄公復長泰同安進攻海澄海澄者

濱海地也峻而險賊築塹高數丈排列艨艟與廈門金門海壇

相首尾堅不可猝拔乃請復設水師提督開修來館於漳州凡

言自鄭氏來者皆盛供帳金帛恣所求即亡去不問謀至不殺

且厚款之謀反以情告戰有日或填館舍飭供具大書其鎮

某官公館聲言某月日某將當來降賊以此互猜甚且疑而相

殺十八年三桂死錦五鎮大將黃靖廖瑛賴祖金福慶與各以

所部降鄭奇烈林翰等繼之鄭氏勢益孤公簡降卒為水師驟

增二萬人乃令巡撫吳公與水師提督萬正色進攻二島明年

正月賊將朱天貴以戈船降遂復海壇公待天貴厚竟用其兵

盡破十九寨國軒棄海澄入廈門復棄金廈歸臺灣聞疆既定

吏兵部列上公功應加者四百餘級

聖祖晉公太子少保兵部尚書世襲輕車都尉公子儀授總兵

世襲騎都尉先是濱海居民輸賦外又私餉成功以求免劫掠

國朝先王事畧 卷九 名臣 四

當事遂定沿海之界而內遷其民越者死民多蕩析離居滿兵

復奴其老稚筆楚不忍聞公任總督力與驕兵悍將相持屢奏

禁兵不服水土宜撤歸又奏康王體尊不宜久暴露宜先頒師

疏三上 天子許可兵歸者猶驅子女北行公涕泣啟王令軍

中敢私攜良民者死而私傾家財贖之凡捐金二十萬兩贖難

民二萬餘人又請開海界復民業聽降卒墾荒兼收魚鹽蠶蛤

利而分屯列戍以衛之 詔遣侍郎某來勸不敢主議公力任

之乃報可閩人皆有像祀焉方施琅之內附也

世祖用為水師提督成功死施頤以平臺自任既而不克或疑

其貳 召入京不復用公為布政使賞疏薦之不報至是請改

正色陸路仍以水師任施且曰臣願以百口保項又奏其死
子少國內亂時不可失

聖祖乃遣項與公同進兵琅至密疏請以公駐廈門而獨任進
師時公已出海見疏不懌自陳請行詔公還廈門二十一年
夏施公請乘南風攻澎湖公欲待北風直趨臺灣彼此見不合
師不果出明年六月施公竟以師行會颶風與潮俱發前鋒為
急流飄散國軒以精兵二萬出牛心灣別將出雞籠嶼夾攻矢
集施公目幾失利忽天雨颶風止公所約賊將呂毅等閒使適
至六後進澎湖翼日大戰朱天貴先進水擊長一丈舟並行如
鳥張翼而上國軒掀案起哭曰天也夫何言遂自吼門遁臺灣

國朝先正事略

卷九 名臣

五

初鄭克塽有降意而偽行人傳霖反復為奸公以計去之又遣
漳浦黃性震招國軒會密報書未遽降也至是性震故泐之主
臣互相猜眾莫為用大兵遂自鹿耳門入八月癸亥克塽以臺
灣降自康熙十三年用兵至二十二年福建平時北風正利施
由海道奏捷七日抵京師公由驛馳報後施二日

聖祖得施疏大喜策勳在平瀆請將上封施公靖海侯將以次
及公公自陳無功乃召掌中樞是年十有一月疽發背薨年
六十論者謂戰功雖首施公然實公所疏薦至平日運籌設
攻賊心公之力尤獨多云公身長七尺廣額修髯目閃閃如
下電手勒奔馬用弓至二十石麾下所養奇才劍客皆能

死力臨陣應變如神而性慈不妄殺戮生平慷慨仗義揮金如
泥沙尤恤文人各屬皆置學田培寒畯喪歸軍民哭送者數萬
當芝龍起事時廈門有石文云生女滅難十億相倚解者謂十
億兆也加女姚也鄭從西難也滅難滅鄭也鄭氏初踞海上公
始生傳四世六十年而為公滅公平廈門之歲即病疽召鼓山
異僧治之曰天生公以靖閩疆也今事尙有待疾不足憂果應
手愈臺灣既定疽復發曰全閩底定公疾不可為矣夫人何氏
絕有力不第能舉白公奇之娶焉是生長子儀雄偉與公均嘗
驅駟馬駕奔車自後製之馬前卻不自由挽強弓百步外可渴
四札每戰閩人望見前鋒曰此姚公子旗也以功授知縣擢刑

國朝先正事略

卷九 名臣

六

部郎出知開封府詔以京堂用自請效力從戎改總兵終雲
南鶴慶總兵官公所著有憂畏軒遺集

宋牧仲尚書事畧 子至

宋公名犖字牧仲號漫堂河南商邱人大學士文康公權子也少從賈靜子侯朝宗遊立雪園六子社順治四年公年十四應詔以大臣子弟列侍衛考試優等康熙三年授黃州通判十六年補理藩院判選員外郎出權贛關遷郎中二十二年授通永道二十六年擢山東按察使尋遷江蘇布政使明年擢江西巡撫會湖廣裁缺兵夏逢龍作亂陷二十餘城羽檄日四五至人心惶惑公行抵彭澤適江西兵調赴湖廣剿叛卒次九江以乏餉譚公檄發湖口縣庫銀千兩遣官賞給犒兵乃前進及抵南昌甫數日舊裁督標兵李美丕袁大相等煽誘三千餘人謀劫

國朝先正事畧 卷九 名臣

七

倉庫與夏逢龍合有上變者公佯不省而陰授游擊趙永吉方畧即夜縛二渠魁鞠實斬以徇餘黨悉不問四境帖然於是列病民者十數事先奏除之然後緩征弛力通商惠工除興學校政以大成會甯州宜春等十二州縣旱災疏請蠲免又言各省罪囚俱有支給口糧之例其起解囚徒應按每日五十里爲一程每名日給升米於常平倉支給又言近奉諭旨每歲終令巡撫察盤藩庫法至善也其糧驛二道庫請於每季奏銷及離任日令藩司察盤至府庫宜責成道員察盤可永杜虧挪弊又言近來漢軍外官解任裁缺者并其家口槩催歸旗既立限期復取經過地方官結狀逐程遞至竟與罪犯無殊請

遞諸疏並下部議行三十一年調江蘇巡撫去之日萬姓遮道雨泣及抵任疏報江甯府屬之上元六合句容松江屬之上海鎮江屬之丹徒因山水陡發成災又疏報淮陽徐三屬二十餘州縣水災其田畝被淹者請破格全蠲額賦並請截漕米十萬石移江甯倉米三十萬石鳳陽倉麥六萬六千石分途散賑並得旨俞行前後賑饑民五百萬有奇

上嘗垂問閣臣以各直省巡撫賢否大學士伊桑阿奏宋犖清廉爲天下巡撫最

上曰朕久知之三十八年春

聖祖南巡至蘇州賜御衣冠及御書懷抱清朗額又賜

額曰仁惠誠民公進所刻綿津詩集

上尋諭近臣曰居官如大學士吳璵總督張鵬翮巡撫宋犖朕

可以無憂四十二年春

上再南巡諭嘉公居官安靜和平深得大臣之體公面奏云

昔宋臣范成大蒙宋孝宗賜石湖二字後世傳爲美談在孝宗

不過南渡偏安之主我

皇上乃堯舜之君相去霄壤臣功業雖不及成大然遭逢之盛

不啻過之臣家有別業在城西陂乞賜書西陂二字

上領之時諸臣競進求書公奏曰臣老矣以齒當先賜臣

上大笑走筆作西陂二大字賜公少選命侍衛取入重書

國朝先正事畧 卷九 名臣

八

以賜又別賜御書八種回變復賜書額曰清德堂
賜聯曰官箴三命懷家學一經傳四十四年夏
上駐蹕蘇州賜福壽二大字題云江甯巡撫宋學年逾古稀
步履壯健故特書以賜之又賜額曰魚麥堂賜聯曰兒
孫歌舞詩書內鄉黨優游禮讓中又允公請御書世有令
儀四字額其家祠瀕行復賜聯曰地聯江海屏藩重賦甲東
南節鉞雄公以老乞休溫詔不許是年冬命公子庶吉士
至借御醫馳驛往視疾賜人獲三斤公在江蘇三值巡方
召對皆稱旨溫諭移時寵賚至不可勝數嘗諭閣臣曰
江蘇繁劇之區五方雜處相安無事皆巡撫坐鎮之功也先
國朝先正事畧卷九名臣九

至之句九月薨於里第年八十遺疏聞得旨宋學才品優長
勤勞夙著宣力年久敬慎自持下所司議卹賜祭葬如例公
在官能持大體以清節見推兩淮鹽商歲餽萬餘金公皆謝卻
尤具人倫鑒三河令彭公鵬治行爲畿輔最公官通示時力薦
諸巡撫于清端公得超擢撫吳時復面奏其賢請補江蘇布政
使卒爲名臣陳恪勤公鵬年由山陽令擢海州牧公器之凡陳
民所不便與已所欲爲者許不拘常格
上嘗面問陳鵬年居官何若公力稱其賢自公去後恪勤乃屢
爲大吏所訾矣公雖以任子入官不由科目而淹通典籍且練
習掌故詩文皆爲當代所推少時嘗繪蘇文忠公像貌已侍側
國朝先正事畧卷九名臣十一

吉士入武英殿纂修佩文韻府授編修辛卯主貴州鄉試壬辰授浙江提學道著有緯簫堂詩集筠官檢討致官四川布政使

國朝先正事畧

卷九 名臣

十一

陸清獻公事畧

陸公隴其字稼書浙江平湖人六世祖溥官豐城縣丞嘗督運夜過采石舟漏勢危甚跪祝天曰舟中一錢非法者願葬魚腹漏忽止且視之則水荇裹三魚塞之始遷居泖上築堂曰三魚公文集稱三魚堂者以此公少貧力學以聖賢自勵非義不取嘗授徒嘉善有李氏欲延之公曰固願往但館穀不可有加庶有以謝主人康熙九年庚戌成進士廷對極論時務其畧曰法者治之迹而非所恃以為治也為治而專恃法自古及今未有能治者臣非欲

國朝先正事畧

卷九 名臣

十二

陛下廢法而治也竊以為法之及人也淺德之及人也深法之禁人也難教之禁人也易今日之治苟非崇德教以正人心雖日議法無益矣伏願

陛下日新其德以堯舜禹湯文武之心為心以堯舜禹湯文武之學為學有弗言言則必使天下共法也有弗動動則必使天下共則也於是務敦教化一如古者司徒黨正三物六行之制盡其實勿徒徇其名天下之人既動於上之德而又習於其教則自然相漸以仁義相尚以忠厚相勸以正直不待法之驅而人皆有君子長者之風由是立法以興利莫不安於上之所興立法以去弊莫不安於上之所去使不先正人心而徒恃區區之法議法者日益精而利法者日益巧法之弊未有已也雖然

臣猶有進焉人之相通於法也始於其心之不正亦由於用之不足書曰凡厥正人既富方穀管子曰衣食足而禮義生今之大吏祿薄不足充其費則思借法以自肥小吏俸微不能養其家則思干法以為姦其罪可誅而其情可憫是在

陛下仿古待臣之禮稍重其祿使有以自給而又定其車輿服飾之制宮室飲食之節勿使耗於無用夫既有以養之又無以耗之則皆充然有餘自然奉公守法竭心力以效忠於上然後德教行人心正而邪治可復也由二甲用知縣需次歸益肆力程朱之學乙卯知嘉定縣嘉定賦多而俗侈公以清介自持上官嚴憚之往時令餽遺上官動千百計公歲時起居通書問而

國朝先正事畧 卷九 名臣

十三

已有大賈汪姓橫行里中里人患苦之數以利啗令長至是餽千金公弗內則求公故人為之游說公與故人談譙極歡察其言涉汪事即變色易容竟不得申其說會汪僕占賣薪者妻被訴匿汪所公捕治如法汪以是膽落折節改悔為善人民有宗族爭者令族長逮之鄉里爭者令里長逮之又有自追牌則兩造要而來不煩吏也衙胥舊以千數至是去者過半其在者無所得食公令更番給事退則為耕販以自活有所遺攝計日與錢遠者許就民間一飯括索者必痛懲之尤務以德化民不事刑威民告其子不孝訊得實公涕泣自訟曰吾德薄不能宣教化令汝父子至此因委曲誠諭父子皆大哭去子歸卒善事其

國朝先正事畧 卷九

父有弟以盜訟其兄公廉知其弟婦翁所導也杖而數之曰為子婿計乃忍斲其手足耶兄弟皆感泣好如初邑多通賦公立甘限法令應輸者自為限屆期輸半即免杖一士人經月無所輸公曰是非故通賦者察之則新遭憂也卒不追呼而糧辦舊有行杖錢月數千緡自公不事敲扑而正供外民不費一錢矣其餘雜派悉除之民得休養益輸將惟恐後時南方用兵徵餉十萬公為文諭民激以大義不一月而數足公生日老稚數千拜堂下有百歲老人求一識公曰自民有知識以來未見有官如爺者也丙辰廷議暫抽市肆錢一年佐餉例不及巷舍公如例報徵巡撫慕天顏不悅疏言時方多事陸令非應變才請調

國朝先正事畧 卷九 名臣 十四

簡部議遂引材力不及例鑄三級調用嘉定民大賊罷市日號巡撫門乞留巡撫不自安再具疏請復而公以盜案落職矣盜案者邑張某與汪姓訐訟汪赴理夜被盜殺其弟以御殺告公疑小隙無殺理牒大府請俟獲犯定擬尋獲真盜七獄具部議以初報不直指為盜疑諱匿引例奪職或謂公盍辨諸公曰縣有盜長吏不知黜宜也何辨為士民相率詣大府為辯卒莫省鄉民扶老攜幼獻粟涕泣請受公悉慰遣之比行委巷結綵炳香以送建生祠尸祝之或刻木為位旌幢鼓吹迎歸以祀者日數輩凡兩月乃已即嘗所懲艾者咸謂有再造恩亦不自知涕泗之何從也會徵博學鴻儒工部主事吳元起以理學純深

文行無愧薦公未及試奔父喪歸終喪不飲酒不食肉不入內
寢服除牒部請改教官弗許魏總憲象樞抗章訟公冤再疏舉
廉吏十人公其一也有 旨復原官癸亥授靈壽知縣縣於真
定最為磽瘠俗強悍善鬪輕生公勸課耕耨以盡地力請於上
官與鄰縣更役以蘇民困革火耗絕私派以養民財又反覆曉
譬化鬪很輕生之習其為民厚生正德若謀其子弟也尤申明
鄉約保伍之制舉鄉飲酒禮朔望詣學宮與諸生講論導以躬
行著松陽講義諄諄於義利邪正之辨會歲饑公牒大吏以聞
得 旨免徵額賦有大姓為盜劫巡撫不欲奏聞命改為竊公
不從曰甯以誠去官不欲以偽苟祿知府乃取盜魁杖殺之公

國朝先正事畧

卷九 名臣

五

惻然曰盜可殺而殺之不以法吾不忍也作勸盜文遣吏往獄
中為諸囚誦說之聞者多痛哭越三年復大饑 詔發三千金
以賑公徧歷山谷親審其戶口府檄發限單不許逾額公不
卒盡散之所全活者多巡撫文情公格爾古德特疏薦公下
議敘嘗以公事至都門政府欲一見之接浙行即魏敏果屢薦
公於 朝亦不往謁甲子夏兩江總督于清端公薨
上臨朝痛悼問九卿詹事科道今天下清廉官如于成龍者有
幾於是廷臣以直隸巡撫格爾古德部郎范承勳蘇赫江南學
道趙崙揚州知府崔華兗州知府張鵬翮靈壽知縣陸隴其對
丙寅巡撫于襄勤成龍訪民間利病公陳六事一正月開倉太

急宜緩一開荒起科為限宜寬一水利宜興一積穀宜廣一州
縣存留公使錢宜復一審丁溢額宜裁大畧謂自古稅斂必俟
稼穡登場今正月開征民間尚未播種也且四方安謐司農不
至告匱自可以前歲所餘暫抵本年春夏之餉俟秋成徵補於
國賦無損而民力則可以大紓唐虞三代之政此其首務也餘
五事皆切中時弊于公疏薦公為大學士余國柱所阻庚午科
道員闕
上面論在廷各舉所知於是工部尚書張公英左都御史陳公
廷敬兵部侍郎李公光地禮部侍郎王公澤宏交口論薦與清
苑知縣邵嗣堯三河知縣彭鵬並舉遂奉 俞旨行取公念靈

國朝先正事畧

卷九 名臣

六

壽頻年災正供不支而雜徭未盡減將受代乃申請緩征量減
房地稅又言上官供應久奉裁宜永革除又請將倉庫不時借
放饑民于公報曰謝事時猶力為災黎請命仁人哉臨行邑民
哭送者數萬立碑志遺愛如去嘉定時是年秋補四川道試監
察御史疏請將畿輔災區錢糧悉蠲免勿帶徵 特旨允行未
幾湖廣總督丁思孔請令徧沅巡撫于養志在任守制舉朝頗
右之公疏言天下當承平之時湖南非用兵之地若因督臣請
而畱後將為例其不奪情者鮮矣臣不知議者以養志為何如
人其非賢者耶則固不當使之在任守制其誠賢耶則固不肯
在任守制矣疏入養志遂解任辛未夏大旱遵 旨陳言一請

豁免直隸被災帶征各錢糧一言直隸編審人丁宜求均平一請停捐免保舉之法謂捐納州縣賢否錯雜故立保舉法以防之近并保舉亦得捐納則賢否全無可憑且保舉所重在清廉以有清廉字樣爲合例保舉可捐免則是清廉之目可納貨得也竊以爲不但保舉之捐納宜急停而保舉之限期更當酌定請 敕部察捐納之員凡到任三年而無保舉者即開缺休致庶吏治可以澄清時御史陳某請停保舉而開先用之例公再疏言捐納先用大抵皆奔競躁進者也故多一先用之人即多一害民之人又申三年開缺之請詞加激切及奉 命會議公持前議益堅謂捐納一途惟恃保舉以防其弊今併此而捐之

國朝先正事略 卷九 名臣

七

且待次年三月停止此輩有不捐納者乎澄敘官方之典蕩然掃地矣議者或以三年無保舉即令休致爲太刻夫以貴得官踞於民上者三年亦已甚矣又不能發憤自勵其貽害於民可知况休致歸仍在薦紳之列爲榮多矣即云設立期限反生營求此在督撫不賢則誠有之臣不敢謂天下必無賢督撫也時大兵餽餉亟計臣方恃捐納濟國用而豪右希進者相率慶彈冠內外諸臣亦多由捐納進公獨於疏議中痛斥之眾大譁部議以公拘資格致捐納觀望誤軍需負言官職擬削籍請奉天安置庶吉士張禹嘗欲從公受學未果至是恐遺失之即日執贄爲弟子而順天尹衛公既齊巡畿輔還入對言民心惶惶惟

恐陸御史遠謫

上特宥公俾還職尋 命巡視北城公凡有獻納必齋宿竭誠上每聽其言以爲與朕意合故雖以議捐納事府眾怨而 聖明終鑒其誠也是年秋以試俸滿都察院注公不稱職應外調遂移疾歸足跡不一至城市茅屋數椽布衣蔬食益以明道覺世爲已任壬申館虞山席氏歲暮還家感末疾卒年六十有二時康熙三十一年十二月十七日也後二年江南學政許汝霖任滿上曰原任御史陸隴其學問優長操守清潔可代其任大臣奏公已故

國朝先正事略 卷九 名臣

七

上嗟嘆久之曰本朝如此等人不可多得矣乃以直隸守道邵嗣堯代之公尋祀直隸江南名宦浙江鄉賢雍正二年 臨雍釋奠 命增從祀賢儒禮部尚書張公伯行請以公入祀 制曰可乾隆元年 特賜諡曰清獻並加贈內閣學士兼禮部侍郎銜公教人必授以朱子小學及程氏讀書分年日程俾學者循序致功其學以居敬窮理爲主謂窮理而不居敬則玩物喪志而失於支離居敬而不窮理則將掃見聞空善惡其不至師心自用墮於佛老者幾希所著學術辨力闢陽明爲禪學謂陽明之病在認心爲性顧涇陽高景逸之病在忘動求靜論者謂程朱之統自明薛敬軒胡敬齋後惟公能得其正宗云公所著

有四書大全困勉錄續錄松陽講義古文尚書考讀書志疑讀禮志疑禮經會元戰國策去毒呻吟語質疑衛濱日鈔問學錄靈壽縣志三魚堂文集其門人曰王前席趙裳旂席永恂侯開

國朝先正事畧 卷九 名臣

九

趙恭毅公事畧弟申季 子熊詔

公諱申喬字慎旂一字松伍江南武進人父繼鼎明進士官兵部主事公生之日紅光滿室中康熙九年成進士需次歸資授徒以養得金未嘗啟封輒以奉父母嘗遠出忽心動卜諸神不吉疾馳歸而父已得疾尋丁憂二十年授商邱知縣在官刻苦自厲案牘悉手治每中夜不寐日出視事無畱獄有投牒者一識面數年不忘釐畝稅戶給照單書四至隱占者許自首荒者除之歲饑捐俸為粥食餓人不足括縑數匹易米以濟鄰縣民踵至嘆曰使吾縣得此好官吾煩遠涉耶命諸生舉窮鄉嫠婦為請旌樹坊過之必下輿拜二十五年行取入京授刑部主事

國朝先正事畧 卷九 名臣

九

遇事疆直會湖廣有獄失入引律駁還得減死三十三年遷員外郎引疾歸四十年以安溪李公薦特旨召見授浙江布政使及陞辭溫諭有加公受事三日首革南糧布袋之弊故事發兵糧石給口袋錢四十歲費銀四千兩悉徵之民間至是照京倉例營兵自備口袋弊遂絕調欲使州縣無虧帑當先革藩司陋規凡錢糧加平時節餽送兵餉掛發奏銷部費諸欸一一禁革僚屬斂手奉法外營兵餉舊解府撥發公令歸本州縣支給省費不訾在官常自家運米以食曰吾不欲以口食累民也四十一年擢浙江巡撫賜御書藩庫有羨銀二千兩封識以授代者曰吾前奏銷不費一文錢後將難繼得此足辦一歲

事矣勿更擾民也。自藩署移撫，廨被一肩書數籠而已。尋奏築錢塘江口隄，易海塘土以石，將施工齋戒三日，率屬赴江，干爲文以祭。忽風狂潮大至，浪搏人若弩，注觀者奔辟。公朝服屹立不動，潮遂止。公跪禱，願假數旬以畢事。嗣是潮不至者七旬。而塘成已，而塘外擁沙成洲，可數里。自是潮不爲害。又請修葺禹陵，增鄉試中額，並從之。九月，湖南鎮守士民叩闕言紅苗反，給事中宋駿業因劾總督郭琇，巡撫金璽，提督林本植，衰廢。上命公往湖南，會同侍郎傅繼祖等察勘，遂調偏沅巡撫。四十二年秋，疏請征紅苗爲先撫後剿之計。

上命粵黔楚三省提督會同湖廣督撫進剿。十二月，自龍椒洞

國朝先正事畧

卷九

三

分路進剿，斬虜千餘，降寨三百有奇。紅苗平，移辰沅道駐鎮其地。尋諭曰：近征紅苗，貴州提督李芳述親冒礮石力戰，連斫數寨，聞趙申喬亦甚強毅也。先是

上南巡，公劾蘇州行在，賜御書督撫箴，及緘輯撫安四字。

上以湖南道遠，而官吏私征加耗倍他省，特頒諭旨申飭。公還建寧，勸詔書檄告屬吏，且言澄源端本，必自巡撫始。若稍有不法，爾官民等卽共聲其罪。於是屬吏惴恐，禁革一切私派。定頒漕米斗斛，官爲收解，驛傳夫馬銀於本州縣坐支。又革鹽商規例，酌道里遠，近平鹽價，請以上年兵米所餘，留抵春夏餉有餘，乃折銀解部，永停預徵之令。州縣列上貞節婦，有逾月具

請者卽按懲胥吏，復請准舊例給建坊銀，葺古賢祠，奪還侵地。見屬吏必齟齬，容使得盡言利弊，惟嫉惡如仇，不少貸。疏劾巴陵知縣李可昌等，舉賢能吏楊宗仁、伍士琪、張仕可、王朝恩，尤加意文教。遇學道必以清慎相勸。袁學道者，試常德，縱衙胥攬賄，公覆試諸生，黜荒謬者十七卷，劾罷學道。四十五年，疏言清浪平溪二衛僻處山隅，請改征本色爲條銀，以免運費。又言湖廣教職選缺，遠者輒數千里，請就湖南北分省選授，均下部議行。四十六年，饑發倉平糶，明年

聖祖復南巡，公迎謁淮浦，賞賚有加。遂奉旨赴荊州，勘同知王侃等侵蝕木稅事，鞫實論罪，疏請裁港口渡私稅，其荆關

國朝先正事畧 卷九 名臣 三

稅務仍歸部差管理。又請以靖州屬鷓鴣關稅併入辰關征解，以杜侵漁。均從之。是年，湖南復饑，不待奏，平糶如前。布政使董昭祚受商人賄，出諭令米船南下，價益踊，已聞親喪，復屬人爲保。留公案問得實，劾罷之。會南岳廟成，內閣學士宋大業奉詔賈，御書題額往還，劾公不敬及諸溺職狀，且爲昭祚訟冤。疏下，公回奏。公因發大業前後恐喝婪金狀，詔黜大業。追金入官。明年，疏劾提督俞益謨，冒抽兵餉，致營伍空缺。益謨亦劾公苛刻。命尚書蕭永藻赴楚察審。諭閣臣曰：自趙申喬參俞益謨，武弁始知敬畏。今天下兵額缺而空名食糧者多，所關非細故也。永藻尋以劾疏皆實回奏。

上命益謨休致而公還職十二月召授左都御史尋諭曰趙申喬撫偏沅時甚清廉但負氣人皆畏其口直與俞益謨互訐彼時亦有以申喬為非者朕細加察訪公論乃彰清官固所當借其言儆不可行朕亦不從惟言雖未當而並無私見且能實心任事者朕必加護惜焉公之去湖南也士民夾道焚香號哭自長沙至岳州數百里送者不絕各屬多建生祠祀之入都疏言河南瀕河荒稅宜豁且請救撫臣凡河水衝決及浚河築堤所占民田皆除其稅籍五十年典順天鄉試疏劾編修戴名世所著南山集子遺錄有大逆語下刑部鞠實正法又疏言直省寺廟眾多易藏奸請勅禁增建從之五十一年典會試疏

國朝先正事畧 卷九 名臣

三

請禁營兵預名食糧以清虛伍又言奉旨普免各省地丁錢糧惟潼關衛大同府征改本色不列蠲例請援奉天臺灣例一體蠲免並允所請行五十二年春萬壽禮成公疏請建儲固國本尋命赴廣東平糶因奏改電白縣解運瓊州等府兵米仍征折色免涉海洋之險及回京奏潮州知府張應詔清廉上即擢為兩淮運使是歲公七十御書匪懈堂三字以賜十月遷戶部尚書商人馬維屏呈請納銀萬兩交部領大錢易小錢送局改鑄下內務府戶部會議將許之公言收換小錢有司賤也商人圖利恐藉端擾民請勿許特旨允之公在部矻矻

治文書句稽錢穀無甯晷事關大體多與同官異議以是不悅於眾五十四年山西巡撫蘇克濟疏劾太原知府趙鳳詔受賍三十餘萬請革職究擬公以不能教子致鳳詔居官不肖求賜罷斥得旨朕禮遇大臣甚優自始至終無不期其保全今聞趙申喬奏詞意忿激殊失大臣體著嚴飭仍令在任供職鳳詔尋伏法五十六年戶部奏銷鼓鑄錯謬公革職留任明年充會試副考官五十九年夏以衰疾乞休優詔復原職令在任調理其應賠之項從寬免追十一月薨於位年七十有七賜祭葬如典禮諡恭毅公生平清介剛直不可以私干論學以不欺為本為政嚴厲發奸摘伏如神名重天下而楚人尤稱頌之當

國朝先正事畧 卷九 名臣

三

吳三桂據衡州時民苦征役公至始大減火耗免徭役一切無藝之征悉罷民困獲蘇雖婦人童孺無不知有趙撫院者百數十年來未之或衰也公於案牘皆手治在湖南時士民有實政錄之刻書吏何祖柱復手鈔公奏疏文告彙為二十卷又補輯其泚浙及入臺總部時各稿為四卷附焉官戶部時優人徐采給事潘邸嗾傭者殺人事下九卿議欲寬采以備抵公據刑部讞論采主使應坐絞已而采竟減死戍邊及憲皇帝即位下詔褒公仍逮采於邊論如律又以公與故大學士阿蘭泰等並宣力效忠追贈太子太保其應分賠屬員虧帑銀特旨寬免雍正八年詔入祀賢良祠尋祀湖南浙江

商邱名宦公嘗言官清非僅不名一錢也。須兼廉明二義。廉者一塵不染。明者一毫不蔽。兼之斯可謂清。若惟一介不取而處事糊塗。人將安賴。吾自信差免糊塗而已。

世宗嘗與近臣追論異時名卿。較其才守。互有軒輊。惟於公無間焉。弟申季字行瞻。丁丑進士。任遷江令。革除科派。禁獐獐劫掠。及豪強債利。舉卓異。改授編修。異數也。督山東學政。廉慎自矢。評文不假手幕友。以勞疾卒。官長子熊詔。字侯赤。康熙己丑一甲一名進士。賜及第。授修撰。入直南書房。因同官訐奏。記注事落職。仍留供奉。戊戌。以大臣子弟。從軍肅州。出私財濟運。父憂歸。未月。以毀卒。有詔復職。所著述多為時所稱。

國朝先正事畧

卷九名臣

三

張文端公事畧

張公鵬翮。字運青。四川遂甯籍。湖廣麻城人。康熙九年進士。選庶吉士。改刑部主事。遷禮部郎中。十四年。分校順天鄉試。明年。分校禮部試。十九年。出知蘇州府。母憂歸。服闋。補兗州府。有廉幹聲。今兗州府志。其手編也。二十四年。遷河東鹽運使。明年。遷通政司參議。轉督捕理事官。二十七年。俄羅斯察罕擾邊。我兵困之於雅克薩城。悔罪乞恩。公奉使同內大臣索額圖等往定界還朝。

聖祖器其能。擢大理少卿。明年。巡撫浙江。清漕弊。嚴鹽課。請建定海縣。城池。賑餘姚上虞。曠臨海太平等縣災。疏禁商船出洋。

國朝先正事畧

卷九名臣

三

私帶軍械。又因浙省旱災。請將三十三年輪蠲之漕糧。於三十二年免。征皆得。旨俞允。尋召為兵部侍郎。提督江南學政。三十六年。遷左都御史。疏陳淮陽所屬六州縣水災。巡撫宋榮未聲明拯救之策。應請特賑。允之。明年。遷刑部尚書。未幾。授兩江總督。三十八年。

上南巡。閱視河工。畢。命扈蹕入京。賜朝服鞍馬弓矢。先是。公偕尚書傅喇塔。察審陝西侵蝕貧民籽粒銀一案。既覆奏。上諭閣臣曰。傅喇塔畏人懷怨。草率具覆。張鵬翮亦稍模稜。至是。命復偕傅尚書。赴陝西詳審。並鞠前陝撫布喀。控前陝督吳赫。侵帑。及吳赫與甯夏道吳秉謙。互訐等獄。分別論如律。明

年正月回京

上問各督撫居官狀。公奏對稱。旨諭閣臣曰。張鵬翮往陝西。朕畱心察訪。果一介不取天下廉吏。無出其右者矣。三月。調河道總督。疏請撤協理河務徐廷璽。以專總河之任。撤河工隨帶人員。以免糜帑。並請。敕工部毋以不應查駁事。從中阻撓。均從之。尋疏請將攔黃壩。照上流河面折挑。使一律寬深。亟堵馬家港。使水勢不至旁洩。又言清口為淮黃交匯處。淤成平陸。應於張福口開引河。引清流。水入運。使之暢達。庶可敵黃。又言芒稻河兩岸過狹。宜濬使暢流。另建芒稻閘。以禦江湖。又鳳凰橋引河及雙橋灣頭二河。均宜加濬。疏皆下部議行。功成。

國朝先正事畧 卷九 名臣

三

上易攔黃壩名曰大通口。諭閣臣曰。前張鵬翮赴任時。朕即指示。謂必毀攔黃壩。挑濬芒稻諸河。今次第興修。觀其奏牘。詞簡而意明。其辦事精詳。可知矣。尋疏陳河工十九事。一修工葺柴多產海濱。舊有運料河。久淤。應加濬。便轉運。一清水會黃入海。關鍵全在六項。六項中。又以夏家橋為最要。應俟水落時。堵塞。一高家堰容納七十二處山河之水。前河臣于成龍改六項為四滾水壩。地勢不遠。宜併為三。仍鑿引河。并築順水堤。以衛田廬。一自武家墩至小黃河。舊有石堤。宜加高一古溝至六項以下。俱係土堤。宜改用石。一清河縣運口。至高郵州界首裏河。頻年黃水入運。致河身日高。宜加濬。一高郵寶應江都西岸堤。

多被水。謂俟冬期加築。一高郵城南石項五。改為滾水壩。四下開引河洩水。一歸仁堤石工。應補砌。一自運口至濱海兩岸堤。宜加倍高寬。一王家營引河。宜速挑濬。一新中河堤岸單薄。宜完固。一王家營減水壩。宜酌開十丈餘。以洩黃河漫水。一桃源縣南岸土堤。宜加倍高厚。一駱馬湖口對岸。有竹絡堤。節宣黃湖大漲。今黃河身高。水灌駱馬湖口。匯入中河。致屢決。宜堵築。以禦黃水。一王家營缺口。片堤單薄。宜培修。以作正堤。一徐州自楊家樓至段家莊。宜築月城。以作重門之障。一黃運堤岸。有領節與修者。有捐工興修者。勒限完築。一徐邳睢甯宿遷桃源清河山陽安東等處險工。宜支歲修銀。進歸防護。飭河官於伏

國朝先正事畧 卷九 名臣

三

秋二汛晝夜防守。疏入。詔下部速議行。又條奏區畫木石良厥。嚴定屬官考課章程九則。詔嘉其詳悉周備。命勒石。河干垂永遠。尋疏請於歸仁堤五堡。建機心石閘。於引河兩岸築束水堤。洩歸仁堤之水。出黃河。可以衝刷河身。保護田廬。諭嘉其合理。又疏言武家墩至黃莊堤工。除撥銀四十萬兩外。尚短銀十八萬六千有奇。得旨允給。且曰。張鵬翮遇事精勤。實能宣力。朕不之信。將誰信耶。漕艘進口。舊在駱馬湖旁。鑿渠名中河。後又改濬新河。淺隘不利。舟行公疏。請將舊中河築堤。一道改入新中河。則舊河上段與新河下段。合為一河。避黃河百八十里之險。於漕運大有益。優旨俞行。尋疏言臣遵 聖

方畧先疏海口。水有歸路。黃水不出岸矣。既挑芒稻河。引湖水入江。高寶等處水由地中行。矣。再闢清河。開張福口。裴家場。引河。淮水有出路矣。加修高家堰。堵塞六埧。逼清水使歸。故道。今清水大半入黃。少半入運。一水兩分。若有神助。請加何神封號。下所司知之。又疏請於韓家莊。時家馬頭二處。開引河二。使黃流直下。以免衝激。從之。四十年春。疏請於張福口。裴家場中間。開大引河一。併力敵黃。若黃水大發。則閉裴家場口。門使清水由文華寺入運。河僅運河水。大山陽一帶。由涇澗二河。洩水。寶應一帶。由子嬰溝。洩水。俱歸射陽湖。入海。高郵一帶。仍由山城南柏家墩二大埧。洩水。江都一帶。由人字河。鳳凰橋等河。洩水。入

國朝先正事畧

卷九 名臣

三

江若遇黃。淮並漲。清水由翟家埧。天然埧。洩水。黃水由王家營。減水埧。入鹽河。至平望河。入海。若漕船過完。黃水大發。則閉攔黃壩。使不得倒灌。黃水不漲。則堵塞運河。頭埧。令清水全入黃河。此古人設天如閘之意也。疏入。

上嘉其得治河秘要。並諭閣臣曰。張鵬翮自到河工。在署之日。少每日乘馬巡視堤岸。不憚勞苦。朕深知之。四十一年六月。黃水大漲。桃源城西煙墩堤根甚危。公加築月堤。護城。八月。疏言煙墩對岸河灘。挺出河心。逼漕南行。請於邵家莊開引河。建草埧。分水勢。又顏家莊水勢。逼射北岸。亦宜開引河。使水順流。上諭閣臣曰。此奏若下部議。必致遲延。卽照所請。行。尋疏陳秋

汛情形

上曰。覽奏挑水埧築成。黃河大漕直趨陶莊。引河循北岸而行。黃水從大通口暢出海口。極其深通。淮水從清口暢流。敵黃絕無倒灌之患。高家堰堤工完固。運河之水由涇澗芒稻河。人字河。分洩。河工大。有望矣。明年春。

上南巡閘河。賜御製河臣箴。准黃告成詩。並賜公父煊船神清養志。及松齡匾額。二月。山東饑。命漕臣桑額截漕米二萬石。交公選賢能官。運至濟甯兗州等處。平糶及賑濟。尋動用倉穀二十八萬石。十月。

上以公殫心宣力。不辭艱瘁。又清潔自持。特加太子太保。四

國朝先正事畧

卷九 名臣

三

十四年。疏請增修徐州城外石堤。及山安黃河北岸堤工。并建月堤。均從之。先是三十六年夏。時家馬頭河決。至三十九年夏。堵築未就。公疏劾山東同知佟世祿。冒帑誤工。應削職追償。詔公嚴訊。嗣世祿叩閩。訴公枉縱。交江督阿山。豫撫徐潮。會鞠。尋奏時家馬頭承修銀。應令佟世祿償補。馬家港東堤被衝。張鵬翮雖經題報。未將承修官追償處聲明。應令鵬翮與疏防等官償補。未幾世祿復叩閩。控懇。上遣戶部尚書徐潮等覆訊。係誣參。世祿復職。鵬翮巧飾供詞。失人臣禮。應罷職。淮安道王謙附會欺隱。應罰償擬杖徒。工部侍郎趙世芳。議公奏銷錢糧。浮冒十三萬餘兩。應下法司治罪。

九卿如所議奏。

上曰。此案依前議。張鵬。翮。量甚窄。斷不引咎。河工錢糧。原不限數。水大則所需者多。水小則所需者少。謂張鵬。翮。小有所取。亦未可知。謂以十三萬兩入已。必無之事也。河工恃乎用人。鵬。翮。所用之人多不勝任。故如此耳。趙世芳奏事不公。本發還。三月。聖祖南巡。諭之曰。爾居官固好。卻為王謙。張弼所欺。任其恣意妄行。致人心不服。朕非不知爾能任勞苦。但聽信屬員。流於刻薄。凡大臣受朝廷委任。必須為國為民。事事皆有實濟。若徒飲食菲薄。自表廉潔。於國事何益耶。閏月。御舟渡黃河。閱九里岡。嘉公修理得法。賜御製詩扇。七月。淮黃並漲。古溝壩埂。

國朝先正事畧

卷九 名臣

三

清水溝。韓家莊。四溢。坐防險不力。詔奪職。畱任。公督河官。盡力堵塞。於九月次。第竣工。四十五年。疏言。黃河萬里。來源百川。交灌。至清口。與淮水合。總因來源多。而去路少。致宣洩不及。若去路暢。則不至橫決。惟有遵旨。開鮑家營引河。藉洩黃河。及洪澤湖。異漲。庶河堤及高家堰工。均可保固。下部議行。初。公同江督阿山。漕督桑額。奏請開濶淮套。河屢請。上親臨指示。四十六年二月。聖祖閱視濶淮套。見地勢甚高。不能直達清河。所立標竿。多在民間墳墓上。面責公曰。奏請濶淮套。開河。非地方官希圖射利。即河員妄冀陞遷。至河工效力人員。無一方正者。何故畱之。

公奏。臣誤聽小人罪實難辭。下部議奪職。阿山革任。桑額降五級調用。

上諭。閣臣曰。聞驗視濶淮套之時。張鵬。翮。桑額。皆謂不可開。阿山強謂可開。其合阿山革任。張鵬。翮。奪官保銜。桑額降五級。畱任。四十七年。疏報修秋汛平安。優詔開復處分。免應追銀兩。內遷刑部尚書。明年調戶部。又明年。命往江南。讞獄五十年。公以父逾八十。請假省親。得旨。聞卿父精力尚健。不必急請歸省。明年冬。調吏部。命赴江南。鞠賄中舉人程光奎。吳泌等獄。時江蘇巡撫張公伯行。劾總督噶禮。通同舞弊。噶禮亦據事劾伯行。

國朝先正事畧

卷九 名臣

三

上命公及總漕赫壽。察審。尋奏。副考官趙晉。實與程光奎。吳泌賄通關節。論罪如律。噶禮。伯行。不能清理案件。是實。餘屬苛劾。應降畱。伯行。劾噶禮。索金全虛。應革職。贖徒。上切責公等。掩飾和解。命尚書穆和倫。張廷樞。覆審。先是。伯行疏。劾布政使牟欽元。匿通洋匪。徒張令濤。上奪欽元職。下總督赫壽。察審。赫壽奏。欽元。署中並無令濤。其人。五十二年冬。上命公及副憲阿錫。鼎。赴江南。訊理。尋以伯行。誣參奏。上責其不能盡心。令再詳審。尋奏。伯行。誣陷良民。妄生異議。欽元。應復職。

上命伯行免罪來京事詳張清恪公傳。是年丁父憂。時尚書富
肅安督剿西陲。諭公暫留辦部務。俟富肅安回京日奔喪。五
十七年。典會試。明年復典會試。會汶水旱涸。運道梗奉。命勘
視。請疏濬坎河雞爪諸泉。分注南旺濟運。而於彭口築堤。障沙
水入微山湖。從之。又因河決武陟。往查勘。備陳引沁入運利害。
謂地勢西北高而東南下。若引沁從高直下。而黃河躡其後。患
且劇。山東運道。有沙河馬場等湖。及諸山泉。本可濟運。祇因湖
堤殘缺。民間竊種湖旁地。致諸泉壅塞。為漕膠患。今已築堤蓄
水。疏泉運道。自可通利。優旨俞行。不許稍有更改。六十一年。
加太子太傅。雍正元年。授武英殿大學士。賜御書嘉謨偉量。

國朝先正事略 卷九 名臣

三

額。六月。河決馬營口。銜。命勲。梁。二年。進明臣鄧鍾所著籌海
重編。未幾。薨。年七十有七。諭稱其秉性孤介。持躬廉潔。贈
少保。於卹典定例外。再加祭一次。命致祭日。大小漢堂官齊
集。賜全葬。諡文端。八年。詔入祀賢良祠。初。公嘗疏請。敕
下史館。輯治河全書。
上。即以命公成。聖謨全書二十四卷。于懋誠由舉人仕至通
政使。

徐健庵尚書事畧

崑山徐健庵尚書。乾學八歲能文。十三通五經。為顧公錫疇所
賞。康熙九年。一甲三名進士。以編修主壬子順天鄉試。拔韓公
英於遺卷中。遂大魁天下。文體為一變。坐取副榜。不及漢軍銷
級。歸。十四年。復原官。擢贊善。丁內艱。葬祭悉遵古禮。著讀禮通
考百二十卷。服除。以贊善充明史總裁官。異數也。累遷侍講學
士。督詹事。二十四年。

御試翰詹諸臣。公冠其偶。諭獎公暨侍讀韓英。編修孫岳頌。
侍講歸允肅。編修喬萊。學問優長。文章古雅。陞賞有差。公尋直
南書房。擢內閣學士。充會典一統志副總裁。教習庶吉士。會郎

國朝先正事畧 卷九 名臣

三

中。色楞額請禁用明代舊錢。尚書科爾坤。余國柱等。議如所請。
公言不可。因考自漢至明故事。為議以獻。
上是公言。事遂寢。二十五年。諭吏部學士徐乾學。張英。宜畱
辦文章之事。勿開列。巡撫尋授禮部侍郎。充經筵講官。公弟元
文字立齋。官總憲時。疏言。滿洲漢軍官。宜一體守制。二十有七
月。其外官丁憂。不許候代。治事。又申律。文居喪。作樂。筵宴。嫁娶
之禁。及公貳禮部。謂禮以教孝為本。百日釋服。及舉殯。演劇。為
非禮之尤。滿洲京朝官。頗沿舊習。請嚴禁。蓋與立齋大指互相
發也。又請停歲貢廷試。免遠涉。時公被。命纂修鑑古輯覽。及
古文淵鑑。二十六年。擢左都御史。公語人曰。我何敢遠希古人。

近不愧吾弟足矣。乃疏劾江西巡撫安世鼎罷之。勸諸御史風聞言事。遇會議會推與尚書科爾坤佛倫等多不合。其會議河工屯田也。公與尚書張玉書並言屯田所占民間地畝宜還舊業。科爾坤佛倫不從。御史陸祖修因劾科爾坤佛倫等偏袒河臣靳輔。不顧公議。御史郭琇亦劾靳輔與屯累民。詔罷靳輔。任於是在廷多仄目。公矣二十七年總裁會試。即闈中授刑部尚書。時立齋已鐫級去官。至是仍起左都御史。兄弟迭相代當世榮之。公出甫就職而張汧之事起。先是

上命侍郎色楞額往鞫上荆南道祖澤深劾。并察湖廣巡撫張汧有無穢蹟。色楞額悉為開釋。又不。幼張汧御史陳紫芝

國朝先正事畧

卷九 名臣

三

旋劾汧貪贖。命副憲開音布往會直隸巡撫于成龍山西巡撫馬齊復訊。既鞫實張汧祖澤深婪索事。復得澤深交結大學士余國柱為屬。色楞額徇庇。及汧未被劾時遣人赴京行賄。狀下法司核擬。當是時國柱經御史郭琇劾其與大學士明珠尚書佛倫等營私附和罪。已罷歸。法司請檄追質問。并詰汧行賄何人。汧以不能悉數對。既而誣指公旋復吐實。上命免國柱質問。且諭就己鞫實者定擬勿株連。於是汧澤深及色楞額並論罪如律。公得白。尋上疏乞放歸。上不聽。公去以疏辭懇切。許解部務。仍領各館總裁。三日一直內廷。初甲子秋。公季子樹屏與立齋長子樹聲同舉順天鄉試。

上以是科所取南皿卷皆江浙人而湖廣江西福建無與者。下九鄉磨勘。忌者遂坐樹屏等文體不正議當斥。且送法司質訊。上不聽。僅落二子舉人。而公兄弟任如故。至是考選科道。公子樹穀樹俱在選中。立齋在閣循故事乞迴避。

上不允。特用樹穀為御史。而副都御史許三禮遂緣是劾公。且謂公潛住京師。部議坐三禮誣。鐫級三禮益恚。復許公贓罪。上仍嚴飭之。公再疏乞骸骨。

上允所請。命以書局自隨。論曰。一統志記載須詳核。宋元通鑑原書抵牾舛錯。卿學博才優。其殫心參訂。纂輯進覽。所奏俱依議行。時已仲冬。

國朝先正事畧

卷九 名臣

三

上命且過冬行無觸寒為也。二十九年春抵家。命樹穀齋疏謝。上命張尚書英傳旨問樹穀而安否。且傳齋奏。家僮至午門問途中起居狀。上蓋念公不置也。公傲居洞庭東山。而江督傅臘塔劾公兄弟罪入子姪名幾盡。上寢其疏不問。又一年而有山東濰縣令之事。濰令朱敦厚者故明死事巡撫之馮子也。以加火耗為巡撫佛倫所劾。論死。并劾公會致書前任巡撫錢珩徇庇敦厚。又以行賄狀。掠訊敦厚。冀傾公不承。乃已。然公與珩均坐是落職。自是而媒孽公者不已。嘉定知縣聞在上。坐私派得罪。閩時二年矣。令忽承會遺公

子樹敏金而卻之遲復坐公子罪論絞欲重危公會

聖祖詔諭天下以內外臣工私怨相尋牽連報復逮於子弟殊

非朝廷保全體恤之意諸處公者乃稍稍解而樹敏得贖罪時

書局撤復奉命續進所定草公避居嘉善已又栖息郡西華

山之鳳村

上久益思公有旨召用而公不及聞新命矣以康熙三十

三年四月薨遺疏入復原官年六十有四公自為翰林以文學

受知在南書房凡有叩問應如響既轉禮部

上特命凡內閣制誥文章仍令管理掌都察院時行幄適有表

啟不稱旨乃屬為之公途次伏地草奏

國朝先正事畧

卷九 詔旨

三

止善之問誰為是者眾以公對時已有楚獄矣

上曰文字乃仍須徐某撰耶

上嘗出御製文集四十卷命公編校儒臣尤以為榮嘗得

嘔噎疾

上曰此疾惟虎胃可療如不痊朕何惜一虎在經筵御賜博

學明辨四大字及歸御書光燄萬文字以寵其行公他所建

白甚眾議論棘棘不阿不喜為調停之說在禮部時山西巡撫

某以溺職逮廷臣會議有言其居官安靜者

上詰責則誘之陳公廷敬公獨抗言無是語眾皆愕怡公出曰

我上不敢欺朝廷下不敢負朋友也公負海內重望一時耆

宿山林遺老皆輕千里從公邸舍客滿俄別院居之如檢討陳

君維崧倪君燦吳君任臣及黃徵士虞稷吳孝廉兆騫死皆公

所殯葬公愛才若渴絕不為私然交遊太廣其家人門下客不

無緣之為奸利而士之失職不平者復鼓唇舌其閒詿語傳播

致屢入彈章賴

天子明聖得保全公歸時送公者雖三館之吏皆哭失聲曰公

去誰活我者讀書過目不忘能五官並用嘗與姜編修宸英觀

古碑碑甚高公令人掖以上橫閱之已又橫閱其中下段遂能

盡舉其詞編修大驚以為絕才無對也所藏書極富

聖祖詔求遺書公疏進十有二部温旨畱覽今傳是樓書目

國朝先正事畧

卷九 詔旨

三

猶行世公嘗言甯人負我毋我負人又曰做官時少做人時多

做人時少做鬼時多故不特文學為時山斗而風節尤至老不

衰云

徐文定公事畧

徐元夢公字善長一字蝶園滿洲正白旗人姓舒穆祿氏舒與徐滿音畧同而字義亦近故天下稱蝶園徐公公年十九成康熙十二年進士選庶吉士時明珠索額圖枋政以權利相傾各樹羽翼中朝士大夫非陰自託各有主張宦不得遂當是時顯與為敵者惟湯文正魏敏果柴立中央而無所依附者韓文懿李文貞外可指數也索額圖生而盛貴性倨肆有不附已者常面折顯斥之明珠則與其黨深相結異已者陰謀陷之而務謙和輕財好施以招徠新進及海內知名士公為庶常李文貞掌翰林院事嘗薦公及德格勒公賢

國朝先正事畧 卷九 名臣

禿

聖祖時召見講論經義德公嘗扈從 巡行明氏使人奉萬金為裝固辭裝已治無所用之公散館列二等例以科道用索額圖惡公不附已奏改戶部主事用此明氏尤欲致公公為童子試京兆與明氏子成德名相次成進士同榜屢相招皆不就為部屬時以公事見珠必徧贊於廣眾中二十二年由主事遷中允尋遷侍講

上一日詢公之為人珠以誠實對選講官列薦名先於學士公終不一至其門會天久不雨上命德公筮卦遇夬問其占進曰澤上於天將降矣而卦義五陽決一陰小人居鼎鉉故天屯其膏決去之即雨

上愕然曰安有是德遂以明珠對時索氏已挫於珠矣始

聖祖親政方冲齡索首建謀黜輔臣專橫者百僚懾伏而珠善結左右親近為腹心其黨徧布中外雖有賢者慎自守不求親媚而已終莫敢齟齬也惟康熙十有七年京師地連震上晝夜坐武帳中魏果敏公直入奏天變若此乃二相植黨市權引用僉壬以剝烝黎之應繼之者則德公用此名震天下而珠亦駭遽不自安自是以後蜚語時上聞謂公父為兩江總督麻勒吉僚屬贖貨不貲公與德公比議朝政適靈臺郎董漢臣上書言時事多所指斥下內閣九卿議大學士勒德洪公尚書達哈塔公及湯公謂書中豫教太子崇節儉宜施行而眾陰撓

國朝先正事畧 卷九 名臣

罕

之駁議至再三以湯公尤珠所深嫉也由是眾口喧稱湯公不欲上親教太子觀為師傅公與德公亦然先是上嘗詢公所學視德格勒孰優公自陳遠不逮也至是復舉廷臣某與公相衡而德公奏公遠過之請

上面試忌者遂言公及德公互相標榜湯公實陰主焉越日召試尚書陳公廷敬以下文臣十二人於乾清宮公與德公方屬草有旨責讓德公遂於試文後申辨公詩亦未成上命同試諸臣校勘眾相視無言而湯公獨以公文為是又命廷臣公閣湯公執前言且謂德公品學素優不宜以文字黜

是日翰林院奏劾德公鑄五級雷任時湯公為東宮講官上遂命為師而公亦為皇子師。珠復使所親謂公此非福也。惟歸誠於執政或少安公不答是秋。

御瀛臺教諸皇子射公不能挽強。

上怒以蜚語詰責公奏辯。

上震怒命扑責被重傷。命籍其家。父母皆發黑龍江安置。然

上意終憐公其夜命醫二人治其創翼日復召詣皇子

書堂時大雨裹瘡至宮門跪泥中見御前侍衛即號泣求轉

奏臣奉職無狀罪應死臣父廉謹當官數十年籍產不及五百

金望

國朝先正事畧

卷九

聖

聖主察之且臣父母皆老病臣年正壯乞代父謫戍尚能勝甲兵效命眾皆掩耳去之有關係者最後至斥公而入盡以公言

奏

上立赦公父母罪已檻車就道矣及諸途觀者夾路皆感泣遂

復公官仍侍皇子時二十六年四月也冬杪翰林院掌院學

士庫呼納劾奏德公私林起居注有旨問公知否會

孝昭文皇后升遐各以尉二人甲士二十人監守於私室次年

二月下獄始至即以三木訊公旁逮也榜掠數十脛大如股禁

親屬家僕毋通席地臥求水漿不得獄卒刻時以至提木索而

搖之毒痛自知必死適侍衛某入視族姻公辨其聲大呼曰一

上命問我非欲殺我也其人就視出謂典獄者曰此人死我必入告由是家人得入進食飲而湯公亦以議董漢臣事得咎矣起居注故事數易稿然後登籍德公所刪易乃未登籍之稿公晨夕侍皇子守官分局無由與知而獄辭上當德公斬立決

公監候秋後絞特旨改德公監候公免死鞭一百荷校三月

妻子入辛者庫逾年公主出降科爾沁公一子一女主旗務者

遂以公女媵時德公遇赦出獄歸本旗遂使盡室以從公素不

善騎公主疾或請於

上遣公往視相去千餘里刻日返命從者二人一道斃公入反

命出昏路兼旬不能起蓋自郭公秀劾奏後珠雖落職家居而

國朝先正事畧

卷九

聖

所引用已盡列要津每承進觀色以求屢其念好又善事貴勢

與相應如影響也珠既老其黨漸散安溪李公日見親信

上亦久而察公之忠誠三十二年命入上書房課皇子讀

書尋授內務府員外郎四十一年充順天鄉試副考官越四年

再奪職五十一年起內閣侍讀學士充會試副考官五十二年

遷內閣學士兼禮部侍郎特旨出辛者庫歸原旗五十三年

授浙江巡撫賜御製詩文集及鞍馬以行明年疏陳杭紹台

金衢嚴處七郡災請截漕米二十萬石平糶弁緩征以紓民力

允之五十六年入為左都御史兼掌翰林院事先是都御史員

缺

上諭廷推學問好不畏人如徐元夢者隨有是 命會

上以科場中積弊未除凡主考及同考官聲名之劣者 諭令

糾劾示警乃劾罷編修儲在文徐用錫張起麟沈宗敬及任滿

學政王雲錦林之睿萬經車鼎晉鄭晃等五十七年晉工部尚

書仍兼掌院學士教習庶吉士自乙酉冬李公入相

上萬幾之暇時 召入獨對同列無與班者李公南還公繼之

恩遇幾與比並六十年冬 駕幸南苑公未及從

上曰徐元夢乃同學舊翰林康熙十六年以前進士止此一人

矣 御製詩一章并序稱為同學老友副以食品遣使於夜分

呼正陽門入即家賜之時太夫人尚康疆屢朝

國朝先正事畧 卷九 名臣 望

皇太后於慈甯宮 恩禮備至而德公已老死微外矣公每言

及未嘗不慘悽而頽變也

世宗即位以舊學故特重公 命入上書房課 皇子讀書雍

正元年五月署理內閣大學士兼署左都御史充明史總裁十

月調戶部尚書仍辦大學士事 賜御製詩四年坐繙譯訛誤

落職在內閣學士裏行走八年坐撫浙時失察呂留良私書

應革任 命同繙譯中書行走十三年充繙譯鄉試副考官是

年八月

高宗御極 命南書房行走尋授內閣學士遷禮部侍郎充

實錄館總裁仍 命入上書房授書 皇子明年八月以老病

乞休 優詔許解侍郎任加尚書銜照現任食俸仍在史館

內廷行走乾隆四年加太子少保六年秋遵疾 遣太醫診視

賜復藥十一月疾革

上命皇長子往視及薨

上痛悼 命和親王及 皇長子往奠 賜銀二千兩治喪

特諭稱公人品端方學問優裕踐履篤實言行相符歷事

三朝小心謹慎數十年如一日可謂完人 贈太傅入祀京師

賢良祠 賜祭葬如典禮諡文定壽八十有七公撫浙時清約

若寒素割俸葺文書院書院故號萬松以公請

上賜榜易今名買田聚書以惠學者高安朱公踵行之兩浙人

國朝先正事畧 卷九 名臣 望

文之盛自此始公知名早仕宦垂六十餘年性剛介負氣不為

威懾中年後精研理學言貌温温若惟恐傷人者而中持黑白

卒無所依違與人敬以和貴賤老少如一長翰林數年物望所

歸鮮不薦達老而篤學與方望溪侍郎共事蒙養齋暇即就望

溪考問經義時江浦劉无垢泰州陳次園常在側交口責望溪

曰有是哉子之野也徐公中朝耆德且為諸王師子抗顏如師

誨之如弟子可乎望溪曰吾以忠心答公之實心耳子視公遂

出孔道輔下乎諸王侍衛中有年逾三十始讀大學而請業望

溪者講至秦誓作而曰所謂一个臣吾視徐公良然嗚呼公之

誠於中而動於物者可想見矣孫舒赫德官至大學士自有傳

格文清公事畧

公諱格爾古德字宜亭。莊鈕祜祿氏。滿洲府寧新人。初由筆帖式為副理事官。康熙二年。隨定西將軍圖海征湖廣。茅麓山賊。凱還。遷宏文院侍讀。尋遷翰林院侍讀學士。充日講起居注官。十三年。隨安親王岳樂征逆藩吳三桂。自江西進湖南。十七年。偽將軍林興珠率眾降。安親王軍前。公自長沙馳報。並奏聞與珠所陳困賊策。請分岳州水師為二。一泊君山。以斷常德之道。一泊香爐峽。隔山以斷長沙衡州之道。則賊不戰自潰。

聖祖密諭駐軍岳州之貝勒大臣。俾核議施行。十九年。隨安親王還京。擢詹事。尋有詔議敘勤勞。奉職諸講官。加公一級。二

國朝先正事畧 卷九 名臣

聖

十年。遷內閣學士。明年。授直隸巡撫。諭曰。旗下莊頭與民雜處。倚聲勢。每為民害。爾其嚴察懲勅。毋姑息。金世德于成龍為巡撫。廉潔有聲。爾繼其後。得名甚難。然苟急於求名。反致債事。其慎旃。二十二年。疏言。自鬻投旗之人。或有作奸犯科。冀逃法網者。或有游手好閒。規避差謠者。本土聽其仍居本籍。放債牟利。則諱旗而稱民。遇官長訪聞。窩逃構訟等事。又舍民而稱旗。甚或招搖鄉里。魚肉小民。地方吏不敢問。應責令本土止畱。務農人戶於屯莊。餘俱收回服役。嚴定縱徇處分。得旨。下所司飭禁。並特諭戶部。凡鬻身之人。或曾經犯罪。冀投旗倖免者。與知情之本主。俱從重治罪。二十三年。疏言。順天永平保定河

間等府。平田園作旗產者。向以別州縣之地撥換。仍聽彼處民人佃種。令業戶收租供賦。遇佃租不償。則額賦無出。其佃地所屬州縣。因與錢糧考成無涉。不為催租。致受撥之地。多有積逋。官民俱累。請自後。令佃地所屬州縣。代為征解。仍按未完分數。與奏銷一例。處分。疏下部議行。先是保定連歲歉收。米粟騰貴。公請截畱山東漕米。撥給駐防兵。格於議。公復疏言。駐防兵米。不下萬石。若就近採買。民間益苦。值昂。或遠購隣境。運費不貲。仍請截畱便。特旨允行。時大學士明珠佐領下人戶。指園民開塚地。墾種有訴於戶部者。牒巡撫察勘。宛平知縣王養濂。以無礙塚塋。飾辯。公劾養濂。引園塚地。屬民得旨。下部議處。並

國朝先正事畧 卷九 名臣

果

諭曰。民間田地。久經降旨。永停圈占。止以部存地畝。分撥新戶。口何得借端擾民。嗣後有似此者。必重治其罪。六月。疏薦廉能吏。井陘道李基和。靈壽令陸隴其。盧龍令衛立鼎。均得旨。下部議。尋以疾請解任。溫旨慰畱。遣太醫診治。會詔九卿等公舉清廉官。首以公列奏。上曰。格爾古德。居官素優。近聞患病。羸弱深軫。朕懷七月。薨於位。年四十有四。遣內大臣侍衛。於襯至日。往奠茶酒。部臣以公會降一級。任巡撫。未滿三年。應減半予祭葬銀。上曰。格爾古德。廉潔自持。勤勞素著。其復所降級。從優再議。尋賜祭葬如典禮。諡文清。公清介絕塵。衣布素。日食惟菜。韭卻葷。

饒萬計。纖毫不以自污。直隸旗民錯處。遇事多為權要所持。康熙初。裔拜圍地議起。督撫朱昌祚。王登聯等。均以守正被冤。殺自是人以為戒。無敢訟言其非者。至奸民竄入旗下。尋仇傾陷。尤狡桀。公執法嚴懲。不少貸。時有鐵面之稱。識陸清獻於縣令中。待之以國士。

上嘗諭責漕運總督碩幹。居官無善狀。碩幹奏曰。臣為眾所忌。故聲譽無從致。

上曰。格爾古德為巡撫。歿後人猶思慕稱頌之。居官苟善。豈有不致聲譽者乎。其為

上所推重如此。二十六年。祀直隸名宦祠。

臣

國朝先正事略卷之十 名臣

平江李元度次青纂



韓文懿公事略 子孝基

公姓韓氏。諱莢。字元少。別字慕廬。長洲人。康熙十一年。由國子生中順天鄉試。明年會試殿試。皆第一。禮闈撤棘。

上取公卷覽之。深以主司為得人。及廷對。復親拔之。遂授修撰。纂修孝經衍義百卷。充日講起居注官。

聖祖召公至起居注館。命作太極圖說。越三日。諭作四書文二首。復命悉呈平日文稿。又召至宏德殿。講大學。十四年。典順天鄉試。累遷侍講。十八年假歸。二十三年。補原官。二十

國朝先正事略 卷十 名臣

四年

上親試翰林。公名列第二。遷侍講學士。未踰月。擢內閣學士。兼禮部侍郎。公以文學結主知。凡應奉文字。每進一篇。輒稱善。天語稠疊。嘗云。韓莢天下才。風度好。奏對亦誠實。又云。韓莢學問優長。文章古雅。前代所僅有也。又云。韓莢所為文。能道朕意。中事。每侍經筵。日講。專陳治理。時有所獻。替動天聽者多矣。而公厚重不泄。未嘗有自矜之色。二十六年。引疾歸。里居八年。以詩古文開其鄉之後進。性恬曠。好山水。朋游暇。則與二三遺老。徜徉泉石間。點勘六經。二十二史。自明亡。科舉業日就腐爛。公出始漸復於古。未遇時。鄉先達頗怪之。徐尚書乾學典鄉試。

得公文於遺卷中。擊節歎賞。尋取上第。其文橫被六合。世以比於昌黎。而公未嘗以此自喜。及尚書與要人相構。罷歸田里。領書局洞庭山。踰年。兩江總督傅臘塔承意與大獄。將盡鉤其黨。居門下者皆陰自貳。甚者訟言攻之以自前滌。公時在籍。獨斯夕造門。助其討論排纂。且為別白於在事者。嘗乘小舟出遊。會縣令出隸卒。爭道覆公舟。比登岸。衣裘盡濡。戰栗移時。戒從者勿聲。竟不知為公也。公得漁村別墅。將著書以終老矣。會有欲與公並起以為名者。復召掌翰林院。有司敦促就道。乃行入朝。

上慰勞再三。命充一統志總裁官。時康熙三十四年也。逾年。國朝先正事畧 卷十 名臣 二

授禮部右侍郎。三十八年。調吏部。明年。充經筵講官。教習庶吉士。擢禮部尚書。仍兼掌翰林院學士事。公以院務繁。請解尚書。在得旨。卿才品優長。不必以衰病求解部務。并賜篤志經學。潤色鴻業。堂額屢與孝感。熊文端公同召對。忌者謂公且暮。且入相。會江南布政使張萬祿。虧庫金三十餘萬。制府阿山上言。費由南巡。非侵牟。或謂張於制府為姻家。上震怒。下九卿議。左都御史某。訟言法當誅。公正色曰。果有連其情私。其語則公也。且斯言得上達。所益不細。忌者增益其辭。以聞。上公由是得罪。或謂公。

上每合怒詰責諸大臣。伏闕下請罪。累日。即解。公曰。吾身可危。臣節不可辱也。

聖祖嘗親試翰林。欲黜者二人。時公與法良。公同掌院事。命劾奏。公謂法公曰。姑徐之。此民譽也。越日。法公入對。上怒。命削職。隨本旗供勞。辱事。眾皆趨公。公曰。法公以吾言至此。而吾乃苟免乎。又數日。召公詰責。公徐曰。此二人於院中不在。應黜之列。文雖不工。惟上寬假之。

上霽。願為公曲。止焉。公天性與物無町畦。然持論侃侃。不為兩可之說。其所不為。不可以利害禍福動也。當廷試日。吳三桂

國朝先正事畧 卷十 名臣 三

逆節已萌。公對策。力言三藩當撤。無少顧忌。其後論海關不當設關稅。不當添私鈔。禁不當過嚴。永定河事例。不當許捐。道府會試。所重掄才。業分南北。中卷不當復分左右。皆言人所不敢言。祭酒阿理瑚。請以故大學士達海從祀孔廟。公持議。以謂達海造國書。一藝耳。法不當從祀。御史鄭惟孜。以國子生多江浙人。有冒籍赴試者。疏請盡發回原籍肄業。公曰。京師首善地。遠人嚮化。方且聞風慕義。來學若因一二不肖。輒更定制。恣驅除。勢至大學一空。失國體。事遂寢。公待士出於至誠。士有道藝而弗伸。如疾病之在己。方望溪侍郎未遇時。公貴禮先焉。每聞望溪下第。必面責主司。及鄉貢相見。京師愀然曰。是非子之幸。

也。子終不遇學與行可成。公晚年病肺。飲酒不輟。望溪勸公少止。公曰。子知我者。吾少不能自晦。崎嶇官途。碌碌無所建。豈負聖主之知。今老矣。嘗恐未得死所。以至再辱壽考。非吾福也。且子終謂我何。如人望溪曰。公為人。天下士盡知之。况某邪。公曰。世人多好吾文。吾文不足言。或目為曠達。亦似矣。而非也。吾立身尚能粗見古人之繩墨耳。吾為亞卿。未嘗一至官正之門也。吾為學士。未嘗一至執政之門也。自趨朝外。與馬未嘗入內城。吾好朋游。嘗與酣嬉淋漓。然貳冢宰。歲未再終。發吏之姦。為永禁者七百餘事。鉅諸板。是誠沈飲人邪。公每與廷議歸。輒頽然自沮。喪望溪叩之曰。凡吾有言。眾若弗聞焉。將為。

國朝先正事畧

卷十

各臣

四

上別白之則更有陰為擊曳者。而其道必反矣。內負吾心。而外藏於友朋。孰若曩者。家居浩然。有以自得哉。望溪曰。

上於公意倦矣。而公不告休。何也。公曰。剛當位而應與時行也。吾後而失其時矣。徒滋譴呵耳。望溪曰。進退有禮。譴呵非所避也。是歲公果再告。再奉詰責。由此愈脆。四十四年八月。公以疾薨於位。年六十有八。望溪嘗曰。某往還公卿間。其敢以古義相繩。與用余言而不疑。且悔者。自公而外。未之多見也。公嘗與門弟子張大受曰。吾貴為尚書。何如秀水朱錫鬯。以七品官歸田。飯蔬飲水。多讀萬卷書。嗚呼。公之胸懷。可謂超然物外矣。湯丈正公數語人曰。表裏洞然。不可奪以非義。惟韓公耳。乾隆十

七年。諭內閣曰。故禮部尚書韓莢。生平種學積文。湛深經術。制藝清真雅正。實開風氣之先。足為藝林楷則。可加恩進。諡用示褒榮。乃賜諡曰文懿。第三子孝基。字祖昭。少承家學。能文章。康熙三十九年。進士。選庶吉士。授編修。時文懿公負海內重望。天下士爭趨之。因樂與祖昭。昆仲遊。公薨後。奉母十餘年。不出。雍正初。以原官召修明史。事竣。移疾歸。治經精三禮之學。篤孝友事。伯兄如嚴師。乾隆十六年。上南巡。召見行宮。慰問者再。時年八十有八矣。御書家學者。儒四言以賜之。年九十卒。其子彥曾。進士官洗馬。慶曾。茶曾。皆舉人。

國朝先正事畧

卷十

各臣

五

徐文敬公事略子文穆公本 祀 孫以烜

錢塘徐文敬公。先世業漁。公生日。江湖大上一舟。為風漂沒。封翁急拯之。得免。僦舟者為閩省。孝廉入都。應試者也。翁延至家。致雞黍之敬。次日。洗兒請孝廉命名。以江湖之異名之曰潮。其後孝廉累不第。而文敬早達。分校會試時。孝廉竟出其門。云公字青來。康熙十二年進士。由庶吉士授檢討。二十三年。遷贊善。典試江南。游陟諭德。庶子少詹事。通政使。晉左副都御史。工部侍郎。三十三年。充會試副考官。母憂歸。起補刑部侍郎。三十九年。授河南巡撫。

聖祖諭之曰。聞河南火耗重。州縣虧帑者多。其嚴行禁止。並加國朝先正事畧 卷十 名臣 六

意籌畫。公抵任。潔己率屬。自布政使以下。舊時加徵於民者。皆革除之。又奏除南陽辦鉛衛輝辦漕之弊。開溝渠以資灌溉。革身行以恤商民。禁發馬以安驛遞。政俗一變。

上巡幸畿甸。諭巡撫李公光地曰。直隸與河南山東接壤。其巡撫賢否。爾必知之。李奏。公居官甚優。翼日。諭廷臣曰。近日督撫李光地。張鵬翮。彭鵬。郭琇。最優。徐潮在河南。聲績亦著。四十年。偏沅巡撫金壘。奏甯遠盜犯關翰芳等四十餘名。罪皆應死。部如所議。

上特命公馳驛往讞。公奏關翰芳等二犯。應照原擬梟示。餘竝應監候。俟緝獲盜首關四。質認明確後。實諸法。既而偏沅巡撫

趙公申喬。奏關四遁入狷崗。徧緝無蹤。其監候之三十五犯。請照原議處決。得旨。俱免死。發遣黑龍江。先是五經博士程延祀。請給二程子祭田。格於部議。

上諭公曰。程子宋之大儒。祀典不可有缺。第祭田恐年久變。其更籌久遠策。公奏請於每年春秋致祭外。別給其後嗣銀四十兩。俾展時祀。從之。是年歸德府屬災。疏請蠲賑有差。又請以常平義社各倉穀。糶借兼行。并借給貧民牛種。又言豫省秋霖傷稼。米價日昂。請改應運漕糧二十五萬石為折色。庶民間食米不至騰貴。均得旨。俞行。四十二年二月。

上南巡。公迎駕泰安。賜御書督撫箴。及懷矢清風匾額。疏請加考城柘城溫登封四縣學額。從之。十二月。上西巡。回鑾。公迎駕衛輝。御書楹聯及過孟津詩一幅。賜之。四十三年。

上以汾河渭河皆與黃河相通。擬於河南貯米粟。遇山陝饑。即運以賑濟。又慮經三門砥柱之險。水漲船不能上。命公及川陝山西督撫勘議。公既與總督博壽等會疏覆奏。又疏言豫省汴河通淮故道有二。一自中牟經祥符橋遷而達於淮。久淤塞。一自中牟經尉氏等縣。歷太和而達於淮。經元臣賈魯修濬。今名賈魯河。宜加挑濬。至賈魯河外。尚有支河與黃河止隔一堤。地曰花園。在鄭州之北。雖久涸而舊跡尚存。若加疏濬。通舟楫。

誠高民之大利得旨如所請行是歲山東饑災民多就食河南公令有司給糧養贍復倡捐米粟於省會四門按日散賑秋成後資送回籍全活者多四十三年遷戶部尚書初

上擢李公光地長吏部諭廷臣曰李光地徐潮居官優皆得大臣體應早擢用因地方起見故久畱外任至是諭曰徐潮

為巡撫平易得體民無不稱頌之者尋充經筵講官四十四年上南巡公扈從時總河張公鵬勅淮安同知佟世祿冒帑誤

工罰償工費銀七萬餘兩并令准揚道王謙枉斷擬杖世祿叩關命公同兩江總督阿山會鞫公覆奏世祿無冒帑誤工情

事不應追償宜復職鵬副偏執苛刻刪供枉斷應奪職畱任諫

國朝先正事畧

卷十 各臣

八

附會欺隱應職擬杖徒從之明年兼掌院學士教習庶吉士尋奉命兼理高家堰等處河工挑河十萬四千九百丈有奇

築堤四萬一千五百丈有奇四十六年命齋帑監修武家壩天然壩蔣家壩及挑河建閘築堤諸工先後報竣尋調吏部尚

書掌翰林院如故四十九年春乞休命以原官致仕五十二年春赴京得旨徐潮以慶祝遠來其與見任官一體給廕五

十四年五月薨於里第年六十有九遺疏至優詔悼恤賜祭葬雍正十年詔入祀賢良祠乾隆九年賜諡文敬

子本字立人康熙五十七年進士選庶吉士授編修雍正六年督貴州學政尋授贊善遷侍讀七年遷貴州按察使八年調江

蘇尋遷湖北布政使十年擢安徽巡撫奏定緝盜章程又條陳

推政四則釐剔蕪湖鳳陽諸關積弊又疏陳徵糧事宜三則均

下部議行壽州濱淮河積盜聚族居假捕魚為業劫掠商旅公

陸續擒治凡漁舟皆取連環保編甲乙號嚴查其孫平焦鄧諸

姓久習為匪設族正令不時舉發疏聞得旨嘉獎又請增設

巡道分巡安徽甯池太廣等屬部議從之遷左都御史充經筵

講官十二年擢工部尚書協辦大學士先是浙江江山奸民王

益善等謀不執事發株連甚眾命本往同浙督程元章鞠治

實為首者十餘人於法全活千餘人疏言衢屬崇山密箐最易

藏奸請改衛協為總兵以資彈壓添設巡道一人駐衢州其江

山之清湖鎮等處地皆險要請增設同知駐防省報可十三年

命同泉親王允禮大學士鄂爾泰等辦理苗疆事務八月

高宗御宇調刑部尚書協辦總理事務乾隆元年授東閣大學

士兼禮部尚書總裁實錄二年入直南書房賞雲騎尉世職

三年充軍機大臣賜紫禁城騎馬加太子太保七年兼管戶

部九年春以病乞休上慰畱六月具疏力請加太子太傅允解任八月諭曰大學士徐本老成謹慎宣力有年今因疾請告朕心眷注特賦詩篇以寵其行並錫御用冠服及內府文綺貂皮等物朕於本月二十五日行幸南苑當親至大學士邸寓慰問之尋命在籍食

國朝先正事畧

卷十 各臣

九

俸其子侍講學士以烜給假送歸十年

上念本歸里將一載。御製五言古詩三章。賜之。詩有云。卿

雖適江湖。豈不念朝廷。努力加餐飯。慰予跋望情。又云。所願眠

食佳。速整歸朝駕。十二年。薨於里第。遺疏入。

上震悼。優詔賜卹。贈少傅。賞庫銀千兩治喪。命巡撫

顧琮往奠。尋賜祭葬。諡文穆。二十二年。

上南巡。禮部以公未入賢良祠。不請遣祭。諭曰。朕巡幸。所經

致祭名臣。舊輔乃國家念舊酬功之典。徐本。歷事三朝。宣力中

外。法當致祭。胡膠柱鼓瑟。乃爾。卽命入浙省賢良祠。遣官致

祭。五十一年。命入京師賢良祠。本弟祀康熙五十一年進士。

國朝先正事畧

卷十 名臣

十

雍正四年。以編修典試廣西。尋授御史。轉給事中。遷通政司參

議。太常少卿。授甘肅布政使。調湖南。九年。遷陝西巡撫。召補宗

人府丞。三十四年卒。子以烜。雍正八年進士。由編修五遷至詹

事。乾隆十八年。擢內閣學士。督順天學政。明年。遷禮部侍郎。充

經筵講官。坐失察僱倩代考。降太常卿。尋署禮部侍郎。以疾歸。

陳清恪公事畧 子文勤公世倌 從弟文簡公元龍

陳公諱說。字叔大。號實齋。浙江海甯人。明季。陳氏衣冠日盛。子

弟皆治舉業。務進取。而公本生父之問。獨承學於念臺劉公。劉

公。殤黃先生梨洲傳師說。以教浙東西。而公復從梨洲游。自入

國朝。伯叔父兄弟。兄弟之子。登上甲。宅政府。長六官。出秉節鉞

者林立。惟公第舉乙科。由康熙壬子舉人。授中書。三遷而副長

御史。開府貴州。湖北。入為尚書。皆特擢。不由階資。其給事吏科。

轉刑科。都給事。言多施用。而以稽貴州土司。承襲遲延。指索狀

劾罷大吏。及請復天妃。開以奠淮。黃語尤著。薦紳聞其疏論。河

務謂黃准自古不兩行。助黃刷沙之清水。亦不宜分洩。黃水塞

國朝先正事畧

卷十 名臣

十

清水。不過一時之異漲。稍平。卽可暢流。清水旁分。則流弱。黃水

灌入。淤沙愈積。愈高。邇者修歸仁堤。開胡家溝。以出睢湖之水。

閉六壩。培築高家堰。以出洪澤湖之水。此直借淮敵黃。一定不

易之經。然淮水分入運河者多。則敵黃仍弱。舊說天妃。離淮

黃交會處。二百餘丈。南至清江浦。共有五閘。重運到時。更迭啟

閉。運一過。卽下板鎖。斷官民船槳。用車盤。是以淮之全力。俱

注於黃。其引入運河者。不過暫時資其濟運耳。自改建草壩之

後。無復閘板啟閉。淮黃盡趨運河。清江浦民居可危。宜復天妃

閘。舊制使淮水易以敵黃。此目前急務也。事下總河張公。鵬翮

酌行。尋自鴻臚卿倅大理。領臺中履決疑獄。及巡撫貴州。民隸

於食行視山坂皆可耕。諮於介眾。眾曰：收穫不可期，入稅籍終難脫矣。遂奏免陞科。踰年斗米錢三十，因教以蠶桑。時果樹就王。又成謫戍，講學處建書院，聚教羣士。廷及苗童，黔民久而慕思之。移鎮湖北，值武漢所屬十五州縣，衛夏秋歉收，請分別蠲緩賑濟，得旨允行。尋首工部尚書，轉禮部尚書。官中事無不釐飭當。

聖祖中年直省大吏員缺，必咨臺垣九卿舉者，多陰奉要人，借或自援親故而公所舉，惟三人：高安朱文端、公始令潛江，以蘇舜獄公記其名。前後凡四薦沈端恪，公未遇時，給資誘進，既通籍揚於朝，准黃洪滋舉。陳恪勤公為河督，世以公為知人公性

國朝先正事畧 卷十 各臣

三

沈靜其治事，旬稽文簿，終日不倦。事畢即閉閣下簾，手一編未嘗一日去書，謂四子書諸經之膏液也。近體諸身，然後知須臾不可離。作四書述，嘗慨酷吏深文擊斷曰：律者聖人以不忍人之心著之，為精義之學者也。作讀律述，謂孔子學易，期於寡過。大事萬變，包於六位，隨時隨事，必有合焉。作玩辭述，手批通鑑及綱目，丹黃凡五周，論多獨見。作通鑑述，晚年將次第排纂，未卒業。康熙五十八年，具疏乞休，得旨：卿才品優長，服官日久，兩授巡撫，潔己愛民，茲簡任秩宗，正資倚任。覽奏以老疾乞休，情詞懇切，可原。官致仕。六十一年冬卒。年八十有一。諭賜祭葬。諡清恪子六，長世儔。丙戌進士。江西建昌守次世儼，辛卯舉

入次世仁。乙未進士官檢討。次世信，官至大學士。次世侃，癸巳進士官檢討。

世信字秉之，號蓮宇，登康熙四十二年進士，選庶吉士，授編修。五十年充山東副考官，累遷中允，侍讀。五十二年典廣東鄉試，充日講起居注官。五十八年充順天鄉試副考官，明年提督順天學政，遷侍讀學士。雍正二年，父服除，擢內閣學士，授山東巡撫。會境內多蝗入境，後密訪被蝗各屬，損稼重輕，且察羣吏能否，具得其大略。而後視事，尋疏言社倉通有無，濟豐歉古今皆可行，請令每鄉立印簿，捐者自注籍數，不拘多寡，舉公正鄉約三人輪管出入，冊報官查。春夏之交，許民間借領，至秋每石

國朝先正事畧 卷十 各臣

三

收息二斗，款則減之。十年後息倍於本，祇收一斗。第小民可與落成，難與慮始。各督撫宜於一省中先行數州縣，俟著有成效，然後廣行。下部議如所請，又奏通省下銀，請攤入地畝徵收。又遵旨會議海防事宜五則，皆從之。四年母憂歸，命督修江南水利，坐遲誤落職。仍命赴曲阜督修文廟。十三年起副都御史。乾隆元年，陳臺灣事宜三則。下所司議行。未幾授倉場侍郎，調戶部左侍郎，遷左都御史。疏請定各部院會議遲延處分。五年，轉工部尚書。六年，授文淵閣大學士，教習庶吉士。奉命往視淮黃河工，乘傳周覽，每疏論河務皆本確見。九年春，予假回籍，請開缺不許。尋疏言山東劇盜田豬頭等及沛縣巨

窩姚乾等見均就獲因各省均有劫案關訊待質臣以爲此等
大盜但數案審實卽應正法母久稽顯戮

上題其言十月還朝明年加太子太保 命紫禁城騎馬十三
年冬坐票擬錯誤罷歸十五年入京恭祝

萬壽 賞原銜回籍十六年三月 特召入閣視事兼管禮部

十七年典會試十九年再典會試二十二年請老得 旨允其

回籍如一二年後精神清健仍可來京辦事以副優眷耆臣至

意尋 命加太子太保明年春 陞辭 御製詩賜之賚白金

五千兩 命在籍食俸四月薨於京邸公少承家學嘗言自始

仕至服大僚戰戰慄慄惟懼或蹈於非義以負先人之志事當

國朝先正事畧 卷十 名臣 五

官守道棘棘不阿方侍郎苞嘗謂公長臺垣其規模氣象與念

臺劉公爲近乃歎清恪公之教行於家而劉公之風能使異世

下聞而興起也公卒年七十有八

上聞軫悼再 賞白金千兩治喪派散秩大臣帶領侍衛十人

往奠醴 賜祭葬 予諡文勤

元龍字廣陵號乾齋清恪公從弟也康熙二十四年一甲二名

進士授編修入直南書房明年充日講起居注官夏四月侍班

乾清宮西閣

聖祖願謂曰朕素知爾工楷法其作大書一幅 命就 御前

作書

上嘉獎以 御書關里碑文示之二十八年爲都御史郭琇劾
罷逾年 詔復任三十三年遷侍讀 御書鳳池良彥額 立

御書一卷 賜之三十五年隨

上親征噶爾丹遷庶子三十八年典試陝西又明年遷侍讀學

士 御便殿作書 賜內直翰林觀 諭曰爾等各有所自

陳當書以賜公奏臣父之闕年逾八十擬愛日堂三字 御書

賜之四十二年擢詹事充經筵講官四十三年請終養許之

賜公父人蔭參斤 命攜歷代賦彙歸校對增益明年

上南巡公迎 駕慰問備至兼詢其父起居狀 賜御書南陔

國朝先正事畧 卷十 名臣 五

日永額 賜公父人蔭金扇諸珍又 賜公母陸氏慈教貽休

額 諭以家有老親母遠送尋丁父憂四十九年擢學院學士

教習庶吉士明年授禮部侍郎出爲廣西巡撫首疏陳三事一

桂林貯穀高建倉廩百餘間以避潮溼一興定陡河水通灘江

達廣東爲三楚兩粵運糧要道舊開傾圮率屬捐俸修築一發

濟院外別構屋數十間收養鰥寡又立義學以貧士爲師量給

修膳創育嬰堂設粥廠施藥餌以賑窮民報聞 諭七年盡心

撫字吏畏民懷所建陡河石隄及三十六陡門盡復漢馬援唐

李渤故蹟五十七年擢工部尚書六十年調禮部疏言選拔久

停請 康熙三十六年例命學臣如數拔取送監肄業從之

世宗御極 命奉守

景陵仍食禮部尚書俸。結茅馬蘭峪者六載。雍正七年。詔尚書陳元龍。左都御史尹秦。均係

聖祖舊臣。雖年近八旬。精力尚健。其各授額外大學士。以示優眷。尋晉文淵閣大學士。兼禮部尚書。先是公撫粵時。奏請捐穀

折銀交納。分得羨金十一萬七千有奇。內捐出公費銀九萬三千。及捐仗軍需銀十萬。均經奏明。嗣因倉穀有虧。部議仍追償

銀二十一萬有奇。不准扣抵。限五年交納。至是。特旨許照數扣除。尋疏言各省題奏。請增揭帖一通。送起居注館。記注後送

內閣從之。又疏言各番役多與流棍串通。所獲賭博關稅等犯。國朝先正事畧 卷十 名臣 六

往往匪犯索財。即行私釋。其窮苦者始行送官。請嚴定送官期限。違者訊治。詐贖贖放罪。下部議行。十一年。優詔許原官致仕。加太子太傅。令公子編修邦直隨侍。養啟程日。賞御膳

著六部滿漢堂官餞送。沿途官弁迎送如禮。乾隆元年。詔在籍食俸。八月薨。諭賜祭葬。謚文簡。著有愛日堂文集。海甯陳

氏。自素庵相國之遊後。與爰立者得文簡。文勤而三官正卿及卿貳者復四三人。大司空文和公。敬承少司寇。論少宗伯。邦彥

其最著也。其他侍從甲科。不可勝數。蓋一時之盛云。

王文恭公事略 弟九齡 鴻緒

國初漢大臣兄弟並起家詞館。躋政府長七卿。及為卿貳者。若崑山徐氏。海甯陳氏。華亭王氏。其最著者也。王氏昆仲三。而文

恭公居長。公諱頌齡。字頌士。號瑠湖。父廣心。字農山。順治六年進士官御史。以文名。巡視京通二倉時。釐剔漕弊。疏凡三十餘

上。清操凜然。捐吏莫敢犯。公由康熙十五年進士。授太常博士。十八年。詔舉博學鴻儒。尚書惟訥薦。公詩詞風雅。品誼端

方。召試一等。授編修。纂修明史。二十年。充日講起居注官。二十一年。上元節。賜大學士等宴。做拍梁體賦詩。公與焉。尋遷贊

善侍講。典福建鄉試。提督四川學政。母憂歸。起補侍讀。遷侍講學士。會都御史郭琇疏劾。少詹事高士奇。與公弟左都御史鴻

緒植黨營私。請令公及士奇。鴻緒並休致。十月。詔公留原任。三十年。轉侍讀學士。三十六年。遷少詹事。再充日講官。知起居

注。歷宗人府丞。晉禮部侍郎。四十二年。聖駕南巡。幸公第。秀甲園。賜御書。蒸霞額。四十六年

上南巡。閱河。復幸秀甲園。先是公弟鴻緒官侍郎時。乞假省親。蒙賜白金文綺。亦葺園為奉親之所。額曰賜金園。至是並

遊。宸顧海內。榮之。五十一年。公調吏部左侍郎。充經筵講官。明年。擢工部尚書。八月。充恩科會試正考官。五十四年。二月

明年。擢工部尚書。八月。充恩科會試正考官。五十四年。二月

復典會試五十七年拜武英殿大學士松江濱海日兩潮歷久不易是歲重九日公拜入閣之命潮忽三至人咸異之雍正元年癸卯詔開鄉會恩科公以重與鹿鳴宴加太子太傅尋乞致仕得旨卿品行端凝學問淵博典章政事經歷最多且係

先帝舊臣正資褒贊可照舊供職二年再疏乞休

上復慰留並諭內閣曰

皇考簡用之人如因衰老致朕心不忍王項齡年邁閒時行走可也賜詩有跡與松喬合心緣敢沃留之句因自號松喬老人三年秋公疾命御醫診視賜養餌八月薨年八十有

國朝先正事略卷十 名臣

六

四 優詔悼惜且曰王項齡去歲以老乞休朕念

皇考時大臣無幾每見伊等心甚愴然不忍遽允所請降旨慰留待三年後始行予告不意遽溘逝豈朕體恤舊臣之意有未誠邪可特贈太傅予優卹加祭二次較朝一日朝臣出其門下者均令素服持喪各部院漢官俱前往祭送以副朕惓惓老成至意尋賜祭葬諡文恭公初以文學進游歷卿曹諳練典故在政府八載恪誠純一以風度稱所著有世恩堂諸集第九齡字子武恬靜有雅量康熙二十一年進士由庶吉士授編修累遷通政司參議侍講學士充日講起居注官游陟少詹事兼都御史三十九年充會試副考官擢內閣學士尋擢禮部右侍郎

時兄項齡亦貳禮部公疏請迴避調兵部尋調吏部晉左都御史四十八年十二月卒於官賜祭葬如例著有艾納山房集鴻緒字季友號橫雲康熙十二年一甲二名進士賜及第授編修十四年充順天鄉試副考官尋充日講官知起居注累遷贊善侍講十九年

聖祖諭獎諸講官奉職勤勞加公侍讀學士銜時廣東有朱方且者自號二眉山人以左道惑眾造中說補聚徒橫議常至數千人又自詡前知與人決休咎會順承郡王勒爾錦討吳逆駐師荊州方且以占驗出入軍營巡撫張朝珍亦稱之公具疏列其誣罔君上悖逆聖道搖惑人心三大罪方且伏誅二十一年

國朝先正事略卷十 名臣

九

轉侍讀充明史總裁再擢內閣學士戶部侍郎二十四年典會試明年請回籍治本生母喪得旨賜祭又明年擢左都御史疏劾廣東巡撫李士楨昏愎貪劣於會從吳逆之知府林杭學保舉清廉士楨坐罷杭學奪官公尋以憂歸二十八年服闋將赴補而郭琇之劾疏上矣疏稱鴻緒兄弟與詹事高士奇招權納賄并及科臣何楷編修陳元龍得旨均休致未幾江甯巡撫鄭端再疏劾之聖祖特諭曰朕崇尚德教蠲滌煩苛凡大小臣工咸思禮下逮曲全始終即因事故歸仍令各安田里近見諸臣黨同伐異私怨相尋牽連報復雖業已解職投閒仍復吹求不已株連逮

於子弟顛覆及於身家。朕總攬幾務已三十年。此等情態知之甚悉。夫媚嫉傾軋之害。歷代皆有。而明季為甚。公家之事。置若罔聞。而分樹黨援。飛誣排陷。迄無虛日。朕於此等背公誤國之人。深切痛恨。自今以往。內外大小諸臣。宜各端心術。盡蠲私忿。共矢公忠。如或不悛。朕將窮極根株。悉坐以朋黨之罪。時公方就質。詔至得釋。三十三年。大學士王公熙。張公玉書。合疏薦公與徐尚書高詹事文學優裕。並召來京修書。三十八年。授工部尚書。充經筵講官。四十七年。調戶部尚書。明年。坐附會內大臣阿靈阿等議奏改立。皇太子事。奉諭切責。以原品休致。五十二年。疏進所修明史列傳稿二百八卷。請宣付史館。備

國朝先正事畧 卷十 名臣 三

參考得旨。下明史館察收。始公任館職時。奉命總裁明史。與湯潛庵徐健庵葉訥庵諸公互相參訂。僅成數卷。及奉召重領史局。諸公罕有存者。惟張文貞王書為監修。陳文貞廷敬為總裁。各專一類。張公任志。陳公任本。紀公任列傳。而公以原銜食俸。較二公多暇日。數年。閉彙分成帙。會熊文端賜履。續奉監修之命。檄取其傳稿以進。公與張陳兩文貞皆未參閱。恐尚多舛誤。及歸田後。重理舊編。復經五載。始克搜殘補闕。以成此書也。五十四年。復召來京修書。充詩經傳說彙纂及省方盛典總裁官。雍正元年八月。薨於京師。所著曰橫雲山人集。

劉喬南中丞事略

康熙四十五年夏。江甯太守陳公鵬年。被劾。士民鳴鉦擊鼓。擁堵。呼叩制府。鳴不平者。日數萬人。於時。江西父老。拏舟東下。為贛南道。劉公蔭樞。訟冤亦數千人。遠近爭傳。為民所依。而獲戾上官者。同時而得。二公。劉公字相斗。別字喬南。陝西韓城人。晚自號秉燭子。性樸直。無游移。康熙十五年進士。知蘭陽縣。地濱河。舊設巡河夫。為民困。公減其半。行取為給事中。母服闋。補原官。前後章數十上。論連捐速陞之弊。陳豫秦兩省事。宜。又言潘臬兩司宜入覲奏事。又請試捐員。停保舉。開言路。數名實。皆報可。每會議。反覆爭執。數梗。要人所欲。保薦者。外轉贛南道。徧

國朝先正事畧 卷十 名臣 三

示屬吏曰。子欲為忠臣乎。夫愛民即忠也。郡守與鎮將。比重門稅。以股民。公詰之。陽奉而陰違。乃置酒邀守。與將。甫就坐。僕白奉命。市麥布門者。索稅。置質在門。守將語塞。乃盡革其稅。公復具觴邀鎮將。揖之升堂。疾下拜曰。帥惠吾民。敢不拜。嘉市故有米稅。牙人主之。溢額數十倍。公得其記簿。別委人收之。籍盈餘。官買田以抵牙稅。勒石永禁。署按察使。有重獄。督撫各持所見。公柴立其中央。遂以失出罷官。會關中饑。盜且起。公歸。貸粟賑荒。為築堡。以守。黃河自縣東北南行。出龍門山中。兩岸皆絕壁。公治鐵為柱。索俾舟。皆緣之以行。無漂溺患。修石路二十餘里。造南郭石橋。修柿谷陂。鄉里賴之。四十二年。

聖祖西巡公迎 駕潼關

上遙望即曰此劉髯也何為民服公以被劾對 詔復官公廣

類美髯官科垣壘 召對

上故識之起雲南按察使濬昆明湖築六河岸牐各屬府州縣

例用親信人坐省與院司家僕胥吏交通公首革之有造蜚語

謀叛者戮其渠散其黨姦豪屏跡訟獄以稀就遷布政使除科

場雜派賑凶饑所措注皆順民心四十七年擢貴州巡撫其地

苗狎雜處民多僑寓自前明安播始禍 國初水西大闢號難

治公至絕僂遺省徭役軍民大和黔多山少田鄰省歲協餉二

十餘萬稍愆期營伍號喚公請豫撥二十萬貯藩庫格於部議

國朝先正事略

卷十 各臣

三

者三尋密奏 特旨允行會紅苗猖獗兵餉夙備眾乃服公深

識凡山田一年耕率不可再民懼歲征之莫敢田公榜示聽民

墾荒不起科四川遵義民苦加派赴懇於公公密疏以聞或疑

之公慨然曰蜀民獨非朝廷赤子邪 詔遣使臣會川撫察勘

黜守令數十人一時鄰省有司貪橫者多恐懼易行中人自修

飭監司大府轉相告戒檢察所屬道路咸載其言撫黔五年以

老請休 溫旨慰留會蜀之烏蒙土司與黔之威甯土舍相仇

殺蜀撫年羹堯使吏勘問二會負固不出疏請以兵臨之公持

不可 詔遣都統侍郎三人出會蜀滇黔督撫提鎮於畢節按

其事苗民大懼公肩輿從數卒行山中諭若曹各安堵無恐先

至畢節獨棲荒寺中諸公繼至則為謝曰邑小供給薄勿嗤也

若令下不嚴老夫非畏人者則又曰此小吏可了事耳命干總

一人往招威甯聽命而烏蒙不至公使諭之曰若出吾活汝抗

命必滅汝老夫無多言亦不食言烏蒙素服公恩信亦自縛出

服罪解仇二會私相語曰劉公真天人也明年澤旺喇滿坦

掠哈密公疏言小醜無用大師但宜慎擇人核名實安內地重

國本有 旨命公乘傳赴軍前周閱詳議公即日就道抵巴里

坤行視軍營上書數千言請屯兵哈密毋輕出以逸待勞已又

以病乞休 詔責其憚遠涉公疏謝復乞骸骨 命還黔撫任

士民攀援如見慈父母後數月休致入京下刑部議以阻撓軍

國朝先正事略

卷十 各臣

三

務罪死 詔發博爾丹種地時年八十有二矣子熾請待行公

笑止之曰死於道路與家庭何異爾歸耕田讀書吾身 君之

身也無我慮居三年

上諭廷臣曰劉蔭樞能直諫忠臣也但書生不知兵耳 詔復

職還京師六十一年春與千叟宴公首坐

世宗御極 召見愀然曰卿

先帝大臣朕欲大用然爾年力實不能勝矣公遂薦孫勤王沛

檀陳時夏王璋四人 賜御硯朝珠白金令還鄉雍正元年九

月卒年八十有七公耄期好學不倦在滇黔各五年以教養斯

民為己任重儒官廣中額建書院義學朔望躬進羣士誘迪之

軒車所稅見農夫孺子必諄諄勉以為善去惡雖苗獮亦然自
塞外歸鬢髮之白者多變而黑生兒齒二蓋實能以義理養心
而不奪於外物也著春秋蓄疑四卷易經解二卷宜夏軒雜著
二卷藏於家始公與陳公並以罷官名聞天下厥後陳公存陟
河督而公以衰老不復用海內惜之然滄洲任司道未久不及
有所設施及督南河遂以死勤事轉不若公於壯盛久任監司
大府義事仁心得實播於民物也劾二公者為制府阿山阿公
本以廉幹著稱其始至也使親信人訪察江西官吏所至爭承
迎惟公若弗聞也者毀譖日積故因事以斥之其惡陳公則以
不從其令故及聞二公為民所戴實深悔焉用此見置吏操威
國朝先正事畧 卷十 名臣 五

妨者當知左右親信所非毀及凡於已有拒違者賢人君子多
出於其間即是可為聽言觀人之準則也

張清恪公事略 子慈敬公師載

儀封張清恪公伯行字孝先晚號敬庵父岩邑諸生明季奉母
避亂兄為寇掠被筆幾斃負而逃出族有族婦馬氏郭氏王氏
悉為立後歲祿煮粥以賑全活甚眾祀鄉賢公舉康熙二十四
年進士歸築精舍南郊縱觀諸子百家及讀小學近思錄乃恍
然曰入聖門庭在是矣讀書七年補內閣中書父憂歸吸粥三
年不入內室服闋建請見書院與鄉人士講明正學三十八年
夏大水公率居民築堤保境河督張公鵬翮異之疏請檄公贊
理三辭不許以原銜赴河工督修黃河南岸堤二百餘里及馬
家港東壩高家堰石工四十二年授山東濟甯道值歲荒傾家
財運穀以賑載錢及綿衣數艘分給凍餒者尋奉 命賑汝上
陽穀饑動倉穀二萬二千有奇藩司責其專擅將申劾巡撫直
之得免四十四年

國朝先正事畧 卷十 名臣 五
聖祖南巡閱河 御書布澤安流四字以賜并詩章二詩扇二
明年

上道近臣封開催漕 諭曰濟甯道張伯行諳曉河務可與商
推公相高下引運河水北注蓄洩得宜事竣著書紀其事即世
所行居濟一得也夏遷江甯按察使吏白故事送督撫費約金
四千公曰我誓不取民一錢焉辦此揚州諸生六人忤郡守巡
撫欲盡褫之公曰以窮諸生冠服迎上官吾不為也力雪之

四十六年

聖祖南巡。命督撫舉賢能。公隨督撫入對。

聖祖曰。朕向原認識爾。到江南。即知爾為清官。復顧督撫臣曰。張伯行居官何如。皆曰。好。大學士張公玉書對亦如之。

聖祖曰。江南更有如此好官。否。皆曰。無。

聖祖曰。然則爾等何以不保舉。今朕自保之。他日居官好。天下以朕為明主。否則笑朕不知人。又曰。張伯行篤實。即置之行間。

亦非退縮者。遂擢福建巡撫。隨駕至西湖。御書廉惠宣猷。

四字以賜。洎閩值旱荒。發帑賑歲。遣官買米。平糶禁米船入海。納盜糧。擒巨盜。陳首魁。吳海等。疏請增鄉試中額十名。從之。建

國朝先正事略

卷十 名臣

美

稽峯書院。祀宋五先生。集諸生院中。日纂錄古人嘉言善行。依

小學諸綱目。條貫成書。手定為八十六卷。曰小學衍義。以教諸

生。設藏書樓。購經籍四百六十餘種。毀淫祠。贖女尼為民婦。先是臺灣兵屢鼓噪。公謂倡亂之人。平日必多不法。以他事除之。

煽誘自絕。鎮臣如公。教後無譁者。公治尚嚴明。貪吏好胥。輒盡

實之法。政教大行。其禁止餽送檄有云。一銖一黍。民脂民膏。寬一分。民受一分之賜。受一文。身受一文之汙。時傳誦之。

聖祖將令移撫江南。大學士李公光地請留閩。張公玉書奏。江南比歲。災民不聊生。非此人往。不可。

上笑曰。汝兩人不必爭。朕當慎簡一人。以昇汝閩。遂移撫江蘇。

而以陳公瓚代之。士民攀號如失。怙恃公疏請緩帶徵漕。

賑徐州府及海高等十四州縣災。並蠲瓜洲浮稅。舉劾屬僚。無

所阿徇。豪猾皆望風遠遁。時總督噶禮張威福。甫泄任。劾免。撫

藩蘇州知府陳鵬年。糧道臧大受。廉直有聲。皆劾去之。公遇事

持正。鬱鬱不自得。以病乞休。有詔。張伯行操守清潔。立志不移。朕所深悉。江蘇重地。不得以衰病辭。五十年江南鄉試副考

官。趙晉與總督交通關節。榜出譁然。士子昇財神入文廟。正考官左必蕃不自安。疏聞。公亦據實奏。

上命尚書張鵬翮侍郎赫壽出按其事。公與總督暨安徽巡撫均會鞫。時舉人程光奎吳泌已具服。滿司吏李啟供與家僕斬

國朝先正事略

卷十 名臣

美

三營弊。斬三者。總督閩人也。於是總督持其事。且索銀五十萬。保無事。張尚書因其子懋誠任懷甯令。恐遭陷害。亦瞻願擊肘。

謙莫能定。明年春。公劾督臣抗旨。欺君營私。壞法請正。國典以彰。公論總督亦飛章。許公不肯出洋。捕賊及誣陷牙行。張元

隆諸款。

上命俱解任。付使者雜治。尋奏晉與光奎必賄通關節。擬罪如律。噶禮劾伯行不能清理案件。屬實。餘係苛劾。應降旨。伯行劾

噶禮索金。事全虛。應奪職。贖徒。上切責張鵬翮赫壽掩飾和解。命尚書穆和倫張廷樞覆訊。

訊如前。噶禮免議。公仍奪職。部議亦如之。

上以公為天下清官第一責諸臣變亂是非且曰朕自幼讀書研窮性理如此清官不為保全刻讀書數十年何益而凡為清官者何所賴以自安乃命九卿翰詹科道再議議上

聖祖復諭曰爾等身為大臣既知張伯行清廉當會議時何無一言及朕有旨始同聲贊其清亦已晚矣宜體朕保全廉吏之意使正人無所畏忌庶海宇長享昇平之福遂命復公任而黜噶禮尋帑戮焉方公之解職也百姓罷市哭聲殷場城且議相率叩 閣公慰諭再三環泣不肯退蘇州等郡相繼報罷市士民扶老攜幼具菓蔬來獻公辭皆泣曰公在任止飲吳江一杯水今將去子民一片心不可卻也乃取腐一塊菜一束眾仍委

國朝先正事畧 卷十 各臣

天

地去獄具回蘇揚人慮途中不測將集江干護行眾數萬公聞之五鼓登舟比曉已渡江抵蘇寓楓橋士民獻果蔬如在場時七月復赴揚聽勘回蘇時比戶焚香遮道不可行及復任士民歡忭拜龍亭呼萬歲者至數十萬人復相率詣 闕跪香進疏願各減年壽一歲祝添

聖壽萬年

上聞大悅而全閩士民始奔號呼額既而頌 恩祝 聖亦與江蘇不約同自是公直聲浩氣震天下五十二年進濂洛關關集解疏薦福建布政使李發甲臺灣道陳瓊前祭酒余正健旋奏免揚州落地稅且曰臣衙門舊有鹽課陋規二萬兩臣在任

五年絲毫弗取眾商願每歲捐銀千二百兩抵解稅銀得旨俞允明年疏請嚴海禁尋劾布政使牟欽元藏匿通洋匪棍張令濤請旨革職著追張令濤者噶禮前劾公拖弊之船埠張元隆即其弟也時部倣摻輯海寇鄭盡心餘黨崇明鎮弁詰一船人照不符得元隆為之關通領照狀又上海民願協一訴令濤佔踞房屋謂其舊為噶禮幕客今匿牟欽元署中有水寨數處窩藏海賊公捕治令濤因劾欽元得旨革職下總督赫壽察審赫壽奏協一所控無左驗欽元署中亦無令濤上復命尚書張鵬翮副都御史阿錫勳赴鎮江審勘遂劾公狂妄自矜請解官嚴訊疏六上

國朝先正事畧 卷十 各臣

天

上不得已允之時公因事赴常州即舟中解綬去伴送鎮江夜分對簿多方摧折并脅幕下客代承鵬翮等奏元龍令濤皆良民伯行誣劾上責其不能盡心研審令再詳訊疏 命公回奏公疏言張令濤在藩幕乃其子張二所供也牟欽元匿使不出耳未幾竟坐公挾詐欺公誣陷良民議斬公處之恬然讀書晝夜無閒為門人講說成講義數十篇居半歲體加充色加眸獄上聖祖不從 命公免罪入都過揚州父老數萬焚香夾兩岸行求停舟一見為監行胡同知所格抵京公請 陛見使臣不可

上命使臣同公陞見且曰張伯行原無罪當以錢糧事任之明日召對命講太極圖說入直南書房權倉場總督奏除積弊五十五年奉命往賑順天永平二府講行社倉法明年典順天鄉試時方督糧通州特召入闈異數也旋授戶部侍郎兼督倉場六十年總裁會試所得士來謁必告以聖賢之學務實心報國不可汨沒勢利負科名會河決召對行在論河務以母病歸省命便道視武陟決口明年春與千叟宴偕諸臣入謝皆賜坐諭曰汝等皆大臣當惠愛百姓如張伯行為巡撫時是真能以百姓為心者也十一月

世宗即位眷公舊臣逾常格命與議政賜紫禁城騎馬遷國朝先正事畧卷十 名臣 三

禮部尙書 御書禮樂名臣額賜之上親郊前三日視牲故事皆王公大學士行禮上特以命公雍正二年進續近思錄張南軒陳克齋陳北溪許魯齋諸集命赴闕里致祭追王先聖五代便道歸省親建議以明儒羅欽順本朝陸隴其從祀兩廡又詩以宋儒張子之父張迪配享宗聖祠從之三年二月薨於位年七十有五遺疏請崇正學勵直臣為千古第一首出之君綿萬世無疆之祚天子悼之贈太子太保子祭葬於邱典外加祭一次道大臣奠醊命部寺漢堂官及科道於諫祭日齊集出殯日會送賜諡清恪公歷官二十餘年未嘗攜眷屬初任濟甯隨行

國朝先正事畧 卷一〇

止四人撫閩十二人撫吳十三人日用蔬菜米麥尺帛寸絲以至磨牛碾石皆自河南運載之官初涖閩官廨帷幕皆錦繡鵞問吏以行戶鋪設對盡撤還之比移吳先檄所屬禁陳設無錫令送惠山泉受之後聞亦派民舟載送即卻不受治民以養為先以教為本遇災禮則請蠲請賑廣設常平義社倉所至必修建書院學舍闕土肖公象祀於鼇峯吳人建春風亭於公祠與于清端湯文正兩祠並峙在濟甯時疏濬濰河兗州十五縣無水患又捐貲築五全口堰引水入濰士民蒙利立生祠五全口公按察江蘇時始至未受篆即過方望溪先生辭不獲公入曰吾迫欲一見論學耳望溪曰某未知學但聞守官之大戒二其國朝先正事畧卷十 名臣 三

一義利也公既縹然不滓矣進乎此則利害非知命而不惑者不能無搖公題之及撫江蘇首劾鳴禮望溪適以南山集牽連赴詔獄鳴禮遂劾公久閉方苞於官舍不知所著何書人皆為公危而

聖祖之宥苞實自此始公天性樸誠凡所設施皆本於實踐而尤以力崇程朱為己任及門受學者幾千人輯遵學源流道統錄以明聖賢之宗傳輯伊洛淵源錄續錄以明諸儒之統緒輯小學衍義小學集解養正類編訓蒙詩選以端蒙養之教輯學規類編學規衍義程氏家塾分年日程原本近思錄集解續近思錄廣近思錄性理正宗諸儒講義以垂正學之型輯家規類

編中寶鑑以示修齊之範輯濂洛關閩集解以配學庸語孟
名曰後四書謂許薛胡羅為周程朱張之正傳其文集及讀書
錄居業錄因知記皆選刻行之謂陸稼書學朱子為許薛胡羅
之繼起就其家搜訪遺書得問學錄讀朱隨筆讀禮志疑為鏤
板以傳謂楊龜山謝上蔡尹和靖羅豫章李延平行程子之派
者也張南軒呂東萊取資於朱子者也黃勉齋陳北溪陳克齋
受學於朱子真西山熊勿軒吳朝宗私淑於朱子者也有明之
學得其正而不為邪說搖者曹月川陳剩夫崔後渠汪仁峯蔡
汝濱也 本朝之學宗朱子者張楊園陸桴亭汪默菴陳確菴
魏環溪耿逸菴熊愚齋吳徵仲施成齋諸莊甫應潛齋劉仁寶

國朝先正事畧

卷十 名臣

三

也凡諸儒述作莫不精擇而被刊之而朝宗徽仲成齋莊甫皆
隱居力學世莫能知公特為表章尤見閩幽之義云公不從陸
王之學然未嘗著書闢之惟校刻程啟蒙之閉關錄陳清濶之
學部通辨張武承之王學質疑以示學者又重刻諸葛忠武陸
宣公韓魏公范文正司馬溫公及文文山謝疊山方正學海剛
峯楊椒山楊大洪諸文集其三朝名臣言行錄四書正宗學易
編五經大全則皆未成之書也所自著者曰困學錄續錄正誼
堂文集

仲子師載字又渠號愚齋康熙丁酉舉人以任子為戶部郎
世宗指示閣臣曰此張伯行子好司官由揚州知府累遷江蘇

按察使內擢左通政倉場侍郎 命閱視天津河道旋以侍郎
出副江南河督乾隆十六年

高宗南巡每 召見輒詢及隨父任時事者益隆授江安巡撫
仍協理南河事明年河溢二關徐州被衝公與高文定公並奪
職在工贖罪又二年放歸起兵部侍郎五月遷尚書總督漕務
明年調河東總督時山東孫工決口賈船漕艘如泛大海中公
冒風雪宿河岸燈熒熒達曙自冬歷春築始完公嘗言河中土
性水勢與江南異兩岸相距寬宜多挑引河以殺險土多浮沙
宜厚培客土以實虛自此由濟甯治所抵開封歲往來如織而
心力亦交瘁矣二十九年薨於位年六十有九 贈太子太保

國朝先正事畧

卷十 名臣

三

諡愷敬公幼承家學精研宋五子書以報 國活民為心及登
仕籍愈感奮懼有玷缺為名父羞在揚州歲饑散賑而高郵湖
西之民緣被災分數較輕不得與公行部至其地見道旁人多
骨立待盡大驚召長吏詰責隨請於上官不待報而廩之全活
數千人江都芒稻開為淮黃高寶諸河入江之關鍵所司貪商
人餌惟知蓄水為逆鹽地藉口必奉饗使令乃開會夏潦暴漲
低田盡涇公訪知進鹽需水止六七尺而既過其半遂單騎往
啟關纜啟四板水暢出甚疾仍臧舟宿其旁明旦田皆涸出然
後走白蠶使使者大恚責公專公遜謝曰知府信有罪矣第拯
溺不淹刻必預請而後行如此萬家煙火何卒具牒大府請開

歸府轄如公議河庫道司筦鑰不任功過向爲美官公以才爲前後督臣所倚輒委辦險要大工以故於河務浸熟悉一生數歷中外遂與河務相終始焉初河督稽文敏公母卒奉在任守制之命特具劄固請終喪眾以違旨獲罪爲疑公慨然進曰公父忠母節門望非常患請之不力耳何慮觸禍爲文敏謝曰謹受教其在江西嚴無故遷葬之禁行連坐法薄俗遂革撫江安二年多偏災皆據實請蠲賑全活甚眾痛懲匿名許告習以靖地方凡此皆清恪公之教也著有治水方畧改過齋文集讀書日鈔等書

國朝先正事畧

卷十 名臣

三

田文瑞公事畧

公諱從典字克五號曉山山西陽城人父雨時邑諸生遽於易以理學顯設教天井關學者立碑頌德卒祀鄉賢祠明季寇亂邑人欲迎賊紆禍力斥之闔城人無汚賊者既賊至挈幼子及兄遠孤避地度不能兼顧乃棄子負兄子以走賊退求子於草間得之即公也初公生母白夫人將育公贈公卜得丙戌日吉稱於神果以是日誕五歲能誦三經十歲能文章與故浙江巡撫張公泰交同補弟子員張亦有文名時稱田張康熙甲子舉鄉試第二戊辰成進士是科多名下士長洲何焯號知文推公尤第一云釋褐後七年授英德知縣以廉惠誓於神英德地瘠

國朝先正事畧

卷十 名臣

三

昔賦籍不可稽奸民詭竊通逃儒者益困公盡革陋例清其籍民困大蘇修眉山書院立宋賢唐介鄭俠洪浩祠以風示學者邑士近百年鮮得解者至是比歲舉於鄉凡八九人政成行取入都縣民攀戀追送有踰嶺者四十二年授御史疏陳調繁之弊謂督撫請調州縣有秉公調者卽有徇私以調者在州縣求調之弊有三曰希圖善地曰規避衝地曰預爲卓薦地在督撫濫調之弊亦有三曰曲徇請託曰引用腹心曰公行賄賂皆借整飭地方爲名巧投捷徑侵帑剝民屢經敗露除江浙等省賦重難征之百有餘縣及邊遠煙瘴地請仍舊例調補外其餘繁不許調並嚴定督撫濫調之罰又請勅吏部嗣遇考選科道

凡正途出身之部屬及由知縣擢任之中行評博與翰林一體
論俸開列考選不由堂上官保送以杜交結營謀之弊均下部
議行巡視西城罷鋪墊費查通州倉儲神祠以居廟祝不受值
不入也抑豪強清宿弊毛髮不假借聲日起

聖祖知公可大用超擢通政司參議累遷左右通政光祿寺卿
寺故有招買行戶作姦侵蝕虧經費公治其黠者仍請限年帶
銷所虧

上鑑其誠為給免鉅萬尋擢副都御史五十二年擢兵部右侍
郎兼管光祿寺前後凡八年不為操切而旬稽甚晰時方議武
職罷任當回籍公謂年近者可勒歸若久居其所長子孫有墳

國朝先正事略 卷十 名臣

美

墓婚姻宜聽占籍獨持一議上卒如所議行五十八年擢左都
御史會兩江總督長蘅以知州王承勳首告安徽布政使年希
堯鳳陽知府蔣國正婪取事入奏

上命公往勘還奏國正將虧帑銀三千七百餘兩混入 恩免
民欠錢糧法當斬希堯失察當奪職明年擢戶部尚書繼武進
趙恭毅公後濟以和平六十年主會試得人最甚雍正元年調

吏部仍兼管捐納軍需事
世宗御書清謹公方額賜之並 賜御製詩有出納望同天北
斗清芬品擬省中蘭之句尋主武會試明年主順天鄉試協辦

大學士有 詔停止戶部及陝西捐例並 諭獎公及尚書張

公伯行兩年以來辦理清正均下部議敘三年春授文華殿大
學士兼吏部尚書每公退危坐讀書許謨謹密雖子弟莫能知
優旨褒嘉 賜賚無虛月四年以疾請老 溫諭慰問六年疾
作再請

上鑒其誠 優詔加太子太師原官致仕於居第賜宴令部院
堂官齊集並賜帑金五千兩為途費及高年頤養之資馳驛起
程日著廷臣祖饌以寵其行所過地方有司在二十里以內者
俱著迎送旋里後令巡撫兩司時至其家存問將來頤養康健
一二年後再入京陛見及 陛辭 賜御書楹聯暨冠服朝珠
等物四月行次良鄉薨年七十有八遺疏至

國朝先正事略 卷十 名臣

毛

上震悼遣散秩大臣及侍衛六人往奠茶酒內閣學士侍讀學
士各一人往庀喪具 命地方沿途護送伊子年幼家居著巡
撫傳諭地方官就近時加照看凡新舊接任均將此旨傳知通
行 賜祭葬 予諡文端公學有本原深經術尊信宋儒躬行

實踐事親備色養居喪盡禮不作佛事三年不入內贈公有木
枕泣銘以詩攜持行萬里終身不少離當官廉正以至誠結
主知故能恩禮始終哀榮大備若此十二年 諭曰原任大學

士田從典品行端直老成廉潔奉國公忠可入祀賢良祠以風
有位並於本家 賜祭一壇子懋由廕生官至吏部侍郎

黃崑園侍郎事略 弟叔瓊

公諱叔琳字崑園本安徽歙縣程氏子也。祖伯起與僚婿大興黃中丞善。國初黃巡撫甯夏往依焉。後黃氏遭家難中丞之弟爾悟無子公父華蓄方九歲爾悟子之遂為順天大興人公始生具夙慧十歲通四書五經從學饒先生仲如研窮性理之奧又從吳述庵先生究經世學年二十以康熙三十年一甲三名進士授編修益自淬礪與銜檢討既齊討論宋人語錄恂恂然有醇儒風見者不覺其為少年甲第也遷侍講督學山東毅然以興賢育才為己任捐修三賢祠於泰山之麓祀宋胡安定孫明復石徂徠俾學者知所景從又興復白雪松林兩書院廷

國朝先正事畧 卷十 名臣

美

師選才俊捐飲膏火所造士多窮經致用之英翕然稱盛晉鴻臚少卿領學政如故除通政司參議僉都御史太常卿六十年遷內閣學士尋遷刑部右侍郎雍正元年典江南鄉試調吏部侍郎命偕兩淮鹽政謝賜履赴湖廣同總督楊公宗仁酌定鹽價革陋規商民勒石紀事三年授浙江巡撫蒞除巨猾平冤獄災傷則賑之貪墨吏則黜之仁和錢塘海甯三屬田十數萬頃全藉省城上下兩塘河水灌溉自開廢土淤民占為田利甚微而所損三屬田畝逾巨萬公疏請照西湖舊址清出歸湖去其梗塞開通水源所屬官塘運河支港壩堰斗門俱一律疏濬以興水利部議如所請浙民便之為忌者所誣劾詔免官

赴海塘效力乾隆元年授山東按察使明年遷布政使疏言養

濟院孤貧口糧每名歲給米錢三兩六錢從地丁項下撥給其春夏秋三季米係州縣將養廉銀墊給多不能及時支領請酌借司庫存款耗羨銀給發從之著為例四年母憂歸七年授詹事坐布政使任內誤揭屬員諱盜免官公性嗜學公餘時手一編至耄耋不倦尤負人倫鑑以薦賢為重謂世道之隆替人才之邪正消長為之也所賞拔如萊州守嚴有禧長清令劉輝祖皆以循良遷秩而分校禮闈主試江南所拔取者理學則如任宗丞啟運政事則如胡恪靖寶瓊經學則如陳司業祖范文學則如徐檢討文靖張詹事鵬翀其入祀賢良則徐撫軍士林潘

國朝先正事畧 卷十 名臣

美

敏惠師架也張太史清夏太史用修李觀察慎修輩皆端方博洽推一時之選其餘名士宿儒未可殫數方望溪為諸生時來謁一見稱莫逆交凡望溪所著周禮春秋之學皆與先生往復商訂無少間他若周大璋顧進等又數十人不憚千里親炙就正則所學之及人遠矣十六年公屆釋褐周甲之歲當事以聞詔曰原任詹事黃叔琳以康熙辛未探花年登太耋重赴瓊林洵稱熙朝人瑞可從優加侍郎銜用示篤眷耆臣至意二十一年卒公以文學政事受知三朝當代推為鉅儒天下士識與不識皆曰北平黃先生京師首善地列官朝省者無慮數十百輩然相與語稱北平不問知

其為公也。初新城王文簡公為海內宗工。公成進士。實出其門。下論者謂前有新城。後有北平。然新城年七十八。賦詩有得。第重逢辛卯歲之句。冀與新進士序老少同年。未及期。即世而公竟得之。又五年。然後考終。是天之厚公。幾過於新城矣。生平著述。有硯北易鈔。詩經統說。夏小正傳。註史通訓。故補註文心雕龍。輯註顏氏家訓。節鈔硯北雜錄。於經濟學術。各有指歸。計公自五歲入塾。享年八十有五。蓋二萬九千日中。無日不學也。可謂純篤君子矣。弟叔琬。己丑進士。官太僕卿。叔琪。舉人。官甯國知府。皆有賢聲。而叔璣尤著。子登賢。字雲門。官至漕運總督。兵部尚書。

國朝先正事略 卷十 各臣

學

叔璣字玉圃。公行四弟也。其學以立誠為本。要其功於篤敬。晚號篤齋。以自勸。舉康熙己丑進士。由太常博士遷主事。晉員外郎。以薦擢御史。巡視東城。時王公貴人。多以追私通相屬。且曰。務親治。君正告。同列曰。御史非王府官。屬何瑣瑣。為下所司。理之有銜。即命至公署者。昂然坐滿。御史上君詰以何時。奉差視事。噤不能對。則立使撤坐。將劾之。其人悚謝去。自是無敢以私干者。時久罷巡方之制。

聖祖以臺灣亂初定。特遣巡邊。至則剪餘孽。釋脅從。反仄以安。雍正元年。任滿。特旨留一年。命以所行告代者。為列海疆。中要。既還京。怨家以蜚語中之。坐罷職。乾隆初。起河南開歸道。

調督糧道。豫大水。撫卹災民甚周。至濬永城河口。開儀封引河。築虞城堤岸。皆中窾要。在諫四年。母憂歸。服除。補江南常鎮道。又三年。致仕。家居七年卒。年七十有七。平居。明然言。不出口。遇大事。侃然執持。不少撓。屈究心。宋五子書。及元明諸儒集說。歲所養。益粹。嘗語人曰。道學。即正學也。親正人。聞正言行。正事。斯為實學。不然。空談性命。胡為哉。著有近思錄集注。慎終約編。既倦錄。廣字義諸書。藏於家。

國朝先正事略 卷十 各臣

學

國朝先正事略卷之十一 名臣

平江李元度次青纂

趙襄忠公事略 子敏恪公宏燦 恪敏公宏燾

勇畧將軍姓趙氏名良棟字擊宇一字西華甘肅甯夏人少周儻仗策從戎順治二年隨英親王大軍入關中受知於總督孟喬芳署潼關守備從征賀珍武大定等賊又從定甯夏叛兵之變署屯田都司四年平河西回亂又單騎擒偽總兵丁國棟擢游擊十三年以經畧洪承疇薦隨征貴州雲南任督標副將康熙元年擢雲南廣羅鎮總兵先後勦平馬乃龍納水西諸苗獠有功時吳三桂專制滇南所補用官吏詔部臣不得掣肘於

國朝先正事略 卷十一 名臣

一

是三桂調公貴州平遠鎮令進勦水西公方丁外艱且知三桂有異志力辭三桂怒欲劾之總兵沈應時為異詞以解四年水西平乃聽終制三桂未反時日以牢籠人才為務惟公不為所用八年補大同左都督十一年調天津十三年三藩反叛鎮吳之茂王輔臣等應之甯羌惠安兵變殺提督陳福猖獗甚十五年甘肅提督張勇薦公才畧過人

聖祖命公提督甯夏馳傳往鎮撫之議者疑公陝人不可信公見

上詞氣激昂請移家口居京師得一意辦賊
上壯其言尋賜第時官兵敗散屯堡荒廢公沿途曉示招官

歸原汛兵歸原伍捕斬首亂四人餘不問邊境遂安時大將軍圖海督師圍平涼輔臣降慶陽固原俱下詔公與將軍王進寶並聽圖公調度公駐朔方四載念關中粗定而漢南巴蜀尙阻聲教疏請率步兵五千獨當一路進取漢中與安規全蜀詔下軍前王大臣集議僉言大軍宜分四路進需兵五萬人公曰兵貴精不貴多也既而涼州提督孫思克言綠旗不可用請俟來春多調滿洲兵並進詔切責之乃以十月定師期圖公及將軍佛尼勒征興安孫公及將軍畢功克圖征畧陽王進寶及總兵朱雅逢征鳳陽公獨將五千人征徽縣十月破密樹關擒賊將徐成龍遂取徽縣時孫公甫至宿州公已擊走吳之茂

國朝先正事略 卷十一 名臣

二

復畧陽分遣裨將趨陽平關洵河縣王公亦復鳳縣定漢中府公會之於甯羌各奏捷詔授公勇畧將軍兼甯夏提督公與王公分路進師晝夜兼行抵白水壩時康熙十八年除夕也蜀為川江上流與昭化唇齒俗號鐵門坎賊防禦甚公與賊夾江而陣江流洶湧無舟楫將士有難色公下令曰元旦渡江大吉視吾馬策所指後者斬黎明公騎驍馬率麾下五千人橫刀渡江江水為萬馬騰簸波濤盡立呼聲震天賊連發礮傷數十人無敢回顧者賊大驚曰此老將軍軍令如山不可抗也方搏戰天忽風吹馬如吹船頃刻抵岸斬賊將郭景儀等餘賊崩奔追擊之於青山石硤溝歷舊州明月江戰屢捷偽將軍汪文元

偽巡撫張文德等降遂克成都公入城秋毫無犯偽官及逆兵數千疑懼不自安公悉以迎降奏釋收金銀印二百六十偽劄千奏繳之公出師時會條上調兵運餉諸事宜請兩路收川上報可至是王公亦復保甯東西川以次收復

天子降溫旨勞軍 賜御書題額及弓矢橐鞬名馬之屬 詔

投公兵部尚書兼右都御史總督雲貴將軍如故公聞 命謂甯夏提督有代者則鎮兵不能隨征因疏辭總督

上弗許會部議甯夏宜如舊制設總兵 詔即以公子慶生宏

燦為甯夏總兵官隨軍進勦公遣將西徇雅州復象嶺建昌諸

衛東徇敘州復納溪永甯等縣且奏滇黔特蜀為捍蔽今蜀已

國朝先正事畧 卷十一 名臣 三

得而三桂又新死宜乘機急進請 諭趣湖廣兵速取貴州廣

西兵速取雲南并 勅陝西四川籌餉濟軍剋期進勦一自保

甯出永甯達雲南霑益州一自成都出建昌達雲南武定府

詔下在事諸大臣定議尋議川楚粵各路兵約期並進將軍吳

丹出永甯公出建昌會吳世璠遣胡國柱夏國相等陷永甯犯

瀘州敘州復寇建昌公檄總兵朱衣客援建昌失利退駐雅州

建昌陷公疏劾吳丹朱衣客 詔吳丹解任以佛尼勒代之衣

客逮訊二十年三月公遣宏燦及總兵李芳述等追勦國柱於

觀音巖五月破關山象嶺渡瀘江敘瀘永甯賊皆遁七月取建

昌乘勝渡金沙江九月抵滇時貝子彰泰軍滇池將軍賚塔軍

黃草場滿漢兵十萬有奇圍城九月未下公至即詣貝子陳三策其一先破外護使賊匹馬不得出乃可招降其一結營遼遠賊得番息法當移軍逼之其一降者宜分別收養不宜盡發滿洲為奴貝子不悅以滿洲語相駁詰公漢人不解滿語張目抵牾幸公已奏聞 詔下悉聽公策乃率所部親冒矢石取玉皇

閣進逼新橋賊據橋死拒公伏馬兵於南壩兩岸分步兵為三

隊營壕牆外持大刀督陣夜二鼓攻橋賊殊死鬪逆渠郭壯圖

親搆戰三進壕牆而伏兵三起應之復以計從上流濟師列炬

如星礮雨下賊敗走公奪橋追至三市街再敗之爾猶未曙也

黎旦入東南二門壯圖自焚世璠自殺餘黨悉降自公至軍入

國朝先正事畧 卷十一 名臣 四

口而雲南平賊踞滇久私斂充物諸將爭取子女玉帛惟公節

所部不以一騎入城既告捷即疏請 陛見移師曲靖以待

命又訪得吳逆司筦庫者以藩宮簿籍進呈其後乾沒者皆敗

而三桂寵姬一歸將軍穆占一歸總督蔡毓榮者皆

上聞惟公矜然不滓其遠識確守有古大臣風烈焉初朱衣客

之逮訊也具疏自辯咎公與兵少後應復不至時王進賢亦上

疏謂建昌之陷咎在公公因復劾衣客且謂其辯疏由進賢所

為

上以趙良棟王進賢功績並茂所有互訐之疏均發還不問其

遲於救援誤軍機仍察議如例於是部議衣客論斬吳丹奪職

籍沒公奪職並得 旨從寬二十一年以將軍管鑾儀衛事公性伉直氣陵其上首建取蜀議孫思克吳丹等咸忌嫉之吳故大學士明珠從子怙寵而貪公劾之及公復建昌追賊至大渡河

上命公乘勝趨滇而大將軍貝子屢檄公先追獲國柱再往公不從攻新橋兵少公爭之許以南壩相救及鏖戰救不至公積不平入朝屢忿爭於明珠前珠雖休以好語然以吳丹故心弗善也二十二年公疏述滇蜀戰功下王大臣核議以公失機建昌應以功抵罪止敘錄隨征將士加宏燦及芳述左都督銜公尋乞骸骨歸二十五年夏

國朝先正事畧 卷十一 名臣

五

上念公克雲南時恪守法紀廉潔自持 優詔嘉獎復將軍總督原銜二十七年入朝自訴職功并隨征將士多屈抑得 旨授騎都尉世職三十年厄魯特噶爾丹蠢動大軍駐朔方 詔公以在籍老臣預議軍事三十三年禁旅出塞公偕行用私財佐軍既還 召入朝明年復上疏自敘戰功甚苦為大將軍圖海彰泰所隱蔽且追咎明珠 上責其器量褊隘還其疏仍 勅部優敘部議授爵三等子 詔晉為一等公願畱京師乞 賜田宅御史龔翔麟劾公驕縱恃功越例乞請當議罪

上鑑其年老家貧優容之賚白金二千兩令歸里三十六年正

月

聖祖聞公臥病 溫旨存問 賜人養鹿尾時

上方決策西征擬就詢方畧於里第而公遽以疾薨年七十有七比 車駕次榆林 諭閣臣曰勇畧將軍趙良棟偉男子也為國家宣力厥功甚茂俟以疾逝朕深憫焉茲師抵朔方道經其門可令皇子臨視奠醊次日皇子臨喪舉哀賜奠如禮閏月復頒 諭祭文遣大臣致祭 賜諡襄忠次子宏燾襲爵公結髮事戎行五十餘年大小戰數百未嘗敗衄行軍有紀律所過無秋毫犯御下嚴而有恩觸法者雖小必罰有才畧堪任使輒疏薦之甘苦與士卒共入蜀之役裹糧涉險轉戰七千餘里咸

國朝先正事畧 卷十一 名臣

六

樂為盡死故所向有功功成後恭聞者日眾賴 聖祖知公深嘗格眾議曲賜維護雍正八年 詔入祀賢良祠乾隆三十二年 上念公功其一等子爵 特予世襲罔替四十七年 詔晉一等伯仍世襲罔替長子宏燦康熙四十五年由廣東提督擢兩廣總督召為兵部尚書五十六年薨 賜諡敏恪次子宏燾由天津道襲一等子康熙四十四年遷直隸巡撫五十四年 詔褒其撫直十年實心任事旗民輯睦盜賊稀少特加總督銜六十年薨 賜諡恪敏子之璧襲爵以宏燾在任時虧庫 上命宏燾子之桓以郎中署直隸巡撫料理未完事件雍正元

年解巡撫任。特旨寬免追銀之璧。官至兩淮鹽運使。

國朝先正事畧

卷十一

名臣

七

王忠勇公事略子用子

公諱進寶字顯吾甘肅靖遠人初隨陝督孟喬芳平河西叛以授守備隸甘肅總兵張勇標下順治十一年張公調經畧右標總兵公隨往湖南十五年進征貴州師次十萬谿懸崖千仞偽安西王李定國使偽都督羅大順扼據險要公率眾攀崖直上搗其巢賊眾潰以功遷游擊康熙二年張公任甘肅提督奏授提標游擊尋隨張公討平西羌授參將時羌人乞駐牧大草灘張公用公議持不可於是即單于城故址建永固城以公為副將駐之十二年擢西甯總兵明年冬陝西提督王輔臣叛應吳三桂陷蘭州斷浮橋以拒河西兵公帥師進討十四年二月師抵黃河公以革囊結筏自蔡灣夜渡抵皋蘭龍尾山大破賊眾擒偽游擊李廷玉等乘勝東拔金縣定安復西攻臨洮會大雪偵賊無備遂襲破之輔臣遣使持吳逆偽劄來招公立奏聞得旨嘉獎加銜左都督四月進攻蘭州賊兵千五百人出東門迎戰公率眾奮擊自辰至午擒斬過半別遣兵分路勦殺賊退保不敢出我兵環圍之斷賊糧運六月賊造筏百餘謀潛遁公分兵沿河伺擊賊勢蹙乃遣人招諭偽總兵趙士昇等率眾降遂復蘭州十五年正月詔嘉公懋著勞績克殫忠誠授陝西提督兼西甯總兵暫駐秦州時偽將軍王屏藩吳之茂互為聲援窺伺秦州二月之茂率賊眾進距北山絕我餉道公會將

國朝先正事畧

卷十一

名臣

八

尼勒進勦大敗之。生擒偽總兵徐大仁。復遣兵馳擊敗賊眾於羅家堡。又敗之。盛關賊復集潰眾萬餘。築壘排椿。據鐵葉峽紅山堡。潛出賊兵。接運芻糧。公遣兵撲勦大敗賊眾於牡丹園。擒斬偽官。獲糧械無算。五月。撫遠大將軍圖海統兵進牧平涼。輔臣勢窮。感引四川叛鎮譚宏為援。連兵犯通渭。公急擊破之。降其偽官。復靜甯州城。輔臣尋詣圖公軍前降。六月。公次樂門。甫駐營。之茂遣賊眾來犯。公統兵環擊。擒其偽總兵游擊等。斬之。復與將軍佛尼勒合兵攻擊。屢戰克捷。之茂僅以十餘騎逾北山。遁走平涼。固原悉定。大將軍奏陝西提督原駐平涼。固原與平涼密邇。據秦省形勝。宜令公駐鎮。詔公移駐固原。兼攝固

國朝先正事略 卷十一 名臣

九

原總兵事。敘功。議授三等男。諭曰。王進寶宿將重臣。矢心報國。兼以訓練士卒。忠義素孚。故能身先行陣。所向克捷。朕甚嘉焉。可從優加一等男。授奮武將軍。仍兼提督平涼諸路軍務。十七年。公復慶陽。斬偽總兵袁本秀。及賊眾二百餘人。十八年冬。公與提督趙良棟等分兵四路。規復漢中。公偕總兵費雅達由棧道進。先是。公奏請令子用予率兵往勦。俾練習戰陣。上允其奏。授用予副將。公復疏言。臣父子均在秦中。例應迴避。詔曰。王進寶父子統兵誅勦賊寇。保守封疆。著有勞績。王用予仍留與伊父同守秦中要地。用予字公安。每戰先登陷陣。所向披靡。至是從征寶雞。公遣用予擊賊紅花埔。大敗之。復鳳縣兩

營縣。進軍武關。令用予率偏師繞出關後。而自以大軍當其前。賊腹背受敵。皆潰走。擒偽總兵羅朝興等。奪雞頭關。直抵漢中。王屏藩率賊眾自青石關走廣元。公復遣兵躡擊。降其偽將軍楊永祚。偽總兵孫啟耀。盡復漢中地。得旨褒獎。時趙公亦恢復畧陽。命公與趙公進定四川。並救將軍吳丹。鄂克濟哈。率滿洲大兵。分繼其後。公自青石關至神宣驛。聞賊駐朝天關。督兵躍馬直前。賊驚竄走。疾馳至廣元。斬賊無算。遂復其城。十九年正月。分兵三路趨保甯。距城二十里。當孔道。而軍賊眾二萬來犯。公率兵奮擊。大破之。追至錦屏山。連拔賊壘。奪浮橋。直薄保甯城。用予斬門突入。公麾兵繼進。屏藩計窮。與偽將軍陳

國朝先正事略 卷十一 名臣

十

君極皆自縊之。茂及偽將軍張起龍。偽總兵郭天春等。十人並就擒。保甯平。別遣兵克昭化。劍州。蒼溪。蓬州。廣安。合州。西充。岳池等州縣。時趙公已復成都。授雲貴總督。詔公駐守四川。擢用予松潘總兵。公尋以疾乞休。命回固原就醫。以用予駐保甯。暫代。尋改用予為固原總兵。父子同建節。鉞海內榮之。論者謂公舉不避親。用予不負所舉。與朝廷之度外用人。可稱三善。云當是時。趙公以進征滇黔。奏調川陝各營兵隨征。固原兵亦多檄調。公以本標兵宜留鎮守。奏停檄遣。詔允之。未幾。賊將胡國柱。夏國相等由黔入川。譚宏彭時亨復叛。永甯建昌。繼失。趙公劾公擁兵不救。公以臥疾固原疏辨。且言建昌之陷。

咎在良棟 詔公馳赴保甯於是公復統固原兵駐保甯是年
敘功晉三等子用干加左都督授雲騎尉世職明年賊將馬寶
犯敘州用子擊敗賊眾恢復納溪江安仁懷合江等城降其偽
將軍何德成等寶竄雲南用子駐敘州尋奉 詔率所部兵馳
赴永甯駐守二十一年滇黔既平

上詔公及趙公至京 命王大臣發還前此互訐奏章宜 諭
臣功績並茂宜保護矜全其不諳大體私忿攻訐概不究問
詳詳趙襄忠傳 賜服物仍還鎮二十三年五月疾甚再請休
時用守已調太原總兵 命馳驛偕太醫視疾且調用子甘肅
總兵便侍養明年八月薨年六十得 旨王進寶性篤忠貞威

國朝先正事畧 卷十一 各臣 十一

望素重率兵征勦賊寇勇畧兼優動猷懋著可 贈太子太保
子謐忠勇 賜祭葬如典雍正十年 詔入祀賢良祠初次襲
爵者即用子合其軍功議敘拜雲騎尉為二等子乾隆三十三
年 詔世襲罔替

孫襄武公事略

公諱思克守蓋臣漢軍正白旗人父成功三等男公其次子也
初任王府護衛順治八年授刑部理事官十年遷參領十三
年隨大軍由湖南進征貴州雲南屢立戰功康熙二年擢甘肅
總兵五年與提督張公勇合疏言厄魯特蒙古墨爾根台吉等
受國厚恩狼心未化屯兵祁連山上縱牧內地之大草灘去冬
不遵撫慰抗拒於定羌廟為官兵擊退猶不悛改聲言糾合部
落分三路入犯狡謀叵測宜速創懲為可議修築而嚴守備得
旨下廷臣密議以兵端不可輕動令嚴防邊境仍撫恤番人以
得其心於是公偕張公修築邊牆自扁都口西水關起至嘉峪

國朝先正事畧 卷十一 各臣 十一

關止守禦屹然六年公至南嶺各隘日相度衝險撥兵固禦十
三年 諭獎公効力邊疆有年下部議加右都督是冬平涼提
督王輔臣叛應吳三桂臨鞏諸郡相繼從逆蘭州危甚公遣游
擊劉衍等移兵協防自統兵進攻苦水洋值蘭州已失守乃駐
柘西尋回涼州十四年夏督臣哈占定議南北兩路兵同時進
勦將軍張勇總兵王進寶等從金城關渡河規復蘭州公自涼
州領驍兵由河壩紅水蘆塘索橋入跡不到之草地結筏渡河
規復靖遠一路周圍二百里城堡皆已納款正擬趨固原會大
兵於平涼適西海蒙古墨爾根台吉等已從山口入內地與官
兵拒敵副將陳達傷亡公留兵守靖遠由草地渡河回涼州保

河西根本重地。墨爾根台吉引眾出口而甘州所屬之高臺與紅崖梨園等堡有黃番頭目入口搶掠合數千餘騎攻圍暖泉順德諸堡公即自涼赴甘番族始遠竄因將軍約期會勦王輔臣復渡河而東草地往來兵丁勞苦十倍他鎮疏請恩加犒賞得旨往來防勦具見忠盡兵丁犒賞有差閏五月同張公勇等圍鞏昌時定西大將軍貝勒洞鄂圍秦州城中賊眾屢出犯逆黨自四川至者結寨秦州南山上日益猖獗貝勒撤公率兵三千駐秦州西賊勢乃窮偽總兵陳萬策偽道馬聲升赴公營乞降偽總兵巴三網遁遂復秦州南山賊潰竄公同振武將軍佛尼勒迫擊於閭關敗之乘勝克禮縣復敗賊於西和奪門

國朝先正事略 卷十一 名臣 三

入斬偽官三十清水伏羌等縣皆復乃赴鞏昌會勦遣降將陳萬策等入城曉諭鞏昌十七州縣皆降河東平定八月會勦平涼公由靖甯隆德進擊走賊將李國棟陣斬五百有奇生擒偽守備一千總二復靖甯州進次華亭過六盤士冒雨忍飢攀援而上賊莫敢拒敵偽副將高鼎率兵千餘迎降遂抵平涼與大軍合十五年貝勒奏大兵圍平涼半載賊屢出犯總兵孫思克徒步當先敗賊於南山者四敗偽總兵蔡元於城北者四又九處設伏敗賊於南門偽總兵艾姓引賊二千掩襲掘壕思克揮兵急擊賊退而復逼者三俱敗之勦涇州白起寨思克先至寨下遣領旗李錦先登擒偽副將李茂斬賊目數千又敗賊於南

山甲子哈及馬營子麻布嶺諸處宜酌示鼓勵得旨優敘五月隨撫遠大將軍圖海破賊於虎山墩公臂受重傷猶奮戰不報輔臣窮蹙降公還涼州詔曰自逆賊變亂以來奸徒附和人心不無動搖張勇王進寶孫思克一聞蘭州之變即率兵進勦收復城邑厥功甚偉及大兵攻取平涼復同心協力身先行陣所向克捷朕甚嘉之孫思克可授涼州提督並一等輕車都尉十月公疏言虎山墩之戰賊砍臣右臂傷筋及骨已成殘疾乞假解任回旗得旨卿久鎮巖疆勦除賊寇屢建戰功新簡提督正資料理不必求罷十六年敘功晉爵三等男時噶爾丹侵擾西北諸蒙古突入沿邊各寨公與張公勇以兵驅逐乃徒

國朝先正事略 卷十一 名臣 四

去十八年七月上勅圖公調公與提督趙良棟等勦賊漢中興安圖公奏九月初旬四路進發公與將軍畢力克圖由畧陽進會有詔因京師地震令內外大臣各抒所見公疏請今秋暫緩進兵俟來春二三月間多調邊兵圖進取未晚上命學士拉薩禮至涼州宣諭詰責公乃自引罪拉薩禮還奏得旨俟事平日再議十一月公與畢公敗賊眾於階州及文縣成縣進駐沔縣詔公還涼州尋移駐莊浪防守河東河西二十年慶陽賊渠耿飛倡亂糾叛番犯河州公與張公勦平之二十二年追諭前奏緩進兵罪奪三等男爵及提督仍留總

兵任二十三年遷甘肅提督二十八年北養生番犯內地公督兵截阻斬獲甚眾二十九年學士達瑚郎中桑格出使西域歸至嘉峪關外為西海阿奇羅卜藏所劫公聞報即遣遊擊朱應詳計賺其宰桑質於關內始反我使臣別遣副將潘育龍遊擊韓成等搗其巢穴斬馘四百有奇阿奇羅卜藏遁後遣人赴西海詰問各台吉責償所掠物各台吉懼勢阿奇羅卜藏所有以償公奏請免其窮治 諭嘉公盡心籌畫區處合宜如所請行三十年疏言肅州一協去甘州五百里涼州千里極邊之地外逼西海北狹哈密諸部內則番族插帳與民雜處所設副將威望不尊兵不滿千難資控禦請設總兵一營兵三千以固邊圉

國朝先正事畧 卷十一 名臣 五

消窺伺又甘肅地瘠民貧萬一征調雲屯軍食何由濟宜於河西要地屯積糧草備戰守但本地無糧可買輒運復恐勞民惟捐輸是賴而本地富民無幾請無論本省別省官民一例捐納職監及加級紀錄俟邊儲稍充即停止疏下九卿議從之三十年 詔嘉公久著勞績加太子少保子騎都尉世職五月疏報遣總兵潘育龍等追來降復叛之番眾於庫列圖嶺斬級四十餘擒百二十人請將叛首齊奇克正法而有其從人上免齊奇克死令安插內地有旨加振武將軍銜三十二年命內大臣郎岱領京營兵至甯夏同公駐防即以公為參贊探噶爾丹聲息三十五年二月

上親征噶爾丹出中路命撫遠大將軍費揚古由西路進公率陝西兵出甯夏至翁金地與大將軍會五月上駐蹕克魯倫河噶爾丹聞御駕親臨倉皇遁去大將軍邀擊之於昭莫多公率綠旗兵居中與東西二軍併力迎戰自未至酉斬級俘獲無算追奔三十餘里噶爾丹引數騎遠竄捷奏至奉旨褒獎 詔起京命侍衛迎勞 賜冠服等物並御製詩箋有鷹揚資遠畧宿望在西陲之句入觀暢春園 賜御書綬懷堂額及端罩四圍龍補服孔雀翎朝帽朝衣朝珠鞍馬命赴肅州駐兵探噶爾丹往哈密聲息三十七年敘功加雲騎尉世職三十九年二月以病乞休 遣御醫及兵部官往

國朝先正事畧 卷十一 名臣 六

視仍 命畱任調理是月薨 詔從優議卹 贈太子太保賜祭葬如例諡襄武 規還 命皇長子前往奠醊 賜鞍馬銀七千兩 諭廷臣曰聞孫思克喪回時自甘州至潼關沿途軍民無不號泣相送若平昔居官不善何以得此誠可謂將軍矣復 諭兵部曰孫思克謀勇素裕久鎮巖壘允稱良將可給還所奪世職部議并為一等男加一雲騎尉以其子承運襲雍正十年入祀賢良祠乾隆三十二年 詔以公當吳三桂叛及噶爾丹犯邊時懋著勞績其一等男爵令世襲罔替

梁敏壯公事略

公諱化鳳字岐山陝西長安人順治三年武進士四年授高山衛守備五年大同總兵姜瓖叛公從英親王阿濟格攻克陽和城擒賊將郭二用陞大同都司時大同左衛汾澤諸郡邑賊眾蜂起六年公破大同北密溝生擒賊將李義張豹三月攻渾源州克三堡破賈莊城擒賊帥王平進攻左衛下之論功加都督僉事以副將推用五月攻太原賊眾殊死戰公被重創督攻益力執其偽巡撫姜建勳六月攻汾州進薄孝義縣穴地置火藥藥發城圯拔其北關賊帥沈海來襲大營公破走之連下十餘寨介休平進攻祁縣望風悉降十月攻太原延安皆下之進逼

國朝先正事畧

卷十一 名臣

七

沈海於九臺火其寨海降遂乘勝進定澤州七年殲餘寇於牛鼻寨晉地悉平八年授蕪湖參將勦石皿鷺鷥二湖盜十二年遷甯波副將海寇張名振犯崇明之平洋沙公署蘇松總兵事至則遣都司談忠逆戰名振復圍高橋公親馳援勦敗其眾十三年實授蘇松總兵公以平洋沙懸隔海中為賊佔聚因沿海築壩長十餘里引平洋沙入內地且灌田千頃俾斥鹵盡為膏腴初鎮兵皆寄居民屢公始建營房處之兵民稱便海寇鄭成功率眾號百萬先犯崇明公擒其間諜督兵逆戰獲賊渠餘眾潰遁十六年七月成功以大艦陷鎮江瓜洲直犯江甯當是時駐防重兵皆移征雲貴城中守備虛提督馬進寶陰通寇擁兵

國朝先正事畧 卷一一

觀望成功移檄遠近連下徽甯池太計府四州三縣二十四維揚常蘇旦夕待變東南大震軍報阻絕

世祖幸南苑方議集六師親征公率所部兵三千人疾抵江甯援勦登高審視見敵營不整樵蘇四出甲士浮後湖而嬉乃率勁騎五百夜出神策門先破其一營以作士氣次日分兵出儀鳳鐘阜二門身先督戰以三路攻其前而騎兵繞出山後夾攻拔賊巨燾毀其本寨命勇士踞高發巨礮乘勢奮擊擒偽總兵余自新等賊奔潰是夜偽帥連營屯白土山公尋由陸路進兵賊列陣迎戰公督諸軍自下仰攻生擒偽提督甘輝等賊大敗奔北公追斬甚眾別遣將燒賊船五百餘艘賊眾自相蹂躪溺

國朝先正事畧

卷十一 名臣

六

死者無算江南遂通成功敗遁入海公尋遣將防崇明賊果薄城下適公兵自江甯回聲勢相接括民舟出白茆港絕流迅擊賊復大敗成功僅以身免十六年授輕車都尉賜金甲貂裘十七年擢蘇松提督加太子太保左都督公疏言蘇松濱海要地延袤八百餘里原設標兵僅二千餘請酌調省兵三千八百立為中左右前後城守六營以資捍禦下部議行十八年秋上特詔曰海寇入犯江甯時梁化鳳擊敗其眾繼援崇明保全孤城厥功懋焉其再敘戰功示鼓勵遂晉爵三等男準襲八次八月以病乞休溫旨慰留九月授江南全省提督時議者以海寇初平遊氛未靖欲立界遷沿海居民於內地公曰沿海設

兵以所棄地畝賦之則國既足兵民無廢業遷界何為奏上
詔從其言康熙元年丁父憂令在任守制十年十一月薨於位
賜祭葬如典禮贈少保諡敏壯十二年

仁皇帝巡幸西安遣官奠其墓子孫隆生康熙十三年奏改武
職投督標左營遊擊時漢中與安並叛應逆藩吳三桂孫駐防

黑水峪十四年漢中賊千餘聯結叛鎮王輔臣由祥峪口入三
路既踞山險孫率兵誘至觀音堂奮擊大敗之十七年調與安

游擊管副將軍事十八年征漢中由西路出富家河偵賊二千
餘踞桐子關孫率兵衝擊自午至酉殲賊無算復移師敗賊於

閬王橋與安附近城邑以次恢復十九年勅川東叛鎮譚宏進
國朝先正事畧 卷十一 名臣 九

兵羅石橋等處大敗賊眾擒賊將衛仰武等遂復達州加都督
僉事二十一年遷袁州副將二十六年遷江南水師總兵四十

年擢福建陸路提督四十五年擢福建浙江總督四十六年
上南巡 賜御書旗常世美額先是兵部尚書金世榮為總督

謂出洋巨舟易藏盜奏定漁船禁用雙桅商船飭令改造探頭
以丈有八尺為度逾制者罪之節既泄任即疏言商船不許過

大慮其越出外洋或至為匪也然船大則商人之資本亦大不
肯為匪且不容無賴之徒操駕自定例改造所費甚鉅皆畏縮

遷延其已改造者僅求合於丈有八尺之探頭而船腹與底皆
仍其舊是有累於商而實無關海洋機務及 召對復面奏漁

船不僅捕魚兼資貨物貿易非雙桅難以出洋

上命大學士等議弛其禁四十七年疏言湖州所屬逼近太湖
有烏程之西山港新涇澗等處及長興之白茅花礪諸港計七

十有二港濶溉田畝無算宜開濬深廣於流入太湖處建閘六
十四座隨時啟閉其石門之聖塘廟至玉溪鎮秀水之西利北

利端平三橋嘉善之西門渡船頭張涇匯楓涇鎮等處為出水
要道均宜開濬估計需銀四萬兩有奇此外淤淺之三府屬支

河溝蕩勸民開濬民自樂從無煩動帑疏入下部議如所請得
旨支河港蕩淤淺若勸民開濬或地方官借端私派厲民其悉

令動帑興工四十九年母憂歸五十二年赴京祝 萬壽子蔭
國朝先正事畧 卷十一 名臣 十

一子壽以疾乞歸里是年十一月薨年六十有一遺疏至 優
旨下所司議卹 賜祭葬如例

楊敏壯公事略

公諱捷字月三先世家揚州以軍籍為義州人公初為明裨將
順治元年率眾投誠授山西游擊二年岢嵐州土匪高亮英等
聚眾標掠公奉巡撫馬國柱檄擒斬賊眾毀其巢遷中軍參將
擢副將四年大兵既定廣東詔公率宣化大同兵三千移鎮
五年二月次池州值江西總兵金聲桓廣東總兵李成棟相繼
叛征南大將軍譚泰請公駐防九江會勦聲桓
世祖皇帝允所請授公九江總兵官旋率兵復都昌獲偽官余
應村等斬之江西平予雲騎尉世職十年隨靖南將軍喀喀
移勦滅廣東叛鎮郝尚久復潮州十一年改陝西興安總兵經

國朝先正事略卷十一名臣

三

畧洪承疇疏留原鎮是年加右都督銜充福建隨征右路總兵
官十二年晉左都督時海賊鄭成功肆擾福建郡邑公請剋期
增修漳浦城垣以固守禦嘗勦賊銅山諸處所向克捷十六年
擢江南提督會鄭成功突陷鎮江窺江甯特加公太子少保
充江南隨征左路總兵官統兵三千防勦十七年奉旨駐揚
州防江北要汛十八年署廬鳳提督尋調山東提督駐青州土
賊于七敗竄入海公緝其黨五十餘人皆伏誅康熙四年併山
東總督於直隸移提督駐濟南七年河南提督許天寵以裁缺
改山東命公候缺九年天寵遷鑾儀使公仍補原官十二年
調江南提督十五年海賊鄭錦犯乍浦公遣參將白可受等往

勦獲其船俘斬無算十七年賊犯漳州陷海澄

上以公謀勇兼優成效素著調福建提督兼轄水陸特晉少
保兼太子太保並諭攜綠旗兵之願往者隨征公因疏言臣
前隨征福建勦賊雲霄銅山開深知閩兵不能力戰用命臣自
任江南提督召募壯健至松江訓練有年堪資戰守擬選三千
名並擇游擊守備數員往備任使

上允之公至福州聞賊犯泉州即統兵趨惠安賊不敢抗皆潰
遁遂復惠安城偽總統劉國軒見我軍甚盛因斷洛陽橋留賊
數千及船百餘拒守而自集海船為遁計又以賊三千餘踞陳
山壩阻我師公道游擊李璉等襲破陳山壩而令總兵黃大來

國朝先正事略卷十一名臣

三

與副都統禪布等會師洛陽橋兩路夾擊以破其船賊大敗
遁去泉州平時賊將王一鵬復窺惠安公令總兵張韜往勦捕
斬略盡餘黨葉明紀朝佐等出沒德化永春間偽總兵蕭武等
聚棲泊湄州窺興化公復遣將防守策應而自移師赴漳州同
副都統吉爾塔布等敗國軒於江東橋又分兵屯柯坑山鳳山
萬松關諸險隘別遣將守榴山寨以扼衝要先是公甫莅任即
請設水師提督使已得盡力陸路至是得旨楊捷自膺簡任
以來屢著勞績可授昭武將軍管福建陸路提督事十八年國
軒以賊眾劫榴山寨並欲奪江東橋公會平南將軍賚塔等分
兵為兩翼左右夾擊大敗之於下坑山及歐溪頭斬賊千餘獲

甲仗無算十九年國軒糾賊屯獅子山又聯絡遠近賊寨為聲援公親率精銳勒平烏嶼諸寨復以高浦與廈門相對為海濱要地留營防禦斷賊歸路而自與總督姚啟聖總兵黃大來等分下玉洲三汊石碼等處十九寨復統兵進攻海澄偽總兵蘇侃以城降遂乘勝取廈門賊聚艦迎敵我師以巨礮毀其艦奮兵疾擊賊溺斃者無算餘黨相率投誠金門廈門悉平國軒自銅山竄臺灣公疏請回駐泉州得旨俞允是年九月以老病乞罷命仍任江南提督諭曰卿效力巖壘功績茂著以閩地溼熱與卿病體不宜調為江南提督不必求罷明年晉三等輕車都尉準襲四次公駐松江年久以病乞休者再俱奉溫

國朝先正事畧 卷十一 名臣

三

旨慰留三十九年薨於位年七十有四贈太傅諡敏壯孫鑄襲職入籍揚州衛

施襄壯公事略 于世綸 世驥

公諱琅字尊侯號琢公福建晉江人貌魁梧膂力絕人少從戎時主兵者募壯士有鼎重千鈞公從容舉之環步數巡仍返其所唐王立福州授左衝鋒嘗統偏師迷入榛莽有虎導之行始得出眾見公與虎偕爭趨救公笑曰微虎我何由至此眾大驚嘗隨閣部黃公道周出仙霞關知事不可為獻奇策黃公曰君言是也願吾大臣仗義守死而已倘有他奇策可以匡時君等行矣勉之遂寄食海上為明總兵鄭芝龍部將國朝順治三年大軍定福建公隨芝龍投誠遂從大軍征廣東勦平順德東莞三水新甯等縣芝龍歸京師其子成功竄踞海島屢誘公助

國朝先正事畧 卷十一 名臣

三

已公不從囚公船中欲殺之公以計脫宵奔緣山行匿洞中追者數十騎至火光燭天公所匿洞忽生棘刺索者不能得成功歎曰吾甯一患於中原矣公父大宜弟顯暨子一姪一遂被害十三年公隨定遠大將軍濟度敗成功賊眾於福州授同安副將破灑州壘擒其騎將降萬餘人遷總兵官康熙元年擢水師提督時成功已死其子錦糾眾犯海澄二年公遣將擊賊於海門斬賊將林維獲其船十月靖南王耿繼茂總督李率泰等攻克廈門賊眾遁公率所募荷蘭夾板船邀擊之殲賊千餘乘勝克活嶼金門二島加右都督三年加靖海將軍七年密疏言鄭逆負隅海上宜急勦若恣其生聚是養癰也疏上召至京面

詢方畧。公奏賊兵止數萬。戰船數百。若先取澎湖。以扼其吭。賊且立絀。倘仍負固。則重兵泊臺灣。港口而別。以奇兵襲南路。打狗港及北路。文港等處。賊分則力薄。合則勢蹙。臺灣計日可平。事下部議。以風濤莫測。難以制勝。寢其奏。乃裁水師提督。授公內大臣。隸漢軍。鑲黃旗。十九年。學士李公光地與公語及順治十六年。海寇犯江甯。事。李公曰。賊苟不頓兵城下。驅而徑前者。是誠可危。公笑曰。宜何向。李曰。循山而東。奈何。公曰。南北步馬不相若。久矣。眾寡勞逸。又懸。雖所在響應。作聲勢。實觀望。不能為之助也。纔涉北地。與官軍交。立盡耳。徐又曰。向彼舍短用長者。委堅城。沂江而上。所過不雷。直趨荆襄。呼召滇粵。三逆。藩與

國朝先正事畧 卷十一 名臣 季

之。連結搖動。江以南。以撓官軍。則禍甚於今日矣。棄舟楫之便。而敵攻圍。故知賊無能為也。李公以是知公能。二十年。李公疏言。鄭錦已死。子克瑛幼。部下爭權。征之必克。因薦公。素習海上情形。可專任。而總督姚公啟聖亦奏。公能遂授福建水師提督。加太子太保。公至軍。練水師。又遣間諜。通其舊部。曲使內應。二十一年七月。彗星見。給事中孫蕙疏言。征臺灣宜緩。尚書梁清標亦以為言。有詔暫停進勦。九月。公疏言。臣已簡水師精兵二萬。戰船三百艘。足滅海寇。請飭督撫餽餉。而獨任臣以討賊。無拘時日。但遇風利。即進兵。詔如所請。行。公復請調陸路官兵。隨征。許之時。克瑛仍襲偽爵。稱延平王。事皆決之。偽武平侯

劉國軒偽忠誠伯馮錫範。猶恃海道險遠。致書總督姚公言。克瑛願稱臣入貢。不雜髮登岸。如琉球高麗例。姚公以聞。上不許。越公進師。二十二年。李公光地請告家居。邂逅公逆旅中。李曰。眾皆言南風不利。公出師。故犯之何也。公曰。賈豎之言也。夫北風日夜。夜則更甚。自此至澎湖。縱能魚貫行。幸而不散。然島嶼悉賊。踞未能一鼓奪之。舟無泊處。坐與行殊。風濤震撼。軍不能合也。將何以戰。夏至前後二十餘日。風微。夜靜。海水平。如練。可以拋碇。泊洋聚而觀。覺不過七日。舉之必矣。用北風者。徒幸萬一南風。則十全之算也。然旬日間。恐有颶風。亦偶閒歲不起。此則天意。非人慮所及耳。又曰。賊將劉國軒為彼魁傑。

國朝先正事畧 卷十一 名臣 美

設以他將守澎湖。雖敗未即服也。必用再戰。如守澎者為國軒。或死或敗。則勢窮。膽裂矣。臺灣可不戰下。李喜曰。寇平矣。公笑曰。信之深也。李曰。為將者必識天時地理。且較將之智力。公兼之矣。能無平乎。六月。公由銅山。攻克花嶼。貓嶼。草嶼。乘南風。進泊八罩。國軒踞澎湖。築短牆。列火器。環二十餘里。為堅壘。公遣游擊藍理。以烏船進攻。賊船乘潮。四合。公乘樓船。突陣。流矢傷目。督戰益力。總兵吳英繼之。斬賊將及賊兵三千。有奇。克虎井桶盤二嶼。旋以百船分東西路。遣總兵陳蟒。魏明等。東指雞籠嶼。四角山。西指牛心灣。以分賊勢。公自督五十六船。分八隊。以八十船繼後。賊悉眾來拒。我軍聯檣而進。總兵林賢。朱天貴

突入賊陣八隊踴躍奮呼東西兩路夾攻波濤騰沸自辰至申焚賊船百餘隻賊萬有二千遂取澎湖是役也公以十四日發銅山二十二日決勝果在七日中戰之日東南角微雲起國軒方調遣拒敵望見喜甚既聞雷聲殷殷國軒推案起歎曰天命矣蓋海行占風以雲起為風兆聞雷則止也國軒敗後乘小舟歸臺灣克塽等震懼無惜乃乞降公為奏請

聖祖許之八月公統兵自澎湖入鹿耳門抵臺灣克塽率其屬雍髮迎降繳偽延平王金印臺灣平 諭旨嘉公忠勇性成矢心報國加授靖海將軍封靖海侯世襲罔替仍管水師提督事遣侍衛賚 御用冠服 賜之公疏辭侯爵 優詔弗許 特

國朝先正事畧 卷十一 名臣

三

賞孔雀翎 命侍郎蘇拜往福建與督撫及公議善後策時有議遷其人棄其地者公疏言臺灣自古未入版圖然中國之民潛往生息其間不下萬計海寇鄭芝龍始踞為巢穴明崇禎初芝龍就撫借與紅毛為互市之所順治十八年鄭成功攻破之盤踞其地傳三世數十年一旦畏威納土此誠

天佑

皇上以未闢之方輿資東南之保障若棄其地遷其人則此地原為紅毛所有萬一乘隙復踞後患方長伏思海氛既靖內地地溢設之官兵即可分防兩處三年後開征濟用內地可免轉輸竊謂棄之必貽大患守則永固邊隅伏乞 乾斷疏下議政

王大臣會議仍未決

上召詢廷臣大學士李公壽奏應如公請尋蘇拜及總督姚公亦如公議請設總兵等官及水陸兵並設縣三府一巡道一得旨允行尋 詔授鄭克塽公銜劉國軒馮錫範伯銜俱隸漢軍其偽武職千六百有奇偽文職四百有奇降兵四萬有奇及明裔朱恆等 命於附近安插墾荒二十四年公疏請申嚴海禁凡興販外洋應定船數每船仍酌定人數歸督撫提鎮責成汛官防範其採捕漁船亦使互相稽察以杜變端從之會歲饑公平糶賑卹全活百萬戶二十七年入 覲 賜朝服

國朝先正事畧 卷十一 名臣

天

甚厚其後三逆蕩平惟海寇游魂尚為閩害欲除此寇非爾不可爰斷自朕表特加擢用爾果能盡心竭力舉六十年難靖之寇殄滅無餘誠爾之功也近有言爾恃功驕傲者今爾來京又有言當爾爾勿遣者朕思寇亂之際尚用爾弗疑况天下已平又疑爾弗遣耶今命爾復任宜益加敬慎以保功名從來功高者往往不克保全終始皆不能敬慎之故也其勉之公以年衰乞致仕 優旨弗允三十五年三月薨於位年七十有六贈太子少傅 賜祭葬 子諡襄壯雍正十年 詔入祀賢良祠子世范襲三等侯

仲子世綸字文賢康熙二十四年由任子授秦州知州殫心職

業有重臣來治河從官某強州民已聘女為妾君持之急立還諸民餘眾咸遵約束尋坐事降調督臣傅臘塔以世綸清廉公直題雷得旨留任二十七年湖廣兵變援勦官軍過境沿途侵掠君具芻糧應之而列挺以待有犯者立擒治之兵皆斂手去明年擢守揚州禁治遊俗尙一變會歲饑力請興修范公隄以工代賑全活者多

上南巡召對良久願左右曰此天下第一清官也調江甯以父憂去官乞雷者萬人不得請乃入投一文錢建雙亭於府署前名一文亭累遷安徽按察湖南布政使湖南田自丈量後里役雖免而正供外有徭費歲漕外有京費世綸盡革徭費減京費

國朝先正事畧 卷十一 名臣

无

四之一民立石頌之入為太僕卿坐事免特旨授順天府尹令行禁止畿輔肅然再遷戶部侍郎五十四年出為漕運總督禁需索革羨金劾貪弁除蠹役人服其公明五十九年陝西大旱饑轉河南粟二十萬石給關中詔世綸勸黃河運道乃自孟津歷砥柱上龍門由陝州達西安量地險易酌舟多寡因徧歷陝境發帑金倉粟賑饑秦民建生祠祀之君性警敏聽斷如神自司牧歷大吏清白自持始終一節以勞疾薨於位江泰淮揚並祀焉著有南堂集八卷奏疏若干卷

第六子世驃由行伍起家積戰功康熙四十七年擢定海總兵四十二年

上南巡 御書彰信敦禮匾 賜之累出洋巡輯海盜 溫諭

嘉獎 賜戴孔雀翎四十七年遷廣東提督五十一年調福建水師提督六十年四月奸民朱一貴自稱明裔偽號中興天下大元帥倡亂於鳳山縣之姜園戕總兵歐陽凱副將許雲等遂陷臺灣君聞報即率所部進扼澎湖總督滿保檄總兵藍廷珍等以師會眾議三路進攻君以南路打狗港在臺灣正南南風正盛不可泊北路清風隙去府治百餘里餉道艱度賊必屯聚中路宜直擣鹿耳門時臺灣文武官均退回澎湖惟北路淡水營守備陳策堅守汎地君遣將赴援而自統師擣中路遣勁卒以小舟載旗幟先伏於南北港六月抵鹿耳門賊踞臺灣抗拒

國朝先正事畧 卷十一 名臣

辛

君登樓船督戰發礮中賊貯火藥器火大熾賊驚潰眾軍齊進兩港悉樹我軍旗幟遂揚帆直渡鯤身鯤身者海沙也大舟不能過是日海水驟漲八尺舟行如飛遂復安平鎮明日破賊四千於二鯤身賊眾八千來拒復擊敗之遣守備林亮等由西港進游擊朱文謝希賢林秀等越七鯤身由鹽埕諸路奮勇登岸並趨府城君身先將士擊敗賊眾一貴竄遁遂復府治閏六月諸羅縣民楊旭等誘擒一貴及其黨翁飛虎等十二人縛獻大營一貴檻送京師磔於市逆黨俘斬殆盡臺灣平與襄壯公平臺口期先後符合 詔優敘有功將士 賜世驃東珠帽黃帶四圍龍補服九月薨於臺灣軍營 優詔悼恤贈太子太保

賜祭葬諡勇果雍正元年

世宗特旨臺灣自古未屬中國

皇考以聖略神威取之載入版圖逆賊朱一貴等倡亂官軍感皇考教養之恩奮勇攻取七日之內勦滅數萬賊眾克全臺厥功甚偉茲仰副

皇考從優議敘之旨於現議甄敘外仍各加一等後不為例提督施世驥可予一等輕車都尉子廷勇尋襲職其淡水營守備陳策即以君薦超授臺灣總兵官

國朝先正事畧 卷十一 名臣

三

藍義山軍門事略

藍公諱理字義甫號義山福建漳浦人生而魁偉虎頭燕頤口可容拳力舉八百斤足追奔馬能曳其尾倒行少貧無以為生或勸為染人尋發憤棄去持斧擊斫釘碎之會海寇盧質擁眾岱嵩并尾閩時出劫掠公集族中雄傑者得十五人謀曰大丈夫當立功報國今盧質為害鄉里我與若往殺之官以我為能必開於朝且用我矣皆曰善遂行得壯士五十人至岱嵩屯焉盧質居井尾隔一江公傳言吾欲與質鬪質聞率眾三百至公大笑曰吾始聞若勇今乃知若怯若所持二三百人耳使隻身與吾鬪吾擒若矣質喜曰有是哉遂各持盾攜短刀躍出鬪百

國朝先正事畧 卷十一 名臣

三

合莫能相勝負質故有名劇賊身長七尺餘白皙長髯揮刀盾如閃電當者辟易見公少年心易之至是知為勦敵殫其技終弗能勝公度質氣且餒忽虎吼曰著矣質愕然趾出盾外公截其趾顛遂斬之令其眾曰降者免死眾皆降其副王都聞之亦降公將詣郡獻功都請緩數日實潛出劫掠後以傷死公始自詣郡郡守聞公作賊方戒嚴公指天誓且言屠賊狀弗信遽下獄雜羣賊中鞠治之將斬計五十有三人議留一人緩其死命掣簽公曰死則死耳何掣為羣賊以次掣遺一簽於地公曰地上者予我官揭視之生字也由是五十二人皆斬而公獨留亡何同繫者謀越獄事洩坐斬將及公迅雷忽作晝昏黑主者知

其冤乃止。然終不獲出獄。公亦晏然無出意。日相履以爲食。康熙十三年。耿精忠反。悉縱繫者。使受僞職。公不從。閒道走出仙霞關。聞康親王方統大軍討賊。公迎謁。具陳平閩策。王嘉其忠。命隨征爲鄉導。破僞都統曾養性於溫州。十五年。以功授建甯游擊。十七年。都統賚塔等敗海賊於蜈蚣山。復長泰。公皆爲軍鋒。又隨提督楊捷夾擊賊將何祐於烏嶼。大破之。遷灌口參將。灌口當孔道。軍興旁午。供億繁甚。閩督姚公啟聖方駐漳浦。每使過。有所誅求。公不應。且執而鞭之。由是過客皆譖公。姚公命公分兵守高浦。辭不赴。遂以虛兵冒餉劾公。削籍。擬杖徒。公有卒以鬪殺人。當死。公憐其母寡無昆弟。自詣官曰。殺人者我也。

國朝先正事畧 卷十一 名臣

三

卒無罪。遂免。卒而置公於理。在獄。又經年。請勦海寇。自贖。上允之。發臺灣效力。當是時。朝廷以鄭氏父子竊踞澎湖。數侵擾漳泉。爲邊患。議大興師。命靖海將軍施公琅征之。施名將。雅知人。聞公忠勇。奏署右營游擊。部議持之。特旨報可。遂領前隊先鋒。公喜得遂報。國志曰。在廈門練水師。有二卒出市薪蔬。遇將軍戈什哈。觀劇使酒。擒而撻之。且痛詆公。卒歸。愬公笑曰。鬪毆常事也。且問汝勝耶。負耶。卒曰。受撻耳。何勝負之足云。公怒曰。汝二戈什哈不能勝。何能殺賊。命斬之。卒呼冤曰。某等以將軍故讓之。請復與鬪。如不勝。願死。公縱之。再鬪。反命曰。大勝矣。公喜。命二卒臥板扉上。刺雞血淋之。昇以往。見將軍。

請發戈什哈二人者。付公治。施公不可。公固請曰。今用人之始。士卒不能愛軀。命爲將軍。出死力。將軍宜一體撫恤之。戈什哈倚將軍勢。無故撻士卒。且大言辱詈某。損先鋒威。重搖惑軍心。將軍不發此二人。付某治。恐軍士人人解體也。施公不得已。付之。公回營。具牒飛報。將軍曰。今日上吉。先鋒官啟行。卽詣海岸。縛戈什哈二人。斬以祭江。轟巨礮。順風揚帆。去。施公聞之。不懼。旣而曰。虎將也。必成功。遂親統諸軍繼之。公帥師先抵澎湖。鄭氏將劉國軒曾遂等。以數萬眾迎敵。戰盤龍江。公鏖戰自辰至午。手殺八十餘人。身破十餘創。正酣鬪。忽賊礮斜飛。過公腹。公偃。曾遂呼曰。藍理死矣。公仲弟瑤從背後扶公起。公奮拳虎吼。曰。藍理在。曾遂死矣。喚草茵持刀來。連呼殺賊者。三聲如震雷。舟中軍士皆氣壯。無不一當百。草茵族子法。小字也。持刀授公。見公腹已破。腸出於外。血淋漓。爲掬而納。諸腹中公四弟瑗。傳以衣。五弟珠持匹練連腹背交裹之。公大呼殺賊。不暇顧也。時賊船競進。以鐵鉤鉤公舟。我軍亦鉤賊舟。火箭火彈互擲。煙焰障天。賊中有飛天鼠者。抱巨桅。揉升而上。銜刀負蓬。立將躍入公舟。公弟瑤距躍斬之。賊奪氣。我軍勇先登。公命以火藥盡傾賊舟。焚燹賊無數。沈其巨艦二。賊大敗。逐北數十里。棄城浮尸盈海面。捷聞。施公大喜。疏上公首功。命紅毛醫治。公創醫言須七日弗動氣。乃可平復。未幾。施公進戰。戒左右勿使公知。

國朝先正事畧 卷十一 名臣

三

言須七日弗動氣。乃可平復。未幾。施公進戰。戒左右勿使公知。

會官軍小卻。施公以大眾率之過猛。舟閣淺沙不能動。羣賊環焉。施公故善戰。神氣閒定。然終未得突圍。出公聞左右耳語。詰得之大驚。立往救。時諸將所乘舟皆書官銜姓氏於旗上。獨公舟止書監理二字。字方廣各二丈。賊遙望見。相謂曰。藍某來矣。皆披靡。公飛盾躍過。偽中軍舟連斬巨魁十餘人。復躍而還。賊奪氣奮擊。大敗之。奪賊舟請施公更舟。施執手慰勞。且曰。醫言七日勿動氣。今方三日。何遽來。公笑曰。主帥有急。卽創裂以死不顧也。遂與施公乘勝擊窮追。賊首尾不相顧。鄭克塽大懼。遂納土降。臺灣平。施上公首功。加左都督。以參將先用。尋丁憂。二十六年服闋入都。抵趙北口。遇

國朝先正事畧 卷十一 名臣

美

聖駕出水圍。將避道所乘馬。凝立弗肯行。鞭之數十不動。乃舍騎步入梁園中。駕至。遣侍衛問誰騎。公乃出曰。臣藍理。從福建來者。

上問是征澎湖時。拖腸血戰之藍理邪。公奏曰。是。

上曰。來何遲也。召至前。問血戰狀。解衣視之。爲撫摩傷處。嗟歎良久。復召至行宮。慰勞之。特旨授神木副將。賜帑金三百兩。未行。擢宣化鎮總兵。掛鎮朔將軍印。二十九年。調浙江定海鎮。在浙十餘年。權提督者四。每遇南巡。迎駕。或入都。

陛見。寵賚特有加。聖祖嘗語諸王大臣。以公拖腸血戰狀。又引見。

皇太后曰。此破壯總兵也。視公若家人父子。公每奏對。皆侃侃直陳。或手舞足蹈。不自己。

上嘉其真率。御書所向無敵額。賜之。四十二年。調鎮天津。

賜孔雀翎及冠服。尋以舊傷疾作。請解任。溫旨慰留。賜御醫診視。公以畿輔產米無多。而天津一望皆平原。可開河引水。

灌稻田。乃躬率兵士墾鑿。得水田數百頃。歲收豐稔。

上悉以賜公。賜名藍田。爲世業。四十五年。擢福建提督。御書

書錦萱榮額。賜其母蘇氏。并書勇壯簡易額。賜公調公弟

參將珠赴天津。接管營田事。公至。閏日。召故鄉父老。飲道。及微

時。顛沛狀。歎歎太息。慨然有廣廈萬間庇士之意。時詢疾苦。遇

國朝先正事畧 卷十一 名臣

美

胥役勢豪訟師。士棍。悉關白富事。置諸法。親近者竟自治之。倡

建江東大石橋二。捐金巨萬。不足。則以郡人之不孝不弟。及爲

富不仁者。出罰。緩附益之。又大治街衢。拓其規制。常曰。以地方

不義財。爲地方之利。可以勸孝弟。抑豪強。轉移風化。或曰。此有

司事也。非所宜聞。公怒曰。天下官管天下。百姓腐儒。何足以知

之。由是告訐者踵至。差弁勾攝。趾錯於道。富人重足立。左右親

暱。因緣爲姦利。利歸羣小。而惡名盡萃公矣。如公者。因刻匿名

帖。繪一虎。以比公。多列罪狀。五十年。坐盜案落職。巡撫滿保總

督范時崇。據虎帖劾公。上命侍郎和托。廖騰燧等往按。左右不肯承。公曰。吾大臣。何必

辯舉筆署曰皆實議斬立決追賊八萬籍其產。特旨從寬。死調赴京師入旗籍五十四年大軍進剿策妄阿喇布坦公請赴軍前效力。

上以其驍勇練軍機。賜總兵銜協理北路軍務五十七年以病回京明年卒年七十有一。

上追念公功。特旨免所追銀。賜公家屬出旗護喪歸葬。公生平躁急性發如雷霆過即忘之無藏怒宿怨每劇談大笑聲聞里許尤善罵人遇權勢赫奕出己上者輒挂侮之然遇才人傑士雖極寒賤必折節禮下以此人服其仇爽教家勤儉衣食粗備無所擇家奴饜珍羞而草蔬敗肉反西以待公公亦甘之。

國朝先正事畧 卷十一 名臣

美

好書學策大字濡毫伸紙有求無不應者諸弟皆以平臺功加左都督瑤功最多未仕卒環至金門鎮總兵亦喜書大字拳能入口揚盾一躍三四丈珠累官參將勇不讓諸兄而性敏嗜學能背誦通鑑綱目不遺一字文人多避之。

許盡臣少傅事畧

許公諱貞字蓋臣閩之海澄人父炳嘗捐貲重建明倫堂又築陂引淡水以溉民田鄉人德之公初為鄭氏將康熙三年率所部歸朝。詔授左都督駐九江已而移駐贛縣墾荒為屯田都督居久之滇黔變作湖湘諸郡皆陷而耿精忠反閩中出兵杉關廣信建昌撫州諸山賊蜂起應之州縣大半破沒精忠遣驍將賈振魯規取贛州以通楚寇陷石城圍甯都勢張甚虔人震恐公在屯閱發憤歎曰鼠輩猖狂乃至是乎大丈夫立功報國此其時矣遂以十三年五月二十四日起兵赴援時公閒居久部曲多散去衣甲器械不完而公常教人舞藤牌用挑刀人多

國朝先正事畧 卷十一 名臣

美

鍊習乃椎牛醢酒集屯丁諭以忠義聞者皆感憤得健卒四百率之行賊眾數萬營於黃坊所過無敢撓鋒者見公偏師前不為意公大呼突陣跳盪無前藤牌軍一躍數丈人馬辟易搏戰數十合賊大潰斬首數千獲甲械矢無算於是軍容始可觀乘勝解甯都圍復石城斬三千級八月賊圍興國急公馳救之立解勦零都瑞金盡平天華長樂伍選白寺諸寨招降江背石寶諸寨賊眾數萬出難民三萬有奇屬有司加意拊循督撫交章上其功加太子少保時公威名日盛閩寇畏之遣辯士以高爵誘公致書進說公一不啟書械其使以聞顧遣閩人饒元結偽總兵張存誦順存踞順昌以牽制延汀耿逆大患苦之於是

天子知公忠赤可大用擢公總兵轄湖東三郡駐節建昌以十四年六月視事未逾月復宜黃崇仁樂安三城初建昌為賊踞安親王復而守之顧環城數十里皆賊賊屯麻姑山蕭家坪楊華芙蓉諸山寨無慮三四十萬逼城而軍耽耽下瞰王以為憂公徐白王曰賊雖多易與耳請往破一寨以為驗王尚未知公之能軍也姑應曰諾公出賊不意以夜二鼓疾馳勦蕭家坪冒險突上犁且破之王晨召公不至聞其出勦也大驚惟恐失之已而公還獻捷乃大喜賜食慰勞於是王知公果可屬大事遂以建昌委公而身帥師自袁州進攻長沙留滿兵五百公部卒僅二千賊聞大軍西行度城守益單以十二月二十八日併力

國朝先正事畧 卷十一 名臣 堯

攻城一軍駐城東之沙坪一軍駐城東南從姑山一軍薄南門城東多民廛沙坪曠衍他將請攻之公不可分遣裨將守南門而自將銳卒擣從姑山山高賊渠屯焉不虞我軍猝至倉皇迎戰大敗走而賊之攻南門者方鳴張公自山馳下掩出其後賊大驚表裏夾擊盡殲其眾盱江為之赤自是賊膽落不敢復議攻城矣訊俘言賊度官軍必攻沙坪則出兵糜我而從姑山之眾下焚民廛官軍不得還城即破矣今驟攻從姑山則沙坪之眾弗能救也諸將乃大服麻姑山最高賊數萬壁其上環而寨者數十里一擊百應公默計方春水發溝澗皆成河諸寨隔絕乃可破也於是按兵休士就麻姑山麓平敞處時時引兵習陣

法賊初見兵衆驚已也環甲執戈以待公聞武畢徐回久之賊亦懈不為備春水暴漲賊以浮橋相聯絡公密具舟積薪其中十五年三月晦公復出閱兵士卒皆不知將攻麻姑也抵山麓忽引而上直突賊營賊分眾掠糧於外留寨者不意大軍猝至惶駭不知所為而別校蕪薪舟絕其浮橋他賊莫能救一日破六十餘寨積屍滿巖谷煙焰塞天於是南山賊皆盡而城東二聖山閩寇耿二營焉其餘沙坪紅門梓木嶺諸賊蜂屯蟻聚不可爬梳公計賊眾且有備故緩攻以懈之五月五日當競渡眾謂賊在近請已之公故縱龍舟往來盱江置酒張樂會諸將聚觀賊熟視不敢出聲息公益知賊虛實遂以六月六日進

國朝先正事畧 卷十一 名臣 堯

勦二聖山直擣中堅賊所恃礮火弓弩我軍肉薄而上藤牌蔽身矢石不能傷長刀一揮甲札皆徹賊大敗耿二踉蹌遁連破四十營斬賊無算餘賊盡走入杉關自王師西行建昌危於累卵公獨守孤城者七月以疲卒二千當方張之賊數十萬而胸金谿南豐八月復廣昌九月復瀘溪授雲騎尉世職十年破賊蓮塘十一月援南豐十二月復新城追賊至杉關於是湖東三郡無賊而吉安寇韓大任者驍勇有智數號小淮陰與官軍久相持不下糧盡出走以十六年五月入樂安簡親王度攻大任非公不可檄公提師擊之遇於跌水嶺大任所將多邊關勁卒

垂死猶反。關公與之一日入戰。彼此疲極。坐睡少頃。輒起復戰。我兵益奮。寇不能支。奔甯都。眾猶二萬屯。都湖立木城。盡壘而守。公攻圍兩月。寇出挑戰。輒不利。乃棄城遁。公星馳追躡。蹙之於永豐。又蹙之於黃塘。虎峒賊眾死亡畧盡。乃入閩。投康親王軍前乞降。以公窮追力戰故也。十七年春。平廣昌。藤甲楓樹二寨。降偽將饒大武等五十餘人。兵民五千有奇。二寨舊稱天險。四面懸崖。攀藤猿掛而上。頂寬平。可容數千家。有池不竭。粟支數年。公乃營於對面。永安山多製火器。會天大風。發礮焚其廬。賊升屋救火。遙縱火筒擲之。不得上。須臾灰燼。賊窮乃乞降。先是麻姑二聖之賊既滅。公念餘黨不足窮捕。遣人四出招撫。偽

國朝先正事畧 卷十一 名臣 聖

總兵揭斯進。偽將軍楊玉太。偽都督余雄等。先後受撫者三十餘輩。計將吏千餘人。士卒數萬。其或抗命。亦不遽加兵。徐曉諭之初。過廣昌。偽將軍劉汝桂等不就撫。而潛遣人入營偵探。公引令遍行營壘。曰。吾軍虛實。悉汝觀之。歸語汝將欲降。則降不降。善守汝寨。吾今未加兵。俟軍還。攻汝必矣。宜固守。某險要不能守。而破者。玉石俱焚。其母悔。廣昌民欲薙髮。公曰。徐之吾未能留兵。去賊復至。必僂汝。吾歸滅賊。汝薙髮未晚也。民皆感激。泣下。汝桂等服公威信。亦率眾出降。公仁而有度。皆此類也。諸山寨初或恃險不即降。及藤甲楓樹平。相顧詫曰。二寨猶破。吾屬尚不降。無噍類矣。是年秋。璽書褒獎。晉提督。兼轄饒州。

南昌吉安凡六郡。其冬命提督全省軍務。所部將領許自辟。置不拘成例。異數也。劇賊江機楊一豹。駐江潯山。為巢。四出擄掠。公會師勦之。自錢村入。賊立木城。為三關。深溝。堅壁。兵不得進。寨後有高山。公遣人閒道攀援。至山頂。下瞰賊巢。第苦乏水。飢疲不能復鬪。乃命截竹為筒。盛斗水。人負一筒。裹乾飯。宵行。黎明至山巔。飽餐以待。賊望見。上山迎關。我兵乘高擊之。賊披靡多墜。崖谷死乘。勢至。乘後鳴角聲。賊守關者聞之。謂官軍已入。寨皆散走。大軍長驅而進。盡犁其巢。賊首走雞公山。猴子嶺。封禁山。皆絕險。人跡所不到。輒躡其後。襲破之。又走洪山。洪山有黃巢殿。自昔官軍無至者。公又破之。斬一豹弟一虎。及偽官

國朝先正事畧 卷十一 名臣 聖

二十有五。賊兵二千有奇。十八年四月。追賊至江潯山。即賊巢。為營。賊謀夜劫。營公謂得之。令鑿地三尺。以其土壘垣。三尺。城壘立。就士露刃。植立垣下。戒賊至。毋得出聲。而別遣將伏林莽中。賊果夜至。忽見垣壘。嶄然大驚。發火見垣內。白刃如林。惶怖反走。伏兵出。賊狂竄。相蹂躪。死進破。詹源老巢。追斬萬六千餘。級。機一豹等亡入閩。納款。康親王軍前。論功。加公世職。騎都尉。兼一雲騎尉。二十二年。調廣東。提督。公自起兵。至是。首尾九年。凡遷官。四加銜。一加級。五子世職。三大功。奏聞者。二十餘次。其餘戰績。不可勝紀。惟天子嘉公忠勇。召入。陛見。褒勞。再三。公叩首言。國家洪福。

主上天威。臣何功之有。

上問在某處某處殺賊幾何。公又叩首言。臣逢賊便殺。不記多少。

上笑而頷之。知公樸誠。益重公。公為人廉謹和易。謙退不伐。平居左圖右書。接對士大夫。恂恂儒雅。不知其為元功宿將也。持軍嚴整。禁部下勿掠。勿淫。勿殺。降勿俘。良民每出軍。以郡縣僚吏偕行。破賊得難民婦女。輒俸置別室。屬吏謹視之。遣還其家。破寨得積穀。令軍民隨力負取。軍敢奪民。以徇。凡收復城邑。他將有議攻山寨者。公曰。方亂。民結寨自保。不皆賊也。止勿攻。所全活不可勝計。以故江右人深德公。家祠戶祝。思慕不少衰。

國朝先正事略

卷十一 名臣

望

云論者謂自三藩倡亂。東西交訌。潭岳撫信之賊中。相隔閩者。虔州一綫地耳。公崛起屯閩。扼其吭。使賊連雞之勢不成。遂乃偏師橫擊。震擊風驅。令麻姑。玉笥。開空。無賊巢。王師得以開長。沙掃。漢。孽。而粵。閩。二寇。縮。爪。鈴。牙。坐。困。井。底。同。歸。灰。滅。公。之。功。在。社。稷。不。細。矣。公。泄。粵。十。四。年。造。哨。艇。設。水。塘。晝。夜。巡。賊。盜。賊。屏。跡。山。海。晏。然。三。十。四。年。三。月。薨。於。位。贈。少。傅。賜。祭。葬。如。禮。其。騎。都。尉。兼。一。雲。騎。尉。世。職。注。入。贛。州。衛。子。鳳。朝。孫。克。寬。作。哲。遞。襲。三。次。例。應。停。乾。隆。中。特。予。雲。騎。尉。世。襲。罔。替。

國朝先正事略卷之十二 名臣

平江李元度次青纂

陳恪勤公事畧 子樹芝等

陳恪勤之生也。母羅太夫人。夢入彩雲。吞月華。有大鳥負青衣童子來。故命曰鵬年。九歲著蜻蜒賦。即驚其老宿。康熙三十年進士。知浙江西安縣。公性彊直。初入官。誓以清白。自勵。西安當耿逆亂後。民多流亡。豪強爭占田。自殖。公履畝案驗。有主者悉還之。烈婦徐氏。含冤十載。公案誅首惡。建祠表墓。浙人為演鐵塔。傳奇禁俗。溺女杜開礦。議邑大治。三十九年。河督張公鵬翮調赴河工。逾年。補山陽縣。上書巡撫宋公犖。謂陳民所不便。與

國朝先正事略

卷十二 名臣

一

已所欲為者。請勿拘常格。宋趨其言。山陽本澤國。田沒於水。征賦不及額。戶部持之。公上言。死不再生。逃未復業。卒得請。會霖潦。將溢河隄。總兵欲啟東岸。開洩水。公曰。柰何以東岸。七州縣為魚乎。請以身禱河隄。動左右。卻走。公山立不變色。取民籍沈之水。陡落五尺。不為災。尋擢知海州。當歲除。州人徧榜官清民安四字於門。

聖祖南巡過沂州。詔截漕米四萬石。命選賢能吏運充州分賑。以公董其事。回鑾。召見濟甯舟次。命賦詩。賜御書一軸。四十二年。擢江甯知府。微行至郡。夜宿海忠介祠。題詩見志。廉知重耗病民。亟革之。下車前一日。訊輿夫。知某僧以勢奪其

妻訟不得直。公命訴於新知府。詰且拘僧。至僧故總督所。曬役以計誘而後至者也。至則庭立稱無罪。公出民詞示之。乃懼伏。將立斃杖下。總督為請。公曰。知府初行法。奈何。即格於一僧。總督固請。令罰鍰輸廟工。僧僅得脫。死。江甯俗。父母死。子必親訃。公頒士喪禮禁之。并諭諸生。有毀廉隅證訟者。檄諸縣籍其名。歲終報府。俟督學按試時上之。於是終公任。諸生無證訟者。米踊貴。請發官米四萬石。設九厥平糶。松江捕卒誣富人為盜。掠其家。逼婦女自盡。事發。赦前公仍置之。法常州守某。文致所部諸生吳廷立等十餘人於死。公與會勘。雪其冤。吳獲更生。易名曰復。字念滄。蘇人有鬪毆死者。已坐故殺矣。公出其罪。部駁再

國朝先正事畧

卷十二

名臣

二

三不能奪會

聖祖將復南巡。總督阿山召屬官議增賦。眾無言。而注目。公力爭。且曰。官可罷。賦不可加也。議遂寢。自是大吏滋不悅。公十四年。

聖祖復巡江南。使公主辦龍潭行宮故事。自左右侍衛及關寺牧園皆有餽。公一切不問。或竊置蚯蚓糞於簾席間。

上召公詰問。先是

上駐蹕織造府。一日織造幼子嬾而過庭。

上以其無知也。曰。兒知江甯有好官乎。曰。知有陳鵬年。會致仕。大學士張文端英入覲。

聖祖問江南廉吏文端首以公對。至是復問公為人。文端言。吏畏其威而不怨。民懷其德而不玩。士式其教而不欺。廉其末也。而織造使曹公寅亦免冠叩頭為公請。血被額。同官某恐觸上怒。陰曳其衣。曹請益力。

上遂釋然。駕幸金山觀水師。先期一日。大吏傲公。疊石為步者三。欲以困公。屬吏皆惶急。公曰。吾自辦之。乃率諸子弟躬運土石。士民從者屬路。爭撤屋材。濟工。然江湍急。下石則捲浪去。有估人子坐木筏。上知其故。請緝。筏疊石層。緝層疊。後出水面。有基。即贅石如平地。鼓四下。工竣。如有神助。

聖祖臨視。益奇之。

御舟發。命公督挽舟者。舟入淮。山陽民

國朝先正事畧

卷十二

名臣

三

趙之曰。此陳父母也。壺殮載路。

上微窺之。既渡河。溫旨令公還。其年六月。阿山劾公受鹽典。

各商年規。蝕龍江關稅。又無故枷責關役。遂落職。下江甯獄。

命漕督桑額。河督張鵬。副會。江甯人痛哭罷市。士民揭帛。鳴

鉦。環制府。問太守見劾之由。門者重閉。叫嗥不退。有司械繫數

人。制府欲釋之。使謂曰。爾偶行過此。被繫。邪。皆曰。非也。願入獄。

與太守同命。諸生俞養直等。繼至。大呼請保。清廉太守呵禁之。

不止。則懼之。曰。即擒治矣。養直即挺身就擒。吳復乃入獄。弔養

直曰。此我當為者。君竟先我為之。邪。訛傳養直。繫獄時。學使者

方按試。句容八邑生童。譁曰。讀書應試。何為也。皆火其卷去。且

白使者請中救養直遂得出及會鞠百姓夾左右道人火一束
薪燭公去來夜明如晝識者以三木訊商人商人曰歲餽自督
撫及州縣皆有之惟太守不受一錢耳既拮据無所得則以公
嘗逐羣娼建亭南市樓月朔宣講

聖諭為大不敬獄成論斬

聖祖問大學士李文貞光地阿山在官何若文貞曰當官勤敏
無害其犯清議獨劾陳鵬年一事耳

上領之有 詔從寬免罪 命入武英殿修書四十七年以江
督邵穆布之請特授公蘇州知府 命以書局自隨公抵蘇手

書榜門日求通民情願聞已過時大饑且疫公所在疫斷民書

國朝先正事畧 卷十二 名臣

四

公名鎮於門於是議賑貸勸捐輸濬城河修學宮勸義塾禁婦

女游觀初至滯獄三百有奇未一月判決俱盡過維亭鎮見水
浮漚心動跡之得尸鞠其鄰乃某村婦手絞其夫也洞庭山豪

陸某殺人匿尸躬往發掘得之獎豪於獄博徒萃窟室局誘良
家子公闢其室械其人如熟游者皆聞風駭散四十八年 特

命署布政使時張清恪伯行撫江甯風重公事無巨細皆與裁
決總督噶禮與巡撫有隙益忌公劾布政使宜思恭糧道賈樸

並坐公覈報不實又密奏公所作虎邱詩為怨望字箋句比以
周內之錮公於鎮江民奔走呼籲如在江甯時初公謁總督自

事不跪噶禮怒呵曰知府生死我手何敢爾公曰果有罪雖幸

賜寬假寸心具有鈇鉞如其不然君主之百姓安之生死不在
公也徐步出噶禮遂必欲死公部議削籍戍黑龍江仍得 旨
來京修書百姓遮留公閉十二門凡九日不得行公泣諭乃就
道五十一年

聖祖諭閣臣曰陳鵬年頗有聲譽學問亦優張伯行聽信其言
是以噶禮欲害之會奏虎邱詩中有悖謬語宵人伎倆大率如
此朕豈為若輩欺邪遂出其詩共閱初學士沈涵密薦公

上還其奏五十六年 召公見曰沈涵薦爾朕疑之今知非爾
所聽請故命署霸昌道可乘傳奏事在昌平有冠花翎者數人

稱某王遣來索修城者金勢張甚公偽遜辭延之入而陰伏健

國朝先正事畧 卷十二 名臣

五

步縛置獄中因馳奏適某王入對

上示以公疏曰無之曰然則可聽陳鵬年處分公杖獎一人柳
四人徇於城自是畿甸肅然嘗進瓜熱河

止命傳諭家僮汝主官清不必以常例進奉可將瓜帶歸以賜
汝主公既受代仍回京修書六十年 命隨張尙書鵬嗣視南

北河隄 詔公留河工是年秋河決武陟馬營口公請從決口
上流對岸廣武山下別開引河殺水勢得 旨覽陳鵬年奏皆

與朕前頒諭旨相合下部知之尋署河道總督公在官慎宣防
嚴啟閉郵徒庸覈功罪信賞罰疏薦余君甸陸君師張君杓為

監司皆以名績著明年馬營再決公請於王家溝再開引河使

水趨東南入漿澤。報可未幾。奉詔自工所還。清江兼攝漕運。總督時漕渠歲溢。遣幹吏直溯淮源。疏其上流。使清水暢達。會黃濟。運旗丁數千人。以道梗乏食。呼號載路。公先給帑金六萬。後奏聞。

聖祖嘉之。謂得大臣任事。體秋八月。再浚武陟時決口。尚未塞。公為文禱河神。以死自誓。是夕水驟退八尺。再疏請開官莊峪引河。報可旋聞。

聖祖升遐。公方治官書。驚擗墮地。淚盡見血。遂得疾。

世宗即位。授河道總督。公日夜宿隄上。往來風雪中。疾益甚。雍正元年正月五日。方四鼓。命具湯盥沐畢。口占遺疏。皆明。端坐。

國朝先正事畧 卷十二 名臣

六

進年六十有一。有詔悼閔。且曰。此真鞠躬盡瘁。死而後已之臣也。可賜白金二千兩。治喪。其家有八旬老母。可給封典。子予一品廕生。尋賜諡。賜祭葬。如典禮。雍正十年。入祀賢良祠。疏歸。過南北壩尾。兵民繞棺哭者數萬人。河南江甯西安皆祀公。名宦公長。驪虎項。美鬚。目光開。閤如電。而胸有定力。不以榮辱毀譽。生。死。動其心。慨然以澤不被於民。道不伸於己。為恥。在官。廉。幹。得。民。心。於。上。官。左。右。親。近。視。之。度。如。用。此。毀。言。日。至。每。視。職。按。問。民。相。聚。巷。哭。持。醪。糲。相。遺。禁。之。則。攘。臂。而。訴。或。門。鍵。則。毀。垣。入。滿。洲。駐。防。兵。亦。率。男。婦。踵。門。求。一。見。陳。青。天。狀。貌。好事者繪為圖。又繪九學哭廟圖。有披圖泣下者。後會勘於山。

陽集者數萬官。拒之。忽一人突出。大呼請保。留陳青天。則江甯武生朱奇畧也。從而入者十數人。山陽令大驚。則以數人攫一人。閉請室。既入獄。百姓張黃旗。城上書曰。如喪考妣。忌者因誣以大逆而。

聖祖怡然曰。民愛如此甚好。赦詔下。士民數萬焚香北向。跪呼萬歲。其聲若雷。公為州縣。首革火耗。為府戒屬吏曰。減一分耗。羨即完一分。正供署藩司。盡革加平曰。吾向嘗請免此也。吳中觀音山。以竹兜代遊。食其力者三百戶。禁之。詣公訴。公為遊山。問曰。太守苦若予。曰。否。守愛我。但太守禁婦女遊。誠當不當。禁客遊。絕吾儕衣食。公還立弛之。生平於故人子弟。孤寒後。

國朝先正事畧 卷十二 名臣

七

進汲引。如不及稱。善廣坐訓。過密室。人銜感。次骨入獄。適然自憶。未了事。曰。杜茶村。未葬。某僧求書。未與。布衣。王安節。缺為面。別從容。料量。承。錄。而行。嘗表東海孝婦廟。建狄梁公祠。立陸績廉石。復劉蕡後人租。徭。在蘇。昇鬱林石於郡。學遊焦山。遣人泅水出。瘞鶴銘。為亭覆之。其被逮入都也。除夕。市米潞河。主人問客何來。曰。陳太守。是湘潭陳公邪。曰。然。曰。是廉吏。安用錢為。反其直。問寓何所。次日。門外車檻。饋米十石。書一函。稱天子必再用公。公宜以一節終始。毋失天下望。紙尾不署姓名。問擔夫。曰。其人姓魏。訪之。則閉戶。他出矣。公字北溟。別字滄洲。湖南湘潭人。所著有道榮堂文集。八卷。詩集。五十四卷。陽月詞。

一卷歷仕政畧河工條約各一卷子七人樹芝以薦舉入直武英殿官揭陽知縣多善政薦擢平越知府樹萱以諸生召見試詩文稱旨命隨父校書內廷授戶部主事累官至左侍郎樹著以任子授刑部郎中出為汀漳龍道有陳作賴石者糾黨將作亂單騎往撫之置首惡於法民皆安堵調雲南迤西道會土千總相仇殺居民驚竄聞報即馳往擒治之刑部失火延燒檔案詔曾任刑部者默寫惟樹著獨多人服其強記遷長蘆鹽運使終鴻臚卿

國朝先正事畧 卷十二 名臣

八

楊文定公事畧

雍正十有三年秋九月高宗嗣位甫旬日即起楊公名時於滇南士大夫知與不知皆驚喜相告滇人士相率祖道羅拜繼以泣至環馬首不得前乾隆元年正月公至自滇時年七十有七矣以禮部尚書入教皇子侍直南書房兼管園子監祭酒而不領部事尋賜第賜紫禁城騎馬當是時高宗銳意圖治且在藩邸素知公公亦感上責望重將盡所學以報薦莊亨陽秦蕙田王文震雷鈺蔡德晉等七人為助教疏請儲書太學并將刊板存監聽諸生摹印

國朝先正事畧 卷十二 名臣

九

講誦得旨俞行又奏增上下江及陝甘順天鄉試各中額均於本年秋試舉行廷臣言事可采者公為代陳又疏言滇省舊例凡地方辦公事皆取給民間謂之公件官吏藉端科斂臣撫滇時屢次駁減畱必需之用其餘題報歸公而有司奉行不善不免復派於民是從前所定轉成厲階請飭予寬減嚴禁借端派累疏下總理諸臣議令雲南督撫會酌再經部議如所請行天下士想望丰采皆曰楊公時獨對忠言議論不知其幾矣是年七月遘末疾浹月而薨公疾未作方奏對天子見其微既病數使人問視至是大痛悼賜帑金治喪遣散秩大臣領侍衛十人奠爵特諭稱公學問醇正人品端方

聖祖叩以易說旁及象數公正對無所瞻顧敷歷外臺無一字達政府

世宗即位手諭褒嘉 御書清操夙著四字以 賜尋擢兵部

尚書雲貴總督四年秋轉吏部尚書仍管雲南巡撫事初李衛

為雲南鹽道遷布政使以興利為功恃 恩眷氣陵其上公遇

事裁抑之遂用是陰閉公

上以公洩漏密摺停其摺奏公事具本題至是許仍摺奏公益

自奮勵竭忠誠於人之邪正事之得失風氣醜薄之相倚盡言

無隱是年冬又以奏謫監課敘入 密諭削尚書職仍署巡撫

事大理府洱海本嶺中巨川以積壅致水患公奏請疏洩著令

國朝先正事畧 卷十二 名臣 十一

五年一修費皆官出六年或奏公與臬司江芑通行欺蔽

上命湖南布政使朱綱代公且遣侍郎黃炳來會鞫綱至復劾

公徇隱廢弛縱屬吏虐倉穀剝民無忌有 旨革職交朱綱勒

限清釐具奏請旨并 命總督鄂爾泰嚴訊綱預治刑具將訊

公軍民數萬洵集門外曰楊公受刑我輩有反耳綱氣懾而

止既訊無所得則以曾受鹽規銀五萬八千有奇論殺其銀限

一年內輸官鹽規銀者即公前所奏明給官用者也部議亦以

公始終掩護無人臣禮坐挾詐欺公例擬斬監候人皆為公危

而公籌火治詩禮坦然如平時獄詞上

世宗特旨寬免公遂留滇七年清苦絕塵日或不能舉火士民

爭遺疏粟講學不少倦及奉 召還朝五日一至太學升講室

示諸生謂學所以希天也天之德誠而已矣敬其功也其要在

闡然為己以默契無聲無臭之天載不易世不成名遷世不見

是而無悶此天德之藏於密而聖學之所以成始成終者也論

語首篇皆發此義而中庸尤極言之有聖學斯有王道乾元始

萬物利天下而相忘於不言故論聖德以無名為大論從政以

不貪為美盡人合天之道莫不由此是可以概公生平矣先是

雍正未黔中苗亂連年用兵不能定至是公疏言貴州境內生

苗在南漢人在北而熟苗居其中生苗處深林密箐中有熟苗

為限隔嘗聲內地兵威以備之故不敢萌窺伺自開拓苗疆之

國朝先正事畧 卷十二 名臣 十一

議行於是生苗界上咸屯官兵日尋干戈而生苗始不安其所

至熟苗無事則供力役有事則為鄉導軍民待之若奴隸生苗

疾之若寇讐或生苗乘閒抄殺熟苗以洩忿或官軍僨事屠戮

熟苗以冒功熟苗怨毒日積是以句結生苗乘機作亂也台拱

本在化外自有司迎合邀功輒謂苗人願獻其地上官不察竟

議駐兵遂使生苗煽亂屢覆官兵閒有就撫熟苗又被武臣屠

戮且畧賣其妻女是以賊志益堅人懷必死多手刃妻女然後

出戰以致鋒不可當侵軼內地百姓被其荼毒此已事之明驗

也為今之計惟有下剴切之詔布寬大之恩棄苗疆而不取撤

重兵還駐內地於要害處築堡修城俾民有可依兵有可守賊

來則禦之去則捨之再懸賞以示有能擒首惡及率眾歸順者
給與土官世襲分主其地更加意撫綏熟苗勿使爲生苗所劫
掠爲官兵所欺陵如此則苗人自當向化若因循粉飾恐兵端
不能息也時鄂文端爲首輔公謂之曰自公用師於苗吾數言
其不可天道甚神人不可多殺惟君子爲能改過公其圖之
上卒從公言撤兵除新置之賦黔人乃安內廷翰林余棟丁母
憂子假六月公請聽其終制因言翰林梁詩正服未除應緩
其行走

上皆從之康熙時江南翰林非二甲不與公獨以三甲入選日
講官及直隸學政均非宮坊不與公以檢討膺特擢不由階資

國朝先正事畧 卷十二 名臣

四

其後
高宗命教習庶吉士未館選而詔先下皆異數也生平介節
義舉美行嘉言不可勝紀而孝德尤著年踰強仕父母摩拊如
嬰兒其防南河也同出者多以爲難公獨以近奉二親爲喜其
從文貞游也方侍郎與文貞辨析經義常白日昃至夜中公端
坐如植言不及終已無言及同直南書房侍郎久與居乃知公
於文貞所講授篤信力行而凡古聖賢相傳性命之指要皆能
探取其所以然此所以忠誠耿著夷險一節而爲世完人也公
無子以弟子應詢嗣所著楊氏全書爲門人所輯易義隨記八
卷詩義記講四卷則說經之言也

朱文端公事畧

公諱軾字若瞻一字可亭江西高安人康熙癸酉鄉試領解額
甲戌進士選庶吉士改知潛江縣有惠政時有關殺獄總督喻
某權巡撫疑爲故殺斥令改職公持前議再斥再覆如初總督
調公至行省詰責公曰令所據乃初招公所據訟師教唆之過
辭也總督怒將劾之公曰畏劾而枉殺人令不爲也拂衣出會
巡撫劉公殿衡至久聞公賢爲解於總督而薦之乙酉行取授
刑部主事丙戌遷員外郎巨猾余姓繫獄有力者爲營救公論
如律眾撼以危言不爲動部庫借逋已奉恩旨緩追矣有以
指克見才者誅求甚急公持不可爭月餘卒從公議公受

國朝先正事畧 卷十二 名臣

五

聖祖特達之知自此始己酉分校會試提督陝西學政表章橫
渠之學以禮教變化氣質關中正學大明故事歲試報部科有
冊費公不名一錢以冊發郵遞部科吏怒不收尋劾公造冊遲
延議降二級調用時科試尙餘二郡未按臨代者已至會鄉試
監臨巡撫將局闌秦十七千餘人具公揭請疏雷遣之堅跪不
起語益諱知勢不可奪乃徐給曰爾等論誠公俟出闈乃可入
告比撤棘寢不復奏會有以其事上聞者
聖祖垂問九卿大司寇韓城張公廷樞昌言朱學使公明廉謹
眾無異辭於是特旨命公畢試事累擢光祿少卿奉天府尹
通政使丁酉巡撫浙江首除供億陋規減儀從食糲衣蠶繭會

止五簋。飭吏胥母曳紉綺墨。望風解綬。去浙俗婚喪尚侈靡。乃著家儀。益以土相見。鄉飲酒禮。刻行之。陋俗丕變。幕中不延賓佐。每蚤起治事。手書口答。至丙夜不休。尤慎於庶獄。與僚屬論某獄情實。某獄誣罔。條舉姓名。訟謀無所遺。眾驚以為神。浙西數百里。藉海塘為捍蔽。時築時圯。公疏陳海甯老鹽倉等處。宜易石用樅。又海潮北向者曰北大鹽。南向者曰南大鹽。南北兩山間曰中小鹽。海潮向由中小鹽入江。則兩岸皆無患。今中小鹽竟成陸地。宜挑濬。又上虞夏蓋山土塘。宜改用石。條列以聞。皆報可。北新關為猾胥淵藪。公搜剔痼弊。行旅便之。修萬松書院。躬親訓課。士相偃以學。行巡鹽御史哈爾金勒索離商。公劾之。命大臣鞠實。論如律。庚子冬。內擢左都御史。乞假省親。明年還朝。丁父憂。訃至。勺飲不入口三日。有旨令在任守制。公力請奔喪。疏再三上。通政司抑之。公請假葬親。即赴軍前效力奉。諭往山陝督賑時。

國朝先正事畧

卷十二

名臣

夫

聖祖發帑金五十萬兩。命與光祿卿盧詢分往督察。公力疾就道。抵平陽。疏陳賑濟事宜。皆報可。於是察官吏。安流庸。禁遏糶。招米商。設粥廠。立醫局。補驛夫。借給民人牛種。截漕米四十萬石。并請出京倉陳米平糶。全活數十萬人。會苦旱。公為文禱神。越日大雨。又以積貯多有。名無實。乃瀝陳冒銷虧耗。及出陳。易新時指勸淨收。弊請飭督撫嚴禁。并勒所屬買補缺額。

為荒備有。旨通飭行。九月反命。請解任。效力河工。就便營葬。事同列。勸阻之。因面奏。溫旨慰諭。命再往山西。試行水利。社倉。蓋公督賑時條奏及此也。會川陝總督年羹堯劾知府徐容甘文煊虧帑。命公往陝西鞫問。壬寅二月抵蒲州。復請假歸葬。奉旨旨給假。葬親事畢。速回任。以三月抵家。十二月梓宮時。世宗嗣統。夙重公。凡大政事及進退人材。特命公與王大臣參議。雍正元年癸卯。遷吏部尚書。加太子太保。入直上書房。賜第及銀千兩。是年四月舉恩科。命典順天鄉試。得人最盛。特旨加太子太傅。是年六月。母夫人壽八十。乞假歸。特子誥命。賜御書堂額楹聯各一。帑金二千。副以上珍御藥。九月還朝。奉命典恩科會試。甲辰八月。典正科會試。會浙江海塘圯。詔公往浙督修。報修餘姚上虞會稽塘工。以丈計者凡七千。海甯三千七百有奇。海鹽二千九百。用帑銀十五萬五千七百兩。有奇。尋疏請四品以上官。許將本身妻室封典。移封祖父母。八品以下官。許移封父母。其繼母生母。請與嫡母俱封。從之。乙巳九月。拜文華殿大學士。仍兼吏部尚書。命與怡賢親王共治畿輔營田水利。發帑金百萬為經費。公悉心營度。以漳衛滏陽子牙永定灤路諸河為經。以趙北口東西兩淀為

國朝先正事畧

卷十二

名臣

七

咽喉蓄洩得宜溉田六千頃尋合疏請分直隸諸河爲四局南運河及減家橋以下之子牙河范家口以東之淀河爲一局請令天津道總理北運河爲一局請裁分司令通永道兼理范家口以西各淀及畿南諸河爲一局諸改大名道爲清河道管理下部議行丙午春丁母憂訃未至而巡撫已疏聞特諭吏部通政司及公家屬弗以母訃告知朱軾彼性至孝今在營田水利工所勞無親切之人驟聞此信必過於哀毀俟召回朕剴切開諭可也又諭曰大學士朱軾之母冷氏盡儀淑慎訓子成名今在籍病故著江西巡撫支給庫銀二千兩派兩司讀文致祭俟朱軾抵家日舉行公入對

國朝先正事畧

卷十二 名臣

六

上開諭再三哀不自禁出宮門慟絕嘔血滿地諭閣臣曰大學士朱軾事親最孝朕所素知但伊母年逾八旬祿養顯揚俱無遺憾宜節抑哀痛護惜此身盡忠正以盡孝前已降旨賜銀二千兩治喪遣地方大員致祭今軾馳驛奔喪回籍朕深知其家貧可再賜銀二千兩其子亦令隨歸到家守孝百日營葬畢即來京辦事伊疏請終制情詞迫切此乃伊名節所關朕知其出於至性但三年爲時甚久閒居在籍其心未必自安况畿輔水利事正資料理可於八月起行來京備顧問既不任職則與家居無異於禮既盡於心亦安矣軾年高體弱不宜過於悲傷况六十不毀載在禮經若能仰體朕心護惜此身爲國家宣力

其母有知亦必深慰倘過哀以致毀瘠則忠孝兩虧矣并遣侍衛齋茶飯賜之公歸營喪畢散賜金於戚族之貧者明年九月入都將至

上遣學士何國宗副都統永福出迎賜膳特旨許照怡親王居喪故事素服三年不補原官仍在內閣兼吏部都察院行走其朝會燕饗俱不與戊申公疾

上賜醫藥存問時公子必塔官大明知府特詔召回仍補戶部郎中便養也又命內大臣福倫視疾公疏請解任

世宗手詔曰卿才具優長品行端謹老成練達勤敏和衷朕所深知今偶患咳嗽自可從容調理向來漢大學士多用二員今

國朝先正事畧

卷十二 名臣

七

閣臣有張廷玉蔣廷錫辦理實無曠缺卿當願養之時必須寬懷澄慮不必慮及內閣職務致乖調攝之道朕昨遣內大臣往視聞卿力疾叩謝次日清晨寒冷又至宮門謝恩是轉使朕心不安朕知卿小心拘謹是以近來一切服食之物未便頻頻頒賜正以冀卿之安逸望卿之速痊也其節勞靜攝導引沖和即受朕恩養亦免其拜跪卿年未甚老爲朕宣力之處甚多不必以解退爲請其悉朕惓惓至意明年疾復作

上允解部務專直內閣尋以失察呂雷良私書吏議奪職特旨留任賜居海澱便奏對未幾復原職庚戌冬命兼管兵部尚書事癸丑署掌院學士甲寅浙江海塘衝決在事諸臣意

見多不合

上召公詢問公奏事難遙度願親往辦治

上大嘉命督撫及總理塘工諸大臣悉聽節制行次德州聞

憲皇帝賓天痛哭奔喪至阜城

高宗特召回京謁梓宮昏暈不能起

高宗命總理事務賞騎都尉世職當是時公年已七十有一

天子恐用公晚一切虛已咨詢公亦忘身殉國知無不為因疏

陳直省開墾之弊如四川一省近經丈量招集流民開墾卒之

逃亡遷徙事故紛然多於熟田加增糧額以成清丈之名於

國課無補而於民生有害又聞廣西開墾之例弊竇尤多報墾

國朝先正事畧卷十二 各臣 三

十數萬畝多係子虛因通行丈量搜求熟田弓口之多餘以補

報捐無著之數蒙

大行皇帝洞燭情弊飭止丈量小民得免加賦而前此虛報墾

科之田業經入冊責令輸糧民益苦累至河南省報墾田地尤

多不實夫朝廷恩免動以數十萬計如江南等省淨糧舊額

一旦豁除百餘萬區區報墾之糧曾何加於毫末請勅各督

撫將報墾田逐一查明如係虛捏即據實題請開除護短文飾

者罪之又言近日法吏多以嚴刻為能不揆情理之平但云不

如是必致上官駁詰部議吹求於是贓私先酌數目迫以極刑

罪案自定供招誘之伏法故生枝節刻意株連尤可異者凡屬

吏所定之稿上官酌改必係加重否則不易一字以為改輕便

似徇私不知心苟無私何妨屢改情罪未協豈憚紛更請勅

各督撫嚴飭有司讞獄務在持平其鍛鍊誣枉者罪之疏入皆

立允通行乾隆元年丙辰公典會試賜第地安門外又賜

金五百兩為修宅費八月疾大作

上賜藥遣御醫來視九月命和親王來視十七日車

駕親臨慰問公力疾朝謁拜戶外次日薨遺疏畧云國家萬

事根本君心所重者莫如理財用人臣核國儲經費綽然

後有言利之臣倡議加增乞聖明嚴斥至於用人邪正公私

幾微之際尤易混淆在審擇君子小人而進退之慎之又慎此

國朝先正事畧卷十二 各臣 三

臣垂死時芻蕘之獻也奏上

上震悼命輟朝一日車駕復親臨哭奠再賜帑金千兩

治喪有旨大學士朱軾品行端方學術醇正純修清德望重

朝端朕自幼讀書宮中常聞講論即位以來正資襄贊茲覽遺

疏拳拳以吏治民生為念具見忠悃可贈太傅入祀賢良祠尋

賜祭葬諡文端公自為諸生至居政府食不貳膳無故不殺牲

性介而和門生某餽饘公稱量畢仍還之曰吾體未康無藉於

葷故稱量之則已受爾儀矣奚必及物邪自浙撫內召漲行劾

免二令曰二人素貪劣吾去後必大舉後人劾之罪將不測今

以不謹去正所以全之也大將軍年羹堯以罪誅父遐齡年八

十餘法當坐公奏以子刑父非法也臣簿錄年氏家書退論訓其子嚴罪在子不在父

世宗是之退論得免公凡所薦舉初不令人知或左右微探其端必正色曰斷自宸衷非可以私恩市也長御史時

世宗以科道一體命六科亦統於都察院科臣有抗爭者詔并及公公叩頭申救科臣得寬免時以此文潞公之於唐介云公與方望溪侍郎交最篤望溪嘗以周官餘論十篇之三示公公持至上書房手錄曰當吾世有此異人而上竟不聞知可乎望溪曰今

上信大有為而士大夫結習未除凡吾所云必君相一德眾賢國朝先正事畧卷十二名臣

卷十二名臣

三

協心然後為之而可成成之而可久不然上求其誠心而下應以苟道民不見德反受其殃公志果大行異日以告於君君次第布之不必知自某也及公大拜乃以實畿輔一篇致怡賢親王合詞請開水利望溪謂公曰近畿積水無歸久矣必以數年疏決支河俾伏秋潦漲下流無壅然後規下地擇良有司官治一區為民表使民觀其利而爭自營之苟少違其節次動必無功其後為之數年果利害相半公由是益信望溪言凡吏疵民瘼辨賢抑姦胸中所知見盡為公盡之且告以海內大事宜及時措注者莫如復明初大甯三衛兼求唐韓重華屯田故蹟自歸化城西連三受降城以達於甯夏及經畧苗疆控制臺

三事因盡出餘論七篇公皆慨然引為己任會西陲用兵度無暇部署三方而公尋遘疾不果行

高宗諒陰依古禮法致行三年之喪諸王大臣屬望溪草具儀法及制詔將頒復速望溪至雍和宮討論公常左右之惟恐其言之不盡用也疾革望溪走視公嗚然興曰子所言三事及九篇之書吾未嘗一日忘以

聖天子維世礪俗謂子所云禮義之明人材之興也有日矣而吾將泯焉命也夫子性剛而言直幸衰疾支離於世無求否則尚有國武子之禍實實既沒吾病不支子其懼哉實實楊文定公也公與望溪同直內閣雖入政事堂眾既退坐必下之行必

國朝先正事畧卷十二名臣

三

後之望溪固辭公曰眾爭為市道交即此可示之以禮矣公所著有易春秋詳解禮記纂言周禮註解儀禮節畧訂正大戴記呂氏四禮翼溫公家範顏氏家訓歷代名臣名儒循吏傳輶車雜錄廣惠編子必增官至通政使堪官至左庶子必坦舉人襲騎都尉長女字建昌李氏未婚守志以貞節被旌蔡文勤公為撰傳御製詩題之有卓哉朱氏賢女子柏舟矢志終不徙之句四十四年

上追念公清操宿學御製懷舊詩稱為可亭朱先生詩曰皇考選朝臣授業我兄弟設席懋勸殿命行拜師禮徐張時去來可亭則恒矣時已熟經文每為闡經旨漢則稱賈董宋惟

宗五子恒云不在言惟在行而已如坐春風中十三年迅耳先生抱病深 命輿親往視未肯竟拖紳迎謁仍鞫臆始終弗踰敬啟手何殊爾嗚呼於先生吾得學之體

國朝先正事畧 卷十一 名臣

陳清端公事略

前明海忠介公清節震海內後百餘年而國朝陳清端公繼之二公皆粵產也忠介之意必欲事事復古清端則相時度地惟期實政足以利民忠介之清主乎肅清端之清兼乎溫清如冰霜足以殺物清如雨露足以生物故學忠介而不至其弊恐流於刻學清端不至猶不失溫厚之意也清端公諱璜字文煥號眉川海康人康熙三十三年進士授古田知縣四十一年調臺灣明年行取授刑部主事累遷郎中四十八年充會試副考官任四川提學道泄官之日止以一力自隨襤被蕭然衡校至夜分不輟杜請託壹意甄拔人才四十九年

國朝先正事畧 卷十二 名臣

三

聖祖誠飭四川官吏加派厲民 諭及公任學道時操守廉潔會福建巡撫張清恪公疏請以公為臺廈道從之公以興化易俗為先務鎮以廉靜番民帖然官莊歲入悉歸公秋毫無所染五十三年超擢偏沅巡撫單騎襤被之任僚屬逆境上莫知其為公也既泄事屏絕苞苴革錢糧火耗一切章奏文移盡出己手以橫役累民劾罷湘潭令王爰濬其徇庇不揭之長沙守薛琳聲並鐫級尋疏陳十事曰禁加耗以甦民困禁酷刑以重民命糶積谷以濟民食置社倉以從民便崇節儉以惜民財禁餽送以肅官箴先起運以清錢糧隆書院以興文教飭武備以實營伍停開採以防民患疏入 諭以躬行實踐勿驚虛名五十

四年入覲

聖祖目之曰此苦行老僧也十二月調福建巡撫諭閣臣曰朕昨召見陳瓊細察其言論實係清官以海濱務農之人非世家大族又無門生故舊而天下莫不共贊其清非有實行豈能得此而其才復能任事國家得此等臣實為祥瑞宜從優表異以勵清操 陛辭

上溫諭周詳問福建有加耗否公奏臺灣三縣無之

上曰從前各州縣有存留銀兩公費尚有所出後議盡歸戶部州縣無以辦公若將火耗分毫盡禁恐不能行且恐別生弊端為民厲又曰做清官誠善但恐清而刻人便不能相安須以清

國朝先正事畧 卷十二 名臣

美

而不刻為尚明年公疏言建陽縣有考亭書院為先賢朱子晚年卜居故址城外朱子祠會奉 御賜聯額而祠宇湫隘宜與書院並行改造臣謹同督臣滿保捐費鳩工又疏言朱子生於尤溪縣郭外之南溪舊有專祠請 賜匾額皆報可 御書文山毓哲額賜之七月疏言防海賊之法與防山賊不同山賊之購聚有所而海賊之出沒靡常也臺灣金廈之防海賊又與沿海邊境不同沿海邊境之患在突犯內境而臺廈海賊之患在剽掠海中也欲防臺廈海賊必定會哨之期申護送之令取連環之保今提標水師五營澎湖水師二營臺協水師三營各有哨船宜大書某營字樣於旗幟每月會哨一次彼此交旗為驗

送提督查核若無哨旗交驗即察取其營官職名若海洋失事即察取巡哨官職名則會哨之法行矣商船不宜零星放行無論自廈去自臺來者候風信順利齊放二三十艘出港臺廈兩汛各撥哨船三四艘護送至澎湖交代各取並無疎虞甘結按月送督撫查核如無印結即以官船職名申報則護送之法行矣商船二三十艘同出港時官為逐一點明各取連環保結遇賊必首尾相救否則以通同行劫論則連環保之法行矣疏下部議以煩瑣難行議覆

上特慰其奏各如所請行是年攝閩浙總督奏請以閩省收捐穀石應交巡撫公費銀一萬五千兩撥充公館又以巡撫任內

國朝先正事畧 卷十二 名臣

美

支取司庫餘平項下銀六千五百餘兩為賞兵給役公用五十六年疏薦知縣田廣運陳璘汪紳文李丕煜林甲范廷鈞靳樹晚郭廷彩張文煒曹建標嚴德泳壽運焜等催科中能萬撫字不加火耗歲內全完請破格獎勵 上曰此奏甚善徵收錢糧惟少加火耗百姓易於輸納斷不至欠缺也廣運等俱下部議敘五十七年疏言廣東雷州府東洋塘堤岸每為海潮泛溢侵損民田現蒙動帑修築請於見貯司庫之臣衙門公費銀萬五千餘兩內動支五千兩解交粵省督臣以助工費得 旨如所請行尋以病請告 上慰留之十月薨於位年六十有三遺疏言閩省捐穀項下應

交臣衙門公費及餘平銀二項除支用外現存司庫銀萬三千四百餘兩請委員解京充西師之費以盡臣未盡之心得旨以一萬兩存藩庫充兵餉餘即賞其子為葬具又諭閣臣曰朕亦見有清官然如陳瓊者實罕見前在臺灣道任內所應得銀三萬兩俱於公事動用署總督印務應得銀兩亦未分毫入己來京陛見時曾奏稱貪取一錢即與百千萬金無異人所以貪取者皆因艱於用度臣初任知縣便不至窮苦即一錢不取臣衣食亦能充足等語今觀其居官實能踐所奏之言誠清廉中之卓絕者不加表揚何以示勸其追授禮部尚書照尚書例議卹廕一子入監讀書以示優禮清廉大臣之意尋賜祭葬

國朝先正事畧

卷十二

名臣

天

諡清端公在官衣布素起居止一廳事味爽治事夜分始罷自奉惟草具蔬糲以勞卒官屬續時一緹袍覆以布衾而已同寮入視者莫不感泣雍正八年詔入祀賢良祠乾隆六年恩賜其孫子良為舉人

齊勤恪公事略

公諱齊蘇勒字篤之滿洲正白旗人姓納喇氏初由官學選天女生為欽天監博士遷靈臺郎尋以內務府主事出任永定河分司康熙四十二年

聖祖南巡閱河公扈蹕淮安奉諭曰朕視黃河險要地方應下挑水埽壩現今永定河經朕親臨指示辦有成效爾遵朕指示前往烟墩九里岡龍窩三處築挑水壩敬座於朕回鑾前完工公遵旨如期竣事乃回任薦遷侍講祭酒仍管永定河分司事奉命同副御史牛鈕監修河南武陟等縣決口堤工公奏自沁河隄頭至榮澤縣大隄十八里平行處接築遙隄使全

國朝先正事畧

卷十二

名臣

天

河水歸一道專力刷深不致旁溢六十年冬世宗即位授山東按察使兼理運河事命先往黃河籌辦隄工時河南巡撫楊宗義奏請於馬營口南舊有河形處挑引河公同河督陳公鵬年疏言河不兩行此洩則彼淤有必然之勢馬營口前經築隄若開引河有旁洩隄之慮事遂寢雍正元年授河道總督疏言陽武祥符商邱界黃河北岸有支流一逼隄繞行四十餘里不急為截斷恐刷損大隄已築壩堵絕並築築子隄九千二百八十八丈隔隄七百八十八丈會奉詔豫籌山東諸湖蓄洩事宜以利漕運疏言汶上縣之南旺馬踏蜀山等湖東平州之安山湖濟甯州之馬場湖魚台縣之昭陽獨山

等湖。滕嶧二縣之微山、稀山等湖，皆避道所資，以蓄洩昔人名曰水櫃。因土民乘涸佔種，漸至狹小。宜乘湖水稍落時，除墾熟田畝外，丈量立界，嚴禁侵佔。設法蓄水，如遇運河水漲，引駐湖中，相平即築堰截堵。遇運河水淺，則引之從高下注，其諸湖或應築隄栽樹，或應建閘啟閉，令各州縣循例辦理。則運道深通，漕艘無阻滯之虞矣。八月奏言：洪澤湖水微弱，黃水有倒灌之勢。臣率道廳督築清口兩岸大壩，束清水以抵黃河。現在淮水暢流，惟此壩在洪濤大漲中，兩面受敵，必須加意修防。因派員弁駐宿工所，多備埽料、椿繩等項。如遇湖漲，壩工稍有墊陷，即下掃搶護。遇黃漲，即駕小舟往來疏濬，不令少停。九月奏報秋

國朝先正事略 卷十二 各臣 三

汛已過，河工平穩得旨。下部優敘。特賜戴孔雀翎。二年夏，廣西巡撫李公紱將之任。

上諭及淮陽運河淤墊，年久水高於城，危險可虞。紱奏言：若於運河之西，另挑新河一道，以所挑之土另築西隄，而以舊河之身作為東隄，則東面永無潰決之患。

上即命李公往會公商酌。公奏言：淮揚運河綿長三百餘里，上接洪澤，下通江口，河之西岸逼臨白馬寶應界，首諸湖水勢汪洋，一望無際。今若改挑新河，築西隄於湖水之中，畚插難施。東岸之開壩涵洞，皆須另行創建，糜帑千百萬，終難告就。詔同總督田文鏡察視引河有無裨益。公奏言：挑挖引河必須上口

正對頂衝而下，口有建瓴之勢，方可吸引大溜，歸入新河。借其水力，滌刷寬深，稽會筠所挖引河，工已將竣。臣往看上口之地，勢與現在水向不甚相對。改挖上首三十餘丈，以對頂衝，以迎大溜。又往對岸指示，建築挑水壩，挑溜順行，以對引河之口。俟水漲時，相機開放。庶河勢得以直暢東注，而南岸隄根可保無虞。奏至，諭曰：朕慮稽會筠或料理未妥，今覽奏方慰，可謂得法矣。七月，命內閣學士何國宗偕測算官攜儀器閱河運與公會同勘視。公尋奏言：洪澤湖滾水石壩，舊立門檻太高，不能隨勢洩水。請勅閱河諸臣用儀器測度地勢，改落石壩門檻。庶全湖宣防有賴。又奏言：治河物料用葦柳，而柳為尤。柳多則

國朝先正事略 卷十二 各臣 三

工堅帑省，柳少則用葦多而工不固。臣飭道廳及營弁各於空閒地栽種柳秧。據報成活八十九萬二千餘株。又山東江南蓄水沮洳之地，皆可種葦。令廳員買葦根試種。近據報微山湖種葦八頃餘，已有成效。應請勅部酌定嗣後凡種柳八千種葦二頃者，各予紀錄一次，並責成汛弁培養補植。並得旨允行。十二月，奏言：河臣薪水舊由各廳供應，每年一萬三千餘兩。臣奏明禁止並裁，準四季節禮。又河標四營舊有坐糧四十分，每年千一百餘兩。臣到任後，交中軍為修造墩臺、製換軍械之用。其鹽商陋規銀千兩，為出操驗兵賞功犒勞等費。而每年往來勘估及伏秋雨汛，駐劄三省適中之地，凡車馬舟楫日用米蔬

之需遠者數百金近者一二百金拮据實甚現據河庫道張其任言庫收錢糧向有隨平餘銀四千兩除道署日用及各項工食外餘請支銷看工車船等費臣因未經奏明不敢擅便得旨此項通融取用甚好卿之清勤朕所深悉勉為之四年夏奏

惟甯縣朱家口黃水驟漲東岸壩臺大埽墊陷現在防守修築

上諭閣臣曰齊蘇勒在工年久清慎勤三字均屬無愧今年已

望七見壩埽墊陷必晝夜焦急朕甚憐之且此時勉強施工將來伏汛秋汛恐又不免衝決可令酌量情形不必急迫公遵

諭俟過伏秋二汛并力償修十二月奏朱家口決口堵閉合龍

黃河自豫省至海口西岸隄壩完整 諭獎其經理有方加太子太傅五年以衰病奏 遣太醫齋設診視尋入覲 諭嗣後

歲支養廉銀萬兩六年江督范時繹江撫陳時夏奉 詔開濬

吳淞江因於陳家渡築壩松江守周中鉉率千總陸章乘船督

工下埽值潮回濶激中鉉章俱歿於水事 聞 子贈郵公聞

信即馳往經理其事尋奏言吳淞江陳家渡舊有土埽三道未

嘗挑清致有停沙淤塞之患今築壩開濬適逢江水海潮並長

刷淨土埽毫無阻滯工程可期速竣

上諭部曰吳淞江工程係范時繹陳時夏應辦之事齊蘇勒一

聞陳家渡壩工衝塌即親往經理仰賴神佑水勢涌長將泥沙

徹底刷淨水無阻滯工可告成此即封置大臣實心為國為民

感召 天和之明驗可從優議敘七年正月以疾劇奏

上遣太醫視疾二月薨得 旨齊蘇勒忠誠為國志行端方操

守潔清辦事明敏自簡任河督以來黃水安瀾運道通順隄工

堅固河帑核實厥功懋焉今聞溘逝深為軫惻應得卹典照例

議奏外可賞輕車都尉世職並賞銀三千兩為歸櫬之資歷來

河臣如斯輔齊蘇勒實能為國宣勞有功民社著擇地合建祠

宇令有司春秋致祭以昭朕優獎功勳至意尋 賜祭葬如典

禮諡勤恪公任河督七年疏復瓜洲花園港運道建開啟閉以

順水勢堵瓜洲城西新開河道以免江水逼城民尤德之八年

詔建賢良祠京師公與靳文襄公並入祀

國朝先正事畧 卷十二

名臣

三

潘襄勇公事略 孫紹周 姪孫之善

潘公諱育龍甘肅靖遠人以行伍隨征湖廣茅麓山賊李來亨有功補把總康熙十四年陝西提督王輔臣叛應吳三桂公隨揚威將軍阿密達擊賊於涇州平涼又勦賊於慶陽甯州俱有功時臨洮鞏昌秦蘭俱陷賊甯夏道梗公赴提督陳福軍前由紅河川白馬城等隘轉戰七晝夜達甯夏駐靈州招撫散卒旋以陝西總督哈占調援山陽敗賊於甘溝口擢千總十五年隨撫遠大將軍圖海率兵討王輔臣奪平涼城北虎山墩斷其餉道輔臣乞降擢守備十七年賊犯牛頭山香泉公隨總兵王好問等由小嶺前進賊夜遁追至渭水擊斬甚眾十八年冬克梁

國朝先正事畧 卷十二 名臣

三

河關斬偽游擊李景才等復興安偽將軍謝泗總兵王永世降十九年敘功加一等擢都司僉事十月隨總督哈占勦四川逆賊恢復大竹渠縣二十一年擢遊擊二十七年陝督噶思泰疏薦公才識明敏深悉河西地利番夷情形且久經戰陣著功績請陞肅州副將

上允之是歲學士達琳郎中桑格自西藏奉使旋至嘉峪關外為西海阿奇羅卜藏所劫振武將軍孫思克計質宰桑於關內送歸我使臣公同遊擊韓成等搗其巢穴斬賊四百餘阿奇羅卜藏遁事聞得旨嘉獎三十年赴甯夏防勦噶爾丹時改肅州協為鎮即擢公總兵三十一年降番篤爾羅卜藏額林臣奇

齊克等復叛公追至庫列圖嶺斬四十餘級擒百二十人三十四年噶爾丹所屬回子塔什蘭和卓等五百餘人過三岔河公擊之三十五年五月公從征噶爾丹師抵昭莫多賊飛砲迎擊中右頤猶殊死戰賊敗遁八月召赴京

上撫視其創命御醫調治賜衣一襲尋調鎮天津予雲騎尉世職三十八年

上南巡公迎覲命綠旗官兵射以公訓練有功賜貂裘疏

言各省候選武舉請分提鎮標效用果騎射嫻熟即以千總把

總題補三十九年疏言通州迤南為漕運孔道副將轄十二營

相距遠難於約束應改務關營遊擊為參將設中軍守備一千

國朝先正事畧 卷十二 名臣

三

總二把總三其三營原設把總及寶坻崔黃營守備把總俱隸務關營參將並下部議行四十年擢陝西提督賞戴孔雀翎

四十二年冬

上西巡公迎鑾於洪洞賜翰忠閣外額

上駐蹕渭南閱固原官兵射諭大學士馬齊等曰朕巡歷

諸省閱綠旗兵丁無如潘育龍者乃加公一級四十八年諭

兵部曰陝西提督潘育龍久歷戎行懋著勞績歷二重鎮克殫

謀猷自擢任西秦以來馭兵飭伍有勇知方邊境肅清閭閻安

堵宜晉加顯秩用彰異數著授鎮綬將軍仍管提督事以示朕

優眷老成至意四十九年春

上幸五臺山公入 覲迎 鑿於直隸瀑水

上念其遠涉 命在王快庄憩息公請扈 蹕五臺 賜御馬

二令乘以隨四月 陛辭復 賜宴並朝服一襲 賜詩有守

土防邊資壯畧披堅敵陣表形弓之句五十一年疏言卦匪陳

四等率妻子遊走外方憑走馬上竿躡索算卦為生俗名曰卦

子大抵江北皆有之原屬游手好閒之徒結黨沿途搶奪臣飭

屬擊獲二十八起計男婦五百八十九名並騾馬猪羊六百有

奇俱移咨督撫審訊請通行各直省大吏責令所屬於各鄉村

堡查令改業或編入現住地方為民或撥給絕戶田畝或令開

墾荒地其馬騾牲畜變價為牛種按季取鄉約保結出外生事

國朝先正事畧 卷十二 名臣 美

者孥究地方官縱容發覺者罪之 詔曰可五十八年以病乞

休得 旨卿簡任提督將軍以來勞績素著邊圉重地正資料

理者在任調理三月再疏乞休

上仍慰留七月薨贈太子少保 賜祭葬如例謚襄勇孫紹周

襲雲騎尉授二等侍衛雍正三年授參將遷廣西副將八年從

總督鄂文瑞公開古州都江河道屢擒斬逆苗夷其寨以功擢

右江鎮總兵 賜鞍馬乾隆六年擢雲南提督 賜戴孔雀翎

十三年調古北口提督明年以疾歸十八年卒

上念襄勇公功 特賞恩騎尉世襲罔替

從孫之善幼隨襄勇公效力康熙三十五年從征噶爾丹於昭

莫多中火器傷 詔來京醫治特授藍翎侍衛尋 賜孔雀翎

授肅州游擊領兵駐防哈密五十四年三月策妄阿喇布坦遣

賊二千來侵之善率兵二百擊敗之事聞得 旨優賞尋 諭

樞臣曰游擊潘之善以兵二百敗賊二千當此承平日久兵革

休息時倉猝閒能如此奮勇非尋常可比應再加恩其越等陞

用遷潼關副將五十六年隨靖逆將軍富甯安擊準噶爾於烏

魯木齊斬級最多 命優敘尋 諭廷臣曰近日綠旗武官感

朕恩皆有捐生敢死之心游擊潘之善率所屬兵二百擊敗賊

眾二千臨陣時一手持刀一手持弓笑曰此我等報効皇上之

日也哈密回部及被獲之厄魯特等皆言其驍勇為漢人冠極

國朝先正事畧 卷十二 名臣 美

口稱贊朕甚嘉之五十九年復擊準噶爾於烏魯木齊有功雍

正元年羅卜藏丹津叛有賊三千來犯夾擊大敗之 優詔嘉

獎四年擢川北鎮總兵入覲 命叩謁

景陵 賜賚甚厚調西安鎮署陝西提督屢疏皆稱 旨 手

諭曰向來但知爾勇未料爾有此才也又曰爾係朕極賞鑒之

人今果不謬矣似此據實不隱封疆大吏中更屬難得勉之七

年以疾乞休 遣太醫馳驛往視賞銀千兩為調攝之用尋署

固原提督 諭曰此任乃爾叔祖潘育龍之所整理為天下第一

一營伍其流風餘韻至今猶可觀其勉紹前徽可也八年卒

賜祭葬如例論者謂 本朝名將以至少擊至眾者推之善為

最次則雍正中副將韓勳以兵四百破滇苗數千旋以兵二千破苗數萬於烏蒙副將樊廷以兵二千拒厄魯特二萬眾於巴里坤乾隆中將軍兆惠以兵四百敵回眾三萬於黑水營皆蒙列聖優褒宣示中外云

國朝先正事略 卷十二 名臣

美

殷熙如軍門事略
殷公化行字熙如陝西咸陽人八歲失怙恃貧無依父友王某撫以爲子年二十中武科康熙八年成進士後始復姓會吳三桂反黔滇皆陷

天子命閩部莫洛爲經畧自秦進討授公守備募義勇以從行至甯羌州久雨糧匱軍心變提督王輔臣叛經畧遇害公陷賊中稱病深自晦匿明年官軍復秦州詔被脅官兵許歸伍陝督哈占知公不爲賊用奏復其官從大將軍圖海復平涼勦牛頭山賊復香泉十八年僞將軍王屏藩赴漢中遣驍將陳君極引兵二萬出寶雞大將軍檄公赴援未至賊圍西山堡甚急公

國朝先正事略 卷十二 名臣 美

身先搏戰一鼓解其圍守紅崖堡再戰再捷相持數月賊終不能克遂引去時賊盛兵窺秦隴公扼險挫其鋒不能過寶雞一步全秦晏然大將軍嘉公功奏授副將銜是年冬官軍三路進勦奮威將軍王進寶出寶雞勇畧將軍趙良棟出畧陽公從大將軍由興安大泥峪先驅至鎮安伐木爲橋濟師自龍洞川攀藤而進攻兩河關先登克之長驅擣興安復洵陽抵漢中與奮威軍合明年進取川蜀公駐漢中督餉全蜀平議征黔滇建威將軍吳丹由永甯進勇畧將軍由建昌進未及期賊將胡國柱陷瀘州攻永甯秦督奏授公漢中副將引兵二千援蜀從建威將軍復瀘州從振武將軍鄂克濟哈救永甯未至而永甯陷亡

提督一總兵七副將一乃議退守敘州大軍先行公以孤軍殿國柱率二萬眾來追眾甚恐公曰今日之事以必死求生則生以倖生求生則必死我若走賊追躡之立盡兵法易地用眾險地用寡當據險待敵猶兩鼠鬪穴中力大者勝耳遂扼險而陣賊悉銳來攻士皆殊死戰迨暮以草人秉炬為空營引軍潛退賊疑不敢追乃得與大軍會夜半追軍復至火光燦天諸軍皆引去公仍殿後自永甯至瀘州二百餘里路險絕公且戰且退十二晝夜不解甲竟得全師還公語諸將曰兵不難於進難於退進則士氣勇退則氣怯兵法云攻必攻其心守必守吾氣我軍不失守氣之道故得全諸將乃服公智勇多就公決機宜矣

國朝先正事畧

卷十二

名臣

罕

敘郡與瀘州並當賊衝瀘州有重兵守之敘州則三降將各領兵守心叵測眾議以奮威將軍子王用予往守之用予不往乃以公守敘州公屢請增兵無應者未幾賊大至環城而攻公推誠待三降將協力固守賊來攻輒擊卻之如是者數卒解圍去時成都傳言敘州已失大吏皆震恐比得公報乃安明年賊遁還雲南公領兵追擊連奪險抵馬湖府而還從西安將軍復永甯還駐漢中尋調三屯營副將時康熙二十三年也三屯去京師近

聖祖東巡屢過之 召對稱 旨 賜御用佩刀擢臺灣鎮總兵再 賜貂裘白金臺灣故鄭氏地其民多俘徙以來習於俾

戾生熟番錯處文武吏三歲輒遷鮮善治公宣布德教撫戢兵民人稍稍興於禮讓焉初議築城而難其費大吏謀於公公曰地多浮沙時震動城之不易且孤懸海外惟恃中國威靈統攝之若僅畫疆而守即有城不足恃事遂寢然謂軍府所在不可無木城親入山相度得木材令麾下卒人致二章不旬日城成居三年調鎮襄陽 陛見屏左右語良久天下形勢人才風俗無所不咨詢公悉心以對其大者有罷臺灣鑄錢及秦中賑饑二事臺灣故行永歷錢既入版圖部頒臺字錢式鎔故錢鑄之以有臺字故不行於內地商旅得錢必降價易銀以歸鑄日多錢日賤銀一兩至值錢三四千而給兵餉則銀七錢三有成例

國朝先正事畧

卷十二

名臣

罕

兵民皆弗便每因互市生端幾激變公屢請停鑄當事不能用至是具言之 上愕然曰此事殊有關係若在任時胡不言公頓首言武臣不敢與錢穀事 上曰爾至鎮可言之對曰臣今已離臺灣越省言事非職守雖有疏恐不得達 上曰第作條奏來公還鎮具疏上之果格於通政司再具疏而以奉 上指白通政乃得達事下戶部議不行 特旨下閩中督撫議竟得停鑄兵民始相安關中連旱荒流移至襄鄧聞者尤眾

上微聞之遣使數輩勸視還報皆言無大害而秦中當事方議移甘涼甯夏之粟濟關中公自襄陽入覲備見諸願連狀乃以關中大荒及襄鄧流民之苦一一奏聞且曰民爲邦本而三秦又天下根本若不速救老幼必填溝壑少壯將無所不爲往歲用兵滇蜀秦民嘗罄積儲以供饋運馬騾不繼則肩負糗糧攀藤引葛數千里輸軍前軍賴不匱今天災至此死亡且盡惟聖主哀憐又曰古有移粟之法謂地近便轉輸者耳今秦中諸邊去省會遠又無水道且諸邊亦無多儲積移邊儲以救荒非計也東南諸行省方豐稔若截留漕運之米泝黃河至孟津敖倉挽之入關漢唐運道具在費省而功倍襄陽至西安雖頗遠

水陸皆可通

國朝先正事畧

卷十二

名臣

聖

上甚以爲然翼日詔廷臣集議命漕臣截漕粟溯黃河運入關者二十萬石遣廷臣會楚督輦米自襄陽經汝洛入秦中者十萬石秦民以甦而流民之在襄者失業窮窘或羣處而鬻或與土人相鬪訐公勞來安集飢者設糜病者予藥假貸者與錢米不遺餘力鎮署在穀城去郡城百八十里嘗有奸人誘流民爲亂謀洩郡守閉城大索邀公入郡彈壓且令流民無保結者悉驅之公曰何地無奸驅流民是激之變也乃堅不行而密布腹心擒奸首置之法餘不復窮治流移始安郡以無事其明年乃有商洛轉運之役襄陽溯漢江而上有丹水通商州之龍

駒寨距西安尚三百餘里山徑偏仄陸運更艱唐劉晏嘗一用之近代無繼者

上念襄陽陸運至陝千餘里太勞民聞有水道使廷臣相視得實命楚督丁思孔及公發襄陽米二十萬石水運至商州復陸運至西安平糶且招流民使還鄉事屬創行在事者茫無成見有司盡拘江船以待公曰江船大者載二三百石前至小江口須用溪船所載不過二十石計滅江船一須溪船十今溪船絕少用則須造而多拘江船何爲且轉運非一日事子之價則舟人爭來拘之則屏迹不至立糜散之而操筆條列應行事宜究其始終利害日籌運末議大畧言水運用船或僱或造悉如

國朝先正事畧

卷十二

名臣

聖

民間價值陸路即募流民之在豫楚者使之肩負得食其力兼可還鄉子僱值宜少優其他分官設站之法甚具諸公初有異同己而悉從公議公又念水路無他虞陸運數百里山谷間聚夫千萬計自非控馭得宜恐生變乃以水運委同事而自任陸運廣募流民爲運夫編以卒伍法擇善書計者領之先馳至龍駒寨度地計程自襄陽溯襄江歷穀城光化至均州小江口經內鄉浙川過荆子關徐家店入商南境過竹林關抵龍駒寨凡水路入百七十餘里計運費每石五錢有奇皆督水運者主之自龍駒寨經商州踰秦嶺度藍橋過七盤坡抵西安會城凡山路三百七十餘里皆公主之分十二站每站撥千把總一人司

收發兵十數人司催押又以龍駒寨商州秦嶺鋪七盤坡為四
總站撥府佐及守備各一人領其事擇祠廟為行館無則編茅
結廠以居流民自襄應募至龍駒寨者人與米一斗錢百文為
路費既抵龍駒寨則人肩五斗運至一站者予銀五分為僱值
部署既定民夫集而運舟不至夫稍稍散去復多方招之閒或
糧艘驟集而夫不足則更募人畜濟之其有便道還鄉者量予
錢米資其歸事叢弊起曲折甚多公隨地隨時規畫措置皆得
宜方暑雨跋涉山谷閒鬚髮為白初議支給運費及司糶者皆
文職其武職督運而已然文臣慮錢穀一經手或有後慮戒弗
預不得已皆將校分任之而所委道府府佐率遠巡中路或託

國朝先正事畧

卷十二

名臣

聖

故卻回其至者亦袖手遊行道上日向站員索收發數轉報塞
責而已比米至秦省司糶者尚未至公念饑民急得米遂開糶
五岳廟令守備主之米既流布民大安民間有藏粟者悉出市
不復待價米價漸平二麥既登秦民不復苦飢乃請 旨停續
運起二月迄六月而畢事秦中游荒自公 陛見時極言於
上始議捐賑議晚運迨泄任則日夜安集流民至是乃身督運
運成而公遷適與救荒事相為首尾若有天意焉癸酉調甯夏
總兵甯夏自古用武地兵勁健敢戰而亦貪狡易犯上公至則
嚴職守申軍令劔其驕蹇拔其才俊更定部曲為分合法以練
士士皆可用製子母礮簡駝馬儲芻粟以待徵發乙亥冬

上將大征厄魯特議三路出師以陝西出者為西路遣尙書圖
納至莊浪會陝西將軍督撫提鎮議兵事公條列征行入事諸
公善之屬公起草入奏 命廷臣集議悉見施行時謀知噶爾
丹在柯布多西路兵期以三月中旬出肅州之鎮彝循黑河向
崑都崙而進發西安滿兵三千漢軍千河西提督及四鎮兵六
千深入勦寇而以一總兵官率騎卒三千駐中途備接應滿兵
帥則將軍博濟副都統四人佐之漢帥則振武將軍孫思克公
與涼州總兵董天成肅州總兵潘育龍佐之二將軍四都統皆
議政而以孫思克為長合將校兵廝二萬二千餘人人持五月
糧馬皆有副以牛羊為一月食征行兵人賜治裝銀十兩甯夏

國朝先正事畧

卷十二

名臣

聖

鎮當發騎卒千五百期二月初會甘州飼馬以行孫將軍以三
月草未青請緩至四月先在莊浪會議時公謂噶爾丹宜在京
師西北山西正北而甯夏之東北也若從甘州趨崑都崙則偏
於西恐不相值眾莫敢決乃別為使臣言之至是奉 諭西路
兵毋出鎮彝改從甯夏出塞四月發太遲當於三月初出兵既
得 詔師期甚迫度遠鎮兵不能悉至將益發甯夏兵乃檄部
下悉士馬數各備行裝以待復得 旨大將軍費揚古以二月
二十日發京師孫思克兵亦令二月二十日左右發甯夏師
益促有司所徵調芻糧倉卒未集而本鎮所儲積多侵耗其僅
存者亦朽敗不可食諸營驛馬及捐納之馬自遠至者並羸瘦

公度官所給糧馬不足恃。又兵無廝養。則任戰者少。乃令兵二人帶餘丁。或子弟一人。供樵汲牽驅之役。又人備驢二頭。供任負其兵士應支之糧。給價自買。悉得善米。又令多辦糗糧。乾糲及解渴藥。以從軍裝之外。若雨具寒具革囊。靴鞋鞞。繩索之類。無弗備。及期。諸將皆至。博將軍率滿漢軍三千。孫將軍率所部千八百。董總戎率涼州鎮兵千二百。潘總戎率肅州鎮兵千。相繼發甯夏。二十五日。公率遊擊守備以下官三十五員。騎卒三千餘丁千五百。廝養數百。分四營繼進。銜尾行。傍黃河行十許日。遂度戈壁。戈壁者。無水草。處華言磧也。又二百餘里至一山。有古碣曰兩郎山。或言即狼居胥也。四月四日。至郭多里大

國朝先正事畧 卷十二 名臣

吳

將軍已過。倍道行至甕金。而得滅兵之令。初。甘涼肅三鎮兵。目遠馳至甯夏。即出塞。不及餉。馬軍士得倉粟。及餘馬駝畜。皆不暇擇。且以為噶爾丹不可必遇。出塞稍遠。當耀兵而還。不甚愛惜資糧。及度戈壁。馬遂相繼斃。更前益苦乏水。而草未盡芽。會大風雨連數晝夜。寒且飢。道斃者相枕籍。有潰逃者。追斬之不能止。於是孫將軍議選精卒。併糧馬以進。其麾下僅得四百人。涼肅二鎮各三百人。而檄公留千五百人。以五百人與滿兵五百屯甕金。需後糧。至守之以待還師。甯夏兵固多。預備公又善訪求水草。雖踵大兵。後常不乏。身先將卒。日步行數次。節馬力。遇風雨。謹覆蔽之。或溫以火。馬少斃者。所裹糧。日檢飭。不得遺。

乘及恣食。人有餘糧。馬有餘力。比得檄。欲請勿滅。而孫將軍已前行。不得已。如令滅。遣而選銳卒千八百人。留五百人屯甕金。餘率以進。數日。及大將軍軍。皆甲以行。時近賊地。宿草為賊所燒。數百里皆灰燼。新草未芽。大將軍所領皆禁旅。裹糧甚少。恆苦飢。公以所餘假諸人。五月四日。至土刺河。十三日前。軍已得賊嚴陣。而進涉淖。至昭莫多。其北大山千仞。壁立山下。平川廣數里。林木斷續。有河流其間。曲折環繞。其南山差低於北。漸陁而下。有小山橫焉。戰地也。小山可二十仞。自西上為崖三層。乃至巔。自東上僅崖一層。大將軍與孫將軍已上山。前軍與噶爾丹遇。伴北以致之。賊恃勝。轉鬪而前。將爭小山。公方將兵至

國朝先正事畧 卷十二 名臣

吳

山。足知賊近。急登山。遇孫將軍。方下山。公言。宜急據此山巔。不可下。語未竟。大將軍亦至。復言之。大將軍曰。日將暮矣。大礮不能即至。當以來日戰。公曰。戰即來日。若此山為賊據。我營其下。可乎。大將軍曰。賊甚近。不戰。爾能夜守此山乎。公曰。願守此。迺鞭一麾。兵皆上。甫至山巔。而賊亦登。見我師。既據巔。遂止。東崖下以崖為蔽。發礮上擊。時大將軍布陣。令河西兵居中。滿州蒙古兵居左右翼。及戰。甯夏兵千數。人居左。甘涼兵千人居右。皆登巔。以陣其右。衛西安諸滿兵。分列甯夏甘涼涼兵左右。在甕金。中及南山。足而蒙古扎薩克諸兵。又分列滿兵左右。賊案又衝中堅。故河西兵迎其鋒。公令士卒皆下馬。發子母礮。

疊擊之。噶爾丹及其嫂阿努娘子等亦皆冒矢石率眾舍騎而
鬪。鋒甚銳。殺傷相當。勝負未決。公使人告大將軍曰。川中兵宜
從柳林出。衝其脇。賊必亂。既又望其陣後。林中人馬甚眾。而
出戰必婦女輜重也。復告大將軍宜遣一軍往南出。不意劫之
賊返。顧必擾動。大將軍皆從之。公望見兩軍將薄。賊遂鼓兵控
矢而下。呼聲震天。賊眾遂披靡。墜下山者滿。阮谷棄仗如麻。殺
阿努娘子禽斬二千餘。乘勝逐北。公策馬先馳。麾下卒擁纛繼
進。遇輜重戒弗取。且射且逐。月下追三十里。回視他部兵無至
者。而大將軍傳令收兵。乃整軍還翼。日大將軍會眾斬俘馘旗
舉酒勞諸帥。大獎公曰。昨日之戰。賴公以濟。國家之福。主

國朝先正事畧

卷十二

名臣

吳

上之聖也。主上屢稱公才。今乃見之。比還朝具以公功聞。

上由是益眷公。當是時

上駐蹕二十八臺。捷聞大喜。遣侍衛迎勞將帥。尋有旨。遣諸
將還鎮。公引軍入河套。以八月杪抵甯夏。其所畱囊金兵孤懸
單弱。遇噶爾丹之姪丹吉喇。敗而西。以千餘人乘之。多所殺傷。
奪路以去。設如公初議。以三千人一總兵守之。皆成擒矣。明年
上疏請將兵從郭多里深入。務殄根株。疏至

上已發京師。公迎駕至清平堡。薄暮立。召入。賜坐。褒獎

甚至。遂扈從至甯夏。在道十餘日。數蒙顧問。賜飲食器物

無虛日。

上御閱武臺。命公指揮步騎。大列陣。進退分合。練習整齊。
上大悅。命官兵皆以班坐。賜酒食。撤御膳。賜公又召
至御座前。手賜酒三爵。指示新降附人曰。此將軍即殺賊爾
等者也。御書深沈節制四字以賜。尋賜戴孔雀翎。充參贊
大臣。俾與議政之列。漢總兵從無議政之例。異數也。四月望
駕發甯夏。公率所部兵從大將軍出塞。人持四月糧。期深入捕
噶爾丹。必得乃已。會噶爾丹仰藥死。姪丹吉喇以其骨西行。大
軍行至郭多里。盡降其餘眾。追丹吉喇至大戈壁。不及而還。大
戈壁者。五百里。無水草。處於是。漠北無寇跡矣。師還。大饗犒士
告成功。乃疏濬諸河渠。引水環城。徧注諸村堡。復朔方水利。又

國朝先正事畧

卷十二

名臣

吳

念邊地尙武。文教未敷。乃勒聖訓於萬壽宮。宮後創立義學。
擇良士為師。闢閑田若干頃。以其租供生徒。月餼自為記。勒石
俾世守之。論平寇功。授雲騎尉。世職。加封三代。未幾有廣東提
督之命。便道過咸陽。展墓為同堡人代輸。一年租賦。縣學尊
經閣。廢捐五百金。獨成之。三十八年。疏言武職坐名題補。引見
未逾六年者。請免咨送。庶職不至久曠。從之。又疏言。臣標將弁
請照沿河例。坐名題補。格於部議。特旨照所請行。四十年冬。
連陽八排。猺滋事。戕副將林芳。詔公及廣西湖南提督各率
兵隨將軍嵩祝進剿。平之。尋以原品致仕。四十二年。
上幸西安。公迎駕。賞第四子純。為三等侍衛。四十九年卒。

藍襄毅公事略 孫襄毅公元枚

藍公廷珍字荆璞福建漳浦人幼隨族祖義山軍門入伍康熙三十四年授把總累遷守備又六年擢溫州游擊敗海賊於南鹿外洋乘風縱擊窮追至青水洋沈其一舟獲其二斬首十五級生擒二十七人明年敗賊於官山洋奪巨艦二斬首二十一級生擒六十四人凡汪洋絕島官兵不到之地皆深入窮搜賊聞風破膽皆曰謹避老藍他鎮協易與耳自是威名日盛諸將多忌嫉者上官亦惡其形已短譏於總督滿保將劾之提督吳陞固爭謂公為兩浙第一將才滿公未信也會關東大盜孫森等竊遼陽礮艦遁入海

國朝先正事略 卷十二 名臣

辛

聖祖震怒責成沿海臺吏期必得滿公入覲奉嚴諭由海濱巡行南下至溫州總兵來謁問將弁賢否及藍某安在總兵曰彼在家觀劇未暇來也滿公怒據總兵揭具白簡將上舟次瑞安公迎於江許滿公曰觀劇忙邪何為來此聲色俱厲公從容曰某於某日自海面緝賊來在黑水外洋與賊大戰斬級落水甚多擒逆盜孫森等九十餘人盡獲其船礮軍械敢獻俘滿公愕然曰有是哉幾矢吾良將也召入舟厚撫之提督吳公繼至笑曰何如余言固不謬也乃劾總兵而薦公時五十六年夏四月也尋擢澎湖副將遷南澳總兵六十年朱一貴作亂陷臺灣總兵歐陽凱副將許雲等遇害五月七日警報至公條上進兵

事宜首請總督駐廈門就近督剿時滿公已飛檄調公而自兼

程赴廈見公議大喜令總統水陸官軍領戰船四百艘弁兵萬二千人進剿六月抵澎湖用間謀得賊中情形言於提督施公世驃曰賊皆烏合不足憂但眾至十餘萬誅不勝誅且多殺生靈無益宜張示止殲渠魁餘弗問則人人有生之樂無死之心可不血刃平也施公從之師抵鹿耳門賊扼險拒敵前鋒林亮董芳殊死戰公率大隊繼之遂敗賊眾奪取鹿耳門乘勝進攻安平鎮拔之戒將弁無妄殺掠徧檄居民書大清良民於門者即免誅自是脅從多解散各為自全計尋戰於四鯤身大敗之追至七鯤身灘口以小艇載火具盡焚賊艦越日賊出數萬人

國朝先正事略 卷十二 名臣

至

架礮列盾布陣來搗戰公親突陣大破之復遣舟師以小艇附岸夾擊賊大潰溺斃千餘人自是退保府治不敢出施公用降者計夜遣林亮董芳等率兵千二百從西港仔暗渡出府治之背公謂施公曰此誠奇計顧賊眾兵單脫有失賊難制矣公宜遣將於灘口分道夾擊某親率大軍繼亮等之後方可萬全遂乘夜進發抵西港仔黎明登岸令空舟悉回安平或問之公曰示軍士必死無還心今日戰勝明當直抵府治耳會賊在蘇厝甲與林亮等決戰勢張甚公分兵入隊馳赴之賊望見驚曰此老藍旗幟也戰稍卻公乘勝崩之大潰夜駐犁頭標料賊必負夜劫營漏初下傳令撤帳房捲旗幟露刃伏芒蔗間夜未半賊

至忽失大營方驚顧俄金鼓大震我軍四面突出賊大亂自相
攻殺比曉追敗之於木柵復敗之於蔦松溪一貴遁官軍入府
城秋毫無所犯民大悅自進兵至此先後裁七日耳乃分遣諸
將復南北二路一貴走下加公密遣將擒一貴於溝尾庄并及
其黨臺灣平公尋擢臺灣總兵秋七月南路阿侯林餘孽復起
討平之招降陳福壽等十數人皆渠魁也為之美衣飾恣其出
入炫耀以動逸賊使悉來歸九月施公卒公權提督事餘賊以
次擒滅雍正元年逸盜楊令復謀作亂遣弁捕滅之臺匪根株
盡絕冬擢福建水師提督賞花翎加左都督世襲三等輕車
都尉立巡防之法數千里波恬浪靜商旅晏然二年入覲諭

國朝先正事畧 卷十二 名臣 五

赴馬蘭峪叩謁

景陵回京 召對 賞資稠疊七年春 賜御書福字并食品
前後二十四種病聞遣太醫馳驛診視七年十一月薨於位年
六十有六 優詔賜卹 賞白金二千兩庀喪具 贈太子少
保 賜祭葬 子諡襄毅公自幼失學壯力農將略由天授所
規畫動合古兵法居官以政學征臺後所業益進點竄幕客稿
多中窾會於軍國事盡力為之尤愛惜人才所汲引多至節鉞
然未嘗有德色也子日寵襲輕車都尉世職官銅山營參將
孫元枚字簡侯乾隆三十三年由世職補廣東參將尋擢副將
三十八年遷臺灣鎮總兵調金門鎮四十三年母服除補蘇松

鎮總兵四十九年擢江南提督五十二年臺灣逆匪林爽文滋
事

上以元枚熟悉情形 命馳驛往泉州 署陸路提督時水師提
督黃仕簡陸路提督任承恩進兵遷延 詔總督常青往督辦
奪承恩職遂以元枚代之四月 命參贊軍務 賞戴花翎督
閩兵二千由蚶江渡赴鹿仔港續到浙兵二千亦歸統轄六月
疏報抵鹿仔後密會總兵普吉保乘夜進兵攻柴坑賊巢斬獲
甚眾有 詔嘉獎 賞戴雙眼花翎 尋奏約會總兵柴大紀帶
兵直趨六斗門奮力攻剿又於牌頭莊大肚溪等處勦賊獲勝
又奏進攻西螺焚燬賊莊臣族人監啟能白山內攜眷逃出因

國朝先正事畧 卷十二 名臣 五

其熟識山路即令隨同勦賊得 旨嘉獎并 賞御用荷囊等
件八月因病卒於軍 優詔賜卹 贈太子太保 賞銀千兩
治喪其輕車都尉雲騎尉世職令伊子藍誠承襲尋 賜祭葬
如典禮諡襄毅易名之典與乃祖同時稱小襄毅公以別之誠
佳話也

國朝先正事畧卷十三名臣

平江李元度次青纂

鄂文端公事畧

公諱鄂爾泰字毅庵姓西林覺羅氏滿洲鑲藍旗人曾祖圖們天聰中從征大凌河戰歿祀昭忠祠父鄂拜官祭酒公以康熙三十八年舉人授三等待衛從

聖祖獵和詩稱 旨遷內務府員外郎郡王某至暴抗也屬公事不應召公將杖之公袖匕首見曰士可殺不可辱王敬其強直謝之雍正元年典雲南鄉試特擢江蘇布政使康熙末年指紳橫甚抗稅旅距小民公用能吏趙向奎等一大創之設春風

國朝先正事畧

卷十三

名臣

一

亭招致文士大將軍年羹堯勢方張遣奴至蘇巡撫啟中門迎之來見公高座召入問爾主安否奴見公甚莊嚴不得已屈膝出年亦無如何八月遷廣西巡撫三年署雲貴總督四年夏貴州神苗負險肆逆議撫久無成公奏欲百年無事非改土歸流不可欲改土歸流非大用兵不可宜悉令獻土納貢違者勒疏上盈廷失色

世宗大悅曰此奇臣天賜朕也 命公進呈生年月日與怡賢親王赴養心殿手鑄三省總督印付公遂實授總督公分三路進剿一由谷隆一由焦山一由馬落孔焚其寨七進克長寨羊成堡又以鎮遠土府刁游霑益土州安於藩凶詐計擒之尋奏

神苗及川叛窩黨悉就擒

上嘉其妥速 命優敘條上經理神苗事宜十一則皆報可先是四川烏蒙土司祿萬鍾擾東川府與滇接壤公奏改東川隸

滇從之 命同川督岳公鍾琪辦理烏蒙事萬鍾不就撫至是檄總兵劉起元整兵直入各寨皆投誠萬鍾遁鎮雄復潛投四川五年春被獲其黨鎮雄土司隴慶侯亦赴川繳印獻土 詔給公騎都尉世職會鎮沅猓賊官焚掠勦平之獲賊首刁如

珍等又廣西土府岑映震淫虐公奏明懲治映震惶懼乞改流存祀七月會勦諺冲花苗擒其渠餘眾歸順九月擒威遠猓賊札鐵匠降新平賊李百疊等十一月招撫長寨後路生苗百八

國朝先正事畧

卷十三

名臣

二

十四寨得 旨嘉獎授一等輕車都尉十二月攻破雲南猓賊窩泥種地方六千餘里劃界建城設員弁有 詔優敘公知人善任賞罰明肅一時麾下文武如張廣泗張允隨哈元生元展成韓勳董芳等各以平苗立功致身通顯然土官自漢唐世襲二千餘年雄富敵國一旦入版圖受官吏約束心終不甘諸漢奸又陰嗾之改流後反者歲數起蜀之烏蒙窩泥滇黔之泗城長寨車擺夷粵之西隆州相繼騷騷公慙怒次骨奏請褫職計賊贖罪

世宗以為多一次變動加一次平定 優詔不許公感 上恩益奮親督軍鏖戰所獲苗皆剗脇截脰分掛崖樹幾滿見

者。殿。粟。繳。上。苗。寨。鎗。礮。軍。械。無。萬。數。自。丙。午。用。兵。至。庚。戌。功。成。乃。造。橋。雲。貴。交。界。處。曰。庚。戌。橋。開。通。滇。黔。路。八。百。餘。里。孟。養。苗。者。與。老。撾。國。連。界。明。正。德。間。嘗。作。亂。兵。部。尚。書。王。驥。帥。師。十二。萬。平。之。立。石。金。沙。江。羣。夷。驚。從。古。未。有。然。歸。後。又。叛。至。公。而。安。營。設。汛。如。內。地。矣。嘗。親。巡。三。省。窮。邊。六。千。餘。里。諸。頭。目。燭。香。跪。伏。迎。道。左。南。詔。諸。國。遣。使。上。表。獻。方。物。皆。離。中。原。萬。里。者。也。新。開。古。州。丹。江。禾。長。八。尺。穗。雙。歧。豆。如。栗。子。大。

世宗批劄云朕實感謝矣不知如何待卿而後心安尋命加少保公奏新開苗疆立營設官事宜十則皆如議行八年八月烏蒙猥賊結涼山等蠻復叛總兵劉起元被害祿萬鍾從弟萬

國朝先正事畧 卷十三 各臣

三

福亦與賊合公飭諸將進討參將韓勳大敗破於奎鄉總兵哈元生復烏蒙同攻克大川十二月擒萬福兇渠盡獲諭嘉公平時節制封疆以公忠表率官僚以義勇訓練將士而臨機應敵復調度有方用能迅奏膚功若此公以先事疏防引過自責屢奏不居蕩寇之功詞甚懇切詔曲從所請以成其謙抑之美九年疏陳烏蒙善後事宜八則從之十年正月陛見拜保和殿大學士兼兵部尚書軍機大臣封一等伯世襲罔替時大軍進勦準噶爾命督巡陝甘經畧軍務賜金甲上方劍出巡阿爾蘇疏上屯田事宜歸奏西夷未可卒滅擾敵中華無益會果親王從西藏歸與公言同

世宗遂罷兵與天下休息公受世宗非常之知入朝盡三鼓方出語秘外莫能知每具一疏雖請安慶賀極尋常劄子

上必嘉獎忠誠頒示天下嘗云朕有時自信不如信鄂爾泰之專事無大小必命鄂爾泰平章以聞公亦以身殉國知無不為一切形迹嫌疑無所避重門洞開賓客車馬麻集漏盡乃已督三省時大興水利滇之昆明海口黔之磁硯入達粵之楊林諸河俱宜流貫行商船廬至貴州布政使申大成請軍田加稅將軍鄂彌達請丈欺隱田部議允行公惡其言利皆奏寢之尤護持善類演督高公其倬楊公名時獲罪楊聽勘而高修城新撫

國朝先正事畧 卷十三 各臣

四

朱綱欲入楊罪呼三木以待軍民洶洶欲為變公皆力持之嘗從容語綱曰過湯陰岳忠武廟會見鐵人乎綱大慙阻楊公夜夢羣蜂攢囓一神人以袖揮之散及見公如夢中貌黔撫何公世基以名儒為糧道李日更所劾公昭雪之合河孫公嘉淦被誣坐賊據以入告者親王也公見上曰孫某性或偏執若操守臣敢以百口保之即命公弟鄂爾奇一訊而事白經畧歸上命戶部尚書海望為治第凡什物檮禁盤匿械密之屬必具已報齊矣命昇堂上几視之以為竄敗大怒召海切責海叩頭請易乃已及公入朝奏事畢

上曰卿勿還舊居可即赴新居手書公忠弼亮四字賜之侍衛十人捧而隨公入聞府中無圍圍命以藩邸小紅橋園賜公而中分其半為軍機直廬公弟鄂爾奇以兵部尚書兼步軍統領公力爭不可

上曰卿慮而弟反耶公叩首曰兵權太重非制也十三年夏臺拱逆苗叛公自以從前等盡未周具疏請罪且斥削伯爵優詔如所請命仍留三等男

世宗晚年召公宿禁中逾月不出人皆不測上意八月二十三日夜

世宗升遐召受顧命者惟公一人公慟哭捧遺詔從圓明

國朝先正事略卷十三 各臣 五

園入禁城深夜無馬駒煤燼而奔擁

高宗登極宿禁中七晝夜始出人驚公左袴紅濕就視之醉血

涔涔下方知倉卒時為廡所傷虹潰未已公竟不知也尋詔

同莊親王允祿果親王允禮及大學士張廷玉總理事務晉爵

一等子乾隆元年典會試充三禮義疏及文穎農書各總裁八

月查永定河道還朝命為軍機大臣兼領侍衛內大臣十二

月晉三等伯賜號曰襄勤公嘗言楊公名時猶古器不可瓦

缶用至是楊公內召及抵京奏公處置苗疆非善後策公初不

以為忤及楊公捐館公經紀其後事哭之哀三年兼議政大臣

四年充經筵講官河督高斌請開新運口論者以為不便詔

公往閱視公酌地勢議覆從之又言河工機要三事一天然二
堤不宜開免湖水全洩並興化鹽城等縣水患一毛城舖堤已
經變遷宜酌復一河勢宜取直兼放淤培岸省垣埽費下九卿
議行五月加大保充玉牒館總裁七年副都御史仲永檀以密
奏留中事洩於公子鄂容安公坐降二秩留任八年兼掌翰林
院十年正月以疾乞解任

上慰留三月加太傅四月薨得旨大學士伯鄂爾泰公忠體

國直諫持躬才裕經綸學有根柢不愧國家之柱石文武之儀

型不意一病不起朕心深為震悼其轍朝二日親臨祭奠昔

皇考有配饗

國朝先正事略卷十三 各臣 六

太廟遺詔著所司遵行並入祀賢良祠加祭二次尋賜祭葬

諡文端公方頤廣額鬚髯若神色溫而語莊面兼春秋二氣性

明決威重勇於任事好獎勵名節惡偷合取容以媚世者及為

相益自任進賢退不肖士有學者多以禮進之雷君鉉莊君

亨陽任君啟運公皆知其名欲一見屬朱高安方望溪道意皆

謝不敢往公禮先焉及公病雷君往視坐榻前公問人才雷舉

所知以對公曰是皆常往來於吾心者也烏虜即此可以見公

之為人矣所著有西林遺稿二十年甘撫鄂昌與詩詞悖逆之

胡中藻唱和削籍治罪中藻公門生鄂昌公姪也命撤出賢

良祠四十四年

御製懷舊詩列公五閣臣中子六長鄂容安自有傳

國朝先正事畧

卷十三 名臣

七

張文和公事畧 子若濡 若澄 若淑 勤恪公若溥

乾隆二十年三月二十日 子告大學士桐城張公考終里第 遺疏入 議曰致仕大學士張廷玉歷事

三朝宣力年久勤勞夙著受恩最深前以其年屆八旬特加體 恤許令退休實朕優念老臣本懷至於配享

太廟係奉

皇考遺詔遵行非為臣子者可以要請及朕賜詩為券又不親 赴宮門謝恩自不得不示薄禮用申大義今遽聞溢逝

皇考之命朕何忍違且張廷玉在

皇考時勤慎贊襄原屬舊臣宜加優恤應仍謹遵 遺詔配享

國朝先正事畧

卷十三 名臣

八

太廟以彰我國家酬獎勤勞之盛典尋 賜祭葬如例蓋文和

本朝百餘年未有漢文臣得與配享者非常之典公獨當之於

戲盛矣公字衡臣一字硯齋太傅文端公英仲子也康熙三十

九年進士選庶吉士授檢討直南書房愛知

聖祖游加優擢由洗馬五遷至刑部右侍郎充經筵講官六十

年調吏部左侍郎當是時公以名相子迴翔卿貳文學經濟已

歸然負台輔望矣明年

世宗御極即 命公協同翰林院掌院學士供 几筵祭告文

字初政殷 諭旨日數十下公承 命應奉稍敏詳贍悉稱

旨十二月擢禮部尚書雍正元年奉 命為 諸皇子師加太

于太保兼掌院學士充經筵日講起居注官轉戶部尚書御製詩賜之有大政資經畫計談待討論之句三年署大學士事四年拜文淵閣大學士兼管戶部翰林院事明年晉文華殿大學士又明年晉保和殿大學士兼署吏部尚書七年晉少保方是時西北兩路用兵

上以內閣在太和門外僦值者多虞泄漏始設軍機處於隆宗門內為承旨出政之總匯公與鄂爾泰公同為軍機大臣諸格式皆公所奏定也軍機職掌在恭擬諭旨凡內外臣工所奏皆面取進止明發上諭其有旨敢議者審可否則以聞凡明發諭旨皆下內閣以次及於部科若指授兵畧誥誡臣

國朝先正事略 卷十三 名臣 九

工及查核刑政之失當者為寄信上諭密封交兵部馳遞自立軍機處內閣之任遂輕內而部院寺監暨九門提督內務府外而各直省督撫學政提督總兵官鹽政權使各將軍參贊辦事大臣迄四裔諸屬國有事無不綜彙又無日不召對

上所巡幸無不從而四方章奏亦皆以摺代本逕達軍機處其內閣本章率依例題達而已甚或內閣翰林院撰擬有弗當亦下軍機處審定故本朝軍機大臣之任最為繁重焉八年夏秋間

聖躬違和十月始愈詔獎公及蔣公廷錫贊襄機務公正無私周詳妥協數月中得以靜養調攝者皆賴翊贊之力各賞

車都尉仍各加二級十一年詔以文端公從祀京師賢良祠復卽家賜祭一壇命馳驛回籍舉行典禮賜帑金萬兩為祠宇祭祀費御製祠聯並賜冠帶衣裘及貂皮人履等物頒內府書籍五十二種於其家先期一日

上賜玉如意曰願爾往來事事如意也公行經直隸疏言水災甚重請救督臣確查加賑一月再查地方應修工程以工代賑得旨允行時公子若鬻成進士特授編修而公弟禮部侍郎廷瑋督江蘇學政皆給假襄事一門之內朝紳命服輝映閭里海內榮之明年二月回京

國朝先正事略 卷十三 名臣 十

上遣內大臣戶部侍郎海望迎勞於蘆溝橋賜酒膳十三年八月世宗龍馭上賓遺命與莊親王果親王大學士鄂爾泰公總理事務且詔他日以公配享太廟

高宗卽位倚任有加賜爵三等子尋以公所領事多不必兼管翰林院乾隆元年奉命為皇子師仍兼管翰林院事充經筵講官時車駕親謁

景陵公與王大臣留京總理事務自是每巡幸留公總理以為常三年

上將視學以三老五更之禮可行與否詢軍機大臣公疏言

更老之名。雖見於禮經。但上有所施。必令臣下有可受。如所云天子袒而割牲。執醬而饋。執爵而酌。如特行此禮。度臣下誰敢受者。漢宋均曰。三老乃老人。知天地人之事。五更乃老人。知五行更代之事者。夫上通天文。下徹地理。中察人倫。得一已難矣。況兼之乎。至五行更代。如伏羲以木德。王炎帝以火德。代之。黃帝又以土德。代之之類。此非學究天人。能知其所以然乎。考漢以李躬為三老。桓榮為五更。魏以王祥為三老。鄭小同為五更。周武帝以于謹為三老。其時五更無人。若而人者。果克副其名。而無愧乎。先儒胡寅譏桓榮。僅能授章句。不知仲尼修身治天下之大道。是桓榮猶不免譏評。下此何足以當鉅典。竊思樂記

國朝先正事畧

卷十三

名臣

十一

祭義文王世子諸篇。雖有三老五更之名。然不言何代。如謂虞夏商周皆然。則尚書及官禮。何以不見此目。疑係漢儒附會。是以唐宋迄。本朝千有餘載。此禮未曾舉行。蓋以名實難副。儻有幾微。未愜觀聽。豈不喪至尊而羞大典乎。臣愚以謂此舉。應停止不必。敕下廷議。疏入。

上進其言。尋進爵三等。勤宣伯。四年。加太保。九月九日。公七十七生辰。

上於木蘭行在。賜詩為壽。又賜聯曰。潞國晚年猶矍鑠。呂端大事不糊塗。遣內臣賞酒筵。以賜前後賞賚。賜第。

賜園。賜乘肩輿入紫禁城。至不可勝紀。八年。

上念公篤老。命不必嚮早入朝。過炎蒸風雪。亦不必勉強。丙直九年冬。重葺翰林院落成。車駕臨幸。賦詩宴賚。謂公與鄂公曰。二卿真不愧古之房杜。十一年。公長子內閣學士若霽病故。諭令節哀自愛。以公直。內廷需人扶掖。特命其次子庶吉士若澄。在南書房行走。十三年。以老乞休。溫旨慰留。且諭曰。卿受兩朝厚恩。且奉

皇考遺命。將來配享

太廟。豈有從祀元臣。歸田終老之理。公奏言。宋明配享之臣。曾有乞休得請者。因舉數人為證。且稱七十懸車。古今通義。又引老子知足不辱。知止不怠為解。諭以為不然。謂昔人久處要

國朝先正事畧

卷十三

名臣

十二

地。恐滋譏謗。將至迫於殆辱。故易云。見幾而作。要豈所論於與國戚休。視君臣為一體者哉。夫同堂聚處之人。一旦遠離。雖朋友尚不忍。况在君臣。書曰。天壽平格。又曰。耄壽俊在厥服。秦穆霸主。尚猷詢茲黃髮。使七十必令懸車。何以尙有八十杖朝之典。卿精力不減少壯。若必以泉石高蹈為適。獨不聞武侯鞠躬盡瘁之訓耶。公奏言。武侯遭時艱難。受任軍旅。與生逢熙洽優游太平者不同。諭復以為不然。謂泉夔稷契。與龍逢比干。可信其異地。皆然。時不同。而其心同也。泉夔稷契。無龍逢比干之心。必不能致謨明弼諧之盛。龍逢比干。無泉夔稷契之心。亦必不能成致命遂志之忠。遭遇雖殊。誠盡則一。夫既以一身任天

下之重。則不以艱鉅自諉。亦豈得以承平自逸。為君則乾乾不息。為臣則蹇蹇匪懈。所謂一息尚存。此志不容少懈。朕為卿思之不獨受。

兩朝至優至渥之恩。不可言去。即以朕十餘年眷待之隆。亦不當言去。朕嘗謂致仕之說。必古人遭逢不偶。不得已之苦衷。為人臣者。斷不可先存此心。何則。朝廷建官命職。不惟逸豫。惟以治民。而人生自少至老。為日幾何。且筮仕之年。非能自必設。預以求去。為心將。膜視一切。泛泛如秦越人之相視。年至則奉身以退耳。誰復為國家出力者。此所繫於國體。官方人心世道者。甚大。故不可以不辨。尋舉所。諭宣示朝列。并命公不必兼。

國朝先正事畧 卷十三 名臣

三

管吏部俾從容內直。以緩眉壽。又命解監修總裁之任。以大學士傅公代之。十四年復諭曰。大學士勤宣伯張廷玉。自皇考時。簡任綸扉。朕御極以來。弼亮寅工。久近一致。尤為國家祥瑞。但恭奉。

遺詔配享。

太廟予告歸田。誼所不可。昔宋臣文彥博。十日一至都堂。議事節勞。優老古有成。謨大學士紹休。世緒生長京邸。今子孫繞膝。良足娛情。原不必以林泉為樂也。可四五日一入內廷。備顧問。城內郊外。皆有賜第。可隨意安居。從容几杖。頤養天和。副朕眷待耆俊至意。且令中外諸臣。共知國家優崇元老。恩禮兼隆。而

臣子無可已之日。自應鞠躬盡瘁。益加勸勉。盡職。賜御製詩一章。有勗茲百爾。應知勸。其羨東門祖道。輪之句。公自是不敢言去。是年十一月。

上見公老態益增。優詔許原官致仕。俟來春冰泮。舟行旋里。且諭南巡時。即可相見。至朕五十正壽。大學士亦將九十。輕舟北來。扶鳩入覲。豈非堂廉盛事。御製詩三章。賜之。有句云。擬問蘭陵二疏傳。可曾廿四考中書。又云。指日翠華臨幸處。歡顏前席問農田。命內廷諸臣和韻。以寵其行。公至是登朝。垂五十年。長詞林二十七年。主揆席二十四年。凡軍國大政。承旨商度。恪勤匪懈。造膝對揚。率移晷漏。其所籌畫。非可以一事。

國朝先正事畧 卷十三 名臣

十四

名非可以形迹數觀。雍正以來。數十年間。吏治肅清。人民樂業。沐。

三聖涵濡之澤。而公雍容坐論。極人世遭逢之盛。則其慎密周詳。所以翊贊聖謨者。可想見其概矣。公典領機要。朝廷大制作。多出公手。修。

三朝實錄。玉牒。會典。治河方畧。國史。明史。諸書。皆為總裁。自康熙丙戌。迄乾隆丁巳。與分校者三。主順天鄉試者一。主會試者三。廷試。朝考。皆公首為閱擇。一以公慎將之。佐司寇時。山東鹽販糾眾為不軌。青州民倡邪教。有司捕繫百五十餘人。株連未已。公奉命出按。戮七人。遣三十五人。而讞定在吏部。

絕苞苴杜請託銓政肅然浙江江西界連閩廣流民入深山種麻結茅以居號棚民不隸州縣為良民害公請編戶籍行保甲消隱弭患至今帖然嘗條奏慎刑二事一刑部遇各衙門送犯不論事之大小犯之首從俱收禁致累無辜請分別收禁取保如外省例一刑部引律例往往刪去前後文止摘申開數語即以所科之罪承之甚有高低其手影射比擬者請令都察院大理寺駁正扶同草率先罪之疏皆下九卿議行又令甲婦人年三十以內守節至五十者得旌公建議以未五十而卒者乃享年不永非守志不終請以守節至十五年者一體旌表著為令翰林為培才地公有所薦舉即擢用終不使其人知諸所陳

國朝先正事畧 卷十三 名臣 五

奏雖家人子弟不得以閒請也方公之致仕也召見時奏及配享事謂上年奉有從祀元臣不宜歸田終老之諭恐身後難邀異數外閒亦有此論免冠叩首請

上一言以為券

上問外閒議論為誰公對史貽直即有此論

上知公素與史公不洽遂允特頒諭旨並賜詩以安其心

翼曰公當入謝適大風畏寒恃恩眷有素令仲子若澄齋摺

奏謝未親詣 宮門

上未憚將傳旨詰問次日公早至

上疑軍機處有洩漏者屢降旨切責下廷臣議奏且曰張廷

王之罪固在於不親至謝恩尤在於面請配享其面請之故則由於信朕不及廷玉事朕十有四年朕待羣臣事事推心置腹而伊轉不能信忍為要挾之求乎廷議以公大不敬請奪爵職留京待罪公具疏引罪有旨削伯爵以大學士原銜休致瀕行賜御製詩手書二卷御用冠服數珠如意等物派內臣往送家居六年薨壽八十有四既薨仍得與侑享之典

聖主優老成全國體可謂恩禮始終矣公性孝友子姓戚黨列仕籍者數十人皆約以禮法在政府無一字與督撫外吏接凡餽禮值百金輒峻卻之生平無聲色玩好之嗜退食泊然無所營時手一編安坐室中閱若無人僚友共事者閱數十輩平

國朝先正事畧 卷十三 名臣 六

心接之多所容納人不見其有疾言遽色康熙丙戌分校禮部試同事以微詞相探因作闈中對月詩有云簾前月色明如畫莫作人閒暮夜看其人覽之慙而退其不惡而嚴多類此四十四年御製懷舊詩列公五閣臣中五十年御題公三老五

更議嘉公持議甚當命與御製三老五更說並勒辟雍碑

以不沒其善著有傳經堂集焚餘集澄懷園文存子四長若靄

雍正十一年進士廷試卷進呈

世宗命內侍傳諭公曰爾子張若靄取中探花矣公請面對免

冠叩首曰臣家世受皇恩無所不極其至臣子若又占科名

最高之選臣實夢寐難安願讓與天下寒士

上乃宣諭曰殿試進呈卷朕閱至第五本語極懇摯有古大臣風因拔置一甲三名及折號乃大學士張廷玉子張若靄朕深嘉悅蓋大臣子弟能知忠君愛國異日必為國家宣力大學士張英立朝數十年清忠和厚終始不渝張廷玉朝夕在朕左右時時以堯舜期朕朕亦以皋夔期之張若靄稟承家教兼之世德所鍾故能如此非獨家瑞亦國之慶也因遣人往諭廷玉乃廷玉再三懇辭情詞懇至朕不得不勉從其請將若靄改二甲一名以表大臣謙謹之誠並昭國家制科盛事五月授編修十三年入直南書房乾隆二年遷侍講累遷內閣學士十一年高宗西巡若靄扈從以病回京卒 優旨悼惜以會襲伯爵加

國朝先正事略 卷十三 名臣 十七

恩照伯爵品級賞白金千兩治喪 賜祭一次次子若澄乾隆十年進士改庶吉士 命直南書房十二年授編修累遷內閣學士三子若淑官郎中少子若溥由貢生捐主事直軍機處累遷郎中乾隆三十年知澄江府擢建昌道入為太僕少卿再遷通政使五十一年授內閣學士疏請申伐蛟之令并請下陸甲丞燿所著甘薯錄於江浙諸路令其學種以備荒尋扈 躡避暑山莊校射中的者二 賞戴花翎五十四年遷工部侍郎調刑部兩赴陝西勘獄嘉慶元年 命兼管順天尹五年擢兵部尚書仍管順天府事 賞紫禁城騎馬未幾調刑部七年薨贈太子少保 賜祭葬諡勤恪 長子曾誼官至浙江按察使

福文端公事略

公諱福敏字龍翰號湘鄰姓富察氏滿洲鑲白旗人康熙二十六年進士選庶吉士散館以知縣候銓 世宗皇帝在藩邸時 純皇帝初就傅命公侍讀及 世宗御極擢內閣學士兼禮部侍郎充經筵講官雍正二年充會試副考官教習庶吉士三年遷吏部右侍郎八月署浙江巡撫疏言海塘工程原議皆用條石後因限迫遂用條石托外亂石填中恐日久坍塌請寬限照原議改築得 旨交新撫李衛查勘修理時

國朝先正事略 卷十三 名臣 十八

上命都統拉錫赴浙簿錄年羹堯資產羹堯將書札先自焚燬公於拉錫回程後查出西征隨筆逆書二冊係錢塘舉人汪景祺撰 上嘉其細心論景祺如律四年擢左都御史兼掌院學士九月署湖廣總督十月奏沔陽潛江等十州縣水災請借常平倉穀六萬石發賑續將盈餘銀買補又奏被水各州縣現遵 旨煮賑但老幼頗難就食丁壯亦覺路遙時當種麥恐妨生業請查丁口一體給米均得 旨嘉獎尋 賜爾書曰朕原命爾暫署督篆若得一人即命往代近日滿臣中頗乏人皇子左右亦須爾來輔翼爾在楚乃出於萬不得已宜體朕意勉為之五年

奏請以耗羨銀兩築江陵松滋等縣隄岸奉旨著動帑金委員監修成後仍算民隄百姓加意保護俾永受其益四月謬狎花苗叛公撤黔兵截後路以楚兵搗巢平之下部議敘七月疏言安陸荊州被水各隄值冬初水退正可興工除被災老幼婦女照常賑濟外其丁壯悉令修隄優給賑米俾飢民得食而隄亦完固

上嘉其議如所請行先是閏四月召公回至是始得代入京授吏部尚書六年以前撫浙江時贍徇布政使佟吉圖擅動庫銀事落職八年夏命協理兵部侍郎兼戶部侍郎擢左都御史仍兼戶部事十年署工部尚書特命協辦大學士旋署

國朝先正事畧 卷十三 名臣 五

刑部尚書十二年以審理尚書彭維新一案朦混徇隱奉旨申飭乾隆元年命同左都御史孫嘉淦辦廢員案孫劾公偏執

上以福敏既拘執嘉淦亦沽名另派大臣辦理尋典順天鄉試明年典會試教習庶吉士三年擢武英殿大學士兼工部尚書掌院學士四年加太保六年七月

上初幸木蘭行圍公條奏事宜一行圍邊外內外章奏按期馳送較 宮廷清穆勞逸懸殊尤當朝夕惕清明在躬從容應之一留京百官道在隨事警察因人懲戒不使偷惰者得行其私一巡行之日言路不可不開然有大奸惡大利害斯宜參奏

不當瑣細瀆陳傷政體一

願 聖祖皇帝於獵地平易險阻無不了然故周旋中度馳射如神

皇上籌度於馳射之先一弁兵布圍未必無參差乞少加從容俾得踴勉從事一弁兵從行日久必至資斧不繼量加恩澤費無多而受惠無窮得旨覽奏具見老成忠懇補袞陳善之意朕皆嘉納七年公壽七十御製詩賜之曰前世文昌宿當朝王者師典型鶴鷺序標準鳳凰池久賴經綸手猶疏弟子儀壽身兼壽世長佐太平基八年奏時政三條一河防事宜動關呼吸難容遲滯江南石林口等處新工初就尤宜保護懇照

國朝先正事畧 卷十三 名臣 二

災民請賑例一面辦理一面奏聞一災民勢必流移自謀生活若有司不善拊循禁使不得越境必至輾轉溝壑宜加以玩視罪一江南湖廣等處偏災請留六省南漕賑濟懇宸斷數目

手詔曰卿才品優長老成端諫內廷講誦多年恪慎小心特簡綸扉正加眷倚覽奏情辭懇切勉從所請着解任調理加太傅銜以示篤念舊學至意卿善自頤養以承恩澤遇精神康健風日晴和仍詣宮門請安並到內廷書房看視十二年

上以詩存問曰經時未到禁門邊食履多宜心泰然月霽風清煩暑遠忽教重憶講幃前十七年公壽八十御製詩賜之

有還丹益算何須藉。兩字傳經永不刊之句。二十一年十月以疾薨。先是公前歲抱病。

上親臨看視。賜以醫藥。至是得遺疏。深為震悼。即日親行致奠。並賞內庫銀千兩治喪。應得卹典。下所司察例具奏。尋

賜祭葬。諡文端。入祀賢良祠。公嚴氣正性。懍不可犯。及習與之處。開心吐懷。廓然無城府。自言通籍數十年。所自信者。骨性鯁

直。不脂韋。至老猶存故我耳。直內廷。與蔡文勤雷翠庭善。尤服膺高安朱公。曰。此吾心之師也。後進有言論相左者。始或變色

事後。保任旋及之。既罷。相語翠庭曰。此位豈易稱。我浮沈其間。君心不我。嗚耶。晚好讀周易觀象。曰。安溪若在。縱不納。我拜亦

國朝先正事畧 卷十三 名臣

三

當稽首門外耳。四十四年。御製懷舊詩。稱為龍翰。福先生詩曰。今古既殊宜其教亦異。施古方教數年。今為出閣時。憶年舞勺歲。

皇考掄賢師。即從師授經。詎惟習少儀。循循既善誘。嚴若秋霜

披背誦自幼敏。匪曰詡徇齊。日課每速畢。師畱為之辭。以此倍

多讀忠益平生資。誰知童時怨。翻引老日悲。不失赤子心。能無

繼繼思。嗚呼於先生。吾得學之。六十年二月。諭曰。本月上丁釋奠禮成。因念臨御六十年以來。孜孜勤政。悉由典學懋修所致。回憶冲齡就傅時。久侍講幃。敷陳啟沃。福敏蔡世遠兩師傳之力。為多。今朕年當八旬。開五。眷懷舊學。尤宜增秩三公。

學士太傅福敏。可晉贈太師。並賜祭一壇。用示朕崇禮師儒至意。

國朝先正事畧 卷十三 名臣

三

兆文襄公事畧

公諱兆惠字和甫姓吳雅氏滿洲正黃旗人父諱佛標官都統
雍正九年公由筆帖式入直軍機處補內閣中書三遷至內閣
侍讀學士晉內閣學士乾隆七年擢盛京侍郎調刑部右侍郎
授副都統及護軍統領十三年秋 詔赴金川軍營督辦糧運
明年二月請同哨探兵進剿 命留烏里雅蘇臺辦事充領隊
大臣十一月調赴西路巴里坤辦事時準部阿睦爾撒納叛定
邊右副將軍薩喇爾自伊犁被陷復歸公聞其至吐魯番約共
進剿奏入 諭嘉其甚合機宜二十一年 命充參贊大臣三
月大軍再定伊犁 命公駐其地籌善後事宜五月授定邊右

國朝先正事畧 卷十三

名臣

三

副將軍先是回部大小和卓木稱亂侍衛托倫泰赴葉爾羌喀
什噶爾撫諭久未返公奏遣副都統阿敏道以索倫兵百厄魯
特兵三千收復阿克蘇庫車烏什各回城且偵托倫泰信是月
小和卓木霍集占送托倫泰還公飭阿敏道馳往招撫十月奏
霍集占怙逆狀密飭阿敏道速進兵是年冬定西將軍達爾黨
阿自哈薩克撤兵還厄魯特宰桑之從征者謀煽亂未發噶爾
藏多爾濟詭以叛賊巴雅爾劫掠告公遣將軍和起調諸厄魯
特兵協剿而噶爾藏多爾濟之姪札那噶爾布等陰通巴雅爾
中途肆逆和起被害公以孤軍遠駐伊犁聞變自率千五百人
東旋擊賊自濟爾哈朗轉戰而南十一月啟行戰於鄂里戰於

庫圖齊戰於達勒奇前後殲賊數千餘二十二年正月至烏魯
木齊諸賊畢會連日數十百戰我兵無不一當百步行冰雪淖
中履屨不完食瘦駝疲馬且盡二十二日至特訥格不復能衝
擊結營自固遂被圍時天大風雪驛傳聲息不相聞巴里坤辦
事大臣雅爾哈善入告 詔趣侍衛圖倫楚率巴里坤兵二千
開路馳援以三十日至軍圍乃解公得新兵復往剿巴雅爾部
落始回巴里坤 諭曰兆惠係伊犁辦事大臣適遇厄魯特等
背叛即奮往剿賊忠勇可嘉可封一等伯世襲罔替並 賞御
用荷包玉韉諸珍物尋授領侍衛內大臣戶部尚書兼都統
詔同定邊將軍成衮扎布分路剿滅厄魯特賊取三月偕參贊

國朝先正事畧 卷十三

名臣

三

大臣鄂實等進剿時札那噶爾布已殺噶爾藏多爾濟等又為
臺吉達瓦所殺而獻其首於軍門適阿睦爾撒納自哈薩克盜
馬竄歸伊犁掠札那噶爾布牧地公檄參贊大臣富德往追
詔責公宜以專擒阿逆為務六月奏擒獲阿逆之姪達什策楞
等七月奏擒獲巴雅爾并及其孥時哈薩克汗已畏威歸順遂
表獻馬匹八月奏言遣圖倫楚擊敗哈薩克錫喇賊眾遣愛隆
阿擊敗前掠臺站之都爾伯克臺吉納木奇降之當是時阿逆
竄入俄羅斯而遣往撫諭回城之阿敏道為逆回霍集占所戕
九月 詔公等籌剿回部疏請於烏魯木齊屯田且便與哈薩
克市馬從之十二月成衮扎布改北路左副將軍 詔授公定

遂將軍二十三年正月復以參贊雅爾哈善為靖逆將軍專辦
回部時各賊分四支每支各一二千伺閒出沒乃議公由博羅
布爾富德由賽里木分兩翼圍彌約相會於伊犁尋奏賊眾紛
紛逃潰狀報聞庫隴癸山者伊犁附近山也叛黨布圖庫等據
險藏匿公偵知之遣將收其牧羣而自率八十騎夜入山口勦
之時曉霧迷漫布圖庫等脫走餘悉就殲得旨獎敘四月叛
賊輝齊鄂哲特等就擒賊收俱殘破準噶爾之事將竣疏請出
伊犁進剿回部詔與雅爾哈善會合并招降布魯特人眾尋
奏布魯特頭目人等赴軍前乞降七月遣侍衛達桑阿等先後
護布魯特東西二部使者入覲命速赴回部與雅爾哈善合

國朝先正事略

卷十三

五

兵進勦會雅爾哈善圍庫車霍集占糾眾來援為官軍所敗冒
死入城復脫走雅爾哈善坐疏縱削職尋伏法公自請留軍以
竣西事

上壯之

諭嘉其奉公體國器識遠出諸臣之右

賞戴雙眼花翎

孔雀翎尋奏言臣抵烏克蘇降回眾五千餘口其烏什伯克霍
集斯及其子漢咱帕爾亦攜眾獻城降臣遵旨令侍衛舒赫
德駐阿克蘇臣即率大軍赴葉爾羌疏入獎賜荷囊玉轡等
物時兵皆未集惟領步騎四千先行留副將軍富德勦餘賊俟
集大軍繼進而小和卓木已堅壁清野斂民入城使我兵無可
掠又於近城東北五里掘濠築土臺欲持久困我其大和卓木

據喀什噶爾相犄角十月初六日師至葉爾羌陣於城東兩翼
兵先奪據其臺城東西北三門各出精騎數百來當我三戰三
北入城固守不出城周十餘里凡十二門公以兵少不能攻欲
伺閒出奇先營城東隔河有水草處結壘自固所謂黑水營也
葱嶺北河經喀什城外其南河經葉爾羌城外土人稱北河為赤
水南河為黑水故曰黑水營公既分兵八百使副都統愛隆阿
扼喀什噶爾援路又偵知賊牧羣在城南英奇盤山下謀渡河
取充軍實十三日誦兵守黑水營親率千餘騎自東而南甫渡
四百騎橋忽斷城中賊出五千騎來截我兵方奮突其陣步賊
萬餘繼之騎賊復張兩翼圍攻我後我隔河軍不能相救又地

國朝先正事略

卷十三

五

沮洳難馳騁且戰且退徒涉歸營中途為賊隔截數隊人自為
戰自辰至酉殺賊千計而馬多陷淖亦陣亡將士百餘負創者
數百公左右衝突馬中鎗斃再易明瑞亦受創總兵高天喜等
俱戰沒賊復逾河來攻五晝夜我軍且戰且築壘賊亦築長圍
困我十七夜公遣五卒分路赴阿克蘇告急舒赫德飛章入告
賊於上游決水灌營我軍於下游溝而洩之營依樹林鎗礮如
雨我軍伐樹反得鉛丸數萬以擊賊會布魯特掠喀什噶爾我
軍縱火攻賊營賊疑布魯特與我軍有約大和卓木乃使人議
和公執其使射書諭以必先縛獻霍集占方許納款又掘井得
水掘窖得粟三閱月不困賊駭為神先是

上念我軍久暴露將士皆勞頓於兩月前即命靖逆將軍納木扎爾參贊三格往代並諭副都統阿里袞侍郎永貴於巴里坤豫選馬三千送庫車備調又增調索倫察哈爾兵赴之至是聞公被圍諭嘉其忠誠勇敢不避險艱晉封一等武毅謀勇公世襲罔替并賜寶石頂及四團龍補服紫纒而公不知也在圍中檄愛隆阿率兵還阿克蘇催援軍途遇靖逆將軍以二百餘騎徑進止之不可復遇害富德在北路聞黑水圍急即率兵三千餘冒雪赴援二十四年正月六日次呼爾滿過賊五千騎且關且前轉戰四晝夜沙蹟乏水齒冰救渴又乏馬半步行九日渡葉爾羌河距黑水營尚三百里賊愈聚不能進兩軍皆

國朝先正事畧

卷一三

名臣

三

被圍萬里外適阿里袞以巴里坤兵六百解馬二千駝一千合愛隆阿兵千餘夜至遙望火光十餘里知官軍與賊相持處也又途遇我往劫營之卒知望援孔急即橫張兩翼大呼馳薄聲塵合杳直壓賊壘與富德兵三路奮蹙賊黑夜不知官兵若干萬自相格殺潰遁我師遂長驅進未至黑水營數十里又擊敗之公見圍賊日少又遙聞鎗礮聲塵大起從東來而營中所掘井忽皆知援軍已集即勒兵潰圍殺千餘級盡燔其壘賊大敗入城兩軍會合振旅還阿克蘇公奏言臣等自上年十月十三日被圍相持三閱月仰賴聖主威福

上天神佑靈蹟甚多安營處近戈壁而有深林伐木給用內拾鉛丸數萬即用以還擊初愛之水因賊灌營反獲接濟掘井泉隨涌出至正月初旬并水忽涸又獲藏粟二十餘窖官兵意氣奮發毫無懼色正月十四日與富德合兵而還疎入

上嘉獎御製詩賜之又製黑水行長句書其事公疏辭封爵及章服弗許並以公母年高遣使存問是時霍集占黨窺和闐命速發兵援之六月大兵分路進剿霍集占棄葉爾羌遁降其眾四萬餘戶撫定之捷聞聖書褒美命速追擒兩賊會七月大敗霍集占於阿爾楚爾等處逆酋兄弟竄巴達克山我軍蹙之勒令擒獻未幾均被戮十月巴達克山汗素勒坦

國朝先正事畧

卷十三

名臣

庚

阿獻霍集占首其安集延諸部皆相率歸順回疆平詔曰將軍兆惠等凱旋至京時朕當親臨郊勞兆惠已封公爵并迭賜章服其加賞宗室公品級鞍轡以示寵異再加授一子為三等侍衛十一月奏定葉爾羌喀什噶爾英噶薩爾烏什阿克蘇等城駐兵章程並請令各城伯克分番入覲從之二十五年二月授御前大臣賜紫禁城騎馬初上命築壇設齋於良鄉城南行郊勞禮至是公率將士凱旋上親拜天將軍以下皆甲冑王公大臣隨行禮畢上御黃幄將軍等抱膝跪見如儀上撫勞賜御用朝珠及馬禮成隨駕還京

上御豐澤園。幄次凱宴。資銀幣。命圖形紫光閣。

上親製贊明年。授協辦大學士。兼管刑部尚書事。八月。命同

大學士劉公統勳。赴豫。勘築楊橋等處決口。奏濬賈魯河。定開

放各事宜。二十七年。復同劉公勘江南運河。酌濬高寶諸湖。歸

江之路。二十八年。命勘直隸海口。并相度天津靜海文安等

處疏濬事宜。加太子太保。復奉。命會同江督尹繼善。公籌濬

荆山橋河道。二十九年。順勳直隸河工。還朝十一月薨。

上親臨其第。酌酒。即以其子札薩泰許尚公主。御製詩悼之。

嘗贈太保。入祀賢良祠。賞內庫銀五千兩。遣侍郎留保等經

理喪事。賜祭。賜葬。諡文襄。三十年。

國朝先正事畧 卷十三 名臣 三九

上南巡至良鄉。見郊勞臺。賦詩志悼。四十四年。御製懷舊詩

列公於五功臣中。子扎蘭泰。尚和碩。和恪公主。授和碩額駙。襲

一等公。兼散秩大臣。

勵文恪公事畧 子文恭公廷儀 孫宗萬

公諱杜訥。字近公。直隸靜海人。初以杜姓為生員。學問淵通。精

楷法。康熙二年。纂

世祖實錄。詔選善書之士。公試第一。書成。議敘。授福甯州州

同。命留南書房行走。食六品俸。舉博學鴻詞科。未中選。會殿

門易額。敕翰林官書禁扁。皆不稱。旨惟公書報可。十九年

優敘。內廷講官。學士葉方藹等。特旨授公編修。充日講起居

注官。二十一年。復勵姓。二十四年。

上命日侍點閱通鑑。二十五年。與學士張公英同侍點閱綱目

全編。十二月。以御批通鑑綱目竣疏言

國朝先正事畧 卷十三 名臣 三九

皇上點閱載籍。無閒寒暑。即巡幸駐蹕。命臣等捧簡進閱

一如禁廷。每評論古帝王政治得失。文武張弛。及人才進退。邪

正消長。與夫諸儒舊說之聚訟紛紜者。親加剖決。悉歸至當。請

頒發。聖諭。宣示史館。以發涑水所未詳。補紫陽之弗逮。得旨。下禮

部翰林院會議。如所請。累遷贊善。侍講。改光祿少卿。遷通政司

叅議。太僕卿。宗人府丞。三十九年。遷左副都御史。疏言。督撫大

吏。朝廷畀以百餘城吏治。數千里民生。任至重也。若託詞鎮

靜。漸成悠忽。殊忝封疆之寄。請。敕諸督撫。將察吏安民興利

除弊諸實蹟。年終彙奏。以備清覽。如開注不實。治以欺罔罪

庶諸臣時時警勉不敢貽誤地方其所轄之藩臬二司專掌錢穀刑名有無虧空及有無駁審宜令詳悉并列庶藩臬之優劣亦無遁情又疏言提鎮保送將弁時有騎射甚劣并年老之員屢經特旨甄別請 敕下兵部將引見不稱 旨之員彙冊進呈酌定處分庶提鎮咸知謹凜而將備亦難尸素苟容疎均下部議行四十二年擢刑部右侍郎十月薨於任年七十有六賜卹如例 特旨給全葬後二年

上駐蹕靜海 諭曰原任侍郎顧杜訥向在南書房效力二十餘年勤勞無過應予諡 御書文恪二字 賜其家雍正元年追贈禮部尚書八年入祀賢良祠

國朝先正事畧 卷十三 名臣 三

純皇帝御極加贈太子太傅公以諱生膺殊遇出入禁闈數十年小心慎密前後疏奏多所建白居憲職詳識刑獄無所瞻徇朝野推為正人子廷儀康熙三十九年進士選庶吉士明年丁母憂又明年 特命直南書房四十三年授編修尋充日講起居注官累遷中允侍講學士擢內閣學士經筵講官掌院學士晉兵部右侍郎兼掌院如故雍正元年擢刑部尚書疏言各省常平倉米穀雖有府司道盤查難保無徇隱弊當責成督撫嚴實存倉委幹員不時盤查年終造冊題報督撫離任將冊籍交新任詳覈虧空題參新任徇隱者罪之部議如所請又疏言古北口外命案向由本處武職詳解刑部派司員往驗路經數百

里往返需時傷痕已變審擬難確請於口外適中處設理事同知一選民間命案驗明取供詳解題結盜案亦如之其稱職者照捕盜同知例卽陞從之二年奏請團練民壯每州縣選五十名分習鎗箭於州縣俸工內酌給工食勤加訓練得 旨此奏甚善著直省督撫實心奉行三年疏言監禁宜分內外內監以居要犯外監以居輕犯其女監另牆隔別庶防範嚴肅不致串供部如所議五年典會試尋坐濫保屬寮降二級奉 旨畱任又坐讞獄罪名錯誤議革任得 旨寬免六年疏陳考職積弊四條又疏陳禁止私監四條又疏陳清查入官家產弊端四條俱下部議行七年加太子少傅 賜矜慎平恕額請嚴廢錢私

國朝先正事畧 卷十三 名臣 三

運近邊近海地方之禁從之尋遷吏部尚書仍專管刑部事十年夏以病乞休 上慰畱之閏五月薨遺疏入得 旨勵廷儀侍直內廷蒙 聖祖知遇之恩教養有素伊父尚書顧杜訥老成端謹學問優長朕幼年在宮中讀書時資其講論至今念之不忘朕御極之初擢勵廷儀為司寇晉秩冢宰數年以來勤慎小心今聞流涕深為傷悼已命大學士往奠茶酒其更議卹典尋 賜祭葬如禮諡文恭子宗萬康熙六十年進士選庶吉士授編修入直南書房前後三次坐事落職均奉 特旨起用 命在南書房行走者一在武英殿行走者二在懋勤殿行走者一累官至刑部

侍郎。勳氏父子孫三世皆掌邦禁。爲正亞卿。又皆直南書房。充日講官。知起居注。敦厯清要在官。皆有名績。海內榮之。

國朝先正事畧 卷十三 名臣

三

史文靖公事畧

溧陽相國史公。十歲能詩。十八舉順天鄉試。十九登康熙三十年進士。入翰林。乞假歸娶。朝野榮之。後六十年。當乾隆庚辰。科再宴瓊林。士之雋南宮者。公與執同年禮。諡稱爲昇平人。瑞。御製詩褒美。寵爲科名盛事。公由甲第。迄大拜。在外督撫八行省內。周歷六官。首尾居相位。垂二十載。名注朝籍。總六十有四年。恭遇

慈寧大慶。入九老會。班次諸王。下圖形。內府賜詩。以比富

鄭公文潞公。中年總督兩江。開府鄉里。具疏再辭。詔弗允。

殊恩異數。罔有倫比。厥由國家重熙。冀慶以有耆龐。魁艾之

國朝先正事畧 卷十三 名臣

三

重臣。亦惟公瓌猷偉。抱直昭世德。乃克欽承。

三期之眷命。可謂盛矣。公諱貽直。字儼絃。號鐵崖。先世壯侯。崇

封於溧陽。遂家焉。世爲江南舊望。祖鶴齡。官編修。父夔。官詹事

公幼承家學。嫻掌故。凡內外銓之利弊。金穀之登耗。刑名兵屯

之得失。綜貫靡遺。由檢討典試雲南。督廣東學政。遷贊善。累遷

侍講學士。雍正元年。命直南書房。擢署吏部侍郎。尋授內閣

學士。遷吏部左侍郎。

世宗賜詩。有形輝迹躡中臺。履玉佩聲含曉殿風之句。二年充

經筵講官。典會試。三年調工部。兼理戶部侍郎事。五年再典會

試。調戶部。兼理吏工二部侍郎事。尋管順天府尹。六年轉吏部

左侍郎仍兼戶部右侍郎。七年署福建總督。八年夏調署兩江總督。尋授左都御史。仍署總督。請以江甯府屬之溧陽縣改隸鎮江府。從之。九年還朝。兼理吏部戶部事。時大軍征準噶爾。陝甘二省辦理軍需。命偕侍郎杭奕祿等前往宣諭化導。協理陝西巡撫事。尋擢兵部尚書。仍留陝西當是時。

憲皇帝詔各督撫舉材武之士得數千人。號勇健軍。其最者能開弓二十石。舉刀千斤。特命公帥屯巴里坤。以資策應。十年署巡撫。尋調戶部尚書。總理陝西巡撫事。十三年還朝。條上三事。一科道吏禮部宜用正途。一遷擢宜循資格。抑躐進。一河南開墾捐輸宜速罷。又言國家理財有正。經勸捐非體。不可令於

國朝先正事略 卷十三 名臣

三

下皆得。旨允行。尋署湖廣總督。乾隆二年。召還京。三年調工部尚書。尋調刑部。五年兼理兵部事。未幾調兵部尚書。教習庶吉士。御製五言律詩。賜之。七年遷吏部尚書。署直隸總督。協辦大學士。九年拜文淵閣大學士。命紫禁城騎馬。十年典會試。加太子太保。十三年坐票簽錯擬奪職。留任。十四年兼理工部事。十五年兼理刑部。十八年兼理吏部。二十年次子奕昂署甘肅布政使。公會以書屬巡撫鄂昌事。聞以原品休致。二十二年。高宗南巡。迎駕沂州。命在籍食俸。賜御製詩。遂召補大學士。入閣辦事。六月。

上聞公中途患病。遣侍衛某帶同御醫馳驛前往診視。七月至京。兼理工部事。加太子太傅。充經筵講官。二十五年值會試。週甲之年。拜。賜詩有旨。大學士史貽直年已八旬。嗣後凡遇祀典。不必隨班行禮。復。賜御詩一章。二十七年請老。優詔慰留。許解工部事務。示體恤。仍。命每年賞飯銀五百兩。嚴寒盛暑。無入閣。二十八年。三子奕瓌以瀋安守引見。特命留京。補四品堂上官。俾得侍養。五月薨於位。年八十有三。

上臨軒軫悼。詔皇六子臨喪奠醴。贈太保。入祀京師賢良祠。賜白金二千兩治喪。尋。賜祭葬。諡文靖。公生有幹局。神識超駿。雍正初。大將軍羹堯平青海歸。勢張甚。黃縉紫驕絕。

國朝先正事略 卷十三 名臣

三

馳道而行。王公以下。屈膝郊迎。年過目。不平視。獨公長揖。年望見驚異。遽翻鞞下。曰。是吾同年鐵崖耶。扶上。已所乘馬而已。易他馬。並轡入國門。後年以罪誅。窮治黨與。世宗問汝亦羹堯所薦乎。公免冠應聲曰。薦臣者羹堯。用臣者皇上。上領之。公之為閩督也。弁兵舊戍臺灣。受代歸。過番社。輒橫索供頓。鎮臣以非所轄。陳弗問。公改委臺鎮。本標押送。弊遂絕。福興漳泉四郡。地頻海。貯穀易敗。公以臺灣有應。碾運內地。平糶米。請易穀。分貯各倉。即碾倉。穀給兵食。推陳易新。兵民兩便之。著為例。兩江殷劇。號難治。公以鄉人權節制。杜絕瞻徇。所部肅

然西安有屯戶籍均內地而故事獨輸本色米支兵餉往往苦
貴難公用軍需餘穀十六萬石爲置常平倉俾借領如例後皆
以爲法。

高宗御極公以舊臣入覲伏請梓宮賜

世宗所遺鷲黃蟒衣四圍龍補服曰此

先帝意也今朕君臣所共事即

先帝事也卿其始終一節公感謝嗚嗚

上亦泣下不止尋總督湖廣苗匪屢竊發蒲寅三鳳老一狙獍

爲渠魁公至簡軍實嚴守備侍芻廩若無暇爲剪滅計一日密

檄鎮將提勁兵二千入山勦捕蒲鳳就擒黨惡者無遺種或問

國朝先正事略卷十三名臣

老

公公曰吾前故遲之使不爲徒走備且密審其山川扼塞及栖

遁所由也容美土司稅輕改流後額日增公請仍征原額獠

權呼修武昌城外江隄及洞庭湖之柁桿洲疏陳善後五事增

設救生船督直隸未半年所題結事九千六百有奇入爲正卿

遇廷議公徐出一言洞中肯綮九列更事無出公右者常言天

下辦事人多解事人少深刻非明縱弛非寬交際非私協恭非

黨故公立身行政無心寬猛恥矜苛廉一以持大體安社稷爲

務凡驅吏以疑獄告屢命公馳傳往勘多得實稱旨上蔡

令張球誣陷同官邵言綸總督田文鏡庇之

世宗命公往豫案覆發其奸田大怒大學士邁柱請疏湖廣荆

子關至陝西龍駒寨河道爲運米計公力持不可事遂寢浙督

李衛約爲兄弟公以其不學也謝之三人方枘用時搜其鋒者

皆備公獨棘棘不阿其守正如此在政府持大體不屑矯激自

別異時準夷回部以次削平拓疆二萬里公切贊機務每召

對移晷乃出所敷奏雖子弟莫得聞其再相也年近八旬特

旨許肩輿入省每湯沐賜賚不絕偶示疾御醫絡繹踵至

嘗奏事拜起舒遲

上問卿老儻乎公曰皇上到臣年當自知之

國朝先正事略卷十三名臣

美

上大笑時公年八十一矣公清標玉立眉目如畫鞞塵不沾衣

圭襪褶式皆內裁好獎植士類而不使其人知屢主禮部試名

公卿多出其門與後進言無不盡語多譬引饒風趣他大臣或

懼言溫室樹隱情惜己公肆意逞詞談啁流連忌者亦莫能中

也子三奕簪官贊善奕昂官至兵部侍郎其次即奕瓌

沈端恪公事畧

國朝真儒輩出。平正切實。力宗紫陽。推平湖陸清獻公為最。而錢塘沈端恪公則篤信平湖以上宗朱子者也。公於平湖之書。沈潛反覆最久。嘗做近思錄之例。蒼萃諸說而類編之。凡十有四卷。曰陸子遺書。其為治則壹以嘉定靈壽之政為法。及長御史昌言偉論。亦與清獻在臺時同。所自著曰夙興錄。曰讀論語。隅見錄。研理窮事。皆誦法陸子學者。由此而得梯航宗平湖以上宗朱子。濂洛關閩之正脈。無復有擬泥而揚波者矣。公諱近思。字位山。號開齋。世居仁和五杭村。先世皆力農。公生九歲而孤。家貧。隨仲兄遊學靈隱寺。有借巢老人者。資之讀儒書。負笈國朝先正事畧 卷十三 名臣 堯

虞山錢圓沙嚴寶成之門。既歸家。補諸生。讀宋五子書。刻苦勵志。書程子涵養須用敬。進學在致知。二語於座右。嘗自言其得力。曰。吾由濂洛關閩之書。上溯孔顏曾孟之心。怡然渙然。若合符契。不自知其手舞足蹈也。康熙三十八年。舉於鄉。明年成進士。亟返里門。理故業。選期已過。顧以學未成。不出也。久之。授臨頴縣知縣。單車就官。謝請託。卻饋遺。謹號令。禁科派。四十八年大水。請發粟以賑。全活無算。明年大熟。建社倉七所。設義冢。收瘞枯骨。捐俸葺頴城。頴與許州接壤。有孔家口水。勢衝突。為頴患。公出夫助許築堤。患遂絕。建岳忠武于忠肅祠。修宋統制楊再興墓。立紫陽書院。為學規。教士以誠敬專一為宗。縣西嵩岡

村俗甚惡。公創義學。延師課童子。手定程簿為期。使之來自覈其課。及期。刺童數十人。父母皆為製衣冠。坐牛車。聯翩赴縣。願公按程簿。覈其勤惰。而加賞罰焉。經旬復來。逾年子弟皆向學。其長者日馴。遜早納租。稅恥爭訟。公又買田以歲入給師膳薪。使久而無廢。滋穎七年。膺卓薦。以去。士民攀車灑泣。不得行。擢南甯同知。引疾歸。教授生徒。布衣蔬食。泊如也。朱高安相國撫浙時。特疏薦公。

聖祖召入京。監督本裕倉。會臺灣用兵。總督滿保公請於朝。以知府揀發福建。公作遠慮論四篇。大指以臺灣宜析為縣。每縣各分都圖保甲。易於稽察。又取民壯拔置行伍。以充各標。其餘國朝先正事畧 卷十三 名臣 堯

流民必審其原籍。乃授田。當時採用之。海疆底定。雍正元年。召授吏部文選司郎中。特加二級。賜第一所。帑金四百兩。時銓法久敝。胥吏因緣為姦。公夙夜勤慎。有姦輒發。吏不敢欺。九月。充會試同考官。旋晉太僕卿。仍兼理文選司事。二年。典山東鄉試。超授吏部右侍郎。賜詩有操比寒潭潔。心同皎月明之句。公每奏對。必齋戒。越宿。志氣恪恭。於育才用人。尤兢兢焉。七月。命同尚書阿爾松阿往河南勘獄。十月。典武會試。三年。吏部議年羹堯罪。上責其含混。尚書隆科多削太保。公等坐附和降調。得旨寬免。四年三月。轉左。七月。典江南鄉試。

上以公出題正大不尙詭僻策問發揮性理具於本原以此試士實有神於人品學術命議敘加二級時查兩庭汪景祺俱以悖逆誅公與同籍因疏言浙省遠處海濱恣靡澆薄以詭詐爲能以忠厚爲拙以勢利爲重以廉恥爲輕以逢迎奔競爲有才以安分守己爲無用以請託徇私爲多情以孤介剛方爲刻薄以健訟打降爲豪傑以捏詞造謗爲智謀風俗人心頹壞已極如兩庭景祺之大逆不道越水增蓋吳山蒙蔽蒙簡儒臣爲觀風整俗使滌除邪穢咸與維新謹陳浙省舊弊凡十事一童生初應縣府試即請託勢要求開公摺府縣官應以錄取最爲惡習請懲創以端始進一童生員初得一衫便思鑽營當事不得

國朝先正事略

卷十三 名臣

聖

則編造浮言得則造謠顯貴求通關節請將本人治罪外其私書關通者並罪之一在籍鄉紳多向地方官關說公事顛倒是非請分別治罪一童生員妄借條陳名色向有司呈告地方公事藉以欺壓愚民武斷鄉曲請褫革治罪一奸徒造作揭帖攻發陰私汚人名節或捏貪酷款蹟誣玷官長或編德政歌謠聲動聽聞以致上官誤信賢否混淆請照光棍律治罪一士人刊刻誨淫誣盜之書大爲心術害請毀板重懲一訟師盤踞城市遇有口角是非教唆興訟甚者串通胥役挾持官長請於保甲內將無籍之徒嚴加查察如遇訟師立予懲治一浙省衙役過多每衙門動皆數百人勾通紳棍魚肉小民請飭大小各衙門遵

照經制役額一切白役幫差盡行革退其稔惡不法者實重典一士紳犯賭法所必懲而豪家暗養打降之人船埠橋埠各有棍徒雄霸欺凌寡弱請嚴治首從一民間演戲原屬豐年報賽之常浙省有坐方地棍借端科斂糾黨勒索應重懲又如雲林天竺各寺廟每春時婦女遊觀輕薄士子呼朋引類混雜嘲笑毫無忌憚宜嚴禁得旨所陳風俗十事切中情弊著照所請嚴行禁約浙省有沈近思一人不爲習俗所染可謂上智不移足盡洗越水吳山之羞恥矣五年特擢左都御史仍兼管吏部事典會試教習庶吉士公自縣令起家洞悉閭閻疾苦凡事關創革必熟籌其利弊有益民生而後已嘗廷議耗羨歸公時

國朝先正事略

卷十三 名臣

聖

嘗力爭以爲不可眾皆驚愕弗爲動聖主鑒其誠亦不之罪也是年十二月十三日無疾而終上聞震悼賜帑金五百兩治喪命吏部派司官料理後事諭嘉公人品端方持躬廉潔遺平郡王率散秩大臣奠爵加禮部尙書太子太傅蔭一子入監讀書賜祭葬如禮予諡端恪生平立心坦易非道義一介不取窮達夷險不以二其心爲文樸實說理類南宋大家有天鑒堂文集在朝與蔡文勤公文最篤閒以事毛海寇必宿文勤所而雷翠庭鉉亦與時請論所輯平湖遺書嘗屬翠庭校訂焉性靜默不妄言笑至其辨學術陽儒陰釋之歧途世道人心義利公私忠佞賢奸之分界則如

決百川而東注洋洋灑灑不能自已高安相國雅重公哭其喪為表墓曰理學名臣公卒年年五十有七子玉璉尚幼詔地方官加意照料撫養俟成立時送部引見乾隆十一年授桂林府同知

國朝先正事畧 卷十三 名臣

聖

蔣文肅公事畧 子文恪公溥

蔣公諱廷錫字揚孫號西谷一號南沙江蘇常熟人父諱伊字渭公康熙十二年進士選庶吉士甫釋褐即具疏上所著玉衡臣鑒二錄玉衡者言君道臣鑒者言臣道采唐虞及元明事蹟以備法戒昭勸懲為卷二十有四得旨留覽散館授御史時南方用兵城邑殘破疏請責成有司招徠開墾課戶田為殿最又以奸民挾仇動借叛逆以陷良善請嚴反坐律又以時方開捐例選途頗壅乃繪十二圖上之曰難民曰刑獄曰讀書曰春耕夏耘曰催科曰鬻兒曰水災曰旱災曰觀榜曰廢書曰暴關曰疲驛復疏陳難民狀言臣於十五年請假回里見難民千百

國朝先正事畧 卷十三 名臣

聖

為羣哀求取贖此等被掠之人並摻之深山村落初非得自賊營其為誣陷何疑請嚴禁將弁掠賣男婦所過地方敕督撫一面截留一面參劾其論銓法云捐納知縣原出一時權宜其人未必無賢能而不可不加選擇請未選者責成吏部試以身言書判優者按次除授劣者給縣銜俾為佐貳其已選者責成督撫一年之中試其才守行保舉法否者斥之並請將見開捐納知縣例亟行停止

聖祖覽圖及疏為動容嗟嘆又疏劾江西巡撫董衛國縱兵焚掠及擅役民夫狀詔衛國軍前帶罪圖功十八年因地震疏論六部積習遇有銷算案件要求貨賂意為高下堂司書吏連

爲一手請嚴加飭禁。又言災售迭見。乘輿不宜輕出。宜日御便殿。咨諏治道。以飭官常。求民瘼。時江西南江西游饑。上救荒策。大指謂賑濟之法。莫善於分。莫不善於聚。縣各爲賑。勿聚於府。鄉各爲賑。勿聚於城。人各爲賑。勿委於吏。臣於康熙十年會賑荒於鄉。設廠三。所活者多。所耗者少。域中設官廠二。所活者少。所耗者多。此其明驗也。又其旨在獎廉吏。緩催科。通商賈。興工作。養孤老。埋骸骨。爲五疏上之。先是閩逆之變。禁兵駐蘇城。以供調遣。人皆苦其騷。公疏言內地不必防禦。以身家力保無他虞。得撤回。郡人德之。二十一年授廣東糧備參議。革耗羨禁餽。獻除差徭。日買乾魚。自給誓不取民間一物。集諸生講業書。

國朝先正事略 卷十三 名臣

聖

院及諸義塾。月有會。旬有課。人爭向學會。詔求學行兼優者。充督學。任九卿舉公以應。遂遷河南提學副使。既至。頒示教條。崇實學。正文體。其孝子貞婦。旌之。營求請託者罪之。二十六年卒於官。年五十七。子二。長陳錫。康熙二十四年進士。由富平知縣累官雲貴總督。其次卽公也。公少有學行。由舉人供奉內廷。康熙四十二年。詔舉人江灝。何焯。蔣廷錫。學問皆優。可一體殿試。賜進士。選庶吉士。明年未散館。授編修。歷遷贊善。侍講。侍讀。庶子。少詹事。五十六年。擢內閣學士。充經筵講官。雍正元年。遷禮部右侍郎。仍兼學士。賜詩有在公勤夙夜。懋績有賢聲之句。二年。疏請續纂會典。卽命爲副總裁。調戶部侍郎。

三年。命與內務府總管來保。察閱京倉。覆奏開溝墊土添橋架木各事宜。詔皆如議。尋疏言。漕運全資水利。宜通源節流。以濟運道。一曰濬泉源。山東漕河。資汶泗洸之水。而四水源皆微細。全賴泉源。助成巨流。計一省之泉。百有八十。其派有五分。水魯橋天井新河沂水是也。其委同出一道。謂之泉河口。舊設管泉分司。今雖裁。仍設泉夫。請飭有泉州縣督率疏濬。盜遏者有禁。又濬充二府爲濟水伏流之地。若廣爲疏濬。則散湮砂礫。開者。隨地涌見。應立法勸泉夫濬出新泉。優資銀米。歲終冊報。卽以是爲州縣課。最。一曰開湖地。山東諸泉所匯爲湖。十有五。各建長堤。設斗門爲減水壩。以時啟閉。漕河溢則減漕。以入湖。

國朝先正事略 卷十三 名臣

聖

湖水溢則啟湖以濟漕。故諸湖名曰水櫃。其後居民壅水。占種斗門。閘壩遂漸圯塞。多生芟草。積沙處高。與漕河堤等。蓄洩無所。請察勘未耕之地。就低處悉行挑深。以復水櫃之法。就挑出之土。築堤以束水。櫃每湖開支河以承諸泉之入。益漕水之流。復建閘以時濬放。庶蓄洩得宜。一曰嚴築壩。開壩日期。山東運河歲以十月初。築壩通流。分洩諸湖。候來春二月冰泮。開壩受水。法至善也。但日久玩生。築壩每在十一月中。未免過遲。開壩每在正月初旬。未免太早。請飭所司。築壩必以十月望前。開壩必以二月。庶河水充盈。漕運商船皆利。一曰修築坎河。灘壩。山東運河。惟賴汶水一派。分流南北濟運。明宣德時。築戴村壩於汶水。

南以遇汶水入洗建坎河石壩於汶水北以節汶水歸海其後復堆積石灘水溢則縱之歸海水平則留之入湖嗣雖歲有修築但日久頽廢萬一汶水北注挾湖水盡歸大清河則四百餘里之運道所關非細請 敕總河及巡撫相度形勢修復舊石灘改建滾水石壩以資蓄洩

上令閣學何公國宗等攜儀器輿圖同總河齊蘇勒公巡撫陳公世倌履勘均應如公議奏下九卿議行四年遷戶部尚書典順天鄉試兼管兵部尚書十二月丁母憂 優詔軫惻 特遣大臣賜奠加恩 諭祭一次給一品太夫人封誥 賜銀千兩治喪 命公在任守制固辭不許給假數月扶柩歸葬事畢來

國朝先正事畧 卷十三 名臣 望

京六年三月授文華殿大學士兼理戶部充 實錄館總裁七年 賜第一區 賜額曰鈞衡碩輔加太子太傅八年典會試命同果親王允禮總理三庫事務十月 諭嘉公與大學士張公廷玉等贊畫忠勤 賜一等輕車都尉十年閏五月薨於位年六十有四遺疏入 諭部曰大學士蔣廷錫受

聖祖皇帝知遇之恩直內廷二十餘載自朕即位由學士游擢大學士才識優長經猷明練倚賴方殷今夏忽患痰瘵每日兩次以疾狀奏聞方期宿疾有瘳豈料溘然長逝朕心傷悼可輟朝一日其所用棺殮之屬俱頒自內府尋 命內大臣率領侍衛奠茶酒 賜祭葬并加祭一壇 予諡文肅公以文學受

兩朝特達之知出入禁闈恪慎勤勞未嘗一日去上左右隨同怡賢親王辦理戶部事務秉公執正釐剔弊端甚晰吏不能為奸及參贊機務縝密周詳雖子弟門人不能探其崖畧故可紀者止於此少工詩善畫花卉多用逸筆寫生點綴坡石無不超絕

聖祖嘗臨視之性豪爽周恤親舊不少吝 賜第外田宅無所增著有青桐軒諸集乾隆元年入祀鄉賢祠長子溥能繼其武溥字質甫號恆軒生有異秉十三歲時世宗召見奇之雍正七年 欽賜舉人八年成進士選庶吉士上親擢為第四文肅公叩首辭讓

國朝先正事畧 卷十三 名臣 哭

上曰朕從未見爾子筆跡暗中衡鑒毋庸辭也 命直南書房會 賜文肅公一等輕車都尉並 命公承襲十年父憂歸既葬 諭即來京供職十一年授編修累遷侍讀左庶子充日講起居注官乾隆元年晉侍講學士四年擢閣學尋授吏部侍郎六年

上慮各省督撫尚有積習未除者 命大學士九卿留心訪奏公密陳所聞各條一督撫各立門戶引用私人公事從此推諉又或外託和衷營私瞻徇姑容不職屬員貽患地方一督撫新任必極言前任廢弛地方凋敝為日後卸過地並見己之振作或前任升遷者則曲為彌縫擯棄者更吹索其瑕類一參劾屬

員定例督參撫審撫參督審而承審各員惟視聲勢為轉移如原參者已失勢則巧為開脫或見任或要津必附會煅煉督撫亦瞻顧不問一督撫意旨易為屬員窺伺逢迎如昔年河南墾荒陝西開井祇以迎合上官致奉行不善為民累疏入

上多採納 敕各督撫毋蹈前轍焉是年典試浙江兼署刑部左侍郎七年充經筵講官疏言凡條奏發九卿會議由主稿者酌定或准或駁會議日書吏誦稿一遍以待公商但其中原委曲折一時未能周知請於定議前兩日將議稿傳鈔俾各詳勘至當然後可剖析暢言下部議行八年夏授湖南巡撫 御製詩賜之九年疏言永順一府及辰州府屬之永綏鳳凰乾州三

國朝先正事略 卷十三 名臣 四九

屬苗民貪暴之習未除至寶慶府之城步靖州之綏甯苗尚狡惡者尤多臣宣布 天恩嚴禁兵役擾累仍整飭武備不得懈弛苗民漸知守法 手敕報曰御苗之道首以不擾為要次則使知兵威之不敢犯此奏頗得之矣又奏同學臣甄別教職衰頹荒疏者十三員咨部罷黜

上是之以各省督撫多姑息下其奏令公閱先是給事中胡定奏湖南濱湖荒土宜勸民修築開墾部議令巡撫查奏至是公疏言湖濱淤地築墾殆遍東奔湍為細流洲渚遍加堵截常有湖水衝決之患見在沅江之萬子湖土民呈請築墾臣親往勘廣袤八十里四面受水費大難築並於上下游水利有礙臣以

湖地墾築已多當防湖患不可有意勸墾

上應其言十年授吏部右侍郎軍機大臣十三年充會試副考官擢戶部尚書十五年晉太子少保兼管三庫事十八年協辦大學士兼禮部尚書掌翰林院事十九年 命偕汪公由敦董公邦達修盤山新志盤山在蘇州向沿譌謂韓愈送李愿歸盤谷即其地而不知盤谷實在濟源

上特為考證以正謾公善寫生得文肅公遺法每進呈多蒙御題有師承家法披圖見右相丹青有後生之句二十年兼署吏部尚書二十四年拜東閣大學士兼管戶部事二十五年典會試先是公弟洲在山西布政使任內以罪誅其無著帑項公

國朝先正事略 卷十三 名臣 辛

奏懇公年代交至是 特旨寬免二十六年薨年五十有四諭稱六居心純正奉職克勤久直內廷敬慎小心從無少懈特贈太子太保入祀賢良祠 命照前大學士蔣廷錫例柩歸時凡文武官在二十里內者俱向靈前致奠方公之病也

上親往視 慰諭有加及卒復 親臨奠醊並 賞銀二千兩治喪尋 賜祭葬如典諡文恪子六人櫛由編修官至兵部侍郎賜榮由貢生捐知府歷官戶部侍郎兼管順天府尹襲輕車都尉賜榮子繼勳官至河南布政使

國朝先正事畧卷十四 名臣

平江李元度次青纂

岳襄勤公事畧 弟莊恪公鍾璜 子藩

公諱鍾琪字東美號容齋先世湯陰人宋忠武王飛二十一世孫十七世遷蘭州祖鎮邦字定寰移居臨洮其地逼近番夷數劫掠乃散財募士衛桑梓會多爾吉部入寇躬率五百人破之擒其酋由把總授守備擢都司吳三桂叛遣黨犯臨鞏獨以護糧軍五百殺賊千餘賊將李虎牙所向克捷累官紹興協副將大同鎮總兵加左都督父肅敏公昇龍字見之康熙十二年授永泰營千總時三桂反雲南陝甘將弁多通賊遊擊許忠臣

國朝先正事畧 卷十四 名臣

潛受偽劄數以言誘叛佯許之立遣人告變於靖逆將軍張勇密檄公相機擒縛夜伺其醉臥襲執之獲逆劄百餘紙遂斬忠臣十四年隨奮威將軍王進寶征蘭州叛賊賊毀浮橋扼黃河旅拒官軍以革囊濟敏肅奮勇登岸敗賊兵追至城下立雲梯先登礮傷左股卒復蘭州遷守備明年從大軍克臨洮平關隴累遷至九江副將擢登州總兵調鎮天津三十五年聖祖親征噶爾丹賜從征大臣及將校宴上親酌以賜賞御用緞疋命督中路糧運請選精騎三百為護衛從之并諭遇敵時副將以下有退怯違令者斬以徇凱旋于騎都尉世職賜花翎擢四川提督賜御書仁愛

士伍額并鞍馬弓矢疏請將平定朔漠機宜宣付史館下所司知之三十七年與川撫于養志互許養志坐欺罔擬斬敏肅罷職三十九年起原官四十二年

聖祖西巡賜御書楹聯及威信著聞匾額又書重關錫類額賜其母張太夫人四十九年瓦都瓦尾生傑跳梁遣將討平之俘賊甚眾招撫番民十萬九千二百戶有奇尋以病乞休且請人籍四川遂為成都人五十二年薨諭祭葬賜諡敏肅子四人公其仲也生而駢脅日光炯炯四射魁奇沈雄寡言笑兒時好布石作陣進退羣兒頗有法母苗太夫人疾封股以進敏肅命之射猶忍痛發矢由需次同知改授松潘鎮遊擊累遷永

國朝先正事畧 卷十四 名臣

甯協副將康熙五十八年西藏達哇藍占巴等叛上命皇十四子允禔為大將軍噶爾弼為副將軍率公征之公領兵六百為先鋒計擒藍占巴等敗番兵三千人餘部落皆納款明年四月公領兵四千先至察木多獲逃酋探知有準噶爾使者在其地誘各番酋守三巴橋逼我軍公念三巴橋者進藏第一險也賊若斷橋守之勢難飛越而其時兩將軍隔數千里無由乘令乃選能番語者三十人衣番服飛馳至落籠宗擒其使者五人殺六人諸番驚以為神兵自天而降相與匍伏降無梗道者已而副將軍來會賊中有黑喇嗎者號萬人敵公以計手擒之遂下喇哩將鼓行入藏大將軍以調蒙古兵未至檄請

1. 第 138 冊 續修四庫全書 史部 傳記類

將屯兵待毋輕動公請於副將軍曰我兵齋兩月糧自察爾多來此已四十餘日若再待大軍糧且盡聞西藏部落有公布者為其右臂最强能檄令先驅無俟蒙古兵也副將軍然之公即招撫公布未浹旬其頭目以兵二千至公請乘機疾進十日可抵西藏將軍猶豫未決欲集眾議公昌言曰事在必行何議為某願噴此一腔血仰報朝廷請以旦日行矣將軍壯其言遂進師公首先渡江抵藏大破賊巢生擒準噶爾內應喇嘛四百餘人降番兵七千餘人自四月十三日用兵至八月十九日西藏平六十年二月班師晉左都督擢四川提督賞孔雀翎奉命剿郭羅克逆番破伏賊千餘連破四十六寨明年羊尙生番

國朝先正事畧

卷十四 名臣

三

為邊患公剿平之以其地為南坪營設兵置戍予騎都尉世職雍正元年青海羅卜藏丹津寇西甯撫遠太將軍年羹堯奏授參贊大臣飛檄行調公沿途相機勦撫有播下等番為賊阻迫者滅之有哈齊插漢等番為賊擄者撫降之有果密等番盜官馬踞大石山旅拒者擊殺之自松潘至西甯五千餘里烽煙肅清青海為奪氣既見大將軍即奉檄征爾格弄寺喇嘛於華里羅會黨也華里有山甚險其下五堡環峙寂無人聲公曰是有伏也遣騎搽之堡內賊果起公三分其軍奪山殺賊賊敗走追至一山有高樓賊伏其中發矢石公命健兒二十人密攜引火木梯從兩旁進而射帥大隊仰攻戰方酣樓上煙起風大火

益烈賊巢然焦爛墜矣是役也破賊萬餘奪三嶺焚十七寨廬舍公兵止三千也還營大將軍曰已奉旨命公統馬步兵萬有七千直搗青海期以四月草生時行公曰青海賊無慮十萬以萬七千當之宜乘其不備且塞外無駐牧定所賊若散而誘我反四面受敵非計也願假精兵五千馬倍之二月初即發大將軍以公言奏

世宗壯之二年正月加奮威將軍出塞抵喀喇烏蘇斬賊千餘尾追一晝夜擒台吉阿喇卜坦溫布等二百餘人乘勝前進路見野獸奔逸公曰此前途有放卡賊也尋食疾馳果擒百餘自此探信者斷矣至哈達河賊據河立營公渡河戰斬千餘人賊

國朝先正事畧

卷十四 名臣

四

竄而西追擊之其黨貝勒彭錯等降為言羅卜藏丹津擁眾數萬駐烏蘭木呼兒相距百六十里公拔營夜行黎明至其處賊尙臥馬未銜勒聞官軍至驚不知所為則皆走生擒賊母阿爾太哈賊妹阿寶等羅卜藏丹津衣番婦衣騎白駝走噶爾順公隨兵守柴旦木要害而躬自窮追日三百里抵桑賂海紅柳蔽天目望不極乃班師當是時公以兵五千冒險深入往返未兩月降台吉三擒台吉十有五斬賊八萬有奇俘男女數萬口獲軍器駝馬甲帳無算俘獻京師世宗告廟御太和殿受賀以青海平大赦天下錫公三等公世襲罔替御製五言律詩二章以賜又賜金扇一書御製

七言詩尋 賜黃帶仍 命率師二萬征莊浪衛諸番皆青海
 餘孽也公出西甯分十一路進剿賊萃石堡城公聲東擊西夜
 遣死士攀蘿躡壁出其背擒斬五千有奇賊番悉平奏改莊浪
 為定番縣 璽書褒美 命兼甘肅提督三年兼甘肅巡撫尋
 授川陝總督加太子少傅初四川雜谷金川沃日等土司爭界
 年羹堯以舊屬金川之美同諸寨歸沃日致仇殺不已至是
 公奉 命詳勘仍以美同諸寨歸金川而別撥地歸沃日各土
 司悅服 詔獎其息事甯番 陛見將抵京 賜宴長新店
 召對 賜四團龍服甲第一區內監二人 命署河東鹽院加
 兵部尚書兼管陝西巡撫事川陝陋規病民悉罷之并奏開關

國朝先正事畧

卷十四 名臣

五

中廢渠請緩川省征期以紓民力又請延安所屬州縣丁銀槩
 從下則減舊額萬二千兩有奇又請將陝甘兩省丁銀攤入地
 畝征收以雍正五年為始著為例會四川烏蒙土知府祿萬鐘
 叛擾雲南鎮雄土知府隴慶侯助逆公與滇督鄂爾泰會剿五
 年正月擒萬鐘慶侯其烏蒙鎮雄皆改土官為流餘黨悉定再
 入覲 賜雙眼孔雀翎 御製書五百函珍幣稱是晉少保
 命甘撫莽鶴立寫公像二一畱 內府一給其家六年準噶爾
 不靖
 上命大司馬查郎阿赴關中築壇拜公為甯遠大將軍征西路
 命公子山東巡撫潘親送出塞七年五月出師抵巴爾庫爾賊

逃公築東西二城為蓄糧屯兵計八年夏
 上召公籌議軍務公奏印於提督紀成斌身自入都賊伺公行
 入劫駝馬絕蕙縮不救

上命公還軍七月準噶爾傾眾犯北路靖邊大將軍傅爾丹禦
 賊失利公督兵襲擊烏魯木齊以分賊勢遂由巴里坤越木壘
 渡阿察分三路擊賊斬賊甚眾賊敗遁得 旨獎敘十年二月
 賊犯哈密遣將擊敗之又遣將軍石雲倬等赴南山口截其歸
 路而雲倬兵遲發一日賊得竄歸公劾雲倬治罪而大學士鄂
 爾泰劾公玩忽縱賊奪少保降三等侯尋召還以副將軍張廣
 泗護大將軍印廣泗劾公調度乖方遂落職交兵部拘禁論死

國朝先正事畧

卷十四 名臣

六

高宗登極之二年放歸田里構小園於百花潭北時手一編吟
 嘯自適暇則與諸父老課農桑徜徉山水閒見者忘其為故大
 將軍也乾隆十三年金川酋長莎羅奔等叛經畧張廣泗請親
 等征之無功 詔起公四川提督總統四路官兵雖黨壩其地
 逼臨賊隘上有康八達為勒烏圍門戶其下曰跟雜公募健勇
 數千聲言攻康八達潛以銳卒趨跟雜出賊不意克礪卡四十
 有七斬殺無算遂進扼勒烏圍隘口偽為運糧狀誘賊伏火器
 待之賊果出劫糧鎗筒齊發燄其眾先是金川聞
 天子用公皆不信曰岳公死久矣至是大挫始知公果來十四
 年正月經畧大學士傅恆至軍誅姦人阿扣王秋等賊懼欲降

恐降而見誅。負固未決。而公初督川陝。時勘金川爭界事。甚公且奏給莎羅奔印信甚德之。至是公請於經畧。願輕騎入賊巢。論順逆。問帶若干人。曰多則賊疑非所以示信也。乃袍而騎。從者十三人。傳呼直入。羣苗衷甲持弓矢迎道。左公目。會長故緩其轡。掀髯笑曰。爾等猶認我否。耶皆驚曰。果岳公也。遂伏地。羅拜爭先導入帳。會長手茶湯進。公飲盡。再索。因宣布天子威德。待以不死之意。羣苗感泣。歡呼頂佛。經立誓。椎牛行炙。雷公宿帳中。大駟次日。莎羅奔等隨公坐皮船出洞。詣大軍降事聞。

高宗大悅。加太子少保。兵部尚書。復公爵。平四年入覲。賞紫

國朝先正事畧 卷十四 名臣 七

禁城騎馬。每召對。日中乃出。賜御書額曰壯猷茂績。並

御製七言詩以賜。命西洋近侍寫公像於南書房。賜公號

曰威信。免西征應賠銀七十餘萬兩。子洒。均授侍衛。十五年

西藏珠爾默特叛。賊都統傅清等公會總督策楞討平之。十七

年。雜谷土司蒼旺構逆。公與策公以兵奪維關。直搗賊巢。擒蒼

旺。誅之。羣番懃服。十九年。墊江奸民陳崑作亂。公力疾督勦。薨

於資州。年六十有九。

天子震悼。子祭葬。賜諡襄勤。給一等輕車都尉。世襲罔替。

命公弟鍾璜由廣西提督調四川代領其眾。四十四年。御製

懷舊詩。列入五功臣中。尋入祀賢良祠。當

世宗時。公督川陝。季父超龍提督湖廣。弟鍾璜提督廣西。子潛巡撫山東。兄子含奇總鎮兗州。一門列戟。而公受主知。尤篤能以功名終。性嚴毅。每登壇將弁。股栗部伍。整肅無敢譁。遇敵謀定後戰。士卒疾苦。必躬拊循。以故人爭效命。其忠誠出天性。征青海。至哈喇烏蘇。水泉斷。軍行一晝夜。未得飲食。公禱於天。甘泉隨湧。出一軍歡奮。事聞。詔遣官致祭。督川陝時。成都人訛言公將謀反。公疏聞。

世宗諭曰。數年來。在朕前。譏議岳鍾琪者甚多。不但謗書一匣而已。甚有謂鍾琪係岳飛之後。意欲修宋金之報復者。荒謬至此極。此次造言之人。必非無因。著巡撫黃炳等嚴察。尋獲奸民

國朝先正事畧 卷十四 名臣 八

盧宗誅之。妖人會靜者。靖州諸生也。遣其徒張熙上書勸公反

立擒以聞。

上遣大臣雜治。得靜與呂留良之徒嚴鴻逵往來。謀逆。并留良

日記。悖逆狀。皆伏誅。詔褒公忠。赤公尤擅知人鑑。傅爾丹與

公同為大將軍。公過其帳。見壁上刀架。森然。傅曰。此皆吾所素

習者。故懸以勵眾。公笑領之。出語人曰。為大將者。不恃謀而恃

勇。亡無日矣。已而傅果敗。嘗遊馬兵治大雄等三十六人為親

軍。後皆任封疆。邀世職。好吟詩。所著曰蘊園集。韻吟集。京師前

門外有公道第一區。按奇門法。布置居者。每更動則災患。立至

猶想見偉人規畫。云子七長藩。由任子授同知。遷口北道。擢山

三二一

東布政使。雍正六年。巡撫山東。調江西。左遷光祿卿。八年。授福建按察使。遷湖南布政使。十二年。擢廣東巡撫。署兩廣總督。調撫雲南。召還京。授鴻臚少卿。轉通政司參議。先公卒。六子。爵舉人。揀選知縣。襲輕車都尉。歷官六安。西甯等營參將。

鍾璜。字呂瑞。公叔父。超龍子也。超龍由把總累遷游擊。雍正二年。平口外鐵布等番。有功。擢河州副將。遷天津鎮總兵。擢湖廣提督。十年。薨。鍾璜少從威信。公效力。雍正八年。授藍翎侍衛。命乾清門行走。賞戴花翎。乾隆元年。擢四川參將。遷副將。八年。擢建甯鎮總兵。調江西之南贛。雲南之昭通。十六年。擢廣西提督。十九年。調任四川。承威信公後也。在川十餘年。以九土司

國朝先正事畧 卷十四 名臣 九

會攻金川事。前後與總督開泰。阿爾泰等。調兵彈壓。并宣諭德威。各酋懽服。退還碉卡。并獻所掠人口。辦理皆稱旨。三十二年。薨於位。優詔議卹。賜祭葬。如例。諡莊恪。

稽文敏公事畧 子文恭公璜

公諱曾筠。字松友。號禮齋。江蘇長洲人。本籍無錫。系出晉侍中紹之後。父永仁。以生員游福建。總督范忠貞公幕府。耿精忠叛。誘執范公。脅永仁降。不屈。亦被執。康熙十五年。與范公同遇害。特旨贈國子監助教。從祀范公祠。及京師昭忠祠。母楊氏。以苦節建坊。雍正八年。賜忠節流芳額。乾隆二年。賜人倫坊表額。公由康熙四十五年進士。選庶吉士。授編修。充日講起居注官。督山西學政。累遷中允。侍講。雍正元年。入直南書房。兼上書房行走。擢左僉都御史。署河南巡撫。三月。典河南鄉試。六月。遷兵部侍郎。會河決中牟。詔公往督築。尋奏漫口皆台龍。向例

國朝先正事畧 卷十四 名臣 十

江南河廳。每歲冬。領帑購料備用。公疏請豫省黃河南岸工料。亦照此例。庶險工不至遲悞。下部議行。又疏言沁黃交匯之姚期營秦家廠一帶。皆頂衝。請於對面橫灘。開引河一道。俾水勢順流。由西北逕達東南。再釘船幫大堤。宜鑲建雁翅培護。更於大堤上下。酌建挑水埧數座。以減頂衝之勢。詔如所請。又言兩岸堤工。在在危險。北堤起榮澤縣。訖山東曹縣界。南堤亦起榮澤縣。訖江南陽山縣界。臣與總河齊蘇勒。勘明最險應修處。共十二萬三千七百九十六丈。請動帑興工。從之。是年。授河南副總河。駐武陟。請設標下河兵。王大臣議駁。特旨命再議。乃議撥河南撫標及河營兵弁。隨工調用。尋疏言鄆州大堤石家

橋迤東一帶。大溜南趨。應於迎溜處下埽。發椿。復於埽灣處建
堤一。中牟之拉牌寨黃流逼射。應下護岸埽。加工鑲墊。建挑水
堤二。其穆家樓堤工。坐當頂處。亦應下埽加鑲。又陽武縣黃河
北岸祥符縣珠水牛趙二處堤工。近因南岸新長淤灘。大溜北
趨。成頂衝勢。應加鑲墊。以資鞏固。部議均如所請。又言小丹河。
自辛勾川至河內縣清化鎮水口。二十餘里。輝縣五閘。安陽縣
之萬金渠及恆河閘。昔人建閘開渠。引水灌田。照官三民一之
法。原以通漕利民。但日久弊生。守口之夫。違禁賣水。致運河淺
涸。請嚴飭所司稽查。三日放水濟漕。一日塞口灌田。其盜賣者
嚴治。下部議行。五年。命兼管山東黃河堤工。尋遷吏部右侍
郎。仍留副總河任。六年。擢兵部尚書。轉吏部。仍管副總河事。七
年。授東河總督。兼管運河。八年夏。命署南河總督。九年。加太
子太保。十一年。拜文華殿大學士。兼吏部尚書。仍總督江南河
道。是年十一月。
上念公父母之忠義節操。雖已贈卹。褒旌。尙未膺一品封典。
特旨予大學士。應得封典。以示優眷。十二月丁母憂。詔曰。大
學士嵇曾筠之母楊氏。撫孤守節。教子成名。前已特賜旌表。並
給一品封典。今疾終官署。可加恩賜祭一壇。賞銀千兩。治喪。河
防關係重大。嵇曾筠歷練老成。著有成效。其母壽登耄耋。榮封
極品。在人子之顯揚已極。著在任守制。予假三月。回籍治喪。其

國朝先正事畧

卷十四

名臣

十一

子嵇瑛亦賞假六月。回籍襄事。公尋薨。請終制。溫詔允之。且
曰。嵇曾筠本籍常州。距淮安不遠。明歲工程可就。近往來協理
十三年三月。命葬事畢後即赴工。管理總河印務。
高宗御極。特命總理浙江海塘工程。乾隆元年。兼浙江巡撫。
命照李衛之例。改爲浙江鹽政。十月。陛見。加太子太傅。二年
秋。詔以海塘工程就緒。召入閣。公以痰疾。奏請便道回籍
調理。賜人蔭一斤。復。賜詩有句云。此日黃扉資贊化。昔年
絳帳憶談經。又云。料想微疴應早復。丹誠平格享遐齡。十二月
薨於里第。遺疏入。
上深傷悼。贈少保。加祭一壇。諡文敏。賜祭葬如例。公在官。視
國事如家事。肯風雨寒暑。走河干不遑。食息其在東河也。疏言
祥符縣南岸回回寨對面。淤灘直出河心。致河勢南趨。幾逼省
城。關係甚重。應由北岸舊河身濬引河一道。引溜直行。俾成東
西之勢。並於南岸建挑水堤。逼流入引河。又請於汲縣湯陰內
黃等處。築草壩二十有六。直隸大名縣張兒庄。亦建草壩一首。
尾接應。以濟漕運。又條奏河工六事。一現存柳園宜勘明立界。
飭河員廣種一印官河官。均請令河臣撫臣會同保題。陞調一
豫工向撥江南河兵千名。不敷驅策。請仍照千名之數。於堡夫
內拔補足額。一豫省大堤。每二里設堡房一。令堡夫居之。修墊
水溝。巡查鼠穴。今臨河月堤。請一律照辦。一祥符縣堤長八十

國朝先正事畧

卷十四

名臣

十二

里止一管河縣丞請增主簿一開封下北河地方請增巡檢二
 一自武陟至虞城請照江南汛船例每汛造船五艘運料又言
 蘭陽縣管梁耿蔡四水口一帶堤工河勢衝隘請下埽加鑲并
 築月堤作重障又言祥符南岸程家寨等處應增築月堤其陳
 留縣七八九等堡大堤洪水直射堤根宜培築又言儀封北岸
 水勢衝急雷家寺灘崖刷成支河請將舊堤加厚按築土壩跨
 斷支河勿令掣溜侵堤其青龍岡一帶請乘勢開引河一道導
 水東行則大河之水自暢又言運河五廳額設長夫多寡不同
 請酌定以歸一律又奏開黃河北岸荆隆口引河計三千三百
 五十丈有奇其在南河也疏言高堰山盱石工最要請發帑增

國朝先正事畧 卷十四 名臣 十三

修為久遠計又言沐水源長性猛請於現在竹絡壩外建石工
 六百餘丈其沐河口則大加挑濬順其入海之路又言揚州府
 屬芒稻河工向係商人捐築多草率請歸官轄並設開官司啟
 閉又言河設堡夫挑積土牛原資修補堤工之用請飭所司逐
 堡核查按月挑積其河兵於霜降後亦如法挑積各列入交代
 冊以專責成又葦蕩營所產薪芻請立限償運交工濟用又奏
 增築海口月堤及閘座又奏修清江之龍在閘並濬鳳陽廠引
 河利漕運其在浙江也疏言江海形勢南坍則北漲今東南兩
 塘根俱漲有護沙應建魚鱗石塘以期一勞永逸其海甯迤西
 翁家埠一帶柴草工程亦加鑲高厚又請於嚴州所屬之漕河

兩岸築石壩八十五丈以衛田廬又言樂清縣海堤缺坍宜修
 築又請撥省城義倉穀運溫台等屬平糶又條陳鹽政四事前
 後疏上皆議行蓋公治水累用引河殺險之法惟
 上知公深所請無不立俞故動能底積公薨後二年詔入祀
 浙省賢良祠又 詔曰前任河臣靳輔齊蘇勒俱建有專祠稽
 會筠勞績可與媲美其一體祠祀以獎賢勞所著有防河奏議
 師善堂集第三子璜亦由河督大拜繼公武
 璜字尚佐一字輔庭晚自號拙修生而嚴重寡言笑九歲讀禹
 貢恍然曰禹之治水皆自下而上蓋下流宜通則水自順流而
 下長老咸驚異之曰此子他日必為名臣能宣汾洙而障大澤

國朝先正事畧 卷十四 名臣 十四

者也雍正七年奉 特旨大臣子弟一體會試璜年裁二十以
 國子生登進士入翰林給假歸娶尋授編修南書房行走遷諭
 德乾隆元年文敏公由兩浙 內召入閣以病乞解任璜請假
 省親倍道奔馳為馬傷血染裙袴到署未浹月文敏薨當是時
 文敏公年高病久一切公私事叢雜如麻中外頗有譏語非公
 到不能料簡帖然也六年服闋入都奏請停各省采買極言其
 病國病民病官諸弊又奏河東總督宜專其職守遇公事不必
 與兩省巡撫會奏庶免掣肘推諉之弊皆從之七年遷學士累
 擢副都御史工戶兩部侍郎充經筵講官十八年扈 駕木蘭
 甫進哨而江南黃水為災高堰圯奉 命勘驗督修二十二年

授江南副總河。疏言淮揚運河自邵伯以北者皆歸海，邵伯以南者皆歸江，多一分入江之路，即少一分歸海之水。歸海路近，歸江路遠，宜開引河改曲為直，令趨海為便。又奏湖河源流分合，設壩放淤諸務，尤詳核。手敕報曰：所奏甚合機宜。經理下河一帶，爾功不小也。三十三年，遷工部尚書，調禮部，仍直南書房。二十四年，以母疾陳情乞養，許之。先授總河時，太夫人年已八十有三，早有此請。

上諭曰：爾父久任河工，爾趨庭時見聞甚悉，長淮一衣帶水，儘可迎養，不必在家侍奉也。璜不得已赴任，至是始得請。孝養五載而太夫人薨。三十一年服闋，授禮部尚書，旋授河東總督兼

國朝先正事略 卷十四 名臣 五

兵部尚書。蒞任後，裁場夫，裁堤柳，除墊崖，貼坡諸弊。偶巡河至高邱五堡，命幫裏數十丈眾，不喻其意，俄而節過白，露河官皆慶安瀾。酌神張飲，公尙欲詣工，親勸眾以公積勞，必血勸弗往。公不可行，至半途飛騎報大堤堦塌八丈，幸有新鑲裏，藉資保衛。眾始嘆服公之深識遠慮也。然亦有神助，出意外者。公每巡河，輒先屬吏冒風雨，或手持畚鍤以行。一日宿廟中，聞虞城工險，馳往。其時天甫曉，雨雹交下，趨視所下埽，岌欲崩，從者皆失色，或遮勸勿行。公立堤上，厲聲叱曰：埽去則我與俱去，兩覆應聲息。堤卒無恙。又因防險宿河堤行館，夜間旬磔聲撼臥榻，皆動起視，無他。黎明報對岸河塌數十丈，公所宿堤下忽漲。

起沙灘如所塌數人，以為神。又勘驗曹縣三堡河河溜漸逼，議下埽而未定某所。公夜夢金甲神持劍指溜處曰：吾張桓侯也。速下埽。吾與趙順平助汝驚起，周視形勢如所指下之，竟得安瀾。乃奏建桓侯廟及順平侯廟於堤岸，列祀典。論者謂：聖朝百靈效顯，而非公之精誠不能感格也。四十四年，以吏部尚書兼掌院學士，充日講起居注官。明年，拜文淵閣大學士，敘習庶吉士。賜居海淀，又明年加太子太保，上書房總師傅。公歷

兩朝，垂七十年。兩為山陝正主考，一為乙未會試總裁。其他殿試讀卷，朝考閱卷，及總裁三通四庫國史實錄諸館者，不可勝數。

國朝先正事略 卷十四 名臣 六

上亦眷公逾常格。五十年，舉行千叟宴，命為漢大臣領班。五十五年，庚戌會試，重赴瓊林，賜詩珍寵。公又與上同庚，八十生辰，本在六月，謂臣不敢先。君擬改期於萬壽後。上嘉其知禮，代定八月十九日，遣侍衛明安為之稱觴。賜御詩及上方珍玩金幣無算。公慮盛滿難居，累疏乞歸。至再三上念老成凋謝，不忍其歸，又憐其年力就衰，詔嵇璜、高年入直，遇風雪不妨遲至，即不入直亦可先。賜紫禁城騎馬，再賜肩輿入殿，公感泣且嘆曰：君父體恤老臣，至於如此，死有

餘榮矣。自後不敢復作乞骸請然素性恭謹非體有不適與大風雪仍徒步入朝如故也五十九年七月薨於位

天子駕幸熱河聞信震悼贈太子太師 賜諡文恭 命皇太子奠酒遣官護喪歸里海內榮之公待小人不惡而嚴與和珅同在政府一日以楮素乞書公尋召翰林數人者飲於堂童子請曰墨具矣公叱之曰屬有客安能作書客曰吾儕正樂觀公之用筆以為法也遂對客書之甫及半童子覆其墨公起訴讓之客為請乃已翼日謝和珅曰徒敗公佳紙蓋公本不願作書預誠童子覆墨而翰林數人者皆和珅門下士故使親見之言於和以為信也其不憚委曲以全所守如此

國朝先正事畧

卷十四

名臣

十七

方望溪侍郎事畧 凡舟

望溪先生姓方氏諱苞字靈皋江南桐城人寄籍上元曾祖象乾廣西副使明末居江甯父仲舒字逸巢以遺逸名與黃岡杜濬杜芥同里錢澄之族祖文相唱和公生四歲父口授諸經嘗早起以雞聲隔霧命對即應曰龍氣成雲偶竊效為詩父恐耗有用之心力止之遂絕意不復作家貧甚日嘗不再食兄舟為講諸經注疏相與博究羣書更相勸以孝弟弟林早夭公以弟服未終過時不娶父母趣之時弟喪已七閱月矣公入室而異寢者旬餘族姻大駭乃勉成婚猶終身病之遊太學李文貞公見公文嘆曰韓歐復出北宋後無此作矣時公卿爭相汲引公

國朝先正事畧

卷十四

名臣

十八

非先焉不往萬徵士斯同語公曰子於古文信有得矣然願子勿溺也唐宋諸家惟韓愈氏於道粗有明其餘資學者以愛玩而已於世非果有益也公較古文之學壹意窮經自此始凡先儒解經之書公一一詳究乃知窮理之精未有如宋五子者也遂深嗜而力探焉美西漢宸英王崑繩源嘗與公論行身祈禱公曰學行繼程朱之後文章在韓歐之間其庶幾乎康熙三十八年己卯領鄉試解額辛巳百川卒執喪過禮期猶不復寢父曰親親有殺與父在為母無別矣丙戌成進士未廷試聞母疾遽歸李文貞馳使留之不得夫人蔡氏卒熊尚書一蕭欲妻以女其子本公同年生也公語本曰某家法亡妻偕娣姒日夙興

精五飯酒漿。奉厄匱二親左右。貴家女能之乎。本昨舌而止。丁亥。丁父憂。公以母老疾。酌禮經築室。宅西偏。奉母三年。不入中門。辛卯冬。南山集禍作。初宗人方孝標。故翰林。失職游滇中。陷賊而歸。怨望著。滇游紀聞。語多悖逆。同邑編修戴名世。著南山集。多采其言。姓而不名人。遂以為公也。集序復列公名。會都御史趙公申喬疏劾南山集子遺錄。有大逆語。部擬名世極刑。公牽連被逮。下刑部獄。及訊。知語出孝標。吏議以孝標已死。乃取其五服宗人。將行房誅之刑。長繫公以待命。公在獄。著禮記析疑。及喪禮或問。金壇王編修樹閉入獄。視公至。則解衣般礴。詔經詠史。旁若無人。同繫者或諷曰。君縱忘此地為園土。身負死國朝先正事略卷十四名臣十九

上命與諸皇子遊。自誠親王以下。皆呼之曰先生。時誠親王為監修官。性嚴。承事者多被譏呵。公遇事持正。王敬之。延為王子師。公南面坐。移王子坐東。嚮始就講。當是時。李文貞在閣。徐文定為總憲。皆夙重公。與聞機務。公時以所見盡言相告。多見諸施行。王寅充武英殿總裁。癸卯。世宗以覃恩。首免公旗籍。詔曰。朕以方苞故。宥其全宗。苞功德不細矣。時朱文端來定支謂公曰。子乃鄭公孫。僑趙樂毅之流也。公示以周官餘論十篇之三。文端持至上。書房手錄之。嘆為當世異人。又以周官析疑春秋綱領二書。示蔡文勤曰。周情孔思。不圖二千年後。乃有如國朝先正事略卷十四名臣二十

聖祖矜疑。李文貞亦力救之。遂蒙恩宥。癸巳出獄。隸漢軍。聖祖誅論武英殿總管曰。戴名世案內。方苞學問天下莫不聞。可召入南書房。遂命撰湖南洞苗歸化碑文。越日。命作黃鐘為萬事根本論及賦一。每奏御。聖祖輒嘉賞曰。此即翰林中老輩兼旬就之不能過也。命以白衣入直南書房。尋移蒙養齋。編校樂律歷算書。公與徐文定公承修樂律。

親受其傳。指者也。甲辰以葬母假歸。乙巳還朝。召見。弱足不行。命二內侍扶掖至養心殿。顧視嗟嘆久之。有先帝持法朕原情汝老學當知此義之諭。賜芽茶二器。命仍充武英殿總裁。庚戌。詔大臣各舉學行之士。當事問公。公舉南昌龔纒。欵余華瑞。嘉善柯煜。清安方榮。如應之。秋疾作。命諸子曰。昔弟林疾革。時余因異疾醫者令出。避野寺。致不獲視。舍歿。死當袒右臂入棺。以自罰。辛卯。授左中允。遷侍講。習侍講學士。時孫文定嘉淦。方以刑部侍郎尹順天。兼祭酒。挺勁不為果親王所容。有客自朱邸來。投公急奏。令劾之。即以公代。公拒不可。其人仇以禍。公誓死。辭不數日。有劾孫公婪贓者。遂下獄。

公謂鄂文端曰。孫侍郎以非罪死。公復何顏坐中書。於是孫公卒。得免。王亦不以是有加於公也。癸丑。擢內閣學士。以足疾辭。詔許免。趨直。仍專司書局。有大議。即家上之。尋教習庶吉士。充一統志總裁。命校訂春秋日講。乙卯九月。

高宗嗣位有意大用公時。

天子大孝。方欲追踐古禮。行三年之喪。詔羣臣詳稽典禮。王

大臣令禮部魏尚書廷珍借公議。魏公石交也。公因欲復古

人以次變除之制。內外臣工各分等差。為除服之期。魏公上其

議。大臣有不便者。遂格不行。魏公亦以此不安其位。公時領武

英殿書局。請於親王。就直廡持服。未再期。不敢出所教習庶吉

國朝先正事畧 卷十四 名臣

王

士二十七日。內齋宿館舍。無敢飲酒食肉者。他部院未嘗有也。

公念受。

三朝恩厚。起罪廢。游列卿。貳當以國士報。乃疏陳田文鏡所定

地丁四月完半之害。請復舊制。又言歲饑。當令有司得擅發倉

粟平糶。勿拘存七糶。三常制。又言河以南祥符等五十州縣。共

徵米十三萬六千七百石。有奇。康熙初。改令折銀。自田文鏡改

徵本色。既遠。水次兼迫。漕期遲價且十倍。民困不支。請仍舊折

徵於衛輝。水次官為採買。三疏俱下部議。行丙辰。命再入南書

房。疏請凡遇水旱災。五六月。即以實報。七月中旬。即核定災傷

分數。并乏食人數。上聞災大者。許動帑金修城浚隍。整葺倉廩。

官署相度支河橋梁塘堰圩堤溝渠垣堡。使任浚築。惟老弱不

能任土功者。乃計口授粟。則為數無多。易周而可久。尋命選

四書文。頒示天下。充三禮義疏副總裁。又疏陳食貨豐耗之原

請禁燒酒。禁種煙草。飭佐貳官督民樹畜。禁粟米出外洋。令紳

士相度浚築水道。丁巳。遷禮部右侍郎。仍以足疾辭。詔免隨

班趨。走許數日。一赴部平決大事。公雖不常入部。而時奉獨對

一切大除授大政事。往往諮公。多所密陳。在廷頗側目。公矣。公

復疏請矯除積習。興起人材。求

皇上勤心以察之。依類以求之。按實積久以磨。聽之信賞必罰

以勸懲之。其語尤關於主德。隆替及君子小人進退消長之所

國朝先正事畧 卷十四 名臣

王

以。然是年秋。命教習庶吉士。公嘗欲仿朱子學校貢舉議。分

詩書易春秋三禮為三科。而以通鑑通考大學衍義附之。詩書

易附以大學衍義。春秋附以通鑑綱目三禮附以文獻通考。各

以疑義試士。朱文端及楊文定深然之。卒以違眾難行而止。至

是仍欲發其端。乃請定庶吉士館課及散館則例。畧言本科館

選三十有六人。江浙江西湖廣。數已三十餘。僅六人耳。豈志識

才行之不若哉。以聲律詞章多未習也。請日後籍隸江浙江西

湖廣福建者。仍課以詩賦。餘專治本經義疏。及通鑑綱目所載

政事之體要。散館時試以所專課各二篇。其兼通者亦許自著

所長。而不相強。庶東南之士益留心於經濟之實用。而河北五

路及遐方之士亦不至困於聲律之未諳使天下知政事文學皆人臣所以自效而政事所關尤重疏下諸臣議格不行又疏言會議時九卿中有異議者宜並列上候 聖裁其詹事科道宜與九卿會議各抒己見得專達又請以湯公斌從祀孔廟熊公賜履郭公琇入祀賢良祠又請定孔氏家廟祀典補祀先聖前母施氏皆格於廷議初公在蒙養齋與河督高君共事既而高違眾議開毛城埔舉朝爭之不能得臺省二臣竟以是下獄公言於徐文定文定上言不當以言罪諫官

上即日釋之公復具疏力陳河督之愆河督入對上以疏示之大憾思傾公禮部薦一贊郎入曹履親王董部事

國朝先正事畧 卷十四 名臣

已許之矣公以故事禮部必用甲乙科不肯平署王亦怒會新拜泰安爲輔臣 召魏尙書廷珍爲總憲忌者爭相告曰是皆方侍郎所爲也以後有疏下九卿議輒合口梗之於是河督言公有門生在河上嘗以書託之

上稍不直公而部中又有挺身爲公難者公自知孤立以老病請解侍郎任許之仍以原銜食俸教習庶吉士己未充經史館總裁眾以

上意未置公也屬庶常散館公請補後到者試忌者劾之謂公有所私遂落職 命仍在三禮館修書而編修吳紱者公所卵翼以入書局也至是盡竄改公之所述力加排詆聞者駭之然

上終思公屢顧左右大臣言方苞惟天性過執自是而非人其設心固無他也吏部推祭酒 疏成

上沈吟曰是官應使方苞爲之方稱職旁無應者辛酉周官義

上留覽兼旬 命發刻一無所更壬戌年七十有五以衰病求解書局 賜侍講銜歸里杜門謝客江督尹文端三進門求見以疾辭又以先世未遷葬不違家居寄食僧舍中葬乃返始建宗祠定祭禮作祠規祠禁設祭田以其餘周子姓貧艱及嫁娶喪葬之不能舉者明年就醫浙東作雁蕩天姥之遊安徽布政使李公學裕未受篆屏騎從造門學使尹公會一徒步操几杖

國朝先正事畧 卷十四 名臣

造門皆執弟子禮公畏人疑詭乃掃墓繁昌避之己己秋儀禮析疑成公以此經苦難讀註疏多膚淺七十以後每晨起必端坐誦經文積日夜思之凡十易稿乃就八月十八日卒壽八十有二時乾隆十四年也疾革數舉右手示子孫申祖臂之命從之公貌怯瘦身長面微有豆斑目光照人如電生平言動必準禮法事親至孝父嘗曰吾體未痛二子已覺之吾心未動二子已知之赴詔獄時母老疾多悻乃詭言奉召入都不得頃刻爾逾年事解迎養京邸母夫人尙不知也所著喪禮或問足撥人心昏蔽士友感而服行者多終身遇父母兄弟忌日必廢食得任子恩授兄子道永誠子姪每遭期功喪必準古禮宿外寢居

家客至必令子弟奉茶侍左右或宴會則行酒獻肴示長幼之節母夫人尤嚴正嘗遺疾

天子賜醫醫曰法當視面按脈乃復命母曰我雖老婦人也可使醫者面乎公曰君命也母閉目命奪幃顏變者久之既而

聖恩良厚繼自今勿使吾疾更上聞矣公於辭受取與無所苟金陵王生以金贖介某姻求來學公即以金贈某姻亡何王

生卒因自出金如其數賻之不使某姻知也有富人乞題喪主饋重金嚴拒之其自視常若下於恆人視隸罔減獲愛親敬長

一事一言之善輒反躬自責愧不能行有以過規則誠心德之

國朝先正事畧 卷十四 名臣 三

與朋友責善亦甚嚴嘗面折人過多人所難受自為諸生即名動京師雖在難時王公皆嚴憚之遇宦達者必以吏疵民瘼政教得失相責難而時引古賢大節相砥未嘗一及於私李文貞以直撫入相公問自入國朝以科目躋茲位者凡幾文貞屈指得五十餘人公曰甫六十年而已得五十餘人其不足重明矣願公更求其可重者時魏公廷珍在坐退而曰斯人吾未前見無怪人多不樂聞其言也座師高廷尉初度公方為諸生壽以文引老泉上富鄭公書以循致高位而碌碌無所成為權觀者大駭廷尉曰吾正欲諸公聞天下之正議也後進有請業者公必問所治何經所得何說所學誰氏之文蓋有負盛名而舌

橋汗下不能對一詞者公輒慨然不樂公論學一以宋儒為宗其說經皆推行程朱之學所尤致力者春秋三禮也論文嚴於義法非闢道翼教有關人倫風化不苟作凡所涉筆皆有六籍之精華寓焉讀其文知其篤於倫理有中心慘怛之誠蓋皆其宅心之實與人之忠隨所觸而流焉者也素不喜班史及柳文

條舉所短而詆之人或以為過而公守其說彌篤嘗謂自南宋以來古文義法不講久矣吳越閒遺老尤放恣無一雅潔者古文不可入語錄中語魏晉六朝人藻麗俳語漢賦中板重字法

詩歌中雋語南北史佻巧語世以為知言所著有周官辨周官集註周官析疑春秋通論春秋直解禮記析疑喪禮或問儀禮

國朝先正事畧 卷十四 名臣 三

析疑春秋比事目錄左傳義法舉要剛定管子荀子史記注補正離騷正義剛定通志堂宋元經解及望溪文集行於世

見舟字百川年六七歲讀左傳太史公書遇兵事輒集錄置於衣中議其所由勝敗暇則之大澤與羣兒布勒左右為陣法時

三藩逆亂比邑旱蝗憂之或廢寢食與弟望溪攻時文寄籍上元為諸生遂以文名天下北平王源邑子宋潛虛宿松朱書自

負經世畧時就先生辨論先生嘿無言退謂望溪曰諸君子口談最賢非以憂天下也性孤特而內行篤修服勤盡瘁父逸巢

嘗語人曰視於無形聽於無聲此子庶近之嘗東遊登萊觀滄海北過燕市韓文懿公見其制舉文歎曰此於三百年作者外

自成一家者也。為序而行之。遺疾歸。自知不起。卒之夕。強言笑。戒望溪奉二親就寢。曰。命盡矣。恐記吾音容。增悲恫也。妻子環哭。喻使退。曰。君子以齊終。吾獨宜死。弟手且曰。吾兄弟當共葬。一邱。不得以妻附。先數日。悉焚所論著。僅廣師說一篇。存文懿所。文懿曰。雖退之莫能尚也。望溪治古文。詰諸經。皆先生發其端。卒年三十有七。祀鄉賢。

國朝先正事畧

卷一四 名臣

三

余田生府丞事畧

余公名甸。字田生。福建福清人。自為諸生。即以名義為己任。好而折人。於善類操之尤切。川此修飭之君子。亦不樂與居。其趨勢利者。輒聞聲相惡。康熙丙戌成進士。巡撫張清恪公開黻峯書院。延公主之。每事咨焉。郡守周某將登白簡。以丁艱免。疑公排己。後公知江津縣。周適為郡守。欲下石焉。公不為動。攜一僕之任。每早起坐堂。皇民有投牒者。據情事。輕重即命之。檄召所訴人。不以屬吏片言立決。遣訟為之。簡惟日據案與諸生誦說。文藝所徵賦。即貯庫中。纖毫不入私室。守廉其實。亦加敬焉。時青海用兵。年羹堯巡撫四川。加正賦通私茶。猶不足以餉戰士。

國朝先正事畧

卷一四 名臣

三

多額外急征。檄再三。至公不應。乃遣內丁持印文告諭。自朝至日晡。公不出。使者諱公立坐堂。皇命反接。眾相視不敢動。公馮怒。乃共推曳伏之地。投六籤丞簿。皆曲。跪為請。須臾。士民集堂下者數千人。老者數十升堂。以身蔽使者。告哀曰。公何難棄一官。但我民自今無恃怙矣。望哀赤子。無依寬使者。法久之。乃命釋縛。羈候越日。使者介眾索原文。公曰。還報大人。我無子。閉門待劾。原文已開道付二三執友矣。遠近驚。賊旬月聲震京師。羹堯曰。此民所戴也。斥之傷眾心。不去百城。玩令會行。取遂以公應入為吏部主事。每事必親不假手胥吏。出入封緘其室。自佩鐻。鑰時家宰張公鵬翮。久為督撫。入掌諸部。號稱剛直。少宰湯

公右會聰明辨察吏不能欺不惟官中無能異同九卿廷議多
取決焉及公至屢與齟齬固植不移每會議直前爭辨盈廷愕
然終不能屈也主選二年權要富人子求速化者多為所格長
官喜得公以有辭而亦陰患其慧閉緹其議公怒求退甚力吏
胥大喜私語求進者曰少需之此君將去必可得也公聞之條
列文書達部及已駁議而未奏者十餘事曰凡此皆作姦巧法
易為所蒙必上聞吾乃去長官許諾乃探懷中出告歸牒旋丁
父艱既免喪猶廬墓側不歸集古今法書作隸篆行草徧考諸
史與知故盤旋若將終焉陳公滄洲嘗嘆並世無豪傑及趨死
不顧利害之人方望溪以公告曰斯人其次矣其杭直大類吾

國朝先正事畧 卷十四 名臣

三

子及滄洲督河首薦公為兗甯道清介勤事一如江津士民聞
公至訟獄者爭赴焉幾奪廉使之枋久之廉使及巡撫有稅政
亦赴愬於君君刺得其情反覆申列必得當乃止滄洲卒齊蘇
勒繼之以工事劾公士民相隨聽勘者數千人齊公巡工至君
所部父老結綵手炷香稽首於舫前請登岸受萬民瞻拜擁肩
輿至廣原升高座聚者萬餘人四面環拜投香於地高丈許齊
呼還我余公吾民當萬世尸祝河督大驚感諭之眾皆涕泣曰
吾民愚非得實據不敢退河督許拜疏出矢言眾乃散
世宗聞之立召公入見退語執政曰朕又得一直臣矣擢山
東按察使攜二僕買驢之官人競傳曰此三閭大夫也公以地

近聖人居宜崇禮教輕刑罰逾年入為順天府丞公歷官皆盡
革陋規陳臬時憐囚徒不能自衣食酌取商人歲饋三之一以
資給之兼完囹圄修學宮書院聚教羣士委有司公用注籍為
忌者所中解官出質讞成回籍追補公歸築葭湄草堂著書其
中有觀風整俗使某摘其集唐詩為怨望賴
上矜全獄白而公卒年七十有二公剛方清簡精於吏治仕宦
三十年屢起屢躓直聲震天下其文章書法亦冠一時歿後所
歷官地父老聞君訃皆羣聚哭奠焉

國朝先正事畧 卷十四 名臣

三

此處為空白欄位

李穆堂侍郎事畧 孫友棠

臨川李公。生有異稟。少時讀書。日可二十本。過目不忘。以康熙四十八年進士入翰林。自編修超五階為庶子。遷侍講學士。典雲南浙江鄉試。兩典武會試。擢內閣學士。兼副都御史。充辛丑會試副考官。榜發。下第舉子。擁邸舍喧鬧。為臺臣所劾。免官。發永定河効力。

世宗皇帝在潛邸。雅知公。雍正元年。召復職。署吏部侍郎。充經筵講官。屢奉獨對。豫大議。時有密勿。重臣禮絕。百寮親王亦折節致敬。而公平揖之。重臣言公性剛。復難共事。尋以兵部侍郎。即截漕天津。稱旨。明年夏。授廣西巡撫。疏陳練兵事宜。一先

國朝先正事畧

卷十四 各臣

三

定操地。次定操期。嚴賞罰。一廣西多山谷。背山而戰。宜用一字陣。山曲用三才陣。夾溪用雙龍陣。八面受敵。用入門陣。四圍合攻。用圓陣。亦曰風雷掃地陣。羊腸鳥道。用連環陣。均演習如式。一馬步兵各佩腰刀。然馬上步下。宜知用法。一土苗所用鳥銃。可及百五十步。惟礮足以制之。五子礮。施放尤便利。宜增製。得旨嘉勉。先是康熙五十三年。巡撫陳公元龍。奏請開捐。共捐穀百十七萬八千餘石。納捐時。每石折銀一兩一錢。發州縣買貯。止給價三錢。不敷購買。率以價銀遞相交代。公抵任。嚴催。尙欠四萬餘石。疏請寬限一月補足。免各州縣罪。上以此項係陳元龍經手。命往廣西清理。嚴諭公毋許賒

徇。公請將筭捐之布政使。今任閩撫黃國材等質問。詔許諸

臣將分肥實情供奏。免其科罪。並令國材赴質。嗣審明。督撫司道府廳。共分銀八十二萬四千餘兩。勒限分償。有差。諭嘉公公正而重臣。心忌之作。四巡撫論。皆痛詆。以為亂政之魁。四巡撫者。滇撫楊文定。名時。東撫陳文勤。世倌。川撫蔡尙書。珽。其一則公也。公署吏部時。因議敘年羹堯子。富等。捐造營房。事不肯從。優為羹堯所嫉。及奉命天津截漕。估變米價。盈餘銀五千兩。交守道桑成鼎貯庫。公赴廣西。成鼎解原銀至。公因具疏。送直隸巡撫李維鈞。會奏。維鈞匿不以聞。會羹堯入覲。遂奏公巧取。此項三年二月。公據實陳明。

國朝先正事畧

卷十四 各臣

三

上洞悉。羹堯維鈞等。誣捏傾陷狀。諭曰。伊等蓄意如此。爾若根基不牢。則已墮其術中矣。前項既經解粵。西朕又了然明白。可即畱充公用。尋以讞獄失出。經部駁。公仍前議具題。部臣改重。詔廷臣會議。僉議應如公指。是年奏改賓州鬱林州均為直隸州。賓轄上林來賓遷江武宣四縣。鬱林轄北流博白陸川興業四縣。下部議行。又奏言。猺獠頑梗。劫案疊疊。其修仁之十排。臣已捕獲渠魁。天河之三疔。發兵守隘。斷其收穫。投到者許免死。為首八人。見俱投案。諭獎其辦理得宜。擢直隸總督。初蔡尙書珽薦已革知縣黃振國。起知河南信陽州。巡撫田文鏡劾振國貪劣不法。公由廣西入京。陛見。奏振國無罪。文鏡所

劾之汪誠劄言論均冤抑文鏡以公與振國為同年生密劾公袒護公疏辨有旨訓飭當是時

世宗方痛懲廟堂朋黨之習會蔡尙書得罪公會面奏蔡珽為人麤莽則有之若貪婪不法事臣可保其必無忌公者因譖之目為死黨而御史謝濟世疏劾文鏡亦及振國等

上以濟世所言振國言論誠等事與從前李紱所奏一一脗合明係結黨傾陷宜嚴懲乃發濟世軍前效力召公為工部右侍郎忌者遂交章劾公矣五年署廣西巡撫韓良輔奏天河縣囚莫東旺係公批飭責追之犯遷延未發落致尚蠻糾眾劫去詔公隻身往捕不許攜粵中一吏卒人皆危之及公至罪苗束

國朝先正事畧 卷十四 名臣

三

身自歸曰吾不可負李公也土司羅文剛嘗因設立塘汛事糾眾抗官至是為州判程旦所籲控嚴旨責公撫粵時彌縫掩飾甘汝來時為臬司亦因循不能整頓命公與甘公赴廣西擒緝文剛會雲貴總督鄂爾泰公奏廣西泗城土司不法請飭巡撫提督懲治

上命韓良輔往雲南與鄂公面議並命公同往公旋與鄂公面籌黔粵分界及泗城改流等事文剛尋緝獲而直隸總督官兆熊等疏劾知府會逢聖知縣王游虧空錢糧又劾知縣李先枝私派累民

上以逢聖游皆公所保薦先枝曾經公題陞知州必有私受請

託之處諭責公營私欺罔遂奪職命來京質問議政大臣等會議公罪凡二十一款私受李先知請託妄為保題罪一與

蔡珽固結黨援罪二袒護黃振國劄言論汪誠密奏被參冤抑罪三莫東旺一案不早結致劫獄罪四將不應送部引見之天津道葉前達旨送部罪五奉旨建造天津營房任意遲延罪六將不應離任之通永道高鏞等題請離任另補罪七妄薦

廣西庸劣知縣柏宏智罪八所解慶豐司羊毛等項混行咨覆罪九奏帶之都司岳咨縱兵通礦賊奉旨詢問並不認罪罪十土目王尙義等爭寨各案不早訊結罪十一明知王游虧空不查參反密奏為直隸第一賢員勒後任任出結交代罪十二擅

國朝先正事畧 卷十四 名臣

三

增直隸兵米價罪十三順義靜海等四十五州縣虧空擅批豁抵罪十四妄奏會逢聖操守尙優罪十五收守道桑成鼎銀五千巡撫李維鈞銀千二百兩罪十六被參知縣姜仁修發審並不嚴究罪十七上年見田文鏡報豫省糧艘正月出境妄奏偶

遇大水僥倖出境今年出境更早又稱誤聽人言罪十八與布政使張迺面奉諭旨回奏時俱舛錯罪十九故出死囚楊四罪妄引減等罪二十不早除羅文剛反劾州判程旦浮躁罪二十一律應斬決妻子財產入官時內外諸臣方以全力羅織公必欲置之死而

世宗知公深特惡其崛強欲痛有所摧折仍湔洗而復用之兩

次。洪。因。命。縛。公。與。蔡。尚。書。同。至。西。市。兩。手。反。接。刀。置。頸。問。此。時。知。口。文。鏡。好。否。公。對。曰。臣。愚。雖。死。不。知。田。文。鏡。好。處。乃。宣。旨。赦。還。仍。置。請。室。爰。書。上。奉。特。旨。李。紱。學。問。尚。好。著。免。死。在。八。旗。志。書。館。效。力。行。走。免。妻。子。財。產。入。官。七。年。冬。謝。濟。世。在。阿。爾。泰。軍。前。供。出。昔。年。參。田。文。鏡。由。李。紱。蔡。璵。授。意。

世宗大集廷臣。命公隨入跪階下。親詰責之。天顏甚厲。聲震殿角。近臣皆股栗。公奏對如常。無乞憐語。尋廷臣遵旨。訊公請交刑部治罪。得旨。寬免。十三年八月。

高宗御極。召見曰。先帝固欲用爾也。即授戶部侍郎。管理三庫事。乾隆元年。奏請國朝先正事畧。卷十四。名臣。畫。

增派翰詹科道磨勘試卷。從之。公揚休山立鬚眉偉然於古今。事宜朝常國故。口滔滔如決堤。千人皆廢。又絕少溫顏。曼辭舉朝皆畏憚之。然愛才如命。以識一賢。拔一士為生。平大欲之所存。形迹嫌疑。坦然不計。辛丑會試。用唐人通榜法。名宿編羅殆盡。至以此奪職。公終不以為非會。詔舉鴻博。公已薦六人矣。束於例。乃取夾袋中姓名。廣託九卿。有吳江王藻者。尚無舉主。浥門下士孫副憲國璽薦之。孫有難色。公大怒。責其蔽賢。孫跪謝。允薦。乃已。語聞。坐妄舉。鐫二級。補詹事。明年奉命祭禹陵。母憂歸。六年。補光祿卿。典試江南。遷內閣學士。得離眚之疾。請告歸。陞辭。

國朝先正事畧 卷一四

上問有所欲陳否。公以慎終如始對。賜詩寵行。有尤喜臨鮮。闕嘉謀。實啓予之句。家居十年。卒年七十有八。公愛國如家。勇於任事。不以撓越為嫌。生平學道宗旨。在先立乎其大者。陸子之教也。嘗因奏對。謂朱子道問學之功。居多。陸氏尊德性之見為卓。

上趨其言。有中州巨公。自附程朱語。公曰。陸氏之學。誠高明。然返之吾心。多未安。公曰。君督倉場時。邀寵進羨。餘不知於心安否。其人失色。去。公在九列時。同朝者曰。大將軍年羹堯曰。太保隆科多曰。桐城常熟二相國。及督直隸。蒞營田之役。為怡賢親王。公皆無所附麗。而卒困於出督。幾死在獄中。日讀書飽啖。熟眠。故甘撫胡君期恆亦在繫。嘆為鐵漢。刑部郎楊某欲試公於押赴市曹時。故問經史疑義。公應答如流。楊退語人曰。李公真鐵胎人也。公嘗言。內省不疚。生死不足動其心。何況禍福。又言得力在二語。處境則居易以俟命。處事則行法以俟命。生平博聞強識。下筆千言。釋褐時。安溪李相國光地。許其與歐會代興。新城王尚書士禎。稱其有萬夫之稟。論者謂公能盡集江西諸先正之長。學術則文達文安。經術則盱江。博物則道原原父。好賢下士。則充公。文章高處。遍南豐。次亦不失為道園。於命世之志。取荆公。剛腸勁氣。大類楊文節。殆不出其鄉。而奄有千古云。所著穆堂類稿。續稿。別稿。春秋一是。陸子學譜。朱子晚年全論。

國朝先正事畧 卷十四 名臣 畫

陽明學錄。皆行世。姓李氏。名紘。字巨來。號穆堂。孫友棠。乾隆十
年進士。由編修改御史。晉給事中。遷鴻臚。太僕少卿。通政司副
使。擢光祿卿。除內閣學士。三十八年。授工部侍郎。典鄉試者再
分校順天鄉試。禮部試。督學福建浙江各一。會新昌舉人王錫
侯。妄作字貫。前載友棠古詩一。坐奪職。後以入京祝嘏。實三
品卿銜。嘉慶三年卒。

國朝先正事畧

卷十四 名臣

三

蔡文勤公事畧 子長漢

公諱世遠。字聞之。姓蔡氏。世居漳浦之梁山。學者稱梁村先生。
父璧。以拔貢為羅源教諭。有學行。張清恪公撫閩時。延主龍峯
書院。並招公入使院。共訂先儒遺書。公議論慷慨。自為諸生。即
以民物為己任。及從清恪遊。吏疵民病。言無不盡。政行眾服。而
莫知其自。公康熙辛巳。臺灣蠢動。公大會鄉人。聯伍團練。助官
兵聲勢。平生好善樂施。與出於天性。故人皆信嚮之。舉己丑進
士。出安溪。李文貞公門。選庶吉士。授編修。公故熟宋儒書。既見
文貞。志益定。以聖賢為必可學。假歸。文貞出游楊立雪圖。贈行
謂吾道南也。未幾。丁父艱。哀毀不勝喪。癸巳冬。服闋。至京師。新

國朝先正事畧

卷十四 名臣

三

令翰林科道在假者。並休致。而公之請假也。未久。居父喪。或謂
宜自列於吏部。公曰。吾聞古者受爵。而讓未聞投牒以自申也。
時文貞承修。御纂性理精義。薦公分校。方望溪與焉。始望溪
與公相見於文貞邸舍。文貞引公。袂以屬望溪曰。是吾聞所謂
蔡聞之者也。遂定交。踰歲。書成。公造望溪。謀所處。望溪曰。天果
不廢子之學。何患無周行坦步。而出以編書復官。去牒請一閱。
耳。公遂固請於文貞。以歸。巡撫陳清端。瑣復以龍峯屬公。公夙
尚氣節。敦孝弟。好語經濟。而一本於誠。由是閩士慨然感興於
正學。而知記誦辭章之為末也。家居。設族規。置六小宗祭田。孤
嫠老疾。月有餼。鄉人化焉。環所居。三百餘家。二十年無博戲者。

邑令延至學宮講學。環聽者恆千百人。會臺寇朱一貴爲亂。漳泉震動。總督滿保討之。公治鄉兵保境。遺滿公書曰。昔曹彬將破江南。忽稱疾不視事。誠諸將以破城日不妄殺一人。虞詡戒諸子曰。吾事君直道。行已無虧。所悔爲朝歌長時殺賊百餘。其中豈無冤者。今臺人特被脅爲盜耳。願公入臺時。普曹彬之仁。以免虞詡之悔。臺灣平復。遣書勸令。選賢能興教化。和兵民其新墾之地。弗按籍升科。恐擾其樂生之計。滿公皆從之。人戴其惠。

世宗嗣位特召入都。命侍皇子講讀。由編修五轉至禮部右侍郎。充經筵講官。雍正七年。

國朝先正事畧 卷十四 名臣 五

上以福建宜設觀風整俗使。詔公偕同籍京官會議。合疏以漳泉風俗未醇。於法宜設得。旨允行。公侍皇子。凡進講四書五經。及宋五子之書。必近而引之。身心發言處。事所宜設。誠而致行者。觀諸史及歷代文士所述。作則於興亡治亂。君子小人消長。心迹異同。反覆陳列。三致意焉。當是時。兼保傅之任者。皆執政大臣。事繁不得朝夕在側。惟公在。上書房十年。晨入夜歸。無風雨之間。公性淡泊。所得祿。賜半。竭之。族姻知舊。妻子僅免寒飢。敝衣粗食。視窶人。或甚焉。士有志行及文藝之優。必躬禮先焉。知其賢。則思隨地而開通之。汲汲如有所負。然望溪每以公事詣圓明園。必宿公池館。公薄暮歸。輒相與步空林。坐

石磯。至昏暝。或達夜中。所談度皆民生之利病。吏治之得失。百物之息耗。士類之邪正。無一語及身家淺事者。其居外寢。設一榻。一帷。望溪至。則以讓之。而自臥。後夾室方。夏秋蚊虻嗜膚。竟夕不安枕。而惟恐望溪之不淹留。信宿也。公與高安朱文端公同訂歷代名臣名儒循吏傳。雍正四年。公列位九卿。以侍皇子故。廷議多不與。八年秋。閩督高公其倬劾公。長子長漢。違例私給船照。

上以原疏示公。公疏言。臣家屬八載在京。長子長漢。去冬來京會試。現在京邸。所給照係本年五月日期。不知何人所爲。但有臣官銜圖記。非臣族姓。卽戚屬請。敕督撫察治。部議以失察。

國朝先正事畧 卷十四 名臣 五

族姓家人降二級調用。特命復故職。而公疾已不可振矣。公疾病。皇子使人問視。

天子賜醫。屢詢公疾增減。云何。十二年正月八日薨。年五十有二。

上震悼。賜白金五百兩治喪。贈卹如典禮。給全葬。皇子親王郡王咸致賻。贈賢公卿及靡庠之士。重志節者。無知與不知者。儼然若失其所倚。十三年九月。

高宗御極。諭曰。原任侍郎蔡世遠。學問素優。自雍正元年在內廷行走。勤勞敬慎。於經義文辭。悉心講究。多所裨益。可加贈禮部尚書。致祭。予諡文勤。所著二希堂文集十五卷。二希堂者。

謂功業不敢望諸葛武侯庶幾范希文道德不敢望朱文公庶幾真希元也

高宗在藩邸時親為製序其畧曰先生之文溯源於六經闡發周程朱張之理而運以韓柳歐蘇之法度所謂蘊之為德行行之為事業發之為文章者吾於先生見之抑又有說焉先生之文固足繼昌黎之蹤而抗歐蘇矣然先儒謂昌黎因文以見道今先生教人必先之以格致誠正之功天人危微之判而後繼之以文其自修固可知矣吾謂先生體道以為文非僅因文以見道請以質之先生及天下後世以為何如也其推重有如此乾隆四十四年

國朝先正事畧 卷十四 名臣 聖

御製懷舊詩稱為聞之蔡先生詩曰先生長齋峯陶淑學者眾奉命訓吾曹風吟而月弄雖未預懋勤八載寒暑共嘗云三不朽德功言並重立言亦豈易昌黎語堪誦氣乃欲共盛理乃欲其洞因以書諸紳未敢妄操縱德功吾何有言則企賅綜嗚呼於先生吾得學之用六十年二月諭曰本月上丁釋奠禮成因念臨御六十年以來孜孜勤政悉由典學懋修所致回憶冲齡就傅時福敏啓蒙蔡世遠教以古文作法從此肆力學業益進當年久侍講帷敷陳啓沃福敏蔡世遠兩師傅之力為多今朕年登八旬開五眷懷舊學允宜增秩三公原贈尚書蔡世遠可加贈太傅並賜祭一壇以示朕崇禮師儒至意乃命福建巡

撫卽家致祭公所訂古文雅正齋峯學約朱子家禮輯要俱行世又性理精要歷代名臣言行錄合族家規漢魏六朝四唐詩各若干卷藏於家次子長濤由廩生保舉優行以知縣用累官兵部侍郎公之疾也濤不脫冠帶而養者五十日其婦吳氏割股肉以進求愈公疾此其教行於家之驗也三子觀瀾六子長炳孫本崇均 恩賜舉人瀾官至御史

國朝先正事畧 卷十四 名臣 聖

張文敏公事畧

張公名照字得天號涇南江蘇華亭縣人康熙四十八年進士選庶吉士授檢討五十四年入直南書房遷贊善侍講轉侍讀雍正元年充福建副考官遷左庶子三年晉侍講學士充日講起居注官疏言 聖諭廣訓一書請頒行各州縣學俾童蒙誦讀府縣覆試時令背錄一條方許錄取從之四年典試雲南入年遷少詹事明年擢內閣學士奏言臣祖洪曾以田千畝為義田贍族請官為存案載入縣志不得擅賣擅買違者雖臣子孫亦以盜賣官田論疏入

上允所請立冊存案並 敕部旌獎以彰義舉尋擢刑部左侍郎署順天尹十一年授左都御史遷刑部尚書奏請更正律例六條下所司議行以預修會典書成得優敘尋充文穎館總裁十三年貴州九股生苗不法揚威將軍哈元生副將軍董芳分道進剿

上以公為撫定苗疆大臣公抵黔倡分地分兵之議因施秉為適中地遂以其上為上游用滇黔兵專屬元生以其下為下游用楚粵兵專屬芳於是進剿之兵紛紜撤換元生芳欲將各村莊盡劃上下界文移爭辯日久無功八月 高宗即位 命來京以湖督張廣泗代 詔曰從前經理苗疆原係鄂爾泰獨任其事後來逆苗煽動張照在京時見

皇考申飭鄂爾泰遂以私意揣度過甚其詞彼時廷議新疆不可棄張照亦預議

皇考深以為然今張照以為密奉棄置之 諭旨轉告哈元生殊屬乖謬可諭張廣泗知之嗣廣泗劾公立意阻撓 詔落職逮問論死 特旨原之 命直武英殿修書二年授內閣學士充經筵講官再直南書房四年夏請終養

上慰問之五年授刑部左侍郎疏言律例刊行尚須一年之久請於舊例輕而新改重者仍待頒到日遵行不必駁改其舊重新輕者刑部即引新書改正使一年內滿海內外早被 仁恩特旨允行六年

國朝先正事畧 卷十四 名臣 聖

上以朝會樂章句讀與樂音不相比合 敕莊親王及公釐定尋合疏言律呂正義一書編摩未備請重修正義後編與前書並垂萬世其 壇 廟 朝廷樂章應遵

聖訓將新舊所定并朱子六經圖及明朱載堉樂書式考定宮商字譜備載於篇使律呂克諧神人和協從之七年擢刑部尚書管理樂部中允于振請釐定 文廟樂章

上命公撰擬進呈頒發曲阜及各行省學宮八年 命補給登極詔內 恩膺公直 內廷最久每奉 敕作書皆稱 旨後墜馬傷右臂幾折時方進呈落葉倡和詩遂用左手書楷渾厚蘊藉

上尤嘉之九年十二月丁亥襲

上以公父彙義方有訓教子成名特諭於本籍賜祭一壇

十年正月公奔喪行至江南徐州以哀毀成疾薨於旅次事聞

諭曰張照才品優長兼諳法律學問充裕詞藻清新侍直內廷

勤慎素著前聞訃奔喪朕切諭其以禮節哀母致毀瘠今聞在

途溢逝悼憫實深可加贈太子太保吏部尚書賜祭葬如例

子諡文敏論者謂自明及今華亭兩文敏董公文采與公埒而

勲業較遜易名之典在公為尤稱云後十有四年

上因查閱蔣洲署中所藏字蹟見公昔在獄中所題白雲亭詩

卷詞意怨望下詔宣示以身後免其追論四十四年

國朝先正事畧 卷十四 名臣 聖

上念公性敏博學尤工書御製懷舊詩列公五詞臣中詩有

云書有米之雄而無米之畧復有董之整而無董之弱幾之後

一人舍照誰能若即今觀其蹟宛似成於昨精神貫注深非人

所能學其見重如此四十七年諭曰昨閱進呈一統志於國

朝松江府人物祇載王頊齡鴻緒輩而不及張照意或因照曾

因苗疆獲罪又獄中所題詩詞意感憤經朕宣示遂不錄其人

耶從前張照獲罪因疑為鄂爾泰傾陷其獄中詩大都指摘鄂

爾泰者居多蓋鄂爾泰欲置彼於死地朕若聽信其言照豈獲

生全彼不知朕非信讒之主而鄂爾泰又豈能讒照之人迨後

出之囹圄不數年洊擢尚書朕之終始成全原不以一眚相掩

何此次一統志轉佚其名耶張照雖不得謂醇儒然其文采風

流實海內所共推公論具在瑕不掩瑜其將照出處事蹟併列

焉大哉王言足為公定論矣

國朝先正事畧 卷十四 名臣

哭

甘莊恪公事畧

康熙五十八年冬涑水縣知縣甘公以拘繫侍衛畢里克逮治部議褫公職奪畢里克俸

聖祖仁皇帝特詔畢里克革職公復原官於是海內皆頌

天子聖明而涑水令亦以此名聞天下公由縣令起家敷歷中

外累官太子少保吏部尚書兼兵部尚書為時名臣乾隆四年

七月薨於位

上聞震悼命大臣往奠茶酒遣官經紀其喪賜白金千兩禮

臣遵旨給全葬賜祭一次賜諡曰莊恪朝野咸歎息焉

公諱汝來字耕道一字遜齋江西奉新人性清鯁強力裕經濟

國朝先正事畧

卷十四

名臣

聖

才康熙五十二年進士由教習授涑水知縣時邑久旱公至而雨免民間雜派銀六千餘兩以耗羨充之禁庄田無故增租易佃者有司例不答旗人公請於上官得以柳木棒示威豪強戢服畢里克者侍衛之調鷹差遣者也率拜唐阿及家人數十輩至涑擅掘民舍民萬延荷等被毆幾斃百姓赴愬於公畢里克等亦相率入縣堂責公勢洶湧公勃然怒曰令為天子撫百姓肯令君輩魚肉小民耶遂揮令看管置其家丁於獄牒大府以聞而其黨已以擅拘職官入告及吏兵刑三部會讞公詞氣不屈眾以強項今日之然非聖祖如天之仁公禍必無振矣公自京還治所父老子弟爭奉

羊酒迎都人士作詩歌紀其事公名由是大起調補新安尋攝雄縣事在新安賑災民割俸予寒諸生故事乘輿至多藉供億苛斂及拘民船守候公力禁之築白楊淀河堤溉田數千頃在雄縣罷民間雜派銀賞奸吏於法凡三任邑令百姓爭欲得公去則尸祝之

世宗御極擢吏部主事更以賢能薦受錫賚分校會試未幾

特擢廣西太平府自此凡四任不出廣西皆著才畧在郡禁絕

屬僚餽送誠流官勿科斂土司在左江巡道任定思明土州與

安南祿州地犬牙相錯者由按察使陞巡撫已入為副都御史

又以土官岑映宸互相仇殺事仍往署撫臣象與督撫二臣調

國朝先正事畧

卷十四

名臣

聖

度策應映宸東身歸罪遂改土為流先後擒莫東旺羅文剛等皆兵不血刃其他修舉廢墜發奸摘伏不可勝舉旋註吏議罷命在咸安宮行走逾年起霸昌道丁內艱給假在任守制未幾調蘇松糧道擢廣東布政使平權量減市稅陳權關藏匿則例之弊請以沙坦地予民耕種而緩其陞科北上日庫存稅羨充公銀二十餘萬兩公悉疏聞纖毫無所取入為禮部侍郎道讞獄大同時雍正十三年也純皇帝登極毅然復行三年之喪未蒙皇太后俞允下廷臣集議公昌言曰三年之喪無貴賤一也皇上法堯舜之道行周孔之禮宜將順其美以立萬世彝倫之

極或謂有妨朝祭大典公曰墨縷視事越緋以祭禮固有之何疑焉遂覆奏允行其餘大典禮公皆多所贊襄擢兵部尚書充實錄及三禮館副總裁乾隆三年轉吏部仍兼本兵於武職議侍衛推用法於文員令雜職皆關白堂上官始行銓敘先是公為文選司時洞悉僧道科蠹弊京師號為黑地獄至是始釐剔之四年與柏梁乾清宮兩宴典總裁會試待旨晉宮銜以遴選賑濟人員晨入部署忽中疾薨年五十有六公服官二十年中遇摧折皆蒙

聖主知旋即振拔受三朝委任不衰公亦感激圖報強毅能任事肅吏治振文風一國朝先正事畧

卷十四 名臣

完

時公明交頌凡稱公居官清正者猶嘖嘖曰此固曩時令涑水之甘公也其丰裁如此公性篤孝父庭訓嚴承之以恭母徐下世不重茵貳味者九年所至多創義學修城堡於家則捐建祠廟指困以助友喪尤留心文獻奏請以鄉先賢吳澄復祀學宮遇名儒故老後人必加存恤又嘗條奏廣東圍築沙坦事宜四則又言沿海居民採捕魚鰓用單桅船不能出海貿易請免其稅又閩粵貧民有用竹筴取魚者有於埠頭養鴨者不肖吏或按筴按埠私征稅銀請通行嚴禁皆從之蓋見義必為其天性也歿之日囊無十金積至不能庀喪具天子嘉公清節特賜帑金恩禮優渥則公之賢益可知矣

所著有遜齋詩文奏議全集 聖諭廣訓疏義周禮簡註官續紀畧編輯律例歌諸書雍正丙午公撫廣西之年公父顯祖及公弟汝逢子禾同舉江西鄉試祖孫父子三世同科尤稱盛事為昭代所罕見云

國朝先正事畧

卷十四 名臣

三

國朝先正事略卷之十五 名臣

平江李元度次青集

孫文定公事略

公諱嘉淦字錫公一字懿齋山西太原人祖世蓋國初知崇仁縣設方略平劇盜數千人境賴以安父天繡義俠聞鄉里伯兄植淦為同縣趙氏子所戕論抵矣黃緣且脫罪公父憤欲死公夜入獄刃其仇與仲兄鴻淦一晝夜行三百餘里至會城門啟而入遭貨甄甄者仆焉盡毀其器訟於縣頌繫待決已而與縣人喧傳孫氏兄弟殺人捕者至令解之曰安有越一宿而能殺人三百里外者乎事竟得釋時公年十八矣家貧日樵采夜歸

國朝先正事略卷之十五 名臣

讀書康熙五十二年成進士官檢討游朱文端張清恪兩公門研精理學以躬行為本聞母病乞假於院長不待報徑歸尋丁母憂服闋還官

世宗即位公上封事三曰親骨肉曰停捐納曰罷西兵上召諸大臣示之責掌院學士曰爾翰林乃容此狂士學士叩頭謝朱文端在側徐對曰此生誠狂然臣服其膽良久上大笑曰朕亦不能不服其膽即召對授國子監司業它日世宗手指公示九卿曰朕即位以來孫嘉淦每事直言極諫朕不惟不怒且嘉悅焉爾等當以為法雍正二年典江西鄉試三年提督安徽學政就遷祭酒尋調順天學政奏革一切供應

國朝先正事略 卷一五

賜養廉銀歲四千兩 賜京城官房七十餘間為試院每試士必與諸生講身心性命之學纂近思錄輯要授之曰此聖學階梯也歲滿泄祭酒任先是公官司業時上言學校之教宜以經術為先請令天下學臣選拔諸生貢太學九卿舉經明行修者任助教一以經術造之三年考其成舉以待用時方急西事未行也至是復申言經術必可成人才必可得請廣學舍增諸生

餼廩

世宗避之 命戶部歲給銀六千兩 賜官房三百餘間別為南學公嚴立課程五日一會講一時人材稱盛至今猶用其法焉六年權順天府尹疏劾古北口監督傅紳私徵關稅論如律

國朝先正事略卷之十五 名臣

父憂歸 賜治喪銀千兩公竭家貲營葬而以 賜金建宗祠置祭田服未闋以順天府尹 召晉工部侍郎部吏倚奏銷為奸利公頌工程科比而先以物價咨直省大吏臨期料復被籍而已吏相弔於家八年充會試副考官轉刑部侍郎兼署吏部侍郎公累遷官皆兼祭酒如故前後垂十五六年會引見教習

官不稱 旨公持之堅 上怒曰爾能保若曹不以貪庸敗乎公曰願保 上擲筆令自書狀公持筆欲下侍臣呵曰汝敢動 御筆乎公倍拈筆真 御榻上免冠頓首曰 上用筆臣不敢捉

上曰爾固猶知有君父耶 命鎮交刑部議罪尋議公大不敬論斬

上意已解諭大學士曰孫嘉淦太慧然不愛錢可銀庫行走時果親王方總部務意公或怨望不事事又聞蜚語謂公沽名收銀有納無贏乃出不意至庫所見公方僂僂稱量與吏卒雜坐均勞苦殿所納無纖毫贏編王嘆異之

上亦愈重公 命署河東鹽政奏減鹽政及運司養廉銀增弓兵月餉

高宗御極 召為吏部右侍郎遷左都御史上三習一弊疏略言治亂循環如陰陽之運坤陰極而陽生乾陽極而陰姤故時

國朝先正事略 卷十五 名臣 三

當極盛必有陰伏之機其機藏於至微人不能覺及其既著遂積重而不可反此其間有三習焉不可不慎戒也主德清明人心悅服出一言盈廷稱聖發一令四海歸仁在臣下本非獻諛然而人君之耳則熟於此矣耳與譽化匪譽則逆是謂耳習於所聞則喜諛而惡直上愈智則下愈愚上愈威則下愈畏一唱百和所在皆然免冠叩頭應聲即是在臣工以為盡禮然而人君之目則熟於此矣目與媚化匪媚則獨是謂目習於所見則喜柔而惡剛勤求天下之士見之多而以爲無奇也則高己而卑人慎辦天下之務閱之久而以爲無難也則恃才而易事慎之人不聞其所短反之己不見其所失於是乎意之所欲信以

爲不諭令之所行概以爲無敵矣是謂心習於所是則喜從前惡違三習既成乃生一弊何爲一弊喜小人而厭君子是也言奏對君子訥小人佞佞則與耳習投矣奔走周旋君子拙小人巧巧則與目習投矣趨事赴功君子一意孤行小人多方迎合迎合則與心習又投矣於是小人不約而自合君子不逐而自離夫至於小人合君子離其患何可勝道而皆由三習爲之蔽焉今欲預除三習永杜一蔽不在乎外惟在乎

皇上之一心語曰人非聖人孰能無過此淺言也夫聖人豈無過哉惟聖人而後能知過惟聖人而後能改過孔子謂五十學易可無大過文王望道而未之見是故賢人之過賢人知之庸

國朝先正事略 卷十五 名臣 四

人不知也聖人之過聖人知之賢人不知也惟爲人所不知故願聖心之自慎之也反之己真知其不足驗之世實見其未能故常欲然不敢以自是此不敢自是之意流貫於用人行政之閒耳目之習除取舍之則定夫而後眾正盈朝太平可久矣疏入上嘉納宣示焉乾隆元年典試江西尋遷刑部尚書河南有因盜成姦獄未竟本婦以意指同村某某十餘輩皆不勝拷掠具服論死先後大吏意齟齬具以聞遣侍郎某往勘奏實其半廷議未決 上以屬公公至則盡脫之舉 朝大駭公還奏曰所以監候者

以疑待質耳。今諸人一無左驗。何疑之有。而徒以瘐死與枉殺何異。

上然之。竟從其議。二年。詔公總理國子監事時。

上方加意太學肄業生。凡數千人。公奏仿胡安定遺法。用經義治事。分條教授。於是人知實學。興起者尤眾。三年。轉吏部尚書。

典順天鄉試。九月。總河朱藻為總督李衛所劾。命偕尚書訥親往鞫論如律。十月。以尚書總督直隸疏奏刁民王宰謀吞生員馬承宗產。賄太監劉金玉等。投獻貝勒允祜門下。請交刑部究審。允祜交宗人府察議。有旨褒嘉。命優敘。會水災。奏撥

山東穀三十萬石。由海運達畿輔。以濟飢民。引水溉田。共開渠五百八十有奇。使溝水通道。道水通。河水通。淀水去。而水利以興。晉州小兒被殺。同村紀某衣污豆汁。有司誤為血刑。訊証服。最後真定守陳浩來白公。而句決之。旨己下。公奏雪之。

又奏直省酒禁太嚴。以日用飲食之故。使天下騷然。非政體也。疏入而禁弛。又奏給旗人屯田墾治。古北口山海關外荒土數萬頃。尋晉太子太保。五年。奏永定河改歸故道。各工俱竣。上嘉之。又奏裁直隸河道總督。而責成各道。部議從之。六年。調

國朝先正事略

卷十五

名臣

五

湖廣總督。時江蘇布政使安甯奏言各省賑荒過濫。國帑宜節。民情易驕。宜有以裁抑之。勅以所奏示直省大吏。公上言。皇上以孔孟之心。行堯舜之政。今安甯不思仰贊

聖德。倡為經費不足之說。使

皇上愛人之心。與節用之念。相持而未決。萬一為眾口所咻。節財之念。勝而行仁之意。不堅。則萬善由此而墮。百弊由此而生。

又不止災民不被其澤已也。治國猶治家然。急於致富。乃至飢寒其子弟。而不顧惡赤子之啼號。反畜其乳哺。曰吾以治驕。無是理也。此義利之界。安危之幾。惟勿以為迂。而垂察焉。

上優旨答之。又疏言治苗之法。於各寨中立頭人為寨長。一寨中取頭人信服者為崗長。使約束而統於縣令。城步苗崗五。設正副長十。綏甯苗崗四。設正副長八。每名歲給工食銀十二兩。有過則易置之。自可令行禁止。先是湖南巡撫馮光裕開橫嶺

三洞。議者以路險欲棄之。公親履勘。越嶺數十重。有地曰長安。彌望皆沃野。公度不守且為盜窟。煽連鎮。算而保靖。城綏之民無甯日矣。乃奏設參將領兵鎮守。羣崗肅然。居亡何。調撫福建。以前訊穆道謝濟世事不實。免。命修順義縣城。工贖罪九年。冬起宗人府丞。明年遷左都御史。又明年京察。自陳乞休。許之。既歸。結茅城東石垓山。掩關習靜。將終老焉。十四年。復以副都御史。召直上書房。十五年。遷兵部侍郎。晉工部尚書。明年典會試。賜第東城。十七年。典順天鄉試。九月。以吏部尚書協辦大學士。明年春。自以年老。請解官。專直上書房。不許。其年復典順天試。初。公在翰林。著春秋義行世。久之。瞿然曰。吾學無真得。

國朝先正事略

卷十五

名臣

六

三三五

奈何妄測聖經。遂毀之時。默坐澄思。以斬自信。嘗曰。朱陸異同。何其紛紛也。聖人之道。克己而已矣。當動念時。追己從生。究己終極。即此便是窮理。何知行之不合一乎。又以聖人之道。在六經。贊皇極。正人心。皆由於此。晚歲侍經筵。直上書。屏嘗從容言。諸皇子方研習經義。朱子詩集傳。過矯呂氏之說。於鄭風。悉指為淫奔。微有可議。臣不揣昏眊。欲有所述。請裁於聖意。以補前賢之缺憾。

上許。今日進講義一篇。先成詩義。折中若干卷。經御筆刪定者十六七。次命作易解。彖爻甫畢。而公病矣。

上命皇子臨視中使御醫相望於道。十八年十二月六日薨年七十有一。

國朝先正事略 卷十五 名臣 七

七十有一

上聞軫悼。遣使奠茶酒。賜銀千兩治喪。諡文定。公久負直聲。屢躋屢起。晚年望愈隆。中朝略有建白。天下人咸曰。得非孫公邪。其以副都御史召也。所過鄉民聚觀。至傾村堡。以出擁過。馬首不得行。明年江西衛千總盧魯生偽為公奏。稟累萬言。指斥乘輿。徧劾大學士鄂爾泰。張廷玉。徐本。尚書公訥。親等。傳播遠近。事聞。

上震怒。下所在窮治。於公一無所問。公惶恐不自安。語人曰。先帝及今。上嘗戒我好名。今獨假名我。殆生平好名之累未盡。有以致

之。以是嘆君之明。而老臣之負。數已久也。自此食不甘。寢不眠。蓋自務敏密。所朝夕獻替者。莫得而聞焉。公屢奉獨對。賞賚在百寮之右。生平以至誠待人。自居鄉。至立朝。不作一欺人語。僚屬有過。必先誠諭。不悛。乃劾治之。所奏劾。必直告無隱。有可原。未嘗不為昭雪也。既卒。

上謂近臣曰。朝中少一正人矣。嘆息久之。公居恒以入約自誠。曰。事君篤而不顯。曰。與人共而不驕。曰。勢避其所爭。曰。事止於能去。曰。功藏於無名。曰。言刪其無用。曰。以守獨避人。曰。以清費廉取。皆生平得力處也。子三次。孝愉。官至直隸按察使。

國朝先正事略 卷十五 名臣 八

胡文良公事略子莊敏公季堂

乾隆三十八年

上下詔求遺書依古暨今者值撰著後先並出更論河南撫

臣以故禮部侍郎胡煦究心理學所著周易函書獨不在列

命續舉以進五十九年十一月復下詔曰禮部侍郎胡煦若

心讀書為績學之臣所著周易函書已收入四庫從前因其官

止侍郎例不予諡第念曾在上書房行走今其子季堂官刑部

尚書煦已得尚書封可加恩補諡以示眷念著舊至意尋賜

諡曰文良於是海內之士咸頌

聖天子褒崇古學發微闡幽光昭文治於無窮也公字滄曉號

國朝先正事略卷十五 名臣

九

紫弦河南光山人祖母喻殉流寇之難焚樓以死父之祀敦尚

節行多隱德公少好學能文章康熙二十三年舉於鄉官教諭

五十六年成進士年五十八矣居常究心周易得圖書一貫之

旨臚傳後引見澹齋居即自陳所學

聖祖叩以河洛理數公條對甚悉選庶吉士自後屢召見問

卦爻中疑義命畫圖以講

聖祖曰真苦心讀書人也旋以檢討直南書房五十四年分校

會試又明年典湖廣鄉試遷洗馬再遷鴻臚少卿擢本寺卿雍

正元年授內閣學士五年授兵部侍郎調戶部充殿試讀卷官

致習庶吉士明年協理左副都御史攝刑部右侍郎八年充明

史總裁入直上書房以兵部侍郎知貢舉九年轉禮部左侍郎

六月罷職歸公為人正直忠厚所建白必以教化為先務尤願

朝廷重農桑緩刑罰先仁義而後功利其請博舉孝弟也曰十

室之邑必有忠信愛親敬長不慮而知彼生員舉監外其有能

竭力奉養無忤於二親者乎稱為孝子宜也公於財和於

室累世不析居者乎稱為悌弟宜也臣請每州縣歲舉孝子悌

弟各一人勅下督撫額其門閭免其徭役見長官如生員禮

如此則化行俗美人知自愛矣又請責成州縣勸課農桑或別

設農官專司勸課之任又言近見督撫於命盜獄隱伏難明者

止用自行招認四字援以定讞夫奸黠之徒有抵死而不伏者

國朝先正事略卷十五 名臣

十

愚懦之夫有畏刑而自誣者然則有罪者幸免而無辜者受禍

矣臣請凡遇命盜案必證據確然然後付法司閱實有弗當旋

即駁正庶得慎刑之意時方嚴創獲之禁故事每歲秋遣廷臣

一人往訊於盛京自春徂冬鴉候日久凍死者多公至錄四百

五十人其疾病者至五十餘人斃者三人乃請繼自今創獲之

獄專歸盛京刑部及將軍府尹隨時定讞俾情輕者得早予末

減以廣好生之德得旨俞行著為例攝戶部時閱清項行追

案自數百兩至萬餘兩不等公言所追之案遠者五十年近者

三十四五年使其人尚存必已家業蕩然或既亡猶復行追必

且係累其妻孥過絕其生計徒有行追之名無補實用臣愚以

爲免之便。其他請廣言路。裕積儲。汰浮糧。省冗官。平權量。多切於時務。人以此規公之實用也。會河南荒。公據實以奏。時

上已別有所聞。特遣侍郎王國棟往賑。切責總督田文鏡。文鏡銜公甚。旋奏公嗣子基孟。本異姓。不當冒官卷中。選公坐是罷歸。乾隆元年公入覲。

高宗命復原官。廢于入監讀書。會疾作。卒於京師。年八十有二。

賜金五百兩治喪。賜祭葬如典禮。公所爲周易函書。列四總

例。曰原圖。曰原卦。曰原爻。曰原占。凡五十卷。又釋經文四十九

卷。爲正集。外有約圖三卷。孔朱辨異三卷。易學須知三卷。善燈

約旨十卷。續約旨一卷。卜法詳考四卷。爲別集。又約注十八卷。

國朝先正事略 卷十五 名臣 十一

續集十六卷。總一百五十八卷。自昔言象數者。未能若是其詳

也。又著有葆璞堂文集。子四。其三皆早卒。次季堂。生七歲而孤

撫於長嫂甘氏。其後季堂貴。疏請。賜封兄嫂。天下稱美。談焉

李堂字升夫。號雲坡。山陰生。補順天府通判。調刑部員外郎。遷

郎中。乾隆三十一年。知慶陽府。擢冀甯道。遷甘肅按察使。三十

六年。調江蘇。署布政使。奏定罪犯開拏投首之例。又奏凡繼嗣

者。應專定一人。以息訟端。均得。旨優獎。三十九年。擢刑部右

侍郎。兼管順天府尹。四十二年。命往興化。會同江督高晉。讞

潛書虞景山之獄。究出唆訟之鍾至剛。治之。復命往山東。勘

章邱羊存義。諸城陳靜文。二獄。究出唆訟之張元璞。治之。途次

復命往河南。勘獄。並察出蘇不顯。唆訟各情。四十三年。命

往河南。訊山西民張九錫。控河南各官派累工料一案。察其誣

治之。明年。擢刑部尚書。賜紫。禁城驛馬。五十五年。往濱州。按

事。命暫署山東巡撫。奏賑郵事。且請截存漕米十二萬一千

九百餘石。酌濟被災州縣。上報可。還朝。加大子少保。考績優敘。五十八年。命往樂陵。讞

獄明年。命偕大學士福康安。侍郎松筠。往吉林。察審副都統

秀林。劾將軍恆秀等。虧庫計斂一案。又命偕松筠。往成安。查

勘劣監胡發等。抗糧毆官一案。反。命皆稱。旨。六十年。署兵

部尚書。管理戶部三庫事。嘉慶二年。授直隸總督。賞戴孔雀

翎。疏請清查倉。平倉穀。其因公動用者。分限買補。以裕民

食。從之。尋借侍郎特克慎。往建昌。朝陽二縣。鞠獄。四年。春。晉太

子太保。當是時。仁宗親政。公首劾大學士和珅二十罪。尋伏誅。籍其家人。呼什

圖計米麥雜糧。得萬一千六百餘石。詔以八成撥給文安縣。

二成撥給大成縣。被水村民。從公請也。會近郊長新店被盜。有

詔切責。逾月。公奏。繳獎長新店首盜張標。係內黃令陶象炳之

力。諭嘉公據實陳奏。不存邀功之念。是月。續獲長新店盜夥

并滄州逸盜韓四等。得。旨。賞還翎頂。又陳川楚軍務事宜。力

主緊扼要隘。派兵防守。俾匪眾無路可奔。又令築堡清野。俾無

可掠然後。勦撫兼施。不至東馳西突。手敕報曰。所論極是。與朕近日諭旨。字字相同。總之能堵方能勦。能勦方能撫。大端不外此矣。五年十月薨。年七十有二。溫旨悼惜。贈太子太傅。

賞陀羅經被。派御前侍衛公豐仲濟倫帶侍衛十人往奠。尋賜祭葬。賜諡曰莊敏。公承文良公家學。居恆無戲豫。無疾言。

遠色。子弟定省或饋食。必肅衣冠。慎容止。僕隸皆敬畏。雖通下士刺無情容。治官事。纖悉皆手定。

上至神明。每有所記問。公對流前後。政令皆畫一。領外臺如領部務。每晨起。理案牘。至日晡。以食手執卷如諸生。撰古今任子錄。以自勉。集諸史列傳。各為之論贊。好杜氏通典。司馬氏通鑑。故遇大事有斷制。尤有知人識不偏聽。不輕任愛人。而知其所短。或試之小事。以觀其所忽。以是所薦拔。皆有聲於時。子鉉。

乾隆丁未進士。由庶常改部累官清河道。鑄由任子官湖南鹽法道。

國朝先正事略 卷十五 名臣 三
鑑故遇大事有斷制。尤有知人識不偏聽。不輕任愛人。而知其所短。或試之小事。以觀其所忽。以是所薦拔。皆有聲於時。子鉉。乾隆丁未進士。由庶常改部累官清河道。鑄由任子官湖南鹽法道。

徐兩峰撫軍事略

雍正八年。詔立京師賢良祠。祀開國以來元勳。魁輔。褒德。酬庸。典至隆鉅。凡閣部大臣。非有殊績。奉特旨。皆不得與其時。

以巡撫入祀者。得二人。其一為徐公士林。一為潘公思榮。兩公皆年未六十。未竟其用。而徐公先潘公十一年。首膺祀典。尤異。

數云。公字式儒。號兩峰。山東文登人。父農也。公幼聞鄰塾讀書聲。慕之。跪母膝前。曰。願送兒入塾。中如所請。遂舉康熙五十二年進士。由教習授內閣中書。雍正二年。遷刑部主事。四年。遷員外郎。五年。授安慶知府。十年。擢江蘇按察使。坐失察私鑄左遷。

汀漳道。漳俗械鬪殺人。捕之輒聚眾據山。或請用兵。公不可。命壯丁分扼要隘。三日度其食。且盡。遣人深入。誅以好語。曰。垂手出山者免。如其言。果逐隊出。乃伏其仇於旁。仇大呼曰。為首者某也。立擒以徇。眾驚散。自後捕犯無據山者。乾隆元年。遷河南布政使。丁父憂。命署江蘇布政使。公以病。母八旬。且父柩未葬。懇辭。許之。四年。命以布政使護理江蘇巡撫。公復奏。母病篤。不能暫離。請俟母病稍愈。自行奏聞。是年四月入京。

高宗召對。問山東直隸麥收若何。曰。旱且萎。問得雨如何。曰。雖雨無益。問何以用人。曰。工獻納者。雖敏非才。昧是非者。雖廉無補。上深然之。補江蘇布政使。五年夏。疏言。頃見湖廣資送山東流民。經過兩江。數日內至三千有奇。特眾逞刁。有司受其需。

國朝先正事略 卷十五 名臣 古
壯丁分扼要隘。三日度其食。且盡。遣人深入。誅以好語。曰。垂手出山者免。如其言。果逐隊出。乃伏其仇於旁。仇大呼曰。為首者某也。立擒以徇。眾驚散。自後捕犯無據山者。乾隆元年。遷河南布政使。丁父憂。命署江蘇布政使。公以病。母八旬。且父柩未葬。懇辭。許之。四年。命以布政使護理江蘇巡撫。公復奏。母病篤。不能暫離。請俟母病稍愈。自行奏聞。是年四月入京。

高宗召對。問山東直隸麥收若何。曰。旱且萎。問得雨如何。曰。雖雨無益。問何以用人。曰。工獻納者。雖敏非才。昧是非者。雖廉無補。上深然之。補江蘇布政使。五年夏。疏言。頃見湖廣資送山東流民。經過兩江。數日內至三千有奇。特眾逞刁。有司受其需。

索商民畏其糾擾。臣愚以為有田可耕之災民亟宜資送復業。其原無恆產願在外傭值者。應聽其便。至游惰無業之民。請槩停資送。庶災民得行旅之資。刁民無聚眾之擾。或謂無籍窮民。恐流而為匪。臣未聞不為匪於本籍。獨為匪於鄰封者也。未聞真為匪者。送回原籍。即能務本力田。而不復潛至鄰封也。安分則撫綏之犯法。則懲創之。是在地方吏處置得宜而已。

上聽其言。下九卿議行。尋授江蘇巡撫。先是湖北巡撫崔公紀以湖廣舊食淮鹽。自雍正元年議定。價值後。遞年加增。寔為民累。疏請核減。延議令各督撫詳議。各持己見。議久未定。至是請。特簡大臣往會核。詔公會同新任鹽政。確核定議。公言。

國朝先正事略 卷十五 名臣 圭

鹽為民食所資。貴固累民。賤亦累商。今確核成本。每引賤價以五兩三錢餘為率。貴價以五兩七錢餘為率。仍請每引酌給餘息二三錢。以紓商力。疏下部議。成本應如所定。至餘息。諒已攤入成本內。毋庸酌給。公具疏。堅持原議。

特旨允行。五年。徐海水災。奏賑之。明年春。酌借貧民穀麥。以資耕種。沛縣災尤重。疏請接賑。又言江蘇社穀積貯無多。續勸捐十餘萬石。

上嘉之。尋以病請告。優旨慰留。遣御醫往視。又疏言。淮北被水。二麥無收。臣不敢泥成例。已先飭藩司撥帑賑濟。俟查明成災分數具題。得旨。如此辦理。甚副朕視民如傷之念。六月。

病益重。且以母年八十三。不能迎養。寢食難安。懇請給假。得旨。俞。九月行。至淮安卒。年五十有八。遺疏入。諭曰。徐士林。學問素裕。忠孝性成。因母老遠離。不受妻孥之養。鞠躬盡瘁。以致沈痾。聞解組之音。疾歸以圖侍母。臨終之際。無一語及私。勸朕以憂盛危明之心。為久安長治之計。此等良臣。遠聞溢逝。朕實切切含悲。不能自已也。可入祀京師賢良祠。以為臣工勸導。賜祭葬。如例。遺疏奏。故父之淮。母鞠氏。孝養祖父母。臨病二十餘年。歷久不懈。懇賜表揚。有旨。令地方官題請。旌表。九年。江蘇巡撫陳公大受奏。請入祀蘇州名宦祠。公治獄如神。任刑部時。有二人伐木塞外。木探乙斨。有司訊結。矣。越三月。乙弟。

國朝先正事略 卷十五 名臣 圭

以謀殺控甲。甲逃。公曰。置當場死者之妻。孥不問。而以三月後局外之人與獄乎。甲逃。懼累。非懼罪也。甲聞出獄。果虛。知安慶時。宿松婦田氏。事姑孝。兄公利其產。逼嫁之。與羣匪篡焉。婦勿於途。以墜水告。公坐當皇。見黑衣女子。啾啾如有所懇。拘兄。公質之。則毛髮析。灑口吐實。公深愧。以鬼道設教。而滿庭胥隸。皆有見聞。不能掩也。每守令來調。輒具獄命判。試其才。且曰。深文傷和。姑息養奸。戒之哉。夫律例。猶醫書本草也。其情事萬端。如病者之經絡虛實也。不善用藥者。殺人。不善用律者。如之。每獄獄定。必先摘大略。牌示。始發。繕文册。吏不得因緣為奸。性廉儉。撫蘇時。宴寮屬。滄浪亭。以五簞為度。吳俗不變。賀長至。節天。寒。

裘。禿。按。察。使。包。括。以。貂。裘。假。公。公。披。之。如。忘。涕。唾。交。揮。家。僮。耳。語。曰。此。包。公。衣。也。公。惶。然。少。頃。論。公。事。快。揮。洒。如。初。聽。訟。飢。家。人。供。角。黍。且。判。且。啖。髭。頰。盡。亦。蓋。誤。殊。爲。飴。筆。筋。交。下。不。復。能。辨。晚。坐。白。木。榻。一。燈。熒。然。手。批。目。覽。雖。除。夕。元。辰。勿。輟。幕。下。客。備。之。治。具。觴。公。公。猛。嘯。不。問。是。何。精。膳。其。平。素。精。神。夢。寐。知。愛。民。憂。國。而。已。故。於。服。食。居。處。人。以。是。供。公。以。是。受。泊。然。無。所。容。心。也。文。覺。禪。師。來。江。南。督。撫。將。軍。以。下。負。輜。矢。屈。膝。公。不。爲。動。會。議。楚。盟。時。或。勸。公。讓。監。政。主。稿。公。笑。曰。問。心。公。私。耳。何。嫌。之。避。時。內。外。大。臣。噓。媚。不。前。而。公。疏。先。上。乃。附。紙。尾。以。進。公。於。鄉。會。試。師。門。倦。倦。不。忘。曰。此。人。生。遇。合。之。始。也。至。要。路。則。終。身。未。

國朝先正事略 卷十五 名臣

七

嘗通一刺。

謝梅莊觀察事略

謝公名濟世字石霖號梅莊廣西全州人康熙戊子領解額壬辰進士授檢討雍正四年改御史未浹旬露章面奏河南巡撫田文鏡不法狀

世宗不懌曰彼號能臣朕方倚任爾母惑浮言誣奏擲還其疏公伏地不肯起爭益力

上震怒先是文鏡疏劾屬吏黃振國邵言綸汪誠等直隸總督李公敏過河南面斥文鏡有心蹂踐讀書人文鏡密奏敏與振國同年將結黨爲被劾諸員報復既而李果面奏退復連疏糾之

國朝先正事略 卷十五 名臣

六

上先入文鏡言將罪李公劾疏亦及振國言綸汪誠等事

上益疑爲朋黨命九卿科道集刑部訊公辨甚力屬尙書杜訥命刑訊問指使何人公曰孔孟問何故則曰讀孔孟書自當忠諫見姦弗擊非忠也奏上議大辟得旨免死令往阿爾泰軍前效力平郡王福彭公博爾屯伯欽拜皆待以殊禮欽公築館受經稱弟子而振武營將軍某希要人指遣官搜其書得古本大學注劾公毀謗程朱廷議坐諷刺朝政復下獄將刑縛至市曹諸愛學者皆哭送且設祭邸舍中已而將軍王宜旨赦之公歸舍炷香未燼酒尚溫乃揖祭者曰生受可乎諸弟子執爵言曰先生真不動心哉何就縛時無懼容也在戊戌九年

高宗登極召復原官以母老乞外補授湖南糧道衡陽令李彭善化令樊德貽巡撫許容心腹也其徵糧浮費皆倍蓰公易服為鄉民往納得實乃訪拏李令丁役且揭參樊令皆格不行詣巡撫面陳狀辭過激巡撫甚反列款糾公於是湖南士民揭帖訟寃有旨交總督孫嘉淦會鞠公解任以岳常道倉德代時布政使張琛按察使王玠燬煉成獄謂所訪衡陽丁役一節皆子虛而長沙守張琳原詳稍徵實與玠疏歧適玠擢川藩過岳州手致琛書於倉公請密易原詳倉公不可慮櫻眾忌遂以書呈總督總漕兩大府督寢其事總漕移牒都察院劉文正統勳為總憲上之御史胡定采民謠以聞有旨命侍郎阿里衮

國朝先正事略 卷十五 名臣 五

馳諫至則士民數萬焚香跪馬首稱冤盡得朋謀傾陷誣罔周內狀獄具坐許容及蔭臬守令罪皆褫職督臣亦免官公得雪改授鹽驛道新撫蔣公溥知公賢而心終嫌之密奏其離經叛道并上所著書

上覽奏曰朕不以語言文字罪人也未幾以老病休致家居十二年卒年六十有八所著有醫匪十經史評西北城記纂言丙外篇公直聲震天下慎菴王聞其名思一見平菴王為道意公曰曳裾王門非義也值朝會廷臣咸集平菴王曰指曰此謝侍御也乃前握手如平生歡乾隆元年詔開言路公在戍所為欽公草疏明年春平菴王入覲

上首贊欽疏曰欽拜有古大臣風王以實對上願左右曰果不出朕所料也王嘗遣嗣王從學會得獵犬二擬進奉公曰進犬非王事孰與進賢王敬之其初至軍前也與姚中允三辰陳御史學海偕謁將軍問儀節或告曰三叩首一子悽然公怡然曰此戍卒見將軍非我見將軍也及見將軍免禮呼先生賜坐賜茶出二子怡然公夷然曰此將軍待廢官非將軍待我也曰然則子為誰曰我自我在

國朝先正事略 卷十五 名臣 五

楊文敏公事略

公諱超。字孟班。湖南武陵人。楊氏本武陵世族。公祖。前。光。生。有奇稟。書過目成誦。康熙五十四年進士。選庶吉士。授編修。雍正四年入直南書房。典湖北鄉試。始公應湖廣鄉試。得舉。至是。湖南北分闈。公道衡。命主試。所泄。即當日。賓薦地。士論榮。之。尋督陝西學政。累遷洗馬。右庶子。調順天學政。晉侍講學士。九年。擢奉天尹。疏言。闔屬一切公務。均有攤派。陋規已嚴節禁。止。

上嘉之。將所奏宣示。命永禁遵行。十一年。疏言。州縣所收加一耗羨。除錦縣甯遠二屬外。請俱免提解。留充地方官養廉。部

國朝先正事略

卷十五 名臣

主

議如所請。時內務府奏。請於錦州添設莊頭百戶。將原給民種之退園地。改撥公力。言民種地。立業已久。今增莊頭百戶。給田三千九百畝。計需田三千九萬畝。有奇。民間每戶不過數十畝。一經撥給。失業者。即有萬戶之多。何從安輯。且時值春耕。清丈動需時日。舊戶新莊。均不能播種。本年賦必兩懸。臣已諭民耕種。毋妨農業。請俟秋成。時議之。事竟寢。又奏。裁金州巡檢。改設知縣。典史各一。下部議行。尋定金州新設縣。曰甯海。未幾。總督倉場侍郎。十二年。授刑部右侍郎。充文穎律例八旗通志各總裁。乾隆元年。授廣西巡撫。奏免桂林等屬各雜稅。又請將外省得入泗城鎮安各屬。應試之例。停止。均從之。初。撫臣金

鈇奏。請令粵西廢員。及外省官生。借墾荒報捐。後捏報者多。每

接取丈餘熟田。量給工本。即報稱新墾之數。田未闢而賦增。大為民累。雲南布政使陳宏謀。籍隸廣西。力陳其弊。部議令公確查。公與總督鄂爾達。會奏粵西地瘠民貧。捏墾報捐。貽累非淺。請將捐墾不實田畝。分別減則。豁免其實在開墾者。補給工本。酌合升科。得旨。俞允。三年。疏言。苗疆各官。養廉不敷。用請

將桂林平樂潯州三廠稅課盈餘銀。酌繁簡增給。又言泗城鎮安二府。皆改土歸流。地廣俗悍。請增附郭知縣典史各一人。均

下所司。議行。十月。擢兵部尚書。充明史綱目副總裁。明年。署吏部尚書。充經筵講官。坐任巡撫時濫舉貪酷。知府饒鳴鑄。吏議

國朝先正事略

卷十五 名臣

主

降調。特旨寬免。五年。署兩江總督。九月。授吏部尚書。仍權總督事。疏劾南昌知縣沈宏靖貪婪不法狀。又劾江西巡撫岳濬。與知府董文偉朋比作奸。徇情納賄狀。詔侍郎阿里衮公會同河督高公斌。鞠實。皆論如律。十二月。疏言。今秋徐海二屬偏災。應納粟米。有旨改徵折色。部定價每石七錢五分。內額榆一縣。向係民折官辦。本年折徵已議定。每石銀一兩。準部價。溢銀二錢五分。若以完納。在前使急公良民。轉不如未完之戶。得沐皇仁。似未平允。請即將溢銀。留抵戶內。本年未完。或明年應完之數。從之。六年。疏言。松江太倉沿海土石墾工。計占壓及挖廢民田。不下百餘頃。撫臣許容奏請挖廢畝田。仍令業戶領

種定額輸租。臣思此田皆民閒恆產。並未給還原值。若以錢糧
 既經豁免。又必按畝徵租。似非情理之平。且半作溝潭。不成所
 陌。將來歲修取土。正無底止。在業戶亦不能長為己有。請盡耕
 種。免租得。旨俞行。六月。兼署安徽巡撫。先是乾隆三年。安徽
 各屬賑災銀米。數溢於例。屢經部駁。布政使託庸請以司庫節
 年盈餘。照數支補。有。詔命督撫查奏。至是公奏言。此項銀米。
 並無捏報諸弊。以不應著賠之項。設法彌補。不可為平。應即照
 數銷結。允之。八月。召回理部務。是年秋。上江臨淮鳳臺等二
 十四州縣。下江上元江甯等二十六州縣。及山陽鹽城等處。水
 災甚重。公於上江撥司庫銀八萬兩。并隣近州縣倉米十萬石。
 國朝先正事略 卷十五 名臣 三
 備賑。又動支司庫銀二十萬。買米麥以供賑。下江各屬倉穀。
 見存及動用者約百餘萬。又撥司庫銀十餘萬。分別賑恤。餘銀
 散給籽種。疏聞。手勅報曰。料理賑務。願為得法。務令屬員咸
 知朕視民如傷之意。以至誠惻怛之心。為之庶可補救災黎耳。
 公在兩江。增兵額。築陂塘。浚支河。撤冗稅。所以惠民者無不至。
 源行復力。籌賑恤。全活尤多。是年十二月。父憂歸。藉槨喪次。致
 溼病。七年薨。遺疏聞。優旨議卹。賜祭葬如禮。諡文敏。公性
 孝友。優於文學。尤負經世才。洎官能盡力民事。在遼東。奏罷莊
 頭之議。俾萬戶得安其居。在粵西。豁加賦虛田。凡數萬畝。在兩
 江。免松太廢田額租。其利澤及民。皆不可以世數計。賑災之役。

動帑銀至四十餘萬。米穀至百餘萬。而
 聖諭猶諄諄。誠勉惟恐一夫不得其所。則尤歎。明良一德。公
 所遭之盛。為千載一時也。年裁五十。
 上嚮用方殷。遽以毀卒。致施澤未盡。下究朝野惜焉。子植秉。由
 任子官主事。博學能世其家。

國朝先正事略 卷十五 名臣

三

錢文端公事略子汝誠 錢文敏公維城 錢載

公姓錢氏諱陳羣字主敬號香樹浙江嘉興人康熙六十年進士選庶吉士雍正七年以編修典湖北鄉試累遷侍讀學士直南書房十三年提督順天學政改右通政仍留學政任疏言各屬舉報優行請照京察計典例止於歲試時舉行部議從之乾隆元年母憂服闋仍督順天學政公母陳太夫人知書工繪事自號南樓老人微時嘗鬻畫供饘粥公少承母訓有夜紡授經圖首奏及之並以圖進

高宗賜題二絕句有嘉禾欲續賢媛傳不愧當年畫荻人之句六年遷詹事七年擢內閣學士刑部左侍郎九年充經筵講官

國朝先正事略 卷十五 名臣

三

十年充會試副考官十二年及十五年再典江西鄉試十七年患瘧疾乞休 許之 命其子編修汝誠侍行且 賜詩以寬其意明年公進途中所作詩

上用其會錦春園韻作詩 賜之二十三年

上南巡 諭在籍食俸並 命閣 召試諸生卷二十五年

上親為橋梓圖寄 賜公序云重五日錢陳羣和賜其子汝誠

詩畫扇以進蓋欲朕賜畫而不敢言陳羣老矣不可使其因此

鬱鬱於懷促成是幅並疊舊韻賜之二十六年入都恭祝

皇太后七旬萬壽 命預香山九老會 賞刑部尚書銜 諭

曰今年恭逢

皇太后七旬大慶在籍諸臣來京叩祝具見悃忱明年朕恭奉安輿時巡南服諸臣甫及旋里即當出境迎鑾僕僕道途於林下高年諸多未便可諭諸臣曾經赴闕者明春無庸出境迎接如沈德潛即於蘇州錢陳羣即於嘉興餘均視此為例副朕體恤至意二十七年 駕過常州公偕沈公德潛來迎 御製詩各書一通 賜之有句云二老江浙之大老新從九老會中回三十年

上南巡公復偕沈公迎 駕 賜詩曰二仙仍此候河濱三載相睽意更親郭泰李膺一煙舫沈期錢起兩詩人是年公壽八十 命加太子太傅 賜幼子汝器舉人汝誠適扈蹕 諭至

國朝先正事略 卷十五 名臣 三

家省視明年公進呈母夫人畫册每幅有其父綸光題句

上題詩十二章歸之有子昂題句仲姬畫頗有今人似昔人之句海內榮之三十六年春

上東巡 駐蹕平原公進所書登岱祝釐頌及廣韻詩册至

賜七律五章八月公進謝 恩詩

上疊前韻答之是冬入京恭祝

皇太后八旬萬壽 賜紫禁城騎馬 賜杖入朝並 賜人蔭

初汝誠以戶部侍郎告養歸至是隨公入朝

上命汝誠侍杖扶掖出入內廷再預香山九老會圖形禁中公

和 御製香山九老詩有句云鹿馴岩畔當童扶

上賞其超逸。親為圖。賜公南歸。復賜詩以寵其行。明年公抵家疏謝。

上時駐蹕香山。賜答詩。有香山適接還鄉信。即景猶思扶鹿人之句。三十九年。薨於家。年八十有九。詔曰。在籍刑部尚書銜錢陳羣。老成端謹。學問淵醇。優游林下。二十餘年。為東南搢紳領袖。儒臣老輩。中能以詩文結恩。遇備商榷者。沈德潛。故後惟錢陳羣一人而已。今聞溢逝。深為悼惜。可晉贈太傅。入祀賢良祠。並賞滿庫銀千兩治喪。尋賜祭葬。子謚文端。四十四年。御製懷舊詩。列公五詞。臣中詩有云。少年困場屋。賢母授之經。故學有淵源。於詩尤粹精。蓋紀實也。公遇事持大體。為

國朝先正事略 卷十五 名臣 毛

編修時。嘗充陝西宣諭化導使。稱其職。久任刑部。能持法然。高宗尤賞公詩。文賞樂與考論。今古稱為故人。公天才警敏。深於詩。多不經人道。語書法亦蒼老。每扈從。廣歌帳。前未移。屢百韻。立就歸田後。

上有作。輒寄示公。命和。往來至千餘首。公既和韻。必親繕冊。以進。冊必有跋。體或兼行草。屢蒙獎贊。凡國家大禮。舉武功。成公輒進雅頌數十章。壘書。褒美貴賚。不可勝數。迎鑿者三祝。釐者二每入對。聖心先怡。公亦頌不忘規。民隱必告。初。公子女。誠。典。王。午。江。南。鄉。試。上先諭。總督尹文端。公招公遊攝山。俾父子歡會。

高宗六旬萬壽。念公老。難北行。命沈文愨往嘉興。互相勸止。公進竹如意。

上批。謂云。未頌。信。紹。之。賜。先。致。公。遠。之。貢。文。而。有。節。把。玩。良。怡。今。賜。卿。木。蘭。所。獲。鹿。服。食。延。年。以。俟。清。晤。其。恩。禮。周。摯。如。此。當。是。時。沈。文。愨。在。吳。公。在。檣。李。天。下。以。為。齊。名。雖。上。亦。稱。之。曰。二。老。然。沈。年。雖。高。於。公。為。後。進。受。知。

高宗公則受知。聖祖。

世宗贊。國家文明之治。先沈二十餘年。故被恩眷。尤為公晚年。望益崇。性益和。易誘。接後進。人人滿所懷。以去吟誦詩草。

國朝先正事略 卷十五 名臣 毛

音節抑揚。要妙說先朝故事。歷歷首尾。如披史傳。構宅雙溪之。西春秋。佳日。輒借故人野叟。遊行桑麻。聞見者以為神仙。文愨。薨後四年。公亦薨。於是上自九重。下泊朝士。章布識與不識。莫不太息。系欷。以謂東南耆舊盡矣。公父綸。尤有潛德。嘗曝夢於庭。有老蒼頭。稱取去。稚子見之。以竊告。贈公曰。渠視我家物。如已物。偶取。飼鷄。鷄耳何云。竊也。戒勿泄。蒼頭聞之。感泣。自陳。贈公好言慰之。其長者多此類。子汝誠。乾隆十二年進士。以編修入直南書房。十六年。典河南鄉試。累擢內閣學士。二十四年。遷兵部左侍郎。調刑部。典試江南。二十六年。兼管順天府尹。調戶部左侍郎。充經筵講官。明年再典江南鄉試。尋命會勘順。

天府屬及宣化永平遵化旗地定租額三十年疏請終養許之
歸侍文端公九年服闋授刑部左侍郎命仍在南書房行走
四十四年卒同時有兩錢公均以文學知名兼工畫品為文端
公所推重

錢公維城字幼安號稼軒江蘇武進人十歲能詩十二能騷賦
乾隆十年以一甲一名進士賜及第出修撰累官刑部左侍
郎疊司文枋入直南書房卒贈尚書賜祭葬予諡文敏書
法蘇文忠畫得元人筆意時以為天授

高宗深重之屢賜詩題識文端公嘗云稼軒自幼出筆蒼潤
秀骨天成通籍後尤得力於東山也所著曰茶山集女孟鋼工

國朝先正事略 卷十五 名臣

五

詩通音律適崔觀察龍見著有浣青詩草鳴秋合韻

錢公載字坤一號捧石又號瓠尊秀水人乾隆元年以副貢薦
舉鴻詞科再薦經學未遇十七年成進士選庶吉士由編修累
官禮部左侍郎學殖淵懋品行修潔詩精於杜韓蘇黃脫去畦
町自成一家工書善水墨其畫得法於南樓老人而閒出新意
尤工蘭竹供奉南齋時屢邀睿賞年七十告歸卒年八十有
七著有捧石齋詩文集

沈子大光祿事略

公諱起元字子大江蘇太倉州人父受宏貢生通經術隱居教
授著書數萬言殉祀鄉賢祠公少為諸生敦厲廉恥嚴義利之
辨居親喪悉依古禮不御酒肉不內寢康熙六十年進士選庶
吉士以父病乞歸父服除改吏部員外郎時嚴六部缺主之禁
不自首者死直隸學政缺主事發公爭曰此與六部缺主不同
學政衡文缺主不能為弊宜減死為流

世宗嘉其有識召見命往福建以知府用總督高文良令
權福州府移興化當是時

世宗聞閩中倉穀多虧遣四大臣率謁選府縣官六十餘人往
國朝先正事略 卷十五 名臣

三

按有司被劾者什五受代者爭為煩苛較升合公獨持平宏大
體興化屬仙遊令受代不肯收碎米公怒曰穀以備賑碎米獨
不可食耶令謝過乃已糧道李玉鉉聞而歎曰近日閩省惟建
甯興化為光天化日矣建甯姜太守亦良吏其屬官多賴以全
者也莆田黃陳兩姓因訟互毆有南北黨之目上官恐釀亂將
悉捕治之公責兩人而釋其餘報曰罪在主者餘不足問詔
以閩人不善官首令督撫教之學習興化土音尤詰屈讀書了
不可辨公建正音書院擇閩人通官音者為之師上官採其法
頒行諸府在官禁屬察餽獻府倉壞出私錢與造一不以擾民
巡撫檄令攝海關吏白故事司關者至必以名紙謁巡撫家奴

公大駭。叱止之。一切驗放。皆南面指揮。諸奴惕息。司關向無養廉。開役歲輸金三千。以給公。請於巡撫。革之。並革洋船陋規。數于金。巡撫有家奴守關。以浮收故格。二十餘船。不行。公聞。立督收稅。如額。放船行。白巡撫。斥家奴。由是人皆奉法。初。高文良奏開南洋報可。已復禁內地商久留外國。出洋者必戚里具結。狀立往返期限。逾者連坐。公曰。出洋者生死疾病無常。數貨物利鈍無常。期此豈戚里所能料乎。且公不聽開洋。則已。今聽之。商人造船集貨。費不貲。忽以結狀。燒之。是明利之而陰虐之也。商何望焉。文良曰。君意云何。曰。但令商自具狀。過三年不歸者。不聽回籍。以此牒部。足矣。文良喜。從之。部例洋船水手多寒。視梁

國朝先正事略 卷十五 名臣 三

頭大小商苦納稅大輒報小及出口船不得行泉防同知馳白督撫議增水手眾商籲君求驗放且請聯舟互濟免增水手同知欲候督撫令下持不可公夜詣同知曰水手額工部所頒督撫不能增文移往返駁詰需時日南風將起眾商情急必生變君其危哉同知不得已許諾眾已洶洶集其門矣初督撫得同知啓皆愕眙及聞船已放則大喜而海口商民變詛為祝權舞者萬人會史文靖奉使至閩以循良第一薦攝臺灣府臺田賦最重然率多隱占民不甚困時丈量法行占者不得匿文良謂公曰吾欲使臺田悉視同安下則起賦但恐不及故額致部駁奈何公曰某籌之熟矣宜令著籍田且仍舊額而丈出者視同

安起科俟隱占既清更減舊額重者均於新額之上則賦不虧而民不病文良以為然會有生番之擾公議設寨山口斷其出人南路獲安先是國安民有冤獄按察使潘體豐不能察獄成總督命公覆訊直其冤潘銜之中以他事鐫四秩遂告歸高宗卽位召授江西驛鹽道在官絕商人饒遺隨行以千金為贖卻之擢河南按察使屬吏報鹽梟四十餘拒捕傷人獲者過半法皆斬訊之自四五人外皆饑民請於巡撫雅爾圖公斬三人戊二人餘杖遣而已巡撫令府州縣各設書院屬公總其事公以教士當先實行頒鄉先正陳確庵敬怠日程自大梁書院始進諸生示以省身克己之學敷其程而定差等焉又立章善

國朝先正事略 卷十五 名臣 三

坊令諸州縣舉孝子悌弟義夫貞婦書其名公採訪事實著章善錄板行一時風動有兄弟爭訟累年忽大悔讓財產友愛終其身七年遷直隸布政使大旱公議賑總督高斌欲遲至仲冬公曰饑民朝不謀夕豈能久待請先普賑一月再查戶口分別加賑高愠曰必如此君自奏之公出語清河道方觀承曰普賑萬不可緩時之安危民之生死於此決矣子其圖之方人言於高卒從公請時有縣令倡言賑戶不賑口公怒曰一戶數口止賑一二足且殺七八人矣檄州縣有犯此者罪之戶部尚書海望奏清理直隸旗地有司違限奉旨飭責高恐令劾數州縣以應命公不可曰旗地非旦夕可清州縣方賑災何暇于此

一萬一千八百九十年...

獨効起元可也。乃止。九年內轉光祿卿。命稽察宗學。十三年移疾歸。歷主鍾山濟南揚州太倉諸書院。公長身廣額。白鬚偉然。待後進。慊慊如不及。而視權貴。蔑如性清儉。口不言生。產尤不以得失動其心。初署臺灣府。到官日。生番越獄。前守劉某曰。獄。匙未交。責在我。公曰。印已受。是我責也。爭以失察告。大府喜其讓。遂兩免之。晚歲杜門。日誦先儒書。病中手鈔明道先生語錄。臨終語友人曰。年來日夕檢點身心。仰不愧。俯不作。或庶幾焉。卒年七十有九。著周易孔義集說二十卷。謂十翼為夫子手著。學易者必當以孔傳為主。因取高忠憲孔義之名。別加纂集。於古今說易諸書。無所偏主。惟合於孔傳者。取之。至河圖洛書。國朝先正事略卷十五 名臣 畫

先天後天方圓諸圖。則皆陳邵之易。非夫子所本有也。去之又著詩傳叶音考。學古錄。敬亭詩文集。共若干傳。

尹元孚侍郎事略

公諱會。一字元孚。別號健餘。先世自山西洪洞遷直隸。遂為博野人。父公弼。早世。母李太夫人。以節孝旌門。公少孤貧。太夫人日授論語。即知孔子之言不可違。既長。篤信程朱。謂治法不本於三代。皆苟道也。故自服官後。日取漢唐以來代不數見之人。以自律。雖功顯名立。而深媿不能有所建樹。以上負

聖主特達之知。生平坦白純粹。遇事必行其心之所安。事母尤篤。孝少時。投經邢州。假館迎母侍養。凡七年。不忍一日離也。在官。每夕必以所措施。詳告太夫人。意或未愜。則跪而請罪。不命之起。不敢起。官中祿賜。出入壹稟於母。非請命。妻子不得取尺

國朝先正事略卷十五 名臣

畫

布。鎰金日。用外多布之治。所為濟物利人之事。用此仁聲義聞。播流海內。上自

天子。下至公卿士民。重公者莫不知太夫人之義。焉。公登雍

正。癸卯進士。由吏部主事。遷員外郎。丙午。典廣西鄉試。丁未。分

校禮部試。尋出知襄陽府。有惠政。漢水暴漲。壞護城石堤。公督

修。自萬山至長門。凡十里。分植巡功。民忘其勞。每遇水旱災。太

夫人必跣履。烈日甚。雨中。家眾恐致疾。羅跪挽掖。終不起。常應

時。而得所求。公嘗攝荊州府。會石首饑。災民洶洶。以浮言相煽

動。公單騎慰諭之。立賑其粟。而置倡亂者於法。事遂定。雍正九

年。荊州都統將兵西征。取道漢江。飭造浮橋。吏民惶急。公奉母

命竭誠修禮以請卒改令以船濟時又調綠旗兵會集襄陽供
具夙辦軍憲而民不擾未幾調揚州其治如襄陽於是襄郡及
樊城宜城並建賢母廟不可抑止就遷兩淮鹽運使尋擢鹽政
導商民節儉以身先之尤屏絕餽送太夫人通文史憫民俗恬
侈縱逸作女訓質言十二章以劫恣之陋俗丕變公入覲命
巡撫廣東自陳母老不能遠行遂調撫河南中州自北宋以來
理學傳最盛明道伊川康節後歷金元明代不乏人 國朝湯
文正張清恪耿逸庵尤為傑出公慨然以振興絕業為任增訂
洛學編示學者命州縣皆分四鄉立社學簡有齒德者為之長
每朔望長吏集諸生講論德義書其孝友睦婣任恤與其放逸

國朝先正事略 卷十五 名臣

三

奇表為忠於鄉里者而加勸懲焉逾年政教大行乾隆四年開
歸諸郡大水公上章自劾列賑恤之宜皆報可公約法十六條
兼用北宋富文忠趙清獻救災事宜而令離鄉求食者有司隨
在廩給開以作業俟改歲東作資送還鄉則古法所未備也太
夫人率公規畫至廢寢食以是災民無一出河南境者又以其
暇布周官溝樹畜牧比伍保受之法以劭農而靖民嘗奏報勸
諭鄉農種榆柳棗梨二百萬株又以俸楮所入為揚州兩營及
河南撫標三營置舉本各二千金日凡卒伍必使衣食得自贍
乃可以法繩也其他完城濬河建橋梁設津渡修學校立書院
創蜡祠表前賢遺蹟賜高年布帛寒者衣之疾者藥之公皆奉

母命出私財將事其在鄉則族人皆授以田使自耕以食而執
其契立義倉義學拯危掖困不可殫述故人皆感服信從願尚
書琮久任督撫再舉公自代高相國斌以宗程朱志相得總督
直隸時嘗以公事過博野登堂拜母孝德益 上聞自河南內
召授副都御史太夫人老疾不能就養京師未數月公即疏請
終養得 旨俞行皆數十年中大臣所未有也入年冬
高宗特賜太夫人 御製五言律詩一章堂額一楹聯一時爭
傳謂前古邀此異數者亦罕云公歸養五年築健餘堂以奉太
夫人立共學社招生徒講明義理之學學者翕然宗之太夫人
考終服未闋

國朝先正事略 卷十五 名臣

美

天子豫虛工部侍郎待之及赴 闕未踰旬 特命督學江南
十二年秋八月鄉試諸生既入棘闈質明公操几席杖屨徒步
造場方望溪先生於清涼山下及見北面再拜曰曩在京師母
命依門牆先生固執不宜使眾駭遽今里居無嫌且身未及門
心為弟子久矣蒙投喪禮或問吾母之終寢處食飲言語得無
大悖成身之德庸有既乎時先生治儀禮因以相屬欲共成一
書作而曰某未暇及此也往者巡撫河南會凶饑未遑教治居
臺四涉月而聞母病今使事畢歸謁九卿與廷議非忘身忘家
不足以答 主知若不能自樹立徒附經術以垂名抑微矣必
衰老或以不職罷歸然後可卒先生之業越日又走謁從者一

人望溪畏邦人疑訖乃掃墓繁昌入九華山以避之未幾有旨復掌江南學政逾歲七月按試松江遊疾卒於官是月待晉史部侍郎而公不及知矣公始入臺即奏人主一言天下屬耳目焉今方甄別年老不勝任之員而饒州守張鐘又以年老命改部司旬日閒前後頓殊恐羣下無所法守

上嘉納之其在河南奏睢州湯文正公宜從祀孔廟視學江南首謁東林道南祠舉舊典答諸生再拜凡試畢士旅見皆然頌小學以昌程朱之學聞隱士是鏡廬墓三年親訪諸舜山薦舉以彌士行既避疾自知不起草遺疏言任賢納諫始終一意以立誠為本旬日中無一語及家事卒之日晨興盥漱扶杖至東

國朝先正事略 卷一五 名臣

三

齋郡守入見子嘉銓侍尚為辨人心道心之分汗出霑衣請解衣少偃息不可移時危坐而逝時年五十有八

上聞悼惜賜一品葬祭入祀鄉賢所歷治地皆以名宦請祀而吳人兼祀之道南祠以配前哲公為學務在力行於古今人學術純駁審擇之而未嘗攻斥曰吾惡學者之好為謾罵也通籍二十餘年功業在天下而自視粥粥若無能每為望溪言謂胸中所蘊蓄尚未見其端倪也太夫人以女子而能先天下之憂每閱邸報至

聖制停大必三拜稽首以慶臣下有讜論訐謏必再拜稽首偉哉淵乎公母子宅心若此則所見於行事抑又其淺焉者矣公

所述君鑑臣鑑士鑑女鑑凡十六卷增訂洛學編五卷北學編三卷小學纂註六卷近思錄集解十卷撫豫條教四卷詩文集二十三卷從宜錄一卷讀書筆記及語錄十七卷講習錄二卷呂語粹四卷尹氏家譜八卷賢母年譜一卷

名臣

國朝先正事略卷之十六 名臣

平江李元度次青纂

陳文恭公事略曾孫繼昌

陳公宏謀字汝咨號榕門先世居湖廣明末避亂廣西遂為臨桂人。為諸生。即以經世為己任。聞有邸報。至必借觀之。自題書室。謂必為世上不可少之人。為世人不能做之事。庶非虛生。識者知為公輔器矣。雍正元年鄉試領解額。是年成進士。選庶吉士。尋授檢討。四年授吏部郎中。七年遷御史。監生舊有考職例。多屬人代作。世宗知其弊。勅令自首。而州縣吏藉訪查滋擾。公請止禁。將來竟既往。

國朝先正事略卷之十六 名臣

一

上。召見。徵。詰。再。三。公。申。論。甚。晰。乃。允。公。奏。

上。以。是。知。公。特。命。典。試。山。西。還。朝。詔。以。御。史。銜。知。揚。州。府。得。便。宜。奏。事。丁。父。憂。上。官。雷。之。固。辭。不。許。遷。江。南。驛。鹽。道。仍。帶。御。史。銜。攝。安。徽。布。政。使。尋。丁。母。憂。命。留。任。因。乞。假。歸。葬。十。一。年。擢。雲。南。布。政。使。先。是。廣。西。巡。撫。金。銜。奏。請。令。廢。員。墾。田。報。部。以。額。稅。抵。銀。得。官。報。墾。二。十。餘。萬。畝。至。是。公。奏。言。報。捐。者。止。就。各。屬。搜。有。餘。熟。田。量。給。工。本。即。作。新。墾。田。不。增。而。賦。日。益。民。甚。病。之。請。罷。前。例。

上下督臣尹繼善公會撫臣勘虛實乾隆元年公恐撫臣護門

失。再。疏。言。報。墾。百。無。一。實。又。粵。地。磽。薄。三。年。耕。必。以。兩。年。息。地。力。計。三。四。畝。始。抵。膏。腴。一。畝。之。利。若。聽。其。冒。墾。民。且。流。亡。請。盡。數。豁。除。不。煩。再。勘。惟。民。之。願。自。墾。者。聽。之。時。撫。臣。內。遷。刑。部。侍郎。具。疏。辯。

上。命。督。臣。楊。公。超。會。新。撫。楊。公。錫。絨。秉。公。確。勘。公。劾。銜。欺。公。累。民。極。論。其。非。是。

高。宗。以。公。粵。人。屢。陳。粵。事。恐。啟。鄉。紳。挾。持。有。司。之。漸。交。部。議。降。二。級。用。十。一。月。督。撫。會。奏。捐。墾。田。畝。多。不。實。請。分。別。減。豁。撫。臣。以下。降。黜。有。差。公。授。天。津。道。五。年。遷。江。蘇。按。察。使。明。年。授。江。西。布。政。使。甫。到。官。擢。甘。肅。巡。撫。未。行。調。江。西。八。年。調。陝。西。十。一。年。

國朝先正事略卷之十六 名臣

二

仍。調。回。江。西。任。尋。調。湖。北。入。覲。時。大。學。士。兼。川。陝。總。督。慶。復。方。征。贛。對。陳。奏。軍。事。多。隱。蔽。懼。公。發。之。乃。劾。公。任。陝。撫。時。自。作。聰。明。愛。憎。任。情。等。罪。部。議。落。職。詔。從。寬。留。任。未。幾。慶。以。誣。回。賜。死。公。復。調。陝。西。巡。撫。權。陝。甘。總。督。十。五。年。授。兵。部。侍郎。仍。留。巡。撫。任。其。冬。入。覲。會。河。決。陽。武。調。河。南。巡。撫。往。來。河。堤。塞。決。日。十。七。年。調。福。建。十。九。年。復。調。陝。西。明。年。調。甘。肅。再。調。湖。南。疏。劾。布。政。使。楊。灝。侵。扣。穀。價。

上。嘉。其。不。瞻。徇。論。灝。罪。如。律。二十。一。年。又。調。陝。西。尋。調。江。蘇。入。覲。

丁。詢。及。各。省。水。災。公。奏。皆。因。上。游。為。眾。水。所。匯。而。下。游。無。所。歸。

宿法當通盤籌辦

上。避。之。命。白。河。南。赴。江。蘇。沿。途。查。勘。賜。詩。一。章。十。二。月。遷。兩

廣。總。督。公。疏。辭。諭。不。必。迴。避。瀕。行。條。奏。江。南。河。工。未。盡。事。宜

五。則。下。欽。差。大。臣。裘。公。日。修。等。議。行。二。十。三。年。以。總。督。銜。仍

管。江。蘇。巡。撫。加。太。子。少。傅。明。年。坐。督。粵。時。請。增。撥。鹽。商。帑。本

諭。責。其。市。恩。沾。名。下。部。議。奪。職。詔。留。任。又。以。捕。蝗。不。力。奪。總

督。銜。仍。留。巡。撫。任。二。十。六。年。

上。南。巡。賜。御。製。詩。尋。以。失。察。許。聖。關。胥。議。革。任。詔。原。之。調

撫。湖。南。二。十。八。年。遷。兵。部。尚。書。加。太。子。太。保。充。經。筵。講。官。公。外

任。三。十。餘。年。歷。行。省。十。有。二。愿。任。二。十。有。一。所。到。處。無。問。久。暫

國。朝。先。正。事。略。卷。十。六。名。臣

三

必。究。心。於。人。心。風。俗。之。得。失。及。利。害。之。當。興。革。者。分。條。鉤。考。次

第。舉。行。凡。各。屬。村。莊。河。道。皆。繪。圖。懸。壁。環。復。審。視。寢。饋。以。之。每

有。興。作。人。多。以。為。難。成。卒。就。理。或。當。更。代。即。以。聞。於。朝。責。成

受。代。者。其。察。吏。甚。嚴。然。所。効。必。擇。其。尤。不。肖。者。一。二。人。他。吏。率

懷。慄。就。法。惟。恐。及。已。蓋。公。之。學。以。不。欺。為。本。與。人。言。政。輒。引。之

於。學。以。為。仕。即。學。也。盡。吾。心。焉。而。已。故。所。施。各。得。其。理。人。咸。安

之。在。揚。州。值。水。災。公。奏。請。飢。民。所。過。處。官。給。口。糧。護。送。回。鄉。里

得。補。入。賑。冊。報。可。造。獄。舍。置。田。以。益。囚。糧。先。是。鹽。使。者。令。淮。商

於。稅。額。外。歲。輸。銀。助。國。用。自。雍。正。元。年。始。積。數。十。萬。率。以。空。數

報。部。及。部。檄。移。取。始。行。追。徵。然。實。陰。虧。正。課。公。奏。停。之。在。雲。南

時。方。用。師。猘。夷。運。糧。苦。道。遠。公。改。為。短。運。遞。運。法。民。便。之。增。銅

厥。工。本。除。抽。課。外。聽。民。得。自。賣。礦。銅。民。爭。趨。之。更。鑿。新。礦。銅。日

盛。遂。罷。購。洋。銅。之。令。立。義。學。七。百。餘。所。刻。孝。經。小。學。及。所。輯。綱

鑑。大。學。衍。義。諸。書。令。苗。民。得。入。義。學。教。之。書。俾。通。文。告。其。後。邊

人。及。苗。民。多。能。讀。書。取。科。第。公。之。教。也。在。天。津。常。乘。小。舟。咨。訪

水。利。得。放。淤。之。法。凡。汛。水。盛。漲。多。挾。沙。而。行。導。之。從。堤。左。入。堤

右。出。如。是。者。數。四。沙。沈。土。高。滄。景。諸。州。悉。成。沃。壤。公。喜。曰。老。河

兵。真。吾。師。也。按。察。江。蘇。設。彈。盜。之。法。重。誣。良。之。令。嚴。禁。淹。親。柩

及。火。葬。者。在。江。西。歲。饑。告。糴。於。楚。設。賑。賑。粥。發。帑。修。城。垣。築。堰

埭。以。工。代。賑。嗣。在。秦。粵。遇。歉。歲。皆。盡。心。荒。政。江。西。南。門。外。羅。絲

國。朝。先。正。事。略。卷。十。六。名。臣

四

港。為。駁。水。所。趨。善。衝。突。建。石。隄。捍。之。左。蠡。朱。磯。當。眾。水。之。衝。時

泛。溢。為。災。亦。築。堤。百。丈。禦。水。患。江。西。居。民。族。大。者。多。立。宗。祠。置

公。田。然。頗。好。訟。費。皆。出。諸。公。田。公。仿。呂。氏。鄉。約。令。各。舉。賢。者。為

族。正。平。其。鬪。爭。導。以。禮。法。在。陝。西。尤。以。農。桑。為。先。務。陝。本。古。蠶

桑。地。近。世。漸。廢。棄。布。帛。悉。資。東。南。公。募。江。浙。善。蠶。織。者。導。之。令

民。植。桑。養。蠶。不。能。自。織。者。賣。絲。於。官。久。之。利。漸。著。西。安。華。州。織

練。充。賦。貢。又。勸。種。山。薯。充。民。食。尤。喜。民。種。樹。鑿。井。在。河。南。種。隄

柳。無。萬。數。在。陝。鑿。井。二。萬。八。千。八。百。有。奇。造。水。車。教。民。戽。水。之

法。旱。歲。得。資。灌。溉。陝。無。水。路。惟。商。州。龍。駒。寨。通。漢。江。灘。險。僅。行

小。舟。公。疏。鑿。遂。成。康。莊。又。修。治。文。武。成。康。及。周。公。太。公。陵。墓。即

以陵外餘地召租支用河南歸德地窪下與宿遷為鄰故有巴溝以通下流久之淤塞公加疏濬歸德賴之既至福建值米貴內地仰食遠灣而商船載米有額例公請弛禁以便民在湖南禁洞庭濱湖民壅水為田以寬湖流使水不為患會歲大熟江南災奏運倉穀二十萬石濟之仍買民穀遺倉在西安聞甘肅軍需少錢請檢局錢二百萬貫以濟餉

上嘉其得大臣任事體初撫江蘇時吏治凋弊公率之以勤立期限以清案贖獎廉懲墨剔漕弊戒華奢宴會服御皆有條約禁婦女游觀治僧道之不法者其治南河大要因其故道開通淤淺俾入海迅疾其支河督民各開小溝以達於幹河時其蓄

國朝先正事略 卷十六 各臣 五

洩徐海諸州多棄地遇雨輒淫溢河既濬水有所歸令民以開溝之土築圩圍悉成腴田中設涵洞為旱潦備其窪地令改種蘆葦蠲其賦其在蘇州疏排六塘河之丁家溝展寬邵伯之金灣壩又議開徐六涇白茆口以洩太湖築崇明土塘以禦海開各屬城河以通渠皆利民之大者又疏言蘇州向設普濟育嬰廣仁錫類等堂收養癯獨老病及遺嬰近來公費不敷請將通州崇明濱海淤灘除附近民業者聽升科餘撥入堂充公用又崇明界有新漲之玉心河兩地民互爭請併撥入以息爭競高宗手勅曰不但一舉而數善備汝亦因此得名也及在吏部巨細無不詳審屬僚白事當機立斷無留難二十九年

上特設協辦大學士以命公漢大學士之有協辦自公始尋賜紫禁城騎馬恩充國史玉牒三通館副總裁疏言凡與提鎮同城之道員請一律加兵備衛互相鈐轄從之三十二年策拜東閣大學士兼工部尚書公在

上前所陳奏雖子弟莫能聞故不得而述也三十四年以疾請告

上慰留再三三十六年春病甚允致仕加太子太傅食俸如故賜御用冠服命公孫刑部主事蘭森侍公歸詔所過處地方官在二十里以內者皆出境護送御製詩寵行有句云粵西天末相望遠祝爾平安歸里人會

國朝先正事略 卷十六 各臣 六

上南巡公由潞河南下迎駕武清慰問良久復賜詩六月三日薨於兗州之韓莊年七十有七上聞哀悼詔入祀賢良祠賜祭葬諡文恭公早歲刻苦自勵能文章內行修飾及入仕益講求經世學待人以誠每見屬吏如老嫗訓兒諄諄絮語不憚舌敝慕古人以人事君之義奏薦大名道陳法荆南道屠嘉正等皆人望京察自陳舉通政使雷鎡巡撫潘思榘自代詔求經明行修之士再舉陳法及孫景烈世以公為知人所至尤加意書院厚諸生餼延名師導以正學時至而面命之發明孔孟之旨以反身實踐為歸他若社會育嬰養濟諸堂必計及久遠不以虛文塞責公嘗言是非審

之於已毀譽聽之於人得失安之於數三者缺一不可又曰學問須看勝我者境遇須看不如我者又曰生平無他嗜好每處一地臨一事即就其地其事悉心講求以求有益不自覺其勞也張文和嘗薦公自代謂能以民心為己心亦視官事如家事此可以觀公之所學矣所著有養正遺規教女遺規以訓於家有訓俗遺規從政遺規學仕遺規在官法戒錄以施於民其奏疏具在培遠堂彙中以兄子鍾珂為後乾隆六年舉人曾孫繼昌字蓮史道光壬午癸未鄉會廷試皆第一賜及第由修撰官至江西布政使

國朝先正事略

卷十六 名臣

七

尹文端公事略于文恪公慶柱
公諱尹繼善姓章佳氏字元長晚自號望山滿洲鑲黃旗人世居遼東父尹泰公罷祭酒家居

世宗在潛邸時祭長白山召與語悅之問有子仕乎曰第五子尹繼善舉順天鄉試曰當令見我及公試禮部將謁 雍邸會聖祖崩

世宗嗣服乃止雍正元年成進士引見

上喜曰汝即尹泰子耶果大器也選庶吉士授編修尋遷侍講而召祭酒公為工部侍郎累遷東閣大學士怡賢親王請公為記室

國朝先正事略

卷十六 名臣

八

上許之天寒衣羊裘王憐其貧因賜青狐一襲奏署戶部郎中當是時廣東總督孔毓珣與巡撫楊文乾不相中肇高廉道王士俊者楊所薦也伺楊入覲劾王下獄公承命往鞫得其情上深嘉之即命署按察使明年授內閣侍讀學士協理江南河務署江蘇巡撫江蘇漕政玩弊公奏衛丁州縣費各有需嗣後請米一石收費六分先給官丁使無不足然後一裁以法又奏平糶盈餘非公家之利應存縣庫社穀聽民樂輸不得隨漕勒徵又奏撤水師營而增沙船巡海皆從之七年署河道總督疏請增設巡道駐崇明兼轄太倉通州又言江蘇按察使駐江甯距巡撫治所遠請移駐蘇州蘇松道責在巡防應移駐上海

均下部議行。九年署兩江總督。奏請析淮安府屬之山陽縣及揚州府屬之江都縣。各分為二。增知縣典史各官。詔如所請。定縣名曰阜甯。曰甘泉。十年。奏改徐州直隸州為府。附郭置縣。曰銅山。增設府縣以下官。改邳州為屬州。其所屬之睢甯宿遷二縣。歸徐州府轄。又請分壽州置一縣。曰鳳臺。均下部議行。十一年。調雲貴廣西總督。時思茅土弁刁與國等滋事。公調總兵楊國華董芳等協剿。賊潰遁。我軍遣謀入賊寨。舉火夾攻。斬賊酋三。賊黨百餘。生擒六十。有九。復奏報由東西兩路出兵。進剿攸樂思茅。東路兵分三支。西路兵分二支。攻破賊棚十五。寨降夷民八十餘。寨餘黨分路圍剿。務在廓清。但攸思一帶。非元臨

國朝先正事略

卷十六

名臣

九

內地可比。非兵不足示威。窮兵又無以善後。所期恩威並濟。操縱得宜。庶邊陲可永靖。疏入。

上手詔曰。勦撫名雖二事。恩威用豈兩端。當撫者不妨明示優容。當勦者亦宜顯施斬馘。俾知順則利而逆則害。方期近者悅而遠者來。今此目前攻心之師。即寓將來善後之策。是乃仁術。非關詐謀。詎止綏靖。普思將見信孚。莽緬也。識之。十二年。奏貴州新闢苗疆事宜。入則從之。又奏雲南濬土黃河工竣。計七百四十餘里。得旨嘉獎。尋詔廣西省歸兩廣總督轄。十三年。奏貴州頑苗聚眾倡亂。已調兵進剿。收復新舊黃平二城。暨餘慶縣。獲賊酋羅萬象等。復合兩廣湖南兵。分途會剿。破逆巢數

十斬首千餘。生擒賊酋阿九清等。其鎮遠都勻黎平等屬俱解嚴。詔罷徵熱河保定浙江兵。乾隆元年。設貴州總督。以公專督雲南。二年。奏豁雲南軍丁銀萬二千二百兩有奇。允之。尋入覲。以父老乞留京。命為刑部尚書。兼管兵部事。充經筵講官。議政處行走。三年。丁父憂。四年。夏。晉太子少保。教習庶吉士。五年。授川陝總督。會郭羅克番滋事。公檄諭番目。擒獻逆首。番眾懾服。七年。內艱歸。八年。春。署兩江總督。協理河務。賜御詩。命馳驛赴任。逾年。實授。公白。哲少。鬚眉豐頤。大口。聲清。揚遠。聞著。體紅。瘦如。珠。沙。鮮。目。秀。而。慈。長。寸。許。釋。褐。五。年。即。在。封。疆。年。裁。三。十。餘。遇。事。鏡。燭。犀。剖。入。面。瑩。澈。嘗。一。月。閒。兼。攝。將。軍。提。督。

國朝先正事略

卷十六

名臣

十

巡撫河漕鹽政。上下兩江。學政等官。九印彪列。簿書填委。而公判決。恢然無留。曠猶與諸生論文。課詩。聞者駭服。其督南河也。上命開天然壩。公不可。力言天然壩與毛城鋪及高郵三壩。均宜仍舊。疏凡數千言。適浙督李衛入覲。過清江。傳旨嚴飭。且云。衛已奏明黃水小。開固無妨。公覆奏。李衛不問河身之淺深。而但問河水之大小。非知河者也。倘河淺壩開。宜流太過。則湖水之弱。不敵黃水之強。方草奏時。幕中客皆為公危。有治裝求去者。公不為動。疏入。

世宗喜曰。卿有定見。朕復何憂。撤御衣冠。賜之。其調雲貴入覲也。江南災。河東總督田文鏡。欲夸所屬之豐。請漕東粟助賑。

按察使唐綬祖密奏東省亦災粟宜賑

上問公公奏如綬祖言

上曰如卿言山東誠災但綬祖文鏡所薦不宜立異同公曰臣聞古有申公憲以報私恩者臣為田文鏡計但有感愧無怨尤時唐禍幾不測以公解得免而公初不識唐也十三年疏言上江鳳頰泗三屬頻遭水患見在汀渠次第開濬而田閒水道圩塍實與水利相表裏宜陸續興修於水利善後之圖多所裨益手詔曰此誠務本之圖也其實力為之明年春 陛見 御製詩 賜之尋坐徇庇河督周學健當奪職 特旨畱任九月調兩廣總督未行投戶部尚書兼都統協辦大學士充軍機大臣

國朝先正事略

卷十六

名臣

十一

總裁國史 命署川陝總督嗣以四川設總督 命公專督陝甘時大學士傅文忠公經略金川 詔公與內大臣傅爾丹尚書舒赫德達勒黨阿參贊軍務晉太子太保十五年疏請修文武成康周公太公陵墓下部知之會西藏羅卜藏扎什不靖川督策楞統兵入藏 勅公仍管川陝總督事十六年復調兩江明年以上江頻被水請疏濬宿泗虹靈壁等州縣支河 詔俞所請湖北羅田奸民馬朝柱聚眾於天堂寨圖不軌界連江南公檄鎮將按捕並親往擒獲胡柱家屬黨羽甚眾得 旨嘉獎十八年署陝甘總督明年授南河總督疏言銅沛雖邳宿虹河道多紆曲淤成大灘日淤日積宜於曲處挑直開浚引河導濬

歸中央借水刷沙省兩岸堤掃費並免偪漕偏趨 詔如議行

八月署兩江總督兼署江蘇巡撫請於兩湖江西各撥米十萬石運江蘇平糶許之二十一年授兩江總督 命紫禁城騎馬

明年

上南巡 賜詩有幕府山邊開幕府風規得似茂宏無之句尋與侍郎夢齡等會奏准揚徐海支幹各河暨高寶各河工竣下部優敘二十七年

上南巡復 賜以詩 命為御前大臣二十九年拜文華殿大學士仍畱總督任三十年春 車駕復南巡 賜御詩如故時

公年七十矣 賜額曰韋平介社九月 召入閣兼管兵部事

國朝先正事略

卷十六

名臣

十二

務充經筵講官國史館總裁上書房總師傅教習庶吉士三十二年典會試先一年而降 旨異數也三十四年兼掌翰林院三十六年 上東巡 命畱京辦事四月薨 優詔加贈太保入祀賢良祠賞庫金五千兩治喪派皇八子前往奠醊 賜祭葬諡文端公毅而能擾機牙四應 上深知之凡盤錯事他大臣能了者不命公既命公則皆棋危花險萬口噤聲人方慮公無下手處而公紆徐料量如置器平地靡不貼妥又如東風吹枯頃刻變色凡一督雲貴三督川陝四督兩江而在江尤久前後三十餘年民相與父馴子伏每

公來老幼奔呼相賀公亦視江南如故鄉渡黃河輒心開入關時吏民泣送公不覺悽愴傷懷過村橋野寺必流連小憩慰勞送者在官有所興除必集監司以下屬曰我意如此諸君必較我我解說則再駁之使萬無可駁而後行勿以總督語有所瞻徇也以故公所行鮮有敗事所理大獄雍正開江蘇積欠四百餘萬乾隆開盧魯生偽稟及各郡判逆邪教等案皆株連無數公部居別白不妄戮一人先是十六年天子南巡總督黃公廷桂肝衝屬色供張辦及公三次迎鑾熙熙然民不知役供張亦辦人以此服公之敏也公清談干雲尤長奏對

國朝先正事略 卷十六 名臣 三

世宗嘗諭曰汝知督撫中有富學者乎李衛鄂爾泰田文鏡是也公曰李衛臣學其勇不學其粗田文鏡臣學其勤不學其刻鄂爾泰大局好宜學處多然臣亦不學其悞也好學工詩汲引人才如不及母徐氏側室也以公貴封一品夫人公側室張氏以女為皇八子妃亦封一品夫人子六慶桂官至大學士慶霖官都統四十四年御製懷舊詩列公五督臣中慶桂字樹齋由任子授員外郎充軍機章京尋擢內閣學士遷理藩院侍郎兼副都統乾隆三十六年充軍機大臣逾年授伊犁參贊大臣尋調塔爾巴哈臺參贊大臣四十年夏哈薩克巴布克自稱經阿布勒畢斯將伊授為阿哈拉克齊偕阿布勒畢

斯之子博普前來貢馬慶桂以巴布克並未與博普同來不可深信駁劄以聞諭嘉其有識且曰伊係尹繼善之子能如此朕又得一任事大臣矣嗣後宜益加勉以副朕眷愛之至意四十二年授吏部左侍郎四十五年調烏里雅蘇臺將軍遷都統明年以病來京調理又明年授盛京將軍尋調吉林前後奏獲私挖濬犯七百餘名濬二百兩

上嘉之四十九年調福州將軍入覲擢工部尚書仍直軍機旋調兵部兼都統充經筵講官命往濟甯勘事五十年署黑龍江將軍會陝甘總督福康安奉命赴阿克蘇一帶安輯回眾詔以公熟悉邊情命以欽差大臣馳往甘肅暫署總督印務

國朝先正事略 卷十六 名臣 四

復授塔爾巴哈臺參贊大臣五十一年召補兵部尚書明年偕侍郎任承需往湖北漢川縣獄尋署盛京吉林及烏里雅蘇臺將軍五十七年秋鄂爾喀平上以慶桂在軍機處夙夜宣勞命列十五功臣內圖形紫光間親為製贊五十八年授荆州將軍明年調都統會河督蘭第錫奏高家堰一帶風損石工段落較多請築壩屏水俾腳跟顯露以便勸估興修上命往勘奏止須按股拆補毋庸屏水查驗上是之嘉慶元年仁宗奉

太上皇帝駕幸熱河。命留京辦事。三年。命同大學士劉墉往山東齊河勘獄。四年。調刑部尚書。協辦大學士。軍機大臣。尋授內大臣。國史館正總裁。加太子太保。三月。晉文淵閣大學士。總理刑部。賞海澱寓園。九月。奉安裕陵。命同大學士董誥恭點。

高宗純皇帝神主晉太子太傅。管理吏部及理藩院事務。六年。管戶部三庫事務。賞黑狐端罩。七年冬。

上以川陝楚教匪平定。特沛恩綸。賞騎都尉世職。并雙眼花翎。九年十一月。年屆七旬。御製詩。賜之。有名重三朝三朝三朝勳隆。一代一賢臣之句。并賜額曰。濟美延禧。十一年。授領

國朝先正事略 卷十六 名臣 七

侍衛內大臣。明年。實錄告成。賞紫纒。仍管戶部三庫事。十四年。晉太子太師。充崇文門正監督。十七年。晉太保。明年。以老乞休。允致仕。賞食全俸。十九年。壽晉八旬。子優。賚二十一年六月。薨。優詔悼恤。賞陀羅經。被派奕紹帶領侍衛十人前往奠醊。尋賜祭葬。諡文恪。其子同德。孫培成。皆官至侍郎。

劉文正公事略 子文清公

劉公統勳。字延清。號爾純。山東諸城人。父榮。康熙乙丑進士。由長沙令遷知甯羌州。歲大饑。假廳倉粟以活州民。而自鬻產代民輸。納見山多樹。宜蠶。乃募里中善蠶者。載繭種。往教民蠶。織州民利之。號曰劉公。公以雍正二年進士。由編修入直南書房。累遷左庶子。典湖北河南鄉試。十三年。入直上書房。擢詹事。乾隆元年。擢內閣學士。署刑部侍郎。尋命隨大學士嵇公曾筠赴浙江。學習海塘工程。二年。授刑部左侍郎。仍留浙江。疏言。新任督撫提鎮。往往奏帶人員。備委用。在大吏。雖不乏真知第。先寄耳目於數人。隨付腹心。以要缺。流弊實多。除河工軍前。

國朝先正事略 卷十六 名臣 七

效力外。請概停奏帶。以杜徇徇。鑽營之習。從之。三年春。還朝。疏劾丁憂御史毛之玉。赴浙謁總督藩司。受餽遺。上嘉公直。之玉嚴議。明年。母憂歸。六年夏。特命補刑部侍郎。九月。服闋。來京。擢左都御史。疏言。大學士張廷玉。歷事三朝。遭逢極盛。然而晚節當慎。責備恆多。竊聞輿論。動云。張姚二姓。占卻半部精神。查張氏登仕版者。有張廷璐等十九人。姚氏與張氏世姻。仕宦者有姚孔鋈等十人。雖二姓本桐城巨族。其得官皆由科目。薦舉。屢屢議敘。然稍抑其遷除之路。使之戒滿引嫌。即所以保全而造就之也。請自今。三年內。除特旨擢用外。概停陞轉。又言。尚書公訥親。年未強仕。綜理吏戶兩部。典

宿衛贊中樞。兼以出納王言。時蒙 召對。屬官既奔走恐後。同僚亦爭避其鋒。部中議覆事件。或輾轉駁詰。或過日不出一言。而勢在必行。定一察而限逾。積日殆非。懷謙集益。推賢讓能。之道請加 訓示。俾知省改。其所司事務。或量行裁減。免曠廢之虞。兩疏入。

高宗手諭曰。朕思張廷玉。訥親若果擅作威福。劉統勳必不敢為此奏。今既有此奏。則二臣並無聲勢。可以箝制。察案可知。此國家之祥瑞也。朕心轉以為喜。夫在大責重。原不能免人指摘。即伊等辦事。亦豈能竟無差謬。聞過則喜。正宜深加警惕。所謂有則改之。無則加勉。若有幾微芥蒂於胸中。則非大臣之度矣。

國朝先正事略

卷十六

名臣

七

著將此二摺發出。諭眾知之。尋 命往勘海塘。十一年春。署漕運總督。秋還京。十二年典順天鄉試。十三年 命同大學士高公斌查辦山東賑務。並勘河道。奏德州哨馬營有滾水壩。分消運河盛漲。而壩身過高。宜改令平。聊城縣運河東岸。有減水閘。引河宜挑濬。東平縣之戴村壩。為汶水分入大清河關鍵。其過波入運之石壩。過高。宜令稍低。並將壩西水道疏通。沂州府沂河西岸之江楓口。所建滾水壩二。宜加倍以衛蘭山。邳城等屬田廬。報可。十四年遷工部尚書。兼掌翰林院。十五年 命赴廣東鞫獄。調刑部。十六年典會試。明年坐查驗通倉不實。奪職。再任尋 命為軍機大臣。十八年以讞擬錯謬。部議革任。 詔原

之未幾。借尚書策楞公。往勘江南河工。合疏言虧缺工料之由。總在率前扯後。工員率取入己。上官漫無稽查。以一聽論之。每年冬河臣核減錢糧。並不追補。輒令留為辦料之用。次年核減。仍復如是。惟指工段稍彌。此弊在本廳本任者也。其調任陞任。仍屬河員者。所欠錢糧。復帶至新任。稟請別廳交料。同官輒報收料若干。用在某工完結。此弊在虛報虛收者也。其陞在他處。如平越知府施廷熾。離任已久。所欠核減帑項數千。尙待補苴。此弊在陞在官也。至降黜之員。河臣查明欠項。僅咨追而不參。奏致歷年虧欠至九萬兩之多。此弊在離任在官也。茲查出外河同知陳克濬。虧帑二萬五千有奇。海防同知王德宜。虧帑萬八

國朝先正事略

卷十六

名臣

六

百有奇。本年高郵二閘被衝。聞未衝之前。有料尙可堵塞。而通叛周冕並無物料。致束手任其衝決。河臣高斌。祇以債事撤回。應請澈底查辦。 詔罷斌職。留工效力。其侵帑各員。視職逮追。仍鎖押漫口示警。九月。疏劾銅沛廳同知李煊。河營守備張寶等。平日侵蝕貽誤。今奉清查。自知獲戾必重。適值水漲。遂任其衝決。口門百四十丈。不加搶護。有 旨即行正法。十月。公駐銅山。率領河員於漫口附近舊河內。勘定引河二道。南三百餘丈。北五百餘丈。十二月十二日。張家馬路堤工合龍。黃河復故道。策公奏二閘漫口。亦於是日合龍。 溫詔褒敘。尋條奏稽查河工四事。 詔如所議行。尋 命清查江南河工未結之案。公疏

言水利工程陸續題銷或丈尺數目不符或水方土方各異屢經部駁不許銷算一案不銷遂致全案稽遲而外省輾轉行查至延二十餘年之久官更吏易若再往返駁詰徒滋案牘該查出未銷銀百一十一萬三千五百兩有奇請限十月內確核題銷工部於覆到日應銷者即準銷結案應減者即核減者追從之十九年晉太子太傅命協辦陝甘總督事務賜孔雀翎十一月疏言西路軍營戰馬約需六萬匹派兵遞送廷議分五大站臣於分站之中寓遞更之法第一站安馬十分每分千五百匹二三四五等站各千五百匹每起官兵按站換馬不必回空即留為後起更換之用官兵既可按程長驅而各站馬行五日即得休息二日詔如議速行二十年命查勘巴里坤哈密駐兵事宜九月逆酋阿睦爾撒納叛擾伊犁定西將軍永常自木壘退師巴里坤公請棄巴里坤退守哈密嚴旨責公附和永常自相恐怖搖惑眾聽貽誤軍機且置辦理伊犁軍務大臣班第等於不問命與永常均革職逮治子塘亦革職與諸子並逮交刑部并籍其家十月諭曰劉統勳輕信浮言張皇乖謬咎無可道但念伊所司者糧餉馬駝至軍行進止原係將軍之事設令模稜之人緘默自全轉可不至獲罪是其言雖刺謬其心尚可原也其從寬發軍營效力贖罪伊子俱釋放劉塘著在編修上行走二十一年授刑部尚書給還家產尋命勅

國朝先正事略

卷十六

名臣

五

銅山縣孫家集漫工疏言孫家集向無堤工例於秋汛後補築水衝溝渠今兩年未築致成渠分瀆詔解總河富勒赫任以公暫署十一月漫工合龍上嘉其安速二十二年典會試四月赴徐州督修近城石壩會雲南巡撫郭一裕懇恩總督恆文購金製爐致闔省喧傳乃許恆文抑勒短價各款命公往會鞫得實恆文賜自盡一裕發軍臺效力十一月山西布政使蔣洲侵帑勒派彌補冀甯道楊龍文逢迎不法公奉旨鞫實論如律尋晉太子太保明年遷吏部尚書賜紫禁城騎馬先是徐州黃河北岸無堤議者以為甯漫水給事中海明疏請補築公往勘以為可行乃置

國朝先正事略

卷十六

名臣

三

亂石壩漫漲衛田上嘉允之二十四年拜協辦大學士會西安將軍都察冠扣兵餉事發公往勘得實論如律又山西同知普喜訂將軍保德及同知呼世圖侵帑公奉命與巡撫塔永甯會鞫保德呼世圖共侵帑萬八千兩有奇保德又私仗官木受銀千五百兩上以保德身為將軍貪黷敗檢即行正法明年江西學政謝溶生劾巡撫阿思哈受屬吏餽送命赴江西會鞫得阿思哈因生女受司道金錫綾緞及令贛南道董榕代購什物短發價值各情擬絞如律二十六年再典會試拜東閣大學士兼管禮部尋兼兵部八月偕協揆兆文襄公查勘河南楊橋漫工開引河

九百三十六丈十一月合龍有 詔優敘明年三月

高宗南巡以高貴河入江之路未暢 詔公偕兆公往勘合
疏言金灣壩地居上游淤塌僅寬十五丈未能暢達請將新挑
引河展寬使有建領之勢暨河北開為鹽運要津應自中開迤
南改建石壩三十丈將開下土堤接築加長并挑引渠以順水
勢其西灣淤塌照東灣一體落低并於西灣河頭酌濬寬深得
旨所議甚合朕意應如是行夏直隸景州水 命查勘德州運
河疏言自臨清迤北惟藉四女寺哨馬營兩壩宣洩但兩壩支
河俱會老黃河故道入海袤延三百餘里居民於淤灘種植河
身易致淤塞請將德州州判移駐兩支河交匯之邊陵鎮專司

國朝先正事略

卷十六

名臣

三

河捕從之二十八年充上書房總師傅兼管刑部教習庶吉士
三十二年 命往江南酌定清口疏濬事宜時公年七十 御

書贊元介景額賜之明年復勘濬運河尋兼管吏部二十六年
復典會試三十八年十一月五鼓入朝升與至東華門外與微
側呼之不應啟帷則已暝矣鼻垂玉筋長尺餘

上聞即遣御前大臣尙書公福隆安齋藥馳視已無及 諭曰
大學士劉統勳老成練達品行端方服官五十餘年實為國家
得力大臣可晉贈太傅入祀賢良祠賞內庫銀二千兩治喪朕
即日親臨奠醴伊子西安按察使劉塘著馳驛來京守制尋
賜祭葬 特賜諡曰文正喪歸 命沿途文武官在二十里以

內者均詣匱前弔奠并遣官護送明年四月 諭曰大學士舒
赫德于敏中各賞古今圖書集成一部故大學士劉統勳原欲
一體賞給不意先逝伊子劉塘克世其業亦著恩賞一部四十
四年 御製懷舊詩列五閣臣中有遇事既神敏秉性復剛勁
得古大臣風終身不失正之句是年 賜其孫鑲之舉人公強
直厲清節洞燭幾先事之可否微發其端至一二十年後始服
其精識士賢不肖亦洞見其將來初公論劾重臣直聲震朝野
其後張文和公果以謝 恩失禮被嚴譴訥公以大學士視師
金川坐領事伏法公言若著蔡矣公少直南書房每日雞鳴入
上已遣中使捧 御製詩文彙至 命公錄於冊上公對燭書

國朝先正事略

卷十六

名臣

三

之多者千餘言比日射鰐棧已寫訖恭進蓋十餘年如一日也
六旬後入夜秉燭危坐至漏三下窗外偶有聲響悉聞之及曉
上親臨其喪見室無長物寒氣襲人
上大勳回蹕哭至乾清門流涕謂樞臣曰朕失一股肱矣公之
出視場橋漫工也屬吏以芻蕘不給為辭月餘尚無端緒公忽
微行見大小車載芻蕘凡數百輛皆弛裝困臥有泣者公問之
父老皆言奉示運糶料赴工縣丞某索賄乃收貧不能具賄遂
弛置河干欲歸不能公旋即令巡撫得縣丞至數其罪將斬
之巡撫力請罪乃杖而荷校以徇薪芻數百車一夕收立盡歡
聲若雷逾月工遂竟木果木之變

高宗方幸熱河馳傳召公比入對。

上曰金川軍覆溫福已死緩事當奈何公頓首曰臣料阿桂必能了此事。

上曰朕正欲專任阿桂特召卿決之卿意與合朕事必濟矣西疆甫定戶部奏天下州縣府庫多空闕。

高宗震怒欲盡罷州縣之不職者而以筆帖式等官代之召公對諭以此事且曰朕思之三日矣汝意云何公默不言。

上變色詰責公徐曰聖聰思至三日臣昏耄誠不敢遽對容退而熟審之翼日入對頓首言曰州縣治百姓者也當使身為百姓者為之語未竟。

國朝先正事略卷十六 名臣 三

上奏顏曰然事遂寢當公進說時同列皆灑晰變色而公進趨凝然若無事其能斷大事方回天聽多類此所著曰劉文正公集子壻字崇如號石庵乾隆十六年進士由編修累官體仁閣

大學士加太子太保諡文清公父子俱為賢宰相。

高宗賜翰稱為海岱高門第清德重望均不欲以詞章自見而文清兼以書法重於時著有石庵詩集文清少躋館閣通掌故

中年敷歷封圻外嫺政術及繼正揆席天下呼為小諸城所學貫串經史百家詩道鍊清雄題跋尤古雅其不以詩文名者為

書名所揜耳公嘗語英煦齋尚書曰子他日為予作傳當云以貴公子為名翰林書名滿天下而自問則小就不可大成不能

年八十五不知所終時公未登八秩也迨嘉慶甲子公年八十

五矣臘月二十三日爆直南書房呼煦齋至告以雍正至乾隆初南齋舊事復理前作傳語且曰昨已屬瑛夢禪鐫印記曰洞

門童子以當息壤今為期迫矣豈展限耶既行復還坐縱談良久曰吾去矣母戀越一日晨興飲啖如常日昃端坐而逝烏虜

若文正文清父子非所謂生有自來死有所歸者哉錄之後官至吏部尚書。

國朝先正事略

卷十六

名臣

三

王文肅公事略 子念孫 孫文簡公引之

乾隆二十一年夏吏部尚書臣安國言臣父卜葬於天長縣西有年矣墨食不協迺有後艱願得歸遷兆域以展臣私

皇帝曰明年春將南巡江淮汝其從事可爾盡盍待諸公拜稽首出公體素羸病咯血越四月疾大作疏請解職

上知不能視事命從容就道於是朝之卿士或惜公之去而願公之遙有喜也明年春正月病革遺疏入

上震悼賜內庫白金充喪具賜祭葬如制閣臣考謚典以聞應法 子諡曰文肅三十年

高宗南巡 賜公子念孫為舉人公姓王氏諱安國字書城號國朝先正事略 卷十六 名臣

春圖江蘇高郵人也父曾祿拔貢生研精理學公生時母夫人夢得古鼎之瑞七歲受書即能求訓誥大義雍正二年會試第

一 廷試以一甲第二人 賜及第授編修 憲皇帝臨軒親策目為端人正士公之受知自此始奉 命纂

修一統志兼八旗志書十年典福建鄉試一榜成進士者四十大學士蔡文恭新其一也十一年遷司業十二年遷侍講提

督廣東肇高等處學政在道除侍讀學士抵任擢左僉都御史仍留學政任公之入詞館也嘗語人曰初謁座主朱高安公公

教之曰學人通籍後惟爾得本來面目為難退而自省面發赤由此立志堅定數舉以勵學徒其教國子也嚴月課抑營競進

諸生講濂洛關閩之學不沾沾論文藝其督學政也粵東山海

遼遠初分兩學政以寬考核之期公所部自肇慶以西達瓊儋皆濱海地文風視南海諸郡縣為劣公教士以立品為先接諸

生嚴毅有不可犯之色而提命諄諄若父兄開學舍拔士之秀者如千人餼其中親為授業有司以非禮挫折諸生者公執持

不少屈其有敗羣而害於鄉者繩以重法無所貸由是人知學政之任以整齊風教扶樹人材為大地方吏亦知所嚴憚云乾

隆二年疏言丁憂官多赴省會易服謁大吏讎會餽遺恬不知怪請嚴禁從之四年遷左副都御史擢刑部侍郎五年晉左都

御史公總率臺綱以激揚為己任會粵撫王蕃以其教官登薦國朝先正事略 卷十六 名臣

刻公故吏也知其人昏耄不可用以責聞 上嘉公不避嫌怨 命以原銜督廣東巡撫事公曰吾劾其人

而得其任是所謂踐田奪牛也具劄力辭不許乃之任 陞辭日 御製詩寵其行聞有老親復拜豐貂文綺之 賜粵東文

武僚吏皆公所稔悉聞公至多望風引去公與約有往咎許自新解絃更張治其猷猷無狀者他皆不問嶺南物產素豐海舶

往來貨費瑰麗風俗侈靡政治多不飭公極意整肅墜廢畢舉倉儲溢羨自制府以下月給白粳若干公曰非制也此勿受比

數年有發其事者監司皆坐重辟人益服公操積案塵委公為之決疑牘省留獄歲久不雨禱於神不應有盜案心疑其誣一

訊得實乃大雨。值計典察吏勿苛。嘗曰：人才實難，且官屢易，則吏滋爲奸。易者安必優於去者乎？莫若勸戒，俾自勵。江西應撥廣東漕米十萬石，沂灘越嶺，輓運爲艱。公請改撥湖南一水可達。官民交便之。會丁父艱，貧不能辦裝。廣州將軍策稜公奏公孤介廉潔，歸葬無資，與護巡撫託庸等助貲回籍。報聞，舟至南昌。內召爲兵部尙書。又調禮部，皆未拜。十一年，服闋，乃入朝。授禮部尙書。公故湛深經術，嫻掌故，議禮必斟酌古今，折衷聖籍，期於正人心，明典制，以翊贊休明。雖違俗侃侃弗顧也。五禮自朝廷達於鄉遂，士大夫莫能徧觀詳考。民間吉凶婚姻，各徇其俗。公長容臺，承詔修大清通禮，又奉命充會典。

國朝先正事略 卷十六 名臣

總裁官會典與通禮相表裏。公一手編集所撰，欲上擬周官每會典進呈，附以通禮，悉奉。

聖裁。改定凡十年而告成。十五年充經筵講官。二十年晉吏部尙書。明年兼管工部事。銓政本有成憲，無可出入，而蠹吏舉疑似者，因緣上下其手，或欺人所不知，輒以牟利。公釐眾弊，杜請謁，雖親愛不敢以私干。自巡撫入爲尙書，起居服御猶寒，素自公退食，搗禿管點蠟丹黃，矻矻著述，專以經學訓子孫，不雜世事。中年喪偶，旁無姬侍，門館闐然。薨年六十有四。子一念孫。念孫字懷祖，學者稱石隴先生。生數歲，卽能讀尙書。文肅公口授諸經，皆成誦。都下有神童之目。八歲屬文，偶作史論，斷制有

識。由是文肅教之以忠恕正直立身之道，且延戴君東原爲之師。十四歲，扶藪南歸，學與行老成所不逮也。服闋，補州學生。以大臣子迎，變獻文冊。賜舉人。乾隆四十年成進士，選庶吉士。乞假歸，謝絕人事。居湖濱，與李君惇、賈君田、祖汪君中、劉君台拱、程君瑤田以古學相勵。凡四年，入都，改工部主事。遂究心治河之道，洞澈古今利弊，爲導河議二篇。上篇導河北流，下篇建倉通運，累遷郎中，擢御史。晉給事中，掌吏科印。在官十餘年，凡錢局諸差及京察外任，俸滿保送知府，皆力辭。識者嘉異之。嘉慶四年。

國朝先正事略 卷十六 名臣

仁宗親政之始，先生疏劾宰輔某，是時不乏彈章，惟先生疏援

據經義最爲得體。特蒙嘉納。海內爭傳誦焉。是年春，命巡淮安漕，秋又巡濟甯漕，盡汰陋規。道路所經，有關吏治民瘼者，皆奏之。蒙採納施行。尋授永定河道。積弊一清。六年夏大雨，彌月水漲溢，奪職逮問。尋奉諭曰：水漫過蘆溝橋面，不但人力難施，亦非意想所及。王念孫可加恩發河工效力。七年督辦河閒漫工，賞六品服。暫署永定河道。八年，諭曰：王念孫於水利講求有素，可賞主事銜，畱直隸。周歷通省，有關涉水利事宜，悉心紀載，交直隸總督彙奏辦理。乃上書總督顏公檢，臚陳畿輔水利，頗公據以入告。會河南衛家樓河決，命隨費尙書循查勘，且籌新漕。又命馳赴台莊，隨同尙書吉綸治河務。尋奉

所署山東運河道九年實授在任數年查丁剔弊節帑數十萬十五年調永定河道召詢河務甚悉甫旋在東河帥請啟蘇家山開引黃水入微山湖以利漕運召入都決其是非先生奏引黃入湖不能不少淤原非良策然暫行無害並陳運河情形皆詔許之是年永定河水復漲溢先生自引罪得旨以六品休致時年六十有七道光五年詔曰王令孫年登耄耋重赴鹿鳴筵宴洵屬藝林嘉瑞可賞給四品銜以光盛典是時年八十二矣十二年正月引之官禮部尚書以先生病奏請給假蒙

宣宗皇帝召見垂問明年九十歲宜善為調養且諭以服人

國朝先正事略 卷十六 名臣 无

澆之法越數日卒先生初從東原戴氏受聲音文字訓詁遂通爾雅說文皆有撰述矣繼見邵學士晉涵為爾雅疏段進士王裁為說文注先生遂不復為撰雅疏證二十三卷凡漢以前倉雅古訓皆搜括而通證之謂訓詁之旨本於聲音就古音以求古義引伸觸類擴充於爾雅說文之外無所不達然聲音文字部分之嚴則一絲不亂此蓋藉張揖之書以納諸說實多指所未及知者而亦為惠氏定字戴氏東原所未及古音自顧氏江氏戴氏皆有考正金壇段氏分十七部為益精段氏之分支之脂為三部也發前人所未發先生昔亦同見及此因段書先出遂輟作然先生所分乃二十一部按之羣經楚詞斬然不紊

更有為顧段諸家所未及者尤精於校讐凡經史子書晉唐宋以來古義之晦誤寫校之妄改皆一一正之著讀書雜誌八十二卷分逸周書戰國策管子荀子晏子春秋墨子淮南子史記漢書漢隸拾遺凡十種一字之微博及萬卷其精核如此先生姓方正居官廉直不受請託畢生以著述自娛善善惡惡出於至誠喜怒必形於色教子幼以朱子小學諸書長以經義長子引之能傳其學

引之字伯申登嘉慶四年進士出朱文正阮文達兩公門廷

試以一甲第三人賜及第授編修累官禮部尚書所蒞皆能

張其職父憂歸服闋署工部尚書薨於位賜祭葬予諡文

國朝先正事略 卷十六 名臣 无

簡初伯申年二十一歲應順天鄉試下第歸慧究心爾雅說文音學五書以求聲音文字訓詁之學越四年復入都以所見質疑於石臚先生先生喜曰乃今可以傳吾學矣遂語以古韻二十一部之分合說文諧聲之義例爾雅方言及漢代經師詁訓之本原且曰詁訓之旨存乎聲音字之聲同聲近者經傳往往假借學者以聲求義破其假借之字而讀本字則渙然冰釋如因假借之字而強為之解則結籊為病矣故毛公詩傳多易假借之字而訓以本字已開改讀之先至康成箋詩注禮屢云某讀為某而假借之例大明後人或病康成破字者不知古字之多假借也又曰說經者期得經意而已前人傳注不皆合於經

則擇其合者從之。其皆不合。則以己意逆經意。而參之他經。證以成訓。雖別為之說。亦無不可。必專守一家。則為何邵公之學。守而已。故其治經也。諸說並列。則求其是。字有假借。則改其讀。蓋熟於漢學之門戶。而不囿於漢學之藩籬也。伯申推廣庭訓。遂成經義述聞十五卷。經傳釋詞十卷。精博過於惠戴二家。凡前人誤解者。獨能旁引曲喻。以得其本原之所在。使人頓解心折。歎為確不可易。而又百思不能到。使古聖賢見之。必曰吾言固如是。沿誤數千年。而今乃得明矣。此誠不可不開之奧窔。阮文達謂恨不能起毛鄭孔諸儒。而共證此快論者也。高郵王氏自文肅公以清正立朝。以經義教子孫。至石臞伯申三世相承。國朝先正事略卷十六 名臣 三

而其緒益拓。論者謂本朝經術獨絕千古。而王氏一家之學。自長洲惠氏父子孫外。蓋鮮見其匹云。

汪文端公事略 子承霽

汪公由敦字師若。號謹堂。安徽休甯人。雍正二年進士。選庶吉士。授編修。尋丁父憂。以纂修明史奉旨。在館守制。十年充日講官。知起居注。累遷贊善。侍講。轉侍讀。授四譯館少卿。乾隆元年。典試山東。尋命直上書房。擢內閣學士。左遷侍讀學士。五年。復原官。六年。遷禮部右侍郎。調兵部。七年。充會試副考官。九年。調戶部右侍郎。充經筵講官。晉工部尚書。典順天鄉試。調刑部。教習庶吉士。兼署左都御史。充軍機大臣。十四年。金川奏凱。加太子少保。充平定金川方略副總裁。署協辦大學士事。會大學士張公廷玉致仕。將歸乞。

國朝先正事略卷十六 名臣 三

上一言為配享

太廟券謝。恩不親至。傳旨令明白迴奏。公張公門下士也。是日承旨。因免冠叩首。奏張廷玉蒙聖恩。曲加體恤。乞終始矜全。若明發諭旨。則廷玉罪將無可道。事獲已。次日張公早入朝。諭責公密通信息。願私恩不顧公義。解協辦內閣任。畱尚書效力自贖。明年恩予開復。命同大學士傅文忠總督方恪敏。會勘永定河南岸。建壩事宜。旋同莊親王等釐定皇朝禮器圖。會四川學政朱荃。匿喪納賄。事發。公會保薦荃吏議奪職。詔以公為人勤慎。學問亦優。降授兵部侍郎。是歲典順天鄉試。恩賞其長子蔭生承沆。以主事用。明年調戶部右

侍郎。命同大學士高公斌查勘天津等處河工。又明年晉工部尚書。十九年同蔣公溥等修盤山新志。加太子太傅。兼管刑部尚書事。二十年充平定準噶爾方略總裁。調刑部。二十一年調工部。明年授吏部尚書。二十三年薨於位。上聞震悼。親臨賜奠。諭稱公老成端恪。敏慎安詳。學問深醇。文辭雅正。加贈太子太師。入祀賢良祠。賞內庫銀二千兩。準入城於。賜第治喪。御製詩悼之。有贊治常資理論文。每契神之句。尋。諭賜祭葬。予諡文端。公篤於內行。記誦尤淹博。文章典重。有體。保直。內廷幾三十年。以恭謹上結。生知未嘗一日離左右。

國朝先正事略

卷十六

名臣

七

世宗皇帝初設軍機處。以張文和專任之。乾隆初。文和以公長於文學。特薦入以代其勞。乾隆十二三年間。金川用兵。前後所下。廷諭皆公筆也。初惟大學士訥親一人承。旨既出。令公在直廡撰擬。訥公惟恐不得當。輒令再撰。有屢易而仍用初藁者。一藁甫削。又傳一。旨改易亦如之。公頗以為苦。然不敢較也。時傅文忠在旁。竊不平。迨平金川。歸首揆席。則自陳不能多識。恐有遺忘。乞令軍機諸大臣同進見。遂沿為例。然秉筆之任。率推公。其後滿司官欲藉為見才。地文忠稍假借之。令其代擬。公見滿司官如此。而漢文猶必已出嫌於攬持。乃亦聽司員代擬。日久遂為章京之專職矣。

高宗天才敏捷。日課數詩。皆用丹筆。作草。令內監持出付公。及劉文正用素格楷繕之。謂之詩片。繼公者則劉文正也。公好獎借。後迎陽湖趙君翼。客公所最久。經進之作多。令趙屬草。筆削處服公精審。屢被。旨嘉獎。廷臣推服之。公曰。此門下趙某作耳。其不沒人善若此。

上以公老於文學。尋常碑記之作。每命公屬草。公令趙君草創。而加潤色焉。及進呈經。御筆刪改。往往出意表。然後知聖學尤不可及也。公薨後。

上以公書法秀潤。命詞臣排次摹勒上石。曰時晴齋法帖。公子承需承需。以。御賜祭葬。故。詣闕謝。趙君言於傅文忠。遂得召見。詔各賞舉人文忠奏言。承需書法似其父。復。命賞主事。於是在廷咸頌。

國朝先正事略

卷十六

名臣

七

聖天子垂念舊臣。推恩逾格。有泣者。其後。表文。達。錢文敏。王文莊。諸公。歿其子。皆引此例。得授內閣中書。云四十四年。御製懷舊詩。列公五詞。臣中在尚書。張文敏公之次。五十二年。承需官侍郎時。敬進公詩文集。上賜詩以當序言。承需字春農。號時齋。乾隆二十五年。以主事入直軍機處。洊升員外郎。郎中。三十五年。授平越知府。以親老。改邵武府。時母年近八旬。奏懇留京供職。復補戶部郎中。仍直軍機處。四十五年。

記名以三四品京堂用。遂擢左副都御史。越二年。遷刑部右侍郎。調工部。時甘肅冒賑案發。部議西監一款省費取巧。應禁革。毋許應試。及由別途出身。承需奏人數甚多。乞開其自新之路。令加足京監費。許其考試出身。得旨。俞允。四十八年。

上校射。承需連發中的。賞花翎。調戶部右侍郎。五十四年。坐監臨順天鄉試。失察代倩等弊。降二秩。用五十五年。署通政使。尋補順天府尹。擢左副都御史。嘉慶四年。授刑部右侍郎。調工部。五年。晉左都御史。賞紫禁城騎馬。遷兵部尚書。兼管順天府尹事。六年。永定河水溢。撫卹災民。散賑五十餘日。所全活無算。得旨。獎敘。尋改左都御史。署兵部尚書。被劾。以二品冠服。

國朝先正事略 卷十六 名臣 致仕。十年六月薨。詔視尚書例議卹。賜祭葬如禮。

潘敏惠公事略

乾隆十有七年二月。既望。巡撫福建副都御史潘公薨於位。天子眷念封疆勞績。優旨。照江南巡撫徐士林例。入祀京師賢良祠。遺疏請將封典。賜贈之處。恩賞一品封。並照一品例。賜卹。尋。賜祭葬如典禮。特賜諡曰敏惠。自後。

聖駕南巡。屢遣大臣。卽家致祭。飾終之典。較徐公為尤渥。云公諱思傑。字絮方。號補堂。江蘇陽湖人。雍正二年。進士。選庶吉士。改刑部主事。遷員外郎。充己酉順天鄉試。庚戌會試。同考官。遷郎中。出知廣東南雄府。考最。擢海南兵備道。乾隆二年。調糧驛道。四年。遷按察使。七年。遷浙江布政使。十一年。擢安徽巡撫。調

國朝先正事略 卷十六 名臣 福建居五年。卒。年五十有八。與徐公同壽。未竟厥施。上以故。尤悼惜焉。公性敏決。明法律。練習吏事。力持大體。而汲汲以直。朝廷德意。經國澤民。為務。其在西曹。獄常至夜分。飢則探懷餅淪水而食。每隨尚書入奏事。

世宗嘉之。在南雄。大水將敗城。公禱神。危橋。俎未徹。而橋圮。露宿。埠。現。聞。督吏卒。縛。獲。救。溺。者。在。瓊。深入五指山。安輯黎眾。劾鎮將郡守之殘黎人者。洎乘粵。即疏陳廣東有狼黎。獠三種。狼人世居高州府茂名縣地。今附民籍。多讀書。應試。獠人亦輸賦入版籍。設孺童義學。惟黎人散居瓊州府屬。以不識字。往往為土人所欺。請於儋崖等七州縣。照孺童例。設義學。訓課。能通

文義者許應試部議從之所理冤獄尤多會久旱奸民數百為羣入市強取米公時方疾強起坐堂皇立捕數十人至痛杖荷械以徇藩浙時疏報衢嚴等屬水災壞田廬漂人畜無算已申達督撫動帑撫卹諭曰此等事正地方官切已要務毋濫毋遺以期實惠及民公乃出臨錢塘江收流棺瘞浮尸躬親督賑尋疏陳給發籽粒並加賑卹

高宗手勅曰今歲浙省災巡撫常安有諱匿之意賴汝在耳是秋蕭山民何何渡江公曰民飢當哺則亂民也嚴懲之自是迄麥登無一譁者又疏陳常平倉出陳易新諸弊請因時酌辦又請禁考職吏員干謁地方官違者照違制律治罪部議均如

國朝先正事略 卷十六

各臣

三

所請其撫徽也當河決淮沅之後鳳潁泗皆災公前後請庫廩百萬有奇親行督賑冒風波洪澤湖舟幾覆不為動歸奏調劑災區三事曰勸課農桑曰疏濬溝洫曰稽核流移略言鳳潁等處民情竄情不知耨鋤培壅之法宜令州縣官隨地董勸即以地方民情之勤惰定有司之考成至各屬地分三等一為岡地最高一為湖地稍低一為灣地最下灣地被水非人力可施湖地外仰中窪下游濬渠疏洩即可涸出栽種岡地水雖不及而陂塘未築輒苦旱乾如壽州之安豐塘懷遠之郭陂塘鳳陽之六塘均宜及時修築臣思上年賑濟動帑百餘萬金若平時酌動數百金陸續修濬民間減一分荒歉即多一分收成朝廷亦

省一分帑項縱遇偏災亦可以工代賑一舉兩得又鳳潁民風樂於轉徙秋收後二麥已種輒攜家外出春熟方歸一遇災歉地方官勘給賑票輒畱一二人在家領賑餘悉潛往鄰境希圖資給行糧至有一家領三糧者本業拋荒人無固志此後應查明實係災民方許資送其結黨滋擾者罪之疏上手勅報曰此乃固本之務歷來安徽巡撫無有言及此者朕甚嘉焉勉力妥為之以俟三年之成也九月調撫福建朝京師六蒙召對闕地民情竄竊相尚以鬪訟盜匪數起公廉得其主名髮櫛而草薶之清釐錢糧責令推收承納使糧歸於田民欠不至無著其屯田寺田之詭奇飛灑者皆確查禁杜不復派累里中晝見

國朝先正事略 卷十六

各臣

三

官屬夜披案牘早則步禱潦則按卹又以農隙巡視海防驗賊艦朔望入書院與諸生講說經義歲以為常勞積疾作不少止也公為政以水利為農田之本嘗奏請大治餘杭之南湖會稽之鑑湖上虞之夏蓋湖餘姚之汝仇湖慈溪之慈湖以及皖北之安豐郭陂等塘會濶泥茨茨沙等河修復舊隄開禁奸民之墾佔貽害者繪圖鳩工皆以遷擢中輟居平常以為憾惟修築甯德之東湖墾良田萬畝及福州城外之西湖築隄千三百丈建關二溉田數千頃又親勘福清之郎官港法海埔招墾海灘淤地法海得地千三百餘畝郎官港得地八百餘畝疏聞手勅報曰勸課耕農務民之本也勉之公起寒素幼從師讀書嘗

自市薪米通籍後洗手奉公終身非共賓客食不重肉衣必數
澣紉丁卯以院撫監臨江南鄉試卽二十五年前賓興地有司
進供給視舊減過半鄉人榮公而彌佩其清節也爲人厚重寡
言笑臨大事能斷恤吏民若一體治公務若營其家愛士育才
惟恐不及於世閒嗜好泊如也故臯復之夕賓哭於館吏哭於
次士哭於塾民哭於途卒哭於伍僉以公中年奄逝未完其用
世之志爲天下惜也平生治經尤達於易能探荀虞之旨嘗謂
後世知有漢學者賴李鼎祚集解存耳自建節鉞卽不攜眷屬
之官公餘日閱注疏及徐氏經解出入一童抱畢曠自隨有得
卽疏之嘗謂學者云學必求有用凡象緯方輿歷卒水利農政

國朝先正事略 卷十六 名臣

葉

何一不當留心若詞章撰著抑末耳故自去翰林益講求經濟
實學所著周易淺釋四卷皆卽卦變之說以求象而卽象以明
理每卦皆註明自某卦來謂之時來嘗曰象多言象而變在其
中爻多言變而象在其中不明時來不知卦之來處不求爻變
不知卦之去處爻無所不包舊說概講入身心政治上遺卻
許多道理不若就淺處言之而深處亦可通也公點勘四十二
家易解竭畢生之力以成此書力疾屬草尙闕乾坤二卦故所
說爲六十二卦云又著有龍峯講義四卷

彭芝庭尚書事略

公諱芑豐字翰文鄉舉時芝生庭中因自號芝庭江蘇長洲人
祖定求康熙丙辰會試廷試俱第一官侍講學者稱南昉先生
語在儒林傳父正乾考授州同知公幼承家學年十六補諸生
雍正五年會試第一廷試卷列第三

世宗親拔第一授修撰大學士張文和奏彭某科名與乃祖同
上喜卽召入南書房充日講官知起居注七年充河南副考官
入闈病作移宿於外氣垂絕恍見二童子自雲中下持采旗導
還鄉至文星閣一老人持藥飲之遂蘇文星閣者南昉先生講
學地也及至京 命遣醫診視 賜藥九丸春

國朝先正事略 卷十六 名臣

罕

世宗手書楹聯賜之尋遷中允乾隆三年擢侍講累遷左僉都
御史提督浙江學政積三遷至刑部侍郎領學政如故父憂歸
服除補吏部再督浙江學政就改兵部官滿還朝夕終母養母
終逾年起署吏部侍郎明年補左侍郎遂遷左都御史二十八
年晉兵部尙書充經筵講官越三年左調復爲兵部右侍郎又
二年致仕歸歸九年

純皇帝東巡公朝行在復故階先後立朝垂四十年 國家有
試士之典未嘗不在列凡校順天鄉試一校禮部試一主直省
鄉試七督學政二經歷滇南中州江右山左浙東西所至皆稱
得士公少逮事南昉先生受儒家言自入翰林刻苦如諸生鮮

食寡欲畏遠權勢簡交游涖官以謹慎見稱不好激言崎行而介然時有所不為所奏進經史講義皆切於治體其主試江西也還過江南之宿州宿方被水有司賑不以時飢民號訴滿道上公入奏其事章下督臣察治之學臣有詣事大吏以屬官門生自居者公又抗疏言之

上偉其論其督浙江學也還言利病四事其一曰餘姚南湖之水發源天目注若溪下灌杭嘉湖三府今淤塞侵占者多古稱西湖之水既田萬頃今浚狹不稱舊聞會稽上虞慈溪諸水利多未修復旱潦無備非宜其一曰浙中收漕每石私加五六升及一二升不等宜禁其一曰浙省官水陸往來非奉使馳驛者

國朝先正事略 卷十六 名臣

聖

皆例外自發驛傳多者役及千夫少亦不下六七百人騷擾實甚宜與限制其一曰溫台諸府產鹽地例設巡鹽兵兵利賞輒按戶按索或將數家食鹽併少報多誣民私販大不便章下所司皆議行其後二十餘年浙中督撫相繼得罪死州縣漕弊雜發益熟爛不可問其所以使然者漸矣公可謂識微者歟在刑部八閱月閱讞牘敬慎詳審有疑輒商諸僚屬秋審論情實以公言核改緩決者十餘人在兵部奏武職銓補遲速不均宜量與疏通奏奉使馳驛官有廩給口糧而夫役俱向驛站借雇慮開多索濫應之漸宜停例支改一馬三夫

上皆可其奏會同部蔣侍郎櫛與史侍郎奕昂有隙蔣許史於

上前且謂史嘗於眾中詆公引公為證上問公公對未聞

上疑有私降公侍郎逾年遂有休致之旨先是公乞養歸為奉母故闢園亭藝花竹

上賜額曰慈竹春暉至是再歸林壑益幽遠花葯益茂公擁萬卷日暇其中每春秋佳日出遊石湖寒山士女擁觀塞路管入

京祝

高宗萬壽又明年恭祝

皇太后萬壽與香山九老會

賜杖圖形禁中兩次迎 鑾俱蒙 溫諭 賜宴 命閱召試諸生卷最後 諭來京與明年

國朝先正事略 卷十六 名臣

國朝先正事略 卷十六 名臣

卷十六 名臣

聖

千叟之宴主紫陽書院十五年所成就人才甚眾四十九年六月無疾而終年八十有四遺疏上會曹尚書亦卒

上謂廷臣曰彭啟豐曹秀先皆不得與千叟宴也惜哉公平生

天真自然不知人世有機械事意有不可或時面折人然事過

輒忘無少藏積以故賢士大夫多樂與之遊與劉文正稽文恭

交尤篤前後居喪皆盡禮終喪始復寢所居十泉街仍世通華

子孫列官內外而門館蕭蕭閣簾閑據几一燈諷卷如老諸生婚

嫁徭役糧稅如平人家嘗語人曰吾為秀才過徐達夫門時方

及第立斗標心豔之及宦成歸再過之徐氏已易主矣後之視

吾猶吾之視徐也得不懼哉公直內廷時 敕和 御製詩百

數十首。及告養歸。復發詩百六十餘首。命和畢。交巡撫奏送。所著詩古文集三十卷。具有家法。其碑版文尤推重於世。子紹謙。舉人。官曹州同知。紹觀。進士官侍讀學士。紹升。字尺木。進士。語在儒林傳。

國朝先正事略

卷十六

名臣

望

楊勤愨公事略

國家漕東南之粟上輸。神倉聯鉅艦以載。凡六千九百六十。有九艘。各有運丁。所僱募舵工水手之屬不下數萬人。艘入運河沿河左右待募。牽纜之夫亦不下數萬人。眾事繁於是。各直省並設衛所員弁領運。以糾偷惰察奸慝。而必以文武威風知大體可敬信之大臣總其事。乾隆二十二年清江楊勤愨公以前禮部尚書奉。特旨轉兵部尚書投漕運總督。公既視事。諮訪利病。肥羅剔抉。興之革之。與眾同欲。慮運河阻滯。時與河臣協謀疏濬。以時蓋洩。俾通達無窒。上嘉獎焉。而公淡泊甯靜。無郵疲困。運官不敢有私求。在任十

國朝先正事略

卷十六

名臣

望

二年。凡糧艘所過安靜不擾。沿河居民往來行旅皆帖然。二十三年十二月薨於位。年六十有八。上聞震悼。賜祭葬如禮。特命子諡。凡飾終之典罔不具焉。呼公之忠誠結。主知。聖天子之知人善任。使可謂盛矣。公諱錫綬。字方來。號蘭畹。江西清江人也。父英玉。以名諸生授經講學。鄉里宗之。公幼即端重若成人。稍長肆力於學。務求實用。雍正五年進士。初任吏部主事。累遷郎中。轉御史。出為廣東肇羅道。乾隆二年遷廣西布政使。六年就遷巡撫。九年入為禮部侍郎。明年又出為湖南巡撫。十三年父憂去任。十五年起刑部侍郎。仍撫湖南。十七年丁

母憂十九年冬起左都御史明年署吏部尚書二十一年仍署
 湖南巡撫五月授禮部尚書其年冬又出署山東巡撫明年春
 遂總督漕運事二十三年晉太子少師二十八年加太子太保
 公少篤嗜宋儒書及在官試其所學學日以顯故所至皆有實
 政初仕吏部時明習條例老吏不能欺高安朱文端公深器之
 其出而治外也清心寡欲正己率屬汲汲以興水利廣積貯敦
 學校宏教化為事在肇羅道任歲巡視瀕海田修築圍基終公
 任無水患任廣西布政使條奏二事言革職佐雜官宜免追編
 俸州縣官不得以土產獻上官及遷巡撫屢平土苗之變並勦
 捕黔省逆苗而審知徭徭苗民愚而嗜利其黠者動以挖窖書

國朝先正事略

卷十六 名臣

聖

符煽惑聚眾嚴飭所屬勤緝捕絕其根株更令力行保甲法凡
 逆苗田產入官即令苗民承種收其租以資積貯借給貧苗既
 勦且撫苗民咸化之屬吏或以人淺饋者諱其名曰長生果公
 怒卻之以入告

上曰是真不愧四知者矣湖南民健訟多習邪教公嚴懲禁之
 又以湖南產穀之鄉鄰省皆賴接濟畜積尤宜加厚其溢額倉
 穀或調支協撥即飭所司隨時買補而長沙岳州常德澧州諸
 境濱臨洞庭沿湖田廬全資堤垸護衛例於每歲秋冬督民修
 築然多視為故事豪家蠹胥包攬侵扣工力不均公嚴飭有司
 辦治而輕舟減從時巡視之察其勤惰予勸懲堤工既堅且厚

彌望屹立民以無虞公凡三蒞湖南父老歡迎如慈父母在山
 東時二十一州縣被水公奏請捐貸有差減常平米糶價云之
 一以魚臺土城低窪請移置高處絕後患其政績之大者如此
 其細者不勝書也公歎歷中外三十餘年凡所陳奏悉協大體
 而尤關國計民生者在湖南日以各省水利久廢愚民不知
 遠慮數畝之塘往往培土為田一遇旱乾即他膏腴都成棄壤
 請飭各省督撫凡有陂塘處所嚴禁改墾
 上詔行之又以湖南每歲採木有司至苗地凡所有不輒籍記
 之而賤價勒買運至江南私賣其贏餘請自後商木憑牙行採
 買不得官為交易其在苗地者州縣官為審問聽民願賣者買

國朝先正事略

卷十六 名臣

吳

之運過辰關按驗乃行著為例其在漕運最久敷陳亦最多
 上皆久行是以漕政肅清旗丁感公德建生祠河上公既薨繼
 公任漕政者

上皆以遵公約束命之所訂漕運全書雲門黃公署漕督時
 表上焉嗚呼公可謂不負所學者矣公為人寬宏樂易待人恐
 而自守極嚴聲色貨利無所好而以人才為性命偏長薄藝靡
 不記錄尤加意敦崇正學之士獎勵如不及居家孝友惇睦化
 其宗族鄉黨教子弟一以禮法論者謂近世名臣推朱文端楊
 文定蔡文勤若公者實三公之匹亞也所著自漕運全書外有
 四書講義節婦傳四知堂文集行於世

國朝先正事略卷之十七 名臣

平江李元度次青墓

梁文莊公事略 子同書

乾隆二十有八年相國錢塘梁公以微疾薨於位遺疏未及上

高宗震悼 命皇五子臨其喪 贈太保入祀賢良祠 賜內

庫白金千兩卮喪具公子敦書守遵義乞改京秩侍養已調戶

部郎中未卽至

上念邸次乏人 命內務府派司官經理其事部察郵典具奏

諭葬祭如例 予諡文莊入祠加祭一壇敬殯日奉 恩旨所

過沿途二十里內官弁並赴舟次弔奠遣人護送公起自田間

國朝先正事略 卷十七 名臣

受

兩朝不世之知遇回翔館閣出入禁闈海歷卿宰以至延登受

策 恩禮哀榮冠絕寮案初公直上書房得侍

高宗皇帝暨誠和兩親王講讀以舊學受知自言嘗為

高宗作學竄大字適

憲皇帝駕至諸臣鵠立以候

憲皇帝命竟其書墨漬袍袖又 命

高宗曳之今藏此衣三十年矣他時服以就未庶存殤志 君

恩也至是如所言公諱詩正字養仲號蕪林先世自新里遷饒

塘父文濂歲貢生選諸暨訓導不就公生五歲始能言幼擅文

譽與兄啟心有二難之目年三十始舉鄉試又五年以一甲三

名 賜進士及第授編修時雍正八年庚戌也未散館出典山

東鄉試十一年分校會試明年充日講起居注官上書房行走

遷侍讀又明年晉侍講學士母憂歸 詔賞藩庫銀五百兩治

喪乾隆元年 諭日向來翰林官丁憂有在京修書之例梁詩

正著來京在南書房行走 詔以素服入直照現任學士例給

俸兼直懋勤殿與願侍講成天恭校 御製樂善堂全集 賜

第南城三年補侍讀學士充日講起居注官仍兼上書房行走

十月典順天武鄉試晉內閣學士充經筵講官四年遷刑部侍

郎尋調戶部兄啟心成進士與館選五年夏公父年七十 恩

國朝先正事略 卷十七 名臣

給二品封 賜御製五言詩并 御書傳經介祉四字 賜之

六年條奏變通二款一八旗生齒日繁若不使自為養而常欲

官養之雖目前尚可支持而數百年後旗戶十倍於今勢必不

給宜令間散人丁於黑龍江甯古塔等處分置邊屯使世享耕

收之利以時講武且可充實駐防一綠旗增設兵丁較康熙年

閒餉額多至五六百萬向來各營多空額自雍正元年徹底清

查盡除此弊是近來兵額但依舊制亦較前有虛實之別况各

省要地多滿兵駐防與各標營聲勢聯絡其增設之額可減者

宜酌減不必遽行裁汰但遇有開除請即停止募補疏入

上嘉納焉 命兼署吏部右侍郎七年兼 御書館行走八年

正月

上御重華宮。召諸臣。賜宴聯句。勅公書以勒石。七月扈駕入盛京。謁

祖陵。

上升殿大宴。手賜卮酒。時與者不過數人。入山海關。

上登澄海樓觀海。獨召張尙書照暨公聯句。九年。賜清勤

堂額。車駕幸翰林院。賦詩。賞賚公受。賜與尙書均。十一

月。命選唐宋詩。十年夏。擢戶部尙書。十三年春。扈駕東

巡。謁孔林。登泰岱。

上以山徑險仄。諭公不必隨上。沿嶺派侍衛分駐。有交辦事。

國朝先正事略

卷十七 各臣

三

遷傳上下。尋命閱會試迴避卷。調兵部尙書。明年。金川報捷。

加太子少師。暫管戶部尙書事。賜御書宣贊樞衡額。尋兼掌

院學士。協辦大學士。偕汪公由敦。纂西清古鑑。十五年。授吏部

尙書。協辦閣務如故。教習庶吉士。御史歐堪善奏。公徇庇營私

各款。

上召公及軍機大臣。掌院學士。吏部堂官。及堪善等。親詣於

勤政殿。事白。不復置議。會四川學政朱荃。匿喪事聞。

上召問。奏對不稱。旨罷掌院學士。旋賞公次子舉人。敦書

廕生。觀政工部。公經歷。四部。遞長。六官。所至。能舉其職。其佐司

寇也。曹司有通曉律例者。虛已咨詢。獄無疑義。及筦中樞。

上以經略與大將軍。向無區別。命公博考前典。參酌今制。自

禱牙啟行。至凱旋告廟。條上儀注。載入會典。及掌銓衡。振滯滯

抑。躁進。杜請託。吏胥莫敢抗弊。在農部。最久。清釐錢法。稽核奏

銷。精於心計者。不及也。十六年。扈蹕南巡。時父年八十。特

晉一品封典。給假。留侍一月。公奉太公迎。駕吳江。賜貂緞

及御製七言律詩。御書湖山養福四大字。賜公父台階

愛日四大字。賜公命閱。召試諸生。卷歲除。賜白金五

百兩。十七年。陳情乞養。御書身依東壁。圖書府家。在西湖山

水閣。一聯慰之。再請。溫詔俞允。御製詩。寵行。有翻祝歸朝

晚。卿家慶倍深之句。又賜公父如意人。漫貂緞等物。且諭

國朝先正事略

卷十七 各臣

四

日。二三年後。南巡。君臣復得相見矣。

聖情。腕篤不啻家人。父子焉。家居二年。命與沈宗伯德潛合

修西湖志。纂二十二年。六飛重幸江浙。公赴淮陰迎駕。駕

賜在籍食俸。會汪尙書由敦。假歸省墓。命公代攝其事。賜

御製詩。又賜萊衣畫永額。命閱上下江。召試卷。尋令歸侍

養。寄御製詩百八十餘首。命和進之。明年丁憂。時公兄啟

心以毀卒。百日後。特詔以工部尙書召用。請假數月。畢葬事。

許之。明年。調署兵部。賞紫禁城騎馬。命工部侍郎。三和於

澄。懷園。度地。建屋。俾就近直宿。如初。八月。典順天鄉試。二十四

年。教習庶吉士。服闋。授兵部尙書。署掌院學士。二十六年。遷吏

部尚書協辦大學士兼掌院如故充經筵講官恭遇

皇太后七旬慶典撰擬 御製表文恭上

徽號册寶典禮隆重公與協辦大學士兆惠公主之周旋磬折

從容中度奉 懿旨賞賚有加明年典順天鄉試二十八年策

拜東閣大學士仍兼吏部尚書掌院學士 賜第內城加太子

太傅十一月薨年六十有七公天性孝友事二親色養備至白

通籍以至爰立不傍門戶不矜巧捷以樸誠結 主知扈從

巡幸常在屬車豹尾間大制作成出手總裁 國史文穎續

文獻通考各館體例多其所定巨製鴻裁折服羣彥屢閱 殿

試朝考散館召試卷必公必慎文章近南豐詩骨蒼秀有矢音

國朝先正事略 卷十七 名臣

五

集五卷書學柳誠懇繼參文趙晚師顏李凡三變奉 命編秘

殿珠林石渠寶笈益得縱觀 天府收儲經進時獨蒙 眷賞

屢勅堅珉性儉素衣必數澣自奉齋於寒士賞郎墨吏不敢因

緣造請每下直雙扉畫掩門庭閱然嘗署所居為味初齋示不

忘舊也吏部內閣翰林掌院皆京僚極清要地公兼領數年王

尚書際華戲謂曰公可謂三清居士矣裘尚書曰修笑曰兼以

上書房南書房則五清也其為同官所欽慕如此四十四年

高宗御製懷舊詩列公五詞臣首于二長同書字山舟出嗣伯

兄乾隆十七年由舉人 特賜一體殿試選庶吉士累遷侍講

以文章書法名世引疾歸嘉慶十二年重赴鹿鳴宴 賞侍講

學士銜年九十三卒敦書官至工部右侍郎

國朝先正事略 卷十七 名臣

六

雷翠庭副憲事略

公諱敏字貫一。一字翠庭。福建甯化人。少有志於聖賢。見蔡文勤世遠所著學約。篤好之。遂從文勤學。舉鄉試。入都。不投公卿。一刺以陸平湖不敢見。魏蔚州為法。方望溪侍郎嘗與文勤太息。生才之難。計數生平朋好。如楊賓實。陳滄洲。後生中尚未見。堅然可信其幾及者。况在古人。文勤曰。吾門雷生。乃後起之賓實也。公乃出見望溪。於文勤所。文勤即命受學於望溪。望溪固辭。而答以僭輩之稱者。凡四三年。其後察公品峻。而意誠。始受之。不辭。朱文端弼聞公名。不可得見。乃就公於文勤寓舍。與講易。時人兩賢之。而孫文定嘉淦亦禮先於公。舉為國子監學正。國朝先正事略卷十七 名臣 七

雍正癸丑。開性理試。主者欲得公公謝。不往。是年成進士。選庶吉士。以大父母春秋高。請急歸省。乾隆六年丙辰。詔起公於家。侍 皇子學。賜第內城。特旨授編修。丁巳。充會試同考官。以 御試前列受 賜。充日講起居注官。遷左諭德。兼翰林院修撰。同官余棟以 國郵入都。有 旨留侍 皇子讀。余辭不許。公言。余某父喪未葬。不宜在 皇子左右。聞輔臣咎其辭為好名。使在廷皆避好名之嫌。不求盡子道。非細故也。余得歸。終制。始公父就養京師。將以察公守官之志行。又念文勤劾未知所學於望溪者何如也。於其歸。望溪為文贈之。亡何父卒。公以憂歸。服闋。補原官。遷右庶子。再遷少詹事。擢通政使。當是時。

上以言事者外沽直名。實自規便利。屢下 詔訓勅。公謂二者雖諫臣。不肖然朝廷樂聞讜言。但當論其言之是非。不必疑其計利。并不必疑其好名。言果可用。采而納之。諫臣之所得者。名政事之所資者。實也。昔孔子稱舜曰。隱惡揚善。則知當舜之時。言者亦不能有善而無惡也。惟舜隱且揚之。故書曰。明四目。達四聰。又曰。嘉言罔攸伏。願。

皇上以舜為法。任老成。遠諛佞。簡遊幸。屏玩好。得 旨嘉獎。十二年。

上將南巡。公請 勅諸大吏省徭役。敦樸素。以便民時。

上已有 旨宣諭矣。以公言忠。弗弗也。尋乞假省母。假滿。命

國朝先正事略卷十七 名臣 八

以原官督浙江學政。調江蘇。改左副都御史。仍調浙江。教士敦實行。去功利。衡文取雅正。一革舊習。刻陸清獻及張楊園先生年譜。以風示學者。公為政甚嚴。而州縣吏亦無敢踰法虐士者。勸屬捏報劣生者。其人已擢守道。公特劾之。因疏言。舉報優劣。當責成府縣。官定以處分。又言。大學貢士。宜先老成通經學者。會秋大饑。有司以例不敢請。公密言狀。特旨賑之。民困以蘇。以母年八十。乞歸侍養。四年。既葬。未終喪。而公卒。年六十。有四。乾隆二十五年十月也。公平居雍雍。以和不見。喜愠之色。至臨大節。則嶄然不可奪。在 朝。遇重臣。無加禮。退接。交如布衣。時造次必於禮法。而簡重安舒。見者氣為之欽。初入仕。籍大臣。

爭相引重。公岌然中立。無少依附。獨以忠懇結。主知每進。程
史講義。必詳晰義利。開設端委。以根極於治要。

上嘉納焉。二十三年。

高宗南巡。御書堂額為太夫人壽兼。賜文綺。豐貂蓋。公純
孝。

上知之。故體恤尤至。而公臨沒。具遺表。亦言臣為子之事。粗具
而為。臣之志未伸。此臣目終難瞑者也。公之學以躬行為主。以
仁為歸。以敬義為堂戶。其生平出處。張弛語默。按之無不合於
道者。至小事皆可為法。為文章。簡要冲夷。有古作者風。居嘗謂
國家根本在人才。故聞一藝片善。必加搜討。所交多巖穴奇士。

國朝先正事略

卷十七

名臣

九

其奉使。出京。布衣。李銍。朱熹。送別舟次。錯號為青山人家。世勳
舊為太傅。索額圖介。塔隱於盤山。閉關絕人事。與熹俱守道。自
重。不妄見人。惟公能得之。在蘇。善陳黃中。在浙江。每有造訪。或
邑人未曉名姓。相視驚訝。不測公何以知之也。生平學宗程朱。
而於象山陽明辨之甚力。嘗謂孔子性相近之言。實萬世言性
之宗旨。孟子所謂性善。正相近之實際。相近者善之相近也。以
萬物為一體者。堯舜之仁也。今人乍見孺子入井。而怵惕側隱。
可謂不與堯舜之仁相近乎。故曰性善也。擴而充之。人皆可以
為堯舜也。必待擴充之力者。氣質有不同也。孟子言性。與孔子
無二旨也。又曰道心即性也。人心之正者。道心為之主。即性宰

乎氣也。人心之偏者。道心之有蔽。即性汨於氣而失焉者也。非
道心為一心。人心又為一心也。如飲食男女之欲。人心也。而道
存焉。知道存。即道心也。知其為道。而肆焉。則危者。愈危。微者。愈
微矣。故必道心為主。而人心聽命也。所著經筵堂集。自恥錄。讀
書偶記。校士偶存。聞見偶錄。共若干卷。

國朝先正事略

卷十七

名臣

十

陳文勳公事略

公諱大受字占成號可齋湖南祁陽人父探好施與屢出粟賑
饑。夢神授排衣兒遂生公。兒時行市中。逸馬羣至。止焉。人以
為異。性沈敏強記。初投內則。即退習其儀。既長。家益貧。躬耕山
麓。同舍漁者。每夜出捕魚。公為候門。讀書不輟。雍正七年。以拔
貢舉順天鄉試。十一年。成進士。選庶吉士。乾隆元年。授編修。二
年。上御乾清宮。親試翰詹諸臣。日午。御座以待。公章最先成。奏
焉。

上喜列第一。遷侍讀。累擢左庶子。侍讀學士。晉少詹事。二年。遷
國朝先正事蹟 卷十七 名臣 十一

內閣學士。典試浙江。四年。授吏部右侍郎。充經筵講官。二禮館
副總裁。尋授安徽巡撫。初視事。剖決疑案。老吏駭其精敏。盧鳳
穎等府。素稱盜藪。地方吏多諱匿。或事主隱忍不報。致發役表
裏為奸。公抵任。後勒限嚴緝。一月中。獲盜五十人。得 旨褒美。
會淮南北海饑。發倉穀賑之。穀且盡。乃令於麥熟地買麥。又分
糶於江廣。且發且儲。六年。壽滿水。無麥。乃食民以所買糶者。時
連歲饑。民多竊米。麥以食。有司以盜論。公哀其情。奏原六十餘
人。高阜斜坡。不宜稻麥。前總督郝公玉麟。攜閩產早稻一種。曰
畚粟。性宜燥。無煩浸灌。公教民試種。有秋。因道購數十石。分給
各屬。化無用之田為有用。事聞。手勅報曰。諸凡如此。留心甚

慰朕懷。虞山陳進士祖范。遠經學。公延主。敬敷書院。且疏。薦得
旨。加司業銜。異數也。是年。調撫江蘇。常鎮太水災。公糶倉穀。疏
溝渠。築圩岸。修廬舍。殮餓殍。請緩今年徵水。退恐遺蝗。種乃募
民。先冬掘之。官為收買。疏入。

上嘉獎。傳諭直隸。總督高公斌。照所奏辦理。七年。淮海係下田
積水。不可以麥。民有草食者。公按口各假二月糧。

上命。截江廣漕米七萬石。賑之。句容之黃堰壩。灌田八千畝。郭
西塘。灌數百頃。歲久盡淤。乃貸社穀。俾民以工就食。水利復而
民不飢。秋。河決古溝。再決石林。高寶與秦徐州罹其患。公疏聞
上命。截漕米。協濟銀。穀至數百萬。乃多備空船。候米至。則分載

國朝先正事蹟 卷十七 名臣 十二

之。舳。艘。數。百。里。一。日。而。徧。先是。丹陽。運。河。口。藉。湖。水。灌。輸。淤。沙
每。需。疏。濬。至。是。公。奏。定。六。年。大。修。每。年。小。修。其。後

高宗南巡。御製反李白丁都護歌。有豈無疏濬方。天工在人
補。輸。年。大。小。修。來。往。通。商。買。之。句。蓋。嘉。公。奏。定。歲。修。法。利。於。漕
運。也。十。年。奉 恩。旨。普。蠲。明。年。天。下。錢。糧。公。疏。陳。江。蘇。蠲。糧。三
事。一。核。準。漕。項。科。則。曉。諭。周。知。一。棄。造。地。丁。耗。羨。同。漕。項。升。完
一。酌。定。業。戶。減。租。分。數。通。飭。遵。行。得 旨。嘉。獎。時。戶。部。議。禁。商
回。公。以。謂。商。人。貯。米。得。少。利。即。散。貯。不。過。一。歲。民。且。利。焉。請。弛
禁。便。又。言。城。工。核。減。意。在。節。用。省。而。工。惡。再。修。且。倍。之。城。郭
為。千。百。年。計。不。宜。求。節。省。目。前。

上皆。遣之。十一年。加太子少保。時淮海徐屬被水災者十七。公行。縣至海。沐見食。膏。質者。取嘗之。苦澀甚。乃趣散粟。借以種。蘇揚俗。尚侈靡。公力禁。習。尚為一變。蠲牛稅。及漁鰾稅。以惠貧民。廣置義學。削俸。仗助。廣仁育。嬰。普濟三堂。置產。以經久。遠。九月。調福建巡撫。疏言。近海商民。例許往暹羅造船飯米。但內渡時。若有船無米者。應倍稅示罰。部議從之。故事。巡臺御史。出巡南。北路。派所屬縣。輪備夫。與廚傳。稿資之用。又濫準詞訟。致奸民。挂名胥役。生事厲民。公奏。劾之。勅自乾隆五年以後。巡臺御史。均交部。嚴議。又疏言。臺屬番民。生業艱難。向漢民。重息。稱貸。子女田產。每被盤折。請撥臺穀。六萬石。分貯。諸彰。淡水。等屬。照國朝先正事略卷十七 各臣 三

鳳山。例。接濟。其不願。借者。聽。上報。可。聞人。與番。雜處。土音。非譯。不通。有奸民。殺人。賄通。事。移。坐。番罪。公疑之。再鞠。竟得白。十月。授兵部尚書。十三年春。上東。巡。公親。行在。召問。東土。饑饉。情事。公以所見。對。即。命。於行。營。前。議。賑。事。還。朝。典。會。試。轉。吏部。尚書。協辦。大學士。充。軍。機。大臣。經。筵。講。官。教。習。庶。吉。士。兼。直。上。諭。處。時。金。川。用。兵。上。憂。勤。方。略。軍。書。如。織。雖。深。夜。必。達。覽。公。日。數。被。召。對。夜。宿。直。廬。凡。經。密。重。事。皆。與。焉。出。入。見。星。以。為。常。歸。則。積。帙。數。寸。刻。燭。披。覽。無。闕。十四年。金川平。晉。太子。太保。加。軍功。三。級。賜。御。書。熙。績。良。謨。額。秋。署。直。隸。總。督。積。勞。成。疾。

上數。遣醫。存問。賜。護。藥。十五年春。授。兩廣。總。督。陛。辭。請。訓。上。曰。汝。直。樞。樞。兩。載。萬。幾。之。事。皆。所。目。擊。即。朕。訓。也。何。贅。辭。惟。中外。一。心。足。矣。尋。命。協。理。粵。海。關。務。兩。粵。去。京。師。遠。吏。婦。民。曉。公。以。猛。易。之。舉。劾。不。法。吏。無。虛。月。風。俗。丕。變。初。總。督。碩。色。與。巡。撫。岳。濬。在。粵。東。互。相。抵。牾。至。是。調。雲。貴。督。撫。公。疏。言。雲。貴。極。邊。重。任。二。臣。恐。不。能。和。衷。請。切。加。訓。飭。上。遵。其。言。十六年。請。裁。廣。東。肇。高。學。政。從。之。疏。言。海。康。遂。溪。等。縣。堤。遇。塌。塌。應。搶。修。刻。不。容。緩。若。必。待。詳。估。事。已。無。及。不。若。令。民。隨。時。自。修。過。重。工。另。奏。官。辦。報。聞。入。月。以。病。乞。解。任。溫。詔。國朝先正事略卷十七 各臣 西

慰。爾。未。幾。薨。年。五。十。遺。疏。入。諭。稱。其。才。品。優。長。精。明。勤。慎。命。入。祀。賢。良。祠。以。獎。賢。勞。予。三。代。封。諡。諡。一。子。賜。祭。二。壇。諡。文。肅。公。器。宇。端。嚴。每。正。視。眉。目。皆。上。起。豐。髯。有。威。朝。廷。倚。為。重。臣。清。節。見。推。海。內。徵。時。極。貧。父。母。生。母。皆。不。及。養。故。雖。貴。愈。自。刻。苦。儉。約。如。布。衣。時。事。長。兄。盡。恭。能。曲。承。其。意。與。人。既。合。則。不。發。其。力。而。於。親。故。尤。甚。性。坦。夷。無。城。府。不。為。矯。激。之。行。亦。不。與。俗。隨。俗。嘗。及。方。侍。郎。之。門。望。溪。集。中。多。與。公。往。還。尺。牘。所。言。皆。吏。疵。民。瘼。深。以。湯。文。正。期。公。謂。足。繼。其。武。公。嘗。言。應。事。多。而。利。害。明。則。受。病。即。在。此。望。溪。嘆。為。名。論。謂。可。為。庸。庸。者。之。藥。石。云。子。輝。祖。由。任。子。累。官。廣。西。湖。北。河。南。巡。撫。擢。浙。閩。總。督。兼。管。

浙江巡撫事坐籍沒王直望在所贖財以銀易金且隱匿玉器
遠聞 賜自盡

國朝先正事略

卷十七

各臣

去

舒文襄公事略

乾隆四十二年正月

孝聖憲皇后崩四月

純皇帝奉梓宮安葬

奉東陵大學士舒公扈蹕行十九日抵長格莊適疾命御醫

彭治越二日薨

上震悼諭稱公老成端重練達有為宣力中外四十餘年實為

國家得力大臣命賞陀羅經被造額駙公福隆安帶領侍衛

十人往奠爵特贈太保賜祀賢良祠車駕還京復親

臨奠殿御製詩輓之尋賜祭葬予諡文襄時長子舒常

國朝先正事略

卷十七

各臣

去

以參贊大臣征金川事戴爾鎮西蜀及是命馳驛回京治喪

哀榮之備朝列所希有也公諱舒赫德字伯容別字明亭姓舒

穆魯氏滿洲正白旗人祖諱徐元夢即文定公也父諱席格由

副榜官員外郎公由筆帖式授內閣中書人直南書房隨閣臣

預機務遷內閣侍讀晉御史乾隆二年擢侍讀學士明年由副

都御史擢兵部侍郎協辦步軍統領四年

上以盛京為國家根本地游民聚處日繁非便命公偕將軍

暨五部侍郎議奏請禁海口毋許山東游民私渡先來者限戶

籍籍有司約束向例民人墾荒地十年乃陞科而於人限以三

年輕重失序請更其例從之十三年遷都統兼署兵部侍郎

命為軍機大臣。擢兵部尚書。調戶部管三庫事。尋命同大學士經略傅公征金川。參贊軍務。明年春金川納款。加太子太保。御書均式宣猷四字賜之。命由川入滇。勘視金沙江形勢。籌銅運。又命歸途校閱湖南北營伍。又明年命視浙江海塘工程。十六年從幸江浙。十七年河決馬路口。上命公同劉公統勦策楞公。往治之。堵決口。卹災。黎月餘。工竟。上嘉之。先是準噶爾有綽羅斯。都爾伯特。和碩特。土爾扈特。名曰四衛拉特。其輝特部附於都爾伯特。特厥後土爾扈特竄入俄。羅斯乃以輝特補之。傳至噶爾丹。兆。跟。犯。塞。聖祖三臨朔漠。平定之。噶爾丹策凌當雍正中遣使經界其地。國朝先正事略 卷十七 各臣 七

平分準噶爾地。令四衛拉特各自為汗。駐將軍於伊犁。統兵。鎮撫之。而召各汗入京師。赴宴。阿睦爾撒納既不得為總汗。且以將入京。疑懼。因煽其眾中道叛。走時其妻子尚在烏里雅蘇臺。公聞信。偕兆公馳往收送。京師二十一年。噶爾略台吉。青。衮。雜。卜。叛。臺。站。中。梗。會。有。察。哈。爾。兵。數。百。方。以。送。羊。至。公。雷。之。分。布。各。站。軍。報。乃。通。又。以。所。獲。馬。數。百。羊。萬。餘。冒。險。阻。運。赴。軍。前。比。至。額。爾。齊。斯。河。哈。公。兵。已。絕。糧。四。日。矣。未。幾。詔。公。入。覲。授。都。統。任。參。贊。大。臣。明。年。春。同。將。軍。成。袞。札。布。等。進。兵。回。部。適。所。收。之。準。噶。爾。夷。人。沙。拉。斯。等。叛。副。都。統。鄂。實。障。亡。公。坐。是。復。削。籍。以。兵。丁。効。力。贖。罪。尋。與。兆。公。取。阿。克。蘇。下。烏。什。得。旨。命。公。駐。國朝先正事略 卷十七 各臣 七

光閣。上親製贊。又明年。命公駐回城。定設官。授祿。賦稅。土田之制。二十六年。還朝。調刑部尚書。兼都統。如故。并管三庫事。二十七年。

上南巡。命禹京總理事務。後以為常。尋充經筵講官。兼管工部尚書。加太子太保。管戶部事。二十八年。命偕裘公日修。九閱。察訊海關。陋規。還署步軍統領。充國史總裁。三十一年。春。普著。陝甘總督。還朝。兼署戶部尚書。二十三年。因緬甸不靖。命以。參贊大臣。往雲南。坐陳奏。錯謬。奪職。以副都統銜。赴烏什。總理。回疆事務。三十六年。夏。土爾扈特來歸。初。土爾扈特。汗阿玉奇。

國朝先正事略 卷十七 名臣 九

投入俄羅斯。居額濟勒河及阿玉奇。曾孫。握巴錫。以俄羅斯。佛。教。又。苦。征。調。遂。望。所。部。以。來。眾。十。餘。萬。羣。言。洵。謂。有。詭。計。上。慮。伊。犁。將。軍。伊。勒。圖。一。人。不。能。經。理。命。公。往。相。度。公。力。白。其。無。他。

上嘉之。額濟勒距伊犁萬有餘里。渥巴錫行八閱月。始抵伊犁。界。飢。疲。疾。疫。道。殫。相。望。公。隨。宜。措。置。全。活。者。眾。先。令。渥。巴。錫。及。其。自。吉。入。覲。而。分。居。部。落。於。齊。爾。吉。爾。哈。朗。諸。地。又。請。借。給。駝。馬。牛。羊。數。萬。俾。其。宇。息。又。撥。地。給。籽。種。命。屯。兵。教。之。耕。植。於是。土。爾。扈。特。部。咸。安。其。生。自。以。為。歸。天。朝。晚。也。已。而。俄。羅。斯。邊。吏。使。使。問。故。公。面。折。之。其。人。悚。息。去。詔。授。公。伊。犁。將。軍。尋。授。

戶部尚書。領侍衛內大臣。二十七年。拜武英殿大學士。兼刑部尚書。國史四庫等館總裁。官。又。總。理。吏。部。兼。管。戶。部。三。庫。仍。充。經。筵。講。官。掌。翰。林。院。事。兼。日。講。起。居。注。官。會。山。東。壽。張。賊。王。倫。以。邪。教。倡。亂。詔。公。出。視。師。至。則。破。臨。清。盡。殲。逆。黨。倫。自。燔。死。凡。六。日。賊。平。降。旨。褒。敘。授。御。前。大。臣。四。十。一。年。定。西。將。軍。阿。桂。公。平。金。川。

上以公運籌帷幄有功。依平定。準噶爾。回部。故事。圖。前後。功臣。各。五。十。人。公。列。第。四。公。子。舒。常。第。十。論。者。謂。自。古。雲。臺。凌。煙。未。有。一。人。再。圖。象。者。至。父。子。並。列。尤。曠。古。所。無。當。是。時。天。子。稽。古。右。文。徵。天。下。秘。書。條。為。四。庫。藏。書。文。淵。閣。命。公。領。

國朝先正事略 卷十七 名臣 十

閣事。世。以。是。益。榮。之。公。夙。夜。在。公。不。事。家。人。產。宅。心。誠。泣。事。敏。盤。根。錯。節。世。人。望。而。氣。沮。公。獨。紆。回。籌。畫。宏。濟。艱。難。而。在。準。回。二。部。久。厥。功。尤。偉。其。領。閣。部。也。甄。綜。庶。政。必。躬。必。親。使。百。執。事。震。動。恪。恭。不。稍。即。叢。脞。生。平。孝。友。敦。篤。美。行。不。勝。書。書。其。關。於。軍。國。之。大。者。薨。年。六。十。有。八。舒。常。後。官。至。尚。書。

劉文定公事略子羅雲

國朝兩舉博學鴻詞科得人最盛康熙己未中選者五十人
聖祖親拔海鹽彭公孫適為第一乾隆丙辰中選者十五人補
試得四人

高宗親拔武進劉公綸為第一彭公由進士官中書應 召試
授編修歷官侍郎劉公由廩生應 詔授編修以文章學問應
期發聞受

上知遇未三十年遂參大政又八年而真拜又二年而薨其發
跡為尤奇而其相業亦獨著公字春涵號繩庵少雋穎六歲能
綴文稍長學為古文辭不愧世非既入翰林益踴厲自力乾隆

國朝先正事略 卷十七 名臣

五

五年遷侍講充日講起居注官典陝西鄉試進太常少卿由左
右通政太僕卿三遷至大理卿授內閣學士十二年 命修詞
林典故從 幸木蘭即獵所奏秋郊大獵哨鹿賦二篇

上嘉其才由是滋欲擢用公十三年典武會試明年以署兵部
侍郎入直南書房歷充續文獻通考及 國史方略詩經各館
副總裁再遷禮工二部侍郎直軍機處出入帷帳列於近臣流
民出塞耕土默特地員子某不按原議年限欲盡賦民遷而歸
其地

上命出按公議緩其期俾民輸作受傭不奪不爭旗民輯和十
六年父憂歸服除補戶部侍郎兼順天尹故事順天府公牘拾

中通判不署名皆允故自廢公請以錢穀屬治中獄訟屬通判

先署贛而呈尹以可否之 王師西征準噶爾將發役車供侍
壹切辦治事竟無一人譁於道者充經筵講官即其部為左侍
郎會浙江按察使富勒渾劾奏巡撫鄂樂舜授意布政使同德

勒派商銀 詔公往浙與總督尹文端會訊覆奏鄂樂舜受銀
屬實論絞候同德未知情富勒渾誣劾論杖流
上以富勒渾所參重款已實不應議罪責公等失當部議落職
得 旨畱任尋擢左都御史二十五年典順天鄉試 命偕侍

郎伊祿順赴西路勘將軍高阿禮剋兵糧勒餽送等款得實論
如律還遷兵部尚書教習庶吉士 賜紫禁城騎馬二十八年
國朝先正事略 卷十七 名臣

國朝先正事略 卷十七 名臣

五

以戶部尚書協辦大學士加太子太保兼署刑部尚書三十年
母憂歸甫除喪 詔以吏部尚書起公仍贊閣務充經筵講官
公爬疏抉剔綜覈名實奏定考試書吏法規條畫然三十四年

典禮部試明年典順天鄉試當是時天下皆望公為鉅人長德
天子亦習知公忠勤可倚任三十六年二月策拜文淵閣大學
士兼工部尚書充 國史館總裁明年典禮部試三十八年春
公疾猶強起視事

上命公少休遣太醫就視使者存問載道 賜人蔭和劑以進
六月薨於 賜第年六十有三
高宗方駐蹕熱河 優旨悼恤稱公品行端醇學問博雅 詔

皇十二子臨其喪。購以千金。贈太子太傅。入祀賢良祠。賜祭葬如典禮。諡文定。公性至孝。親喪三年不御酒肉。號而行。日踣數十里。營高燥以葬。手樹槨表之。少游尹文端幕府。得其指授。通籍後。汪文端尤重其度。在政府十載。與劉文正相得甚有。而劉北劉之稱。器量凝重。不見有喜愠色。出入殿門。進止有恆處。

上前所聞。語久益無所遺。忘亦未嘗一出口也。自工部侍郎歸。買宅僅數楹。自後二十年未嘗益一椽半。篋衣履極垢敝。不改作。而盛服以朝。曰。吾不敢褻朝章也。食於廚者數百指。室無儲餘。王侍郎昶為樞曹時。嘗以要事繕疏。彙夜半詣公。公起爨燭。

國朝先正事略 卷十七 名臣

三

操筆點定。時仲冬寒甚。公呼三子具酒脯。而廚傳已空。僅得白棗十數枚。侑酒。其清儉類此。居海澱。賜園每退朝。寂不聞聲。同人視之。則方飯脫粟。已手一編。兀坐。器具略蕭然。如布衣。時屢典鄉會試。其他考校以十數。所等第士。皆有名於時。嘗言衡文始難。在取繼難。在去較量分寸。每至夜分。或勸節勞。公曰。文之佳。兄弟也。一去取閱於我。甚易。獨不為士子計乎。公素博雅。應詞科。時年裁二十有六。廷試賦題為五六天地之中。合諸徵士不解所出。多瞠目縮手。公獨揮翰如飛。張文和公故。脫公卷對眾朗吟。始共得題。解沈君歸愚亦在試。出語人曰。吾輩頭顱如許。乃不如一少年。愧死矣。公為文章。浸淫六朝。而根抵。

漢魏。千變萬診。涵於一源。於詩獨喜高青邱。謂能入唐人門。闕所著繩庵內外集二十四卷。次子躍雲。字青垣。乾隆丙戌一甲三名進士。授編修。官至禮部侍郎。年七十告歸。公父子相繼。服官於朝。至七十年之久。家無一畝之宮半頃之田。可以見其家法矣。孫逢祿。字申甫。嘉慶甲戌進士。官主事。推衍經學。著書數百卷。尤精於春秋。毛詩。聲韻之學。著有劉禮部集。

國朝先正事略 卷十七 名臣

三

秦文恭公事略

太子太保尚書秦公以經術篤行知名海內起家詞館位正卿所著五禮通考體大思精囊括萬有能竟朱子未竟之志為門類七十有五為卷二百六十有二殫思三十有八年纂三四易而後定自言平生精力盡於是書乾隆二十九年四月以疾請解任溫旨不許八月復具疏乞回籍調治詔允所請仍懸缺以待公既受命買舟南下疾遂革以九月九日薨於滄州訃聞

天子愴惻賜白金千兩凡喪具命有司議卹諭祭葬如制諡曰文恭明年車駕南巡至無錫幸寄暢園御製詩有

國朝先正事略

卷十七

名臣

五

養河旋里人何在撫景愀然是此間之句寄暢園者公家別業也

上追念舊臣形於翰墨如此益可以見公之為人矣公諱蕙田字樹峰號味經宋學士觀二十六世孫世居無錫雍正初析置

金匱縣遂為金匱人祖孫齡順治乙未進士官左諭德父易然府學生本生父道然康熙己丑進士官編修改給事中公以乾隆元年

賜進士第三人及第授編修入直南書房七年入直上書房尋遷侍講進右庶子改右通政權內閣學士遷禮部右侍郎十二年丁本生父憂十三年奉旨秦蕙田服制將滿可

仍以禮部侍郎用逾年調刑部侍郎兼理國子監算學充經筵

講官二十二年擢工部尚書兼理樂部明年調刑部尚書仍兼

管工部事尋加太子太保二十五年洎二十八年兩典會試公

至性過人方未遇時本生父以藩邸事牽連訟繫十餘年間檻

車南北炎雨酸風與史卒雜馳公隨侍膝下百方營護既通籍

朝廷赦書屢下給諫公猶不得援例寬釋公伏闕陳情乞以身

贖其略云臣本生父某身罹重罪已荷天恩曲宥祇因催追

銀兩力不能完仍行圈禁迄今九載年已八十衰朽不堪本年

五六月內侵染暑溼虐厲時作寒熱交攻奄奄一息幾至瘵癯

羸所臣雖備員禁近而還願臣父老病拘幽既無完解之期更

無久存之望方寸昏迷不能自主誠不忍昧心竊祿內慙名教

國朝先正事略

卷十七

名臣

五

伏惟皇上矜愍庶獄有一錢可原者槩予寬釋當此聖明孝治之

朝更逢薄海祝網之日惟有額懇鴻慈格外鑒宥巧臣父入

旬垂死之年得終老牖下臣願革去職銜效力行走以贖父罪

疏入天語嘉歎遂有寬釋之詔其未完銀並豁免由是給

諫公優游林下者又十年時與桐城方恪敏公並稱二孝蓋恪

敏每歲徒步省其父於戍所也公既得請感泣誓以身許國

上亦鑒公忠孝有意大用公矣公在學士時陳科舉學校六則

在禮部奉命校閱禮書時方修會典天子以聖人之德制作禮樂百度聿新公職業攸司考究益精

博在工部。疏言工程難易不同。司員每意存趨避。請用刑部掣
簽均派例。從之。在刑部執法平允。尤為

上所倚重。同僚或持異議。公援引律例。必申其說。乃已。遇僚屬
頌笑不苟。其賢者薦達之。不遺餘力。眾莫不憚其嚴而服其公
也。公歿後。部臣讞獄偶失當。

上輒舉公名。歎息不置。以是知公之盡心職守矣。公立朝二十
年。治事勤敬。剛介自守。不曲意徇物。公退杜門著書。不異為諸
生時。後進有通今嗜古者。延攬恐後。蓋天性然也。少從給諫公

京邸。何義門。王筠林。徐壇長。諸先生咸折輩行與交。中歲居里
門。與蔡學正。宸錫。吳主事。大年。吳學士。尊彝。為讀經會。於禮經
國朝先正事略 卷十七 名臣 三

之文。如郊祀。明堂。宗廟。禘嘗。饗宴。朝會。冠昏。賓祭。宮室。衣服。器
用。等類。隨舉一義。輒集百家之說。而諦審之。問難辨答。筆之箋
釋。於是者十餘年。及佐秩宗。考古今禮制。因革以為禮自秦火

後。漢儒抱殘守缺。塵存什一。朱子嘗有志編次朝廷公卿大夫
士民禮。盡漢晉以下諸儒之說。考訂辨正。以為當代之典。而所
撰儀禮經傳通解。體例未備。喪祭禮又續自勉齋黃氏。信齋楊

氏。未為完書。迺本崑山徐氏讀禮通考。義例按吉凶軍賓嘉之
目。取向所考定者。增輯排纂。有五禮通考之作。方恪敏公見而
好之。與同參訂。先經後史。分門辨類。以樂律附於吉禮。示廟制

度之後。以天文推步。句股割圓。立觀象授時題統之。以古今郡

邑山川地名。立體國經野題統之。並載入嘉禮中。凡先儒聚訟
之說。一一疏通。解駁。上探古人制作之原。下不違當代之法。可
以坐言起行。自恪敏外。與參校者。為德州盧雅雨。元和朱懋庭。

青浦王述庵。嘉定錢曉徵。王西莊。休甯戴東原。皆當世通儒也。
乾隆初。江陰楊文定公領國子監事。薦公為志經術。可佐教成。

均既而直內廷。講讀。益以經術為後學宗旨。言儒
者舍經以談道。非道也。離經以求學。非學也。故以窮經為主。而
不居講學之名。所著味經窩文集。說經之文。居其大半。少喜談
易。謂易者象也。先儒詳於言理。略於言象。爰撰周易象義。日箋

若干卷。又謂詩三百篇。古人皆被之管絃。漢魏以降。始失其傳。
國朝先正事略 卷十七 名臣 三

然。天籟之發。今猶古也。因欲以今曲歌古詩。庶協詩樂合一之
旨。又奏詩刊正韻書。

上命公與武進劉文定公任其事。公建議古韻二百六部。今併
為一百七韻。如元與魂痕。當析為二。般韻宜併入真韻。不當入
文韻。上聲拯韻。去聲證韻。宜分出。各自為韻。又考定四聲表。兼

采崑山顧氏婺源江氏之說。欲通古音於等韻。時公已遭疾。猶
往復辨論不休也。公之著述。其大者如此。他若河渠律算。下及
醫方堪輿。星命家言。皆派流窮源。有體有用。梁文莊嘗云。樹峰

如鷹隼橫空。飛而食肉。其為時賢推服如此。卒年八十有二。長
子泰鈞。乾隆甲戌進士。官編修。

蔡文恭公事略

公諱新字次明號嵩山福建漳浦人贈尚書太傅文勤公世遠從子也幼秉家學言動必以禮法乾隆元年進士選庶吉士授編修九年充江西副考官十年入直上書房考御史第一辭改侍講十一年督學河南任滿仍直上書房十七年典江西鄉試擢侍講學士日講起居注官未幾遷內閣學士再晉工部右侍郎調刑部十八年乞假省母上許之賜其母貂皮大緞假滿仍供職遂陳請終養時太夫人年未八十且非獨子格於例而上俞其請異數也是年冬里居命為上書房總師傅疏辭乞

國朝先正事略卷十七 名臣

三

留養諭之曰並非令汝即來供職原待後日之至也二十五年祝高宗五旬萬壽入都御書旌其母明年春駕幸江浙公朝行在諭曰卿母年逾八旬宜早歸二十九年丁母憂喪葬皆行古禮三十一年補刑部侍郎視學直隸逾年除工部尚書兼署刑部三十四年攝兵部尚書兼領國子監公所居官房火陳請賻修特旨免三十八年調禮部尚書充四庫館總裁賜紫禁城騎馬賞澄懷園官房四十一年再攝兵部尚書是歲公年七十御書武庫耆英及冠服諸珍以賜四十四年四十五年兩典順天鄉試轉吏部尚書協辦大學士四十六年乞

國朝先正事略 卷一七

假修墓得旨俞允賜以詩四十八年

上以公究心洛閩諸書為根柢之學錄寄御製君子小人論

雲上於天解撰議辨令閱覆還朝觀熱河行在

上賜以詩有年老君臣似友朋之句六月拜文華殿大學士兼吏部尚書賜額曰黃扉循彥四十九年典會試前後充殿試

讀卷官凡七次賜公長子本淑主事賚元狐端罩五十年正月與千叟宴賜如意壽杖諸珍物二月

上臨雍講學公以大學士兼管國子監坐講天行健君子以自強不息二句賜茶及文綺先是御製三老五更說糾蔡邕

獨斷父事兄事班固白虎通老更各一人之謬至是御製臨

國朝先正事略卷十七 名臣

新建辟雍詩中有云蔡新或備伯兄行註曰若今羣臣中孰可

當三老五更之席者獨大學士蔡新長子四歲或可居兄事之

列然恐其局趣勿敢當舉王導對晉元帝之語耳三月公乞致

仕疎再上詔曰大學士蔡新老成端謹品學兼優茲以衰疾

奏請解職情詞懇切覽奏深眷於懷第念其年近八旬閩籍距

京路遠不忍重拂其意勉從所請以原官致仕晉加太子太師

親製詩章以寵其行仍於朕巡幸熱河啟鑿送駕後始行馳驛

回籍五月賜御書金筵如意諸珍物三次製詩送行有不

忍言酌合令歸及歸言別又依依之句公抵閩疏謝復賜御

製詩其後屢寄御製文命公閱諭之日在朝竟無可與言

古文者故寄卿閣不可阿好徒贊頌也五十五年詣闕祝 趙
 賜宴同樂園 賜詩有曰八旬幸我猶身健九望憐卿曾膝前
 賞人獲一斤 命沿途有地治者備安與護歸次年復寄 示
 詩文 賞御製珪璋說指主說墨刻二卷 御製反蘇軾超然
 臺記說一篇 諭以發看近作詩文以驗學詣不必和韻可也
 自時厥後凡遇 睿製必寄 示公內府書籍石刻及畫卷文
 房諸珍品在廷臣所得邀賞者靡不使替 賜賚焉五十七年
 壬子鄉試公重赴鹿鳴宴有 旨賞賚六十年恭遇
 高宗皇帝御極周甲慶期 諭公年近九十不必前來公奏庚
 申歲為

國朝先正事略 卷十七 名臣

三

上九旬萬壽屆時詣闕再祝奉 手勅字字出於至誠我君臣
 共勉之若

天恩得符所願實佳話也嘉慶元年公壽九十 御書綠野恒
 春額並壽佛如意蟒緞諸珍物 賜之 諭樞臣向公齋摺家
 人間近狀 賜本俊內閣中書以端節伊邇 賞紗扇香錠節
 物用示眷注是年 發和詩章凡三四往覆至臘盡又寄 示
 新作數種四年間

高宗哀詔具劄奏慰奉 御批具見忱悃公北上至福州巡撫
 汪志伊奏蔡新奉

太上皇帝遺詔即由漳浦啟行抵省頗覺委頓步履尤難勸其

晉歸安養俟秋涼時護送入都 溫詔止其行壽 賜本俊一
 體殿試以主專用是年十二月公薨於里第年九十有三訃聞
 仁宗諭曰原任大學士蔡新久任綸扉恪恭奉職而在上書房
 行走最久朕及諸昆弟俱經授讀懋著慎勤可晉贈太傅著巡
 撫汪志伊往代朕奠酒其子四人及孫行達著汪志伊護送二
 人引見尋 賜祭葬 予諡文恭六年孫行達 賜一體殿試
 選庶吉士八年入祀鄉賢祠公之學以求仁為宗以孟子不動
 心為指歸嘗苦此心難治因集先儒言操心養心存心求放心
 之法彙為一冊曰事心錄終身體味之其端和恭謹蓋得諸文
 勤公之教為多直上書房四十一年其培養啟迪於根本之地

國朝先正事略 卷十七 名臣

三

者至深且久諸 皇子孫曾對公之容莫不肅然藹然敬信悅
 服公亦知無不言而純樸和易使人意融所進呈經解本末燦
 然於敬肆欺慳及盈虛消息所由來治亂安危所由判莫不悚
 切言之不徒守經師舊談也家居遇巡尉執禮必恭或問之公
 曰欲使鄉人知位至宰相亦必敬父母官知父母官當敬庶常
 存不敢之心而犯法者或鮮即此一端可想其行己之恭矣著
 有緝齋詩文集

續修四庫全書 史部 傳記類 卷十七 名臣 三

曹文恪公事略 李恭毅公湖 彭文勤公元瑞

曹公秀先字冰持號地山江西新建人生之夕贈公夢遊廬山
開先寺陟秀峯頂採紫芝以歸故合開先秀峯以為名小字紫
芝有異稟讀書目數行下七歲學為文日可構時藝十餘首十
二歲患目疾失明贈公憂甚有道人詣門以手摩之曰可治約
翼日持藥來已而竟不至目忽明十三歲巡撫王公企靖諫士
拔公第一手題繡虎鴻文字贈之明年補弟子員逾冠充拔貢
生中副榜入都受知於高安朱文端公及臨川李侍郎舉雍正
十年順天鄉試十三年考取內閣中書 詔開博學鴻詞科臨
川以公名列薦乾隆元年成進士出高安之門選庶吉士遂未
國朝先正事略 卷十七 名臣

與詞科試尋授編修恭纂
世宗實錄兼經史館校勘六年丁父憂服闋補原官充山東副
考官十年改御史尋請假歸十七年補原官明年近畿蝗公疏
請 御製祭文頒發有蝗郡縣膳黃祭告并稽古典舉行蜡祭
飭有司籌款捕蝗勿假手胥吏 手勅曰蝗蝻害稼惟當實力
撲滅此人事所當盡至於祈神報賽禮亦宜之若欲假文詞以
期感格如唐韓愈之祭鱷魚其鱷魚之遠徙與否究亦無可稽
未必非好事者附會其說朕非有泰山北斗之文筆似此好名
無實之舉深所弗取所請不必行餘著議奏十九年遷給事中
二十一年丁母憂二十五年補給事中巡視南城二十七年遷

鴻臚少卿明年遷光祿少卿尋遷通政司參議三十年擢祭酒
典試浙江尋督江蘇學政三十二年擢內閣學士三十二年遷
工部右侍郎爾學政任三十四年 命赴浙江謝獄還朝充經
筵講官明年調戶部右侍郎尋調吏部右侍郎典試江南又明
年扈 駕東巡遣往南皮祭尹吉甫墓請 御製詩表其墓
許之卹 命公恭和尋 命祭告東嶽及少昊金天氏諸陵暨
闕里是年典會試恭值

皇太后八旬萬壽夫人劉氏保六十以上齊眉命婦 賜大紅
緞二端同時受 賜名推家辛程公景伊之夫人金氏大宗伯
蔡公新之夫人何氏海內榮之三十八年充四庫館副總裁三
國朝先正事略 卷一七 名臣

十九年進所輯 山莊正雅集 御製詩賜之即以為序且
命公恭和所進表文 命刊列卷首是年典順天鄉試晉禮部
尚書 賜紫禁城騎馬四十二年 命充上書房總師傅侍
皇八子講席 賜寓登懷園四十四年夏扈 蹕熱河疏請建
承德府學并頒發書籍從之四十五年典會試得汪如洋為選
首廷對復第一公前後典文衡皆得士校閱必詳盡人服其公
明四十九年七月薨於位年七十有七 詔曰禮部尚書曹秀
先學問優長奉職勤謹可贈太子太傅應得卹典下所詞議奏
尋 賜祭葬 予諡文恪得 旨祀鄉賢祠公以文學受主知
沈默厚重蒞部務謹守成憲戒吏張待屬僚務存大體母大

對知無不言恭遇 國慶 武成 巡幸諸大典所進詩文册
皆稱 旨尤工書法

上嘗召問平日究心字學因進所刻敬恩堂移晴堂書課蒙賞
御臨黃庭堅尺牘二幅以公籍江西故也典試江南以省墓乞
假歸建冠山家廟構義學一區傲范文正義庄故事置義田千
畝面奏請 賜祠額 御書秩宗衍緒四字 賜之其後公子
師會官侍郎時疏請將義田官為經理以期經久 優詔允行
所著有賜書堂稿依光集使星集地山初彙等書師會由任子
官至兵部侍郎同時同郡以勲業文章並著者曰李恭毅公湖
彭文勤公元瑞

國朝先正事略 卷十七 名臣

李

李公名湖字又川南昌人乾隆四年進士由郎中出守遷通永
道有異政為總督方恪敏公所賞拔累遷貴州巡撫四十五年
調撫廣東以清嚴為政粵東素多盜番禺之沙灣菱塘地近海
綿互百餘里尤稱盜藪每出洋肆劫或散布內地劫仕商莫敢
過問公密訪各盜姓名居址及出入途徑甚悉偵各盜首以七
月望前歸家設祀像飾文武吏分布兵役旬日閒擒誅盜首二
百有奇疏聞

聖書嘉獎乃條上安輯事宜請移設督捕同知於坑頭村立石
碁村專營扼要堵緝酌添水師戰艦其各村民艇令沙菱巡檢
編號給印照禁民間私造洋船均下所司議行自是海盜肅然

粵東百餘年來論大吏之賢以公為首耆老婦孺口之而如新
盡實力為民除害故入於民者至深且久也以積勞成疾卒於
位歿時而目手足皆作黃金色見者異之遺疏上 優詔賜卹
贈尚書銜 賜祭葬 子諡恭毅所著曰李恭毅公遺藁

彭公元瑞字掌仍一字輯五號芸相南昌人乾隆二十二年進
士由編修入直南書房官至工部尚書協辦大學士 贈太子
太保 子諡文勤公天才敏贈與紀文達公同有才子之目早
直西清疊司文枋所作應奉文字婉麗清新蒙 獎賚不次而
恭跋

高宗御製全韻詩乃集千字文為之又撰 乾清宮前燈詞聯
國朝先正事略 卷十七 名臣

李

語尤奇麗
上賜以貂裘端硯中外榮之雖為和坤所蔽而 恩眷始終不
替尤可想其風節云著有恩餘堂彙所選宋人四六藝林爭傳
誦焉子邦瞻官侍讀學士

國朝先正事略卷之十八 名臣

平江李元度次青墓

傳文忠公事略

公諱傳恆。號春和。姓富察氏。滿洲廂黃旗人。曾祖哈什屯。官內大臣。祖米思翰。戶部尚書。父李榮保。察哈爾總管。公其第十一子也。乾隆五年。授侍衛。歷遷內務府大臣。八年。擢戶部右侍郎。軍機處行走。十一年。授內大臣。十二年。晉本部尚書。議政處行走。十三年。授領侍衛內大臣。加太子太保。協辦大學士。充經筵講官。時大兵征大金川。逆酋莎羅奔。經略劉親總督張廣泗等。久無功。九月。命暫管川陝總督。經略軍務。尋晉保和殿大學士。

國朝先正事略 卷十八 名臣

士。賜詩寵行。並賜花翎二十。藍翎五十。銀十萬兩。備犒賞軍前。諸將奏章許沿途閱看。

上御瀛臺賜食。再賜詩。十月公啟行。

上親詣

堂。子行告祭禮。遣皇子及大學士來保等。送至良鄉。視公飯。

十二月。諭曰。經略大學士傳恆。自奉命以來。公忠體國。紀律

嚴明。途次衝風冒寒。諮詢軍機。常至徹夜無眠。今日披覽來奏。

甫入川境。馬匹遲誤。減從星發。竟至步行。具見心堅金石。可從

優議。敕部議加太子太傅。特命加太保。公疏辭不允。初。小金

川土舍良爾吉。奪其兄澤旺。即忝於嫂阿扣。莎羅奔之侵沃日。

也。良爾吉實從之。後詐降為賊。張廣泗惑於漢奸王秋言。使

良爾吉領兵。我師舉動。賊輒知之。是月。公使副將馬良柱。誘

良爾吉來迎。至邦噶山。聲其罪。斬之。阿扣王秋。並伏誅。事聞

諭曰。前張廣泗力言良爾吉不可輕動。即軍前諸臣。皆明知其

罪。而疑畏莫敢先發。今傳恆甫至軍營。即誅兩年逆寇。如檻豚

豕。以快人心。而警番眾。非謀猷明斷。識力兼定。不及此。其即

以前日所賜雙眼孔雀翎。為此番酬庸之典。如仍執意謙讓。是

不遵朕旨也。尋奏言。臣抵卡撤軍營。見所云左右山梁。不過兩

坡相對。地非甚廣。賊所守各礮。亦不甚大。不知何以用兵二年

不能進取。蓋從前之誤。在於專攻礮卡。賊險礮林立。大兵至守

國朝先正事略 卷十八 名臣

益嚴。毋論攻其有備。克取為難。即數日克一礮。亦數年不能竣

事。今當奇正兼施。因機制勝。或以奇兵出其後。或以偏師另取

徑賊。出則直挫其鋒。不出則專搗其穴。又各路寇期齊進。腹背

皆兵。寢食無暇。自必內潰。而酋可擒矣。疏入。諭旨報聞。公率

總兵哈攀龍。哈尙德等。攻右山梁。下巴郎平礮。及色爾力石礮。

連克之。

上以金川水土惡劣。馳賜公人蔭三勛。並及諸將帥。有差。十

四年正月。命班師。召公還朝。諭曰。金川用兵。本欲禁遏

兇暴。殺輯窮番。并非利其人民土地。而從前訥親。張廣泗。措置

乖方。屢經貽誤。是以特命經略大學士傳恆視師。傳恆自奉命

以至抵營忠誠勞勩超出等倫辦事則鉅細周詳勤奸則番蠻
 懾服整頓營伍則紀律嚴明鼓勵戎行則士氣踴躍且中宵者
 戰不避風雪大著聲威誠克仰副委任朕思最爾窮番何足當
 我王師經略大學士傳恆乃中朝第一盲力大臣願因荒微小
 醜久稽於外即使擒渠掃穴亦不足以償勞此旨到日可即馳
 驛還朝尋 詔封一等忠勇公 賞寶石頂四團龍補服公請
 從卡撤一路直攻噶拉依又言且夕攻克賊巢一篲之虧誠可
 惜堅請進兵并懇辭公爵繳還 原旨俱不允 諭曰經略大
 學士忠勇公傳恆帥師進剿番酋忠誠奮發志期殄寇執奏再
 三朕揆勢度理以允降班師休兵息民為經國遠計彼匈奴未

國朝先正事略 卷十八 各臣

三

滅何以家為者乃驍姚賊師輩武人銳往立功之概大學士輔
 弼元臣抒誠贊化名耀旗常豈與兜鍪鬪爭一日之績耶
 示以詩三章有句云功成萬骨枯何益壯志何須效貳師又云
 上將有心期利執大君無物不包蒙又云晉國勤勞子屢念速
 歸黃閣贊元功是月逆酋遣頭目至卡撤稟訴乞降公令曰莎
 羅奔即卡親縛來營者當待以不死逆酋復遣頭目至丹壩乞
 降總統提督岳公鍾琪入賊巢擊酋目等由勒烏圍噶拉依至
 經略軍二月四日莎羅奔即卡除道營門外設壇翼日率眾降
 公升帳受之莎羅奔等焚香作樂泥首請罪誓遵六事無犯鄰
 封歸土司侵地獻馬爾邦克酋資送內地人納軍械供徭役公

傳旨赦其罪莎羅奔等獻佛像一尊白金萬兩公卻不受奏
 至 諭曰莎羅奔即卡俯首就降獻捷班師此皆
 上蒼孚佑

宗社貽休有以默相朕躬

皇太后懿訓詳明有以啟迪朕志荷茲 福庇感慶實深經略
 大學士忠勇公傳恆丹忠壯志勇略宏猷足以懷柔異類迅奏
 膚功即諸葛之七縱威靈汾陽之單騎見虜何以加茲實為國
 家嘉祥上瑞前已晉爵封公所賜四團龍補褂著祇受服用再
 賜元勳揚古利額駙之例加賜豹尾鎗二桿親軍二名優示寵
 章將來數十年贊化調元懋襄邦治實嘉賴焉其傳諭諸王滿

國朝先正事略 卷十八 各臣

四

漢文武大臣並宣示中外知之 御製詩有單騎汾陽休比擬
 都因忠赤格蒼天之句嗣公疏辭四團龍服 諭曰經略大學
 士忠勇公傳恆因朕賞四團龍補服具摺奏謝并請於朝賀大
 典之日遵旨服用其尋常仍服公品級補服此固出自謙冲本
 意然朕此番獎賞實出至公且具深意不可不明晰宣示蓋論
 平定金川之功自不可與揚古利開國之功並論但彼當開創
 四征之始今屬無事之時以傳恆之忠誠智勇令與同時同事
 亦可信其易地皆然也夫軍旅之事國家不能保其必無大臣
 身係安危為社稷所倚賴如張廣泗不過封疆外吏其人亦不
 足論至納親爵位既崇又任用有年朕之加恩超越儕輩上年

命以視師實奇以心膂如朕親行不意辜恩貽誤一至於此爲大臣者若惟是偷安自逸任意乖張國家其何賴焉朕既用自愧更因以滋懼是以明正典刑不肯曲宥而大學士忠勇公傳恆見朕縈懷西顧欣然請行自奉命西征冒涉風霜均勞士卒登陟岩阻晨夕辛勤裁決軍務嘗至達旦至則申明紀律誅賊腹心雪夜督師攻礪毀卡必期焚巢掃穴一舉蕩平賊番震懼稽顙歸命迨承朕旨納降班師星馳就道諮詢庶務仍係丙夜辦理奏覆此所謂誠貫金石信格豚魚是以時未七旬兵不血刃而番酋洗心革面永矢歸誠從此邊徼救甯而中外大臣咸知所取法股肱一體休戚相關緩急足資倚任實我大清萬年

國朝先正事略

卷十八

名臣

五

無疆之慶國家酬庸盛典原非朕所得私今茲疊沛殊恩昭示風勸亦爲朝廷遠大之計不定爲金川平定一時一事而然在大學士忠勇公傳恆實應欽承無愧朕於賞罰大典悉有權衡天下臣民宜所共悉所賜朝帽頂及四圍龍補服並於朝賀典禮之時時常服用不必懇辭三月公凱旋命皇長子率諸王大臣等郊勞既至

上御殿受賀行飲至禮賜御詩有兩階干羽欽虞典六律宮商奏采薇之句等勅照勅臣額亦都修國維例建宗祠祀公會祖哈什屯祖米思翰父李榮保春秋官爲致祭追諡李榮保公曰莊恪賜第東安門內賜詩落成二十八年夏準噶爾

平論曰西路與師之舉人心矧於久安在廷諸臣惟大學士傳恆與朕協心贊畫斷在必行著加恩再授一等公爵以爲力矯積習爲國家任事者勸公疏辭諭曰大學士公傳恆以加賞公爵具摺奏辭情辭懇摯及召見又復面陳再四至於泣下觀其不自滿假信出至誠將來可以永承恩遇朕心轉爲嘉慰俯允所請用成厥志所有平定金川及準噶爾兩次功績著併於見封忠勇公勅內仍從優加等議敘圖功臣百人像於紫光閣公冠首御製贊曰世胄元臣與國休戚早年金川亦殲殊績定策西師惟汝予同鄴侯不戰宜居首功三十二年命經略雲南軍務御製詩賜之三十四年二月公啟行命開

國朝先正事略

卷十八

名臣

六

臣領勅命於太和殿上賜公及出征將士食及席賜御製詩三月抵雲南四月至騰越上親書詩扇以賜初

上以賊踞老官屯之險勅造舟并奪賊船順流直搗副將軍阿里衮等奏邊外難通舟且沿江無辦工所上特遣大臣往勘所言與阿里衮同公至軍詢之撫夷李景朝上司緣官猛等知蠻蕃近地有山曰翁古多木旁有地曰野牛壩野人所居地涼爽無瘴野人樂受值執役甚恭乃令滿洲綠營兵并從行奴僕更番運料至江岸七月工竣狀聞諭曰所

辦甚是他人斷不能似此。滿洲兵與綠營兵既同隸行閒原不應區分彼此。前此領兵大臣惟體恤滿洲而於奔走服役專派綠營。豈一視同仁之道。今傳恆於運送船料令滿洲兵輪流分擔實為公允。自非公忠體國與朕同心之大臣。豈能酌理揆情若此。凡領兵者皆當奉以為法。至於造船一事水陸並進實征緬最要機宜。乃朕屢次詢問而阿里衮並以該處崖險濶窄斷難行船為詞。即朕特派之傅顯佐三泰等亦以沿江實無造船處所覆奏。傳恆至永昌遣人往勘則人地皆宜。同此沿邊僻壤非自今日始通。何以前此並無一人見及。可見事無難易。人果專心致力。未有不成就者。無如諸人皆預存畏難之見耳。由今日

國朝先正事略 卷十八 名臣

七

觀之。向所謂斷難難辦者。然乎否乎。其宣諭中外知之。

上尋賊造舟行紀其事。會猛拱大頭目脫猛烏猛及達羅頭目脫猛殺來降。請備船濟師。公令齎檄諭各土司。八月師發騰越渡夏鳩江。據西岸。遂抵允帽。九月脫猛烏猛以夷日賀洛及擺夷四十戶來降。請為偵探。猛拱後土司渾覺亦率頭目降。貢馴象四。

上賜詩二章。獎之。十月公取道猛拱。破猛養寨。獲臘泥拉賽。誅之。設臺站。置兵七百駐之。遂至南董干。攻南準寨。獲頭目二十。五師次暮臘。猛養頭目扎達布素猛拔營。迺哈坎大兵長驅至新街。賊遁。公夾攻於東西岸。射殺賊目一。斬級五百餘。獲雞一。

船一寨。三糧械無算。西岸奪寨三。斬級五十。公以所獲緬雞進上賦詩誌其事。十一月進圍老官屯。克毛西寨。酋憤駭遣頭目乞降。公以其地氣候惡劣。疏請允降。諭曰。緬甸僻在炎荒。中朝以化外置之。乃歷任總督。自張允隨廢弛邊備。嗣是愛必達吳達善等。因循致滋邊釁。而劉藻辦理莽匪事。退回普洱。輒畏懼自戕。緬匪遂鴟張無忌。此歷來貽誤情形也。至命楊應琚前往調度乖方。致賊匪入關騷擾。及再命明瑞前往。仍令以總督經理邊情。並未遽欲與師遠涉。而所統八旗勁旅一萬二千。又分其半與額爾登額。由早塔取道合勒迨明瑞轉戰至小猛育。為時甚久。屢促額爾登額移兵往接。抗延不赴。明瑞等猶沿途

國朝先正事略 卷十八 名臣

八

接仗。期殿全師。竟以策應不前。捐軀以殉。其事遂至難於中輟。然猶冀緬酋悔罪輸誠。非必欲勞師動眾。為犁庭掃穴計也。詎待一載逆酋猶頑梗怙終。我國家當全盛之時。豈可任小醜跳梁。不示懲創。况滇省綠營。恒怯積習。久為賊所輕。是以調遣勁旅。水陸夾攻。又因大學士傅恆屢請前往督辦。遂命為經略。此朕不得已用兵之苦心也。傳恆於七月自騰越進兵。視前此師期較早兩月。賊匪未及預防。因得由夏鳩一路。統兵直進。收取猛拱。猛養。越險濟軍。備嘗勞瘁。及至新街會兵。策勵將士。無不賈勇爭先。連奪賊砦。殲賊五百餘。并殪其頭目。獲取舟航。器械。賊皆望風披靡。如此殫誠宣力。實從來大臣所罕觀者。及進次

老官屯。克毛西寨。復悉力圍其大寨。勢可計日而取。但水土惡劣。自兵多生疾病。將士等不用之於戰陣。而徒令其嘗試毒癘。心實不忍。是以半月前。即迭傳諭旨。決計撤兵。今緬酋憤駭。奉有蒲葉書。遣老官屯大頭目諾爾哈齋詣軍門。願降。傳恆等移檄使受約束。賊眾甫經創。諒不遂萌故智也。至傳恆請罪一摺。將此次出兵。引為一人之罪。則殊未喻朕意。此次出兵。非好大喜功。而傳恆承命經略。職分應爾。設以為辦理非是。朕當首任其過。昔

皇祖於吳三桂一事。諭廷臣集議。主撤藩者惟米思翰明珠數人。後逆藩抗命。眾皆歸罪議撤者。

國朝先正事略 卷十八 名臣

九

皇祖諭曰。朕自少時。即以三藩勢。日熾。不可不撤。豈因三桂反叛。委過於人。大哉。聖言足為萬世法。守傳恆此事。即可援以為例。前於傳恆收復。猛拱時。雖賜三眼孔雀翎。以示褒寵。傳恆懇俟成功後再用。今既未經攻克。賊巢前所賜翎。即著繳回。於伊請罪之意。適足相當。想王大臣亦當允服也。十二月。緬酋憤駭。遣其大頭目十四人。獻方物於軍。三十五年二月。班師三月。還至京。七月。公薨。諭曰。大學士一等忠勇公傳恆。才識超倫。公忠體國。自早齡侍直。禁近親視其器宇。非常。洵膺委任。旋以金川建績。錫爵酬庸。擢冠綸扉。綜理庶務。西旅之役。獨能與朕同志。贊成大勳。及崇爵再加。堅讓不受。尤足嘉焉。昨歲進剿

緬甸。堅決請行。朕以廷臣更無足當斯寄者。因授為經略。統勁旅。專征自戛。鳩濟師以後。身先士卒。收復猛拱。迨會師蠻幕。襲擊新街。賊皆潰竄。遂進攻老官屯。時已身染沈疴。猶力疾督軍。晝夜兼攻。克期可卜。逆酋畏懼乞降。而朕亦因其地水土惡劣。先期降旨撤兵。并遣醫馳驛往視。詎自復命以後。病勢益加。漸成不起。每朝夕遣使存問。復閒數日。親臨視疾。軫念彌殷。今聞流逝。深為震悼。似此鞠躬盡瘁。尤宜入祀賢良祠。並賞內帑銀五千兩治喪。著戶部侍郎英廉經理其事。朕仍親往奠醊。翼日上親臨其第酌酒。御製詩。有平生忠勇家聲繼。汝子吾兒定教培之句。又命喪儀視宗室鎮國公例。賜祭葬有加禮。諡

國朝先正事略 卷十八 名臣

十

文忠十一月。諭曰。大學士忠勇公傳恆。曩者金川奏績時。以其祖父世篤忠貞。流光鍾慶。曾諭令建立宗祠。自其曾祖哈什屯以下。官為春秋致祭。傳恆可一體入祠。三十六年。上巡畿輔。駐蹕天津行宮。公前歲復命處也。追憶成詩。三十九年。上以蹕途所經。賜奠其墓。御詩有句云。無忘昭陵雖有例。那教賜奠痛文皇。四十四年。上賦懷舊詩。以公在綸扉二十三年。日侍帷幄。蓋誠素著。年未五十。鞠躬盡瘁。以喪甚傷。惜之。詩有云。嗟我社稷。臣所期甯。在近年少長於余。騎箕惜且恨。公子四長福靈安。多羅額駙。乾

隆二十一年公請派往軍營效力授三等侍衛尋從定邊將軍兆惠勦賊葉爾羌擢二等侍衛準噶爾大功告成

上以福靈安非披堅執銳之歲即能奮勇行陣擢頭等侍衛給雲騎尉世職授副都統署永北鎮總兵尋赴木邦軍營守龍陵會緬匪犯猛卯檄副將哈國興馳援賊退遮罕事聞

上嘉之六月卒於任 優詔賜卹 賜祭葬次子福隆安和碩

額駙封一等忠勇公官兵部尚書又次子福康安官大學士雲貴總督一等嘉勇公晉封忠銳嘉勇貝子贈郡王諡文襄配享太廟自有傳又次子福長安官工部尚書封一等侯福隆安子豐伸濟襲一等忠勇公官都統

國朝先正事略 卷十八 名臣 十一

阿文成公事略

公諱阿桂字廣廷號雲巖姓章佳氏本籍滿洲正藍旗 賜入正白旗父阿克敦官協辦大學士刑部尚書諡文勤公生而沈靜端重好讀書雍正十三年選拔貢生乾隆元年舉副榜以任子恩授大理寺正三年舉鄉試補兵部主事遷員外郎八年擢郎中直軍機處左遷員外郎十三年小金川土司郎卡侵擾鄰境大學士公訥親督師進討兵部尚書班第繼往奏請以公參軍事明年訥公得罪提督岳公鍾琪并劾公逮部治罪時文勤公方為協辦大學士

上念其年老無次子得釋明年起吏部員外郎遷郎中十七年

國朝先正事略 卷十八 名臣 十一

出為江西按察使 召補內閣侍讀學士遷內閣學士先是準噶爾有四衛拉特 王師累征之未能滅至是厄魯特噶爾丹策凌死子策妄多爾濟那木札爾襲位其庶兄喇嘛達爾札執而篡之而大策零敦多卜之孫達瓦齊復因阿睦爾撒納計篡奪其位所屬昂吉策凌伍巴什等率其家屬敬嘉峪關乞降上以悔亡攻昧兵有常經先後遣將軍永常等督兵撫剿適阿睦爾撒納與瓦達齊有隙自叛其汗亦來求款達瓦齊孤立無助為回人擒獻 上召阿睦爾撒納至熱河 行在封親王使往主故地已而復召之中途叛走時準噶爾逸賊率眾北走將入俄羅斯

上命公赴烏里雅蘇臺與靖邊副將軍蒙古親王成衮札布隨機搜討成衮札布係額駙超勇親王策楞之子為諸蒙古盟長上最所倚重者也。成公奏公遇事奮勉。會文勤公薨。奔喪回京。七月。命仍以內閣學士同成公辦理軍務。閏月。授參贊大臣。十二月。授副都統。二十二年。因成公赴巴理坤。命公代其任。二十三年。補工部侍郎。領索倫兵五千。駐塔爾巴哈臺。是年。準噶爾平。命與副將軍富德追捕準夷餘賊。初。回會大小和卓。木為準噶爾所拘。及將軍兆惠定伊犁。使還回部。至是。兆公遣使定其貢賦。回會執而留之。又戕我參贊大臣。詔公同富公進兵。合勒回眾迎拒於阿爾楚爾。時賊眾甚盛。公親率銳卒繞出其右。衝擊之。賊敗潰。二十四年。回部各城以次克捷。明年。還伊犁。伊犁自土爾扈特部竄入俄羅斯後。伏莽者尚眾。上念西域既平。地方萬餘里。若不分駐官軍。伏戎必再出擾。且恐為俄羅斯兼并。乃命各軍營大臣等籌議。皆謂地遼遠。難駐守。公獨上言。守邊以駐兵為先。駐兵以軍食為要。臣查伊犁海努克等處。水土沃衍。且有河可引。灌注若開墾屯田。則兵食可漸充。因條上屯田方略。一請增派回人屯田。一請官兵駐防。協同墾種。一請建置城郭。一請預備馬駝。

國朝先正事略

卷十八

名臣

志

又請查各省軍流人犯。內有能工匠技藝者。悉發伊犁供用上。皆善之。派近臣協同辦理。於是在阿克蘇置辦農器。是秋。糧糶兵食倍足。乃奏請於烏魯木齊等處。派同知知縣收放軍糧。俱允行。詔平定西域諸功臣五十人。圖像紫光閣。公居第十七。御製贊云。阿克敦子。性頗健敏。力請從戎。宜哉。惟允。身不勝衣。心可干城。楚材繼出。為國之楨。益以元耶律文正王為比也。二十六年。授內大臣。補工部尚書。議政處行走。復授都統。二十七年。奏新疆約束章程五則。皆得旨允行。乃選工陶埴。建城二。曰綏定。曰安遠。規制一如內地。而哈薩克越境遊牧者。悉驅逐之。數千里。來往晏然。詔給騎都尉世職。並令還京供職。

國朝先正事略

卷十八

名臣

志

賴穆拉以獻公與明公誅首惡而貸其餘奏入

上責其寬縱交部議處而令永貴為伊犁將軍公駐劄雅爾三

十二年補伊犁將軍是時緬酋憤駭以兵備脅內地土司總督

劉藻楊應琚不能辦因命明公率兵進勦三十三年明公軍

至猛育糧盡戰歿於是大學士傅公請自督軍

上乃授為經略而以協辦大學士果毅公阿里袞及公為副將

軍授公兵部尚書兼總督雲貴十月抵永昌時果毅公已先赴

戛鳩公往會於騰越州二十四年春以公專任副將軍令明德

代為總督四月經略至軍議分三路進經略出萬仞關由大金

江西路從猛拱暮魯至老官屯西岸果毅公率舟師由水路下

國朝先正事略 卷十八 名臣

十五

老官屯公由銅壁關抵蠻暮伐木造舟七月出關九月舟師遂

出江而經略亦至公逆知賊必迎拒也先以兵伏江滸之甘立

寨屆時賊果從猛戛拒戰寨兵出擊沈其三舟我舟師喜噪寨

兵應之賊大潰殲其頭目舟師遂出江抵西岸合攻老官屯緬

兵守禦甚時官兵自副將軍以下多病瘴經略亦病奏聞

上命撤兵而情駭亦以甘立寨之敗大懼乞降遣大頭目十四

人議議事公遣副都統明亮等議責此後永不得擾邊境還內

地官民之在緬境者越六年一貢其頭目惶恐遵約束遂撤兵

歸永昌三十五年三月命赴騰越以待緬人入貢是時明德

降巡撫代以彭寶使守備蘇爾相往緬責其入貢遲慢情駭留

之公上言偏師不可深入宜休息數年為大舉計

上以連年用兵糧馬不無竭歷豈可以拘留蘇爾相故遽議大

舉降旨切責命以內大臣管副將軍事明年以溫福為定

邊副將軍奪公職留軍臺效力初阿爾泰之總督四川也議合

綽斯甲布等九土司環攻金川有能得其地者即以畀之而諸

土司散漫不相通調又有陰與金川通者久而無功時即卡已

死子索諾木與小金川土司僧格桑侵佔鄂什沃日之地阿爾

泰因循失措有旨命溫公移師討之溫公以公兩使四川熟

邊事請偕以行十二月至金川軍臺攻巴郎拉克之遂授四川

提督與溫公分道進攻三十七年阿爾泰罷命侍郎桂林代

國朝先正事略 卷十八 名臣

十六

并領其眾正月使副將薛琮率三千人從間道進攻會天雨雪

賊兵斷後路兵潰散琮死之阿爾泰因劾桂林公

上命尚書福隆安來讞其獄命公為內大臣統南路官兵南

路山勢巖絕軍次達河之翁古爾壘山尤險峻而溪南布勒山

頂有賊壘與達河相倚角攻五閱月弗能下十一月溪水落乃

派健卒夜渡溪攀援上布勒躍入其卡出不意盡殲其眾而北

岸官兵直攻翁古爾壘賊方出拒布勒官兵復以飛礮擊賊賊

遂驚潰南北岸官兵夾攻直至美諾之南川僧格桑奔占古而

溫公西路兵亦至小金川遂平捷聞

上命以定邊左副將軍出南路戶部侍郎豐昇額亦為副將軍

出北路與將軍溫公分兵三路進攻金川。溫公由西路之空喀。豐公由北路之凱立葉。而公攻喇穆山梁。以三十八年正月朔。半夜冒大雪進發。連奪當功。噶爾拉各礮。其餘攻之未下。是月。授禮部尙書。晉太子少保。而索諾木誘小金川降。番掩襲空喀。後路斷。登春糧道。時溫公在木果木。兵潰陣亡。小金川復爲賊。有美諾等相繼被陷。公救之不及。乃派兵凡西南後路。小金川降。番皆收其軍械。毀其礮寨。悉調來營。以絕其響應。時賊已得志。將斷當功。噶爾拉後路。每夜從高擊下。而副都統奎林。副將劉輝祖。參將劉倬。皆悉力拒戰。每日夜十數合。殺賊頗眾。賊計不得逞。而所得木果木官軍米糧財帛甚多。莫有戰志。於是求

國朝先正事略 卷十八 名臣

撤兵。

上亦命公整師出。另籌進剿。遂授公定邊將軍。七月。由當功噶爾拉退駐達河。躬衛後。是時

上添派勁旅五千。命以國初愛星阿所佩定西將軍印授公。公仍統西路兵。南路屬明亮。北路屬豐伸額。皆爲定邊副將軍。而舒常以參贊大臣至金川。河西日傍山攻擊牽綴。公出南路至鄂克什軍營。議先復小金川。集諸將問計。番人木塔爾。謂中兩路皆去年進攻地。賊必力守。若由山直藏。鳴山雖峻。而山之西南。卽美諾山之西北。卽占。山。兵先攻中路之礮卡。以殺其勢。而別派勇幹大臣。上北。文金。美諾。則已出中路。賊

後勢必望風潰。卽可以得美諾。公然之遂定計。以十一月十一日。由中兩路進兵。賊方悉力堅拒。而派登北山之兵。已入其巔。頃之從山西。下中兩路之賊。知將襲美諾。各驚散去。於是復美諾。收占古。凡七日。而小金川全復。奏入。賜詩褒嘉。三十九年正月十日。五更冒大雪。由當功噶爾拉進兵。抵喇穆。二月。克羅博瓦山梁。晉太子太保。六月。克色湖普山梁。七月。克達爾圖布等處。八月。克該布達什諾等處。賊會僧格柔死於金川。番人獻其尸。是時明公及舒公在山西。駐兵日久。尙無進取之計。公指畫形勢。遣海蘭察率兵往助之。由是宜喜之兵亦逾山而東。盡克各礮。與南山兵相望。豐昇額駐札凱立葉者。初亦阨險

國朝先正事略 卷十八 名臣

不得進。公復遣兵往助。豐公於是北路官兵亦逾險下。至於河濱。九月。克歇格爾山梁。十一月。克過格魯古了口。十二月。克日爾八當等寨。奏入。賞戴雙眼花翎。授御前大臣。四十年正月。克康薩爾等處。二月。克堪布卓各礮。四月。克甲索得楞山梁。五月。克下巴水通等山梁。六月。克遜克爾宗山梁。七月。克章曉等處。八月。克勒烏圍勒烏圍者。在刮爾厓北。與索諾木官寨互爲掎角者也。寨堅甚。官軍用大礮毀其礮牆。賊更穴地死守。至是乃盡克之。而索諾木之母。先往河西。將收集餘眾。合力抗拒。公遣精兵聞道追剿。於是其母子音信斷絕。遑遽不知所出。公使降番往諭之。其母遂偕赴軍營。公居以別帳。俾作書招索諾

木時官兵合圍官寨晝夜用大礮轟摧索諾木窘迫既得其母書乃於四十一年二月率其妻妹及各頭人至營降金川悉平

上遣近臣齎詔至營封公為誠謀英勇公協辦大學士戶部尚書賜寶石頂四團龍服先是軍營屢次報捷

上知大功必成賜公扇且畫關於上題以同心之言其臭如蘭復製詩以賜蓋兩金川之平定實廟算早決其機也於是安置降番於各寨請設副將同知駐其地定以四月班師

上飭禮兵二部議行郊勞禮築臺良鄉之黃新莊駕幸勞臺公等戎服入行抱見禮一如兆惠公自回部凱旋故事又次日賜宴瀛臺紫光閣賜紫韉及四開襖袍仍授軍機大臣又繪

國朝先正事略卷十八 名臣 尤

功臣五十人像於紫光閣公居第一

上復賜贊八月公六十生辰賜崇勳耆慶匾額及御製詩篇如意等物為壽先是公在金川緬會遣人來議入貢事總督械至京師下獄至是部臣請以索諾木母子弟兄及其頭目

正法

上命撤緬使赴西市觀行刑且告之故緬使驚怖欲絕因命械至雲南令歸諭緬酋以震動之明年正月遂遣公赴雲南臨

邊示以禍福緬酋乃歸蘇爾相又十餘年而新立酋長孟隕遣使具表恭祝八旬

聖壽願此後十年一貢南徼永甯亦公先聲有以警之也拜武

英殿大學士兼管吏部事四十四年河決儀封蘭陽命公往視公謝以不諳河務

上曰如卿豈有不能者乃馳至儀封與督撫及河臣詢訪河狀集料聚夫晝夜堵塞每下椿埽公皆親自臨之次年三月工竣

四十五年兼翰林院掌院學士日講起居注官十二月命勘浙江海塘工程奏請修魚鱗石塘與柴塘並建以資永久四十六年命勘巡撫王直望獄事畢順道勘高堰河工是時蘭州

逆回蘇四十二作亂

上命大學士和坤督勦失利乃令公督師四月至蘭州賊眾數千據華林山死守公四面設圍絕其水道賊旅抗拒皆殲戮

國朝先正事略卷十八 名臣 三

之遂獲賊首解京師伏法事畢復勘河堤工時河復決青龍岡畱公督辦而令公子侍衛阿彌達祭告河源明年六月合龍九月浙撫陳輝祖與藩司盛柱互訐公往讞其獄四十八年復勘

河南蘭陽十二堡堤工回京管理戶部刑部事四十九年甘肅回民張阿渾作亂破隆德靜甯圍伏羌總督李侍堯尾追不及

上遣海爾察福康安帥師往勦復命公督之至則敗賊於底店進圍石峯堡阿渾等窮蹙乞降械送京師詔予輕車都尉

八月命督河南睢州堤工五十年舉千叟宴奉卮上壽頌班入宴賜詩以寵之六月命閱視黃淮清口情形回京

賜調元錫瑞額五十一年再勘清口堤工八月公壽七十復一

賜平格延祺額及 御製對聯九月按浙江平陽重征獄回京
總理兵部事務五十二年七月再勘岷州堤工五十七年西藏
郭爾喀平

上命圖福安康等十五功臣像於紫光閣以公參贊幃幄列第
二五十九年

睿皇帝正位東宮六十年冬

上以御宇周甲將行內禪之禮而隆儀盛事古所罕見公敬謹
酌定儀注嘉慶元年元旦公仰承 景命於 太和殿上捧册
授寶及初四日再舉千叟宴公進觴上 壽如前視履考祥周
旋中禮百寮及外藩貢使皆驚喜相告謂重臣者德貴國家上

國朝先正事略 卷十八 各臣

三

瑞也八月公八十生辰又 賜介眉三錫匾額及對聯 御製
詩如意等物十一月公疾

上遣醫診視 賜葢藥至二年八月薨訃聞奉

太上皇帝 勅旨大學士公阿柱老成練達自平定西郵時即
隨同出師旋經理新疆事務懋著勤勞嗣辦兩金川界以將
軍重寄堅持定見克歲膚功特封一等誠謀英勇公賞四團龍
補服黃帶紫纒紅寶石帽頂雙眼花翎圖形紫光閣以旌殊勳
續自簡任綸扉綜理部務贊襄樞要二十餘年及石峯堡回匪
滋事統兵剿平復加賞輕車都尉正資倚畀頃聞患病頗劇即
特派皇三孫貝勒綿億由熱河馳往看視並賞賜陀羅經被茲

聞溘逝深為悼惜仍著綿億帶同散秩大臣侍衛前往履奠可
晉贈太保入祀賢良祠九月

上親臨奠醴並 賜祭葬諡文成配享

太廟公器識宏遠沈毅遇大事必籌其始終得失計出萬全雖
在萬乘前不輕為然諾乾隆中庫帑充盈 詔以名糧改實額
增兵六萬公時方奉使具疏力言其耗費謂百年後當知之每
入朝先五鼓起坐直房侍旦不假寐進止皆有常處或
上輦經直房侍者下戶簾公從室內起立垂手候鹵簿過始復
坐議政持平舉大體尤不肯輕重其法以探
上意曰

國朝先正事略 卷十八 各臣

三

上聖人也儻意不忤是偶行之後以為比法安得平耶在軍每
獨坐帳中秉燭竟夜或拍案大呼劃然長嘯則次日必有奇謀
尤善知人自大帥迄偏裨每與一二語即知其性情才具隨所
宜任之又能均勞苦別等次從不以喜怒加人故皆得其死力
將校中封公侯出為將軍都統提鎮者甚眾及任宰執領尚書
事得廉潔勤幹之士輒以陳於朝二十年來總督巡撫公所密
薦者為多自少留心史事凡古今治亂成敗之迹皆能默識其
所以然遇寮屬皆教以修身植節勉成大器而於佻巧營求者
必痛絕之蓋文勤公以重望著 朝端一時名卿巨老法家拂
士咸與訂道義交公時聞緒論以古大臣自期嘗燕居侍文勤

公忽顧問曰。朝廷一旦用汝為刑官。治獄宜何如。公謝未習。曰。固也。姑言其意。公曰。行法必當其罪。罪一分與一分法。罪十分與十分法。無使輕重。文勤大怒曰。是子將敗我家。遠索杖。公惶恐叩頭謝。文勤曰。噫。汝言天下無全人矣。罪十分治之。五六已不能堪。而可盡耶。且一分之罪。尚足問耶。公後掌刑部。數為諸曹郎。述之其誥。謀可知矣。子阿迪斯。襲一等公。官戶部侍郎。古北口提督。次阿彌達。官至工部侍郎。孫那彥。成由編修。累官大學士。別有傳。

國朝先正事略

卷十八 名臣

三

胡恪靖公事略

胡公寶璵。字泰舒。江蘇青浦人。父慶雲。進士官教授。公生有異稟。雍正元年。舉於鄉。有同試禮部者。託公齋文入都。奴愆於期。公撫然曰。吾義不獨試也。袖筆出。乾隆二年。試授內閣中書。軍機處行走。首輔鄂文端公深器之。六年秋。大學士查郎阿。公侍郎。阿里表公奉命相度奉天三省地形。請以公偕行。時適扈駕木蘭。郎由此徧歷諸部。至盛京。過吉林。渡松花江。轉至黑龍江。再轉至甯古塔。周歷諸邊。及春而還。共行二萬二千里。披榛棘。觸豺虎。橫穿側出於冰天雪海中。覽形勝。辨其土宜。自以為極域外之大觀也。遷內閣侍讀。會舉御史。查公以陽城馬周薦。

國朝先正事略

卷十八 名臣

三

御試第一。遂授福建道御史。轉給事中。再遷順天府丞。公在臺頃五載。嘗疏言直隸旱災蒙恩。旨先後運米五十萬石備賑。請飭令土著之民靜候賑濟。其各處流民願歸耕者。資遣回籍。俾起種春麥。不致田畝久荒。又言河南營伍已特遣大臣查閱。第恐不肖營弁或乘機借端苛派。或此後坐扣月糧。請飭督撫提鎮嚴查禁杜。又言山東江南被水各州縣宜乘水涸時設法疏導引流赴壑。以便春耕。皆得旨允行。十三年。王師征金川。命大學士傅文忠公為經略。詔公從行。日馳三百餘里。日或不再食。冒瘴癘得達大營。時賊方張礮樓。接天矢石夾兩耳。下公畫策。削奏動合機宜。凱旋。

天子親斟金卮。賜公酒海內榮之。擢順天尹。累遷宗人府丞。左副都御史。十六年。扈蹕南巡。有僂師奸民傳毓俊。以私憾控張天重謀逆。逮係百餘人。命公往鞠。乘傳七日而至。集案履視之。比夜分曰。吾已得其實矣。一訊而伏。止誅毓俊一人。餘皆省釋。中州人以爲神明。明年。遷兵部右侍郎。兼府尹如故。遂授山西巡撫。尋調湖南。自湖南而江西而河南。再撫江西。復調河南。凡四省。六任焉。在山西。撫饑民。理冤獄。黜貪吏。除奸豪。整備關隘。力行教養之政。在湖南。民貧俗傲。苗徭困兵役之擾。公整飭之。疏定郝柱銅鉛各廠。委員協辦更替之法。在江西。奏嚴查鄱陽湖。編保甲。以靖積盜。又奏勘明廣信所屬銅塘山。無可墾之地。無可用之材。無可煎之礦。請永行封禁。又奏定豐城隍工歲修。經久策。時江浙歲饑。江西尚中熟。而市僧居奇。爲利。迺宣禁以通商。販鄰省賴焉。及二十二年。撫河南。適大水。開陳汝許及河北之彰衛懷。同時被溺者六十餘州縣。天子軫念災黎。發帑金。截漕米各二百萬以賑之。公率屬吏計口而賑。不遺一夫。葺廬舍。招流亡。貸牛種。至冬。隨地鬻養。所全活以數千萬計。復奉命開濬水道。工賑並舉。民飽食趨事。所開支幹河。凡六十有七。計二千五百餘里。皆因自然之勢。層注而下。分入江南。濰泲諸水。匯於淮。以歸洪澤湖。迺會其源流。計其深廣爲圖說以獻。詔曰。豫省災區積困已久。朕特用胡寶

國朝先正事略

卷十八 名臣

五

現爲巡撫。實能不辭勞瘁。仰體朕病瘵在抱之意。而又能盡心調劑。以蘇窮黎。甚可嘉也。其交部優敘。尋加太子少傅。上以公澄。自治河。不惜工不勞帑。不勞民。上源下游。以次就治。御製中州治河碑文。刊石以垂永久。自是連歲大稔。二十五年冬。復移江西。次年七月。河決楊橋。沁洛丹衛同時並漲。被水者五十餘州縣。詔大學士劉公統勳協辦。大學士北公惠。侍郎衷公曰修。河督高公斌。共治之。復召公撫河南時。決口數百丈未合。將開引河築壩束水。需藁薪之屬。數千百萬。日役數萬人。以次徵發。受傭者皆立與直。民不知擾。災黎周卹。備至無一流亡者。水落田出。民借種以播。菽麥。次年皆大熟。二十七年。國朝先正事略

卷十八 名臣

五

上南巡。公迎駕德州。御製詩。賜之。未幾以疾請告。賜人葭一斤。遣太醫馳驛往視。尋疏陳民田道路開濬溝渠。與河道相表裏。每一州縣。開溝數十道。至百數十道不等。分戶承挑。備旱潦。并定歲修章程。壘書嘉獎。命直隸總督方觀承。率所屬仿行焉。公在河南最久。習知其地。利民俗。盡心經畫。故民樂而安之。二十八年正月。薨於位。事聞。贈太子太保。兵部尚書。謚恪靖。賜祭葬如禮。公性清約。精敏。既貴。不改儒素。尤善騎。能日行三四百里。某太史以善騎夸公。約入朝。各策馬去。某狂奔。盡氣入內。閤不見公。方稱喜。自負而公自內出。已批

勅數行矣。嘗被命祭告南嶽。請假便道還松江。太守蔡長澤驚曰。吾官此數年矣。不知郡中有此搢紳。訪之則已。徒步登舟。至里門。所居破屋數椽。門不能容車。猶蓬蒿也。太守歎息去。先是。教授公官宣城。居正學書院。有王文成公祠。生公之夕。夢文成手一金軸。曰。五十年後。煩送吾鄉。乾隆十六年。天子南巡。駐會稽。命公齋金軸。致祭。文成讀祝堂下。始爽然前夢之徵云。

國朝先正事略 卷十八 名臣

三

方恪敏公事略 子勳 勳公傳

方公觀承字宜田。號問亭。安徽桐城人。居江甯祖登。工部主事。父式濟。進士官中書。皆坐宗人孝標累。謫戍黑龍江。公少時。僑寓清涼山寺。有僧中州知為非常人。厚待之。公與兒觀。永歲往來。塞內外。營救水之奉。或日一食。或徒步日行百餘里。於其間。勵志氣。勤問學。具知南北。阨塞及民情。士俗所宜。設施平郡。王履彭知公深。雍正十一年。王授定邊大將軍。征準噶爾。奏公為記室。以布衣召見。賜中書銜。十三年。歸補內閣中書。乾隆元年。舉鴻詞科。以平郡王監試。避嫌不赴。尋入軍機處。累遷吏部郎中。七年。授直隸清河道。遷按察使。九年。命隨大學士訥

國朝先正事略 卷十八 名臣

美

親履勘河道。并海塘工。遷布政使。十一年。署山東巡撫。奏稽察漕弊。嚴緝盜匪二事。諭實力行之。可也。十二年。疏言義倉之便。與社倉略同。但社會例。惟借種義倉。則借與賑兼行。而為益尤在。猝然之賑。大要設倉宜在鄉。不宜在城。積穀宜在民。不宜在官。其捐輸及典守年久者。請照社會例。議敘報聞。二月。回直隸。明年。擢浙江巡撫。時海塘引河。改由中小。鹽安流。其北大。鹽縣之淡水。嶺止。丈出地三十五萬四千八百餘畝。民竈五千七百五十戶。凡認墾者。皆編列字號。分年墾。科歲徵雜糧十萬石。小民咸資生業。諭曰。墾田乃務本之圖。所宜留心勸相者也。

定海普陀山遠在大洋。居民進香男女偏處一船往山寺經旬始返。既於風化有關。而關汛稽察禁物。因婦女在船易至疏漏。奸民乘機夾帶公飭屬查禁。

上題之復請纂輯兩浙海塘通志。又請申嚴雜糧私運出洋之禁。皆從之。擢直隸總督兼理河道疏請就永定河之北大堤改移下口。庶水由地中暢下無阻。明年。

高宗親閱永定河堤。諭公以下口宜暢。御製詩示之。并賜人獲三斤加太子少保。六月永定河南岸淤溝奪溜乃堵築。信歸引河復故道。先是喀喇沁土默特等處種地人民漸多有旨查禁。廷議照署督陳大受所請按三年五年之限交地回籍。

國朝先正事略 卷十八 各臣 完

若原係民墾不能即回者按畝交租。俟一二年後給還原主。十六年土默特貝子欲不問年限概行驅逐。公奏言此等貧民無家可歸。即使甘受驅逐而數萬男女概入內地亦難安置。應請行之以漸。詔遣侍郎劉公綸等往勘。如議行。又疏言上年增建冰窖減水壩貼近永定河下口。近因水大全河於此掣溜。冰窖以上河身吸刷深通。較冰窖以下河身驟低至五六尺。其水仍出金門而壩壘並未衝刷。至三十里外即已澄清。徑出坦坡。於汪爾泥一帶並無淤墊之虞。請於坦坡尾東北斜穿三角。旋關引河歸入葉淀。由鳳河轉輸入大清河。疏下廷議。令許查再議。公持前議益堅。謂地勢人事天時皆順。敢以必應。改移請。

詔尙書舒赫德公總督顧琮公會勘。如公議是歲黃河水自陽武灌入長垣東明。衝開月堤有旨命公勘。公疏言長垣東明其地南高北下。河南陽武等縣之瀝水北注長垣向賴太行古堤捍衛。嗣因堤被水蓄。堤西瀝水匯至致被衝塌。今宜為瀝水籌去路。請開引河導入舊河。使容納東注。即將所起土自堤西村起另築新堤。則堤外有河以疏瀝水。河內有堤以防漫溢。事半而功倍。詔如所議行。尋疏陳濬治滿城縣之奇村河。可溉

稻田數千頃。商船亦得通行。得旨嘉獎。十八年奏設義倉告成。計倉千餘。貯穀二十八萬五千三百餘石。酌規條並繪圖以進。溫詔嘉獎。諭以實力行之。尋疏言永定下口形勢變遷。

國朝先正事略 卷十八 各臣 完

靡常。請於北岸六工尾開堤放水作為下口。至五道口東南導歸沙家淀。仍由鳳河入大清河。廷議以南自南岸冰窖改移下口。何又有此請。令據實復奏。公持前議益堅。持旨允行。二十一年加太子太保。署陝甘總督。赴哈密及巴里坤籌辦軍餉。馬匹疏陳共備馬二萬八千匹。駝四千四百有奇。又言哈密貯茶三萬封。運往軍營。仍撥五萬封補貯哈密。舊存糧十萬石。亦隨撥隨補。先後撥餉金三十萬兩。請再撥四十萬備用。諭以安速為要。二十一年回直隸。任明年八月。上以糧艘遲緩。命即在天津交兌俾及早回南免誤明年漕運。特諭稱公肆應裕如。令悉心妥辦公奏天津北倉可貯糧。

三十萬石添設席囤可貯十數萬石巨飭辦葦蓆二萬片應用
事竣仍可變價歸款費無多至交兌之船悉令泊北倉以南起
劉之船悉泊北倉以北北倉東岸釘椿立界每二里泊船一起
同時起米不相妨礙西岸畱為河道令空船行走仍令各船並
進毋拘銜尾常例以期迅速抵津得旨嘉允永定河淤灘地
公請於堤內外共畱十丈為種柳取土之用餘撥給守堤貧民
領種從之二十四年四月

上以北運河水勢微弱命將先到糧艘截畱四十萬石貯天
津北倉將來水長續到之船令其直抵通倉公疏請就先到各
船內每艘令酌割若干即得輕便各按應割之數截畱北倉餘
國朝先正事略 卷十八 名臣 三

仍抵通交納以割為截則應截者一律均勻 諭獎其妥協如
議行二十七年奏請寓賑於工凡河渠堤埝及各處之滅河壘
道等概加修築計三十二州縣土方銀米皆歸確實得旨俞

行四月同劉公統勳會勘山東四女寺哨馬營減水引河語在
劉公傳先是易州城北有安國河公奏允開渠灌田鑿子渠建
大小閘以時啟閉渠成 賜名安河二十八年

上以天津等屬積水未涸責公不能設法疏消摸稜玩愒部議
奪職 命罷任御史吉夢熊等遂劾公玩視民瘼及胥役派車
船勒索賄放事 諭曰方觀承在直年久每存息事甯人之見
事務既繁又值災歉措置自無不竭感言者動以為歸過之地

置身局外坐言易而起行難使易地以處未必能如觀承之勉
力支持也尋疏言直隸水道溝洫自大興宛平東至撫甯西至
易涿西南至望都東南至阜城又連河自武清至吳橋共二十
二州縣疊道開渠一律完竣 諭曰溝渠即河道之服務也應
聯為一氣方得宜洩之宜三十年

高宗南巡公迎 駕 賜詩褒美四月條舉木棉事十六則繪
圖說以進 御題詩十六章並令將公所作詩書於每幅之末
尋疏請築城柏鄉內邱定興安肅望都等縣改建甄城浞泊河
灘淤地向給貧民租種嗣因胥役豪強影射兼井公查明撤回
請歸畱養局為養贍貧民之用八月籌辦居庸關城及關溝壘
國朝先正事略 卷十八 名臣 三

道十月奏永定河葦地已成高灘請改種禾納租均如所請三
十三年薨於位年七十有一 優詔賜卹 謚恪敏 賜祭葬如
例公明於用人一見與語即能知才所堪任寄以事無不當及

公殉而為督撫有名若周元理李湖等凡十餘人皆夙所拔於
守令丞尉中者也直隸為天下總匯之區繁劇不易治 乘輿
歲有臨幸往來供張又值大軍征伊犁緬甸師屢過境公儲備
精密未嘗少缺乏而民無擾累自為清河道至總督皆掌治河

公洞澈地勢相時決機前後數十疏從之輒利
純皇帝每稱善謂非執成法者所可幾也公以政在養民故尤
盡心於農田水利及溝洫倉儲諸務所行以工代賑及周官溝

樹之法得諸望溪先生之緒論為多嘗值旱蝗

上責公督捕不力或勸劾一二州縣以自解公不可曰我之不職州縣何辜焉磁州有逆民為亂公奏誅三人絞七人

上疑公寬縱廷寄切責者數公執不易 詔九卿軍機大臣會訊乃知公所定之當

上益以賢公素勤學工詩及書嘗偕秦文恭蕙田輯五禮通考又屬戴東原震撰河渠書百三卷著有述本堂詩宜田象稿問

亭集及雜記直隸事凡數十卷公得子遲撫浙時購一姬將納之見所攜詩册有相知名問之其大父作也公曰吾少與其祖

以詩相知納其女孫可乎遂還其家助貲嫁之及六十一歲乃

國朝先正事略

卷十八 名臣

五

生子維甸

純皇帝嘗抱至膝前解所佩金絲荷囊 賜之四十一年

上巡幸山東維甸以貢生在良鄉迎 駕 諭曰原任總督方

觀承宣力畿輔二十餘年勤勞懋著一子維甸年已及歲著照

喪行簡例投為內閣中書一體會試四十二年入直隸名宦祠

四十四年 御製懷舊詩列入五督臣中五十一年 命入祀

賢良祠

維甸字南鵬號葆巖山中書直軍機處乾隆四十六年進士授

吏部主事四十九年隨福文襄公赴石峯堡軍營累遷郎中五

十二年隨福公赴臺灣軍營 賞戴花翎遷御史五十四年典

試廣西晉給事中遷光祿少卿五十六年隨福公征廓爾喀轉

大常少卿 賞三品卿銜擢光祿卿五十九年 命偕尚書蘇

凌阿往山東勘獄轉太常卿充順天副考官明年授長蘆鹽政

坐事奪職吏議發軍臺 特旨寬免 賞員外郎仍直軍機處

嘉慶四年分校會試遷郎中晉內閣侍讀學士隨尚書那文毅

公辦軍務五年擢山東按察使遷河南布政使時川楚教匪未

靖公督兵六千防界

上嘉之八月調陝西布政使就遷巡撫時軍務將竟於接捕零

匪及籌撤鄉勇各事宜不遺餘力十一年甯陝新兵叛公派兵

堵剿請令總兵楊公芳回陝疏入

國朝先正事略

卷十八 名臣

五

上聽之 命偕提督楊公遇春進山督勦會有 詔遣繼勇候

德公來視師賊勢將趨石泉公遣將擊走之 命回行省治糧

餉軍械及彈壓地方事宜未幾德公疏請將叛兵蒲大芳等二

百餘人暫歸原伍

上責其寬縱 命公嚴訊叛兵定議尋疏陳善後六事從之十

三年奏酌改陝省鹽務事宜下部議行十四年擢閩浙總督公

以母老未能迎養奏懇於半年後更代得 旨方維甸之母年

逾八十平素母子相依朕所素悉伊慮及日久遠離私心負疚

自屬人子至情目下可速赴新任俟明年二三月來京陛見彼

時順道先往江甯省母到京後再將其母近狀據實奏明候朕

降旨尋遣 旨赴廈門按治臺灣械鬪獄獲犯林聰等百餘人
分別定議奏海盜朱瀆經官兵殲斃其弟朱渥悔罪投誠呈繳
船檣有眾三千餘人請分別遣散安插又奏臺灣屯務廢弛請
通行查勘體卹番丁資調遣又請申明班兵舊制並籌議章程
十則又奏臺灣各營汛地酌議歸併以便操防又疏陳約束械
關章程請設約長族長責令管束本莊本族嚴禁隸役黨護把
持皆下所司議行六月奏請 陛見得 旨七月十七日為方
維甸之母吳氏生辰方維甸可先赴江甯為伊母稱祝並 賞
如意纓正諸珍物九月至熱河入 覲奏請終養 優詔許開
缺回籍養親且曰朕以孝治天下不忍拂人子至情也會浙撫

國朝先正事略 卷十八 名臣

美

蔣公攸節奏鹽政奇致家人弊混狀 命赴浙察勘明年四月
特旨召為軍機大臣即補尚書用資倚畀且曰伊母向在京師
久住於北方風土素習若奉母來京於散直之餘朝夕侍奉實
為公私兩得即週巡幸亦不令其隨往朕於方維甸母子之間
所以體念之者無所不至維甸當仰體朕用人不得已之苦衷
也但伊母見在身體不知究竟若何若果精神委頓萬難遠行
仍許據實陳奏公尋奏母病情形得 旨見在天氣漸熱方維
甸母子不能暫離若令其長途跋涉心殊不忍可在籍安心侍
養不必來京并 賜其母香珠摺扇等物十八年丁母憂 詔
賜祭 命江甯將軍興肇前往奠醊並傳 旨慰諭方維甸令

其節哀守禮再圖為國宣勞時林清謀逆章文成等據滑縣奉
特旨方維甸本應俟其終制後再行簡用近因直隸及東三省
交界處有匪徒滋事其合夥經從戎署直隸總督在任守制將
來來京召見仍準素服俾得兼盡孝思公營葬畢即還 旨啟
程疏請馳赴軍營勦賊會那文毅公奏述云已圍攻滑城指日
可收復

上不欲使公抱奪情之戚 溫旨令轉程回籍守制再候簡用
二十年六月薨於里第 諭稱其忠誠盡職清慎著名 贈大
子太保 命江甯將軍穆克登布往奠其子舉人候補中書方
傳穆 賞進士許一體殿試尋 賜祭葬 子諡勤襄所著曰

國朝先正事略 卷十八 名臣

美

心蘭室稿傳穆尋選庶吉士由編修官沅州知府遷兵備道女
若徵工琴善畫精篆刻適江刺史元炳著有閑雲閣詩鈔

莊容可尙書事略

高宗御極之四年。詔以廷試進士對策擬領聯獻。諛非體。且啟請託弊。命大臣集議制策當取通達治體以漢蕭何董仲舒唐劉蕡宋蘇軾為式。於是番禺莊公哀然為舉首比引見。風度端凝。

天顏喜甚。賜及第。授修撰。入直南書房。越三年。公第有信成。進士引見。公適以起居注官侍直。

上顧問。公遂得選庶吉士。其冬。兄弟同請告歸省海內。榮之。還朝。遷右中允。進侍講。遷侍講學士。擢光祿卿。父憂歸。即家授內閣學士。服闋。入朝。遷兵部右侍郎。督江蘇學政。十五年。轉戶部。國朝先正事略卷十八 名臣

石侍郎。召還京。尋典江南鄉試。再視學江蘇。十六年。授江蘇巡撫。二十一年。丁母憂。扶柩南行。特命給假百日。治喪於休。

汛前。至淮安。署南河總督。先是。公督學政時。浙江人于文彬。偵公出。獻所著文武記。太公望傳等逆書。公以為病狂不究。至是。文彬挾其書至山東。呈衍聖公孔昭煥。轉告巡撫楊應瑞。以。

聞。公自請治罪。命罰學政養廉銀十倍。至是。坐朱明主使。暨命。及張毅孫。賄謀聯號。嚴凝裕。嗣蟋蟀等案。均擅批罰。贖未奏。

聞。逮禁法。詞論如律。詔賞罪。令護喪回籍。後赴軍臺。自效。方詣。諭所。中途。即投湖北。巡撫。歲餘。仍調江蘇。巡撫。未行。復調浙。江。巡撫。莅事。四載。復調江蘇。仍兼管浙江。塘工。賑務。加太子少。

保二十九年。擢刑部尙書。暫留巡撫任。三十一年。協辦大學士。仍留辦巡撫事。是年冬。入都。未幾。坐前劾同知段成功。縱役擾民。復以因病被劾。入告。

上責其避怨。市恩。逮繫。半載。有餘。復授福建巡撫。三十二年。七月。薨於官舍。年五十有五。公以文學侍從之臣。荷主知。出膺。

節。鎮。誓以清勤自勵。初在江蘇。淮陽諸郡水。公察勘。撫卹。得旨。截。留。百二十萬石。出帑銀五百萬兩。備賑。民乃得蘇。歲乙亥。大江南。北復災。公上疏。自言。奉職無狀。數千天和。并陳諸。抹荒。

策。上皆允行。費帑千餘萬。躬親散放。有役不得侵漁。明年夏。大疫。國朝先正事略卷十八 名臣

公捐俸錢。令有司察民。病者予藥。死者予棺。并撥管內。推其法。行之。又疏言。太倉。鎮。洋。沿海。出廬。全賴海隄保障。雍正十年。築。

土塘二萬四千七百餘丈。時因經費不充。僅於沿邊頂衝處。修築餘多未辦。適因東北風潮。損傷隄岸。居民自請挑築。請酌借庫銀萬六千兩。交紳士自募夫役。接築土塘九千四百七十餘丈。務令汛前告竣。所借銀。按款扣輸。二年即可完款。得旨。俞。

行。及撫浙江。浙西三郡。以風雨蟲傷。米價騰踊。而江南亦歉收。商販不至。公奏。撥庫銀三十六萬兩。遣官往湖廣採買。有旨。截湖南漕米十五萬石。并碾倉穀十萬石。運浙平糶。自冬徂春。米之來自三楚者。舳舻相望。歲雖儉。而民不飢矣。錢塘江入海。

之處有三壘曰南大壘曰中小壘曰北大壘乙丑以後水行中壘者十餘年已卯歲改趨北大壘公承 詔抵海甯閱柴石塘登尖山渡江歷勘以加築主堰添建坦水為請既而水勢直趨塘根以預備得無患又奏復海塘兵弁專司負薪運土甃石省民夫無算海甯之老鹽倉向以土活沙浮祗立柴塘壬午歲聖駕南巡議改石塘 命大學士劉公統勳高公晉與公先往察勘果以活沙不能立椿

上復親臨指示形勢令修柴塘增坦水加薪價公承 命鳩工庀材又用前人竹絡法編竹為篾實以巨石鱗次櫛比以衛塘根其秋風潮大作石塘開有崩裂而柴塘獨無恙公之力也時

國朝先正事略 卷十八 名臣

三

秋霖水漲公親往嘉湖二郡察勘知水歸太湖之道多淤而太湖下流亦多壅闕因請後烏程長興境內七十二澳并遣官至江南按行三江改道疏入尋奉移撫江蘇之 命公遂親往尋脈絡得其要領建議大修三江水利疏略云太湖北受荆溪百瀆南愛天目諸山之水為吳中巨浸而分疏之大幹則以三江為要三江者吳淞江婁江東江也東江自宋已湮明承樂間別開黃浦寬廣足當三江之一今亦謂之東江三江分流經吳江震澤吳元和崑山新陽青浦華亭上海太倉鎮洋嘉定十二州縣港浦縱橫湖蕩參錯其出水之口不特寶帶橋一處如吳江之十六港十七橋吳縣之鮑魚口大關口為湖水穿運河入江

之要道今皆淺涸又如入吳淞之龐山湖大斜港九里湖澱山湖滙浦遷因小民貪利徧植菱蘆圍築魚蕩亦多侵占劉河古婁江也今河六非昔比往往艤舟待潮崑山外濠為婁江正道淺狹特甚蘇州婁門外江面僅寬四五丈偶遇秋霖上游輒淹漫若及早治之事半而功則倍法當於運河以西凡大湖出水之日皆為清釐占塞其運河以東三江故道惟黃浦見尚深通其吳淞江自龐山湖以下婁江自婁門以下均宜浚治寬深其植蘆插蕩及冒占之區盡數剷除此後仍嚴為之禁即以潘河之工加培圩岸庶渾潮不人清水日強而海口之淤亦將不挑而自去請先動帑興工仍於各州縣分年按畝徵還則民力紓

國朝先正事略 卷十八 名臣

卑

而工可速集疏入 詔可工始於癸未十二月至甲申三月告成凡用白金二十二萬有奇公再撫蘇有 旨仍兼理浙江海塘先後增築魚鱗石塘二百七十大具松江大倉沿海土塘居什之八九公請如浙塘法編竹篾實石護塘根以禦海潮公之盡心於水利海塘其大者如此其撫福建也預戒族人居晉江者勿造謁有至者遣閩人謝之曰某任封疆義當避嫌俟去官時再相見汨公薨晉江族人始來會哭咸稱公之公正為不可及云公諱有恭字容可號滋圃先世由晉江往粵遂為番禺人生而穎異工書法出入顏趙間在禁林經進詩文數被獎異及車駕省方公以方岳大臣扈從輒 命廣和 御詩壬午丙戌

兩次南巡賜御製五七言律詩各一

上幸嘉興之煙雨樓特召公至行營用石鼎體聯句詩成書以勒石羣臣莫及焉公由祠館躋九列皆聖明特擢不由薦刻東南重鎮膺委任者十餘年入領尚書遂參大政中閱兩遭顛瀾賴

天子仁恕終保全之重建旌節天不假年未臻中壽然海內士大夫識與不識聞公名靡不傾嚮謂科目得人之盛為嶺表所希有也一子曰士斌

國朝先正事略

卷十八 名臣

聖

沈文憲公事略

公諱德潛字確士號歸愚江蘇長洲人乾隆丙辰舉博學鴻詞科未遇戊午舉於鄉年六十六矣己未成進士選庶吉士壬戌授編修

高宗嘗於南邦黎獻集中見公詩賞之論大學士張文和公

曰沈德潛係老名士有詩名命和消夏十詠及落葉諸詩俱

稱旨以後廣和遂不可勝紀累遷中允左庶子侍讀學士甲

子典試湖北明年晉詹事官召對論歷代詩源流升降且云

張鵬翀才捷於爾而風格不及丙寅授內閣學士請假歸葬有

旨不必開缺命給三代封誥賜五律一章題云沈德潛為

國朝先正事略

卷十八 名臣

聖

父請封陳親遺訓聲淚俱下此所謂終身之慕乎詩有云奚用

悲寥落因知遂顯揚又賜詩寵行有云我愛德潛德醇風抱

古初錢侍郎陳羣和云帝愛德潛德我羨歸愚歸

上嘉賞焉丁卯四月命直上書房六月還朝賜詩有日册

友重然諾况在君臣閒兒輩雖知書相期道孔顏尋以公年老

命天明始入上書房亭午即出且日以身教不專以言教也尋

擢禮部侍郎明年充會試副考官以年力就衰命原銜食俸

仍直上書房己巳請告薦齊召南自代許之賜御畫人贊

緞帛及詩壇耆碩額命掖御製詩畢乃行諭有所著作

許奇京呈覽且曰朕於德潛可謂以詩始以詩終矣 賜詩有云清時舊寒士吳下老詩翁又云近稿經商推相知見始終 陛辭 面諭云爾歸享林泉之樂與鄉鄰講說孝弟忠信便是爾之報國又云我五十壽時一定來京拜祝君臣之誼等於父子家人最後復用 陛辭韻 賜詩四律首章云高尚特教還故里清標終借去朝班三章云笑予結習多難道嘉爾臨文不忘箴皆異敷也庚午公遊黃山天台謁禹陵奉 賜詩有云為語餘年須愛護來春吳會共論文蓋預訂 南巡期約也明年公主紫陽書院二月迎 駕清江浦 溫諭詢吳民勞苦不賜緞帛淺貂 諭在籍食俸 賜詩有云玉皇案吏今煙客天子門生更故人別後詩裁經細檢當前民瘼聽頻陳尋扈蹕西湖 賜道存風雅額幸金山時又 賜和山居雜興十章又 賜題紫陽書院詩公進恭和 御製詩一百四章是冬以祝 皇太后萬壽人都 召見 賜坐明日 召入南書房 命題 韓滉七才子圖又題 御書無逸篇後又題 御書百榦梅 賜貂裘及德藝清標額公進詩集求 賜序 上欣然許之於小除夕坤甯宮手書以賜序略曰德潛之詩遠陶鑄乎李杜而近伯仲乎高王矣乃獨取義於昌黎歸愚之云者則所謂去華就實君子之道也昌黎因文見道始有是語而歸愚與乃能深契於此識夷守約敏藻就澹是則李杜高王所

國朝先正事略

卷十八

名臣

聖

未言而有合於夫子教人學詩之義也夫非常之人然後有非常之遇德潛受非常之知而其詩亦今世之非常者故以非常之例序之異日者江國行春靈巖駐蹕思欲清問民艱暇咨新什將訪歸愚叟於愚公溪谷閉矣高王蓋指青邱漁洋謂公詩有過之無不及也壬申正月 上召賦雪獅聯句詩小宴 重華宮 賜詩 命和又 賜御 香鶴性松身堂額及藏佛一尊冠服六種蓋為公八十稱壽也 翼日陳謝 上與論人臣體用公奏體用兼備如姚宋韓范諸臣可以維持宗社有體無用猶不失為正人特不堪重寄耳若無體而妄談 國朝先正事略 卷十八 名臣 聖 作用必債事 上然之南歸 賜詩送行及途費銀二百兩尋進西湖志纂 上題三絕句代序丁丑二月 上南巡加公禮部尚書銜 諭稱為達濂人瑞疊前韻 賜之 有句云星垣帝友豈無友吳下詩人尚有人每 召對問民疾 苦并問高年有學問者還有幾人公以司業顧棟高進土方榮 如對 上詳詢履歷識之尋出 御詩百六十餘章 命和辛巳入都 祝 皇太后七旬萬壽進歷朝聖母圖冊 賜杖入朝 命與九老

國朝先正事略

卷十八

名臣

聖

會計在位九人在籍九入武臣九人皆年七十以上公為在籍
文臣之首。賜遊香山並圖形內府。

懿旨賞賚有差公進所選。國朝詩乞序中錄錢謙益錢名世
諸作。

上賜序責其失當。命儒臣精校去留重板板行世而待公如
初尋。諭明年南巡迎送不必出蘇州界壬午二月偕錢尚書

陳羣迎。駕常州。賜額曰九表詩仙又詩二律其一與錢尚
書同。賜並稱為大老公遠和。御詩十八章。恩賚稠疊明

年。上和公攝山詩十二章。御書長卷以。賜乙酉二月公偕錢

國朝先正事略 卷十八 名臣 巽

尚書迎。駕武進。詔加太子太傅食正一品俸孫賜舉人一
體應禮部試尋。賜人養綴匹。御製詩二律其一與錢尚書

同。賜其一有云吳中今古老人科比似徵明定若何書畫雖
輸詩勝彼功名已過壽如他蓋。曾進呈文待詔像

上題七言律。命南書房詞臣屬和故。賜詩以比公也戊子
己丑均有。詔存問。賜人養庚寅九月堯年九十有七乾隆

三十四年也。優詔悼恤。贈太子太師入祀賢良祠。賜祭

賜葬。諭文愨。御製詩悼之有云壽縱未能臻百歲詩當不朽
照千秋可謂恩禮始終矣公鄉試十七次不第晚達受殊眷榮

粹一節不子進不希風旨下直蕭然繩扉自縊如訓蒙叟其所

奏進諸詩陳善納忠往往能繼古澗酌卷阿之作者其於閭閻
息耗四方水旱歸本辰居責成牧守補救之實壹見於詩反覆
盡意不苟為虛美世徒見

上遇公之榮而不知公之所以被

上知者固有在矣

上每巡江南望見公。天顏先喜前後受。賜詩至四十餘首
歷校。御製詩時有更易

上皆虛己從之。賞福字及書籍法帖諸尚方珍物不可殫數
海外諸國爭走重金購詩集日本臣高彝寄書千餘言溯詩學

源流詆錢牧齋持論不公而以公所論為中正贈詩四章願附
國朝先正事略 卷十八 名臣 巽

弟子列公拒之蓋法文衡山不以書畫予遠夷意也四十二年
東台縣已故舉人徐述夔所著一柱樓集詩詞悖逆被許告集

有公所作述夔傳下廷議追奪階銜祠諡四十四年。御製懷
舊詩列公五詞臣中仍以錢沈並稱東南二老云

袁文達公事略

司空之職。掌邦土。居四民。時地利。使修利堤防。通達溝瀆。別五土之性。而物其所生之宜。朕任茲重。朝廷命官。必深知其蘊蓄。又歷試有功。然後畀以宰揆。熙載之任。新建袁公。敷歷六官。咸稱職。尤善於治水。

天子重公材。數任之。公竭智慮。告成功。最後晉工部尚書。竟亮於此位。可謂能舉其職者矣。乾隆二十二年五月。詔曰。朕此次南巡。親蒞河工。相度險要。特派侍郎夢麟。總河白鍾山。疏濬荆山橋一帶。總河張師載。巡撫高晉。會辦徐州黃河兩岸堤工。其徐州護城石工。則委之副都御史德爾敏。下河諸工。則委之

國朝先正事略 卷十八 名臣 聖

副總河嵇璜。凡以為積歲災民籌捍禦之策也。近聞山東之金鄉魚臺。上江之宿虹靈璧。河南之永城夏邑等州縣。皆有積水漫溢。其受病實非一朝一夕之故。若不及時籌辦。將何所底止。此朕南巡未了之事也。其令侍郎袁日修。馳驛前往山東河南。上江現在積水各州縣。往來周視。寬以時日。熟察情形。通盤籌畫。果歸實用。毋惜多費。帑金用副朕痼疾一體之意。公銜命自山東查勘至河南。自河南至上江。疏請將靈璧之斗溝。拖尾河。泊河。虹縣之荀家溝。岳家河。潼河。一律疏濬。至董家溝。在宿遷境內。安河界桃源泗宿三州縣間。皆已淤淺。其金鎖鎮田家集。劉李埭。陡門等處。上下八十里。為入洪澤湖咽喉。皆宜逐段

開濬。必此處較上游深通。而後淮河等水。可以順流直下。惟下游之下。復有下游。洪澤一湖。以清口為出路。前已奉旨將草壩拆卸。以暢其流。仰見聖明燭照於數千里外。但每歲須應期開放。庶不至壅關於一時。有旨嘉其明晰。得要領。命與夢麟等。無分彼此。所見既確。即一力擔承。務期歲前蒞事。公復由潁毫一路至河南。疏言潁毫一帶。必東面及東南面去路無阻。然後中州諸水可得而治。宜先開幹河。繼開支河。繼開溝洫。其東面之幹河。在商邱為豐樂河。在夏邑為响河。在永城為巴河。東南面之幹河。以大沙河為最。即古潁水。次則開封之賈魯河。即古汴水。均宜一律挑濬。此外如永城之漕溝。夏邑之毛家

國朝先正事略 卷十八 名臣 聖

河。小引溝。觀音閣引河。白河。三岔河。虞城之惠民溝。商邱之北沙河。大湖溝。鹿邑之清水河。汝甯之洪河。汝河。宜徧加疏濬。一律通流。由引河以達支河。由支河以達幹河。其不能歸河者。於田間多作溝渠。導引或窪地。聽為澤。數庶不至漫溢。得旨如議。速行。公復至山東查勘。疏言館陶臨清等州縣。濱河兩岸。民塚向係民築。民修。請照直隸永定河工例。每天日給升米。責成地方官督令修補。從之。又言山東水道疏濬。兗州為要。曹州次之。臣前已奏開伊家河。今復將原估十丈河頭。再展寬數丈。使微山湖水建瓴而下。則濟甯魚臺滕嶧。以及江南之豐沛二縣。地畝可普行涸出。至水消後。再有當治者。就兗州言之。魚臺縣

有舊運河。界微山湖西面。上接濟甯之牛頭河。金鄉之沐河。柳林河。應一律挑濬。又泗河自濟甯姚安莊以下。河身愈狹。白馬河中。段之董家口。與泗河相接。應將二河之尾段挑濬。至府河為泗水分支。宜將涵洞改建水閘。其楊家壩亦改建石閘。又濟甯之興文鎮。舊有河形。宜挑濬以洩沈河盛漲。就曹州言之。則應分二道。西南之大行堤畔。舊有順堤河。今多淤墊。宜疏濬。東北則現於八里廟增建滾壩。當沙趙二河之衝。於地勢最為扼要。又沂水流入江南之駱馬湖。見多淤塞。應一併疏通。以除水患。諭曰。朕正慮及沂州府。每被水災。覽奏有疏通駱馬湖語。宜相度速辦。又秦山東運河情形。言南旺舊制。係三分南行。七分北上。今則北少南多。應於分水口兩岸接長南壩。收短北壩。俾順勢北行。再將何家壩減低二尺。放入北運。於糧艘回空後。嚴閉南閘。使南運河下段堤岸畢出。凡不能興工之處。皆可興修。庶明歲漕運無悞。諭曰。恐爾等分身不及。今又遣劉統勳前往專司運河工程。此奏可與之酌辦也。公復至上江。請將亳州之兩河口。及三道河。泥河。宋陽河。太和之茨河。明河。霍邱之高塘河。宿州之澮河。商邱之大沙河。一律修濬。旋至河南疏陳自幹河外。共開支河三十餘處。如商邱之兩沙河。虞城之苑家堤。遂平之石洋河。上蔡之柳堰河。泥河。小茅河。新蔡之三岔河。各相核疏築。從此中州可永無水患。疏入

國朝先正事略 卷十八 各臣

吳

上皆嘉獎。二十三年夏工竣。得旨優敘。御製詩美之。二十六年秋。河決楊橋。命赴河南勘辦。尋命大學士劉公統勳。兆惠公駐楊橋督工。公躬自履勘。塞決。日二百餘丈。又言沁水出五龍山。性甚悍急。沿河堤埝皆民辦。此次工大費鉅。請借帑興工。以紓民力。得旨嘉允。十二月工竣。予優敘。御製中州治河碑序。及公勞績。二十八年二月。命馳驛來京。督辦直隸水道溝渠事務。賜御製詩。公濬蘆溝中。疏金門。求賢二壩。築攔水埝。滄鳳河淤。兼治北運河。築南倉橫堤。以衛民居。改疊道以洩西流。九月工竣。請假回籍迎養。詔以濰河久未疏濬。命歸途便道勘辦。公奏宜厚蓄清水。以刷淤泥。遇應開黃腫閘。國朝先正事略 卷十八 各臣 李

浞泊。毋許報壑。陞科。並不得橫加堤埝。俾水有所歸。則患自息矣。

上是其言。降勅嚴禁。此公治水大略也。當是時。

高宗軫念河防。不惜捐千萬帑金。以捍民患。亦惟公竭忠殫力。足以仰副。

聖心。云公諱曰修。字叔度。一字漫士。世居新建之雙港。父思補。

康熙丁丑進士。由建德令行取。累官給事中。祀名宦。公其第五子也。乾隆元年。以廩生薦。博學鴻詞。舉順天鄉試。四年成進士。

與館選。八年。御試高等。超擢侍讀學士。轉少詹事。晉詹事。遷

內閣學士。一任兵部右侍郎。再任吏部右侍郎。三任戶部左右

國朝先正事略 卷十八 名臣

三

侍郎。一任工部左侍郎。兩任倉場侍郎。三尹順天。歷禮刑工三

部尚書。中開坐胡中藻逆詩事。罷官。尋授中允。遷侍講。逾月。復

故。後坐捕蝗不力。降官。未幾仍復故。一入軍機。三侍經筵。一直

南書房。一典湖北鄉試。兩典江南鄉試。兩典浙江鄉試。一充會

試總裁。又充會典四庫書總裁。奉勅撰熱河志。大學志。西清

古鑑秘殿珠林。石渠寶笈。錢錄等書。公貌清癯。眉有濃翠。願盼

閒精神。淵映居恆。喜賓客。工諧謔。搜奇語。怪無倦色。而遇事神

解。超捷。每思一曹。受一職。手文書。默然。數日。後判洪如流。二十

一年。王師征伊犁。公面奏軍務機宜。

天子大悅。即賜御衣冠。命乘傳赴巴里坤治事。會逆酋莽

里克遣弟某。詭稱押送諸番探信卡倫。公與哈密總兵祖雲龍。將界總督發其奸。哈密兵少有赴巴里坤種地者。七百人。公請暫留為衛。而發麥以餉之。

上皆獎許。公聰強機警。受大任。舉重。若輕。天子愛其敏。倚若股肱。凡有事於四方。與大學士。劉公統勳。先

後奔走。前命未復。後命踵至。雖侍內廷。綜六部。而英。鵠

款關。足跡常半天下。二十三年。命在工次。訊邳州某牧短。發車債事。明年。命往太倉。訊王閻冒家主事。又明年。命往蘭

州。訊縣丞崔瑋擅動驛馬事。二十九年。命往福建。訊總督楊廷璋。受陋規事。三十七年。命往盛京。查旗地事。而奉命。勅

國朝先正事略 卷十八 名臣

三

水利。前後至八次。兩次丁憂回籍。均於未服闋時。奉特召入

京視事。其眷倚若此。公謙獄。無苛嚴。亦無縱捨。衡文得士心。遇

事善於應變。而立意一歸慈厚。自盛京歸。奏免八旗生息銀。長

司寇時。奏免盜蕩者死。勘災楊橋時。奏災區急宜賑恤。請不拘

成例。一面查點。一面散給。庶無坐轉溝壑之虞。又言粥廠為利

最溥。有司恐聚眾生事。往往阻格不行。不知各縣均設粥廠。則

彼境之人。不入此境。又於一縣中。分四鄉。散給。自不至於擁擠

上。立予施行。公所。泣皆有。名績。他人。得其。一。皆足。自名。而其。尤

關。國計。民瘼。者。則。治水。為。最。著。也。三十八年五月。公病。墮

上。日。遣。御醫。診。視。請。解。職。弗。許。賜。詩。慰。問。加。太子。太。傅。公。咸

涕恭和二詩。手書進謝。越二日薨。年六十有一。

上聞軫悼。派散秩大臣率侍衛十員往奠。賜祭。賜葬。證

文達子行簡。恩賞內閣中書。命一體會試。喪歸。公卿士大

夫素卑。塞路。外省河堤老兵戍卒。皆泣歎。有失聲者。公本以文

學受知。澤躬儒雅。提唱宏獎。道滌州。攜歐陽文忠像。丐。御題

得允所請。凡扈從侍宴及。慶典大禮。所進廣慶紀頌之作。皆

稱。旨書法近宋臣張即之。

上以內府張書華嚴經殘本。命公補書。人莫能辨。平居不言

人過。惟以人命最重。果報不爽。為勸戒。見失意者。即惻惻不安。

必曲折。使得其在。戶部最久。所入隨手。施與。嘗典衣度歲。人

國朝先正事略 卷十八 名臣 五

不知也。方勘豫災時。子麟卒。太夫人書訓曰。窮黎皆赤子。勿以

爾子傷。墮公事。公為節。慟聞者。誦之。公彌留時。語左右曰。吾為

燕子磯水神。君輩江行所次。苟酌厄酒。弗敢辭。有老嫗曰。昔太

夫人禱磯邊神祠。始有身。公之去來可知也。子麟庚辰進士官

編修。師國子監生。皆前卒。行簡官至兵部侍郎。直隸總督。

行簡字敬之。乾隆四十三年。以中書直軍機處。權內閣侍讀。四

十九年。隨大學士阿文成公。赴甘肅。勦石峰堡。並回。旋赴河南。

察治河工。明年。出知甯武府。調平陽。五十五年。請改京職。便養。

優詔。以知府服。俸在員外。仍直軍機處。嘉慶四年。由郎中遷

內閣侍讀。學士。六年。以太僕少卿奉。命赴陝西。犒軍。時教匪

未靖。經略額勒登保。公駐略陽。公疏言。川陝兵宜扼衝。嚴守。使

陝匪不入。川川匪不入。陝然後。偏使東。竄。經略以大兵。蹙之。可

計日。晨縛。又言。自寶雞至。褒城。棧道。兵卡。宜復設。且於要害。設

大營。隔賊走路。兼通大軍糧運。而其時。經略引嫌。請止舉劾。麾

下功罪。公奏請。五路帶兵。大臣所統將士。皆聽舉劾。移書川督

勒保。公陳廉頗。相下之義。兩帥大和。途次。鳳縣。晉本寺卿。賞

花翎。授河南布政使。調江甯。母憂。歸八年。授福建布政使。調直

隸。先是。天下大政事。賑貸。轉輸。供億。皆以州縣為經。由。數。匯。錢

穀。出入多未釐正。

高宗禪受禮成。特旨。盡免廢負。而地方大吏。鉤稽。簿領。束於

國朝先正事略 卷十八 名臣 五

成格。不能盡。豁除。或借以為煩擾之具。公以謂。非清帑。無以塞

僥倖。滌煩苛。遂一以清帑為首務。福建布政司冊目。十有一公

創分子目。千五百有奇。支解者。毫黍皆見。吏不能欺。得銀若干

萬。直隸民。通議。分年帶徵。官通議。分年罰繳。又得若干萬。於是

兩行省積弊。一清。尋。命加兵部侍郎。署直隸總督。坐永定河

決。降二秩。畱任。九月。自天津赴永定河督工。途次。得疾。不起

優旨。照總督例。賜卹。賜祭。葬。謚。恭勤。子元善。賜舉人官

內閣中書。

梁文定公事略

公諱國治字階平號瑤峰一號豐山浙江會稽人父文標官刑部司獄恤囚有陰德嘗曰彼自麗於法耳何為痠苦之累遷刑部主事公生負異稟年十四補弟子員冠其籍十九舉乾隆六年鄉試明年考取內閣中書十三年戊辰以一甲一名賜進士及第授修撰十九年遷司業二十一年典試廣東復命奏對稱旨命往廣東以道員用明年補惠潮嘉兵備道二十六年恭祝

皇太后萬壽至京以卓異引見特旨署都察院左副都御史公以親科清望出試吏事至是超擢卿貳聞者翕然明年主江國朝先正事略卷十八名臣 聖五

西鄉試旋視學安徽擢吏部左侍郎三十年調江蘇學政提唱羣雅鑒別茂異大江南北士翕然宗之尋坐署廣東糧道時失察折色事落職就勘明年事白授山西冀甯道三十二年授湖南按察使明年授江甯布政使又明年擢湖北巡撫兼署湖廣總督及荊州將軍時官兵征緬甸振旅過境公躬勞拊且鎮之序行無譁奏定施南府屬宣恩來鳳咸豐利川學增額有差三十六年調撫湖南公以經術飭吏治清風惠政不燒以孚嘗捐俸修唐鐵佛寺池產青蓮花時以為瑞三十八年特召直軍機處署禮吏侍郎時朱文正公致書公曰君以封疆大吏入贊樞密願以清吏源培民脈端士氣三言為獻公深然之明年

命直南音房補戶部侍郎自是召對扈從無閒听夕充經筵講官賜紫禁城騎馬第宅冠服之資便蕃有加四十二年典順天鄉試擢戶部尚書四十七年加太子少傅明年協辦大學士歲庚子甲辰再以扈駕南巡賜休沐上冢鄉仰榮焉五十年春與千叟宴於乾清宮夏拜東閣大學士兼戶部尚書公以文學受知在帝左右敬慎縝密不以寵利居功粹然儒者在昔有宋由大魁入政府者九人有明一代十有七人而我

高宗朝六十年中實遺其三公以經世才際文德武功之盛雍容大雅密勿論思時目為讀書真宰相其天國朝先正事略卷十八名臣 聖

性學養尤足稱其遭遇云公體素清靡五十一年仲冬疾作上遣醫官暨侍衛傳旨存問越月十三日薨於位高宗軫悼加贈太子太保命皇子往奠賚白金千兩治喪賜諡文定公始終承眷惟其端亮勤恪信之者深也公性孝友十歲喪母哀毀如成人十七丁外艱葬祭盡禮顛沛不廢所學兄國秦早卒與公同月日生故終身不稱觴事嫂馮甚謹官侍郎時以已官馳封焉性好學愛才所至名士如歸公退論文見之者如對山林高逸篤故人誼貧賤交終身不忘晚乘樞要從游益廣渾穆中涇涓秩然清儉不名一錢俸入輒隨手盡三黨皆德之詩文典贖書法得唐人風致著有敬思堂文集

薨年六十有四子五人

國朝先正事略

卷十八

名臣

老

國朝先正事略卷之十九 名臣

平江李元度次青纂

朱文正公事略

朱文正公諱珪字石君號南厓先世居蕭山祖登俊官長陽知縣父文炳官盤屋知縣始遷籍為大興人公祖與高安朱文端公同為湖北令相友善清名亦相埒公父受經於高安故公自十一歲即傳高安之學年十七舉乾隆十二年鄉試與叔兄筠同榜名震都下次年成進士選庶吉士習國書尋授編修累遷侍讀學士二十四年主河南鄉試奉使祭告南嶽明年充會試同考官秋授福建糧道毀和合諸淫祠民大驚服二十八年國朝先正事略卷十九 名臣

擢按察使兼署布政使閩人表自位假平臺灣功擢武職獄連數十人公誅正犯一人諸受欺者皆不坐有告家譜妄逆者謝之僅戮一撰譜者屍二十九年父憂歸三十二年補湖北按察使時緬甸用兵公司驛務無誤無擾有亂民聚眾公鞠之不少縱然脅從者皆得免明年調山西又明年就遷布政使秋奏立保固城工法令後任隨時修護如潰在三十年內與原築官分賠下部議行三十六年權巡撫事奏撥歸化綏遠二城穀十餘萬石搭放兵糧以省采買而免紅朽奏免土默特蒙古私墾之罪以所墾牧地三千一百餘頃許附近貧苦兵民認耕納租歲六千餘兩增官兵公費奏太僕寺牧地苦寒宜改徵折色以便

民除弊皆下部議行。三十八年。勘歸化城水災。奏撫恤之。明年。按察使黃檢疏劾公終日讀書於地方事無整頓。又明年入。親授侍講學士。四十一年。命上書房行走侍。

仁宗皇帝學時。初置文淵閣。官。特命公直閣事。主福建己亥。鄉試。四十五年。督福建學政。將行。上五箴於。

仁宗。藩邸曰。養心曰。敬身曰。勤業曰。虛己曰。致誠。

上力行之。及。親政。亦常置座右。四十九年。扈。蹕南巡。授內。閣學士。閱江浙召試卷。五十一年。授禮部侍郎。主試江南。督浙。

江學政。五十四年。置蕭山祭田百畝。冬。還。朝。充經筵講官。明。

年。經筵進講。諸皇子侍班聽講。

國朝先正事略 卷十九 名臣

高宗 顧謂

仁宗曰。汝師傅所講甚善。春。總裁會試。秋。授安徽巡撫。命馳。

驛賑水災。乃攜僕五人。與村民同渡。賑宿泗。楊山。靈璧。五河。盱。

眙。民以糧借懷遠。鳳臺。壽。民以糧及種。築洪堤六十餘丈。民乃。

安。復。請。展。春。賑。手。自。散。給。五。十。七。年。奏。鳳。穎。水。災。恩。賞。糧。種。

免。民。欠。萬。五。千。兩。祁。門。縣。築。城。成。輕。騎。往。驗。之。至。新。嶺。有。欲。中。

傷。歛。縣。令。者。屬。寧。亭。人。以。餽。餉。進。公。恬。然。飽。之。五。十。九。年。調。撫。

廣東。尋。兩。廣。總。督。授。左。都。御。史。兵。部。尚。書。皆。畱。巡。撫。任。曠。暗。剛。

國。入。貢。呈。土。物。卻。之。嘉。慶。元。年。授。兩。廣。總。督。兼。署。巡。撫。六。月。有。

旨。內。召。曰。將。用。為。大。學。士。也。俄。以。督。魁。倫。奏。粵。東。艇。匪。駛。至。閩。

浙。乃。公。總。督。任。內。不。能。緝。捕。之。咎。寢。前。命。仍。授。安。徽。巡。撫。會。

鳳。陽。等。屬。水。災。疏。請。賑。恤。親。給。之。官。吏。莫。敢。侵。時。楚。豫。多。邪。教。

流。言。脫。屬。多。跽。伏。者。公。曰。疑。而。索。之。是。激。之。變。也。乃。親。駐。界。上。

籌。防。禦。徧。泣。頰。毫。等。屬。聚。長。老。教。誡。張。文。告。簡。而。明。民。大。感。化。

明。年。授。兵。部。尚。書。調。吏。部。皆。畱。巡。撫。任。宿。靈。壁。水。合。肥。定。遠。巢。

來。安。全。椒。早。皆。親。賑。之。民。忘。其。災。明。年。蒙。臺。復。水。賑。卹。如。之。會。

高。宗。純。皇。帝。上。賓。

仁。宗。馳。驛。召。公。公。哭。且。奔。先。上。奏。曰。聞。

太。上。皇。帝。龍。馭。上。昇。膽。裂。呼。天。角。崩。投。地。欽。惟。

大。行。皇。帝。十。全。功。德。五。福。考。終。傳。器。愜。心。於。昭。在。上。我。

國。朝。先。正。事。略 卷。十。九 名。臣

皇。上。純。孝。超。倫。報。天。罔。極。竊。聞。定。欲。躬。行。三。年。之。喪。此。舉。適。干。

古。而。欽。萬。世。然。而。天。子。之。孝。不。以。毀。形。滅。性。為。奇。以。繼。志。述。事。

為。大。親。政。伊。始。遠。聽。近。瞻。默。運。乾。綱。霧。施。渙。號。陽。剛。之。氣。如。日。

重。光。惻。怛。之。仁。無。幽。不。泮。思。修。身。嚴。誠。欺。之。介。於。觀。人。辨。義。利。

之。防。君。心。正。而。四。維。張。朝。廷。清。而。九。牧。肅。身。先。節。儉。崇。獎。清。

廉。自。然。盜。賊。不。足。平。財。用。不。足。阜。惟。願。我。

皇。上。無。忘。堯。舜。自。任。之。心。臣。敢。不。勉。行。仁。義。事。君。之。道。

上。嘉。納。之。及。至。京。哭。臨。

上。執。公。手。哭。失。聲。旋。命。直。南。書。房。管。戶。部。三。庫。自。是。國。家。

大。政。事。有。所。咨。詢。皆。造。膝。自。陳。不。草。一。疏。不。沽。直。不。市。恩。不。關。

旨。內。召。曰。將。用。為。大。學。士。也。俄。以。督。魁。倫。奏。粵。東。艇。匪。駛。至。閩。

旨。內。召。曰。將。用。為。大。學。士。也。俄。以。督。魁。倫。奏。粵。東。艇。匪。駛。至。閩。

白軍機大臣公第在外城遠且隘。賜第西華門。紫禁城騎馬加太子少保充。實錄總裁典己未會試調戶部尚書時。

上禁浮收漕米之弊外省以運丁貧仰資州縣州縣取民不得不浮於是安徽有加增銀江蘇有加耗米之請部議將擬行矣公思之不寐綜其數較原徵加倍乃決計駁曰小民未見清漕之益先受加賦之害不可行並令曹司以後凡事近加賦皆議駁以體。

皇上損上益下之意長蘆鹽政奏鹽價一斤加錢二文公駁曰前蘆東因錢價過賤已三加價又免積欠二百六十萬兩餘欠展三年商力自寬且今錢價漸貴應無庸議廣東布政司奏陞國朝先正事略卷十九名臣

濱海沙地賦公駁曰海沙淤地坍塌靡常故照下則田減半賦之今視上中田增賦是與沿海民計微利非政體且民苦加賦將別有漲地亦不敢報墾不可行後倉場衙門請預納錢糧四五十倍準作義監生公駁曰國家正供有常經而名實關體要於名不正於實有傷斷不可行凡駁議皆親屬稿奏。上皆遵之嘉慶五年兼署吏部尚書坐與夫毆傷禁門兵免太子太保解三庫事彭文勤墮馬西華門內公呼其輿入門昇之復坐連例鑪三級畱任六年陪祀所毀壇未曙誤行墜甬道下傷左跨。賜醫。賜食。駱驛於道遣內監賚。殊諭至第視疾且詢事三月小愈即趨。朝七年秋扈。蹕灤陽宣。制以戶

部尚書拜協辦大學士仍加太子少保八年兼掌院學士春夏皆為留京辦事大臣九年春。駕幸翰林院先期晉公太子太傅及幸院。賜宴聯句。御書天祿儲才額摹刻院堂以墨蹟賜公第公在翰林為二十四科前輩資最深且掌院事瀛洲典故盛且榮焉十年正月宣。制拜體仁閣大學士管理工部事。上以是命為遵。

先帝遺詔也命詣。裕陵謝明年春公感疾。上命遊覽西山諸勝以散其懷時公年七十有六矣九月乞休。上曰待卿八十當為壽尋。命戶部尚書戴公衡亨寶。賜詩。國朝先正事略卷十九名臣

十韻及玉鳩杖。諭天寒開二三日入直且俟日出後至南書房候。召對每入對則預定召對後期十一月庚午寒甚乾清宮。召對畢降階忽痰壅歸第。賜御醫視疾。賜假兩月十二月乙亥力疾作鸚鵡詩。

上將親臨公第丁丑復。命戴公來問疾夜逾半公薨。上震悼泣諭羣臣降。制曰大學士朱珪持躬正直儉節清廉經術淹通器宇醇厚凡所陳奏均得大體服官五十餘年依然寒素家庭敦睦動循禮法洵不愧為端人正士昇倚方殷遽聞溘逝深為痛悼初六日朕親臨賜奠已賜陀羅經被可令慶郡王永璘帶領侍衛十員先往奠醊給內帑銀二千五百兩治喪。

晉贈太傅入祀賢良祠己卯

上親臨奠三爵哭不止回 宮降 制曰乾隆朝惟故大學士

劉統勳蒙

皇考鑒其品節 賜諡文正易名之典特隆願統勳於署總督任內曾經獲咎褫職復蒙 恩錄用至朱珪立朝五十餘年數歷中外從未稍蹈愆尤絕無瑕玷猶憶伊官翰林時

皇考簡為朕師傅其所陳說無非唐虞三代之言不特非法不道即少涉時趨之論亦從不出諸口啓沃良多揆諸諡法實足

當正字而無愧着即賜諡文正毋庸內閣擬請也又曰本日朕親臨奠醊見其門庭卑隘清寒之况不異儒素瞻念遺風愴懷

國朝先正事略 卷十九 名臣

六

未已可再令皇二子前往代朕賜奠俟殯送時派慶郡王永璘前往祖奠目送以示朕眷懷舊學至意復 撰抒痛詩十二韻

命南書房翰林黃鉞於殯前焚之壬辰 命禮部尚書承恩侯恭阿拉 諭祭公第明年 御製碑文刻石阡門上巳日

上謁西陵蹕路距公墓數里 命大臣詣墓賜奠 上遠眺松楸追懷愴惻

高宗實錄成以公總修入載 賜祭一壇長子錫經服闋後以京卿用公在翰林時 國家有典禮撰進雅頌詩册文賦

高宗必嘉賞之以為能見其犬頌不忘規或陳坐隅或 命諸皇子 皇孫寫為副

聖製詩時或寄示 命和公官督撫時

仁宗皇帝在書房常頒手札積一百三十九函裝六卷歸朝繳進 上亦書數年懷公詩數十首為二冊題曰蒹葭遠目曰山海遙

思以示公公跋云臣之蕪陋何足以當非常眷注惟有此心不敢欺耳其於大學義利之辨通鑑治亂之由天命呼吸可通民情憂樂無閒反覆數陳不以為迂闊而遠於事情也公所著知

不足齋詩文集 上命以刻本進 賜題律詩四章於卷首公端凝純粹胸中無

城府於經術無所不通取士務以經策較四書文銳意求樸學

國朝先正事略 卷十九 名臣

七

才士黃景仁張騰蛟死深恫惜焉通人寒士必揚其名於朝典試事不受外僚贈遺承宣數省平餘銀鉅萬悉不取撫安徽裁

蕪湖南關陋規閩省洋商陋規事發 欽使治惟公未受一錢公官於外厓岸廉峻中朝大官絕無所援管部事持大端不

親細務清操亮節海內仰之撫皖時門人汪庶子學金來請益留市月歸公曰何所聞而來何所見而去注曰一談一笑無非

天理某所見乃大進矣其感人如此尤篤孝友父杖兄跪而以身蔽受之憫母氏早世事庶母幾如母事諸兄悲愉如一體執

兄喪略血幾至毀事寡嫂盡敬撫兄子如己子三鄰故交靡不周郵嘗曰吾三十九歲夜坐忽腹間自暖由脊上貫於頂甘液

自。罇。下。注。由。是。流。轉。至。老。不。絕。乃。知。朱。子。汪。參。同。契。非。空。言。也。
年。四。十。餘。卽。獨。居。迄。無。妾。媵。御。製。抒。痛。詩。有。云。半。生。惟。獨。宿。
一。世。不。貪。錢。其。知。之。者。深。矣。有。兄。三。曰。堂。曰。垣。曰。筠。筠。字。竹。君。
與。公。齊。名。另。有。傳。

國朝先正事略

卷十九 名臣

八

傅襄烈公事略

公諱傅清。姓富察氏。滿洲鑲黃旗人。追贈一等公。李榮保次子也。由藍翎侍衛。游擢副都統。雍正五年。授天津總兵。九年。命以副都統充駐藏大臣。先是西藏郡王頗羅鼐有子二。長珠爾默特策布登。次珠爾默特那木札勒。上獎頗羅鼐勞績。令自保一子襲爵。頗羅鼐以次子對。十二年。頗羅鼐卒。詔珠爾默特那木札勒襲郡王。又慮其年幼。未必能治服眾心。諭公逐處留心訪查。凡有未洽之處。卽行指示。惟期地方安靜。不生事端。公疏言。準噶爾夷使。目下進藏熬茶。各隘應增兵防範。并密飭各寺廟喇嘛知之。疏入。廷議酌調。

國朝先正事略

卷十九 名臣

九

數千於緊要處防守。毋涉張皇。恐伊等聞而生懼。十三年春。熬茶事竣。命馳驛來京。補天津總兵。擢古北口提督。十四年。調固原提督。十月。駐藏副都統紀山奏珠爾默特那木札勒性情乖戾。與達賴喇嘛有隙。請將達賴喇嘛移駐秦甯。上訓飭之。詔公以都統銜由固原馳驛赴藏。與紀山遇事籌商。十二月。紀山復奏珠爾默特那木札勒告其兄珠爾默特策布登聚兵攻取果弼柰事。詔公沿途細訪。勿墮其術中。尋命侍郎拉布敦往代紀山。公途中覆奏言。珠爾默特策布登搆兵事恐未確。或係珠爾默特那木札勒謀據兒地。捏詞誣陷。俟臣抵藏時。察看情形辦理。得旨。珠爾默特那木札勒乖戾詭

請。爾之終必生事。或乘伊與兄構兵。以助戰為名。相機擒戮。或俟明年章嘉呼圖克圖赴藏熬茶時。以兵護送。乘閒殲除。二者孰為利便。其熟籌具奏。十五年五月。公抵藏。偕拉布敦。公合疏言。珠爾默特策布登暴死。珠爾默特那木札勒擅調兵甲。運礮赴薩海。諭曰。此時當靜以俟之。待其自起自止。俟回藏後。將如何舉動之處。再取進止。九月。疏劾珠爾默特那木札勒往後藏時。誣構卜倫第巴等。籍沒其產。又逐其兄子。戮辱頗羅。爾舊人殆盡。見帶兵二千餘。在距前藏三百餘里之達木地方駐牧。諭以道途遼遠。可暫聽之。十月。奏逆跡漸著。宜相機擒治。

上命副都統班第赴藏。密諭川督策楞備兵援剿。時珠爾

國朝先正事略 卷十九 名臣 十

默特那木札勒陰通準噶爾。絕我郵置。軍書不達者旬日。公與拉公決計。翦除。是月十三日。召珠爾默特那木札勒至通司。岡公署。登樓數其罪。手刃之。逆黨羅卜藏札什等。糾眾圍樓。縱火施鎗。礮達賴喇嘛。遣救不得入。公被創自盡。拉公亦遇害。十一月。策楞馳疏聞。

上以公等為國捐軀。深用憫惜。不覺涕零。又諭曰。珠爾默特那木札勒反形已露。若不先誅戮。傳清等亦必遭其荼毒。則傳清拉布敦之先幾。籌畫殲厥渠魁。實堪嘉閱。非若漢霍光之誘致樓蘭而斬之也。夫臨陣捐軀。尚迫於勢所不得不然。如傳清拉布敦。揆幾審勢。決計定謀。其心較苦。而其功為尤大。其各贈

一等伯。並入祀賢良昭忠二祠。春秋致祭。傳清升入伊家祠。從祀伊等子孫。各予一等子爵。世襲罔替。並將二臣為國捐軀之大節。明白宣示。使天下共知其不得已之苦心。否則好事喜功者。將借二臣為口實。而事外無知之人。又有議其擅開邊釁。而仍邀國家厚恩者。朕豈肯令是非倒置。若此乎。十六年春。命立祠通司岡。極至京。

上親臨奠。賞白金萬兩治喪。賜祭。賜葬。賜諡褒烈。御製詩紀其事。未幾。達賴喇嘛使番部公爾班替達等。禽逆黨以聞。我將軍策楞班第等。至藏。奏珠逆僭立名號。向結準噶爾求發兵為聲援。設非二臣決意除害。則貽禍藏地。將不可言。

國朝先正事略 卷十九 名臣 十一

詔特建雙忠祠。列入祀典。為實心為國者勸。自是永禁唐古特及準夷往來之使。而西藏遂不封汗王貝子。以四噶布倫分其權。而總於達賴喇嘛。我駐藏大臣增兵千有五百。戍藏。而國事仍不盡與聞云。

拉壯果公事略

公諱拉布敦。姓棟鄂氏。滿洲正黃旗人。父錫勒達。官尚書。康熙五十五年。公由閒散襲輕車都尉。雍正七年。赴北路軍營。隨靖邊大將軍傅爾丹。剿準噶爾於和通呼爾哈納爾。公與賊連戰數晝夜。斬獲甚眾。十年。隨額駙策凌。敗賊於額爾德尼昭。授世管佐領。十三年。查驗軍營超勇人員。賞戴孔雀翎。十二年。奉命率兵越阿爾台山偵探。乾隆元年。補參領。六年。授副都統。八年。授北路軍營參贊大臣。九年。授定邊左副將軍。疏言偵得布爾吉推河有厄爾特宰桑額勒慎等十餘戶駐牧。布延圖河源有烏梁海得木齊札木禪等十餘戶駐牧。布爾吉推河在阿爾

國朝先正事略

卷十九

名臣

七

台山梁外。布延圖河源在阿爾台山梁內。均距卡倫不遠。現密劄坐卡侍衛等嚴防。詔軍機大臣等議。尋議伊等或因避雪而來。但日久未免生事。準噶爾夷使哈柳。現在京。應諭以各守定界。毋任意遊牧。令還告台吉噶爾丹策凌。即撤回。從之。十年。疏言烏梁海得木齊烏爾巴齊等避雪駐牧。黃加書魯克。距卡倫甚近。託爾和烏爾及布延圖哈瑪爾沙海卡倫外。皆有準噶爾人嚴飭坐卡侍衛。小心防範。報聞。十一年。遷京補副都統。十二年。署古北口提督。十三年。四月。駐藏副都統傅清期滿。命公往代。十月。諭曰。據拉布敦奏西藏新襲郡王珠爾默特那木札勒等。告稱準夷現在內亂。已嚴飭各卡緊密防守。如有準

夷來。到即送至藏等語。藏地關係緊要。駐藏大臣凡事最宜查取確實。權其輕重。相機辦理。毋得稍滋事端。藏內不可容爾等夷一人。十四年。遷京。授工部左侍郎。仍兼副都統。並署漢軍都統。十二月。命仍赴藏辦事。傅公亦復往。十五年。九月。擢左都御史。時珠爾默特那木札勒謀叛。公與傅公決計。剿除。十月。十三日。召至通司。岡公署。數其罪而誅之。逆黨羅卜藏札什。糾眾肆逆。公及傅公。遂同遇害。事聞。

上軫悼。諭獎其奮不顧身。忠誠卓越。心甚苦。而功甚大。贈一等伯。入祀賢良昭忠二祠。恩授一等子爵。世襲罔替。初籍隸鑲紅旗。至是。命入正黃旗。十六年。命立祠通司。岡樞至京。國朝先正事略

卷十九

名臣

七

上親臨奠。賞治喪銀萬兩。仍賜祭葬如例。諡壯果。並特建雙忠祠祀之。嗣子隆保襲職。

班義烈公事略

公諱班第姓博爾濟吉特氏蒙古鑲黃旗人由官學生授中書
 遷內閣侍讀晉內閣侍讀學士雍正二年擢內閣學士五年遷
 理藩院侍郎坐事左遷學士九年 賜孔雀翎十一年軍機處
 行走乾隆元年授兵部侍郎充經筵講官四年擢湖廣總督湖
 南鎮守永綏苗人不法偕巡撫馮光裕等籌剿閱兩月事竣
 優詔獎敘五年丁母憂六年仍直軍機處七年授兵部尚書兼
 讀政大臣管理藩院事十一年署山西巡撫尋 召還十三年
 授內大臣赴金川軍營辦理糧餉加太子少保六月赴軍前督
 攻昔嶺一路尋署四川巡撫八月復赴軍前坐事降侍郎十四
 國朝先正事略 卷十九 名臣 五

年以副都統由四川赴青海辦事十五年調赴西藏辦事未至
 西藏郡王珠爾默特那木札勒謀叛駐藏都統傅清左都御史
 拉布敦設計誅之旋為逆黨羅卜藏札什所害十二月公抵藏
 羅卜藏札什等伏誅十六年 諭防準噶爾親藏十七年 召
 回京補都統兼管理藩院事仍充軍機大臣十八年署兩廣總
 督緝獲增城東莞奸民王亮臣等實之法明年 召回京授兵
 部尚書赴北路軍營署定邊左副將軍當是時準噶爾內亂杜
 爾伯特台吉策楞輝特臺吉阿睦爾撒納和碩臺吉班珠爾等
 相繼降且陳準噶爾臺吉達瓦齊昏暴狀 詔定於明歲進剿
 諭公籌辦軍務十月奏擒烏梁海宰桑車根赤倫等收戶口千

餘復遣兵擒瑪木特等盡收其屬 諭曰班第自抵軍營以來

奮勇果斷調遣合宜其子世襲子爵授領侍衛內大臣仍賞白

金千兩十二月授定北將軍入都 陛見面陳軍務二十年正

月兩路出師公以定北將軍出北路阿睦爾撒納副之額駙科

爾沁親王色騰布郡王成袞雜布內大臣瑪木特為參贊永常

為定西將軍出西路薩賴爾副之郡王班珠爾貝勒扎拉豐阿

內大臣鄂容安為參贊兩副將軍各領前鋒三千先進將軍參

贊繼之兩路軍各二萬五千馬七萬匹西路出巴里坤北路出

烏里雅蘇臺各攜兩月糧約會於博羅塔拉河時兩副將軍皆

準夷渠帥建其舊壘先進各部部落望風崩角其同族大臺吉噶

爾藏多爾濟及舊回酋和卓木先後迎降於是所至臺吉宰桑

或數百戶或千餘戶攜餽獻羊馬駱驛道左師行數千里無

抗顏行者瀚海舊少雨至是則大雷雨以五月朔長驅至博羅

塔拉河距伊犁三百餘里兩軍皆會而是時達瓦齊在伊犁日

縱酒為樂不設備比聞大軍至急遣親信兩宰桑出令箭徵兵

而自率親兵萬人走保伊犁西北百八十里之格登山阻淖為

營我軍獲其調軍者具悉國中解體狀士氣倍奮爭渡伊犁河

長驅追襲將及格登山夜遣降夷阿玉錫等率二十餘騎往覘

道路阿玉錫即乘夜建大軍之纛大呼入其營萬眾瓦解達瓦

齊以二千人宵遁餘皆不戰降黎明我二十餘騎遂收其眾入

國朝先正事略 卷十九 名臣

五

千。還。大。營。達。瓦。齊。踰。冰。嶺。南。走。回。疆。僅。存。百。餘。騎。以。烏。什。城。阿。奇。伯。克。霍。吉。斯。爲。己。所。善。也。投。之。而。霍。吉。斯。已。承。我。將。軍。檄。即。執。之。以。獻。并。獲。前。青。海。叛。賊。羅。卜。藏。丹。津。獻。俘。京。師。

上。御。午。門。受。之。皆。赦。其。死。詔。獎。公。功。封。一。等。誠。勇。公。賜。寶。

石。頂。四。圍。龍。服。金。黃。繚。朝。珠。而。阿。睦。爾。撒。納。亦。晉。封。雙。親。王。食。雙。親。王。俸。餘。陞。賞。有。差。於。是。天。山。南。北。二。路。皆。不。血。刃。而。定。初。四。衛。拉。之。分。部。也。綽。羅。斯。治。伊。犁。和。碩。特。治。烏。魯。木。齊。都。爾。伯。特。治。額。爾。齊。斯。土。爾。扈。特。治。雅。爾。土。爾。扈。特。北。去。輝。特。治。之。部。各。有。汗。非。有。君。臣。之。分。也。自。綽。羅。斯。渾。臺。吉。汗。強。威。伊。犁。始。爲。四。部。盟。長。抗。衡。中。國。者。數。世。

國朝先正事略 卷十九 名臣 其

上。擬。俟。事。定。仍。眾。建。而。分。其。力。而。阿。睦。爾。撒。納。志。未。饜。必。欲。爲。四。部。總。臺。吉。專。制。西。域。特。欲。出。自。朝。命。則。無。後。患。乃。自。既。於。額。駙。科。爾。沁。親。王。使。與。公。爲。難。阿。睦。爾。撒。納。輒。隱。以。總。汗。自。處。擅。調。兵。不。服。賜。衣。翎。頂。不。用。副。將。軍。印。自。用。渾。臺。吉。菊。形。篆。印。移。檄。各。部。諱。其。降。自。言。統。領。蒙。古。滿。漢。兵。來。平。此。地。又。陰。使。哈。薩。克。布。魯。特。流。言。非。己。總。四。部。邊。不。得。安。與。其。黨。曉。夜。聚。謀。意。叵。測。將。軍。參。贊。先。後。密。以。聞。有。詔。令。阿。睦。爾。撒。納。九。月。至。熱。河。行。飲。至。禮。同。四。部。臺。吉。受。封。而。阿。逆。前。與。額。駙。約。期。七。月。下。旬。俟。命。額。駙。歸。不。敢。奏。至。期。無。信。而。入。覲。期。迫。公。乃。趣。之。行。令。喀。爾。喀。親。王。額。林。沁。多。爾。濟。與。之。俱。旋。奉。旨。以。阿。睦。爾。

撒。納。逆。形。已。著。宜。乘。其。未。發。誅。之。如。已。入。朝。可。追。及。則。追。誅。之。

時。阿。逆。已。就。道。且。有。哈。薩。克。貢。使。隨。行。公。恐。哈。薩。克。驚。疑。遂。不。敢。發。阿。逆。中。途。遷。延。及。八。月。中。旬。尙。無。信。疑。事。且。中。變。十。九。日。行。至。烏。隆。古。河。距。其。舊。游。牧。不。遠。乃。詭。言。暫。歸。治。裝。以。副。將。軍。

印。交。額。林。沁。使。先。行。從。閒。道。北。逸。使。迎。其。孥。於。扎。布。堪。河。則。上。已。密。諭。烏。里。雅。蘇。臺。大。臣。阿。蘭。泰。并。其。弟。班。珠。爾。收。之。不。生。口。而。賊。使。果。至。得。不。遣。阿。逆。既。叛。賊。四。出。煽。亂。伊。犁。諸。喇。嘛。宰。桑。爭。劫。掠。軍。臺。蠢。起。應。之。時。大。兵。已。撤。僅。留。兵。五。百。駐。伊。犁。歸。路。斷。又。阿。魯。特。與。賊。不。合。者。賊。皆。先。以。計。遣。入。朝。所。留。皆。其。黨。羽。公。與。鄂。容。安。等。力。戰。走。二。百。里。至。烏。蘭。庫。圖。勒。被。圍。力。不。支。

國朝先正事略 卷十九 名臣 七

遂。各。自。盡。上。初。聞。公。等。陷。賊。信。命。傳。諭。公。等。以。兵。少。力。弱。爲。賊。所。困。非。失。守。封。疆。可。比。宜。相。機。脫。出。或。忍。死。以。待。大。兵。不。必。遽。以。身。殉。及。聞。公。等。引。決。自。裁。狀。上。大。軫。悼。卽。以。公。子。巴。祿。襲。誠。勇。公。爵。二十一年三月大軍復定伊犁將軍兆惠富德等窮追至哈薩克逆黨次第就縛阿逆竄死俄羅斯七月詔曰班第鄂容安靈樞將次到京前已降旨親臨祭奠並令三品以上大臣齊集用昭優卹其令入祀昭忠祠尋賜祭葬如禮諡義烈明年特建雙忠祠祀之御製詩紀其事二十六年命圖形紫光閣御筆親爲製贊

鄂剛烈公事略

公諱鄂容安字休如號虛亭滿洲廂藍旗人大學士鄂文端公長子也雍正十一年進士選庶吉士軍機處行走乾隆元年授編修入直南書房遷侍講轉侍讀擢詹事時文端公承旨奏辭再三諭曰朕用人悉秉至公古云非喬木之謂有世臣之謂蓋大臣子弟果能立志向上斯不愧世臣可為國家宣力朕觀鄂容安及張廷玉之子張若靄朱軾之子朱必塔皆能遵守家訓祇受國恩况容安若靄向蒙

皇考命在軍機處行走原欲造就成人此次擢用乃朕量材加恩即寓裁成之道秋八月命入上書房隨福敏行走七年以

國朝先正事略 卷十九 名臣

末

與聞副都御史仲永禮密奏雷中事免官八年命仍直上書房授祭酒十年署兵部侍郎襲三等伯爵十二年授兵部左侍郎十三年充會試副考官兼翰林院掌院學士管理國子監十月授河南巡撫十二月以辦送金川兵差妥協賞戴孔雀翎十四年疏陳文武各屬官優劣

上嘉之何臣顧琮公往署總漕諭公就近料理豫省河務豫省有伏牛山居嵩山南界連秦楚二省袤延八百餘里山深箐密公於查閱營伍之便周歷查勘飭員弁不時巡察以防伏匪又豫省各關其近秦省者陝州有硤石關靈寶有函谷關閿鄉有大谷關近楚省者浙川有荆子關信陽有平靖關桐柏有翠

耙口俱通商大道公恐奸宄潛藏飭行保甲嚴禁諭獎其諸事認真時衛輝參將阮玉堂因鞭責兵丁過甚致譁噪公以玉堂失職應題參但兵丁誼關遠參營弁恐啟驕悍之漸奏請嚴拏兵丁定擬後解玉堂任

上是之尋賜所襲爵號曰襄勤開歸陳三府地勢窪下多水患非開濬溝渠不足資宣洩公悉查諸郡幹河如賈魯河大沙河渦河俱各深通惟惠濟一河上流尚須開濬其各支河內應開濬者開封則有鄭州之金水河七星河中牟之藥河祥符之城東乾河南陽儀封之周家河尉氏之乾河陳州則有大康之燕城河西華商水之洧河睢甯之東西蔡河枯河古黃河項城

國朝先正事略 卷十九 名臣

末

之蔡河况河歸德則有甯陵之舊沙河考城商邱之沙河睢州之橫河桃河司家河姬家之大城河鹿邑之清水河黑河皆為承受溝洫貫注幹河之要道公酌量工程難易或分年帶挑或借給口糧用民力籌辦並於各屬挑濬處每歲終核勘情為舉劾使工員咸知慎重疏聞諭曰如此畱心方副委任勉之十月

上巡幸河南公奏紳民感沐皇仁願捐銀五十八萬七千餘兩充公用諭曰朕巡幸方岳一應費用皆準開銷正項首何藉於輸將鄂容安此奏甚錯謬著傳旨嚴飭其紳民樂輸之項俱着令給還先是湖廣總督永興與布政使嚴瑞龍疏劾湖

北巡撫唐毅祖。婪贓累萬奉。旨削職。逮問。永興尋丁憂。回京。諭新督阿里。裘嚴審。至是。阿公參奏。瑞龍收受平餘等款。命公赴楚會審。四月。合疏。參永興於進京時私受贖賄。詔奪永興職。交部治罪。五月。訊明。殺祖並無婪贓情事。惟縱容鑄頭。私買銅鉛。添鑄。瑞龍收受平餘四千八百兩。入己屬實。

上命給還殺祖家產。來京候旨錄用。並敕部另擬永興等罪。公尋疏言。河北鎮屬九營。暨臣標左右二營。公費不敷。查南陽等十縣。官租積穀。不過二萬餘石。銀不及四千兩。各州縣民食。既有常平義社等倉。原不藉此接濟。請撥歸各營。疏下。軍機大臣議行。八月。調山東巡撫。時濟南府屬。夏秋被水。糧價抗而沿海。

國朝先正事略

卷十九

名臣

三

之登萊青三府。地僻山險。轉運尤難。公奏請照乾隆十三年例。暫弛海禁。招商前往。奉天。羅運。以資接濟。商船出入。照例稽察。從之。十七年。疏言。運河全隄。自臺兒莊至德州。千有餘里。素稱卑薄。每年伏秋兩汛。兼風雨浸汕。又漕船往來。下搬施犁。日漸殘塌。臣與河臣顧琮會籌。應及時估修。計需銀十五萬三千餘兩。又單隄向無堡房。應照黃河例。每二里建堡房二。需銀二千一十八兩。得旨允行。十月。調江西巡撫。時上猶縣逆犯何亞四就獲。公親往勘地勢。奏請移駐千把總。及巡檢縣丞等官。用資彈壓。從之。十八年。擢兩江總督。十一月。命同侍郎嵇公璜等。查勘高家堰堤工。並籌辦下河疏濬事宜。十九年。奏言。江南

地廣事繁。胥役最工作弊。臣查得淮安等府屬。有藉賑弊混。得贖分肥者。蘇州等府屬。有收漕舞弊。婪贓者。徐州府屬。有辦差工料滋弊者。除將各犯嚴懲外。如本官於中染指。及知情故縱者。嚴加治罪。即失察。亦分別懲警。至胥役原有經制名數。乃江浙胥役。非冒缺頂補。即永遠充辦。一役在冊。外有無名。白役至十數名之多。因公訛詐。大為吏治民生之累。現飭各屬稽查。嚴禁頂補。朋充。俾易約束。得旨嘉獎。四月。加太子少傅。八月。上以杜爾伯特台吉策楞。輝特台吉阿睦爾撒納。先後來降。詔以公年力壯盛。勇敢有為。一切緊要機宜。均能曉暢。著速赴行在。面聆指授。軍行事宜。十二月。授西路參贊大臣。偕總督劉

國朝先正事略

卷十九

名臣

三

公統勦籌辦糧馬。二十年正月。定邊右副將軍薩喇勒。哨探兵由西路進剿。命公同進。且詔公於進兵時。凡準回部落。內有與漢唐史傳相合。可援據者。一一詢之。土人細為記載。以資採輯。五月。大軍定伊犁。直抵達瓦齊所居之格登。達瓦齊遁。公偕喀爾喀郡王青衮。雜卜等。收其遊牧。獲達瓦齊之叔。及其孥。並喇嘛六千人。六月。達瓦齊就擒。公同班第。公駐守伊犁。時阿睦爾撒納。為定邊左副將軍。蓄異志。謀據伊犁。公與班第。公密疏劾之。命趣阿睦爾撒納。赴覲熱河。尋命公與薩喇勒。以兵至塔爾巴噶台。相機擒剿。會阿逆中道叛。逆黨應之。台站斷。公與班第。被陷。力戰自盡。都統策楞。公以狀聞。

上彰悼。即令其次子鄂津襲襄勤伯爵。二十一年。極至京。上親臨奠醊。詔祀昭忠祠。賜祭葬如例。諡剛烈。特建雙忠祠。御製詩旌之。並命賦逆黨阿巴噶斯克什木耳。於柩前致祭。二十六年。命圖形紫光閣。上親製贊。公好學嗜義。與雷公鏞同直上書房。每欲雷指其闕。雷曰。聲色貨利。一無所染。果決有擔當。可為君信。但每見相國。公如春風。風人君。尚未至此耳。公深然之。自兩江召赴西陲。以八日夜馳抵京師。既入對。還至兵部。不歸家。母夫人就見之。一慟而別。及其賜諡也。閣臣以公由詞館起家。擬文烈。文剛以進。

國朝先正事略

卷十九 名臣

三

上抹二文字。取剛烈二字合之。蓋聖主深知其忠義。果決故不拘常例如此。

明果烈公事略 弟奎林

公諱明瑞。字筠亭。姓富察氏。滿洲鑲黃旗人。一等承恩公富文子也。由官學生襲世爵。授二等侍衛。乾隆二十一年。命以副都統銜赴西路軍中。時阿睦爾納叛。竄哈薩克。公隨定邊將軍達勒黨阿追之。再戰皆捷。授副都統。二十三年夏。追擊推素隆集。寨逃入八十餘戶。降之。殲其拒戰者。收駝馬軍器。得旨嘉獎。遷戶部右侍郎。明年授參贊大臣。御前侍衛。詔以公領兵奮勇。加號承恩毅勇公。五月。隨將軍兆惠剿逆。回霍集占於葉爾羌。賞雲騎尉世職。八月。逆酋大小和卓木遁。公率銳卒九百追及之。賊眾六千餘。負嶠固守。公奮擊大敗之。賊恃其

國朝先正事略

卷十九 名臣

三

馬力復來拒戰。陣斬五百餘級。生擒及傷竄者無算。賞戴雙眼花翎。其一等承恩毅勇公。世襲罔替。二十六年。伊犁回部平。詔圖形紫光閣。御製贊曰。椒室懿親。年少志雄。謂可造就。俾學從戎。獨出獨入。既忠且壯。屢建宏勳。愜予所望。遂擢都統。轉左侍郎。授領侍衛內大臣。二十七年。授伊犁將軍。明年敘功。給騎都尉世職。三十年二月。烏什小伯克賴黑木圖拉等聚眾五百餘人。乘夜焚掠。據城為變。公派副都統觀音保往援。旋聞駐烏什之副都統素誠自戕。公即統兵進。時參贊納世通先帶兵至烏什之鄂托巴什。及觀公至。納世通派令守隘。毋進。劔復具牒止公進兵。公不可。仍統兵進。奏入。

正嘉之抵烏什。賊眾二千出犯。公及觀公擊敗之。奪礮臺。賊二百餘黨負創入城。城堅山險。公設長圍困之。有旨命查勘素誠狂縱激變。納世通凌辱回眾。及副都統弁塔哈掩飾兵取狀。詔尚書阿桂赴烏什傳旨。將納世通弁塔哈正法。賊困守既久。謀夜襲大營。公偵知之。嚴備以待。賊至。掩擊之。賴黑木圖拉中箭死。賊復推其父為阿奇木。悉眾死守。公簡巴圖魯兵六百人。中夜攜雲梯潛往。薄其城。先登東北隅。賊未覺。挺刃交下。守陴賊驚。官兵循城北至東南。毀其堞。天明收軍。仍逼城築壘。斷其樵汲。賊糧盡。內潰。縛獻首逆四十二人。遂克烏什城。詔賞公未將所獲犯嚴訊起釁緣由。及素誠激變罪狀。遽

國朝先正事略 卷十九 名臣

行正法。命奪職罷任。尋與阿公奏回部事宜。八則均如所請。行三十二年。緬甸滋擾。總督楊應琚措置乖方。獲罪。三月。詔以公總督雲貴兼兵部尚書。議政大臣。經理軍務。發滿洲兵三千及滇蜀兵二萬餘。大舉征緬。十月。授將軍。仍管總督事。議分兩路進兵。公由木邦孟良攻東路。參贊額爾登額由猛密老官屯攻北路。約會於阿瓦。以九月二十四日出師。連旬雨潦。又負糧以牛。不能速。至芒市。易溼糧。以行。十一月二日始出宛頂。越八日。整隊至木邦。守賊望風先遁。西參贊珠魯訥按察使楊重英以兵五千守之。公自率兵萬二千。結浮橋渡錫箔江。遂進攻。蠻結賊眾二萬。立十六柵。環濬深溝。列象陣以待。領隊大臣觀

音保等。麾兵先據山之左臂。賊來爭。不得上。翼日。兩軍相持。未決。而願賊柵甚堅。其法立巨木為柵。而聚兵其中。我鎗礮僅及其柵。而賊從柵隙擊我兵。輒中。此賊長技也。總兵哈國興請分三路登山。俯而薄之。軍士皆奮。時出邊。已逾月。始與賊遇。一呼直逼。其柵有黔兵王連者。先躍入。十餘人繼之。縱橫抉。賊恇亂。不知所為。多被殲。遂破一柵。乘勢復攻。得其三。而十二柵之賊皆宵遁。當鏖戰時。公分兵為十二隊。首先陷陣。目受傷。仍策馬指揮。不少挫。我兵以一當百。羣象皆返。奔蓋賊自新街交綏以來。從未經此。大創已。晚隊不敢復抗矣。捷聞。諭曰。明瑞秉性純誠。親冒矢石。雖身受鎗傷。猶鼓勇直前。摧堅陷銳。允宜特

國朝先正事略 卷十九 名臣

沛恩施。用示優異。現在所襲之公。係承恩世爵。可特授一等誠嘉毅勇公。賞給黃帶紅寶石頂四團龍補服。以彰殊績。所有原襲承恩公著伊弟奎林承襲。十二月。師次革竜。地近天生橋。賊於山頂立柵拒守。公令副都統達興阿領兵二千由大路進。伴為奪渡之勢。自督兵從間道繞至上游。乘霧渡河。進據山梁。賊驚潰。殲賊二千餘。軍聲大振。進至象孔。迷矢道。而軍糧已罄。集諸將議進止。無敢言退者。公念糧既斷。勢不能復進。又慮猛密諸之師。或已先入於法。不當退。聞猛密有糧。且其地近猛密。可得北路聲息。乃定計。就糧。猛密賊探我兵不向阿瓦。又獲我病卒。知官軍糧盡。即悉眾來追。及我於章子場。我軍且戰且行。

每日先以一軍拒敵。即以一軍退至數里外。成列待軍。至則成列者。復迎戰。公及觀公哈公等。更番殿後。步步為營。每日行不三十里。自象孔至小猛育。二千餘里。凡六十日。而後至。至則從逆土司皆遁。果得舊米二萬餘石。濟軍時已深入二千餘里。會歲除。而北路猛密之師無消息。三十三年春。乃取道大山土司。向木邦以歸。盡焚猛龍餘糧。人攜數升。以自給。將至大山。又有蠻化之捷。先是賊之綴我也。每夕駐營。猶相距十餘里。至是我兵營蠻化山巔。賊即營於山半。公謂諸將曰。賊輕我甚矣。不決一死戰。將益肆毒於我。無噍類也。賊久識我軍號。每晨興。我三吹波倫。即起行。賊亦起而追我。明日復吹波倫。三則我軍盡出。

國朝先正事略 卷十九 名臣

三

營伏箭以待。詰旦賊聞波倫聲。果蟻附而上。我軍萬眾突出。鎗礮聲如雷。賊惶遽不及戰。輒反走。趾頂相籍。我兵乘勢反擊。死者四千有奇。自是每夜遙屯二十里外。不敢逼。公休兵蠻化數日。取所得牛馬犏士。而賊之先一日過者。已柵於要路。我軍至攻之。不能拔。得波竜人引由閒道。循桂家銀廠舊址而出。會賊於正月十八日。已潰我木邦之師。戕珠魯訥。執楊重英。於是木邦之賊亦至。額爾登額之進猛密也。道聞老官屯有賊。欲先取之。既至。攻柵不能克。頓兵月餘。上以公久絕軍報。趣額爾登額援之。於是老官屯之賊亦至。公抵小猛育。賊已蝟集四五萬。我軍尚分七營。距宛頂糧臺二百

里。而額爾登額之援不至。公乃令軍士乘夜出。而自與諸領隊大臣及巴圖魯侍衛數十人。率親兵數百。斷後及晨。血戰萬賊中。無不一當百。已而領隊大臣扎拉豐阿中鎗死。巴圖魯侍衛皆散。觀公發數矢。連殪賊。尙餘一矢。欲復射。忽策馬向草深處。以其鏃刺喉。死。公負數創。亦慮落賊手。力疾行。距戰所已二十里。氣僅屬。乃從容下馬。手自割髮。授家丁。使歸報。而縊於樹下。家丁以木葉揜其尸。去。時二月十日也。事聞上震悼。特旨照班第例。從優議卹。御製詩輓之。四月。柩至京。上親臨賜奠。尋賜祭葬。諡果烈。入祀昭忠祠。並於京師特建

國朝先正事略 卷十九 名臣

三

專祠。曰旌勇。春秋致祭。御書折衝抒蓋四字。額其祠。公天性忠勇。得人心。童子孀之役。賊日增。我兵日少。孤軍轉戰。兩閱月。未嘗一敗。每晨起。即躬自督戰。且戰且撤。及歸營。率以昏時。勺水猶未入口。糧久絕。僅啖牛炙一瓣。猶與戰士共之。所將皆飢疲。創殘之卒。體恤倍至。有傷病者。不忍棄。令土練昇以行。故雖極困憊。無怨言。其死也。非不能自拔歸。蓋以阿瓦未平。懼無以返命。上亦有全師速出之旨。而道梗不得達。展轉徬徨。決計以身殉。而又不忍將士之相隨死也。結隊徐行。全師至小猛育。距宛頂不過二百里。度皆得自達。然後以身死。賊中嗚呼烈矣。方軍

勢日蹙。時公戰益力。嘗語諸將曰。賊已知我力竭。然必決死戰。者正欲賊知我。國家威令嚴明。將士用命。雖困極無敢不盡力。則賊知所畏。而後來者易於接辦。此其謀國之深。尤非忼慨赴死者所能及矣。然公之死。緬人不知也。閱月餘。威猶震。屢遣使達貝葉書乞降。

上命拒之。明年經略傅公至。益悔懼求和。乃班師。而額爾登額以罪重置極典。四十四年。

高宗御製懷舊詩。列公五功臣。中子惠倫襲一等公爵。

弟奎林年十七。即以勳貴子弟從征。準噶爾彎弓躍馬。刻苦自奉。閒讀書能小詩。人不覺其為戚畹也。性剛果。尚廉節。豁達英。

國朝先正事略 卷十九 名臣

亥

邁尤遠於權勢。與季父忠勇公弗善也。其他直涕唾視之。每酒後論當世人才。罕所當意。所慕惟王保保。王保保者。元擴廓帖木兒。明太祖所稱奇男子者也。征緬甸金川。俱在行間。身經百戰。被創不動。有疾不介意。騎馬飲酒。自若。待將領嚴而於士卒甚。怨遇移營。取一褥坐營門內。視各士卒。帳房行李。畢至。然後即安。否則不先入幕也。每日肉一盤。菽乳湯一盂。與下同甘苦。故皆樂為用。金川之役。將軍溫公兵潰於木果木。而阿公達烏之軍不動。由公守隘口。與賊日夜數十接殺。傷過當故也。身無長物。尤不問家計。不憲佛法。惡番僧尤甚。捕盜賊及奸宄。有殺無赦。而必不濫及無辜。由侍衛積功至都統。金川平。圖象紫光。

閣襲承恩公出為伊犁將軍。被參贊海祿劾。削公爵。久之授臺灣提督。西番科爾喀犯邊。命以參贊大臣往西川。薨於行次。上惜之。祭葬有加禮。子二。其一出為果烈公後。

國朝先正事略 卷十九 名臣

亥

阿襄壯公事略 子誠武公豐仲額

公諱阿里表字松崖姓鈕祜祿氏滿洲鑲黃旗人父音德官至領侍衛內大臣諡愨敬公由二等侍衛授總管內務府大臣乾隆四年授副都統尋授兵部侍郎五年借僉都御史朱必塔往山東勘災調戶部侍郎六年侍郎梁詩正疏請令入旗人丁分置邊屯命同大學士查郎阿往奉天等處相度定議尋疏言甯古塔黑龍江所屬之吉林烏喇齊齊哈爾一帶平曠沃壤五穀皆宜江繞於外河貫於中山木取資不盡實堪屯種奏入經議政王大臣議以拉林阿爾楚哈最為膏腴地請先移駐滿兵千名屯墾種地將來著有成效由近及遠漸次舉行 詔如所

國朝先正事略 卷十九 名臣

三

請八年湖南巡撫許容劾糧道謝濟世狂縱各款總督孫嘉淦請革濟世職御史胡定以許容挾私誣陷奏

上命公會鞠得容鍛鍊冤誣及嘉淦瞻徇扶同狀 詔濟世復職容等論罪有差即 命署湖南巡撫尋調山西十二年調撫山東明年秋仍調山西蒲州民與陝西朝邑民爭黃河雞心灘地互控 詔偕陝撫陳宏謀會勘以十之六給晉民十之四給秦民耕種

上從之十五年擢湖廣總督先是總督永興布政使嚴瑞龍疏劾巡撫唐綬祖巧詐營私累商賈囊各款

上命公及豫撫鄂容安會鞠尋奏綬祖無贓款惟縱容鐘頭私

買銅鉛添鑄屬實部議奪職有 詔永興瑞龍宜反坐綬祖來京候 旨公尋調兩廣總督東莞縣民王亮臣等糾黨散割謀不軌公馳赴增城捕匪二百七十餘人實諸法得 旨獎敘未幾以母憂回京九月補戶部侍郎兼管工部十九年授步軍統領二十年署刑部尚書授都統尋授戶部尚書二十一年夏命以領隊大臣赴西路軍營定西將軍達勒黨阿者公從兄也時方率師至雅爾拉賊眾迎拒公至領兵進擊陣斬百七十餘人生擒十一人追至里努喇復遇賊二千奮擊敗之殲賊三百四十有奇擒其宰桑南扎布等

上嘉之尋 詔回京二十二年 命為領隊大臣辦巴里坤事務

國朝先正事略 卷十九 名臣

三

務會達勒黨阿獲罪 詔以公襲果毅公爵尋坐逆首阿睦爾撒納乘間逃竄降補戶部侍郎兼副都統九月沙拉斯嗎呢斯等遊牧復叛掠臺吉公帶兵二百偕都統滿福進剿獲男婦二百餘口二十三年正月我兵進剿路擒嗎呢斯等四月自魯克察赴巴里坤時將軍兆惠領兵薄葉爾羌城以四百餘人渡黑水進擊小和卓木霍集占率賊眾二萬圍之道遠馬乏堅壁固守者三閱月先是

上命選馬三千餘匹濟軍以公為參贊大臣自哈密進發擢兵部尚書兼都統二十二年正月副將軍富德統兵至呼爾瑪遇賊騎五千轉戰五日夜會公解馬亦至乘夜分途斫陣賊大潰

1 第 5 3 6 冊 續 修 四 庫 全 書 史 部 傳 記 類

斬馘千餘。悉負創。遁。酋大和卓木中鎗走。我兵復進。屢敗賊將軍兆惠。遂全師而出。有旨嘉獎。賞雲騎尉世職。七月。逆首霍集占逃阿爾楚爾。公及參贊大臣明瑞阿桂二公進擊賊。大潰。盡奪其家屬輜重。迎回二千餘乞降。復踰嶺追勦。逸賊九月。命以參贊大臣雷爾羌辦事。賜戴雙眼花翎。二十五年夏。召回京。賜紫禁城騎馬。公行次雅木扎爾。聞賊掠臺站圍城堡。即回哈什哈爾。帥師力戰。大敗之。擒伯克邁喇木等。嘉其應機立辦。迅速可嘉。其子豐伸額授三等侍衛。次子俊盛額授藍翎侍衛。十月。擢公領侍衛內大臣。命圖形紫光閣。上親為製贊。二十六年。署禮部尚書。充經筵講官。明年授御前

國朝先正事略 卷十九 名臣

三

大臣。又明年署陝西巡撫。加太子太保。二十九年。授戶部尚書。協辦大學士。兼管禮部事。三十三年。授參贊大臣。往雲南軍營。尋署雲南總督。授副將軍。駐永昌。疏言沿邊夷民俱已復業。請於今冬借給銀兩。購買籽糧牛具。普行耕種。秋成後。照時價交米還項。其不敷兵糧在各土司地方採買。藉省輓輸費。得旨嘉獎。三十四年九月。偕經略大學士傅公合疏言。猛拱土司。譚覺等來降。且願為嚮導。進攻阿瓦。獻象牙牛隻等物。並採買早稻運送軍前。上嘉之。是月。師次蠻暮。十月。至新街。時傅公偕副將軍阿公領兵。新街東岸有賊三千餘。船百餘。扼河以拒。公據夏鳩江西岸。

派官兵七百餘人進勦。伏賊百餘。藏寨中。我兵奮勇衝入。賊遁。又一寨藏賊三四百人。我兵一擁而進。賊棄壘逃奔。餘賊亦宵遁。我軍奪寨三。殺賊五十餘人。論曰。初次接仗。即如此獲勝。覽奏甚欣慰。十二月。以疾薨於軍。事聞。

天子震悼。詔嘉公久侍禁廷。數歷中外。公誠恪慎。宣力有年。命入祀賢良祠。賜祭葬如典禮。予諡襄壯。三十五年。

上以公先世額亦都。遇必隆。並以崇勳建立家祠。得膺祀典。特詔以公附祀。而其父領侍衛內大臣音德。著一併入祠。用彰勳蓋。四十四年。御製懷舊詩。列五功臣。中公子四人。長豐伸額。由侍衛襲果毅公爵。乾隆三十四年。擢領侍衛內大臣。管理

國朝先正事略 卷十九 名臣

三

三庫。尋署兵部尚書。授御前大臣。兼都統。總管內務府大臣。三十七年。金川用兵。時溫福為將軍。詔與阿桂並為參贊大臣。五月。以巨礮擊傾東瑪賊巢。力戰。遂克東瑪。上嘉之。六月。攻破岡卜濟山梁。盡獲其礮卡。七月。攻克色爾渠大礮。及卡房百餘。十一月。克明郭宗沿途礮卡。敗賊於二雅山。十二月。克嘉巴山。焚念經樓。擒僧格桑之父澤旺。詔以豐伸額為副將軍。與溫公阿公議分三路進兵。遂駐軍宜善。三十八年夏。進太子少保。六月。木果木師潰。仍扼駐宜善。不勦。十一月。阿公收復小金川。始奉命移兵丹壩。三十九年冬。攻克凱立葉山梁。賜元狐冠及貂褂。尋攻格魯克古了口。奪賊礮五十。

寨三百。遂通丹坦。四十年夏。克榮噶爾木城。及勒吉爾博山梁。進攻遜克爾宗。圍將合。分三路並進。賊不能支。連取石碣十二。敗賊奔箐。盡殲之。詔曰。豐伸額乃巴圖魯。額亦都之孫。能繼其祖。其果毅公。即係額亦都所傳。藝著於果毅字下。再加繼勇二字。以示優獎。七月。偕海蘭察等攻章噶。慶戰。克之。八月。與阿公四面分攻。克勒烏圍官寨。及轉經樓喇嘛寺。四十一年正月。克瑪爾古當噶山梁。遂進圍噶拉依。賊巢。捷聞。詔再賞一等子爵。暫令公弟布延達賴承襲。是月。調戶部尚書。賞戴雙眼花翎。二月。金川平。賜綬四十端。白金四千兩。四月。凱旋上行。郊勞。禮賜。御用鞍轡馬一匹。命圖象紫光閣。親為國朝先正事略。卷十九 名臣

製贊尋。命管崇文門稅務。署左都御史。兼署理藩院尚書。十月。授步軍統領。兼管太常寺樂部。四十二年。兼管禮部事務。十月。薨。高宗軫悼。賞陀羅經被。派散秩大臣。帶領侍衛十人。往奠茶酒。贈太子太保。賜祭葬。諡誠武。

陸朗夫中丞事略

公諱耀。字朗夫。一字青來。江蘇吳江人。自幼貧苦。承庭訓。六歲受孝經論語。以古賢自期。乾隆十七年。舉順天鄉試。考授中書入直軍機處。由戶部郎中出知登州府。調濟南。再遷運河道。按察使。權布政使事。母病乞養歸。終喪。

天子命視運河。授山東布政使。擢湖南巡撫。才一年薨。公性淡泊。不慕榮利。惟於仁民利物之事。朝夕宣究。多識前言往行。故事理通達。無盤錯之難。凡處事必衷諸道。不意為異同。所見既審。莫可搖奪。為郎官時。公卿藉以決疑議。其守濟南也。上書徐中丞。請截漕南糧為積貯計。任河道時。上書總河姚公。請疏泉源。修月河。任提刑時。以徒犯罪輕。請免解司。以省苦累。又與幕客約。應駁之案。以十日為期。不以遲延累州縣。干議。署承宣時。以流外壅積。請停分發。又以虧空多。請定耗羨倉穀數。

國朝先正事略 卷十九 名臣

上皆聽之。歲甲午。在運河任。壽張逆匪王倫作亂。距濟甯州二百里。人情洶洶。有欲閉城者。公不可。曰。寇未至。先閉城門。是示之怯也。且何忍拒吾民。使散逸。被賊害。且脅誘耶。乃募鄉兵拒守。而身坐城闔。任稽察。民大安。賊知濟甯有備。不敢南向。已而王師奏捷。一城雞犬不驚。咸重公鎮定有方。略云。先是公直樞垣。至日晡。猶不退。猝有急務。立辦。傳文忠公深器公。屢薦之。上亦知公深。凡 巡幸。必令扈從。所奏察虧空事宜。及救荒策。

均蒙 嘉獎。初選大理府。改登州。升西甯道。改調運河。皆以母老蒙

聖恩體恤。及為藩司。會巡撫國泰年少跳踉。嗜酒好聲伎。而喜怒失當。黷貨至亡算。公規之弗聽。反積怒。事輒齟齬。青州同知員缺。公稟補王某。國不聽。改補在某。公不下。委劄巡撫自給之。公曰。山東竟可無布政司矣。遂以母病乞假。不許。乃自為奏。上之得報。可初無不為公危也。及巡撫敗。

上益稱公去。就明決。而後任藩司。子某竟與國同抵罪焉。母病痰疾。必得公侍側。乃少安。既得請。而故宅無可居。乃僑居禾中。夜不解衣。聞母聲。息即起。扶掖之。積六年。遭喪。既葬。起督運河。

國朝先正事略 卷十九 名臣

美

堤工。公博稽詳驗。成備考六卷。遂由藩司拜南撫之命。湖南鹽務有歲餽。公至。峻卻之。時鹽價奇昂。遂勒減其半。社倉捐穀。未輸者六萬二千餘石。計貯穀已足。請停止催收。見屬吏有親老猶赴補者。惻然問之。奏請申明定例。凡親年七十以上者。雖有次丁。俱許終養。一時中外官歸養者千餘人。嶽麓城南兩書院。肄業者多。經費苦不足。請將積存息銀三千兩。交商生息。為膏火資。其初涖長沙也。夢吟七言長句。記一聯云。能開衡嶽千重雲。但飲湘江一杯水。會總督特昇額。公以閱兵來長沙。公迎謁畢。還署。總督來候。公方午食。見所食皆菽乳菜。非訶之。公曰。天久不用地方官。戒殺清齋。為祈雨耳。總督素豪侈。聞言瞿然。

晉其奴曰。吾此來傳舍酒肉如山。何不以祈雨告耶。既歸寓。乃盡撤之。人美總督之知過。而益歎公之清德。其感人者速也。公卒於乾隆五十年六月二十三日。年六十有三。遺疏上。

上深悼惜。既而事有與公涉者。諭及之。猶太息不置。公奏社

穀免徵。事在臨終前一月。得旨允行。批劄回。秦方伯承恩

啟告樞前。慰公泉下愛民之心。時公歿二十餘日矣。生平篤內

行。厚宗黨。不立講學名。而造次必於儒者。冠昏喪祭。世俗所習

常而戾於禮者。槩屏弗用。所輯切問齋文鈔。分學術。風俗。教家

服官選舉。財賦。荒政。保甲。兵制。刑法。時憲。河防。十二事。皆近時

急務。多經世之文。其自著曰。河防要覽。甘薯錄。切問齋古文。明

國朝先正事略 卷十九 名臣

美

夫詩集若干卷。救祀鄉賢。湖南祀公名宦。有專祠。公歿後。桐城張侍郎若淳。曾疏請將甘薯錄。飭交江浙大吏。令民間學種為備荒之用。

國朝先正事略卷之二十 名臣

平江李元度次青纂



王蘭泉侍郎事略

公姓王氏諱利字德甫號述庵學者稱蘭泉先生江蘇青浦人父士毅年四十五無子禱於靈隱寺夢人贈以蘭遂生公少穎異博學善屬文家貧作固窮賦以見志乾隆十八年進士歸選班二十二年

高宗南巡 召試第一 賜內閣中書協辦侍讀入直軍機處

史文靖蔣文肅梁文莊皆待以國士游升刑部主事員外郎郎中三十三年以言兩淮鹽運提引事不密罷職時緬甸未靖文

國朝先正事略卷之二十 名臣

一

成公阿桂以定邊右副將軍總督雲貴奏請以公佐軍事遂至騰越出銅壁關擊賊江中勝之緬酋乞命阿公屬公草檄允其降班師旋永昌既而緬甸貢表久未至復從阿公如騰越三十六年四川小金川土司澤旺之子僧格桑不靖金川應襲土司索諾木應之 詔尚書溫福代阿公移師四川勦辦奉 旨授吏部主事從溫公西路軍進討溫公屬公作檄斥僧格桑罪遂克斑爛山進攻日耳寨阿公奉 詔由北路進兵兼督南路公復從阿公軍攻克美美卡以皮船渡水克小金川僧格桑遁澤旺降檄送京師進討大金川阿公奏公無兄弟母年七十餘明大義勛以殫心軍事今從軍五年矣得 旨選員外郎三十八

年至當鳴山山脊絕險官兵營壘與賊錯處雨雪甚夏溫公兵潰木果木阿公亦退兵至翁古爾壘時警報絡繹 詔旨疊至公力疾叱馭懸厓日行數百里夜治章奏軍書於礮火矢石中無誤無畏冬大兵復進據美美卡攻大板昭小金川平擢郎中復從討大金川克勒烏圍刮耳崖四十一年三路兵合攻益急索諾木等率眾投罪僧格桑先病死以其首獻公草露布告捷於是兩金川悉平公在軍中前後九年凡加軍功十三級紀錄八次凱旋至良鄉 駕幸黃新莊郊勞用戎服行禮 賜茶

賜宴紫光閣 賞賚優渥奉 旨王昶久在軍中懋著勞績可

授鴻臚寺卿 賞戴花翎在軍機處行走時漢人由科甲起家

國朝先正事略卷之二十 名臣

二

賜花翎者惟大學士于公敏中及公而已尋擢通政司副使四十二年擢大理卿四十四年乞假歸營葬冬授左副都御史四十五年扈 駕南巡恭和 御詩七次回 鑾次嘉興授江西按察使抵任檄府縣力行保甲禁族祠訟鬪之習坐堂皇六十餘日決獄百餘案丁母憂哀毀盡禮服闋補直隸按察使調陝西奏命盜逃犯宜於定案時速行通緝從之逆回田五倡亂奉命備兵長武時賊勢張兵少公試礮巡城籍丁壯繕守具民以無恐京外大兵皆過長武用車馬以萬計公飛書草檄立辦之泊班師迄無一誤河南亂民秦國棟等戕官奉 命緝捕獲之五十一年遷雲南布政使雲南銅政繁公盡發故籍著銅政全

書五十卷示補救調劑之術五十三年調江西布政使明年擢
刑部右侍郎五十八年以病乞休

上鑑其老尤之 諭以歲暮寒侯春融歸明年歸名所居曰春
融堂嘉慶元年以

禪受大典至京與千叟宴四年

純皇帝升遐復至京謁 梓宮蒙 召見 勅建言公密封以

進不爾草夏歸青浦以分償漢銅鸞田宅入官居廟廡朋舊贈

遺以刻所著書五年重遊泮宮十一年六月六日病亟口授謝

恩表自定喪禮初七日雞鳴公曰時至矣遂薨年八十有三公

之扈 駕巡山東江浙也古帝王聖賢名臣陵墓祠廟嘗分遣

國朝先正事略 卷二十 名臣

三

致祭乾隆己卯庚辰壬午分校順天鄉試辛巳癸未分校會試

王子主順天鄉試皆以經術取士士之出門下為小門生及從

游受業者二千餘人在京師與朱笥河互主騷壇有南王北朱

之目又嘗主婁東敷又兩書院 欽定通鑑輯覽同文志一統

志續三通等書皆奉 勅與纂修焉又奉 勅刪定三藏經咒

編譯佛典深於禪理者不及也前後奉使勘鞫高郵州假印重

徵江陵縣偷減堤工等七案研求虛實無枉縱公之學無所不

通早歲沈文憲選其詩與王鳳喈鳴盛吳企晉泰來錢竹汀大

昕趙升之文哲曹來殷仁虎黃芳亭文蓮為吳中七子名傳海

外晚宗杜韓蘇陸侍謚賡歌皆稱 旨詞擬姜夔張炎古文力

宗昌黎眉山碑版之文照四裔積金石文字數千通書五萬卷

所至朋舊文譙提唱風雅後進執經請業舟車錯互戶外屢恒

滿士藉品藻以成名致通顯者不可勝數公治經與惠氏棟同

深漢儒之學詩禮宗毛鄭易學荀虞言性道尊朱子旁及河津

餘姚諸家不區門戶始入京師會秦文恭纂五禮通考即以吉

禮屬公生平重倫紀尚名節在軍中和平簡易白科爾沁王以

下皆親重之為司寇時與阿文成為舊讖他非所契嘗訓子曰

易言比匪之傷非匪人之能傷比者自重其傷也少與王鳳喈

錢竹汀同學同年至是同歸老相與講求問學跌宕湖山尤快

事焉自來文學與武功文章與政事判然兩途至於漢宋互異

國朝先正事略 卷二十 名臣

四

朱陸殊科治樸學者以詞賦為虛華論性天者譏訓故為繁碎

分草設葩莫能相通而得其一皆足以名世惟公遠於經健於

文富於詩詞精於考證達於政事韜略研窮於性理又北至興

桓西南出滇蜀外所過名山大川皆足開拓心胷增長識力滄

法地演不名一家可謂通儒也已所著春融堂詩文詞集六十

八卷金石萃編百六十卷青浦詩傳三十二卷詞二卷湖海詩

傳四十六卷湖海文傳七十五卷 國朝詞綜四十八卷明詞

綜十二卷征緬紀聞三卷蜀微紀聞四卷滇行日錄三卷屬車

雜誌二卷滇詔紀程適秦日錄商洛行程記豫章行程記雪鴻

再錄使楚叢談臺懷隨筆各一卷青浦縣志太倉州志蒲褐山

房詩話如干卷皆行世。餘若天下書院志、朝聞錄等書未刻者，尚十餘種。

國朝先正事略

卷二十

名臣

五

紀文達公事略

乾隆三十有八年。

純皇帝特開四庫全書館，以河閒紀公為總纂官。公貫徹儒籍，旁通百家，凡六經傳注得失，諸史異同，子集支分派別，以及詞曲醫卜之類，罔不抉奧提綱，溯源竟委。每進一書，仿劉向、曾鞏例作提要冠諸簡首。

上輒覽而善之，又奉詔撰簡明目錄，存書存目多至萬餘種。皆公一手所訂，評騭精密，識力在王仲寶、阮孝緒之上。藏諸七閣，褒然巨觀。真本朝大手筆也。公諱昀，字曉嵐，一字春帆，晚號石雲，世為河閒獻縣著姓。祖天申，有善行，歲饑出粟數萬石。

國朝先正事略

卷二十

名臣

六

活人無算，父容舒，官姚安知府。先是郡為九河入海故道，天雨則汪洋成巨浸，中夜輒有火光。公大父夢火光入樓中而公生，光遂隱人以為公實神物化身也。少奇穎，讀書目數行，下夜坐暗室，目閃閃如電光，不燭能見物，比知識漸開，光亦斂矣。乾隆丁卯年二十四，領順天鄉試，解額初闈中，擬朱文正首卷，以公二場表儼語冠時，乃定公第一。而文正亞之，時河文勤劉文正與試事，榜發皆以得人賀。二公復命遂以二人姓名。上聞公與文正皆早受特達之知，職此故也。明年文正中第，公遲至甲戌成進士，選庶吉士，授編修。己卯典試山西，庚辰分校禮部試，辛巳京察記名，以道府用。壬午分校順天鄉試，提督

福建學政癸未遷侍讀父憂歸服闋補侍講充日講起居注官
晉右庶子戊子授貴州都勻知府旋以四品服留任擢侍讀學
士坐泄漏運使盧見曾事謫戍烏魯木齊辛卯召還授編修
癸巳擢侍讀總纂四庫全書與內廷翰林一體宴賚同事者為
陸副憲錫熊陸侍郎費墀而公實綜其成縮書局凡十有三年
體例皆其所定丙申擢侍讀學士直文淵閣知起居注己亥擢
詹事晉內閣學士壬寅授兵部侍郎仍兼直閣事改任不開缺
異數也甲辰充會試副考官乙巳晉左都御史丙午除禮部尚
書充經筵講官戊申賜紫禁城騎馬典武會試自後為總憲
者五長禮部者三壬子以畿輔水災奏請截留南漕數萬石設

國朝先正事略卷二十 名臣

七

粥廠十賑饑民得旨六月開賑後增五廠自季夏至明年四
月全活無算嘉慶元年丙辰典會試調兵部尚書己未典武會
試癸亥六月壽八十

上遣官賫上方珍物賜之命教習庶吉士是年奏婦女猝
遭強暴捆縛受污不屈見戕者例不旌表臣謂捍刃捐生其志
與抗節被殺者無異如忠臣烈士誓不從賊雖縛使跪拜可謂
之屈膝賊廷哉請勅下所司議與未被污者略示區別予
旌表下部議行乙丑正月復調禮部拜協辦大學士加太子少
保管國子監事二月十四日薨於位年八十有二有詔紀昉
學問淹通由翰林游歷正卿擢襄綸閣服官五十餘載辦理四

庫全書始終其事十有餘年最為出力可賞陀羅經被派散秩
大臣帶侍衛十人前往賜奠並賞白金五百兩治喪尋賜祭
葬予諡文達公於書無所不通尤深漢易力闢圖書之謬一
生精力備注於四庫提要及目錄不復自為撰著今人所見狹
偶有一得輒自矜挾獲而不知皆古人所已言或為其所已聞
公胸有千秋故不輕著書其所欲言悉於四庫書發之而惟以
覺世之心自託於小說稗官之列其感人為易入自文集外所
著閱微草堂筆記凡七種中多見道之言性坦率好滑稽有陳
亞之稱然驟聞其語近詼諧過而思之乃名言也在
上前嘗以片語解紛賈錄館請甄敘或言其過優

國朝先正事略卷二十 名臣

八

仁宗以問公公不置可否但云臣服官數十年無敢以苞苴進
者惟戚友倩臣為其先人題主或銘墓雖厚幣輒受之
上慨然曰然則朕為

先帝推恩何不可之有某科考試差後有宣布前列詩句姓名
者臺臣密以告
上召公問之公頓首曰如臣即洩漏者問何故曰書生習氣見
佳作必吟哦或記誦其句出而欲訪為何人手筆則不免於洩
漏矣
上含笑事遂寢少與朱文正公不相下有文人相矜意後見文
正所為文大歎服以為向不知公吾過矣自後交誼乃益摯云

畢秋帆尚書事略

嘉慶二年秋七月兵部尚書湖廣總督世襲輕車都尉鎮洋畢公薨於辰陽行館公久在行間著勳績及移駐楚南籌善後之策苗境救甯

上聞公積勞邁疾手足不仁即馳賜上藥諭以安心調攝公自念受恩深重且當三楚多事不敢以私廢公力疾視事有加無疹遂致不起遺疏入九重軫悼贈太子太保諭祭文有性行純良才能稱職鞠躬盡瘁恤死報功之哀可謂生榮死哀也已公諱沅字纓衡一字秋帆自號靈巖山人由休甯遷太倉州後析置鎮洋遂占籍焉少穎悟六歲母張太夫人手示

國朝先正事略 卷二十 名臣

九

毛詩離騷過目即成誦太夫人工詩著有培遠堂集公承母訓稍長讀書靈巖山從沈文懿德潛惠徵君棟游學業益遂乾隆十八年中順天鄉試旋授內閣中書入直軍機處大學士傳文忠尚書任文端表文遂咸以公輔期之二十五年進士廷對纒纒數千言議論剴切進呈擬第四

上親擢第一是歲始定新進士前十入於讀卷日引見公儀觀秀偉進止有度

天顏甚喜臚唱授修撰館中經進文字出公手皆典重有體遷右中允再遷侍讀充日講起居注官教習庶吉士轉左庶子充會試同考官二十二年

上親耕藉田御觀稼臺宣示御製詩給筆札令賡和詩成

進覽稱善是冬授甘肅鞏秦階道召見諭曰汝軍機舊屬達於政治不徒文學優長也到官即留辦新疆經費局又從總督出嘉峪關察勘屯田自木壘河至吉木薩往還數萬里途中多紀行詠古之篇尋調安肅道三十六年擢陝西按察使入覲具言甘肅頻年苦旱有旨諭督臣加意賑卹并免積欠四百萬尋擢陝西布政使護理巡撫時大兵征金川由陝入蜀公督理臺站三十八年河渭洛三水溢入朝邑界公馳往分別賑卹全活甚眾擢陝西巡撫歲旱禱太白山得甘雨清理八旗及提標馬廠空地六百五十餘頃募民開墾納賦為賞卹之用又

國朝先正事略 卷二十 名臣

十

奏修西嶽廟及元聖周公墓訪其後裔置五經博士以奉祀事濬涇陽龍洞渠灌漑民田又以秦中碑版最多萃而置之府學俾無散佚在陝六載兼署西安將軍者再署陝甘總督者一年特賜戴孔雀翎恩遇之隆漢大臣莫及焉丁母艱甫及一年上以陝西任重復起公署巡撫事會甘肅回賊陷河州逼蘭州城公檄調滿漢兵先後赴援又請調簡八旗勁旅令大臣總統援應事平

上諭閣臣曰畢沅在陝西聞甘省逆賊滋事即能悉心調度事專妥協並有先辦而與朕旨相合者朕甚嘉焉可賞給一品頂戴其後平涼逆回倡亂攻掠通渭靜甯驛道梗塞公復調兵助

勤又分兵出開道繞其後俾不得他鼠公之盡心國事不分珍
 域多此類也五十年調河南巡撫是時河南北頻年旱而河水
 泛溢壞田廬公既受命即奏請截漕二十萬石平市價以濟
 民食被災各州縣展賑兩月其徵收未完銀米視被災分數或
 全免或緩徵俱荷允行手救報曰如此盡心民莫必徵天
 佑朕為彼一方民慶幸也遂增給三十萬石以賑之尋奉命
 詣桐柏山求淮源公親履巔高繪圖以進蒙嘉獎御製淮源
 記述其事未幾賞穿黃馬褂擢湖廣總督未行以伊陽拒捕
 案被議仍留巡撫任五十二年河決睢州溢甯陵商邱永城鹿
 邑柘城諸縣詔大學士阿文成公臨視會同籌畫自夏迄冬
 國朝先正事略卷二十 名臣 十一

國朝先正事略 卷二〇

兩倍賑卹豁免秋糧及本年漕米遣官分赴豐收處購運糧食
 備來歲平糶六十年恩詔普免各省民欠公查出東省節年
 所欠正耗銀四百八十七萬兩有奇常平社倉米穀五十萬石
 有奇咸奏除之時已得再任湖督之命拜疏而後行惟恐弗
 及也初入楚境聞苗疆有警即馳赴常德籌畫轉餉既而大學
 士福公四川總督和公先後泄楚檄調六省兵會剿供支日不
 下數萬公移駐辰州督運軍儲輸將相繼大兵既擒首逆吳
 半生等乾州永順永綏保靖諸苗五百餘寨先後詣辰乞降公
 承詔撫諭咸感泣叩頭去嘉慶元年春湖北枝江賊起詭稱
 白蓮教而宜都長陽長樂教匪一時應和四出焚掠公馳赴枝
 國朝先正事略卷二十 名臣 十二

江與巡撫惠公調兵進剿連破蕭家巖栗子山長嶺衝諸寨時
 北省標營兵皆調赴苗疆姦民乘虛煽誘分擾諸縣當陽保康
 來鳳竹山相繼陷詔請大帥分路攻剿而公與將軍舒公攻
 當陽即選驍勇扼山隘殲其外援三千人賊悉力死守公親督
 將士以火攻克其東門賊退守西北復攻拔之殲賊二千餘擒
 偽帥楊啟元等縣境悉平事聞優詔褒美賞輕車都尉世職
 復馳至襄陽督同鎮道邀擊賊於青河口破之時貝子福公總
 督和公相繼徂謝公密奏乾州已復首逆就擒惟石柳鄧未獲
 而以十萬之眾駐守蠻烟瘴霧中苗人見有重兵生計無資石
 逆轉得從中煽亂不若囚其窮困許以自新酌撤苗寨官兵而

於四面設兵防守其有出外滋事及同類警殺者用以苗攻苗之法可不再煩兵力 詔下其章於軍中議之未幾大兵破平隴斬石柳鄧等遂 詔公馳往苗疆籌議善後及撤兵事二年春抵乾州周歷三廳撫諭苗寨清釐民苗地畝給還耕種咸伏地感泣各歸生業各省兵次第撤回公遵 旨留駐辰州奏請移提督駐辰州而以辰州協駐乾州洞庭協駐常德又於花園汛添設總兵以永綏協保靖營隸之諸要隘皆撥兵屯守聯絡控制其苗寨酌設土弁以資約束又估修城堡營房賑難民郵殉難官弁及紳士婦女皆得 旨勅部議行而公遽以炎瘴致疾薨於軍年六十有八朝野惜之公議量宏遠喜懼不形於色

國朝先正事略 卷二十 名臣

三

遇僚屬以禮議事不執己見人人皆得盡其言若大疑難事眾莫識所措者公沈機獨斷雖萬口不能奪出仕西陲時拓地二萬餘里名臣宿將往來邊徼皆與之上下諏咨洞悉利弊數歷數鎮職事修舉不以察察為明煦煦要譽所薦拔多至大僚每入覲 命在南書房和詩備顧問所造古器物 御製詩文紀之
太上皇帝禪受禮成恭進典詮一篇淵雅得體 賞賚優渥前後所 賜御筆及上方珍物不可勝紀性篤孝遇二親諱日哀慕涕零嘗以幼孤承母教始得成立奏達 御前
上賜經訓克家四大字隨於靈巖南麓築樓以奉 御書待兩

弟友愛視諸姪如己子兩妹早寡為置產贍其孤甥生平篤於故舊尤好汲引後進如吳中書素來嚴侍讀長明程編修晉芳邵學士晉涵洪編修亮吉孫觀察星衍等皆招致幕府公暇詩酒唱酬無虛日性矧著書鉛槧不去手謂經義當宗漢儒故有傳經表之作謂文字當宗許氏故有經典辨正及音同義異辨之作謂編年之史莫善於涑水續之者有薛王徐三家徐雖優於薛王而所見書籍猶未備且不無詳南略北之病乃博稽羣書考證正史手自裁定始末訖元為續資治通鑑二百二十卷別為考異附於本條下凡四易橐而成謂史學當究流別故有史籍考之作謂史學必通地理故於山海經晉書地理志皆有

國朝先正事略 卷二十 名臣

十四

校注又有關中勝蹟圖記西安省志之作謂金石可證經史宦跡所至搜羅極博有關中中州山左金石諸記詩文下筆即成不拘一格要皆自運性靈不違大雅之旨有靈巖山人詩集四十卷文集八卷公一生得力在善讓而肯為人任事嘗直軍機期滿當出友人諸君重光屬公代公未及答而諸竟去公夜坐無事適陝督黃文襄廷桂疏至言新置屯田事遂熟復之後數日廷對策問屯田事條對獨精核進呈擬第四卷
上改第一而諸君居其次其侍 親耕亦係代友值班是日上詢布穀敷勝是二是一公對布穀即敷勝
上稱善因垂詢出身甚悉此 簡在之所由也

續修四庫全書 史部 傳記類 四四六

上後語大臣朕曾於籍田中簡拔一人即謂此云

國朝先正事略 卷二十 名臣

五

劉文恪公事略

公諱權之字德輿號雲房湖南長沙人父暉潭字湘容雍正庚戌進士由主事遷郎中出知泗城府有政績兄棧之乾隆辛巳進士授檢討晉中允改郎中典試浙江督學貴州皆稱職公舉乾隆二十五年進士選庶吉士習國書由編修晉中允洗馬母憂歸服除適四庫全書目錄提要成公嘗為纂修官議敘補侍講轉右庶子五十年大考二等擢大理少卿晉本寺卿遷左副都御史五十二年大挑直省舉人公條陳積弊請派出王大臣於命下之日即赴內閣住宿其各部院司員俱迴避不令持券入閣畫諾並請派科道官二人稽查及令步軍統領衙門會同五城御史一體巡察

國朝先正事略 卷二十 名臣

六

上覽奏嘉納如所請行是年所選得人都人士翕然稱之公意蓋有所指也五十六年擢禮部侍郎嘉慶三年調吏部左侍郎四年

仁宗親政激揚彰瘆飭官常首擢公左都御史時湖南採買頗為民累公環陳地方吏奉行不實往往藉端肥橐各情弊并請赴鄰邑採辦以免派累得旨通諭各督撫嗣後採補倉穀務飭所屬在豐稔鄰縣按時值採買不許向本地派買并將向來胥吏積弊嚴行查禁至社倉原係本地殷實之戶好義捐輸為備荒之用近來官為經理大半借端挪移日久并不歸款遇歉

歲顆粒全無。以致殷實不願捐輸。正人不願承辦。是向來良法。徒供官吏侵漁。亦應一律查禁。此後各省社倉。仍聽本地殷富。擇公正者自行辦理。不假官吏之手。以杜弊端。而裕民食。四川舉人朱琬。條陳軍務。前後數萬言。公悉為代奏。尋以編修洪亮吉。投遞書函。語多狂直。未即呈進。有旨查詢。公自請嚴議。上以公人品端正。節次所陳。奏事皆切實。改為降三秩。畱任。未幾。遷吏部尚書。賜紫禁城騎馬。舊例。部院截取人員。祇歸單月銓選。公議增京陞一班。庶常散館。以知縣用者。五缺。後用其一。公議令到班即選。大挑舉人。除新科不計。仍截止近三科。不得與挑。公請合新科一并計算。皆著為令。七年充軍機大臣。管國朝先正事略 卷二十 名臣 七

理戶部三庫事。賜居海澱。會三省教匪戡定。上以公素日陳奏多所建白。兩次。命優敘。九年考績。詔以公在軍機處。小心勤慎。復下所司。優敘。尋調兵部尚書。出勘河南河工。差還調禮部尚書。協辦大學士。加太子少保。尋因保奏軍機章京。欲將中書袁煦列入。袁煦者。公房師紀公的女婿也。侍郎英和劾公瞻徇。有旨降編修。尋遷侍讀。晉侍讀學士。十一年。遷光祿卿。命偕侍郎瑚素通阿。往勘通州剝船虧損數。并嚴禁封雇民船之弊。旋命往真定勘獄。還擢內閣學士。九月。遷左都御史。十二年。遷兵部尚書。仍賜紫禁城騎馬。十五年。協辦大學士。再充會典副總裁。七月。

上行秋獮禮。命偕儀親王永璘。尚書明亮。勒保等。畱京辦事。十六年。上幸五台。命仍司畱鑰。五月。拜體仁閣大學士。管理工部事務。充國史會典館正總裁。復太子少保。十七年。管理戶部三庫事。十八年考績。上以公襄贊綸扉。夙夜匪懈。命優敘。尋以日疾請假。賜御醫診視。許原官致仕。給半俸。歸里後。猶蒙恩賜福字如意。諸珍物。二十三年六月。有大星隕於湘東。照江水。皆赤。越翼日。公薨。壽八十一。優詔悼憫。賜祭葬如例。諡文恪。公性精明。而出以厚。故歷京秩五十餘年。以學行結主知。當官能舉其職。所國朝先正事略 卷二十 名臣 太

敷奏嘗不令人知。雖至親骨肉。莫能述。而疊典文衡。實漢大臣中所罕觀。計分校順天鄉試三。校禮部試一。典江南鄉試二。貴州鄉試一。順天鄉試二。主禮部試一。督安徽山東江蘇學政各一。監臨順天鄉闈再讀。殿試卷四。闈大考翰詹卷二。門生故吏徧天下。而公鑑空衡平。未嘗有所私昵也。子若璠。以廕授主事。官貴州直隸州。若珪。由副榜官員外郎。出為湖北知府。署漢黃德道。死。粵寇之難。

王文端公事略

國朝二百年來由大魁陟宰輔者凡數人順治丙戌則聊城傅公以漸丁亥則武進呂公宮己亥則崑山徐公元文乾隆丁巳則金壇于公敏中己未則番禺莊公有恭戊辰則會稽梁公國治辛巳則韓城王公杰也繼王而起者己亥則大庾戴公衢亨癸丑則吳縣潘公世恩而已數公相業皆可稱而王文端公風節為尤著蓋公在相位寶與和珅同列凡不附己者輒齟齬之公接以大體不為悻悻壯頰之事而遇所當執訖不與和珅同卒能密贊廟謨明正其罪此其所以尤難也公立朝四十餘年凡五典會試考前明三主禮部試者王元美輒推為盛事我

國朝先正事略卷二十名臣

九

朝范文肅李文勤陳文貞朱文端張文和史文靖皆三主會試諸城劉文正公長白介受社宗伯則四主會試其五主會試者自熊文端公德定圃宗伯外得公而三然則公之敬感遺逢疊司文枋可謂獨際其盛已公字偉人號樵園一號畏堂先世自山西洪洞遷陝西之韓城生而端凝好學由拔貢生得教諭未任遭父喪服終貧甚為書記以養母尹文端陳文恭為江南督撫時皆禮公入幕府兩公皆名知人而最賢公謂為正士乾隆庚辰舉鄉試次年舉會試先是純皇帝嘗語近臣本朝百餘年來陝人無大魁者至是公應殿試讀卷官進列第三

上親拔為第一人時值西陲戡定魁選適得西人比引見風度

上益喜為詩紀之由修撰累遷侍讀右庶子侍講學士少詹事入直南書房充日講起居注官旋晉內閣學士歷工刑吏禮四部侍郎擢左都御史

上詢及母夫人年歲御書南陔承慶額賜之癸卯母憂歸甲辰即家擢兵部尚書趨赴行在謝恩

高宗曰汝來甚好君臣久別知汝應念我然汝儒者朕不欲奪汝情歸終制可也公感泣時朱文正公扈蹕相遇於行帳歎曰

國朝先正事略卷二十名臣

十

上待公不薄哉乙巳服闋充經筵講官軍機大臣上書房總師傅賜紫禁城騎馬乾隆五十一年丁未春拜東閣大學士總理禮部事賜居第花園各一所戊申臺灣平圖形紫光閣上親為製贊明年平廓爾喀再圖形閣中

上製贊如初庚戌加太子太保甲寅冬公壽七十御賜額曰

贊元錫嘏賜聯曰臚名芸館魁多士耆福台階引大年及珮珠冠服上珍為之壽丙辰以足疾辭退兩書房軍機禮部事戊午仍值軍機歷充四庫三通國史實錄諸館總裁公為人廉靜質直素行無瑕疵在政府誠於奉職

純皇帝知公深和珅雖厭公卒莫能去也如此者十數年及

仁宗親政和珅以罪誅公意益得發難矣然公當念大臣所當為者非盡於所能言獨居意營邑邑深念而不怡將告歸復上疏其略曰竊惟

皇上親政以來 恩威並濟內外臣工無不洗心滌慮共砥廉隅臣年齒既衰智識愈鈍更何有千慮之一得惟是積弊相沿有極重難返而又不可不亟加整飭者一各省虧空之弊起於乾隆四十年以後州縣有所營求即有所餽送往往以缺分之繁簡分賄賂之等差此豈州縣私財直以 國帑為黃緣之具上官既甘其餌明知之而不能問且受其挾制無可如何間有初任人員天良未泯小心畏告不肯接收上官轉為說合備者

國朝先正事略

卷二十 名臣

三

千方抑勒強者百計調停務使受代而後已一縣如此各縣皆然一省如此天下皆然於是大縣有虧空十餘萬者一遇奏銷橫征暴斂挪新掩舊小民困於追呼而莫之或恤靡然從風恬不為怪名為設法彌補而彌補無期清查之數一次多於一次寬繳之銀一限不如一限輾轉相蒙年復一年未知所底竊謂嘉慶四年以前之州縣此時或遷他處或經物故原難責之現任補償然從前州縣用度不節因而侵挪倉庫今皇上整飭紀綱大吏皆以廉節相尚豈從前上司專講酬應州縣反覺寬舒今茲上司各矢清廉州縣轉形拮据耶乃州縣則任催罔應上官亦莫展一籌意或有苦樂不均未之調劑歟有

賢否不分因以觀望歟固宜廣求整飭之法以冀倉庫漸充實也一各省驛遞設立驛丞專司凡有差使各按品級乘騎之外加增不過二三騎多則驛丞不能派之民間也照常給廩之外一無使費使臣及家人等知驛丞之位卑俸薄無可誅求也迨後裁歸州縣百弊叢生請先言其病民者州縣管驛可以調派里民於是使臣乘騎之數日增一日有增至數十倍者任意隨帶多人無可查詢由是管號長隨辦差書役乘閒需索差使未到火票飛馳需車數輛及十餘輛者調至數十輛百餘輛不等羸馬亦然小民舍其農務自備口糧草料先期守候苦不堪言又慮其告發也則按畝均攤甚而過往客商之車馬驛留費

國朝先正事略

卷二十 名臣

三

放無怪小民之含怨也至於州縣之耗帑又有無可如何者差使一過自館舍鋪設以及酒筵種種糜費并有負緣餽送之事隨從家人有所謂抄牌禮過站禮門包管厨等項名目甚繁自數十金至數百金多者更不可知大抵視氣餒之大小以為應酬之隆殺其他如本省上司及鄰省大員往來住宿亦需供應其家人藉勢飽慾不廢不止而辦差丁胥浮開冒領本官亦無可稽核凡此費用州縣之廉俸斷不能支一皆取之庫帑而虧空之風又以成矣議者謂驛站裁歸州縣當時係為調劑郵政起見每年一驛錢糧自數百金至數千金付之徵員既非慎重之道且遇緊要差使及護送兵差之類額馬不足必須借資民

力是以定議裁改不知驛站未歸州縣以前豈無緊要差使豈無護送兵差之類當其時必已另設臺站或調撥營馬或籌款購買事竣各有報銷與驛站兩無關礙若州縣管驛則平常供應亦不可數計者然則虧空之弊大半因之欲杜虧空先清驛站當亦轉移之要策也况體恤民隱尤為急務乎今軍務既竣

皇上勤求治理似無大於此二者但以積重之勢不可不思至當之方或改復舊章或博稽眾論斟酌盡善斷自睿裁從此倉庫盈而郵政肅天下幸甚疏入

上嘉納焉嘉慶四年公以腹疾乞休命公明安率太醫視之

國朝先正事略卷二十 名臣 三

並賜內府人獲九月復請告溫旨慰留許扶杖入朝七年秋復請詔予在籍食俸加太子太傅八年二月陛辭

詔冊

皇考御前陳設玉鳩杖一枝加恩賞給俸得敬承遺澤朕賦詩二章親書條幅并書聯語以寵其行再加賜人獲一斤用資頤養并頒饌品賜餼令馳驛回籍所過地方官在二十里以內者妥為照料以示朕優眷老成至意賜詩有云直道一身立廊廟清風兩袖返韓城足以概公生平矣五月公抵里奏謝手勅報云一路平安資深欣慰京師見望雨澤未能霑足川楚軍務略有端緒亦未全靖也特諭卿知之又賜香袋藥錠等

物六月疏謝手勅云卿在家頤養努力加餐益增康健京中自四月半得雨麥收不過五六分晚禾日見芘芘川楚軍情甚好大約五六月內可全靖矣嗣是公每有陳奏必奉手詔垂問八月奉勅云卿在家頤養想益康健中元日經略奏報邪匪全靖朕承

天恩

考佑實深欽感特諭卿知之二十日起程幸山莊見住兩開房行宮遙望西秦彌增想念十月手勅云卿在家安善覽奏欣慰今賜卿神糕並如意願永茂遐齡長延福壽十二月賜勅云嚴寒沍凍諸惟珍攝用迓春祺益綿福履九年正月奉手

國朝先正事略卷二十 名臣 三

詔云新春介祉福履益綿遙望闕雲曷深記念親書福字并荷包等物附使帶去賜卿以迓鴻禧是月十日公及程夫人壽皆八十御書福綬燕喜額并壽佛如意等珍物命巡撫方維甸於其生日賚至家賜之賜詩有云兩朝調鼎文思被入秩齊眉壽域宏十二月公入都叩謝詔許乘肩輿至隆宗門外扶杖入內朝召見後屢有食物之賜並疊前韻賜之十年正月初十日薨於京邸優詔悼問贈太子太師入祀賢良祠賞陀羅經被派榮郡王綿億帶侍衛十員往奠茶酒並賞內庫銀二千兩治喪賜祭葬如例諡文端公既歷典乾隆乙未戊戌丁未己酉庚戌禮部試又嘗為湖南江南

江順天考試官一督福建學政三督浙江學政一典武會試所
進多佳士其於門下士相待甚篤然未嘗少涉私引教以必為
君子而已嘗訓及門云為政之道當開誠布公不可有意除弊
此弊除他弊興矣性寬厚然於世之以姑息為寬大者極不然
之曰縱惡以取名如 國家何少從武功孫酉峰游聞闕正
學及見陳文恭聞性命躬行之說益自信生平於浮屠老子法
未嘗言及亦不加排斥有語及者輒不對曰吾未嘗習此也所
著有葆醕閣集怪園易說行於世

名臣

孫文靖公事略

公諱上毅字智治別號補山浙江仁和人人生而穎異讀書目數
行下初贈公以家貧欲俟其長即服賈學使勞青岳先生見而
異之乃使習舉業將應童子試期迫公晝則誦習夜屬文漏三
下思卧則起行庭中往還數四復構思既而倦極沈沈睡矣夢
中驚覺蹶然起以頭觸壁令極痛神氣大爽如此者屢日遂澈
夜不倦藝大進補弟子員請益勤蓋公一生自樞垣倮直以及
宣力邊疆听夕未敢憚勞皆少年磨厲所致也乾隆己卯舉於
鄉年已四十辛巳成進士歸候選其明年

上南巡 召試第一投內閣中書入直軍機處陞侍讀雲南

國朝先正事略

卷二十一 名臣

美

匪不精大學並傳文忠公督師命主章奏師還遷戶部郎中庚
寅典湖南鄉試督學貴州擢大理少卿授廣西布政使調雲南
就遷巡撫總督李侍堯以賊敗坐不先舉劾落職發軍臺簿錄
其家不存一錢

上轉嘉其廉頒行 命纂校四庫書授編修書成超擢太常少
卿復出為山東布政使時巡撫薩泰以貪賂代之者為明與公
遇事多所匡正明公出巡公慮其廉從索擾委丞倅官與偕行
有婪索者即稟聞明公亦聽之會有言自查虧帑實數明公數
月未奏公以為不可明即令代查疏疏入
上口國秦等罪不可道矣立 賜自盡公尋遷廣西巡撫調廣

東粵民多獷悍。正供銀米。州縣不能征。及奏銷。往往墊解。黠者遂延抗不繳。公詳核。彙為冊。賦法以清。菱塘盜藪也。屢治不戢。復糾眾拒捕。傷官。公率兵。張旗鼓。環其寨。而圍之。命縛獻渠魁。否則遷其民。藉其地。遂獲盜首七人。實諸法。總督富勒渾縱僕。婪索公。以實奏。即命公。讞獄成。

上嘉其持正。授兩廣總督。臺灣林爽文反。公以閩粵海道相接。而潮州最近。嚴兵為之備。未幾。王師渡海。果調粵兵。且徵餉。皆叱嗟辦。

上大悅。晉太子太保。賞戴雙眼花翎。一等輕車都尉。會安南國王黎維祁。為其臣阮惠所逐。其母妻幼子。斂關額救。

國朝先正事略 卷二十 名臣

三

上命公往。公時在潮。先馳赴龍州。奏至而。旨方下。公遂自請出關。並詞知維祁在其國良才。縣境亦招聚義兵。圖恢復。飛驛以聞。詔公由廣西直抵黎城。別命雲南提督烏大經由蒙自進。阮惠遣將拒於壽昌江。又分兵屯嘉觀。公至壽昌。擊破之。進兵至市球江。賊守禦甚固。會日暮。我兵隔岸與相持。陽於下游。造浮橋。作欲渡狀。以綴賊。密遣總兵張朝龍於上游。暗渡。繞出賊後。賊大亂。公即勒兵乘筏。鼓勇前殲。其眾其屯嘉觀者。游擊張純走之。而副將慶成設伏要害。亦擒偽指揮黎廷等。天已明。乘勝至富良江。賊大驚。曰。江在國門外。無江是無安南也。遂盡收戰艦泊南岸。悉眾拒守。公察賊陣弗整。急覓船筏。載兵百

餘先勦江心賊。奪其大船一。賊稍退。少閒復來。凡五六戰。斬獲甚多。賊膽落。公因昏黑中。賊不知我兵多少。遂以所有船筏。盡載兵。令提督許世亨等於次日五鼓。直衝彼岸。賊不知所為。我軍分路追奔。賊死者不可勝計。有十餘船。順風而逸。張純追及之。賊反拒我兵。圍其船。焚而沈。諸江無脫者。獲其偽印二。遂克黎城。黎氏宗族及百姓等。俱伏迎道左。阮惠遁歸富春。是役也。賊眾四萬守江。我兵先至者僅千人。公親統大軍入其國。所向披靡。烏大經之師。但遙作聲援而已。乃傳旨復維祁封並馳報廣西巡撫孫永清。送其家屬歸事聞。

上封公一等謀勇公。賜寶石頂下。詔班師。公亦親視小醜。

國朝先正事略 卷二十 名臣

天

遵旨凱撤。而黎維祁本房主也。孤立無助。阮惠乘閒率餘黨傾國而來。倉猝閒眾寡不敵。維祁聞惠至。輒攜家屬遁。國內無主。民皆竄。賊勢復聚。公欲以死報國。策馬直犯其鋒。千總薛忠挽公馬。泣曰。損大臣有傷。國體公怒。擊以鞭。碎其兩耳。而馬首已被牽回。不能再進矣。乃先率兵渡市球江。奪據北岸。以待後隊之至。總兵李化龍行至浮橋。失足溺水。橋隨斷。世亨等沒焉。公遂入關。維祁與其母子俱至。安置南甯。時乾隆五十四年正月三日也。公上疏自劾。辭公爵。繳還恩賞。上以撤兵太早。引為己過。釋公罪。允所辭公爵。以福康安代之。命公仍駐鎮南。調度阮惠。知得罪。天朝。悔懼求內附。公嚴

兩江總督官尊。向不甚理事。公一反所為。所到撤前站。謝供億。不拘嚴鼓之節。自事者。應時即見。尤刻意憐才。一介之士。輒與均禮。故事。軍機大臣例不見客。不答拜。獨公與故舊周旋。宴飲如平生。歡家本寒。素能耐艱險。凡繩行沙度之地。人騎瑟縮。而公視若康衢。然亦有天幸。出意外者。從忠勇公征緬時。虜氛甚惡。公自防一利刃。朝夕摩挲。天雨。糧斷。公韉中藏筍脯五。以其三奉忠勇公。而留二。以自給。餓三日。而糧始通。過天生橋。馬駭墜。山澗中。淵深數十丈。最絕良。久馬忽蹶起。負公掀掉。以山曲折數十里。竟達大軍。性愛石。有米頭之癖。督學黔中時。得文石百有一枚。因自著曰百一山房。所著奏議若干卷。百一山房文。陶初先正事略卷二十 名臣

集若干卷。藏於家。

陶初先正事略卷二十 名臣

三

董文恭公事略

公姓董氏。諱誥。字蔗林。浙江富陽人。父文恪。公諱邦達。雍正一年進士。選庶吉士。授編修。充日講起居注官。累遷中允。侍講。侍讀。學士。乾隆十二年。命直南書房。擢內閣學士。母憂歸。明年秋。命照前尚書梁詩正之例。來京。在內廷行走。俟服闋時。遇缺補用。十五年。補原官。遷禮部右侍郎。調工部。旋調吏部。充經筵講官。二十七年。晉左都御史。再晉工部尚書。二十九年。調禮部尚書。賜紫禁城騎馬。典陝西江西鄉試。各一充會試副考官。一武會試正考官。三十四年。以年逾七十乞休。溫旨慰留。七月薨於位。賜祭葬。予諡文恪。公登乾隆二十八年國朝先正事略卷二十 名臣

國朝先正事略卷二十 名臣

三

進士與館選授編修。命人懋勤殿。寫金字經。為孝聖憲皇后祝嘏。三十四年。遷右中允。丁父憂。服闋。命直南書房。轉左中允。先是文恪公工繪事。御製詩題詠甚多。及是公權武南齋。管筆之暇。閒涉藝事。其精上深賞焉。尋以侍讀充日講起居注官。以侍讀學士充經筵講官。三十九年。典江南鄉試。遷內閣學士。明年。擢工部右侍郎。兼管錢法堂事務。尋調戶部。充四庫館總裁。命輯滿洲源流考。充武英殿總裁。四十四年。命為軍機大臣。賜第西直門外。賞紫禁城騎馬。四十九年。甘肅石峰堡逆回平。上以公勤勞懋著。命優敘。五十一年。擢戶部尚書。明年。臺灣

逆匪林爽文就擒。命與二十功臣之列。圖形紫光閣。

高宗皇帝親為製贊。五十五年加太子太保。明年詔刊石經於太學。充副總裁。又明年廓爾喀平。命與十五功臣之列。再圖形紫光閣。

上復親為之贊。五十五年拜東閣大學士。總理禮部。仍兼戶部

事。二年丁生母憂。特旨賞陀羅經被。遣御前侍衛豐仲殷

德帶領侍衛十員奠茶酒。並賜祭葬。三年三月葬母畢。詣

闕謝恩。諭暫署刑部尚書事。以方辦理秋審。一時未得其

人也。四年正月

太上皇晏駕。

同朝先正事略 卷二十名臣

仁宗皇帝命恭理喪儀。仍充軍機大臣。總裁。實錄。晉太子太

保。五月服闋。授文華殿大學士。仍兼刑部尚書。國史館總裁。九

月奉安。

裕陵禮成。命恭點。

高宗純皇帝神主。加太子太傅。賞黑狐端罩。七年三省教匪

平。

上以公自用兵以來。票擬慎勤。特予騎都尉世職。子淇由任

子當為員外郎。詔以郎中用。九年典順天鄉試。尋管戶部三

庫事。十二月

高宗實錄成。詔董誥在館八年。始終其事。宜加優獎。其父董

邦達。從前未祀賢良祠。可令人祀。十三年典會試。賞密雲縣

房屋一所。十四年晉太子太師。三月公七十生辰。賜御書額

曰贊樞錫慶。他珍物稱是。復賜御製七言詩。有兩朝知遇

一身肩之句。十五年充上書房總師傅。十六年再典會試。明年

加太保。十八年九月。逆匪林清等就誅。

上以公晝夜宣勞。命加三級。及滑縣平。有詔優敘。公次子

員外郎。特旨以郎中用。二十年冬。因病請致政。溫旨慰

留。并以軍機處事繁。命改管兵部。無庸兼管刑部事。二十一

年再典順天鄉試。二十二年春。命偕莊親王綿課等。留京辦

事。六月復。命管理刑部。七月。命管理行在刑部事務。兼佩吏

部印鑰。二十三年二月。再疏乞休。優詔俞允。十月。病益篤。

特派御前侍衛載銓。帶御醫往視。是月薨。詔曰。予告大學士

董誥。自其父董邦達。供職內廷。渥承

皇考知遇。洵擢尚書。嗣董誥。通籍詞垣。荷

皇考眷注。尤隆。入直南書房。供職書畫。最勤。且久。游躋卿貳。用

為軍機大臣。兩經繪像。賜贊褒嘉。朕御極後。晉擢綸扉。宣力垂

四十年。奉職恪勤。且聞邸寓清貧。原籍並無田宅。益徵其持躬

端謹。遽聞溘逝。悼惜殊深。已賞陀羅經被。可晉贈太尉。入祀賢

良祠。派定親王綿恩。率侍衛十員。即日前往奠醊。十六日朕親

臨賜奠。賞內庫銀二千兩治喪。其次子董醇。服闋後。以四品京

堂印補 御製詩概之並傳 諭其家刻詩墓次尋 賜祭葬
諡文恭公自擢閣學後受特達之知閣 殿試朝考並 御試
翰詹及考試試差諸卷凡校文之役無弗與遇 巡幸秋編諸
大典罔不扈從每三載考績輒 獎敘有加嘉慶七年教匪平
定

上明詔中外曰董誥經

皇考簡任多年克盡忠愫知無不言言無不盡蓋其實也其
尤難者則在和珅用事時張威福排擠異己公與王文端諸公
摺柱其間遇事多所救正每獨居深念處若忘行若遺在堂則
循階在室則繞柱其用意深隱不可驟識卒能仰贊

國朝先正事略 卷二十 名臣

董

所諛職除大慙雖語秘外莫能知而公之識力深遠抑可得其
大凡已公嗜學工詩古文好成就才備當官能舉其職出入禁
闈數十年進止皆有常度所進呈諸書本
兩朝聖人並有題詠收入石渠寶笈三編然特公之餘技云

王文僖公事略 子宗誠

王公懿修字仲美安徽青陽人乾隆三十一年進士選庶吉士
授編修入直南書房三十六年充陝西副考官明年分校會試
三十九年典廣東鄉試提督廣西學政四十四年分校順天鄉
試明年典試江西遷司業擢侍講轉侍讀晉侍講學士充日講
起居注官四十八年再典廣東鄉試尋督湖北學政五十三年
遷少詹事乞病歸旋丁內外艱嘉慶元年正月

太上皇帝舉行千叟宴公與焉 賜御製詩刻及玉鳩杖文綺
等物七年補通政司副使遷光祿卿晉內閣學士明年補禮部

侍郎提督順天學政十年擢左都御史晉禮部尚書管戶部三

國朝先正事略 卷二十 名臣

王

庫事 命紫禁城騎馬充經筵講官十二年充上書房總師傅
上以公部務殷繁不能逐日入直 命以部務餘暇入內廷不
必拘定日期惟留心查察功課如有怠惰曠誤者即據實劾奏
十三年以病乞休 溫詔慰留十四年恭遇 五旬萬壽慶典
加太子少保典會試兩充殿試讀卷官當是時公子宗誠已官
學士嘗隨公扈 蹕東巡
睿皇帝賜翰林宴公父子同席
高宗實錄成宗誠以纂修官 賜宴禮部公適以尙書主席宗
誠又繼直上書房 奎章珍器 賞賚稱疊父子同朝極優渥
之遇蓋近今所無難

睿皇帝亦以公兩世膺知遇廉謹自將時發天音而垂清問也十八年公致仕又二年壽八十特賚如意文綺諸珍物命侍郎成格齎往公詣宮門謝適

上出御經筵解御佩荷囊賜之二十一年薨優旨悼惜命慶郡王永璘往奠卹照例書例議卹賜祭葬如禮子諡

文僖公性樂易與人交無少長貴賤咸得其懽款語移日見者忘其為達官好汲引後進孜孜若不及多所成就應制諸作典

雅純正詞林中事有資討論者率以屬公焉

宗誠字中孚又字廉甫乾隆五十五年一甲三名進士賜及第授編修上書房行走歷官禮部工部侍郎工部尚書終兵部

尚書經筵講官賜紫禁城騎馬當乾嘉時嘗為雲南四川陝

甘鄉試主考官會試同考官文武會試總裁道光時屢充閱卷大臣門下士既多顯貴矣又以貴公子早取甲第與文僖公同

直禁廷海內推榮遇而公謙退自牧接同官後進皆自居敵以下姻友見者多避去不能敵其謙任學政禮賢愛士然遇弊

必發不稍受私謁歷官皆能舉其職道光八年回置戡定

宣宗皇帝御午門受俘兵部尚書以組縛逆會張格爾跪闕下

宣旨畢引交刑部尚書押赴西市誅之故事凡內地勦賊不

獻俘惟外夷獻俘故惟康熙雍正乾隆開舉行而嘉慶朝無之至是萬眾爭觀歡歡訖為盛事而宗誠實長兵部禮成以軍功

受賞公供職益久不懈任大司馬凡十有六年以道光十七年薨於位年七十有四賜祭葬如典例生平篤內行和而有執守居京師宅當冠蓋衝軒居皆過不語其嚴峻不苟若是而不有其名故人皆習其和而忘其介公之薨也詔稱其清勤端慎清慎勤人所知也若公之端則惟聖主知之矣子元榜官兵部郎中

國朝先正事略 卷二十一 名臣

宗誠字中孚又字廉甫乾隆五十五年一甲三名進士賜及第授編修上書房行走歷官禮部工部侍郎工部尚書終兵部

尚書經筵講官賜紫禁城騎馬當乾嘉時嘗為雲南四川陝甘鄉試主考官會試同考官文武會試總裁道光時屢充閱卷大臣門下士既多顯貴矣又以貴公子早取甲第與文僖公同直禁廷海內推榮遇而公謙退自牧接同官後進皆自居敵以下姻友見者多避去不能敵其謙任學政禮賢愛士然遇弊必發不稍受私謁歷官皆能舉其職道光八年回置戡定宣宗皇帝御午門受俘兵部尚書以組縛逆會張格爾跪闕下宣旨畢引交刑部尚書押赴西市誅之故事凡內地勦賊不獻俘惟外夷獻俘故惟康熙雍正乾隆開舉行而嘉慶朝無之至是萬眾爭觀歡歡訖為盛事而宗誠實長兵部禮成以軍功

平江李元度次青集

吳槐江宮保事略

公諱熊光字望崑別字槐江江蘇昭文人乾隆戊子舉順天鄉試出秦尚書承恩門秦公父翰林學士大士推公造笑曰師為假總督弟乃真總督即時秦公年二十四初授編修公年始十光聞者殊不謂然後秦公以尚書署直督而公歷兩湖直隸兩廣三督如學士言己丑壬辰兩舉中正榜授內閣中書乙未直軍機處尋擢侍讀遷刑部郎中甲辰授御史擢給事中父憂去服闋補原官嘉慶丙辰遷鴻臚少卿通政司參議故事科道司

國朝先正事略卷之二十一 洛臣

糾劾通參班則犬九卿皆退出軍機處公以明達勤慎當軸特保得雷直國初沿故明制票擬承宣皆由內閣至

惠廟許內外職掌官具摺奏事凡事有出入者皆奏定然後循例具題設軍機處於門下選三品以上鴻達親信者為軍機大臣小四品京堂以下至閣部屬之能者為章京每日寅刻奏事處相摺圍

奏官既否之各因廷寄班次非朝賀皆絕席會議大政皆主議實當古錄尚書事同平章之職其大學士在內閣者則承明發

成勦辦蘭州回匪者一獻聞浙重案者二督堵東河漫口者四

查閱海塘淮河者各一與文成同柄政者為故大學士伯和理

丁巳文成薨益橫溢無檢至於廷寄前行專署已銜姓天下稱

伯相從風盡靡以文成尤善公甚嘆之是年閏六月

純廟幸懷陽時苗匪未靖而教匪漸猖獗訓政憂勤或午夜

視事一日以宣軍機大臣不得命召章京唯公已上直入對

稱旨次及同直章京之戴文端公少頃伯相至

上曰軍機事日繁傳奏吳熊光皆練事可在軍機大臣上行走

以助若伯相謂公官纔五品不符體制

上命加三品卿銜又曰其家貧大臣例乘肩輿恐力不辦

國朝先正事略卷之二十一 洛臣

上命賞戶部銀千兩又曰戴衢亨出身狀頭官學士在軍機

日久與吳某同用吳不如用戴

上曰此豈殿試耶和珅語塞乃承旨然文端卒與公同加三

品銜拜命而班次仍居公下傳公任侍郎久日昨召見詰

問甚厲人共危之及上直乃知

聖意疑傅公識度或未勝大受審試而後發與一面之頃決機

授政者有聞矣公在政府六閱月和珅不便其所為出為直隸

布政使已未春

純廟升遐和珅敗公言和珅管理吏戶刑部步軍統領各衙門

日久多變舊章以營私大怒除狷吏仍可因緣為奸利亟宜

逐條更正

署廟可之授河南巡撫自丙辰兵興川陝楚豫之督撫皆駐邊界治戎務公在豫以防勦功賞戴花翎加敘軍功三級辛酉夏擢湖廣總督壬戌春餘孽蕩平晉太子少保既回省有以收受河陽知州秦素金兩淮匯費二事劾公者查驗無蹟事以白甲子夏調直隸乙丑

聖駕東巡奉天恭謁

三陵九月公接 駕夷齊廟 賞穿黃馬褂時文敏公百齡已由粵撫蒞楚督任而是日都察院有據廣東已革知縣許控文敏在粵婪索各款之奏兩廣總督那彥成與文敏互訐之奏亦

兩朝先王事略

卷三十一

名臣

三

至矣

止命侍郎托滿副公往抵楚訊得其問了婪索狀未定讞上復入粵撫孫玉庭言當那公以倡撫廉潔至二千餘人擅負阻難李崇玉餽頂天嚴旨速入都調公督兩廣以楚獄交托公公甫行而文鏡亦被逮公在北久粵中尤糊溼性不習漸作寒熱洋氣劇烈疾治事而 溫旨屢問病狀給優候公益不敢有他請廣原極厚喚咄咄與船十三艘泊香山難頭洋其會度路利以吳船三入黃埔并有三板船入省聲稱防禦唯嚙西意殊匪測故事外夷兵船或寄內洋俱調兵立時驅逐公念三年來督率鑾旌轉戰重洋中匪氛雖稍戢而師旒老故務為鎮靜唯飭

負回帆歸國傳諭大班停開船以絕其望而夷船遷延至十月始抵華嚴議奉職效力南河已已赴工所會文敏為後督有旨飭查夷船來去之由以公意備覆奏遂逮成伊犁抵成一載待旨召還卒未授武選司主事癸酉春乞病回籍其秋林逆變起

上思公議趙家為楚藩時柄政者為軍機舊屬恐公難為天下乃止道光戊子重宴鹿鳴加四品卿銜又六年癸巳二月卒於卒櫛第年八十有四公性樸直奏對必以誠能言人所不敢言其自老督調直隸也初入覲

止謂曰教匪淨盡天下自此太平矣公曰督撫率郡縣加意撫循提鎮率將弁加意訓練使百姓有恩所懷有威可畏太平庶不難若稍疏懈則伏戎於莽吳起所謂舟中皆敵國也可勝勝前未幾

做級級自關東 駐蹕東齊廟公與戴文端董文恭同 召見上曰此從有言道路喧嘩風聲驟無可觀者余則道路甚平治風景絕佳人言可盡信哉公越次對曰此非讀書人語也

皇長此從從面積

太祝

太宗創業艱難迹以為萬世子孫法豈宜問道路風景耶有

上目公曰。卿蘇州人。朕少。屢。蹕。過。蘇。州。風。景。誠。無。匹。矣。公。曰。皇。上。前。所。見。弱。綵。為。花。一。望。之。頃。耳。蘇。州。城。外。唯。虎。邱。稱。名。勝。實。則。一。墳。堆。之。大。者。城。中。街。皆。臨。河。河。道。仄。逼。糞。船。全。集。午。後。輒。臭。不。可。耐。何。足。言。風。景。

上曰。如若言。

皇。考。何。為。六。度。至。彼。耶。公。叩。頭。曰。臣。從。前。侍。

皇。上。講。

太。上。皇。帝。蒙。諭。曰。朕。臨。御。天。下。六。十。年。並。無。失。德。唯。六。次。南。巡。勞。民。傷。財。實。為。作。無。益。害。有。益。將。來。皇。帝。如。南。巡。而。汝。不。阻。止。汝。係。朕。特。簡。之。大。臣。必。無。以。對。朕。

國朝先正事略

卷二十一 名臣

五

位。聖。之。所。悔。言。猶。在。耳。

皇。上。宜。謹。佩。勿。讓。時。同。列。皆。為。橋。舌。文。端。出。以。語。人。且。曰。論。語。有。勿。欺。而。犯。史。記。言。引。太。體。慷。慨。吳。公。殆。近。之。矣。後。有。以。交。端。所。稱。池。質。公。者。公。笑。曰。墳。堆。糞。船。兩。節。乃。乾。隆。初。故。相。訥。公。奉。差。滙。浙。直。道。覆。奏。志。言。老。夫。重。過。之。耶。公。又。嘗。曰。刑。賞。者。聖。主。之。大。柄。而。其。柄。寄。於。封。圻。大。吏。以。有。司。援。案。比。例。求。免。駁。斥。之。術。處。之。外。矣。例。有。一。定。情。則。萬。端。故。遇。事。必。當。詳。細。審。情。以。施。刑。賞。賞。太。而。有。裨。於。吏。治。民。生。雖。不。符。例。賞。實。所。必。加。也。刑。一。人。而。有。益。於。世。道。人。心。雖。不。符。例。刑。所。必。及。也。即。不。得。請。必。再。三。力。爭。之。乃。為。不。負。若。憂。嫌。畏。譏。隨。波。逐。流。其。咎。蓋。非。

溺。職。已。也。是。可。以。概。公。生。平。矣。初。公。赴。楚。督。任。未。出。豫。境。遇。協。防。陝。西。兵。二。百。餘。人。以。缺。餉。兩。月。逃。回。本。營。而。陝。營。公。牒。亦。至。公。命。集。訊。或。言。是。皆。當。死。法。公。仁。人。且。已。非。豫。撫。可。弗。理。公。曰。察。其。情。形。苦。累。缺。餉。必。矣。協。防。非。臨。陣。回。木。營。非。避。匿。山。海。豈。可。同。論。哉。遂。杖。首。謀。者。二。人。悉。分。撥。豫。邊。防。堵。諸。鎮。將。給。子。口。糧。既。入。楚。有。鄉。勇。糾。搶。民。寨。被。寨。民。縛。送。三。十。餘。人。公。即。曰。受。詞。駢。梟。之。移。學。甫。下。車。李。崇。玉。懸。首。菜。市。之。信。將。已。至。那。公。罪。且。不。測。而。東。莞。縣。報。鄭。流。唐。率。眾。投。誠。當。事。莫。知。所。措。公。審。其。悔。罪。情。實。不。可。殺。降。以。為。功。媿。奏。請。仍。遵。前。旨。免。死。安。插。被。脅。者。得。遞。原。籍。均。駐。鄧。也。詔。言。賊。將。大。至。一。夕。揭。帖。遍。衢。巷。而。

國朝先正事略

卷二十一 名臣

六

州。民。復。告。密。有。村。庄。有。期。會。公。杖。而。逐。之。軍。吏。請。增。防。公。不。為。動。嗣。得。賊。開。訊。之。皆。開。所。為。也。乃。大。服。其。駐。盧。氏。也。當。燈。籠。川。賊。各。萬。數。入。南。山。迫。盧。氏。公。命。太。張。煜。賀。節。賊。遂。遠。去。其。張。強。得。宜。有。定。議。多。類。此。所。著。有。伊。江。別。錄。春。明。補。錄。葑。溪。雜。錄。皆。紀。厥。見。聞。滿。漢。諸。大。老。言。行。足。以。維。繫。國。脈。民。命。多。後。進。所。未。聞。云。

歸服闋補主事

高宗知其直更擢為御史命直軍機處時和珅為軍機大臣與阿文成等不和公上疏曰臣伏觀我朝設立軍機處向來大臣與其職者入皆萃止其中用以集思廣益仰贊高深地一則勢無所分居同則情可共見即屬察白事署稿亦得有定所法至善也乃近日惟大學士阿桂一人每日入止軍機處大學士和珅或入止於內右門內舊直處或入止於隆宗門外近造辦之廬大學士王杰尙書董誥則入止於南書房尙書福長安則止於造辦處每日僅召見時聯行而入退即各還所處雖亦有時暫至軍機處而事過輒起屬官白事署稿未免趨走

歸服闋補主事

七

歸服闋補主事 高宗知其直更擢為御史命直軍機處時和珅為軍機大臣與阿文成等不和公上疏曰臣伏觀我朝設立軍機處向來大臣與其職者入皆萃止其中用以集思廣益仰贊高深地一則勢無所分居同則情可共見即屬察白事署稿亦得有定所法至善也乃近日惟大學士阿桂一人每日入止軍機處大學士和珅或入止於內右門內舊直處或入止於隆宗門外近造辦之廬大學士王杰尙書董誥則入止於南書房尙書福長安則止於造辦處每日僅召見時聯行而入退即各還所處雖亦有時暫至軍機處而事過輒起屬官白事署稿未免趨走

歸服闋補主事

高宗知其直更擢為御史命直軍機處時和珅為軍機大臣與阿文成等不和公上疏曰臣伏觀我朝設立軍機處向來大臣與其職者入皆萃止其中用以集思廣益仰贊高深地一則勢無所分居同則情可共見即屬察白事署稿亦得有定所法至善也乃近日惟大學士阿桂一人每日入止軍機處大學士和珅或入止於內右門內舊直處或入止於隆宗門外近造辦之廬大學士王杰尙書董誥則入止於南書房尙書福長安則止於造辦處每日僅召見時聯行而入退即各還所處雖亦有時暫至軍機處而事過輒起屬官白事署稿未免趨走

歸服闋補主事

八

歸服闋補主事 高宗知其直更擢為御史命直軍機處時和珅為軍機大臣與阿文成等不和公上疏曰臣伏觀我朝設立軍機處向來大臣與其職者入皆萃止其中用以集思廣益仰贊高深地一則勢無所分居同則情可共見即屬察白事署稿亦得有定所法至善也乃近日惟大學士阿桂一人每日入止軍機處大學士和珅或入止於內右門內舊直處或入止於隆宗門外近造辦之廬大學士王杰尙書董誥則入止於南書房尙書福長安則止於造辦處每日僅召見時聯行而入退即各還所處雖亦有時暫至軍機處而事過輒起屬官白事署稿未免趨走

從前高雲從者雖立正刑辟而所絀已多杜漸宜早至南書房原備幾暇顧問俟軍機事畢後入直未遲何必遽入於未辨色之先致諸弗便若隆宗門外直廬及造辦處則應差人眾皆得覘聽於外大臣於中辦事亦屬過褻敢請 敕飭諸大臣仍照舊規同止軍機處庶匪懈之忱各申五夜協恭之雅共勵一堂至圓明園辦事亦同一體近日和珅福長安止於如意門外直廬王杰董誥止於南書房並請 敕改正疏入上慰其言降 詔飭責由是有稽查軍機處之 命竟日危坐其間和珅益嗾公而

高宗知其賢不可謂則凡軍機勞苦事多委之家貧衣裘薄嘗國朝先正事略卷二十一 名臣 九

夜入暮出積勞感疾以殞方和珅之秉政也士有恥趨其門下者已可貴矣若夫立論侃然能訟言其失於章奏者公一人而已然幸天子仁明網猶在和珅雖甚怨惡公不能逐之使去第勞辱之而已仁宗既親政除憲掃姦屢進疇昔不為利誘之士而公已前卒不獲稍畱其身以待公論大明之日俾天下得益親真儒之效豈不惜哉公督學湖南嚴厲不少假借卷必親閱每試士正襟坐聽事日炯炯終日不倦凡字畫破體省俗必誦責之然勤於訓士六年中未嘗穢一諸生士之服其教者歷數十年如一日

雖非身受拔植者亦謳頌弗衰也在湖南時歲大旱陸撫軍燿以禱雨得熟疾卒代者至值生日將稱觴聞者請餽公曰前經撫方以死勤事今遽舉觴稱慶耶命餽燿二挺藕數斤巡撫懼而止公眉稜聳峭朝列皆畏憚之其實虛懷樂善出於至誠詩文蒼鬱勁厚得古意書法迥平原嘗與酣畫馬識者珍之如拱璧云同時以伉直忤和珅者有御史曹君錫寶謝君振定博山縣知縣武君億

曹君字鴻書號劬亭晚號容圃江蘇上海人也乾隆辛酉舉人考授內閣中書直軍機處丁巳舉進士選庶吉士憂歸十年散館改刑部主事遷員外郎典河南鄉試擢郎中分校會試督山國朝先正事略卷二十一 名臣 十

西學政乙未授山東糧道坐旗丁鬪毆事聖衷議改部員在四庫館行走議敘以司業用 特旨授陝西道御史疏劾和珅家人劉全衣服車馬房屋踰制先有某卿竊知其事飛書告和乃星夜毀其跡和答某書曰必有以厚報於是聞京王大臣奉旨勘查僭妄蹤跡竟不可得而君危甚馳赴熱河待詢時和珅已十餘年中外無一人敢投鼠者聞此舉皆咋舌一二有心人仰屋竊嘆而已亦未敢訟言君賢皆曰曹君禍且不測然高宗竟不以罪君也部議鑄三秩 特旨改革職畱任逾年轉掌陝西道巡視北城分校順天試壬子九月卒年七十有四越七年

仁宗親政六日。和珅下獄。尋賜死。某卿。游。擢。總。憲。矣。即日罷斥。

上於是追念曲突徙薪之功。惟君一人耳。乃下詔曰。當和珅

勢燄薰灼時。舉朝無一人敢糾劾者。前御史曹錫寶。獨能抗辭

執奏。不愧諍臣之職。今和珅治罪後。查抄劉全家產。竟至二十

餘萬之多。是錫寶所劾不虛。宜加優獎。以旌直言。可追贈副都

御史。照加贈官階。廕其子。於是天下士聞之。莫不吞聲心折。呼

聖明。萬歲。嘆天道久而必彰也。二十一年。入祀鄉賢祠。

謝君振定。字一之。號蕪泉。湖南湘鄉人。負經世才。尚氣節。能為

古文。乾隆庚子進士。由編修改御史。戊申。典江南鄉試。巡視南

國朝先正事略 卷二十一 名臣 十一

漕。入瓜儀糧。艘阻風。禱於神。得濟。疏建風神廟。嗣是渡江風輒

順。京口人呼謝公風。嘉慶元年。巡視東城。有乘違制車。彪彪然

絕道而馳者。擒訊之。則和珅妾弟也。其人怙勢橫甚。君痛杖之

焚其車。於通衢。事聞有詔。令指實。則車已焚。無左驗。竟坐罷

官。自此直聲震天下。四年。和珅敗。特旨以主事起用。應詔

陳言。即係上時務數事。議論嶽嶽不苟。同尋遷禮部員外郎。典

陝西鄉試。出視通州坐糧廳。勇於任事。革陋規。釐剔叢弊。勞瘁

卒。官嘗嘖古學衰。歌見儕輩中有能古文者。輒手寫之。思欲網

羅當代文章。都為一集。未就。所自著曰知恥堂集。

武君億。字虛谷。河南偃師人。父紹周。雍正癸卯進士官郎中。君

舉乾隆四十五年進士。五十七年。授山東博山知縣。會和珅兼

步軍統領。聞妄人言反賊王倫實未死。密遣番役四出蹤跡之

於是副頭目杜成德曹君錫等。攜徒眾持兵刃。橫行數州。縣莫

敢誰何。入博山境。方飲博酣。恣君聞。即捕之。成德尤倔強。出牌

擲之。堂。瞋目厲聲曰。吾曹奉提督府牌。緝要犯。汝何官也。不肯

跪。君詰曰。牌令汝所在。報有司。協緝。汝來三日。不吾謁。何也。且

牌役二人。此外十一人。為誰。即擒而杖之。民皆為快。而大吏大

駭。即以杖提督。差役劾奏。副奏投和珅。而番役例不當出京城

和珅晒曰。是暴吾差役之不謹。而陰為強項令地也。還其奏。使

易。於是任性行杖。劾奪君官。博山民老弱數千人。謁大府乞

國朝先正事略 卷二十一 名臣 十一

匪我好官。大府察其情。悔之曰。必還汝。知縣姑散歸。無譁。乃挈

君隨入覲。將為謀。捐復。阿文成公在朝堂。昌言其屈。而和珅實

總吏部駁之。事遂寢。然和珅自是亦不使番役再出矣。

仁宗皇帝在藩邸。聞君名。及親政。置和珅於理。詔各舉所知

大臣。交薦君。敕吏部調取。引見時。嘉慶四年十一月二十九

日。旨也。而君先一月卒矣。君任博山及去官。才七月。而多惠

政。勸民節儉。勸范泉書院。親課士。訓以敦倫實學。革煤炭供餽

里馬草豆。絕不以累民。邑有孝子節婦。必先榜其門。乃具狀請

旌。附郭佛寺多女尼。除老弱廢疾外。悉遣嫁之。決辭無留獄。禱

雨。立沛有干。以賄金二千者。曰。汝不聞雷聲乎。某矢禱久矣。既

罷官累主郡邑書院所至以學行造士所著有經讀考異羣經
義證三禮義證金石跋授堂劄記偃師金石遺文補錄讀史金
石集目錄譜授經堂詩文集凡數百卷卒年五十有五君深於
經史七經注疏三史及通鑑皆能闡誦酷嗜金石文字性善哭
館朱學士筠家值除夕學士曰客中度歲何以破岑寂曰但求
醉飽而已乃餽餽肩二雞一鷺一蒙古酒一斗他物稱是皆盡
之間復何求對曰哭乃失聲大慟比鄰驚問學士則大笑陽湖
洪稚存黃仲則客輩下貧不能歸偕飲天橋酒樓遇君招之入
酒半忽左右顧哭聲大作樓中客皆駭散去其振奇類此

國朝先正事略

卷二十一 名臣

三

百文敏公事略

嘉慶二十一年十月兩江總督百公以疾聞

上命乾清門侍衛率尙醫馳傳問視至日公薨

天子輓遺疏垂淚悼惜賞還協辦大學士遣侍郎博啟圖偕

公弟學士桂齡往治喪靈輓入城遣皇子卽家賜奠禮臣議

優卹予祭葬諡文敏公之才猷事功見於寵翰褒答者一

則曰國家柱石當代名臣一則曰鍾上蘭之秀氣生申甫之良

才煌煌乎彰信國史榮矣備矣伊古儒臣所罕觀也公諱百

齡字子頤號菊溪姓張氏居遼東先世從龍入關隸正黃旗漢

軍父法良乾隆甲子舉人官陳州知府公生時大父夢偉丈夫

持權衡入室覺而公生喜曰此子必大吾門幼穎異長益奮於

學乾隆壬辰成進士選庶吉士授編修充四庫館提調丁酉分

校順天試甫出閣簡授山西學政還朝改御史丁父憂壬子

補原官擢奉天府丞兼學政名不與開列而膺是命公之承

異數自此始尋丁母憂嘉慶三年再補奉天丞己未調順天兼

署府尹庚申授湖南按察使辛酉調浙江遷貴州布政使壬戌

調雲南癸亥擢廣西巡撫以平反武緣民枉死獄

上嘉異之加太子少保賜孔雀翎調廣東巡撫緝獲洋盜四

百餘名公撫粵多惠政而嚴禁班館重懲蠹役一節尤得民心

及去任士民遮道留肩輿不得發至夜乘馬乃出城甲子擢湖

廣總督楚多劇盜。公下令悉力擒捕。行以便宜。江湖千里如枕。席茲楚三月。以撫粵時失察家人。事落職。按驗議遣戍伊犁。上悉察而原之。命來京効力史館。丙寅。命馳赴福建。總理軍糧事竣。賞六品頂戴。補汀漳龍道。丁卯。遷江蘇按察使。擢山東布政使。山東巡撫。再擢兩廣總督。自是。上知公益深。信公益篤。而倚畀亦日益殷矣。粵洋久不靖。巨寇張保挾眾數萬。勢甚張。公至。奏撤沿海商船。嚴禁消賊。濟水諸弊。籌餉餉練水師。懲貪去懦。每一檄下。耳目震新。又巡附周嚴。遇盜輒擊之。沈海羣魁。奪氣始有投誠意。然懼誅未敢遽進。揚言必制府親臨。望見顏色。乃降。哀甲頓舟。以待實藉。為嘗試地。

國朝先正事略 卷二十一 名臣 五

或謂公不宜以貴重身蹈不測。公曰。粵人苦盜久矣。今乞降。若不坦懷待之。海氛何由息。遂單舸出虎門。從者十數人。保率巨艦數百。轟礮如雷。煙蔽蔽天。日環公船。作跪逐狀。公危坐舟中。屹然不為動。麾左右呼保。駛近前。曉以利害。見者雖肝膽落。詎為天人。皆面縛。句命公立。撫其眾。許奏乞貸死。旬日。聞解散。二萬餘人。繳船四百餘艘。礮械無算。復令保招降烏石。二以計誘至雷州。斬之。並斬為從者百餘人。釋其餘黨。全海肅清。上愈嘉異之。復太子少保。賜雙眼孔雀翎。賞輕車都尉。公疏請添設水師提督。駐虎門。從之。辛未。以疾告回京。補刑部尚書。

上以部事繁改左都御史兼都統。未而月。河決王家營。授兩江總督。命一力治河。公之官京師也。壯歲有子。不育。屢荷。垂廬是年九月。

仁宗萬壽之辰。召見樞臣。面奏公得子。

上喜甚。下詔曰。百齡年逾六旬。望子甚切。連年任事。有禱封。置故得上蒙。

天祐老年生子。朕甚為欣悅。可賜名扎拉芬。公奏謝。手詔優答。有天賜麟兒語。雖父子家人之誼。不是過也。王申大工合龍。

履荷殊獎。受賞賚。並以漕艘渡黃。遺速。賞公子六品。蔭生。癸酉。拜協辦大學士。管兩江總督。公之治河也。首治積年未。

國朝先正事略 卷二十一 名臣 五
疏之海口。海口大暢。乃求效於河。太要以謹守東清。壩為第一。義。撓令者必重創之。盡瘁河干者五年。黃流迄無倒灌。慮即盛。漲亦速消。恬闡偉功。至今老兵猶言之。位下甲戌。御史吳雲馬。履泰。劾公任用朱爾。廣額貪黷。侵欺。所舉。效多失當。

上命松筠初彭齡往按驗。松公等奏所劾無實據。

上曰。百齡實屬有為之臣。朕非虛言所能搖惑之。主公聞之。仰。

天搏。頌。嗚咽。不能起立。烏。庫公之志。良苦。然明良一德之雅。可。

謂盛矣。明年。初公署江蘇巡撫。劾公會受。監場。餽遺二萬。詔。

大學士托津。尙書景安。往勘。白其誣。

上責初公安奏。命嚴議公。尋坐。勘獄失入。奪官銜。及協辦大。

學士暫置江督任江省有秀民散逆詞惑眾偵刺久無蹤公憂甚

上亦切責公乙亥夏一日召機幹將吏三數人入密室給契箭一枝令曰某已廉得逆犯主名可速往某處掩捕稽緩一時者斬疏脫一人者斬如公教果獲方榮升等首從百五十人於巢縣械送駿門謝實抵極法無漏網者

上重嘉異之謂實能秉正祛邪厥功甚懋復太子少保賞還雙眼花翎晉爵三等男公子晉五品廕生旋兼署安徽巡撫時御史石承藻劾襄陽知府王樹勳係京城廣慧寺僧明心因犯禁遞解回籍諱罪混捐得旨逮訊諭詢公會與明心議面

國朝先正事略卷二十一 名臣 七

在湖北復令王樹勳占休咎是否知其即係一人公奏止知樹勳為候補同知不意其即係明心

上以事隔十餘年未必即能辨議命免議九月以病請歸上深憐而勉慰之以松公往代其事仍命公在江省調理瘵瘳仍回任迨賜醫至公自度不起口授遺疏逾時薨年六十有九軍民巷哭不絕公少負文名復研貫史籍經濟閎深名益起時當軸頗欲延攬英賢以峻聲望公挺勁自異不屑隨人俯仰致浮沉冷局十餘年嘉慶初始啟歷重鎮動望煒然賞輕車都尉時尙未有子吳學士稟寄詩云天子知從無事日耶君貴在未生時公見之甚喜所自為詩曰守意齋集

孫奇圃相國事略蔣攸紱

公姓孫名玉庭字奇圃山東濟甯州人乾隆四十年進士由編修出為監司洊擢臬藩巡撫大邦遷兩江總督拜協辦大學士晉體仁閣大學士任總督如故道光四年河決高家堰被議除名公以廉介結主知恪事

三朝歷敷中外五十餘年清操碩德為天下望生平嚴重識大體鋤剔姦蠹撫綏遠人不邀旦夕不可必之功銷患未萌天下陰受其賜焉粵東負山襟海重洋出沒孕納汚垢其人嗜利輕生椎蕘剽劫睚眦鬪讐號難治嘉慶間洋盜充斥舟師無功公之為巡撫也奏稱自古但有海防未聞海戰惟當嚴守口岍泝

國朝先正事略卷二十一 名臣 八

駐弁兵禁淡水米糧以絕之而以米艘數十艘居中策應使賊進無所掠退無所資為不擊自斃之策而督臣銳意主剿其言不行久之師老盜勢遂議招撫誘以賞賚百姓有為民不如為盜之語公抗疏力陳其弊謂盜匪非真悔罪特為貪利而來官吏意在貪功不惜重金為市然罪貴姦萌陽避盜名陰攫盜賈及有司鉤捕則踴躍駛海而去科其劫殺之罪極刑不足蔽辜今則以賞為刑以招為弭廢法飲怨莫此為尤夫勦撫兼行之計莫如堅壁清野斷接濟以絕其糧嚴口岍以防其突以主制客以逸待勞批亢搗虛馴致消耗如是則海道漸臻晏謐矣奏人

睿廟避之公精於治盜購謀鉤篡無不立獲嘗誅盜百七十有奇其楊阿鹽鄭阿訂關念棕各大盜並弋致之真諸法李崇王者陸豐甲子盜魁也爪牙森鈺勢張甚長吏畏其潰癘朋縮不敢問公嘗讞獄潮州密飭某鎮以舟師塞甲子港口截其入海之路別遣官率壯丁由陸路疾馳擒之部勒甫定碣石鎮李漢升適至堅請與俱公不欲其行且云爾去必債事而勢不能禁距賊巢里許李鎮兵伍突鳴排鎗崇玉方飯大驚跳而逸比圍其廬僅獲賊之父母兄嫂子姪而已公據實入告有旨逮漢升人皆服公先見潮州俗獷悍毛髮之際輒刺刃其同姓者黨而報警於是糾宗而鬪曰械鬪習為常鄭馬兩姓鬪互殺百六

國朝先正事略 卷二十一 名臣 无

十餘人有孫映輝者前山東金鄉令也嘗已革生員林哲斃其姓二十三人林亦斃孫姓滅其二獄積五年不決公往鞠之梟馬姓二十餘人而奏褫映輝職餘按律抵罪遠近肅然國家恬言中外懷柔百族其最遠者為暎咭喇近者為安南暎咭喇在俄羅斯之東大西洋之北距中國數萬里乾隆閒航海入貢安南在廣西太平府南自漢迄明始隸版圖繼淪異域然顯封修貢恪服素著自阮光平滅黎氏而有其國傳至光緒阮福映滅光緒而奪之嘉慶七年福映奉表稱本黎氏舊臣為祖父復誓不敢無故稱兵且俘光緒所匿內地海盜莫觀扶等數十人械歸廣東而以光緒所受敕印獻諸

天朝額請錫封時公巡撫廣西察其恭順以為國家於外夷不以其國之順逆為衡而以其順逆於我者為準奏請納款得旨允行明年福映請以南越名其國公以名嫌趙佗不祥駁之睿廟謂福映恃功邀請心存叵測有海道邊關密飭防備之論而福映自以世居越裳申請至再固不知南越之為嫌也公以謂嫌名不可蹈而邊隙不可開國體不可不尊而遠人不可不輯遂奏福映初得富春即遣使航海輸誠既有安南復遣使啟關請命懷畏德威足徵恭順使其不恭奚需名號不可以語言文字之末阻外夷歸化之心且百越之南本為夷域彼先有越裳繼有安南請錫號越南於肇錫嘉名之中仍其舊域故

國朝先正事略 卷二十一 名臣 无

止之義奏入得旨俞允嘉慶二十年暎咭喇入貢其使不能行三跪九叩首禮廷議以其峒強遣之睿廟不憚公適述職京師召見垂問以公嘗撫粵悉夷情也公面奏乾隆五十八年暎夷貢方物使至京已不能效中國禮拜之儀其大班曰呵嚕嚕嘗於廣東巡撫署拜領大皇帝賞物躬身俯伏臣親見之譯者曰俯伏者夷禮之免冠頓首也今貢使即呵嚕嚕未有謹於彼而驕於此者上問其國富強有諸公奏其富由中國彼以所有易茶葉轉鬻於附近諸夷故富耳然一日無茶則病禁之則彼窮且蹙又安能強如其妄有干求當折以天朝之法度如其歸心恪順不

必責以中國之儀文。反覆開陳。漏下四刻。

睿廟大悅。優旨褒之。當兩國之求封入貢也。廟堂疑慮不

釋封疆大吏。稍有迎搆倖功之心。邊釁兵端。且立起。公未發而

預籌其收。不敢鹵莽。試領之以靜待之。以誠全。國體而綏荒

服其計慮深。長利豈厯在一時已哉。道光初元。樞臣議條州縣

陋規。算及舟車。公謂非體力。陳其不可。

上立悟而止。優旨褒嘉。許為大臣。其疏藁尤膾炙人口。云公

以乾隆甲午舉於鄉。至道光十四年。甲子一。周而公罷退。里居

十年矣。撫臣以重宴鹿鳴入告。諭旨賞四品服。是年冬十月

薨。春秋八十有三。道光二十四年。孫毓淮以一甲一名進士

國朝先正事略 卷二十一 名臣 三

賜及第。官至按察使。世咸謂碩德之報。同時有蔣襄平。相國者

後公九年。成進士。亦由大學士出。為兩江總督。與公齊名。

蔣公名攸銛。字穎芳。號礪堂。遼東襄平人。隸漢軍旗籍。父韶年

官知州。生母徐氏。禱於蘇郡五隴山。生公於江蘇布政司理問

署中。幼穎特。年十三。為諸生。十八。舉順天鄉試。出翁覃谿學士

門。劉文清公見其闈中試律詩。擊節稱賞。曰。此子當為太平宰

相。十九。成進士。選庶吉士。時乾隆四十九年甲辰也。五十二年

以編修充福建副考官。逾年。丁外艱。五十七年。典貴州鄉試。明

年。分校會試。又明年。典陝西鄉試。六十年。典河南鄉試。嘉慶元

聚眾為亂。公往治。激勵士民。擒首惡。誅之。餘黨解散。逾年。丁生

母憂。十年。署惠潮嘉道。明年。擢江西按察使。又明年。擢雲南布

政使。十四年。擢江蘇巡撫。調浙江。明年入覲。預。重華宮茶宴。

是年冬。調河督。公以不諳河務辭。詔回浙江任。十六年。擢兩

廣總督。入覲。賜戴花翎。時。曠。咭。喇。有護。貨。兵。船。擅。入。內。洋。不

敢。驅。逐。公。飭。停。貿易。以懲之。夷計。細。乃。遵。約。如。舊。制。二十二年

調四川總督。川兵習尚驕縱。公壹裁。以法犯者必懲。習遂革。乃

重修文翁石室。遺址興學舍。以造士。成就者多。二十四年。公帶

領川中土司大頭目十四人入都。恭祝。萬壽。召見十一。次

親酌酒。賜之。賞賚有加。禮。道光二年。內召為刑部尚書

國朝先正事略 卷二十一 名臣 三

賜紫禁城騎馬。三年。授直隸總督。四年。拜協辦大學士。明年。公

壽六十。賜御書宣勤篤祐額。暨福壽字。如意冠服。文錦諸珍

六年。典會試。晉女淵閣大學士。加太子太傅。八年。授兩江總督

公自備。選。至。入。閣。皆。亨。衢。特。進。歷。中。外。所。至。有。聲。積。十年。坐。鹽

臬事。左。遷。侍。郎。召。入。都。薨。於。旅。次。

帝深悼惜焉。性聰強。書牘皆過目。不忘。熟於左氏傳。卿大夫氏

族源流。分合能條舉。無譌。與人一面。或會接一言。隔數十年。記

憶不爽。僚吏驚以為神。其為政明而不苛。清而不刻。飭武備。情

吏源尤壹。意以培植賢才。扶持善類。為念。所薦達者。多任封圻

則徐其尤著者也著有繩柵齋詩集子蔚遠官至貴州巡撫

國朝先正事略

卷二十一 名臣

重

戴文端公事略

戴公衡亨字荷之一字蓮士會祖某由江都遷江西之大庾遂為大庾人父第元由編修官太僕少卿公年十七舉本省鄉試尋應天津召試暖內閣中書入直軍機處乾隆四十三年以一甲一名進士授修撰時年二十有四明年典湖北鄉試有旨仍直軍機處秋擢扈蹕獲應以獻御製詩美之并命和韻四十九年充江南副考官督山西學政繼丁內外艱服闋典試湖南督廣東學政累遷中允侍講左庶子侍讀學士嘉慶元年

仁宗皇帝嗣位凡大典禮諸巨製悉出公一人公之受深知膺國朝先正事略卷二十一 名臣 誥

殊眷蓋於是始二年賜三品卿銜隨軍機大臣學習轉少詹事遷內閣學士補禮部右侍郎轉戶部四年

高宗純皇帝賓天朝廷黜陟誅賞之事甚殷公夙夜攀慕趨事益勤遂疾乞假假滿兼吏部左侍郎賜紫禁城騎馬五年

調戶部充經筵講官六年教習庶吉士晉兵部尚書兼管順天府尹十二月川楚教匪平加太子少保世襲雲騎尉八年調工

部尚書十年調戶部總裁會試入直南書房十二年協辦大學士充口講起居注官掌院學士典順天鄉試十三年奉命視

南河丁假省墓并命視公叔均元病狀十四年

仁宗 旬萬壽加太子少師十五年授體仁閣大學士管理工

部。御製詩。賜之。有鳳閣隨雙彥。龍頭冠眾英之句。十六年三月。

上以綬懷西北屬國。幸五臺。公扈從。回。蹕。公途次得疾。至正定。疾甚。命先歸。馳至圓明園。賜第。遂不起。年五十有七。事聞。

上軫悼。榮郡王綿憶奉。命奠醊。賞陀羅經被。及庫金千五百兩治喪。越五日。

上親臨喪次。奠爵三。贈太子太師。詔入祀京師賢良祠。禮部遵行。諭祭禮。內閣以易名請。賜諡曰文端。國初承前。

明舊制。機務出納。由內閣。軍事下議。政王大臣。雍正初。西北陞國朝先正事略卷二十一名臣

用兵始設軍機處。特簡重臣親為軍機大臣。於是內閣之任。轉輕。故本朝軍機大臣其重。與魏晉六朝唐初之中書令五代之樞密院等。必大學士兼領軍機。乃可謂之當國。其專直嚴。閣者。雖膺大拜。閒要固絕。殊焉。惟公由大魁秉政。前後直樞。廷三十年。其麻謫之謨。鴻議之論。敷陳密勿者。不可以一事計。迨。教匪戡定。

仁宗皇帝以公知無不言。言無不盡。詔示天下。及公薨。復申。釋之。而公所造膝。襄贊。雖同。直勳。舊大僚及公之親屬。無有能。知其說者。用是知公以樞輔勳相。國家非淺近所能測識也。公性清通。無聲色之好。朝退。四坐皆士大夫。言人人殊。公不置。

可否而朝廷設施有見之數月數歲之後者其燕門之論則

以為先代黨禍皆驟加摧落有激而成若以事漸去之必無他

變論度支主減費守常賦論治河主謹隄防不改道而論三省

教匪則以為小醜跳梁無遠略當以忠勇將帥驅殄之勿使文

臣支格其間此即公立朝大指也公屢與文衡讀殿試卷者二

閱大考卷者二閱庶常散館卷者一皆矢慎矢公御史花杰嘗

劾公徇庇蘆商查有圻及讀卷舞弊引洪瑩得大魁狀公具疏

辯詔以長蘆商欠一事係由鹽政綜覈查有圻係宦家與戴

衢亨向有世誼並非不可聯姻之人至洪瑩原卷已查取進呈

并召瑩入上書房默寫試策命皇太子監視朕親加披閱並無

國朝先正事略卷二十一名臣

不符且瑩係朕親拔第一非由讀卷官所擬花杰任意污讎應

嚴加議處並將瑩原卷及默寫卷發交閱看以服其心杰尋自

承冒昧而

金蘭畦尙書事略

本朝刑部尙書用人最慎部中司官明慎者方總辦秋審其尙書多取歷總辦並踐中外習故事者擢之而英山金公特以能稱職爲

上所倚公性精敏自爲總辦時一部之事必關公及爲尙書益自力無所阿徇而天下讞獄者方承

列祖覆育之後以寬厚爲福多稍稍減罪狀上之公以爲不可懲千里推鞠苟引律當毋更議其直下刑部及法司會議者公必持律不得減比於是部中多以公爲嚴於用法然歲斷獄大小以千百計自同官至羣執事無有能執公所具改從輕比者

國朝先正事略 卷二十一 名臣 毛

烏岸可以觀公矣公名光梯字汝恭號蘭畦世爲安徽英山人由舉人取內閣中書乾隆四十五年進士官宗人府主事遷刑部員外郎再遷郎中五十三年俸滿截取知府仍留刑部明年京察一等記名復經刑部奏畱又明年刑部奏請以四五品京堂用允之嘉慶六年授光祿少卿因值覈辦秋審諸獄仍留刑部尋遷內閣侍讀學士山東按察使十年晉布政使逾年授刑部左侍郎先後命往山東魚臺直隸天津及承德府平泉州等處勘獄均稱旨十一年冬授江西巡撫奏江西積案繁多已設局清釐報聞尋擢刑部尙書賜紫禁城騎馬舊例監守自盜限內完贖者減等乾隆二十六年改重不減等公主寮

奏復舊例後阿克蘇錢局章京盜官錢計贖五百兩以上主者引平人竊盜律當章京絞情實公曰盜官錢當擬斬監追不決救情實則決矣不得引竊盜律奏平之

仁宗覽奏曰官盜較私盜反薄耶公免冠謝曰與其有聚斂之臣甯有盜臣律意如是也烏岸此可以觀公矣公爲按察布政巡撫皆如在刑部核名實別功過釐市井飭軍伍多以一人智斷行之蓋公仕宦數十年計必達乎至微力必推乎至巨持成格以繩崎嶇數變之情援古義以削一切浮沈苟安之習自謂卑獨此心可奉聖主故嶄然有以自見如此性好士聞之如恐不見既見如恐不得當嘗一爲江西副考官廣東正考官兩

國朝先正事略 卷二十一 名臣 毛

爲會試同考官得士爲盛多才望大僚而公言門下士必首及故編修張惠言天下士皆以爲然公疾惡甚不能忍少時遊江南總督幕府有華士負重名公語總督絕之曰名教外人不可使汚階前地也在江西有兵官素瀾浪而無跡可劾求見公公切齒投其刺於地終公在任不見烏岸此可以觀公矣公薨於嘉慶十七年十二月年六十有六詔稱公練習法律治事精勤下所司議卹賜祭葬如例同朝有戴簡恪公者年輩略後於公亦由刑部屬官洊歷大司寇最有名簡恪公姓戴氏名敦元字金溪浙江開化人也年十五舉於鄉乾隆五十五年成進士越三年殿試選庶吉士改刑部主事總

辦秋審處。將擢郎中。出為肇高廉道。道光壬午。由江西按察。遷山西布政使。踰年。署湖南巡撫。內召刑部侍郎。擢刑部尚書。王辰。充會試副考官。甲午十一月薨於位。年六十有七。贈太子太保。子謚簡恪。其能舉其職。與金公同。而其性情志趣。絕不相類。蓋一則苦心致力以求之一。則過目不遺一字。物來順應。吏自不能毫髮欺。而其克持情法之平。則一也。公姿稟殊絕。幼嘗過外家堂。中有書八架。一月盡讀之。年十歲。郡縣以神童舉。試學使彭文勤公賞異之。得名最早。其一生綽然得自行其志者。亦名有以先之也。目短視。觀書以紙磨鼻。一磨則竟一紙。遇案牘如讀書。一日所見必盡。而後已。既盡則終身不忘。每至一

國朝先正事略 卷二十一 名臣 美

官所積牘。覽一過。他日吏偶誤。或上下其手。為姦利公。輒拋而正之。老吏皆吐舌無敢欺者。每奏對。上有所咨詢。公援引律例。誦故牘。汨汨千萬言。上亦絕重之。生平簡而寡營。凡人事居處。若時當適來而適應之。皆非所必為者。而居不厭職。行無異趨。有諾必踐。蓋其恪也。公之赴任高廉也。以地方情形非素習。寓蘇州之南濠。凡數月。地本大都會。粵人買遷者。往來如織。公密訪其風土人情。甚悉。故事之官。有程限。或以踰限為疑。公笑曰。得失有定分。何汲汲為。在江西。幕無賓客。延屬吏之請刑名者。以自助。不數月。積牘四千餘。獄某縣令素與公習。以獲盜當遷秩。令甲獲死囚三

名以上者。許送部不及。則否。公定讞。擬辟不及三人。令忒然失望。公婉諭之曰。君子愛人以德。戕人命。遷己官。非福也。是乃所以愛君耳。自江西遷。擢入覲。途中日以麪餅六枚供饗。餒不解衣。不下車。五更起。驅之行。凡上官過境。州縣例設供億。具迎送禮。公獨行數千里。而輿夫能人莫知其為新任。藩使者抵京師。始喚僕使令客至。屏僕戶外。煮茶澆酒。輒躬為之。山西藩署有陋例。曰釐頭銀。上下皆取資焉。公曰。官有養廉。僕御官所。豈也何贏餘之有。遂革之。復居京師。同僚非公不得見。所治獄無縱無濫。泣部事畢。歸坐一室。家人為設食。飲暮則置燭對書。坐倦而寢。否則坐暗中。倦亦寢。雖飢甚不自言也。假歸武林時

國朝先正事略 卷二十一 名臣 手

大府謙之。用著履。往終飲。羣官擁送。鼓吹啟戟門。呼公與馬。公笑索繖。自執之。揚揚出門。去其任。天而動多類。此公餘手一編。然罕為詩文。最喜天文律算書。討論有年。卒未嘗自立一說。蓋其於讀書亦適然。目之適然。不忘非必欲有事焉耳。其遭遇適如其生。頃時至而自合。自少至老。不計得失。亦竟無得失。卒之日。鈞無餘衣。園無餘粟。庀其產。不能百金。其廉潔亦性成者。非意於廉也。不知有無之切於身也。上錫易名之典。曰簡恪。論者謂足概公生平云。

董文恪公事略

董公諱教曾字益甫江蘇上元人乾隆五十二年一甲三名進士。賜及第授編修由詞臣入直軍機處出為藩臬性強毅不阿督撫皆敬憚之任川藩時俗尚華侈公力矯其弊務為儉約每公宴誠不用優伶總督勒公以春酒召公至門已通刺矣聞音樂聲即返去勒公為之撤樂乃復至飲盡歡風尚為一變嘉慶十三年擢安徽巡撫時文敏公百齡方督兩廣以海盜方張銳意滅賊過皖貽公詩有云嶺南一事君應羨殺賊歸來嘆荔枝支及盜魁張保就撫公遺文敏書曰昔蒙贈詩當改一字為撫賊歸來也文敏默然逾年調撫陝西十七年調廣東承文敏撫國朝先正事略卷二十一 名臣 三

賊之後諸降人桀驁為閭閻害公懲治甚力然不肯妄殺人廣州有死囚遇赦減等改軍而逃獲之擬斬決公以加等律不應死按察使持之一日公會公問按察使曰某囚可以不死君必欲死之何也對曰此廣州守所擬也公誦元次山詩曰安民天子命符節我所持時總督蔣公攸銛在坐亦以公言為然囚竟得減死二十二年擢閩浙總督閩中錢糧疲甚民間多抗欠公極力清釐福清武生林彌高橫訟包糧阻眾不納縣令捕之為其黨所截奪官役皆被創公檄福州守及參將往捕不獲公怒奏觀兩人冠服乃獲之彌高遺書其黨使劫持合邑抗徵無一人敢納者巡撫史公致光患之公親鞫彌高得其致書狀立縛

出市曹斬之福清人大懼又見彌高已死乃相率納糧且清積欠一時強宗悍族皆易轍諸郡肅然奏入

上甚嘉焉漳泉二府多械鬪劫掠案龍溪令姚瑩捕得渠魁五人訊其案皆數十起既承伏召其族長於庭詰之各具狀請罪乃皆杖斃之尸諸城門兇徒股栗逃出境巡撫史公以不如制疑之公曰漳人苦鬪殺久矣兇狠之徒歲嘗殺人數百如兒戲官軍莫可如何吏捕率不得正兇今姚令幸擒之若逐案傳質則係累必數百人非除暴安良本意且漳州距行省六百里即申解按律治之兇民無由知儆姚令朝捕而夕誅之所謂刑亂國用重典也自是悍俗為少變海盜張保自文敏招撫後奏于

國朝先正事略卷二十一 名臣

三

守備官故嘗騷擾七郡戕二大將粵人恨次骨屢圖殺之曾文敏去粵乃攜之入都改官閩中數遷至澎湖副將將擢總兵林文忠公則徐方為御史疏論之乃止當是時閩洋復有盜公方治舟師姚瑩進曰張保有罪無功遷副將羣以為過何不令其擊賊勝則收其功敗可治其罪即為盜殺亦不足惜也公深然之保自是奔波海上盜平而保亦死公之任蜀藩也裁眉獬豸不靖公率兵馳往時圍功者眾咸請進剿公曰兵者聖人不得已而用之若玉石不分概行殄滅非所以廣皇仁也堅不允廉得漢奸博軒激變者十一人夷匪首事者六人捕誅之夷眾帖服及其撫陝西也激浦嚴如煜方為漢中知府公重其賢優

待之會歲款。嚴以督築城工。出及歸。已逾請賑期。遂以元旦赴行省。謁公願棄一官為百姓請命。伏地頓首不肯起。公立許之。為破例。陳請卒得。愈旨嚴在官。得行其志者。以公在也。及公去代之者。為朱勳。嚴遂十年不獲調。然則公之扶持善類可知矣。二十五年秋。公在閩督任。以疾乞休。許之。道光元年薨。優詔悼憫。賜祭葬如制。諡文恪。公在督撫中。最有名量宏毅。而識明果。不徒以孜孜寡過稱。嘗謂人不可作無益事。不可為無益語。不可用無益錢。又云。刻於己為儉。儉於人為刻。人知儉與刻之分。其於涉世也過半矣。趙文恪嘗歎為名言。書之日錄中。

國朝先正事略 卷二十一 名臣

三

阮文達公事略

一代之興。必有耆庸魁壘之臣。若唐之燕許及崔文貞。權文公。李衛公。以經術文章主持風會。而其人又必聰明早達。敷歷中外。兼享大年。其名位著述。足以弁冕羣材。其力尤足提唱後學。若儀徵相國。真其人哉。相國名元。姓阮氏。字伯元。號雲臺。祖王堂。官湖南參將。始占籍儀徵。嘗從大帥征苗。有降苗數千。大帥將戮之。以死請得免。及公貴。人以為陰德所致。云。乾隆五十一年。公年二十三。舉鄉試。入都。與邵二雲。王懷祖。任子田。三先生友。作考工記車制圖解。有江戴諸家所未及者。五十四年。成進士。選庶常。散館。第一。授編修。逾年。大考翰詹。

國朝先正事略 卷二十一 名臣

高

高宗親擢第一。超授少詹事。命直南書房。修石渠寶笈。一召對稱旨。

上諭。樞臣曰。不意朕入旬外。又得一人。晉詹事。充石經校勘官。五十八年。督山東學政。撰山左金石志。得榻本千三百有奇。修鄭司農祠墓。明年。調浙江學政。擢內閣學士。嘉慶元年。禪授禮部。進文冊。諭獎其典雅。徵刻淮海英靈集。二年。修經籍纂詁。百十有六卷。選兩浙翰軒錄。得詩三千餘家。注會子十篇。案凡三易。三年。擢兵部侍郎。轉禮部。仍直南書房。四年。調戶部侍郎。充經筵講官。副朱文正公總裁會試。得士最盛。江都史致儼。歙鮑桂星。全椒吳肅。武進張惠言。閩陳壽祺。高郵王引之。蕭山

湯金釗。德清許宗彥。涿州盧坤。欽程祖洛。興康紹鏞。元和陳鍾麟。歸安姚文田。上元朱桂楨。嘉應宋湘。其尤著也。明年授浙江巡撫。時海盜蔡牽擾閩。越。疏請捐造大船巨礮。并籌捕土盜。剪艇匪之羽翼。璽書嘉獎。勉以顯親揚名。為國宣力。成一代偉人。尋遣總兵岳璽等。敗賊於太平。又奏獲杭紹等屬積盜數十。先是錢塘江有小舟曰烏鴉船。昏暮劫掠。公廉得姓名。捕實諸法。立緝匪章程七則。檄沿海州縣力行保甲。會艇匪竄浙。奏請以總兵李公長。庚。總統三鎮舟師。乃親駐台州督剿。獲安南僑侯倫貴利。磔之。語在李忠毅公傳。是年金處紹三郡。災。疏請賑。郵有差。蔡牽旋寇平陽定海。檄水陸鎮將擊走之。增設育嬰堂。

國朝先正事略 卷二十一 名臣 五

經費銀歲四千兩。六年立詒經精舍。祀許叔重鄭康成兩先生。延王述庵孫淵如主講席。選高材生讀書其中。課以經史疑義。及小學天文地理算法。許各摺討書傳條對。不用扁試糊名法。刻其文尤雅者。曰詒經精舍集。不十年。上舍士致身通顯。及撰述成一家言者。不可殫數。東南人才稱極盛焉。又以浙東多古帝王名臣先賢陵墓。繕冊疏報。得旨。勤加防護修葺。撰兩浙防護錄。七年浙西饑。疏請蠲豁平糶。立普濟堂於省會。每年冬賑粥四十日。就食者日數千人。八年立海甯安瀾書院。建玉環廳學宮。奏設學額。復奏立杭嘉等郡昭忠祠。請以歷年勦海寇傷溺弁兵三百人入祀。均從之。六月入覲。召對者八。賜宴。

者三。垂問封公年齒甚悉。賞賚有加。回任修海塘志。九年。疏請以李公長。庚。總統閩浙各鎮。專勦蔡牽。遂敗牽於定海。會浙東水災。疏請蠲緩平糶。并率屬捐賑。建白文公祠於西湖。撰經邦及海運考。兩浙金石志。積古齋鐘鼎款識。十年賑杭嘉湖三郡饑。檄所屬多設粥廠。分男女為二。出入進退皆有法。病者藥之。老疾者別為廠。婦女有厠。篷全活數十萬人。六月父憂歸。里居成十三經校勘記二百四十三卷。撰皇清碑版錄。編瀛丹書記。重刻石鼓文。置揚州府學。十二年入都。進四庫未收書六十種。作提要上之。得旨。獎覽補兵部侍郎。命赴河南勦。獄。再撫浙江。先是公撫浙五年。凡安南鳳尾水。澳。等幫。海盜。勦。

國朝先正事略 卷二十一 名臣 五

撫。散。除。幾。盡。所。餘。者。土。盜。張。阿。第。等。十。餘。艘。耳。自。蔡。牽。得。志。於。閩。大。掠。臺。灣。李。公。長。庚。死。事。至。是。牽。從。安。南。回。棹。聚。至。五。十。艘。而。張。阿。第。亦。有。船。三。十。餘。艘。勢。張。甚。乃。親。赴。甯。波。督。剿。申。嚴。接。濟。賊。糧。之。禁。先。後。敗。賊。於。沙。錢。洋。黑。水。洋。落。伽。洋。等。處。賊。勢。始。漸。蹙。公。復。薦。邱。公。良。功。為。浙。江。提。督。又。立。專。注。蔡。牽。分。船。隔。攻。之。法。於。是。邱。公。及。福。建。提。督。王。公。得。祿。遂。以。十。四。年。秋。殲。牽。於。溫。州。之。外。洋。矣。坐。失。察。學。政。劉。鳳。誥。代。辦。監。臨。舞。弊。事。奪。官。命。以。編。修。在。文。穎。館。行。走。十。五。年。遷。侍。講。兼。國。史。館。總。纂。創。立。儒。林。傳。得。百。四。十。六。人。但。述。學。行。而。不。區。分。門。徑。又。擬。創。文。苑。傳。未。就。又。集。本。朝。天。文。律。算。諸。家。作。疇。人。傳。累。晉。少。詹。事。內。

閣學士十七年往山西河南勸事。遷工部侍郎。八月授漕運總督。立糧艘盤糧尺算法。頒行各省。十九年調撫江西。時豫東鄂教初平。餘黨煽亂。餘干匪目朱毛俚等。假託明裔謀逆。公率臬司馳往。擒獲胡秉耀等十七名。真諸法。得旨嘉獎。加太子少保。賞戴孔雀翎。尋獲崇義縣天地會匪鍾體剛。進賢縣匪曾文彩。龍南縣會匪鍾錦龍。長甯縣會匪郭秀峰。瀘溪縣會匪陶省三等。各論如律。民情乃安。公在任。改建貢院號舍。拓基修省城章江水閘。枝刻十三經注疏。以惠士林。二十一年調撫河南。十一月遷湖廣總督。奏建江陵范家隄。沔陽龍王廟石閘。以蘇水患。明年調兩廣總督。奏建大黃窖大虎山。肇慶府各礮臺。又奏建南海縣屬桑園圍石隄。修廣東通志。二十四年秋入京祝嘏。召對十一次。賜克食四十七次。恩賚有加。

仁宗皇帝手酌玉杯。賜公同受。賜者惟江督孫公。玉庭川督蔣公。攸節而已。二十五年立學海堂。以經古學課士。如在浙江時。改建貢院號舍。如在江西時。道光元年。奏設郵務局。修廣州城及城北鎮海樓。建三水行臺書院。刻江蘇詩徵百八十三卷。作者五千四百三十餘人。尋刻皇清經解。為書百八十餘種。為卷千四百。公在粵十年。兼署廣東巡撫者六。粵中水陸向多盜。公飭屬嚴擊。前後數千計。其賀連交界姑婆山。素稱盜藪。公調兵擒其巢。患乃息。西洋貿易。惟嘆咄咄。國貨最多。性尤狹。

嘉慶二十一年。嘗遣使入貢。未許成禮。而回逾年。公泣粵。疏請嚴禁鴉片。首以嚴馭洋商。夷商為務。遇事裁抑之。夷船在鼓浦殺人。公嚴飭洋商。必得兇犯。乃已。商不能庇。犯乃自刎。死有擊死民婦者。亦予絞決。抵罪。道光二年冬。噴夷護貨兵船。殺死民人二。公飭洋商及管事大班。縛犯以獻。大班委其責於兵頭。即飭傳諭兵頭。獻犯。詭稱夷民互有殺傷。冀相抵賴。公持之力。夷目等聲言。將揚帆歸國。停貿易。公給印諭。言願歸。即歸。天朝并不重爾等貨稅。於是各船皆出海。口然非其志也。仍潛泊外洋。以待日久。折閱多。其兵船。又先遠遁。大班等乃稟求回岸貿易。俟下次貨船抵粵時。縛犯來獻。公復給印諭。兵船不許復來。其見在貨船。暫許貿易。續到者。如不能縛犯。仍嚴拒。不許入方事之殷。商民官吏。皆惶惶。或言關稅將自此大絀。且慮激變。為朝廷憂。公曰。國體為大。稅數為輕。且索理長。不可為所欺。務力持。二三月。夷目始有乞回貿易之稟。自是兵船亦不敢復來。公調任兵船。即踵至海。置乃自此多故矣。六年夏。調雲貴。滇省鹽政久抗弊。歲細課十餘萬。公首劾鹽吏。力杜井竈走私。弊七年。奏銷溢額萬六千兩。明年。又數倍之。乃疏請酌量溢額。銀兩備邊。費從之。騰越極邊。有野人一種。茹毛穴處。時入內地。劫掠為邊患。而保山等處。別一種邊夷。曰獠。獠本土司所轄也。以墾田射獵為生。精於乘弩毒矢。野人畏之。公乃籌邊費萬金。

國朝先正事略 卷二十一 名臣 表

國朝先正事略 卷二十一 名臣 表

招探獵三百餘戶。駐騰越邊界。給地屯種。以禦野人。會訛言總督將帥兵親討。於是南甸隴川等土司。帶領二十餘寨野人來乞降。並獻木刻設誓。八年十二月入覲。召對十次。賜紫禁城騎馬及御書春帖子。尋召入乾清宮。面賜福壽字。賞賚無數。十二年遷協辦大學士。仍留總督任。十三年二月。陛見時年七十矣。賜御書福壽字。亮功錫祐扁額。及尙方珍物。為公壽。尋命充會試副總裁。四月回任。公督滇黔十載。值車里土司刀繩武與其叔刀太康鬪。因而脅官求助。其時漢夷流言皆謂當助姪滅叔。公不為動。檄鎮道等擊敗繩武。另擇人承襲。亦不追殺。要功其後越南保樂州土官農文雲謀判其國。兩朝先正事略卷二十一 名臣 五

乘城守。兵捕追。公飭沿邊嚴防。毋令一夷窺入。亦不得生事。貪功妄殺。手詔嘉之。其鎮靜得大體多類。此十五年拜體仁閣大學士。管兵部事。充經筵講官。教習庶吉士。兼署左都御史。

宣宗兩次謁陵。均命留京辦事。十八年以足疾請告。疏再上。優詔許致仕。仍食半俸。潑行加太子太保。公歸里後築別墅於湖莊。曰南萬柳堂。蓋以別於馮文毅之都城別業也。二十三年公壽八十。復拜御書扁額。楹聯福壽字。及尙方珍幣之賜。二十六年丙午。以重赴鹿鳴宴。加太傅銜。食全俸。公疏謝。手敕報曰。願卿福壽日增。以待三赴鹿鳴之盛事也。考本朝大

臣生前加太傅者。自金文通。洪文襄。范文肅。鄂文端。曹文正。長文襄外。得公而七。公以後。惟潘文恭。世恩而已。餘皆贈自身後者也。二十九年十月薨。年八十有六。優旨悼卹。賜祭葬。子謐。文達。所著書曰。學經室集。先後刊行。海內名宿著述。如錢辛楣。三統術衍。地球圖說。謝東墅食物百詠。張皋文虞氏易儀禮圖。汪容甫述學。錢澹亭述古錄。劉端臨遺書。凌仲子禮經釋例。焦里堂雕菴樓集。鍾啟崖考古錄。孔驥軒儀禮堂集。胡西琴詩集。張解元貴吏部詩集。伯誦茗蔗查集。李四香算書。凡數十家。子常生。官清河道。前平福。平涼府知府。祜舉人。官知府。繼配孔氏。立詩。著清唐宋舊經樓彙。

兩朝先正事略卷二十一 名臣 四

國朝先正事略卷之二十一 名臣

平江李元度次青纂

福文襄公事略

公諱福康安字瑤林姓富察氏滿洲鑲黃旗人大學士一等忠勇公傅恒子也乾隆三十二年授三等侍衛海羅至一等命御前行走三十六年授戶部侍郎兼副都統三十七年大兵征金川命溫福為定邊將軍阿桂豐紳額為副將軍公為領隊大臣明年六月木果木大營失事詔以阿公為定西將軍分道再舉至十九年會同領隊大臣海蘭察克山圖數十戰賊數百遂乘勝克博羅瓦山進攻得克斯東寨夜有賊數百人乘霧

國朝先正事略卷之二十二 名臣

犯官兵營公赴援擊敗之賊雨中於山坡上並兩廟公夜率兵八百立毀之尋克色湖普山破堅寨數十戰賊數百復與海公盡破山南喇卡賊數夜出使大營礮臺公屢敗之又率兵襄揚夜險溝壑崖上從山辨入取營處海寨及其大喇木城石卡四十年五月攻克得楞山焚堅寨數百投內大臣五月克榮噶爾博山進至第七峰賞嘉勇巴圖魯就益力戰盡拔木城喇卡凡五十二下壓勒烏圖賊巢八月既望夜半自西北攻入破其寨據之遂克勒烏圖九月公領第一隊進攻噶拉依繞道前進克大喇木城各二十遂盡得科布曲寨四十一年正月奪喇三大石卡工移營其寨二月逆酋索諾木就縛金川平封三等嘉

勇勇班師

上幸良鄉行郊勞禮賜御用鞍轡馬一旋御紫光閣飲至賞級十二端白金五百兩詔圖形閣中

上親製贊轉戶部左侍郎遷都統賜戴雙眼花翎紫禁城騎馬四十二年授吉林將軍調盛京將軍四十五年授雲貴總督

明年南掌國貢象四復言被交趾等國劫掠無禦敵器以餘象一求予巨噉公檄諭以國家法制有定不容妄求還其象不予之噉

上聽之尋調四川總督又明年奏蜀中囑匪已戢條上善後事宜擢御前大臣加太子太保四十八年署工部尚書命往

廣東查勘鹽商捐備貢物事四十九年擢兵部尚書總管內務府大臣會甘肅逆回田五等滋事命以欽差大臣馳驛往五月授參贊大臣同將軍阿桂等會勦由開道趨賊巢立卡進逼賊思撲卡賊公及參贊海蘭察親往督戰賊賊數千遂破石峰堡生擒賊首張文慶等晉封嘉勇侯五十年疏言回民習武者多習文應試者少當以詩書化其桀驁之氣請於循化廳設學校以資訓迪

上嘉之七月轉戶部尚書五十一年轉吏部尚書協辦大學士奏修甯夏各渠以興水利五十二年臺灣逆賊林爽文圍嘉善縣詔以公為將軍偕參贊大臣海蘭察往勦進兵援嘉善賊

國朝先正事略卷之二十二 名臣

廣東查勘鹽商捐備貢物事四十九年擢兵部尚書總管內務府大臣會甘肅逆回田五等滋事命以欽差大臣馳驛往五月授參贊大臣同將軍阿桂等會勦由開道趨賊巢立卡進逼賊思撲卡賊公及參贊海蘭察親往督戰賊賊數千遂破石峰堡生擒賊首張文慶等晉封嘉勇侯五十年疏言回民習武者多習文應試者少當以詩書化其桀驁之氣請於循化廳設學校以資訓迪

上嘉之七月轉戶部尚書五十一年轉吏部尚書協辦大學士奏修甯夏各渠以興水利五十二年臺灣逆賊林爽文圍嘉善縣詔以公為將軍偕參贊大臣海蘭察往勦進兵援嘉善賊

國朝先正事略卷之二十二 名臣

廣東查勘鹽商捐備貢物事四十九年擢兵部尚書總管內務府大臣會甘肅逆回田五等滋事命以欽差大臣馳驛往五月授參贊大臣同將軍阿桂等會勦由開道趨賊巢立卡進逼賊思撲卡賊公及參贊海蘭察親往督戰賊賊數千遂破石峰堡生擒賊首張文慶等晉封嘉勇侯五十年疏言回民習武者多習文應試者少當以詩書化其桀驁之氣請於循化廳設學校以資訓迪

上嘉之七月轉戶部尚書五十一年轉吏部尚書協辦大學士奏修甯夏各渠以興水利五十二年臺灣逆賊林爽文圍嘉善縣詔以公為將軍偕參贊大臣海蘭察往勦進兵援嘉善賊

國朝先正事略卷之二十二 名臣

廣東查勘鹽商捐備貢物事四十九年擢兵部尚書總管內務府大臣會甘肅逆回田五等滋事命以欽差大臣馳驛往五月授參贊大臣同將軍阿桂等會勦由開道趨賊巢立卡進逼賊思撲卡賊公及參贊海蘭察親往督戰賊賊數千遂破石峰堡生擒賊首張文慶等晉封嘉勇侯五十年疏言回民習武者多習文應試者少當以詩書化其桀驁之氣請於循化廳設學校以資訓迪

上嘉之七月轉戶部尚書五十一年轉吏部尚書協辦大學士奏修甯夏各渠以興水利五十二年臺灣逆賊林爽文圍嘉善縣詔以公為將軍偕參贊大臣海蘭察往勦進兵援嘉善賊

國朝先正事略卷之二十二 名臣

廣東查勘鹽商捐備貢物事四十九年擢兵部尚書總管內務府大臣會甘肅逆回田五等滋事命以欽差大臣馳驛往五月授參贊大臣同將軍阿桂等會勦由開道趨賊巢立卡進逼賊思撲卡賊公及參贊海蘭察親往督戰賊賊數千遂破石峰堡生擒賊首張文慶等晉封嘉勇侯五十年疏言回民習武者多習文應試者少當以詩書化其桀驁之氣請於循化廳設學校以資訓迪

上嘉之七月轉戶部尚書五十一年轉吏部尚書協辦大學士奏修甯夏各渠以興水利五十二年臺灣逆賊林爽文圍嘉善縣詔以公為將軍偕參贊大臣海蘭察往勦進兵援嘉善賊

於竹園中突出抵禦公令屹立勿動。率巴圖魯侍衛衝入賊中。敗之。連克十餘莊。會日暮雨大至。賊益厲。立解縣圍。追賊至太牌竹。決溪水。渡兵悉焚賊寮。餘匪殲焉。捷聞。封一等嘉勇公。賜寶石頂。四圍龍服。十二月。督兵勦北路。進攻大理。賊巢殲。賊目數十首逆逃。入番社。未獲。擒其孥五十三。年正月。令巴圖魯侍衛十數人屯練兵。數百易裝入緝。生擒爽文。檻送京師。二月。追執兇渠莊大田。以獻。餘黨悉定。臺灣平。初。福州將軍恒瑞。擁兵不救嘉義。

上命公劾之。公祖恒瑞奏不以實。諭責其庇護。且曰。此等伎倆。豈能於朕前嘗試耶。命傳旨嚴飭。至是。

國朝先正事略 卷二十二 名臣 三

上念公功。親解佩囊賜之。賜金黃帶。紫纒。金黃綳珊瑚朝珠。又命於臺灣郡城及嘉義縣各建生祠。再圖形。紫光閣上製贊。如初。公條上善後十六事。其要在習戎事。除奸民。清吏治。肅郵政。俞旨允行。調浙總督。五十四年。調兩廣。時安南阮光平糾眾滋擾。公念俟奉旨始起程。恐緩不及。事遂親赴漳泉閱兵。俟再得警信。即兼程赴粵。西有詔嘉獎。謂不出朕之所料。又稱公秉性公忠。視國事如家事。不愧休戚相關。實心任事之大臣。尋奏阮光平恭順。諭誠不必用兵。上允所請。會御史和琳劾奏。湖北臬司李天培私令糧艘分運材木。訊得公寄銀索賄狀。詔革職。畱任。公作三年。五十五

年率安南國王阮光平朝京師。其返也。命仍隨公行。五十六年。奏獲水陸劇盜五十餘人。先後抵法。十一月。廓爾喀賊匪竄後藏。詔以公為將軍。偕參贊海蘭察率巴圖魯侍衛往征之。免所罰公俸。明年三月。抵後藏。時諸路兵未集。先率所部進。值雨夜。分六隊徑趨擦木黎。明潛登山。奪賊前礮。賊守後礮不出。官兵毀垣入。短兵接。殲賊目三。賊眾二百生擒十餘人。乘勝抵噶爾甲山。梁山下有紅旗賊來援。我兵設伏。雷一路誘賊出。進至山半。橫截賊隊。奪其旗。殲賊幾盡。進攻濟隴。為賊要寨。大礮據險。立各礮卡。互相倚角。乃分兵先躡其旁。寨併力攻中。堅縛大木為梯。令屯兵蟻附登。斃賊石壘。自丑至亥。克其寨。斬級六

國朝先正事略 卷二十二 名臣 四

百生擒二百。奏入。御製誌喜詩書。以賜。及御用佩囊。六月。大兵趨旺堆。有大石卡二。賊撤橋自阻。密遣兵東越峩緣山。從上流潛渡。轉出賊卡前。殲賊數十。奪其卡。賊敗竄。多隆河中死。進至密哩山頂。徑益仄。日越大山。數重。采入七十里。不見賊。西南橫互一河。旺堆在河北。賊築卡扼河。以距乃潛從上游。縛木渡。分三路進攻。出賊不意。遂大潰。追殺無遺。出噶多。進勒分兩路。奮擊破其木城。夾攻之。克大小賊寨十一。賊營三。石礮四。木城五十卡。二十。戮賊目七。賊黨四百。有奇。駐營雅雅山。賊乞降。不許。八月。進噶勒拉山。三路並捷。奪橋過。直攻甲爾古拉。集寨賊八千來援。督兵力戰。敗之。凡接戰兩晝夜。越大山。二克

木城四石卡十一戮賊目十三殲賊六百生擒十七賊酋懼再乞降。詔許班師。方公之未受降也。詔以此次用兵艱險。為從來所未有。晉公大學士。加封忠銳嘉勇公會十五功臣。圖象成。

上復親為製贊。時大學士阿文成以未臨行陣。奏讓公為首功。焉尋。賞一等輕車都尉。復授領侍衛內大臣。命照王公親軍。校例給六品監翎三缺。賞其僕從五十八年。係上西藏善後事宜十八則。均議行。八月。調四川總督。是歲金川土司年班入覲。詔命公領之。五十九年。命按吉林將軍恆秀罪。坐瞻徇親戚。受嚴飭。七月。調督雲貴。賞。御用黑狐裘。六十年春。黔

國朝先正事略 卷二十二 名臣 五

苗石柳節。圍正大營。嗅腦營。松桃廳三城。楚苗石三保。圍永綏。廳逆渠吳半生。附之。有。旨命督師進剿。未而月立解三圍。賞戴三眼花翎。曾川督和琳兵。至合力進攻。焚賊寨四十。石柳節遁入石三保。黃瓜寨中。扼河以拒。大兵結筏潛渡。縱民牧牛。而伏兵以待。賊渡河。掠牛。伏起奪船。以渡。上下游同濟。破木城。賊棄寨遁。先一日。令總兵花連布。援永綏。至是復會剿。永綏圍解。賊聚蘭草坪。西北崖板寨中。伴於東南山凹樹旗。示我兵出入路。因其計。攻之。設伏對山。於石間藏礮焉。仍督兵自凹入。賊悉眾來拒。伏兵望見。俟其過。飛礮擊之。賊驚潰。棄木城遁。我兵進駐山梁。分五路。冒風雨進剿。遂據黃瓜山大梁。俯臨其寨。乘

夜克之。焚燬大寨五十。有六擒賊百餘。殲斃無算。謀報吳半生。踞菴麻寨。兩石逆遁。鴉西鴨保等寨。遂先攻菴麻。縱火燔木城。有潛匿巖洞者。薰之。悉焦燬。燬苗寨四十。吳半生遁往西梁。糾苗眾二十餘寨來拒。石三保援之。乃分兵攻雷公山。阻其援兵。大軍擊西梁。上中下三寨。破之。雷公山亦告捷。賊奔花苗寨中。五月。分五路進剿。克苗寨六十。木城四石卡三十五。進至大烏草河。阻水。乃盡流沿河。諸寨。四月。公調浙閩。六月。克竹山。初大梁。再敗賊於雷公嶺。遂奪石哨營。七月。我兵夜列炬岸上。示欲渡河。賊力拒。密從數里外作橋。以濟。繞出賊後。火其寨。賊驚。鼠來奪橋。敗之。遂督兵越險。進克馬蝗沖等大小寨五十。抵狗腦

國朝先正事略 卷二十二 名臣 六

坡山。益險。兵皆附藤。葛行。冒矢石。直據山巔。憑高下壓。破其寨。首逆遁。古丈坪五路並進。殲賊千會。風雨暴至。賊宵遁。八月。克蝦蟆崗。烏龍岩。奪賊卡六。降七十餘寨。詔晉封貝子。銜仍帶四字。住號。照宗室貝子例。給護衛。俾吳姓蓋臣。得邀殊錫。以彰國家世臣之福。九月。克巖碧山。焚寨二十。進攻摩手寨。乘積霧。由僻徑繞出山後。賊大清。遂從長坪。接剿。得苗寨四十。時吳半生從鴨保。至高多寨。官兵圍蹙之。半生降。詔賞公子德麟。官都統銜。授。御前侍衛。十月。抵鴨保。賊巢。其右曰天星寨。為賊中奇險。處官軍。夜發。值雪後。朔風凜冽。從陰晦中。覓道。攻木城。焚其窩棚。得木城七石卡五。克垂藤。臥盤。諸寨。平隴。賊目吳八

月就擒十一月攻大小天星寨克之十二月克標木營讓由平
隨復乾州賊力拒驃馬崗諸險乃於高斗山駐營作進攻勢潛
出開道奪賊後卡并斷其歸路遂取驃馬崗焚寨三百嘉慶元
年正月大兵抵壁多山連敗賊奪石十三賊悉銳來襲我後敗
之四月克結石崗石城焚大小寨七十進攻火麻營石城張兩
翼以進三面攻之賊潰抵廖家衝奪山巔石卡一羣苗來爭數
進數卻之且築壘斷其隘賊大潰奪山梁七 詔晉公父文忠
公貝子爵以光泉壤五月公染瘧患洩瀉循督師前進夜有大
星隕於營西北光芒有聲越數日堯 詔晉封郡王銜賞庫銀
萬兩治喪并賞陀羅經被仍於家廟旁特建專祠以時致祭其

國朝先正事略 卷二十二 各臣 七

父傅恆追贈郡王銜子德麟襲貝勒俟入城治喪朕親往賜奠
御製詩哭之 詔入祀賢良昭忠二祠配饗

太廟諡文襄 賜祭葬如典 特旨德麟承襲貝勒後其子襲
貝子孫襲鎮國公用替公用兵如神平生未嘗挫衄征衛藏時
有隘道幾一里賊守隘北甚嚴大軍屯隘南三十里公調軍伏
隘東西而以全軍分五軍攻隘迭迭進戰一日蓋數十勝負
公在中軍前軍軍報沓至不為動及二更前軍大敗退不止賊
遂前軍出隘南忽燄聲大震火炬照耀如白晝東西伏軍皆起
賊驚退相蹂躪我軍蹙之入隘公急上馬萬騎齊足頃刻至隘
口前軍伏軍已過隘聞貝子至勇氣百倍大軍乘勢合攻遂夷

賊屯追奔五十里援嘉義時壯勇公海蘭察前行公督師繼進
夜大雨天黑如覆盤遇土山駐軍山頂公中坐隨軍官圍公坐
外親軍外正軍皆圍坐賊游兵近山巖泥濘過火炬千萬駭自
炬中上窺山巖黑無所見疑有軍發銃擊之公令曰無出聲
無動久之賊過盡雨霽天益明壯勇公已入嘉義城捷使至軍
始起行無一傷視銃礮子歷落入山腹也公生而盛貴在軍備
實動盈十萬皆取諸公帑身後屢 詔斥其浮濫 命嚴禁德
麟扶柩歸地方吏致賄金四萬餘兩 詔罰令倍繳以示懲公
之解嘉義圍也總兵柴大紀出迎自以參贊伯爵不執鞶韉之
儀公遂幼其前後奏報不實

國朝先正事略 卷二十二 各臣 八

上曰柴大紀死守孤城逾半載非得兵民死力豈能不陷若謂
說諂取巧則當時何不遵旨出城其言權盡原所以速外援若
不危急其詞豈不益緩援兵大紀屢蒙褒獎或稍涉自滿於福
康安前禮節不謹致為所憎遂直揭其短殊非大臣休容之度
已而侍郎德成總督李侍堯所奏皆如將軍指大紀卒速問坐
法死論者多以此警公云

松文清公事略

公諱松筠字湘浦姓瑪拉特氏蒙古正藍旗人乾隆四十一年由筆帖式充軍機章京戶部銀庫員外郎蒙古司員例不司銀庫異數也四十八年超擢內閣學士兼副都統賞戴花翎明年賞穿黃馬褂命赴吉林查辦蕩務又明年命往庫倫查辦俄羅斯事務五十一年授戶部右侍郎仍留庫倫辦事五十五年有術勒干卡倫巡兵為俄羅斯打牲人所害公檄緝各犯先治罪而後奏詔切責之命奪職以四品服仍留庫倫効力明年授工部左侍郎兼副都統尋調戶部五十八年授御前侍衛內務府大臣軍機大臣充國史館副總裁崇文門

國朝先正事略卷二十二名臣

九

副監督時嘆晴剛入貢請於天津甯波海口貿易並求給附近珠山小海島及廣東附城地方各一處居商存貨上既嚴諭指駁復慮其沿途生事特命公護行凡所要求皆嚴詞拒絕途中安謐詔嘉其得體五十九年署吉林將軍命查湖北荆州稅務道出河南衛輝值水災公躬率牧令發倉粟以賑上嘉其實心任事尋升工部尚書兼都統充駐藏大臣嘉慶四年召授戶部尚書尋授陝甘總督加太子太保初公之駐藏也達賴喇嘛濟龍呼圖克圖等忽報西南邊界有廓爾喀兵至公訪知廓爾喀係向定結邊外等部帶兵索欠並無他故恐唐

古忒番民疑懼遂親往拊循並借川省藩庫銀五千兩籌議撫恤窮番修建寨卡等事至是請排陝齊廉俸解歸四川時川陝楚三省教匪竊發黃號逆匪張漢湖與藍白兩號匪黨由楚竄入陝甘公疏陳勦匪事宜諭嘉其留心軍務忠悃可風陝西自嘉慶元年軍興以來撥餉金千一百萬兩至是續撥百五十萬詔公駐漢中督辦糧餉公請移西安軍需局於漢中清查舊款另立新規按旬開摺呈覈每月彙奏咨部聖書嘉予又奏陣亡勇目張奎樊雄秀請照把總外委例議卹其陣亡鄉勇併造冊咨部

國朝先正事略卷二十二名臣

十

上是之並著為例鄉勇之得賜卹自公始也先是有詔命訪查領兵各員優劣公密疏言副都統明亮素號知兵所言似洽機宜究無實效將軍恒瑞前在湖北戰績稱最後勦藍白兩號賊亦有功惟年近六旬精力大減提督慶成身先士卒然中無主見領隊則可出謀發慮非所長署陝撫永保無謀無勇惟知利己過則歸人惟額勒登保英勇出羣其次則德楞泰能辦賊者止此二人上嘉其評論得當其後額德二公卒成大功云初明亮劾永保擁兵不進致張逆脫逃上命公查訊尋坐專擅被嚴劾奪宮保銜御前侍衛及花翎五年春授伊犁將軍尋署湖廣總督馳往湖北勦賊閏月入覲

請弛私鹽私鑄禁。諭斥其迂謬。謫授副都統銜。充伊犁領隊大臣。仍戴孔雀翎。七月復授伊犁將軍。先是乾隆二十九年。

詔以伊犁田土肥潤。下所司查明地畝。給滿兵屯種。迨五十年。

及五十五年。復歷奉。諭旨令籌畫耕種。當事均以灌溉乏水。

為辭。八年公疏言。近水可耕之田甚多。已由惠遠惠甯兩城酌。

派開散試種。歲大有秋。因於惠遠城東伊犁河北岸開大渠。迤。

邐數十里。又於城西北草湖中得泉源。疏引支流。其地即分給。

惠遠城。入旗耕種。至惠甯城。入旗所耕。本係裁撤綠營屯地。原。

有渠泉足資灌溉。惟地必資牛力。請於官廠中賞借得。自。

嘉九九年。有伊犁民郝鏡犯故殺。自行投首。公訊明後。即置之。

法。

上責其辦理過當。尋奏伊犁屯種有效。惠遠城得地八萬畝。惠。

甯城得地四萬畝。請按名給地。各令自耕自食。永為世業。

上命公妥協辦理。務使兵農不至偏廢。十二年復加太子少保。

並頒賜。御製明慎用刑說。明年奏報惠甯城東時出水泉。蕩。

漾。請於城東挑大渠。引灌田畝。十四年塔爾巴哈臺有遣戍滿。

大芳等三十餘人。聚謀不軌。公密遣人帶兵往。以查金廠為名。

悉數擒戮。

上嘉其妥速。又以戍兵馬友元王文隴等百六十九人。皆與逆。

謀。盡遂殺之。

國朝先正事略 卷二十二 各臣 十一

上責其苛刻。下部嚴議。且曰。此百餘人者。若調至伊犁。訊明正。

法。原非過當。乃忽於半途截殺。成何政體。遂以頭等侍衛充略。

什噶爾參贊大臣。六月復授陝甘總督。尋。賜一品服。十二月。

調督兩江。南河自上年馬港口陷後。黃水倒漾。河水淤墊。為患。

十五年。公偕河督吳璥查勘舊海口。請修復舊河。使全防仍歸。

故道。得。旨允行。會醫生王勳獻疏。沙器具圖。以堅木為架。架。

鑲鐵齒。以巨繩繫船尾。能刷於沙。使河流通暢。公做造四十架。

親乘舟疏濬。果著效。得。旨嘉獎。公又以比年河北淤淺。糧運。

遲滯。請造撥船千艘。停泊禦黃壩外。備撥運。並以江廣漕船笨。

重。請改小。以利通行。均從之。是歲漕艘渡黃及回空。皆迅速。再。

國朝先正事略 卷二十二 各臣 十二

下部議敘。公之赴兩江也。疏請引沁入衛。以濟漕運。復疏陳黃。

河受病之由。且密陳吳璥徐端辦理工程。有虛捏開報情弊。自。

求調任總河。以便查覈。又疏薦蔣收銛。孫玉庭。堪勝此任。諭。

曰。河工敝壞已極。人人視為畏途。松筠不但不推諉。轉銳意自。

任。具見公忠為國。朕甚嘉焉。但河務非其所長。其令蔣收銛補。

授河督。與松筠實力講求。相助為理。尋。命兼署南河總督。十。

六年春。疏報馬港口合龍。河復故道。並請於南北新隄兩岸。各。

設同知守備等官。下部議行。未幾。調兩廣總督。疏言立法之嚴。

尤貴行法之速。粵東治土匪。因部覆稽遲。有瘼繫獄中。俸逃顯。

戮者。未能觸目警心。請嗣後有夥眾四十人以上。或不及四十。

入而有奪犯毆官各情者俱先行正法梟示從之六月拜協辦大學士並內大臣仍留廣督任八月疏請改雷瓊鎮陸路總兵為水師總兵復嘉應府為直隸州復南雄州為府均下部議行是月授吏部尚書賜紫禁城騎馬充國史館總裁

上以京城八旗生齒日繁不敷養贍疊諭吉林將軍於吉林等處籌度閒散地畝酌量移居至是命公往盛京會勘陵工並籌辦移駐宗室房地各事宜公奏言西廠大凌河東岸有可耕之地三千頃可移駐二千餘戶東廠周數百里地多積水其水皆自北山柳條邊來若自邊牆相地開河使入川歸海則可涸出沃壤又東柳河溝一帶亦多積水若自北山東橫開

國朝先正事略

卷二十二

各臣

三

大渠束水入川歸海亦可得沃壤數千頃又奏續勘彰武臺邊門外迤西牧廠閒地東西寬三四十里南北長六七十里足可移駐詔盛京將軍於西廠地方即行試墾九月命仍充軍機大臣借侍郎彭齡往江南查勘總督百齡與河督陳鳳翔互訐事

上嘉其毫不瞻徇賞貂裘十八年授御前大臣六月命以協辦大學士兼任伊犁將軍九月拜東閣大學士十一月以平定滑縣逆匪加太子太保明年八月授武英殿大學士二十一年以審辦逆回仔身墩獄未候命下將首逆均真重辟嚴旨切責奪宮保銜仍革職留任又明年五月召還充御前

大臣先是伊犁惠遠城旗屯公田與關里沁回田均藉東山關里沁泉水灌溉上年阿奇木霍什納札特等稟請開渠引霍什河水繞灌關里沁回田以關里沁泉水專灌惠遠城旗屯公田公覈實允行至是以得水豐餘兩有神益奏七月管吏部理藩院事務授都統充崇文門監督賞穿黃馬褂復太子太保十月署兩江總督二十二年回京坐言事忤旨奪大學士銜以二品服授察哈爾都統仍革職留任二十三年署綏遠城將軍時公子吏部侍郎熙昌奉使湖南道卒

上憫公年老喪子召回京賞還一品服並花翎復賜紫禁城騎馬晉禮部尚書明年調兵部授御前大臣領侍衛內大臣

國朝先正事略

卷二十二

各臣

四

臣九月授盛京將軍又明年以兵部遺失行印查係公任向書時事降山海關副監督復降公中佐領又以審擬失當再降本旗驍騎校八月宜宗御極擢副都御史十月授左都御史十一月授熱河都統進所纂新疆識略十二卷賜序刊行道光元年授兵部尚書調吏部兼都統復充崇文門監督軍機大臣仍賞花翎賜紫禁城騎馬二年署直隸總督奏請整頓直隸各屬書院上是之尋坐刪改理藩院奏贖奪職遣戍得旨以員外郎在上書房行走未幾授光祿卿晉左都御史三年授吉林將軍四年署兵部尚書兼都統復賜紫禁城騎馬尋署烏里雅蘇臺

將軍十月伊犁將軍慶祥奏俄羅斯在哈薩克遊牧地方蓋屋種地請 勅理藩院撤詢

上以詢公公奏哈薩克素稱強悍或曾侵占俄羅斯地今從東還不能不予而以無據之詞懇將軍奏請實未可定若理藩院行文查問俄羅斯直以索還侵占為言轉難查辦從前哈薩克襲封汗爵俄羅斯即有哈薩克早經投順彼國之語溯查乾隆

三十五年土爾扈特明背俄羅斯前來投順後俄羅斯行文索討經 高宗諭旨斥駁今以無甚關要之事行文令其遵奉倘彼以土爾扈特為言或以哈薩克投順彼國為詞徒生枝節有傷體制

國朝先正事略 卷二十二 各臣 查哈薩克遊牧地與俄羅斯毗連之處理藩院并無圖志惟當曉諭哈薩克以

天朝定例外藩之地無圖志者例不辦理 上嘉其熟悉邊情飭慶祥詳酌辦理六年署兵部尚書授禮部尚書借侍郎王鼎赴山西按事途次聞喀什噶爾軍報疏陳熟

悉新疆情形自請前往宣撫 溫旨嘉勉未允行十二月充經筵講官八年署熱河都統授閩兵大臣九年署吏兵二部尚書

復署直隸總督六月調兵部尚書十一年二月公八十生辰賜者齡錫祜額 御書福壽字各一幷文綺服物有差十月授

內大臣十一月 命以三品服休致十二年浩罕伯克邁瑪底

里遣使進表公前會奏及浩罕通商邊境即可殺靖

上思其言 賞還一品服署副都統七月達爾漢茂明安土默

特三旗爭地 命往歸化城查辦稱 旨尋授理藩院侍郎十

三年調工部左侍郎授都統及閩兵大臣充左翼監督十四年

命以都統銜休致十五年五月薨年八十有二遺疏入 諭曰

松筠歷練老成清勤正直歷事

三朝恪恭匪懈可晉太子太保銜照尚書例賜卹尋 賜祭葬

予諡文清入祀伊犁名宦祠公坦率無城府厭苛禮之官常不

挈眷屬即至亦居以別院局其門每旦入院禮佛坐堂中與夫

人殷茗問話而已自伊犁將軍入長吏部單騎雜喇嘛中抵闕

國朝先正事略 卷二十二 各臣 夫

明園家人戚友出迎於近郊不知其己至也次日入觀 命講

大學首章謂平天下當自正心誠意始晚仍宿園中又次日入

城赴吏部任日晡歸其妾迎於中門公顧問此為誰既而曰汝

今亦老矣其按事江南也引 對畢即襍被行不回私宅隨帶

司員請少留乃入友人家小住二日嘗侵晨訪友主人未及起

公直入隊內主人驚公按令弗起坐榻旁縱談索酒痛飲逾兩

時乃出過清江浦與河督費文恪公飲兩公皆洪量舉無算爵

且召副將某陪未座飲達旦副將不敢辭次日阻風再會飲復

召副將則前夕已奄逝矣嘉慶二十五年八月

睿廟梓宮自熱河回京

宣宗步送羣臣伏地哭者不下數千人行甫半
宣宗忽趨至甬道邊扶一跪伏者之手大哭失聲眾隨察之則
公也時公誦驍騎校而

宣廟當哀痛迫切之際獨於千萬眾中物色見之非夙重公名
不及此翼日而副御史之命下公喜為擊壤書尤好作大虎
字在西域嘗手刃叛回數百人其嫉惡為尤嚴云

國朝先正事略

卷二十二 名臣

七

李忠毅公事略

嘉慶十有二年十二月壬辰浙江提督李公勣海盜蔡牽中微
薨於廣東潮州之黑水洋事聞

上震悼哭之廷臣亦哭 詔曰朕於李長庚素未識面因其宣
力海洋忠勤勇幹身先士卒銳意擒渠熱經降旨褒嘉原擬俟
捷音到時封授伯爵不意功屆垂成臨陣捐軀覽奏心搖手顫
為之墮淚李長庚可追封三等壯烈伯賞銀千兩治喪並於原
籍建祠春秋祭祀靈柩抵家著巡撫張師誠代朕賜奠尋 賜
全祭葬仍加 賞銀四百兩 予諡忠毅 命公舊部王得祿
邱良功嗣其任勉以同心敬慎為李長庚復讐又 勅督臣用

國朝先正事略

卷二十二 名臣

六

所獲蔡牽義子蔡二來祭公鼻其首幕次十四年八月浙江提
督王得祿福建提督邱良功殲蔡牽於溫州之黑水洋 詔封
得祿二等子良功二等男於是聞浙洋匪悉平公字超人號百
歲福建同安人性至孝母余太夫人疾衣不解帶凡四月讀書
習騎射乾隆三十六年武進士由藍翎侍衛補浙江衢州都司
遷游擊參將至樂清副將林爽父亂臺澎調入閩護海壇鎮總
兵捕湄洲賊數十人散其黨會鄰海有民船被盜謀指海壇坐
奪贖公罄家財募精勇擒盜首林權等數十人又擊盜陳世於
大岞盜善火器公迴舟據上岞以長竿繫月鏢斷其帆線賊舟
皆被燎躍入盜船斬以歸又獲賊參將張殿魁之林明灼陳禮

禮等以游擊起用五十五年署銅山參將父憂去官五十九年補海壇游擊時閩浙洋匪北接山東西通兩粵三面數千里皆盜出沒其內地曰洋匪蔡漳最大朱濱次之外地曰夷匪多中國奸民挾安南人為之鳳尾最大水澳次之一艇載數百人洋匪曰匪艇夷匪曰夷艇夷匪至輒數十艇蔡牽百數十艇朱濱亦數十艇其大較也六十年夷艇入福建之三澎公以小船八迎擊之計眾寡不敵乃以八船首尾緝為一賊東來則以東一舟應之以次至八西來亦如之賊敗去嘉慶二年遷澎湖副將浙江定海鎮總兵

純皇帝召見獎諭有加三年擊洋匪於衢港於普陀又擊之於

國朝先正事略 卷二十二 名臣 九

潭頭皆敗之明年鳳尾引夷匪自閩入浙公追擊至溫州沈其一艇守備許松年等困於賦公返舟入賦圍救出之窮追至甲子洋遇蔡牽再擊之浙撫阮公元上其功得旨李長庚奮勇傑出為賊所畏懼宜用於要地弗令往返奔波且洋面風濤亦宜稍持重尋賞孔雀翎五年夏阮公奏請以公總統閩浙水師得旨俞旨公申號令嚴標議東部伍信賞罰自偏裨至隊長舵工水手耳目皆一於是水師皆可用六月夷艇大至逼台州松門公率師迎勦忽颶風起雷雨大作賊艇覆溺幾盡其登岸者悉就俘獲安南偽侯倫貴利等四總兵磔之以勅印擲還其國會故安南王已為阮福映所滅新受封守 朝廷約束盡逐

奸匪自是夷艇不復至其在閩者皆為蔡牽所并牽同安人奸猾能用其眾既得夷艇夷破凡水澳鳳尾餘黨皆附之勢張甚是年公擢福建水師提督總督王德以公籍福建請迴避乃調浙江先是匪艇皆高大我軍仰攻殊失勢公與阮公議造大艇凌匪艇上阮公籌銀十餘萬交公遣官赴閩造三十艘至是成名曰靈船遂連敗蔡牽於岐頭東霍等洋七年春獲匪目張如茂等兵成大震八年牽竄定海公帥舟師掩至牽僅以身免窮追至閩洋賊糧盡艇且朽我師又據上風不能遁乃偽乞降於總督王德遣與泉道慶徠招撫之牽又言果許降勿令浙師由上風逼我總督遽以令箭麾浙兵收港牽得以其閒繕檣械倚

國朝先正事略 卷二十二 名臣 十

模糧揚帆去浙兵追之無及矣尋擊牽於三沙於溫州之南虜凡奪舟沈舟燔舟者六斬獲無算牽畏靈船甚厚賂民商造巨艇高於靈船先後載貨出洋以被劫歸報牽得之大喜渡橫洋劫臺灣米數千石分餉朱濱遂與濱合九年戕溫州總兵胡振聲連船八十餘猝入閩閩師不敢擊 詔公總統閩浙水師專勦蔡牽以溫州海壇二鎮為左右翼八月擊賊馬蹟洋牽濱結為一陣公督兵衝貫其中斷賊為二追至盡山沈其二艇又斷牽坐船蓬索終以船高得遁去牽責濱不用命濱怒遂與牽分而牽勢亦少衰矣公與阮公議禁商人造大艇無為盜齋十二月敗濱於甲子洋奪船二調福建提督十年夏敗牽於青龍港

復調浙江十一年率合大隊攻臺灣別部屯洲仔尾沈舟鹿耳門阻官兵公至不得入謀知南北汕大港門可通小舟公扼南北汕遣總兵許松年副將王得祿乘澎湖船進攻焚三十餘艘俘賊千餘人十一年正月復敗之於柴頭港二月朔松年夜率銳師躡海水登洲仔尾焚其寮率反救公遣將出南汕自後焚其舟松年進賊之賊大敗明日登岸擊陸賊燔其小舟率棄洲仔尾困守北汕以鹿耳門沈舟自塞走路也越二日潮驟漲沈舟漂起率奪門出公追擊之奪船十餘卒以閩師不助扼各港竟遁去詔奪公翎頂是役也許松年爲軍鋒前後獲賊數萬戶橫數十里臺灣獲全公所將止三千人耳是年率潰合寇福甯

國朝先正事略 卷二十二 各臣

三

追敗之率入浙又擊之於台州八月擊之於定海漁山公專擊牽舟火器兩下額身皆受創詔復公翎頂果擒渠許錫世職初公以謀勇耐辛苦受

仁宗知遇屢立功軍事悉主阮公福建忌之故主招撫後被給益恚怒而阮公又以憂去福建益阻撓公阮公營欲造巨舟遠過運船者既去浙公乃請於總督願與三鎮總兵預支養廉捐造大船三十總督尼之當率自鹿耳門敗遁時甚狼狽蓬枕皆毀迨至福甯得岸奸接濟勢復張至是公皆列狀上聞詔誅王德職逮問治罪以阿林保代之時閩文武吏以不協勦不斷岸奸懼獲罪交諸公於阿林保阿林保即密劾公逗遛捏報

斬獲疏五上

上密詢浙撫清安泰公清奏言長庚熟悉海島形勢風雲沙線每戰自持柁老於操舟者不能及且忘身殉國兩年於外過門不入以捐造船威傾其賞所俘獲盡以賞功故士爭效死且身先士卒冒危險漁山之戰身受多傷將士亦傷百有四十人慶擊不退故賊中不怕千萬兵只怕李長庚之語惟海艘越兩三旬即須燻洗否則苦黏齏結駕駛不靈其收港並非逗遛且海賊全憑風力風勢不順雖隔數十里旬日不能到也是故海上之兵無風不戰大風雨不戰逆風逆潮不戰陰雲蒙霧不戰日晚夜黑不戰颶期將至沙路不熟前無泊地皆不戰及其戰

國朝先正事略 卷二十二 各臣

三

也勇力無所施全恃巨艦轟擊船身簸揚中者幾何我順風而逐賊亦順風而逃無伏可設無險可扼必以鉤鏃去其皮網以大礮壞其柁牙蓬胎船傷行遲我師環而攻之然後可獲其一二船而餘船已飄然遠矣賊往來三省皆沿海內洋外洋則無船可掠無糧可依從不敢往惟勦急時始逃入焉儻日色西沈賊直竄外洋我師冒險無益勢必回帆而賊又追誅矣且船在大海中浪起如升天落如墜地每遇大風一舟折桅則全軍失色雖賊在垂獲亦必舍而收泊易桅峻工賊已遠遁故嘗累月不獲一戰夫船者官兵之城郭營壘車馬也船誠得力以戰則勇以守則固以追則速以衝則堅長庚所造船頗能如式第兵

船有定制。商船無定制。商船愈高大則愈足資寇。近日長庚勦賊。專令諸將士隔斷賊船。不以擒獲為功。而自率精銳。專注蔡逆。坐船圍攻。賊行與行。賊止與止。無如賊船愈大。破愈多。是以未能得手。且兵餉例止發三月。海洋路遠。往返稽時。而事機開不容髮。遲之一日。雖勞費經年。不足追其前效。此皆已往之積敝也。非盡矯從前之失。不能收將來之效。非使賊失其所長。亦無由攻其所短。則岸奸接濟之禁。尤宜兩省合力。乃可期效。奏入。

上切責阿林保連次參奏。專以去長庚為事。倘朕輕信其言。則長庚正當奮不顧身。為國殄賊之際。忽將伊革職。琴問豈不令

國朝先正事略 卷二十一 名臣

三

將弁寒心。試問水師中有過於長庚者乎。朕非昏瞶糊塗之主。豈受阿林保蠱惑。自失良將耶。此後勦賊事。責成長庚一人。阿林保儻忌功。掣肘遲忿。挾私則玉德。即其前車之鑑。并勅造大梭船三十。其未成以前。擇大商船雇用。十月公擊蔡牽於羊塘。獲牽姪添來。十二月敗牽於溫州。十二年敗牽於粵之大星嶼。十一月敗牽於閩之浮鷹島。十二月率福建提督張見陞等追牽入粵海。時朱濟已為許松年所殲。其弟渥降。牽亦屢敗。羣黨敗散。止三舟矣。二十五日公自率親軍。當蔡牽大艇。公前後陣皆親搦戰。至是自搦鼓。合戰良久。擊破牽蓬。又自以火攻船。維其後。船將燬之。親卒躍入賊船。幾擒牽者。再牽奴林阿小

素識公暗由船尾發砲。中公喉血湧出。不可止。遂仆。當是時。閩粵水師合勦。十倍於賊。少持之。立可殄滅。而張見陞本庸懦。又窺總督意。願不受提挈。見中軍船亂。遽引舟師退。牽得遁。走安南。然公雖授命後卒。遵公部勒。滅蔡牽。故言水師名將。皆推公第一。既明日潮州知府至舟。殮公。得載柩。蓋公之誓死非一日矣。公治兵有紀律。恩威並用。賊最畏憚。公嘗遣腹心偽降。欲行刺。公搜衣得刃。斬之。海盜沈振元。自言為盜時。泊浙海。夜夢公至。一夕數驚。遂革心投誠。為水師健弁。南北汕之役。公所將止。浙兵三千餘。皆闕卒。牽以賂錢數十萬。徧賂浙卒。買路會夜。大風雨。縱之去。

國朝先正事略 卷二十一 名臣

三

上遠治閩督。新督至。置酒款公。曰。大海捕魚。何時入網。海外事無左證。公但斬一酋。以牽首報。某即飛章報捷。而以餘賊歸善。後辦理。則公受上賞。某亦邀次功。孰與窮年冒鯨波。僥萬一哉。公慨然曰。石三保。番人傑之事。長庚不能為。且久視海。船如履。舍不畏險也。誓與賊同死。不與賊同生。新督不擇屢効之。既不。得逞。則屢飛檄。趣戰。動以逗撓為詞。公所。怒誓決戰。擒賊。至是而公不能不死矣。公家故豐。悉毀於兵事。究心攻略。能詩文。修甯波學官。置義冢。為粥。食饑民。士民皆感之。在軍。械所。落齒。奇其妻。吳蓋以身許。國慮不能歸骨也。公薨年五十有七。無子。嗣子廷鈺。襲爵。詔祀昭忠祠。著有水戰紀略及詩文遺集。

王壯節公事略

公諱文雄字叔師貴州玉屏人乾隆三十二年由行伍隨征糧
旬三十七年隨征金川補外委沔陞守備四十年攻木思工噶
山礮先登鎗丸穿脛骨不退擢湖北都司四十二年金川平大
軍凱旋錫宴紫光閣四十八年遷山東遊擊累擢參將及直
隸副將嘉慶元年調赴湖北軍營勦捕邪匪四月隨提督慶成
攻劉家集於白河對岸過賊渡河旋偕遊擊木克登布奮擊斬
獲甚多收棗陽之梁家岡又攻張家塔破賊營二十有五賜
號法佛禮巴圖魯八月賊圍鍾祥敗之追至雙溝殺賊千餘十
月擢南陽鎮總兵十一月攻草店賊巢不克乃夜襲破其營殲

國朝先正事略卷二十二 名臣

王

四十年生擒二百有奇十二月賊分竄河南回境堵禦二年春
敗賊於禹州又敗之於鄧家河境內悉平湖北襄陽竄賊焚保
安驛公由信陽確山追勦至裕州四里店值官兵與賊從旁攻
入賊敗遁夏六月恩縣奸民張雲路聚眾滋擾公馳往擒治之
悉就獲七月命率所屬兵千餘赴襄陽時賊首姚之富等由
興山奔房縣分竄保康界逼近南漳公駐軍五盤山扼其衝八
月賊又焚掠白虎頭峽口等處馳往殺數十人移營峽口忽報
賊從遠安竄南漳之陸坪急率兵迎擊遣遊擊賈永吉攻柞路
都司范從志副之守備鄭永泰攻辛家坪守備吳瑣州同俞克
振副之公親至報信坡攻其大隊賊敗走追至羊角山賊復拒

戰部將射中其魁乃潰追殺十餘里斬首五十級獲器械馬廐
無算賊又偽以數百人迎敵潛糾眾從東趨南漳城公偵知密
遣兵役伏百步梯以火攻之墜崖死者千計九月以兵二千赴
陝西河南適中地禦賊且防興安江岸三年正月賊首高均德
糾賊婦齊王氏援關中公往來督戰皆克捷賊不敢東窺豫境
首逆李金張添文擾郟縣整屋公以兵迎勦賊馬隊焚焦家鎮
擊斃數十人忽大隊賊自林中出公奮力截擊火器發殲賊五
百生擒三十有奇乃西遁亟整兵追襲行數里至圪子村賊萬
餘猝至公令兵勇張兩翼賊亦左右來拒戰為火器擊退旋分
四路撲我師又敗之遂悉眾十數隊馬步聯絡圍數重公為回

國朝先正事略卷二二 名臣

王

陣外向擊之賊不敢近又騎賊千餘來撲營令藤牌軍大呼奮
躍而出賊馬驚返奔乘勝追殺鎗殪賊目王正部遂大潰陝撫
秦承恩入奏擢固原提督三月追賊至尹家衝殺賊八百餘
分竄翔峪澧峪進攻之翔峪賊敗竄澧峪皆殲焉五月敗高逆
於整屋六月敗賊首阮正通於南鄭七月賊張漢潮等由南鄭
東北竄公冒雨疾馳兩晝夜至廉水僉及之賊據山隘山下皆
稻田水深數尺見官兵至輒連騎下壓公列礮隊仰擊賊傷亡
者眾乃分馬步隊潛從左右翼截我兵後我兵三路擊敗之殲
賊千餘人八月阮逆等七千人竄西鄉西流河據伏銅廠山梁
公遣州判張聖祐外委王廷英破其伏自攻中堅斃千四百擒

張金等八十三人尋命公與西安將軍恒瑞分領陝兵敗賊於魯家壩毛垭河駐兵老魚壩

上責其逗遛四年七月設伏倒水洞敗賊日苟六明等首逆冉

添元鼠沙田壩公令守備劉耀德等先赴箭桿山而自督兵繼

進大敗之追至景家坪殲賊百賊奔皮貨舖又大敗之四川賊

首龍紹周竄入黨他壩欲與冉逆為應公於賈賊山扼之不得

入其自東南至者偽稱齊家營猝與公兵遇亦被殲二千餘人

上嘉之九月黃號藍號賊據老鷹崖公分兵三路躡險上殲賊

千餘生擒李智花等百五十人餘竄金竹溝仍冒雨追擊敗之

賊遁入川又敗王三槐餘黨於牛頭山十月賊樊仁傑唐大信

國朝先正事略卷二十二 名臣

竄西鄉境內肆擾公以一旅之師四出抵禦屢而數次力疾督

師多斬獲 溫旨慰勞十二月黃號等賊復自四川奔陝境公

令遊擊梁煥等擊之自勦曹家壩竄賊甫迫及而梁煥兵遇伏

幾殆公救之殲賊七百解其圍疾復作 諭令在後營調養稍

愈而賊之匿川陝界中老林者潛伐樹開道越山竄南鄭分由

沔縣走略陽欲渡嘉陵江

上以為防堵不嚴念其帶兵無多且染病飭令奮勉立功自贖

五年四月賊自甘肅竄回公敗之於洋縣僅斃數十人兼奏敘

未晰得 嚴諭五月敗賊楊開甲等於土開關六月唐逆竄西

鄉大祥等壩據險分屯公分兵三路夜抵賊卡賊臥未起破其

營遁勦三十餘里生擒馬正川等百餘人

上深嘉之下所司議敘并令專辦西鄉一帶防堵事七月敗新

逆於魏家寨是時唐逆與之糾合公在黑山萬曲灣火石壩山

王廟等處屢敗之賊竄四川之太平未幾甘肅高二馬五及戴

家營賊竄入西鄉堰口窺縣城擊敗之追斬賊百生擒林德義

等八十八人二十四日偵賊眾倚法寶山潛屯夜令都司哈國龍

自喬家店副將鮑貴自索羅觀親率都司鄧飛龍守備孫佑自

中路進賊礮石抗我師公身先士卒奮力仰攻突有騎賊從溝

中出截我後山上賊由索羅觀閃道出撲鮑貴兵公急救之賊

乘勢悉眾下山鏖戰至午未少卻賊圍益急公左右衝擊以眾

國朝先正事略卷二十二 名臣

眾不敵被創十餘奮力戰賊刀矛蟻集隨其左臂墜馬下伏地

北向呼曰不能仰報 君恩矣遂薨

上聞之垂淚賞三等子爵令其子承襲并令賜恤其母六年二

月總督長麟奏獲前戕公之賊目馬應祥 命於伏誅後割首

赴貴州就公家致祭以慰忠魂 尋 賜祭葬如例入祀昭忠祠

子諡壯節子開雲以戶部員外郎襲爵官至山東鹽運使孫鳳

翥道光癸巳進士四川井研縣知縣

朱勇烈公事略

公姓朱諱射斗字文光貴州貴筑人少孤讀書奉母復棄學入營伍自樵採以佐甘旨乾隆三十二年從征緬甸以功拔外委從征大小金川屢立戰功再擢千總賞藍翎遷荔波營守備施南協都司襄陽游擊賓州參將平遠協副將賞花翎公沈毅果決臨陣敢戰自初隨征即為阿文成公所識拔計金川平經大小一百八十八戰身被九創殺賊無算欵礪樓十二所領積功劄十三次傷賞銀百六十兩五十年授鎮守鎮總兵調普洱鎮為極邊要隘民苗雜處私販偷越最為邊害公按時巡察撫綏得宜民無越畔五十七年從征廓爾喀調福甯鎮總兵明

國朝先正事略

卷二十二 名臣

三

年調川北鎮六十年征苗攻黨槽三家廟多斬獲克龍角礮北面山梁嘉慶元年克火麻營大山克黃土坡賞蟒袍一襲又京平機破貴魚坡斷首逆巢穴石隆寨要路梟首逆石柳鄧寶幹勇巴圖魯名號明年苗蠻平撤師回川北達州邪匪王三槐滋事冉文儔羅其清蕭占國張長庚包正洪卜三聘張添倫辛聰張世隴等先後應之川東擾亂官兵四擊賊眾分竄達州巴州通江南江諸縣公既回川北先破王三槐於金嶽寺得旨議敘既焚金嶽賊巢進克茨菇梁商成寨殲賊盈萬轉戰至黃家山三槐中鎗遁破重石子香爐坪迎擊秋波梁竄匪擊退巴州賊屯領兵守保甯先是圍剿方山坪首逆冉文儔羅其清

未獲而方山坪即保甯所轄也奉嚴旨責以奮勉立功三槐風望溪邀擊之擒苟文宰等三十七人復馳擊三槐及徐天德於風門鋪殺賊四百餘人得旨褒獎明年借副將穆克登布擊羅其清於儀隴雙路場追擊四十餘里殺賊千餘人復擊退濟川橋賊擒張碎勝等九人斬首五百餘級賊圍儀隴馳應之賊潰進攻其清大鵬寨擒楊正富等三百餘人明年破冉文儔於麻瀾寨鎗殺之蕭占國張長庚亦就殄得旨議敘包正洪踞鄰水公督兵百萬縣馳赴賊屯戰康家坪趙家場擒李有隴孫成追逐之至開縣九龍山擒馬官成至厚葉溝擒莫以才復及之小毛坪賊踞山公鼓兵直上正洪被鎗死賊大潰得旨

國朝先正事略

卷二十二 名臣

三

襄獎賜騎都尉世職卜三聘踞八石坪破之張添倫辛聰竄湖北巴東已復竄房縣遇竄匪高二馬五公率兵迎擊斃百餘人高二馬五潛襲我營擊卻之擒潘受榮等時公感冒風寒病幾危以兵授提督七十五就醫夔州甫浹旬陝西竄回各賊滋擾通江南江經略額公檄公勦捕公力疾馳往大破之通江追擊至竹峪關復破之德漢城追擊至朱家壩賊望風遁由是經略奏公分勦通南明年張世隴屯聚草廟公領眾截殺多所斬獲而經略將赴陝西復調公至達州與總督魁倫會勦公從南江雷音鋪至達州賊乘隙自定遠潛渡嘉陵江官兵自順慶渡河迎截賊走西充文井場比追及賊已夜遁公急馳十餘里及

賊後隊追戰越三十餘里殺賊四五百人。生擒百餘人。乘勝追至蓬溪高院場。賊分奔上山。公督兵直上。突有賊七八千人來拒。眾寡不敵。被圍數重。初魁倫遣公及總兵百祥以兵三千進擊。約自帥後隊數千繼進。至是魁倫擁兵不援。反回屯城內。公手刃十餘人。過坎墜馬。歿於陣事。聞照提督例議卹。賜二等輕車都尉世職。子樹蓂。陝西戶部主事。子祭葬。時百祥以千兵斷後。亦幾殆。魁倫遂以防潼河為名。退屯潼川。未幾賊卒宵渡。擾川西。魁倫禱速治罪。賜自盡。七年陝西獲賊目李自剛。賊公者也。

上命磔之。設公靈致祭。復傳首祭公墓。八年入祀昭忠祠。賜

諡勇烈。公自乾隆三十二年隨征。至授命之日。凡三十四年。初

受。高宗恩遇。由行伍擢至副將。又專闕五省。每入。覲以老臣目之。於請賀。

萬壽聖節奉。手敕曰。汝舊人也。不必來京。仁宗御極復蒙。異數。錫賚便蕃。凡有微功。必邀甄錄。公感

兩朝知遇。臨陣奮勇。賊畏之。有朱虎之號。雖被創。嬰疾。一聞賊

即抽戈起。嘗慨然曰。某受。恩深重。即效命疆場。尚不足以仰

報萬一。其感奮如此。在軍。思威並濟。飭軍容。勤訓練。士皆用命。民無騷騷。尤軫恤難民。前後拯濟。不下萬人。公歿。兵民皆流涕。

賊既退。營卒倉卒收公骸歸葬。遺其左足。明日川民於戰處得之。別葬於潼川府鳳凰山。仙人掌子樹欲奉足歸葬。川民哀留之。遂別為墓。建祠祀之。弗能歸也。

國朝先正事略 卷二十二 名臣

三

額忠毅公事略

公諱額勒登保字珠軒姓瓜爾佳氏滿洲正黃旗人乾隆三十三年以馬甲從征緬甸及金川授藍翎侍衛遷三等侍衛四十年金川平賜號和隆武巴圖魯四十九年從尙書福康安公攻逆回田五等於石峰堡晉二等侍衛賞黃馬褂五十二年以頭等侍衛從福公征臺灣解嘉義圍明年擒林爽文臺灣平詔圖形紫光閣遷御前侍衛五十二年廓爾喀逆匪援後藏從福公攻克擦木賊寨七戰七勝加副都統銜事平再圖形紫光閣

上親製贊尋授副都統兼護軍統領六十年擢都統當是時黔

國朝先正事略卷二十二名臣

三

苗石柳鄧叛於松桃廳楚苗石三保叛於永綏廳陷乾州

上命福公以雲貴總督視師疏請以公及護軍統領德楞額率巴圖魯侍衛往由松桃迤西進攻遂解永綏圍克黃瓜寨又攻首逆吳牛生於蘇麻寨克西梁牛生遁高多寨擒之與德公同授內大臣又獲乾州賊目吳八月賊黨尙據平隴邊官兵公進抵長吉山逆苗數千來撲營敗之嘉慶元年五月福公薨代之者爲川督和琳時石三保就擒石柳鄧等踞平隴公率師渡河先趨乾州復其城得旨賞花翎補領侍衛內大臣屢攻克險要苗寨八月和公卒於軍是時統兵大帥惟公及德公暨湖南巡撫姜公晟

上命將軍明亮提督鄂輝往會剿十月偕明公等攻克平隴石

柳鄧遁踞養牛塘山梁分兵克之賞銀千兩十二月大軍斬石柳鄧父子及吳廷義等詔封公威勇侯賞戴雙眼花翎德公封繼勇子明年三月班師會川楚教匪稔亂公遂由苗疆移征湖北矣公之初至湖北也連克險要賊棄寨遁鶴峰州之芭葉山四月復連奪賊柵賊守險死拒官兵晝夜攻之賊突圍出追敗之建始縣分兵三路進捕斬賊四千有奇十月襲逆首林之華於巫山而覃加耀仍未就擒十一月竄長樂之朱里寨有詔切責十二月賊據歸州終報寨

上以加耀黨與不過數百兵多賊少不能立奏蕩平降三等伯

國朝先正事略卷二十二名臣

三

箭戴單眼花翎三年正月擒加耀

上責其不能早竣事有過無功奪箭職及花翎予副都統銜時賊匪有青黃藍白綠等號上命公赴陝協勦白號高均德黃號姚之富齊王氏二股會賊目李全等自整屋至藍田欲與高齊合公率兵截擊之姚之富齊王氏失援遂爲明亮德楞額所殲尋進剿高均德於兩岔河賊竄商州鎮安等處四月監號賊張漢潮由川入楚公帥索倫兵赴荊州會剿敗賊於竹山追入陝境平利縣又由陝追入川境太平縣時白號賊羅其清踞營山縣境之箕山德公等破之九月公至廣元截擊生擒漢潮子正澂與德公軍合十月羅其

清竄踞大鵬山合兵圍克之殲其清父從國其清遁巴州公追
剿七晝夜擒之并擒其子若弟有 旨賞還花翎十二月追勦
青號徐天德白號冷天祿於合州四年春

上命川督勒保為經略大臣公與明亮同授副都統為參贊大
臣三月藍號賊蕭占國張長更等率眾八九千由閬州回竄營
山公力疾轉戰盡殲其眾斬蕭張二逆 詔賞二等男爵時冷

天祿方踞岳池公乘勝冒雨進剿追至廣安州殲之悉殲賊眾
千人於石筍河得 旨嘉獎晉一等男四月追勦白號賊張子
聰於雲陽子聰糾合黃號樊人傑龔建等抗拒別賊蕭焜又合
綠號卜三聘等來犯公疊敗之於寒水壩等處賊稍解散五月

國朝先正事略 卷二十二 名臣

姜

子聰復合藍號冉添元等欲犯陝境經官軍扼截逼回南江子
聰尋竄通江追敗之於荀家坪又敗冉添元於木老壩

上諭樞臣曰額勒登保每戰必身先故所向克捷能得眾心但
曠司參贊乃國家倚重之大臣與前任領隊時不同此後宜加

慎重不必爭先冒險七月冉添元竄鎮龍關欲與青號王登廷
合登廷屯馬鞍寨公擊敗之奪其寨窮追至大竹東鄉等縣他
齊家營別賊屠至分兵擊斬二千有奇生擒千有奇仍緊躡登
廷不懈

上嘉之八月 詔逮勒保明亮入都以公為經略德公為參贊
先是湖北糧員胡齊嵩餽送事發公獨無所受 諭加其忠勇

公清為東三省人傑授領侍衛內大臣九月疏言徐天德經楚

軍勦敗折回川東勢已衰弱而王登廷現與冉添元苟文明合
股又有襄樊賊首冉正濼竄至廣元觀覬入陝目前賊勢川北

為重臣未便再往川東應通籌全局相緩急圖之又言軍中出
力人員應隨時鼓勵令領兵大員自行保奏以免咨送稽延

上臆之尋率總兵楊遇春殲阮正濼等於雲霧山補都統十一
月登廷天德添元等會合抗拒公躍馬督陣勦之於巴州何家

境擒偽總兵賈正舉等追賊入倉溪賊冒死衝突我軍頗有傷
亡王登廷尋為南江縣團勇盤獲事聞 諭曰額勒登保此次

盤獲王登廷與所奏倉溪一帶官兵挫折之事相隔止一日使
國朝先正事略 卷二十二 名臣

姜

他人處此必諱言失利將王登廷作為陣獲以掩敗為功今據
實直陳不稍存諱飾而於鄉團盤獲王登廷十節並不擻為已

功真不愧經略之任蓋公天性樸誠又奏調郎中胡思顯代司
章奏遇事直陳

上嘉公不欺并 賞思顯三品卿銜此固公之忠誠上格而
仁宗皇帝至聖至明亦從可仰窺矣十二月高戴馬羅各逆首

由老林突入陝西之城固南鄭等處公督兵赴陝以川省軍務
交總督魁倫接辦五年二月因病暫駐秦州

上遣御醫診視尋殲賊眾於甯遠伏羌岷州階州等屬擒偽元
帥陳正甲等三月白號賊楊開甲等復由甘入陝其藍號張漢

潮先焚於陝境。餘匪仍熾。潼河亦失守。詔逮問魁倫。起勤保。成都將軍與德楞額。泰勦川賊。專責公及尙書那彥。成勦陝賊。四月公率總兵楊遇春。馳抵商維。賊賊七百。又追至兩岔河。殲擒千餘名。緊扼龍駒寨。遏賊東趨盧氏之路。

上嘉之。賊西南奔洵陽。公設伏擒斬。號賊劉允恭。劉開五等。於是漢潮餘黨之在陝者。略盡。晉封三等子。五月追勦黃號賊。伍金柱等於漢陰。廳斬賊首龐洪勝等。殲賊五千。追斬楊開甲於洋縣之茅坪。六月陝賊全竄甘肅之兩當。徽縣而藍。號賊陳傑仍偷越棧道。欲奔南山。公率兵擒傑。并獲偽元帥曹印。斬賊三千有奇。又鎗斃伍金柱於成縣之夾溝。又斃首逆宋某於兩

國朝先正事略 卷二十二 名臣

三

當屢奉 恩獎。公乃移師西鄉。居中督辦。而賊不據城池。惟往來川陝。楚界萬山中。狡鼠疾馳。趨向無定。有由西鄉。漁瀾竄過。漢江以北者。公帥師渡江。迎擊。疏言。賊蹤飄忽。惟堅壁清野。可以制其死命。目下川省。緊寨堡。賊即不敢深入。而秦楚兩屬。結寨參參。仍可恣其擄掠。請一律興築。

上可之。乃以勦捕責公等。以防堵責。驅吏會賊。逼武關。圖入豫。公督兵截擊。逼回西南。六年正月勦黃號賊。王廷詔。白號賊。高三馬五等於漢陰南山。斬斬千餘。生擒八百。

上以高三馬五王廷詔。皆著名悍目。官兵既獲勝。即宜專注此賊。併力追擊。不可舍而之他。二月奏設甯陝鎮。爲南山屏障。得

旨俞行。提督楊遇春。擒廷詔於川陝邊界之鞞子溝。復追高三馬五於甯羌州。擒之。并擒賊首王凌高等。詔嘉公調度有方。晉二等子。賞還雙眼花翎。時逆首著名者。陝西則冉學勝。伍懷志等。湖北則徐天德。苟文明等。四川則樊人傑。冉添泗。王士虎等。尚不下十餘股。學勝北擾甘境。公由漢中入棧。遏之於渭河。又蹙之於漢江南岸。賊遁平利。而洵陽復有白號。張天倫等。五股合屯劉家河等處。勢張甚。公命楊遇春進勦。殲賊二千。生擒千。拔出難民數百。遂生擒天倫。命提督穆克登。布擒伍懷志。於秦嶺。未幾。楊公復擒冉添泗。王士虎。於通江。其起事最久之。徐天德。冉學勝。亦經楚蜀官兵殲擒。而姚之富之子。馨佐。及白

國朝先正事略 卷二十二 名臣

美

號賊高見奇。辛斗等。方擾甯羌。公督軍西勦。逼入川北。九月總兵楊芳等。擒辛斗於南江。副都統豐紳等。擒高見奇於紫陽。又追勦逆首李彬於建州境。獲其妻子。及偽帥冉天璜等。於是偽總兵韓進文等。各率所部降。賊勢日蹙。因條上。搜捕事宜。論嘉其深中肯綮。晉封三等伯。賞黃面貂皮馬褂。十一月。苟文明。明潛與高冉各股殘匪。合由廣元偷渡漢江。竄入甘肅。階州。旋回廣元。十二月復竄通江。殲之於瓦山溪。獲文明弟文舉等。賊竄開縣大甯。七年正月。斬黃號賊辛聰於南江。苟逆尋由西鄉七星壩。掠船偷渡。漢江北岸。公馳奏請罪。降一等男爵。單眼花翎。旋有 旨以川匪交德楞額。泰勒保。辦理。公以經略兼西安

將軍專辦陝賊二月苟文明被勦竄入南山與別賊米應伏劉承受等合且詐用官軍旗幟計陷我兵公督師入山投勦而峽路險阻賊勢盛則隨地抗拒被勦窮蹙則翻越陡壁藏匿老林且多分黨與候東候西為牽綴官兵之計六月公痛殲賊眾於真家灣苟文明僅以三百人跳免擒其妻子并斬崗民之通賊者賊目劉承受亦為村民所殲苟逆尋由川塘河東竄公親帥師抄擊之疊有新獲晉封一等伯賞還雙眼孔雀翎公奏軍務將城撤東三省及兩粵官兵八月窮搜南山餘匪獲首逆張芳隨晉兵至平利與德公合勦大股楚匪凡五戰擒斬過半九月駐安康紫陽東顧楚境西策川界十月殲青號賊熊方清

國朝先正事略

卷二十二

各臣

完

於王家莊并於竹溪境內盡殲老林股匪十一月穆克登布追賊至通江鐵燈臺生擒首逆蒲天香等數名晉公三等侯時各逆就獲餘匪分竄老林者或百餘人為一起數十人為一起不復成股乃以十一月借參贊德公總督勒公等馳報肅功優詔晉封一等侯世襲罔替授御前大臣加太子太保賞用紫綬以昭殊錫八年正月留陝陝捕餘匪擒姚馨佐宋應伏等於紫陽上善後事宜五則十月振旅還京特派御前侍衛郊迎十二月行抱見禮於養心殿賞賚不次旋入川借德公盡殲餘匪以疾告命回陝調理十年春入京命總理行營事務充方略館總裁御製詩賜之加賞銀五千兩大緞十六疋

充後恩大臣 賜紫禁城騎馬 命詞告

裕陵投崇文門監督八月 駕幸盛京恭謁

三陵禮成 詔晉公三等公爵是月薨年五十有八奏至行在

上震悼涕泗交集 特賞陀羅經被派成親王率侍衛十人回

京奠醊頒庫金五千兩庀喪具九月

上回鑾 親臨賜奠 御製述悲詩一律 命將軍秀林修其

吉林祖墓官為立碑復於地安門外建專祠 賜名曰哀忠春

秋致祭照公爵例 賜卹 予諡忠毅公天性嚴毅笑比河清

諸將白事帳前莫敢仰視初隸超勇公海蘭察部下每戰輒陷

陣海公日子將才宜略識古兵法以公不識漢字取諡清三國

國朝先正事略

卷二十二

各臣

早

演義授之遂為名將尤得士心雖疲乏之兵歸其隊下率變而奮勇嘗謂諸將曰我兵係係生路惟拚命進戰是一死路賊係係死路惟拚命退戰是一生路欲以我之長擊賊之短惟有出其不意攻其不備之一法故追躡必窮所向俾賊不得憩息師行整隊伍常若臨敵或倉猝遇賊後隊未即至即以前鋒突擊不使賊有成列之暇每宿必四路偵伺以備不虞臨陣礮彈常從肩耳過左右失色公督戰益力尤嚴操守賞士巨萬不惜而不以一錢自奉督撫餽遺皆不受大兵城久諸將多蓄貨財飢旋日過蘆溝橋雖德侯亦輻重疊公獨行李蕭然數騎而已初有子為侍衛卒公方治軍得書不言亦無戚容夜歸帳乃哀

勇日治事如故。回京生子一。

上賜之名甫數月。公薨。賜奠時。

上取子至膝上。命襲侯爵。逾年卒。以兄子哈郎阿嗣。或疑公忠勇果毅。已質天人。而誅戮不無太過云。

國朝先正事略

卷二十二 名臣

望

德壯果公事略

壯果公者名德楞泰。姓伍彌特氏。正黃旗蒙古人也。乾隆三十五年。由前鋒長。隨征金川石峰堡。臺灣。俱有功。累遷參領。賜號繼勇巴圖魯。授健銳營翼長。五十七年。隨將軍福康安。公參贊海蘭察。公征廓爾喀。冒雨設險攻賊寨。下之。加副都統銜。圖形紫光閣。尋授副都統。遷護軍統領。六十年二月。黔苗石柳鄧。楚苗石三保叛。陷松桃永綏等廳。

上命公帶領巴圖魯侍衛章京馳驛赴鎮。率隨漢督福公勦賊。賊掠永甯哨。公駐花園。隆團等處禦之。屢有新猷。三月。福公解松桃永綏圍。時首逆吳半生與柳鄧三保為聲援。率黨拒官兵。

國朝先正事略

卷二十二 名臣

望

於大烏草河。公偕都統額勒登保。公疊克沿河賊寨。七月。渡河。抵盛華哨山。半木城堅甚。用火攻克之。八月。克古丈坪。九月。進攻摩手寨。由開道至寨後。出賊不意。奪據石城。遂與額公擒吳半生於高多寨。特授內大臣。十月。進攻鴨保山。克木城石卡三十餘座。又克天星寨木城七石堡五。獲賊目吳八月。偽稱吳三桂後者也。嘉慶元年五月。福公卒於軍。時石三保就擒。平隴尙未下。公隨川督和琳先攻乾州。復之。進攻石柳鄧於平隴。奪其險。八月。和公卒。公偕額公及南撫姜公晨進兵。上命將軍明亮提督鄂輝來會勦。十月。克平隴。命充御前大臣。再克石柳鄧於養牛塘山梁。賞白金千兩。十二月。柳鄧就

殲。詔封二等子。加資白金五千兩。尋獲吳八月子廷義。暨各首逆家屬。賞戴雙眼孔雀翎。二年二月。苗鳳平奉命偕明公率川滇兵六千馳赴四川。勦教匪。時賊首徐天德王三槐竄踞金峽寺。公奪險進攻。燬其寺。殲賊亡算。敗匪竄踞重石子香爐坪。數尚二萬。其南有分水嶺。西南有火石嶺。賊卡林立。我軍奪嶺進。三槐率黨五千來撲營。公擊敗之。三槐中鎗。逸獲其義父賀宗盛等。五月。公破重石子。明公破香爐坪。共殲賊萬計。追至陳家壩。擒徐王二逆之母及傳教首逆孫士鳳。賊黨僅存千餘人。會襄陽賊齊王氏姚之富樊人傑等率眾二萬自楚入川。與徐王合。於是徐王氏姚之富稱黃號。徐天德稱青號。王三槐

國朝先正事略 卷二十二 各臣

聖

稱白號。設元帥總兵諸偽稱。屯開縣之南天洞等處。勢張甚。官兵破南天洞。賊分走雲陽萬縣。雲陽教首高名貴糾眾數千。欲與徐天德合。公以計擒名貴。盡殲其眾於陳家山。優旨賞資。七月。齊王氏等由奉節巫山東走楚境。公與明公縶出宜昌。迎勦賊復南趨。公雷明公屯宜昌。自趨荆州。迎擊解遠安縣圍。上嘉之。八月。賊犯荆門宜城。公往援。勦會東三省勁兵。適至合。勦大捷。二城得全。賊遂欲北渡襄江。竄河南。公扼其要隘。殺賊千餘。斬偽元帥袁萬相等。截賊回湖北。得旨賞紫纒。九月。屢殲賊於房縣竹豬竹山。賊走陝之平利。岡入川。東我兵敗之於樹河口。殺賊數千。賊偽元帥張世虎等賊北走紫陽。又合白號。

賊高均德西定漢中。十一月。賊欲竄漢江北渡。公帥師衝入江心。擊殺甚眾。截賊入川。先是。上以齊王氏姚之富為著名首逆。命專力擒渠。不必分心他處。三年正月。齊姚二逆竄甯羌山中。高均德遂由南鄭渡江。擾及褒城。時大兵方追高逆於城固洋縣。齊姚二逆遂乘虛由石泉渡江。與高逆合。東走漢陰。廳三月。公窮追齊姚二逆。由山陽至鄖西。日行百七十里。擒斬千八百人。賊踞鄖西三岔河拒守。我兵盡殲之。獲賊目王如美等。齊姚二逆投崖死。得旨嘉獎。高均德由鎮安竄雒南。我兵敗之於兩岔河。斬偽帥高大高二宋三等。餘賊與李全張天倫合。五月。又敗之於五郎關。均德自

國朝先正事略 卷二十二 各臣

聖

甯羌走廣元。合黃號龍紹周藍號冉文儔等踞渠縣之大神山。有眾二萬。諭責公遲緩奪爵職。雷副都統銜。觀後效。七月。攻克大神山。賊卡先後設伏。斬級三千有奇。賊眾將竄營山。官兵蹙之黃渡河。斬級四千。賊目冉文字等均德中箭。逸遂入營山縣之箕山。與羅其清合。羅其清者巴州白號首逆也。眾萬餘。結寨箕山。徑圍百餘里。三面陡絕。惟東南有路可通。八月。青號徐天德王登廷黃號樊人傑等踞鳳凰寺。阻營山渠縣。運道與其清犄角。我兵攻克鳳凰寺。而箕山仍負固不下。十月。分三路進兵。奪賊卡七。賊寨六。遂克箕山。羅逆退駐大鵬山。適額公自蘭州率師至。合勦。十一月。賊乘雨夜來撲營。公偵知之。潛伏賊

寨南門用雲梯乘間入火其寨額公亦襲破西門殺賊四千殲其清父從國尋合兵追其清於巴州擒之并獲其子若弟等俘斬六千得旨賞還花翎四年正月元旦生擒冉文儔於通江盡殲賊眾賞一等輕車都尉二月徐天德及白號賊冷天祿等由墊江竄涪州詐稱難民入鶴遊坪寨公偕額公擊退之時川督勒保公為經略疏言各路帶兵大員惟額勒登保德楞泰尤為知兵且得士民心遂詔公專剿徐天德太股尋追徐逆於開縣擒賊目趙興宗等三月徐逆自大甯北折入陝我兵追及於太平縣又遇龍紹周唐大信等賊俘斬各數百人

國朝先正事略

卷二十二 名臣

聖

唐大信樊人傑龔建卜三聘張天倫辛聰等合官軍被其輾轉牽綴疊奉嚴旨申飭七月諸賊被驅出山由奉節巫山東竄楚境綠號賊龔文玉亦自夔州踵至公分兵痛殲之追至竹谿俘斬千四百人生擒文玉及卜三聘等賞騎都尉世職八月經略勒公被逮命額公代之以公為參贊大臣由房竹至興山截勦徐天德等逼回川東旋緊躡張天倫辛聰等入陝楚境肅清十月高均德率家營賊眾萬餘欲由白河走西鄉窺伺漢江龍紹周冉天元等又率賊眾圍走紫陽公皆擊敗之追殺百二十里擒均德檻送京師又擒偽元帥王臨高曹明魁等十餘人晉二等男爵十一月進兵川北殲白號賊張金魁於通江

擒偽總帥符曰明等於廣元十二月追荀文明等至川東賊聞大兵俱在川境遂先後竄擾陝甘五年正月偕額公分路抵秦州而藍號賊冉天元黃號賊徐萬富青號賊汪瀛綠號賊陳得俸等三萬眾及白號賊張子聰雷世旺等二萬眾遽乘間竄渡嘉陵江分擾南部西充等縣總兵朱射斗沒於陣二月冉逆等踞江油縣之新店子公由開道追擊賊分四路每路馬賊各四五百步賊二三千迎戰我兵亦分路衝入賊巢副都統賽冲阿溫春等遇伏被圍公往援慶戰竟日圍立解殲賊無算生禽陳得俸詔授公內大臣公轉戰而入連奪險隘冉天元以大隊屯馬蹄岡而伏萬人於火石埡後公抵馬蹄岡已過賊伏數重

國朝先正事略

卷二十二 名臣

聖

始覺俄伏起八路來攻人持束竹溼絮以禦矢銃慶瀾三晝夜賊更番迭進我軍飢疲數路皆敗公率親兵數十下馬據山巔誓必死天元督眾登山直取公公乘高險注矢引滿一發殲天元之馬賊而擒之賊遂瓦解我山後鄉勇亦至逐北三十里餘羽怒追擒斬無算天元雄黠冠川賊專用伏以陷官軍曾敗經略兵於蒼溪號令羣賊橫行川東川北川西荼毒數十州縣至是與官軍五日四戰層層設伏前賊卻後隊刃之誓致死決勝負賴公血戰破之生擒渠魁為軍興以來戰功最詔晉三等子爵是月復大破賊於劍州俘斬三千俄白號賊張子聰雷世旺等由射洪竄渡潼河西岸踞蓬溪分股圍攻民寨公率輕騎

追及痛殲之。賊世旺及偽總兵吳學周等。民寨圍解。晉子爵一等。授成都將軍。時川督魁倫以失守潼河。逮問。起勒保代之。命與公合兵。剿賊。四月。白號藍號賊分擾遂甯安岳等縣。并逼中江。有趨成都之勢。公與勒公夾擊。連敗之。斬級四千。賊欲東竄。邀擊之。嘉陵江口。俘斬及溺斃者三千有奇。潼河兩岸。肅清。閏月。追賊至川東達州新甯各屬。繳偽總兵苟文富等七人。賊敗竄川北。忽苟文明樊人傑等。復由陝入川。通江南江巴州。皆告警。五月。移師川北。繳藍白號賊目四人。六月。賊走營山。窺伺嘉陵江岸。公擊之恩陽河。與勒公合兵。追剿百餘里。至岳池縣。賊擒偽總兵苟文禮等十餘人。及餘賊四千。七月。苟文明以數

國朝先正事略 卷二十二 名臣

吳

百人。追時。藍號賊屯臨南江廣元等處。公襲之。殲賊千人。八月。合剿白號賊於東鄉太平。白號旋與青號賊趙麻花合。我兵扼老於茅坪。擒斬二千。九月。麻花復合老林賊王珊。欲向陝境。迎徐天德至川。我兵由江口截剿。至雲陽。麻花珊等皆就擒。十月。楚境黃白青綠四號賊由房縣走夔巫。高家營賊眾。及龍紹周等。復由太平通江北。竄兵至賊。去兵去賊。至樊人傑。冉學勝。王士虎等。遂由川入陝。徐天德又由陝入楚。詔以公堵禦不力。降為一等男。十二月。藍白黃三號賊眾八千。窺伺嘉陵江。公引兵襲之。再戰再捷。先後俘賊四千。賊首逆三人。晉三等子。御書。賜字。賜之。六年正月。白號賊高。自洵陽偷渡漢江。圍入河

南公追及於山陽。斬傳教首逆龔如一。等。賊二千餘眾。賞還一等子爵。尋箭斃高二於野猪坪。并擒偽帥王儒等。二月。抵興安。勦龍紹周等。逼令西入川境。龍逆率萬眾分路抗拒。痛殲之。賊城二千。擒賊首包萬才等七百餘眾。三月。龍逆遁湖北之竹山房縣。又敗之。仍走四川之太平。公勒兵截剿。殄賊三千。得旨。賞還雙眼花翎。四月。徐天德。樊人傑。合藍號賊陳朝觀等。竄陝。據白河縣之黃石坂。分股圍攻民寨。公派兵直取賊巢。擒朝觀等十餘人。賊城二千。五月。大破賊眾於西鄉。獲徐樊二逆之妻。徐天德由西鄉趨紫陽。公率賽冲阿等。蹙之於新灘。大雨水漲。天德溺斃。時龍紹周乘官兵追剿徐逆。復闖入房縣竹谿。公

國朝先正事略 卷二十二 名臣

吳

督兵逼回太平。先後殲擒偽帥陳文明等五人。八月。追紹周至巫山巴東。獲其妻子及偽軍師王鵬。老教首李天棟等。九月。擒紹周之兄紹海。弟紹華。龍逆僅以二百餘人遁。十月。殲紹周於平利。斬偽總兵曹應彪等十餘輩。餘孽蕩平。晉封二等繼勇伯。賞黃馬褂。十一月。奏改達州為綏定府。十二月。白號賊苟文明等。西擾甯羌。公偕額公夾擊。賊遁回川北。大敗之於通江。賊走開縣。公派兵馳救。自率輕騎赴大甯。斷其入楚之路。七年正月。奇逆山川入陝。偷越漢江北。竄會川。東零匪滋擾。上命公專辦川賊。三月。破綠號餘匪於奉節。擒偽帥龔其堯等五人。又勦白號賊張長青於雲陽。三月。長青敗走開縣。時黃號

樊人傑藍號崔宗和胡明遠戴四蒲天寶等屬聚楚境之歸巴
與房等屬公聞報即移師入楚 詔嘉其統籌全局無分畛域
深得大臣公忠體國之道四月樊戴各逆由房縣至歸州莫與
蒲天寶合公率精兵間道星馳三百餘里抵東湖乘霧渡河繞
出賊前使不得合賊以四千人踞雞公山我兵分兩路夾擊斬
首五百級擒偽先鋒等五人時蒲逆屯當陽河尚餘五千人五
月公冒雨進攻賊八百擒偽總兵二人蒲逆負創走又敗之
於穆家溝擒斬千餘公分兵留勦蒲逆自移師東趨直取樊人
傑冒雨入馬鹿坪出賊不意痛殲之樊逆竄至竹山惶急投河
死其妻子弟姪皆就俘樊逆倡亂最久各賊咸聽指揮與冉天

國朝先正事略

卷二十二 名臣

吳

均至是始掃蕩

上偉其功晉三等繼勇侯七月蒲逆乘間劫營卡將弁有被害
者合盛黃白號餘匪增至一二千人公奮力圍勦斬刈過半八
月窮迫至竹溪蒲逆墜崖死九月餘匪竄至巴東與山老林時
賊皆百戰之餘孫騰準鷲具悉官軍號令及老林徑路忽陝忽
川忽聚忽散屢被圍復乘霧澗崖突竄有中數矢猶力戰者分
軍遇之則不利大隊趨之則免脫僅餘二三百賊而三省不得
解散直至十一月始按期淨盡遂以十二月借額公奏報大功
獻定 優詔晉公一等繼勇侯加太子太保 賞用紫纁公子
蘇冲阿由頭等侍衛 賞副都統銜八年七月遵 旨入覲

上恩悅下所司優敘八月至熱河行在 御製七言詩賜之
命在紫禁城騎馬尋以南山餘孽煽動 命赴成都將軍任十
二月遇賊平利遣弁赴賊寨招降俱被害有 詔切責降二等
侯單眼花翎奪紫纁九年二月額公以 欽差大臣赴軍會公
奮勦騎投川陝老林八月全數掃蕩 賞還一等侯內大臣紫
纁雙眼花翎再交部優敘十年夏額公薨

上召公回京授領侍衛內大臣充方略館總裁十一年以海盜

蔡牽犯臺灣 命赴閩督勦未至蔡逆遠竄仍 召還六月充

後扈大臣總理行營事務管理兵部七月甯陝鎮新兵陳達順

陳先倫等作亂 命公為 欽差大臣往勦辦九月官兵分四

國朝先正事略

卷二十二 名臣

手

路因之叛兵蒲大芳等乞降縛獻首逆陳達順等傑之解散五
千餘人

上嘉其迅速尋請將隨同滋事之兵丁二百二十四名令暫歸

原伍約束操防 諭責其寬縱專擅退出御前侍衛罷領侍衛

內大臣交部議處尋 命革職留將軍任十二年春瓦石坪叛

匪滋事率將弁全數殲擒開復革職處分十四年正月疾作

上親解佩囊并頒內府丸藥賜之 特詔晉爵三等繼勇公三

月九日薨 謚曰悼恤派侍衛一人內閣學士一人馳驛迎至

中途輿輟喪歸至近郊

上親臨賜奠 御製詩挽之 命入城治喪賜內帑銀五千兩

照公爵例 賜卹 子諡壯果 詔川省建立專祠尋入祀京師昭忠祠公英勇超倫戰必身先陷陣與額公同心戮力以底成功馬蹄岡之戰尤為奇勳第一蜀人談之至今勃勃有生氣公薨時下 詔褒恤亦稱是役保障川西數十萬生靈免遭蹂躪為勳績之最著蓋是戰之奇在轉敗為勝萬死一生有天幸然非公之忠勇奮發不能得也子蘇冲阿襲侯官都統孫倭什訥再襲官將軍次孫花沙納道光壬辰進士由編修官尙書

國朝先正事略 卷二十二 洛臣

至

長文襄公事略

公諱長齡字懋亭姓薩爾圖克氏蒙古正白旗人父納延泰官理藩院尙書公由繙譯生員補筆帖式乾隆四十年充軍機章京升主事四十九年甘肅逆回田五叛隨阿文成公進剿升員外郎五十二年林爽文亂臺灣隨福文襄公往剿克復大里杙爽文就擒 賞花翎五十六年廓爾喀叛後藏復隨福公往討平之補郎中遷內閣侍讀學士嘉慶四年遷副都統授右翼總兵官五年川陝楚三省叛匪擾達州青號賊徐天德折竄湖北 命公為領隊大臣率兵馳剿八月白號賊高二馬五竄陝命改赴陝西時公道經湖北房縣會監黃白三股賊至即與巡

國朝先正事略 卷二十二 洛臣

至

撫倭什布會勦由南漳進攻尋以高二馬五屯洵陽王家坪公率兵分撲斬俘甚眾調宜昌鎮總兵旋由鮑家店抄至賊前分隊衝圍斬獲千餘乘勝由陳家莊進擊分兵七路晝夜窮迫生擒偽先鋒鄒順等餘匪散竄鄧家河公復繞出賊前斬獲五百餘人得 旨獎賚高逆由楚竄陝公追剿於白河賊之又據鼠楚境公由竹山房縣抄截殲賊百餘擒賊首吳登科等尋以徐天德等由陝竄楚與高逆合公由獅子巖分路迎截殲賊五百有奇追殺四十餘里又敗賊於瓦房口擒斬千餘得 優賚六年正月追敗高逆於楚陝交界之大花園會徐逆仍在楚境尋鼠公復回楚協剿敗其眾二月收賊於黃沙河燕子溝等處

尋探知白號賊苟文明藍號賊李彬由陝竄楚公倍道扼其東
竄之路戮偽總兵卜與昂等於陣會徐逆圍竄襄陽公設伏截
擊俘敵盈千擄湖北提督三月敗賊於穀城擒教首黃正魁等
百八十人旋敗賊茅倫山殲擒七百有奇邀 賞賚苟逆尋獲
房縣公由紫竹兜繞出賊後斬擒甚眾 命署湖廣總督五月
黃號賊張萬林從陝東竄鄖縣公督兵進剿斬獲亡算時藍號
冉學勝亦由陝竄楚復迎勦於秦家坪克之六月敗賊渠湯思
蛟劉朝選於劉家灣等處八月青號賊由陝奔楚公督兵由上
龔繞至鐘鼓山奮力截擊箭斃偽元帥李大年擒偽總兵蔣添
受殲賊七百有奇均得 旨嘉獎十一月黃號賊會芝秀自興

國朝先正事略卷二十一 名臣

三

山折竄房縣公由紫竹兜擊至二層巖擒斬甚夥復追至連湖
坪敗之旋率兵迎頭勦捕殲賊四百人僞軍師鄭三元僞元帥
褚貴悉就擒七年正月殲賊於摩天嶺餘賊遁紅巖溝公乘夜
用火攻勦洗殆盡一月首逆樊人傑合會芝秀各股匪竄興巴
一帶公由興山會勦敗之於高良坪三月賊竄房縣公帥兵追
殺二十餘里芝秀中箭遁四月殲賊於瓦房溝復敗賊於火石
嶺 賞玉鑲荷囊諸品五月藍號賊蒲天貴東竄羅溪河公督
兩進攻陞馬落水侍衛高翰等救出得 旨獎慰尋知樊人傑
會芝秀竄漁沱偕將軍賽冲阿等奮力追勦樊會二逆投河死
賞雲騎尉世職七月追勦蒲天貴於巴東蒲逆陞屋死公自房

縣接捕餘匪殆盡九月以疾聞 命回京調治八年以提督銜
補右翼總兵尋授古北口提督九年授安徽巡撫十年調山東
巡撫未之任以蒙城教匪余連糾眾倡亂遂帶兵馳勦殲匪黨
四百余逆就俘並獲教首李朝士等磔於市

上嘉其迅速十二年五月授陝甘總督六月入 覲時西甯賊

番滋事 命馳往查辦八月討平之獲賊目班珠爾貢格等

上嘉其迅速再下部優敘尋上善後章程四則從之十三年冬

以前在山東巡撫任內餽 欽差大臣廣興銀兩鑄級留任復

以廣興過境時藩司邱庭滢稟明勦辦差公置不究坐視職

致伊犁效力九月 賞藍翎侍衛充科布多參贊大臣十五年

國朝先正事略卷二十二 名臣

三

遷三等侍衛調烏里雅蘇台參贊大臣十六年授河南巡撫尋
以前在科布多收受伊犁將軍鮑送馬匹濫與供支干部議十
八年九月復授陝甘總督十二月岐山匪徒萬五等因木廠傳
工乏食糾眾滋事 命帶兵勦捕十九年正月擒萬五磔之乘
勝進擊斃賊六百有奇生擒陳四等三百餘名得 旨優敘
賞玉鑲荷囊尋殲賊渠吳抓抓於黃官嶺翼貴於階州漢江南
北均肅清 賞騎都尉世職並賞還花翎條上善後事宜五則
尋 命為伊犁參贊大臣二十一年授伊犁將軍二十二年復
授陝甘總督二十三年劾陝安總兵劉晉城任性乖謬甯夏總
兵游棟雲違制坐轎私役兵丁請褫職嚴議有差二十四年冬

大觀明年春回任 命兼署西甯辦事大臣道光元年以陝甘
山嶺崎嶇請裁減馬兵額以步兵改補從之加太子少保協辦
大學士仍留總督任公奏請入覲會山西巡撫成格勅學政陳
官俊殿差納妾等款 詔均解任 命公於來京陛見之便暫
署山西巡撫按其事尋疏言參款不能指實請分別嚴議奏入
成格降主事官俊降編修二年正月署直隸總督適河北九族
野番滋擾 命回陝甘總督任相機辦理三月檄總兵穆爾泰
馬騰龍等擊賊於克克烏蘇等處戰屢捷復敗之於烏蘭哈達
及幫隴山中集賊二百賊大潰追剿至駱駝山盡殲之奏入
賞換雙眼花翎時

國朝先正事略 卷二十二 名臣

進御養心殿勅雨捷報適至因 親書御製詩扇 賜之六月
條進善後八事如議行旋授閱兵大臣文華殿大學士管理藩
院事八月 命遷朝十月以青海野番於奏凱兩月後復過河
搶掠奪雙眼花翎仍戴花翎十一月回京 賜紫禁城騎馬三
月命充軍機大臣經筵講官管理戶部三庫事充繕譯會試
正考官歷充殿試讀卷官四年稽察欽奉 上諭事件處十二
月以大學士授雲貴總督五年調陝甘總督未幾授伊犁將軍
六年六月逆回張格爾入卡滋擾陷喀什噶爾英吉沙爾葉爾
羌和闐四城 詔以公為揚威將軍陝甘總督楊遇春山東巡
撫武隆阿為參贊率諸軍討之十月師抵阿克蘇時提督達凌

阿已敗賊於托什罕河張逆復糾黨三千據柯兒坪阻大兵進
剿之路公率將弁分路進悉殲其眾得 旨獎賞十一月
上念邊外凶寒 賜裘服七年二月師次大河拐賊屯洋阿爾
巴特夜犯大營我師擊卻之越日由中路進剿殲賊萬餘追殺
三十餘里擒賊黨三千餘人

上以公忠勇可嘉晉太子太保張逆復糾賊十餘萬抗拒於沙
布都爾莊我師奮勇抄擊逼至渾水河痛殲之進剿阿瓦巴特
大兵三路掩殺俘斬二萬有奇復追至洋達瑪河投殺淨盡捷
聞 賞用紫韁三月移師渾河沿克復喀城四月復英吉沙爾
葉爾羌二城惟張逆竄遁有 旨嚴飭奪紫韁五月賊屯昆拉

國朝先正事略 卷二十一 名臣

瑞迎拒大軍奮勇夾擊殺賊五千復和闐八月疏言張逆逃往
卡外達爾瓦斯之藏堪地方經參贊楊遇春楊芳分途出卡窮
追至塔爾克地方斬賊千餘協領都後阿侍衛色克精阿亦
陣亡 詔切責公奪職留任九月 命回京十二月偵知張逆
奔喀爾鐵蓋山密遣楊芳星夜追之我軍抄入賊後集賊三百
張逆僅以三十餘騎登山都司段永福等擁至張逆窮蹙將自
刎馬甲舒興阿兵丁田大武奮力生擒盡殲餘匪八年正月紅
旗報捷
上嘉悅錫封二等威勇公世襲罔替並 賞戴寶石頂兩團龍
補服授 御前大臣 賞還紫韁換戴雙眼花翎三月授都統

時回疆平定邊 旨回京 賜御製詩扇五月張格爾檻送京

上御午門受俘禮成晉公太保 賞換三眼花翎繪像紫光閣

正親製贊等 命鄭親王烏爾恭阿禮部尚書松筠等往良鄉

迎勞六月入覲行 抱見禮於勤政殿並 賜御用珊瑚朝珠

四團龍補服 諭不必進內侍班用示體恤復授閱兵大臣充

總諸達管理藩院及戶部三庫事充崇文門監督八月正大光

明殿凱宴 恩賞銀幣旋充繙譯鄉試正考官授領侍衛內大

臣十一月公生辰 御書功臣像贊及平格功成扁額黃扉贊

化星辰近紫閣圖動劍佩高聯句 賜之九年充經筵講官署

國朝先正事略 卷二十二 名臣 五

吏兵二部尚書管健營事務十年署步軍統領九月回疆遇

犯博巴克糾結浩罕入卡滋擾圍喀什噶爾英吉沙爾二城

制詔公為欽差大臣往督軍務十月仍授揚威將軍十一月提

督哈豐阿胡超等先後統兵進援二城圍解公以從逆者應誅

波累者應有因籌議善後事宜 上嘉其詳備先是喀什噶爾參贊大臣扎隆阿誣劾伊薩克助

逆 命公及伊犁將軍玉麟會鞫之疏白其誣 手救報曰若

非卿立人公忠體國何能平反此獄使內外表回疆服可嘉之

至十一年八月加大傅九月請以回疆西四城閒地招民開墾

以俟其精從之十二月 命管理兵部事十二年九月回京

命管理戶部三庫事十一月補總理行營大臣復充總諸達十

三年管理戶部事十四年 命紫禁城內乘輿十五年以收受

浩罕夷使土物降四級留任罷 御前大臣及管理部務尋

命兼管理藩院充崇文門監督是歲 上謁

西陵明年謁 東陵均 命司畱鑰十六年復 命管理戶部三庫事十七年

正月 賞穿四開襖袍自道光二年至是五次京察皆奉 優

詔議敘七月因病乞休 上未允九月復遷陳入告 慰畱之十月

國朝先正事略 卷二十三 名臣 五

上親視疾 賞尚方珍品 溫諭有加十一月公八十八生長

詔晉一等威勇公 賜御書綸閣勳者額及嘉乃壯猷資勸相

錫茲蕃祉念成功聯句他珍物稱是十八年薨年八十一遺疏

天子震悼 詔入祀賢良祠 賞銀二千五百兩治喪其一等

公爵侯桂輪百日孝滿後承襲孫麟慶 賞員外郎侯及歲時

當差尋 親臨賜奠 賜祭葬如禮 子諡文襄 詔入祀伊

宰將軍祠十九年得 旨嗣後每次謁 陵禮成後將原任大學士公長齡一併開列具奏派員賜奠子

桂輪襲一等威勇公官杭州將軍麟慶官至漕運總督

國朝先正事略卷之二十三 名

平江李元度次青集

楊忠武公事略

公諱遇春。字時齋。四川崇慶州人。生之夕。母氏李夢大水泛紅。匣至。揭視之。中有雙鯉一。金色一。赤色一。有志。量舉乾隆四十四年。武鄉試。從征甘肅石峰堡。調赴臺灣。出征廓爾喀。咸有功。由把總累擢守備。賞藍翎。六十年。黔苗逆命。公力戰解。喚膠重圍。苗復悉眾攻松桃廳。大學士貝子福康安公令諸將往援。山險寨密。莫敢進。公請率敢死三十人。為前鋒。而精兵三千繼其後。由間道攻其不意。縱馬入賊屯。疾呼曰。大兵至矣。降者免。

國朝先正事略卷之二十三 名臣

死賊相顧。錯愕。公復呼曰。真降者。跪於是。跪者數千人。全軍直抵松林城下。賊潰圍。遂解。貝子壯之。立奏。子孔雀翎加都司。衛復解永綏城圍。錫勳勇巴圖魯名號。還雲南都司。又以生擒首逆吳半生功。擢遊擊。嘉慶元年。參贊額勒登保公攻賊茶山。賊圍官兵於土壘。截我歸路。公帥壯士數十人。衝圍奪據對山。拔出官兵數千。十盪十決。當者輒靡。貝子望見之。驚歎不已。即軍中。馳授四川普安營參將。遂復乾州。擢廣東羅定協副將。苗平而教匪起。公隨額侯移師往勦。當是時。教匪蔓延川陝。湖北開其尤著者。湖北則覃加耀林之華。漢南則張漢潮。公勦賊雞公嶺。擒斬三千。奪賊卡三十餘處。進搗帽子山。用奇兵趨賊後。

奪其隘之華中。鎗死大捷中。保寨加耀。漢潮皆就擒。尋敗賊於小廟口。又敗之於長沙岸。於大任河。斬賊二千七百有奇。三年四月。張正潮以三萬眾窺荆門州。公首先陷陣。賊敗走南漳。官兵蹙之。俘斬五千餘人。生擒九百餘人。會丁父憂。請回籍守制。特旨資白金三百兩治喪。仍以墨經隨征。十二月。生獲羅其清。於大鵬寨。賊五千功第一。還甘肅西甯鎮。總兵四年正月。戰蕭家灣。及黃土墻。再戰譚家山。皆大捷。前後殲賊五千有奇。賊張長庚。獲王光祖。射死冷天祿。自是陝人聞公名。震為天人。川中婦孺亦備公威望矣。五年。擢甘肅提督。子雲騎尉世職。初經略額侯上言。諸將中惟楊遇春謀勇兼優。此外無可專任者。

國朝先正事略卷之二十三 名臣

五年夏。又偕參贊那彥成。公德榜。奏公合疏。請增兵。隸公麾下。與經略參贊分路勦賊。詔曰。可。六月。公遂以提督別領偏師。並渭西上。擊濟隴之賊。八月。勦伍金柱於手板崖。賊酣。別賊楊開甲。從間道突至。我軍腹背受敵。自午至酉。圍愈急。有白袍賊手大旗。直犯公相。去咫尺。忽墜馬。則已為後隊護鎗所斃。即金柱也。是夕二鼓。公始歸隊。明日。追斬開甲於山梁。六年二月。追賊至龍池場。設伏。生擒王廷詔。三月。生擒高天得。馬學禮。於龍洞溪。並獲偽帥十七人。晉騎都尉世職。五月。大勝於白河。六月。獲冉天士。王士虎等逆目二百餘人。於大池壩。八月。詔以南山餘賊。責公專勦。忽川忽陝。搜捕不遺餘力。事平。晉二等輕車。

都尉先是龍溪洞之捷俘敵甚眾公擇驍健者八百人俾立功贖罪咸伏地哭願報不殺之恩及勦冉天元於蒼溪天元驍桀善戰為諸寇冠經略令公長右翼西安將軍穆克登布長左翼而穆將軍與公議不合先三日馳出賊前賊以奇兵斷其歸路幸精銳衝左翼後隊黑夜乘高自嶺下壓短兵接左軍潰賊遂併立攻右翼公據廢寨斷墻力拒擲草炬山下照耀如白晝以勁弩射之矢垂盡而天曙時八百人者殊死戰無不以一當百賊敗遁追禽王登廷公治軍嚴整雖倉卒眾寡不敵未嘗少卻平日樸訥若無能遇賊輒機謀洞中應變如神尤不嗜殺能得降人死力蒼溪之役蓋其明效云七年秋調固原提督明年丁

國朝先正事略 卷二十三 名臣

三

母憂 命侯凱撤後回籍守制尋追勦苟文潤於紅山寺初戰我兵小卻公率數十騎躍馬直前賊始敗明日又大敗之賊自是不能延殘喘矣十年七月南山新兵叛新兵者嘉慶五年平教匪後於南山要地設甯陝鎮以從征鄉勇五千人充伍者也地險兵悍為漢北第一雄鎮至是因文吏停給鹽米銀發包穀充糧激變於是營兵陳達順陳先倫等戕副將遊擊劫庫獄以叛公初奉 命回籍補行守制百日由川入覲至西安聞變即奏調滿兵四千勦之 詔以德楞泰為 欽差大臣而 命公馳赴甯陝鎮公扼方柴關大帥皆以兵會鋒交賊銳甚公與諸將皆失利首逆蒲大芳等望見公猶下馬遙跪哭訴營官蝕餉

狀公時以順逆知其尚可以義動也乃與總兵楊公芳謀曰賊驍悍經戰陣久破城三營汎十九生民荼毒已甚誅渠魁宥脅從則事可息若必欲盡勦勢必奔潰四出老師費帑不可以日月計川楚匪徒其已事也各大帥皆猶豫公乃拔兵緩攻而令芳單騎入賊營招撫越數日蒲大芳竟率四千人誘縛達順先倫詣公軍前降公率大芳邀擊不降之賊於江口斬賊渠朱先貴等德公遂以叛賊震懾兵威窮蹙乞命奏其叛卒二百二十四人盡釋歸五

上震怒責德楞泰專擅廢法縱叛損威時古北口提督薛大烈在軍中德公令馳覲面奏情事大烈奏對失實於是廷議降公

國朝先正事略 卷二十三 名臣

四

甯陝鎮總兵芳成伊犁十三年入覲 賞乾清門侍衛仍授固原提督十八年秋大盜李文成據滑 詔陝督那彥成討賊以公副之賊萃精銳於道口鎮官兵合勦公自當其前率親兵八十人由運河西進覘道口遇賊數千即大呼突擊賊辟易追渡河禽斬二百有奇賊敗入道口公收隊數親兵少二人復衝入賊隊奪還二屍賊為喪氣遂斷浮橋焚渡船率諸軍進攻所嚮賊望見將軍輒披靡尋克道口燒賊萬計復擊走桃源賊三千於城東進圍滑用地隧轟破其城十二月滑縣平 仁宗大悅錫公二等男爵 賞黃馬褂 命紫禁城騎馬會陝西三才峽箱賊起移師馳勦兩越月蕝事 晉封一等男甲戌

已卯一再 陛見

睿皇帝慰勞有加。命跪在膝前。執手慰勞。謂卿與朕同歲。年力尚強。將來如有軍務。卿須為我獨當一面。手賜珍物數種。見公長髯稱美者。再時。公弟逢春。官曹州總鎮。

上命公繞道視達春所練兵。

宣宗即位。特加太子少保。賞戴雙眼花翎。道光五年。署陝甘總督。六年。回酋張格爾叛。詔公以欽差大臣統陝甘兵五

千馳赴哈密。尋命大學士長齡為揚威將軍。公為參贊大臣。會阿克蘇進剿。七年二月。敗賊於洋阿巴特。尋敗之於沙布都爾。又敗之於阿瓦巴特。禽斬各數萬。追至渾河。距喀什噶爾賊

巢十餘里。賊悉眾背城一戰。列陣二十餘里。築橫壘蔽之。西南風起。撼木揚沙。大霧晦。我前敵大隊迷道。相左未即至。將軍以賊據形勢。又眾寡不敵。欲退屯十餘里。須霽而進。公不可。曰。天

國朝先正事略 卷二十三 名臣

五

贊我也。賊不知我兵多少。又不虞我即渡。時不可失。且客兵利速戰。難持久。乃遣千騎繞越下游。牽賊勢。而自率大兵乘晦。驟乘勢衝入賊陣。賊土崩。三月朔。遂復喀什噶爾。五日。復英吉沙。十六日。復葉爾羌。又復和闐。加太子太保。時張逆遠遁。詔公先行入關。八年正月。楊公芳禽張逆於鐵蓋山。芳公所拔士也。至是先封果勇侯。公入覲。捷音適至。

上大悅。賞公紫緞。授陝甘總督。圖像紫光閣。並擢公子國楨為河南巡撫。本朝漢人中由提督遷總督者。趙公良棟父子。及梁公鼎岳。公鍾琪後得公。而五九年冬。公壽七十。賜御書額曰。綬邊錫祜。楹聯曰。三朝置場宣勤久。兩世封圻積慶多。及福壽字如意。玉帛諸珍物。十五年。子告歸蜀。陛辭。晉封

一等昭勇侯。食全俸。賜御書紫光閣像贊一。御製詩扇

一回籍後復。賜御書福壽字。十八年二月。薨於里第。年七十

有八遺疏聞。上震悼。贈太子太傅。兵部尚書。賞白金二千兩。治喪入祀賢良祠。諡忠武。公嘗夢神授黑旗。每戰必身先。賊望見黑旗。即知

國朝先正事略 卷二十三 名臣

六

為楊家軍。受知於福。交襄最早。交襄沒後。每臨大敵。先一夕輒夢見之。次日必得奇捷。凡戰陣所俘。必訊明入賊營。三月以外。始誅。或雖逾三月。而年老無能。年幼無知。皆赦免。故治軍數十。年未嘗妄殺一人。凡疲卒。經公訓練。即膽壯。或精銳。改隸他部。仍不能用。命將戰。距賊三五里。必少停。排比隊伍。雖遇伏。不至失措。其勦苟文潤也。賊鋒銳甚。公首進。參贊德公繼之。賊壓山而下。勢若建瓴。眾驚退。公據溝力拒。賊矛逼馬。首公震威。一比眾。矛辟。易親兵數人。乘勢越溝。擊卻之。眾以為神。一日。料賊必出掠民寨。伏兵以待。雷贏卒守營。賊不越寨。而逼營。僅隔一溝。眾失色。公冠帶徐步出。臥營外。賊曰。誘我也。改趨民寨。為伏兵。

所破方柴關之役官兵與叛兵多故舊莫肯用命賊衝官兵為
數段公僅餘親兵數十據廢垣罵賊大隊數千來倡忽轟然
退走及訊俘言金甲神壁壘立云公結髮從戎大小數百戰皆
陷陣冒矢石或冠翎皆碎或袍袴皆穿未嘗受毫髮傷
上詢及嘆為真福將回疆七里河之戰賊十倍我鎗礮如雨公
下馬席地坐以安眾心并回叱長子國柱速下馬甫及地而隔
河已礮碎其鞍矣公修髯隆準日睛映日光返照能射人畢生
無姬侍而操守尤廉任總督時討軍實肅官方邊務皆控制得
法子國佐官副將國楨字海梁官至閩浙總督襲侯爵國楨少
倜儻豪飲不羈其自刑部郎出守潁州也公方提督固原長公

國朝先正事略

卷二十三

名臣

七

子國佐亦以守備引見並予假省親國楨至轅者以公命止之
不許入國佐入為跪請久召而庭數之國楨免冠謝公曰吾
起武舉

上拔擢至此恩遇無比常劉老不知所報始吾期汝云何而忘
之也命子杖文武吏士為叩謝已免不許已皆大駭服道光初
國楨擢雲南鹽法道未上遷望烈以陞辭

宣宗諭曰好為之有如不稱當語而父知耳當是時
上亦知公家法云

那文毅公事略

公諱那彥成字韶九一字東甫號釋堂姓章佳氏滿洲正白旗
人尚書協辦大學士文勤公阿克敦會孫大學士文成公阿桂
孫也出乾隆五十四年進士選庶吉士授編修遷侍講轉侍讀
入直南書房擢祭酒詹事充日講起居注官晉內閣學士嘉慶
三年命為軍機大臣充崇文門副監督兼副都統三年遷工
部右侍郎四年調戶部右侍郎授掌院學士擢工部尚書兼崇
文門監督充寶錄館國史館總裁經筵講官教習庶吉士
兼都統賜紫禁城騎馬
上以公三歲而孤其母那拉氏撫孤守志三十餘年表其門

國朝先正事略

卷二十三

名臣

八

賜御書勵節教忠額以榮之尋授總管內務府大臣先是湖北
自蓮教匪樊學明叛於襄陽其黨張漢潮寇秦中詔參贊大
臣明亮討之而成都將軍慶成陝西巡撫永保與明亮有隙師
行不相顧八月命公為欽差大臣督明亮軍視慶成永保職
按其事十月劾明亮奏報誣罔狀乃逮治明亮命公領其軍
明公尋破賊誅漢潮公奏漢潮謀主冉學勝餘黨在陝宜亟除
上是之十一月敗賊於五郎疏言軍餉前費八千餘萬兩有司
國帑已將弁亦希分潤致賊閱四年未殄滅臣刊刻糧單按程
期赴糧臺覈給以杜冒銷又言秦中將帥各為一路致賊乘閒
遁今臣等相機分合聲息相通使賊所至必有官兵進剿論

曰所論切中從前積弊尋疏請五郎設重鎮增總兵一員編鄉勇於新營更設縣丞巡檢分防從之時賊竄秦嶺老林官兵由漁洞子踏冰入賊三路迎敵我兵分道進攻大破之手救報曰山險冰滑舍騎步行可謂辛苦備經矣十二月賊匿高關略夾嶺我軍潛師夜擊賊奔鳳凰山公遣將士夜緹下殲賊六百有奇斃偽元帥黃爾雄等餘匪走平利檄別將慶博等截之得旨嘉獎尋破賊於秦嶺嗣以賊匪逼出老林復逸入楚豫有詔嚴飭五年正月川匪二萬竄陝西略陽公擊破老林逸賊獲襄陽起事賊目三十有奇復殲逸賊百餘擒賊首高遇春等進兵至漢中因川匪鴟張入棧道追勦

國朝先正事略 卷二十三 名臣 九

上嘉其不分畛域二月川匪至隴州乃出棧亟勦賊屯隴山鎮大破之分道亟追斬俘三千餘殲偽元帥魏學林偽先鋒嚴士沛等詔授參贊大臣賜玉鞬金合荷囊下部議敘公以經略額侯在隴應受其節制繳欽差大臣關防得旨俞允是月賊避官兵南走追及於秀金山敗之又敗賊於嚴家壩會經略疾作詔公兼領各路兵賊陷文縣據卡狼寨我兵乘月夜渡河破陣殲賊將李大旺等并殺賊千三百人尋敗賊於龍泉溝又敗諸林江浦俘斬千餘追至毛峪山賊棄輜重遁公隨令將軍恆瑞回陝西協勦賊屢捷上以其遙合廟算內外一心予獎賚未幾賊首高二馬五

糾六千餘人趨松潘官兵禦之奔岷州經略病已帥師夜攻賊奔岷山公率眾先登殲賊三百有奇追殺百餘人遲明賊列陣何家崗設伏以待公率精兵奮擊賊敗退伏賊左右起擊走之追數十里斬首千餘級執賊將詹世貴等奏入得旨獎賚四月敗賊於分水嶺尋以陝匪東趨近豫

上召公還京將面詢陝中賊情又以賊入川後勢漸張乃公玩縱所致致總兵施縉戰沒退出軍機處南書房並罷所領館閣府庫諸職五月抵京奪都統尚書講官花翎以侍講在實錄館效力尋襲騎都尉擢少詹事六年九月充順天副考官遷詹事七年遷內閣學士教習庶吉士兼副都統扈蹕木蘭射鹿

國朝先正事略 卷二十三 名臣 十

獲之賞戴花翎是年冬廣東永安客籍游民結添弟會與士民構亂博羅諸土匪響應總督吉慶討平之尋悔釋囚畱擊且疑巡撫瑚圖禮密劾遂自戕詔公往鞫之具得其實時永安黃亞程等遁入鐵籠障復嘯聚為盜八年二月公率提督孫全謀等進攻即日克之誅亞程及其黨數百人事平條上善後九事上嘉其安速升署吏部侍郎尋赴直隸浙江讞獄七月擢禮部尚書兼戶部三庫事總理太常寺鴻臚寺樂部九年仍授軍機大臣兼都統鞫河南嵩縣民王雷傳習邪教事未竣以秦隴搜捕餘匪命攝陝甘總督辦理善後事

上賜手敕曰汝誠國家柱石臣有為有守惟稍恃已之聰明不與眾人謀議夫一已才力有限仕途邱壑難窮務宜兼聽並觀勿存五日京兆之見八月奏南鄭縣民趙恆裕張希賢等謀逆立為之與其黨皆伏誅又奏籌遣南山遊民均得旨嘉獎十一月授兩廣總督明年冬劾前巡撫百齡苛虐營私狀鞠實免百齡官會俄羅斯夷船求通市監督延豐率允入奏公以越界貿易恐商夷因緣為奸亟請止之手敕曰此事與朕意相符所見甚是先是粵東土匪洋盜句結日熾盜首李崇玉黃正嵩依朱濱橫行海澨公初至緝獲甚眾嗣以官兵不得力遂行開謀招撫降正嵩計擒崇玉檻送京師先後招降五千餘人悉賞

國朝先正事略 卷二十三 名臣 十一

銀幣並予千總外委銜巡撫孫玉庭劾公賞盜詔降藍翎侍衛充伊犁領隊大臣正嵩之歸命也公嘗誘以四品服及守備劄至是事覺命謫戍伊犁十二年授三等侍衛仍充伊犁領隊大臣五月調西甯辦事大臣時野番侵掠內地戕兵丁故有是命八月借將軍與奎總督長齡攻克沙卜浪番境悉平條上善後四事如議行十三年擢江南副總河是秋河水溢九月甄工合龍十二月以荷花塘復墊降二等侍衛復為喀喇沙爾辦事大臣十四年調葉爾羌辦事大臣尋授頭等侍衛充喀什噶爾參贊大臣十二月以二品服補陝甘總督明年六月疏言臣前奏準六月陛見今甘肅被旱撫綏事重不敢拘泥遽行

又請緩徵撥帑賑貧並疏陳散賑積弊奉手敕汝實不愧廣庭相國之孫又降詔嘉其能識輕重且云所陳向來辦賑積弊俱切中款要是月賞頭品頂戴十六年請禁交代倉糧折色之弊以重積貯如所請行七月入覲賞戴花翎十八年九月河南教匪李文成等謀逆陷滑縣詔公為欽差大臣帥師討之賊屯滑城及桃源集道口公由衛輝進軍分擊新鎮丁樂集連破之道口賊出掠中市所公斷其歸路遣別將楊遇春等迎擊大破之賊造橋將渡河而西官兵截殺千餘橋毀不得遁賊蜂屯拒敵我軍飛越溝濠破道口殲賊萬餘焚其巢出難民八九千溫旨嘉賚尋破桃源賊追道口賊抵滑縣城中賊出

國朝先正事略 卷二十三 名臣 十二

應敗回城圍之桃源賊來援盡殲之遣將弁分禦絕其外援時李文成潛遁輝縣屯司寨公遣別將德英阿楊芳率勁旅攻克之文成自焚死賊黨悉殲上嘉之優賚有差尋於南門掘隧道密置地雷公親督兵勇進攻地雷發城裂拔之殲賊萬七千餘焚死七千餘生擒二千餘有詔加太子少保賞三等子爵換戴雙眼花翎紫禁城騎馬並賞御用荷囊子容照遷乾清門二等侍衛又賞黃面元狐馬褂暨上珍諸品是冬授直隸總督十九年巡歷開州條陳善後五事抵京復命詔曰那彥成克副委任深堪嘉獎着在阿桂墓賜祭一壇用示眷舊酬庸至意尋坐保貪劣知縣

孟肥瞻補滑縣令。奪職畱任。二十年冬。以廢員王奎聚等混請捐復。先令繳庫。跡近專擅。鐫四級。尋以灤州石佛口王姓。世習白蓮教。惑眾謀逆。公全獲誅之。

上嘉其辦理認真。有積次吏議。賜御書福字。暨尙方珍饌。二十一年。捐穀三千石。興復義倉。貯穀十六萬六千石。有奇。閏六月以前。在陝甘。與藩司陳祁。商挪賑銀。津貼脚價。並虛奏捐廉事。隲職下獄。論死。尋以繳完賠銀。改戍伊犁。畱家終養。九月丁母憂。

上念滑縣勦賊功。免發遣。令閉門思過。二十三年。授侍講。明年。擢侍講學士。晉詹事。充會試副考官。遷倉場侍郎。賞花翎。二

國朝先正事略 卷二十三 名臣 三

十五年。擢理藩院尙書。調吏部尙書兼都統。命紫禁城騎馬。道光元年。兼學院學士。調刑部尙書。管宗人府銀庫事。兼閱兵大臣。充順天鄉試副考官。二年四月。授內大臣。六月。以陝西渭南縣民柳金壁犯死賂免。命公攝巡撫。鞠之。得其狀。誅賊有差。十月。復任陝甘總督。時青海河北番賊犯窩卜圖卡。擊走之。因請移兵駐守。議防卡條款。清釐河南番族。立什總百總。百戶千戶。領其眾。初察漢諾們罕一旗。移居何北。煽野番。句漢奸作賊。公絕其糧。茶窮蹙。投誠。詔嘉其不勞兵力。不延歲月。辦理認真。十一月。公六十生辰。御書亮勛集祐扁額。福壽字各一。賜之。并賜如意朝珠蟒袍文綺諸物。三年。以青海蒙古皆已

復業。下部議敘。尋請定商民與蒙古市易章程。并封閉邊外金廠。又請增置青海正副盟長等官。設巡防蒙古官兵。皆得旨允行。五年九月。奏設甘肅各屬義倉。如其請。十月。復調直隸總督。是年。江南運河阻滯。南糧改行海運。十一月。疏陳海運漕糧撥運事宜。下部議行。六年五月。以直隸竊匪日多。請嚴竊盜治罪之例。從之。八月。以海運速成。下所司議敘。會逆回張格爾入卡。犯喀什噶爾諸城。檄東三省官兵勦之。公以過境兵丁口糧。按例日給銀五分。不足飲食。請加五分。又藥鉛火繩。由京運解。供應既難。且恐雨溼。請以甘肅籌備者充用。并籌議兵行支應。又以新疆遺犯積久人多。夷民雜處。易生事。請量地改遣。皆允。

國朝先正事略 卷二十三 名臣 本

之七年七月。以直隸挂名吏役過多。包差滋擾。苦累閭閻。裁汰。正萬三千餘人。酌應畱名數冊。報嚴明。奏入。待旨。哀嘉並通。諭直省。均照所奏章程辦理。十一月。回疆四城克復。命以欽差大臣。往籌善後事宜。未幾。張逆就擒。仍命往治其事。疏陳回疆積弊。略言。回人素恭順。此次變亂。半由平日撫馭失宜。參贊大臣等。三年換班。其才幹有為者。三年中。辦理未必盡善。次者。祇存五日京兆之見。不肯認真。下此竟有視為利藪。專工搜括者。且各長其疆。無維制考覈之分。不相顧忌。應請分隸考覈。俾有所糾察。至各官原設養廉。不敷辦公。懇稍為議增。并準各大臣一律攜眷。俾得久任其事。得旨。意辦公。

上。其言如所請。先是楊威將軍長齡等奏請斷絕各外夷貿易。並嚴禁大黃茶葉出卡。詔公實力稽查。公疏言嚴禁於卡倫。不過絕其流。查察於各城。方能清其源。請於阿克蘇遣官查覈。至是又言安集延進販內地大黃茶葉。確確接濟外夷。私於卡內置產安家。竟敢相率助逆。請將現販違禁物者逐出。其餘暫準居住。得旨允行。又奏各城相沿陋規貪黷。求取苦累。回民今悉裁革。勒石永禁。手諭曰。行同饕餮。殊出情理之外。非公忠體國之大臣。孰肯和盤托出。可嘉之至。八年請移建葉爾羌城於罕那里克。又請於喀喇哈依外之七里河築堡。設兵六百防守。並另建英沙爾城。又疏言曩者伯克圖。每以賄得補。而

國朝先正事略 卷二十三 名臣 五

大小伯克。遂誅求小回子。以取償嗣後。請由本城大臣。先儘有功。及家口被害之人。次死事人子孫。次出力世家。視其人力保送參贊大臣。驗看奏補。又酌定回夷難。應章程。皆如所請。行張格爾之就誅也。其妻孥尙匿。浩罕將軍長公傳檄索之。浩罕使人詐投賀書。伺隙公陳兵衛其出入。不許與卡內安集延交接。亦不稍賚使。諭以逆屬在外。無足輕重。破其居奇之計。並絕其貿易。使不能藉天朝聲動外夷。

宣宗手諭曰。所辦甚得大體。與朕意相同。賜御筆畫扇并扇套香囊各一。八月請將伊犁通烏什之徑。酌議封禁。又稽察私墾地畝。徵糧以供換防官兵祿糈。請於明約洛建貿易亭。以便

布滿爾巴達克山等通市。皆從之。是月。禮部紫光閣。

上親製贊。九月請酌撤換防滿洲兵。歸伍。籌議操兵章程。又請令駐防官兵。盡許攜眷。又奏酌議茶稅章程。請設喀什噶爾等三城銀庫。皆從之。諭曰。那彥成辦理善後事宜。籌畫妥洽。勞績卓著。著賞加太子太保銜。賞雙眼花翎。紫韁。元狐馬褂。暨荷囊。許珍。品十二月。奏招致附浩罕之額提格。訥布魯特部落。安置特依劣克邊坂地。

嘉慶之九年正月。詔以公使人出卡。搜求逆屬。有意邀功。召還京。又以妄給收撫之布魯特。翎頂。威儀。嚴飭之。六月。回直隸總督任。十年冬。西陲復不靖。十一月。欽差大臣長

國朝先正事略 卷二十三 名臣 六

壽奏。覽由驢安集延。藉其家禁茶葉大黃所致。命褫公職。及耳。授威京禮部侍郎。會長齡等。復奏浩罕申訴。以前此籍沒安集延。禁絕市易。為言。請諭責公。誤國肇。勳。仍奪職。十三年。四月。卒。諡以公服官中外。宣力有年。不忍忘其勞績。著賞尙書銜。照尙書例。賜卹。尋予祭葬。賜諡。交毅公。生於世。青性好學。正詩能書。遇事有執持。於權要人。無所屈。勦辦川陝。楚及。得。教匪。尤有功。在總督時。三次考績。皆特旨優敘。雖屢起。屢躡中外。想望風采。

上眷公不少衰。嘉慶中英吉利。入貢。頗不恭。順惟問。福中堂。及那大人。見居。何言。蓋外夷。夙所敬。憚者。祇此兩人。云。子容安。官

副都統充伊犁參贊大臣容照官馬蘭鎮總兵均坐事免會孫
鄂素襲三等子

國朝先正事略 卷二十三 名臣

七

汪文端公事略

公諱廷珍字瑟庵江蘇山陽人生十二歲而孤母程太夫人撫
之成立家本素封至公父而落值歲凶母子日或一食或終日
不得食太夫人終不肯使人知曰吾非恥貧恥言貧耳言貧則
疑有求於人故不為也歲除無米使僕索舊通城外抵暮歸無
所得母子各飲茗一甌嘗鹽菜數莖就臥其艱貞若此公孤苦
力學少游任子田李晴山兩先生之門困諸生十年始獲鄉舉
乾隆己酉一甲第二名進士賜及第授編修辛亥大考擢侍
讀不兩月拜司成之命性嚴毅以師道自居選刻成均課士
錄教學者以立言之義法而力戒摹擬剽竊之弊尋命入直

國朝先正事略 卷二十三 名臣

八

上書房協修起居注授侍講學士教習庶吉士再遷禮部侍郎
公學有根柢以文章行誼高天下海內推為正人無異辭
天子知公深屢畀以造士衡文之任初督安徽學政為學約五
則以訓士一曰辨塗謂喻義喻利人心之分盡於此為己為人
學術之分盡於此有志者當立辨乎豪釐千里之差一曰端本
謂士者四民之首天下事皆吾分內事也自公卿至一命之吏
皆讀書人為之故貴通古今達事變相期為有體有用之學一
曰敬業時文者古文之一體猶之碑誌傳記表疏論序云耳以
摹擬剽竊者之不足言文乃並時文而小之過矣一曰裁偽謂
昌黎論文惟其是吾論文惟其真蓋必能真而後是非可得而

論也。申韓莊列異乎吾道者也。而朱子以為先有實而後託之。文非以其真耶。一日自立文之不能不變者時也。挽其變而歸之正。或因其變而愈益神明於正。學者事也。苟非克自樹立。隨風氣為轉移。取己陳之芻狗。沾沾然倣效之。庸有冀乎哉。公之因文見道。其大指不出乎此。每訓士誨誨然如父兄之誨子弟。刻試牘曰立誠。編取修辭居業之義也。附條約十八則。抉摘至為精審。其後督學江西及浙江。所刻校士文。皆以立誠名之。而條約加詳。海內操觚之士。家置一編。風氣為之一變。公直上書房最久。嘉慶二十三年。特命為總師傳時。宣宗皇帝在潛邸。公盡忱啟迪。非法不道。登極後。獻納尤多。國朝先正事略 卷二十三 名臣 本

累擢左都御史。禮部尚書。道光二年。命典禮部試。三年二月。奉 手敕。禮部尚書汪廷珍。於嘉慶十七年蒙 皇考簡用上書房師傳與朕朝夕講論。考古證今。言皆中道。至二十三年。受任總師傳以來。倍加勤慎。使朕通經義。辨邪正。受益良多。自朕親政後。畀以左都御史尚書之任。均能稱職。是汪廷珍於師道臣道之義。可謂兼備矣。本日朕臨雍講學。因思曩昔討論之功。眷懷舊學。用沛恩施。汪廷珍可加太子太保銜。用示朕崇儒重道之意。

天語煌煌。具見公所學之正。故能啟沃 聖聰。成三十年仁孝太平之治。足與古大臣爭烈矣。是年仍典

禮部試。所得多知名士。贈太師杜文正公受田。其舉首也未幾。拜協辦大學士。賜紫禁城騎馬。八年薨。優詔悼恤。上親臨奠醢。賜祭葬有加禮。子諡曰文端。公風裁嚴峻。正色立朝。出入內廷。進止不失尺寸。造次必以禮。於要人無所親附。僚友見之皆肅然起敬。自言平生不敢作刻薄事。遇橫逆能忍於飲食衣服。無所擇。貪冒諂諛之習。有不忍為守。太夫人教也。所著曰實事求是齋詩文集。

國朝先正事略 卷二十三 名臣 本

楊勤勇公事略

國朝嘉道中漢人戰功之盛推兩楊侯為最一忠武公遇春其
一則勤勇公芳也勤勇公諱芳字誠村貴州松桃廳人沈
毅有幹略好讀書通經史大義應試不售遂入伍充書識忠武
公一見賞識之拔補把總時川楚教匪稱亂王師征之崇巖
不能靖公從忠武勦賊每戰輒為軍鋒斬敵不可數計累擢台
拱守備 賞藍翎嘉慶四年經略額勒登保公進勦賊渠冷天
祿包正洪於大竹適正洪已與儀隴賊合竄鄰水乃冒雨突擊
天祿於岳池楊公遇春以勁騎二千一戰殲之進追至石筍河
賊以五舟迭渡僅濟千賊餘賊數千方臨岸登舟時公已晉都

國朝先正事略 卷二十三 名臣

三

司率九騎越山先至即麾幟大呼馳擊賊隔山不知我後隊虛
實爭赴河陷淖者三千餘人五舟皆覆隔河賊呼號不能救俄
大軍至騎浮而濟并追殲其先渡之賊是役公功稱最 賞花
翎推下江營游擊五年閏四月賊渠楊開甲張天倫等趨渭南
公隨楊公倍道扼其東竄并遣兵守商雒賊議復西竄留張漢
潮餘黨三千於後以綴官軍公扼西河口去路而大軍三路偪
攻連破之大小中溪斬首千五百賊合竄溪口伏兵四面蹙之
溝水盡赤生擒千餘人張逆餘黨殲焉公由兩廣督標參將晉
廣西副將 賞誠勇巴圖魯名號八月連敗賊於成縣階州賊
渡白水河入老林公冒雨追賊及之於磨刀石手刃十餘賊子

傷足隆馬仍徒步殺賊復傷臂官軍乘之大敗賊射傷伍懷志
上聞而嘉之 詔問受傷狀下所司優敘六年五月張天倫與
會芝秀陳國奉等率眾六千合屯高唐嶺公及楊公分路擊之
擒斬三千賊復分為二公夜襲天倫於白河俘敵殆盡楊公遂
與公邀擊再添元於平利克之六月經略偪賊入川為一舉掃
蕩計八月遣公擊張天倫於西鄉俘斬盈千餘賊僅四百竄老
林適公前所追太平開縣之賊竄至南江經略令公殲東奔之
辛斗於通江而自帥楊公追西竄之高見奇魏學盛於廣元擒
斬殆盡七年三月楊公移勦苟文明賊自華陽合而東竄公分
路追截敗之於是楚賊略殄盡其南山遺孽經公及楊公分兵

國朝先正事略 卷二十三 名臣

三

十餘路櫛比排搜亦所餘無幾矣逆渠苟朝九被公勦急遂與
宋應伏合竄漢南為官兵所殲八年六月公窮搜至老林匿賊
百餘突出盤屋洋縣公追之入山八月有散遣之勇附之合三
百人苟文潤領其眾勢復猖獗九月通江已散之勇五百人復
與合遂戕副將朱槐於山溝 詔公回漢北專防山內餘賊時
賊皆百戰之餘忽陝忽川忽聚忽散孫騰免脫無定蹤九年正
月屢由安康窺漢岸圖竄南山皆為公所卻先後擒餘匪百餘
於是南山無賊八月公搜漢北餘匪盡殄之各路皆報肅清公
擢甯陝鎮總兵初嘉慶五年特設甯陝鎮節制子午華陽黑河
諸營凡以從征鄉勇五千充新兵地險兵悍為漢北第一巖疆

一五二八 丹 黃多日軍全書第 4 反文句

九年三省戡定經略參贊先後還京師十年七月而有新兵之變時楊公遇春以陝西提督入覲公赴固原署提督事副將楊之震護甯陝總兵營卒陳達順陳先倫以停給鹽米銀事糾眾叛戕副將游擊賊黨蒲大芳等以公素得士心先護送其家屬於興安而後歸從賊楊公行至西安聞變即調兵進剿詔德榜奏為欽差大臣討之賊奔華陽破洋縣虜脅數千公帥囚原兵二百人馳抵石泉九月賊攻孝義廳分隊窺子午峪公馳扼峪口德公令楊公以兵五千自洋縣進剿而自帥兵四千繼之賊攻鄂縣公復馳救力擊劫營賊塵戰竟夜身受數創犁且賊辨其為公也自引去時賊黨已增至萬人又選步騎二千為

國朝先正事略卷二十三 名臣

三

前鋒改推蒲大芳為首遇楊公軍於方柴關兵賊隔河尚有相揖訊者及戰數合殺傷略相當大芳陷陣力戰伏賊纏出陣後官兵大潰楊公僅率親兵數十登山斷後賊追至忽反走乃收潰卒扼方柴關次日公馳至謂楊公曰叛兵皆百戰之餘驍悍習地利而官兵勤勞九載瘡痍未復且與叛兵多同功一體之人以兵攻兵終無鬪志賊兩戰見吾二人皆辟易尚有舊部曲誼請公按兵緩攻而某單騎入賊營曉以順逆楊公然之時賊才林立或叩馬力阻公曰我與楊公計之熟矣天佑蒼生我必不死為國息兵即死且得所何恨遂策馬前萬眾作愕公故得新兵心又裨闔善操縱見大芳等即痛哭曰吾與若曹戮力

數年同患難生死今對壘如仇敵吾不忍見若曹罹族滅禍請先殺我於是眾皆哭逾二日大芳誘縛先倫達順以眾降德公遂以叛卒窮蹙乞命奏首禍二百二十有四人盡釋歸伍

上切責其寬縱命戍降卒二百餘人於新疆尋為伊犁將軍松筠公所誅楊公降總兵公坐馭兵不嚴釀變劾戍伊犁德公既劾公恐物議不平復密疏申雪公至伊犁未月即賜環命以守備千總補用十三年回籍省親補松桃協千總十五年起廣東右翼總兵入覲賞還花翎尋調西安鎮總兵十六年丁母憂十八年秋林清謀反既伏誅李文成踞滑縣詔陝督那彥成公為欽差大臣帥師討賊提督楊公遇春副之公呈

國朝先正事略卷二十三 名臣

三

請效力奏補河北鎮總兵隨楊公敗賊道口鎮遂圍滑文成突圍出奔太行招賊四千據輝縣之司寨那公遣公追勦公伏騎白土岡誘賊出戰佯走伏起大敗之又追擊於南首山殺賊二千有奇是役也賊走山上殊死戰官兵畏賊鋒有退者公拔佩刀立斫數人眾效死遂大捷進奪司寨文成縱火自燔死乃合力攻滑時滑城未下而陝西三才峽賊又起滑城堅外磚內土中沙大礮攻之遇沙而止官軍掘地隧皆為所破公陽築他柵進攻而潛掘舊隧滿實火藥至期將卒皆甲騎以待十二月十日平明西南城崩裂十餘丈官軍奮前奪城蟻附入巷戰至夜共殲賊二萬免老幼男婦二萬有奇俘首逆牛亮臣徐安國等

擢送京師滑縣平加提督銜 賞雲騎尉世職十九年春帥師入陝大破賊擒逆目譚貴等 詔優敘調漢中鎮總兵二十年擢甘肅提督道光元年調直隸三年調湖南五年調固原六年回魯張格爾反楊公遇春時署陝甘總督 詔授 欽差大臣帥師討賊尋以大學士長齡為揚威將軍楊公為參贊公請行許之時賊陷西四城距阿克蘇八十里十月大兵集阿克蘇賊扼柯爾坪地險要中隔戈壁將軍令公襲破之焚其南北莊敗其援師七年二月師至大河拐賊三千來襲營敗之進抵洋阿巴特沙漠平曠賊二萬據橫岡五六里公與將軍參贊分三路進攻賊據岡下壓者再大兵分路奪岡賊披靡擒斬過半盡得

國朝先正事略 卷二十三 名臣 五

在裔糧糴濟師進抵沙布都爾回城多葦湖樹林賊數萬臨渠列陣決水成沮淤使騎兵不得騁城後林中皆有伏賊難繞襲公先令步卒冒險越渠短兵接復麾驍騎繞左右凌渠橫截入陣賊大潰追逾渾水河三十里俘敵萬計復分敗林中伏賊及河橋援賊越二日賊數萬據阿瓦巴特回城依岡背河我軍距賊十里止營夜遣吉林勁騎千分探左右閒道繞出賊後次日壓賊壘而軍賊佯退誘我兵登岡而反乘之我軍鎗礮迭前騰牌兵虎衣躍入賊馬驚陣亂岡後伏賊起殊死戰而我千騎已繞出回堡後突擊其背賊大敗奔擒斬各半殪安集延二酋目追至洋達瑪河距喀什噶爾城八十里次日整隊至渾河北

岸賊悉其眾十餘萬背城一戰阻河為陣亘二十餘里築壘橫敵之穴壘轟礮鼓角震天勢張甚公遣死士數百夜擾其營謀營達旦是夜西南風起撼木揚沙大寒晦將軍以賊據形勢且眾寡不敵欲退屯十餘里須霽而進楊公持不可公意與楊公合乃遣索倫千騎繞趨下游牽賊勢公與楊公率親兵驟渡上游據上風礮勢與風沙勢相搏賊陣亂比曉我兵盡渡風止霧霽乘勢衝入賊陣賊土崩我軍乘勝抵喀什城時三月朔日也張格爾先遁獲其甥姪及偽汗並伯克等斬敵數萬十六日公以兵六千往勦和闐賊破之擒斬逆酋玉努斯遂復和闐加騎都尉世職 命在乾清門行走時楊公亦連復英吉沙葉爾羌二

國朝先正事略 卷二十三 名臣 五

城六月公與將軍參贊帥師八千出塞掩捕楊公屯色勒庫公屯阿賴阿賴者蔥嶺之春春以西水皆西流乃喀什赴浩罕之道也有浩罕賊二千餘誘官軍入伏慶戰一晝夜眾幾殆公步步為營嚴陣出險上責諸將孤軍采入 召楊公入關以公代為參贊十二月密道黑回出卡縱反閒言官兵全撤喀什城虛諸回翹首以望張逆果率步騎五百欲乘除夕不備潛襲喀什城公與長公嚴兵六千以待二十有七日賊潛至旋折回公率兵星夜追至喀什鐵蓋山擊斬殆盡張逆僅餘三十賊奔騎登山副將胡超都司段永福等擒之八年正月捷聞 詔封公三等果勇侯 賞戴雙眼

賜紫纁黃馬褂加太子太保。賜其子承注舉人。圖
象紫光閣。漢大臣以公為首。御製贊凱旋。命郊勞。行受俘
禮。勒碑大學及喀爾鐵蓋山。

上召見數次。晉侯爵二等。晉太子太傅銜。賜紫禁城騎馬。復
以公六十年生辰。御書酬庸錫羨額。並福壽字。賜之。九年秋

安集延。夷匪復肆掠。公與長公馳至軍。檄諭浩罕。復許入貢。通
市。十三年。四川清溪土千戶越嶺山各夷滋事。調四川提督。公

至夷已平定。乃安籌善後。詔嘉之。晉一等侯。十四年。夷復蠢
動。降二等侯。以總兵往甘肅候補。十六年。湖南鎮守兵變。迫脅

鎮道。借銀累萬。起公為總兵。定善後章程五則。皆如所請。十八
年。遷廣西提督。調湖南。二十一年。海氛棘。詔宗室奕山為靖

逆將軍。公與尙書陸文龍為參贊大臣。由江浙至廣東。以議款
罷兵。公回湖南提督任。逾年請告歸。詔在籍食俸。二十六年

年。七十有七。遺疏聞。優詔哀恤。賚白金五百兩治喪。賜
祭葬如例。諡勤勇。公結髮從戎。經百戰。戰必躬先士卒。所向未

嘗挫衄。屢荷恩賚。所得玉牒荷囊。不可勝紀。少受楊忠武之
知。執從子禮。甚謹。威望與忠武埒。天下稱二楊。而公受侯封。且

先於忠武八年。論者謂二楊勳績高。天下而尤以招撫甯陝新
兵。稱首。何則。南山起隴。西尾商鄖。阻與千餘里。據川陝湖之腹。

而甯陝所治五郡。形勢要害。又據南山秦嶺之腹。新兵五千。皆

百戰之勇。習流賊故智。使招撫遲數日。賊已分突秦隴。楚蜀。殘
良民。老師糜餉。曷所紀極。然非公威信服人。奮不顧身入賊穴。
亦莫能追數千。出柙走險之虎兇。使歸就閑。勒也。孫子曰。全軍
為上。破軍次之。公雖以此獲咎。而功德所被無涯矣。公兼資文
武。負著述才。所著有平不錄等書。凡十餘種。

國朝先正事略 卷二十三 名臣

天

嚴樂園廉訪事略

宣宗皇帝即位之元年首擢漢中知府嚴公為陝安兵備道四年春復以公宣力於陝有年功在南山特詔加按察使銜手敢嘉獎如漢璽書勞問故事尋擢陝西按察使將大其用而公遽以病卒

天子悼焉因秦人之侗俞其請俸奉祀名宦歲時享祀弗絕贈布政使銜酬蓋庸表遺愛也公諱如煜字炳文號樂園湖南澁浦人生時母夢大星墜懷中光四溢因小字滿星始讀書目十行下年十三補縣學生乾隆五十四年以優行貢張學使姚成稱公為經世才足當大任時海內承平久武備弛公獨苦心

國朝先正事略 卷二十三 名臣 完

兵事會六十年正月黔苗作亂據乾州犯鎮草辰沅震動朝廷命雲貴總督福康安公督師進討湖南巡撫姜公晟及湖廣總督畢公沅以師會於辰州姜公嘗訪人才於學使張公夙知公延問計所出公草平苗議十二則言勦撫防禦策甚備其要在急復乾州由乾進永綏可與保靖松桃鎮草聲勢相通而攻乾道瀘溪必先得大小章人乃無阻大小章者故土可遺民散處邊界名曰狃狃最驍健與苗世仇苗之攻浦市也假道狃狃不許怒焚其寨狃狃率眾出保浦市官兵不能禦苗反執狃狃以為功狃狃忿甚苗因誘與俱叛官軍頻失利公乃募能為狃狃語者得向國果等赴大小章開示利害挾其酋六人以出公

推誠與同臥起咸感悅歃血誓不反送子弟十九人為質許率其屬陽投乾州為官兵內應約一舉破賊會雲貴主兵者欲專其功嚴檄楚軍無輕動計遂不行然明年卒賴其力以救兩鎮兵於河溪通乾州東路自後復平隆戰花園卒常為軍鋒而大小章於大府檄或不奉必得公手書始行云公在姜幕凡四載嘉慶五年始以孝廉方正科赴廷試時川湖陝教匪方熾制詔詢平定三省善後事宜公對言軍與數載師老財匱以數萬罷憊之眾與猾賊追逐數千里長林深谷中投誠之賊無地安置則已降復亂流離之民生活無資則良亦從亂鄉勇戍卒多游手募充慮一旦兵撤餉停則反思延亂如此則亂何由弭

國朝先正事略 卷二十三 名臣 完
臣愚以為莫若仿古屯田之法三省自遭蹂躪叛亡各產不下億萬畝舉流民降賊之無歸鄉勇戍卒之無業者悉編入屯團鎮捍衛計可養勝兵數十萬餉省而兵增化盜為民計無逾此

奏上
睿皇帝親擢第一傳 旨次日詣軍機處傳聲所言公復條上屯政方略十二事 召見以知縣發陝西下其疏於三省大帥齊撫令采行明年二月補洵陽縣縣宅萬山中表延七八百里與湖北陝西邊界相錯官兵追賊急往來折篋皆道洵公力主墾墾清野議相地險要為寨堡選置團勇正副長且耕且守且設卡於高岡瞭望賊至舉礮一耕者斂農具舉礮二人畜皆

歸寨堡舉礮三則團勇各據隘以守頃刻閉警備遠數百里城至無可掠則去去則出奇兵抄其尾視其夕頓處多方擾之疲其力使不得休息又念賊以劫掠為生所至飄忽而官軍行必待糧故追常不及乃擇堅寨值兵衝者貯糧糧備供給由是聲息聯絡賊勢大蹙其年四月遂督寨勇生擒賊帥陳朝觀五月殲賊徐天德樊人傑六月復與官軍夾擊張天倫等七股賊於太平寨凡萬餘人一戰平之經略額勒登保公參贊德楞額奏公上其功得旨加知州銜賞戴花翎尋擊斃楚北逸匪二千餘人於蜀河口斬賊目王祥擒方孝德誅之孝德故賊白河令黃委者也羣賊懼公威名相戒勿入境有旨以同知直隸州

國朝先正事略

卷二十三

名臣

三

用八年秋補定遠廳是時賊勢益窮分畝山谷開而西鄉縣界川境多深菁初設廳以公守之公以廳為全陝門戶乃建新城復於廳之西南各百餘里擇地曰黎壩漁渡壩分築二石城為犄角團練武備如治洵陽時賊至輒殲先後擒陳心元及朱副將之馮世周等巡撫方公維甸奏加知府銜旋丁生母憂會議撥金革例請畱公婉辭大府重之聽扶柩歸十二年服闋諭仍發陝西以同知用交軍機處記名十四年補潼關廳同知特旨授漢中府知府公以兵燹後民困兵驕散勇逸匪羣不逞之徒心面未革教養之法宜先於是舉工賑修渠堰完倉廩以足民食聯營伍治堡寨團保甲以固民衛慎獄訟培學校禁邪

說以正民俗疏節關目與民休息南山遂大安以其開開諭悍回縛獻亡命賊七十二人於華渭散軍功王姓匪徒數百於甯羌擒圓頓教首陳恆義等於城固皆推誠心置人腹治渠魁寬宥從令行禁止人心大服而十八年廂匪之變至勤大兵勦討論者謂始事時苟得公治之當可不煩一兵雖旋踵撲滅公亦以饋饌無缺加道銜然非公意也公在南山既久亭障要隘村寨徑涂曲折無不目營指畫而心繫線之窮鄉遂谷老兵婦孺皆識其姓字關漢臺選髦雋躬親講授十三年如一日所成就土起家侍從牧令者數十人率有聲然勞於治民拙於事上始大吏咸度外待公嘗歲暮卜築甯陝新舊二城歸而南山晚收

國朝先正事略

卷二十三

名臣

三

大款已通請賑期遂元旦趨撫轅稽首願棄一官為百姓請命巡撫董公教增卒為破例陳請得旨俞旨及董公去而代之者為朱勳公十年不得調益懇懇飭吏治勤民事名滿三省閒道光元年特擢備兵陝安以臺臣條奏南巴二山情形下川陝湖北督撫議時川督蔣公攸銛夙重公治行遂會奏委公總勘公周歷數千里相度形勝析官移治增營改汛條列井井奏入皆報可邊防遂密然公嘗言山內州縣距各省會遠鞭長莫及推諉牽掣宜仿古梁州自為一道及明設鄖陽巡撫之例專設大員鎮撫而割三省邊郡州縣以附益之庶勢專權一可百世無患以更張重大未竟其議也二年巡撫盧公坤至特重公

隨拜加銜之。命公愈感奮思效。盧公採其議。奏增廳治於盤
屋。洋縣界增營兵於商州。及略陽復。委公興修水利。先是公在
漢中。因平壩田。衍灌漑。躬履山河五門。揚鎮大小百餘堰。皆
加濬治。至是欲廣其法於全秦。奉檄視澧。澧。澗。渭。泗。諸川。鄭
白龍首諸廢渠。疏鑿蓄洩。規畫具備。而社倉義學諸法。亦以次
推行焉。五年冬。詔擢貴州按察使。未行。仍留陝西按察使。六
年春入覲。召見者三。奏對悉稱旨。歸途感微疾。抵任七日
卒。時三月二日也。年六十有八。公起諸生。由縣令累擢至臬司。
皆出特簡。中間小有沮。主知弗替。

國朝先正事略 卷二十三 各臣

宣宗每與廷臣言。置吏才未嘗不首及公。特以南山二十年鎮
靜之功。非公莫屬。不得已。故遲留之。俾敏惠於一方。比任久。地
方綏輯。規畫已無遺。

天子慨然思大其福於秦。民驟用公。而公不及待矣。其卒也。秦
民巷哭。如失慈父母。願比朱邑。桐鄉請其柩入南山。弗得。則籲
請祀名宦。而湖南士紳亦具公事狀。請入鄉賢祠。為桑梓矜式。
皆得旨報可。公性豪邁。去邊幅。泊榮利。晚益沖粹。視之田夫
野老人也。及其馳騁古今。理亂貫串。天文河渠。兵法星卜。以及
輿地險要。形格勢禁。若聚米畫沙。燭照而龜灼。所規畫常在數
七百年外。過盤根錯節。無不迎刃以解。其錯施略見於所著書
曾佐兩廣總督那彥成。公善海寇。有洋防備覽。佐姜公籌苗。

有苗防備覽。佐辰沅道傅公。籌屯田。有屯防書。又有三省邊
防備覽。漢中府志。及樂園詩文集。子正基。由副榜貢生。官至大
理寺卿。次正坊。官知州。

國朝先正事略 卷二十三 各臣

此處為空白欄位，僅有版框線條。

劉天一方伯事略

嘉慶三年四川賊首王三槐俘至京。廷訊供言官倡民反。上曰四川一省官皆不善耶對曰惟有劉青天一人劉青天者南充知縣劉清也。

上立加殊擢當是時劉青天之名聞天下公諱清字天一號明渠貴州廣順人由拔貢官蜀得民心嘉慶元年三槐以教匪倡亂時公由縣丞遷知縣數以鄉兵破賊於南充廣元聞公撫民及士卒皆以兒子畜之人樂為死賊自為民時知公名戰莫為用故遇公輒逃四川總督宜綿嘗命公招撫三槐三槐隨公至總督營約率所部出降然實詭規虛實無降意還營復叛二年

國朝先正事略

卷二十三

名臣

義

公復至羅其清營其清故公部民甚德公公望之大哭其清亦哭即去所服白袍請罪蓋白蓮教衣白也畱公宿其營奉牛酒聽約束甚謹復遣卒導公徧入徐冉王冷各賊營皆開壘列隊迎送如禮惟孫士鳳戎服踞座公望之拱手亦即下座語多桀驁然終不害公翼日公為檄使鄉勇羅思舉持諭其清其清恃其眾終無降意及三年川督勒保攻王三槐於安樂坪數日不下策無所出乃復令公赴賊營招撫時公已由南充令驟遷建昌道賞孔雀翎矣三槐恃前此出入大營無忌約重質始出勒公乃令前隨公至賊營之貢生劉星渠及都司某質賊營三槐遂詣軍門勒公俘報大捷星渠乘亂眾中逃出都司某被戕

自三槐被誅後他賊首疑憚不敢出故功不時就而賊卒深信

公前後招降川東賊二萬皆遣散歸農然公不惟撫賊有恩其戰賊亦最力所練鄉勇尤敢死嘗破羅其清冉文儔於方山坪破三槐於巴州江口轉戰川東數載與各賊大小百十戰斬賊萬計見奏牘者僅十之二三公入營撫賊出營殺賊往返虎狼之穴如慈母訓撻嬰兒蓋史冊所希有也後行堅壁清野議上命經略大臣一委公賊卒由是破滅四年魁倫代勒保為總督冉天元渡嘉陵江大猖獗公稟請防守潼河魁反盡撤沿河兵勇入城自衛公以太和鎮灘淺請畱黔兵協守魁不許賊果涉淺西渡反委罪於公劾奪其官

國朝先正事略

卷二十三

名臣

義

上素知公不之罪也以其廉介命總理達州軍餉達州牧劉佳琦詭報河運為陸運冒餉巨萬勒反奏其與公齊名川中號二劉擢佳琦知府公先後勦撫川寇勞烈甚著事平入覲賜御製詩取民所呼青天者以為句按四川按察使遷山西布政使勒保劾公民社有餘方面不足遂左遷刑部員外郎改山東鹽運使時嘉慶十七年也逾年教匪李文成踞滑縣朱成良陷曹縣定陶巡撫同興不敢發兵公力爭三日始從之即以公將兵時承平久兵習晏安行四五十里足即腫公乃自躡草屨先之日行八九十里士卒皆感叩首請公騎誓以死殺賊賊本烏合公身先士卒衝鋒所向輒披靡以官兵五百敗賊於鬃山

復定陶。又敗之於韓家廟。殲賊二千。賊退保。扈家集。公自定陶攻其東。縱火拔柵。賊突出。多死。誅賊首朱成良。王奇山。賊在山東者皆盡。而河南賊自滑縣奔定陶者亦殲於公。十一月賊平。而總兵陳某反。率眾在後。為公策應。云公之平扈家集也。

上諭曰。劉清年逾六旬。且係文職。能身率士卒。取賊巢。勇敢可嘉。其賞布政使銜。尋授雲南布政使。未幾以二品服。畱山東運使任。公性坦率。厭苛禮。既不合於大吏。又不耐簿書錢穀。自奏請改武職。遂授登州鎮總兵。二十一年調曹州鎮。論者謂公以書生而將兵。以循吏而殺賊。以明經陟方面。而改武職。有國士風。本朝漢總督。以武起家者。趙公良棟。岳公鍾琪。梁公鼎揚。

國朝先正事略 卷二十三 名臣 三

公遇春數人耳。公以布政使改官總兵。遇尤奇。道光二年。以疾乞休。在籍食全俸。七年卒。

上深惜之。賜祭葬如禮。官其孫熾昌為兵部主事。

傅重庵廉訪事略

傅公諱鼎。字重庵。浙江山陰人。由吏員入。貴為府經歷。發雲南以軍功擢甯洱知縣。乾隆六十年。黔楚苗變。大學士雲貴總督福康安公。檄調湖南軍營。以計擒首逆吳半生功。賞花翎。以同知直隸州用。尋丁母憂。經福公奏請。畱辦善後事宜。詔曰。可嘉慶元年。補鳳凰廳同知。廳治鎮草。當苗衝。戶口竄。會大軍移征湖北。教匪。月給降苗鹽糧銀。羈縻之。而氛愈惡。藉口前川。督和琳有苗地歸苗之約。遂蔓延三廳地境。司事者議盡應其求。公知愈撫且愈驕。而兵罷難再動也。乃日招流亡。附郭棲之。團其丁壯。而礮其要害。積十餘礮。則堡之。年餘。倚角漸密。苗

國朝先正事略 卷二十三 名臣 三

妨阻。遂死力攻阻。公率練勇東西援救。戰且修。其修之之法。曰。近其防。閉遙其聲。勢邊牆以限。界陷臺以守望。礮臺以禦敵。堡以聚家室。礮卡以守以戰。以遇出。以截歸。築或以石。或以土。或外石中土。畱孔以鎗掘濠。以拒。又日申誠。其民自勉。為之是有三利。失不入火。不焚盜不踰。有三便。族聚。故心固。扼要。故敵。數倚角。故勢強。民競。以勸。百堵皆作。三年秋。苗大出焚掠。下五尚。大吏將以開邊隙罪。公會四年。鎮草黑苗。吳陳受糾。眾數千犯邊。於是苗置何嘗底定之。言責巡撫。姜晟嚴捕首逆。公立禽之。賞加知府銜。俸是年。礮堡成。明年。邊牆百餘里。亦竣。每哨臺。舉銃角。則知有警。婦女牲畜立歸堡。環數十里。戒嚴。

於是守固矣。可以戰時鎮守。左右營黑苗最患邊。適晒金塘苗。因乏食出掠。瀘溪。即夜三路擄其巢。仍伏兵要路。痛殲之。苗始。奮氣六年。而貴州變起。蓋湖南環苗。東南西北。三百餘里。其。西面三百餘里。接貴州。尚未設備。故石峴苗復思狡逞。煽動十。四寨。并糾合楚苗。叛公以鄉勇千五百。馳赴銅仁。而黔撫伊桑。阿至。叱其越境要功。遂以招撫戡定奏。回貴陽。時首逆鎗械皆。未繳。各寨方沸然。邊民赴愬。雲貴總督琅玕。琅公。主。急檄公會。勦三日。盡破諸寨。其破崖屯溝也。前兩路賊皆墨石守。公使黔。兵攻其前。而自領鄉勇。夜探山後徑。徑升而上。犁且。遂連破五。巢。其破上下潮也。萬山一峽。苗以死守。乃夜分兵左右圍之。而。

國朝先正事略 卷二十三 名臣 瑛

親督勇黎明攻峽。及哺破之。分兵火其寨。前後獲苗二千有。奇。做湖南法。建。礮堡守之。而伊桑阿冒功。誤邊罪。為新橋初公。彭齡劾奏伏法。是年十一月。湖廣總督吳公熊光奏加公道銜。俾得統轄。應營。總理邊務。優詔。命以苗疆道員用。七年。丁父憂。巡撫高杞奏。留原任。許之。始公建議。遷永綏城於。花園。副將營於茶洞。而貴州方藉。永綏聲援。重其移。公力言。諸。大府。至是。詔琅公查奏。公再赴銅仁。面陳。永綏孤懸。苗巢。形。釜底。有二難。三可慮。并請移湖南守備於貴州邊境。螺螄堡。助。彈壓。琅公乃奏。移駐。是七年九月。遂移之。既而羣苗率眾來爭。公以鄉勇數百。深入。忽遠近苗。大集。環之。數重。公以奇計。突圍。

出苗不敢逼。尋議繳鎗械。以摧其牙。距其抗命者。遂有永綏生。苗。鳳。黑。苗。之。勦。矣。初。永綏以廳城。掣肘。未能深入。其巢。首逆。石宗四等。抗繳鎗械。并阻丈田土。復糾黨數千來犯。而是時。廳。已移出。且分駐。形勢地。又得貴州螺螄堡。可駐兵。遂親率兵勇。三千。敗之。奔都河。連燔六寨。追至陽孟岡。夜五鼓。萬苗突至。號。起。揮兵禦之時。雨霰雜下。我軍人自為戰。鏖鬪。玉山後。殲賊二千。有奇。生擒石宗四。得。旨。優敘。是役也。賊起事。即戕良苗。故。公得。擊。策。苗。兵。深入。轉戰。月餘。破寨十六。獲鎗械數千。餘。寨。皆。乞降。永綏苗一舉。平其黔苗。未繳械者。咸震疊無敢抗。時嘉慶。十年也。公治苗。專用。沈希儀。勸。法。大小百戰。殲苗萬計。追。

國朝先正事略 卷二十三 名臣 瑛

出良民五千口。良苗千餘口。而所用不過鄉兵數千。則訓練之。力也。大抵苗。置用兵。異他處。等山嶺。壁。苗人。善。越。如。平地。一。長。也。地。不可容大眾。其進無部伍。行列。退則鳥獸散。密箐中。伏。賊。忽起。從暗擊。明。難。猝。防。二。長。也。銃。鎗。且。長。隨。山。起伏。多。命。中。惟。腰。繩。藥。無。重。衣。裝。三。長。也。公。因。苗。地。用。苗。技。先。糞。沙。輕。走。以。習。步。兼。習。藤。牌。閃。躍。法。狹。路。則。短。兵。制。之。每。戰。還。必。嚴。汰。數。年。始。得。精。兵。千。號。飛。隊。優。養。勤。練。而。嚴。節。制。之。行。山。澗。風。雨。而。行。列。不。亂。遺。費。道。上。無。反。顧。者。共。甘。苦。若。妻。孥。哭。陣。亡。若。子。弟。報。公。憤。若。私。仇。是。以。能。致。死。如。一。先是嘉慶元年。平苗善後案內。奏。明。將。查。出。逆。苗。叛。產。分。給。無。業。窮。苗。佃。種。其。時。並。未。查。晰。多。被。

強苗侵霸及公勦辦石宗四查出侵占田地千餘畝其餘侵占尤多公遂一清釐照叛產歸公例另佃良苗耕種於是寨苗聞風震警各願返所侵占地計永綏境內繳出萬餘畝乾州鳳凰保靖等處亦紛紛呈繳公請收作屯田分佃良苗納歲租充餉又請於撤防後挑苗苗兵駐守即以屯糧贍之巡撫阿林保公疏聞得旨俞允積久制益密田益闢則又聖澤邊隙地二萬畝曰官墾田贖苗質民田萬餘畝曰官贖田以虞屯官授屯長給老幼丁籌補助備犒賞暨修城堡神祠學校育嬰堂養濟院諸費百務並舉而苗占田三萬五千餘畝亦以兵勦出其苗弁復自獻七千餘畝為經費以苗養苗即以苗制苗於五年陳

國朝先正事略 卷二十三 名臣 聖

屯政三十四事十年陳經久入事十二年復陳未盡七事大要使兵農為一以相衛使民苗為二以相安故約官與兵民曰毋擅入苗寨毋擅役苗夫約苗曰毋巫鬼椎牛羣飲以靡財毋挾鎗矛尋毆毗釀衅又以詩書禮讓化其狃獷之氣請將乾鳳永保四廳縣編立邊字號廣鄉試中額一名苗生編立田字號外加中額一名苗益感奮有旨權展沅永靖兵備道十三年春人觀詔曰傅鼎任苗置十餘年鈕秀安良興利除弊建碉堡千有餘所屯田十二萬餘畝收郵難民十餘萬戶練屯兵八千人收繳苗寨兵器四萬餘件入多方化導設書院六義學百近自苗民駸駸向學願求考試革面革心朕久聞其任勞任怨不

顧身家悉心籌畫本日召見果安詳諳練明白誠實洵屬傑出之才堪為巖疆保障其即加按察使銜用風有位十四年擢湖南按察使以苗弁兵額萬命每秋一赴苗置慰邊人思公之在苗置也日不暇給設木匾於門誦者投牒其中夜出閱之黎明起視事剖決立盡兵民白事許直至榻前及為按察使一如同知時下無壅情故事無不舉十五年兼署布政使十六年復入覲

天子將擢公巡撫以大福湖南民而六月卒官年五十四事聞優詔悼憫贈巡撫銜照巡撫例賜卹嗣子端弼甫四齡詔巡撫景安派員護送靈柩到籍後著蔣攸銜一體照料派大員

國朝先正事略 卷二十三 名臣 聖

賜祭一次用示軫念蓋臣優獎勳勞至意公權奇有才武躬親行陣出入矢石間所設施務為經久計不撓旁議苗人聞其卒哭聲震郊野尋敕祀湖南名宦苗置並建專祠

潘文恭公事略

古今儒臣備五福者眾矣然率有闕而未全之處若夫名魁天下位極人臣直樞廷幾三十年賞花翎紫緞黃馬褂生加太傅享遐齡兩蒙賜壽溫旨予告食全俸優游京邸者四年弱冠登第後乞假歸娶晚年重赴鹿鳴瓊林恩宴子若孫科第踵武當再宴瓊林之歲孫以一甲第三人賜及第身後崇祀賢良祠極人爵之榮無媿弗備本朝二百餘年來未有如吳縣潘文恭公者也公諱世恩字芝軒乾隆五十八年一甲一名進士授修撰嘉慶二年大考一等遷侍讀再遷庶子明年遷侍講學士轉侍讀學士晉少詹事詹事再晉內閣學士六年擢

國朝先正事略 卷二十三 名臣

聖

禮部左侍郎明年調兵部右侍郎兼署戶部左侍郎九年轉兵部左侍郎仍兼署戶部尋調戶部左右侍郎十三年署戶部刑部左右侍郎明年復署刑部右侍郎十五年兩署戶部侍郎十七年擢工部尚書明年調戶部仍署吏工二部尚書十九年復署吏部母憂歸二十一年以父年高乞終養會其子登鄉舉具疏謝恩坐未親赴京師陳謝降侍郎道光四年丁父憂七年五月補吏部左侍郎晉左都御史署吏禮二部尚書九年復署禮部尚書十年遷工部尚書兼署左都御史明年轉禮部尚書又明年兩署工部尚書十三年超授體仁閣大學士管理戶兵二部事明年一命充軍機大臣又明年改東閣大學士管理戶

二部事十七年加太子太保明年改武英殿大學士二十八年加太傅此公歷官階級也嘉慶四年分校禮部試尋督雲南學政九年典試浙江尋督浙江學政十三年充順天副考官明年提督江西學政道光八年典武會試十二年典會試十六年再典會試十九年典順天鄉試二十年三典會試二十七年四典會試前後充朝考閱卷官者七殿試讀卷官者六考試試差閱卷大臣者十散館閱卷大臣者二六考閱卷大臣者一此公歷典文衡也署日講起居注官一充講起居注官二充咸安宮總裁一武英殿總裁一國史總裁二四庫館文穎館總裁各一教習庶吉士五署翰林院掌院學士四充掌院學士一經筵

國朝先正事略 卷二十三 名臣

聖

講官二文淵閣領閣事一稽察欽奉 上諭事件處一上書房總師傅一 上謁 祖陵 命留京辦事者二 命查三庫者二此公歷任差使也 督學雲南時奉 在宗手敕少年得晉崇階又係鼎甲前程遠大勿貪小利勉之 嘉慶九年正月 上御重華宮小宴恭和 御製詩 賞如意荷囊諸珍物自是 以為常二月 駕幸翰林院 賜宴聯句恭和 御製詩頌味 餘書室全集及詩珍綺 賜之督學浙江時奉 手敕實心勉

功整頓士習。汝係大員。不應緘默。兩浙吏治。民風及洋匪情形。可隨時密奏。乞養時奉。手救。忠孝二字。不可歧視。知所先後。則近道矣。道光八年。回臺平。命與凱旋筵宴。賜紫禁城騎馬。賜第圓明園。四次京察。諭稱其克勤克敬。矢慎矢公。均下所司。優敘。十八年十二月七日生辰。賜御書熙載延祺額。獨亮宣猷。襄密勿。請其介福。錫康疆聯句。並賞戴孔雀翎。入謝時。

宣宗手賜玉管花翎。詔此後御門辦事。加恩免其入班。并免其帶領引見尋。命在紫禁城乘輿。進內時。賜內監二人扶掖。二十六年。賞穿黃馬褂。二十八年元旦。特旨晉太傅銜。

國朝先正事略 卷二十三 名臣 聖

並賞用紫纓。及八十生辰復。賜御書壽字。賜額曰三朝耆碩。賜聯曰望重三公資變理。祥開八軌衍期頤。及上珍文綺有加。並賜其孫祖蔭為舉人。二十九年五次因病乞假。均溫詔慰留。明年三月具疏乞休。許致仕。仍食全俸。咸豐二年重與鹿鳴筵宴。詔賞其子太常博士潘會璋為員外郎。三年重與恩榮宴。文宗手書瓊林人瑞額。先期。頒賜。並賞其孫祖同為舉人。是歲祖蔭成進士。授編修。科名盛事。海內榮之。明年四月公薨。上震悼。諭稱其立品端方。學問醇正。賞陀羅經被。派怡親王載垣領侍衛十人往奠爵。並入賢良祠。其孫國子監學錄祖

同賞進士許一體殿試。編修祖蔭。以侍讀候補。監生祖保。賞舉人等。賜祭葬。予諡文恭。此公歷承。恩遇也。道光庚子。御史駱公秉章條陳洋務。下粵督林公則徐等議覆。林公奏籌章程五則。詔公等議奏。尋疏言所議章程。或變通舊例。或循守成規。應如所請。行之以實。持之以恆。庶夷情悅服。而海防可以肅清。總之招徠之道。得其情而後可以服其心。制馭之方。峻其防而後可以祛其弊。未有內治不嚴。而能使外夷畏威奉法者也。

上聽其言。甲辰二月。公奏請查墾甘肅新墾等處地畝。以裕邊儲。疏言近據伊犁將軍奏報。開墾荒地四十三萬畝。有奇。安戶

國朝先正事略 卷二十三 名臣 聖

升科已著成效。其甘肅各州縣。及烏魯木齊所屬地方。遠隔曠土。必多請。敕陝甘總督及烏魯木齊都統。籌畫水利。遴員勸墾。升科。以本地自然之利。供本處應用之需。既可減調餉銀。更可節省深買。並以額徵所餘。津貼入旗支款。實為經久有益。志舉如所請。行庚戌三月。交宗登極。求賢公應。詔首舉前任雲貴總督林公則徐。歷任封疆。有體有用。所居民樂。所去民思。請徵召來京。備用。並舉前任臺粵道姚君瑩等。皆一時人望。此公建白之大端也。公自入樞廷後。造膝所陳。多不形諸章疏。雖子弟不獲聞。故可述者止此。惟

上知之深倚之最切。

宣宗嘗手諭云潘世恩精勤襄贊一德一心夙夜在公勤勞備至朕賞難以言喻烏序是可以想見其大凡矣相傳封翁好施多隱德嘗夜坐聞仙樂鏗鈞有旌幢羽葆自空下遂生公其時蔡學士之定亦夢有神人送一童子東下應從甚盛有告者曰此吳縣潘某也將來與君同年時蔡已鄉薦後二十餘年竟與公同舉禮部云公壽八十有六著有思補堂集子曾瑩辛丑進士由編修官吏部侍郎會授舉人官內閣侍讀會璋刑部員外郎孫祖蔭現官禮部侍郎。

國朝先正事略

卷二十三 名臣

聖

國朝先正事略卷之二十四 名臣

平江李元度次青集

趙文恪公事略

公諱慎軫字遵路號笛樓湖南武陵人乾隆己酉拔貢學使錢南園先生器之曰人英也嘉慶元年成進士選庶吉士授編修庚申辛酉兩校順天試改御史奏川楚善後事宜

上偉之十年分校會試巡通州漕革陋規奏糧艘起撥事發諸積弊轉給事中十二年充江南副考官母憂歸服除補原官湖南學政某以矜復失士心欲附公自匿列公諸子優等公仍奏劾之遂遣戍十七年授惠潮嘉道宣教化清獄訟優禮諸生海

國朝先正事略

卷二十四 名臣

一

陽普甯民械鬪擄掠聚眾久官不能治公馳往捕誅之沿海民多寮居藏匪銷賊公悉編入保甲毀其棚寮水陸獲盜無數十九年遷廣西按察使慶遠秀民藍耀青假天地會結眾斂錢有廖五桂者苦其侵暴思結龍虎會敵之揭帖中有平治大元帥及令地方助餉語以恐嚇村民事發布政使請往將大其事公不可自往按治誅耀青及五桂脅從皆杖釋之自首免罪民大安復為條約諭民間廣種植浚陂塘嚴守望堵嚴尚摘律例中易犯者五十餘事刊示之廣東洋匪投誠後漸入廣西為盜水路設巡船俾商民停泊有定所衛之以兵行守令以捕盜多寡定舉劾增州縣解送囚徒路費明年遷廣東布政使故事州縣

解銀及領銀皆有規費公革之始至司庫貯銀四百萬逾年乃五百三十萬南海桑園圍石堤九千五百丈有奇里民屢修屢決公上言民力已困請以司庫沙坦花息及糧道庫息銀八萬發商取息為歲修資東省屯田五千三百餘頃賦重累民公請減屯糧額數而酌加科則極輕之沙坦六千餘頃以抵之督撫如議奏行又以粵俗奢靡刻行陳文恭從政訓俗二種遺規躬節儉以示勸連山縣城工銀以裁縣故未入奏銷公捐廉償之或曰子產之與可勝濟乎公曰濟所可濟不能盡亦不能忍也二十三年擢廣西巡撫至則以農田水利為急諭守令平疇修陂塘設龍骨車以挽水山田開蔭井設井筒架作式使民做之

國朝先正事略

卷二十四

各臣

二

粵西地接黔楚盜出沒其間飭屬查保甲置望樓練民壯互相守望縣建卡房數十座府各以官會營巡緝柳州至省會千餘里增設水汛四十三所每卡設哨船有盜則卡船舉礮各團丁登望樓咸出堵擒終公任獲盜千七百餘人公以外盜十居七八乃稽察客民立客籍之單身流蕩者為游民查籍遞回山僻草寮盡毀礦廠窯榨備丁皆立冊有保者潛否則逐刊為省例又動支司庫養廉空缺銀為營汛工程之用西撫歲支養廉銀萬兩又梧潯二關例得動用羨餘公歎曰吾家衣食屢足身為大臣復取盈焉將安用之當為

聖主廣布仁澤耳乃創預備倉捐銀萬二千令桂林府買穀積

貯以千金發典肆生息為歲修費愛日書院久廢修復之復建培風書院課民間童子柳州思恩慶遠三府縣向無書院公斥銀二千倡捐興建於是象州羅城天河武緣雒容興業等縣皆應之道光二年入覲

成皇帝諭曰卿誠實不欺故

皇考簡用以貽朕其益勉之公頓首泣謝八月除閩浙總督公治軍嚴重申條約偏頒諸鎮營汛身自考校備弁無虛日參將某驕蹇浙江提督某玩洋務皆奏劾之手札司道諸鎮密令陳所屬文武優劣驗之以事信賞必罰故所用皆得人上游四府地僻山深漳泉江廣人多租山立厝為業凡十餘萬人游民混

國朝先正事略

卷二十四

各臣

三

跡其間於是會匪擄匪丐匪羣聚為害公令各鄉就地勢聯絡立鄉總盜至鳴鉦逐捕加增緝捕經費遣官弁按山著名匪首皆就獲浙洋商駁報劫公既嚴責水師復與兩撫議立海口漁船出入章程水陸合捕所部晏然福州閩安鎮外有琅琦島居民三千戶多為奸利濟匪公訪聞擒治移駐水師建礮臺望樓會垣門戶益重漳泉械鬪風未已刊故訓導謝全鑿治法論頒守令行之漳州守周鎬賢吏也以老乞去公手書勉留令署汀漳龍道尤以臺灣為慮盡選賢能以往未幾鳳山民楊良斌作亂巡道孔昭震知府孔傳綬不一月平之噶瑪蘭民入山伐木歲供道厥軍工船料匠首苛斂無已山匠林泳春因而為變公

檄鎮將捕誅之。仍博採輿論。更定採料章程。蘭人乃服。臺灣十三營。戍兵萬四千。皆自內地五十三營更替。例由廈門提督點驗。分汛其歸也。亦如之遠者相距三千里。兵弁苦之。公變通舊制。令水陸二提督及福州城守。分途點驗。戍兵之困以蘇。臺本產穀地。福漳泉三府民食仰之。商運歲常百萬。江浙天津亦至焉。臺人不知蓋藏。又生齒日繁。歲稍歉。米貴輒思為亂。公令稽出口。未船月報實數。酌年豐歉。定限制。俾民間常留。有餘三年。夏浙江水災。公奏請賑卹。復捐俸。倡勸紳商。得穀六千。米一萬七。百銀七十萬五千。展賑限全。活無算。凡就食流民。令所至州縣。詢男婦名數。給滾單。撫卹。是秋浙中米踊貴。閩撫欲運倉穀。

國朝先正事略 卷二十四 名臣 四

往濟公以臺灣歲豐。乃奏弛海禁。招商販臺米。濟浙浙足而閩倉如故。閩鹽不銷。官商積困。公奏減南靖長泰二縣額引。撥入臺灣府屬。并停徵商欠。官民便之。四年。奏請以明儒黃忠端公。道周從祀文廟。東廡位列。羅文莊公之次。故訓導侯官謝金鑾。教授德化鄭兼才有學行。敦崇名節。公敬異之。令舉祀鄉賢。五年。調雲貴總督。貴州彌望皆童山。近歲大吏勸民種樟樹。放蠶收繭。緞紬甚有利。而守令或以為迂。公察所屬多未行。手教勸之。且捐給工本。抵滇南。壹意以撫靖邊夷。整飭銅鹽。為務既陳。銅鹽積弊。又以防邊之策。無逾屯田。日與滇撫考地圖。訪形勢。經營屯政。及安撫土司。建設碉堡。練丁防守。諸制以積勞成疾。

五月一日薨於位。年六十五。有詔優卹。贈太子太保。諡文恪。賜祭葬如例。公少孤。從舅氏王春楚遊。教以勵行。克已後。益博覽。儒先格言。凡有益身心。可致用者。皆潛心體驗。聞儕輩中嘉言善行。則惕然不自。已通籍後。致力猶勤。為日記。至易簣。乃已。灼知州縣之困。體卹甚至。而不可干以私。見屬吏自道府以下。懇切訓誡。如師弟。是非賢否。喜怒不藏。曰。吾於人無私愛。憎何必使妄相揣測。耶。有所詰責。其人能以理自申。必賞異之。卒從所請。遇事關民生疾苦。國家憂樂者。思之輒竟夕。不寐。必得當。乃已。督滇黔時。病已亟。猶疏劾貪墨吏數十人。閣日屬。續代者發急遞。追回滇人。皆痛惜之。公嘗顏其室曰。省儉。年位逾。

國朝先正事略 卷二十四 名臣 五

進功益密。好善嫉惡。乃益真且嚴。昆明錢公所謂人英者。公真無愧也。已著奏議八卷。從政錄八卷。載筆錄四卷。檢集雜識二卷。省營室續筆一卷。讀書日記四卷。惜日筆二十卷。詩文集六卷。

湯文端公事略

公諱金釗字敦甫一字勗茲姓湯氏先世自浙江青田遷蕭山公生而端靖寡言笑四歲患痘幾不良於行家世服賈公獨奮於學乾隆五十九年舉省試第一嘉慶四年進士遷庶吉士授編修朝貴爭難致之謝不往而時時徒步從大興朱文正公遊請業奢過如古聖相為師友十三年入直上書房母憂服闋遷侍講視學湖南累遷祭酒詹事內閣學士二十一年仍直上書房典試江南遂督江蘇學政仁宗手勅曰江蘇士子不患無才但須植德其勉力訓誨務得直才以佐國政公敬謹宣諭令多士咸喻

國朝先正事略 卷二十四 名臣

六

聖意尋遷禮部右侍郎江陰有會匪煽惑鄉民以修善獲福為說公著福善辨曉之錄奏奏聞 諭嘉其簡明透澈任滿一命仍在上書房行走二十五年七月

仁宗升遷 召公赴熱河襄理喪儀轉吏部左侍郎充經筵講

官初

宣宗在潛邸尤敬禮公公之典試江南也

宣宗及諸 皇子皆賦詩贈行公內剛外訥師道自處意所不可輒變色不實對雖大廷亦如此以是見憚然亦浸嚮用公時尚書英和公以州縣陋規日盛奏請分別查明以定限制公奏言陋規皆出於民州縣猶未敢公然苛索恐上知之而治以罪

也今若明定章程即為例所應得勢必明目張膽求多於額例之外雖有 嚴旨不能禁矣况名目碎雜所在不同逐一檢察轉滋紛擾殆非區區立法所能限制也時總督孫公玉庭蔣公攸銘尚書汪公廷珍俱先後奏阻公疏入

上手諭曰朝有諍臣連章入告使朕胸中黑白分明無傷於政體朕不勝欣悅之至下所司議敘道光元年兼戶部侍郎時孫公玉庭以南漕浮收不能盡去議請八折收漕公又爭之曰康熙中奉有永不加賦之 明詔此 大清億萬年培養國脈之至計也前有議加徵耗米及公費銀者均經戶部以事近加賦議駁今准其略為浮收則不肖者益無顧忌而浮收且十倍於

國朝先正事略 卷二十四 名臣

七

往日雖告以收逾八折即于嚴參而前此逾額者何嘗不干嚴譴卒不聞為之減少獨於新定之額恪遵而不敢踰無是理也在督撫奏定之後不應控告浮收在州縣縱有發覺又將巧脫其罪是限制仍同虛設徒為 盛朝開加賦之端臣竊惜之疏入事遂寢明年調戶部右侍郎憂歸起復署禮工二部侍郎兼倉場侍郎仍一命在上書房行走授 皇長子讀遂自戶部左侍郎遷左都御史是時

宣宗在位久熟於情偽自京師以及十九布政使司民風吏治之醜雜莫不周知凡細民含冤負釁嗥號而赴闕者上必立遣重臣馳傳周歷窮治以申枉鋤強而公以公廉強直

屢蒙委任自七年九月奉使山西明年使宣化十月使四川明年四月還至襄城復奉命循漢江而東治獄於武昌六月抵京師十月奉使閩中又明年二月便道還家上冢前後三四年週迴萬里軫傷所屆虛衷約已務達下情而宣上德上嘉公勤勞每奉使還遷賚有加其使山西也擢禮部尚書使宣化還賞紫禁城騎馬自川楚歸充上書房總師傅使閩還拜吏部尚書兼戶部尚書充經筵講官而公才以南北駢征久虛輔導屬皇長子遘疾聖心憂軫陷公者因巧肆機牙以激上怒於是有降補侍郎之命重賴國朝先正事略卷二十四名臣八天子神聖亮公樸誠不旋踵眷公如初而公信道篤自守堅雖獲譴謫而當天心覺悟後猶必從容奏對以畢申其說而止亦不以芥蒂信乎古明良一德有出於尋常萬萬者而人亦罕得而知也公既降補之二年復自左都御史拜工部尚書轉吏部尚書十四年復兼工部先是御史許球劾陝撫楊名賜諸溺職狀詔公往鞠審擬有差矣而言事諸臣必欲傅治重罪至謂公有所徇縱或構蜚語以謂名賜嘗致厚贖於粵撫梁章鉅因以得款曲於公將興大獄憾公於是公方由陝入川清查西川各屬軍需出入及長吏貪擅不法事有旨令回奏公歎

曰吾豈可避嫌而執法哉於是條上諸言可信與不可信者折衷平允累萬言疏入上手勅報曰事若秉公問心無愧何恤人言尋命公暫以尚書權陝西巡撫事公之治川陝獄也署按察使李廷錫涪州牧楊上容江津令郭彬圖皆公門下士並里吏議公當官而行無所避就人稱其平十七年春考績得旨賜金釧品學醇正奉使公明其交部議敘諸上益洞鑒公之志行矣是年冬奉使勘獄張家口改歲勘獄太原五月命以戶部尚書協辦大學士尋調吏部尚書會安徽鳳陽府試生童關於官府事聞命公偕侍郎吳公文鎔往讞既國朝先正事略卷二十四名臣九而按事皖南及浙江還至江甯淮安稽察河漕諸利弊御史蔡東珩以河工賄項處分過寬劾公徇私錯謬公於途次遵旨回奏東珩復疏許論兩責之各鑄印秩畱在尋偕宗命肅親王敬敏等奏議鴉片烟吸食與販及官吏失察胥役賄縱商船窩藏關津偷漏棍徒冒充官人奸民栽贓誣陷各罪名三十九條得旨允行當是時中外又安朝廷無事明年夷禍首發於廣東不得逞則東陷定海南踞廈門北至於天津沿海騷動天子以為海島遠夷蛟螭蜃蛤之性不足與計是非且以中國方制數萬里豈屑與區區醜虜爭一旦之命於不測之淵既而事連不可解在事諸臣無能折衝禦侮以紓宵旰憂而政府獨

右之遂歸咎於首任置事之督臣以轉圜而救敗一日
上坐便殿從容問公以廣東事可付託者何人公以林文忠對
上弗之公爭益力坐是失

上旨而公亦不安於位矣始公嘗派部郎陳起詩倉差起詩以
見有差使呈請改派至是起詩聞復保送乃赴部訐控廷議坐
起詩規避奪職公亦坐錯謬鐫四級調用二十二年授光祿卿

公以衰老乞骸骨並自陳家無室宇乞畱京得 俞旨 賞二
品頂戴二十九年

孝和睿皇后升遐
上居苦次公具疏叩 安 賞頭品頂戴公敷歷 三朝周歷

國朝先正事略 卷二十四 各臣 十
五部侍郎再長風憲歷吏戶禮工四部尚書典江南鄉試者三
順天鄉試者一提督學政者再總裁會試者再總裁武會試者

一知貢舉者一署學院學士者三教習庶吉士者三 命畱京
辦事者四奉 命釋奠 文廟者三其他朝考殿試與較閱者

不可勝數自官翰林時布被脫粟後嘗不使過之其學以治經
為務主敬為本自明季姚江之學盛行 本朝諸儒矯之遂成

水火公不立門戶不爭異同大約本明道敬義夾持而兼有取
於良知卽慎獨之說以刻意勵行為宗旨督學時重刻彭南酌先

生儒門法語以訓士性尤篤孝蒸蒸為孺子慕當辛巳假歸時
公年已五十贈公猶命同牀臥起曰吾以為十歲兒也其當官

廉而不峻察而不徼務在安靜持大體嘗按試海州大風發屋
瓦多土惴惴公移坐號舍間神色自若其長諫垣也有控耶致
者株連甚眾公察其妄卽攜狀歸而以誤燬於火告同官事竟
熄其鎮定皆類此公去位凡十有五載雖閉戶卻掃每遇 朝
廷立一法用一人喜戚見於辭色

宣宗季年 恩眷彌篤對廷臣垂問再四公子寬 鴻守鳳翔陳
謝日 召問公病體增減起居服食甚悉
文宗御極之四年重赴鹿鳴筵譙加太子太保銜並頒給 御
書扁額 兩朝篤禮之盛罕有倫比自七十五歲後每日晨起
鈔經二百字十三經皆徧日讀通鑑周易終其身寢疾之四日
國朝先正事略 卷二十四 各臣 十一
值太夫人忌辰猶肅衣冠強起行禮以咸豐六年四月十九日
薨年八十有四遺疏入

上軫悼 諭稱公立品端方學問醇正卽日 遣大臣率侍衛
往奠照尚書例議卹 賜祭葬如例 予諡文端著有寸心知
室存彙子二長寬由陰生官知府先公卒次修己亥舉人官通
政司副使

政司副使

政司副使

政司副使

姚文僖公事略

公諱文田字秋農浙江歸安人年十六入湖州府學乾隆五十四年舉於鄉五十九年獻賦天津行在召試第一授內閣中書嘉慶四年入直軍機處是科成進士殿試以一甲第一人賜及第授修撰明年典廣東鄉試又明年典福建鄉試尋提督廣東學政十二年典試山東十五年提督河南學政十八年奉命入直南書房二十二年充會試副考官二十四年提督江蘇學政道光五年充順天鄉試副考官公裕學識負人倫鑑屢典文衡皆得士任督學時革除陋例斥偽體拔真才士習蒸蒸不變由修撰四遷至內閣學士歷戶工兵三部侍郎擢禮部尚書

國朝先正事略卷二十四 名臣 三

以學行受兩朝特達之知不由推輓游陟正卿持己方嚴而泣官勤以慎百數十年來學者盛談考據往往尊漢儒詆宋儒其弊流為瑣碎穿鑿公獨持議謂三代以上其道皆本堯舜得孔孟氏而明三代以下其道皆本孔孟得程朱氏而傳自五季以後人道不至陵夷者宋諸儒之力也至其所著之書名物象數豈遂無一誤然文字小差漢唐先儒亦多有之未足為詬病嘗作宋儒論以詔學者烏虜是可以見公所學之正矣然公於漢學未嘗不究心也生平博綜羣籍未嘗一日去書不觀所著易原春秋月日表說文聲系說文考異諸書皆入許鄭之室同時言漢學者未能或之先焉尤留意天文占驗法嘉慶十八年

林清之變未起羣橫人紫微垣道光初嘗見南斗下主外夷兵事公皆先事言之人服其精識並都務通達治體不為激亢之行議論尤平易近人所為奏議多切中時弊其言曰督撫藩臬迎新送舊如衙門之整理館舍之備侍無論其為本管官即例以主客情誼亦不能盡廢履任後所屬吏紛紛晉謁事又必不可已在大吏自以為秋毫不擾而不知耗費固已多矣且大吏抵任之始諸務未能周知迨莅事稍久然後人才之賢否以明風俗之醇薄以辨方將稍有設施而庶代者已至更有更事未深之人纒一莅事動議更張據人言為舉劾以此罔振作之名不知地方情形屬吏賢否均未請察其為利而弊已隨其後見

國朝先正事略

卷二十四 名臣

三

為是而不自知其非故不如久於其任次第圖之之為得也又曰自古圖治之要惟以任人為本近日科條過於煩密如某州縣得一循吏忽有四參被議之案不能不罷斥又如地號難治非得人不能勝任然才優者或有處分合例者才僅下中亦不能不俾之受事是為吏議所格而吏治皆不得人宜稍為變計者也又曰自數年來開上控之端於是刁民好逞其奸彼見獄詞可以聳聽則多牽引其所不快者以陷害之胥吏惟利是圖則又多方株連以困抗之衣食粗足之家一經官訟連染雖立見昭雪而資產已蕩然矣彼所控訴不過一人而牽涉常至十數受丁胥之魚肉往往道弊而瘐死雖處原告之人以極刑於

被誣者何補推 國家慎刑之意亦曰恐有冤抑耳然一案未結而事外之被累者相踵是一冤未雪而含冤者且數十人也又疏陳濬務情形曰乾隆三十年以前無所謂浮收之事是時無物不賤官民皆裕其後生齒愈繁用度日絀於是諸弊漸生然在州縣亦有不能不爾者所得廉俸公項斷不敷用自開倉至兌運其修理倉廩葺席木板及幕友家人書役修飯工食費已不貲加以運丁需索津貼日甚一日至其署中大小公事動須出錢料理又如辦一疑徒之犯自初詳至結案約費百數十金案愈巨則費愈多復有遞解人犯運送餉鞘等事所在需費為州縣吏者以為他弊一破其獲咎且愈重不若浮收尚為上

國朝先正專略 卷二十四 各臣 西

下皆知其藉此以肥身家者不能保其必無要之不得已而為此者蓋亦不少臣見近日言事者動稱不肖州縣竊思州縣亦人耳何至一行作吏便行同荷賤此又州縣不能上達之實情也諸疏多蒙 嘉納海內爭傳誦焉公薨於七年十月年七十 遺疏上

宣宗軫悼 優旨 賜卹 賜祭葬諡文僖著有遠雅堂文集

盧敏肅公事略 公諱坤字靜之號厚山直隸涿州人嘉慶己未進士選庶吉士改兵部主事累遷郎中隨圖木蘭校步射賞戴花翎擢湖南糧儲道調廣東山東兵備道皆在

仁宗朝

成皇帝御極由湖北按察使遷甘肅布政使擢授廣西巡撫調陝西巡撫時教匪戡定後議者謂南山老林易藪好不宜墾公謂此地漢唐皆開闢金元始荒廢歷舉漢書蜀志唐書宋史證之且舉漢李翁郁閣頌為據遂加墾治至今賴焉在陝丁大母憂小祥後會回疆有軍務 特旨以行衣陞見馳驛往甘肅會

國朝先正專略 卷二一四 各臣 五

總督辦理轉餉事宜時逆回張格爾據四城精銳屯喀什噶爾滿漢官兵三萬七千有奇會於阿克蘇轉烏魯木齊糧濟之公上議曰烏魯木齊距阿克蘇三十二站官兵以五萬餘人計日需糧五百石有奇每站須置駝五百有奇共需駝萬有六千闕

內外臺站又需駝一萬有奇烏魯木齊雇駝七千尚缺二萬餘請刻期購撥出關其內地之銀餉軍火器械即以此駝運又請以伊犁糧由冰嶺運阿克蘇又議兵馬過沙漠加給草豆添設民夫酌給羊茶諸事凡十一條皆報可大兵自進剿至凱旋共用帑銀千一百餘萬轉輸不竭無虛糜公之功也服闋補山東巡撫以回疆平加太子少保 賞頭品頂戴調山西廣東江蘇

巡撫遼湖廣總督道光十二年湖南逆裔趙金龍作亂公親往督師密陳湖北提督羅公思舉能辦賊時湖南提督海陵阿已在甯遠之下堆被搖誘戕副將游擊等皆戰歿新田縣知縣王鼎銘死之桂陽常甯諸土搖應賊起眾號數萬官兵未設糧臺而所調常德水師荆州滿騎皆不習山賊公至始奏罷之而改調鎮守苗疆兵又以衡州水陸咽喉而常甯屏蔽衡郡當賊衝祁陽又入衡永捷徑且糧餉後路皆派兵勇防禦餘令堅壁清野激將弁分路防堵迨湖南湖北兵大集貴州提督余步雲雲南副將會勝皆率兵來助剿距賊巢十餘里會大雷雨我兵乘勢進剿賊悉眾抗拒於洋泉街其地為入山水口有溪通舟楫

國朝先正事略

卷二十四

各臣

六

市長數里民去賊守公以賊偏歸一路且失其翻山長技密檄各路兵進偏合圍於是羅公思舉等晝夜督將弁立泥淖中仰擲火彈火弩延燒民舍數十戶斃賊數千賊黨趙文鳳乞降倖許之攻益急生擒其子女及頭目數百人金龍易服乘間遁為我兵所殺獲其尸及劍印木偶餘賊先後就殲

上嘉獎 賞戴雙眼花翎世襲一等輕車都尉在事文武晉秩有差方捷書之未上也

上命戶部尚書禧恩盛京將軍瑚松額來視師未至軍先三日奏捷會廣東逆裔趙仔青糾眾數千入楚界聲言為趙金龍復仇公即與 欽使率提督余步雲總兵曾勝移師剿辦賊賊於

濠江又敗之於銀江擒仔青至衡州磔於市時廣西逆裔盤均華亦起事官兵殲之芳林渡均華為楚界防兵所執真之法而廣東連山黃瓜寨排搖復煽亂官兵初失利 欽使奉 命率曾勝往剿平之

上逮治粵督李鴻賓而調公總督兩廣 命辦善後事宜時搖匪新定公編查戶口設搖長搖目漢民村寨設練總改殺搖同知為邊要缺教職佐雜改邊俸皆報可未幾越南奸民陳加海與內地游民馮生丁等在夷洋狗頭山曠聚偷入內洋公遣官兵擊沈其八船餘寇悉平西洋峽咭喇來粵貿易夷目啤嘮啤達法度公照例封船停其市易啤嘮啤遣護貨兵船自外洋關

國朝先正事略

卷二十四

各臣

七

人虎口我兵礮擊之輒以礮拒駛至黃浦奉 嚴旨督辦公檄鎮將用大船載石橫沈水底復用大木筏壅水面多設警備斷其入省之路其後路在老洲岡復遣將弁用大石船過其歸復備草船火攻具脅之沿海部署皆精整禁商民無許接濟夷船於是啤嘮啤諸夷窮蹙求給牌出口詎甚恭澳門夷商伽階階

等助之請命公固持之良久乃令出虎門奏入 宣宗手勅曰玩則懲之服則舍之尚合機宜不失國體也公之經濟表見者如此公器識凝重蚤歲留心經世學自官職方擢監司任封圻所泄皆有名績治案牘析及纖微而宅心忠厚曲盡人情不流為深刻至典軍御將剷除凶孽皆有實效其餘察

史安毗弭盜救災備荒辟地設險諸善政不可殫述而其尤關國體者則在堅持定力龍服外夷驅霆躡風落其身距固宜上契

宸衷繫國安危輕重而令中外想望風采也十五年八月以疾薨於位年六十有四

帝深軫惜 詔贈太子太師兵部尚書 予諡敏肅 諭賜祭葬如例長子端凝襲世職

國朝先正事略 卷二十四 名臣

六

朱莊恪公事略

公諱桂楨字幹臣號樸庵江蘇上元人性忠介剛實毅然以古
人自勗於外物無所動為童子時歲游饑公白大父請毀產贖
鄉里大父喜甚從其請知其志趣遠大益以古人期之乾隆五
十二年舉順天鄉試即度置舉子業究心古臣言行及宋明儒
言性理諸書曰吾他日待用而始求之恐已遲矣嘉慶四年成
進士由吏部主事累遷員外郎郎中擢御史出為鎮遠府知府
其治郡專力民事力反常吏宿習同儕見之格格若不可親然
無不心折者郡屢饑民將流莩思惟盡出庫藏速賑為有濟時
公文芝園公迎養在署公叩頭白父願舍身拯民乞自今無更

國朝先正事略 卷二十四 名臣

七

念已色甚戚父愕然詰其所謂竟許之乃集士民託代奉甘旨
事士民愕然不解所謂姑應之乃盡發帑項以濟饑全活亡算
事竣攜印謁大府請罪就臬司獄士民惘然相誠曰吾儕曷太
守膚以自活於心安乎誓俟秋成釀金還庫款無角尖耗是歲
災實非常得公倡賑郡境千里無一人僵仆者黃平州盜發告
變公曰數人鼓眾非真亂也動兵則眾駭而事成矣單騎入境
呼父老縛為首者出不戮一人而事定興義苗闢大府已勒兵
公曰苗為民欺忿鬪耳願以身保眾眾使使開諭之果帖服其
銳身為民謀類此苗俗惑怪魅得動以浮言公擇一二事嚴懲
釋眾懼今其地所傳焚木妖致甘雨等事是也居數年民俗丕

變勤本業。浪闕訟大府甚重之。公強直自遂。所至能無屈其氣。天子尤深鑒焉。二十五年。擢陝西潼商道道光二年。遷浙江按察使。遷甘肅布政使。旋調山東三年。巡撫山西。丁外艱。服闋。還朝。署禮部右侍郎。七年。授總督倉場。侍郎九年。授漕運督。漕運為國家倉儲首務。歷二百載。吏丁窟穴其中。為奸利公。曲計諸弊。所由始。自收徵兌。運開壩倉。胥諸實。皆潛察而嚴窒之。故廉入而用裕。轉運以時。無無滯。時公有疾。以剔釐積弊。廢寢食。數日。形骨立。扶掖以走。見者憂之。而卒無恙。人問所藥。曰。我不知疾。惟見官事當丁耳。問官事何能必丁。曰。我先治我。亦不知為治官事也。十年。調廣東巡撫。旋兼署兩廣總督。粵地接外洋。

國朝先正事略 卷二十四 各臣 三

俗獷悍。玩禁令。乃申法制。釐海船。抑外班。攘斥夷館。凡興利治弊。皆不動聲色。有所句攝。率官弁曰。往某處。莫知其事。至則談笑就緒。故公在粵。數年。秀民革面。而西洋諸國。皆震誓奉約束。惟謹。惠潮民喜。械鬪屢興。重獄。公痛繩之。飭吏事。自無冤濫。始有馮某者。逆獠趙金龍。殲其家族。而囚其父子。未殺。亂定。在囚。俘中公一見。曰。此冤民也。訊得實。立釋之。每秋。審濫囚。平反尤眾。十三年。夏。以病屢請告。得。俞旨。且諭病痊。可速來。百姓送者。空一城。或繪像以祀。公每任一官。必有數事。卓卓在人口。皆古名臣所深計。而必為者。所餘廉俸。去時。必留備荒。歉。自奉極儉。為人所不堪。居家六年。自號覺修。日與鄉里學者。考論。

行詣孝弟。姍睦。諸大端。皆身先之。而平日在官。或民事。不得終治者。如浙江海田。廣東械鬪之類。時耿耿懸諸心口。視世俗苟且之治。蹙然若叢垢之被其體也。

天子屢垂詢。冀其疾愈。士民望公復起。如占歲焉。十九年十一月。薨於里第。年七十有三。遺疏聞。

上哀閱。照總督例。賜卹。賜祭葬。予諡莊恪。賞六歲子鎮。舉人皆異數也。公宅心游。目不在三代。下其為治。以教化為主。內不動。以欲外。不可屈。以勢。一意於國計。民瘼。孤立。不懼。與人交。專以道。誼。切。剛。如。潘。布。衣。詔。其一也。位官明。而能恕。所舉。劾。無。不。服。其。公。寮。屬。奉。法。非。徒。以。嚴。見。憚。而已。其。令。行。禁。止。有。

國朝先正事略 卷二十四 各臣 三

莫知所以然者。在粵東有拆毀噴夷馬頭事。夷心懾服。相戒不敢出一言。尤為人所稱仰云。

鄧嶠制軍事略

公諱廷楨字嶠筠江蘇江甯人嘉慶六年進士選庶吉士授編修乙丑戊辰會試及戊辰順天鄉試皆為同考官十五年出為甯波知府母憂服闋補延安府調西安時南鄭韓城有死囚皆受誣公平反其獄又以全同州獲母子事陝民歌頌由是譽流京師道光元年超遷湖北按察使權布政使請免田入江而稅銀在民者十餘萬兩遷江西布政使權江西巡撫以前守西安失察屬吏事免歸旋命以七品銜赴保定起為通永道陝西布政使權陝西巡撫六年擢安徽巡撫自嘉慶時皖中多大獄信臣覆案官吏多得罪而獄懸久愈疑鳳穎俗尤悍常以兵定

國朝先正事略

卷二十四

名臣

三

變公至又值水災乃親乘舟賑恤尤精察吏所任皆得人悍民畏威餘亦不敢幻訟在安徽十年俗為大和所舉任後多至大僚十五年遷兩廣總督時方議鴉片烟禁公議奏以謂法行於豪貴則小民易從令嚴於中土則夷貨自絀上體之未幾林文忠公以欽差大臣至廣東映夷遂輸烟入官甚悔罪已而中變以兵船回泊尖沙嘴進至穿鼻公飭將士迎擊六接戰夷皆傷退訖公任不得入虎門林公既改督兩廣自廣東外夷易犯者莫如閩故改公兩江及雲貴總督皆未行而卒調公督閩浙二十年四月夷船泊穿山洋及梅嶺廈門擊之皆走援定海至清風嶺得旨卻回蓋是時夷方銳欲入閩

而閩之海防地道多兵力散公往來泉州廈門閩暑行宵征籌應捷出晝吏夜牘且詢且披無一夕得安枕坐前在兩廣兵吏捕煙不力奪職戊伊犁二十三年召回起為甘肅布政使二十五年再投陝西巡撫時番賊屢擾蒙古游牧公先權陝甘總督即邀擊於硫磺溝得前所失馬牛羊以萬計八月抵陝時已積勞久時時欲乞休以前後受恩重未敢請也二十六年三月薨於位年七十有二得旨軫悼賜祭葬如典公機神高明外容異量而制行內嚴自侍從歷封置四十年屢起屢蹟無幾微得失意見於顏狀上亦諒其素而終任之有及見公年少者皆曰如諸生時遇學

國朝先正事略

卷二十四

名臣

三

人文士薦龍講論不倦於詩及古音韻學所得尤深至世俗好尚一不以緩意尤精於吏治有神明稱其守西安也有漢中管卒鄭魁坐置砒糖中殺人論死賣砒者賣糖者及鄰婦之為左驗者皆具獄成公疑之乃密呼賣糖者前曰汝賣糖日幾何枚曰二三百一人約賣幾何曰三四枚然則汝日閱百餘人矣曰然百餘人形狀名姓日月汝皆識之耶曰不能曰然則汝何以獨識鄭魁以某日買汝糖也其人愕然固問之曰我不知也縣役來告曰官訊殺人者已服矣惟少一賣糖者爾盍為之證訊鄰婦言為役所使如前言惟賣砒者為真蓋死者嘗與鄭魁有違言以瘋犬死其脣青而魁買砒實以毒鼠也同州獲者以事

出其繼子子無所歸訟至省公伴怒曰此逆子也當杖死繫柱礎下故久治他事而潛令人以茶餅給其子子奉母母怒不食奉其叔叔食之至日暮公度其母見子保然繫庭中時時顧日影待樊也意且悔乃密呼其叔曰汝嫂癡人耳試以我意語之汝撫六歲兒至娶婦婦死更娶勞苦甚矣願信族人言有好兒子將為汝嗣汝幼而撫者不能子願能子長兒乎彼利汝財而嗣汝願能孝養汝乎汝死財與子皆族人所有也即汝何利必欲出子者明日官為汝杖決無難也叔叩頭出次日母子來泣謝不復言出子事此雖一節可以見公之精敏矣及為大吏尤嚴東儀從無妄索嘗閱兵當塗或問令曰厨傳費幾何曰二十千

國朝先正事略卷二十四 名臣

一

聞者以為難子爾恆由編修官至巡撫爾頤雲南趙州知州

陶文毅公事略

道光十有九年六月二日太子少保兩江總督陶公薨於位天子震悼詔以公任事勇敢不避嫌怨堪式百辟加贈太子太保入祀賢良祠子諡文毅並勅建專祠於淮北之板浦場明年又特允名宦祠之請不由部議於是公之勳績益炳著於東南矣東南大計莫如鹽與漕二百年來官民交困大都由文法委曲繁重致利不歸上不歸下而盡歸中飽間有講求更革釐剔者則中飽蠹蝕之人交起而持之畏事者率御步徐視莫敢肩其任道光五年漕河大梗詔江南大吏議海運維時上海關僧撓於南通倉胥吏撓於北屯船丁役撓於中不曰

國朝先正事略卷二十四 名臣

一

風濤則曰寇盜不曰毒變則曰繁費

天子移公自皖撫吳毅然以身任之首致百六十萬石出海達天津每有僅用銀四五錢視河運省費一倍人始知海運利國利民為東南拯敝第一策不得以風盜毒費之說相訾矣道光十年公督兩江承釐政盡壞之後如淮南之窩價淮北之壩槓兩淮之岸費皆浮糜數百萬仰食其閒者以億計當事洞悉其弊而不敢動公謂非減價不能敵私非輕本不能減價非裁冗費不能輕本遂奏裁淮南窩價岸費場費二百五十餘萬淮北則創改道不改捆之議歸販不歸商之制每歲暢行倍額溢課數十萬盡償淮北之帶殘且劑淮南之懸引嘗欲推廣其法於

淮南雖以衰病不果而天下皆知票鹽減價敵私為正本清源
上策不復為綱法所縛持矣然方公再議海運則南漕北倉撓
之議裁餼費則高商蠹吏撓之議截糧私則長蘆漕院撓之議
改票鹽則壩夫岸吏撓之羣議沸騰奏牘盈尺使公仔肩稍不
力
上之倚任稍不堅必且不能善後然後知公之犯勞怨而事未
嘗不舉蓋由遭遇

聖明而海運與票鹽後之人所宜廣其緒而恢之以蘇東南之
困而為國家籌百世利也公諱澍字子霖號雲汀湖南安化
人嘉慶七年進士選庶吉士授編修十五年典四川鄉試著蜀

國朝先正事略 卷三十四 各臣

三

翰日記於西南形勢利病如指掌改御史疏劾部員總核忘親
及吏部重籤河工冒濫外省吏治諸積弊又條陳三急五宜以
請匪徒屢稱旨巡視中城決滯獄八百有奇遷給事中巡視
南漕盡革陋規會漕般阻冰高郵禱於露筋祠一夕凍解奏廣
封祀尋授川東道有異政二十五年

宣宗即位川督蔣公攸銛 陛見奏公治行為四川第一可大
用遂擢山西按察使入 覲時 欽交三案令赴任審辦是為
公受

上知之始每遇京控獄多直交臬司不由巡撫前此未有也道
光元年擢安徽布政使安徽庫款虧空歷五次清查未得要領

公悉心鈎考分別應劬應償應豁於是三十年軫輻豁然一清
因奏定章程十則嚴交代禁流攤裁捐款俾有司得專力治民
三年就遷巡撫太平甯國旌德三縣不通水道漕米向由民折
官辦公奏請由司庫領銀採辦立限徵還以杜借墊之弊是歲
水災瀕江三十餘州縣田廬盡沒公親勘賑遣官赴上游買米
十萬石勸捐數十萬金區畫周至民不流亡明年宿州懷遠大
蝗公禱劉猛將軍廟有青蛙烏鵲無數一日食蝗殆盡奏聞特
頒 御書匾額公以水災既退水利宜興親勘壽州之芍陂城
西湖懷遠之郭塘陂荆山口鳳陽之花源湖鳳臺之蕉岡湖及
濱江之圩垸堤壩次第籌濬又奏設豐備倉於各屬鄉村秋收

國朝先正事略 卷三十四 各臣

三

後量力各捐不經吏役不減糶不出易不借貸歲款即全散之
樂歲再捐以數歲救一歲之荒略如社倉法而去其弊其後復
於江蘇仿捐豐備倉穀各數萬石創修省志表章忠節上及元
明陽湖武進上元等縣以一次而題旌節孝三千餘人或五百
餘人創建總坊其盡心教養多類此五年夏移撫江蘇值河淮
交病漕運中阻公奏請以蘇松常鎮太倉之漕百六十萬石歸
海運親赴上海籌商船定雇值檄崇明狼山及山東登萊諸鎮
會哨海口以壯聲威各般由吳淞口出崇明十墩轉成山人直
沽口水程四千餘里旬月抵天津無一漂損者
上遣重臣赴驗米色率榮潔過河運數倍海商運漕而北載豆

而南兩次得值復由部發帑收買海船耗米十餘萬石漕項銀米自解津應用及調劑旗丁外尚節省銀米各十餘萬事竣優詔褒美賞孔雀翎明年疏陳海運章程八條欲永甦三吳之漕困以格於部議未竟也自道光三年後吳中連歲水災由太湖入海之路不暢吳淞黃浦劉河即禹貢三江遺跡自黃浦奪漕而吳淞中幹日微劉河則幾全淤是以水無所泄當事屢議修濬不果公疏言今日治水以吳淞為最要治吳淞以通海口為最要請以海運節省漕項銀二十餘萬兩興工得 俞旨八年三月竣工海潮直過崑山而西水深二丈以外其欄潮大壩內外刷淤泥立盡公復請借帶徵緩漕十餘萬石變價為國朝先正事略卷二十四 各臣 三

濬時首將豬婆灘加浚以除漕艘咽喉之梗至是復籌款二萬金先復黃金關為練湖關鍵并改建丹陽之黃泥關以蓄全湖之水而運河之上游治矣其常州孟瀆河旱則引江湖以灌田潦則宣洩入江每遇運河冬月挑濬時尤為商船出入要路自公加濬孟瀆及德勝梁港二河而運河之下游亦治矣其受總督事也值私梟黃玉林伏法前督臣大學士蔣公及鹽政運司皆獲譴

上命戶部尚書王公鼎侍郎寶興公赴兩淮會籌改法為課歸場壩之計公謂除弊即所以興利因條上章程十五則王尚書等遂請裁鹽政歸總督管理以一事權公於是殫心力以釐積弊其大端者有成效者四一曰裁浮費以輕成本凡公費匣費岸費窩價數百萬其利皆不歸於納課行鹽之商故成本日重公一切裁減復裁鹽政陋規十六萬有奇繳還鹽政養廉銀五千兩本源澄而浮冒絕矣一曰慎出納以重庫款鹽庫不分正雜虧那百出又有總商筭庫不行鹽而專領費甚至指輪皆出庫墊冒支從不報銷公奏分二庫以正項貯內庫備部撥雜項貯外庫革總商以杜侵漁永禁印本減帖諸名目俾勿貽後患一曰禁糧私船私以清網銷糧艘回空向帶長蘆私鹽公力禁之漕督以調劑窮為詞奏請許帶蘆私仍允准課御史亦以為言公三疏駁之謂不但病漕亦且滯漕堅持定議蘆私遂絕

至徽徵商船有借官行私之弊公一切禁杜又力主散輪隨到隨售而久滯報淹之弊亦少一日草五場十積以清淮北北鹽十年無課徧地皆私商通岸懸蓋出運道迂而成本重公決計改票減稅裁費不數月商旅輻輳場鹽一空化私為官皆從來所未有也初淮南以十年行六綱淮北以十年行三綱虧帑本七百餘萬而以帑利貽患後來立豫納減納帖息請名色以數十年後之課豫虧之於數十年前至道光八年十年間則已無可那墊無可借貸公承極弊之後從事入載完正雜銀二千六百四十餘萬兩而在岸緩納之課尚不與焉庫貯常實存三百餘萬又帶銷辛卯以前殘引百三十餘萬帶徵還未銷印本積

國朝先正事略 卷二十四 各臣

三

欠復價統引發課三百數十萬以代償前人之欠公自在督撫以來若治皖之荒政之清釐庫虧治吳之三江水利他人得其一皆足名世而海運票鹽尤百世之利後之籌國者必將取法焉公受

成皇帝特達之知每述職 召對十餘次造膝密陳言無不盡嘗面奏陸務已有起色總督事繁請復設鹽政 溫諭不許并垂詢里居山水 御書印心石屋四大字賜之兩次考績皆優敘十二年捕獲梟匪奉 手勅云卿為幹國良臣朕亦獲知人善任之名矣十七年公壽六十 御賜福壽字并 賜額曰綏錫祐他珍物十六種十九年二月因病疏請開缺 手諭云

卿體質本非不足緣費心太甚氣血不無消耗惟望卿不日全愈來京面晤以副委任之衷情卿其善體之堯年六十有二公虬髯山立洪音瓌辨絕類湘潭陳恪勤公生平宗仰亦在是遇事奮發義形於色而胃懷洞無城府待人表裏如一用人必盡所長凡所拔舉至方面節鉞者皆有名於時生平嗜風雅留心文獻於地形水利尤究心嘗登塗山以望淮登廩山以望海登雲臺山以覽淮海形勢所至賦詩紀事俯仰今古隱然以一身為江淮保障自公卒後東南乃稍稍多故矣公嘗建借陰書舍於江甯震川書院於嘉定敦善書院於海州以惠學者巡城時建悅生堂以贍京師窮民回籍時捐漁稅議禁罟罾以利

國朝先正事略 卷二十四 各臣

三

資江之行旅他嫩行不可勝紀所著印心石屋文集五十六卷奏議七十六卷陶桓公年譜四卷淵明集輯註十卷靖節年譜考異二卷蜀輜日記四卷子枕 恩賞主事候選道

何文安公事略

京師冠蓋之藪。高官大第。榮戟相望。獨道州尚書何公起家儒素。存陟崇峻。

宸眷優異。譽望隆碩。不為聲勢。烜赫家庭。澹靜動履。平實門生。屬吏及鄉黨。後進環集。聽教誨。躬躬如老儒。諸子樸謹。者學一時。魁儒雋才。靡不諧際。書冊金石。不脛而至。閩內皆布衣。而壺滄款。客論文。詠古無虛日。天下士翕然歸之。蓋以文章道德繫中外望者。數十年告終。前夕有大星隕於庭。嗚呼。豈偶然哉。公諱凌漢。字雲門。一字仙槎。幼奇慧。年十六。州府試皆第一。補諸生。孤露貧苦。益力於學。夜不能具燈燭。恆然松枝自照。讀經書。

國朝先正事略 卷二十四 名臣

三

必兼傳注。夫人廖氏嘗襁兒於背。躬刈薪。致傷左目。失明。州牧汪某為加賦事。以抗糧拘諸生數十人。解永州府。太守王公宸。即拔公於郡試者。見公名。詫曰。此真讀書人。他日必成國器。特省釋之。後案至省。久之。獄難解。而諸生已瘵斃。七人。汪牧由刑幕起家。能著書。廣聲氣。公恆歎酷吏之可畏。而欺世盜名。如汪者。世尤多。不察也。嘉慶六年。充選拔貢生。廷試一等。為吏部司官。有雜職官。被議。鐫級。聲言乾隆某年有。恩詔。加級。或以無冊可稽。駁之。公曰。冊雖毀。恩詔固在也。家宰。躓之。九年。舉順天鄉試。明年。成進士。殿試。卷進呈。名在第四。上以筆墨飛舞。拔置一甲第三。授編修。十二年。充廣東副考官。

復命日

上詳詢粵中吏治。與正考官花公杰。據所聞以對。次日奉旨。查辦明年分校順天試。十九年。遷司業。轉中允。充日講起居注官。升洗馬。轉侍講。讀右庶子。二十四年。典福建鄉試。擢祭酒。道光二年。典山東鄉試。留督學政。轉侍讀學士。每試日。靜坐堂皇。校閱。胥役悉閉置一室。嘗奏云。場中多一查弊之人。即多一作弊之人。又云。臣以為防弊之道。苟挈其要。領無事煩苛。手勅。褒許甚渥。試院中忽產著六莖。數日高七八尺。因顏曰。瑞著書屋。竝為之。記刻試牘。附以論文十三則。推本於明理養氣。令求之天人性命之際。設課程。督諸生治經。科試年貌。冊中令。

國朝先正事略 卷二十四 名臣

三

自注誦習何經。以便考校。故乙酉科拔貢生。多治樸學者。四年。轉通政司副使。六年。擢順天府尹。時前尹朱公為弼。無被議事。而左遷府丞公蒙。特旨除授。召對時。有人品學問。朕所深知之。論蓋在。帝簡中久矣。甫莅任。聞抱養育嬰堂幼孩者。須以數十金買龍票。立革其弊。立內號簿。飭屬訊案。每月按簿催結。無函獄。八年。元旦。逆回張格爾就擒。上以公支應兵差。妥速兩次。命優敘。順天所屬牧令。擢至四路。同知。更無升途。公以人材。須鼓勵。會大名府。缺出。與直督會奏。得旨。以西路同知辛文。補授。遂開此例。京畿獄訟。繁多。

自府縣所自理外由刑部都察院提督府奏咨送無虛日公盡心研究大要以罪疑惟輕務歸仁厚惟於兇盜案件謂宜懲一警百謝治皆從嚴十年立春日循例進春

上召問春牛顏色起於何時公奏月令稱出土牛竝無顏色宋時頒行土牛經支幹各色略與今同始於仁宗景祐間其博洽強記多類此七月 命 皇長子往祭

孝穆皇后陵寢公以大兩時行橋道難恃請改派親王大臣上深然之即改派署後有廢園及亭因蒔花竹為退思之地顏曰佳晴喜雨快雪之亭志無忘民事也八月授大理卿仍署府尹事十一年署兵部右侍郎授左副都御史遷工部右侍郎兼

國朝先正事略 卷二十四 名臣

書

管錢法堂事署禮部左侍郎典浙江鄉試置督學政重經解訪優行試事整肅士習日醇每試得經術士命教官補舉優行以勵之胥吏冒用頂戴藉作護符嚴示禁革試院桃李門前學使儀徵阮公所署也補植桃李數百株蔚然成林 特命公偕督

臣程公祖洛鞠山陰會稽紳幕書役句結舞弊一案獄成帝嘉其明允十三年調吏部右侍郎兼順天府尹 命即來京供職時歲試未竣也吏部議捐賑鼓勵章程有候補各員準捐儘先補用一條已具稟矣公適由 陵工歸司員陳起詩上說帖於公謂如此則正途之缺轉為捐班所有而正途亦非缺實不得於官方吏治所傷實多公曰君言是也議遂寢調戶部左

侍郎兼右侍郎管錢法堂事再調吏部右侍郎仍兼戶部右侍郎時湖廣總督訥爾經額公奏苗疆屯防變通章程 命戶部議奏同官因係湖南事專屬公具稟乃援據舊章體察見在情形準較相半總歸於遴選廉能代謀生計同官折服十四年升左都御史兼府尹如故 賜紫禁城騎馬晉工部尚書兼署左都御史奉 命查勘明陵充經筵講官十五年充會試副總裁

國朝先正事略 卷二十四 名臣

書

教習庶吉士十六年奏永杜回漕銅弊公飭查順天各屬大小水路繪圖籌緝始奏定水次鋪戶存貯麩米不得過十石之例虛署吏部尚書十七年吏部因京察一等人員有先由御史改官者已議駁矣公以不勝御史非不勝外任者比苛繩恐妨言路援筆改議遂奉 俞旨十九年調戶部尚書仍署吏部尚書充順天鄉試副考官時長子編修紹基亦典試福建距公使闕時凡二十年父子同科典京外試前此惟乾隆丙子科劉文正文清公庚戌科劉文定公及青垣侍郎而已後先濟美同列榮之公於吏工戶三部皆久任遇公議多賴公主持從容正直熟思利弊鉅細一無所苟於政體人才特為顧惜戶部假照案發先後在捐納房司員皆獲咎公從容為

上言其中人才甚有可惜者而許其捐復之 旨隨下考功司議處有近於文致者必往復剖論冀存寬大工部素稱壅滯於司員中拔其樸實任事者夤緣既絕升轉之路遂通嘗因病起

銷假精神未甚復元。

上願而覺之再給假十日。諭無庸具摺。次日公子紹基以編

修翰直召對。

上知公次子紹業知醫詳詢進藥狀且曰聞汝甚能讀書何以不知醫紹基惶恐伏謝。

上笑曰藥力難恃朕所賞參枝真老山種固不易得乃荆芥大黃亦有作偽者故用藥不可不慎也二十年正月值

孝全成皇后喪齊集西淀十餘日歸寓偶病寒猶力疾趨公尋疏請假甫命下遽薨年六十有九遺疏入

上嗟悼久之。贈太子太保。賜祭葬。予諡文安。禮部來文

國朝先正事略卷二十四名臣

美

曰據諡法勤學好問曰文止於義理曰安國初有得此諡者後皆追奪二百年來至公乃蒙恩特諡異數殊榮盈廷驚

始悟

聖主知公之深眷公之篤迴越尋常咸以年未古稀不及一踐揆席竟其霖楫之用重為公惜也而公之一生履蹈中和亦實堪與先儒陸文安公立文安公媲美云公孝友純篤父廩生文繪以學行伏一時嘗授徒白牛山遇疾距家三十里公昏夜疾趨中途值雷雨忽紅燈前導至茆舍一賣腐翁延入少憩遣童子送至館而別後訪之失所在蓋孝思所感也設教於家塾鶴鳴軒教法詳盡從游者自遠至軒庭至不能容雷震庭樹弟子

皆病悻公方靜坐若不聞知有井水清而苦鹹為文祭之得甘

既貴後有門下士病風邪狂舞於街市書片紙論之立愈其正

直之氣類此與兄浚灑手足依倚未嘗暫離為翰林時嘗會文

夜歸遲見兄坐候於門後遂節飲蚤歸晚年友恭彌篤居兄喪

悲慟切擊朝紳咸為愴動時已官大司空攝冢宰年六十五矣

居恆莊敬刻厲無欵坐無疾趨獨坐必斂容急遽時作字必裁

劃正坐而後書畫鄭君及周子二程子張子朱子像懸齋壁昕

夕瞻仰家範嚴肅稱於時通籍四十年未嘗一干吏議在詞館

攻苦如諸生治官書自立程法國史傳志手錄其子目以便

檢閱於蒙古地名滿洲人名尤詳悉總辦起居注所為前後序

國朝先正事略卷二十四名臣

學院曹文正公稱爲傑作過 誥册文字重大者多屬公撰擬

以公書法重海內屬敬書全唐文 御序兩次以講官隨園

命和御製甚多朝鮮琉球貢使索書應之不倦詩文酬答則堅

不與通壬申戊寅大考皆優等 賜文綺辛未甲戌己卯皆教

習庶吉士殿廷文字之役派閱覆試朝考散館試差大考及漢

教習卷緒釋無閒前後尹京兆最久凡察吏安民弭盜備荒諸

政不勝書任京尹時與兼尹盧文肅公陸文恭公和衷相得任

兼尹時尹京者吳公傑曾公望顏皆以精強久任每有要事恆

就公寓熟商公子持紙筆侍側具稟疏奏不令書吏知也在吏

以大體爭之初若齟齬卒無不轉圜者典試督學及教習庶常皆諄諄訓誡如子弟故門下士以經濟學術稱者甚眾勘估督修諸要工十餘次承辦龍泉峪陵工奉 特旨改派公往每有遷擢必兼它職九掌文衡五權塚宰四派經筵直講以京兆而歲 賜養貂以尚書而 賜頭等養貂六次 賜福字皆 特命入 乾清宮侍書 龍光稠渥可謂極備臣知遇之榮矣督浙學時試甯波以宋元學案發策士無知者因屬諸生勤為蒐訪原書百卷次第從舊藏書家得之命門人王梓材沈堯馮雲濠與子紹基校定付梓為序以行所著詩文曰雪腴山房集子紹基丙申進士官編修紹業廕生少慧通天文算法先公卒紹

國朝先正事略

卷二十四 名臣

五

祺紹京皆舉人

國朝先正事略卷之二十五 名臣

平江李元度次青纂

林文忠公事略

道光三十年春

文宗皇帝既嗣服下 詔求賢時太子太保雲貴總督侯官林公方引疾家居大學士潘公世恩尚書杜公受田交章以公應詔奉 召入都未即至九月

上以粵逆洪秀全等稔亂 特命公為 欽差大臣馳赴廣西督勦尋 命署廣西巡撫事公故嘗督粵威惠著聞中外想望丰采至是力疾出粵民額手相慶賊黨散大半洪秀全懼謀遁國朝先正事略 卷三十五 名臣 一 入海十一月公行次潮州薨遺疏入

上震悼優詔議卹 賜祭葬 予諡文忠自公薨後軍民失所倚賊浸不可制未幾踰嶺涉湘絕長江路金陵為窟穴蹂躪遍天下又十四年竭海內全力塵乃克之論者謂生靈多阨致天不怒遺使得假公數年賊不足平矣然公之身繫天下安危者尤不始此也先是公總督湖廣時鴻臚卿黃君爵滋疏請禁鴉片以塞漏卮有 旨下中外大臣議公條上利害深切著明 旨廟嘉焉十八年冬 命以 欽差大臣視廣東查辦海口事務明年補兩廣總督公宣諭 德威繕守備於虎門各海口添建礮臺設木柵鐵索委移高廉道駐澳門撥隸水師資控馭時

通商之國以十數咸傾心受約東惟暎咭喇持兩端九月夷日
義律等以索食爲名糾師船犯尖沙嘴公遣參將賴恩魯擊走
之斷其接濟尋六犯海口皆受懲創義律潛赴澳門倩西洋夷
目遞說帖求轉圜公以其言未可信奏請相機勦撫並請 敕
福建浙江江蘇諸督撫嚴防各海口復奏停其貿易暎人屢搥
之不動則大懼既以粵之無隙可乘也乃啟圖犯浙陷定海掠
甯波沿海騷動在事者莫能折衝禦侮爭歸咎公因中傷之事
垂成而敗代者至悉反公所爲恐和議之不速成也撤公所設
各隘兵以媚之暎人遂徑犯粵城公知事不可爲具遺疏以待
圖解 命以四品卿銜赴鎮海軍營效力尋謫戍伊犁海置事

國朝先正事略 卷二十五 名臣

自此益棘王相國鼎湯協揆金劍至以死生去就爭之卒爲
者所持不能得向令公得始終其事決裂不至此公之爲天下
重也可勝道哉公諱則徐字元撫一字少穆晚號疎村老人父
賈曰成貢生家貧力學以經術掖後進有子三公其次也生嘗
敏長不滿六尺英光四射聲如洪鐘每劇談隔舍數重聆之輒
了了年十三郡試冠軍補弟子員二十舉於鄉就某邑令記室
閱撫張公師誠見所削牘奇之延入幕嘉慶十六年公年二十
有七成進士選庶吉士派習 國書授編修益究心經世學雖
居清秘於六曹事例因革用行政之得失綜核無遺識者知
爲公輔器矣典江西雲南鄉試分校己卯會試咸得士二十五

年補御史海寇張寶投誠後果官副將至是擢總兵公慮其愈
驕蹇不可制也疏劾之

仁宗躋其言授杭嘉湖道修海塘興水利士民德之會聞父病
卽引疾不待命馳歸道光二年授淮海道明年擢江蘇按察使
決獄平恕民頌之曰林青天尋丁母憂明年奉 旨赴南河督
修隄工工竣仍回籍六年夏 命署兩淮鹽政以未終制辭不
拜七年按察陝西遷江甯布政父憂歸潛福州西嶼以惠桑梓
十年夏補湖北布政使尋調河南十一年復調江甯遂擢東河
總督疏辭 優詔不許尋奏言稽料爲河工第一弊端其門塚
灘塚併塚諸名目非猶披拆視難知底裏已將南北十五廳各

國朝先正事略 卷二十五 名臣

探逐查玩弊者察治得 旨向來河臣查驗料塚從未存如
認眞者十二年春調江蘇巡撫吳中浮餓公奏免通糧籌賑卹
清釐各屬交代盡結京控諸獄味爽視事夜過半方息數年如
一日焉會考績疏言察吏莫先於自察必將各屬大小政務逐
一求盡於心然後能舉以驗屬吏之盡心與否若大吏之心先
未貫徹於此事之始終又何從察其情僞臣惟恃此不敢不盡
之心事事與屬僚求實際耳公此言蓋生平得力處也先是公
在江藩任內以各屬水災建議倡捐賑賑資送 畱養收孩瘞棺
捐衣勸糶養佃典牛借籽種禁燒鍋凡十二則經江督陶公謝
奏行至是事竣在事者得獎敘公之爲臬司也奉 詔綜辦三

江水利以憂歸嗣經陶公奏允孟讀劉河分年籌辦至是孟讀
 玉竣公以劉河為三江之一淤墊尤甚請勘辦從之又言江蘇
 錢漕倍他省其中有緩有急有舊有新勢難一律清款與其漫
 無區別徒令剝肉補瘡莫若專嚴於提新而舊緩於補舊新款
 果能全解是州縣無新虧而舊欠亦可冀彌補得 旨竭力為
 之江南人文甲天下鄉試恆萬六七千人入鏤院時竭一晝夜
 之力不能畢有擁擠仆斃者公創設信礮立燈牌陰以兵法部
 勦之日晡而畢十七年春擢湖廣總督荆襄苦水患歲以為常
 公修築堤工躬自監視奏籌襄陽等屬鹽務緝私事宜及辰沅
 道屬苗匪屯務事宜皆如議行尋疏報南北兩省拏獲奸民與
 國朝先正事略 卷二十五 各臣 四

取鴉片各情形 聖書褒美又以江漢安瀾請列漢神於祀典
 從之十八年冬入覲 賜紫禁城騎馬遂有粵東之 命公之
 在粵也奏虎門收繳噴咕喇船鴉片已十逾其入得 旨褒
 敘及奏請剿撫兼施 手敕報曰既有此番舉動若再示柔弱
 則大不可朕不慮卿等孟浪但誠卿等不可畏蕙先威後德控
 制之良法也尋請停貿易又 諭曰該吏自外生成是彼曲我
 直中外咸知尚何足惜公前後所陳皆稱 旨為忌者所中傷
 卒不安其位而天下自此多故矣公議戍時河決開封首輔王
 公鼎出視工疏畱公督辦工成仍就成有門下士官於陝迎謁
 公竊為不平見公談笑自若不敢言退謁鄭夫人曰甚矣此行

也夫人曰子毋然 朝廷以汝師能舉天下大局付之今決裂
 至此得保首領 天恩厚矣臣子自負 國耳敢憚行乎公在
 塞外奉 命勘辦開墾事宜親歷庫車阿克蘇烏什和闐喀什
 噶爾葉爾羌及伊拉里克塔爾納沁等城縱橫三萬餘里水利
 大興稍暇則以筆墨自娛公書具體歐陽詩宗白傳在官事無
 巨細必躬親家居必熟訪民間利病白諸當道求題詠者雖踵
 接不暇應也至是始得肆意遠近爭寶之伊犁為塞外大都會
 不數月繚楮一空公手蹟徧冰天雪海中矣二十五年秋 賜
 環以四五品京堂用十一月 命署陝甘總督會野番肆劫先
 飭鎮將防護馬廠時承平久營政弛公出按邊命漢巨礮舉營
 國朝先正事略 卷二十五 各臣 五

無知者一老卒能之公立授以官士氣爭奮尋剿捕番族及漢
 奸殆盡明年投陝西巡撫關中旱民不能耕爭殺牛以食公曰
 如此則來歲又饑也飭官為收牛償其值勸富民質牛予以息
 次年乃大有秋二十七年遷雲貴總督滇中漢回構釁垂數十
 年焚殺無虛日議者各有所袒莫能決公至諭之曰止分良莠
 不分漢回適回民丁燦廷赴京疊控漢民沈正達等有司提犯
 解訊保山民糾眾奪犯燦廷署搜殺回戶并抗拒鎮道兵公提
 兵出剿途次聞趙州之彌渡有客回甸土匪滋事遂就近剿彌
 渡破其棚穢匪數百保山民股粟縛犯迎師公召漢回父老各
 諭以恩信復乘勢搜獲承昌順甯歷年拒捕戕官諸匪實諸法

得旨加太子太保。賞戴花翎引疾歸。復入繪像以祀家居。倡驅夷議。大忤當事。外夷方為敘述。而當事思中傷之會。璽書召用。譏者乃止。時方以西洋為憂。後進成就。公請方略。公曰。此易與耳。終為中國患者。其俄羅斯乎。吾老矣。君等當見之。然是時俄人未交中國者數十年。聞者惑焉。公之薨於行臺也。易贊時呼星斗南者三年六十有六。公服官江南最久。以吳民苦賦重。請求漕政。不遺餘力。在粵時。中旨詢江南漕務。公條舉四端。曰。本原曰。補救曰。本原中之本原。曰。補救中之補救。宣宗哀許。擬俟粵東事畢次第施行。文宗之召公也。將使籌畿輔水利。即公前疏所謂本原中之本原者也。以

國朝先正事略

卷二十五

名臣

六

二聖知公之深。任公之重。以公報國憂民之心。一往無所卻顧。而卒不果行。惜哉。然公於政事無所不盡心。而其尤關天下治亂之數者。則以辦夷務。勦粵寇二者為最鉅。而皆齎志以終。此海內士大夫下及婦人孺子。聞公薨。所由太息流涕。共為天下惜者也。公天性孝友。事事以養志顯親為念。自奉儉。而資助族戚。歲必數千金。尤愛士。所至必擇其秀異者。召入官署。助以學行。家居。凡族姻中子弟讀書者。約期治膳。集而課之。曰。親社性聰察。摘伏如神。馭左右嚴。每黑夜潛行。躬自微察。無敢因緣為奸。然待人以恕。接人以誠。人咸樂為之用。與人言必令反覆。

詳盡。得達其情。道人善。孜孜若不及。善飲喜弈。服官後。皆却弗御。好勤動。與處數十年。者未嘗見其袖手枯坐也。咸豐元年。滇撫請祀雲南名宦祠。陝撫據輿情入告。請建專祠。報可。子汝升。官編修。聰彝。浙江知府。拱樞。刑部郎中。

國朝先正事略

卷二十五

名臣

七

栗恭勤公事略

公姓栗氏名毓美字友梅山西渾源州人嘉慶六年以拔貢生
官河南知縣遇災年放稅賑穀以實惠民不以上官意為損益
遷光州知州汝甯府知府徙開封歷河南糧儲道開歸陳許道
遷湖北按察使河南布政使道光十五年授東河總督公前知
武陟縣黃沁堤馬營壩工皆親與其役及是益勤詢河兵官久
於河者以地勢水脈及前任行事之當否蓋北岸自武陟至封
邱二百餘里南岸自祥符下汛至陳留六十餘里皆地勢卑下
多串溝串溝者在隄河間其始但斷港積水而已久之溝首受
河又久之溝尾入河而串溝遂成支河於是遠隄十餘里之

國朝先正事略 卷二十五 名臣

八

河變為近隄之河而隄河相遠之處舊皆無工不儲料者也於
是以無工之處變為至險之工故人不及覺且不及防往往
潰堤為大患公乘小舟周歷南北時北岸原武汛串溝受水已
寬三百餘丈行四十餘里至陽武汛溝尾復入大河又合沁河
及武陟榮澤諸灘水畢注堤下兩汛素無工故無積石堤南北
皆水不能取土築壩公即收買民甄於受衝處拋甄成壩四十
餘晝夜成甄壩六十餘所壩甫成而風雨大至支河首尾皆決
開數十丈而堤不傷公由是知甄之可用又試之原陽越堤及
攔黃壩暨南岸之黑岡皆效遂奏請減買積石銀兼備甄價計
千甄為一方方價六兩是後每有工役碎石及積壩用大減數

年開省官銀百三十餘萬而工益堅有不便其事者特異議諸
願

上聞公前後陳奏曰護堤之方率用積壩然壩能壓激水勢俯
留堤根又易朽腐至碎石坦坡惟鞏縣濟源產石較近而採運
已艱河工失事多在無工處所千里長堤勢不能盡為籌備而
河勢變遷不常衝非所防遂為決口甄則沿河民家終歲燒造
隨地取給不誤事機且甄及碎石皆以方計而石多嵌空甄則
平實每方石五六千斤而甄重多三分之一一方石價可購甄
兩方而拋甄一方當石兩方之用其質滯於石故入水不移堅
於積故久水不腐又土不能築壩水中甄則能水中拋壩即盡

國朝先正事略 卷二十五 名臣

九

成坦坡亦能緩急衝化險為易或謂甄可保將生未生之工
不能用於已生之後然使將生者可保即別無可生之工昔衝
王之決因攤陷壩不能施馬營壩之決因補隄不能得碎石使
知用壩不如拋甄收甄易於運石則數千萬之官銀可省疏入
上知公忠實可任且綜畫周密卒皆允之屢請褒賞終公在
五年河不為患本朝河臣自朱公之錫後若靳文襄張文端
張清恪陳恪勤齊勤恪橋文敏張懋敬黎襄勤諸公皆有名績
然修築率仍舊法易積石以甄自公始非卓識精思身試而得
其所以然之故不能創此法也二十年薨於位
上聞軫悼 贈太子太保 賜祭葬 子諡恭勤時長子烜已

官刑部郎中乃賜次子耀進士公在工勤其職有風雨危險必躬親之居平河曲折高下嚮背皆在其隱度每日水將抵某所急備之或以爲迂且勞費公曰能知費之爲省乃真能省費者也已而水至乃大服故十五年原陽之支河十八年盛漲八尺之水皆決口而有餘卒以無事或以爲天幸然前公在三年祥符決公卒後二年南岸決明年又決則豈非人事哉公之令安陽武陟及守開封也恤疲疐懲猾吏折疑獄如神他人得其一足稱循吏然於公猶非其大者傳曰心誠求之公治河能通物性以盡利誠壹故也况求民情也哉公既卒吏民思公不置乃立廟祀之炬燿皆官監司

國朝先正事略

卷二十五

名臣

十

陳忠愍公事略 王剛節公賜朋 葛壯節公雲飛

道光二十年西洋曠咭喇以禁鴉片構費擾海疆

上稔同安陳公有將略由廈門提督調江南時閩浙戒嚴鄧制軍廷楨以公熟習廈門爲請

上不許蓋鑑其忠勇故始破回避本鄉之例擢之廈門復以防海需才令移鎮江南扼守吳淞口公益感憤激昂誓以死報

國矣公諱化成號蓮峰福建同安人由行伍官水師守備五遷而至金門鎮總兵其調守吳淞也時以夷目就撫廣東將撤防

公獨謂款約不可恃請留所部兵弗去冬雪方盛平地積數尺公時掉小舟往來海濱風浪中或踏雪按行部曲嫗嫗如家人

國朝先正事略

卷二十五

名臣

十

軍中呼陳佛吳淞以東西礮臺爲犄角西礮臺在海口北距寶

山六里東礮臺在其南險與西稱陝夷擾浙公扼西礮臺以守

沉三閱寒暑欽差大臣裕謙公嘗以大風雨夕偵公見公危

坐帳中鈴柝聲琅琅然也二十一年八月定海再陷三總兵同

日戰死鎮海失守裕公死之吳淞民恃公爲固明年四月夷陷

乍浦戈船三十艘震逼吳淞時牛制軍鑑在寶山懼商於公公

自無恐以礮扼險可決勝公第坐鎮毋輕出入也於是公率參

自卯及己壞夷船六七艘賊沮欲退我軍噪而奮制軍聞師利
 趨出及三里賊從橋上覘其職駕礮狙擊之制軍跳而免師遂
 潰東路兵乘礮走賊併力攻公急周世榮請公奔公拔劍叱之
 曰庸奴誤識汝世榮逸賊登岸礮彈雨下中公顛復起猶手戮
 巨礮創重歎血死年六十有七同殉者守備龔齡璣以下合八
 十餘人夷酋既入城稿飲鎮海樓酒酣或作華言曰此行良險
 使有兩陳公安能至此哉越十日嘉定令練廷璠購公尸獲積
 葦中面如生殮於武廟百姓罷市哭奠繪像二一醜吳淞一貽
 其子狀聞 詔優卹立專祠 賜祭葬 予諡忠愍 輕車
 都尉三總兵者曰壽春鎮王公錫朋定海鎮葛公雲飛處州鎮
 國朝先正事略 卷二十五 各臣 三

王公名錫朋字樵備直隸甯河人由武舉補兵部差官援例得
 固原游擊道光六年從大軍征張格爾自大河拐至回庄力戰
 矢殫其酋一賞戴花翎進戰至阿瓦巴特賊阻渾河沿從大軍
 開道渡河入喀什噶爾城遂取英吉沙葉爾羌和闐皆有功十
 二年犒民趙金隴亂湖南殘常甯新田公以臨武參將從提督
 羅公思舉破賊羊泉街誅首逆別將逐賊高家坪大捷回攻楊
 家園圍賊殲之 賞銳勇巴圖魯名號擢寶慶協副將時廣東
 獠亦煽動趙仔青進擾湖南公殺賊濠江口又破賊銀匠衝獲
 其酋旂仔青反走追獲之及其孥湖南平赴廣東大軍戰連州

天洪橋乘勝入火燒排之蛇兒嶺奪馬鞍山遂平五排獠又從
 定蓮花汛冷水衝各獠擢福建汀州鎮總兵服闋改壽春鎮公
 自游擊從楊忠武定回疆知名及平獠功居最嘗誠諭士卒曰
 戰利呼人共之獲倍多即人不利趨救之可兩全故戰比有功
 而定海事竟以無救敗先是曠夷陷定海去之公以壽春兵鎮
 其地二十一年八月夷再至出守九安門鄭公國鴻駐竹山門
 葛公雲飛駐曉峰嶺相去十餘里賊先犯九安門不利退攻竹
 山曉峰公馳救兩營已先敗賊爭鬪公眾且盡所親卒及身自
 盪殺數十百人賊至益多揮短刀陷陣死是役也賊可二萬我
 兵計五千公檄請益兵大府不應戰且五六日勢足以待救亦
 國朝先正事略 卷二十五 各臣 三

坐不救曰吾守鎮海者也鎮海急則又走三總兵皆坐是敗死
 公殺賊獨多死尤烈事聞
 天子震悼以提督禮 賜卹諡剛節建專祠子承泗襲騎都尉
 葛公雲飛字雨田浙江山陰人道光癸未武進士官守備五擢
 至定海鎮總兵父憂歸浙江巡撫烏爾恭額等 奏請以公署
 原官公之以憂去也嘗上書大府言廣東禁鴉片令方急外夷
 陰狡恐為變波及浙洋宜先事定謀及曠咭喇據定海巡撫服
 公先見馳書要公詣鎮海計防禦公督耕隴上得書白母遂行
 時道光二十年七月也公至鎮海請盡出勁兵扼金雞招寶兩
 山開集定海濱兵大閱海上會夷會安突得被執夷大驚擾公

請遂出兵復定海當事不能從明年許通市夷請釋安突得等
而歸定海公與總兵王公錫朋鄭公國鴻偕往鎮定海定海城
三面踞山臨海無屏蔽公議城其三面列巨礮塞竹山門深港
使不通舟增築南路土城與五奎山諸島相犄角當事以費鉅
不允行七月夷集廈門公聞之立牒大府以土城守兵單曉峰
背負海有間道宜增礮及以營船備水戰皆不省八月夷果復
犯定海攻竹山門敗走明日窺東港浦皆擊卻之先是守兵皆
駐城中惟公自駐土城及是王公錫朋出守曉峰嶺鄭公國鴻
守竹山門夷船二十九艘賊眾至二萬餘我兵合三鎮僅四千
飛書大營請濟師弗許戒死守毋望援天雨浹旬公青布帕首
國朝先正事略卷二十五 名臣 五
麻袍著鐵齒鞞日偕士卒往來濶濶中屢戰卻敵相持凡數日
會天大霧夷全隊逼土城公礮沈其舟夷分道攻曉峰竹山曉
峰無礮夷眾奪間道下攻破竹山門薄土城公手擡四千觔礮
迴擊之賊殊死進公率部卒二百餘人持刀械步鬪夷酋安突
得執大絲旂麾兵進公罵曰逆賊終污吾刀斬之刀折復拔所
佩刀二衝賊隊中至竹山門方仰登賊刀劈公面去其半血淋
漓徑登賊賊逃忽有礮背擊公洞胸穴如盤力戰而殞方賊
之逼土城也公行營有葯桶二公密納火線其中而朱書其上
曰軍餉城陷賊踏公營爭取之焚數百人義勇徐保夜跡公尸
走竹山門雨霽月微明見公半面宛然立厓石下兩手握刀不

釋左一目猶睽睽如生欲負之行不能起拜而祝曰盍歸見太
夫人乎遂乘夜浮舟內渡及明抵鎮海大吏護公喪還葬事聞
上悼甚以提督例加卹遣官致祭諡壯節
鄭公國鴻字雪堂湖南鳳凰廳人由雲騎尉世職補屯守備遷
黃州協都司道光元年超擢提標參將四年以蔣制軍攸銘薦
擢平樂協副將李制軍鴻賓奏調竹山協副將坐事鐫級起湖
州協副將調寶慶為周文忠天爵所器二十年遷處州鎮總兵
所至皆能舉其職逾年以力戰死事
天子軫悼 贈提督加等 賜卹 予祭葬諡忠節世襲騎都
尉 特賞其孫銛銜並為七品小京官公優於文學工書好窮
國朝先正事略卷二十五 名臣 五
經著有詩經疏義行於世

吳文節公事略

公諱文鎔字甄甫號雲巢一號竹孫江蘇儀徵人少能文為吳穀人祭酒所賞拔嘉慶二十四年進士選庶吉士授編修道光二年充山西副考官八年典試湖北尋督河南學政十二年分校順天鄉試明年分校會試遷贊善大考遷侍講累遷侍講學士十四年督學順天以選拔屆期疏請通飭嚴禁招搖革卷費册費諸名目所得皆知名士累擢詹事內閣學士除禮部侍郎署經筵講官典武會試十八年充會試副考官調刑部奉命偕蕭山湯文端公案事浙江江甯安徽諸行省覆奏皆稱旨十九年授福建巡撫借署總督魏公元烺奏籌海口查禁鴉片

國朝先正事略 卷二十五 名臣 六

章程四則下部議行明年署閩浙總督時英吉利夷船駛入內洋詔遣祁侍郎篤藻黃侍郎爵滋會同公及鄧制軍廷楨籌備海防及揀選水師將領各事宜先是公與鄧公會奏請給海防經費至是得旨俞行故事琉球國間歲一貢自十九年詔改每四年遣使朝貢是歲中山國王尚育咨稱琉球地濱海最患多風惟朝貢以時則風雨和順每遇貢年歲必大熟又貢船出入閩疆歲頒時憲書得以因時趨事庶務合宜又琉球不產藥材賴貢船載回應用至航海鍼法全賴隨時學習番休更替若四年一朝則豐歉不齊人時莫授藥品缺乏鍼盤荒疏請奏復舊制公疏聞手敕報曰據奏情辭真摯如所請行並

允令陪臣子弟四人隨同貢使入監讀書公尋調湖北巡撫未赴二十一年正月以暎夷反覆肆擾疏請添撥海防經費又密陳廈門情形略言商民紛傳廣東有許與廈門通市之說查廈門周圍環海地方五十里北達會垣東為臺澎唇齒西為漳泉門戶係通省咽喉若令外夷闖入必益肆其占據之謀防之則已無險可扼聽之則將為所欲為害有不可勝言者

上聽其言又以上年暎夷駛擾廈門經官軍擊退保薦總兵寶振彪吳建勛等在事出力皆報聞五月入覲調江西巡撫汲汲以誠民弊吏為心遇災履畢力撫恤凡疏請緩征者七借給將糧者再民甚德之又以文信國公學術文章節義足為萬世法

國朝先正事略 卷二十五 名臣 七

疏請從祀文廟詔如其議又遵旨奏保知府倪長耀麟桂吳式芬知州周玉衡同知程燦策知縣曹士桂等報聞前後七獲青蓮教匪戴理劍古魁連及南贛會匪謝詞封等九十三人皆論如律在江西八年百廢具舉有旨調浙江浙中吏治久虛公訪悉衢州游擊薛思齊貪劣狀劾成新疆又劾罷歸安令李玉典等五人下教各屬地方大利害許條上施行蓋不飭者罪無赦又時時巡行閭巷問民疾苦察長吏賢否千里外纖悉周知土豪猾胥皆斂跡屬吏莫敢詭隨風尚一變又以浙屬各州縣多係署事之員疏陳調署之弊謂有一員遞署他缺三處久不回本任者有卸署後不回本缺開住省垣者致交代

之案愈壓愈多。莫能算結。且官無定所。卽政難考。成見飭司分
別勒回本任。或不堪回任者。卽令揭參。其實係虛缺。或要地需
才。亦祇準專員署理。不得紛紛更調。以專責成。得旨嘉勉。漁
山島者。浙東濱海地。盜窟也。公牒總督。會師剿捕。獲積盜百餘
人。賞諸法。沈燬賊船。並將巢穴。門戶。堵除。行旅大安。尋偕欽
差侍郎季公芝昌。清查兩浙鹽務。奏籌變通章程七則。均從之。
道光己酉。杭嘉湖嚴紹五郡大水。漂沒田廬。亡算。公自以奉職
無狀。致召天災。上疏自劾。并力請行賑恤。蠲豁招商平糶。勸輸
諸政。親赴嘉湖等屬察賑。全活甚眾。江忠烈公忠源時權秀水
令。公委以賑災捕盜事。並畱辦海塘工。江以憂歸。縣人贈之卹
國朝先正事略卷二十五 名臣 文

弗受。公歎曰。賢如江。令可令其貧。無以歸。歸無以葬。耶。遂支養
廉銀五百兩。畀之。且令勿辭。明年正月。
文宗登極。下詔求賢。公奏保。薩司汪本銓。臬司黃宗漢。知府
余士琛。同知畢承昭。知縣段光清。楊裕深等。江公忠源亦以賑
務出力。特疏薦。均得旨錄用。五月。西防廳北岸海決。公聞報。
卽往勘。時風雨暴至。公立泥淖中。失足落水。幾危。以救免。隨以
先事失防。自請治罪。部議奪職。畱任八月。塘工竣。詔予開復。
復查明各屬災歉情形。分別蠲緩。並賞給口糧。許之。十一月。擢
雲貴總督。咸豐元年正月入覲。召對十二次。賜紫禁城騎
馬。四月抵任。甄劾不職知縣許文毅等四人。雲南有淫祠曰華

光寺。俗稱某天子廟。凡數十處。土人奉之唯謹。事涉不經。公毀
其廬戶。其木偶於市。淫祀遂革。初。永昌邊外夷匪乘虛入邊。焚
掠經官軍堵剿。至是迭殲匪犯七百餘名。俘獲五十餘名。餘匪
竄雪山以外。事平而廣西賊洪秀全等復稔亂。地與黔滇接。烽
火相聞。回匪亦乘閒蠢動。公徵兵選將。繕守備。扼形勢。終公在
境內晏然。胡文忠公林翼時方守黎平。公才之。使練兵。除土寇。
得便宜行事。保擢監司。待之以國士。三年夏。以捐備餉金萬兩。
賞花翎。先是公在江西。巡撫捐河工經費銀萬兩。在浙江。捐本
籍賑災銀萬兩。制錢六千緡。又捐浙屬備賑銀四千兩。在雲貴
捐本籍河工銀六千兩。貴州防堵銀千兩。皆得旨甄敘有加。
國朝先正事略卷二十五 名臣 文

原震動。
上知公威望。移公總督兩湖。至則賊自下游止犯。田鎮水陸營
皆失利。省會戒嚴。城盡閉。居民一夕數驚。巡撫崇綸思移營城
外。爲自脫計。與僚屬密議。公知之。立策馬至。巡撫署約與死守。
巡撫不可。公憤甚。拔佩刀置案上。曰。城存與存。城亡與亡。自司
道以下。敢言出城者。齒吾刃。巡撫默然。議乃定。會賊已逼城。公
卽登保安門。城樓激厲。將士誓死守。衣不解帶者數旬。圍解。巡
撫內愧。公復慮公不相容。乃謀先發制之。疏劾公閉城坐守。狀
有詔。趙公進復黃州。而以城守責巡撫。當是時。公亦調胡文

忠帥黔勇七百人來楚會剿而會侍郎國藩公戊戌典會試所得士也時在衡陽治水軍公馳書約夾攻黃州侍郎許之擬俟會胡二軍至大舉滅賊而巡撫屢斲之趣戰益急公嘆曰吾年逾六十受國厚恩豈猶惜死耶所以遲進者以麾下將卒宜選練且俟黔勇及水軍夾擊耳今若此不及待矣遂以威豐三年臘月下旬自帥七千人進薄黃州壁堵城會大雪公日行泥潦間拊循士卒而巡撫銜公甚遇事陰掣其肘軍械輜糧不時至已而賊來犯營公督將弁力戰都司劉富成手刃數賊兵勇繼之殲賊數十後兩次出犯均擊退未幾賊大至正決戰聞忽後營火起眾驚潰公下馬於雪泥中北向叩首痛哭大呼曰無國朝先正事略 卷二十五 各臣 三

聖朝遂自投塘水死之時四年正月十五日也年六十有三事聞
上悼憫下所司議卹 賜祭葬 予諡文節入祀昭忠祠是年六月武昌復陷巡撫先已受代去九月會侍郎復武昌疏陳公死事情形并追論巡撫傾陷狀有 詔逮問巡撫服毒死賊之自粵竄楚也公在滇聞報方食投箸嘆曰虎兕出柙矣竟夕歛獻不能寐及拜楚督之 命置二子一妾於蜀倍道疾驅誓滅此朝食使得如公議待會胡二軍戮力並進不過兩閱月耳為同官所齎卒齎志以終悲夫公臨行復遺書會侍郎曰天下大

局繫于一軍宜加意訓練勿造次且勿遽以援鄂為念公之度懷大局而不以己與若此其視死直如歸耳彼斲公者果何為哉公性方嚴遇事能持正鬚眉凜然寮屬憚其丰采與林文忠並負天下望論者謂公正直林公聰明林公聰明而能正直公正直而復聰明是可以得其概矣初公撫浙時例得鹽課羨餘銀八千兩卻之及殉難家無餘貲商人感公清德欲以此為贖公子養原曰若義也先公早受之矣先公卻而某受之是隳先公之德也敢辭強之卒不受養原以己未副貢授主事襲職騎都尉

國朝先正事略 卷二十五 各臣

三

杜文正公事略

本朝舊學諸臣若張文端勵文恪徐文定顧文端稽文敏福文端朱文端蔡文勤朱文正汪文端諸公皆以論思典學啟沃聖聰其裨益於

主德者至深且久越

文宗朝則太師大學士杜文正公為最著稱公以咸豐二年七月九日薨於淮安清江浦行臺越二日馳聞

上諭曰協辦大學士杜受田秉躬端正勵節直清經術淵醇體用兼備蒙

皇考特達之知由詞林視學山西特召還朝入直上書房為

國朝先正事略 卷二十五 名臣

三

朕講習討論十餘年中日承啟迪獲益良多嗣游歷正卿忠勤益懋朕親政後加太子太傅以刑部尚書協辦大學士每召見時於用人行政國計民生造膝敷陳深資匡弼前因豐工未合江南山東兩省窮黎急需賑卹特派前往查辦疊據馳報東南賑務均已布置周妥念其觸暑遠征心力交瘁正切倦懷而前

後奏牘中總未自陳病狀乃以感受暑溼遽至不起披覽遺章不覺聲淚俱下悲痛實深迴憶書齋景况如在目前奉使陞辭情尤眷戀方冀贊襄帷幄謹論常聞詎料相睽兩月晤對無期耶其賞給陀羅經被晉贈太師大學士入祀賢良祠即照大學士例賜卹並給廣儲司銀五千兩治喪靈柩回京沿途地方官

委為護送準其入城治喪屆時朕當親臨奠醴用申悲悃其父頭品頂戴前禮部郎杜塤年屆九旬猝聞此信定深悼痛其令恩華前往看視並賞給人葭十兩以資調養其子杜翰服闋後以庶子用孫三人均賞舉人用示朕愴懷舊學之至意未幾禮部以卹典奏請 予諡又 諭曰杜受田品端學粹正色立於朝

皇考深加倚重特簡為朕師傅憶在書齋朝齋夕禱凡所陳說悉本唐虞三代聖聖相傳之旨實能發明蘊奧體用兼該朕即位後周咨時政利弊民生疾苦亦能盡心獻替咸沃良多嘉慶年間大學士朱珪仰蒙

國朝先正事略 卷二十五 名臣

三

皇祖仁宗睿皇帝鑒其品節特諡文正杜受田公忠正直揆諸諡法實足當正字而無愧其即賜諡文正毋庸內閣擬請尋賜祭葬如典禮其明年 駕臨辟雍講學追思往昔討論之功特詔衷公品學復 命悼郡王即家 賜祭一壇蓋公自道光十六年入直上書房及

文宗御極前後十有七年間朝夕輔導未嘗一日或離上側當奉使日入辭涕泣感動左右故公遺疏中感戀靡已念楚氛未靖河患未平尤以敬天法祖勤政愛民崇節儉慎好惡平賞罰為言

十人往與爵及親臨賜奠 召見公父塲慰勞有加 特晉禮部尚書銜 命食全俸 恩禮優渥蓋非徒以禮崇師傅其君臣契合符揆有迥出尋常萬萬者中外聞知為公感泣亦非徒謂遭逢隆備誠以其時

文宗方嗣服百為將起朝野皆延頸踴躍於

上之待公與公之所以輔翼

上者有無窮之望又且嶺嶠盜方熾承平久政事多隳廢左右臣僚或有隱微難喻及疏遠陳詞所不易白者獨特公從容宣達於密勿之間而公年未篤老倚毗正未有艾顧不謂其猝然中道而遂已也公諱受田字芝農山東濱州人父塲嘉慶辛酉

國朝先正事略卷二十五 名臣

五

進士由編修官禮部侍郎致仕公生而篤謹敏學由天授踰冠舉嘉慶庚午鄉試道光癸未會試第一殿試二甲第一選庶吉士授編修癸巳大考翰詹擢中允 命督陝甘學政與陝西巡撫史譜姻親迴避調山西學政升洗馬

文宗就學奉 召還朝 命直上書房累遷庶子侍講侍讀學

士至內閣學士兼禮部侍郎 特命專心講授毋庸親閱務旋

升工部左侍郎調戶部管三庫事歷左都御史擢工部尚書累

充國史館提調協修官日講起居注官經筵講官道光戊子編

修分校順天試壬辰充雲南副考官辛丑以工部侍郎為會試

副考官甲辰以左都御史典順天試丁未以工部尚書為會試

副考官辛亥以協辦大學士再典順天試所至得人中更大考翰詹及鄉會覆試朝考庶吉士散館均為閱卷大臣復充上書房總師傅賈錄館總裁專司

宣宗寶錄彙本以刑部繁 復命管理禮部事務優之也公自

侍經帷歲受 御書珍玩文綺之 賜道光丙午公六十生辰

賜御書福壽字暨諸珍物明年公父塲年八十有四頒 御書

教忠篤慶額及福壽字如意文綺諸珍 賜之自後位日崇望日益重而公欲然不自滿假亦不好為翹異平居敬慎所位事不煩擾而輒就理人望之如高山深林巨壑莫測其所蘊育也少清貧隨宦京外躬佐理家政而幼學弗為衰自京師退食猶

國朝先正事略卷二十五 名臣

五

日親諸務公父致仕後就養京邸出入告面無少閒家庭雍穆於親舊閱情意尤款篤母舅李壽春為沁源令卒官醫祭田以完民欠立以五百金為贖復之與人坦坦無疾言遠色顧中實嚴毅人莫敢以非義干遇不避屹不可奪在戶部時豫工籌餉

推捐例者欲開增附生援納教官之條公獨為一疏罷其議尤

覽擇當世賢才為

上進用會有 詔保舉人材公首薦林文忠則徐周文忠天爵

其他大受小知名節較然天下恆觀其效而

上尤眷念公所進引每歷試之推信不渝向忠武榮在粵軍時

謗議沸生幾蹈不測或言公實力陳輿論數保全之當粵寇初

起公屢以粵事詢粵人。令條所聞見上之。即採錄入告。公既倚上。倚其造膝所敷陳。有什伯千萬於此。而潛謀默運於政本之地者。語。惑。外。弗。得。聞。即。其。門。人。子。弟。欲。於。公。之。盛。德。大。猷。紀。述。一。二。亦。終。莫。得。而。擬。議。烏。虜。不。有。明。詔。宣。示。特。援。朱。文。正。公。之。例。以。崇。錫。令。名。又。孰。從。而。窺。其。底。蘊。哉。公。薨。年。六。十。有。五。子。翰。道。光。甲。辰。進。士。由。檢。討。累。官。工。部。侍。郎。軍。機。大。臣。出。嗣。為。世。父。坊。後。翻。乙。未。進。士。由。編。修。官。至。兵。部。特。郎。

國朝先正事略

卷二十五

各臣

美

翁文端公事略

常熟翁文端公。服官四十年。以清介正直受累。朝特達之。知由詞臣致位。宰輔。凡所規畫。務崇大體。未嘗為國家言利。自庶僚以至權貴。有以言利之說進者。必抗詞執奏。不少誦。生平恬於榮利。其退由力請。進由特召。出處本末較然。海內引重。今

皇帝御極之初。公方以疾在告。

兩宮

皇太后。圖任舊人。以輔

聖德。特旨起用。以大學士銜。管理工部事務。有守正不阿之

國朝先正事略

卷二十五

各臣

孝

衰。公兩疏固辭。卒不獲請。明年春奉

懿旨。在弘德殿授讀。日侍經帷。寅入申出。十一月朔。退直

後。遵寒疾。越五日薨。遺疏入

上震悼。命醇郡王率侍衛十員奠醊。賜陀羅經被。贈太

保。入祀賢良祠。子諡文端。賜祭葬。飾終之典。至優渥矣。公

姓翁氏。名心存。字二銘。號遂庵。江蘇常熟人。父咸。封乾隆癸卯

舉人。官海州學正。祀海州名宦。公幼奇慧。七歲能屬文。十三遍

誦經史。下筆累千言。隨侍學正公於海州。唐公仲冕為州牧。見

而奇之。遂師事焉。十六補弟子員。越十年。舉嘉慶丙子鄉試。出

湯文端之門。入都會試。賢士大夫聞公名。皆願納交。嘗遊汴梁。

南昌所至覽觀山川形勢名賢遺迹往往作為詩歌以道其懷
道光壬午成進士選庶吉士授編修充武英殿總纂大考優等
升中允充文淵閣校理五年典福建鄉試督廣東學政九年入
直上書房充日講起居注官擢侍講十一年分校順天鄉試十
二年典試四川甫還 朝而有江西學政之命十三年補庶
子遷祭酒仍留學政任十五年典試浙江差旋過吳門乞假省
親適奉 旨補奉天府丞兼學政十六年授大理少卿十七年
抵京 旨命授 皇六子讀十八年以母年八十乞養歸先
是公之告歸也

宣宗皇帝意方嚮用以疏辭懇惻不得不如所請至二十七年
國朝先正事略 卷二十五 名臣 天

母服闋
上亟望其還朝會公子同書授貴州學政 召見
上問曰汝父豈終不來乎葬事將以何日畢乎同書奏臣父受
恩深重今葬事將畢期以明春北上
上喜曰汝父固當速來汝其具家書述朕意趣其行同書頓首
謹奉 詔公聞命感泣遂以二十九年三月抵京 召見 詢
家居十年狀七月復直上書房再授祭酒遷內閣學士再遷工
部左侍郎奉 旨授 皇八子讀三十年正月
文宗皇帝登極 特派借諸王大臣恭理喪儀調戶部右侍郎
兼管錢法堂事 賜紫禁城騎馬咸豐元年充順天鄉試副考

官兼署吏部右侍郎擢工部尚書充經筵講官二年充 實錄
館總裁兼署左都御史典武會試三年調刑部尚書旋仍調工
部 命兼管順天府尹事以失察屬員盜案牽連絀吏議落職
四年二月起吏部左侍郎計去官不及五十日也三月調戶部
右侍郎充武英殿總裁九月授兵部尚書十月仍 命紫禁城
騎馬十一月調吏部尚書教習庶吉士復充經筵講官五年三
月
上調

西陵 命留京辦事管理戶部三庫事六年充國史館總裁兼
掌院學士十一月以吏部尚書協辦大學士調戶部八年充上
國朝先正事略 卷二十五 名臣 天

書房總師傅九月拜體仁閣大學士管理戶部事九年四月因
病請開缺 予假一月 溫旨慰問五月奉 命教習庶吉士
再請解職允之公疏謝並陳明在京調養
上每召見大臣猶時時垂詢公病狀十一年七月
文宗升遐十月
梓宮自熱河至京師公迎謁哭臨是月今
上嗣位公被 命再出理部務同治元年充 實錄館監修總
裁此公生平出處及歷官除拜之大略也常熟翁氏自明以來
多顯宦而公先世獨潛德勿耀學正公官海州館粥常不繼先
後五次奉檄賑饑無纖毫侵冒清介絕俗嘗出查賑州牧欲重

所造饑民册餽重金於其婦請補印婦峻拒之公秉庭訓力學
食貧及鄉舉嫉鄉人包漕陋習歲晚出遊大江南北以避之里
黨姍笑夷然不屑也通籍後慎交遊絕餽遺不逾其素典浙
試還入里門步行蕭然如諸生泊告養歸奉母讀書邑中每有
公事縣令禮請皆謝不往庚子歲邑大水公捐貲賑饑率紳士
誓於城隍廟有私一錢者禍及子孫在事者皆悚惕無敢欺隱
篤於行誼友愛無間言家既貧尤尚樸素布衣糲食無所擇所
至惟以書卷自隨喜誘掖後進有知人鑒前後所取士以學術
政事文章氣節著者凡數十人主講敷文紫陽兩書院迪諸生
以樸學在成均日興修南學六館之士彬彬焉及官卿貳爲院

國朝先正事略 卷二十五 各臣 辛

長薦達賢俊不可勝數其手疏密陳者輒焚其藁曰吾爲大臣
爲國求賢職也不可使外人知今
上初登極卽一再上封事及詔下中外大臣博舉遺逸衰
揚及公謂不失以人事君之義人始知公所建白蓋以人才爲
首務云公初入詞館才名藉甚然於詞賦非所深好獨好經史
實學儒先說理之書及古名臣論奏湯文端深器之自盛京還
再直上書房時
宣宗皇帝以皇子初入學重師傅之選賜表賜饌恩
遇優異每召對必溫諭移時乃罷及家居再出後入直如
故維時

文宗皇帝猶在潛邸授讀者爲濱州杜文正公遇杜公休沐日
公亦得侍學一日論唐史及德宗世於陸贄盧杞賢奸進退反
覆講晰數百言

文宗動容嘉納焉翼日因以宣公奏議進其以尚書兼尹順天
也時粵寇北竄畿輔騷徵調關東索倫兵及東三盟蒙古兵
駐畿甸外所需車馬芻糧之屬無算有不給者以乏軍儲論公
皆先期辦治民不知役並規度可控扼地列柵屯守又料簡民
兵以壯聲援舉光祿卿宋公太僕卿王公其事百里外烽埃
相望金鼓聲四聞寇窺其有備遂不敢逼其再筦大農也值軍
與國用日絀主計者輒巧爲名色以指克於民公每持其事

國朝先正事略 卷二十五 各臣 辛

不下所規畫惟塞弊源窒滲漏以寬民力嘗以議洋藥稅事與
尚書肅順廷爭緣是有隙公既去位肅順方貴重用事會戶部
鈔票案起遂興大獄欲以奇禍中公
上以公無他卒不深罪當是時微
上保全幾不測公每與家人言及
兩朝厚恩未嘗不嗚咽流涕也咸豐十年京師有警都人洶洶
聖駕且出巡廷臣交章固爭公時已退居亦上疏力言不可
上皆采納不以爲迂公之奉詔再出也足疾猶未瘳有旨
免帶領引見及一切勞苦事示優恤直弘德殿每出入命

內侍扶掖以行。夜中或籠燭前導。皆異數也。每日晏授經之暇。則進講帝鑒圖說。退直。輒細繹大學衍義。帝學諸書曰。此致君堯舜之本也。疾革時。猶惓惓以

聖學早成。四方早靖。為念無一語及家事。命繕遺疏。言願

皇太后調護

聖躬。慎擇近侍。

皇上懋修正學。親近正人。端蒙養之本原。致中興之事業。總畢命子同。蘇恭讀一過。點頰者。再閉目端坐。遂眠。年七十有二子。四長同書。道光庚子進士。由編修歷任安徽巡撫。坐事免。次同爵。以廕生為兵部員外郎。湖南鹽驛道。次同。蘇成豐。丙辰一甲

國朝先正事略 卷二十五 各臣 至

一名進士。授修撰。遷督善。仍直。弘德殿。孫曾源。同治癸亥一

甲一名進士。官修撰。

李文恭公事略

太子太保。欽差大臣。前兩江總督。湘陰李公之卒於軍也。遺疏言賊不能平。不忠。養不能終。不孝。殮用常服。以彰臣咎

上覽而悲之。烏虜來中。即創臥自恨。奉職不稱。羊叔子臨危。眷眷以未平。吳為言。古勞臣殫心軍國。值時勢之鉅。鋌志決身。殲殲而猶眠。豈不以是哉。方粵盜初起。實道光二十有九年。明年益橫肆。詔起侯官林文忠公督師。林公道卒。特敕公代之。

論者謂林公不亡賊。且就殄。林公亡而得公之誠實勤密。如林公者。嗣其事。天假公年一事。權以盡公之志。必有閎識深計。扼賊吭而制其死命。而奈何天之奪公如是速也。公之督兩江也。

國朝先正事略 卷二十五 各臣 至

戶部以連年蠲復。細度支籌實庫。為備豫計。於是廷臣條五事以上。其大者則漕糧改徵折色。入銀京師。於奉天陝豫采買。以充倉庾。下直省有漕督撫議。江南財賦。甲天下。弛張必自是始。公疏言州縣兼收折色。以錢抵銀。本無定價。若著為令。而示價於通省。則銀價日昂。民且重困。奏入。廷臣猶以為言。再下議。公再疏言例價甚輕。北方糧貴。又水陸運費不貲。勢不得不議增。而例有明文。迥非州縣通融辦法。若就州縣分別重輕。無論各州縣情形不同。即一州一縣中亦各不同。且不能舍戶部定例而轉執州縣之勒價為準。多則輸納不前。少則采買不足。此國計之難也。至以漕項應折若干。註明糧冊。糧票。畤零細碎。開載

既煩且銀價時有長落將今日少完明日復多完乎歲收時有豐歉將今歲少取明歲復多取乎小民正愁穀賤兼值銀荒以有易無展轉虧折此民生之難也至州縣之私改折色祇以解費為辭今若明示折改則張目而無所顧忌以公濟私浮勒必益甚而糧役之句串詐混亦必日出而滋弊多一名色即多一利孔脂膏剝究惟編氓任之此防州縣浮勒吏胥訛索之難也奏入

成皇帝建之事遂寢焉序棄其所有而取其所無司馬溫公之諫聖倉也若乃折眾口而輟成謀則溫公所不能得之於其君者而公願以婉切之言破膠固之議於是歎明良一德之盛

國朝先正事略卷二十五 各臣

書

遠軼前古而江淮之間不至蕭然煩費者非公孰貽之哉公諱星沅字子湘別號石梧湖南湘陰人父疇優貢生桂東縣訓導公天挺魁特總角如成人以遠大自勵道光十二年成進士選庶吉士授編修明年奏辦院事十五年命督學粵東公謂學臣所以造士士習端則民風正故必以扶持世教為舉職粵中人士多健訟劄通省府州縣學籍生員之干訟事者牒以文仍訶其實而理之士風為肅嚴覈丁胥禁葺規費諸名目所頒條教大率以人才經學名義為急下至細微皆手自屬草吏無敢舞文秩滿授漢中府知府遷河南糧道歷陝西四川江蘇按察使除江西布政使仍謫江蘇當是時

成皇帝識公於詞臣中期練習吏事為置圍重臣多惡郡國俾周知利病之原也尋擢陝西巡撫抵任即奏劾牧令之尤不職者數人或自乞去固原提督胡公超戰功為世所指名初裁西安總兵缺議每歲以冬春駐西安如湖南四川分駐半年例公謂關中方無事乃汰總兵而移提督轉令東道咽喉半年虛曠於地勢事勢皆不順力持於總督寢之修軍政定疑獄尤深疾吏役詐贓致斃命者手劊行通省愷切深至皆斂手奉法調江蘇巡撫蘇松漕事煩重其大弊尤在大戶小戶之不公至力圖所以均之於無錫金匱兩縣革地總包總等名刊石示永戒二十六年授雲貴總督時緬甯回匪不靖公亟調官兵分道進

國朝先正事略卷二十五 各臣

書

腹背擊之首匪馬國海懼亡走則潛結雲州回馬登宵海連升等劫囚作亂迤西大震公定謀檄諸將迅擊而縱閒散諸回之被脅者不三月事大定捷聞加太子太保賞戴孔雀翎疏劾前迤西道羅天池按殺過多未能詳慎區別致眾回寒心滋亂得旨削籍永不敘用旋調公兩江總督於是公三至江南矣耆老聞公來皆額手相告江南武備弛水師會巡尤不霄公撫蘇時已引為憂至是銳意整飭之奏籌海外水師事宜五則捐俸造蒙衝四十艘為倡鎮將憚公嚴明泄沓之習一變會俄羅斯商船抵上海圖就地貿易公引例卻回有詔嘉獎陶文毅之改淮北綱鹽為票也既以新章取速效而淮南課額重自銀

貴錢賤銷數易虧公謂引滯課絀不盡由私販而欲圖必
以嚴治私販為首務先後疏奏無慮萬餘言皆得 俞旨褒勉
逮公去江南而淮南亦改票並設倉於儀徵為捷法於是小販
雜出鹺政益狼戾不可收拾然後知公之先見也先是有 詔
令兩江總督轄河務如舊制會河督缺 命公兼攝之乃具疏
力陳河工積弊且言道廳應各駐汛地不得萃處清江浦有
旨祭禁二十八年秋江淮海並漲淹民廬萬計公親出籌賑撫
蒿目忧心眠食虧損疾大作再乞假乃憑情請開缺會江南監
司有人對者

上詢及公盡得公積勞成疾狀始得請仍 詔病閒即詣闕公
國朝先正事略 卷二十五 名臣 三

之以郡守陟監司也 朝廷方嚮用公每之官不久即遷擢去
地方興革有議擬未行者有創始而未竟者惟撫秦閩三年督
江南及二年故閩綱鉅目悉修舉矜慎刑獄而不為煦煦仁鋤
奸暴尤力河南多濫獄獄囚有病死者公謂罪死死於法病死
死於官罪非殊死則賊命罪當論死則失刑飭有司速治獄既
上日親錄之囚圍為空蜀盜曰國匪陝盜曰刀客久為民害公
皆盡法懲之禽其尤置重典凶疏用戢其為江蘇布政使也浙
江方禦島夷戰不利江蘇戒嚴提督陳忠愍公陣亡於上海夷
舶由海入江陷丹徒犯江甯敗卒跳集於蘇勢洶海且內訌蘇
人大恐公告於巡撫斬標劫者以徇其潰兵潰勇暫招畱令立

功贖罪免滋擾七月噴夷受撫於江甯客兵分起歸伍公即牒
請撤糧臺改為報銷局節浮費也三十年正月
宣宗皇帝升遐疾馳入瀛

文宗召對 恩語肫渥公奏言臣病幸少差而母老多疾乞歸
養

上鑒其誠允之十一月復奉 欽差大臣督師之命公入告太
夫人即馳赴粵時粵西羣盜如蝟毛金田逆賊尤橫恣公駐師
柳州疏調黔楚兵合剿發軔指示所向克捷時向公榮以宿將
為提督在諸將中為能戰周公天爵為巡撫果敢任事公皆開
誠以通之金田賊既竄出據大黃江擾武宣屢被創而勢猶熾

國朝先正事略 卷二十五 名臣 三

我軍籌進止及駐軍地巡撫持議多異同於是有特簡將軍總
統之請公進次武宣疾已作猶力疾見官吏料簡軍書激厲將
士如平時憂心內焚浸至綿綴遂以咸豐元年四月薨於軍年
五十有五烏虜師克在和之義固公所日反覆於中而特不能
拘肝膈以示人至於憊心罷精以死報 國則伏波所種馬革
裹屍之義也遺疏入
上嗟悼 優旨嘉愍甚至 予祭葬給白金五百兩治喪 謚文
恭 賜其母陳太夫人淺十兩子概桓令服闋後引見飾終
之典可謂盛矣公在翰林五年一視學政典甲午四川鄉試分
核乙未會試皆得士公儀表瑰璋聲如洪鐘自其少時發言制

行無少苟。峻整篤實。識量尤恢遠。長遊四方。益廓見聞。嘗嘗陶文毅所典章奏。公所削橐。文毅無以易也。既通籍受。兩朝特達之知。署豫泉時奉。

宣宗手敕。命毋失書生本色。抵陝撫任。諭以勉力認真。勿負委任。調江蘇。疏謝。手敕報曰。朕見汝年富才明。學優品正。甚有厚望於汝。汝當體朕用人之苦衷也。及命兼司河務。諭曰。卿年力甚強。勉為之以副重寄。逾年請述職。批劄云。朕非不願與卿相晤。顧公事繁雜。難離本任。可暫停。其乞病也。手批云。一俟痊愈。即來京朕切望之。至卿當諒之。其受殊眷。皆類此。性至孝。歲時祭祀哀慕不自勝。宦遠方太夫人以春秋高。

國朝先正事略 卷二十五 名臣 秉

恒不就養。公屢思輒至不寐。泊陳情得請。喜得償所願。不圖時事之棘。惟艱。惟瘁。遠殞其身。此公遺疏所以憾養之不終也。公幼有異徵。應童子試時。外舅郭進士汪燦。夢入公府。見金册列公姓名爵里物色之。迷妻以女。既館選。諸姊中有召紫姑神者。戲問公終身官秩皆不爽。未署云蒼梧凜節。其後公卒。薨於梧州。蓋前定云。所著芋香山館集若干卷子五。杭官編修。有學行。早卒。概候選道。桓廩生江西布政使。

呂文節公事略

呂公賢。字鶴田。安徽旌德人。贈公某。遠於經學。拔貢。官教諭。公生有至性。飭倫紀。秉正嫉邪。惡言不入於耳。道光十五年進士。選庶吉士。授編修。十七年分校順天鄉試。二十二年授御史。疏言南河工料與其購於他處。不如取給於葦蕩。請飭所司董勸庶險工有恃。而經費亦可省。又請申禁各省加派勒捐之弊。俱從之。遷給事中。疏劾知州鄂雲。黃緣投入揚威將軍奕經幕。誑騙欺朦。濫支軍餉。又廣東劣幕余廷槐。盤踞多年。贖貨受賄。與訓導黃培芳表裏為奸。藉團練乾沒軍餉。且招募匪徒充數。藐法滋事。請飭嚴察究治。如所請行。二十二年轉掌印給事中。

國朝先正事略 卷二十五 名臣 秉

丁父憂。二十六年起補禮科給事中。明年掌吏科印。以河南旱災。方籌辦賑恤。疏請將江南捐輸米。改撥豫省賑災。允之。二十八年巡視東城。時江西安徽湖北水災。詔發帑賑恤。公疏言辦賑之弊。莫如造冊稽延。定例水旱成災。督撫疏報。即先給餼。民一月口糧。再查被災輕重。分別給賑。誠以飢寒待哺。若必待查取戶口完竣。則老弱轉徙已多。應請敕下所司。遵照定例。一面查取戶口。一面放賑。無論極貧次貧。均令先沾實惠。俟冊籍已定。即於限內具題加賑。其加賑日期。務與初賑接續。毋許間斷。至戶口或有開除續增。隨時具報。有任意延緩者。嚴參。庶有司不敢貽誤。而愷澤得以旁流。其辦賑急務數則。一多設粥廠。

嚴杜剋扣撥和積弊一兼籌放錢糶米之法一展緩 恩詔宜
急宜示一招商採買鄰省米穀接濟一收恤遺棄幼孩一收買
耕牛疏入皆議行尋 命稽察西倉三十年正月

文宗御極公應 詔陳言一懋 聖學一正人心一育人才一
恤民隱並請將江浙等省捐米例停止未幾遷鴻臚寺卿
咸豐元年擢工部左侍郎典浙江鄉試二年兼署刑部左侍郎
時刑部主事闕尚書恆春擬照舊章以京察一等筆帖式題陞
侍郎書元欲以候補主事題補意見不同有 旨詢各堂官所
見與恆春書元孰同孰異公偕尚書周祖培右侍郎陸應穀遵
旨奏覆應如恆春議經定都王載銓會同吏部議奏如所請公

國朝先正事略 卷二十五 各臣 罕

尋以粵匪河工度支漕運事可危疏請下 詔求直言略言
粵匪滋事已二年命將出師尚無成效甚至圍攻省城大肆猖
獗南河豐工未合龍重運之阻滯災民之屯聚在在堪虞河工
費四五百萬軍需費一千餘萬部臣束手無措必致培克股削
邦本愈搖臣愚以為今日事勢譬之於病元氣血脈枯竭已甚
而外邪又熾若再諱疾忌醫愈難為救惟有開通喉舌廣覓良
方庶可補救於萬一應請 特旨令大小臣工悉去忌諱一啟
泄沓之故習於時政闕失有可補救者各抒所見盡言無隱以
期集思廣益疏入得 旨申諭各部院大臣九卿科道有言事
之責者於政治得失民生利病有可補救者各據見聞直言無

隱八月充順天鄉試副考官九月署工部錢法堂事務充覆試
閣卷大臣三年正月以粵匪稔亂 命赴安徽會同蔣文慶周
天爵辦理團練防勦事宜公奏請 飭部撥發餉用並請帶員
前往幫辦又奏所過地方如查有堪備教習團練之人請咨各
疆吏遣赴安徽軍營以資差委均如所請行二月奏請 飭給
事中袁甲三廣東知府趙昫均赴安徽協理防勦允之尋借著
撫周天爵奏言團練防勦三事當分寄其任併致其力以圖之
團練之事各就地方飭屬加意辦理激勸紳民殲除土匪防堵
之事於江北沿江一帶擇精幹牧令稍假威權令其練本邑之
兵團本鄉之勇因本地之糧以守本境之土各固藩籬永免徵

國朝先正事略 卷二十五 各臣 罕

調察其辦理之善者升銜加俸不遷其職俾得盡心固守勦賊
之事專責之統兵大帥如大帥駐營去賊百餘里者立即建問
如此則各有責成無所庸其推諉疏入得 旨嘉納時湖北敗
匪由英山犯太湖分股竄出洪家埠奪船意圖東下旋躡蹠安
慶經官兵截勦復分股由清涼庵至十里館犯集賢關各路兵
勇接戰失利遊擊唐音太伍登庸死之未幾由集賢關犯桐城
邑紳馬三俊等率勇迎敵敗潰桐城陷時公方駐舒城誓死守
或勸曰公無守土責又未轄一兵今賊鋒銳甚請退守以圖再
舉公叱之曰吾奉 天子命治鄉兵殺賊事不濟命也退將安之遂納鞞刀率父老

登陣力禦未幾城陷公力竭死難僚屬及幕佐皆殉焉十一月
巡撫江公忠源疏聞 諭旨呂賢基由翰林科道游升京卿朕
因其品學兼優超擢侍郎令其回籍督辦團練該侍郎年力正
強方資倚畀乃以逆匪竄擾舒城捐軀盡節悼惜殊深可追贈
尚書銜照例賜卹其子編修呂錦文服闋後以侍讀陞用
所有隨員幕友盡節姓名均查明請卹又 諭旨贈尚書銜侍
郎呂賢基素懷忠義大節無虧可於舒城建立專祠以慰忠魂
而光卹典並賞內庫銀三千兩交呂錦文祇領赴安徽扶柩回
籍治喪尋 賜祭葬予諡文節並入祀京師及本籍昭忠祠
八年復入祀鄉賢祠公力崇正學行身植志不少苟詭隨者見

國朝先正事略 卷二十五 名臣 聖

之蹙然無所容在臺垣仇直敢言感時事至涕泣不食每入
對痛切懇陳聲淚俱下
文宗屢為動容疏出天下傳誦何君桂珍著續理學正宗唐君
鑑著學案小識公皆以進呈藉為正學之助有議其迂者毅然
不為止其出治國防也自知不返別母行痛哭不能起烏序公
之志蓋夙定矣錦文現官侍讀兼襲騎都尉

國朝先正事略卷之二十六 名臣

平江李元度次青集

江忠烈公事略弟壯節公忠濟

公諱忠源字岷樵湖南新甯人為諸生究心經世學不屑屑章
句充道光丁酉拔貢是科舉於鄉甲辰大挑得教職新甯地接
廣西民犛雜處多盜公察天下將亂倡行團練法以兵法部勒
子弟是為湖南團練之始丁未秋犛民雷再浩勾廣西賊為亂
隨法道楊君炳堃總兵英君俊來縣合剿議徵兵公力止之自
率鄉兵擣具巢再浩擒事定 賞藍翎以知縣用是為公以鄉
勇討賊之始戊申調選發浙江權知秀水邑被水災公勸分設

國朝先正事略 卷二十六 名臣

賑收粟孩獨正賊民忘其災計擄劇盜十數人邑大治巡撫吳
文節公文銘待以國士補麗水會
文宗皇帝登極 詔中外各舉所知侍郎曾公國藩具疏薦有
旨召見吳公疏畱辦海塘工閱四月工訖以父憂歸時廣西賊
首洪秀全楊秀清等稔亂 朝命大學士寶尚阿公出視師聞
公知兵疏調軍前副都統烏爾泰公忠勇負氣與他將多齟齬
一見公深相倚重公募故所用鄉兵五百人使弟忠清帥以來
號楚勇是為公以湖南鄉勇出境討賊之始始至敵衣槁項諸
軍皆匿笑時賊氛惡甚官兵數萬莫敢撻公築壘逼賊營賊以
其少且新集易與也急犯之公堅壁如不敢戰賊近壘始開壁

馳之斬首數百烏公拊掌語人曰君等蔑視楚勇今何如侍衛
 開隆阿者善射奇中嘗射虎十數軍中號打虎將者也公長揖
 過之意嗾公一日戰被圍矢且盡公登高阜望之日必開公也
 怒馬馳救之並轡歸開公拜曰活開隆阿者君也遂握手飲極
 歡累功擢同知直隸州 賞花翎時賊萃永安官軍環之闕城
 北一面公與烏公請掘長壕聚礮之弗聽明年春以病歸賊果
 由北路犯桂林四總兵陣歿烏公以刀刺臂灑血盤水中呼將
 士共飲涕泣誓師援桂林公在新甯亦力疾起出私財增募千
 人與今直隸總督劉公長佑倍道赴援至則烏公中礮卒城圍
 逾月公進扼東岸之鷓鴣洲三戰皆捷四月朔桂林圍解擢知
 國朝先正事略卷二十六 各臣 二

府賊趨全州公間道敗之唐家司全州既陷銳意趨湖南公先
 諸軍扼富塘埔賊度不能越則悉載輜重舟中期水陸並下公
 伐樹塞河截賊蓑衣渡慶戰兩晝夜逆舟挂樹不得前偽南王
 馮雲山中礮死盡獲其輜重賊遂東走道州初公慮東岸空虛
 白當事請分軍扼截弗許請躬率所部往又不許至是賊果由
 東岸竄湖南矣方賊之奪舟而下也天雨水漲由永州至衡州
 數日可達程總督商采時駐衡聞警走長沙知府陶君恩培
 之不可鮑提督起豹亦議去永州會聞蓑衣渡之捷人心稍固
 總督仍還衡郡及賊踞道州眾猶不滿萬公慮日久裹脅眾乃
 建議分防不如合剿遠堵不如近攻七月賊自藍山嘉禾犯桂

陽旋陷郴州公上言後路追剿愈急前路攻陷愈多請仍申合
 剿議當事皆漫不省賊則益張公在郴州約總兵和春公由石
 子嶺潛師出賊前未至賊竄永興以萬眾畱郴相牽制公策永
 興賊必由茶陵醴陵犯長沙乃倍道由衡州援省會賊已踞城
 南及小西門窟穴於民廛攻甚急南城外天心閣地勢高賊方
 柵其上公望見驚曰賊據此長沙危矣急帥所部爭之死傷二
 十人督戰益力賊退趨移壘去賊數十武共汲一井擊柝聲
 相聞自是長沙止南門受敵賊巢背水面城當絕地雖後隊踵
 至無能為矣會偽西王蕭朝貴中礮死賊數穿地道又先後為
 副將鄧君紹良瞿君騰龍所拒氣少沮逾旬洪楊大股至勢倏
 國朝先正事略卷二十六 各臣 三

復張公弟忠濟自郴尾之約公夾擊方賊伏叢冢閒挺矛刺
 公傷胛陸馬遇救免時新撫張公亮基至前巡撫駱公秉章與
 幫辦軍務前湖北巡撫羅公繞典均夙契公就詢方略公以官
 軍四面集惟河西一路虛請調重兵駐龍迴塘扼賊竄路期盡
 殲張公尤趨之而河西諸將遂巡莫敢前當是時賚公罷免新
 帥徐公廣縉久不至城內外巡撫三提督二總兵十莫相統攝
 謀用不成公憤甚躬赴湘潭力請於徐公不省賊卒由龍迴塘
 竄出掠舟西遁而東南大局隳矣十一月公追賊至臨資口屬
 巴陵土寇起檄公畱事平而瀏陽匪渠周國虞之事起先是
 國虞等故與粵西賊共為邪會眾萬餘人粵賊至即起應之已

復止。當事始掩覆之。至是將乘官軍之下。為亂湖南。公出不意。進討。張示散脅從。許自首免誅。十二月十八日。賊來犯。設伏。敗之。斬首七百。首免者萬餘人。瀏陽平。公時以援湖南功。擢道員。矣。三年正月。張公權湖廣總督。疏調公。旋授湖北按察使。時賊棄武昌東下。公私埽地。一切倚公辦。又平民之起為賊者。通城。劉立簡。崇陽陳百斗。嘉魚熊開宇等。有眾數千。皆討平之。遂奉幫辦江南軍務之命。公拜疏言軍事。請嚴軍法。撤提鎮。汰弁兵。明賞罰。戒浪戰。察地勢。嚴約束。寬脅從。凡五千餘言。又疏請四川湖南北三省。分造戰船。習水師。令廣東籌款鑄礮。是為公籌畫東南大局之始。疏入。

國朝先正事略 卷二十六 名臣

四

上嘉納之。四月。公率軍東下。廣濟賊朱關祐等抗糧為亂。戕守令。聚眾數萬。公就便征之。戰三捷。斬首五百有奇。生擒三百人。釋其半。令轉相解散。詰日。賊大至。又敗之。訊俘多。即釋歸者。乃駢誅之。五月。至九江。賊自皖江派流上。距城四十里。憚公威名。不敢近。改由彭蠡犯南。時公奉命援鳳。類即抗疏。改道。援江西。軍士方患暑疫。次之。得人千三百。以五月十六夜抵南昌。凡三晝夜。行五百里。賊不意。公乍至。驚曰。來何速也。章江門最受敵。公自當之。宿譙樓。賊城外民舍。十八日。賊舟蔽江。至薄城。礮擊之。稍卻。趨得勝門。以門外民居。阻雨未盡焚也。方賊至。營兵四人。將縋城走。公立斬。以徇。曉夜躬巡。礮碎從者首。不為動。

賊穴地轟城。公鑿隧道迎之。三次藥發。陷城八十餘丈。公及弟忠濟力拒之。賊死傷山積。不能入。

上頒賜玉翎管及扶拾各二。時湖南援師先後集。賊氣沮。圖竄吉安。臨江而安福泰和萬安寇復起。公乃分軍樟樹鎮。扼賊衝。檄羅公澤南等勦泰和各屬。平之時。羅方以訓導援江西也。八月二十二日。圍解。方公遣援時。巡撫以下皆持不可。公曰。南昌兵逾萬。匪三千人。不見多。若泰和賊與南昌賊鈞連。上下路絕。此危道也。已獲賊謀。得其往來書。果約急攻吉安。如公言。捷聞。天子加公二品服。當是時。公義聲震天下。師及德安。聞賊上犯。公急往助守田家鎮。以二千人渡江。而令後至。看開道。趨武昌。

國朝先正事略 卷二十六 名臣

五

備緩急。時司防者武昌道徐君豐。王漢黃道張君汝瀛。用戰艦扼江。而南岸半壁山不設備。公至。訝之急。揮兵據險。賊已先我至。水陸交誼。師遂潰。公至甫一日也。徐張二公死之。黃州漢陽陷。惟武昌以公援。應得全。賊懼公。躡其後。尋引去。初。公以田鎮之失。鵠四級。至是奉命巡撫安徽。公疏請增兵萬人。當一路。又念行省新改。廬州為南北樞紐。去稍遲。賊且北竄。遂以二千人先發。而湖北巡撫崇綸。強固公所遣援軍。公於是益孤矣。抵六安。適舒桐告陷。士民遮道。留公。公病入城。繕守備。人心稍定。廬州警報。日夕至。知府胡元煒。具言城中軍實裕。團丁可萬餘。人請速往。公乃畱千人守六安。自率數百人入城。知府來謁。公

均守具。以方籌畫對。糗糧軍火一無有。公審其有異志。擬誅之。未果。越二日。賊大至。圍丁鳥獸散。公力疾登陴。誓死守城。周二十六里。合主客兵。裁三千。賊仍用地雷轟大西門。月城繼轟文昌門。公親督楚勇殊死關。殲賊數百人。疏陳守禦狀。

上特賞公。霍隆武巴圖魯名號。賊自十一月十二日合圍。公堅守逾月。賊奪氣將遁矣。有內奸以城中食乏。軍火且盡。告遂增關隧道。以十二月十七日。味爽併力攻。逾時水西門城塌十餘丈。公且戰且修。築忽傳賊自南門緣梯入。人聲鼎沸。公知事不濟。學佩刀自刎。左右持之一。僕負公行。公不可。則嚙其肩及耳。血淋漓。僕創甚。委公於地。賊逼公轉戰。至水關橋之古塘。被七

國朝先正事略 卷二十六 名臣 六

創奮投橋下死之同殉者。同知鄒君漢勳。參將馬君良勳。自六安從公入城者也。參將戴君文瀾。縣丞艾君延輝。自湖北來。援乘間入者也。布政使劉君豫鈔。池州知府陳君源寬。同知胡君子離。副將松安君。縣丞興福君。皆死。而知府竟降賊。前以城中虛實告。及置梯南門。皆其勇目徐淮所為也。公困孤城時。援師十餘壁。皆不能前。十二月十二日。公弟忠潛自湖南募師來。援與劉公長佑殊死戰。不利。及再戰而城陷矣。後八日。舊卒周昌發。冒死入城。負尸出。面如生事聞。

上震悼。追贈總督。賜祭葬。子諡忠烈。封公三代如其官。命廬州及湖南江西各建專祠。公性英烈。與人交。披瀝肝膽。終

始不渝。同年生武岡曾如鏡。暨湘鄉鄧鶴齡。陝西鄉興愚。先後客死京師。貧不能返葬。公皆身護其柩歸。治軍推赤心。待人得其死力。所過無秋毫犯。每戰親陷陣。踴風發誓不與賊俱生。尤料敵如神。能以至少擊至。眾故所向有功。居圍城。每夕必巡城一周。見士卒食苦。輒呼匕箸。取嘗之。曰。適巡城。飢與君一。共此味耳。以故士卒感服。無忍背者。賊起嶺西。尚蠻耳。王師且十萬。環視莫敢先。公以書生倡勇敢。軍氣為一變。其後楚軍輩出。卒克金陵。夷大亂。皆公風聲所起也。公建三省會。勦議請治舟師。扼上游。今大學士曾公卒。用此肅清江面。成大功。公存亡實關天下安危。豈僅以一死激頑懦哉。初公計偕入都。嘗過曾公。

國朝先正事略 卷二十六 名臣 七

語移時去。曾公目送之。曰。平生未見如此人。既而曰。此人必立名天下。然當以節烈死。自公死。海內識與不識。下及婦人孺子。皆為流涕。祠祀徧江以北。公既薨之二年。上猶下前疏軍中。其知公深矣。五年。援賊屯大蜀山。上有公祠。夜見列炬熒熒。劍槩聲相摩。賊驚遁。祠得全。喪歸。柩尚在城別。賊自東安犯新甯。攻七晝夜。敗去。訊賊黨。具言。酣鬪時。見藍旗軍突出。遂不支。藍旗者。公部向所用旗。時實無此軍也。或謂公靈不昧。雖死猶殛賊。云。公年四十有二。父上景。歲貢生。昆弟四。公長。次忠潛。今任四川布政使。次忠濟。道員。陣歿。通城。次忠淑。累擢道員。子二。孝椿。以忠潛子嗣。孝棠。遺腹生。

忠濟字汝舟。幼從忠烈公學。道光二十九年。李沅發作亂。公倡募鄉勇。有復城功。咸豐二年。粵賊犯長沙。佐忠烈守城。戰甚力。三年。忠烈赴武昌。以舊部千人屬君。與劉君長佑。留長沙。勦土匪。及忠烈勦賊通城。時崇陽嘉魚賊竄起。忠烈兵單。君與劉君倍道進援。抵崇陽。大破賊。斬首逆陳北斗及餘黨數百人。進攻通城。賊數萬圍官軍。數日。忠烈拊君背曰。非弟不能破此賊。語未竟。君挾雙刀大呼躍出。眾從之。忠烈援炮鼓助戰。眾殊死鬪。賊大潰。生擒渠魁張西園等二十餘人。斬獲無算。湖北土匪平。及守江西。賊轟城。圻十餘丈。君督壯士百餘。囊土築之。俄而城大圯。築者悉陷。君跳而免。越二日。地雷復發。城圻八十餘丈。賊

國朝先正事略 卷二十六 各臣 八

譟而登。君斬先登者二人。賊乃退。麾勇急築之。復穿地道出城。鑿濠城下。引水注之。賊所為隧道盡廢。省城獲全。君先以功保通判。加五品銜。賜孔雀翎。至是圍解。詔擢知府。尋以省母歸。君弟忠淑奉檄勦賊通城。兼督沿團練。會以疾請假。巡撫駱公命君往代。尋調赴永州。堵勦粵寇。敗賊於藍山。再敗諸嘉禾。又敗諸甯遠。連復三城。殺賊二千計。詔以道員用。六年。駐防岳州。湖北巡撫胡文忠公請移勦通城。至則召本地團勇千餘。置營後。助聲威。出不意。破賊四營。賊遂悉銳來犯。眾數萬。四面圍官軍。或勸君宜退。叱斥之。戰益力。賊從後營攻入。團勇驚散。陣亂。君立營門大呼。殺賊手刃。回顧者數人。策馬奮砍。力竭。遂

死之年三十有八。時四月四日也。是役營勇三千。死幾盡。無一降者。事聞。贈按察使銜。予卹典。同治元年。朝廷追念死事諸臣。與忠烈公同膺。諭祭。特旨予諡曰壯節。

國朝先正事略 卷二十六 各臣 九

龍

塔忠武公事略

咸豐四年三月粵逆數萬人自金陵溯大江而上越安慶武昌再陷岳州過洞庭以戈船徧布臨資口等處知長沙有備遂由湘陰破甯鄉開道襲湘潭湘潭居長沙上游百貨所輾賊掠舟萬計分黨溯流窺衡永當是時賊挾百勝之勢料官軍無能挫其鋒既得湘潭長沙不攻自困塔忠武公時方為副將聞警投袂起帥所部兵勇會同水師血戰五晝夜大破賊賊斃溺焚燬數萬計時所部三百人耳微此戰賊且溯湘潭以達粵西老巢直下通金陵首尾一江相貫注大局將不可支烏序公之功在社稷豈尋常一手一足之為烈哉自時厥後公威名震

國朝先正事略

卷二十六 名臣

十

天下出湘而岳而鄂所向克捷雖婦人孺子罔不知有公使天假公年平賊當較易願以暴露行閒久積勞成疾賚志卒於軍此朝野官吏軍民無論識與不識莫不同聲一哭為公悲且為天下生民悲也公諱塔齊布字智亭姓托爾佳氏滿洲鑲黃旗人生而神識沈毅都統烏爾恭公夙器之由火器營護軍擢三等侍衛咸豐元年發湖南以都司用二年秋賊犯長沙以守城功擢游擊賞藍翎署中軍參將時在籍侍郎曾公國藩奉命督治鄉兵用明威繼光法訓練束伍每校閱公必短後衣曠屬帶刀侍會公與語奇之試所轄兵皆精練副將潘德方忌公嗾提督將加推辱曾公乃劾罷副將薦公忠勇可大用且云塔

齊布將來如出戰不力臣甘與同罪得旨加副將銜三年期

茶陵安仁土匪賞換花翎記名以副將用四年二月率所部由平江進剿湖北通城崇陽賊會官軍失利岳州賊乘勢上犯曾侍郎水師退保省河公隨有湘潭之捷公之剿湘潭也始至次高嶺賊即奄至公手大旗麾軍士縱擊斬偽先鋒元帥九人賊敗潰逐北數里至城下明日賊大出犯公伏兵山左右設礮三重誘之及賊逼礮擊以百數賊大亂伏起夾擊之賊奪路走僵尸相枕籍遂薄城圍殲悍賊數百公深入幾中伏跳而免麾兵鏖鬪大破之城北賊棚皆盡其南則水師會剿焚賊舟數千并焚市廛使城外賊無所止火光燭天三日夜浮尸蔽江下其

國朝先正事略

卷二十六 名臣

十一

時領水師者楊公岳斌彭公玉麟及褚觀察汝航夏同知鑾也四月二日賊棄城夜遁凡六日湘潭平詔加公總兵銜賞喀屯巴圖魯名號命署湖南提督未幾即真先是提督鮑起豹以清德之譖屢斥辱公至是起豹罷公代其位軍民快之時敗賊猶駐岳州分黨陷常澧公馳抵新牆破土城三座舟師亦敗賊雷公湖又敗之道林磯公與羅忠節公澤南李忠武公續賢合軍攻岳州敗賊於高橋閏七月二日盡破賊壘賊棄城退踞城陵磯未幾賊舍舟登陸將據險為營分三路來撲公亦分三路擊之賊抵死抗拒良久始敗潰追至播鼓臺殲賊八百有奇公臨陣好匹馬衝鋒戒從者不必從從亦無能及者尤好單

騎薄賊壘。覘虛實。賊屢馳之。瀕危得免。有天幸。一日攜親卒四人。進覘搆鼓臺。突遇悍酋。鬚目直呼。公名橫矛刺其馬。欲擒公親卒黃明。魁躍起刺會。墜馬。會回刺明。魁傷右脇。公親刃會。殪之。獲賊旗。視所署字。知為偽丞相。會天養。天養驍桀。為賊魁。自揚秀清以外。皆為之下。伏誅後。賊黨為之茹齋六日者也。賊既失悍酋。奪氣。退踞武昌。公與羅公自臨湘進。勦長安驛。羊樓崗。佛嶺。大沙坪等處。賊屢捷。復崇陽。蒲圻。咸甯。又敗賊於官步橋。及徐李埔。遂與羅公進屯江夏之紫坊。初。曾公在城陵磯。約諸軍會紫坊。至是。召諸將議。攻取武昌。策定。議羅公帥師攻花園。賊壘水師扼長江。公從油坊嶺趨扼洪山。山在武昌城東。

國朝先正事略 卷二十六 名臣 三

北左近梁子湖。右隔湯孫湖。係絕地。為竄賊所必由。時城賊懼。懼以八月二十三日。啟東北門遁。公扼而截之。賊路斷。迎斬黃衣賊。日數名。賊崩奔。悉趨山背。復麾軍圍逼於沙湖塘角。賊爭赴水。死填尸。幾滿中。多幼孩。公見之大哭。傳令拯救。得二百有奇。羣賊因而乞命者。又七百有奇。分別誅釋之。武昌既復。進攻大冶。戰於五里牌。斬黃衣騎馬賊。賊大奔。燬賊壘二。亡何賊反。鬪伏突起。刺傷公坐馬。左右兩軍合擊賊。復大潰。爭橋渡。橋斷。多墮水。死生擒百二十四人。是日羅公有與國之捷。於是兩軍會於興國。籌進取。羅公西擣半壁山。公東勦富池口。十月二日。戰軍山。背克之。屯其地。距羅軍十餘里。中隔小河。方造浮梁。

濟忽出賊千餘。過渡處。別賊數千。陣半壁山。左右與羅公大戰。公隔河為聲援。賊大敗。既又由富池口沿岸而上。冀襲我軍後。公擊走之。浮梁成。初五日。田鎮賊渡江來犯。公與羅公夾擊之。殪賊四百餘。溺斃半之。是時賊所設橫江鐵鎖。在南岸者已斷。而北岸猶未破。十三日。水師大戰。公及羅公列陣半壁山。護之。燔逆舟數千。北岸鐵鎖悉銷。燬賊通竄。廣濟。黃梅。口鎖既克。得旨賞穿黃馬褂。予騎都尉世職。二十日。公及羅公渡江。繞至蕪州。及賊於蓮花橋。過伏我前隊。稍卻。公匹馬突陣。手刃大旂賊。追奔數十里。遂復廣濟。而黃梅為賊必爭地。悍酋秦曰綱。陳玉成。羅大綱。併力守之。以數萬賊分布小池口。孔壠驛。而立堅壘。

國朝先正事略 卷二十六 名臣 三

五於大河。浦龍頭寨等處。嚴密與田鎮。十一月朔。師次雙城驛。賊數路來犯。公與羅公併力擊之。追奔十里。破其五壘。斃賊三千餘。生擒九十餘。越日進次夏新橋。距城四里。公與羅公登山。望知北門可攻。遂親進搆我兵。肉薄而登。多受創。公頭被石擊。流血被面。督戰益厲。卒克黃梅。會公疏陳戰狀。有詔。戒公輕進。公讀之。感泣。尋攻孔壠驛。驛南通小池口。東臨水。賊於西南北築土城。公從西南路進攻。累肩為梯。卓矛而躍。遂大破之。賊悉竄小池口。分黨奔湖口。與九江相掎角。為死守計。公遂與羅公渡江。攻潯城。十二月朔。攻西南門。不拔。驍將童添雲死之。會水師被賊襲。喪矢輜重。而賊帥率從江北接濟。羅公從二套。

日渡江進攻小池口。公率壯士二十人渡江督戰。以眾寡不敵。敗且戰且退。公匹馬衝突為諸營扞蔽。有黃衣賊酋三人策馬來犯。公以套馬竿圍一酋頸斬之。且奪其馬。餘賊皆靡。公俟大隊沿江上單騎馳入鄉間。馬陷泥淖中。幾失道。有田父夙耳。公名雷。匿其家。時除夕前一日也。次日各軍以公未歸。營洶洶失所倚。有泣者。夜三鼓。鄉民忽送公渡江。歸會公。羅公皆躍起。跌而出。握手相勞。苦繼以泣。公談笑自若。曰。飢甚。速具飯。啖我。時合營皆驚喜。歡聲如雷。飯罷。已元旦矣。五年正月六日。賊出犯。公擊斃二百有奇。生禽二十有一。公令暗伏地雷。誘賊來撲而陷之。果斃百餘賊。其後賊屢捷而城終不下。六月。會公與公

國朝先正事略 卷二十六 洛臣 忠

約會於青山。曾公謂宜移師東渡。勦湖口及東流。建德長驅直下。公以攻具方備。誓力破此城。七月十八日。傳令攻城。忽患氣脫。日中薨於軍。年三十有九。事聞

上震悼。照將軍例。賜卹。應襲如例。許入城治喪。賜祭葬。子諡忠武。公長身。火色。居平粥粥。若無能。及臨陣奮拳。切齒。日角流白沫。若欲生啖賊者。所乘鐵驢。絕有力。湘潭之捷。賊酋所得也。每戰不合。士卒出已前。他軍被圍。或小卻。必驟馬馳救。背負火鎗。一腰刀。二手長矛。及套馬竿。各一技。皆精絕。無虛發。每逼賊。壘視形勢。比賊覺去。已遠。賊中驚以為神。而公雍容恬退。未嘗一自詡也。天性忠孝。自擢提督。於左臂。渾忠。心報國。

字左右。嘗以海燕窩進。公愀然曰。吾母夫人在都。不知能給朝夕否。忍甘此耶。深夜呼親卒與絮語家事。每至泣下。偏禪小校。直入內幄。白事不俟傳宣。治軍紀律嚴。秋毫無所犯。與最下卒同甘苦。德化令進。堯席以士卒皆臥草上。卻之。及薨。軍民逾時悲泣。喪車過南昌。所乘馬服鞍轡。隨行。將入城。忽滿身汗。涇人謂公靈實乘之。云湖南江西及九江湘潭均奉。旨建專祠。公娶于氏。生女一。無子。以弟子永承嗣。其弟莽。阿布先。一年。戰死。獨流軍中。

國朝先正事略 卷二十六 洛臣 忠

此處為空白欄位，可能為原書之留白或印刷損壞所致。

羅忠節公事略

本朝武功邁前古所用皆八族暨東三省勁旅各直省綠旗兵。嘉慶初平定川楚教匪始以鄉勇輔兵之不足然十裁二三耳。迨粵逆起而楚勇湘勇名天下營兵或反為世詎病此二百年來兵制之一變也楚勇始自江忠烈湘勇則自羅忠節公始公諱澤南字仲嶽號羅山湖南湘鄉人幼穎悟十歲能文家酷貧湯苦於學夜無油把卷讀月下倦即露宿達旦年十九喪母明年大父及兄嫂歿二十九長次子及三子皆殤是歲為道光乙未大旱饑疫作公罷試徒步歸夜半啟門則其妻方以哭子喪明時飢甚索米為炊無有也己亥補縣學生年三十有三矣又

國朝先正事略

卷二十六 名臣

八年始食廩餼公自少篤志正學好儒先性理書賀制軍長齡唐太常鑑皆重之制軍延課其子咸豐元年詔舉孝廉方正當事以公應二年粵逆洪秀全等犯長沙縣令屬公練丁設防號湘勇明年侍郎會公國藩奉命督治團防適江西上猶土匪竄桂東檄公進剿行次衡山忽草市寇起眾千餘公會首逆劉積厚等二十餘人進擊桂東賊走之時粵寇圍南昌公帥湘勇赴援既至土賊陷太和安福圍吉安公與劉公長佑往援勦賊解圍遁公追至安福復縣城日夕賊犬至敗之明日又至我軍屢戰一當百斬馘無數敗賊竄入湖南巡撫駱公秉章檄公回剿賊尋遁會承與土寇亂會侍郎檄公往剿戰於油榨墟平

之公初以湘勇三百破安福賊數千與李公績賓分帶中右營共七百人至是增至千人屯衡州再平草市土寇斬首逆王大漢四年夏湘潭賊退公與提督塔忠武公會師東下六月攻岳州公以大橋路為賊所必爭率所部扼橋守三戰皆捷殲賊千閏七月二日破高橋賊壘九賊退踞城陵磯公與塔公乘勝進擊連破賊營三賊宵遁是役也公獨當大橋一面功最偉云尋自臨湘進駐長安驛賊分四路來犯公令偃旂息鼓乘閒突起擊之賊大潰又破賊羊樓崗追至百花嶺再破之佛嶺進屯虎爪市連破桂口大沙坪賊壘復崇陽時武昌賊分黨由金牛入咸甯公擊走之追敗之官步橋又敗之金牛遂進駐江夏之紫

國朝先正事略

卷二十六 名臣

七

坊始會公約諸軍會紫坊及是召諸將至金口議攻武昌策公出所繪圖言紫坊出武昌有二道一洪山大路一沿江出花園當以重兵勤花園而分兵扼洪山防反竄諸將未決公請身任其難遂自攻花園而令塔公出洪山時花園悍賊萬餘築堅壘三一枕大江一瀕青林湖一跨長堤深溝鑿礮列巨礮為固八月二十一日官軍水陸進攻公直趨花園賊憑木城轟拒我軍伏地進分兵奪賊舟數十舟賊退營賊亦亂乘勢踰溝摩其壘同時並下翼日攻鮎魚套賊營川勇卻公擊賊堤上隔溪不能救街口賊乘機出逼公奮擊敗之李公由江岸回援又大敗之賊竄洪山為塔公所勝是夕棄城遁二十三日武漢城皆復距

會議時七日耳鄂城之克實公本謀也九月師出金牛敗賊於沿埠頭克與國塔公復武昌大治遂規取出家鎮鎮居大江北岸與半壁山斜對為上游門戶舊設防兵陷於賊賊更為鐵鎖以截水師而用重兵屯半壁夾江以守十月朔公搗半壁山賊數路來犯公策馬衝陣賊敗奔江邊墜之墮水死者千年初四日塔公造浮橋渡小河為賊所遏賊自半壁傾巢出北岸賊渡江助戰者近萬人偽王坐將臺督戰龍旗黃蓋勢張甚時公所部僅二千六百人眾色沮有潛遁者李公飛騎追三卒回手刃之軍心乃定公令堅伏弗動度賊銳已竭突起急攻賊大潰悉奔半壁山而後路為我軍所扼不得上皆觸石墜崖死凡數千

國朝先正事略 卷二十六 各臣 六

水師亦蔽江下斷橫江鐵鎖燔賊舟四千餘艘火光夜照數十里水陸夾擊田鎮平尋渡江次菩提堤塔公已先至兩次伏賊起皆擊敗之擒斬千三百遂復廣濟十一月進軍雙城驛賊扼險而營一鼓登山平其壘抵黃梅與塔公奪柵入縱火攻之賊竄城復遂進軍濁港遇悍賊解衣出戰堆積市肆間公焚之斬賊千餘生擒數十餘賊退保孔壠驛賊酋羅大綱復從湖口率萬人至公分兵抄襲街口賊賊敗歸壘攻破之大綱逸去是役以五千人破賊二萬賊遂盡撤沿江各營併力守九江矣塔公渡江圍博城公別勦廬山過湖口上援之賊攻梅家洲賊壘不能下會水軍自湖口入彭蠡盡燬賊艘賊亦潛以小舟縱火襲

我外江輜重船水師潰公回駐九江會對岸小池口有賊公與李公率勇千四百人進勦塔公往助之渡江賊大至刃既接我前軍卻公急斂兵歸時十二月二十九日也五年正月北岸賊由黃梅廣濟上犯武昌復失會侍郎入南昌別賊由浮梁陷饒州及弋陽檄公往援勦時公所部分三營李公將左蔣君益禮將右公白將中營唐君訓方劉君希洛各率勇從之三月大戰五里亭克弋陽賊尋陷廣信公壁城西烏石山賊三路來犯公方築壘不為動俟其疲乏乘之大獲翼日賊復大至見我軍不動亦不敢前相持兩時許忽起乘賊大敗之遂四面薄城賊啟東門遁初賊驟至民不及避殺戮甚慘公至不三日復其城士

國朝先正事略 卷二十六 各臣 五

民歡躍焚香遮道迎尋追賊至德興復其城賊趨景德鎮公引軍至賊遁未幾有義甯之役先是賊自崇通陷義甯江西大吏命都司吳錫光往援錫光故驍將至則全軍覆焉及是檄公進勦七月次梁口賊分兩路來拒我軍三伏以待之賊潰伏兵從山後出賊之抄我後者我軍反蹙其後斃賊六七百人越日進駐棋盤嶺以鼇嶺為州城屏蔽急據之嶺距州七里左曰鳳凰山其右最高者曰雞鳴峰峰下即西門擺百貨所藪也軍據此全城在目中秋十四日大戰以二千餘眾殲賊六七千賊奪氣閉城不出次日復戰又敗之盡焚江邊賊壘是夕賊棄城遁義甯既克公上書會侍郎其略曰武昌居吳楚上游九江為豫章

門戶今皆為賊據崇通等處羣盜出沒江西之義甯武甯湖南之平江臨湘均無安枕之日欲克九江必由武漢而下欲克武昌必由崇通而入曾公因奏派公回援武漢而以彭三元曾承堯所部賈勇隸之九月進攻通城得賊萬餘人見官軍至突出薄之公令軍士席地坐無譁待賊逼大呼奮擊斬賊將二人乃崩潰明日破城外三營奪門入克之尋進攻桂口令會攻通城之李原清何忠駿等率平江勇駐守而自率所部克崇陽尋以分兵攻梯木山有濠頭堡之敗公整軍再戰復大捷進攻蒲圻閉道出公安賊初戰不利殊死鬪內薄登城卒克之遂復咸甯自是武昌以南無賊蹤而逆渠石達開自崇陽乘虛入義甯江

國朝先正事略

卷二十六 各臣

李

西賊勢日棘矣十一月師抵紫坊與巡撫胡文忠公會合又會提督楊公岳斌於金口商進取策定議公率湘勇從東路壁洪山南岡胡公從中路壁城南隄上而令九溪營屯金口為水師掎角時賊於武昌城外築堅壘十三高者與城埒公至方修壘胡公亦始至悍賊二萬從十字街出胡公擊卻之旋卻旋至如是者數公與李公潛師出養湖隄分兩路繞抄胡公所部見湘勇至佯敗走賊追之旋反擊則公等已抄出堅壘北遂破十字街營盡殲追賊無脫者於是賊皆縋城入盡毀城東南賊壘公與諸將議曰西路入步街口為我軍通江要路壘不破則軍糧無由達北路塘角為賊通與治要路壘不破則賊糧無由斷遂

造浮橋於鮎魚套進攻入步街以奇兵逼望山門襲賊壘後立平之於是西路賊壘亦盡尋與胡公合力攻城並攻塘角營毀漢陽門外一壘焚其船廠殲賊千城賊由竄出截我軍後路公與李公夾擊之又殺賊數百環西北城賊壘皆盡公以仰攻不易誘賊出城戰設伏敗之殲賊千賊急以大隊衝我伏兵公督兵橫截又斃七八百人是夜賊於望山門外葺石壘二高與塘角沿湖下抄其後公令劉君騰鴻等出洪山之東自率中營出洪山之西夾擊之殲賊千餘賊自此閉城不復出六年正月公率中營移屯洪山絕頂後右各營仍壁南岡為掎角賊乘夜

國朝先正事略

卷二十六 各臣

李

襲中營已摩壘矣我軍架石投之登者皆殲嗣是每夕輒至公設伏痛殲斬首四百賊始不敢復襲營二月賊掘養湖隄劉君騰鴻出勦之及長虹橋遇伏力戰乃敗之公欲分軍扼窰灣賊出爭大戰於小龜山斬級六七百遂以二營駐其地明日賊由武勝門出萬餘人與我軍力戰隄上殲賊數百公追至城下繞城審視賊不敢出二十九日夜有大星隕於西北三月朔大霧不辨咫尺次日城賊出公親搏戰走之已而賊窺我守壘兵少大舉來犯公追賊至城下賊礮如雨中公右額裏創戰逾時歸而劇甚日夜危坐不寐越三日病甚不能起語諭諸皆時事口占忠義祠楹聯使人書之忽開目索紙筆仰臥書曰亂極時歸

得定繼是有用之學初八日晨起汗出如瀉握胡文忠手曰武漢未克江西復危不能兩顧死何足惜恨事未了耳其與迪菴好為之迪菴李忠武字也語畢而瞑年四十有九公貌樸氣沈究心濂洛之書通知世務期見諸施行在軍毅然以滅賊白在所部將弁皆其鄉黨信從者故所向有功前後克城二十大小二百餘戰其臨陣以堅忍勝如其為學或問制敵之道曰無他觀大學知止數語盡之矣左氏再衰三竭之言其注脚也烏虜此所由能以書生摧巨寇率生徒子弟數十人轉戰大江南北使湘勇之名遠出營兵上羞武夫之顏關其口而奪之氣而與忠烈江公同張大國楚也歟公初以團練敘訓導晉知縣平安

國朝先正事略 卷二十六 各臣

三

履晉直隸州知州克岳州擢知府 賞戴孔雀翎武漢克復遷道員尋授浙江甯紹台道以田鎮戰功加按察使銜克廣濟黃梅 賞葉普鏗額巴圖魯名號凡勇號皆由外請此出 特恩異數也義甯之役加布政使銜死事狀上 優旨照巡撫陣亡例 賜卹父嘉旦 賞頭品頂戴子兆作兆升均 賞舉人 詔湖南湖北江西各建專祠 賜祭葬 子諡忠節同治元年 詔湖南巡撫遣官卽家 賜祭一壇三年克復金陵 特旨加雲騎尉世職所著小學韻語一卷詩文集八卷行於世周易附說讀孟子劄記西銘講義人極衍義 皇輿要覽彙藏於家

李忠武公事略

公諱續寶字克惠號迪庵湖南湘鄉人沈毅寡言笑身長七尺膂力過人習騎射能挽三石弓羅忠節公講學里中公折節受學依依不去咸豐三年忠節募勇殺賊公奉父命往佐之所練鄉兵號湘勇從平桂東土匪未幾粵賊圍江西行省侍郎會公國藩檄忠節往援公佐謝君邦翰將右營邦翰邑諸生故忠節弟子抵江西戰死公代將其營所稱湘右營者也會土匪陷太和安福圍吉安遂同解吉安圍太和安福賊皆敗潰復馳勦永新事平議敘從九品師旋假歸甫三日趨衡州勦賊油榨墟進復永興次郴州敘功進縣丞初公所部僅三百六十人至是迺

國朝先正事略 卷二十六 各臣

三

撫駱公秉章命增為五百人明年駐衡州平常甯土匪時湘潭賊敗竄曾公統水陸軍東下檄湘勇從六月抵岳州壁大橋時湘軍兩營才千人分防入路賊日夜來犯提督塔忠武公約會攻賊巢兵始交我軍小卻賊追騎大至公左右止數人戒曰毋走徐行陟山岡賊不敢逼已而我軍漸集公親搏戰斬大旗賊數人餘賊爭登山公曰是可取也手劍策馬大呼而進斬賊目一人奪其旂迫北十餘里明日塔公至營指所部贊曰好勇好勇與公語良久嘆曰名將也公自隨羅忠節從軍循循弟子列退然若無所知人無有異之者至是始以知兵聞時官軍日與賊戰斬馘數千公與塔公曰連旬戰賊不得擄掠食且盡可乘

機薄其學明日遂進兵風雨驟至眾欲退公曰天助我也與塔
公並轡督戰頃刻破數十壘岳州平權知縣賞戴藍翎八月
同羅公克崇陽咸甯進規武昌二十一日破花園堅壘及鮎魚
套賊營明日克武漢語在羅忠節傳公擢直隸州知州賞花
翎九月同克興國州擒偽進士胡萬智斬之十月進攻半壁山
賊巢時南北兩岸賊無慮十萬鐵鎖橫江賊舟腐聚數十里塔
公師抵高池口以賊阻浮橋不克濟相勇及賈勇僅二千六百
人軍士多失色逃者三人公飛騎追還揮淚斬之軍心乃固遂
日大戰殺賊數千積其巢遂破田家鎮擢知府賞摯勇巴圖
魯名號授安慶知府當是時公知兵之名震天下初陞師分南

國朝先正事略卷二十六

各臣

西

北進勦楊制軍需勦北岸公隨塔公羅公勦南岸會公督水師
循江下僞丞相羅大綱守廣濟黃梅設卡壘數十田鎮破後僞
燕王秦曰綱檢點陳玉成皆往附之勢張甚總督不能前塔羅
兩公乃渡江北勦公率為軍鋒每攻壘與塔公逼賊壘十數丈
席地坐礮彈如雨下談笑自如若忽躍起曰進則橫厲無前當者
輒碎遂復廣濟及黃梅敗賊濯港再敗賊孔壘驛抵湖口敗賊
梅家洲知九江未可驟下從羅公移營廬山十二月水師陷入
彭蠡湖外江失利小池口賊勢復張湘軍退回九江公憤甚請
於會公自率千餘人以歲除前一日渡江攻小池口僞城塔公
亦率二十人偕往因眾寡懸殊戰不克比暮始收隊而塔公獨

未返公涕泣不食誓渡江再決死戰明日塔公竟覓舟返無恙
時除夕三鼓矣明年二月武昌復陷當賊之從江北上竄也公
知北岸官軍不能敵建議分南北兩軍夾江而勦令塔公益募
勇三千合得軍五千專勦南岸別選大將率得軍三千益募勇
五千直趨漢口勦北岸南北各自為戰一圖安慶一圖金陵庶
大局克有濟會公聽其言將以北岸屬羅公以餉繼不果亡何
會公入江西饒廣告急檄湘軍援饒師抵章門則饒匪已陷弋
陽三月偕羅公進勦敗賊大水橋復弋陽城賊趨陷廣信追擊
之三日而城復移軍景德鎮會義甯州陷江西省大震七月進攻
義甯奪營嶺賊臨賊大創棄州城遁語均詳羅公傳得旨記

國朝先正事略

卷二十六

各臣

東

名以道員用八月同羅公回援武漢克通城崇陽而岳州警報
忽至公分兵趨蒲圻之羊樓崗會李君杏春彭君三元戰死崇
陽之濠頭堡眾議馳救公曰死者無及矣生者必來歸賊乘勝
遠圖利在速戰宜堅守以持之俟其疲乃可擊也明日賊至我
軍憑壘固守比暮賊將休公揮眾突之賊大潰追北至蒲圻翼
日復其城並復咸甯詔加公鹽運使銜帥師趨武昌壁洪山
十二月破塘角賊壘分壁小龜山六年二月與劉公騰鴻扼竄
灣斬敵數千屢戰皆捷忽羅公中礮卒當是時軍中新失大帥
人情洶洶賊乘機築壘保安門外礮子及五里墩大營湖北巡
撫胡公林翼奏以公總督諸軍公涕泣受命遂掃平保安門賊

聖而江西瑞臨撫建等郡賊蔓延北及崇通菡咸西及瑞昌皆
 陷賊乃分湖勇四千屬會公國華劉公騰鴻等由咸甯進剿賊
 謂知之屢出城來犯公敗之春湖隄又敗之小龜山雙鳳山秋
 七月偽翼王石達開率援賊大至城賊將應之公分兵駐魯家
 港防援賊遣壯士數百人執所奪黃旗誘城賊賊信為援至出
 城夾擊伏起殲賊過半及援賊既至禦之魯家港鏖戰三日城
 賊鑑前失疑懼不敢出援賊遂敗奔迨至小龜山斬首八百別
 將與城賊慶關賽湖隄公率師援之賊望其旗幟奔入城自是
 堅閉不出公募民夫開濠掘江水入湖為長圍斷賊接濟賊益
 困十一月二十一日武昌復得旨以按察使用尋分兵追剿

國朝先正事略 卷二十六 名臣 美

克武昌渡江克黃州旋渡江克大冶與國遂直搗九江林啟榮
 者賊中最悍酋也前歲塔公圍攻時堅守弗下至是仍率眾死
 守夜無更柝望火城以內人聲寂然官軍潛薄之鎗礮聲下
 七年正月公用攻武昌法關濠困之賊出城阻截閱數月濠始
 成四月皖賊上犯號十萬犯蘄州及黃梅羅田公分兵援蘄州
 賊稍退六月賊傾巢上犯蘄黃告急賊於廣濟童司牌築壘伺
 我軍公渡江勦平之八月破小池口偽城仍回九江先是四年
 秋賊奪江西戰艦沈塞湖口築壘石鐘山為浮梁鐵鎖阻官軍
 隔岸梅家洲轟偽城環巨礮我軍仰攻不利其年十二月水師
 陷入內湖會公益治水軍章門檄彭公玉麟統之水軍復振至

是袁吉瑞臨以次皆復眾議會剿九江公謂九江賊恃湖口相
 倚角不拔湖口九江不可得也乃定計水陸夾攻湖口九月八
 日公遣其弟續宜率馬步軍攻梅家洲偽城躬率師揚言勦宿
 松瀾四下迂道入里江伏湖口後山士卒皆捫蘿上犁旦彭公
 率戰舟攻湖口東游擊黃君翼升率戰舟攻梅家洲提督楊公
 岳斌夾擊下鐘山賊方悉銳拒公率師從山椒破空下賊大
 驚遂盡殲其眾湖口立復梅家洲賊棄城遁於是內外水師始
 會合乘勝復彭澤夷小姑洲偽城得旨除浙江布政使返九
 江適臨江逸賊竄興國冒雪遣兵往援擊走之八年春水陸晝
 夜攻九江賊守益堅我軍穴城崩為磚石所壅至稍遲賊旋

國朝先正事略 卷二十六 名臣 老

堵禦公令壯士數百人擁盾自蔽先夕伏城濠四月七日地雷
 復發勇自濠內奮呼登城城立復殄賊數萬無脫者啟榮死亂
 軍中礮其屍九江平加巡撫銜賞穿黃馬褂許專摺奏事功
 九江之破也公弟續宜率師攻麻城未合圍公以九江師益之
 躬請假歸省甫抵鄂而悍酋陳玉成由安慶糾潛太英霍賊分
 擾蘄黃警報日數至未幾賊開道陷黃安續宜分兵馳援不下
 公聞警取道黃陂約夾擊敗賊黃安門外賊遁麻城賊亦不戰
 走乃還鄂時皖中糜爛奉命越境勦皖詔將軍都興阿總
 兵鮑超率馬步軍由宿松趨安慶公由英山趨太湖乃令續宜
 駐軍鄂渚自帥八千人啟行議者謂出境勦賊宜益兵為四翼

各三四千人。而自帥中軍五路並進。公以餽餉難之。會公奉詔。墨經起視師。與公會於蕪州。公遣將朱品隆唐義訓分千人為之衛。議者又謂宜調鄂中守礪勇。以換雷防九江彭澤之湘軍六千人。隨同勦皖。公以吏調需時。日即率守礪勇以行。抵太湖。適署皖撫李君孟羣師潰廬州。諭公及都公改道援廬。公與諸將議曰。由太湖救廬。凡數百里。廬已陷。師至緩不能濟。急且太湖圍撤。賊由豫北竄。是腹背受敵也。遂決計取太湖。掃蕩桐舒等縣。直趨廬州。時咸豐八年八月也。是月克楓香驛小池驛賊巢。復太湖。乘勝復潛山。遂進擣三河集。三河集者。廬州要害也。賊築城。傅以九壘。用悍賊數萬守之。三河破。然後可進。規

國朝先正事略 卷二十六 各臣

天

廬州自克桐城後。公令總兵趙克彰率六營守之。又命副將謝永祐守舒城。於是所部僅五千人。九月二十八日抵三河。十月二日破賊九壘。斬賊數千計。忽僞英王陳玉成自江浦六合率大隊來援。僞侍王李世賢自廬州糾捻匪來援。眾十萬。連營金牛鎮白石山等處。烽火互數十里。諸將議退守桐城。公曰。軍事有進無退。當死戰。遂飛檄各防軍來援。未至。初九日。援賊蜩集門口。我軍迎擊至黎家渡。突遇大隊賊。天大霧。賊用眾技擊我軍相繼潰。副將劉神山參將彭友勝游擊胡廷槐鄒玉堂杜廷光等先後戰死。公傳令軍中嚴守牆壘。無何各壘皆破。連同丁銳義馳入湘右營。誓同公死守。或勸突圍出。圖再振。公曰。軍興

九年皆以退走損國威。長寇志。吾當縱橫血戰。多殺一賊。即為國多除一害。且吾前後數百戰。每出隊。即不望生還。今日固必死。有不願從死者。請各為計。諸將士皆曰。某等願從。公死日暮。賊攻益急。公上馬開壁馳擊。殺賊數百人。夜二鼓。總兵李續壽副將彭祥瑞率屬越壘衝出。賊遂踞其壘。決河隄。斷我軍去路。公知事不可為。具衣冠望闕叩首。取所奉廷旨及批摺焚之。曰。不可使宸翰辱賊手。乃躍馬入賊陣。身被重創。見黃旗。知為賊渠。曰。此吾畢命處也。馳入死之。同知曾公國華知府何君忠駿知州王君揆一同知董君容方知縣楊君德閻從九品李君續藝張君溥萬皆殉焉。道員孫君守信與丁君銳義

國朝先正事略 卷二十六 各臣

天

猶激厲士卒死守。中右營至十二日。水火俱盡。營陷。皆死之。是役也。文武官弁死者數百人。兵勇數千人。而中右一營為尤多。云事聞。上震悼。手敕曰。詳覽奏牘。不覺隕涕。惜我良將。不克令終。尚冀忠靈不昧。再生申甫。以佐予也。又詔曰。李續賓當賊犯長沙時。首倡團練。自後赴援江西湖北安徽等省。皆親歷行間。身先士卒。七年中。先後克復四十餘城。大小六百戰。所向無前。一時諸將中。無與倫比。朕以其威望素著。特命幫辦安徽軍務。方冀肅清皖北。淨掃狂氛。乃因進圍廬郡。先勦三河。苦戰旬餘。殺賊逾萬。適江浦六合廬江逆黨大股來援。以五千兵勇當十萬

之賊將士傷亡從容赴義其忠勇義烈之氣雖死猶生實深悼惜其加贈總督卽照總督陣亡例賜卹入祀昭忠祠其父登勝可給一品封典並賞銀五百兩子光久光令賞舉人服闋後送部引見並於湖北江西安徽湖南湘鄉各建專祠事蹟宣付史館以示朕哀恤蓋臣至意尋 賜祭葬 予諡忠武公崛起田間以平賊自在選士以知恥奮勇撲誠敢戰為上每臨陣安閒靜鎮不苟接刃尤能以少擊眾大小數百戰未嘗挫衄在軍號令嚴明所至百姓懽迎耕市不擾轉戰江鄂時所過州縣不見客不索供張廣坐中言不輒發他將多以氣節相高公默然深藏恆曰事由心定毋張皇性至孝克九江後乞假省親既不果

國朝先正事略

卷二十六

各臣

三

乃為迎養計其父以書報之曰軍事方殷見當壹意報國勿以我二人為念公省書掩涕及拔營握胡公手痛哭曰吾無由復見父母也左右皆感泣軍中所餘廉俸不以寄家嘗資助會公營中及彭公玉麟水師營曾公國荃吉安營約二萬兩而元度時駐軍貴溪餉罄盡公亦以五千金寄助焉與諸帥共事和衷商榷胡公撥撫標兵萬人隸公戲下皆心服樂為之用其臨陣專以救敗為務顧大局為先遇賊則讓人禦其弱者而已當其悍者分軍則以強者予人而弱者以自隸江楚兩軍每言肯接帶弱兵臨陣救人者塔忠武後公一人而已公薨年四十一舒城難民覓其遺骸送霍山大營同治元年 詔湖南巡撫

遺官卽家 賜祭三年克復金陵 賞二等輕車都尉弟續宜字希庵以戰功累官至安徽巡撫卒諡勇毅

國朝先正事略

卷二十六

各臣

三

鄧忠武公事略

公諱紹良字臣若湖南乾州廳人父士儼以歲貢任平江訓導行誼稱一時公自幼以將略自許充屯弁補鳳凰廳把總道光二十二年從征崇陽身被數創裳甲盡赤以功擢千總晉守備李沅發為亂新甯公帥五百人追賊深冲洞賊悉銳逆戰公搗戈直前所部從之賊辟易仍據險旅拒公命將士乘晦銜枚登山噪而馳賊驚潰不知所為蹂踐死者無算遂生擒沅發檻送京師賞揚勇巴圖魯名號換戴花翎擢都司二十九年粵賊洪秀全起金田屢敗官軍提督向公榮檄公往與為犄角連敗賊索潭陶鄧墟賊竄潯州駐大黃江公麾兵渡對賊壘而軍別

國朝先正事略 卷二十六 名臣 三

賊數萬自牛排嶺來會公引精騎五百橫衝其陣張左右翼繼之兩路賊皆敗咸豐元年夏公躡賊至象州之謝官村賊巢環左右皆山公選壯騎奮而上慶戰箐谷中奪其隘破走之乘勝追至永安州賊迎戰死鬪斬一酋陣稍動遂大敗論功以游擊升用旋授楚雄協副將二年春賊由大洞竄桂林公空壁追躡一日夜馳三百里屯西城賊百道攻城不下解圍去遂入楚躡道州諸路賊俱響應勢大振連陷江華永明嘉禾桂陽據郴州公迫及與諸軍壁其三門相持月餘賊乃逸由永興徑犯長沙據城西南隅民舍為窟穴日鑿隧道達城下隱隱有鋤鑿聲巡撫張公亮基急檄公入城往來策應九月二十九日魁星樓側

地雷發城圯十數丈賊蜂擁綠陣上公率敢死士躍而前礮洞右臂血淋漓不少御與賊搏戰移時殪先登悍賊百餘餘奪氣散走督兵累土城復完賊知城堅不可下率全隊渡湘而西陷岳州直趨武昌公卷甲疾馳尾賊三年春奉旨擢壽春鎮總兵隨授江南提督赴鎮江勦賊屬援賊大至公兵不滿千環顧無後應遂奔上疏自劾詔褫職仍命助攻金陵公率所部由雨花臺直薄神策門斬獲甚眾欽差大臣德興阿擬奏請公幫辦軍務向公尼之授公五百人令援東壩公單騎直搗賊營膽目大呼賊眾潰亂又遮敗之采石嗣駐軍黃池賊引眾自蕪湖奄至公及其未定掩擊之斬賊無算追奔二十里詔賞

國朝先正事略 卷二十六 名臣 三

三品冠服並花翎命赴徽州援至則選精兵伏要隘獨以數騎善敵賊易其少薄之陽北伏發賊敗走以次復發源夥石埭蕪湖諸縣上嘉其功復提督銜六年春詔授揚州督兩江率精銳薄城環攻六晝夜奮身先登及堞而墜者數四誓必拔卒引卒上克之詔授浙江提督幫辦皖南軍務攻賊三义何拔其柵會南國陷倍道往援先部兵駐金珂橋扼賊旁麓大敗之東溪橋進次望牛墩毒其汲道賊以數千人來挑戰公堅壁不出俟近偏外據乃縱擊之斬悍賊數百復潛師襲取七里崗遂薄城下毀羊馬牆賊棄城走旋進兵繁昌營老鴉山賊猝至顧一酋統

甚躍馬刺之賊大潰追收之何家灣公念南國為浙藩離而涇
 尤皖南咽嗑遂屯兵邊具衝相持至兩載賊死爭不能入尺寸
 八年春公進壁灣沚賊糾捻寇數萬復踞黃池公亟馳往出賊
 不意大破其眾又敗之蒲塘夏村間賊從奎潭遁追賊之施家
 渡時賊尙眾若鴉山南分三道來攻公亦分三道應之賊大披
 靡會浙事急先後分兵赴援賊乘虛突襲我橋石橋不守灣沚
 腹背受敵援師至自金陵者復一戰潰賊騎四面以騰之公具
 衣冠北面再拜舉火自燔其營死而浙遂不能支矣事聞
 上軫悼賜祭葬命建專祠賞騎都尉兼一雲騎尉世職
 贈太子少保子諡忠武哀公三代如其官嗚呼自賊起粵

國朝先正事略 卷二十六 名臣

西長驪而東穴有江左獨賴吾湖南下水軍輪糧楫舳艦銜江
 千里相望不絕用能乘機逐利收奪失土以成王誅克夷大難
 然當前嬰城時穴火發賊呼噪乘城非得公奮身獨蔽陷處抵
 擊之城其危矣保一隅遂全天下之功其偉矣哉雖不幸賈
 志殞未獲成大功享有茅土而比年荷社稷之靈諸干城之力
 卒平僭亂草薶之無遺種公亦可以無憾矣公卒年五十有八
 子亨先襲世職敘光祿寺署正

胡文忠公事略

公姓胡氏諱林翼字鳳生號潤芝湖南益陽人父逢源嘉慶己
 卯一甲三名進士官少詹事公九歲省詹事公京師即授以儒
 先性理書而公少負才氣不甚措思也道光乙未舉鄉試明年
 成進士選庶吉士授編修庚子分校會試其年秋副文端公文
 慶典試江南因事降一級調用明年父憂歸服闋援例為內閣
 中書捐升知府發貴州署安順府事道光之季寇亂漸萌嶺嶠
 以南駱越滇黔諸山中奸宄亡命狐嘯梟嘯四出劫掠句結營
 兵胥役為黨羽無敢捕治安順宋普里部也當雲南驛路向有
 冒頂大五小五諸匪聚眾為姦暴公廉得其狀延訪士紳寄以

國朝先正事略 卷二十六 名臣

耳目偵知賊黨以歲除醱飲某所公親率健捕馳至其地獲著
 名渠魁奈饒貴等其黨無一脫齋在安順年餘先後擒巨盜三
 百有奇一郡肅然日坐堂皇訟牒至立與剖斷積案至三百
 餘牘倡修義學十數區接輯節孝八百餘人彙報請旌建總坊
 通衢稟裁書吏規費安順二百年有司詳報節孝自公始調署
 鎮遠府府境跨有無沅所屬皆苗獠其台拱清江黃平皆盜藪
 勢尤橫公治之如安順盜幾盡歲饑開倉平糶清社倉之被侵
 蝕者奉檄帶兵剿黃平革夷山等處苗匪獲盜首保鷲等三百
 餘名悉平其寨以勦匪功賞戴花翎會湖南新甯奸民李沅
 發為亂奉檄赴黎平防堵事竣得旨補缺後以道員用

文宗即位。詔大臣舉司道以下可大任者。雲貴總督吳文節公文銘。貴州巡撫喬公用遷。皆以公名。應旋署思南府事。咸豐元年。補黎平府。府境毗連湖南粵西。山深箐密。盜出沒剽奪。捕之輒越境竄。公至日。延紳民及椎結左衽諸渠。率賜以酒食。詳詢民情地勢。令相連為堡。擇立鄉正團長。牌長。互相稽覈。捕治諸不法者。是時廣西賊大起。永甯懷遠融縣環黎平西南界。皆賊公募壯勇扼隘防堵。辦團練千五百餘。築建礮卡四百五十餘。連屯相望。上言督撫請環邊要隘築堡守禦。以為言戰不如言守。用兵不如用民。民力以自衛。不如先用地利。以衛民。郡城故無儲積。勸富民捐穀置倉。以備城守。自後黎平疊被攻。

國朝先正事略 卷二十六 各臣

素

撲城卒不可拔。皆公練勇儲粟力也。三年秋。獲安榔匪滋事。以抗糧為名。公以計解散脅從。而誅其首犯劉瞎麼。餘匪悉定。先是粵逆出永安犯桂林。道邨桂茶攸犯長沙。東下湖南。巡撫張公亮基調公辦軍務。黔撫以公現辦黔匪。關全省大局。奏留之。至是吳文節公由雲貴總督調任湖廣。仍調公帶勇來楚辦軍務。而王御史發桂亦言公捕盜鉏奸。饒膽識所練勇一可當十。請留楚帶勇剿賊。四年春。補貴東道。公以黔勇千人行次通城。而吳公已戰沒黃州。賊遂陷漢陽。以舟師上犯。陷岳州。湘陰甯鄉。徑趨湘潭。湖南巡撫駱公秉章調公自平江通城回援省城。會忠武公塔齊布及楊公岳斌彭公玉麟已破賊湘潭。而安化

土匪黃國旭等乘機抗糧為亂。檄公往捕。計擒之。而賊之敗於湘潭者。悉所掠舟趨常德。公以所部赴剿。尋授四川按察使。仍留辦防剿事。是年。今協揆曾公國藩大治水陸師。東征公從下岳州。巡撫駱公奏請免隨東下。仍駐岳州。授勦崇陽通城餘匪。調湖北按察使。秋。曾公復武漢。破田家鎮。進圍九江。檄公會討。公自咸甯蒲圻大治興國東出瑞昌與羅忠節公澤南勦賊。湖口之梅家洲。五年春。湖廣總督楊需之師潰於廣濟。賊悉眾上竄。公請於曾公。以所部千餘人回援武昌。別以副將王國才一軍隸之。未至漢陽。失公先以軍營沌口。檄國才軍由南岸趨武昌。會授湖北布政使。甫半日。城陷。國才至。偵得城賊暗號。即夜遣驍將詐為賊裝。賺入城。殺賊目數十。城幾復。天曙。賊聚益眾。公會卒不能濟師。乃令國才退營金口。與彭公玉麟水師相倚。扼賊使不得上犯。旋奉命署湖北巡撫。時武昌三次淪陷。公公私掃地。赤立無可措手。公以謂不攻漢陽。則荆襄梗塞。不攻武昌。則咸蒲崇通。愈形滋蔓。乃添募兵勇。兼顧南北兩岸。賊謀襲金口營。斷官兵餉道。公分兵為三路。設三伏。親率大隊旋繞之。殲賊七百餘。生擒偽丞相陳大為等。五月。賊分六路來撲。公道將分路追剿。用伏兵抄襲賊尾。賊敗退屯紙坊。我軍進搗其壘。忽南風大起。礮齊發。賊狂奔入城。是役也。擒斬千餘。淹斃者無算。官軍直逼小東門。於紙坊金口犄角立營。賊伏不出。七月。

國朝先正事略 卷二十六 各臣

素

無算。官軍直逼小東門。於紙坊金口犄角立營。賊伏不出。七月。

由金口渡江以火龍船毀賊浮橋水陸夾攻遂克漢鎮公親冒
矢石奪大別山賊卡未克會別賊由漢川至焚漢口公軍已一
月不得食至麥山飢潰不數日整軍復戰移營大軍山分駐新
堤嘉魚其時水陸萬人多新募賊至常數萬見者奪氣公從容
談笑雖挫而其氣彌厲州縣殘破餉源絕文移指撥多不時應
為書告鄰省求助情詞深痛人感其誠稍資濟之旋發其私家
之穀濟軍食是年秋羅忠節公破賊江西之義甯州以武昌居
天下衝長江險要所必爭上書會公請赴援會公以塔公舊部
彭三元普承堯等軍佐之連克通城崇陽蒲圻咸甯公親會羅
軍於蒲圻併力擊賊夷其壘因偕回金口與楊公岳斌議水陸

國朝先正事略

卷二十六

各臣

五

進攻策於是公率所部及普君承堯唐君訓方諸營由中路由
省城之南駐營堤上羅公由東路駐營洪山南岡兩九路營兵
馳金口護水師以當西路敗賊於五里街再敗之賽湖堤復分
兵攻漢陽敗賊於龜山尾湖堤等處其鮎魚套賊艘亦被擊沈
自是武昌以南無賊蹤而督帥官公以吉林精騎合眾軍營北
岸餉道日通軍勢亦日振六年三月羅公以攻賊受創卒時與
賊相持急日夜搏戰不少休而軍中新失大帥公與故浙江布
政使李忠武公續賓拊循而整飭之氣益壯先是悍賊石達開
由崇陽入江西連陷瑞州臨江又南出吉安東趨撫州建昌江
西郡縣無完土屢告急請援羅公一意規復武漢不暇應至是

公念江西方棘而武昌猝不可復乃遣劉君騰鴻普君承堯出
瑞州應援而會忠愍公國華統其軍糧並資給焉五月九
日賊古隆賢領萬眾由葛店油房嶺後路援武昌約城賊舉火
為識夾攻我營公謀知之陽為賊火城賊果出撲伏發奮殲殆
盡乘援賊初至遣兵連夜薄之賊敗走七月石達開自金陵來
援號十萬公分派水陸力戰都統舒保公領馬隊自江北來大
破之平魯家巷賊壘四毀東湖賊艘七十有奇燔賊巢八十餘
處追逐百餘里會襄陽土匪起連陷樊城穀城光化竹山與山
遂與川匪合陷宜昌公遣舒公及唐公合數營往平之有議撫
者公不謂然而事亦遂定時武昌賊窘公先與李忠武於塘角

國朝先正事略

卷二十六

各臣

五

密濤洪山青山等處掘長壕固守其魯家巷花園五里墩石嘴
亦如之賊不得出援賊不得入我軍安坐以待賊糧之盡遂
以十一月克復省城殪賊萬計生擒偽檢點古文新等十四人
先鋒悍賊八百餘並逆黨五千餘得旨賞頭品頂戴實授巡
撫遂分兵收復武黃各縣屬餘賊遁入九江北岸之小池口公
計江楚唇齒相倚而九江扼長江之衝實江楚門戶九江一日
不復江楚一日不得安枕乃令李忠武率全部圍之分兵駐黃
梅廣濟蘄州間以遏江北賊而公自駐武昌調度當是時官私
廬舍焚毀幾盡諸事草創公一意振興裁通省浮勇以節糜費
設武漢重兵以固根本慎選賢良與民休息設清查局查被欺

後州縣倉庫錢糧交代設節義局表章歷年殉難官紳士女設軍需局籌備器械餉糈拏捉網維巨細畢舉尤以亂民之生由法度廢弛吏做民媮因循苟且以有今日不務討賊則亂之流不塞不務察吏則亂之源不清劫鎮道丞守以下數十人與屬吏更始禁應酬嚴奔競崇實黜華於是在官者稍稍推廉尚能知吏事矣其籌餉有三曰錢糧曰鹽課曰貨稅湖北漕政久做官民交困道光中葉以還徵收常不及半公三次奏減章程民以是輸將足額湖南北自淮鹽阻絕率食川鹽公分置課鹽局於宜昌沙市又推行武穴老河口等處視向來額課過之仿劉晏用土人法設局各市鎮推收釐稅嚴杜中飽弊自是湖

國朝先正事略

卷三十六

各臣

聖

北兵與餉強天下七年悍賊陳玉成自皖北上犯蘄州諸營敗潰賊徑趨蕪水武昌大震公急渡江赴黃州收潰卒得數千人而賊眾十餘萬環巴河以東百餘壁互數十里時巴水大漲惟三台河有石橋可通公念賊渡河則勢蔓延急派千人斷橋扼河以守而潛師出迺龍山遏其上竄督諸軍合擊於孫家嘴馬家河等處賊大敗狂奔出境斬廣肅清會將軍都興阿公及李忠武公亦連破黃蘗之賊公視師九江定方略還省會提督楊公克小池口偽城次第收復湖口彭澤東流各縣九江勢遂孤壘長壕圍之八年四月李忠武穴九江城發地雷破之礮偽貞天侯林啟榮等啟榮竊據四年餘塔忠武羅忠節屢攻不下至

是乃悉獮無遺種

上嘉公調度有方加太子少保賊旋由六霍商城陷羅田麻城黃安遣兵分道擊之復其城公以九江既復安慶在所必爭奏請數路進攻楊公以水師出江面都公由宿松望江逼安慶城為圍師李忠武規復太湖潛山桐城與都公犄角會廬州失陷北路請援急忠武奉旨催促遂分營畱守舒桐自提五千人赴援軍次三河賊四面圍集力竭戰沒全軍陷焉公時丁母憂回籍都公以三河之敗由公去軍無調度請急起公視師總督官公亦疏請公聞命痛哭起行徑次黃州時各軍退保黃梅人心惶惶聞公至皆以手加額自壯九年二月進營上巴河整

國朝先正事略

卷二十六

各臣

聖

飭部伍謀大舉會石達開由南贛犯湖南掠郴桂而西趨寶慶號稱六十萬湖南告急公命李公績宜率所部往援而以都統舒公馬隊三百佐之又以水師三營佐湖南水師分扼諸河道寶慶圍速解公之力也己而協揆會公由江西奉入川之命總督官公奏請與公併力圖皖乃定四路進兵策會公循江而下為第一路多公與鮑公超攻取潛山太湖為第二路公出英山霍山為第三路李公由松子關出商城固始為第四路議者以鄂撫應駐黃州不宜出境公謂我奪情起復不赴前敵討賊則此出為無名十月移營英山時太湖圍師方集逆首陳玉成來援眾數十萬多公鮑公等悉力拒戰賊來日眾圍鮑公營數

重聲息不通。公調金觀察國琛以八千人自松子關。關英山。踰潛山之天堂。橫出。冒大雪。憑高築壘。表賊師而陣。賊聞見之大。懼而會。公亦自宿松遣師來會。十年春。合擊賊於小池。驛大破之。遂復潛太。命諸將分下會。金陵師潰。蘇常皆不守。會公授兩江總督。攜鮑公渡江。次祁門。謀經理徽甯。為規復蘇常之本。乃以會公國荃圍安慶。多公圍桐城。李公駐青草塢。為兩軍援地。廣軍分而將軍都公又奉旨赴援淮陽。公悉力經畫。問兵事。曰。惟我任。問餉事。曰。於我取。一無所諉。於人。十月。多公李公大破援賊於挂車河。公忿安慶久不下。自英山移營太湖。就近部署。度賊援皖。不利。必謀深入腹地。以牽動諸軍。於潛桐舒霍山。

國朝先正事略 卷二十六 各臣 聖

險。建立礮卡。守以民兵。命副將余際昌屯霍山。防中路。總兵成大吉屯羅田。防北路。戒以賊至。勿浪戰。堅守待援。十一年二月。賊果合捻匪。由六安霍山分路西犯。成總兵破之。松子關。賊其魁龔瞎子。霍山守者達節度。戰敗。軍潰。賊取其旗幟。陷黃州。德安。孝感。隨州。公策賊西竄。意在解皖。皖圍解。則大勢全去。墜賊計。非宜。乃定策。遣李公回援。而圍皖益急。賊復分股回。略蕪州。斬水黃梅。廣濟。以趨安慶。約城賊夾擊。精悍皆聚。公檄成。總兵下援。會公亦從南岸遣將破賊集賢關。剷平赤岡嶺。賊壘四座。悍賊數千悉斬之。磔逆首劉鎗林。而援賊之由桐城來者。又連為多公所殲。蓋安慶為金陵屏障。久陷賊中。偽英王陳玉成。

據為老巢。室家在焉。故救之不遺餘力。及見我懷桐。潛太之師。皆屹然不動。鄂疆雖暫被援。而黨分力弱。兇悍被殲。城中糧已垂盡。勢大蹙。適南岸賊復由武甯義甯內犯。與國大治。南及崇通省城。岌岌。公病嘔血。憊甚。率師回援。而皖圍終不解。既抵省。南岸賊聞風遁。八月朔。遂克安慶。會公以力主圍皖之議。推公首功。詔加太子太保。予騎都尉世職。桐城廬江舒城。以次攻下之。而孝感德安黃州各郡縣賊。亦先後擒斬。楚境旋清。而公則嘔血不止。病不可為已。

文宗皇帝遺詔至。公攀慕悲泣。病益劇。遂以八月二十六日薨於武昌節署。年五十。遺疏入。優詔悼惜。追贈總督。照總督例。

國朝先正事略 卷二十六 各臣 聖

賜卹。入祀賢良祠。湖北及湖南原籍。均建專祠。子子助。侯。及歲時。由吏部帶領引見。未幾復奉諭。胡林翼戮力疆場。助勞懋著。數載以來。恢復本境。援勦鄰氛。整軍經武。以死勤事。允宜亟予褒揚。著宣付史館。以光簡冊。胡子勳。賞舉人。一體會試用。示朕篤念。蓋臣至意。尋賜祭葬。諡文忠。同治元年二月奉旨。賜祭一壇。並命原籍督撫。遣官前往家祠。賜祭。公狀貌英偉。目閃閃如巖。下電威。稜。懾人。聰敏。敏。給事。至。應機立斷。無留難。苟當理。艱煩。重大。毅然。自任。不以例。交拘束。自言守鎮遠。黎平。諸劇郡。捕治盜賊。為民興利除害。皆默自程課。惟恐犬吏。聞有所牽掣。清釐。湖北。漕糧。議者以州縣公私取給。積弊且二百。

年不宜驟革。公手自釐定。以部定漕折爲率。因其地之肥磽。之繁簡。加重輕焉。歲爲民間省錢百四十餘萬。緡爲庫項增銀四十餘萬。兩提存節省銀三十餘萬。兩民與國兩利而爲州縣裁革。陋規幾盡。使有以自給。故亦無怨者。籌辦鹽課釐稅。皆白定章程。所派官紳各視才地所宜。時加手書訓戒。綜覈名實。精力絕人。每於理財之中。暗寓察吏之法。謂取民贍軍。使商賈同仇敵愾。卽以教忠使局員潔已奉公。卽以興廉。又時時戒飭屬吏。俾知稼穡之艱難。知小民之情僞。其治軍務明紀律。尤加意將才。曰。爲統將必明大體。知進退。緩急。機宜。其次知陣法。臨敵決勝。又其次勇敢。此大小之分也。又曰。兵之器者。無不罷將之。

國朝先正事略 卷二十六 各臣

器

貪者無不怯。觀其將知其兵。觀其兵亦知其將。生平以天下爲己任。乘機赴會。斷行無疑。援江西數千人。援湖南萬人。皆精兵。時鄂中賊方逼。餉且缺。公一意調遣。軍糧皆自任之。卒收全功。武昌始復。卽規取九江。九江復。卽規安慶。越境千餘里。討賊制其死命。督撫之以全力。援勦鄰省。自湖北始也。圍九江。賊由江中。皖犯鄂者三。圍安慶。賊由皖。由江。由豫。全力犯鄂。州縣城陷者十餘。公屹不爲動。或遣將分援。或躬親督勦。從容肆應。算無遺策。其於閩屬事務大小。各軍強弱。以及鄰省之優劣。高下。燭照數計。洞然於心。而尤汲汲以獎拔人才爲事。屬吏一行之善。隨登薦贖。手書褒美。以寵異之。士有志節才名。潛伏不仕。千里

招致務盡其用。嘗密薦才堪大任者十有六人。多蒙擢用。又以與國布衣萬斛泉等。砥礪廉隅。不求仕進。奏請獎勵。詔賞斛泉等七品冠服。有差。嘗言國之需才。猶魚之需水。鳥之需林。人之需氣。草木之需土。得之則生。不得則死。才者無求於天下。天下當自求之。故公所特薦。不盡擢。謫也。在武昌。專意吏事。懲貪惡。任廉能。吏治蒸蒸日上。病急時。猶引賢。退不肖數人。時論皆以爲允。公自爲湖北巡撫。念國家多難。而身負重任。益務繩檢其身。較其尺寸。毫釐而待人。一秉大公。推誠相與。無粉飾周旋。嘗曰。吾於當世賢者。可謂傾心以事矣。而人終樂從。曾公其至誠。出於天性。感人深故也。然諸將弁在事者。樂公之鼓舞振興。

國朝先正事略 卷二十六 各臣

器

天下生從公爲尤盛。而其言不自足如此。立寶善堂。以延賢俊。之至者。察其材。隨宜任使。與人言。虛中翁受。苟可行。必研窮其利害。而竭盡其底蘊。與所常共事。文武諸公。歷六七年之久。披肝瀝膽。無幾微間隔。遇事苦心調護。俾人人有布衣昆弟之歡。而自視。欲然常若不足。語及人才優劣。喟然曰。世有伯樂。而後有千里馬。願吾才智不足。有爲賢者。終不我應耳。庚申秋。都城戒嚴。急謀人衛。會款議成。詔止其行。文宗升遐。遠在木蘭。哀詔久未下。公憂思。旁皇。中夜扶病起。立翹望。京師。輒流涕。病因是加篤。然猶終日危坐。考求兵事。吏事之要。汲汲施行。顧左右嘆曰。聞道苦晚。今雖稍有所見。而不

及行者多矣。始曾公嘗奏胡某才勝臣百倍。及上公死事狀。謂其堅持之力。調和諸將之功。綜覈之才。皆臣所不逮。而尤服其進德之猛。嗚呼。此豈今之人也哉。所著讀史兵略若干卷。奏疏文集若干卷。家故有田數百畝。自筮仕貴州。誓先人墓。不以官俸自益。至是位巡撫。將兵十年。於家無尺寸之積。詹事公會著弟子箴言。公承其志。為箴言書院。悉以家所藏書納其中。使人知務實學。建胡氏家學。教其族之子弟。故舊親戚。仰給於公者。歲常數十家。嗣子子勤襲職騎都尉。

國朝先正事略

卷二十六

各臣

果

何文貞公事略 畢 附 毅 公 金 科

公諱桂珍。字丹畦。雲南師宗人。道光戊戌進士。選庶吉士。年甫冠。乞假歸。娶士類榮之。旋授編修。督貴州學政。擢侍講。入直上書房。公所學以宋儒為宗。拓城實先生克勤著書明理學流派。曰正宗。公續之。於朱陸異同辨最晰。又以己意增輯西山真氏大學衍義手稿進。優詔納之。廣西盜起。數抗疏言軍事得失。論前大學士某前總督某誤國不宜發軍前。疏留中。天下想望風采。咸豐四年五月出為徽甯池太廣兵備道。時安慶久陷。改省會廬州。仍被踞。巡撫福濟公提督和春公軍廬屬之店埠。公所治在江南。阻於城。大府遂疏留江北。檄公募勇隨征。餉無所

國朝先正事略

卷二十六

各臣

果

出久之得二百餘人。率以西至霍山。號召鄉兵。得三千有奇。激以忠義。以十月二日破李兆。受於霍城東。追擊至麻埠。又五日。至流波。李兆受者。故河南捻匪魁也。有眾數萬。至是為公破。又檄商城固始諸團丁。掘歸路。而自率所部進追。捻黨大思。兆與馬超江等相繼降。散脅從萬計。百姓懽呼。餽糗糧不絕。先是大府檄公援廬江。檄未至。廬江陷。竟劫公落職。軍民皆不能平。會曾侍郎國藩督楚師克武漢。大破賊田家鎮。遂圍九江。公通牒楚軍言戰狀。侍郎具疏於朝。副都御史袁公甲三時軍臨淮。亦欲資公兵。西與楚師會。公至蘄水。矣為地方吏所尼。不得前。居無何。九江軍失利。武昌再陷。侍郎入江西。遂高絕不相

聞公孤軍轉戰。濶霍開五年正月。克蕪水。旋克英山。登悍酋田金爵大府。檄君駐英山。然公任事八閱月。支見銀三百兩不足。供一夕。炊民兵相從日多。又益以兆。受降卒無所得食。初人日餉。芻一斤。遞役至四之一。猶弗給。五月十一日。師遂潰。方兆受之降也。公請糜以官秩大府。難之。至是絕糧。意不能無缺。望徒感公忠誠。不忍背。無何超江為土人所殺。兆受顯公拘其仇。弗得。益大志。則設位哭弔。拾黨糜集。於是院豫諸帥爭以兆受反狀。問榜於衢。購兆受頭千金。兆受詣公。自陳。公推赤心。拊慰之。稍定矣。會當道以密書由驛達。公屬先發制之書為兆受得。兆受謂公賣已也。遂以十一月三日。伏兵。戕公於英山之小南門。

國朝先正事略 卷二十六 各臣

吳

焚其尸。屍之從死者四十七人。公正命時有白氣如疋練。自屋瓦出。逾時乃滅。年三十有九。後二年當事復招兆受降。累擢江南提督。而公之死無過問者。公以書生提空名。殺賊無餉。無軍資。無賞。罰權。而日與反側子居。本萬萬無生理。失廬江在秦檜前。遽入公罪。卒以一紙速之死。蓋公在翰林。勅權貴中外。欠灰目。及外任。初禍大帥。偏偏陳軍事。若將為之師者。然以是積。公而公且死不之悟也。禍所從來微矣。哉。同治三年秋。江甯克復。逆渠盡殲。曾公疏陳公率鄉團。劬賊時。飢餓艱危。歷人閒。未。有之。苦辛。以機事不密。為叛人所戕。天下冤之。在己尤引以為疾。竊請加恩。旌卹。得旨。兪行。賜祭葬。賜諡文貞。命。

建祠英山。子騎都尉世職。其時同一疏。得請加卹者。有升。用游擊。臨元鎮都司。呼爾察巴圖魯。畢公。金科。

畢公字應侯。籍臨元。文貞公鄉人也。少入伍。以征開化苗匪功。授藍翎外委。粵賊起。隨副將王君國才出師湖北。敗賊天門丁。司橋。累擢都司。賞花翎。咸豐四年冬。曾公督師克武昌。大破。賊田家鎮。檄公及國才隨忠武公塔齊布攻九江。未下。五年正月。別賊犯武昌。國才回援。忠武才公。曹弗遣。公驍健。亞忠武。能。匹馬陷堅。穿出敵陣之背。戒從卒勿隨行人。亦莫敢隨者。羣賊。率熟視不敢動。十二月。戰臨江樟樹鎮。克之。六年正月。別將失利。功弗竟。曾公檄令防饒州。五月。大捷章田渡。與主防者不相。

國朝先正事略 卷二十六 各臣

吳

中公浙部兵單。為所牽掣。六月。饒州陷。公憤甚。增募壯士。決死。賊未十日。復饒州。獲賞勇號。補臨院鎮都司。以游擊升用。時。主者遷秩去。公獨筦防務。屢被賊。殲其魁。賊畏憚之。婦孺皆德。公倚為固。會皖南賊大至。踞景德鎮。歲且暮。士不宿飽。忌公者。復斃。歸之期。以破賊後。給饜。公憤鬱不自聊。思更立奇功。自震。祿遂以七年正月元日。率千人進攻。越二日。抵鎮。阻水而陣。黎。旦。率壯士十人。濟時賊臥未起。入市寂然。公舉火。未及烈。接。賊不敢遁。用火器環攻之。及王家洲。死焉。年二十有五。尸被。閱十有八日。前傷卒三人者。始以公殞事聞。賜卹如例。始公。

之赴饒也。自以孤軍千人不足當一面。謁請於曾公。願留戲下。弗遣。曾公慰遣之。許不久調回。既而不果。調公竟死。曾公痛惜。之為勤。碑紀其事。至是以曾公請得加贈總兵銜。賜祭葬。予諡剛毅。詔立祠景德鎮。

國朝先正事略

卷二十六

名臣

卒

趙忠節公事略

烏虛自粵寇稱亂以來。海以內死封疆死職死綬者。僕指不能畢數。若其以鄉紳毀家紆難。率民兵登陣效死。抗數千萬之賊。血戰三年。解圍者三。殺賊萬計。迫行省陷。列郡盡淪於賊。糧罄援絕。猶死守孤城六閱月。力竭被執。幽繫經年。百折不可回。卒罵賊以死。若湖州趙忠節公者。洵一代奇烈。為時所創見者。已公諱景賢。字竹生。歸安人。父炳言。道光六年進士。官刑部侍郎。公少豪邁。負奇氣。不拘小節。讀書慕古。俠烈士。喜任人所難。有機權臨事。輒能斷道。光甲辰舉人。以父子異籍被議。黜入貲得復。授宣平教諭。改官內閣中書。未赴。丁父憂。閉門請禮。鄉人未

國朝先正事略

卷二十六

名臣

卒

之奇也。同郡徐中丞有王獨器之曰。君有應變才。將為國柱石。慎自愛。公亦以時事多故。思得一當以自效。咸豐三年。賊陷江南。江浙震動。詔舉行團練法。公獨任其事。輸重金為眾倡。得旨加道銜。以知府發甘肅。用未幾。甯國克復。湖州得解。嚴十年二月。賊覆甯郡。陷廣德。直趨湖州。公時在蘇州。聞警馳歸。與湖州守瑞春。歸安令廖宗元。烏程令李樹等。籌守禦。當是時。士皆虛任官。無見錢計。莫知所出。公曰。事急矣。今市肆雖空。百貨未盡徙也。宜權取充軍實。事成有以謝父老否。亦免為盜。齋耳。遂下令有不聽取者。治以軍法。不半日。事粗集。公曰。未也。令城外兵圍如櫛。賊至窺其中。城將不能守。乃縱火燔之。江南援師至。

賊已圍攻西北城。公部署既定。納鞞刀乘城誓死。遂約援兵夾擊。斬賊數千。圍三日而解。時二月十七日也。有詔以道員用。賞額爾德木巴圖魯名號。賊由埭溪攻杭州。越十日。外城陷。巡撫羅公遵殿死之。將軍瑞昌公死守滿城。未下。會提督張公玉良自金陵馳援。過湖州。公遣將引道復杭州。王壯愨公有齡繼為巡撫。壯愨夙知公才。至是深相倚。湖防事一以委公。乃益繕城隍。備器械。造戰艦。築牛馬牆。分勸各屬鄉鎮治團練。閏三月。遣將復長興。德清。安吉。孝豐。武康。五縣。時蘇常迭警。援軍皆調歸。惟存新軍三千。公悉心教練。且添募。四月。蘇州陷。延及嘉興。分兵駐南潯鎮。以扼其衝。未幾。僑輔王揚輔清自宜興。溧

國朝先正事略 卷二十六 各臣 奎

陽太湖來犯。眾十萬。沿城大掠。火光燭天。刁斗聲聞數十里。公閉城堅守。意氣自若。會記名道蕭公翰慶。自石埭來援。轉戰賊境五百里。將至湖州。馬蹶被害。所部敗散。入郡城。公拊而用之。兵力稍厚。時賊眾已圍五門。公親督隊開北門出血戰。數晝夜。斬敵多。賊遁。二次解圍。得旨以道員記名簡用。五月。聞張公玉良攻嘉興。公即帥師由南潯進攻吳江之平望鎮。踰賊十數壘。據守之。思即復蘇州。成不世功。僞英王陳玉成。忽自太湖窺湖郡。公急回救。賊反乘之。師潰。賊復踞平望。并犯南潯鎮。公再集民兵擊走之。六月。分兵克廣德州。時杭州圍解。賊仍窺湖。屬十月。省城再被圍。公帥兵往援。圍甫解。入謁。王壯愨。忽湖防

告急。即馳歸。賊已至南門之峴山。副將劉仁福者。故與臺也。自平湖潰歸。通款於賊。率廣勇二千。自昌化來。僞為援兵。謀入城。內應。公偵得。實陽治具。款之而止。其兵城外。陰簡精卒。出令人東竹筋於腰。為識圍。而盡殲之。磔仁福於市。竿其頭。示賊。賊為奪氣。解圍。遁分擾西南各鄉鎮。皆擊卻之。十一月。嘉興烏鎮之賊。分途來擾。雙林鎮等處。王壯愨遣副將文端來助。勦合民兵。轉戰十餘日。悉破其壘。詔以三次解圍功。賞按察使銜。十一年正月。遣兵再克長興。有賊自宜興陸路來犯。敗之。會太湖之洞庭。東西山失陷。全湖皆賊。有長興。既不能守。而北路七十渡。港時被擾。遂於大錢口添駐水師。聯絡民兵。通餉道。大小

國朝先正事略 卷二十六 各臣 奎

數十戰。皆告捷。五月。大股賊來踞菱湖鎮。公親督水師。破船分路夾擊。大敗之。奪賊船數百艘。生擒數百人。七月。平望賊竄南潯鎮。與石門賊兩路來犯。皆走之。九月。賊來益眾。乃督水陸出。鏖戰五晝夜。賊始敗。退適太湖。賊又來犯。夾浦連敗之。回郡。忽報杭州被圍。賊營互六十里。餉道絕。遂親督水陸軍往援。連破賊卡二十有奇。終不能達城下。洞庭東山賊偵公南向。乘虛犯大錢口。公急回顧。且戰且退。既至大敗。之奪賊船二百餘艘。始遁去。而從逆之烏鎗船匪。肆掠雙林鎮。復遣兵聚蠶之。亡何杭州陷。公歎曰。湖郡成孤注矣。惟當效死。勿去。以報國恩耳。遂與在城文武紳民誓死守。眾皆曰。惟公命。傷忠王李秀

謀遣書招降公立斬之以書達上海呈江蘇巡撫轉奏始奉簡授福建督糧道之命時四面皆逼賊烽惟留大錢口一線路十二月二十七日大雪三晝夜冰厚數尺如平地礮艦膠不能動同治元年正月二日賊乘夜來犯大錢口遂為賊踞自此內外隔絕糧道不能通矣賊屢受湖防之挫死傷山積恨次骨掘公父墓相戒勿近攻先是賊陷名城率用地道湖郡地勢低掘隧三尺即見水技無所施又四面環大河雲梯衝車無所用惟築壘樹柵漸進逼為坐困計二月朔公選死士三千誓解城圍由南北門出擊各婦十餘壘獲賊糧運入城自是賊糧不復克近處而城內外水陸兵勇尚八千有奇男婦十一萬餘口糧且

國朝先正事略 卷二十六 各臣 蕭

盡越二日密奉飭赴福建新任及賞加布政使銜之恩命軍氣復為一振蓋是時上甚惜公才寄諭垂詢江督曾公國藩密令輕裝赴任移其捍衛桑梓之力以固閩疆公感泣誓死益堅密寄帛書至上海報其叔炳麟有眾志成城守死善道之語且云使我家出一良臣不如出一忠臣公之志蓋素定矣自三月以後軍民羅雀掘鼠食草根樹皮皆盡公言笑如常時縣丞某欲通賊事露立擒斬之有搜掠者仍按軍法五月三日城陷公大呼曰死無憾死我十數萬軍民為憾耳賊渠譚某擁至局公冠帶見賊喝曰速殺我毋殺軍民譚曰亦不殺汝公拔刀自刎為所奪執之去僕

陸二自勿死公被執至蘇函請獄邏禁甚嚴求死不可得賊浚辱脅降不屈李世賢復為下士狀百計誘說不為動遂有遣歸之意譚逆不可世賢赴江北時誠勿殺譚稍稍善視之公見輒嘗罵一日攜常熟地圖以詢遽投之火二年三月賊自太倉敗歸揚言公將襲蘇譚逆懼十八日日晡招公飲酒半詰公曰汝通妖兵耶公曰我本官兵何謂通汝欲獻蘇州耶公曰蘇本大清土地何謂獻即又曰汝死期至矣公仰天大笑曰求之一年而不得今何幸也連舉數巨觥罵益厲譚逆舉洋鎗對擊其胸而殞年四十有二賊具棺瘞之公身材不踰中人貌偉異口可容拳大小百餘戰皆親冒矢石天性好殺嘗曰吾得殺人下

國朝先正事略 卷二十六 各臣 謹

有從皆獲免湖州既陷廷旨數詢公下落死事聞優詔褒閔且曰趙景賢係在籍紳士無守土之責集團禦侮每戰必捷迨至孤城困守糧餉軍火俱盡仍堅持數月力盡被執賊匪誘脅百端矢志不移卒以身殉勁節孤忠可嘉可憫其改照巡撫陣亡例從優議卹且賜諡於湖州建專祠其長子趙深彥一併附祀事蹟宣付史館立傳以彰忠蓋次子趙瀆彥潤彥滋彥添彥溱彥均俟及歲時送部引見尋賜祭葬予諡忠節公在繫作絕命詩四章有云亂刃交揮處危冠獨坐時又云厚貌徒為爾孤忠矢靡他偽忠王本欲送公歸致書以漢壽亭侯歸漢

為言公斥其儼不於倫且曰歸我者之為知己不如殺我者之
尤為知己也初杭州既陷公知事不可為盡遣其家屬出而身
居守深彥年甫十二寓湖南聞湖州失大慟服毒死南撫為奏
請旌卹

國朝先正事略卷二十六 名臣

美

國朝先正事略卷之二十七 名儒

平江李元度次青纂

孫夏峯先生事略子博雅 魏一濬

先生諱奇逢字啟泰一字鍾元直隸容城人晚講學蘇門之夏
峯學者稱夏峯先生少與定興鹿忠節公善繼友以聖學相砥
礪年十四謁楊尚寶補庭補庭間設在園城中內無儲備外無
救援當若何先生應聲曰效死勿去補庭忠愍公子也十七舉
萬曆庚子鄉試居京師與左忠毅公光斗魏忠節公大中周忠
介公順昌相尚以氣節丁內外艱喪葬一準古禮率兄弟廬墓
凡六年學使李蕃以純孝疏旌其門家故貧日食常不繼嘗與
鹿忠節論學自辰至日昃始得豆麪作羹怡然無不足之色自
言從憂患困鬱中默識心性本原生平得力實在此天啟五年
逆闖魏忠賢亂政大興鉤黨獄左忠毅魏忠節周忠介先後被
逮左公弟光明魏公子學海皆主鹿氏鹿忠節之父正世所稱
鹿太公者也與先生及新城張果中各出身營救當是時高陽
孫文正公承宗以樞輔督師榆關鹿忠節以職方郎贊軍事初
嘗約先生至軍中徧覽山海形勝孫公將疏請任以贊畫先生
語茅元儀曰古未有將相不合能立功於外者公信不愧吉甫
矣奈時不可何乃辭歸至是為書抵孫公使季弟奇彥及正孫
化麟齋以往書略曰左魏諸君子清風大節必不染指以鹿罪

大此何待言獨以善類之宗直臣之首橫被奇冤自非有心
 誰不扼腕惟桑與梓固浮邱舊泚地也遺愛在人不止
 之士興歌黃鳥昔盧次梗一莽男子耳謝茂秦以紗布衣行哭
 燕市謂元美等曰諸君子不生為盧生地乃從于載下哀湘而
 甲賈平李獻吉在獄何仲默致書楊遂菴求為引手康德涵義
 激同調至不自愛其名浮邱廓園之品固當直蹈獻吉何次梗
 之敢望某能無哭訴向負慙於茂秦執事功德前無遠菴憐才
 扶世之感稍一引手且有出德涵上者况諸君子以道義臭味
 之雅愛知於執事最深且人豈無意乎孫公得書具疏請入朝
 而陳機務忠賢大懼謂且與晉陽之甲夜遶御牀泣遂以嚴旨

國朝先正事略 卷二十七 名儒

二

過諸途尋誣左魏受熊經略賊各榜追之左嘗督學三輔又治
 屯田有惠政先生與鹿太公及果中謀設區建表於門曰願輸
 金救左督學者聽於是投匭者雲集得金數千齎入都而左魏
 已先斃杖下明年忠介公逮至擬贖五千先生復為營畫得金
 數百而忠介復杖斃矣乃皆經紀其喪且按籍還金時邏校嚴
 急士大夫觸手糜爛容城去京師不二百里舉旆擊鼓眾皆為
 先生危而忠賢左右皆近畿人夙重先生質行無不陰為之地
 者以故卒免禍左魏遺骨藉以歸海內有范陽三烈士之稱謂
 先生及正果中也先生義聲震一世御史黃宗昌給事中王正
 志交薦之屢徵不起崇禎九年 大清兵薄容城先生率兄弟

族黨入城與有司及薦紳分城守禦先生獨領西北隅雉堞久
 圯兵突至隨禦隨築鄰邑多陷而容城獨完巡撫張其平上其
 事詔優秩擢用會南都兵部尚書范公景文亦以贊畫軍務馳
 聘先生俱辭之時畿內盜賊數駭先生率子弟門人入易州五
 公山結茅雙峯戚族相依者數百家乃飭戎器待糗糧部署守
 禦又以其暇賦詩習禮絃歌聲相聞寇盜屏跡時以方田子春
 之在無終山焉 國朝順治初祭酒薛公所蘊具疏讓官以許
 文正相擬遂有 旨以國子監祭酒徵有司敦趣卒固辭兵部
 侍郎劉公餘祐巡按御史柳寅東陳蜚交章薦皆堅臥不應自
 有明及 本朝前後十一徵不起天下士識與不識皆稱曰徵

國朝先正事略 卷二十七 名儒

三

君晚歲渡河慕蘇門百泉之勝且為康節魯齋講學地水部郎
 馬光裕奉以夏峯田廬遂移家築堂曰兼山讀易其中率子弟
 躬耕四方來學願畱者亦授田使耕所居成聚公卿持使節過
 衛源輒屏驛從以一見先生為快而睢州湯文正公斌官嶺北
 道告養歸途從受業凡十年始先生與鹿忠節講學以象山陽
 明為宗晚更和通朱子之說其持身務自刻砥而與人無町畦
 每晨起謁先祠畢澄心端坐雖疾病未嘗有情容有問學者隨
 其高下淺深必開以性之所近使自力於庸行上自公卿大夫
 及野人牧豎工商隸圉武夫悍卒壹以誠意接之用此名在天
 下而人無忌嫉者山中花放鄰村爭置酒相邀咸知愛敬居夏

峯二十五年卒年九十有二康熙十四年四月二十一日也先
主嘗語學者吾始自分與揚左諸賢同命及涉亂離犯死者數
矣而終無恙是以學貴知命而不惑也其學以慎獨爲宗而於
人倫日用間體認天理嘗言喜怒哀樂中節視聽言動合禮子
臣弟友盡分乃終身行之不能盡者又言自七十以往每閱十
年而功加密惟獨知之地不敢自欺無或懈而已著有四書近
指讀易大旨書經近旨聖學錄兩大案錄甲申大難錄家禮酌
歲寒居答問孝友堂家乘畿輔中州人物考取節錄孫文正公
年譜乙丙紀事又著理學宗傳表周程張邵朱陸薛王及羅念
庵顧涇陽爲十一子別爲諸儒考附之蓋出獨見非依傍舊聞

國朝先正事略

卷二十七 名儒

四

者比也河南北學者歲時奉祀百泉書院易州學者就故宅爲
雙峯書院而容城與劉靜修楊忠愍同祀保定與孫文正鹿忠
節並祀道光八年 詔從祀孔子廟庭弟奇彥順治中以貢生
知武城縣有聲于六四子博雅最知名孫淦康熙壬戌進士官
中書以孝聞

博雅字君僑幼端重不苟嬉笑甲申後屏舉子業絕意仕進徵
君遷蘇門君獨留貧無以炊賒柿餅以供母徒步奉至蘇門徵
君撫之喜作詩勞之母病不交睫不解襟帶者三旬餘及卒爲
孺子泣三年不見齒徵君年漸高借兄弟朝夕上食祝哽噎夜
則更臥牀前候其欠伸未嘗頃刻離時從徵君游者日眾有數

百里或數千里至者君設榻供食各得其宜徵君晚年重聽諸
弟子問難必藉君轉達反覆開示不厭徵君著書不下數百卷
嘗數易稿皆君手書字體古健無一筆苟康熙八年 詔舉山
林隱逸郡守程啟朱以君名上之大府君以父年老力辭亡何
徵君卒借兄望雅弟韻雅廬墓三年哀毀骨立葬祭以禮君德
器純粹與人交和易可親見人一善贊揚不去口人有過不顯
言默然端坐閒引一二古語相感發聽者聳然多見省改問以
時事似不甚別白至談古今成敗得失瞭若指掌也韻雅坐事
被逮繫刑部獄凡五年將遠徙君具藁饋以從病致藥餌更周
卹其同繫者幸朝夕相顧視君故貧竭產供弟故交所贈遺皆

國朝先正事略

卷二十七 名儒

五

拒不納同難有械繫者君以蹇驢讓之徒步烈日兩足皆腫嘗
遇暴風雨失道幾溺死饑渴困頓遂病每假寐口中喃喃皆其
弟事也頃之竟不起彌留猶張目曰吾弟免矣遂卒年五十有
五不數日弟事漸解竟免流徙士大夫高其義稱文孝先生所
著曰約齋集子漢有文名

魏君一菴字蓮陸直隸新安人夏峯高第弟子也嘗宦山西官
知州有惠政搜訪隱逸折節下士及去官匹馬雙僮而已蓮陸
與清苑高僑范陽耿極等從徵君游最早遭時喪亂患難與共
者餘三十年及徵君遷蘇門蓮陸自山右歸率間歲一至每至
必數月留後構雪亭於夏峯爲徵君訂正年譜白雪盈山燕燈

午夜上下古今視千秋如旦暮及門問答語連陸為多所著曰雪亭夢語湯潛庵先生官京師時連陸嘗策蹇訪之見潛庵繩床破被數椽不蔽風雨慨然曰此猶見雪亭風味也因出夢語讀之屬潛庵為之序初徵君命蓮陸輯北學編尋命潛庵輯洛學編潛庵嘗以雪亭比朱子之寒泉精舍云

國朝先正事略 卷二十七 名儒

黃梨洲先生事略 弟宗炎 宗會

黃梨洲先生宗羲字太冲浙江餘姚人明御史忠端公尊素長子忠端為楊左同志以劾魏闖死詔獄莊烈帝即位先生年十九袖長錐入都訟冤至則逆闖已殲即具疏請誅曹欽程李賈會庭鞠許顯純崔應元先生對簿出所袖錐錐顯純流血被體又歐應元拔其鬚歸祭忠端神主前又錐殺卒葉咨顏仲文蓋忠端絕命二卒手也時欽程已入逆案實訴辨原疏非已出陰致三千金賄先生求勿質先生發其事復於對簿時維之獄竟借諸忠子弟設祭獄門哭聲達禁中莊烈帝歎曰忠義孤兒可念也先生歸益肆力於學經史百家無所不窺憤科舉之學

國朝先正事略 卷二十七 名儒

錮人思所以變之既盡發家藏書讀之不足則鈔之同里世學樓鈕氏澹生堂祁氏南中則千頃齋黃氏絳雲樓錢氏且建續鈔堂於南雷以承東發之緒山陰劉忠正公倡道戴山奉忠端遺命從之遊而是時越中承海門周氏之緒餘援儒入釋石梁陶氏與齡為之魁姚江之緒大壞先生約吳越中高材生力推其說故戴山弟子如祁忠敏公彪佳章給事正宸皆以名德重而四友禦侮之助必首先生哉山之學專言心性而漳浦黃忠端公兼及象數人比之程邵兩家先生曰是開物成務之學也乃出所學律歷諸書相質證弟宗炎宗會並負異才先生自教之有東浙三黃之日及周延儒再召謀翻逆案起馬士英督鳳

陽爲阮大鍼地於是南太學諸生作畱都防亂公揭斥大鍼陳公子貞慧沈徵君壽民吳秀才應箕沈上舍士柱共議東林子弟推無錫顧景居首瑞禍諸家推先生爲首餘以次列名戊寅秋七月事也壬午先生入都延儒欲薦爲中書舍人力辭免偶遊市中聞鐸聲曰非吉聲也遂南下已而大清兵果入塞甲申難作大鍼驟起南中案揭中姓氏得百四十人將盡殺之先生同里有閩黨首劫劉忠正公及其三大弟子則祁章二公暨先生也先生與景並逮太夫人嘆曰章妻滂母乃萃吾一身耶會大兵下南都先生得免踰歸浙東時忠正公已死節弟子多殉之而孫公嘉績熊公汝霖以一旅之師畫江而守先生

國朝先正事略 卷二十七 各儒

糾里中子弟數百人從之號世忠營請以布衣參軍事不許授職方郎尋改御史作監國魯元年大統歷頒之浙東馬士英奔於國安營欲入朝眾言其當誅熊公恐其挾國安爲患也好言慰之先生曰諸臣力不能殺耳春秋之孔子豈能加於陳桓但不謂其不當誅也熊公謝焉又遺書王之仁曰諸公何不沈舟決戰由赭山直趨浙西而日於江上鳴鼓攻其有備蓋意在自守也最爾三府以供十萬之眾必不支何守之能爲聞者皆矐其言而不能用惟熊公嘗再以所部西行下海鹽至是孫公以火攻營卒付先生與王正中合軍得三千人正中者之仁從子也以忠義自奮先生深結之使之仁不得撓軍事職方郎查繼

佐軍亂先生定之挈以西遂渡海割潭山陳太僕潛夫以軍間行議由海道入太湖招吳中豪傑抵乍浦約崇德義士孫爽等內應會大兵纂嚴不得前而江上已潰公歸入四明山結寨自固餘兵尙五百人先生駐兵杖錫寺微服出訪監國戒部下善與山民結部下不盡逾節制山民畏禍潛焚其寨部將茅翰汪涵死之先生無所歸捕檄累下攜子弟入剡中己丑聞監國在海上海上乃與都御史方端士赴之授左副都御史亡何大兵圍健跳城中危急置靴刀待命會蕩湖伯阮駿救至得免時諸帥之悍甚於方王文臣稍異同其間立致禍熊公以非命死劉公中藻以失援死錢公肅樂以憂死先生既失兵日與吳尙書

國朝先正事略 卷二十七 各儒

鍾繼坐舟中正襟講學暇則注授時泰西回回三歷而已先生之從亡也太夫人尙居故里當事錄其家口先生曰方寸亂矣吾不能爲姜伯約也乃陳情變姓名閒行歸家是年監國自健跳至翁洲復召先生副馮侍郎京第乞師日本抵長埭不得請自是東遷西徙無甯居而浙中當事得名籍與海上存連者卽行獨難先生於故國位在列卿江湖俠客多來投而馮侍郎等結寨杜魯卽先生舊部風波鎮撼無虛日先生猶挾帛書欲招婺中鎮將南援時方捕諸寨之通海者山素諸公相繼死弟宗炎坐與馮侍郎交通刑有日矣先生以計脫之辛卯遣閒使入海告警令爲之備甲午定西侯張名振閒使至被執又名捕免

生丙申慈水寒主沈嗣緒禍作亦以先生為首其得不死皆有天幸先生氣不懾也其後海上傾覆先生無復望乃奉太夫人返里門畢力著述而四方請業之士漸至矣自言受學截山時頗喜為氣節斬斬一流患難後始多深造而追恨為過時之學下未復舉證人書院申城山之緒已而之鄞之海甯巡撫張公以下皆請開講先生不得已應之先生謂明人講學襲語錄之糟粕不以六經為根柢教學者必先窮經而求事實於諸史又謂讀書不多無以證斯理之變化多而不求諸心則為俗學蓋先生以濂洛之統綜會諸家橫渠之禮教康節之象數東萊之文獻良齋止齋之經術水心之文章莫不旁推交通自來儒林

國朝先正事略 卷二十七 名儒

十

所未有也康熙戊午詔徵博學鴻儒葉學士方藹擬疏薦陳庶常錫嘏曰是將使先生為疊山九靈之殺身也力止之會修明史徐學士元文謂先生非可召試者然或可聘之修史乃與興化李公清同徵詔督撫以禮敦遣先生固辭朝廷知不可致特詔浙中督撫抄先生著述關史事者送京師徐公延先生子百家及萬處士斯同萬明經言任纂修皆先生門人也先生以書報徐公且諧之曰昔聞首陽山二老託孤於尚父遂得三年食薇顏色不壞今吾遺子從公可以置我矣當是時聖祖表章儒術大臣多鉅人長德願皆以不能致先生為恨魏公象樞曰生平願見不得者三人夏峯梨洲二曲也湯公斌曰

黃先生論學如大禹導水導山脈絡分明吾黨之斗杓也庚午徐尚書乾學侍直

上訪及遺獻復以先生對且言曾經臣弟元文疏薦老不能來上曰可召至京朕不授以事即欲歸當遣官送之徐公對以篤老無來意

上嘆息不置先生卒於康熙乙亥秋年八十有六初營生壙於忠端墓旁中置石牀無棺槨作葬制或問援趙邠卿陳希夷例戒身後無得違命蓋自以遭家國之變期於速朽而不欲顯言其故也所著有明儒學案六十二卷三百年儒林之藪也易象數論六卷力辨河洛方位圖象之非授書隨筆一卷則闕徵君國朝先正事略 卷二十七 名儒

十一

若璩問尚書而告之者春秋日食歷一卷辨衛璞所言之謬律呂新義二卷則嘗取餘杭竹管肉好停勻者斷之為十二律及四清聲試之因廣其說者也又以截山有論語大學中庸解獨闕孟子乃疏為孟子師說四卷嘗欲重修宋史未就存叢目補遺三卷輯明史案二百四十四卷贛州失事一卷紹武爭立紀一卷四明山寨紀一卷海外痛哭紀一卷日本乞師紀一卷舟山興廢一卷沙定洲紀亂一卷賜姓本末一卷又汰存錄一卷糾夏考功幸存錄者也歷學則少有神悟及在海島古松流水布算較殺嘗言句股之法乃周公商高之遺而後人失之使西人得以竊其傳有授時歷注一卷大統歷推法一卷授時歷假

如一卷。西歷回歷假如各一卷。外尚有氣運算法。勾股圖說。開方命算測圖要義。共若干卷。其後梅徵君文鼎本周髀言歷世。驚為絕學。實先生開之。南雷文案十卷。外集一卷。吾悔集四卷。撰杖集四卷。蜀山集四卷。子劉子行狀二卷。詩歷四卷。忠端祠神弦曲一卷。後分爲南雷文定凡五集。晚年又定爲南雷文約。合之得四十卷。明夷待訪錄二卷。雷書一卷。則佐王之略。顧先生炎武見而嘆曰。三代之治可復也。思舊錄二卷。中多庀史之文。又選朋文案。廣之爲明文海。共四百八十二卷。閱明人文集二千餘家。自言與十朝國史相首尾。而別屬李徵君。荆嗣。爲明詩案。未成而李卒。又輯宋元儒學案。以志七百年儒苑門戶。又

國朝先正事略 卷二十七 儒備

十一

嘗續宋文鑑。元文抄。以補蘇呂二家之闕。未成編卒。又以蔡正甫之書不傳。作今水經。其餘四明山志。台宕紀游。匡廬游錄。姚江文略。姚江瑣事。補唐詩人傳。病榻隨筆。黃氏宗譜。黃氏喪制。及自著年譜。共若干卷。先生文不名一家。晚年忽愛謝皋羽所處之境同也。雖不赴徵車。而史局大議。必咨先生。歷志出吳檢。討任臣之手。總裁千里遺書。乞審正。而後定。嘗論宋史。別立道學傳。爲元儒之陋。明史不當仍其例。朱檢討彝尊適有此議。湯公斌出先生書示。遂去之。於國難諸公表章尤力。至遺老之。以軍持自晦者。久之或嗣法開堂。先生曰。是不甘爲異姓之臣者。反甘爲異姓之子也。故所許止四明周囊雲一人。弟宗會。晚

年好佛。爲反覆言其不可。於二氏之學。雖其有託而逃者。猶不少寬焉。晚年益好聚書。所抄自鄞之天一閣。范氏歛之叢桂堂。鄭氏禾中倦圃。曹氏最後則吳中傳是樓。徐氏然嘗戒學者。當以書明心。無玩物喪志也。子百家。字主一。能世其學。又從梅定九問推步法。著勾股矩測解源二卷。

宗炎。字晦木。世稱立谿先生。崇禎中以明經貢太學。學行與伯兄梨洲埒。而昇岸幾過之。已卯秋試報罷。與弟宗會約閉關盡讀天下之書。而後出。畫江之役。步迎監國於蒿場。兄弟毀家率子弟。僮僕荷戈。婦女皆執爨。以餉所謂世忠營也。梨洲西下海昌。先生乃留龕山治輜重。事敗。狂走入四明山。爲馮侍郎京第

國朝先正事略 卷二十七 名儒

十一

參軍事。奔走諸寨間。順治庚寅。山寨軍殲。被縛。侍郎之嫂。先生妻母也。匿其家。事發。當論死。梨洲還至鄞。謀以計活之。馮尙書子道濟。故人也。慨然任其責。臨刑日。晡矣。道濟潛載死囚。隨之。亡。何火忽滅。暗中有突出。負先生去者。不知何許人也。火至。以囚代之。真行十里許。始息肩。則萬戶部履安白雲莊也。負之者戶部子程也。時諸遺民畢集解縛。置酒。忽管弦聲出。隔岸先生掉小舟。往因自取琴彈之。曰。廣陵散。幸無恙。侍郎故部。尋復合。先生仍左右之。慈湖寨主沈爾緒。又以弩寄。丙申再遭名捕。梨洲嘆曰。死矣。故人朱滄侯。諸雅。六力救之。免。遂提。乘龍遊海昌。石門間。或以古篆爲人鐫石印。或用李思訓趙伯駒畫法。鬻之。

以自給。浙西傳為黃高士畫。爭購之。生平作詩幾萬首。沉寃悽結。晚稍頹唐。於象緯律呂軌革壬遁之學。皆有神悟。著周易象辭二十一卷。尋門餘論二卷。圖書辨惑一卷。力闢先天太極圖說之非。謂周易未經秦火。不應獨禁其圖。轉為道家藏匿二千。年至陳搏而始出。謂搏之圖書。乃道家養生之術。與元陳應潤說合。謂周子太極圖說。圖雜以仙真。說旨以易道。亦與朱竹垞毛西河所考略同。晚年以石函錮所著述於其中。語其子曰。有急則埋之。丙舍如其言。子卒。遂莫知所在。宗會字澤望。號縮齋。學者稱石田先生。所學同性。尤狷介。國變後。隱於浮屠。浪遊名山。以疾終。生平讀書一再過不忘。日必盡百頁。有事則次日倍。國朝先正事略卷二十七 名儒 十甫

其常課自經史四部外。釋道二藏。未嘗不一周也。詩文古澹而有根據。所著曰縮齋集。

李二曲先生事略 李柏 王心敬 孫景烈 馮雲程 惠思誠 陸爾龍
先生先世無達者。父可從字信吾。以壯武從軍為材官。崇禎壬午。督師汪公喬年討賊。信吾從監紀孫兆祿以行。臨發。抉一齒與其婦彭曰。戰危事。不捷當委骨沙場。子其善教兒矣。亡何督師死事。信吾衛監紀不克。亦死。彭聞報。欲身殉。以子幼。制淚撫之。然無以為生。或謂彭曰。可令兒備取直。以養。或令給事懸庭。彭不可。令先生從師學。修脯不具。皆謝之。彭曰。經書固在。何必師時。先生年十六。祖解文義。母夫人日言忠孝節義事。以督之。母子相依。或數日不舉火。泊如也。先生以昌明關學為己。任家無書。從人借讀。自經史百家至二氏之書。無不觀。其論學曰。天

國朝先正事略卷二十七 名儒 五
下大根本。人心而已矣。夫肯綮提。天下之人心而已矣。是故天下治亂。視人心。人心邪正。視學術。凡學在反身。道在守約。功在悔過。自新而必自靜坐。觀心始靜。坐乃能知過。知乃能悔。悔乃能自新。又言學者當先觀象山。慈湖陽明白沙之書。闡明心性。直指本初。以洞斯道之大源。然後取二程朱子及康齋敬軒涇野整庵之書。玩索以盡踐履之功。否則醜謹者乏通慧。穎悟者雜異端。無論言朱言陸。皆於道未有得也。於是關中士爭向先生問學。關學自橫渠後。三原涇野少墟累作累替。至先生而復盛。當事慕其名。踵門求見。力辭不得。則一見之。終不報謁。曰。庶人不可入公府也。再至。并不復見。有餽遺者。雖十反亦不受。

或曰。交道接禮。孟子不卻。唯何甚。曰。我輩百不能學。孟子即此一事。稍不守。孟子家法。何害。當事請主關中書院。先生嘗謀爲。馮恭定公。設俎豆。勉就之。已而深悔。急去之。陝撫白君欲薦諸朝。哀願得免。督學許君孫荃。議進其所著書。亦不可。然關中利害。在民者。未嘗不爲。當事力言也。少墟高弟。隱淪不爲。世所知者。言之當事。表其墓。以傳之初。母夫人葬。信吾之齒。曰。齒塚以待身後。合葬。先生累欲之。襄城招魂。以母老不敢遠出。乙巳。母夫人卒。庚戌。徒跣之襄城。徧覓遺蛻。不得。乃爲文禱於社。服斬衰。晝夜哭不絕聲。淚盡繼以血。襄城令張允中出迎。請適館。不可。乃亦爲之禱。卒不得。先生設招魂之祭。狂號。允中請立信吾。

國朝先正事略 卷二十七 名儒 六

祠且造塚。故戰場以慰孝子心。揚州守路鍾麟前令。蓋屋時師事先生者也。聞先生至襄城。謂祠事未能旦夕竟。請南下。謁道南書院。以發願高諸公書。且講學。以慰東林學者之望。先生應之。從者雲集。開講於無錫。於江陰。於靖江。宜興。晝夜不獲休息。靜中涕下如雨。挺胸自誓曰。不孝汝此行爲何事。竟喋喋於此。開尙爲有人心者乎。雖得見高願諸公書。何益。申旦不寐。即戒行。時祠事且畢。急詣襄城。宿祠下。夜分。鬼聲大作。悽愴悲涼。蓋先生視於父祠。願以五千國殤魂。同返關中。故也。允中乃爲先生設祭。上祀督師。汪公監紀。孫公配以信吾。下設長筵。徧及死事者。先生伏地大哭。觀者皆哭。於是立碑曰。義林奉招魂之主。

取豕土而歸。告於母墓。附齒冢中。更持服如初。喪。崑山顧甯人。作襄城紀異詩。傳寫徧海內。癸丑。陝督鄂善以隱逸薦。先生誓死辭書。入上。皆以病爲解得。旨俟病愈。敦促入京。自是大吏歲歲來問起居。先生遂稱廢疾。長臥不起。戊午。部臣以海內眞儒薦有。旨召對。時詞科薦章徧海內。先生獨被昌明絕學之目。中朝必欲致之。大吏趣行益急。先生固稱疾篤。昇其牀。至行省。大吏親至榻前。懇與先生絕粒。六日至。欲拔佩刀自刺。於是諸官屬大駭。得予假治疾。先生嘆曰。生我名者。殺我身。是皆生平洗心未密。不能自晦之所致也。當道知其不可屈。姑置之。自是荆扉反鎖。不復與人接。惟顧甯人至。則款之而已。

國朝先正事略 卷二十七 名儒 七

天子西巡。將召見命陝督傳旨。先生驚泣曰。吾其死矣。辭以廢疾不至。遣子慎言詣行。在進所著四書反身錄二曲集。御書關中大儒四字。以寵之。先生學極博。嘗著十三經糾繆。廿一史糾繆。及象數諸書。既自以爲近於口耳之學。不復示人。惟以反身錄示學者。晚年遷富平。學者日至。然或才士著書滿家。先生竟扃戶不納。積數日。悵然去。或出自市廛下戶。先生察其心之不雜。引而進之。當是時。北則孫先生。夏峯南則黃先生。梨洲西則先生。時論以爲三大儒。然夏峯自明時已與楊左諸公爲石交。其後孫高陽相國折節致敬。易代後聲名益大。梨洲爲忠端之子。葢山之高弟。又從亡海上。資望皆素高。先生起自孤。

童上接關學六百年之統寒饑清苦中耿光四出無所憑藉拔地倚天視二先生為尤難云先生名顯字中孚自署曰二曲士室病夫陝西蓋屋人子二慎言慎行慎言以門戶故出補諸生終不與科舉後以選拔貢太學亦不赴先生晚年因兵氛遷寓富平與富平李因篤鄜縣李柏稱關中三李門人王心敬能傳其學因篤自有傳

柏字雪木少孤貧稍長讀小學曰道在是矣遂盡焚帖括而日誦古書家人強之應試遂出走西踰沂南入棧道東登首陽拜夷齊墓復以母命就試補諸生旋棄巾服入太白山讀書十年成大儒公卿多欲薦之度不獲行己志卒辭謝昕夕謳吟拾山

國朝先正事略 卷二十七 名儒 六

中榭葉書之門人都其集曰榭葉集山居力耕日食粥或半月食無鹽意夷然不屑也嘗言古之人有七日不火食者有三旬九餐者有食木子橡栗者有屑榆者有一日長坐者有十九年餐糗啗雪者蓋有主於中不動於外所謂不忘溝壑也其高奇絕俗類此年六十六卒子曰崧女適二曲子慎言

心敬字爾緝號澧川鄆縣人少傳二曲之學二曲集二十二卷皆其所撰次也少為邑諸生歲試提學遇之不以禮發憤脫巾曠去遂出其籍雍正中 詔舉賢良方正總督額斌倫年羹堯先後上章薦兩徵不起及羹堯為大將軍復招之卒謝不往羹堯敗出其門下者皆絀誤或禁錮終身澧川不與也朱高安督

學關中數造廬請益焉澧川學問淹通有康濟之志集中論選舉軍餉馬政區田法圃田法井利說諸篇皆可坐言起行非空談心性者比子某以知縣入都

世宗見而嘉之曰若儒子故自不凡乾隆元年蒲城進士某應廷試大學士鄂爾泰公問澧川安否進士素昧澧川不能對鄂公笑曰若不識關中儒者乃亦成進士耶秦中新除大吏來及皇華過境鄂公必寄聲候澧川動定其見重當世如此生平論學以明新止至善為歸著有澧川集關學編澧川易說江漢書院講義及語錄

國朝先正事略 卷二十七 名儒 九

孫先生景烈者字西峯武功人也少舉於鄉為商州教官勤於課上不受諸生一錢雍正中舉賢良方正乾隆己未成進士授檢討以言事忤 旨放歸深自韜晦陳文恭撫陝奉 詔舉經明行修之士將以西峯應固辭主關中書院教生徒以克己復禮居平雖盛夏必肅衣冠韓城王文端杰其入室弟子也嘗曰先生冬不鑪夏不扇如邵康節學行如薛文清為關中學者宗有自來矣又鄆縣馮先生雲程字海鵬號峪泉子生七歲而孤感奮自立嘗謂生平有友五人同邑則雪木李子蓋屋則名世趙子鄆縣則澧川王子晚得一人為蓋屋司訓劉子又繼得灑灑之友方白趙子二曲先生為之傳又同時有蓋屋惠含貞先生思誠武進陸儔公先生卿鶴二曲皆為之傳感稱其學行云

顧亭林先生事略 張弼 吳任臣

亭林先生初名絳字甯人江南崑山人乙酉改名炎武自署蔣山備本生父同應有同祖弟曰同吉早世聘王氏未婚守志以先生為之後母夫人最孝嘗斷指療姑疾崇禎九年旌於朝丁亥夏避兵常熟年六十矣謂先生曰我雖婦人然受國恩矣過變我必死之於是先生方應邑令楊永言之辟與嘉定吳其沈同里歸莊共起兵奉故鄭撫王永祚以從夏文忠允彝於吳中魯王監國授先生兵部司務事既不克永言行遁去其沈死之先生與莊幸得脫母夫人聞兩京皆破遂不食卒遺命誡先生勿事二姓次年唐王起閩中以職方郎召先生欲赴之念母

國朝先正事略 卷二十七 名儒

手

未葬不果次年後豫吳兆勝之禍更欲赴海上道梗不前庚寅有怨家欲陷之乃變衣冠作商賈游京口又游禾中次年之舊都謁孝陵癸丑再謁其冬又謁而圖焉顧氏有三世僕曰陸恩叛投里豪丁酉先生四謁孝陵歸持之急乃欲告先生通海先生亟往擒之數其罪湛之水僕壻復投里豪以千金賄太守欲殺先生勢危甚有代乞援於錢牧齋者牧齋欲先生自稱門下乃許之其人知必不可而懼失援乃私自書刺與之先生急索刺還不得則列揭通衢自白牧齋亦笑曰甯人之下也會故相路文貞振飛之子澤溥為白其事於是先生浩然有去志至是五謁孝陵乃東行舉田於章邱之長白山下以自給戊戌徧遊

北畿出山海關歸至昌平拜謁長陵以下次年再謁又念江南山水有未盡者復歸六謁孝陵東遊至會稽次年復北謁思陵由太原大同入關中至榆林是歲浙中史禍作先生幸得脫甲辰四謁思陵舉田於雁門之北五台之東初先生之居東也其地溼不欲久留每言馬伏波田疇皆從塞上立業欲居代北嘗曰使吾澤中有牛羊于江南不足懷也然又苦其地寒乃經營創始使門人輩司之而身出游丁未之淮上次年自山東入京師萊之黃氏有奴告其主所作詩者多株連復以吳中陳濟生所輯忠義錄指為先生作首之書中有名者三百餘人先生聞之馳赴山東自請勘頌繫數月富平李因篤親至歷下解之

國朝先正事略 卷二十七 名儒

手

獄口復如京師五謁思陵自是往還河北諸邊塞者凡十年丁巳六謁思陵始卜居陝之華陰始先生徧觀四方心耿耿未下謂秦人慕經學重處士持清議實他邦所少而華陰綰穀關河之口雖足不出戶而能見天下之人聞天下之事有警入山守險不過十里之遙若志在四方則一出關門亦有建瓴之便乃定居焉王徵君宏撰築室延之先生置田五十畝於華下供晨夕而東西開墾所入別貯之以備有事又餌沙苑蒺藜而甘之曰啖此久不肉不茗可也熊公賜履方任史事以書來招答曰願以一死謝公最下則逃之世外懼而止戊午鴻詞科詔下諸鉅公爭欲致之先生以死辭次年修明史又欲薦之貽書葉

學士方藹。誓以身殉。始得免。華下諸生請講學。謝之曰。近日三曲徒以講學故得名。遂招逼迫。幾凶死。名之為累甚矣。况東林覆轍有進於此者乎。少讀宋史。劉忠肅傳曰。士當以器識為先。一命為文人。無足觀矣。即終身謝絕。應酬文字。李二曲求為其母傳。至再三終謝之。嘗曰。文不關於經術。政理之大不足為也。韓公起八代衰。若但作原道諫佛骨表。平淮西碑。張中丞傳後序諸篇。而一切諛墓之文不作。豈不誠山斗乎。今猶未也。其論學則曰。諸君關學之餘也。橫渠藍田之教。以禮為先。孔子嘗曰。博學於文。約之以禮。而劉康公云。民受天地之中。以生。所謂命也是。以有動作威儀之則。然則君子為學。舍禮何由。近日講學

國朝先正事略 卷二十七 名儒 三

家專以聚徒立幟為心。而其教不肅。方將賦茅鷗之不暇。何暇其餘。尋以乙未春出關。觀伊洛。歷嵩少。曰。五嶽遊其四矣。會年饑。渡河至代北。復還華下。先生既負用世之略。不得一遂。所至輒小試之。墾田度地。累致千金。故隨寓即饒足。徐尙書乾學兄弟甥也。未遇時。先生振其乏。至是鼎貴。為東南人士宗。累書迎先生南歸。請居以別業。皆不至。庚申其婦卒於崑山。寄詩挽之而已。康熙二十年卒於華陰。年六十有九。無子。以從孫洪慎後。高弟吳江潘未刊布其遺書。先生耿介絕俗。雙瞳子。中白而邊黑。見者異之。最與歸莊善。少其遊。復社有歸奇。顧怪之。目於書無所不窺。尤留心經世學。歷觀廿一史。明十三朝實錄。天下國

經說部。以至公移邸鈔之屬。有闕民生利害者。隨錄之。又參以躬所聞見。曰。天下郡國利病書。別一編。曰。肇域志。最精韻學。能據遺經。以正六朝唐人之失。據唐人以正宋人之失。有音學五書。李文貞光地。謂自漢晉以來。所未有。性喜金石文。所至必躬自蒐訪。有金石文字記。晚益篤志六經。謂經學即理學也。自有舍經學言理學者。乃墮於禪學。而不自知。故持論悉本朱子之說。而歸咎於上蔡橫浦象山。其甚峻。有書曰。下學指南。其平時論學曰。博學於文。曰。行已有恥。謂自一身以至天下國家。皆學之事。自子臣弟友。以至出入往來。辭受取與之間。皆有恥之事。不恥惡衣惡食。而恥匹夫匹婦之不被其澤。故曰。萬物皆備於我。

國朝先正事略 卷二十七 名儒 三

矣。反身而誠。其日知錄三十卷。尤終身精詣之書。凡經史粹言。皆具焉。自言有王者起。將以見諸行事。而躋斯世於古治之隆。而未敢為近人道也。先生出游。以馬二騾。二載書隨。所至阨塞。即呼老兵。退卒。詢曲折。或與平日所聞不合。則即旅舍中發書。勘之。或經行平原大野。無足措意。則馬上嘿誦諸經註疏。偶有遺忘。即又發書。熟復之。汪鈍翁嘗言。經學修明者。吾得顧子亭林。李子天生。內行醜備者。吾得魏子環極。梁子曰。緝先生廣之。曰。學究天人。確乎不拔。吾不如王寅旭。讀書為己。探賾洞微。吾不如楊雪臣。獨精三禮。卓然經師。吾不如張稷若。蕭然物外。自得天機。吾不如傅青主。堅苦力學。無師而成。吾不如李中孚。險

阻備嘗與時屈伸吾不如路安鄉博聞強記羣書之府吾不如吳任臣文章爾雅宅心和厚吾不如朱錫鬯好學不倦篤於朋友吾不如王山史精心六書信而好古吾不如張力臣所著書又有左傳杜解補正九經誤字石經考吳韻補正昌平山水記山東考古錄京東考古錄亭林詩文集及二十一史年表心代帝王宅京記皆行於世力臣名昭山陽人精六書貧而嗜古尤究心金石。抄討靡遺。嘗登焦山乘江湖歸壑入巖下仰讀瘞鶴銘證爲顧况書。援據甚核。後以孽廢而考證彌勤。亭林音學五書力臣所寫定也。任臣吳姓名志伊仁和人志行端慤博聞強識兼精天官樂律。康熙己未召試博學鴻儒授檢討承修明史。

國朝先正事略 卷二十七 名儒

五

歷志撰十國春秋百十四卷。廣搜博引可稱淹貫。又撰山海經廣注字彙補周禮大義禮通春秋正朔考辨託園詩文集諸書。

王而農先生事略 兄介之 子敬

先生姓王氏諱夫之字而農號薑齋湖南衡陽人父朝聘副貢生以文學知名先生少負異才讀書十行俱下年逾冠與兄介之同舉崇禎壬午鄉試以道梗未與計偕明年張獻忠陷衡州士類多汚偽命其不屈者投之湘江先生走匿南嶽雙髻峯下賊執其父以爲質先生自引刀刺其肢體昇往易父賊見其重創也免之父子俱得脫十七年北京陷先生涕泣不食者數日明年王師下金陵唐桂二王相繼稱號督師何公騰蛟屯長沙堵公允錫駐常德兩公頗不相能先生憂之上書監軍章公曠請調和南北兩軍防潰變章公不能用諸鎮卒奔覆章公以

國朝先正事略 卷二十七 名儒

五

憂死順治四年王師下湖南先生走桂林大學士瞿公式昶疏薦於桂王先生以父憂請終制服闋授行人是時桂王建国肇慶旋移駐武岡走靖州柳州大學士嚴公起恆皆從已復從至肇慶時胡端水火有吳黨楚黨之目主吳者爲朱天麟張孝起吳貞毓堵允錫王化澄諸人主楚者爲金堡丁時魁劉湘客袁彭年蒙正發諸人又其時李承棟新附於王朝政皆決於其子元允堡等五人附之吳黨目爲五虎嚴公居其間不能有所匡正王在梧州貞毓等十四人合疏攻五虎下湘客等於獄將置之死先生走告嚴公曰諸臣棄墳墓捐妻子崎嶇從王而以黨人殺之則志士將解體誰與共危亡者嚴公感其言踰王舟

力救貞毓等並惡之。是時化澄已為言者熱去。貞毓等請召還。因與合攻嚴公。先生亦三上疏劾化澄。化澄甚必欲殺先生。以救得免。返桂林。復依霍公。尋聞母病。閒道歸。至則母已前卒。其後霍公殉節。桂林嚴公被害。南甯先生知事。愈不可為。遂決計老。屬下已而緬甸亦覆沒。先生益自晦。匿浪遊。邨永。連邵。閒所至。人士慕從。輒辭去。最後歸衡陽之石船山。築土室曰觀生。居晨夕。杜門。學者稱船山先生。所著有周易內傳十二卷。發例一卷。周易大象解一卷。周易稗疏四卷。周易考異一卷。周易外傳七卷。書經稗疏四卷。尚書引義六卷。詩經稗疏四卷。詩經考異一卷。詩廣傳五卷。禮記章句四十九卷。春秋稗疏二卷。春秋

國朝先正事略 卷二十七 名儒 三

家說七卷。春秋世論五卷。續春秋左氏博議二卷。四書訓義三十八卷。四書稗疏二卷。四書考異一卷。讀四書大全說十卷。說文廣義三卷。讀通鑑論三十卷。宋論十五卷。張子正蒙注九卷。思問錄內篇一卷。外篇一卷。侯解一卷。聖夢一卷。黃書一卷。識小錄一卷。老子衍一卷。莊子解三十三卷。龍溪夜話一卷。愚鼓歌一卷。相宗緒索一卷。楚辭通釋十四卷。薑齋文集十卷。詩集十卷。詩餘三卷。詩話三卷。外集四卷。夕堂永日八代文選十九卷。共計三百二十四卷。其著錄於四庫者。曰周易稗疏考異。尚書稗疏。詩稗疏。考異。春秋稗疏。凡六種。存目於四庫者。曰尚書引義。春秋家說。凡二種。先生論學。以漢儒為門戶。以宋五子為

學。與其所作大學衍中庸衍。皆力闢致良知之說。以羽翼朱子。而於正蒙一書。尤有神契。謂張子之學。上承孔孟。如皎日麗天。無幽不燭。惜其門人未有殆庶者。而當時鉅公。如文富司馬。諸公。張子以布衣。貞隱無絲資。其羽翼其道之行。曾不逮邵康節之數學。是以不百年而異說興。於是究觀天人之故。推本陰陽法象之原。就正蒙精釋而暢衍之。與自著思問錄二篇。皆本隱之顯。原始要終。炳然如揭。日月至其扶樹道教。辨上蔡象山。桃江之誤。或疑其言稍過。然議論精嚴。粹然皆軌於正也。先生生當鼎革。甲申後。崎嶇嶺表。發諫論。攻檢邪。備嘗艱險。既知事不可為。乃退而著書。窮伏窮山。四十餘年。一歲數徙。其處故國之

國朝先正事略 卷二十七 名儒 三

戚生死不忘。康熙十八年。吳逆僭號於衡。僞僚有以勸進表相屬者。先生曰。亡國遺臣。所欠一死耳。今安用此不祥之人哉。遂逃入深山。作破襖賦。吳逆平。大吏聞而嘉之。屬郡守饒粟帛。請見先生。以疾辭。未幾卒。葬大樂山之高節里。自題墓碣曰。明遺臣王某之墓。當是時。海內儒碩。推容城整屋。餘姚崑山。先生刻苦似二曲。貞晦過夏。峯多聞博學。志節皎然。不媿黃顧兩君子。然諸先生肥遯。自甘聲望益熇。雖薦辟。皆以死拒。而公卿交口。天子動容。其著述。易行於世。惟先生。窺身。猶尚。席。棘。飴。茶。馨。影。不出林莽。門人故舊。又無一有氣力者。為之表章。歿後四十年。其子致。抱遺書。上之督學。且與潘太史宗洛。因緣得入四庫。且

史館立傳儒林而其書仍不傳道光庚子族孫世任始刻行咸豐四年燬於兵燹同治二年會中丞國荃復捐俸重錄焉本朝經學家後先生而起者無慮百十人所言皆有根柢然有於為創獲不知為先生所已言者四庫總目於春秋稗疏中會論及之實未易一二數也兄介之字石子號石崖鄉舉後值國變遂隱居不出先先生卒著有周易本義質四卷詩經尊序十卷春秋四傳質十二卷子敬字虎止操履高潔博學有文名康熙朝貢生與邵陽車無咎補麻王元復能愚牧縣陳之駉桃文稱楚南四家又稱楚中三王謂虎止與能愚及漢陽王翥伯穀也潘太史視學楚南延虎止入幕與宜興儲大文六雅善晚築湘

國朝先正事略卷二十七 名儒

天

西草堂著有蔗畦存稿及雲草學者稱蔗畦先生

陸桴亭先生事略 葉敦良 盛敬 江士韶

本朝諸儒恪守程朱家法者推二陸先生為正宗二陸者一清獻公一桴亭先生也先生名世儀字道威江蘇太倉州人少即篤志聖賢錢忠介公肅樂牧太倉時一見奇之曰他日必以魁儒名世劉念臺先生講道蕺山張受先采嘗約先生往受學先生即赴之受先不果終身以為憾時流寇日熾先生謂平賊在良將尤在良有司宜大破成格凡進士舉貢監諸生不拘資地但有文武幹略者輒與便宜委以治兵積粟守城之事有功即以爲其地之牧令如此則將兵者所至皆有呼應今拘吏部法重以賄賂隨在充數是賣封疆也時不能用明亡嘗上書南都

國朝先正事略卷二十七 名儒

天

不見聽又嘗參人軍事既解鑿地寬可十畝築亭其中高臥閉關謝客其自號桴亭以此風波既定至四明哭忠介歸始應諸生之請講學東林已講於毘陵復歸講於里中當事者屢欲薦之力辭免葉敦良者字靜遠浙之西安人戴山高弟也千里賂書討論先生喜曰證人尙有緒言吾得慰未見之憾矣先生少嘗從事養生之說有所得矣既而翻然悟乃亟棄之作格致篇以自考曰敬天者敬吾之心也敬吾心如敬天則天人可合一矣故敬天爲入德之門及讀薛文清書有云敬天當自敬心始乃歎曰先得我心哉先生教人先小學後大學以立志居敬爲本以聖經八條目爲程主敦守禮法講明實用然後漸進於天

人之微。考及百家之言。其先後次序。悉朱子遺法也。所著思辨錄。凡十四類。前集曰小學。曰大學。曰立志。曰居敬。曰格致。曰誠正。曰修齊。曰治平。後集曰天道。曰人道。曰諸儒。曰異學。曰經子。曰史籍。自象緯律曆。以至禮樂兵農刑政。河漕鹽屯。諸務以及歷代儒先之異同得失。旁及異端。莫不窮究其所以然。而立論一歸醇正。清獻公嘗序而刻之。其景仰者至矣。先生自序生平。謂得力於理。先於氣。一言於理氣之間。盡心體驗。始知太極為理。兩儀為氣。人之義理。本於太極。氣質。本於兩儀。居先氣居後。理為主。氣為輔。條理井然。既而悟理一分殊之旨。恰與羅整庵之言合。便灑然覺理氣融洽。性原無二。然未察及人與物性。

國朝先正事略 卷二十七 洛儒

三

同異處也。既而知人與萬物之所以同。又知人與萬物之所以異。於朱子所云論萬物之一原則。理同而氣異。論萬物之異體。則氣猶相近。而理絕不同。二語大有契入。於是又識得天地萬物本同一體處。然而性善之說。則終以先入之言為主。以為孟子論善。止就天命之初。繼之者善處論。未敢說到成之者性。既而悟成之者性。以前著不得性字。既云成之者性。便屬氣質。既屬氣質。何云性善。於是曠覽天人之原。博觀萬物之際。見夫異異而同者。始知性為萬物所同。善為人性所獨。性善之旨。正不必離氣質而觀也。乃取孟子前後論性語。反覆讀之。始知孟子當日止就氣質中說善。而程朱以後。尚未之能晰也。於是又

取宋五子之言。觀之周則無不脗合。程朱間有一二未合。而合者。嘗八九也。周子太極圖說。惟人也。得其秀而最靈。形既生矣。神發知矣。形生質也。神發氣也。形生神發。而五性具。是有氣質。而後有性也。可見不落氣質。不可謂之性。一言性。便屬氣質矣。先生不喜新會餘姚之學。顧能洞見其得失之故。而平心以論之。尤足廢諸家紛爭之說。其論白沙曰。世人多以白沙為禪宗。非也。白沙會哲之流。其意主於灑脫。閉曠以為受用。不屑苦思。力索。其靜中養出端倪之說。亦本中庸。然不言戒懼。慎獨。而惟詠歌舞蹈以養之。則近於手持足行。無非道妙之意矣。白沙與敬齋俱學於吳康齋。本皆以居敬為主。故其詩曰。吾道有宗主。

國朝先正事略 卷二十七 名儒

三

千秋朱紫陽。說敬不離口。示我入德方。後來自成一家。始以自然為宗。而敬齋則終身無所轉移。是以有狂狷之分也。究之所謂自然者。誠也。稍有不誠。則粉飾造作。便非自然。而或者以率略放達為自然。非也。其論陽明曰。陽明之學。原自窮理讀書中來。但才氣過高。終屬聰明。用事其言。朱子格物之非。謂嘗以庭前竹試之。七日而病。是則禪家參竹篋之法。原非朱子格物之說。陽明自誤會耳。陽明意主簡易直捷。以救支離之失。故聰明者喜從之。而一聞簡易直捷之說。則每厭讀書窮理之繁。動云一切放下。而居敬之功。弛矣。故陽明在聖門狂者之流。門人昧其苦心。以負之耳。其論整庵曰。陽明講學。在正德甲戌乙亥間。

整庵困知記一書作於嘉靖戊子己丑之際。整庵自謂年垂四十始志學。正陽明講學時也。其後致良知之說遍天下。而整庵書始出。然則非陽明講學。則整庵將以善人終其身。而是書且不作。朋友切磋之功。其可少哉。陽明工力不逮。整庵之半。整庵才氣不逮。陽明之半。於整庵。吾恨其聰明少於陽明。吾恨其聰明多。其論陽明弟子曰。姚江弟子必以稽山爲巨擘。其序傳習錄。謂師亡未及三紀。而微言日以沈晦。豈非吾黨身踐之不力。而多言有以病之耶。此蓋爲龍溪而發。而救正王學末流之功。甚大。是不負陽明者。緒山也。終肯陽明之教者。龍溪也。又嘗語學者曰。世有大儒。決不別立宗旨。譬之大醫。國手無方。不備豈

國朝先正事略 卷二十七 名儒 三

嘗沾沾然執一海上。方而謂舍此更無方。無藥哉。今之談宗旨者。皆海上方也。所著自思辨錄外。有宗禮典禮折衷。治通治鄉三約。甲申臆儀城守要略。八陣法門。先儒語錄集成。明儒語錄集成。禮衡易窺。詩鑑書鑑。春秋考論。讀史筆記。考德錄。諸書。同州共學者曰。盛先生敬江先生士韶。敬字宗傳。號寒溪。長桴亭先生。一歲年十五。遇桴亭。一見卽甚相得。與同學者三年。厭薄聲華。不事舉子業。後罹家阨。流離播徙。去稍遠。至崇禎丙子。始與桴亭及陳子確。庵江子藥。園有講學之舉。時絕學初興。慮驚世駭俗。深用韜秘。四人者。風雨聯牀。或橫經論難。或卽事窮理。反覆以求。一是甚有商榷。未定徹夜。

忘寢質明而後斷。或未斷而復辨者。既而同志漸多。旬月皆有常會。會必講貫終日。凡身心性命之奧。天文地利河渠兵法之學。太極陰陽鬼神之秘。儒釋之辨。經史百家之贖。罔弗根究本末。要於中正。講論之樂。嘗恨古人不及見之。退則做先儒讀書記之法。各有所錄。旬日不著錄。卽互相糾。以爲學問進退之則。桴亭所著思辨錄。皆十二年閒。俛讀仰思有所見。則疾書以爲識。其所得者也。顧其所紀皆隨筆。無倫次。寒溪與樂園乃纂輯精要。類分而書之。樂園名士韶。子虞九。其學以桴亭爲歸。所纂思辨錄。輯要寒溪既序其體例。樂園復序之。其略曰。自結繩以降。太昊始之。皇農諸聖人繼之。而集諸聖之大成者。有孔子。漢

國朝先正事略 卷二十七 名儒 三

唐以隆。濂溪始之。洛閩諸大儒繼之。而集諸儒之大成者。有朱子。然自朱子以後。羣言淆亂。莫知折衷。其溺於詞章。牽於訓詁者。無論已。自禪學盛而二氏標榜。於是異學與正學爭。自心宗盛而三教合一。於是儒者與儒者爭。浸淫至於末季。所推儒門巨擘。大約爲異端立赤幟耳。或樹敵門外。或操戈室中。其指似異。其實實同也。桴亭之爲是書。無閒寒暑。無閒窮達。無閒治亂。蓋十二年如一日。皆爲術道計耳。則繼朱子而集大成者。桴亭何多讓焉。嗚呼。此心同也。此理同也。桴亭言之。而天下萬世之人。誦之習之。或從而歌。舞詠嘆之。以是爲桴亭功。桴亭言之。而天下萬世之人。疑之阻之。或從而訕笑詬厲之。以是爲桴亭罪。

而皆無容心也。道存與存，道亡與亡，聽之天而已矣。庶幾藏之名山，傳之其人，以俟天下萬世之知桴亭而能讀是書者。

國朝先正事略 卷二十七 名儒 書

張楊園先生事略 何汝霖 凌克貞 吳嘉玲 陳粹

先生名履祥，字考夫，居桐鄉之楊園村。學者稱楊園先生。九歲喪父，擗踊祖括如成人。母夫人訓之成立，嘗中酒母責之，且諭曰：「孔孟亦是兩家，無父兒止為肯學好人，便成大聖大賢，爾勿自棄也。」年十五，補邑諸生。恥入社，讀小學近思錄，有得作願學記。渡江而東，拜劉念臺先生門下。閏甲申三月之變，縞素不食，攜書麓步歸楊園。隱約間，修益肆力。程朱之書，覺人諧獨體之說，猶近陽明，然以師故不敢言也。澈湖何商隱延之家塾，出傳習錄請評，先生不敢任。既而館語水主人以請復辭之。後數年始毅然奮筆，條分縷析，直抉其所以然。蓋自此書出而閉關錄

國朝先正事略 卷二十七 名儒 書

困知記學，通辨皆所謂擇焉不精者矣。吳江張嘉玲棄諸生從先生遊，資獨敏，故所詣彌粹。先生自亂後益杜門寡交，病常世講學者，騁口辯，沽虛名，故於來學之士未嘗受其拜。一以友道處之，與茗上凌渝安沈石長及商隱交最篤。往復終身無間。平居雖盛暑，方巾深衣，端拱若泥塑。或舟行百里，坐不少歇。晚年為寒風，立圖自題以見志，嘗云：「三代以上折衷於孔孟，三代以下折衷於程朱。於通鑑綱目，朱子文集語類，晨夕不去手。旁及讀書居業二錄、童蒙訓、魯齋集，皆有評本。輯劉子粹言於師門，有補救之力。念臺之子伯繩，輯先人遺書多折衷於先生。時黃太冲方以紹述鼓山，鼓動天下，先生曰：「此名士，非純儒也。」

痛先世殯官以貧不能早葬燬於盜雖罪人既得斬首祭墓和衣猶麻卒於康熙十三年年六十有四遺命以衰履濮川布衣陳梓爲作傳輯年譜門人祝淦彙刻其全集目次凡十六曰經正錄曰願學記曰問目曰備忘錄曰詩曰書曰初學備忘曰學規曰訓子語曰答問曰門人所記曰言行聞見錄曰近古錄曰近鑑曰喪祭雜說曰農書先生恪守紫陽居敬窮理之訓實體諸人倫日用開在前明爲薛胡之後勁在本朝爲清獻之前茅身處草野日抱髮憂荒江寂寞中惴惴念亂其心固未嘗一日忘天下也嘗言人自著衣至於解衣終日之間所言所行須知有多少過差自解衣至於著衣終夜之間所思所慮須知

國朝先正事略卷二十七 名儒

五

有多少邪妄有則改之此爲修身第一事又曰爲學自不欺始不欺自親長始於親長忍用其欺安往而不欺者又曰朱子精微象山簡率薛胡謹嚴陳王放曠今人多舍朱從陸尊陳王誦薛胡固由人情便簡率而苦精詳樂放曠而畏謹嚴亦緣百餘年來陽明之學大行遂以先人之言爲主雖閒讀程朱書亦止本陸王之意指摘其短長而已此種習尚不變竊憂生心害政之禍未有艾也又曰學者舍稼穡別無治生之道能稼穡則無求於人而廉恥立知稼穡艱難則不敢妄取於人而禮讓興廉恥立禮讓興而世道可以復古矣故其所補農書皆得諸身試者何商隱名汝霖武原人凌渝安名克貞沈石長名磊皆烏程

人吳嘉玲字佩慈一字帖瞻陳梓字古民祝淦字人齋海昌人商隱嘗曰楊園學術至正言行無疵至其不言而飲人以和與人並立而使人化尤莫知其所以然也凌先生曰楊園間修一室而聞風者悅服觀德者心醉惟其誠耳陳古民曰先生純粹如敬軒而研窮精核謹飭如敬齋而規模宏遠人齋祝氏既刻其遺書復擇粹語爲一編曰淑艾錄以示學者陸清獻公未獲與先生相接及見其遺書乃心折焉

國朝先正事略卷二十七 名儒

五

張蒿庵先生事略 孫若羣

齊魯自伏生鞅固而還至東京之末康成鄭氏始為諸經箋注
 號稱經師爰及北宋乃有泰山孫明復徂徠石守道持起為人
 倫師表越六百年復有蒿庵張先生先生名爾歧字稷若濟陽
 人明季為諸生入 本朝隱居求志當正學昌明之日博綜載
 籍以篤志力行為本性孝友報親喪三年號泣不輟殯葬皆遵
 古禮以沃產讓兩弟為代納賦稅三十餘年及易簣猶屬子代
 納以終二弟之身為其有廢疾也卒於康熙十六年年六十有
 六當是時孫鍾元講學蘇門黃梨洲標宗姚江皆出入白沙陽
 明問先生獨守程朱說不少變海內君子如桐鄉張考夫太倉
 國朝先正事略 卷二十七 名儒 三

陸道威各以韋布躬行任斯道之重先生編紵未通而風朔合
 轍隱然有以開陸清獻張清恪之先故崑山顧亭林亦時以康
 成泰山徂徠三先生相勸先生閉戶著書所與游自亭林外惟
 長山劉友生樂安李象先關中李二曲王山史四人而已乾隆
 中 詔徵海內遺書其鄉人以先生所著書上當事進冊府海
 岱經生益知先生為三先生以後一人吳江陸朗夫耀陳臬山
 東建蒿庵書院以祀先生而額其堂曰辨志取先生所論著以
 立教也其辨志略曰人之生未始有異也而卒至大異者習為
 之也習之所以異志為之也志異而習以異習異而人以異故
 志乎道義未有入於貨利者也志乎貨利未有幸而為道義者

也志道義則每進而上志貨利則每趨而下其端甚微其效甚
 巨舜蹠之分利與善之間而已人之所以孳孳而為者志在故
 耳志之為物往而必達圖而必成及其既達則不可以返也既
 成則不可以改也於是為舜者安享其為舜為蹠者縱自悔其
 為蹠而已莫可致力矣所志者殊也世之誦周公孔子之言者
 肩相比也周孔之教未聞有見諸行事者豈少而習之長而忘
 之與毋亦誦周孔而志不在周孔也志不在周孔則所志必貨
 利矣以志在貨利之人而乘富貴之資制斯人之命吾悲民生
 之日蹙也志之定於心也如種之播於地也種梁菽則梁菽種
 烏附則烏附矣雨露之滋培壅之力各於所種以成效焉梁菽

國朝先正事略 卷二十七 名儒 三

成則人賴以養烏附成則人破其毒學不正志而勤其佔畢美
 其文辭以售於世則所學皆其毒人自利之藉也嗚呼學者一
 日之志天下治亂之源生人憂樂之本矣且夫志在道義未有
 不得乎道義者也窮與達均得焉志在貨利未必貨利之果得
 也而道義已坐失矣孟子曰求在我者也是求有益於得也求
 在外者也是求無益於得也能審乎內與外之分必得與不必
 得之數可以定所志矣其中庸論略曰中庸云者贊禮之極辭
 也中庸一書禮之統論約束也夫禮抑人之盛氣抗人之懦情
 以就於中天下之人質之所不使皆不能安不安恐遂為道裂
 指禮之物而贊以坦易之辭以究其說於至深至大至盡之地

所以堅守禮者之心而統之一途也由禮而後喜怒哀樂皆可
以中節中節而後可以為中庸故其言始之天命以著從來曰
斯禮也命與性先之矣不然不汝強也極之彝倫典則以表大
業曰斯禮也帝王之所考名教之所責無之或二也要之誠明
以立本事曰斯禮也非明無以通微非誠無以正隱非所以為
外也於是使愚不肖者知所慕而賢智者亦厭其意而不敢求
多焉此中庸之書所以繼六經而鞭其後也盡六經之說而後
可以究理之說而後可以究中庸之說中庸者禮之統論約說
非其詳者也而孔子之告顏子曰克己復禮為仁仁不得禮無
以為行并無以為存也吾故斷以為中庸必有所指而所指斷

國朝先正事略卷二十七 名儒 聖

乎其為禮也漢儒取以記禮為得解矣先生所著有夏小正傳
註一卷儀禮鄭注句讀十七卷儀禮考注訂誤一卷弟子職注
一卷周易說略四卷春秋傳義四卷蒿庵集三卷蒿庵閒話三
卷顧亭林嘗曰獨精三禮卓然經師吾不加張稷若又曰穆若
所著儀禮鄭注句讀根本先儒立言簡當以不求聞達故無當
世名然書實可傳使朱子見之必不僮謝監獄之稱許也同時
有孫先生若羣者潯川人也少勵品學言動皆有則鄉里稱小
聖人早歲成進士謁選京師任侍郎克溥延之課子坐不易牀
食不兼豆雖盛暑亦衣冠危坐如見大賓侍郎知其二子應童
子試時山左學使與侍郎交善將為之地而不知二子名屢欲

問之憚其嚴終不敢發善評騰窮通壽夭皆能以丈決之康熙
癸丑知交城縣事遺其子歸淄就昏去後見其近作時藝嘆曰
吾子其不反矣歸後竟卒治交多異政秩滿遷四川知州卒於
官

國朝先正事略卷二十七 名儒

聖

國朝先正事略卷之二十八名儒

平江李元度次青纂

陳確菴先生事略

先生諱瑚字言夏號確菴江蘇太倉人明季為諸生與同里陸桴亭先生講明義理經濟之學桴亭作格致編首提敬天二字以證于聖心法先生由此用力深得要領著聖學入門書分小學為六曰入孝曰出弟曰謹行曰信言曰親愛曰學文分大學為六曰格致曰誠意曰正心曰修身曰齊家曰治平小學先行後知大學先知後行小學之終即大學之始而每日課程即以敬意善過自考又以全史浩繁難讀乃編為四大部以政事人

國朝先正事略卷二十八名儒

交別之政部分曹事部分代人部分類文部分體手書巨帙各數十略能背誦又旁通當世之務河漕農田水利兵法陣圖無不研貫暇則橫槊舞劍彎弓注矢擊刺妙天下崇禎壬午舉於鄉赴禮部試不第歸時妻江涇塞水旱游至民大饑先生上當事救荒書其預備之政四曰築圍岸開港浦廣樹藝豫積儲防挽之政四曰慎火管早奏報懲游惰勸節省補苴之政四曰通商勸分興役弭亂軫恤之政四曰招流亡緩征索審刑獄恤病囚又陳支吾三議其議食四條曰勸義助勤轉輸招商米優米肆議兵八條曰嚴保甲練鄉民設偵探勸習射練夫役練牙兵備城守之人備城守之器議信六條曰勵士節和大小戶巡郊野

安典肆清獄四嚴督察又上巡撫王開江書一審勢二經費三役兵四實法皆精切可施行而時不能用自言其學如醫之治病求之於古猶治方藥也求之於今猶切脈也按脈以求病按病以定方按方以用藥故百發不爽然主人諱疾則良醫亦束手矣明亡後絕意仕進父病刺血書疏籲天乞身代父卒遺產悉讓之弟避兵行遷不交人事嘗寓崑山之蔚村村田沮洳導里人築圍岸禦水用兵家束伍法不日而成至今賴之晚益困饑常至絕食終不肯干人嘗初冬驟寒客有重裘者知先生單袷欲解以贈竟夕不敢言退而曰乃知今世復有陳無已也康熙十四年卒年六十有三先生之學博大精深以經世自任其

國朝先正事略卷二十八名儒

論學有曰國家之盛衰視人才之消長人才之消長視教化之興廢教化興廢之關人心生死之會也人心不死則天命流行而乾坤立人心死則天命不行而乾坤亦幾乎毀矣治亂之故豈非人心為之哉其論日省敬怠曰君子莊敬日強安肆日偷小學不由乎敬則無以涵養乎本原而謹乎洒掃應對之節與詩書六藝之教大學不由乎敬則無以開發聰明進修德業而致明德新民之功敬也者聖學之所以成始而成終也有內敬主一無適是也有外敬整齊嚴肅是也有靜時之敬戒慎不睹恐懼不聞是也有動時之敬喜怒哀樂發皆中節是也有一日之敬終日乾乾夕惕若是也有一息之敬終食之間不違仁是

也有統體之敬。欽明恭已。聖敬日躋。緝熙敬止。是也。有物物之敬。手容恭。足容重。非禮勿視聽。非禮勿言動。是也。故容有善而未必敬者矣。未有敬而不善者也。其論理財曰。管子富國之法。大約籠山澤之利。操輕重之權。在上不在下。使富商大賈無所牟利。桑孔之徒。師其意以爲均輸平準之法。而不知其合變何也。管子霸道也。可施之一國。不可施之天下。苟利吾國。鄰國雖害。不恤也。爲天下則不然。此有餘。彼不足。不足者亦王土也。此享其利。彼受其弊。弊者亦王民也。故桑孔用之。漢而耗。王呂用之。宋而亡。其論申韓曰。申韓刑名之學。刑者形也。其法在審合形名。故曰。不知其名。復修其形。形名參同。用其所生。又曰。君操國朝先正事略卷二十八名儒三

國朝先正事略

卷二十八名儒

三

其名。臣效其形。形名參同。上下和調。益循名責實之謂。今直以爲刑法之刑過矣。所著書自聖學大門外。有蔚村講規。社學事宜。開江築圍書。菊窠隨筆。荒政全書。今不傳。

高崑旃先生事略

高愈

顧樞

劉灼

吳慎

施璜

高先生世泰字崑旃無錫人忠憲公攀龍從子也少侍忠憲講席篤守家學晚年以東林先緒爲己在葦道南祠麗澤堂於梁溪與高紫超等講習其中祁州刁先生包往返論學尤莫逆學者有南梁北祁之稱孝感熊文端出先生門下儀封張清恪平湖陸清獻亦常與東林講會歛人汪學聖者所學近禪既至東林乃大悟前失其同鄉吳慎施璜汪燧汪知默陳二典胡焜江佑朱宏輩方講朱子之學於紫陽書院因學聖以問業東林志相得乃作紫陽通志錄紫超名愈忠憲公兄孫也十歲讀忠憲遺書即知向學既壯補諸生日誦遺經及先儒語錄謹言行植

國朝先正事略

卷二十八名儒

四

身艱苦嘗言士求自立當自不忘溝壑始事親孝父晉侯嗜酒食必具酒肉出就人飲每遣僮往候而已屏立路旁俟與主人別則趨而掖以歸以爲常先後居親喪不飲酒食肉不內寢兩足皆前卒撫其孤子女爲之昏嫁晚年益窮困嘗餓七日矣方絮其子登城眺望意充然樂也張清恪撫蘇時延主東林書院講會以疾辭有司饋之人復不受平居體安氣和雖子弟未嘗訶譏終日危坐不欠伸盛夏不裸跣與人食不越簋下著有忍爭者至其前輒愧悔縣人好以道學相詆諆獨至先生命曰君子人也卒年七十有八生平於取與之介最嚴年七十時門弟子製冠爲壽猶卻之願棟高嘗從先生遊說經妮妮忘倦所

撰朱子小學注。乾隆中尹學使會一以小學取士。頒行其書。又著周易偶存。春秋經傳日抄。春秋類春秋疑義。儀禮喪服或問。周禮疏義。諸書。東林為高忠憲顧端文兩公講學地。得諸君恪守遺規。其緒言益不泯於世。同縣顧樞字所止。一字庸庵。端文公憲成孫也。明天啟中舉人。少從忠憲講朱子之學。入國朝。韜形遁迹。不入城市。不赴講會。惟心體力行而已。淹貫五經。尤深於周易。尚書。晚作易稿。折衷至當。嘗曰。吾祖於易最精。獨無著述。小子可妄穿鑿乎。於明儒服膺薛胡。而謂陳王不免差失。又謂端文主無欲。忠憲主格物。並直接宋儒其議論之醇正可知矣。同時山陰劉念臺先生之子。洵字伯繩。亦以清介力學稱。

國朝先正事略 卷二十八 名儒

五

方念臺先生家居講學時。諸弟子聞教未達。多私於伯繩。伯繩應機開譬。聞者莫不灑然。及先生死。國難明。唐魯二王皆遣使祭。且蔭以官。伯繩皆辭之。曰。父死敢因為利。既葬。杜門絕人事。著禮經考次一書。以竟父業。有司或請見。雖通家故舊亦峻拒之。副使王爾祿故念臺門下士。以金三百請刻公遺書。不受。語使者曰。幸為我辭。大夫出處。殊途無相強。居葢山小樓。二十年。所與接。惟史子虛。惲仲升。輩數人耳。或勸舉講會。不應。臨卒戒其子曰。若等安貧讀書。守人譜。以終身足矣。人譜者。念臺所著書也。所臥榻。假之祁氏。病革。強起。易之曰。吾豈可終於祁氏之榻門。入私謚曰貞孝先生。吳慎字徽仲。歙諸生也。於書無所不

讀而尤盡心於宋五子書。著書三十餘種。其行世者有周易粹言。大學中庸章句翼論。學以敬為主。自號曰敬庵。初遊梁谿。時東林書院尚守忠憲家法。徽仲與其州人施虹。五無錫張秋。紹等同受業。高彙旃先生春秋釋奠畢。升堂開講。威儀秩然。見者莫不歛容傾聽也。已而歸歙。會講紫陽。還古兩書院。興起者眾。施虹。玉名瑛。休甯人。少應郡試。見鄉先生講學紫陽。矍然曰。學者當如是矣。遂棄舉業。發憤自力於躬行。每會講。先一日齋宿。務設誠以感人。教學者以九容養外。九思養內。已而遊梁谿。事高先生。將歸。與高先生期。某年月日當赴講。及期。高先生設榻以待。或曰。千里之期。能必信乎。高先生曰。施生篤行君子也。如

國朝先正事略 卷二十八 名儒

六

不信者。吾不復交。天下士矣。言未既。虹玉挈其子偕。襄至矣。著思誠錄。小學近思錄發明。行於世。汪燧字文儀。居徽之金城。里年十六。即手錄先儒書。昕夕觀省。既長。篤於躬行。一言動必秉成法。所著書甚具一以洛閩為宗。其讀易質疑。尤見推於時。卒年七十。有四張夏。字秋紹。無錫人。隱居旅川之上。孝友力學。初受業馬文肅公。世奇之。門已而入。東林書院。其為學。先經後史。博覽強記。而歸本自治。高先生既歿。推秋紹主講席。湯文正公撫江蘇。與秋紹論學。題之。延至蘇州學宮講孝經。小學退而著孝經解義。小學濬注。及洛閩源流錄。年八十餘卒。又嚴先生。鼓者。字佩之。號生軒。亦無錫人家。貧。屏跡不出。性孝友。篤學好書。

經史百家靡不究。尤潛心於易春秋。嘗課其弟穀曰。讀書以明道也。吾自得高子遺書。所學乃有歸宿。既與同志講道東林。高君彙旂推爲主席。重修道南祠。輯忠憲年譜。高子節要東林書院志。諸書學使慕其名。貽以額曰。力扶正學。終不一報。謁也。著有生軒易說。易同春秋論。春秋集說。尙書講義。四書講義。生軒存稿。以布衣終。

國朝先正事略

卷二十八 名儒

七

沈求如先生事略 史孝威 管宗聖 韓當 邵曾可 邵廷采 王朝式

有明餘姚王文成公講致良知之學。弟子遍天下。後或不軌師說。爲訛議於世。而同邑傳其學者。推徐曰仁。愛錢緒山。德洪。胡今山。瀚。聞人邦正。詮再傳而得沈先生。國模。國模字求如。餘姚諸生少以明道爲己任。嘗從載山劉子。會講證人社。歸闕姚江書院。與史子虛。管霞。標。輩申明良知之說。其所學或以爲近禪。而言行敦潔。較然不欺其志。故推醅儒。明亡。聞劉子絕粒死。哭之慟。已而講學益勤。初山陰祁忠敏公彪佳。與先生善。忠敏以御史出按江東。一日杖殺巨憝數人。會先生至。欣然以告。先生字祁曰世培。亦會聞曾子云。哀矜弗喜乎。忠敏後嘗語人。吾每

國朝先正事略

卷二十八 名儒

八

慮。四必念求。如恐倉卒。喜怒過當也。順治十三年卒。年八十有二。子虛名孝威。餘姚人。繼求如先生主姚江書院。嘗曰。空談易對境難。於居處恭。執事敬。與人忠。三語精察而力行之。其庶幾乎家貧。日食一粥。泊如也。醇潔之士多歸之。卒年七十有八。順治十六年也。管霞。標者。名宗聖。亦餘姚人。爲人孝友。忠亮。彊氣。自克。言動必準於禮。鄉人化之。孫少保。鎮始與霞。標爲文字交。既從講聖學。喟然嘆曰。向嗜讀左國秦漢百家書。先生爲我洗盡矣。鎮世所稱月峯先生也。自沈史。効後。書院較講垂十年。而縣人韓仁。父繼之。仁父名當。求如弟子也。其學兼綜諸儒。以名教經世。兢兢儒佛之辨。居貧。未嘗向人稱貸。每言立身必自節。

用始出陸校山居家制用篇授學者曰能仿此亦自足用何更
外求為臨講必默對良久始發語聞者輒內愧汗下退而相語
曰比從韓先生來不覺自失時又有邵曾可者字子唯性孝友
愷悌少頗好書畫一日讀孟子至伯夷聖之清者也遂渙然釋
去姚江書院之立也人頗迂笑之子唯厲色曰不如是便虛度
此生遂往學同儕請業者多辨難子唯獨默然竟曰初以主敬
為學後專提致知師事子虛甚謹晨走十餘里叩牀下問疾不
食而反月餘亦病同人推其誠篤卒年五十有一子唯生貞顯
字鶴開鶴間生廷采字允斯又字念魯學者稱念魯先生九歲
讀史即操槩為徐達常遇春傳有法祖自外歸偶舉宋儒語語

國朝先正事略

卷二十八 名儒

九

之念魯與曰其人安往邪願得而事之祖以為有志即為具衣
冠送之姚江書院是時求如先生年八十矣歲必一再至書院
為諸生設講念魯立階下聽久之執卷請曰孩提不學不慮堯
舜不思不勉同乎求如嘆曰孺子知良知矣能敬以恕吾何加
焉自是從韓先生孔當受業初讀傳習錄無所得既讀劉公念
臺人譜曰善哉吾知學王氏學者所始事矣年二十為縣學生
恥為應舉之文入則讀古書出則古衣冠行市中未嘗旁視居
喪不作佛事營窀穸必誠必信一慟盡哀當是時書院諸先生
相次歿念魯抱遺書於荒江斥海之濱守其師說不變然貧無
以自存走嘉興課童子自給居數年有施博者與論學於放鶴

洲念魯曰天泉四言陽明本無極之說儒也龍溪浸淫無生之
旨釋也不得以彼病此博肅拜曰博老矣惟吾子崇尚正學幸
自愛茲吾李剛主貽書論明儒同異念魯答曰致良知者主誠
意陽明而後願學戴山其自信如此初宛平孫侍郎承澤孝感
熊相國賜履先後以闡王氏學為已在朝野之士譁然從之念
魯曰是不足與辨願在力行耳嘗從同縣黃先生宗義問乾鑿
度算法會稽董先生瑒受陣圖保定王先生正中學西歷施將
軍琅征臺灣遇念魯於西湖縱談沿海要害施奇之請與俱不
赴聞遊鎮江與梁總兵化鳳講擊刺之法一月而盡之淮安從
防河卒問河淮離合狀北訪黃河故道西走潼關喟然曰土則

國朝先正事略

卷二十八 名儒

十

古所耕也而水利亡矣奈何會邑人修復姚江書院用禮幣致
之先一日戒服厥明諸子及地方吏畢至釋菜於先賢如禮出
節講堂南向坐童子歌詩闕為講湯良卦聞者肅然父老皆喜
日數十年今見此也尋遊京師商邱宋至鄞萬經欲招入一統
志館念魯謝曰老矣遂歸康熙五十年卒年六十有四先生貌
豐目有光紵袍布履門庭潔如居家必正坐酒酣談忠孝事人
人感動平生篤於三黨養老姑終其身館陶家塚時隣婦訕聲
數出於柵聞邵先生過輒止一年而改行鄉里童子遭於道必
拱手立然俗士輒貌敬之而迂先生莫肯傳其學既倦遊無所
遇私念師友淵源思及身而斬也乃思託著述以自慰以為陽

明扶世翼教。作王子傳。叢山功主慎。忠清堅苦。作劉子傳。王學
盛行。務使合於矩準。作王門弟子傳。金鉉。郝彪。佳黃宗義。張兆
齋等。率教守師說。作劉門弟子傳。又作宋明遺民所知傳。姚江
書院傳。及倪文正施忠愍諸傳。門人刻其遺文。爲思復堂集。二
十卷。又姚江書院志略。凡四卷。

王朝式。字金如。山陰人。亦求如弟子也。嘗入證人社。念臺先生
手誠意。君守致知。曰學不從良知入。必有誠非所誠之蔽。念臺
稱其志願大而骨力堅。所成就未可量。崇禎末。浙中大饑。金如
倡賑粟。全活甚眾。時天下大亂。將走四方。求奇傑士。謀治安。與
守策。不果行。順治初卒。年三十有八。

國朝先正事略 卷二十八 名儒

七

刁蒙吉先生事略 子再濂 王餘佑 張濬

先生諱包。字蒙吉。晚號用六居士。直隸祁州人。父克俊。樂道好
施與。學者稱貞惠先生。先生生而穎異。敦尚質行。年二十有五
舉明天啟丁卯鄉試。以古文鳴於京輔。既再上春官。不第。遂棄
舉子業。力以斯文爲己任。於城隅開地爲齋。曰潛室。亭曰肥遯。
日閉戶讀書。其中無閒寒暑。學者宗焉。執經之屢滿戶外。甲申
國變。設莊烈愍皇帝主於所居之順積樓。服斬衰。朝夕哭臨如
禮。僞命敦趣先生以死。拒。幾及於難。會賊敗得解入國朝。途
不仕。日取四子五經。及宋元以來諸儒書。反覆尋究。積二十年。
不勌其學。以謹言行爲要。以程朱爲宗旨。嘗謂君子守身之道

國朝先正事略 卷二十八 名儒

七

三曰言語不苟。曰取與不苟。曰出處不苟。尤篤好梁谿高忠憲
之書。曰不讀此。幾虛過一生。遂置主奉之。如事貞惠。禮偶有過。
舉必展謁。悔謝曰。某不肖甚。愧吾父師。不可爲子。不可爲人。其
勇於自克如此。先是貞惠卒。三日。勺水不入口。母哭慰之。始勉
進。一溢米。鬚髮盡白。杖而後起。喪祭一準禮經。既葬。廬於中庭。
簷下。三年不飲酒。食肉不入內室。每朔望。忌辰。悲號。感行路年
六十有七。以居。母憂毀悴。致不起。將卒。時肅衣冠。起坐。命告辭。
貞惠及忠憲主問家事。不答。徐曰。吾曾中無一事行矣。遂瞑。
者私諡文孝先生。生平木訥。似不能言。及大義所在。則正色而
談。上下皆傾聽。州有大事。不能決者。必待先生一言爲斷。明季

流賊犯州城先生毀家倡眾誓固守城得不破時有二瑞主兵事探卒報賊勢張甚二瑞怒其惑眾將斬之先生厲聲曰必殺彼請先殺包乃止二瑞相謂曰使若居官者其不為楊左乎賊既去流民載道設屋聚養之病者給醫藥全活尤多有山左難婦七十餘人擇老成人護以歸臨行八拜以重託家人皆感泣竭力衛送歷六府盡歸其家尤篤於故舊然諾不苟與東林諸君子及魏尚書環極為神交各以所得相質證孫夏峯徵君遷蘇門道出邳州先生留講學於家者三月每晨起誦易一周輒垂簾靜坐以為常所著易酌十二卷四書翼註十六卷斯文正統十二卷辨道錄八卷潛室劄記二卷用六集十二卷先生

國朝先正事略 卷二十八 名儒 十三

卒後無錫學者祀諸道南祠子再濂字靜之自為諸生即弛置科舉業從父友五公山人王餘佑及顏習齋元游手錄父遺書又貳之以質四方之學者平湖陸清獻公嘗與靜之書乞借鈔用六集斯文正統辨道錄諸書靜之年逾六十復手錄付諸子且誠之曰昔蔚州魏公持節巡京畿余以故人子獨被渥洽鄰邑人遂簾金而請事余掩耳走蓄然若穢汚之及吾體也汝曹他日登仕籍若以官富家吾生不受其養死不享其祭惟先人遺書未刻者尚百餘萬言必約身而次第布之其後仲子承祖登康熙乙未進士累官至江西布政使果盡刻諸遺書行世五公山人者字介祺保定新城人也父延善邑諸生尚氣誼賞

明末散萬金產結客有子三長餘恪季餘嚴山人其仲也出嗣世父建善令魯山會闖賊陷京師山人自魯山歸父率三子與雄縣馬魯建義旗傳檄討賊時容城孫徵君奇逢亦起兵共恢復雄新容三縣斬其偽官未幾賊敗大清師入山人父為仇家所陷執赴京三子將從餘恪以山人後世父不可死揮餘嚴為復仇計遂獨身赴難父子死燕市餘嚴歸率壯士入仇家戮其老稚三十口無子遺名捕甚急會上官有知其枉者力為解乃免於是山人奉魯山公隱易州之五公山少勵志行嘗受業於孫徵君學兵法國變後更從徵君講性命之學隱居教授不求聞達薦紳先生選進構講堂具安車幣迎受業從遊至數

國朝先正事略 卷二十八 名儒 十四

人山人負文武才教人以忠孝務實學嘗彙古人經世事為居諸編十卷八陣圖一卷萬勝車圖說一卷兵民經略圖一卷又湯幢草三十卷文集三十二卷王崑繩李剛主讀其遺書至撫卷太息曰此諸葛武侯之流也卒年七十學者私諡文節先生山人與刁蒙吉先生為石交靜之遊其門最久語詳尹少宰北學編同時有磁州張先生者名潛字尚若年十二為諸生順治己丑進士壬辰選庶吉士與湯文正公共砥礪為聖賢之學性至孝聞母病即乞養歸躬侍湯藥母病遂瘳後連丁內外艱哀毀骨立喪葬皆如禮服闋赴補適有詞林外轉之命同人錯愕君

怡然歸銜戶讀書窮究身心性命之理萃古人格言懿行以勉子弟家居二十年不妄交遊惟與孫徵君往復論辨無虛日嘗曰真學問在行誼若知而不行猶弗知也又曰除忠孝倫常外別無道學其所得可知矣年五十有八卒著有滄甯集十卷

國朝先正事略 卷二十八 名儒

五

謝約齋先生事略 朱之盛 甘京 章燧 黃采 黃傑

謝先生文游字秋水號約齋江西南豐人。生當明季。見天下方亂。慨然有出世志。遂棄諸生入廣昌之香山。閱佛書。一日午坐。忽如鳥飛出籠。游太虛中。自此神氣洒然。異常時。既。讀龍溪王氏書。服之。復讀王陽明書。自信益篤。遂與同邑李萼林邵審明。請陽明之學。會於新城之神童峯。有王聖瑞者。力攻陽明。先生與爭辯。累日。為所動。取羅整庵困知記讀之。始一意程朱。歸程山學舍於城西。名其堂曰尊洛。著大學中庸切己錄。及講義數十篇。發明張子主敬之旨。以為為學之要。畏天命一言盡之矣。聖人一生戰兢惕厲。曰顧諟天之明命。曰上帝臨汝。無貳爾心。

國朝先正事略 卷二十八 名儒

六

曰昊天旦。明出王游衍。無非畏天命之心法也。學者當常提此言。注目而視。惟此傾耳而聽。惟此稍有一念之私。急當痛悔。速自洗滌。以無犯帝天之怒。久之。人欲淨盡。上下同流。樂天境地。可得而臻也。時甯都易堂九子。星子。髻山。七子。俱以文章節槩名天下。而先生獨反己。閤修務。求自得。其程山十則。亦以躬行實踐為主。髻山宋之盛。過訪程山。遂約易堂魏禧。彭任。會講旬餘。於是諸子皆推讓程山。謂其篤躬行。識道本。同縣甘京。字健齋。與先生為友。已而服之誠也。遂師之。康熙二十年。先生病。自為墓志。卒年六十有七。所著又有初學先言。大臣法則。左傳濟變錄。詩文集諸書。

宋之盛字未有星子人少孤事兩兄如父崇禎己卯舉於鄉應禮部試不第歸結廬警山足不入城市以講學為己任其學以明道為宗識仁為要於二氏微言奧旨皆能抉摘異同非若世之闢異論者舍精而攻其蝟也與約齋交最篤晚讀胡敬齋居業錄持敬之功益密戊申五月卒同邑有查小蘇者亦奔諸生山冠不出年九十而終

甘京字健齋南豐人初為諸生後棄舉子業與同邑封濬曾曰都師事謝約齋值邑荒亂特請免荒稅蠲賦稅賑饑平寇鄉人賴之濬曰都均以學行為鄉里所矜式

章慥字仲實南城人明諸生隱居華子岡灌園養母與程山論國朝先正事略卷二十八 名儒 七

學有針芥之投程山每心折焉好讀史衡論精審發前人所未發著二十一史童觀集閱史偶談若干卷魏叔子稱其發微闡幽大有功於後學

黃采字亮工南城人孩提時大父訓以小學近思錄及聖賢事蹟輒忻然聽受稍長言動不苟師事程山篤志力學事父母純孝繼母周得狂易疾扶持三十餘年如一日及卒亮工年邁矣仍哀慟盡禮居家以小學家禮倡引後進風俗為一變與弟敷以學道相勸勉著有聖圖願學錄聖學彙編卒年八十有四子湘丙午舉人官信豐教諭既歿豐人祠祀之

黃熙字維緝約齋同縣人順治中進士官臨川教諭乞養歸

父憂哀感行路蔬食三年母喪未葬鄰不戒於火延燎將及維緝撫棺大慟願身同燼俄風返火息約齋於並世人少許可獨引君為入室弟子云

國朝先正事略卷二十八 名儒 八

沈甸華先生事略 姚宏任

沈先生字甸華其後改名昉字朗思浙江仁和人年十六受知
黎學使元寬時山陰劉忠正公講學蔽山先生渡江往聽講而
應先生潛齋和之甲申之變棄諸生刻苦自厲其學以誠敬為
宗以適於用為主而力排二氏曰其精者傍吾儒其異者不可
一日容也聞四方士有賢者輒書其姓氏冀得一見之然不肯
妄交於取與尤介授徒自給三旬九食以為常嘗絕粒數日取
階前馬蘭草食之有聞之者餽米數斗不受固請則固辭時先
生餓甚死轉辭謝益困遂仆於地其人皇賦去良久始甦笑曰
其意良可感然適以困老夫耳嘗展蔽山墓徒步往來西陵里

國朝先正事略 卷二十八 名儒

五

中子弟習知先生清節亦有好事者謀繼粟肉卒不敢前以先
生必不受也潛齋嘆曰生平於辭受一節自謂不苟然視沈先
生猶媿之以末世喪禮不講輯士喪禮說蒼萃先儒之論定其
可行者以授弟子陸寅又輯四子略五子要言家法論升降編
言行錄居求編皆粹然儒者之言蔽山身後弟子爭其宗旨各
有煩言先生曰道在躬行但騰口說非先師所望於吾曹也疾
華門人問曰夫子今日何如先生曰心中無一物惟知誠敬而
已卒年六十有三無以為殮潛齋經紀其喪不知所為涕泣不
食或問之則曰吾不敢輕受則秘以玷先生也潛齋弟子桃敬
恆趨問曰如某可以殮先生乎潛齋曰子篤行沈先生夙所許

殆可也於是姚生遂殮先生葬之湖上子二毅中純中皆承家
學敬恆名宏任錢塘人少孤母賢婦也敬恆不應科舉隱市塵
其母偶見敬恆買絲銀色下劣愠甚曰汝亦為此惡行乎敬恆
長跪謝願得改行乃受學應先生日誦大學一過一言一行服
膺師說遇事必歸於忠厚潛齋不輕受人物惟敬恆之餽不辭
曰吾知其非不義中來也然敬恆不敢多有所將每時其乏而
致之終其身不倦潛齋歎敬恆執喪如古師弟子之禮姚江黃
先生晦木於人鮮可意者獨許敬恆曰是獨行傳守人也晚年
以非罪陷縲總憲使慮囚入獄敬恆方朗誦大學憲使異之入
其室案上皆程朱書也與之坐語大驚即日釋之然敬恆卒以
貧死平生但事躬行不著書故鮮知者

國朝先正事略 卷二十八 名儒

五

應潛齋先生事略 沈士則 秦雲 跋

潛齋先生姓應氏諱為謙字嗣寅仁利人也父尚倫故孝子先生生而有文在手為八卦左耳重輪右目重瞳少即以斯道為己任皆同志虞峻民張伏生蔣與恆為狷社取有所不為也最後交沈則思尤稱莫逆母病服勤數年母憐之曰吾為若娶婦以助若先生終不肯入私室母卒除喪始成禮於遺經皆實踐而力行之終身無疾言遠色每倦而休則端坐瞑目寤則遊息徐行所居僅足蔽風雨簞瓢屢空恬如也一日見梁上白蛇墮地曰此兵象也奉親逃之山中就道喪亂自以故國諸生絕志進取益盡力著書康熙戊午閣學李公天馥項公景襄以博學

國朝先正事略 卷二十八 名儒 三

鴻儒薦先生舉牀以告有司曰某非敢卻聘實病不能行耳或舉泰山孫明復嘗從石介請以成丞相之賢謂不必果於卻薦先生曰我不能以我之不可學明復之可乃免徵范忠貞公承謨繼撫浙又欲薦之先生遂稱廢疾海甯令許西山請主講席造廬者再不見既而曰是非君子中庸之道也扁舟報謝許大喜曰應先生其許我乎先生遂巡對曰使君學道但從事於愛人足矣彼口說者適足以長客氣也許嘿然不怡既出先生解維疾行曰使君好事必有束帛之將拒之且益其慍受之則非心所安也杭州守嵇君宗孟數式廬欲有所贈囁嚅未果及見所作元閣先生傳乃不敢言後以志局請先生辭之則請下榻

郡齋數日以請益先生但一報謝而已同里姜御史園南視歸於故舊皆有餽嘗再致先生不受偶遇諸塗方盛夏先生衣木棉衣蕉萃躑躅御史歸投以越葛二端曰雅知先生不受人絲粟然是莩莩者非自盜泉來也先生謝曰苟尚有絺絺昨偶感寒欲其汗耳竟還之先生坐臥小樓中一几一榻書冊外無長物弟子甚多因以樓上樓下為差如馬融例里中一少年使酒忽扣門求聽講先生許之居三日不勝拘苦去使酒如故偶醉持刀欲擊人洵洵莫能阻忽有人曰應先生來其人頓失魄投刀垂手汗浹背先生撫之曰一朝之忿何至此盍歸乎其人俯首謝過去先生卒於康熙二十六年春秋六十有九病革尚

國朝先正事略 卷二十八 名儒 三

手輯周忠毅公傳未竟而卒生平不喜陸王之學其論性論太極於程朱亦不盡同如論易謂孔子得易之乾老子得易之坤又謂伏羲之易乾在上以天為主得之不得有命非人之所能為也先天之事也後天之易作於文王離在上以心為主妖壽不貳修身以俟之易凶為吉所以立命也故所著周易集解皆獨具心得之言他若詩傳翼書傳拾遺春秋傳考禮樂彙編古樂書論孟拾遺學庸本義孝經辨定幼學蒙養編朱子集要潛齋集凡十餘種各有精義又撰教養全書四十一卷分選舉學校職官田賦水利國計漕運治河師役鹽法十考略仿文獻通考例而明代事實尤詳又有性理大中二十八卷其論次陽明

言行一卷附焉。平湖陸清獻公爲之序。謂當自爲一書。不當附性理後。因表而出之。曰王學考。清獻嘗兩會先生於武林。與論學術源流甚契。先生亦命二子訪清獻於西湖。寓次其卒也。清獻祭以文。略言先生高風峻節。可比許由陶潛。然許雖高潔。文采無聞。陶之文采表著矣。而耽於麴蘖。不可以爲訓。惟先生閱覽博物。澹泊甯靜。許之所無。先生有之。陶之所有。先生無之。爲足高視古今。云先生歿後。河陽趙公士麟。儀封張公伯行。刻其遺集。行世。門人凌嘉印。字文衡。沈士則。字志可。姚宏。任。字敬恆。能傳其學。時錢塘有秦定叟先生者。諱雲爽。字開地。著紫陽大旨八卷。專爲糾陽明。朱子晚年定論。而作也。書分八門。曰朱子

國朝先正事略

卷二十八

名儒

三

初學。曰論已發未發。曰論涵養本源。曰論居敬窮理。曰論致知格物。曰論性。曰論心。曰論太極。而陽明之論。亦間載以資互證焉。

胡石莊先生事略 陳大章 劉夢鵬

胡先生承諾。字君信。號石莊。湖北天門人。明崇禎末。舉於鄉。入國朝。隱居不仕。臥天門巾栢間。窮年誦讀書。無所不窺。而深自韜晦。足不出庭戶。生平無講學名。而析理至精。論事尤極平實。著釋志六十一篇。釋志者。釋己所志也。凡聖賢帝王名臣賢士。與凡民之志業。莫不兼綜條貫。原本道德。切近人情。酌古而宜。今爲有體有用之學。其目曰志學。曰明道。曰立德。曰養心。曰修身。曰言行。曰成務。曰辨惑。曰聖王。曰睿學。曰至治。曰治本。曰任賢。曰去邪。曰大臣。曰名臣。曰諫諍。曰功蹟。曰吏治。曰選舉。曰朋黨。曰辨姦。曰教化。曰愛養。曰租稅。曰雜賦。曰導河。曰勅法。曰治

國朝先正事略

卷二十八

名儒

三

盜。曰三禮。曰古制。曰建置。曰禮祥。曰兵略。曰軍政。曰武備。曰名將。曰興亡。曰凡事。曰立教。曰論交。曰人道。曰出處。曰取與。曰慎動。曰庸行。曰父兄。曰宗族。曰夫婦。曰祀先。曰奉身。曰養生。曰經學。曰史學。曰著述。曰文章。曰雜說。曰兼采。曰尙論。曰廣微。曰自敘。凡二十餘萬言。先生自擬其書於徐幹中論。顏之推家訓。然其精粹。與衍非二書所及也。李君念慈序稱先生尙有續書說若干卷。與是書相表裏。又稱有菊佳軒詩。宏深博奧。不屑爲新穎秀發。以趨時尚。今皆不傳。楚北學者。後有陳大章。劉夢鵬。大章字仲夔。黃岡人。康熙二十七年進士。選庶吉士。深於毛詩。著詩傳名物集覽十二卷。徵引既眾。可資博覽。夢鵬字雲翼。蕪水

人乾隆十六年進士官饒陽知縣著春秋義解十二卷大旨推
本公毅謂公毅屬辭比事義不詭於儒者其斥左氏也持論甚
辨

國朝先正事略

卷二十八

名儒

五

國朝先正事略卷二十九

名儒

平江李元度次青集

李開章先生事畧

党成

陶世徵

李先生諱生光字開章山西絳州人未冠為諸生聞辛聘君復
元倡學河汾遂往受業質疑問難無虛日生平篤於躬行事親
至孝聘君深重之甲申之變先生北向痛哭焚其青衿自號汾
曲逸民構草堂日夕燕處其中讀書自得諸弟子羅列其下談
經課藝外訓以二南大義程朱微言所成就者眾著有儒教辨
正崇正黜邪編凡萬餘言衛道之力甚勇又著正氣猶存西山
閣筆友于集諸書皆直寫胸臆以淺近語寓覺世牖民之意其
國朝先正事畧卷二十九名儒
處子吟曰東鄰有處子夙明烈女篇字人尙未嫁而乃失所天
痛茲生命薄守貞期自全毀容絕膏沐矢志窮益堅愛人貴以
德姑姊莫相憐侃辭謝媒妁何用口談議是可以見先生之志
矣同州党先生成字憲公號冰壑其學以朱子為宗以明理去
私為本生平不求人知人即知而樂道之終非其志也州守前
後表宅里士大夫公舉純孝舉實學州守貫其租庸先生皆若
罔聞知魏敏果公屢遺書商學業說士於太守袁公禮幣式問
敦請開講范彪西先生曾揚之於觀察張公郡守梁公先生聞
之皆遜謝意甚不悻時以古狷者推之其辨朱陸異同謂論者
多以陸為尊德性朱為道問學此言殊未然蓋朱子之道問學

實以尊德性也。陸氏則自錮其德性矣。何尊之可云。陸子嘗曰：不求本根，馳心外物，理豈在於外物乎。此告子義外之學也。朱子曰：本心物理原無內外，以外物為外者，是告子義外之學也。卽此數語，可以見二家之異同矣。若粗論其同，二家皆欲扶世教，皆欲崇天理，去私欲，其秉心似無大異者。而實究其學宗，則博文約禮者，孔顏之家法，屢見於論語。朱子得其正矣。陸氏乃言六經皆我注腳，又言不識一字，管取堂堂作大丈夫，豈不偏哉。先生之語氣和平，而辨論精當，類如此。又陶先生世徵字視庵，亦絳州人，與李開章、党冰壑兩先生同學。平生願學孔子嘗言一部論語皆孔子精神所流露也。至無行不與之語及諸弟子極意摹擬贊揚之語，較尋常答問尤為親切。從此想像其精神命脈之所存，久之覺夫子之真面目躍然欲出，恍若親承提命者，然可謂極莫贗之寡矣。

國朝先正事畧 卷二十九 名儒

二

朱柏廬先生事畧 顧培 潘天成 湯之錡 金徽 王

朱先生用純字致一，江蘇崑山人。父集璜，明季諸生。貢太學，大兵下江東，城陷不屈死。先生慕王哀攀柏之義，自號曰柏廬。隱居味道，以諸生老。其學確守程朱，知行並進，而一以主敬為程。長洲徐昭法與先生友，屢以書問學，辨析甚至。居平精神純謐，動止有常。晨起謁家廟，退卽莊誦孝經，數手書其文。敘學者置義田修墓祭友愛，請弟白首無閒。遇事變，巖然不撓。自言看得天理熟，當機立應如離弦之矢，更不疑議，更不矜張。行所無事，康熙十七年或欲以鴻博薦，固辭乃免。其後有司欲舉為鄉飲賓，亦弗應。有來學者必先授以小學，近思錄，繼進之以四子書。每歲孟春率諸弟子行釋奠先師禮，禮畢講四子書，進止肅恭，誠意激發，興起者甚眾。已又患學者空言無實，得復作輯講語，反躬自責，言尤痛切。其論學未嘗爭持異同，曰：知所當知行，所當行可矣。他非所暇也。二十七年卒，年七十有二。前殂之日，設先人位，強起拜於堂，曰：吾可告無罪於先人矣。顧弟子曰：學問在性命事業，在忠孝勉之哉。有愧訥集及大學中庸講義行於世。所著治家格言尤膾炙人口。云：同時有顧昉，滋者名培，無錫人也。少善病，母憂其不壽，命習長生家言，頗得導引術。年二十五從宜興湯先生之綺問業，始幡然有志於學。湯先生劬有弟子曰金徽，先生築共學山居以延，徽朝夕講習，遵高子靜

國朝先正事畧 卷二十九 名儒

三

坐法以整齊嚴肅為入德之方默識未發之中久之遂篤信性善之旨動靜語默無非學矣晚歲四方來學者益眾春秋大會山居行復七舊規有請益者教以默識其大原實體諸倫物七日期畢釋奠於先師習禮歌詩歲以為常張清恪撫吳時詣東林講學頗疑靜坐之說先生往復千言暢高子之旨其言甚辨清恪不能難也年七十有九卒

又潘先生天成字錫疇號鐵廬溧陽人寄籍桐城為安慶府學生幼與父母避仇相失年十五乞食尋親往來徽甯萬山巾行且哭每至一村持數大呼作鄉語觀者輒笑至江西界母金氏聞聲自巷中出遂相持哭迎父母歸備取以養備極艱苦亦從

國朝先正事畧 卷二十九 名儒

四

湯先生之錡遊稱高座弟子又請業於梅徵君文鼎遂為續學之儒年七十四竟窮餓以死遺書鐵廬集五卷其門人荆溪許重炎傳其學謀葬之且刻其集得徵入四庫錡疇之學源出姚江以養心為體以經世為用出自寒門天性真摯品最高潔而精神堅苦足以維風俗而勵人心四庫書提要稱為義理文章莫大乎是卒祀郡邑忠孝祠

之錡字世調至性純篤居親喪一循古禮就地寢苦事諸父如父於儒先書無不讀而以周子主靜之說為宗以子臣弟友為教當事延主東林延陵諸講席不就。有詢朱陸異同者則曰顧

靖江人好高顧遺書以聖人為必可學師事湯世調長世調三歲執禮甚恭後居無錫與同志靜坐讀書興起者甚眾王詰生字醇叔崑山人相廬先生弟子也康熙壬戌進士官編修授職七月告養歸絕意仕進讀書敦行檢望日重兩任邑中清丈田畝事先後為巡撫湯公斌宋公舉所推重表章前哲扶持桑梓皆不遺餘力著懿言日錄張清恪稱其精深博大比之抑戒

國朝先正事畧 卷二十九 名儒

五

劉崑石先生事略 姜國霖 法坤宏

劉先生名原淡字崑石號直齋山東安邱人生五歲問身所從來父奇之十四歲而孤事母至孝遇難負母而逃卒免禍明末盜賊竊起先生與其仲兄率鄉人壘而守閉婦女一室中約賊敗則火之及賊薄壘鄉人多被剝死仲兄身中九矢鬪益力先生從之發數十矢矢盡仲兄麾之去先生大呼曰離兄一步非死所也卒斬首二獲馬六賊遁一鄉得全亂定經營土疆力耕致富已而盡推膏腴與仲兄分其餘為長兄立後聽其亡姊家大購經史閉關讀書初閱養生家言喜之既讀宋儒語錄乃篤信朱子之學反覆推究四十餘年於明學薛文清於本朝學

國朝先正事略 卷二十九 名儒 六

陸清獻其餘不以爲是也嘗曰學者居敬窮理二者皆法文王而已矣小心翼翼昭事上帝居敬之功也不識不知順天之則窮理之功也又曰讀書乃身上之用而人以為紙上之用居官乃辛若之時而人以為快樂之時衰年正勤學之日而人以為養安之日科第本消退之根而人以為長進之根皆可嘆也每五更起講祠堂退居一室與諸弟子講論常至夜分月爲講會興起者甚眾請於有司建朱子祠東郊春秋祀焉以喪祭禮廢俗日儉乃酌古今之宜定爲品式祭必嚴齋戒澁事極虔仲兄疾籲天祈以身代兄卒七日中止三食久之邑皆化於禮又爲鄉人置義倉煮粥以食饑人嘗言人與我一天而已何畛域

之有焉年八十二有疾當祭朱子強起拜於庭悶絕良久始甦康熙三十九年卒撰讀書日記六卷近思錄四卷冷語二卷其冷語中詆劉安世爲僉王等於章惇邢恕則以其與伊川不協之故而未讀宋史盡言集也繼先生而起者有濰縣姜雲一膠州法鏡野等皆以學行稱

雲一名國霖少有至性父遊京師病雲一往省則已殤無錢市棺以斂衣一襲裹父尸身負之乞食而還族人贖金以葬母善怒怒則致疾雲一百計解之一日怒甚雲一跪膝前作小兒嬉戲狀持母手撻其面母笑而罷自是不復怒時雲一年五十矣師事昌樂周先生士宏士宏有高致嘗與雲一至莒樂其山水

國朝先正事略 卷二十九 名儒 七

家焉死即葬於莒雲一築室其側家極貧七十外猶躬耕年饑率二日一食貌轉腴莒人恐其餓死聞於官而遺之粟居常肅衣冠謹言語竟日危坐無頽容人或非毀之至面誚夷然不爲動昌樂閭懷庭問雲一喜讀何書曰論語二十篇終身味之不足也自言年四十始能不以貧富擾其心五十始能不以死生動其心云

鏡野姓法氏名坤宏會祖若真康熙己未舉鴻博官布政使先生性恬靜不諧俗遂自號迂齋少讀先儒書未厭也既得傳習錄大喜以爲如己意所出故其學以陽明爲宗以不自欺爲本間懷庭嘗辨之鏡野曰此無事口談也譬之飲食得其甘者果

其腹餓其精者澤其體徒謀謀然為他人辨是非所謂舍靈龜
觀朱頤也乾隆六年舉人官大理評事卒年八十有七著春秋
取義測及綱目要畧同時齊魯閒學者又有濰縣劉君以貴德
州梁君鴻壽安邱張君貞益都李君文藻壽光王君允中彬彬
乎稱盛焉

國朝先正事畧 卷二十九 名儒

八

白含貞先生事畧 党湛 王化泰 張承烈 馬嗣煜

白先生與彩字含貞號泊如陝西華州人出馮恭定公從吾之
門明末與張太乙武陸海諸君同講學後所與游則同州党兩
一王思若張敦庵馬立若蒲城王省庵諸君以道誼相切劇党
兩一先生名湛字子澄嘗言人生須作天地間第一等事為天
地間第一等人故自號兩一王省庵先生名化泰篤志理學與
党兩一為至交互相砥礪同時有周先生澹園究心濂洛關閩
書立身行己大體卓然與白党諸先生並推關中學者又武功
張先生承烈字爾晉初喜任俠三變而留心正學折節讀儒先
書言動以之準繩尺寸毫髮不敢苟而同州馬先生嗣煜者字

國朝先正事畧 卷二十九 名儒

九

元昭號二岑以古學自任通判山東權守武定州敵兵來攻城
陷死之李二曲先生謂關學自馮恭定公以後咸推二岑先生
云

施愚山先生事畧

愚山先生諱閏章字尚白安徽宣城人祖鴻猷明萬曆閒遊鄒忠介雋文端羅近溪三先生之門以理學顯稱中明先生父嘗篤孝友父喪三日水漿不入口杖不能起既葬奉木主寢室出告反面如事生輯父遺草必跪書遇諱日白衣冠號泣終其身母病禱九華山神願減算延母壽母後竟以八十終而誓止三十有七家法嚴重始婚夕客強以酒謝弗勝父以為忤客目攝之即跽謝父遣去則退而跪於寢門漏三下父入見之引其手曰孺子執禮過矣弟嘗讀書陽羨會秋薦新穀與客會食烹池魚忽泣然曰吾弟出門時魚方二寸許今盈尺矣遂嗚咽廢箸

國朝先正事畧

卷二一九名儒

十

兄弟閒自為知己嘗恐年壽不齊月下相抱哭願世世為兄弟先生少孤叔舉撫之成立弱冠工制舉業兼治詩古文辭從沈徵君壽民遊金壇周儀部鑑異其文延之讀書其家順治丙戌舉於鄉己丑成進士授刑部主事

天子大婚禮成上

皇太后徵號 詔赦天下公奉使廣西徧遊嶺西諸山水會承明王犯桂林殺定南王孔有德畧地而東先生還至平樂將嬰城其守知府尹明廷曰公使臣無嬰城理揮之行抵家丁祖母艱服除補員外郎引經斷獄有疑必反覆推求曰如是則生者死者兩無憾也公餘與宋荔裳嚴顯亭丁飛濤張謙明趙錦帆

周宿來諸君相唱和號燕臺七子當是時

世祖方右文選尚書郎資望深者 御試高等乃得補授提學使者先生名第一擢山東提學僉事教士以通經學古為先諭文崇雅黜浮風氣一變嘗葺孟廟閔子廟伏生祠墓及孫明復石守道二祠其初至濟南也夢古衣冠丈夫揖而若有所屬者三次日遊藥山尋李滄溟墓墓蕪沒不封樹一豐碑無字仆草閒恍然悟夢境即自為文勒其上其應 御試也大學士劉公正宗實薦之後屬其同年孤子竟以文不入格黜劉公語人曰學臣不受請託獨施君耳秩滿遷湖西道參議時軍餉嚴迫屬邑多通賊追呼急輒相聚為盜先生作勸民急公歌召父老垂

國朝先正事畧

卷二一九名儒

十一

涕泣諭之相率輸租恐後吉水有巨室依險自保邑令執之以叛聞先生察其枉令輸賦而遣之因徧歷穹山遂谷閒作彈子嶺大阮歎竹源阮諸篇以告諸長吏讀者為流涕曰施使君今之元道州也臨江城圯築輒潰先生禱於神越日城成會歲旱禱雨徒跣走南郭門外伏雲壇下呼天痛哭俄一人發狂叫號云某日雨及期雨果大至地多虎暴白晝墮人為文告城隍神期三日得虎次日午郊外民居兩婦方春虎突至以杵擲之應手斃患自是息暇日修景賢雋洲兩書院祀王文成鄒忠介羅文恭日與諸生講學其中時屏馳從往來金牛石蓮諸洞訪前賢遺跡遊宴賦詩者舊逸民皆出就之偶會期有具牒請質

者先生曰此講習地聽訟有官署令就坐講長幼有序極陳兄弟之恩且曰某少孤終鮮兄弟見友恭者固欣然慕即見鬪牆者亦心動以謂彼尙有同氣或猶可轉乖為和也言下涕泣忽末坐二客相持大慟各出袖中牒燻之蓋兄弟訟產十年不決者曰吾小人今遇聖賢而不洗心者非人也遂讓所爭產為祀田居亡何以裁缺歸士民釀金建龍岡書院留先生講學三日乃去父老遮道不可與步而登舟燕香哭送者數千人所乘官舟輕不能渡湖民爭買石膏填之既渡乏食賣舟而歸時叔譽年七十矣先生事叔如父有終焉之志部檄至引疾力辭里居十年 詔舉博學鴻儒相國李公蔚杜公立德馮公溥交薦之

國朝先正事畧 卷二十九 名儒

十一

先生固辭叔父強之出 召試授侍講纂修明史是年叔譽卒先生哀毀成疾擬奔喪格於例居平忽忽不樂逾年典試河南稱得主張公伯行其一也請假省墓先就叔譽葬所哭奠三宿然後歸又二年轉侍讀先生素以文學飭吏治自入史館當著作之任朝士大夫求碑版詩歌者趾錯於戶四方名士負笈問業無虛日一一應之不少倦平日期期若不能言及談忠孝奇節輒抵掌奮發慷慨流涕不能已遇羈人才士矢志無聊多方為之延譽士以此益歸其門一日退朝端坐草馮恭定傳自午迄酉移案就簷隙草罷不能起左右掖之若形存者時子彥瀆以略血歸彥格亦南還就試妾徐氏割股和藥以進焚香額

天曰主翁畜道德名滿天下縱必不起亦請延待其子一訣使竟死妾婦手目不瞑矣因長號三晝夜一夕白光如匹練自屋上落奇香起榻前先生忽甦康熙二十二年三月十七日事也彥格尋奔侍先是庚戌春彥格夢神人按籍言司天下壽算叩先生壽以七十有八告至是從容言之先生遽曰吾少失母大母吳太恭人鞠之後太恭人疾不受治吾齋沐禱城隍神願減一紀延其壽人無知者次日同學楊薦臣來曰某夢入城隍廟見子跪階下手一紙哀請聞神曰準達天曹矣子豈有所求乎吾悚然不敢應是日太恭人竟不藥愈又十二年乃終以若所聞減一紀則今秋正限盡時也閏六月果卒年六十有六先生

國朝先正事畧 卷二十九 名儒

十二

官湖西時叔譽往視先生跪迎之有不悅必冠服跪終日俟其解乃起自中明公歷世創義田不就先生積俸置田二百畝贖其族葺屋中同仁館又修復依仁齋於白門以推闡中明公理學之緒蒙師劉伯陽無子葬之中明墓旁歲時分祀焉生平以友朋為性命高酒刑孟貞江甯顧與治宛平楊商賢皆文字交也邢顯効皆經理其喪刻其遺集顧無子刑止一孫以屬高滄令買田贖之商賢客死礪石志其墓嘗與同邑吳某赴禮部試吳有老母下第先生已在第中相持泣一若與之俱擯者同年生李頌官粵東卒無子妻女流落東萊為賈所迫將鬻女先生理其責而資送之後十五年遊苕霅閒廣陵宗鶴問過訪詢之

則類女夫也大喜偕至其家李泣拜至不能仰視平樂守尹君
嬰城死其子三十未娶先生爲娶之嘗曰吾去平樂時放舟中
流迴望尹君送予遺其前後伍伯忽獸走獨一羣眇眇隨決背
歿至今思之猶絕痛也應召試時入都不通一刺於朝貴或尤
之先生笑謝曰吾豈矯情哉所懼者官高一級即人品減一等
耳先生嘗云終日不見己過便絕聖賢之路終日喜言人過便
傷天地之和時以爲名言所著有學餘集八十卷年譜四卷試
院冰淵一卷詩話雜著各二卷青原志畧補輯十三卷行於世
孫念曾乾隆丙辰召試博學鴻詞科

國朝先正事畧

卷二十九 名儒

西

曹厚庵先生事畧 張貞生

先生姓曹氏名本榮字欣木又字厚庵湖北黃岡人幼讀陽明
書好之探索至廢寢食常屏跡山中夜半月出坐蓬且怡然有
得順治六年成進士選庶吉士謁館師胡此庵講明善之旨先
生曰何其言之似王文成也因與往復討論此庵曰予所言皆
先儒之言非心悟獨得者於子何益先生由是益究心每深思
不得輒泣下閤一年豁然大悟趨質此庵此庵遙望見先生大
喜曰今大有得矣八年授秘書院編修應 詔上 聖學疏
千餘言其畧云今

國朝先正事畧

卷二十九 名儒

五

聖聽修德勤學舉四書五經及通鑑中有裨身心要務治平大
業者內則深宮燕閒朝夕討論外則經筵進講敷對詳明從此
設誠致行君德既修自能祈天永命有 詔嘉納十年擢贊善
尋遷司業刊白鹿洞學規以教諸生明年轉中允又明年
世祖拔詞臣中品端學殖者充日講官先生與焉十三年晉秘
書院侍講轉左庶子兼侍讀日侍講幄論辨經義問無不對對
無不盡尋與傅公以漸同奉 詔撰易經通注九卷鑄鑄眾說
詞理簡明爲說易家之主臬先生素善病
上遣御醫診視 御筆仿巨微畫 賜之
世祖一日讀孟子至人知之亦賢焉顧先生曰自得無欲汝是

當之矣十四年主順天鄉試充經筵講官坐失察同考官不法事鑄五級明年九月

上諭吏部曰曹本榮侍講幄日久著有勤勞其令復原級十八年補翰林院侍講學士改國史院侍讀學士康熙四年以疾請回籍遷葬卒於揚州年四十有四先生家素貧在京師居黃岡會館布袍菜食家人不勝其苦有同年生從容謂曰今詞臣供職一兩年即假歸盛冠蓋出入烜赫為親族交遊光寵予何自苦若是先生曰吾將以為學也學貴澹泊明志使吾學儻有成得致吾君於堯舜飢困非所惜也同年生譚鳳禎卒於京邸先生為之治喪其妾生子令室中婢乳之後成立魏敏果公為賦

國朝先正事畧 卷二十九 名儒 其

古人交行其學初從陽明入直悟心原繼加以踐履篤實之功著五大儒語錄及周張精義王羅擇編居要錄切問錄諸書其論次五大儒以程朱薛與陸王並行其卒也蘇門孫徵君懃懃之謂商周之際道在箕子宋元之際道在許子明 清之際道在曹子其言不可易也病革時門下士計東在側猶語諸語以窮理盡性之學且曰當知此道極簡易勿過求之苦且難窮之曰起就沐浴正衣冠視日影方中危坐而逝行李蕭然囊無十金積賴門人賻贈歸其喪計東嘗問先生曰今天下幸而前有朱子後有王陽明使心性之學大明於世倘二子不能先後生則誰為天地必不可無者先生悚然厲聲曰甯無王陽明不可

無朱子其所得可知矣子宜溥由廕生舉博學鴻詞科召試授檢討同時有張質山者亦官學士與先生同以理學名

質山名貞生一字幹臣江西廬陵人順治十五年進士累官侍講學士為司業時刻鄒南皋宋儒語畧頗主良知之說後與魏敏果能文端往來講學乃一宗考亭康熙九年議遣大臣巡方幹臣言察吏安民當責成督撫大臣巡方徒擾百姓無益坐出位言事降二秩尋乞病歸然卒罷巡方之令居京邸蓬蒿滿徑突無炊烟瀕行不能具裝故人餽贖皆弗受家居構我師祠又捐宅為誠意書院學宗朱子一以慎獨主教為歸嘗大書座右曰最危是人禽之界喫緊在義利一關著有庸書二十卷聖門

國朝先正事畧 卷二十九 名儒 其

戒律八條及玉山遺響集十四年以原官起補卒年五十有三嘗言學問經濟本非兩途然經濟有從學問來者學顏子之學即志伊尹之志是也亦有不從學問來者則為驕吝為器小為執拗甚至為奸險非不自謂有為有猷其實毒著生而誤國是者即此自命經濟之人也論者以為名言子世坤能傳其學者有恥言集

耿逸庵先生事畧 張沐

先生名介字介石號逸庵河南登封人性清饒篤於踐履順治八年進士由檢討出為福建巡海道時海疆未靖築石城以備盜興廉去貪革除苛政恩信大行康熙元年轉江西湖東道因裁缺改直隸大名道時方嚴旂下逃奴之令坐窩逃就繫者累繫在官期年清三百餘獄不辜累無辜民感之母憂歸不復出詣蘇門受業於孫徵君執弟子禮甚堅篤志躬行以倡明絕學為己任與雅州湯潛菴上蔡張仲誠先生往復辨難與復嵩陽書院士習蒸蒸丕變二十五年以潛菴薦授少詹事入直上書房輔導皇太子會潛菴為執政所嫉掎摭萬端先生引疾乞國朝先正事畧卷二十九名儒

太

甚勇求道甚切及以薦入京潛菴與人書又稱仲誠腳踏實地其學以主敬為功治易有心得當代真儒也其推重如此尋主遊梁書院晚年關白龜圖草字士壁以受四方學者興起者甚眾學者稱上蔡夫子著圖書秘典溯流史學鈔一隅解諸書

國朝先正事畧卷二十九名儒

太

汪星溪先生事畧

汪先生佑字啟我號星溪安徽休甯人十歲讀四子書至孔子作春秋孟子閑聖道章夜屢夢天日晦冥舉手捫之覺而詢諸師師曰此皆聖道之榛莽揚墨之流禍汝今所讀正人心息邪說孟子良為此也稍長慕劉因氏所評周程張邵朱呂之說謂幸生朱子之鄉遂願私淑以終身焉篤好小學近思錄遵朱子半日靜坐半日讀書法明崇禎末寇事棘先生憂之著平寇十六策思效伊川詣闕上書故事以時不可為不果上遂隱居事親學日進友人楊景陶邀赴還古書院會講先生見所講多雜陸王之說乃與同人發明程朱正學會汪君覺斯倡復天泉書

國朝先正事畧

卷二十九 名儒

壬

院講會先生見汪君所學甚正遂授以陳清瀾學部通辨互相考究嘗曰有善無惡性之體有善有惡情之動知善知惡為良知為善去惡為良能擴而充之盡其才窮理盡性至於命斯為大中至正斯為至誠无妄乃陽明宗旨反以無善無惡為心之體何耶顧端文有言釋氏二藏十三部五千四百八十卷一言以蔽之曰無善無惡其害可勝言哉紫陽書院正吾黨講學明道之壇坫也乃與汪正叔江衛道汪月嚴胡勉更吳敬庵汪石樵吳慎先汪括齋朱濟臣陳書始謝兼善諸君振興紫陽大會訂六邑同人歲以朱子生日行釋菜禮講學三日一遵白鹿洞遺規嚴斥歧趨循正軌此外若休城四孟會白嶽聖誕會各邑

塾月講會皆不憚遠涉應期必赴蓋先生自遜世以後視富貴如浮雲避勢利如蛇蝎格格不諸於俗者四十年而一時同人皆知崇尚正學則為功多矣所著有詩傳圖要易傳圖要禮記問答禮記訂訛大樂嘉成四書圖要四書講錄五子近思錄四子近思翼明儒崇正錄明儒通考明儒性理彙編讀史筆記星溪文集日記家訓諸書而尤邃者明儒通考一書擇精而語詳高彙旃先生千里借鈔以謂得見此書雖瞑目而無憾云子鑑安貧讀書能嗣其家學

國朝先正事畧

卷二十九 名儒

壬

國朝先正事略卷三十名儒

平江李元度次青纂

范彪西先生事略 王端

范先生錫鼎字彪西山西洪洞人康熙六年進士性孝友究心
濂洛遺書闡明絳州辛復元全之學養母不仕河汾人士多從
之受經十八年舉博學鴻詞科不出奉 溫旨賜御書山林雲
鶴四字士類榮之家居立希賢書院置田以贍學者四十二年
聖祖西巡迎 駕進理學備考三十四卷刻取辛氏全孫氏奇
逢熊氏賜履張氏夏黃氏宗義諸家之說附以己意
上命畱覽時陳文貞公廷敬扈從賦詩有曰歸來屬車上猶指

國朝先正事略卷三十名儒

一

少微星謂先生也陸清獻公嘗與先生書曰夙聞山右辛復元
之名而未見其書承乏恆陽幸與山右接壤則又聞先生出處
不苟守禮謹嚴蓋今之辛復元也且盡刊行辛書大有功於世
道辱以見示不敢私於篋衍將攜以南歸徧告鄉後進俾知太
行之西龍門之東復有大儒出其間王仲淹薛敬軒之遺風未
墜相與討論而傳習之為惠不亦多乎其推重如此所著五經
堂文集五卷語錄一卷又繼其父芸茂作續垂棘編十九卷三
晉詩選四十卷又王先生端字子方一字任庵翼城城人生八歲
而向學十二能為文十六有志於聖道獨行獨勉二十四而粗
見大略又二年病失明乃益厲於學耳聞而口誦之所詣日遂

著有學思錄

國朝先正事略

卷三十名儒

二

張武承先生事略 陳法

張先生烈字武承順天大興人性至孝事繼母委曲承順無間言康熙九年進士授中書十八年召試鴻詞科授編修與修明史遷贊善先生少聰穎讀書日數行下及長專心理學篤守朱子之說毅然以衛道為己任著王學質疑舉陽明傳習錄條析而辨難之凡為卷五其一質心即理也其二質格物致知也其三質知行合一也其四質與人問答也其五總論陽明之流弊至於詖淫邪遁也後附朱陸異同史法質疑二則讀史質疑五則其總論略曰象山言本心陽明言良知其弊使人喪本心喪良知何也天之道非別有一物寄於聲臭之表時行物生即

國朝先正事略 卷三十 名儒

三

所謂上天之載無聲無臭也人之心非別有一物在窮窮冥冥之中視聽言動皆心所在也善治心者治視聽言動即治心也治倫物政事即治心也視聽言動倫物政事之間講明一分則心之本明者復一分矣力行一分則心之本善者復一分矣積之久而悟其皆心也天命流行之妙一以貫之而無餘即使不悟而其持守講求於視聽言動倫物政事間者固各有規矩可循而心之本明本善者自在也此聖學所以平穩純正萬萬無流弊也堯舜言人心道心而不復言心但與其臣惰典庸禮命德討罪教稼明倫恤民無非精一不必人人與之言心也成湯於若有恆外不復言性但惟用人惟己改過不吝

顯忠遂良取亂侮亡即無非建中不必人人與之言性也夫子立教惟是文行忠信詩書執禮聞見擇識知人愛人不必人人與之言一貫也惟朱子善學孔子循循畏謹一字必求其安一事必審其極俛焉日有孳孳弊而後己此聖門家法也學者循是而謹守之即使不皆進於高妙要其恪遵往訓甯慎勿疏甯抑勿肆其敢於逞聰明恣議論略行檢者無有矣今詆學朱子者曰支離也玩物也義外也以此垂教其誰不曰吾自有良知六經任我驅使讀書訓詁不足為制度儀節不必謹公議皆世俗之論名教特形跡之粗但求一念自信不妨肆行無忌而流弊不可言矣故專提本心良知者子人以假借掩飾之題高可

國朝先正事略 卷三十 名儒

四

以陵蔑君子下亦開不肖者以方便之路而及其既為不肖也并掩飾假借亦不可不用此必至之勢也總之陽明天資雄放其於循循講習謹守規矩實所不耐及一旦有得於佛老與象山旨合喜其與己便也遂獨闢宗旨舉聖賢經書皆欲以此強貫恣直謂六經注我隨意驅駕何所不可此詖淫之始也及人多不服則借孟子良知二字復竄入大學致知中遂盡翻朱子之案又以宋攻宋著為晚年定論實則以中為晚以晚為中與當日情事迥不相涉則又曰年歲原未深考乃委曲調停不得已之心豈非遁之又遁乎先生是書陸清獻公嘗序而行之凡宗洛閩之學者皆奉為圭臬而四庫書目稱集中朱陸異同論不

及賈董異同論爲持平。王學質疑則未免煅鍊云。所著尚有讀
易日鈔六卷。卒年六十有四。祀鄉賢。同時有陳先生法字定齋。
安平人也。由詞林外歷郡守。官至大名道。爲政以教養爲先。興
利除弊。力挽風氣之靡。公牘文告。皆手治。情詞懇款。既久。人猶
感誦之。陳文恭公應詔舉賢才。嘗再疏舉先生。生平力崇正
學者。明辨錄其論象山合乎禪宗曰。自古聖賢教人。不過使之
循子。臣弟友之常。謹視聽言動之則。而求之遺經。以致其知。反
之身心。以踐其實。去其外誘之私。充其本然之善。如是而已。故
曰。夫道若大路。然無他元妙之可言也。自達摩入而後。直指人
心。見性成佛。自宗杲教人靜坐體究。而後有改頭換面之伎倆。

國朝先正事略 卷三十 名儒

五

於是好高欲速者。希冀捷獲。絕望棄智。定慮澄心。以求之虛無。
曠眇之中。恫惚閒偶。有所見。遂務爲獨得。以爲道之妙。不外乎
此。乃舉吾儒所謂一貫。所謂仁。所謂天理者。皆以釋氏之本來
面目當之。蓋彌近理而大亂真矣。昔楊慈湖有雙明閣之悟。象
山歎其一日千里。詹子南靜坐瞑目半月。操存一日。下樓忽見
此心澄瑩中立。象山目逆而視之曰。此理已顯。且證其爲智仁
勇。證其爲萬善。皆是物。徐仲誠處槐堂一月。問之云。如鏡中觀
花。象山謂其善自述。此皆禪家頓悟法。其所謂反身者。不過反
觀內照。其所謂萬物皆備者。不過鏡中影象而已。至智仁勇三
達德。惟聖人能不思不勉。下此皆不能無學問思辨力行之功。

今乃瞑目安坐半月。而遂可以全三德。備萬善。雖顏閔且不能
幾此。非所謂直指人心。見性成佛者邪。慈湖在太學。循禮齋嘗
夜默坐。一夕大悟。汗出。踊躍若狂。陳白沙靜坐久之。見心體隱
然呈露。錢緒山靜坐僧房。凝神靜慮。倏見此心真體。蔣道林靜
坐寺中半年。忽覺此心洞然。宇宙渾屬一身。羅念庵坐石蓮洞
中有悟。汗下如雨。灑然自得。羅近溪一日忽悟。心甚痛快。直趨
父榻前。陳之。其父亦起舞。凡學之墮禪宗者。無不有此頓悟之
機。聖學不如是也。其辨致良知曰。昔者子思嘗言致良知矣。曰
其次致曲。孟子嘗言致良知矣。曰擴充四端。朱子嘗言致良知

國朝先正事略 卷三十 名儒

六

矣。曰。因其所發而遂明之。曰。因其已知之理而益窮之。皆由其
偏而致其全。由其發見之微。致之以至於不可勝用。由其所從
生。致之以至於其所終極。所謂充其本然之善也。而陽明之所
謂致良知者。則謂天性之眞。明覺自然。自有條理。又曰。吾心之
良知。卽所謂天理。致吾心之良知之天理於事事物物。則事事物
物皆得其理。是所謂良知者。己自然。純乎天理。而無一毫人
欲之私。所謂致焉者。毫不假借。推致之力。純任自然。所謂萬法
從一心流出者也。夫以孔子生安之聖。至七十而始從心不踰
矩。今欲概之。人人不學不慮。任天則之自然。其不至猖狂而妄
行者。幾希矣。至所著易箋。辨來易錯綜之非。謂先儒雖言卦變。

未有易其陰陽剛柔之實。顛倒其上下之位者。今以乾為坤。以水為火。以上為下。混淆汨沒。而易象自此亡矣。又著有河干問答。內心齋詩彙諸書。

國朝先正事略

卷三十

名儒

七

齋遜齋先生事略

自容城孫徵君遷河南中州士大夫多興於學及其門者。潛菴湯公逸庵耿公為最。而聞二公之風而興起者。復四三人。寶遜齋先生其一也。先生諱克勤字敏修。一號靜庵。河南柘城人。父大任。邑諸生。為學以不欺為本。性喜成就。後學先生幼異敏。讀書每過夜中。父懼其瘁也。止之。乃以衣蔽戶。篝燈默誦。少長編治諸經。時徵君既歿。耿公講學於嵩陽。往就之。六年。五至。非父召不歸。康熙十一年。舉於鄉。見湯公於京師。學益進。湯公謂師道不立。由教官之失職也。勸就教職。得必陽教諭。乃仿朱子白鹿洞遺規。分立五社長。月朔稽善。過而勸懲之。又立童子社。每月五日。集童子習禮儀。令讀孝經小學。稍長者為解性理。暇則齋居讀書。饘粥不繼。晏如也。十七年。成進士。館選丁母憂。服除。授檢討。尋告歸。父趣之入朝。踰年竟歸。蓋痛母深。不忍久離其父也。於柘城東門外創立朱陽書院。倡導正學。時中州自夏峯嵩陽外。惟朱陽之學者稱盛矣。

國朝先正事略

卷三十

名儒

八

聖祖皇帝嘗命諸翰林作楷書。先生書治法。堯舜學。遵孔孟。其要在主敬。慎獨。以進。

上深器之。其家居。大府監司守令。多重其行。鄉邦疾苦。多賴以更除。枉撓者得直。故其歿也。士友深慟。知與不知。莫不盡傷邑之頑人。或匍匐赴弔。哭盡哀而去。先生素無疾。方待父食。氣逆。

上有頃端坐而逝。時康熙戊子閏月二十五日也。年五十有六。先生教行於家。婦王氏執舅之喪。年六十有四矣。終祥禫不飲酒。茹葷世稱其盡禮。子三人。次容莊。容遂皆舉人。能承其父學。先生著理學正宗。謂自孟子後。歷漢唐之世。無有登聖人堂。與者。故溯道統正傳。必以宋儒爲斷。而宋儒稱孔孟嫡派。必以周程張朱爲歸。他若南軒東萊。及龜山。豫章。延平。勉齋。遞傳王何金許。以及傳春秋之康侯。集書傳之九峯。凡有功聖道者。皆詳列之。而於元明則列魯齋敬軒。取其最也。又著孝經闡義。事親庸言。泌陽學條規。尋樂堂家規等書。皆行世。柘城有專祠。

國朝先正事略

卷三十 名儒

九

勞麟書先生事略 桑調元 汪鑒

先生姓勞氏。名史。字麟書。浙江餘姚人。世爲農。先生少就傅讀書。及長。躬耕養父母。夜則披卷。莊誦。年十七。讀朱子大學中庸。序。慨然發憤。以道自任。舉動必依於禮。讀朱子近思錄。立起設香案。北面稽首曰。吾師在是矣。常自刻責。以謂天之命我者。若君之詔。臣父之詔。子一廢職。卽廢嚴譴。一墜家業。卽窮無所歸。可不慎哉。讀易有疑。不能晰。輒仰天籲。朱子曰。夫子其牖我乎。久之。觸處洞然。其論學以爲始於不妄語。不妄動。極諸至誠。無息。接後學。委曲盡誠。雖傭工下隸。皆引之向道。曰。盡爾職分。務實做去。終身不懈。卽聖賢矣。勿過自薄也。聞者莫不爽然。里中

國朝先正事略

卷三十 名儒

十

負取者。近先生居。不忍負。僞物芻兒。牧童。或折棄。贈繳。毀機。弄有鬪爭者。就先生質。往往置酒。求解。門人桑調元。自錢唐來。謁論學數日。將別。送之曰。吾壽不過三年。恐不復相見行矣。勉之。居三年。先生年五十九。其年九月。語門人汪鑒曰。不過今月。吾將去矣。遂徧詣親友家。飯與老者言。所以教少者言。所以學已。令家人治木。飭後事。晦前一夕。趣具湯沐浴更衣。移榻正寢。炳燭。宴坐如平時。旋就寢。明晨撫之逝矣。子廷鉞。有學行。能食貧。居喪不受賻。贈先生嘗言。文王陟降。在帝左右。此是實理。深山窮谷中。有真儒者。出縱。遞世不見。知其神明。亦必在孔子左右無疑也。一夕。調元夢先生從一大殿出。執其手曰。爾穉子。踽踽

欲適萬里程。吾何能釋懷。調元驚悟。後十年入太學。瞻大成殿。如夢所見。調元字伊佐。號改甫。為孝子。天顯之子。雍正十一年。進士官工部主事。引疾歸。有別業在東臯。闢餘山書屋。以友教四方之士。從者雲集。為人清鯁絕俗。足跡遍五嶽。晚主濼源書院。益暢師說。刻餘山遺書。勞先生所著也。所自著者。曰改甫集。論語說躬行實踐錄。鑿亦餘姚人。嘗扶父櫬自雲南歸。至漢江。遇大風舟且覆。鑿憑棺號哭。誓身殉。忽風回。得泊沙岸。乃免。累呼汪孝子。為人矜尚志節。既從勞先生學。誠之曰。英氣容氣也。其學以銘之。先生之殉。鑿實左右焉。

國朝先正事略

卷三十 名儒

七

李禮山先生事略 再觀祖

先生名來章。字禮山。河南襄城人。明恭靖公敏後也。李氏自恭靖以來。世以理學著稱。先生為肖雲先生曾孫。生而穎異。於書無所不窺。年十五入邑庠。工詩古文詞。既而一切棄去。專心濼洛之書。以興復先業為己任。從孫夏。峯。李二曲。兩徵君游。所業益進。康熙乙卯。舉於鄉。復受業魏庸齋象樞之門。庸齋有欲除妄念。莫如立志之語。因作書神語略。復與張潛菴。寶靜菴。張起菴。三先生。寓書往來。剖析經旨。其持論以不背先儒有益世用為主。嘗謂近思錄一書。為周孔真命脈。學者不從此入手。欲求近道難矣。時孫徵君與耿誠齋諸君講學百泉。先生與耿逸菴。

國朝先正事略

卷三十 名儒

三

冉暉菴講學高陽書院。兩河相望。一時稱極盛焉。己主南陽書院。作南陽學規及達天錄。士習日上。尋以母老謝歸。葺紫雲書院。讀書其中。學者多自遠而至。母歿後。謁選知廣東連山縣。先是排搖負險跳梁。提督殷化行討之。反為所乘。調重兵會勦。始就無距。先生蒞任。甫隔歲耳。人多危之。先生曰。搖雖異類。亦有。人性當推誠待之。乃仿王文成遺意。日延耆老。問民疾苦。招流亡。勸之開墾。薄其賦。復深入搖穴。為之置約。延師。以至誠相感。動。創連山書院。著學規。日進縣人。申教之。而搖民之秀者。亦知嚮學。誦讀聲徹巖谷。臺使者交獎。曰。忠信篤敬。蠻貊信可行矣。己丑。與行取薦贖。有文翁化蜀之稱。壬辰。授兵部主事。監北新。

倉革運官餽遺。差竣引疾歸。田相國從典李侍郎先復王侍郎企靖交章以實學可大用薦得。旨徵召以疾力辭遂不出。嘗言欲為聖賢須自慎獨始。著金影錄卒年六十有八著書四十餘種其行世者曰禮山園文集洛學編連陽八排搖風土記陳文恭撫豫時嘗以先生及夏峯潘菴逸菴靜菴起菴合以張敬菴冉蟬菴為中州八先生增祀許州七子祠并祀鄉賢冉蟬菴先生名觀祖字永光中牟人也康熙癸卯舉鄉試第一不汲汲進取而潛心理學殫精著述耿逸菴特延主嵩陽書院著為學大指十八則及天理主敬圖以示生徒問業者雲集辛未成進士選庶常授檢討尋乞假歸傷然寂處銳意實學時張敬菴方

國朝先正事略

卷三十 名儒

十三

闕請見書院延先生主教事所若有五經四書詳說及詩文雜著二十種。朝廷遇有纂修或就其家採擇焉年八十有二卒

彭南的先生事略

弟南求

孫紹升

先生諱定求字勤止一字南的長洲人父龍字雲容號一菴順治十六年進士授廣東長甯知縣有惠政以廉直不為太守所容被誣劾歸歸益力於學反本守約要於自得晚年得梁谿高顧二子書一以主敬為宗署所居曰志矩齋中懸高子所書程子四箴手題其上曰師承儼在凝塵滿榻靜對穆如也先生幼承家學又嘗師事湯文正公康熙十二年舉於鄉十五年會試及廷對皆第一官修撰性恬於榮利鯁直自遂處公卿大夫間弗善也居三年乞假歸時一庵方家居講學先生跪請曰兒願得閉門讀書如童子入塾時庶少補前過乎於是齋居靜思

國朝先正事略

卷三十 名儒

十四

研極性命久之慨然以道自任既入都奉職擢司業設教條正文體杜請託諸堂肅然以入旗子弟為人材所自出宜豫教乃集孝經古義為旁訓譯以國書頒諸教習以訓於官學生二十七年擢侍講復乞歸三十二年父憂服闋補原官與同列不相中逾年引疾歸遂不復出其為學以不欺為本以踐行為要初好宋五子近思錄已而徧讀先儒書輯其要為儒門法語又以生平服教最切者尤在明七子作高望吟七章以見志七子者白沙陳子陽明王子東廓鄒子念庵羅子梁谿高子念臺劉子榕壇黃子也時有作書極詆陽明者先生恫之以謂陽明實兼三不朽今謂良知之說近禪則良知兩言出孟子將并孟子病

之乎。程子云。知者吾之所固有。然不致則不能得之。又云。聞見之知。非德性之知。德性之知。不假見聞。將并程子病之乎。論者謂明之亡。不亡於朋黨。不亡於寇盜。而亡於學術。意以此歸獄陽明。嗟夫。誠使明季臣工。以致良知之說。互相警覺。提撕。則必不敢招權納賄。則必不敢妨賢虐忠。則必不敢縱盜戕民。識者方恨陽明之道不行。不圖誣詆者。顛倒黑白。逞戈矛。弄簧鼓。一至於斯極也。著陽明釋毀錄。又以入德之方。莫先主靜。大本立而後達道行。濂溪之蘊。發於延平。默坐澄心。乃其要領。東林復七。其遺矩也。而昧者非之。杜方便之門。長汗漫之習。豈不謬哉。作密證錄。又以寫過之方。莫備於易。喜伊川易傳。兼採瞿塘來氏。

國朝先正事略 卷三十 名儒 五

說旁通諸家。纂周易集注。四十四年。聖祖南巡。大吏稱先生學行。首賜御書。命開局揚州。與諸詞臣共校全唐詩。時先生門人秉銓政。謂銷假即可按倖。遷除。先生不應。畢事還。仍閉關謝客。獨宿詠真洞中。雞鳴起。焚香靜坐。日出。謁先師及家廟。以為常。觀花對酒。有得輒發之於詩。灑如也。平生以獨善為恥。扶植善類。獎勵名節。棘棘不阿。張清恪巡撫江蘇。為總督。囑禮所証。獄久不決。代者至。先生率諸搢紳及諸生數百人。具章白張公証。請以民情入告。事雖不行。天下猶知有清議。未幾。督伏罪。張公再泣任。先生絕口不道前事。蔣侍郎恭棐為外吏。被許頌繫維揚。先生詣訊所。為吳民請。留時忌。

者虎視弗顧也。五十八年有疾。自為墓志。焚香啜茗而逝。年七十有五。同堂弟甯求。字文洽。號瞻庭。為諸生。從一庵講學。里中康熙二十三年。賜進士及第。第三人。由編修。歷侍講。勤於其職。母憂歸。服除不起。後以張尚書英。韓侍郎葵薦。召入都。補侍讀。直暢春苑。逾年。以勞卒。家無餘財。至驚居焉。子啟豐。號芝庭。會試廷對。皆第一。官兵部尚書。清苦力學。事在名臣傳。芝庭子尺木。名紹升。字允初。乾隆己丑進士。能傳家學。工古文。初慕洛陽賈生之為人。思赫然樹功。烈後讀倫先書。尤喜陸王之學。及與吳縣汪捐大紳。瑞金羅有高臺山。同縣薛家鳳。皆三游。乃大閱藏經。究出世法。絕欲素食。持戒甚嚴。嘗與同志集。貴為近國朝先正事略 卷三十 名儒 六

取堂。施衣施棺。恤廢放生。鄉人多化之。又拓先世義田千餘畝。著有二林居集。其解大學格物。訓格為度量。本之倉頡篇。最為精確。又作讀古本大學說。深有裨於經傳。然彭氏學兼朱陸。識兼頓漸。芝庭尺木之學。頗入於禪。大紳臺山皆三論學。皆以見性為宗。意欲徹儒佛之樊。而游大同之宇。休甯戴東原。蓋嘗遺書辨之云。

李剛主先生事略 顏元 玉源 劉齊 張自超 劉捷

李先生璠字剛主直隸蠡縣人父明性故明諸生學者私諡孝
慈先生性篤孝其父春秋高日必五六食孝慈率其婦馬雞鳴
起盥漱問安每食必手捧持之自奉穰數不繼嘗侍疾數月衣
不解帶居喪屏酒肉不入中門晨興必上冢號泣六年如一日
雍正十年被旌保定故多儒者容城孫徵君奇逢講學蘇門閭
祁州刁孝廉包聚生徒里閭孝慈獨篤行卻講謂學貴實踐與
同邑王法乾五公山人王餘佑相期為有用之學晚乃得顏習
齋習齋名元字渾然博野人明末其父戍遼東歿習齋負無立
錐地百計負其骨歸葬世以孝子目之其學主忍嗜慾苦筋力

國朝先正事略

卷三十 名儒

七

以勤家而養親而以其餘習六藝講世務以備天下國家之用
以是為孔子之學而自別於程朱著存性存學存治存人四編
蓋目擊明季諸儒空談心性之失而力矯其弊也先生弱冠即
從習齋游躬耕善稼穡雖儉歲必有收而食必粢糲妻妾子婦
執苦身之役舉康熙庚午鄉試晚歲授通州學正浹月以母老
告歸長官不能奪也先生博學工文辭與慈溪姜宸英齊名又
嘗為其友治劇邑逾年政教大行用此名動公卿閒明索二相
國嘗延先生教其子不就安溪李公撫直隸薦其學行於
天子固辭而不謝諸王交聘輒避而之他大興王源字崑繩恢
奇人也所慕惟漢諸葛武侯明王文成而日程朱為迂闊見先

生大悅因與共師事習齋時年將六十矣方望溪苞弱之崑繩
曰眾謂我目空並世人非也果有人敢自侈大乎先生嘗與望
溪論習齋之學望溪曰程朱未嘗不有事於此也但凡此乃道
之法跡耳使不由敬靜以探其源則於性命之理知之不真而
發於身心施於天下國家者不能曲得其次序先生色變為默
然者久之崑繩概不快意既葬二親遂漫游將求名山大壑以
隱身焉雖妻子不知其所之居數年忽過望溪曰吾求天下士
四十年得子與剛主而子篤信程朱之學恨終不能化子為是
以來畱兼旬盡發程朱之所以失習齋之所以得者望溪不與
爭將行慨然曰子終守迷吾從此逝矣望溪曰子之言盡矣吾

國朝先正事略

卷三十 名儒

六

可以言乎子毋視程朱為氣息奄奄人觀朱子上孝宗書雖晚
明楊左之直節無以過也其備荒浙東安撫荆湘西漢趙張之
吏治無以過也而世不以此稱者以道德崇閔稱此轉其小焉
者耳吾姑以淺事喻子非其義也雖三公之貴避之若浼子所
能信於程朱者也今中朝如某子夙所賤惡倘一旦揚子於
朝以學士或御史中丞徵子將亡命山海而義不返願乎抑猶
躊躇不能自決也吾願子歸視妻孥流行坎止歸潔其身而已
矣崑繩自是終其身口未嘗非程朱其後望溪出刑部獄先生
往唁以語崑繩者語之先生立起自責取不滿程朱語載經說
中已鈐板者削之過半望溪舉習齋存治存學二編之未愜者

告之先生隨更正曰吾師始教即以改過為大吾敢雷之為口
 實哉習齋無子先生中歲遷博野為葺祠堂以收召學者望溪
 使子道希從先生學博野去京師三百里先生復三至望溪家
 一問其母疾再弔喪終則自計衰頹恐不能更出就與言別驅
 柴車長子習仁御往返芻秣皆載車中知望溪時窶且艱也初
 先生喪親服闋慨然曰禮云居喪未葬讀喪禮既葬讀祭禮喪
 復常讀樂章今古樂並亡當誰讀者既聞毛西河檢討精於樂
 律且得其竟山樂錄皇言定聲錄二書即束裝走三千里往
 受業凡三日盡得舊所傳五聲二變四清七始九歌十二管并
 器色旋宮諸遺法且能正西河樂書訛謬二十餘字西河大驚

國朝先正事略 卷三十 名儒 九

乃盡出所著俾論定今西河經史文集四百餘卷皆先生所編
 輯也所自著曰恕谷集十三卷周易傳註七卷筮考一卷郊社
 考辨一卷論語傳註二卷大學中庸傳註各一卷傳註問一卷
 李氏學樂錄二卷大學辨業四卷聖經學規二卷小學楷業五
 卷
 崑繩一字或菴少喜任俠言兵從甯都魏叔子學古文性豪勁
 尚氣於文章自謂左史昌黎外無北面者年四十始遊京師徐
 相國元文賓禮之諸公排纂文史必就質焉明史稿兵志其所
 作也或病其不習時文笑曰是尚需學而能乎因就有司求試
 舉京兆第四人曰吾奇焉以為不知己者詎厲也晚年與李剛

主師事顏習齋學禮終日正衣冠對僕隸必肅恭然自負經世
 學益堅曰吾所學乃今始可見之行事非虛言也既而為汗漫
 遊見人不自道姓名逾六十復歸客死山陽生平內行篤修其
 兄死旬歲中貌若非人卒之日神色傲然無一語及家事者有
 易傳十卷平書二卷兵論二卷及或菴文集評訂孟子並春秋
 三卷行於世崑繩與方望溪交最篤同時論交者曰劉言潔張
 彝歎劉古塘望溪為作四君子傳

言潔名齊無錫人康熙丙寅以選貢入大學當是時崑山徐尚
 書以收召後進為已任祭酒司業多出其門士有為尚書所可
 者名輒重於太學由此雋鄉會猶歷階然惟言潔與其友三數
 人閉門修業孤立行己意贖而不悔久之此數人遂為清議所
 從出土之立名義者皆歸之雖布衣其重若與公卿相踦教習
 期滿例當得知縣而某少宰起荒陬至大僚欲擅風雅之譽使
 人禮先焉謂往見必為選首君謝不往某銜之注籍州判某由
 是叢詬訕而言潔望益高或曰將飛者縮翼言潔自此遠矣君
 聞即日趨裝歸歸數年卒年四十七性沈毅與人居終日溫溫
 人皆嚴憚之偃臥一室天下士常想見其風采與方百川同祀
 鄉賢

國朝先正事略 卷三十 名儒 二

張彝歎名自超高溘人少孤課耕奉其母研究經史一以躬行
 實踐為本因諸生幾三十年未嘗有愠色年近五十舉康熙癸

未進士而不肯試爲吏。性明決。所不爲。眾莫能奪。所欲爲。雖困不以自悔也。無子。母疾篤時。爲買妾。命入側室。泣曰。兒方寸亂矣。雖入室。不能合。歡成子姓。天果不絕。張氏兒何患無子。其後終母喪數年。妾終不孕。眾乃歎其知命而不惑也。歲連禱死者相籍。君賤價斥其田。首捐二百金。爲富人倡。晚歲家日落。取菽麥雜稊稗食之。或遺以財。終不受。鄉人有不善。常畏其知。徐文定撫浙時。聘主書院。後奉召入都。行至荏平。無疾而卒。著有春秋宗朱辨義。

劉捷字古塘。江甯諸生。試必歷其僑。名日起。獨自謂所業弗善也。發憤窮經。史久之。出所爲文。眾弗善。以進於有司。則擯焉。而

國朝先正事略 卷三十 名儒

三

君願自喜貧甚。母家給田數十畝。盡以歸庶弟。而覓食自活。以名在天下。諸大府常不遠數千里。厚幣招之。年羹堯巡撫四川。固請與偕。議加賦力爭而止。遂以他故行。曰。其心神外我矣。能守吾言。以期月邪。及督川陝。復固請以往。再三見。浹日而歸。張文端公鵬翮督學江南。招入使院。有故人夜詣君。出千金爲其姻家請事。君曰。吾不意子以此等人視我。其自遠方歸。解裝嘗得數十百金。戚族環至。視其所急而分之。隨手盡。朝炊不繼。晏如也。兄輝祖字北固。康熙庚午舉鄉試第一。及辛卯。君復爲省元。以磨勘停科。癸巳。赴公車。適望溪以南山集被逮。盡室北上。君曰。吾義不可不偕行。至京師。已失試期。後遂不復與試。

張警庵先生事略 童能靈 李圖南 李成文

先生諱鵬翼。字蜚子。晚號警庵。福建連城人。幼知好學。塾師教以作文取科第。心疑之。十四歲。熟讀四書大全。忽悟曰。心當在身內。身當在心內。弱冠。籍郡庠。尋食廩。餼越三十年。充歲貢。質素弱。初學導引攝生術。五十後。專用持敬寡欲之功。神氣日固。壽八十有三。生值亂離。十二歲。明亡。播遷飢饉。而學不廢。追闡疆底定。士務進取。先生年已四十。遭耿逆之變。棄舉業。乃返初志。是時始見近思錄及朱子全集。更十年。始見薛文清讀書錄。連城處萬山中。無師承。先生銳意向學。而自治嚴整。終日端坐。雖跣步不苟。盛暑不袒。務事親養志無違。居喪蔬食三年。不外

國朝先正事略 卷三十 名儒

三

遊不內寢。動必以禮。嘗曰。老亭易簣之年。乃我下帷之始。蓋免焉。日有孳孳。不知其老且耄也。讀四子五經。自識心得。名說略輯。濂洛關閩要言。爲理學入門。又爲後四書采歷代名臣爲將相諫三譜。綜二十二史。定史案。考古今疆域。九邊阨塞。黃河原委。著中華世統圖說。當明季。學術龐雜。海內宿老如孫夏峯。李中孚。黃梨洲。尚多濡染。先生與當湖陸清獻公並時。宗主程朱。異地同心。生平韜晦。不自表襮。儀封張清恪公撫閩。蒐羅碩彥。悔未及知先生。漳浦蔡文勤公書。醕學二字表其閭。先生晚年喜與長江黃龍陽聲遊。其及門則黃建中。劉偉。克傳其業。所居鄉曰新泉。男女往來分二橋道。不拾遺。市中交易。先讓外客。皆

服先生之教也。所著書尚有芝壇日讀小記。皆切倫常日用之道。與林赤章霞起及童玉鉉李岷峰董若水四先生友。號曰四愚。構四愚亭於冠豸山中。先生結屋獨居。山之深邃處讀書。鼓琴自樂。地故無水。禱而得泉。王鉉修山志。有二十四景。先生為之記。耿逆偽將軍劉應麟欲聽琴。擄先生至郡。先生白衣抱琴不拜。應麟知其難屈。遽釋之。歿三十餘年。當事題入鄉賢祠。同時入祀者有童寒泉先生。

童先生諱能靈。字龍儔。晚號寒泉。警菴同邑人也。為諸生好學。守程朱家法。不失尺寸。乾隆丙辰薦博學鴻詞。累舉優行。皆以母老辭。母年登九十。兄弟白首同居。居喪以禮化。及鄉人學使。

國朝先正事略 卷三十 名儒

三

者重之。欲以優行貢成。均仍不赴。乙丑主漳州芝山書院。閱七月。以微疾端坐而逝。前一夕與學博鄒君共飯。出手書一帙。皆身後事也。年六十有三。著有朱子為學考。專考朱子為學次第。其間淺深疏密。異同曲折。逐年逐月。纖悉畢具。與陳氏通辨一書。專論朱陸異同者。稍有別云。又著理學疑問。周易廣義。樂律古義。河洛太極辨微。諸書。皆從苦心力索得之。雷翠庭先生稱其精神與古經傳相憑依。所造深以邃。嘗再遊武夷。歸築室於邑之冠豸山。翠庭嘗訪之。孤館寒燈。商訂舊學。時北壁破。風氣栗烈。以草薦障之。意怡然自樂也。連城理學始自宋之邱起潛。明之童東皋。而警庵寒泉繼之力。敦倫紀嚴辨。朱陸異同。張清

恪撫閩時。建文溪書院。祀起潛東皋兩先生。起潛蓋長汀楊淡軒高弟。東皋則臨川吳康齋高弟也。後增建五賢書院。中祀宋五子。而以警庵寒泉配焉。

李先生簡庵者。名圖南。字開士。亦連城人性端敏。甫四齡。成誦四子書。能謹容節。習舉業。工詩古文。既而歎曰。吾學自有身心性命所宜急者。可以虛名驚乎。於是究心濂洛關閩書。以反躬切己為務。居連峯。點石諸山者久之。嘗曰。學者惟利名之念為害最大。越此庶可與共學。弱冠。饒諸生舉康熙庚子鄉試。屢上公車。不第。未嘗不自得。事父母以色。養居喪盡禮。平居恂恂若。不勝衣。遇不韙。輒義形於色。邑令杜某其父舊亦宰連城。自為

國朝先正事略 卷三十 名儒

四

生祠。既去。民改祀朱子。迨令至。欲復之。眾莫敢言。君毅然白。太守爭之。令怒甚。索君素行。無可瑕疵。乃已。家居讀書。彈琴。養。或不繼。雍正九年。吏部檄天下舉人。需次縣令者。先赴京學習政事。君至。觀政戶部。隸湖廣司。以母病亟歸。歸而竟先母卒。年五十七。好讀易。卒時。自以未竟其業。命子納易於懷。以殮。雷翠庭謂學聖人。必自狷者始。君庶足當之。子成文字。仲彭。性介潔。為名諸生。境極困。授徒自給。歲終以徒學未成。引為愧。束脩有半受者。有全卻者。其徒益感憤。自勵。嘗應舉。以贖魄。固辭。或遺其家。既而知之。即酬以古琴。問翠庭先生之喪。徒步行二百里。往弔。不受。祭而歸。

國朝先正事略卷三十一名儒

平江李元度次青集

朱湘陶先生事略 潘恬如 錢民 任德成

朱先生澤溥字湘陶號止泉江蘇寶應人少勤學得程氏分年日程即依次讀之閱數年而徧更博覽天文輿地諸書窮竟原委久之始有志聖人之道讀朱子語類有心得反覆不厭嘗言世之名朱學者其居敬也徒矜持於言貌而所為不覩不聞者離矣其窮理也徒泛濫於名物而所為無方無體者昧矣於是

國朝先正事略卷三十一名儒

敬窮理止是一事窮即窮其所存之心存即存其所窮之理非有二也平居齋肅如對神明遇喪祭一以朱子家禮為法雍正六年詔公卿各舉所知直隸總督劉公思想欲薦先生命其弟造廬請弗應晚歲得脾疾然猶五更起盥沐觀書至夜分不倦誠其子曰聖賢工夫正於困苦時驗之若稍縱弛便至墮落可不懼哉疾甚吟邵子詩別親友怡然而逝年六十七著有朱子聖學考略朱子誨人編王學辨先儒闢佛考陽明晚年定論止泉文集嘗講道錫山通書關中皆闡明紫陽之學歿後學者祀之東林道南祠同時有潘恬如者字克先長洲諸生也其學切於內省聲光闡然以師道推重鄉里與彭南昉尤展成友康

熙三十五年以疾終年八十先一日致書展成曰病甚弗起矣存吾順事歿吾甯到此覺真實受用也南昉歎其知命又錢子仁名民嘉定人早孤棄書學貫既長數為鄉里所侮乃慨然有志於學聞青浦有孔子衣冠墓齋戒往禱願為聖人之徒其夕夢一丈夫告之曰道之不明由後儒之說亂之也子欲為學屏去漢以後書其可既歸取四子書力究之時年已三十矣題所居曰存養廛宴坐其中反觀默識日有省發陸清獻公知嘉定子仁從之論學又五年復往平湖見之清獻與語多不合詞之子仁曰公從朱子人民從尼父入耳嘗言聖學貴本末兼盡始終有序大學所謂知本者作聖之基也誠正者作聖之功也中

國朝先正事略卷三十一名儒

庸所謂尊德性先也本也道問學後也未也即物窮理其病在於無本六經注我其誤在於無末論語曰君子務本本立而道生朱子以為學者不可厭末求本教人但學其末是所謂其本亂矣本亂而未可治乎此未合乎大學也孟子曰堯舜之智不徧物中庸曰雖聖人亦有所不知焉朱子教初學即責以知既盡而後意可誠又云格物者窮事物之理如此則意之惑滋甚又安得而誠乎且堯舜之智不能徧物况初學乎是未合乎孟子也又云今之學者不求孔孟之實而紛紛焉爭朱陸之異同是謂舍田而芸人之田終亦必亡而已矣其篤於自信如此子仁卒於康熙中後七十餘年族子大昕為之狀摺紳間始

有傳其學者。又任先生德成字象元吳江諸生也。篤於儒行。奉朱子白鹿洞規。因集自漢及明先正格言。與洞規相發明者。為一編。印洞規大義。居鄉勤施濟。置社倉。創鄉塾。濟萬頃。江達之太湖里中。無水患。年饑。煮粥食餓者。有偷兒。夜入其室。手量米一斛。給之。命無恐。且誠曰。此危道。慎勿更為。其人叩頭負米去。徧告其黨。相戒勿竊。任氏語頗聞於時。而象元初未以語人也。雍正初。鄂文端公為布政使。舉君賢良方正。固辭。乃己年八十。得疾。誠其子曰。勤讀書。勉為善。守此兩言足矣。遂吟康節詩曰。俯仰天地閒。浩然無所愧。吟罷而逝。乾隆三十七年也。後詔求天下遺書。其家以所著上之四庫館。

國朝先正事略 卷三十一 名儒

三

徐青牧先生事略

先生諱世沐。字爾瀚。號青牧。江蘇江陰人。少孤。奉母孝。力學。自立補學官弟子。見太極西銘諸書。發憤志道。自歎。困於舉子業。如井蛙焉。其學篤信朱子。切己反求。務有益於身心。其辨別異同。務歸於實踐。俾人無惑歧途。而後己。其虛心抑志。不敢自是。至耄年。如一日也。先生少時。猶及交太倉陸桴亭。無錫高彙旃。武進馬一庵諸先生。往來論學。無虛日。關中李二曲南遊。先生與深談久之。二曲曰。子學篤而行未廣。答曰。先生行高而學未。醕其不苟。同多類。此晚以子格選拔入都。攜之行。遂館焉。閉戶讀書。日有記注。仇君滄柱見而驚歎。颺言於眾。由是安溪李公當湖陸公。亟與訂交。先生所著四子書易詩書儀禮周禮春秋孝經小學及明紀諸編。統名之曰惜陰錄。其大旨以為聖賢之學。隨知隨行。若知而不行。雖讀盡十三經二十一史。徒做精神。其光陰可惜也。故當深痛舉業之驅人入鄙。欲學者實從事於聖賢之道。而勿務空知。當湖手鈔其四書中精要語。而為之跋。謂與曾子之尊聞行知。董生之正誼明道。相表裏。而自矢以餘年。竭其鶩鈍。作秉燭夜遊計。其為當世大儒所傾服如此。當湖以御史罷官。先生亦旋里。越二十五年。乃卒。年八十有三。疾革。召老友陳克艱與訣。遺命勿作佛事。息心端坐而逝。克艱與先生同里共學。繼之者則楊文定公名時也。

國朝先正事略 卷三十一 名儒

四

向荆山先生事略 黃良輔 程登泰

向先生璿字荆山號惕齋浙江山陰人少攻舉子業年二十居
母喪始觀性理書一日讀孟子至人之所以異於禽獸者幾希
瞿然曰吾其遂甘為禽獸乎切己悔過心不甯者數月乃從王
行九請業行九者王文成公裔也方講良知之學先生及其門
去而以書往復者數四益自信集里中十餘人為輔仁會每月
朔一舉威儀進止皆有法先生服膺王學者六七年讀程朱書
忽自疑偶得高忠憲公年譜讀之遂舍其故所學一以程朱為
宗確守小學近思錄諸書與學者辨析異同其自省亦日密嘗
言事事反躬刻刻畏天一刻不畏天便是罪過一事不反躬便

國朝先正事略 卷三十一 名備 五

涉怨尤故其平居雖小過失刻責甚至日之所作夜必告天家
貧或終日不舉火而手不釋書著志學錄四書記疑明其所得
於程朱者雍正九年卒年五十門人黃良輔程登泰能傳其學
良輔字序言登泰字魯望皆先生同縣人聞其論學有省遂受
業焉始宗王學卒歸於程朱序言能文章善闡其師說魯望以
侍父病得路血疾疾亟讀書不輟或止之則曰死命耳以學死
不愈於徒死乎卒年二十有九序言後先生一年卒

李恆齋先生事略 唐鑑

李先生文昭字元朗號恆齋湖南善化人幼有奇慧知向學十
歲適郡城其父攜往文廟告以羣賢配享從祀之故先生歎曰
如此庶不枉一生十歲補弟子員博通經史舉康熙癸巳鄉試
官穀城教諭與同里熊班若邵陵車補旃馮山張石攻邵陽王
醒齋諸同志共勉為濂洛關閩之學於書無所不讀讀輒務究
其蘊奧雖子史禋書亦必批其根柢嘗言不察二氏之所以非
安知吾儒之所以是不觀諸子之有醜有駁安知吾儒之醜乎
其醜不審秦漢以下之成敗得失安知三代以上帝德王猷之
盡善盡美也性純孝躬行實踐篤於人倫以扶持世教為任主

國朝先正事略 卷三十一 名備 六

講嶽麓書院數年從遊者眾悉訓以修己治人之學著周易拾
遺六卷周禮集傳六卷春秋集傳十卷太極通書拾遺後錄三
卷西銘拾遺後錄二卷正蒙集解九卷近思錄集解十四卷感
興詩解一卷訓子詩解一卷家禮拾遺三卷恆齋文集十二卷
傳於世其未出者語類約編聖學淵源錄四書詳說楚辭集註
拾遺增刪儀禮經傳通解古文醜古詩的先生之學一以朱子
為歸其通書集解序曰昔者衰周之運百家競作孔孟之徒有
憂之集微言而成論語遵正學而著七篇使學者不迷於何方
其功盛矣自秦漢以降道術分裂荀揚王韓各駕其說而不能
相一有宋周子以先知先覺之詣建圖屬書弁冕羣言以傳之

程氏而張氏亦與有聞焉。推演廣大，辨析精微，所謂為天地立心，為生民立命，為往聖繼絕學，為萬世開太平者也。顧其業至廣，其說愈詳。學者乃或望洋而興歎，甚至未嘗究其顛末，而妄肆詆訶。有如陸九淵議太極之非，是大原可得而溷也。林栗攻西銘之失，是宏綱可得而絕也。程迥詆主敬之誤，是聖功可得而廢也。陳亮疑道治天下之迂，是王猷可得而雜也。朱子蓋深憫之，不得已而作近思錄，著性命之蘊，而天下之言道者有所宗。揭進修之要，而天下之言學者有所準。至於窮理居敬克己之方，齊家治國平天下之法，以逮應物教人制心之則，與夫閑邪說，宗正說之歸，莫不舉之有要而循之有序，誠可以羽翼四

國朝先正事略 卷三十一 名儒 七

子而補其所未備焉。欲求四君子之道而不先之以是書，固不得其門而入矣。然其微辭奧義，多未易曉。朱子雖往往發明之，而散見於羣書。學者欲觀其聚焉而不可得也，竊不自揆，為之裒集而次列之。而又取其意之相類，與其說之相資者，條而附之以備一家之言。至其所闕之處，則取葉氏、陳氏、薛氏、胡氏之言以補之。間亦或附己意於其間，庶幾可以便觀覽，備遺忘，以待同志者之取裁而已。嗚乎！學者誠能遜志於此書，則諸子百家皆難為言，而於內聖外王之道，不患其無階，以升較之役，志於辭章之中，老死於訓詁之下，風推浪旋，無以自拔，而猶自矜衣鉢之傳者，其小大之不同量，為何如也。聊志其概，以自警云。

其語錄約編序曰：大化之運，元必歸貞，道統之傳，開必有會。是故修和之盛，司空告其成，謨烈之垂，家相成其德，洙泗衍其傳，命世發其蘊，斯蓋卓然自立於一代而萬世共由之也。秦灰既烈，聖道中淪，雖董韓孫石之才，而莫能振其緒，迨濂洛疊起，而道統於是乎中興。然合志者未免夷惠之偏，及門者鮮有顏曾之匹。而道術亦復為天下裂矣。藉六經以文，奸言託三代以飾虐政，蠱中於君心，毒流於生民，是王氏之學也。尚縱橫之詭習，揚嵇阮之餘波，其文適足以滅質，其博適足以溺心，是蘇氏之學也。恃履忠蹈信之資，蔑知言窮理之學，醇大而疵亦不細，功多而過亦不少，是司馬氏之學也。以佛乘為道岸，以禪悟為儒

國朝先正事略 卷三十一 名儒 八

修，肆淫詖邪遁之辭，攻螳蟻蝨賊之技，是張氏之學也。昧心性之大原，務德業之崇廣，九層之臺不積於累土，千里之行不謹於舉步，是胡氏之學也。譏問學為榛塞，詆思辨為陸沈，聚精會神而以為德性，任性率意而以為天機，是陸氏之學也。擇善之不明而託於渾厚，立己之不固而流為通融，博學多聞而不知守約窮源之要，是呂氏之學也。卽器而謂之道，卽物而謂之則，侈心於制度之末，鑿知於文為之繁，是永嘉陳氏之學也。義與利雙行，王與霸雜用，枉己而思以直人，訕身而思以伸道，是永康陳氏之學也。神徂聖伏，百喙爭鳴，於是晦翁朱子獨與敬夫季通左彥右介，攘剔之扶持之，然後聖道大明如日月之經天。

江河之行地從遊之士幾徧天下而訓誨諄懇提撕反覆憂之深而言之切慮之遠而說之詳願紀錄之多未免重複識見之悞未免舛訛敬軒薛子蓋屢以刪修詔後之人而未有承其志者竊不自揣擇其言之精粹者勒為一編名之曰約至若四書五經太極通書西銘之說則前民固已哀集於傳註之下惟程張之書之發明者則附於近思之集解禮儀之辨晰者則附於家禮之拾遺故其所編者獨此而已其他文集則將入古文之選而獨取知舊門人之問答列於各傳之末焉嗚乎宋之道統先知先覺周子以之其斯道之元乎有典有則程子以之其斯道之亨乎無內無根朱子以之其斯道之利貞乎然則讀是書

國朝先正事略 卷三十一 名儒

九

者何異聆大成之再集也哉先生卒祀鄉賢祠同縣唐先生鑑字鏡海陝西布政使仲冕子也嘉慶十四年進士由檢討授御史劾武陵令顧煥圻貪劣狀一時稱快出知平樂府盡除陋規不以一錢自污創立彘疆義塾陋俗丕變遷江安糧道置齋胥於法累遷江甯布政使入為太常卿海疆事起疏劾總督琦善耆英等直聲震天下以老告歸咸豐元年文宗下詔求賢 召赴闕奏對稱 旨辭以老不能任職 優詔加二品銜命回江南主書院講席矜式後學七年卒 特旨予諡生平力崇正學闢陽明不為調停兩可之說著學案小識以示宗旨又著畿輔水利書 召對時曾以進呈 詔嘉納焉

王白田先生事略

王先生懋竑字子中江蘇寶應人世為儒家叔父式丹以詩文名康熙四十二年賜進士第一人世所稱樓村先生者也先生少從叔父學即自刻厲又與方先生望溪交篤志經史恥為標榜之習康熙戊子舉鄉試又十年成進士年已五十一矣諸鉅公多物色之先生皆堅謝嘗云黃陶庵有言人止羨三年中之一人不知更有數十年數百年之人此語殊足念也時太倉王公常熟蔣公補薦三人皆館選先生皆未一往適蔣公五十五辰或約往祝亦謝之有笑其拙者先生曰正欲為天地閒留此一脈耳逾年改就安慶府教授重建培元書院以學行造士語

國朝先正事略 卷三十一 名儒

十

學者曰人一號為名士無足取矣雍正元年世宗手諭蔡世遠王懋竑喬崇修均著調取來京先生應 召特授編修上書房行走時同直者滿洲福敏公徐元夢公高安朱公軾皆負一時重望而先生尤邃於經術原原本本有叩即應明年春以母憂去官 特賜內府白金為喪葬費 諭以治喪畢即來京不必俟服闋先生性最孝善病居喪哀毀踰禮明年入都謝 恩畢遂以老病辭歸時年未六十也性耿介恬淡少嘗謂友人曰老屋三間破書萬卷平生志願足於斯矣歸田後杜門著書當路要人雖素親厚未嘗以竿牘及之晚年校定朱文公年譜於文集語類考訂尤詳謂易本義前九圖筮儀及

家禮皆後人依託非文公所作其略云朱子於易有本義有啟蒙與門人講論甚詳而此九圖會無一語及之九圖之不合於本義啟蒙者多矣門人何以絕不致疑也本義之敘畫卦云自下而上再倍而三以成八卦八卦之上各加八卦以成六十四卦初不敢參以邵子之說至啟蒙則一本邵子而邵子所傳止有先天圖其伏羲八卦圖文王八卦圖則以經世演易圖推而得之同州王氏漢上朱氏易皆有此二圖而啟蒙因之至朱子所自作橫圖六則注大傳及邵子語於下而不敢題云伏羲六十四卦圖其慎重如此今乃直云伏羲八卦次序圖伏羲八卦方位圖伏羲六十四卦次序圖伏羲六十四卦方位圖是孰受國朝先正事略卷三十一名儒

而孰傳之耶又云伏羲四圖其說皆出邵氏按邵氏止有先天一圖其八卦圖後來所推六橫圖朱子所作而以爲皆出邵氏是誣邵氏也又云邵氏得之李之才李得之穆修穆得之希夷先生此明道敘康節學問源流如此漢上朱氏以先天圖屬之已無所據今乃移之四圖若希夷已有此四圖者是并誣希夷矣文王八卦說卦明言之本義以爲未詳啟蒙別爲之說而不以入於本義至於乾天也故稱乎父一節本義以爲撰著以求父啟蒙以爲乾求於坤坤求於乾與乾爲首兩節皆文王觀於已成之卦而推其未明之象與本義不同今乃以爲文王八卦次序圖又孰受而孰傳之耶變卦圖啟蒙詳之蓋一卦可變爲

六十四卦象傳變卦偶舉十九卦以爲說爾今圖卦變皆自十二辟卦而來以本義考之惟訟晉二卦爲合餘十七卦皆不合其非朱子之書明矣筮儀之文亦不類朱子士冠禮特牲饋食少年饋食禮筮者皆西面惟士喪禮筮宅以不在廟故筮者北面今直云筮者北面見儀禮朱子豈不讀儀禮者而疏謬若是耶自直齋陳氏謂本義首列九圖末著撰法學者遂以九圖撰法爲本義原本所有而不知其爲後人依託也家禮載於行狀其序載於文集其成書之歲月載於年譜其亡而復得之由載於附錄似無可疑者然李公晦敘年譜謂家禮成於庚寅居祝孺人喪時乃文集答汪尚書與張敬夫呂伯恭書論祭儀祭說國朝先正事略卷三十一名儒

往復甚詳汪呂書在壬辰癸巳距庚寅僅二三年家禮既有成書何爲絕不之及也語錄云向作祭儀祭說甚簡而易曉今已亡之矣則是所亡者乃祭儀祭說而非家禮明矣文集語錄自家禮序外無一語及家禮者惟與蔡季通書有己取家禮四卷納一哥之語此儀禮經傳通解中家禮六卷之四非今所傳之家禮也勉齋作行狀在朱子歿後二十餘年其時家禮已盛行故不欲公言其非但其詞略而不盡其書家禮後謂經傳通解未成爲百世之遺恨則其微意亦可見矣後人雖云尊用其書實未有能行者故其中謬誤多不及察今按家禮云非嫡長子則不敢祭其父若與嫡長同居則死而後其子孫爲立祠堂於

私室且隨所繼世數為龕俟其出而異居乃備其制此據禮支子不祭之說然死而立祠私室勢有難行假令支子有四五人而同居則將立四五祠堂不知何地可以容之又云生而異居則預於其地立齋以居如祠堂之制死則以為祠堂此於古無所據生而自為祠堂已非人情子為父立則尤不可紫陽所定之書必不爾也士冠禮鄭注云廟為禰廟主人將冠者之父兄也賈疏家事統於尊祖在則祖為冠主蓋以父言則祖為禰廟以祖言則曾祖為禰廟也家禮改以繼高祖之宗子為主其非宗子之子則冠不於禰之祠堂而於高祖之祠堂而主人亦非將冠者之親父兄不亦遠於禮乎後世封建既廢無別子為祖

國朝先正事略

卷三十一 名儒

七

繼別為宗之例凡為大宗者其始皆繼高祖之宗也然傳之六世以後則當云大宗而不得僅云繼高祖之宗其二世以下繼高祖之宗五世則遷故曰小宗今家禮一以繼高祖之宗為主人以大小宗論則去大宗而就小宗以遠近論則舍同父之兄弟而就同高祖之三從兄弟進退皆不可矣告遷於祠堂一條云族人親未盡者遷於最長之房尤為無義夫支子不祭禮也今使最長之房主高祖之祭其為繼曾祖之宗則向不得祭高祖者而今反得祭其為繼祖之宗則曾祖且不得祭其為繼禰之宗則祖且不得祭其為繼禰之宗之支庶則禰并不得祭而今反得祭其高祖此說之不可通者也且繼曾祖之宗以下

本無高祖之龕將別為龕以祭之子抑竟置於所虛之龕乎若繼禰之支庶則並無祠堂其將祭於寢乎况高祖而下必不止一房最長之房既卒又有一次長之房是使高祖之主流轉於支庶之家而遷徙莫知所定豈敬宗收族之義乎此必非朱子書也同邑朱澤澤潛心朱學據答南軒書云敬貫動靜而以靜為本謂必從主敬以透主靜消息先生辨之曰人之有動靜也猶其有呼吸也靜則必動動則必靜論其循環則有五根之妙論其時節則有各致之功朱子已發未發說作於己丑有以靜為本之語甲午乙未以後不復主此說矣主靜之旨出於濂溪而朱子丙申作濂溪書堂記己亥作隆興祠記癸卯作韶州祠

國朝先正事略

卷三十一 名儒

十四

記癸丑作邵州祠記俱不一言主靜蓋敬可以貫動靜而靜不可以該動專言靜則偏矣先生於諸史皆有考證實事求是為抑揚過當之論其考孟子書齊人伐燕事謂通鑑據孟子以伐燕為齊宣王而宣王卒於周顯王之四十五年又三年慎觀王元年燕王噲始立又七年齊人伐燕則不可以為宣王事也於是上增威王之十年下減湣王之十年以就伐燕之歲其增減皆未有據而仍以燕人畔為湣王時則與孟子亦不合不知孟子七篇所言齊王皆湣王非宣王也湣王初年兵強天下與秦為東西帝其所以治國者亦必有異矣孟子謂以齊王由反手王由足用為善皆道其實而其好勇好貨好色不能自克末

年之禍亦基於此。後來傳孟子者，改潛王為宣王，以為孟子諱。蓋未識此意耳。孟子去齊，當在潛王之十三年。下距潛王之歿，更廿五六年。孟子必不及見公孫丑兩篇，皆稱王而不稱諡，乃其元本。而梁惠王兩篇稱宣王，其為後人所增無疑矣。先生撰述已刻者，白田草堂集二十四卷，朱子年譜及讀史記疑若千卷。晚年貧益甚，布衣蔬食，恬然安之。有婚嫁事，營辦若不給，誠其子曰：「此等處須撥去，世俗見解，放開眼界，直以古人為法。若有一豪自歎，則非矣。」疾革，不亂作詩訓子曰：「人之立身，惟孝與忠，恕以接物，慎以持躬，讀書考古，其益無窮。守此不失，先世遺風垂歿之言，汝其敬從。」六子各書一紙，給之。整衣冠，端坐逝。

國朝先正事略 卷三十一 名儒 五

乾隆十六年十月也。年七十有四。

孟瓶庵先生事略 謝金鑾

先生諱超然，字朝舉，號瓶庵，福建閩縣人。乾隆二十四年鄉試第一。明年成進士，選庶吉士，改兵部主事。累遷吏部郎中。三十年典試廣西。三十三年分校順天試，尋督學四川。廉正不阿，遇士有禮，蜀人為立去思碑。使還，以親老請急歸。年甫四十二，遂不出。巡撫徐公嗣曾請主龜峰書院，書院稱自張清恪而蔡文勤為之，長相與講明正學。其後繼之者，惟林通政枝春、張編修甄陶、嚴憚有法。先生立教以誠，人人自奮於學。論者謂不啻文勤主講時也。性至孝，侍父疾必躬扶掖，執厠牖，家居名刺不入。公府周戚族，攜孤弱，助嫁娶，殯葬雖空乏必應。嘗歎服徐陵我

國朝先正事略 卷三十一 名儒 六

猶有車可賣之言，有謗誣者，偽券者，久通者，輒置勿問。其學以懲忿窒慾，遷善改過為修身立命之門。嘗曰：「變化氣質，當學呂成公，刻意自責，當學吳聘君。又曰：談性命則先儒之書已詳，不如歸諸實踐。博見聞則將衰之年無及，不如返諸身心。其論明儒曰：明講學家宗旨最繁，王文成口致良知，其徒羅近溪、易之曰：赤子良心，聶雙江曰：歸寂，李彭山曰：主宰，黃綰曰：良止，王心齋曰：百姓日用，耿天臺曰：常知，李見羅曰：止修，耿楚侗曰：不容己。唐一菴曰：討真心，胡廬山曰：無念，湛甘泉曰：隨處體認天理。諸家各有語錄，不可勝紀。要之陳白沙靜中養出端倪，為王氏之先驅，而焦竑、李贄之佛學，即聖學亦王氏之極弊也。著喪禮

輟略二卷以正閭俗喪葬之失傷不葬其親者惑形家言以速
禍取孟子掩之誠是之語作誠是錄一卷記檢身實踐之要為
焚香錄一卷取周易復卦之義歸之損益二象為求復錄四卷
輯朱子粹語為晚間錄一卷輯古今殺戒語為廣愛錄一卷訓
子孫為家誠錄二卷雜考經史識遺佚為避暑錄一卷又使粵
使蜀日記各一卷詩文集十二卷嘉慶二年卒年六十有七學
者祠祀之與同祀鄉賢者有謝先生退谷

謝先生退谷諱金鑾侯官人也乾隆丙午舉人官教諭其學以
四子書為綱五經為輔未冠即喜讀宋儒書比長交陳恥齋先
生與語合遂畢力心性之說既復求之易書詩周官禮記篤好

國朝先正事略

卷三十一 名儒

七

胡東樵顧復初任荆溪方望溪四家之書謂其博通傳註而有
所領悟折衷使學者可以修諸身而見諸用庶乎孔門之功臣
矣其他考據家喜摭求古書鬪新博愈古愈廢之說則以為愈
佳將謂唐不如晉晉不如漢東漢不如西漢宋以後則鄙夷
弗屑已矣其於聖人之經也不求其端不訊其末惟以訓詁名
物象數矜考辨以語修己致用之方則無術焉謂之經學則可
不足以語經術也若胡願任方四家可謂經術也已又言聖人
所以教人者曰忠信曰好學二者盡之矣蓋忠信則以日用實
行為憑而無虛空高遠之說好學則極倫常變態之跡而無信
己執一之求故弟子大書特書曰子以四教文行忠信言聖人

之教如此而已子曰十室之邑必有忠信如某者焉不如某之
好學然則好學不尤重歟吾於經術之言獨取胡願任方四家
者以四家讀經皆汲汲於倫常日用而非訓詁鈔錄者也趙文
恪督閩浙時疏請以先生及鄭敬授兼才入祀鄉賢祠所著有
泉漳治法蛤仔難紀略退谷文集

國朝先正事略

卷三十一 名儒

名儒

六

鄭慕斯先生事略

鄭先生文炳字慕斯福建莆田人少有志操長探性命之學作正學論要以洛閩為歸父光春客遊四方音耗久絕先生將往尋而莫知所在問於母葉氏熟記其狀貌及離家年月以行展轉蹤跡至滇南旅寓忽相見號泣懇俱還不果父趣之歸未幾父卒復奔赴負骸歸葬子身跋涉萬餘里一笠一囊露宿草行徬徨江楚黔蜀間屢濱於死人目為孝子汪學使徵拔補弟子負張清恪撫閩重其學行選入菴峰書院從蔡文勤學清恪調撫江蘇遣使聘之至講業年餘而歸雍正乾隆兩舉孝廉方正皆不就太守欽其品延主洞橋書院訓迪不倦倡修平海衛學

國朝先正事略 卷三十一 名儒 九

建五賢祠年八十有六卒著周易要義明倫集性理廣義省心堂集諸書初先生之往尋父也娶婦吳氏裁數日及歸婦已死東昌守程鯤化嘉其孝以女妻之子士仁有學行善事其親庚午舉人其後嗣皆守道能文鄉里咸曰鄭孝子家

伊用侯先生事略 子秉綬

閩南儒者世服朱子緒言雖親受業姚江之門如薛行人中離於紫陽不敢少悖本朝安溪李文貞公漳浦蔡文勤公益推而明之文勤授甯化副都御史雷公雷公授同邑光祿卿伊公其為學以慎獨為本其推行始於固窮汔於成仁取義故其道近而難至其事負重而光明伊先生諱朝棟字用侯先世自河南遷甯化由拔貢生舉乾隆二十四年鄉試越十年成進士補刑部主事累遷郎中擢御史給事中嘗奏對

國朝先正事略 卷三十一 名儒 三

純皇帝知其賢歷除光祿少卿通政司參議鴻臚卿大理少卿最後為光祿卿將大用之矣病偏枯以乾隆五十七年乞休時長子秉綬官刑部主事予告後遂養疴京師嘉慶元年扶掖以與千叟宴其後秉綬知惠州府就養至惠州當是時嶺南多姦民歸善博羅屢有為逆者而提督標兵反與通大吏特諱言之也秉綬既以先事請誅亂民觸總督吉慶之怒劾成矣而亂黨遂起先生以謂子之屈可以不伸而嶺南官弁縱賊及兵與賊通之患不可不詰身嘗為九卿義不得苟止具疏將以聞吉慶并劾先生落職聽勘於是亂益劇總督倉猝自裁勘者至奏先生言皆實秉綬故無罪上乃哀雪其事起秉綬知揚州府先生從至揚州以嘉慶十二年八月卒年七十有九先生少湛靜勘耆好持身尤耿介歲錢

食粥或欲周之而不能也。自聞雷公之學，益究心儒先書言動。有架燬，先後居喪，一用朱子家禮。茹蔬三年，哀感行路。相國蔡文恭公嘗曰：居貧實樂，居喪實憂者，吾見伊君而已。文恭名新，文勤公從子也。方處極困時，將會試而無資，適族子以事繫縣，持百金詣先生求一言，不可已而事聞於縣。縣令雅重先生，竟釋族子。先生亦竟不受金。居郎舍二十年，治事甚勤恪，不求人知，獄有不平，必與同僚上官力爭之。人或悅或否，而不為易。諸城劉文正公最賢之，欲薦舉而文正旋歿，故自主事遷御史，皆用積資自給事中，以至為卿，皆特擢，不由論薦。

高宗嘗面諭曰：福建理學之邦，汝謹厚守繩尺，朕所知也。惜以國朝先正事略

卷三十一 名儒

三

疾未竟其用，晚以秉綬官中事為國一奮天下，觀其丰采及先生卒而闕學之傳，或幾乎息矣。自少好讀書，所著南窗叢書多發先儒疑義，其為詩尤有高韻逸氣。日賜硯齋集。

秉綬字組似，號墨卿，乾隆五十四年進士。嘉慶三年，以員外郎典試湖南，其守惠州也，下車問民疾苦，次陋規，抑豪強，倡修學宮，建豐湖書院，課諸生有程法，嘗修朝雲墓於蘇文忠祠沼中，得德有鄰堂視人，謂文忠以貺賢守云。陸豐甲子司奸民聚黨劫人限期勒贖，遲則支解之，乃請總督發兵速剿，幕中客多阻之不聽。總督因問策，秉綬曰：總兵錢夢虎素有威望，同知袁樹悉其地民情，如檄錢駐甲子而令袁曉諭父老使獻渠魁，事當

濟從之，果送七人出，未幾歸善博羅變動，陸豐不乘隙起者，誅此七人之力也。尋以擒勦歸善奸民陳亞木事，忤總督劾戍會新督倭什布至平反入告。

仁宗以情事類劉清之於魁倫，特免其罪，旋有揚州之命，賑淮南災，每邑置粥廠四，銀米皆親給，履食為廢，北湖湯家泮盜藪也，擒其魁數人，餘黨解散。一攝河庫道，再權運使，皆稱職。父憂歸，闕秋水園以奉母，嘉慶二十年九月卒，年六十二。揚州士民祀之三賢祠，三賢者宋歐陽文忠、蘇文忠、本朝王文簡皆揚州名宦也。工詩尤善隸法，好蓄古書畫，頗究性命之學，屏謝聲色，每食必具蔬，曰：藉以清吾心耳。其被劾也，灑然若無事，值

國朝先正事略

卷三十一 名儒

三

披公生日，招宋芷灣輩設祀，懸辰笠小像，共拜之，賦詩飲酒，極歡。高士徐薊圃曰：嗟乎，如墨卿者，豈復有世間升沈得失之念在其意中哉。所著曰雷春草堂集。

閻懷庭先生事略 韓夢周 滕綱 任瓌

閻先生循觀字伊蒿一字懷庭山東長樂人性穎敏讀書過目不忘年十八舉於鄉其學初好佛氏既讀宋儒書乃一奉程朱為宗與濰縣韓理堂講學於程符山省身克己刻苦自立而諄諄致戒近名於河津之派為近治經不立一家言而要歸於自得乾隆三十四年成進士授吏部主事當官議事務持大體嚴功罪意所不可持之甚力公署會食率用四五簋先生獨自買麪餅食之同年生為外官餽以金不受曰忝居議吏之地何敢辱君惠且不可以貧故累君也居二年引疾歸歸一月而卒年四十有五先生少孤及長每承祭哀慕累日其父母墓卑溼值

國朝先正事略 卷三十一 名儒 三

霍雨眾水交匯輒不食繞墓哭以是致羸疾議從墓旁濬渠洩其流數年而事不集久之卒遷葬焉益都李文藻曰當懷庭之遷葬也啟壙時恐水之敗其親之棺也恐敗其棺遂及其親之膚也皆嘗乎其若欲以生殉親也若欲以身代親之體膚也既見棺無恙依依乎若親之再生也若孺慕乎其側也及遷葬封穴皇皇乎如弗克見也如親之初歿也戚友持掖之始克終事焉著困勉齋私記西澗文集尚書讀記毛詩讀記春秋一得名人小傳行於世先生之學以克己為主每發憤獨坐嗟咨涕洟或終夜不寐名其堂曰去惰為三日以自詔曰存省勿忘躬行勿怠常業勿廢自言讀書程符三中抄秋薄暮落木有聲偶出

行微雨沾袂意悽惻久之歸讀史記屈賈傳累欲流涕忽自省曰此非情之正也君子憂德不戚年修身不垢俗豈以外至累其心哉更取儀禮讀之時天宇漸霽日明左扉澹然見古人素位之意焉程符山在濰縣西南先生與韓先生公復居山中師其邑人滕先生綱同學相善也綱字建三歲貢生隱居窮經不稱人過失雖貧甚一錢之餽苟無處莫能強之受母疾嘗一日夜行五百里求藥療母病良已旁縣好學者多從之游先生與公復論學皆宗程朱斥陽明其言曰王氏書發明知行合一之旨最為有味然由其說終任心而廢講習言雖高而非貞則也聖人之教人也使人賓賓焉於博文好古言行禮樂之間至性

國朝先正事略 卷三十一 名儒 三

命一貫非其時則弗語蓋多為之方以服擾其聰明思慮之用及其久也內外馴習欲棄之而有不可得故能強立而不返其機之欲達然後發其本原使知夫道之極焉今義理未明持行未諳而驟使專事其心一念一時之至非不適應然自得也然過焉而易忘震焉而易變無所以馴習之故也吾聞聖人之道愚夫婦與能其說不過高孔孟及程朱是也王氏不然故竊以為非貞則也其持論多類此

韓公復名夢周一字理堂濰人也少孤力學揭母不敬思無邪二語於齋壁跬步必以禮乾隆二十二年進士知來安縣始至徵蠶役斥淫祀勸農功訓民節儉逐黠商之以贏物網民者歲

饑當賑。大吏謂可已。日一申狀。卒得請。勸江清書院。已又立恤孤院。地故產椿榭。以為薪。先生止之。曰。是宜蠶。手訂育蠶及種樹法。募沂兗工師。教其民。民用以饒。嘗欲開黑水河。以利圩田。事成。當為百世利。會鄉試。奉檄為同考官。而縣有蝗災。監司遂以捕蝗不力罷之。歸講學。程符山中。凡二十有六年。嘉慶四年卒。年七十。先生少讀諸儒書。於朱陸以來學術之辨。不得其是非。及交淮安任。先生瑗自謂釋然無疑。生平律已嚴。教士以恥求利。達為尚。嘗言三代以上。士皆務道德自治而已矣。其措諸事業者。自治之餘也。故曰。使先知覺後知。使先覺覺後覺。春秋時。先王道衰。人各鶩於功利。管晏之徒。豔稱於世。道德功名裂。

國朝先正事略卷三十一 名儒

三

而為二。自是以降。各以才力相尚。漢唐君臣。乘時建樹。考之春秋。治五霸之義。功罪各不相掩。或以其有濟於世。忘其所以致此者。皆逢時遇主。一切以揀時弊。而但炫於揚厲之跡。遂欲左顯右隱。譏儒者不達時務。空言無補。等諸匏瓜之不食。則是顏曾劣於管晏。而孫吳商李之徒。賢於孟子也。又曰。戴東原謂程朱說性。即理也。其視性如人心。中有一物。此即老氏之所謂無。佛氏之所謂空。稍變而為此說。孔孟無之。然孟子有曰。仁義禮智根於心。彼疏孟子字義。并此句忽之。何也。如此荒謬。直枉讀一世書耳。嘗有友人謁選吏部。以為貧而仕為言。先生規之曰。足下之出處。當問其義不義。不當問其貧不貧。若遂計較於此。

恐臨利害不能無畏。願將成患得失之鄙夫矣。先生工古文。表章名賢忠節。皆有關於世道。所著曰理堂集。

任先生瑗字恕庵。號東湖。江蘇山陽人。年十八棄舉子業。講學靜坐三年。見心之妙者。機既而歎曰。聖人之道。歸於中庸。極於盡性。精義入神。以致用也。利用安身。以崇德也。豈是之謂哉。乃取孔孟朱程之書。潛玩力索。久乃得於聖賢之要。作反經說。傳習錄。辨以救姚江之失。嘗佐父宗延守延平。平順昌巨寇。興舉淮安水利。俱有成效。其措施方略。具見於遺書。乾隆元年舉制科。高安朱文端以先生薦。比至而文端薨。廷試亦報罷。自是遂決志不復出矣。越三十九年卒。年八十有二。有纂注朱子文

國朝先正事略卷三十一 名儒

三

類一百卷。論語困知錄二卷。中庸困知錄二卷。續編補遺各一卷。易學象數傳心錄一卷。太極圖說析疑一卷。通書測二卷。讀經管見一卷。小泉筆記一卷。困學恐問二卷。反經說一卷。陽明傳習錄辨二卷。小泉集一卷。知言劄記二卷。朱子年譜一卷。讀史衡說二卷。史記論文史記筆談各一卷。六溪山房文集五卷。六有軒存稟二卷。寒山吟漫錄四卷。拊缶集二卷。和陶一卷。六有軒詩漫抄二卷。蟻林一卷。大學困知錄。周易筆解。如干卷。

鄧慕濂先生事略 宋昌圖

鄧先生元昌字慕濂江西贛人也為諸生有文名年踰冠得宋五子書讀之涕泗被面下曰吾乃今日知為入之道也遂棄舉子業朔望陳五經及宋儒書拜之每晨起跪讀通書太極圖說西銘三四遍乃起靜坐粵都宋昌圖以通家子謁之先生喜曰吾小友也館之於家听夕論學為日程言動必記之互相考一曰昌圖讀朱子或問首章先生過廡下聽之泣而拜勸不能起其子見之趨掖焉先生與昌圖相持而啼謂昌圖曰子年未二十負志趣願子勉卒之母蹈吾所悔永為朱子罪人先生有長兄警而頑大小事必稟而後行後母性瑣刻每怒先生必長跽

國朝先正事略 卷三十一 名儒 三

請罪得解乃起後母弟早夭弟婦有子請於先生曰感兄公之德願畱守待兒之有立也先生泣拜之自是遂不入處室挾其子與弟之子寢於堂課督之先生有田在城南秋熟視穫挾小學書坐城隅見貧人子拾秉穗者累累先生招之曰來吾教汝讀書能背誦書者吾與汝穀羣兒爭昵趨之始導以識字既使諷章句又以俚語譬曉之羣兒咸踴躍稱善既卒穫羣兒噪曰穫卒先生且歸奈何有泣者自是每秋穫羣兒則就學焉故城南人無少長智愚皆曰我鄧先生城南人見有衣冠問鄧先生者則曰是我先生客耶爭挽畱渴進飲飢進食市井間見先生至必肅立端拱俟其過乃敢列坐云乾隆三十年卒年六十八

姚鏡塘先生事略 潘 詒

姚先生學瑛字晉堂一字鏡塘浙江歸安人性靜介讀書能實體諸身乾隆己酉舉於鄉遭父喪能盡禮嘉慶丙辰進士官中書母不樂居京師乃歸侍母母不許期滿任則歸戊辰夏擬乞終養適奉 命主黔試歸道聞母訃痛不得躬養侍疾遂終身不以妻子自隨服闋獨行至京妻張有婦德蓄妾方氏年十七將遣侍京寓不許乃歸其父母方氏曰婦人從一者也吾有所從矣竟不嫁與張躬紡績以終先生獨居京師前後四十年若旅人之妻者衣食微陋然冠服未嘗不整其學以修己為要每論事言必可行與潘布衣諸友善日求寡過以無玷古人從遊

國朝先正事略 卷三十一 名儒 三

者常滿室人至其居感然病其貧日就之乃知其樂嘗曰吾視百物皆有真趣又曰人必內自定始可應物在官惟恐曠職而恬退不務進取其不歸者母遺命也累遷兵部郎中治部事必慎毋欺既病不就寢日正衣冠坐有問者必起揖道光丙戌十一月病篤握布衣手曰人生獨知之地鮮無愧者我生平竭蹶竟如此止君亦就衰矣盡所得為俟年而已遂坐瞑年六十有一

潘布衣名詒字少白會稽人少卓犖讀古人書不事制舉業好獨遊天下奇山水足跡踰數萬里入蜀居青城大酉適晉居鏡姑射在江介居龍眠九華當入峽時舟敗身僅免守令使人饋

遺之不受也。讀書姑射山時，大吏欲識其面，不能致，則以計遇之。留數日，去與長民者言。言愛人，與里老言，言耕鑿樹蓄與土人言，言孝弟忠信，遇名下士，則告以實行，為首務。尤兢兢義利之辨，居惟一襪，被口兩蔬，食有餘，則以給人之困者。自山西歸，弟子贖以金，皆不納。有數人潛與借行，資金為其母壽，抵越而後發，不可返，乃各取少許同抵家。其母怒曰：汝見僧以如來像丐者乎？吾其為像也。乃謝而盡散之。少好奇節，喜苟難，晚年遊燕趙，與姚鏡塘善，惕然知人生學問未有毫末，可有餘者。雖聖人亦僅無欠闕耳。故其於庸言庸行，惴惴若不足，常欲使天下人咸務本節用，治禮義，以稱國家教養之意，無負天地所

國朝先正事略 卷三十一 名儒 三

以生斯人之心，間為詩古文，超曠絕俗。居京師，上自公卿，下至婦孺，無不知有潘先生者。然其所致力，實不在聲聞間也。著古文八卷，詩五卷，常語二卷，桂林陳繼昌、嶽程恩澤等為序而行。之同時，劉君傳瑩、字椒雲，漢陽人，道光十九年舉於鄉，官國子學正。初慕顧亭林，間百詩，顧景范諸先生，考古務精博，好為詩古文辭，尤究心輿地之學。顧體羸，善病，病作輒廢食，又連喪婦，或勸其少休，君自苦彌甚，志益高，嘗曰：世之困人者，獨功利耳。文章考證，家得其深者，亦足以澹外慕而自足，要不若義理之學，自治其心性，超萬累之表，而無所挫，自是益反求諸身，不以文學人自處。所為日記多痛自繩檢，二十八年夏，告歸，未數月

卒年三十有一

國朝先正事略 卷三十一 名儒

--	--	--	--	--	--	--	--	--	--

國朝先正事略卷三十一 經學

平江李元度次青纂

閩百詩先生事略 李銓 楊開沅 吳玉指 宋鑑



先生幼口吃。性頗鈍。讀書千百過不能熟。年十五冬夜讀書寒甚。漏四下。堅坐沈思。心忽開。自是穎悟絕人。是歲補學官弟子。一時名士如李太虛方爾止王子一杜于皇輩。皆折輩行與交。年二十讀尚書至古文二十五篇。即疑其偽。沈潛三十餘年。盡得其癥結所在。作尚書古文疏證八卷。其最精者。謂漢藝文志言魯共王壞孔子宅。得古文尚書。孔安國以考二十九篇得多。十六篇。楚元王傳亦云逸書十六篇。天漢之後孔安國獻之古

國朝先正事略卷三十一 經學

文。篇數之見於西漢者如此。而梅賾所上乃增多二十五篇。此篇數之不合也。杜林馬鄭皆傳古文者。據鄭氏說則增多者。舜典汨作九共。大禹謨益稷五子之歌。嗣征典寶湯誥咸有一德。伊訓肆命原命武成旅獒罔命。凡十六篇。而九共有九篇。故亦稱二十四篇。今晚出書無汨作九共典寶等此篇名之不合也。鄭康成注書序於仲虺之誥太甲說命微子之命蔡仲之命周官君陳畢命君牙皆注曰亡。而於汨作九共典寶肆命等皆注曰逸。逸者即孔壁書也。康成雖云受書於張恭祖。然其書贊曰。我先師棘下生子安國。亦好此學。則其淵源於安國明矣。今晚出書與鄭名目互異。其果安國之舊耶。又云古文傳自孔氏後

惟鄭康成所注者得其真。今文傳自伏生後。惟蔡邕石經所勒者得其正。今晚出書味谷鄭作柳谷。心腹腎腸鄭作憂腎陽。剔則剔。刺鄭作臙。宮劓割頭庶刺與真古文既不同矣。石經殘碑遺字見於洪适隸釋者五百四十七字。以今孔書校之不同者甚多。碑云高宗之饗國百年。與今書之五十有九年異。孔敘三宗以年多少為先後。碑以傳序為次。則與今文又不同。然後知晚出之書蓋不古不今。非伏非孔。而欲別為一家之學者也。班孟堅言司馬遷從安國問故。故堯典禹貢洪範微子金縢諸篇多古文說。許慎說文解字亦云其稱書孔氏。今以史記說文與晚出書相較。又甚不合。安國注論語子小子履。以為墨子引湯

國朝先正事略卷三十二 經學

誓其辭若此。不云此出湯誥。亦不云與湯誥小異。然則子小子履云云。非真古文。湯誥蓋斷斷也。其注雖有周親不如仁人句。於論語則云親而不賢不忠。則誅之。管蔡是也。仁人謂箕子微子。來則用之。於尚書則云周至也。言紂至親雖多。不如周家之多仁人。其詮釋相懸絕如此。此豈一人之手筆乎。又云古未有夷族之刑。即苗民之虐。亦肉刑止爾。有之自秦文公始。偽作古文者。見荀子有亂世以族論罪。以世舉賢之語。遂竄之秦誓篇中。無論紂惡不如是甚。且三代上亦斷無此慘酷之刑也。荀卿曰。誥誓不及五帝。司馬法言有虞氏戒於國中。夏后氏誓於軍中。殷誓於軍門之外。周將交刃而誓之。當虞舜在上。禹縱征有

苗安得有會羣后誓師之事。司馬法曰：入罪人之地，見其老弱，奉歸無傷。雖遇壯者，不校勿敵。敵若傷之，藥醫歸之。三代之用兵，以仁爲本。如此，安得有火炎崑岡、玉石俱焚之事？既讀陳琳檄，吳文云：大兵一放，玉石俱碎。乃知其時自有此等語。則此書之出，魏晉間又一證也。又云：武成篇先書一月子辰，次癸巳，又次戊午，己是月之二十八日，復繼以癸亥、甲子，是爲二月之四日、五日，而不冠以二月，非今文書法也。洛誥稱乙卯、費誓兩稱甲戌，此周公伯禽口中之詞，指此日有此事云爾。豈史家紀事之例乎？又云：書序益稷本名棄稷，馬鄭王三家本皆然。蓋別是一篇，中多載后稷與契之言。楊子雲法言孝至篇云：言合稷契。

國朝先正事略 卷三十二 經學

三

之謂忠。謨合皋陶之謂嘉。子雲親見古文，故有此言。晚出書析皋陶謨之半爲益稷，則稷與契初無一言。子雲豈鑿空者邪？其辨孔傳之僞云：三江入海，未嘗入震澤。孔謂江自彭蠡分而爲三，共入震澤者，謬也。金城郡昭帝所置，安國卒於武帝時，而傳稱積石山在金城西南，豈非後人作僞之證乎？傳義多與王肅注同，乃孔竊王非先有孔說，而王取之也。漢儒說六宗，言人人殊。魏明帝詔令王肅議，肅乃取家語孔子曰：所宗者六，以對肅以前未聞也。而僞傳已有之，非孔竊王，而何識者以爲知言。康熙元年游京師，龔尚書鼎孳爲之延譽，由是知名。十七年召試鴻博，不第。在都門，與汪編修琬交。汪著五服考，異先生糾其

謬數條，注意不澤。謂人曰：百詩有親在，奈何喋喋言喪禮？先生曰：王伯厚嘗云：夏侯勝善說禮服，謂禮之喪服也。蕭望之以禮服授皇太子，則漢世不諱喪服也。唐之姦臣，以凶事非臣子所宜言，去國恤一篇，識者非之。說經之家，可拾其餘唾乎？徐尚書乾學因問於經亦有徵乎？先生曰：雜記曾申問於曾子曰：哭父母有常聲乎？申曰：曾子次子也。檀弓子張死，曾子有母之喪，齊衰而往哭之。夫子歿，子張尚存，見於孟子。子張死而曾子方喪母，則孔子時曾子母在，可知。記所載曾子問一篇，正其親在時也。徐歎服，延爲上客。每詩又成，必屬裁定。曰：書不過閻先生目說，謬百出。合肥李公天馥亦言詩文不經百詩勘定，未可輕示。

國朝先正事略 卷三十二 經學

四

人及徐公奉 勅修一統志，開局洞庭東山。先生相從最久，徐公手輯其緒論，曰：閻氏碎金。先生於地理尤精審，凡山川形勢，州郡沿革，瞭若指掌。少讀孟子疑滕定公薨使然友之鄒，問孟子慮緩不及事，及長親歷其地，乃知故滕國城在今縣西南十五里，故邾城在今鄒縣東南二十六里，相去僅百里。故朝見孟子而暮卽反命也。因撰四書釋地四卷，釋地餘論若干篇。又作孟子生卒年月考，嘗言孔門從祀顏曾之外，當廣爲十二哲。德行三人，閔子騫、冉伯牛、仲弓。言語三人，宰我、子貢、若政。事三人，冉有、季路、公西華。文學三人，子夏、子游、子張。以論語孟子證之，確不可易。又謂先儒以大學傳出曾氏門人之手，但見誠意

章引曾子說謂古者弟子於師方稱子耳不知禮記四十九篇稱曾子者百其一為曾中餘皆曾參則是記禮者之通稱不必弟子謂其師也若謂大學止一引與它篇屢引者不同則禮器內則亦止一引豈二篇亦曾子門人作乎孟子七篇於孔門高弟或名之或字之而稱曾子者二十二益驗其為通稱也又言檀弓載季武子之喪曾點倚其門而歌為記者之妄春秋昭公七年季孫宿卒孔子年十七曾點少孔子若干歲雖不可知然論語序其侍坐次於子路則必少於子路矣孔子年十七時子路甫八歲點不過六七歲童子烏有倚闔相之門臨喪而歌之事乎又嘗舉朱子論語孟子集注之誤如季文子始專魯政不國朝先正事略卷三十二經學五

待武子子糾兄而非弟曾西子而非孫武丁至紂凡九世非七世昭陽敗魏取八邑非七邑不衣冠而處見說苑非家語農家者流見漢書非史遷去魯司寇則適衛而非適齊滅夏后相則寒泚而非羿敬叔弟也非懿子之兄顯與近也非遠人之謂魯有少施氏則孟施當亦其氏不當以施為語聲聞者皆服其精確

世宗皇帝在潛邸聞其名手書延至京師握手賜坐呼先生曰索觀所著書每進一篇未嘗不稱善疾革請移就外畱之不可乃以大牀為輿上施青紗帳二十人舁之出安穩如牀簣不覺其行也康熙四十三年六月卒年六十有九

世宗遣官經紀其喪親製挽詩四章有三千里路為子來之句復為文祭之有云讀書等身一字無假孔思周情旨深言大儼謂非先生不能當也生平長於考證遇有疑義反覆窮究必得其解乃已嘗語弟子曰曩在徐尚書邸夜飲尚書云今晨直起居注

上問古人有言使功不如使過此語自有出處當時不能答子舉宋陳良時有使功不如使過論篇中言秦伯用孟明事但不知此語出何書耳越十五年讀唐書李靖傳高祖以靖逗留詔斬之許紹為請而免後率兵破開州蠻帝謂左右曰使功不如使過果然矣謂即出此也又越五年讀後漢書獨行傳索盧放

國朝先正事略卷三十二經學六

諫更始使者勿斬太守曰夫使功者不如使過章懷太子注若秦穆公赦孟明而用之乃知全出於此甚矣學問之無窮而人尤不可以無年也天性頗好罵詞科五十人中獨許吳志伊之博覽徐勝力之強記於李天生謂其杜撰故事汪茗文謂其私造典禮劄記中多微文時賢如玉阮亭魏叔子喬石林朱竹垞何義門皆不免譏評所服膺者曰黃太沖顧甯人然於明夷待訪錄指其訛謬者不一甯人出日知錄相質即為改訂數條甯人虛己從之先生名若璩字百詩山西太原人五世祖居淮安後改歸原籍父修齡平生慎行檢以詩名母丁氏亦能詩文先生又著潛邸劄記六卷毛朱詩說一卷及日知錄補正喪服翼

注博學掌錄。宋劉攽本壽。馬端臨王應麟四家逸事諸書。詩有春西堂諸集。子泳官中書舍人。有文名。同時淮安學者。有李鏗。楊開沅。吳玉搢。皆山陽人。

鑑字公凱。順治十八年進士。官蓋平知縣。康熙己未。召試博學鴻詞科。授編修。累官內閣學士。著有史斷。讀書雜誌。惺庵集。王漁洋稱其為有本之學。開沅字用九。康熙四十二年進士。官編修。受業南雷之門。尤明於河漕之利害。玉搢字山夫。由廩貢官訓導。著山陽志遺。金石存。說文引經考。六書部敘考。又著別雅五卷。辨六書之假借深為有功。小學非俗儒剽竊所能為也。又有宋半塘者。名鑑。字元衡。安邑人。能傳潛邱之學。以古文尚書

國朝先正事略 卷三十二 經學 七

疏證。文詞稍曼衍。乃重輯尚書考辨四卷。嘗曰。經學不明。小學不講也。小學不講。則形聲莫辨。而訓詁無據矣。乃采經史方言釋名。玉篇廣韻。水經注。諸書為說文解字疏詳。贍辨博。又益以附備借三門。為治經者之津筏。半塘以乾隆戊辰進士。令常山。稍遷南雄通判。子葆。諱字芝山。舉人。官助教。能世其家學。

萬充宗先生事略 子經 猶子言

萬先生斯。大字充宗。浙江鄞人。始祖斌。明初從龍。得功。斌子鐘。世襲指揮。又四傳。至淮安總兵表。以儒將私淑新建之學。世稱鹿園先生。又二世。至福建總兵邦孚。生戶部主事泰。先生父也。戶部八子。皆受業。黎洲先生之門。稱高座弟子。長子斯。年字澹菴。少為錢忠介所深契。避亂。必載書行。晝則偕老農雜作。夜擁書集。子弟講習。成就者多。第五子斯選。字公擇。躬行實踐。為同堂領袖。嘗言。宋儒自游楊後。雖朱陸大賢。不免夾染二氏。至明儒尤甚。其於諸儒書。彈駁疵類。至數千萬言。黎洲以為吳康齋之流。所著曰白雲集。第七子斯備。字允誠。李杲堂徵君鄰嗣女

國朝先正事略 卷三十二 經學 八

夫也。與徵君唱和二十年。相依如左右手。著有深省堂集。第八子斯同。自有傳。先生其第六子。生逢喪亂。不事科舉。業湛思。諸經以為非盡通。諸經不能通。一經非悟。傳注之失。不能通。經非以經釋。經亦無由悟。傳注之失。於是融會考證。奉正朔。以批闕。位百注。遂無堅城。舉諸家聚訟。條分而縷析之。劃如也。尤精春秋三禮。排纂說禮之言。較衛正叔為尤博。正叔無所折衷。先生則批卻導。歎言之了了。為書三百卷。其別出者曰學禮質疑二卷。周官辨非二卷。儀禮商二卷。禮記偶箋二卷。黎洲皆序而行。之又輯春秋二百四十卷。燬於火。晚年復輯。絕筆於昭公。臨終曰。吾魂魄猶彷彿與劉原父諸人論季武子立後一事。其覃精

如此浙東經術自深甯東發兩先生後明初黃南山楊鏡川能承其緒其後寢衰矣得黎洲及先生而一振其辨正商周改月改時周詩周正及兄弟同昭穆皆極精確為人剛毅嗜義若飢渴張公煌言死國難棄骨荒郊先生葬之南屏山乞黎洲誌墓春秋野祭效西臺之哭父友陸文虎符甬中所稱陸萬是也文虎無後兩世喪皆未葬先生葬其六棺嘗遊武林之玉龍山見張縉彥神主碎之觀者咸辟易李杲堂嘗言說經無雙名擅八龍昔有慈明今見充宗其推服者至矣卒於康熙癸亥七月年五十有一外著有丁災甲陽草各一卷萬氏家譜十卷子經字授一別字九沙自幼播染家學一切世俗之估畢未由至前於

國朝先正事略 卷三十二 經學 九

是授經說數百萬言於父及諸父受明史紀傳三百卷及列代史表數十種於季父及其從兄言而又講性理於應徵士嗣寅求漢隸源流於鄭君谷口考地理箋釋於閻徵士百詩其學益與博無涯涘以康熙癸未進士選庶吉士授編修方先生苞時以南山集牽連下詔獄莫敢保出之者九沙奮然送狀西曹遂釋之舉朝高其義典試山西得孫公嘉淦一見推挹卒成魁儒又嘗識杭君世駿全君祖望於髫年以為鄭漁仲之流世稱其有人倫鑑視學黔中還朝為忌者所中有通州修城之役家既罄蕭然如布衣時賣所作隸字得錢給朝夕乃增補充宗先生禮記集解凡數萬言以春秋定哀二公未畢續纂數萬言又取

從兄言尚書說輯成一編以成萬氏經學又重修季野先生列代紀年及從兄言明史舉要以成萬氏史學雖疏食不給而見義當必為蒼水張公墓道將圯竭力修之歲必設祀墓故充宗先生所營葬者也會 詔舉鴻詞科趙侍郎殿最薦之己而三禮館開李侍郎絃又欲薦使成其父書皆以老不赴晚年家燬於火先世遺書皆燼焉年八十有三卒

國朝先正事略 卷三十二 經學 十

日管村集

言字貞一號管村少以古人名隨諸父在講社中最精博黎洲先生深器其文謂能撫震川之古淡而加以剡源之色澤季野先生亦云使吾有爾筆班馬不難到矣以副貢被 召修明史獨成崇禎長編一書出為五河知縣忤大吏論死尋得免所著

萬季野先生事略

萬先生斯同字季野學者稱石園先生浙江鄞人戶部郎泰第
入子生而與敏讀書過目不忘八歲在客座中背誦揚子法言
終篇不失一字顧跡弛不馴戶部閉之空室中先生竊視架上
有明史料數十冊讀之甚喜數日而盡又見經學諸書皆盡之
既出時時隨諸兄後聽其議論會家課先生欲豫焉諸兄笑曰
汝何知先生曰觀諸兄所為易與耳因雜出經義目試之千言
立就伯兄大驚持之泣以告戶部曰幾失吾弟戶部亦愕然曰
幾失吾子遂從梨洲先生遊為高第弟子與聞戴山劉氏之學
以慎獨為主以聖賢為必可及時而江有五經會先生年最少

國朝先正事略

卷三十二 經學

十一

遇疑義輒片言析之嘗守先儒戒以謂無益之書不必觀無益
之文不必作遂專意古學博通諸史尤熟於明代掌故康熙戊
午 詔徵博學鴻儒巡道許鴻勳以先生薦力辭免明年修明
史徐相國元文延至京師時史局中徵士例食七品俸稱纂修
官先生請以布衣參史局不署銜不支俸許之諸纂修以稿至
主者皆送先生覆審覽畢謂侍者曰取某書某卷某葉有某事
當補入某事當參校如言取至無爽者徐公罷繼之者張公王
書陳公廷敬王公鴻緒皆延請有加禮明史稿五百卷先生手
定也先生病唐以後史官設局分修之失嘗曰昔遷固才既傑
出又承父學故事信而言文其後專家之學才雖不逮猶未至

如官修者之雜亂也官修之史倉猝成於眾人不暇擇其材之
宜與事之習是猶招市人而與謀室中之事也吾辭史局而就
館總裁所者惟恐眾人分操割裂使一代治亂賢姦之跡昧晦
而不明耳又嘗語方侍郎苞曰史之難為久矣非論其世知其
人具見其表裏則吾以為信而人受其枉者多矣吾少館某氏
其家有列朝實錄吾默識暗誦未敢有一言一事之遺也長遊
四方從故家求遺書旁及郡志邑乘雜家志傳之文莫不網羅
參互而要以實錄為指歸蓋實錄者直載其事與言而無所增
飾者也因其世以考其事覈其言而平心察之則其人之本末
十得八九矣然言之發或有所由事之端或有所起而其流或

國朝先正事略

卷三十二 經學

注

有所激則非他書不能具也凡實錄之難詳者吾以他書證之
他書之証且濫者吾以所得於實錄者裁之子盍就吾所述約
以義法而經緯其文他日書成曰此四明萬氏所草創也吾死
不恨矣蓋先生以遺民自居而即任故國之史事以報故國其
至京師特以羣書有不能自致者必資有力者以成之其心事
類元遺山其潔身非遺山所及也其後乾隆中大學士張公廷
玉等奉 詔刊定明史皆以史稿為本而加增損焉先生之志
於是為不負矣其初至京師也時議意其專長在史及徐尚書
乾學居憂請先生纂讀禮通考自國朝及家禮十四經之箋疏
廿一史之志傳漢唐宋諸儒之文集說部無或遺者又以其餘

為喪禮辨疑四卷。廟制折衷二卷。乃知先生故深於經。徐公因請編成五禮之書二百餘卷。當是時京師者彥雲集。各以所長自見。而先生最闡淡。自王公以下爭相從。問古儀法。月再三會。聽講者常數十人。錄所聞共講肄。莫不呼曰萬先生。而先生與人還往。其自署祇曰布衣。萬斯同未嘗有他稱也。故督師之姻人方居要津。乞史館於督師。少寬假。先生屢數其罪以告之。有運餉官以棄運走道死。其孫以賂乞入死事。列先生斥之。父友馮侍郎躋仲諸子沒入勳衛家。先生贖而歸之。以康熙壬午夏卒於王尚書史局中。年六十。門人私謚曰貞文。先生於前史體例貫穿精熟。指陳得失。洞中肯綮。劉知幾鄭樵不能及也。馬班

國朝先正事略 卷三十二 經學 三

史皆有表。而後漢三國以下無之。劉知幾謂無關得失。先生則曰。史之有表。所以通紀傳之窮。有其人已入紀傳而表之者。有未入而牽連以表之者。表立而後紀傳之文可省。讀史不讀表。非深於史者也。所著補歷代史表六十卷。又紀元彙考四卷。宋季忠義錄十六卷。南宋六陵遺事一卷。庚申君遺事一卷。河源考二卷。河渠考十二卷。儒林宗派八卷。石經考二卷。石鼓文考二卷。羣書疑辨十二卷。書學彙編二十二卷。周正彙考八卷。歷代宰輔彙考八卷。石園詩文集二十卷。而明史稿及讀禮通考別為書。先生在京師。攜書十數萬卷。及卒。旁無親屬。編修錢名世以弟子為喪主。兼取其書去。時論薄之。

錢田閒先生事略 方中通 方中履

錢先生澄之。字飲光。原名秉銓。安徽桐城人。生當明季。弱冠時有御史某闖黨也。巡按至皖。盛威儀。謁孔子廟。諸生方出迎。先生忽前攀車。而攬其帷。眾莫知所為。御史大駭。命停車而溲。溺已濺其衣矣。先生徐正衣冠。昌言以詆之。騁從數十百人皆相視莫敢動。而御史方自幸脫於逆案。懼其聲之著也。漫以為病狂而舍之。先生由是名聞四方。與雲間陳臥子。夏彝仲。嘉善魏學渠。交最深。又嘗問易於黃石齋先生。著田閒易學十二卷。初從京房邵康節入。故言數頗詳。蓋石齋之餘緒也。後乃兼求義理。大旨以朱子為宗。又著田閒詩學十二卷。謂詩與尚書春秋

國朝先正事略 卷三十二 經學 四

相表裏。必考之三禮。以詳其制作。徵諸三傳。以審其本末。稽之五雅。以核其名物。博之竹書紀年。皇王大紀。以辨時代之異同。與情事之疑信。即今輿記以考古之圖經。而參以平生所親歷。其書以小序首句為主。所採諸儒論說。自注疏集傳外。凡二十家。持論精核。於名物訓詁山川地理言之尤詳。云先生少以經濟自負。常思冒危難。以立功名。及歸自閩中。遂杜足田閒。課耕以自給。年八十有二而終。同縣方中通字位伯。明檢討以智密之之次子也。明之中葉。以博洽著者稱楊慎。而陳耀文起與之爭。然慎有偽說。以售欺。耀文好蔓引。以求勝。次則焦竑亦善考證。而習與李贄游。好牽綴佛書。傷於蕪雜。惟密之先生崛起崇

顧中博極羣書考據精核迥出其上風氣既開國朝亭林百
詩錫鬯諸君沿而起一掃懸擬之空談密之撰通雅十二卷
窮源竟委詞必有徵中通承其家學以博綜稱著數度衍二十
四卷附錄一卷其書有數原律衍幾何約珠算筆算籌算尺算
諸法復條列古九章名目引御製數理精蘊推闡其義其幾
何約及珠算等大抵哀集諸家之長而增損潤色勒為一編又
撰物理小識十二卷及浮山文集通弟中履著古今釋疑十
八卷雖不及通雅之精核然學有淵源故不為舛陋也

國朝先正事略卷三十一 經學

五

馬宛斯先生事略 王爾晉

馬先生驥字驄御一字宛斯山東鄒平人順治己亥進士謁選
京邸以文望舉為順天鄉試同考官除淮安推官多所平反裁
缺改靈壁知縣蠲荒除弊均里甲歲省民力無算流亡復業卒
於官士民奉祀名宦祠著左傳事緯十二卷附錄八卷先生於
左氏融會貫通所論具有條理其圖表亦皆考證精詳為專門
之學又撰釋史百六十卷纂錄開闢至秦末之事博引古籍疏
通辨證雖牴牾開亦不免而詞必有徵實非羅泌路史胡宏皇
王大紀所可及且史例六家古無此式與袁樞紀事本末均卓
然特創自為一家之體顧亭林讀是書歎曰必傳之作也康熙

國朝先正事略卷三十二 經學

六

四十四年

上南巡垂問釋史一書命張公玉書物色原板明年夏遣官
至鄒平購板入內府後先生而起者有掖縣王止庵名爾晉字
襄哉治經宗漢學嘗云鄭夾漈謂漢人窮經而經亡此言大非
漢儒有家法七十子之微言大義賴漢以存窮經而經亡當在
魏晉以後蓋荀虞之易亂於王弼馬鄭之書亡於偽孔氏賈服
之春秋消於杜元凱其幸存者毛鄭之詩何氏之公羊鄭氏之
三禮耳窮經當以毛鄭何為主然後博考諸儒擇其善而折衷
焉斯可矣學者以為知言

毛西河先生事略 此正邦烈

先生名奇齡字大可一字齊于又名姓字初晴學者稱西河先生蕭山人。生時母張夢番僧持度牒入門四歲。母口授大學。即成誦。乃投書使循所讀。自認之一。再過無不識者。時以篇首后後厚三字形異音同為問。具語之。即欣然以解。既就塾。讀論語集註。至有子孝弟章。愀然請罷讀。問何故。則曰。性中止有仁。曷嘗有孝弟。此言不忍聞也。師大奇之。總角補諸生。與伯兄萬齡齊名。人呼小毛。生華亭。陳公子能評為才子之文。會明亡。哭學宮三日。時山賊起。先生竄身城南山。與同縣沈禹錫包秉德蔡仲光為四友。築土室讀書。其中順治三年。王師下江南。杭州

國朝先正事略 卷三十二 經學 七

不守山陰。鄭秀才遵謙與徐姚熊給事汝霖孫副使嘉績上虞徐尚書人龍。括閩左為民兵。截江抗。王師會武甯侯王公之仁。保定伯毛公有倫。初以備倭軍甯波。至是引軍西。與民兵合號西陵軍。共推魯王監國保定伯至蕭山。移檄購大小毛。生徐尚書薦授先生監軍。推官力辭之。當是時。馬士英奉故福王太子奔杭州。竄方國安軍中。號方馬軍。與西陵軍相犄角。先生謂保定曰。方馬國賊也。明公為東南建義旗。何可與二賊共事。請絕之。國安聞言大恨。欲甘心焉。幾被獲。脫之龕山。時保定弟有傲為靖南將軍。軍龕山也。唐王建號福州。黃公道周以蠟書招先生。又辭之。亡走山寺。祝髮披緇。匿坑中。王師破江東。戮雷

髮者。先生以髮免。歸母。夫人泣曰。吾向夢僧寄度牒。生兒今竟然矣。先是明季士林好為社。先生品目過嚴峻。人多忌之。至是選越郡詩會。稽庶常王自超從賊中歸。投以十詩。選其四。中有鄆城夜走。及哭周介生赴西市。作先生以右丞司戶評其篇庶常大恚。謂誣其從賊。乃聚諸出社者。首先生抗命。今復抗試。且以浮屠居士林。讖壤名教。罪當死。讞者察其枉。得不坐。順治八年。復諸生籍。怨家猶洵洵。布政使張某。以從賊歸。命為今官。搆者護先生。張大恨。屬提學仍鞫其籍。先生嘗效元人作詞曲。自娛。提學摘其語。以為訕謗。謀許而殺之。制府寬之。置之。不問仇者。慎不得雪。適姻戚有負營丁責者。忽攫先生於途。責以代償。擁

國朝先正事略 卷三十二 經學 六

而渡江。鄰人追至西陵。渡暮之還。次日購道。瑾橫所篡處。謂毛生聚眾殺營兵。籍捕四出。乃變姓名為王士方。將出。亡仲兄錫齡。出周易。授曰。古賢處憂患。必知易。汝知此足矣。先生踞受。教乃避地靖江之海陵。逾月。渡淮。飲故人所有。客目攝之。酒半牽之入。旁舍勞問。則故靖南將軍有傲也。具言保定死。武甯已殉節。而已以亡軍倖免。將要赴彭城。值山陽令朱禹錫聞先生至。款之。而吏部郎張新標有名園。中秋夜會。客數十人。伎樂合作。先生倚醉。扣槃賦。明河篇。凡六百餘言。及旦。傳寫殆徧。施愚山參議。還自京師。見之。驚曰。此必吾友毛生者也。於是之齊之。楚之鄭衛。梁宋作續哀江南賦。萬餘言。嘗登嵩山。越數峯。遠望

悽愴不能上曰吾力衰矣傷哉貧且多難芒芒者安歸乎乃復之禹州寓故懷慶王邸之白雲樓作白雲樓歌未而月都下伎館酒樓競傳唱仇者偵知之去之嵩山匿道士土室中苦無書夜起傍徨假寐而泣夢有告之者曰盍之嵩陽問之踰月過嵩陽廟市無書惟高笠僧貽書一帙則百本大學也先生憶夢心動叩所自來曰吾遼人也天啟末全家死於兵遂祝髮鼠海濱少受學義州賀凌臺先生凌臺為賀黃門欽之孫講學醫巫閭以大學古本授予曰古學之失傳由不知本也大學不云壹是皆以修身為本乎本該體用而統心意及家國天下必正心誠意而學乃有體必齊家治國平天下而學乃有用北宋祖陳搏

國朝先正事略 卷三十二 經學 九

之學講性命而略事為則專內遺外不知有身南宋宗程頤之學就事物以求心性則登枝逐流并不知有本夫格物者絜量本末本諸身也致知者審度先後以身先之也中庸以誠意為誠身孟子以存心為養其大體是正心誠意無非身也先生受學心契之已而應湖西施參議之招設講鷺洲書院楚人楊洪才恥庵來講姚江之學使君雅不善姚江謂不宜舍事物求心性恥庵不之辨會午食使君曰不遷怒實難吾昨責官庖以闕供也今又責之直遷怒矣宜何以治之恥庵乃舉手肅禮座曰若此者可仍求之事物否時四座闕然先生大悟即下拜曰受教矣歸而惺然坐通夜不寐踰年客崇仁又客淮西畱三年淮

人有知小毛生者先生曰吾非小毛生乃毛姓也是時 赦屢下先生禍已解康熙十七年 詔舉博學鴻儒先生入都馮文毅溥辟館相待而李文定天馥畱先生主其家時應召者駢集馮公大會城東萬柳堂先生援筆作萬柳堂賦推座客第一及試

聖祖方幸霸州攜諸卷親覽翼日下三相國公閣上忽問曰媯皇補天事信乎蓋先生卷中用此語也眾未對馮公奏淮南子有之上曰徒記事邪則楚詞列子早及之何止淮南第未知傳信何如耳馮公復奏賦主鋪張古籍宜可用於是先生列上卷授檢

國朝先正事略 卷三十二 經學 十

討纂修明史闕題得宏正兩朝紀傳具草二百餘篇時聖祖精韻學剖晰精嚴關中李檢討因篤與吳門顧處士炎武竭終身之力講音韻然卒狂於陸氏切韻二百八部之說先生誦之嘗與檢討飲文定宅論韻不合李公曰吾少讀箕子麥秀歌惡其無韻故凡遇論韻者吾必曰能押是則言敢請檢討未即對先生曰禾黍油油者尤也不與我好則蕭肴豪尤之通也好者尤三聲也有證乎曰有詩云無言不讐無德不報請益曰易云同聲相應同氣相求水流湮火就燥公曰善檢討笑曰韻有四聲未聞三聲也先生曰四聲起於齊周顛而沈約成之古無有也古入自為韻而多以平上去三聲韻互相通押謂之三

聲不讀虞廷。廣歌有股。肱起元首。喜百工熙。乎不讀蔓草。詩有零露。溥清揚。婉適我願。彤弓詩有受言。藏中心。賦一朝饗乎公。

與檢討乃大服。先生著古今通韻十二卷。進呈。

上幸南海子。攜書行。覽之稱善。有旨宣付史館。并勅禮部。

知其事。其後嶺南楊生進沈約原韻十六卷。

上疑其偽。特命取皇史宬所藏通韻本。付閣臣參校。以不合。

斥去。丹陛樂者。黃門鼓吹曲也。設筍簾於午門旁。太常典之。

而其曲多謾。

上命更定之。掌院陳公廷敬。以列代樂章。配音樂議。屬先生條。

上多所採用。先生於音律有神悟。二十三年。

國朝先正事略 卷三十二 經學

三

上諭羣臣以徑一圍三。隔八相生之法。先生遂極意搜討。作

聖諭樂本解說。皇言定聲錄。及竟山樂錄。思進之太常。眾阻

之三十八年。

上復南巡。先生進樂本解說刻本。詔傳先生至行在。朝門

獎勞。并勅改刻本。訛字宣付專行。時蠡吾李堪。走三千里。受

業。凡三日。盡得其五音二變四清七調九聲十二管。并器色旋

宮之法。先生大驚。遂盡出所著。令校輯焉。時值

北郊定配位。太常卿徐元珙謂

南郊南向則

三祖配位。固宜以東設。西向為一配。西設。東向為二配。又東設

西向為三配。其日月星辰諸配。亦皆始東設。而次西設。何則。以崇左也。至北郊北向。則向所為左者。今在右矣。乃

三祖配位。一如南郊。始東設。而次西設。其山林川澤亦如之。則

在昭穆為顛倒。而在左右為偏矣。於禮不合。疏上。詔學士徐

公乾學。韓公莢。議覆。

上實無改意。而翰林官多各持一議。李文定特召問先生。先生

曰。南郊尚左。故南向而配先左。此東設者。南向之左也。北

郊尚右。故北向而配先右。此東設者。北向之右也。日此亦有言

之者矣。特以左右言。則一左一右。似乎有分。而以東西言。則一

東也。天下有南北異向。而一東一西。可同偏之禮乎。日有之在

國朝先正事略 卷三十二 經學

三

何。經曰。在曲禮。禮曰。席南向。北向以西方為上。東向西向以南

方為上。語未竟。李公撫掌曰。有是哉。經之無所不備也。然則仍

舊貫而已矣。議遂定。先生尋乞病歸。越三年。

聖祖南巡。謁禹陵。先生迎。駕西陵渡。

上遙見先生。遣侍衛勞問。比還。送駕。

上駐馬問所苦。復勞之去。及三巡江浙。先生謁。行在。年老

矣。命起立。勿跪。且賜御書一幅。時皇太子隨。駕亦賜

書屏。聯各一。其蒙恩遇如此。先生嘗痛易學未明。太史占筮

見之大傳及春秋傳者。並失傳。而仲兄有五易之說。以移易為

文王孔子造卦象詞。為春秋史官立變解。占所自始。遂推衍其

義作仲氏易三十卷。推易始末四卷。春秋占筮書三卷。河洛原
舛編一卷。太極圖說遺義一卷。易小帖八卷。易韻四卷。尚書廣
聽錄五卷。舜典補亡一卷。古文尚書冤詞八卷。國風省篇一卷。
毛詩寫官記四卷。詩札二卷。詩傳詩說駁義五卷。白鷺洲主客
說詩一卷。昏禮辨正一卷。廟制折衷二卷。大小宗通釋二卷。辨
定祭禮通俗譜五卷。喪禮吾說篇十卷。春秋毛詩傳三十六卷。
春秋條貫篇十一卷。春秋屬辭比事記十卷。春秋簡書刊誤二
卷。論語稽求篇七卷。大學證文四卷。大學知本圖說一卷。四書
賸言四卷。聖諭樂本解說二卷。皇言定聲錄八卷。竟山樂
錄四卷。大學問一卷。孝經問一卷。周禮問二卷。明堂問一卷。學
國朝先正事略 卷三十二 經學 三

及伸紙疾書。或反不用一字。夫人陳氏性妒。以曼殊故。輒詈於
人前。曰公等以毛大可為博學耶。渠作七言八句。亦必猶祭乃
成。先生笑曰。握筆一次。展卷一回。積久自能賅博。婦言不允。聽
也。嘗傲居屋三間。左右度圖史。寓眷屬而中為客次。先生日著
書。其閒筆不停。揮請業者環坐。問隨答。井井無一誤。夫人在室
中時。或詬詈先生。復還詬之。殆五官並用者。始甯女士徐昭華
讀瀨中集。感歎願受業。稱都講焉。琉球使者過杭州。以兼金購
文集。且求見先生。其名動海外。若此。自明以來。申明漢儒之學。
使儒者不敢以空言說經實。先生開其先路。其文縱橫博辨。傲
晚一世。與其經說相表裏。自成一格。不可以繩尺求。然議論獨
國朝先正事略 卷三十二 經學 三

朱愚庵先生事略 陳啟源

朱諱鶴齡字長孺江蘇吳江人前明諸生性好學遺落世事晨夕一編行不識路塗坐不知寒暑或謂之愚因以愚庵自號嘗箋注杜子美李義山詩故所作韻語頗出入二家入國朝屏居著述與顧亭林友亭林以本原之學相勸始湛思覃力於諸經注疏及儒先語錄著有尚書碑傳禹貢長箋讀左日鈔詩經通義等書尚書附於漢學宋學間長箋作於胡朏明錐指之前不及朏明書而旁引曲證亦多創獲讀左瑕瑜並陳不及顧亭林惠定宇之密詩經參停於今古之間於國朝惟用陳啟源說蓋啟源實與參訂焉其耶鄰衛三國禹貢三江震澤太湖國朝先正事略卷三十二 經學 五

嶠家漢源諸辨多有裨於考證又著愚庵詩文集其書元裕之集後云裕之於元既踐其土茹其毛即無反晉之理乃今之詆訕不少避者若欲掩其失身之事以誑國人非徒悖也其愚亦甚矣其言蓋指國初居心反覆之輩可謂知大義矣啟源字長發先生同縣人著毛詩稽古編自記謂閱時十四載彙凡三易乃成引據賅博疏證詳明為唐以前專門之學

劉繼莊先生事略

劉繼莊者名獻廷字君賢順天大興人先世本吳人寓吳江者數十年卒焉其學主於經世自象緯律曆邊塞關要財賦軍政之屬旁及岐黃釋老家言無不窮究崑山徐尚書好士多藏書大江南北宿老爭赴之先生遊其閒別有心得萬徵君季野於書無所不讀獨心折先生引參明史館事願君景范黃君子鴻長於輿地亦引先生參一統志事先生謂諸公考古有餘而未切實用其論向來方輿書大抵詳於人事而天地之故概未聞當於疆域前別添數則先以諸方之北極出地為主定簡平儀之度制為正切線表而節氣之後先日蝕之分秒五星之陵國朝先正事略卷三十二 經學 五

犯占驗皆可推矣諸方七十二候多不同如嶺南之梅十月已開桃李臘月已開而吳下梅開於驚蟄桃李開於清明和懸若此今世所傳七十二候本諸月令乃七國時中原之氣候今之中原已與七國之中原不合則歷差為之宜於南北諸方細考其氣候詳載之為一則則天地相應之變遷可以求其微矣燕京吳下水皆東南流故必東南風而後雨衡湘水皆北流故必北風而後雨山水之向背分合皆當按籍而列之而風土之剛柔暨陰陽燥溼之徵可次第求矣諸方有土音又有俚音蓋五行氣運所宜之不同各譜之為一則合之土產則諸方人民性情風俗之徵皆可推而見矣其論水利謂西北乃二帝三王之

國朝先正事略卷三十三 經學

平江李元度次青纂

梅定九先生事略 孫文穆公彙成

先生諱文鼎字定九又字勿庵安徽宣城人年二十七與弟文
鼐共習臺官交食法著天學駢枝六卷值天學書之難讀者必
求其說至廢寢食時人弟子皆折節造訪人有問者亦詳告之
無隱期與斯世共明之所著天算之書八十餘種讀元史授時
法經歎其法之善作元史天經補註二卷又以授時集古法大
成然朔法五端外大率多因古術因參校古術七十餘家者古
今天法通考七十餘卷授時以六術考古今冬至取魯獻公冬

國朝先正事略 卷三十三 經學

至證統天術之疏然依其本法步算與授時所得正同作春秋
以來冬至考一卷元史西征庚午元術西征者謂太祖庚辰也
庚午元者上元起算之端也志詔太祖庚辰為太宗不知太宗
無庚辰也又詔上元為庚子則於積年不合也考而正之作庚
午元法考一卷授時非諸古術所能比郭守敬所著法草乃法
經立法之根拈其義之精微者作郭太史法草補註二卷立成
傳寫魯魚不得其法不敢妄用作大統立成註二卷授時法於
日纏盈縮月離遲疾並以塚積招差立算而九章諸書無此術
從未有能言其故者作平定三差詳說一卷此發明古法者也
唐九執法為西法之權輿其後有婆羅門十一曜經及都肆利

斯經皆九執之屬在元則有札馬魯丁西城萬年法在明則有
馬沙亦黑馬哈麻之回回法西域天文書天順時貝琳所刻天
文實用即本此書作回回法補註三卷西域天文書補註二卷
三十雜星考一卷表景生於日軌之高下日軌又因於地差而
變移作四省表景立成一卷周髀所言里差法即西人之說所
自出作周髀算經補註一卷渾蓋之器最便行測作渾蓋通靈
圖說訂補一卷西國日月以太陽行黃道三十度為一日作西
國日月考一卷西術中有細草猶授時之有通軌也以天指大
意彙括而注之作七政細草補註三卷新法有交食蒙求七政
蒙引二書並逸作交食蒙求訂補二卷交食蒙求附說二卷監

國朝先正事略 卷三十三 經學

正楊光先日食圖以金環與食甚時分為二圖而各具時刻其
誤非小作交食圖法訂誤一卷新法以黃道求赤道交食細草
用儀象志表不如弧三角之親切作求赤道極度法一卷謂中
西兩家之法求交食起復方位皆以東西南北為言然東西南
北惟日月行至午規而又近天頂則四方各正其位矣自非然
者則黃道有斜正之殊而自虧至復經歷時刻展轉遷移弧度
之勢頃刻易向且北極有高下而隨處所見必皆不同勢難施
諸測驗今別立新法不用東西南北之號惟就人所見日月圓
體分為八向以正對天頂處命之曰上對地平處命之曰下上
下聯為直線作十字橫線命之曰左右此四正向也曰上左上

右曰下左下右則四隅向也乃以定其受蝕之所在則舉目可見作交食管見一卷太陽之有日差猶月離交食之有加減時因表說含糊有誤作日差原理一卷火星最為難算至地谷而始密解其立法之根作火緯本原圖說一卷訂火緯表記因及七政作七政前均節法一卷金水歲輪繞日其度右移上三星軌跡其度左轉若歲輪則仍右移作上三星軌跡成繞日圓象一卷天問略取黃緯不真而例表從之誤作黃赤距緯圖辨一卷西人謂日月高度等其表景有長短以證日遠月近其說非是作太陰表影辨一卷新法帝星句陳經緯刊本互異作帝星句陳經緯考異一卷測帝星句陳二星為定夜時之簡法作略

國朝先正事略 卷三十三 經學 三

晷真度一卷以上皆發明新法算書或正其誤或補其闕也康熙開明史開局天文志為吳檢討任臣分修總裁為湯公斌徐公乾學經嘉興徐善苑平劉焯延常州楊文言各有增定後以屬黃先生宗義又以屬先生先生摘其訛舛五十餘處以天草通軌補之作明史志擬彙三卷雖為大統而作實以闡明授時之奧補元史之缺略其總目凡三曰法原曰立戒曰推步又作天志贅言一卷大意言明用大統實即授時宜於元史闕載之事詳之以補其未備又回回法承用三百年法宜備書明鄭世子之天學袁黃之天法新書唐順之周述學之會通回法以庚午元法之例列之皆得附錄其西洋法方今見行然崇禎朝徐

李測驗改憲之功不可沒也亦宜備載緣起康熙二十八年先生至京師見安溪李文貞公女貞謂曰天法至本朝大備經生家猶若望洋者無快論以發其意也宜略做元趙友欽草象新書體例作簡要之書俾人人得其門戶此學庶將大顯因作天學疑問三卷四十二年文貞扈駕南巡駐蹕德州有旨取先生書文貞以天學疑問呈求聖諭奉旨朕畱心歷算多年此事朕能決其是非將書畱覽後二日召見文貞聖祖云昨所呈書甚細心且議論亦公平此人用力深矣朕帶回宮中細閱文貞因求

國朝先正事略 卷三十三 經學 四

皇上親加御筆批駁改定上肯之明年駕復南巡於行在發回原書中間圈點塗抹及籤貼批語皆上親筆也文貞復請此書藏謬所在諭曰無疵謬但算法未備未幾聖祖西巡問隱淪之士文貞以關中李暉河南張沐及先生三人對上亦素知暉及先生四十四年南巡狩文貞以撫臣扈從上問宣城處士梅文鼎今焉在文貞以尙在臣署對上曰朕歸時汝與偕來朕將而見文貞尋與先生伏迎河干越

晨俱 召對御舟中從容垂問凡三日

上謂文貞曰天象算法朕最留心此學今鮮知者如文鼎實僅

見也其人亦雅士惜乎老矣 賜御書扇幅頒賚珍饌臨辭

特賜積學參微四大字越明年又 命其孫毅成入 內廷學

習五十三年十二月毅成奉

上諭汝祖留心律歷多年可將律呂正義寄一部去令看或有

錯處可指出夫古帝王有都兪吁咈四字後來遂止有都兪卽

朋友之閒亦不喜人規勸此皆私意也汝等須極力克去則學

問自然長進可併將此意寫與汝祖知之 恩遇為古所未有

也先生所著書柏鄉魏荔彤兼濟堂纂刻者凡二十九種毅成

國朝先正事略 卷三十三 經學 五

謂編校不善別為編次更名梅氏叢書輯要總二十五種六十

二卷未刻者今失傳先生為學甚勤李文貞命子鍾倫弟鼎徵

及萃從皆執弟子禮宿遷徐用錫晉江陳萬策景州魏廷珍河

開王之銳交河王蘭生皆以得與參校為榮康熙六十年卒年

八十有九

上聞命有司經紀其喪士論榮之先生家居營祠廟申崇禁梅

氏無公庭訟幾三十年族屬數千人無博戲者及卒皆弔哭失

聲子以燕癸酉舉人毅成以康熙五十三年 賜舉人明年

賜進士選庶吉士授編修供奉 內廷官至左都御史諡文穆

蒙

聖祖授以借根方法知與古人立天元一術相同闡揚

聖學有明三百年所不能知者一旦復顯於世與修明史天志

著增刪算法統宗十一卷赤水遺珠一卷操縱危言一卷文鶴

先生仲弟與兄共著步五星式六卷早卒文鼎其季弟也著中

西經星同異考一卷

國朝先正事略 卷三十三 經學 六

薛儀甫先生事略 唐夢賚

薛先生鳳祚字儀甫山東淄川人嘗師事定興鹿忠節善繼容城孫徵君奇逢著聖學心傳發明認理尋樂之旨又講求天文地理實用初從魏文魁學天文順治中譯穆尼閣說為天步真原先生謹守成法著天學會通十餘種梅定九天算書記所謂青州之學也其曰對數比例者即西法之假數也曰中法四線者以西法六十分為度不便於算改從古法以百分為度表所列止正弦餘弦正切餘切故曰四線其推步諸書曰太陽太陰諸行法原曰木火土三星經行法原曰交食法原曰歷年甲子日求歲實曰五星高行曰交食表曰經星中星曰西域回回術

國朝先正事略 卷三十三 經學 七

曰西術表曰今西法選要曰今法表皆會中西以立法以順治十二年乙未冬至為元諸應皆從此起算以三百六十五日二十三刻三分五十七秒五微為歲實黃赤道交度有加減恆星歲行五十二秒與天步真原法同梅定九謂其書詳於法而無快論以發其趣蓋其時新法初行中西文字輾轉相通故詞旨未能盡暢也先生又著兩河清氣詳究黃河運河北自昌平通州南至浙江等處河湖水諸目皆詳載之又記黃河職官夫役道里之數及歷代至本朝治河成績援據古今疏證頗明別為海運一篇欲仿元運故道與漕河並行則祖邱瓊山舊說也同縣唐先生夢賚字濟武順治六年進士以檢討言事罷歸

家居閉戶讀書著述甚富有銅鈔疏禁耀說備邊策皆留心經

國朝先正事略 卷三十三 經學 八

王寅旭先生事略 談泰

王先生錫嗣字寅旭吳江人博覽羣書守義樹節與張楊園講
濂洛之學兼通中西天學先生生於明季當徐光啟等修新法
時聚訟盈廷先生獨閉戶著書潛心測算遇天色晴霽輒登屋
臥鴟吻閒仰觀景象竟夕不寐務求精符天象不屑屑於門戶
之分著曉庵新法六卷考古之誤而存其是擇西說之長而去
其短據依圭表改立法數雖私家撰述未見施行而為術精妙
識者莫不稱善年五十五卒梅處士定九日從來言交食者祇
有食甚分數未及其邊惟寅旭以日月圓體分三百六十度而
論其日食時所虧之邊凡幾何度今推其法頗精確然則御

國朝先正事略 卷三十三 經學

九

製考成所采定九以上下左右算交食方向法蓋本於先生矣
康熙以來梅學盛行王學尙微蓋先生無子傳其業者無人又
其遺書知之者少持平而論先生精而核定九博而大各造其
極難可軒輊而皆在薛鳳祚之上

談泰字階平江甯舉人官南匯訓導博覽勤學精於天算得梅
氏算學之傳所著考證經史之書曰觀書雜識二十卷其算術
之書有測量周徑正誤周髀經算四極南北遊法增補武成朔
閏譜召誥月日譜歲次月建異同辨春秋歲次考三統術推三
統術譜冬至權度紀略天官節次斗分辨分野辨操縵卮言正
誤圓壺周徑積實祖沖之歸法辨黼內方非十尺辨喪服傳滄

說王服經帶數等書又著古算書細草十餘種

國朝先正事略 卷三十三 經學

十

陳泗源先生事略

陳先生厚耀字泗源江蘇泰州人康熙四十五年進士官蘇州府教授學問淵博李文貞薦其通天文算法引見致內閣中書

聖祖命試以算法繪三角形令求中線及問弧背尺寸先生具劄進稱旨命入直內廷授編修與梅文穆穀成同修書嘗召至御座旁教以幾何算法先生學益進

上嘗問曰汝能測北極出地高下否對曰遇春秋二分用儀器測之可得高度若餘節氣又有加減之異然亦不準何也地上有朦氣之差以人目視之有升卑為高映小為大之異故以渾

國朝先正事略

卷三十三 經學

十一

儀測之多不合惟在天度數則不差耳又問地周三百六十度依周尺每度二百五十里今尺二百里地周幾何徑幾何奏曰依周尺地周九萬里今尺七萬二千里以圓三徑一推之地徑二萬四千以密率推之當得地徑二萬二千九百一十八里有奇

上問地圖出何書對以周髀算經會言之問何以見其圓也對曰職方外紀西人言繞地過一周四而皆生齒所居故知其為圓且東西測影有時差南北測星有地差皆與圓形相合故益知其為圓

上稱善累遷司業左諭德以老疾致仕卒於家先生治春秋尤

究心天算嘗補杜預長歷為春秋長歷十卷其凡有四一曰歷

證備引漢書續漢書晉書隋書唐書宋史元史左傳注疏春秋屬辭天元歷理歷法新書諸說以證推步之異其引春秋屬辭載杜預論日月差謬一條為注疏所無又引大衍歷義春秋歷

考一條亦唐志所未錄尤足以資考證二曰古歷以古法十九年為一章一章之首推合周歷正月朔日冬至前列算法後以春秋十二公紀年橫列為四章縱列十二公積而成表以求歷

元三曰歷編舉春秋二百四十二年一一推其朔閏及月之大小而以經傳干支為證佐皆述杜預之說而考辨之四曰歷存以古歷推隱公元年正月庚戌朔杜氏長歷則為辛巳朔乃古

國朝先正事略

卷三十三 經學

十二

歷所推之上年十二月朔謂元年之前失一閏蓋以經傳干支推次知之先生則謂如預之說元年至七年中書者雖多不失而與二年八月之庚辰三年十二月之庚戌四年二月之戊申又不能合且隱公三年二月己巳朔日食桓公三年七月壬辰朔日食亦皆失之蓋隱公元年以前非失一閏乃多一閏因退一月就之定隱公元年正月為庚辰朔較長歷實退兩月推至僖公五年止以下朔閏因一一與杜歷相符故不復續載焉杜預書惟以干支遞排而以閏月小建為之遷就先生明於歷法故所推較預為密蓋非惟補其闕佚並能正其謬舛於考證之學極為有裨治春秋者不可少此編矣又撰春秋戰國異辭五

十四卷通表二卷。摭遺一卷。春秋世族譜一卷。鄒平馬宛斯。駢為釋史兼采三傳國語國策。先生則皆摭於五書之外。尤獨為其難。氏族一書。與顧復初棟高大事表互證。則春秋氏族之學。幾乎備矣。此外尚有禮記分類十七史正誘諸書。今不傳。

國朝先正事略

卷三十三

經學

七

胡東樵先生事略

葉佩孫

黃儀

顧祖禹

先生諱潤。初名渭生。字臚明。浙江德清人。曾祖友信。明進士。有文名。世所稱思泉先生也。父公角。天啟中舉人。先生年十二而孤。母沈。攜之避寇山谷。開十五為縣學生。試高等。屢赴行省試。不售。乃入太學。嘗館益都。馮相國邸。會開博學鴻詞科。相國欲以先生應。詔堅辭不肯就。舉公避嫌。以相國子師。莫敢先發。及見薦牘。無先生名。則又大驚。先生自是謝科舉。專窮經義。尤精輿地之學。徐尙書乾學奉詔修一統志。開局洞庭山。延請黃儀子鴻。顧祖禹。景范。閻若璩。百詩。及先生分纂。因得縱觀天下郡國之書。先生素習禹貢。謂漢唐二孔氏。宋蔡氏。於地理多疏舛。如三江當主鄞康成說。庚仲初之言。不可以釋禹貢。浮於淮泗。達於河。河當從說文作荷。榮波既豬。波當從鄭康成本作播。梁州之黑水。與導川之黑水。不可瀾而為一。乃博稽載籍。及古今經解。考其同異。而折衷之。依經為訓。章別句從。名曰禹貢。雖指凡二十卷。為圖四十七篇。於九州山川形勢。及古今郡國分合同異。道里遠近。夷險。犁然若聚米而畫沙也。漢唐以來。河道遷徙。雖非禹貢之舊。要為民生國計所繫。故於導河一章。備考歷代決溢改流之跡。且為圖以表之。嘗謂詩書禮春秋皆不可無圖。惟易無所用圖。六十四卦。二體六爻之畫。即其圖也。八卦之次序方位。則乾坤三索出震齊巽二章盡之矣。若先後天

國朝先正事略

卷三十三

經學

七

之圖。唐以前書絕無一字符驗而突出於朱初由邵子以及朱子。但取其數之巧合而不能指其授受所從來。本義卷首九圖乃門人所依附。朱子當日未嘗堅主其說。至河圖之象自古無傳。後人何從擬議。洛書之文見於洪範五行九宮初不為易而設。作易圖明辨十卷。又言洪範古聖所傳。漢儒專主災異以醫史矯誣之說。亂彝倫攸敘之經。害一洛書本文具在。洪範朱儒翻為黑白之點。方員之體。九十之位。且謂洪範之理通於易。劉牧以九為河圖。十為洛書。蔡元定兩易其名。害二。洪範原無錯簡。後儒任意改竄。移庶徵。王省惟歲以下為五紀之傳。移皇極。做時五服至作汝用咎。及三德惟辟作福以下為五福六極之

國朝先正事略 卷三十三 經學 五

傳。害三。作洪範正論五卷。又作大學翼真七卷。言經文此謂知本二句。當在止於信之下。知本蓋知止之訛。格物致知與至善釋在邦畿章內。本無闕文。無待於補。皆卓然有得。非異趣以為高者。康熙四十三年。

聖祖南巡先生撰平成頌并禹貢錐指獻諸行在。有詔嘉獎。召至南書房直廬。賜饌。賜御書詩扇。並。編書。養年。篤學。四。大字。賜之。儒者咸以為榮。五十三年正月卒。年八十。有二。從子會恩。從先生學。由進士及第。官至刑部尚書。孫彥穎。官編修。彥昇。進士。出刑部主事。改定陶知縣。著春秋說四書近是叢書要錄。於樂律尤有心得。著樂律表微八卷。同郡葉佩菴。

亦治古易。不言圖書。著易守四十卷。於易中三聖人所未言者。不加一字。故曰守。

黃儀字子鴻。常熟人。精輿地之學。謂班書地志所載諸川第言其所出所入。而中開經歷之地。不可得聞。惟水經注備著之。然非繪圖。不能了然於心目。乃反覆尋究。每水各為一圖。凡郡邑建置沿革。山川險易。皆縷析而條分之。與閻百詩。顧景范同修一統志。蒐討之力為多。

顧景范者。名祖禹。無錫人。學者稱宛溪先生。父柔謙。字剛中。精於史學。著山居贅論一書。景范沈敏。有大略。為人奇貧。而廉介。樸厚。不求名於時。貫穿諸史。出以己所獨見。著方輿紀要百二

國朝先正事略 卷三十三 經學 六

十卷。據正史考訂地理。於山川形勢險要。古今用兵戰守攻取。成敗得失之跡。皆有折衷。雖荒僻幽仄之地。皆如目見。而身履之。其論之最精者。謂天下之形勢。視乎建都。故邊與腹無定所。有在此為要害。而彼為散地。在彼為散地。而此為要害者。又謂有根本之地。有起事之地。立本者必審天下之勢。而起事者不擇地。甯都魏叔子。推為數千百年絕無僅有之書。欽定通鑑要。於地理注中多加采錄焉。

何義門先生事略 沈彤 陳景雲 陳黃中

何先生焯字配瞻晚號茶仙江蘇長洲人先世曾以義門旌學者稱義門先生少讀書數行齊下為文才思橫溢天性最耿介廉於財視千金猶草芥晨炊未具不計也康熙二十四年充拔貢生時徐尚書乾學翁祭酒叔元方收召後進其所善通顯立致先生亦及其門而慎自持遇不趨且相諍執尚書待之甚厚而為忌者所構失歡至辨訟於大府祭酒之子妄人也先生積忤之為所窘及祭酒受要人指劾睢州湯文正公舉朝憤之莫敢訟言其非獨慈谿姜西溟移文譏之先生亦上書請削門生籍天下快焉然先生卒以是潦倒場屋不得志最後為安溪李

國朝先正事略 卷三十三 經學 七

文貞所知四十一年

聖祖南巡駐涿州文貞時撫直隸迎謁道左上從容問野甯有遺賢乎文貞以何焯對遂召試命直南書房明年賜舉人試禮部下第復賜進士選庶吉士仍直南書房尋命侍讀皇八子允禩貝勒府兼武英殿纂修然忌者滋多散館置下等得旨再教習三年明年外艱歸旋丁後母艱初先生選刻四書文行遠集數種及從安溪遊得成宏先輩宗傳復選歷科程墨海內五尺童子皆知其名晚歲益有見於儒者之大原嘗歎王厚齋雖魁宿尚未脫盡詞科習氣而欲然自附於不賢識小之徒欲因文見道以探本於儒術蓋所

得自此益遠矣五十二年再以文貞薦召起闕仍直武英殿明年授編修又明年駕在熱河有構蜚語以聞者上還京先生迎道左即命收繫盡籍其邸中書籍以進交學士蔣公廷錫等檢勘無狂謬語又草稿中有辭吳縣令餽金札上覽之怒漸解且嘉其有守簡數條命內侍詰詰責先生各據實奏辯反報僅坐免官還其書命仍直武英殿方事之殷校尉縛先生馬上馳送獄家人惶怖先生眠食如平時振襟讀易聲出戶外既出獄即趨局校書如故時諸王皆右文朱邸所治冊府多資其校勘世宗皇帝在潛邸亦以因學紀聞屬先生箋疏六十一年病

詔賜醫藥六月九日卒年六十有二

上曰何焯修書勤學問好朕正欲用之不意驟歿殊可閔遂

詔復原官起贈侍讀學士賜金給符傳歸喪命有司存恤其孤先生蓄書數萬卷參互鉤稽如別黑白吳下多書估先生訪講宋元舊槧及故家善本細歸正之丹黃積數十過始知近世之書脫漏訛謬讀者多沈迷於其中而不悟所校定兩漢書三國志考證尤精核乾隆五年侍郎方苞奏取其書付國子監為新刊本所取正先生凡有評識必洞徹其表裏通核其時勢利病無一語無根據每讀書論世輒思為用天下之具故精審絕倫若此書得晉唐人法

聖祖嘗命書四書章句集註奏 御嘉獎 命卽假板所著道
古齋識小錄多刪取諸題識爲之最矜慎繫獄時門人某妄意
中有忌諱語投諸火或謂爲所乾沒云先生與方望溪論文不
甚合望溪最惡錢牧齋文先生頗右之謂自牧齋後更無人矣
蓋少嘗學於邵僧彌僧彌出自虞山也然望溪有作必問其友
曰義門見之否義門能糾吾文之短者如有言乞以告我先
勿後世或用兼金購所閱經史諸本估人多冒其蹟以求售於
是何氏偽書頗雜出邑子蔣維鈞刻其讀書記五十八卷行於
世先生事親孝謹推財產於兄弟待親故貧者咸有恩晚歲落
官入直芻米僕賃不給其廉介自若也門人有才而貧者恆飲

國朝先正事略 卷三十三 經學

食於其家而教之者錄四百餘人知名者三之一吳江沈彤陳
景雲其最著也彤字冠雲一字果堂自少力學以窮經爲事貫
穿前人之異同折衷至常淹通三禮論者謂亞於惠天牧而醇
於萬充宗爲人誠篤盡洗吳中名士習氣乾隆丙辰以諸生
召試鴻詞科不遇與修三禮及一統志書成授九品官以親老
辭歸親歿三年中不茹葷不內寢纖悉中禮其周官祿田考因
歐陽文忠有周禮官多田少祿且不給之疑後人辨者不過以
攝官爲詞冠雲獨詳究周制分官爵公田祿田三篇據經起例
旁求諸注乃適如經之所有其精密淹通於鄭賈注疏外可爲
特出又撰儀禮小疏一卷取士冠禮士昏禮公食大夫禮喪服

士喪禮爲之疏箋足訂舊義之訛又撰春秋左氏傳小疏尙書
小疏各一卷其果堂集十二卷則多訂正經學之文其於禮經
服制足補漢宋以來注疏家所未備又撰氣穴考略內經本論
卒年六十有五景雲字少章年十七湯文正公撫吳試士拔第
一補縣學生康熙中應順天試不遇館於藩邸三年辭歸時年
四十以母老絕意宦遊後藩邸再遣使敦促漕師赫公命淮安
守造廬延請皆堅謝不赴也凡經史子集地理制度下及裨官
家無不綜覽而尤深於史學溫公通鑑略能背誦前明三百年
事能辨其毫芒得失所著讀書紀聞十二卷綱目辨誤四卷
兩漢訂誤五卷三國志校誤三卷韓文校誤三卷柳文校誤三

國朝先正事略 卷三十三 經學

卷文選校正三卷通鑑胡注正誤二卷紀元考略二卷文集四
卷篤於內行親喪每慟輒絕祭必涕泗沾衣外和內剛不因人
熱晚歲名益高跡益晦終年杜門足不踰城市朝齋暮盥處之
怡然也子黃中字和叔號東莊乾隆初應博學鴻詞科不遇乃
縱遊南臨洞庭登衡嶽東浮錢唐入閩北馳驅燕齊河岱聞學
益精爲海甯陳相國所知嘗上書相國論用人理財養兵數大
事鑿鑿切利病無少諱會有 詔求骨鯁魁壘之士如古馬周
陽城者陳公欲以和叔應 詔和叔辭焉初客湖南巡撫幕府
土苗或小警巡撫欲與師勦之屬繕奏草和叔曰此召亂也撫
而輯之其可弗聽和叔行已而苗叛用兵期年乃靖在京師最

善山陰胡稚威稚威故奇士。傲睨當世士。鮮當意者。顧獨為和。叔屈所著。文必以見示。輒為發其蘊。別其良。未嘗不相視而笑也。和叔卒年五十有九。貧甚。至不能庀喪具。姻黨以金賻。妻張氏固卻之曰。柰何以貧故傷夫子。義遂鬻居以葬。所著宋史棄年表督撫年表各六卷。詩文集四卷。

國朝先正事略 卷三十三

經學

主

惠天牧先生事略

惠先生士奇。字天牧。一字仲孺。江蘇吳縣人。父周揚。字元龍。少從徐侯齋遊。復受業於堯峰康熙己未舉。鴻詞科。丁憂不與試。辛未成進士。選庶吉士。改密雲縣知縣。卒於官。惠氏三世以經學著稱。元龍其創始者也。所著有易傳春秋三禮問及詩說其論詩謂大小雅以音別。不以政別。謂正雅變雅美刺錯陳。不必分六月以上為正。六月以下為變。文王以下為正。民勞以下為變。謂二南二十六篇皆房中之樂。不必泥其所指何人。謂天子諸侯均得有頌。魯頌非僭立論皆有依據。先生生時元龍夢貴人來謁視其刺。乃東里楊文貞公。遂以文貞名。名之弱冠為諸國朝先正事略 卷三十三 經學 主

生不就省試。或問之。則曰。曾中無書。焉用試。為於是奮志讀書。不輟。遂博通六藝。凡九經。經文。國語。戰國策。楚詞。史記。漢書。三國志。皆能誦。誦嘗與名流會。坐中有客前請曰。聞君熟於史。漢試為誦。封禪書。先生朗誦終篇。不失一字。合坐皆歎服。康熙戊子舉鄉試第一。明年成進士。選庶吉士。授編修。分校癸巳乙未會試。

聖祖嘗問廷臣誰工作賦。閣學蔣公廷錫以華亭王公頊。翰林和湯公右曾及先生名。對其後湯公掌翰林院。詞臣撰擬文字。皆送先生改定。乃進呈。己亥正月。

太皇太后升祔禮成。特命祭告炎帝陵。舜陵。故事祭告使臣。

學士以上皆開列。先生以編修與焉。異數也。庚子主湖廣鄉試。冬奉督學廣東之命。下車日焚香設誓。不妄取一文。不妄徇一情。頒條教。以通經為先。士能背誦五經。背寫三禮。左傳者。諸生食廩。儼童子青其衿。嘗言漢蜀郡僻陋。有蠻夷風。文翁為蜀守。選子弟就學。遣雋士張寬等。東受七經。還以教授。其後司馬相如。王褒。嚴尊。楊雄。相繼而起。文章冠天下。漢之蜀。猶今之粵也。於是毅然以經學倡。每試士。扃門後。即危坐堂皇。溫經史。繞座背誦。不一字遺。諸生大驚曰。吾屬非人矣。乃一淬於學。

世宗御極復命。留任三年。粵士爭棄兔園冊。通經者愈多。其為文章。郁郁萃萃。比於江浙矣。又謂今之校官。古博士也。博士

國朝先正事略 卷三十三 經學

三

明於古今。通達國體。今校官無博士之才。弟子何所效法。因訪輿論。得海陽進士翁廷賓。即具疏題補韶州教授。部議學臣向無題補屬吏例。奉旨。惠士奇官聲好。著照所請。行後不為例。在任遷右中允。超擢侍講學士。轉侍讀學士。任滿還都。送行者如堵。牆既去。粵人尸祝之。設木主。配食先賢。潮州於昌黎祠。惠州於東坡祠。廣州於三賢祠。每元旦及生辰。諸生皆肅衣冠入拜。其得士心如此。丙午還朝。丁未五月。奉旨。修理鎮江城。以產盡停工罷官。

高宗即位有旨。調取來京引。見以講讀用。所欠修城銀。得寬免。丁巳六月。補侍讀時已垂老。耳漸聾。已未春。以病告歸。辛

酉三月卒。年七十有一。先生盛年兼治經史。晚年尤邃於經學。撰易說六卷。禮說十四卷。春秋說十五卷。其論易曰。易始於伏羲。盛於文王。大備於孔子。而其說猶存於漢。不明孔子之易。不足與言。文王不明文王之易。不足與言。伏羲舍文王孔子之易。而遠問庖犧。吾不知之矣。漢儒言易。孟喜以卦氣。京房以適變。荀爽以升降。鄭康成以爻辰。虞翻以納甲。其說不同。而指歸則一。皆不可廢。今所傳之易。出自費直。費氏本古文。王弼盡改為俗書。又創為虛象之說。遂舉漢易而空之。而古學亡矣。易者象也。聖人觀象而繫辭。君子觀象而玩辭。六十四卦皆實象。安得虛哉。其論春秋曰。春秋三傳。事莫詳於左氏。論莫正於穀梁。韓

國朝先正事略 卷三十三 經學

三

宣子見魯春秋曰。周禮盡在魯矣。然則春秋本周禮。以記事也。左氏褒貶。皆春秋諸儒之論。故記事皆實。而論或末。公羊不信國史。惟篤信其師說。師所未言。則以意逆之。故所失常多。要之左氏得諸國史。公穀得之師承。雖互有得失。不可偏廢。後世有王通者。好為大言以欺人。乃曰。三傳作而春秋散。於是啖助。趙匡之徒。爭攻三傳。以伸其異說。夫春秋無左傳。則二百四十年。盲焉如坐闇室中矣。公穀二家。即七十子之徒所傳之大義也。學者當信而好之。擇善而從之。若徒據孟子盡信書不如無書之說。力排而痛詆之。吾恐三傳廢而春秋亦隨之而亡也。其論周禮曰。禮經出於屋壁。多古字古音。經之義存乎訓。識字審

音乃知其義。故古訓不可改也。康成注經皆從古讀。蓋字有音義相近而譌者。故讀從之。後世不學。遂謂康成好改字。豈其然乎。康成三禮。何休公羊。多引漢法。以其去古未遠。故借以為况。賈公彥於鄭注如飛矛扶蘇。薄借蔡之類。皆不能疏。所讀之字亦不能疏。輒曰從俗讀。甚非不知蓋闕之義。夫漢遠於周。而唐又遠於漢。宜其說之不能盡通也。况宋以後。乎。周秦諸子。其文雖不盡雅馴。然皆可引為禮經之證。以其近古也。幼時讀廿一史。於天文樂律二志。未盡通曉。及官翰林。因新法究推步之原。著交食舉隅二卷。言測日食者。先求食限。食限必在兩交。去交近則食。遠則否。有入食限而不食者。未有不入食限而食者也。

國朝先正事略 卷三十三 經學二

三

古法不能定期。故日食或在晦。說者謂日之食晦朔之間。月之食惟在望。此知二五而不知十也。日月有平行。有負行。有視行。日月之食亦有實食。有視食。實食者。日月在天相掩之實度。視食者。人在地所見之初虧。食甚復圓也。古術或知求實行。莫知求視行。皆知求平朔。莫知求實朔。故不能定期者。以此。七政有高卑。故有恆星。天有五。星天有日。天有月。天古人以恆星最高。遂指恆星為天體。新法於恆星天之外。又有宗動天。合於九重之數。宗動者。七政之所同宗也。沈括謂日月星辰之行。不相觸者。氣而已。此不知歷象者也。如日月有氣而無體。則月焉能掩日哉。日高而月下。五星亦有高下。高下既殊。又焉能相觸乎。春

秋日有食之既。既者有繼之辭。非盡也。新法謂之金錢食。日大月小。月不能盡。掩日光。故全食之時。其中闕然而光溢於外。狀若金錢也。又撰琴瑟理數考四卷。其略云。十二律。黃鐘至小呂。為陽。蕤賓至應鐘。為陰。陽用正。而陰用倍。蕤賓長。小呂短。黃鐘中。自古相傳之舊法也。晉永嘉之亂。有司失傳。梁武帝始改舊法。黃鐘長。應鐘短。小呂中。由是陽正陰倍之法絕。漢魏律。遂小呂一均之下。徵調。黃鐘為宮。有小呂。無蕤賓。故假用小呂為變徵。黃鐘遂之。黃鐘宮為正宮。小呂遂之。黃鐘宮為下宮。徵最小。而以為宮。故為下宮。隋鄭譯。遂以黃鐘正宮。當之。擅去小呂。用蕤賓。以附會先儒宮濁羽清之說。夫宮濁羽清者。指下徵調而

國朝先正事略 卷三十三 經學

美

言。譯改為正宮。是以歷代之樂。皆患聲高。隋唐以來。惟奏黃鐘一均。而旋宮之法廢矣。古法盡亡。獨存於琴。遂遂孔疏。密取則琴。暉琴之十二律。起於中暉。遂之七音。生於宮。孔黃鐘。遂從宮。孔黃鐘。始一上一下。終於蕤賓。琴自中暉。黃鐘始一左一右。終於十暉。小呂餘。遂及琴。放此書成。惟嘉定王進士恪見而喜之。餘皆莫能解也。所著詩有紅豆齋。小草詠。史樂府。及南中采蓴歸耕人海諸集。晚年自號半農居士。學者稱紅豆先生。子七人。棟最知名。自有傳。

陳亦韓先生事略 崇德晉

陳先生祖范字亦韓自號見復江蘇常熟人少習舉業有師法
雍正元年黃侍郎叔琳典試江南所取皆一時名士先生與嘉
定張公鵬翀宜興任公啟運當塗徐公文靖才尤高試文傳頌
遍海內其秋試禮部中式同邑蔣文肅廷錫方為大學士語之
曰子有盛名登甲榜而某又在朝今歲大魁非子而誰先生默
然趨出即辨裝南下語人曰無使他日以我為依附權門遂不
與殿試歸明年補行正科親朋皆勸赴廷對先生曰吾少
無溫飽之心徒自苦奚為及今尚可止過此則義不當止勢又
不得自止矣於是傲塵華匯之濱槌戶讀書弟子著錄者日眾

國朝先正事略卷三十三 經學

三

閒與吟社諸老唱和月一譙集居數年有詔天下設書院以
教士諸大吏爭先延請為師先生勉應之在蘇州紫陽書院三
年訓課有法士子至今思之又主徐州之雲龍安慶之敬敷揚
州之安定或一年或二年輒辭去曰士習難醇師道難立且此
席似宋時祠祿仕而不遂者處焉吾不求仕而久與其列為汗
顏耳乾隆十五年

天子崇尚經術特詔內外大臣薦舉經明行修之士秦文恭
蕙田昌言曰不得陳某則此舉為無光於是雅知先生者交章
列薦明年

上命閣部大臣於所舉中核其名實允孚者得四人先生哀然

居首其三人則無錫顧棟高金匱吳鼎介休梁錫璣也得旨
皆授國子監司業先生與顯公以年老不任職即家拜受新
命朝野咸以為異數云又三年卒於家年七十有九所撰述有
經咫一卷膺薦時錄呈御覽又文集四卷詩集四卷掌錄二
卷先生於學務求心得不喜馳騁其說與古人爭勝尤恥剽襲
成言為己有蓋合於論語之君子儒焉其論易不取先天之學
謂易本隱以之顯學易者務舍顯而求隱未求文字先觀圖象
且帝出乎震一節方位顯然以數往知來為先天圖之注腳未
免牽合儒者於經所無則信之於經所明言則疑之何也論詩
謂朱子不信小序是其慎處亦即其師心自用處詩之體格古

國朝先正事略卷三十三

三

今不同作詩之故亦古今不同古時君民朝野不若後代之間
絕指陳時事幾切宮闈不若後代之忌諱朱子以後代詩人之
習上觀三百篇故於小序覺其迂闊牽強而難信也謂論語賢
賢易色主夫婦而言賢賢如關雎之淑女好逑車牽之令德來
教好德非好色故云易色也造端夫婦其理甚大若賢人之賢
則交友一倫已括之矣又言世俗有非禮之禮三承重也繼嗣
也葬服也古者人子有為父後不為父後之分漢時詔令尚云
賜為父後者爵一級為後者承爵祿奉宗祀而傳之以重者也
應為後之子亡則適孫承之而謂之承重今士大夫不世爵既
無重可傳而漫於喪訃立長孫承重之條遂駕名諸父之前禮

果然乎哉古之為人後者後其繼別之宗耳宗不可絕是以後之若餘人無子不皆立後其資財入宗子之家以宗子祭無後故也自宗法廢而收族之道亡資財無所入勢必立其近屬以奉祭祀然風俗澆薄無資財者委而去之稍有絲粟之貽即攘臂而爭此禮所稱為人後者與債軍之將亡國之大夫同其可恥者也古之葬有常期過期而不能葬則主喪者不除服改葬則總者不可以無服送至親也今葬無常期遠者至一二十年為子者不能守未葬不除之禮即吉已久忽焉返其初喪之服而葬是以偽事其親也喪事有進無退不亦舛乎必不得已假用改葬之總事畢而除之或亦亡於禮者之禮也又與人論史

國朝先正事略 卷三十三 經學 三

記謂班孟堅譏子長先黃老而後六經此子長述其父說則然其所撰五帝本紀贊首推尚書列傳開端云載籍極博猶考信於六藝可謂之後六經乎列老子於申韓而進孔子為世家稱老子不過云古之隱者而於孔子曰可謂至聖矣至聖之稱至今用為廟號匹夫而躋世家即世襲封之兆也弟子七十餘人合為一傳即堂廡從祀之端也以孟荀表諸子又隱然以孟子為主韓退之荀孟醜疵之辯子長已有先覺竊謂孔氏之道得子長而始定一尊雖從祀廟庭亦不為過而班氏譏之不能不為之白也同縣王侍御峻顧主事鎮孫主事夢達湯進士愈先後游其門皆知名又有蔡先生德晉者字仁錫無錫人也

正四年舉人乾隆初楊文定公名時以大宗伯兼領成均薦仁錫經明行修授國子監學正遷工部司務生平覃精三禮著禮經本義十七卷禮傳本義二十卷通禮五十卷雖開出新義然大指悉衷諸古嘗謂橫渠以禮教人最得孔門博約之指故其律身甚嚴出處辭受皆不苟與方侍郎苞李侍郎絳往返論三禮其持論悉有根據

國朝先正事略 卷三十三 經學 三

臧玉林先生事略 臧禮堂

臧先生琳字玉林江蘇武進人康熙開補縣學生其學謂不遜
訓詁無以明經治經當以漢唐注疏為主著經義雜記三十卷
尚書集解百二十卷別白精審實事求是未嘗輕詆前哲至於
詩禮二經王肅私竄以難鄭氏者尤能推見至隱閩百詩見其
書歎其精確稱為隱德君子先生元孫庸學於慮抱經學士學
士校經典釋文見先生書多引其說庸字拜經初名鏞堂性沈
默樸厚學術精審著拜經日記十二卷拜經堂文集四卷又嘗
輯月令雜說一卷孝經考異一卷樂記二十三篇注一卷又輯
子夏易傳一卷詩考異四卷韓詩遺說三卷訂謬一卷盧植禮

國朝先正事略 卷三十三 經學

記解詁一卷爾雅古注三卷說文舊音考三卷蔡邕明堂月令
章句一卷王肅禮記注一卷聖證論一卷帝王世紀一卷尸子
一卷賈堂國語注一卷蕭該漢書音義二卷校鄭康成易注二
卷皆有補於遺經庸弟禮堂字和貴少溺苦於學家貧無僕役
躬執爨以養父母父病瘵畏寒惡火和貴每夕身溫其被父喪
三日不食三年不入內母疾割股以進禱於神請減壽一紀以
益母母愈而和貴竟天矣年止三十其初娶也懼婦不能孝其
親作七言辭以教婦婦至使人抗聲誦俾立聽畢而後合卷朱
文正公嘗稱其文行阮文達撫浙聘襄詁經精舍以持服避之
許冠墨纓方入使院友于兄弟有過則諫必改乃己好許氏說

文者說文引經考十三卷段君玉裁王君引之皆歎其精確又
嘗錄傳記孝子孝婦孝孫諸節行凡數百卷尤有裨於倫紀云

國朝先正事略 卷三十三 經學

三